


Princeton University Library



32101 075614881



Ibrāhīm Haqqī

ابراهيم حقی

تاریخ سید محمد علی

مکتب عالی حقوقہ تدریس اہلک اوزرہ
ترتیب اولمشر

جلد اول 3-1-7

صاحبزادی

(قرابت و قضبان)

معرفی نظارت جلیہ سنک رخصتیاہ

تاریخ سید محمد علی

(قرابت و قضبان) مطبعہ - باب عالی جادہ سندہ نومرو ۲۵

۱۳۰۵

مؤلفك سائر مطبوع اثرلى

مدخل حقوق بين الدول — حقوق بين الدول
علمك بر مقدمه سى مقامنده اولوب علم حقوق ايله حقوق
دولك تعريفات و تقسيماتندن و صلح دائمى تصور ايله حقوق
دولك حال حاضرندن باحثدر .

فيأتى ۷ - غروش

تاريخ حقوق بين الدول — تاريخك الك اسكى
زمانلرندن برلين معاهده سننه قدر بو علمك بالجمله ترقياتندن
و معاهدات و محاربات مشهوره ايله حقوق دول مشاهير علماسندن
و آثار معروفه لرندن باحثدر .

فيأتى ۱۰ - غروش

افادۀ مخصوصه

بندکان صادقۀ ہما یونلرندن بولنمقلہ مفتخر اولدیغیمز
شوکتلو ولی نعمتمز افسدمنز حضر تلرینک یوم مسعود
جلوسلرندنبری وطنمزک اکتساب معارف امرنده
نائیل اولدینی ترقیاتک درجه سنی ایضاحہ احتیاج
یوقدرہ بوروز فیروزدن اقدم مملکت مزده علوم عسکریہ
وطیہ دنمعدا اقسام معلومات بشریہ ایچون درجہ
عالیہ ده تحصیل همان مفقود ایکن شمسی سایہ
معارفواہیہ حضرت ملوکانہ ده پایتخت سلطنت سنیہ
متعدد مکاتب عالیہ ایلہ ترین ایتمشدرہ بوجملہ دن
بولنان مکتب عالیہ حقوقده تدریسنه مأمور بیوردیغیم
تاریخ عمومی درسلرندن تشکل ایدن اشبو تالیف
کترانہ نشر معارف امرنده کی آمال ترقی اشتمال
حضرت خلافتیناھی یه وبو آمال سنیہ نک تمامیہ
حصولنہ مصروفیہ ہمہ دولتاری نظر شکرانلہ مشہود

2070
4942
389

اولان معارف ناظر معالی مظاہری دولتو منیف
پاشا حضرتلرینک افکار معرفت پرورانہ لرینہ عاجزانہ
بر اثر متابعت اولق اوزرہ میدان انتشارہ وضع
اولنمشدرہ اثرک مکتب عالی مذکور پروگرامنہ
موافق اولق اوزرہ مکملیت ممکنہ سنہ دقت ایدلش
ایسہدہ ہر حالده بحسب البشریہ وقوعی ضروری اولان
خطیئاتک معذور طوتلمسی ایچون اصحاب مطالعہنک
لطف ومرتلرینہ مراجعت اولنور .

ابراہیم حق

تاریخک تعریف و تقسیمی

باقونک تعریفی . تاریخ عمومی . تاریخه معاون اولان علوم . حکمت
تاریخ . تاریخک نفعی . تاریخک منابعی . آرکه اولوزی . تاریخک
وسعت حاضره سی . مبدأ تاریخ . قرون نلته .

تاریخ انگلیز مشاهیر حکما سندن باقونک تعریفی وجهله
« ملل واقوامک حیاتلرینی تشکیل ایدن وقایعک حکایه سیدر .
وقایع منفرده دن بونلری اداره ایدن قوانینی وسبب حدوتلری
اولان اسباب معنویه بی تعیین وایضاح ایده بیلک مرتبه سنه بو علم
اعتلا ایدر » .

تاریخ عمومی نوع بشرک بالجمله احوال ماضیه سنی تدقیق
واتیان ایدن علمه اطلاق اولنور شوومعناى وسیعی نظر دفته
آلندیغی حالده بشریتله آزچوق تعلق بولسان وقوعاتی کافه
مشتمل اولسی طبیعی کورینور سده بو صورتده دائرة تدقیقاتی
الی نهایته توسع ایده جکندن وقایع صحیحه ابله شایان تذکار
اولان احواله حصر تبعات ائلسی ضرور یاتندندر .

تاریخ معلومات بشریه نك جمله سنی دائرة تدقیقاته ادخال
ایلمدیکندن بالجمله علوم وفنون ایله روابط و مناسبتی حازدر .
باخصوص جغرافیا ایله آثار عتیقه و السنه فنلری و کره ارضك
ازمنه قبل تاریخیه ده کی تحولاتی بیلدیرن علم طبقات الارض
و مساحت زمان قواعدینی تعیین ایدن اصول تقویم تاریخه معاون
اولان علومدن معدود درلر .

تدقیقات ذهنیه نك قواعد اساسیه سنی محتوی بولمقی
جهتیه اهم اولان علم حکمتك دخی تاریخه مدار کلیسی اولوب
وقایع تاریخیه بیننده کی روابط و مناسباته و بونلردن استدلالاً
استحصال ایدیلان معلومات عمومیه و شامله یه حکمت تاریخ
اطلاق اولنور . حکمت تاریخ تاریخك ائ فائده لی بر قسیمدر .
تاریخدن هر صنف خلق استفاده ایدر هیچ بر کیمسه
معلومات تاریخیه دن استغنا کوسستره من باخصوص امور
دولته بولنانلره دیپلوماسی طریقه و یا خود علوم سیاسییه
واجتماعیه تحصیلنه سالک اولانلرک تبعات تاریخیه احتیاج
لری پك زیاده در .

تاریخك منابعندن ائ مهمی آثار مضبوطه یعنی کتابلر ایله
قدیم هیكلر و بنالرده بولنان خطوطدر . منقولاتك یعنی ازمنه
قدیمه وقایعنه متعلق بابادن اوغله تواتراً انتقال ایدن قصص
و روایات ایله قدیم ملی شرقیلر و بعضی ضروب امثالک
تاریخجه قیمت عظیمه لری واردر . آثار عتیقه نك یعنی اسکیدن

رأس تاریخ

قاله بنار وهیکلر واسلحه وسائر بالجمله مصنوعات ومعمولاتک
دخی اهمیتری زیاده در؛ زیرا بونر منسوب اولدقلمری قومک
درجه مدینته، ترقیات صنایعه سنه وحتى بعضاً مزیات اخلا.
قیه سنه برهاندلر. ازمنه قدیمه حقیقه کی معلومات تاریخیه
اکثرأ بوکبی آثار قدیمه وخطوط عتیقه دن استنتاج ایدلکنده
اولوب آثار عتیقه حقیقه کی تدقیقات زمانزده آرکه اولوژی
نامیله برفن مخصوص حاله کیرمشدر.

تاریخ عمومینک حال حاضرری نوع بشری کاملاً احاطه
ایده ماکنده در اجناس بشردن ساده قفقاس نسلنک احوال
تاریخیه سی (اوده قسماً) معلوم اولوب جنس اصفرک ادوار
قدیمه سی حقیقه کی معلوماتز جزئی وجنس اسود واجرحقیقه
ایسه همان بالکلیه مقوددر. حالبوکه اجناس مذکورنک
بعض اقوامی زندنده پک اسکی برمدنیت موجود بولندیبغی
دلایل عتیقه ایله ثابت اولمشدر. جنس ایضدن بیله برچوغنک
سوابق معلومه تاریخیملری خرافات قیلندن شیردر. مع مافیله
زمانزده اجرا ایدیلان متعدد سیاحتلر وحفریات وتحریات
اجناس بشر حقیقه کی معلوماتز آر تدردیغی کبی پیدربی
بولنان آثار عتیقه وخطوط قدیمه نک کشف معاینه حاصل
اولان موقیت تاریخ قدیمک دائره سنی توسیع ایلکنده در.
وقایعک زمان وقوعلربی اکا نسبتله یاد ایلک ایچون
هرمنجه بررأس تاریخ الخاند اولنمشدر. اقوام نصارا

حضرت عیسیٰ علیه السلام و لادتلیزینی رأس تاریخ اتخاذ
ابتدکاری کبی اهل اسلامجه دخی حضرت رسول اکرم
افندمژک مکة مکرمه دن مدینه منوره به هجرت شریفه لری
رأس تاریخ اتخاذ ایلمشدرکه بوده میلادک ۶۲۲ نجی سنه سنه
مصادفدر .

موسویلز زنده خلقت عالم رأس تاریخ اتخاذ ایلمشده
بونک مبتدی لایقبیله معلوم اولماسی حسینیه استعمالی داعی
مشکلاندر . یونانیلر وقایع تاریخیه لرینی درت سنه ده برکلان
اولیپاد تاریخندن ورومالیرده روما شهرینک تأسیسندن
حساب ایدرزدی .

تاریخ عمومی قرون اولی ، قرون وسطی و قرون جدیده
نامرله اوج قسمه تقسیم ایلمشدر . قرون اولی خلقت آدمدن
روما ایمپراطورلغنک انقراضنه (قبل الهجره ۱۴۶) قدر
اولان وقایعی ، قرون وسطی رومانک انقراضندن شرقی روما
یعنی بیزانس حکومتک انقراضنه (استانبولک عثمانیلر طرفندن
فنگی : بعد الهجره ۸۳۱) قدر و قرون جدیده دخی فتح
قسطنطنیه بی متعاقب زمانره قدر اولان وقوعاتی محتویدرلر .
اشو اقسامی پک بیوک و مهم وقوعات تقریبی ایلکده در .
شویله که جرمان اقوامنک جنوبی اوروپایه هجوملرله روما
ایمپراطورلغنک محوی و اوروپا حکومت جدیده سنک تشکیلی
و مؤخرأ دخی دین مبین محمدینک ظهور و انتشارله رومانک

شرق و غرب بیننده حصوله کنیرمش اولدیغی رابطه و اتحادك تماماً از اله می قرون وسطی بی قرون اولی دن آیرمقده و قرون وسطی ده قسطنطنیه نك دولت ابد مدت عثمانیه انه پكمسیله حكومت سنیه نك اوروپاده تأسس و تقرری، آمریقا نك و هند یوللرینك كشیفی، صنعت طباعتك ایجاد و انتشاریله باروت استعمالنك شیوعی و دور متوسطك ایکی اساس رصینی اولان دره بلك اصولنه و قاتولیک کلیسامی وحدت مذهبیله سنه خلل کلیسی و قابع عظیمه سیله رهین ختام اولمقده در .

خلفت و طوفان و انسال بشر

خلفت عالم حقنده کتب مقدسه قوی . خلقت آدم علیه السلام . ایلك كناه . قایل و هایل . ذریت حضرت آدم . حضرت نوح علیه السلام و طوفان . اولاد نوح و انسال بشر . نمرود و سورالسنه .

خلفت عالم حقنده کتب مبعوثه مقدسه دن بشقه یرده معلومات اولیوب زمانمز علماسنك بو باده کی افادات فیه لری هنوز ظن و تخمین دائره سنی تجاوز ایده مامکنده در . تورات شریف مألنه نظراً جناب واجب تعالی حضرت تبری قدرت صمدانیه سیله بو عالمی بوقدن وار انلش و امر خلقت یدی کون

ظرفنده وجوده ککشدرد . تاریخ خلقت صحت اوزره معلوم اولیوب بنی اسرائیل هجرت نبویه دن بر قاج بیک سنه مقدم وقوعی قبول ائلمشسه ده فنون جدیده و بالخاصه طبقات الارض عننک ویردکاری معلوماته نظراً کره مرکز خلقتی زمانی بوندن بک چوق زیاده و عاداتا یوز بیکر و بلکه ملیونلرجه سنه اولمق احتمالی وارد خاطر در .

جناب حق نوع بشر دن ایلك اوله رق حضرت آدم علیه السلامی راتمشدر مؤخرأ حضرت آدمه رفیقسه اولمق اوزره حضرت حوادخی خلق ایدیلوب بالجمله نعم الهیه دن مستفید بولنلری امریله ایکیسیده جنت اعلا ده اقامت ایتدیرلمشدر یالکز شجره منوعه نك میوه سنی اکل ائلملری تنبیه اولندیغی حالده شیطان لعینک اغواسیله اولا حضرت حوا و صکرده حضرت آدم امر الهی به مغایر حرکتده بولندقلرندن جزا اولمق اوزره جنت دن طرد ایدلمشدر وارضه ایندکدن صکره اظهار ندامت و پشیمانی ایلدکلرندن عفو ربانی به مظهر وعموم نوع بشره پدر و مادر اولمشدر .

حضرت حوادن تولد ایدن چوجقلر بری قز و بری ارکک ایکیز اوله رق طوغارلر و ذریتک چوغالمسی ایچون هر ارکک چوجق دیگر برادر یله توأم اولان همشیره سنی تزوج ایدردی . شوقاعده به توفیقاً اولاد آدم دن هابیلک برادری قابیلک توأمی اولان قزله ازدواجی و قابیلک ده هابیلک قرداشنی آلمسی لازم

کلبوردی . حاله و که قایل غایت کوزل بولسان همشیره سنی
 هابله و برمیوب کنندی آلمق آرزوسنه دوشدیکندن سائقه
 حسدله برادرینی قتل ایلش ونوع بشردن ایلك دفعه اوله رق
 قتل فضیحه سنی ارتکاب ایدن بو عاصینک ذریتی دخی بغی
 وفسادده دوام ایله جزای ربانی اولمق اوزره پک چوق
 فلا کتلمه دوچار اولمشدر . آدم علیه السلام اولادندن
 شیت (ع) طریق زهد وصلاحه سالک بولمغله رتبه رسالته
 تائل اولمش و احفادی دائماً طوغریلغه سلوکه تمیز ایلشدر .
 آدم علیه السلام از تحالرنده ذریتری قرق بیک نفوسه بالغ ایدی .
 برمدت صکره اولاد آدم بیه فسق و فجوره طالارق
 اوامر الهیه عدم اطاعتده بولندقرندن با امر ربانی قرق کون
 قرق کجه فوق العاده یاغورلر یاغارق بیوک برطوفان وقوع
 بولمش و ارباب عصیان کاملاً محو و هلاک اولمشدر . ساده
 اولاد شیتدن حضرت نوح علیه السلام قبل الطوفان ووحی
 الهیه توفیقاً بر سفینه انشا ایدوب جزئی المقدار اولان مؤمنین
 و اوج اوغلری ایله برلکده بنمشل و ارض اوزره حیات منطقی
 اولماق ایچون انواع حیواناتدن بر چفت آلارق چقمشلردر .
 سفینه نوح صولر چکلدکن صکره برطاغ تپه سنده قالبوب
 دروننده بولسانلر قرهیه چقمش ونوع بشر تکرار حضرت
 نوحک یافت و سام و حام اسمنده اولان اوج اوغلی ذریتندن
 اوله رق چوغالمشدر .

قفقاس جنسی یافتک جنس اصفر سامک و جنس اسود
 حامک ذریقی عد اولنورلر . جنس ایض بری سامیلر (یعنی
 عربلر، یهودیلر و قدیم سوریه اقوامی) و دیگرکی هند و اوروپا
 اقوامی اولوق اوزره ایکی بیوک نسله تقسیم ایدلکده در .
 سامیلر من قدیم جزیره العرب و سوریه طرفلرندہ متمکندرلر .
 هند و اوروپا اقوامنک مهد انتشاری ایسه هند و کوه جبالی
 و ایران یایلامی اولدیغی و اورادن بر قسمی هندستانه مهاجرت
 ایدلیکی کبی بر چوغیده اوروپا کلدگری مذنوندر .
 آریا اقوامنک اوروپا نقلمی اوج مختلف دورده وقوع
 بولهرق برنجیده سلتر ایکنجیده لاتین و جرمانلر و اوچنجیده
 اسلاور هجرت انلشدردر . هر حالده هند قدیمده لسان مقدس
 اولان سانسقریت لسانی ایله ایران و اوروپا لسانلری آره سنده
 مشهود اولان مشابہت اساسیه بومهاجرتک صحت وقوعنه
 بدلیلدر . آمریقاده کی اهالی اصلیه نکه ده جنس اصفره
 منسوب اولدقلمی مذنوندر .

اقوام قدیمده دن مصریلر، حبشلیلر، قدیم کلدانیلر نسل حامه،
 آثوریلر بابل و کلدانستان حکومت اخیره سی اهالیسی و بنی
 اسرائیل نسل سامه و مدیالیلر، فارسیلر، یونانیلر، و عموم اوروپا
 اقوامی نسل یافته منسوب عد ایدیلورلر اساساً هر قومک
 صفات جبهیه و بدنیه و حتی اخلاق و خصائص عقلمیه سی بولندیغی
 مملکتک احوال طبیعیه سنه کوره تغیر پذیر اولهرق آیری

برلده ساکن اولان وعینی جنسدن بولنان اهالی مرور زمانه
 بینلرنده علاقه مشابیهت بولنه میه جق حاله کلدکاری وتفریق
 جنس خصوصنده لسانک دخی مقیاس صحیح اوله میه جغی
 درکار اولغله بوتقسیماتک حکمی قطعی عد ایبله مز .

طوفانی متعاقب نوع بشر تکثر وحکومات عدیده تشکیل
 ایلمشده معلومات تاریخیه مفقوددر . تورات شریف مألنه
 نظراً بعدالطوفان کلدانستان طرفلرنده جمعیت وفیره حاصل
 اولوب بولرینه کرپوه ضلالتنه دوشمشلر وبابله اجرای
 حکومت ایلمکده بولنان نمرود سمایه قدر ایریشه رک حاشا
 عظمت الهیده قارشورقابت فکر باطلیله بابل شهرنده
 ضایت جسیم برقله انشاسنه قالفشمشده بامرربانی انشاآنده
 مستخدم افراد عمله بشقه بشقه لسانلره تکلمه باشلامغله هربری
 بریره طاغیلوب السنه مختلفه بو صورتله وجود بولش وقله
 صاعقه لاله هدم ایلمشدر .

ایشتمه ملل والسنة مختلفه نك ظهوری کتب مقدسه ده
 بووجهله ایضاح ایلمکده اولوب هر حاله مبادی احوال
 بشری توضیحدن تاریخ عاجزدر ومعلومات تاریخیه ابتداسنده
 اقوام قدیمه نك قسم اعظمی برلشمش وبرطاقم حکومت تشکیل
 ایلمش اولدیغی حاله کورلمکده در .

برنجی کتاب

—

شرق اقوام قدیمہ سی

فصل اول

شرق آسیا

۱

چین

چینک موقع جغرافیسی . چین مدینتک قدیمی . چینلیلی .
فوهی . فو . فونفوچیوس . چین مدینتی . مشهور سلاهلر .

چین قطعہ سی موقع جغرافیسی ایجابجه آسیانک ممالک ساثره
سندن بسبتون تقریق ایدلمشدر شمال جنوب و غرب جهتلی
صعب المرور طاغیر و شرق جهتی دخی دکزایله محاط بولمقله
موقعنک ایجاب طبیعیسی ممالک ساثره ایله مناسبات دائمه حصولنی
مشکلشدر مشدر .

تاریخجه معلوم اولان مدینتک ال قدیمی چین مدینتی در
کی کورینور چینلیلرک کندی روایتلرینه باقیلورسه حکومتلرینک
تأسسندنبری اوچیوزیک سنهیه قریب زمان مرور ایتیش اولمسی
اقتضا ایدرسده بوروایتک پک مبالغهلی اولدیغی بدیہی و مدینت
مذکورہنک قدیمی اولسه اولسه اوتوز قرق عصردن عبارت
بولمسی قویاً محتملدر .

چینلیلر جنس اصفرک اک بیوک تقسیماتندن بری ایسه لرده اولادیاقتدن اولدقلری دخی روایت ایدیلور بونلر چین قطعده سنه تیت صحراسندن هجرت ایدرک هوانغ هو وکیانغ نهرلری یلنده کی اراضیده اسکان ایشلدر . آسیا اقوامندن بر قسمنک ینه تاریخجه غیر معلوم بر زمانده هنده هجرت ایش اولملری وتیت صحراسنک هندوکوه جبالنه قریبتی شایان دقتدر .

چینلیلرک روایتلرینه نظراً چین اهلای متفرقه سنی اک اول بر نظامه ربط ایدرک حکومت منظمه حالنه قویان، ذراعت و تجارت و صید و شکار و اصول ازدواجی تعلیم ایدن ذات هجرت نبویه دن ۳۵۷۵ سنه مقدم بر حیات اولان فوهی نام حکیمدر فوهی یازی ابله موسیقی دخی تعلیم ایدوب وحدانیت الهیه اساسنه مسند بر مذهب احداث و نشر ایشلدر .

فوهیدن صکره فو نامنده دیگر بر حکیم کله رک (۱۶۴۹ - ۱۵۸۹) روحک ابدینی و مکافات و مجازات اخرویه بی مصدق بر مذهب نشر ایشلدر فو حکیمک هندستاندن مؤخرأ کلان بوددا اولدیغی بعض مورخلرجه مظنوندر .

چینک اک بیوک واضع قانونی قونفوجیئوس (۱۱۷۳ - ۱۱۰۱) در قونفوجیئوس کرک ادبیات و کرک حکیماتجه بر موقع متمتازی حاز اولوب بر اقدیغی آثار چینده حالا ایادی اعتبارده کز مکده و حتی بر طاقی اوروپا لسانلرینه بیله ترجمه ایدلکده در . قونفوجیئوس اهلینک تهذیب و اصلاح اخلاقنه

پک چوق چالشمش و آثارنده بونقطه بی نظر اعتبارده طوتارق
اسکی چینلیک فنائیل اخلاقیه لرینی واجب الامتثال بر درجه ده
کوستر مکه صرف مقدرت الملشدر . چینده هر درلو مأموریشه
دخول حالا مسابقه امتحانلریله وقوع بولوب الشیوک امتحانلرده
قونفوجیئوسک آثارینه منحصردر .

قونفوجیئوسک اعتقادات دینی می وحدانیت ربانیه بی
مصدق اولوب حالا بالجمله چین اکبری بومذهبده درلر . اهالی
ایسه کلیتله فو ویاخود بوددا مذهبلینه منسوب اولوب بوده
اساساً وحدانیتی تصدیق و اسارتک الغامی کذب قتال و مرفقتک
حرمتی کبی پک چوق قواعد اخلاقیه بی تأییدالملکده ایکن مرور
زمانله عادی درجه ده برینپرستلکه منقلب اولمشدر . چینده دین
مبین محمدی دخی خبلی انتشار الملشدر .

چینده مدنیت نه حالده ایسه اوصورتده قالوب همان هیچ
ترقی ایتماشدر اساساً وحدانیت بارییه مستند ایکن صکره لری
بالجمله قوای طبیعیه و موهومه یه پرستش (یعنی Fétichisme)
حاله کلان مذهبلیری حالا اوحالده قالمشدر . لسانلری دنیانک الک
اسکی آثار ادبیه سنی محتوی ایکن حالا السنه ننگ حال ابتدائیسنده
یعنی برهجمالی الفاظ ایله مملودر . اصول تحریر الک اول چینده
ایجاد اولمش ایکن بوده اشکال مرئسمه حالندن چیقماماش
وهنوز حروف هجا قبول و استعمال اولنده مامشدر . قرق عصر
لق برمدینتک بویله بلانحول قالیورمی شایان تعجب بروقعه

تاریخچه در . بومدینتک خیلی ایلولوش اولدیغی بوصوله وطباعتك
 اختراعی وباروتک اعمالی کبی کشفیاته مظهریتله دخی اکلاشیله
 بیلورقط اهالی* چین بوصوله استعمالی ایله سیرسفائی ایلولوتکه
 باروت ایله اسلحه ناریه اعمالنه وطباعته اویمه قالبیری ترك ایدرک
 حروف متحرکه ایجادینه موفق اوله مامشله واساساً موجودکندو
 لری ایکن بوصوله یعنی بنه اوروپالوردن اوکرنمشلدر . چینلورک
 الیوک مشغولیتیری زراعت در معافیله زمانزده اوروپا
 ایله آرزوقو اختلاط و تجارتیه باشلادقلرندن بولندقلری حال
 عطاتک پیدرپی زائل اولسی امید ایدلور .

چینه پک چوق مدتر حکومت منتظمه موجوددر معلوم
 اولان حکمدار سللری یکریمی ایکی عدد اولوب بولردن
 برنجیسی اولان هیباخاندانی یونام ذات واسطه سیله قبل الهجره
 (۱۸۱۹) سنه سنده مقام حکومتیه کچمشدر سلاله لک المشهوری
 دردنچی چین سلاله سی اولوب بولدن کلان اوچ حکمدار یالکز
 فرق بش سنه اجرای حکومت ایتمشله و مختل اولان آسایش
 داخلی بی اعاده و خارجدن هجوم ایدن ترك و تانارلری دفع
 ایتمک لری کبی نفس چینک حدود شمالیه سنی مدافعه ایچون دخی
 مشهور سدچینی انشا ایتمشدر { ق ۸۳۶ } . بوسد اوچ بیسک
 فرسخ طولنده سکز ارشون ارتفاعنده والتی سواری یان یانه کیده
 بیله جک برعر ضده در .

چین قرون وسطی اثناسنده مغوللر طرفندن دخی ضبط ایلمش

و مغول حکمدار لریده عادتاً چین حکمداران کی اجرای حکومت
ایشلردر .

حتی هجرتک ۱۰۲۲ تاریخنده چینی ضبط ایدن مانجور لر
یکرمی ایکنجی سلاله بی بالتشکیل حالا حکومت ایتمکده درلر .
مانجور سلاله سی افرادی عادتاً چینلی اولدقلمی کی چینلیلرده
کندولرینی اسکی حکمدار لر کی سمانک اوغلی عد ایتمکده و حقلمنده
معبودلر مخصوص حرمت و رعایتده بولتمکده درلر .

۲

هندستان

هند تاریخنگ جمهوری . مذهب قدیم و براهما مذهب . تاسخ ارواح
اعتقادی . اهالینگ صنوف اربعه به تقیسی . بودا
مذهب . هند قدیم ادبیاتی . باغودلر .

هندستان قطعده سی نوع بنی بشرک الی اسکی مسکنلرندن
اولوب ازمئه قبل تاریخیده شمال غرب طرفندن کلان آریا
اقوامی طرفندن ضبط ایدلمش و آریار هندده بولدقلمی نسل
حامه منسوب اهالی اصلیه بی حال اسارته ارجاع ایشلردر .
هند برهمنلری تملکتلری تاریخنی ملیونلرجه سنه لک برقدمه مالک
کی کوسترلر ایسه ده بوقوللری هیچ بر دلیل ایله ثبوت بولماقمکده در .

هندستان بر قطعهٔ جسیه اولوب من القديم وسعت ارضیه
 و کثرت نفوسه اوروپانک اک بولک دولترلیه همعیار عداولنه
 یله جک برچوق حکوماته منقسم بولمشدر اسکندر کبیرک سفریله
 پنجابک ضبطنه قدر بوقطعه حقنده معلومات تاریخیه همان
 مفقود بولتمشه ده احوال اجتماعیه و مذهبری معلومدر .

هندستانی استیلا ایدن آریالز یعنی اصل هندولرک اصول
 مذهبه لری غایت قدیم اولان و هدا نام کتب منظومه ده مندر جدر
 و هدا ل برچوق اشعار دینه و آلهی لری محتوی اولوب بولردن
 بعضی لری عادنا وحدانیت ربانیه بی تصدیق درجه لریشه قدر
 اعتلا ایلمکده در .

هندولرک اک قدیم معبود لری آنی یعنی قوهٔ حرارت اولوب
 مؤخرآ اندرانام دیکر بر معبوده ده اعتقاد ایدلشدر آنی طبیعتک
 قوهٔ نشوونماسی و باعث حیات عالم اولان حرارت شمسیه نیک
 علامتیدر اندرا ایسه قوهٔ حیاتیهٔ بشریه و فعالیت انسانیه به
 علامت اولوب الوهیتک شو صورتله نظر دفته الیشی اقوام
 قدیمه نیک بک چوغنده ژوپیتری وجوده کتیر مشدر .

هندولرک معبود لری بک چوق ایسه ده بولردن اوج دانه سی
 تفرد ایدرک معبود اعظم حکمننده طوتلش و دیکر لری بواج
 آلپه نسبتله اهمیتجه ایکنجی درجده قالمشدر در : بولردن
 بر اسیما اعتقاد هندوجه خالق و ناظم عالم ویشنو محافظ انتظام
 صاحب خیر و بادی برکت سیوا ایسه منبع شر و مخرب موجوداتدر

اشته هندولر جناب واجب الوجوده مخصوص اولان خالق و محافظ و قهار او صافنی اوج معبود ارسنده بالتقسیم برنوع اقانیم ثلثه وجوده کتیر مشلدر .

هندولر قوای طبیعیه دن و نباتات و حیواناتدن پک چوغنه تعبد ایلدکری کبی تناسخ اورا حدنخی معتقددرلر شوبله که انسان ترک حیات ایلدکن صکره روحی مخلوقات سائریه کچهرک کناهلری عفو اولنه جفنی و صکره معبود اعظم بر اهماک معینه کیده جکنی ظن ایلرلر .

شوحالده هند مذهبی نظرندہ روح بشر ایچون عالم بردار جفا اولوب سعادت عظمی بر اهمایه التحاقده یعنی روحک فردینی غائب ایلسنده در بو اعتقاد هندولرده جسارتدن زیاده جفایه تکمیل خاصه سی تولدینه سبب اولمشدر .

هند قدیمده اهالی درت صنفه تقسیم ایلمشدی و بر صنفده اوله رق تولد ایلنرک دیگر صنفه کچملری قابل دکلدی . صنوف اربعه دن برنجیسی واک معتبری کاهنر یعنی بر اهماینی وینه اودر جده دکلسده خیلچیه مظهر اعتبار اولان صنف ثانی دخی عساکری محتوی بوانوردی . هندایلر نظرندہ نعمت دنیا ایچون سعی و غیرتده بولنقی موافق حکمت اولدیفنندن تجار و اصنافی حاوی اولان صنف ثالث ایله ارباب زراعتدن مرکب بولنان صنف رابع بر درجه یه قدر نظر نفرت و حقارت ایله کوریلوردی باخصه صوص که مذهب بر اهماجه حیوانات

اتلافی کنناہ عظیم اولوب ذراع ایسه اثای فلاحتمده برچوق
مخلوقات ارضیه نك بادی* هلاکی اولدقنندن بونلره صورت
مخصوصهده اظهار نفرت ایدلوردی . براهمنلرک قولنجیه
کاهنلر براهمانک باشندن عسکر قوللرندن اصناف بجاقلرندن
واسافل ناس ایاقلرندن نشأت ایلشلدردر . صنوف اربعه خارچنده
برده پاریلار اولوب بونلر بالجمله حقوق بشریه دن محروم برآلای
سرسری فقرادن مرکب بولنوردی .

خلقک بویله صنوف عدیده به تقسیمی ایله بونلر بیننده
بالجمله مناسبات و روابط مدنیه نك کلیاً منعی هند قدیمک بادی*
ضعفی اولمش و خارجدن مملکتیه تجاوز ایدن اقوامک نائل
موقیت اولمیرینی تسهیل ایلشلدردر . هند قدیمک اشبو اصول
پرمضرتی مانو نام واضع قانونک قوانینده مصرحاً مندرجدر .
مع مافیله آریا قومنه مخصوص دهاء طبیعی اشبو قاعده*
اعتسافکارانه علیهنده مشتیکی یشدیر مکندنده خالی قالمیشدر .
بوشکایتیه بر شکل معین و برن ذات هجرت نبویه دن اون ایکی
عصر قدر اقدام برحیات اولان بوددا نام حکیمدر . بوددا
اساساً حکمدار زاده ایکن حق سلطنتدن فراغت و کاهنلر
زرنده اختیار عزلت ایدرک تحصیل علومه چالشمش و صکرهده
کندی نامنه منسوب اولان مذهبی احداث ایلشدر . بوددا
مذهبی محتوی اولدیغی قواعد فضیلت و عدالتک کثرتی جهتیه
دین عیسوییه مماثلدر و وحدانیت ربانیه اساسنی قبول ایتدیکی

کبی افراد بشرک مساوات کامله سنی تصدیق و خلتک منقسم اولدیغی صنوف عدیده بی الفا ایشلدر . بومذهب اولاخلیلی انتشار ایشلدهده توصیه ایلدیکی اصلاحات اساسیه ارباب تعصب وبالخاصه بر همینرک ایشلرینه کلامکله بونلر خلقی مذهب جدیدی محوه تشویق ایشلر و برچوق محاربات داخله دن صکره بوددا مذهبی سالتکری مغلوباً هندستانی ترک ایدرک تبت و چین قطعه لرینه بایشلر واوراده چوق انتشار ایشلدر . فقط بوددا دینی پیدرینی وضع اصلیسنی غائب ایدرک بپرسنتک حالنه کیرمش و بوددانک شخصی مرور زمانله عادتا الوهیت پایه سنه قدر چیقارلشدر . حتی الیوم بوددا مذهبی رئیس روحانیسی اولوب تبت قطعه سننده اقامت ایدن دالایی لاماده بوددانک روحی تشخص ایلدیکی ظن ایدیه رک حقننده عادتا پرستش درجه سننده حرمت کوستریلور و بوداویلر هر طرفدن لامایی کورمک اوره حج و زیارته کلیرلر .

هندک آثار قدیمه ادبیه سی بک چوقدر باخصوص اداره بر اهنک قوه ذکایه افرادی برداره تضییقه صوقدیغی زمانلردن کلی مقدارده منظومات قالمشدر زمانلردن اوتوز عصردن زیاده مدت اقدم بر حیات اولان والمیکی نام شاعرک رامایانا اسمنده کی منظومه سی اشعار قهرمانه نک اک قدیمی اولوب زمانی جمعیتک احوال عمومی سنی مصوردر . وهدا کتب مقدسه سی مختلف زمانلرده ترتیب ایدلشدر . آثار ادبیه دن کلیله ودمنه اسمنده کی

ترک‌لر

تجموعه قصصك بر قسمی لسانمزه همایوننامه نامیه نقل ایلملکه
کسب شهرت ایش وپك چوق مؤلفات هندیه اوروپا لسانلریته
ترجه اولمشدر . هندولرک لسان ادبی و مذهبیلری اولان
سانسقریت عموم اوروپا السنه سنک آناسیدر .

هندولرک آثار مشهوره معماریه لری پاغود تعبیر ایدیلان
معبدر اولوب بونلرک قدیملری قیالریچنده اویولمشدر و جله سی
صورت مخصوصه انشارلیله جالب نظر دقتدرلر .

۳

ترک‌لر

عهد قدیمه ترک و مغول اقوامنک حاللری . اوغوز خان .
هونلر . مغوللر و ترک قبائلی .

ازمنه قبل التاریخیه دنبری آسیا قطعه سنک شمال و وسط
جهتلرنده اسکان ایدن مغول و ترک قبائلی اولاد یاقندن ترک نامنده
برینک ذریتی اولدیغی مروی اولوب مع مافیله مغوللر اتنوغرافیا
علماسیجه جنس اصفردن معدوددرلر .

اقوام مذکورده من القدیم قبائله منقسم و حال تفرقه ده اولوب
بعضاً بر مرکرده نك قومانداسنده طوپلانوب آسیانک قسم اعظمه
حاکم بردوات عظیمه تشکیل ایدرلر و فقط دولتلری چوق وقت
دوام ایتمه رك اسکی حال انخلال یته عودت ایلردی .

قبائل مذکورہ ترک و تاتار یعنی مغول نامیہ لہ ایک قسم اولوب مغولر چینک شمالندہ ساکن ایدیلر - هجرت نبویه دن اوچیک درت یوز سنہ مقدم ترکر پیندہ ظہور ایدن اوغوزخان متفرق یشایان قبائلی جمع و توحید ایلدکن صکرہ فتوحاتہ تشبہ علی روایتہ چین و هندستانی ضبط و بیوک بردوات تشکیل ایلش و فقط وفاتندن صکرہ دولتی منقرض اوله رق تاتار و ترکرک تفریقی دخی اووقت وقوع بولمشدر . خاندان جلیل العنوان عثمانی نك اوغوز خان نسلندن بولندیغی مرویدر .

بوندن صکرده ترک اقوامی ممالک مجاوره تجاوز و تعمر - خندن خالی قائلردی هجرت نبویه دن بیک سکز یوز سنہ مقدم ترک اقوامندن هون طائفه سی آسیای شمالیده بر بیوک دولت دها تشکیل ایلشده بوده آزوقت دوام ایدرک هونلر شرق و غرب و جنوب هونلری اولق اوزره اوج قسمه آیرلشدر . غرب هونلرینک اوروپا به تجاوزی مهاجرت عمومی مللی احداث ابله غربی رومانک انقراضی موجب اولدیغی کبی عموماً ترک اقوامنک آره صره و وقوع تعرضلری تاریخ بشرجه بک چوق انقلابات وقوعنه سبب اولمشدر .

قرون وسطی و جدیدده ترک قبائلنک دوامی و معظم دولت تشکیلندہ موفق اولدقلری کورلشدر .

الیوم ترک و تاتار اقوامی ممالک قدیمه لرندن بشقه آسیای غربی و شرقی اوروپا ده برطاقم ممالکده ساکندرلر و اکثریسی دین مبین محمدی بی قبول ایلشدر .

فصل ثانی

مصر قدیم و کلدانستان

۱

مصر و مصری‌ها

مصرک موقع جغرافیسی . نیل . موسم مصریه . مصریلرک محل ورودلری . خطه مصریه‌نک تقسیبی - مصریلرک مذهبی . کونش ایله نیلک مذهبنجه موقعی . حیوانات مقدسه . بعدانوفات احوال روح . - مصریلرک محاسن اخلاقیه‌سی . خطوط مصریه . - مصر قوانینی . حقوق مدنیه و جزائیله‌ری حقندہ بعض معلومات . مصر حقوقی قومیه‌سی . احوال اراضی . صنوف اهالی . قدرت عدلیه . قرعونلر . کاهنلر . عسکر صنفی .

مصر قطعده‌سی آفریقہ‌نک شمال شرقیسنده قوم چوللری آره‌سنده محصور سکزیوز سکسان کیلومتر و طوانده و سکزدن یکرمی‌یه قدر کیلومتر عرضنده اینجه بروادی دن عبارتدر . بوادی من قدیم قوه انبایته‌سی و محصولاتک برکتیله مشهر اولوب بوده درونندن جریان ایدن نیل مبارک نهرینک اثریدر . نیل نهری آفریقای وسطی‌ده و خط استوانک جنوبنده کی بولک کولردن چیقارق بحر سفیده منصب اولور و سوداندن چیققدن صکره طار و اطرافی قبالیق طاغزلله محاط بروادیدن کچهرک ایکی قول ایله بحر سفیده التحاق ایدر عهد قدیمده قوللرک مقداری

دها زیاده اولوب الك باشلیری بولنان اوج قولدن غریبه اولانه قانونیق وسطده کنه سه بنی تیک و شرقده کنه دخی سه لویباق اسملی ویریلوردی . بوقوللر آره سنده کی قطعده نیل دلتامی اطلاق اولنورکه مصرک الك منبت قسیمدر . قرائن احواله نظراً دلتامن القدیم موجود اولیوب نیلک فیضان زمانلی کتیردیکی طور اقلرله دکزدن آدیغی وطولدردیغی بردن حاصل اولمشدر نیل حالا هر سنه دکزدن اوج مترویه قریب برآلمقده ودلتا پیدرپی بیومکده در .

مصری احاطه ایدن قوم دریازی قابل اسکان اولمق شوپله طور سون عادتا ایچلرندن مرور و عبور بیله پک تهلکه لیدر . فقط نیل مبارک سایه سنده مصر دنیاک الك معمور و ترقی مدینه ک مساعده ممالکنندن بری اولمشدر . مصرک هر شیئی نیل نهرینه متعلق احوال مخصوصه ایله تعین ایدر مثلا مصرده سنه اوج موسمه تقسیم اولنور . اول بهارده خط استوا اوزرنده کی ممالکده چوق یاغورلر یاغمسندن و جبال مرتفعده کی قارلرک اریه سنندن طولایی نیل نهرینک صولری چوغالوب حزرانده نهر فیضان ایدر . و حزرانندن تشرین اوله قدر مصر وادیسی صواتنده قالیرو مواقع مرتفعده مینی اولان شهر و کویلر عادتاً اطه حالتی کسب ایدر . نیل بوزمانده پک بولانق اولوب صولر چکلدکن صکره برده برصاری چامور براقیرکه ایشته مملکتک قوه انباته سنه اصل بوادی اولور . تشرین اولدن نینساته قدر

مصر در زمان مزروعات اولوب مملکتک ال کوزل موسمی بودر . مزروعات بچلد کد نصر کره ایسه هیچ لطافت قالمیه رق عادتاً جو اردہ کی چولردن تفریقی مشکل بر حاله کلیر . نیک طغیان میاه زمانده ارتقاعی یدی یدی بچق مترو اولورسه محمولانه پک مساعد اولوب بوندن آز اولورسه پک چوقی برلر اسقادن محروم قالیر باختصوص مصر علیا یعنی جنوب طرفری موقعاً مرتفع اولغله زیاده فیضانہ محتاجدر . سمویک ارتقاعی سکر مترو دن زیاده اولدیغی صورتده ایسه پک چوقی بر بطاق حالنه کیروب قولایلقله قورویہ مدیغندن زراعتہ نقصان طاری اولور وعادتاً قحط ظهورندن وبر طاقم امراض مسئولیه نک میدان المسندن قور قیلور .

مصر قطعہ سی دنیانک ال اسکی مدینتیرندن برینه مقر اولمشدر . بومدینتک زمان ظهوری لایقیله معلوم دکلسده هر حالده قدیمه هند و چین مدینتیرندن اشاغی اولدیغی محققدر مصر لیلرک نسل و محل ورودری حقنده روایات مختلفدر . بر قوله نظراً مصریلر اولاد حامدن مصر ایم ذرینندن اولوب نیل بوینجه ایندرک سودان جهتندن کلشدردر . مصر خرافات قدیمه سنده سودان لیلرله وقوعبولان برطاقم محارباتدن بحث ایلمسی بوبابده دلیل اوله رق کوستریلور . اولاد نوحک مهد انتشاری مسوپوتامیانک جهات شمالیه سنده بولنمسی وسویش برزخنکده مصره دخول ایچون بر طریق طبیعی اولسنه نظراً

اسکی مصریلرک سویش طریقیله آسیادن کلش اولماری ومدنیتک نیله اشاغی اینک دکل بالعکس نیل بوینجه یوقاری چتمش اولسی دها زیاده مختلدر . ذاتا مصر قدیم لسانی ایله السنه سامیه و عبرانیه آرسنده اساساً بر مقارنت بولندیغی میدان ثبوته چتمده در . اسکی مصریلرک نسللری منقطع اولیوب ایوم مصرده کی فلاحلرک اوقوم احفادی بولندقلری شهبه دن وارسته در .

مصر من القدیم مصر علیا مصر وسطی و مصر سفلی ناملیله اوج قسمة آریلورکه مصر علیا نیلک سیهن شلاله . سندن هرموپولیس (اشمونین) شهرینه ، مصر وسطی شهر مذکور دن نیلک ایکی قوله آریلدیغی نقطه به و مصر سفلی دخی اونقطه دن بحر سفیده قدر امتداد ایدن دنسایه اطلاق اولنور . مصر علیاده آپوت ویا (یوز قپولی) تب ، مصر وسطی ده مائور ویا ممفیس ، هراقله پولیس و هرموپولیس شهرلی و مصر سفلی ده ساییس و پلوز بلاد مشهوره دن ایدیله عهد قدیمده مصر یکرمی التی ولایته منقسم اولوب بولره یونانیلر طرفندن نوم اسمی وریلوردی . نوملرک مصرده حکومت واحده تأسسندن اولکی اقسام مستقله ممالکدن عبارت اولدقلری ظن ایدیلیور .

قدیم مصریلر درجه نهاییه ده متدین بر قوم ایدیله براقدقلری آثارده مواد دینه به متعلق محرراتک و اشکال و مراسم عبادته

دائر تصویراتک کثرتی حقیقتاً شایان دقتدر . مصریلرک مذهبلی
تعدد اله اعتقادینک الشبوك بر نمونه سی ایسه ده اساسنده کی
بساطت و حتی علویته یونان و روما مذاهبنه پک چوق تفوق
ایدر حتی مصر ازمئه قدیمه سی آثارنده اصنام و حیوانات
مقدسه اشکالنه چوقلق تصادف اولمديغندن ایلروده مشهور
خرافاتک مرور زمانله پیدر پی داخل مذهب مصریون اولدیغی
قویاً ملحوظدر .

مصریلرک اعتقادینجه اساساً کائنات بالجمله مواد عالمک
مترج بولندیغی نو اسمنده بر بحر محیط بی پایاندن عبارت اولوب
اله اعظم اشبو اوقیانوسدن چیقارق عالمی خلق الیشدر .
مصریلرک اشبو اله حقنده ویردکلی اوصاف تماماً اوصاف
جناب بارییه مماثلدر . مذهب مصرینک بونقطه سنده
وحدانیت الهیه اعتقادی مشهوددر . فقط مصریلر الهلرینه
کتب معونهیه مالک اقوامک طائیمدقزلی بر قدرت و اقتداره
مالکیت اسناد الیشلردر که بوده دیکر الهلر خلق ایده بیلک
قدرتیدر . مصریلر « جناب حق کندی اعضهای ذاتیه سی
خلق ایدر که بوندرده معبودلردر » دیمشردی . ایشته بو اعتقادک
نتیجه سی اوله رقی اولا اله اعظمک والده و پدر و اوغل اولق
اوزره اوج شخصدن عبارت و بو اشخاص ثلثه نیک جنس
وماهیجه بر اولدقزلی قبول ایدلش و بو اقایم ثلثه اعتقادی

تعاقب و تکثیر ایتدیریلهرک معبود اعظمدن کوچک الهلره قدر
اوزون برسلسله الوهیت وجوده کتیرلمشدر .

معبود اعظمک اجراآت مختلفه و خصائص عبیده سنه
کوره کندیسنه آمون، ایمهوتب، اوزیریس، فتاح کبی مختلف
اسملر ویریلردی . اله واحده مصرک هر بررنده آری آری
اسملره تعبد و پرستش ایدیلوردی مثلا هلیوپولیس ده تومه
وتهنی و آیدوسده اوزیرسه ، تسده آمونه ، نفیس ده فتاحه
صورت مخصوصده عرض عبودیت ایدرلر و هر شهر پرستش
ایدلیکی الهک جایه مخصوصده سنه مظهر عد اولنوردی .
مع مافیله بونلر آری آری شخصلر عد اولنمبوب الهلرک تعددی
و حدانیت اساسیده خلیل کتیرمزدی .

مصرک بادی سعادت و حیاتی و ارضه فیض و برکت و یرن
نیل مبارک ایله مخصوصلانتک نشو و نمانسه بادی اولان شمس
بولندیغندن مصریلر مذهبلرنده طبیعی بونلرک ایکی سنه ده بر
موقع ممتاز و یرمشلردی . کونش ایله نیل نهرینه اوزیریس
منبت طور اغه ایزیس و ارضک برکننده بونلرک اوغلی
هوروس نظریله باقیلوردی فقط اوجه سویلندیکی و جهله
اوزیریس ایزیس و هوروس ینه عینی الهک اجزای مرکبه
و نمائله سی حکمنده طوتیلوردی .

اوزیریس عادتاً بر حکمدار کبی دارات و احتشامه مالک
فرض اولنوردی هیکیلی اوزرنده « اولمش وار و اوله جق نه

وارسه بن اویم « عباره سی محکوک ایدی . منبت و محصولدار
 طپراغک چول ایله و شمسک ظلمت لیل ایله مجادله سی مصریلرک
 نظر دقتلرینی جلب ایدرک بونلره خیر و شر ارسنده بر محاربه
 دائمه وجودی فکرینی القا ایلشدی بو وجهله اوزیریسک
 شر صاحبی و بریلر رئیس بولنان تیغون ایله دائمی محاربه ده
 بولندیغی و مظفریت کاه برنده و کاه دیکرنده قالدیغی ظن اید .
 یلوردی که بوده توالی فصول و تعاقب لیل و نهارک بر نتیجه
 طبیعیه سی ایدی . شمسه راو ظلمته سدت اسملری دخی و بریلور
 ایدی .

اشبو اشکال عیدده الوهیتدن بشقه مصریلر بر چوق
 حیوانات مقدسه به دخی تعبد و پرستش ایدرلردی . بعضیا بو
 پرستش اسجه بر مشابهدن تولد ایلدیکی دخی واقعدی . مثلا
 تبخ (سدت ویا تیغون) لفظی صومانده سی معناسنده
 کلدیکندن انک برینه صومانده سی مظفر تعبد اولوردی . هر
 شهر و ولایتک بر حیوان مقدسی اولوب اکا مخصوص معبدلر
 و مأمورین روحانیه واردی . بعضیا بر یرده مظفر پرستش
 اولان حیوانه بشقه یرده خصومت و نفرت کوستریلوردی .
 کدی تمساح کبی مخلوقات و سباع مقدس صائیلقله انلری
 اتلاف ال بیوک برکنه ایدی .

بو حیوانات ایچنده اک چوق پرستشکاره مالک اولانی
 آپیز نسیمه اولنان بوغا اولوب بونک توپلری اوزون و سیاه

والنذره مثلث بیاض نقطه وسائر بعض علامات بولنور ایدی .
 آپیرک بولنمی نادر اولوب بو مناسبتله بویک شندلکار ایدیلور
 اولدیکی وقت لمنجه ماتم و یاس طوتیلوردی مع مافیله آپیرک
 یکریمی بش سنه دن زیاده یشاماسی دخی قانون مقدس ایجا بندن
 بولنغله مدت مذکورده مرورنده کاهنلر بو حیوانی صوده
 بوغارق وفاتنی اعلان ایدرلردی . آپیرک بولنهماسی خلقجه
 ناسفی و حکومت علیهنده شکایاتی موجب اولوردی . آپیر
 عادی بر حیوان عد ایدیلوب شمسک نورندن وجوده کلش
 عد اولور و بناء علیه اوزر بسک ارض اوزره برتمالی مقامنده
 طوتیلوردی .

قدیم مصریلر بقای روحه و بوم جزاده مکافات و مجازاته
 معتقد ایدیلر . انسان ترک حییات ایتدکن صکره روحی
 وجوددن و برده ذکادن آریله رقی آخرته کیدر و اوراده
 اوزر بسک ریاست ایلدیکی قرق ایکی الهدن مرکب بر محکمده
 اراز وجود ایدردی . بو محکمه روحک حسنات و سیئاتنی
 عدل و حقانیت ترازوسنده طارتارق سیئاتنی زیاده ایسه کفارت
 ذنوب ایچون بعض مخلوقاته القا و ارسال ایلردی . کنهای
 عفو اولنانلرله حسناتی غالب بولنانلر ایسه اوزر بس معینه
 یچرلردی . مصریلر کفارت ذنوبدن و اوج یک سنه مرورندن
 صکره روحک تکرار بدن اصلی به عودت ایده جکنی ظن
 ایتدکلرندن بدنک چوریماسی ایچون مومیه اصولنی اختراع

وغایت مصنوع و محفوظ مقبره لر انشاسنی اصول اتخاذ ایتشلدی .
 مصریله متدین اولدقلری درجه ده محاسن اخلاق ایله ده
 متصف ایدیله . قبل الدفن مونانگ تذکیه ایلمسی مصرده ده
 جاری اولوب اولنکله یاد ایلمیانلر ولو حکمدار اولسدلرینه
 تشریفات دفینه دن محروم براقیلوردی . هر مقبره به وضعی
 معتاد اولان و برچوق دغاز و اعتراف خطیئات ویانذکیه نفس
 صورتلرینی محتوی بولنان رساله اموانده مندرج خصوصات
 و صواب و خطا بولندیغی مصرح مواد مصریله ندرجه ده
 صفوت اخلاقه تمیز اولدقلرینی کوستره .

مصریله نظافت و طهارته دخی اعتنالی زیاده اولوب
 دائما صغوق صو ایله غسل ایدرلر و ریاضته چوق رعایت
 ایلرلدی حتی ضیافت زمانلرنده برجنازه رسمی پیارق سفره
 باشنده طولاشدیرمق و انجام حال بشر بو اولدیغی حضاره
 اکلانه رق هر کسی معده پرورلنکده اعتداله دعوت ایلک
 اصولدن ایدی .

مصریله براققلری اثرلر جسامت و عظمت ایله عصرمرزی
 ایله تمحیر براققله در . آثار مصریه هیروغلیف خطوط ایله
 برچوق مضبوطاتی حاوی اولغسله تاریخ قدیم مصرینک دخی
 القیمتدار منابعدندر . مصر قدیمک خطوط مستعمله سی اولان
 هیروغلیف خطلرینک زمان احدائی پک معلوم اولیوب ال
 اسکی آئارده بو خطله مضبوطانه تصادف اولنور . هیروغلیف

خطی اساساً ارائه ایدیه جک شینک رسمی چیز لکدن نشأت
 ایلشسه ده مؤخرأ انواع عدیده به آریله رقی عادتاً مکمل بر اصول
 خط حالته کیر مشدر . خطوط مصریه اوج قسمیه آریلور
 برنجیسی اصل هیسه رو غلیف لدرکه افکاری ارائه ایدن
 اشکالدن عبارت خط رسمی اولوب اسمی حکمداران
 وابنده و اثار محرراتی بونکله یازیلوردی ایکنجیسی هیسه راتیک
 دینلان خط مقدسدرکه بونلرده اشکال مرتسمه ساده افکاری
 دکل کلمات وحتى هجاری دخی کوس ستردی و کتب مذهبییه
 بو خطله تحریر ایدیلوردی . او چنجیسی ایسه ده موتیک دینلان
 خط عوام اولوب بوده نوع ثانی خطوطک استعمال عوام ایله
 اشکالی تحریف ایدلسندن وجوده کلمش و ترقی ایده ایده عادتاً
 اشکال القبابی تشکیل ایده جک بر درجه بساطته یا قلاشمشدرکه
 فیکه خطوطی بوندن آلمش و مؤخرآده عموم اوروپا خطوطی
 فیکه القباسندن اقتباس ایدلمشدر .

مصر قوائینی یونان و حتی رومانک قوائین ابتدایه سنه
 نسبتله ده انسانیت کارانه و باخصوص حصول مقصده پک
 زیاده موافق ایدی . مثلاً هر مصرلی سندهه برحاکمک حضورینه
 چیق سارق مدار معیشتی و بر سنه لک واردات و مصارفی
 تفصیل و ایضاحه مجبور ایدی بومناسبته یلان سویلدیکی تحقق
 ایدنلر اعدام اولنور و معیشتی وسائط غیر مشروعه ایله اولدیغی
 تدبیر ایلانلرده شدتلی جزا ایدیلوردی بوجهله هر کس موافق

ناموس بر صورتہ امرار حیات الملکہ مجبور ایدی . قاتلارک
جزاسی ہانکی صفت و مأموریتی حاز اولورسہ اولسون
وولوکہ مقتول امرادن بولسون بہمہ حال اعدام ایدی سادہ
حاملہ قاتلہرہ وضع جل ایدنجیہ قدر مساعده ایدیلیردی . کرک
رشوت آلاق ارباب قباحتی جزاسز براقان و کرک بیکنسہ
ادمیری بغیر حق محکوم و متہم ایدن حا کملر پک شدید صورتہ
جزایہ اوغرا دیلوردی . یلان برہ یمین ایدنلر و بر مصر اینسک
حیاتی تہلکہدہ بولندیغنی کور و بدہ امدادینہ کتیمائلر و یابونی
حکومتہ اخبار ایلیمانزدہ بیوک جزالہ مستحق کوریلوردی .
مفتربلرک بلانجی شادبلرک جاسوسلرک دیلیری کسیلہرک بعدما
تکرار قباحت ایدہ میہ جک بر حالہ قونیلورلردی . قلمبرنلر
ساخنہ کارلر و مہر و امضا و یازی مقلدلری اللری کسیلہرک
جزالندیریلوردی . جہراً ذنا ایدن و عرض و ادب صاحبی
اولیمان ارککلرک آلت زنا لری کسیلوردی . تعدد زوجات عادتی
جاری دکلدی . داینسک بدندہ ساند بولندیغنی حالہدہ بورجی
اولدیغنه قسم ایدن مدیون دیندن خلاص اووردی .
بر مصرلی پدرینک مومیہ سنی ترہین ایدرک استقراض ایدہ .
بیلیر و فقط ایفای دیندہ قصور ایدن آدم ہمہ الوفات مدفنندن
محروم براغلیردی . مصر ایلرک اختیارلر حقندہ حرمت و رعایتلری
پک زیادہ ایدی .

اخلاقی بوزوق قادیبلرک بروئلری قطع ایدیلہرک حسندن

محرورم براغیلورلردی . وظائف عسکریه سنده قصور ایدن عسکر
اعدام و یا خود پکجه کلاه ایدیلوردی پکجه کلاه ایدلمک پک بیوک
جزا اولوب مع مافیله مؤخرأ ارائه حجت و شجاعتله اعاده
اعتبار قابل ایدی . مدیونک بورجی ایچون حبسی جائز اولوبوب
ساده اموال و املاکی فروخت ایدیله بیلور و فائض اصولی جاری
ایسهده هیچ بروفته رأس المالی تجاوز انطامسی لازم کلیردی .
ایشته مصر قدیم جمعیتی بوکبی عاقلانه و احتیاطکارانه برطاقم
قوانین و قواعد ایله اداره اولتمده ایدیکه بونلرک مدیونی
بورچندن طولایی دایه اسیر ایدن اقوام سائر قانونلرینه نسبتله
نقدر محق و موافق معدلت اولدیغنی بیانه حاجت یوقدر .
هندستانده اولدیغنی کبی مصرده دخی حقوق عمومیه نیک
اساسی اهالینک صنفله تقسیمی ایسهده بو تقسیم هندده کی کبی
شدتلی اولوبوب برصنفدن دیگر صنفه پکجه بیلمک قابل ایدی .
مصرده اهالینک منقسم اولدیغنی صنوف باشلیجه سلاله
حکمدار ایدن صکره کاهنلر عسکر زراع اصناف و چوبان صنفلری
اولوب بونلردن کاهن و عسکر صنفلری سائرلرینه نسبتله ممتاز
ایدیلر مصرک زراعت و حرائنه مساعد اولان اراضیسی اوج
قتمه بالنفریق حکمداران ایله ممتاز صنفلر آرسنده تقسیم ایدلمش
وسائر اهالی و زراع طور اقدن محروم بر اقلشدی حالبوکه صنوف
ممتاز هر درلو رسوم و تکالیفدن معاف اولوب و برکوبی و یرن
عادی خلق و باخصوص زراع ایدی . هندستانده اولدیغنی کبی

ارباب صنعت و زراعت محقر اولیوب بالعکس مقبول و معتبر بر صنف ایدی ساده چوبانزله کوچبه لر مصری دفعاتله راحتسز ایدن قبائل عربیه بکزه دکارندن جالب نفرت عامه اولورلردی . هر صنفک حقوق ووظائفی قوانین مخصوصه ایله مصریح ایسه ده ینه عادی اهالی طبیعی حکمدارانک کیف و اداره سنه تابع بولنور ایدی باخصوص انشاآئنده خلتک آنغاریه صورتیله استخدای معتاد اوله رق بوجهتله وقوع بولان تلفاته عطف نظر مرحت ایدلزدی ایوم جالب حیرتمز اولان اهرام و سایر آثار جسمیه مصریه هپ بوبله بر صورت جبریّه ده یابلسدر .

مصرده قوای عمومیه پک زیاده دقت و اعتنا ایله تفریق ایدلمشیدی . قانون شریعت مصریه دن عبارت اولوب بونک تفسیر و تفهیمی صنف کهنه یه ساند ایدی . قدرت عدلیه محاکم عمومیه النده اولوب بوباده فرعونک بیه مداخله یه حتی یوقدی مصرک اقسام ثلثه سندن هربری اوزر حاکم انتخاب ایدرک مقر سلطنته کوندرر و بونلرده ایچلرندن برینی مقام ریاسته بالانتخاب بر دیوان عالی تشکیل ایدرلردی . ولایت محاکمی هیئتیده اشبو دیوان عالی طرفندن نصب و تعیین ایدیلوردی .

فرعون حکومت اجراییه نک رئیسی اولوب نفسی مقدس و غیر مسئول ایدی فقط فرعون اقتدار استبدادکارانه یه مالک و افعال و حرکاتنده سربست اولیوب هر حالی قوانین منده بیه ایله معین و کاهن صنفک تحت نظارتنه مودوع ایدی . مثلا طلوع شمسه

برابر او یقودن قالقوب هریردن کوندریلان عرضحالری او قور
 و لازم کلان جوابلرک یازلسی امرینی و برردی صکره مصریلرک
 نظافته درجه نهاده اعتنالی اولدیغندن صغوق صوابله غسل
 ایدر و عبادتخانه ده قربان کسردی . قربان کسلدیکی صره ده بیوک
 کاهن حکمدارک خصائل جلیله سنی ثنابله برابر معبودله اطاعت
 و اهالی به عدل و حقانیتدن آبرلمدغه معهور اولسی دعاسنی دخی
 ایراد ایلردی . مصرده تعدد زوجات عادت اولیوب قادینلرخیلی
 حقوقه مالک اولدقلرندن فرعونک ارکک و ارئی اولمدیغی
 صورتده وارثه سی مقام حکمداری به یکیریلوردی
 مصرده کاهن صنفی یک بیوک نفوذ و اقتداره مالک اولوب
 بالجمله قوانین دینه و دنیویه نك شرح و تفسیری انلره عائدایدی .
 هر نه قدر مه نالک جلوسیه اداره دولتی الدن قاچر مشرسه ده
 ینه روح حکومت انلرده اولوب بالجمله دولت مأموریتلرینی
 عادتاً بدانحصاره آلمشردی . باخصوص که کتب مقدسه و ادبیات
 لسان رسمیه سی و انلرده مستعمل اصول خط و املا کاهنلرک
 اسرارندن معدود کبی اولمغله بو واسطه ایله خلق اوزرینه یک
 بوک بر حکم و نفوذ صاحبی اولمشردی .

عسکر صنفی دخی یک معتبر اولوب ولایاته تقسیم ایدلمش
 و صلح و سلم زماننده آسایش مملکتک محافظه سی ایله مکلف
 ایدی . ساده هر سنه بیک نفری مناوبه ایله فرعون معینده
 استخدام ایدیایر و بونلر خزینه دولتن تعیینات مناسبه و یریلوردی .

کنعانیلرک دور استیلاسنه قدر مصر قدیم

مصرک حقوق عمومیده سی حقنده بالاده ویریلان معلومات
مصرک سیاستاً متحد بولندیغی زمانلرک احوالنه عائد اولوب
مباحث آتیسهده کوربله جکی اوزره مصر قدیم بعض اوقانده
تفرقه سیامیه حالنده بولمغله طبیعی اوزمانلرده احوال مملکت
اجلاآت جدیدیه نسبتله تغیر پذیر اولمشر .

۲

کنعانیلرک دور استیلالرینه قدر مصر قدیم

مهنا . مانه تونک سلاه لری . مصر تاریخک تقسیماتی . ممفیس شهری .
ایکنجی سلاه . دردنجی سلاه واهرام . بشجیدن اون برنجی به قدر
سلاه لر . اون ایکنجی سلاه واوزور تزلرک قنوحانی . مری کولی ولا
بیرنت سراپی . اون دردنجی سلاه وراعیلرک استیلاسی .

احوال تاریخیهسی مهما امکن معلوم اولان اقوام
اره سنده اک زیاده قدم ارانه ایدن مصریلردر مصرده
حکومت منتظمه تشکلی زمانلردن درت بش پیک سنه اول
وقوعبولمش اولوب حالبوکه بو حکومت تشکل ایلدیکی زمان
مملکتک پک بیوک برحال ترقیهده اولدیغی اثار قدیمهدن
استدلال اولنور

مصرک قدیماً طوغریدن طوغرییه معبودلری طرفندن
اداره اولندیغی مصریلر پیننده مروی بولمسنه نظراً اسکیدن

حکومتک کاهنلر یدلرنده بولندیغی اکللاشیلور بوکاهنلر اداره سنک زمان دوامی معلوم اولیوب یالکیز هجرت نبویه دن اوچ درت بیک سنه مقدم تهنی شهرلی مه نا اسمنده برسر کرده نك کهنه یدندن حکومتی ضبط ایلدیکی محققدر . مه نانک تأسیس ایلدیکی حکومت تحولات کونا کونه اوغرایه رقی اقل تخمین اولوق اوزره اوچ بیک سنه به قریب مدت دوام ایدرک نهسایت هجرت نبویه دن طقوز یوز التمش یدی سنه مقدم مصرک شاه ایران اردشیر ثالث اوخوز دورنده ایرانسلر طرفندن صوک دفعه ضبط واستیلا سیله کایاً ختام بولمشدر .

بطلیموس دونده مصر قدیم تاریخی قلمه آلمش بولسان کهنه مصریه دن مانه تونک قولنده نظراً مصر قدیمده اوتوز سلسله حکمداران اجرای سلطنت ایشدر . مانه تون بو سلاله لر حقنده تفصیلات و ایضاحات ویره رک بونلرک بجموع دور سلطنتلرینی درت بش بیک سنه به قدر چیقارمقده ایسه ده زمانمز مورخینی اره سنده مصر سلاله لرینک زمان حکومتلرنجه یك بيوک اختلاف موجوددر . بعض مورخین مانه تونک قولی وجهله بوسلاله لرک مصرده بر برینی متعاقب حکومت ایلدکلرینی بیسان و بر طاقلریده بوسلسله تعاقبک صحیح اولیوب مصرک هر وقت سیاست متحد اولدیغنی واکثر وقتلر محال مختلفه ده بر قاچ سلاله نك بردن حکومت ایلدی و واقع اولدیغنی ظن وادعا ایشلردر . مصر تاریخنک احوال مخصوصه می قول

ثانی بی دها زیادہ موافق مصلحت و حقیقت کو ستر مکدہ در .
 مصر تاریخنده اوج بیوک دور اولوب هر برنده اقسام
 ثلثه دن برسی قطعات سائرہ یہ نفوذجه تفوق کسب ایلشدر
 مدنا و اخلافی مصر وسطی ده کاٹن نفیس هراقله پولیس
 والهفاتین شهرلرنده حکومت ایدوب اون برنجی سلاله
 ایله مصر علیاده تب شهری مرکز نفوذ اولمشدر .
 دور ثانی بی تمیز ایدن حال تب شهرینک عظمت فوق العاده سی
 اولوب بوده یکرمنجی سلاله ده ختام بولور . مصرک راعیلر
 طرفندن استیلاسی بوتب دورینی ایکی به بولرکه بونک قسم
 ثانیسی مصرک زمان شوکت و فتوحاتیدر . دور ثالثه ایسه
 مصرده نفوق دلتسا شهرلرینه و بالخاصه سایس بلده سنه
 بکشمدر . بو دور ایران استیلاسی ایله ایکی قسمه آریلور
 و حکومت فرعونیه نک انقراض کایسنه قدر بالجمله بقیه احوال
 تاریخیه بی محتوی بولور .

مدنا حکومتی اله الدقن صکره محل ولادتی اولان تهنی
 شهرینی برافارق پای تختی شماله نقل ایلشدی چونکه تهنی شهری
 عادتا مصر علیانک بر بلده مقدسه سی اولغله کاهن صنفه
 مربوطیتی زیادہ اولوب مدنا ایسه بسبتون کندیسنه مربوط
 و صادق بریری مقر سلطنت ایلک ایستردی احتمالکه سودان
 طرفندن بعض اقوامک آره صره مصره تجاوزلری دخی
 دها امین بریره نقل مکان ایلکه مجبوریت کو سترمشدر .

مدنا یکی مرکز سلطنتی نیلک ایکی شعبه یه آیرلدیغی نقطه دن
 براز جنوب طرفنده بنا ایدرک مفیس و یا مانوودر نسیمه
 وفتاح معبوده وقف ایشدر بوندن بشقه جوارده کی بعض
 بطاقلری قوریدهرق نیلک فضله صولرینی آلمق اوزره برکول
 قازدیرمش وقابل ذراعت اولان اراضی بی چوغالتمشدر . هر
 تقدیر هبیا صنفی مدنایی ذم وقدرح ایلکده بولنمشلر سده
 مصریلر بو حکمداری دائما شکر و تحمیدت ایله یاد ایدرلردی
 ایکنجی سلاله دخی تهنی لی اولوب مدنایه اوزاقدن قرابتی
 وار ایدی بوسلاله یه منسوب فرعونلردن قاکه او آپیر ایله
 بعض حیوانات مقدسه آیینلرینی تأسیس ایش وانک خلنی
 باینونه رو دخی سلاله فرعونیه افراد نسوانک وارث رجل
 بولنمدیغی حالده مقام حکومته بکجه نیلری اصولنی احداث
 ایشدر . مصریلر فرعونی اوز بریس اولادی عد ایلدکارندن
 بعدما اداره اموری درعهده ایدن حکمداران سلطنتلرینه
 مشروعیت و برمک ایچون اسکی سلاله یه منسوب برقادین ایله
 عقد ازدواجه سعی بولنورلردی .

بو ایکی سلاله تهنی لی یعنی اساساً مصر علیالی ایدی اوچنجی
 دردنجی و بشنجی (یاخود التنجی) سلاله لر ایسه اصل مفیس
 شهرندن یلشمشدر . زمانمزه قدر بقا بولوب مصرلیلرک صنعت
 معماریه لرینه حیرتمزی جلب ایدن هرملر دردنجی سلاله دورنده
 یلشمشدر ذاتا اسکی مصرلیلرک بر اقدقلری آثار عظمت و خارق

کتابتیرک دور استیلارینه قدر مصر قدیم

العاده لك ايله نمناس اولوب اهرامك ايسه بويولده تصور ايديله ييله جك هر شيك فوقنده و عادتا قوجه طاغ پارچه لری اولدیغی تسلیم کرده جله ارباب وقوفدر . بیوک هر می کتوپس و دیگر کوچك هر می دخی خفرن نام فرعونلر بنا ایتلدر بونلرک انشارلی مدت مدیده دوام ایدرک بتون مصر اهلایسی فضولی صورنده چالشدرلمش و چکیلان اذیت و وقوع بولان تلفات انشا آته بر فلاکت ملیه رنکی ویره رک کتوپس ايله خفرن دخی بوسایه ده ظالمک شهرته و خلقت لعنت و نفرینه مظهر اولملدر . ینه دردیجی سلاله دن منکرا عدل و حقانیت ايله معروف ايسه ده اوده طوغنه دن دها کوچکچهر برهرم انشایسه باشلامش و فقط اتمامه موفق اوله بیوب بوهرم مؤخرآ التنجی سلاله دن اولوب مدت مدیده اجرای حکومت ایدن قمرزی یناقلی توقریس اسمنده برقرالچده طرفدن اکیال ایدلشد . هر م کبرک مساحه سی بشیوز یتش بریک قدم مربعی اولوب طقسان ملیون قدم مکعبی سمنده و الی ملیون او جیوز اون الی پیک طونیلانه ثقلنده دیواری اولدیغی حساب ایدلشد . مصر لیلر نژدنده مقبره و تربلرک انشارینه پک زیاده اهمتام ایدیلوردی .

اهرامک انشا ایتدیرن فرعونلرک مزارلری اولدیغی محققدر نفیس اووه سنده بولنوب وجودی ارسلان و باشی انسان شکلنده اولان و سفنکس نامی و بریلان هیکلرک بیوکیده برطاغ پارچه سی کبیدر بو هیکل طلوع ایدن شمس

یعنی ہاں ما کیس معبودك تصورى اولوب ظن اولندیغنه نظرأ
 مه نادن دها اول کلان یرلی بر پرنس طرفندن اعمال ایتدیلمشدر .
 بو دورده مصرده علوم و معارف دخی خبیلی ترقی
 ایلشدر . جبرئده بولنان بر مأمور سنك مزارنده مدفونك
 اوصافی صره سنده کتبخانه ناظری عنوانی دخی محرر بولتمسندن
 او زمان کتبخانه لر طولوسی مؤلفات موجود بولندیغی اکلا .
 شیلیور . مؤلفات مذکورده نك قسم اعظمی مرور زمانله
 غائب اولمش ایسه ده البوم المزه یکن آثار یعنی بعض مؤلفات
 پارچه لریله آثار عتیقه اوزرنده محکوک یازیلرو برطاقم پایروس
 اوراق منفردسی (پایروس نیل بطاقلرنده نشو ونما بولور بر
 نبات اولوب یاپراقلرنی قدیم مصریلر کاغذ مقامنده استعمال
 ایدرلردی) بو بولده کی ترقیات حقسنده بر فکر ویر مکده در .
 علوم مذهبییه و اخلاقیه دن صکره مصریلر علم هیئت و طبده
 خیلجه کسب ترقی ایلشدر . هیئنده سیارات خسته نك
 وحتی شمک یله حرکتلرنی ویر طاقم کواکب ثابته نك موقعلرنی
 تدقیق ایلشدر . سنه بی اوتوزر کوندن مرکب اون ایکی آیه
 تقسیم ایدرک نقصان قالان بش کونی آریجه ضم ایدرلر
 سنه نجومییه نسبتله ینه نقصان اولان التی ساعتی دخی هر
 ۱۴۶۰ سنه ده بر حساب ایدرک بوکا بر سنه ضم بو صورت
 ایله سنه بی اتمام ایلرلردی . فن طب دخی زیاده جه تعمیق
 ایدلش اولوب عادتا هر باشلی خسته لغی تاوی ایدیجی اطبای

مخصوصه بولنوردی . روایتہ نظراً مصر لیلرک قولاندقاری
 هیدروغلیف خطی دخی اوچنجی سلاله دن تسور تروس وقتنده
 ایجاد ایدلمشدر فقط دها اسکی آثارده بنه غیر منظم اشکال
 خطوط موجود اولسنه نظراً خط مذکور ذاتاً مستعمل اولوب
 بو دورده توسیع و اصلاح ایدلمش اولسی ملحوظدر .

بشنجی ویا التنجی سلاله دن صکره بلاد جنوبیه دخی پای
 تخت اولغه باشلیدرق بو سلاله مصر علیادن اله فایتنده بدنجی
 و سکزنجی سلاله لرینه نفیسهده و طقوزنجی و اوننجی سلاله لر
 هراقله پولیسهده حکومت ایتلمشدر . فقط بونلر دورنده حکومته
 ضعف طاری اولهرق مصر علیا عادتاً مرکز سلطنتدن آیرلغه
 باشلامش ونهایت هراقله پولیس سلاله لری منقرض اولهرق
 حکومت تب شهرلی اون برنجی سلاله یه چکمشدر . اون برنجی
 سلاله زمانی قاریشقلقه چکمش اولوب فقط تبلی اون ایکنجی
 سلاله مصرک شان و شرفنی پک زیاده اعلا ایتلمشدر .

مصر حکومتی من قدیم شمال شرقی جهتدن عرب قبائل
 بدویه سنک و جنوب طرفندن دخی نویسه و سودان اقوامنک
 تجاوزلرینه مقاومت ایلک مجبوریتنده بولنوردی حتی بوجبوریته
 مبنی حدود شمالیه نی محافظه ایچون وقتیلله سوبش برزخی
 بونجه برسد یله چکمشدی . اون ایکنجی سلاله حکمدارلر
 ندن برنجی و صکره ده اوچنجی اوزورته زن (Ousortesen)
 دورلنده ایسه مصر کاملاً بر اداره تختنده جمع ایدلدکن

صکره نوییه دخی فتح ایبله رک مصرک حدود جنوبیه سی
ایکنجی سلاله به ایندیرلمش و شمالده کی قبائلده تادیب اونوب
طور سینا شبه جزیره سی کاملاً اداره فرعونیه کچمشدر .
بونرک اخلاقندن آمده مه ایسه مدت سلطنتنی امور جسمیه
نافعه و چوده کتیر مکه حصر ایدرک فیوم وادیسهنده
نیلک صولری چوق اولدیغی زمان فضلّه میاهی المق و صولر
طاشغین اولدیغی وقتده صاقلامق اوزره شهور مری بحیره سنی
حفر ایندیرمشدر . مری مصر لساننده کول معناسنه کلوب
بو بحیره اسمنده کی مشابهندن ناشی التجی سلاله حکمدارلرندن پاپی
مری به اسناد ایلمشده آمده مه نک اثری اولوب حتی
اورته سنده فرعون مذکور ایله زوجه سنک غایت جسم
هیکلری دخی موجود ایدی . فیوم بلده سی جوارنده کاشن
بولنان و وسعت و جسامتیه اصول معماری سی خارق العاده
عد اولسان لایرننت اسمنده کی بر التی مغاره لری و سیرابی
آمده مه نک انشا کرده سیدر .

اون ایکنجی سلاله دوری مصرک صنایعجه منتهای
اعتلاسی اولوب بو دورک آتاری دردنجی سلاله زمانی آتاری
ایله هم عیار بولمقده در .

فیوم جوارنده مری کولی و لایرننت سرائیک انشارلندن ده
اکلاشیله جغی اوزره اون ایکنجی سلاله حکمدارلری مصر
علیادن زیاده مصر وسطی و سفلی جهتلرینی اعمارده چالشمشدر

ایدی شماله بو میل پیدرپی آرتمشدر . اون دردنچی سلاله ایسه
مصر سفلی ده قسویس شهرندن اولوب زمانلرنده اوراسی مفر
دولت اولمش ایسه ده اغلب احتمال بو صرعه یسه تب
شهرینک عظمت و اقبالنه خلل کلامشدی فقط عرب راعیلرک
استیلاسی مصرک بو برنجی دور اقبالی بر مدت توقیفه بادی
اولمشدر .

کلدانستان

کلدانستان . فرات و دجله نهرلری . کلدانستان اهالیسی . تورانیلر
خط بخنی . قوش جنسی . مذهبلری . قوش وتوران قوملرینک
اخلاقلری . آنوریه . الام حکومتی . خرافات کلدانیه . ازمنه
قدیمه و طوفان . نمرود و ایلك سلاله . الام استیلاسی . عرب
استیلاسی . آنوریه استیلاسی .

مصرک ازمنه قبل التاریخیه سنده آسیای غربیده تشکلات
سیاسیه سیله جالب نظر دقت اولان مملکت کلدانستاندر .
کلدانستان زمانم زده الجزیره و عراق عرب تسمیه اولسان
ویونانیلر طرفندن مسوپوتامیا (یعنی بین النهرین) اسمی ویریلان
فرات و دجله نهرلری و ادیلرندن عبارت اولوب کرک بوراسی

و كرك مذکور نهرله مربوط اولوب شمال و شرق جهتلرنده
 كائن سطح مائلر من القديم بر مدنيت عظيمه مقرر اولمشدر .
 فرات و دجله نهرلى مدت مديده آبرى اوله رق جريان
 ايلد كدن صكره عراق عربك جنوب طرفلرنده بر اشهرك شط
 العربى تشكيل و بصره كور فزينه منصب اولورلر . فرات
 و دجله واديسى وادى نيله نسبتله دها واسع اولوب نهرك
 كتوروب طوادرديغى طوور اقله دنخى پيدرلى بومكده در .
 شط العربك دكردن الديغى ير نيل دنده زياده اولوب بو
 توسعك يتش سنهده بر انكليز فرسخنه بالغ اولديغى حساب
 اولمشدر اقدبجه فرات ايله دجله آبرى آبرى بجره منصب
 اولدقلى حالده شط واديسى نهرلك كتير دكارلى طوور اقله وجوده
 كلديكى بيله مزنوندر .
 كلدانستان قوه انباتيه جه برنجى درجهده اولوب لايقيه
 اسقا اولنان برلرنده بغدادك بره اوچيوز درجه سنه قدر محصول
 وريدىكى كورلمشدر .
 فرات و دجله نهرلى هر سنه نيل كى طاشه رق بر خيلى
 برلى صو التنده بر اقبيرلر اكر بو طغيان مياه زماننده حوالى
 بعينه صو ايصال ايديله بيليرسه هر طرفك قوه انباتيه سى
 خارق العاده بر حاله كوير بوندن استفاده ايديله مديكى صورنده
 ايسه مملكتك بر قسمى بطباق حالسه كيرر و بر قسمنده
 چور اقلق حكفرما اولور و او شايان حيرت استعداد بر كتله

برابر مزروعات یتشدیربله من قدیم گلدانیلر هر طرفه سو کیده
 بیلسی ایچون حد و حسابسز جدول و قنالر و صو یوللری انشا
 ایلشدرکه زمانمزده مسو پوتامیاده براز زراعته صالح یرلر
 بولنمی او آکار قدیمه بقایاسی سایه سنده اولوب جداولدن
 قسم کلینک خراب اولسی چوق یرلری چول و بطاق حاله
 قومشدر .

گلدانستان قدیم اهالیسی ایکی مختلف جنسک امتزاجندن
 حصوله کلشدی بوجنسدرده تورانیلر ایله قوش قومی ایدیلر .
 تورانیلر اسملرندن دخی اکلاشیله جنجی اوزره توران صحرا
 سندن هجرت ایدرک گلدانستانده تمکن ایلش ایدیلر و اساساً
 اسکیت قبائلی شعباتندن یعنی ترک اقوامندن بولندقلری وارسته
 شکدر . زمان ورودلرنده کندیلری حال و حشته اولوب
 مکمل لسان و مذهب و اصول خطه مالک ایدیلر . تورانیلرک
 یازیلری اساساً هیروغلیف کبی اشکال مخصوصه دن عبارت
 اولدیغی حالده مؤخرأ هر رشکل معنای موضوعه دن بشقه بر
 هجایه دخی علم اولغله تحصیل مشکل برنوع القبا حصوله
 کلشدر بواشکال اساساً موضوع لرنک تصویر صحیح و یاخیالیسی
 اولدیغی حالده مرور زمانله رسملرنه تغیر عارض اوله رق بر
 طاقم چوی و یاوق اشکالندن مرکب کبی بر صورت منقلب
 و بوسبیله خط میخی تسمیه سنه مظهر اولمشدر .

مذهبلری تعدد آلهه قائل اولوب نجوم و ۹۹۹هه مستند

قوش قومی

ایدی تورانیلر عالمی اوج قسمن عبارت عد ایدرلر وهر برینه بر آله مخصوص تعیین ایدرلر دی اقسام عالمدن سما آلهنه آنا ارض الهنه اه آ طبقه سفلیه آلهنه دخی مولکه تسمیه ایدرلر دی مجازات اخروییه اعتقادلری اولمیوب مکافات و مجازاتک ارض اوزره اوله جغنی ظن ایدرلر و بونلردن بشقه اجرام سماوییه علامت اولقی اوزره درجه ثانیده برچوق معبودله ده پرستش ایدرلر ایدی . هر معبودک برده شکل مؤنثی بولندیغی فرض اولنوردی تورانیلر عالمک برطاقم شیاطین و ارواح ضاله ایله مملو بولتمسندله شبهه ایتمک لرندن بونلرک شرلرندن خلاص اولقی اوزره برچوق مراسم عجیبه یه سلوک انیشلر و عبادت لرینی بر سحر بازلق آیینی حالته قومشدرلر .

قوش اقوامی عادتاً اسود اللون اولوب مع مافیه صفات وجهیه لری منتظم و یالکز طوداقلری شفره زنجیه یه ممائل ایدی قوشیلر اولاد حامدن و قوش بن حامک ذرینندن بولندقلری مروی اولوب ازمنه قدیمده بحر عمان سواحلندن بحراجره قدر آسیا ممالک ساحلیه سنی اشغال و اسکان انیشلر و حتی آفریقایه قدر کیدوب حبشستان و جنوبی نویدهده اسکان ایدنلریده بولتمشدر . قوش قومی مذهبنده وحدانیت و تعدد آله اساسلری بر بریله بمتزج اولوب ماده الوهیتده کی وحدت قبول ایندلیکله برابر آثار بوینندن هر بری بر معبود مخصوصک اثر قدرتی اولقی اوزره تلقی ایدیلرک اسامی آلهیه تنوع ایدر یلوردی . ایشته

آنو بل و یا بعل سین و ماردوق اسملری بوججهله تعین ایدرک
 مصرده اولدیغی کبی هر شهرده بونلردن برینه عبادت اولمغه
 باشلانمیشدی . بو آلهل اره سنده مساوات کامله موجود ایسه ده
 هر شهرک سیاسة زمان تفوقده معبودی دخی بلاد ساره معبود
 لرینه تفوق ایدردی . فقط حکومته انحداک حصولندن صکره
 عومجه قبول اولنان مذهب رسمیده ایلو معبودی سلسله
 الوهیتده سرفراز اولدیکه کلدانستانک پایتختی اولان بابل
 شهرینک اکا نسبتله باب ایلو (ایلو قومسی) تسمیه ایدلمش اولمسی
 ظن ایدیلور . آثوریه نك مقر سلطنتی اولان نینه ده ایلویه آثور
 نامیله عبادت ایدلمشدر .

اشبو آله واحده برابر برده اقاییم ثلثه موجود اولوب
 عالمی خلقی ایدن قوت و آرزویه و ماده کاشاته آنو
 عالمی هرچ و مرج حالندن قورتاران لفظ ربوبیته بعل و یا بعل
 ماردوق و نظام عالمی محافظه و حیاتی ادامه ایدن ضیای ربوبیته ده
 نوآ (نیرزوق و یا شالمانو) اسملری ویریلوردی . هر معبودک بر
 شکل مؤنثی اولوب فقط طبیعتک ماده مؤنثه سی اکثر بلیت
 (میله) ک ذاته توحید ایدیلودی . بو اقاییم ثلثه دروننده
 علم هیته مستند اقاییم دیگر موجود ایدی کلدانیلر سماسی صاف
 و براق برنملکته ساکن بولندقرندن پک قدیم زمانلردن بری
 علم نجومه مراق ایدرک حتی بروج اثنا عشری کشف بیله
 ایتشلر و ریاضیاتده دخی خیلی ترقیات وجوده کتیر مشلردی نجوم

ایله توغلاری بالطبع مذهبلرینه دخی تأثیر ایلمدیکندن قره سین و شمس ساماس و هوای نسیمی یدده بین نامنی و بریلرک اوچندن اقایم جدیده وجوده کلشدی شمسک کائیات ایچنده کی اهمیت کلیه سنی تقدیر ایلمدکندن ساماسه (محرك اعظم) ارض و سمانک نایب و حکمی) عنواننی و برلردی . بونلردن صکره کواکب سلسله الوهیتی یعنی آدار و یانینپ (ذخل) ماردوق (مشری) نرغال (مرخ) ایستار (زهره) و نابو (عطارد) کایرلردی آداره سامدان (صمدان) نامی و بریلور و قهرمانلقده کندیسسی یکنه عد اولنوردی ایستار ایسه میلته کبی قوه نایب طبعته و حتی جهت شهوانیه بشره شمال ایدی . ایشته قوش قومی خرافاتیه متعین مذهب کلدانی اساساً بوندن عبارت اولوب خلق یئنده دها برچوق آله و ارواحه اعتقاد ایدلیر و موجودلرینه مختلف اسملر و بریلردی . بو مذهب ایله مذهب یونانی یئنده کی مشابته شایان دقتدر ذاتاً قرون اولی اقوامنک مذهبی آزچوق برلرینه مماثل اولوب ساده دین موسوی آری برحالده در . حتی بویله مثلا طوفان و سور السنمر و ایاتله شایعات کلدانییه مماثل احوال ارانه ایلمکده در . کلدانستانک سکنه اصلیه سی قوش جفستندن اولوب تورانیلر مؤخرأ کلشله و بو ایکی جنسک لایقیله اختلا طندن کلدانیلر وجوده کلشدر . کلدانستان اسبانی ده اساساً السنه حامیه دن ایکن یواش یواش جوارده کی آرام اقوام سامیه سی ایله اختلاط دائمی تأثیریه تبدیل طبیعت ایدرک السنه سامیه عدایتنه داخل اولمشدر .

کلدانستانده تورانی وقوش-یلرک احتمالکه پک چوق قانلر دوکیلهرق و قوع بولان اختلاطلری برمدنیت متوسطه ظهوره کتیرمش ولسان و عادات و مذهبلی قارشمش و باخصه-وص تورانیلرجه معتبر اولان سحر بازلق عاداتا کلدانیلرک ضنابع مقبوله لرندن اولوب علم طبک مقامنی طوتمشدر .

کلدانستانک مدنیتجه قدملی اولان جهنتلری جنوب طرفلری اولوب الیاسکی بلاد او طرفلرده بولتمشدر . الجزیره نک شمالنده بولنان آثوریه قطعده سی ده صکره لری یعنی هجرت نبویه دن یکریمی یکریمی بر عصر اوللرندن اعتباراً کسب استقلال انلش و اوزمانه قدر تقریباً اون درت عصر مدت کلدانستان حکمدار- لرینک تخت نفوذنده اولهرق قالمشدر . ساده کلدانستانک شرق جهتنده و قارون نهری و ادیسنده کائن اولوب کلدانیلرله جنساً مماثلت ارائه ایدن بر قوم ایله مسکون بولنان الام قطعده سی قدیمدنبری بر دولت عظیمیه مقرارولش و مرکز اداره سی بولنان سوز شهری آسیانک بلاد عظیمه سندن معدود بولتمشدر . الام حکومتی یکریمی اوچ یکریمی درت عصر مدت وقایه استقلاله موقوف اولهرق نهایت دارا زماننده قطعیباً منقرض و ممالک ایرانیه ملحق اولمشدر . کلدانستانک احوال قدیمه تاریخیه سی حقیقه کی معلوماتک قسم اعظمی هجرت نبویه دن طقوز عصر مقدم سلفکیانندن ایکنجی آیتوخوس زماننده بابلده بر حیات اولان راهب کلدانی بر وسوسک لسان بونانی اوزره

تألیف ایلهدیکی تاریخدن مستنبط اولوب بونک بر مقدار کلیمی دخی
خرافات فیلهندن شیردر مؤخرأ کشف اولنسان آثار عتیقه
و خطوط میخینهك فرائنه موققیله کلدانستان قدیم حقهده کی
معلومات تزیاید ایلکده در .

بروسوسک افاده سنه کوره کلدانلر ذاتاً حال وحشته
اولدقوری حالده دکردن ظهور ایدن اوآنس امنده برآاهی
بالق کندیلرینی حال مدینه قومشدر بوندن صکره التیوز بیک
سنه بی متجاوز مدت ظرفنده بشردن اون نفر حکمدار ظهور
ایدرك کلدانستانی اداره ایش و آره صره اوآنس طرزنده یاری
انسان یاری بالق مخلوقات خارق العاده کلدرك بونلره طریق
حقی تعلیم ایشدر نهایت اونجی حکمدار قزی سوتروس زمانده
معبودلر انسانلری تأدیه قرار و برهرك حکمدار مزبور بر سفینه
انشا ایشی و توابعیله برابر بئرک هر جنس حیواناتنده برچفت
آلمی امر اولمش و بونلر سفینه به بندکدن صکره طوفان وقوع
بوله رقی جله بشر هلاک اولمشدر . قوم کلدانیاں بوسفینه به راکب
کروه ممتازه دن ظهور ایشدر . بعد الطوفان کلان نسل دیو کی
آدملر اولوب آلله ره قارشو سرکشلکده بولندرق سمایه ایشمک
اوزره برده قله انشاسته باشلامشدر سه ده عملهك لسانی دکشمکله
انشا آته دوام قابل اوله مامشدر قله ده صاعقه ایله یقلمشدر . بو
حکومت ثانیه کلدانیه دخی ایکیوز بیک سنه بی متجاوز مدت بقا
بولمشدر .

قرائن احواله نظراً اوزمان کلدانستانده برچوق حکمداران موجود اولوب فقط بونلر ایچنده نمرود نامنده بریسی تاریخچه ابقای نام ایلشدر حتی کتب مقدسه ده سور السنه نك انشاسی نمروده عطف اولدیغی کی حضرت ابراهیم علیه السلامی آتشد آتدیرنده کندیبسی اولقی اوزره مرویدر . نمرود سلاله . سندن ظهور ایدن اوروک نام حکمدار انشآت جسمیه ایله معروفدر .

دولت نمارده تأسسندن بر قاج عصرلر مرورندنصکره هجرت نبویه دن یکریمی طقوز عصر مقدم الام حکمدارلرندن قدورناقوته نك کلدانستانه هجوم واستیلا ایلسیله نهایت بولمشدر . قدورناقوته نك اخلاقی کلدانستانده بریکی سلاله تشکیل ایدرک بونلردن قدور لاغمار سوریه اوزرینه ونا ارض فلسطینه قدر هجوم ایله اورتلغی تلاشه دوشورمشدر الام سلاله سنه ضعف عارض اواسیله ینه حکومت کلدانی حکمدارلر انده پکوب مؤخرأ بونلره طاری اولان اختلالدن استفاده ایدن عرب قبائلی مملکتی استیلا ایتش و هجرت نبویه دن یکریمی ایکی عصره مقدمنده قبائل مذکورره رئیس حامورابی طرفندن بر سلاله جدیده احداث ایدلشدر . عرب سلاله سی زماننده آثوریه سیاسته آریلوب یواش یواش قوتلندرک کلدانستان ایسه بالعکس تشوشات داخلیده اوغرایغندن یکریمنجی عصرده بسبتون اثوریه اداره سنه یکمیش وآره

صره ینه کسب استقلال ایتمکله برابر سکنز عصری منجاوز مدت آثوریه نفوذندن قورتیله میوب نهایت بابلده بردولت مستقله معظمه تشکل ایلشسهده بوده پک جزوی وقت دوام ایدرک ایران طرفندن استیلا اولمشدر .

۴

کنعانیلرک دور استیلاری

مهاجرت کنعانیه . مصرک استیلای . اون بشجی سلاه . هیکسوس سلاهسی . مصرده هیکسوس ادارهسی . اقوام ملجیه . تراج . حضرت ابراهیم علیه السلام . حضرت یعقوب . حضرت یوسف . بنی اسرائیلک مصره دخولی . استقلال محاربهسی . اون بدنجی سلاه . آموزیس . مصرک ابتدای دور فتوحاتی

کلدانستان حکومتک الام دولتی اداره سنه یکمسی ایشالرنده آسیای غربیده تبدلات مهمه ظهوره کیشدی . اقوام موجوده دن قسم اعظمی تحویل مکان ایدرک ظن اولندیغنه کوره آسیای صغیره بر طاقم ترک قبائل جدیدهسی هجوم ایلدیکنندن عراق جهتلرنده کی قوشیلرک بر قسمی غربه طوغری کتمش وحتی بوضره ده بنی اسرائیلک و حضرت ابراهیم علیه السلام جدی بولغان تراج دخی آثور قطعه سندن

کنعانیلرک دور استیلاری

مسوپو تامیاده حرانه هجرت ایتشدرد . ایشته اقوام آسیایه دن بر قسمنک غربه طوغری مهاجرت عومیله لری کنعانیلر استیلای نامیله معروفدر - اون دردنجی سلاله زماننده مصرک راعیلر طرفندن ضبطی بومهاجرتک نتیجه سیدر . مصرک احوال داخلیه سی او وقت پک قاریشق اولوب استیلای اجنبی به مساعد ایدی مملکت کوچک برنسلکره منقسم اولهرق شمالده برکوشه به صوقیلان اون دردنجی سلاله کندی کندینه منقرض اولبوردی .

ایشته بوسره ده آسیای غربیده وقوعبولان مهاجرت عومیله آتارندن اولهرق برطاقم قبائل کنعانیه شالیت (سلاتیس) اسمنده بر رئیسک قومانده سنده اولدقاری حالده سویش برزخی طریقیه مصره داخل اولهرق مملکت فرعونیه بی استیلا ایشلردر .

مصریلر من القدییم سویش برزخنک طرف دیکرنده ساکن اولان اقوام بدویله به شاسو ویاشوز یعنی چاپوچلی و بیغماکر اسمنی ویرمکده اولوب شالته ده هبق شوزیعنی شوزلر قرالی نسیمه ایدلمش و یونان مورخلری بوندن مصری استیلا ایدن راعیلره علم اولان هیکسوس نامنی وجوده کتیر مشلردر .

شالیت اول امرده ساده مصر سفلی ووسطی بی استیلا ایده بیلوب تب شهرنده کی محلی برنسلری ایسه مصر علیاده (اون بشنجی سلاله) حکومت فرعونیه بی ادامه ایشلردر .

قائمانی متعاقب سائر اقوام کنعانیہ تک مصرہ یکہ مامسی ایچون
شالیت سویش جوارنده پلوز و آواریس (حوار) قلعه لرینی
انشا ایتدیرمش و آواریسده صورت دائمده ایکی اوچوز بیک
عسکر بولندیره رق اوراسنی مستحکم اردوگاہ حالنه قومشدر .
کنعانیلر مصر علیانی استیلادن دخی فارغ اولمیه رق
برنجی هیکسوس سلاله سیله اون بشنجی تب سلاله سی اردمنده کی
مخاریات شدیدہ ایکی عصر مدت دوام ایش و نهایت راعیلر
موفق اوله رق مصر قطعہ سی کاملاً ایکنجی هیکسوس سلاله سی
ید اداره سنده جمع اولمشدر . ایشو ایکنجی سلاله فرعونلر
سلسله سنجہ دخی اون التنجی سلاله بی تشکیل ایدر .
کنعانیلر مصرده بولدقلمدی مدنیت مترقیہ تک قیمتی وهله
نظرده تقدیر ایدہ مدکارندن ایلک زمانلرده بک چوق مظالم
وخساراتده بولمشلر و برطاقم آثار نفیسه بی تخریبہ باشلامشدردی
حتی بوسیلہ مصریلر نزدنده الی الابد لعنت و نفرین ایله یاد
ایدیلهرک مخوس نامنی بیلہ قزائمشدردی . فقط مرور زمان
و بر مدنیت عالیہ تک حال وحشتمده کی اقوامہ تأثیر طبیعیسی
بونزیده یواش یواش اخلاق مصریہ ایصندیردی . هیکسوس
سرای حکمدار یسنده سرای فرعوننی به مخصوص اولان
دارات واحتشام قبول ایدلدی . مصر مذهبک مرعی اولمی
غالبلر طرفندن نظر مسامحه ایله کوریلوب حتی هیکسوسلر الہی
اولان محارب سوتک مصریلرک سہتی ایله برلشدیرلدی ایشته

ہو انیسویں صدی تک یہ نمرہ سی اولہ رقی مصر مورخوں نے ایک نئی
 ہیگوس سالہ سنی سلسلہ فرعونیانہ ادخال تبدیل
 ہیگوسلر مہما ممکن مصریلر ایلہ اختلاط ایٹلسر سہ دہ
 بو اختلاط ملیت ولسانلرینی اونوتدیرہ جق درجہ یہ کلامشدی
 بوجہ تہ زمان ادارہ لرنده مصر کرک قحط وغلا و کرک اسباب
 سائرہ دن طولانی آسیای غربتہ اوتورہ میان اقوام کنعانیہ
 ملجأ اولمشدی کہ بنی اسرائیل دخی اشبو اقوام ملجیہ دندر
 بنی اسرائیل ظہور و منشائی حقنہ کی معلومات تاریخیہ
 تورات شریفدن مأخوذ در بنی اسرائیل جدی مہاجرت
 عمومیہ کنعانیہ اثناسندہ قبیلہ سیلہ برابر حرکت ایلدیکی بالادہ
 مندرج بولنان تاریخ یا خود تراخ اولوب اوغلی حضرت ابراہیم
 علیہ السلام پایہ نبوت احسان اولمش و ایلرودہ برذرت
 صادقہ مالک اولہ جفی تبشیر ایلمشدر روایتہ نظراً حضرت
 ابراہیم علیہ السلام بابل حکمداری نمرودی طریق ہدایتہ
 دعوت ایلشسہ دہ موفق اولہ مامش و حتی حضرت ابراہیمی
 نمرود آتشہ آتدیرمشسہ دہ با امر ربانی آتش کا زارہ مبدل
 اولمشدر حضرت ابراہیم زوجہ می سارہ و برادرزادہ سی
 لوط علیہ السلام ایلہ بر لکدہ بر کنعانہ طوغری ہجرت ایلرک
 نثر ہدایتہ اشتغال ایلش و حضرت ابراہیمدن آریلان
 حضرت لوطدہ سدوم و غامورا شہرلرینی طریق حقہ دعوتہ
 چالشمسہ دہ اورالر خلفی فسق و فجور دہ تعند ایلدکارندن

جناب حق طرفدن ایکی شهر تخریب ایدلمشدر . سوریه یه تجاوز ایدن قدور لاغاره قارشو مدافعه ایدن متفقین میانده حضرت ابراهیم دخی بولندیغی کتب مقدسه ده مندرجدر . بر ازلق قحط ظهور ایتکله . حضرت ابراهیم مصره کیدرک اوراده امرار وقت ایلش و صکره ینه وطننه عودت ایلشدر حضرت ابراهیم ایکی اولادی اولوب ایکیسیده نبوتله مشرف اولمش و ساره دن تولد ایدن حضرت اسمحق بنی امراهیه و هاجردن تولد ایدن حضرت اسماعیل دخی قریشیلره پدر اولمشلردر . کعبه معظمه یی حضرت ابراهیم ایله حضرت اسماعیل برلکده اوله زق انشا ایلشلردر .

حضرت اسمحق علیه السلام و فائزندن صکره رسالت حضرت یعقوب علیه السلامه انتقال ایلشدر . حضرت یعقوب دایمی لابانک لیاور حیلله اسمنده کی ایکی کریمه سیله ازدواج ایدرک لیا ایله دیگر ایکی جاره دن اون ور حیلله دن دخی یوسف و بنیامین اسمنده ایکی اوغلی تولد ایلشدر . حضرت یعقوب یوسفی ساثر اولاندن زیاده سودیکی کبی حضرت یوسفک ایلروده پک بیوک حکم صاحبی و برادرلرینه حاکم اوله جغی حکمنی معان کوریلان بررؤیا دخی دیگر اون برادرک حسدلرینی جلب ایتشدی . برکون اون برادر حضرت یوسفی قیره کنورب برقویوبه اتمش و صکره پدرلرینه کله رک یوسفی قوردیدیکنی سولمشلردر . مصره کتمکده اولان برکاروان خلقی حضرت یوسفی

قویودن چیقاره رق برلکده کتور مشر و او وقت اون ساکر
 یاشنده و فوق العاده کوزل اولدیغندن عالی فیاتله فرعون مصر
 وزر اسندن برینه اسیر اوله رق صائم شردر . وزیرک زوجه سی
 زلیخا حضرت یوسفه علاقه ایدوب محبتنه مقابله کورمدیکندن
 بر تهمت بهانه ایدرک حبسه آندیرمش و فسط حبسه کیریشی
 یوسفک سبب رفعتی اولمشدر . شویله که حبسخانه ده ایکن
 منکوب بعض قرناک رؤیالرینی تعبیر ایدوب تعبیری صحیح چقمغله
 بو قرنا مظهر عفو اولدقلمی زمان حضرت یوسفک معبر لکده کی
 مهارتی فرعونه ثنا ایلدکارندن حضرت یوسف مؤخر آفرعونک
 دخی رؤیاسنی تعبیر ایلش و بو رؤیا مصرده یدی سنه فیض
 و برکت وانی متعاقب یدی سنه ده قحط و غلا وقوعنی معین
 اولدیغندن فرعون حضرت یوسفی محصولاته نظارت ایلک
 اوزره وزارت مقامنه چیقارمش و حضرت یوسف دخی
 مأموریت جدیده سننده پک زیاده درایت و کفایت کوستره رک
 عمومک خشو دیسنی جلب ایلش و مصری قحط و غلا بلیه سندن
 قور تار مشدر .

او صهرده ارض فلسطینده دخی قحط و غلا واقع اولوب
 مصردن بشقه یرده ذخیره بولتمدیغندن اولاد یعقوب دخی
 ذخیره المی اوزره مصره کلشردی . اشته او وقت حضرت
 یوسف برادر لری طایدیغندن کنس دیسنی طائمش و پدرینی
 دخی مصره دعوت ایلشدر . بو دعوت اوزرینه بالجمله اولاد

اسرائیل مصره هجرت ایدوب سویش برزخسه جوار اولان
برطاقم اراضی کندیلرینه تملیک ایدلمش واوراده نوطن وتکثر
ایلمشدر .

بنی اسرائیلی مصره قبول ایدن وحقرنده رعایت وحرمت
کوسترن فرعونک مصر سفلی ده هیکسوسلرک پانختی بولسان
تانی شهرینی انشا وتأسيس ایدن آپایی لردن بریسی بولتمسی
محملمدر .

هیکسوسلرک مصری استیلاری مصری اساسلی صورتده
اخلال ایلامشدی شالیت سلاله سی طوغریدن طوغری به مصر
سفلی ده حکومت ایلمکده اولوب مصر وسطی وسفلی ده ولایات
والیری امور اداره لرجه عادتا حازر استقلال ویالکز فرعون
اجنبی به خراجگذار ایدیلر . تب سلاله لرینک اضاعه استقلالر
ندن صکره بیله بو حال دوام ایلمش وایکی عصری متجاوز
مدت عموم خطه مصریه هیکسوسلره خراجگذار قالمشسه ده
نهایت تب شهرندن تحکم اجانب علیه غایت بیوک باختلال
ظهور ایلمش ومصرده کی کوچک پرنسلرده تب پرنسلری
طرفنی التزام ایلدکلرندن وقوع بولان محاربات طویله نهایت
راعیلرک مصردن طرد ایدلمرینی منج اولمشدر .

راعیلرک مصردن چیقارلمری آز وقتده میسر اوله میوب
استقلال محارباتی بوز الی سنه مدت دوام ایلمش وپسدرپی
قاتحان شماله طوغری دفع ایدیلوب نهایت اون یدنجی تب

سلاله سی فرعونلرندن آموزش بونلری کایا دفعه موفق اولمشدر .
ساده هیکسوسلردن بر قاج بوز بیک کشی پلوز مستحکم
اردوگاهنه قبانوب قالمشدر .

هیکسوسلرک مغلوبیتلریله بونلرک زمان تحکمنده مصره
کلان اقوام وطن اصلیلرینه عودته شتابان اولیوب اکثریسی
مصرکی مهور و منبت بر محلهه اسارتی چولرده حریتسه
ترجیح ایدرک اداره مصریهده قالمشدر . اشته بنی اسرائیل
دخی بومیانده بولتمشدر .

هیکسوسلری مصردن اخراج ایدن آموزش مصریلرجه
صورت فوق العاده احترام و رعایته مظهر ایدیلرک اون سکزنجی
سلاله نیک ریسی عد اولتمشدر .

مصرک استیلای اجنیدن قورتلسی اوزرینه خلقه فتوحات
واخذ ثار آرزوسی کلش و ذاتاً استقلال محاربات طوبله سی هر
کسی عسکرلکه الشدیرمش اولدیغندن فرعونلر منتظم و جسم
اردولرله ملل تجماعوره به تجماعوزه باشلامشدر . یعنی
کنعایلرک غربیه طوغری رحلتلری اولا راعیلرک مصره
کیمرلرینی و صکرهده مصریلرک آسیای غربینی جیوش
مظفرلرینه جولانکاه ایدنلرینی موجب اولمشدر که شو
صورتله حوالی مذکوردهه اسکی حال تجمرد قالیوب مناسبات
دولیه باش کوسترمه که باشلامشدر .

فصل نالت

مصر ایله آتوریدنک دور تحکملری

۱

مصرک دور فتوحاتنده غربی آسیانک حالی

هیکسوس استیلاسنک نتیجی . فتوحات مصریه هنکامنده سوریدنک
حالی : کیتی قومی ؛ کنعانیلر ؛ دمشق شام . کلدانستان و آتوریه .
قنیکه لیلر ؛ صورت اداره ؛ لسان و مذهب ؛ اختراعات و کشفیات ؛
تجارت ؛ معدنچیلک ؛ مستعمرات . اسبابی صغری .

مباحث متقدمده کورلیدیکی اوزره مصریلر ملل مجاوره
ایله هر نه صورتله اولورسه اولسون اختلاط و مناسباتده بولتمغه
چوقلق هوس ایدر بر قوم اولدقلرندن سیاسة پارلاق اولان
اون ایکنجی سلاله دورنده بیله علم مظفریشری سوریه سواحلندن
ایلر وسنده توح ایتماشدی حالبو که هیکسوسلرک طردی
واستقلال محاربات طویله سنک ختامنی متعاقب خلقدنه فتوحات
آرزوسی حاصل او لهزق مصریلر جسمیم و منتظم اردولرله
خارجه تجاوزله برچوق ملل واقوامی ربقه اطاعته آلمشیر

و بمظفریات هومی عصر لجه دوام ایدن محاربات مدیده دن
صکره کسب سکونت ایده بیلشدر اوزمانه قدر هر قومک تاریخی
باشلی باشنه برسلسله و قوعادن عبارت اولوب بین الاقوام
مناسبات یوق ایکن مصرک تجاوزاتیسله بو حال تجرد ختام
بولوب تاریخ عالم باشلامشدر .

مصریلرک ایلك خطوه تجاوزلری سوریه قطعه سنه آتلمشدی
سوریه نوع بشرک اناسکی مراکز مدینتدن اولوب شمال
جهتلی منبت و محصولدار جهت جنوبیه ده کی طاغلق محللی
دخی جیادت هوا ایله مشهور اولسی و جنوب شرقی طرفنده کی
بحر لوط و ادیسی ایسه سطح بگردن اشاغی و وخامت هوا ایله
معروف بولنمی جهته اقلیمجه مختلف اقسامی حاویدر . مصریلرک
تجاوزی زماننده بو قطعه باشلیجه اوج قومک یداداره سننده
ایدی شمال طرفلی قفقاس جنسنه منسوبیتی مظنون کیتی اسمنده
جری و جسمور برملت ایله مسکون ایدی جهات جنوبیه ده
کنعانیلر ساکن اولوب بونلر مهاجرت دورند نصکره طاغیله رق
طاقی داخل قطعه ده وادیلرده قابوب اینجابات محللیه به کوره
زراعت و فلاحت ورعی ایله مشغول اولشلر و ساحلده او طور نلرده
طاقلر اتسکنده طاربر یرده بولندقلرندن و مملکتلی
زراعت ایله ساکنی پکندیره مدیکندن تجارت و اسفار بحریه به
قولشدر ایدی . بوساحلده قالان مهاجرین تاریخده فنیکه لیلر

نامیله معروفدرلر . فنیکه نامنک کنعانی وقوشیلرک اسم قدیمیری اولان پهنی وبابونی لفظندن مشتق اولسی ماملدر .

سوریه نك عربستان چوللرینه یقین اولان جهتلی ایسه مجموعنه ته راشیت نامی وریلان آمون موآب ادوم اقوامیله مسکون اولوب یونلر متفرق برحاله بشارلر وطوائف عربدن عمالقه طائفه سیله محاربه دائمه حالنده بولنورلردی . بنی اسرائیل مصردن چئم-امش ومؤخرأ سوریه ده قزانديغی موقع معتنا وتفوق سیامی بی هنوز اله پکیر مامشدی . سوریه بلادی آرمسندک مشهوری کلدانستانه قریبتی جهتیله اهمیت موقعیه سی اولان دمشق شام ایسه ده هنوز اوراده ده بر حکومت قویه موجود دکلدی . الام وعرب استیلارندن قورتلمش اولان کلدانستان سیاسته ضعیف برحاله بولونیوردی هنوز کلدانستان نفوذندن قورتیلهرق کسب استقلال ایلش بولنان آتوریه دجله وادیسندک بر دولت متینه وجوده کتیرمش ومركز اداره سی اولان الاسارو نینوه شهرلی بیومکه باشلامشسه ده بونوزاد اداره ده مصر فرعونلرینک جیوش مظفره سنه مقاومت ایده بیله جک بر اقتداره مالک دکلدی .

فنیکه قطعیه سی ساحل بونینجه دیزلمش برچوق بلاددن مرکب اولوب بونلر میانده سمیراس تربولیس بیبلوس بریت تیر سیدون یاقا شهرلی مشهور ایدی هر شهر اداره داخلیه جه تماماً حازر استقلال اولوب ساده بینلرنده وحدت ملیه واشترک

منافعدن متولد برنوع اتفاق و اتحاد موجود ایدی از جمله تجاوز
خارجی وقوعنده هپسی بالانفاق مدافعه مملکتیه مسارعت
ایدر لردی ذاتاً مملکتک شرق جهتی اولان لبنان طاغری چا پولجی
اقوام ایله مسکون اولوب فیکه ده برشهر دن دیگر بر شهره
کتمک بیه تهلکه لی اولدیغندن بالجمله مراسلات مراکب بحریه
ایله اجرا اولنوردی .

فیکه لیلر نسلاً قوش اقوامندن بولندقلری جهته کرک
لسان و کرک مذهب لرنده آثوری و کلدانی لسان و مذهبیه پک بیوک
بر مشابیت کوریلور . کلدانیلرک بل و یا خود بعلی مولوق نامیه
فیکه ده خلقک عبادات و طاعاتیه مظهر اولدیغی کبی میلنه
دخی آستارته نامله یاد ایدلمش و بونتره انسان قربان ائتمک بیه
عادت اولمشدی . لسان خصوصنده فیکه لیلر بیوک بر ترقی
وجوده کتیر مشر یعنی مصر خطوطندن اقتباس اساس ایله
برابر کلمات و هجا تصویرینی ترک ایدرک حروف هجابی اختراع
المشدر . سیدون (صیدا) شهرینه نسبت ایدیلان اشبو القبا
مؤخرأ یونانستانه دخی پکمش و بریاندنده لاتین اقوامنه پکمه کله
تغیرات کایه ایله زمانزه قدر کلشدر . اختراعات نافعه دن اولوق
اوزره جامی کشف و ایجاد ایدن و قرمز بویا نی بولان و مسکو
کات ضربینی ورقی تعقل ایدنیه فیکه لیلردر ساده علم حسابک
کلدانستانه دخی ترقی سنده مبنی فیکه لیلرک رقی اورادن کتیر مش
اولملری محتملدر .

فنیکه لیلر من القدیم تجارت ایله و باخصوص تجارت بحریه ایله اشتغال ایدرلردی . قفقاس-یانک امراسی بابلک ایپک و شرابی هندستانک شال و مجوهراتی یمتک التون و مسک و عنبری و آفریقانک فیل دیشی و آبانوسی فنیکه و بابلک اقصیه سی و جام و قزل بویا الک باشلی مواد تجاریه دن ایدی . فنیکه تجارتلرینک بالذات هند و چینه قدر کتدکلی معلوم دکلسده هر حالده تجارت عالمه قومیسو نیجیلیق ایتدکلی و فرات و ادیلرینه قدر برطاقم تجارت مرکز لینه و دبوی محللرینه مالک اولدقنری بحققدر .

فنیکه لیلر معدنچیلیکی دخی چوق ایلر اولته رک اولا قبریس اطه سنده بولدقنری باقیر معدنلرینی و اسپایاده کوش معدنلرینی ایشلتمشلر و حتی هر کول دیرکاری یعنی سبته بوغازینی دخی کچهرک جنوبی انکلتزه ده کی قلاهی معدنلرندن و بالطاق دکرنده چیقوب عهد قدیمده درجه نهابه ده قیمتدار اولان کهربادن کلی استفاده اولمشلردر .

مصرک دور فتوحاتنده فنیکه لیلر حکومت غالبیه قارشو سرکشلیک ایتیوب ویرکولرینی وقت وزمانیه تأدیه ایلدکرندن بو صداقته مقابل فرعونلردن برطاقم مساعدات تجاریه یه نائل اوله رق مصرک ممالک خارجییه ایله اولان تجارتنی عادتاید انحصاره آلمشلر و او واسطه ایله دخی برچوق ثروت و سامان اکتسابیه موفق اولمشلردر .

فنیکه لیلر بحر سفید سواحلنی مستملکات و مستعمرات ایله

مصرک دورفتوحاتده غربی آسیانک حالی

طولادیره رق اکثر جزائر بحر سفیدی زیر اداره لرینه آلمش لر
 وحتی روایتہ نظراً یونانستان قطعہ سنہ بیله چتمش لر در یونانیلردن
 دوری قومنک بحر سفیده یا بلعی اوزرینہ فیکہ لیلرک پای تسمد طبری
 کسلمش و پیدرپی اطہ لردہ الدن چیقوب از جله کرید جزیره سی
 فیکہ اداره سندن قورتلدق دن صکرہ مینوس نام حکمہ دارک
 زیر شوکتندہ بر حکومت قویہ بیہ مقر اولمش در . هر حالده فیکہ
 اخلاق و عاداتک یونانستان مدنی نتیجہ چوق تأثیری اولوب حتی
 مشهور تب شهر یونانیسنک مؤسسی قاد موسک فیکہ لی اولدیغی
 مرویدر . فیکہ ده تیر شهری مستعمر اتدن اولوب تاریخم زک
 بشقه بر قسمنده موضوع بحث ایدیلہ جک اولان قارطاجہ شهر تیجہ
 فیکہ بی دخی یکم شد در .

مصرک فتوحات دورنده اناتولی قطعہ سی آریا جنسنہ
 منسوب بر چوق اقوام ایله مسکون اولوب او وقت بونلردن
 لسانلری یونانجه بیہ مشابہت اراہ ایدن فزیکیا لیلر بوغاز
 ایچی طرفلرنده بولسان ترالز مرمره دکزی سواحل جنوبیہ سنده
 مزبایلر و چناق قلعه طرفلرنده داردانلر معروف اولدق لری
 کبی بوغازک بر از اشاغیسنده کائن روا شهری دخی صاحب
 شکوه و عظمت بر دولتک مقری ایدی . آسیای صغیر انک
 غرب طرفلرنده ایلروده پک زیادہ کسب شهرت ایدن لیدیالیلر
 ایله قاریالیلر ساکن ایدیلر .

آسیای صغیر انک سوریه بیہ ملاصق طرفلری اولجده ده

سویلندیکی وجهله کیتی قوميله مسکون اولوب بو قوم هر
 نقدر اولاری شماله طوغری بر چوق برلی استیلا ایدرک اطهر
 دکزینه قدر ایر شمشهده آریا اقوام ساثره سنک پیدر پی چوغالارق
 ایلرولمری اوزرینه بواش بواش حدود قدیمه سنه کیر مشدی .
 کیتی قومی مصر لیلرک هجوملرینه مدت مدیده مقاومت ایلدکن
 بشقه مصرک قوتنه انحطاط طاری اولدقدنصکره بر آرهلق
 تروالیلر وسائر اناطولی اقوامنی مصره تجاوزه بیله سوق ایلش
 ایدی فقط بو صرهده مصرک غلبه سی تروالیلری اسفار بعیده به
 کیرشماکنن نادم ایلدیکی کبی بو مغلوبیت کیتی دولتک اناطولیجه
 اولان تحکمه دخی خلل کتیر مشدر .

۲

مصرک دور فتوحاتی

توآموزیسلرک فتوحاتی . مالک جدیده تک صورت اداره سی . انشائات
 جسیه . مذهب قاریش قنقلری . اون طقوزنجی سلاله .
 رامزهس میامون . کیتی معاهده سی . منه قنح . بنی
 اسرائیلک مصردن صورت خروچی . مخوسلر .
 یکر منجی سلاله . هیرهور . تشوشتات
 داخلیه . یکر می برنجی سلاله .

فصل سابقده کورلیدیکی اوزره هیگوسلری مصردن
 چیقاران فرعون اون سکرتنجی سلاله رئیسینی آموزیس اولوب

انک خلنی توتوزیس دخی آسیا قطعہ سنک فتحہ قیام ایلشدر .
 برنجی توتوزیس سویش جوارنده کی هیکسوس بقایاسنی
 دخی طرد ایلدکدنصرک سوریه یه پکهرک گذرکاهنده کی اقوامی
 قهر و تدمیر ایلش و فرات ساحلنده غارغامش شهرینه یعنی
 گلدانستان حدودلرینه قدر علم مظفریتنی ایصال ایلشدر . اخلافی
 دورنده بوسفرلر تکرار ایدیلهرک سوریه قطعہ سی دفعاتله
 چکندیکی کی جنوبده نویه تکرار ضبط و حبشستان جهتلی
 بیله اداره فرعونیه یه ادخال ایلشدر . باخصوص اوچنجی
 توتوزیس بحر لوط جوارنده دشمن اقوام متحدیه قارشو بیوک
 بر غلبه یه نائل اوله رق اورالده حکومت مصریه بی تقویه
 ایلشدر . مصرک سوریه ده کی اداره سی مؤخرأ ایرانک
 و رومالیلرک تأسیس ایلدکلری حکومت قویه یه نمائل دکلدی
 سوریه ولایاتی مصرلی والیلر اداره سنده اولیوب یته کندی
 رنسلرینک تحت حکمنده قاله رق ساده فرعونلره خراج و برلر
 و فرصت بولدقجه عصیان و عدم اطاعت طریقنه سالت
 اولدقنلرند هر فرعون تبدلنده فتوحات مصریه بی تکرار
 انک ایجاب ایلردی . فنیکه لیلرکی بعض سوریه اقوامی ایسه
 عصیان انک خراجکذار اولقندن زیاده ضرر و خساری موجب
 اوله جغنی کورهرک نجرار تیزندن محروم قالمق ایستمدکلرندن
 ویرکولرینی وقت و زمانیله تسویه و مصر اداره سیله خوش
 چکنمکه سعی و غیرت ایلرلردی . حبشستان مصره الحاق

ایدیلوب فرعونک ولی عهدینه قوش پرنسی نامی ویرلدیکندن اکثر ولی عهدلر بالذات حبشستان رأس اداره سنده بولنورلر و بعضاً ده امرای مصریه دن برینی توکیل ایدرلردی . اون سکزنجی سلاله زماننده مصرک انار عالیله قدیمه سندن مشرف خراب اولانلر تعمیر و احیا و برچوق بکیلی انشا اولندیغی کبی بالخاصه تب شهری زیاده سیله توسیع و قارناق و مدینت آلابو سرای و معبدلری انشا ایدلشدن . فرعون اوچنجی آمه نوپتونک انشا ایتدیردیکی معبد قارشوسنده رکز ایتدیردیکی ایکی هیکل عهد قدیمده پک مشهور اولوب مؤخرأ بونلرک نصفی بقیله رق طلوع شمس اشناسنده بر صدا چیقاردقلری شیوع بولغله فجر آلهنک اوغلی ممنون معبودک هیکل اولدقلری ظن ایدلش و مصرک انقراضندن صکره بیله یونانیلر و رومالیلر دورلنده هیاکل مذکورہ مظهر تعبد اولمشدر .

اون سکزنجی سلاله صوکلرنده امراد نبری و یاخود ظن دیگره کوره عادی بر خادم اغامی هر فصلسه حکومتی ضبط ایدرک دردنجی آمه نوپتونک ^{امیر} نامیله اجرای سلطنت ایلش و موجود معبودلری ترک ایله کونش آییننه تقویت ویرمشدر . بو آیین ذاتاً مصر مذهبنده موجود ایسه ده بودغه متغلب مزبور سائر آللهلر عبادتخانه لرینی قیاده رق مصری اوزیریس و رایه و هارما کیسه مخصوص معبدلرله طولدیرمشدر بو تغییر اعتقاد اوزرینسه ظهور ایدن مذهب محاربه لری اشناسنده حکومت

مصریه به ضعف طاری اولوب اقوام مغلوبه کندیلرینی مصر اداره سندن قورتارمشلر و فقط بو قارغشه لقلر آره سنده مقام اقتداره چیقان اون طقوزنجی سلاله زمانده شوکت قدیمه عودت ایلشدر .

اون طقوزنجی سلاله مؤسس برنجی رامزه س کونش آیدنی قالدیرمش و اوغلی ستی یاخود برنجی ستوس زمانده دخی مصرک اداره سندن قورتلش اولان سوریه نویه حبش قطعه لری ینه ضبط ایدیلرک آتوریه کی ممالک بعیده به قدر برلر تکرار خراجکدار ایدلشدر ستی نک اوغلی ایکنجی رامزه س میامون و یاخود سزوستریس فرعونلرک مشهورلرندن اولوب شمال و جنوبه دفعاتله سفرلر اجرا ایدرک اقوام متحده عاصیه نی جله تکیل ایلشدر سزوستریس زمانده مصر بولک بردونمایه دخی مالک بولمشدر مع مافیه بو دورده مصرک اون سکزنجی سلاله زمانده کی اقتدار قدیمی قالمیوب اسکیدن فرعونلر سوریه حکمدارلرینی آدم برینه قومدقلری حالده سزوستریس وقتنده بونلرله فرعونلر همعیسار طوتلش و حتی رامزه س میامون ایله کیتی پرئسی آره سنده شرائط مساواتجویانه سی جالب دقت بولنان بر معاهده صلحیه بیله عقد و امضا ایدیلوب کیتی پرئسی مسافرتله مصره کلش و قیزی فرعونه تزویج ایلشدر . فن سیاستک اسک اسکین آثارندن بولنان بو معاهده مصر ایله کیتی پرئسلی آره سنده بعدما حب و موالات دائمه جاری اوله جغی و خارجدن تجاوز

وقوعنده مصرک کیتی به و کیتی نك مصره معاوندده بولنده جقلمری
 ودولتین ممالکننده کندی تبعه لرینک اجرای تجارت ایلرینه
 دخل و تعرض ایدلیوب بر مملکتدن دیگر مملکتته فرار ایدن
 بحر ملک و طنلرینه اعاده ایدیله جکی احکامی مندر جدر . ایشته
 کوریلرورکه مصرک سوریه لیلرله محاربات طولده سی حقوق
 بین الدوله بعض ترقیاتی بیله موجب اولمشدر .

سزوستریسک فتوحاتی هر قدر توتموز لر نکلندن زیاده
 دکسه ده انلره نسبتله پک زیاده شهرت کسب ایلش وزمانی
 شاعر لرینک نظریات قهرمانانه لرینه اساس اولدیغی کبی دلرده
 داستان قالمشدر .

سزوستریسک فتوحات عظیمه جهانگیرانه سنه دأر یونان
 مورخ لرینک روایاتی تحقیقات جدیدیه نظراً چوق مبالغه لی
 کورلمکده در . سزوستریس زماننده مصرک رفاه و سعادت عالی
 پک زیاده آرمش و اوتوز التی ولایت اوزره تنسیقاتی اکیال
 و سوریه نك جنوب طرف لرنده کی ممالک مضبوطه به دخی مصرلی
 و ایلر تعیین ایدیلرک حکومت مصریه صورت قویه ده تأسیس
 ایدلمشده بو حکومت جسمه نك انقراضی ده بوزماندن باشلا .
 مش و مصر توتموز و ارمزهس میامون زمان لرنده کی قدرت
 و شوکتی صکره بردها بوله مامشدر .

رامزهس میامون پک اوزون اولان دور سلطنتک قسم
 ثانیسنی داخل مملکتده کی انشاءآت ایله پکیرمشدر . ذراعتک

ترقیسی ایچون قنالر وجدولر جسم سرای و عبادتخانه لر
 و مظفریاتی حاکی عبارات محکوکه بی حامل دیکیلی طاشلر
 بولنده جالب انظار حیرت اناری پک چسوقدر حتی روایات
 موثوقه نظر ارامزهس ثانی بحر احرا ایله بحر سفید آره سنده
 بر قنال حفر ایندیرمکه تشبث دخی ایلشسه ده هر نصلسه بونی
 وجوده کتیرمکه موفق اوله مامشدر .

رامزهس میامون بر مدت صکره حکومتی کوچک اوغلی
 منه فتاحه براقشیدی منه فتاح دورنده پک چوق قاریشقلقلر
 وقوعه اولوب مصر ایبیا لیبیا و سائر برچوق اناطولی اقوامندن
 مرکب برچم غفیرک هجومه اوغرامشسه ده بونلر کوچ حال
 ایله دفع ایدیله بیلشدر .

بودورده ممالک مفتوحه الدن چقدیغی کبی مصرده فنا
 بر حال تفرقه ده دوشمشدر بنی اسرائیلک مصردن خروچی
 مملکتک بویله قاریشقلق حالنده بولدیغی زمانده وقوع بولش
 اولسی اغلب احتمالدر .

تورات شریفک بیاننه نظراً بنی اسرائیل او وقت مصرده
 زیاده سیله چوغالدیغندن فرعون بوتکثره مانع اولقی ایچون
 انلر آره سنده تولد ایده جک اولاد ذکورک اعدامی امر ایلش
 و لاوی سبطندن برقادین ایسه تولدایدن ارکک اوغلی اولدیر .
 تمک استیوب اوج ای اخفادن صکره بر صندوقه ده وضع ایله
 نیله براقشدر صندوقه هر نصل ایسه فرعونک همشیره ستنک

منظوری اوله رق چوجغنی چیقاروب اسمنی موسی تسمیه ایش
 وحضرت موسی بووجهله سرای فرعونیه تریه ایدلمش
 و مکملاً تحصیل ایشدر بوندن صکره بر مصری بی اولدیرمکه
 فرار ایدوب فرق سنه خارج مصرده قالمش وسینا جهتلرنده
 کندیسنه وحی آلهی نازل اوله رق بنی اسرائیل، مصردن تخلیصه
 مأمور بیورلدیغندن برادری هارون (ع) ایله برابر مصره
 عودت ایشدر. مصرده فرعونه مراجعت ایدرک چولده ذبح
 قرابین ایلک اوزره بنی اسرائیل عزیمتیه مساعده ایشتمش
 و اول راضی اولان فرعون صکره پشیمان اوله رق حضرت
 موسی علیه السلام وطائفه سنک پیشلرینه دوشمش و فقط بحر
 احیره ورودلرنده دکز یاربه رق بنی اسرائیل کچدکن صکره
 قپانوب فرعون اردوسی طالعقل ایچنده بوغلمشدر .

ایشته بنی اسرائیلک مصردن خروجی حقنده کتب مقدسه دنک
 وردیکی معلومات بو زمینده در . بطلمیوس اداره سی زماننده
 مصرده قبول اولنان بر روایتیه نظراً بو وقعه صورت دیکرله
 تفسیر اولتمقده در . شوبله که

فرعون آمنوفیس آلهری تماشا ایلک ارزوسنده بولمغله
 مصری منخوسلردن یعنی پاک و طاهر اولیان آدملردن تیرلمسی
 هاتف طرفندن امر ایدلمش و بونک اوزرینه تقدیر اوپوز و سائر
 امراض سقیمه اصحابی بولدیسسه جله سنی معدنله کوندرمش
 ایسه ده بونل آره سنده کاهن صنفنه منسوب آدملرده بولندیغندن

مصرک دور فتوحاتی

انزله اذا ایدش قباحتنه مجازاتاً مصرک اون اویچ سنه منحوسلر اداره سنده قلاجخی فرعونه تبلیغ اولمشدر فی الحقیقه هلیو پولیسلی اوزارسیف نامنده برکاهن مذهب مصری به مخالف بر دین احداث ایدرک مصری تخت حکمنه المش وفرعون ایسه اوزارسیفک عوننه سنی هاتفک بیلدیردیکی منحوسلر ظن ایدرک فرار ایلشدر . اوزارسیفک زمان اداره سنده منحوسلر معابدی تلویث اصنامی تخریب و حیوانات مقدسه بی اتلاف ایلشدر . نهایت اون اویچ سنه مروردن صکره آمنوفیس عسکریه عودت ایدوب منحوسلری مغلوب ایتش و خلفی ستی بونلری مصرک خارجه طرد ایدرک سوریه به قدر تعقیب ایلشدر .

بوندن صکره مقام حکومه پکن بکر منچی سلاله زمانده مصر ایچه کندیسنی طویلامش و باخصوص اوچنجی رامزس دورنده مصرک داخلی قاریش قلقری دفع و انتظام و اسایش اعاده ایلدیکی کبی مصرک دوچار اولدیغی تجاوزات خارجه دخی دفع ایلشدر .

ارتق سوریه و لایاتک چوغنی مصرک لندن ناقابل اعاده صورتده چیمش و نوبت تجاوز اسکی اقوام مغلوبه به کلش اولدیغندن شمعی انلرک هجومنه قارشو مملکتی وقایه ایده بیلک بولک موفقیت صائغه باشلامدی .

مصرک قوتنه ضعف طاری اولدیغی وقتدن برو برعصردن زیاده مدت انا طولی اقوامی کاملاً مصر اوزرینه تجاوزی عادت

هیرهورک اعلان حکومت النبی

ایدنمشلسده بکر منجی سلاله زماننده وادی نیلی یغما ایدنه
 بیتک احتمال موقیتی از المغله اشبو آقندی ایتالیا و بحر سفید
 جزائر کبیره سی جهت رینه توجه ایشدر . بالکز فلسطو
 Philistou قومی حکومت مصریه نك مساعده سیله سوریه نك
 جنوب طرفرنده اسکان ایدرک حوالی مذکورہ مؤخرأ بقومه
 نسبتله ارض فلسطین تسمیه ایدمشدر .

بکر منجی سلاله دن بر ربی متعاقب رامزهس نامیله ظهور
 ایدن فرعونلر زماننده مصر خیلی راحت ایشده سده اون
 ایکنجی رامزهس دورنده تب شهرنده کی آمون معبدی باش
 کاهنی هیرهور اعلان حکومت ایشدر .

مصرک قارغشده لقری زماننده احوال قدیمه نك جمله سی
 تغیر پذیر اولمشده آمون معبودینک حکم و نفوذی پیدر پی آرتمش
 ایدی خصوصیه کونش آیینته قارشو اولان مجاریات مذهبییه ده
 غلبه آمونده قالمغه بو آلهک معبدی مصرک اک مقدس بر محلی
 اوله رق کاهنلری چوق نفوذه مالک اولمشدر .

مع مافیہ ساده مصر وسطی و علیا هیرهوره اطاعت ایدوب
 مصر سفلی اسکی فرعونلرہ صادق قالمغه بر مدت مصر ایکی
 اداره به منقسم قالارق فرعونلر ایکیشر ایکیشر کیتمشدر .

بنی اسرائیل حکومتی

بنی اسرائیل صحرائی تپنده طولانی . شریعت موسویہ . برہو -
 عودہ دخول . فلسطین استیلاسی . حکام دوری . طالوت . حضرت
 داوود علیہ السلام . حضرت داوود فتوحاتی . حضرت سلیمان علیہ
 السلام جلوسی . حضرت پیمانک صورت انارسی . بیت المقدس .
 بنی اسرائیل عدم دوام شوکتی . رحبعام . یہودیدہ و اسرائیلدولتتری .

سوریہ قطعہ سی عساکر مصریہ ننگ جولانکھی اولہرق
 عصر لچہ مدت مصائب حربیہ ننگ ہر در اوسنہ دوچار اولمشدر
 حالہو کہ سوریہ مقدار نفوس جہتیہ ملل مستولایہ ننگ ہیج
 بریسندن اشاغی اولیوب فقط ملل مخلمہ پیندہ منقسم قالارق
 متحد بر حالہ بولنامسی شرق وغربہ ظہور ایدن دول فاتحہ ننگ
 یازدہ خیوللری اولسنی اتناج ایشدر .

بی اسرائیل مصر دن چیقارق برکنعانہ طوغری پوریدیکی
 صرہدہ بو حال تفرقہ حکم فرما بولونیوردی بنی اسرائیلک
 سوریہ بہ دخولی ایدہ اورادہ کی اقوام آرسندہ اتناج حصولہ
 کتیرمک شوبلہ طورسون موجود نفاق و انخلالی برقاتدہا
 تزیدہ یاردم ایشدر .

تورات شریف مندرجاتہ نظرأ بنی اسرائیل مصر دن
 خروجی متعاقب برکنعانہ یرلشہ میوب مدت مدیدہ صحرائی

تیه ده طولاشمش و بوضروده حضرت موسی علیه السلامه
 طور سیناده وحی آلهی نازل اوله رق او امر عشره اساسیه
 و دین موسوی احکام اصلیه سی تبلیغ ایدلمشدر احکام مذکور
 وحدانیت آلهیه بی و برچوق قواعده عالیّه اخلاقیّه و باخصوص
 اصنامه عبادت منوعیتنی محتویدر مع مافیّه او وقت بنی اسرائیل
 زنده و حدانیت ربانیه اعتقادینک تقدرضعیف اولدیغی حضرت
 موسی علیه السلامک زمان غیبوبنده قومنک التوندن بر بوزاغی
 هیکللی یاهررق اکا تعبد ایلیندن اکلاشیله ییلور . دین موسی
 کتب مقدسه مبعوثیه مستند ادیانک برنجیسی اولدیغی حالده
 بنی اسرائیل پک چوق وقتلر اطرافنی احاطه ایدن بپرسست
 اقوامک تأثیرندن قور تیله مامش و دائماً بو بولده مذاهبه بیوک
 بر میل کوسترمشدر مثلاً حضرت موسی طرفندن یاپدیریلوب
 بر نوع متحرک بیت الله و باشلی بر علامت ملیه عد اولنان طابوت
 ساکنه جهلامی قوم نظرنده کرچکدن مقر الوهیت ایمش کبی
 مظهر تعبد اولمشدر .

بنی اسرائیلک احوال اجتماعیه سی تورات شریف ایله
 تعیین ایدلمشدر . شو صورتده تورات شریف مبعوث اولدیغی
 قومک بالجمله احوال سیاسیّه و مدنیّه و دینیّه سنی ناظم بر قانون
 متدیس اولوب اصل قانون اولان قسمی حضرت موسی علیه
 السلامه نازل اولمش و بوکا مؤخرأ بعث اولنان پیغمبران عظام

دن قالوب اکثریمی قوم اسرائیلک احوال تاریخیه سنی و بعضاً ده برطاقم نصایح و قواعد اخلاقیه بی محتوی بولنان رساله لر دخی التحاق ایدرک کتاب عهد عتیق وجوده کلمشدر .

تورات شریفک طرز افاده سنه نظرأجناب واجب الوجود حضرتلری بنی اسرائیلی اقوام سائرهنک جمله سندن ممتاز بر قوم اولق اوزره خلق بیورمشدر . بنی اسرائیل اره سنده مساوات کامله جاری اولوب اقوام قدیمه نیک چوغنده مشهود اولان صنوف عدیده یه انقسام اصولی بوق ایدی ساده خاخاملق مأموریتلری پیدرپی لای سبطی ید انحصارنده قلمغه باشلامشدی اسرای اجنبیه نیک تملکی جائز سنده بنی اسرائیل میاننده کسه دیکره اسیر اوله رق استخدام ایدیله مزدی . قانون مدنیلرنده زمانمز احکامنه مغایر بعض جهتلر اولوب از جمله پدرك وفاتندن صکره بیوک اوغلك ایکی و دیکر اوغلارک بر حصه المری و قز اولادک میراندن محرومیتی ، املاک قطعاً فروختی جائز اولیوب الی سنه مدت مرورنده بیع ایدلمش هر ملکک صاحب اصلیسنه رجوع ایلمی و بو مدته هر درلو سندات و مقاولانک دخی حکمسنز قلمسی و مبالغ مستقرضیه فادض ویرلنک ممنوعیتی کبی بر طاقم احکام جاری و معتبر ایدی .

یوقاریده سویلندیکی اوزره بنی اسرائیل چوق وقت تیه صحرا سنده طولاشارق بر موعوده دخوله جسارت ایده مامش

و بر بطن دكيشه زك حضرت موسى عليه السلام دخي ارتحال
داربقا ایلدك دن صكره حضرت يوشع عليه السلام اداره سنده
اولدیغی حالده اردن نهرینی پكـهـرك ارض كنعانه داخل
اولمشدر .

بنی اسرائیل هر بری اولاد یعقوبدن بری نامنه منسوب
اوله رق اون اوچ سبطه منقسم اولوب بر موعوده دخولدن
صكره هر سبط فتح ایده یلدیگی اراضیده اسكان ایدرك عموم
قوم برخیلی مدت صكره برلشه بیلش و بونلر مملكتنده تأسس
ایدنجه به قدر پك چوق محاربه لده بولنوب اسباطدن بعضیلری
بو محاربه لر ائناسنده عادتاً نحو اولق درجه سنه كمشلدر .

بر موعودك استیلا سندن صكره اسباط پینده بر اتفـاق
و اتحاد حصوله كله میوب هر سبط آری حكومت تشكيل ائلمش
وساده طابوت سكینه نك موضوع اولدیغی شیلو یا خود زیتون
قصبه سی بو علامت مقدسه نك محمل حفظی اولدیغندن بر
درجه به قدر عموم اسرائیل لرك مركز روحانیسی عدا اولمشدر .

بنی اسرائیل ك بولدیغی حال تفرقه و باخصوص سبطلرك
دخی بر برلیه مجادله و محاربه لره کیریشه رك قوتلرینه بالکلیه
خلل کلمسی جوارده کی اقوامك تجاوزلرینی موجب اوله رق
موسوبلرك باشلرینه کلدك فلاکت قالماش و خصوصیه
اسباطك چوغنی مدت مدیده فلسطین قومی اداره سنده قالمشدر
فلسطین قومی مصرک سوربه دن ال چکمه سنی متعاقب پك زیاده

بنی اسرائیل حکومتی

کسب قوت ایدرک جوواره تسلط ایلش و حتی فیکه بلادندن
مشهور سیدونی ضبط و تخریب ایلدکارندن فیکه ده حکم و نفوذک
سیدونه خلف اولان تیر شهرینه انتقالنی موجب اولمشلردر .

بنی اسرائیل مدت مدیده اتحاده موفق اوله ما مشسده اده
صره و تجاوزات خارجیه تشدد ایلدیکه بر طاقم اسباطک بر
ذات اداره سنده اجتماع ایلدکری واقع اولور و بونلرده حاکم
نامی وریلوردی . قوم موسی نك بر موعوده ورودندن بر
حکومت متحده تشکیل ایلسنه قدر مرور ایدن زمانه ده حکام
دوری تسمیه ایدیلور .

معلوم اولان حکام اون درت عدد اولوب بونلردن بری
دبوره اسمنده اهل کرامت برقادین اولدیغی و بونک دشمنلردن
آزور قبیله سنه غلبه چالدیغی مذکوردر حکامدن یفتخک
آمون قبیله سنه بعد الغلبه ایلک راست کلدیکی آدمی جناب
حقه قربان ایده جکنی وعد ایلسنه و صکرده ده بجهل دن اول
قزینه راست کلکله انی قربان ایدپور مسنه نظراً انسان قربان ایتمک
عادت و حشیه سنک بنی اسرائیل میانندن کلیاً زائل اولمدیغنه
حکم ایدیله بیلیر . بنه حکامدن شمعون قهرمانا غیله مشهور
اولرب حقدن کی روایاته نظراً طبیعت بشریه فوتنده بر قوت
و جراته مالک ایمش موسولرک شمعونی یونایرک هرکولی
مقامنی احراز ایلکده در .

حکام بنی اسرائیلک صرکی حضرت اشموئیل علیه .

السلام اولوب انك زمان رسالتنده تجاوزات اجنبیه و داخلی قاریشقلقك ناقابل تحمل بر درجهیه کلی اوزرینه خلقجه لزوم اتحاد زیاده سیله حس ایدلمش و بو لزوم نتیجه سی اوله رق امرادن طالوت مقام حکمداری به چیقارلمشدر .

طالوت بنیامین سبطندن یعنی بنی اسرائیلک شمال طرفلرنده کی قیمنندن اولوب تقریباً هجرت نبویه دن اون سکز عصر مقدم مقام اداره به یکمش وانك اداره سیله بنی اسرائیلک دور فتوحاتی باشلامشدر .

طالوت بنی اسرائیلی زیاده سیله راحتسز ایدن آمون قبیله سنه غلبه ایلدیکی کبی فلسطین لری دخی دفعاتله مغلوب ایتمش واسکی تعدیلرینک آجیسنی چیقارمشدر

بنی اسرائیل کرك طالوت و كرك اكا خلف اولان حضرت داوود علیه السلام زمانلرنده اقوام محاربه نك حقوقه عدم رعایتده اتحاد ایلدیکی درجه افراط ایله تمیز ایلشدر .

حتی طالوت عمالقه طائفه سنی مغلوب ایتدیکی زمان حکمداری بنی قتل و خزائن و مواشیسینی احراق و اتلاف ایلدیکی یعنی اصول متخذه به نسبتله اعتدال کوستردیکی ایچون حضرت اشموئیلک طعن و نفریننه اوغرامش و نهایت بوکا برطاقم اسباب پرودتک دها انضمامیله مقام اقتداردن دوشوب حکومت یهودا سبطنه منسوب اوله رق مدت مدیده طالوت معیننده محارباتده بولنان حضرت داوود علیه السلامه انتقال ایلشدر .

حضرت داوود علیه السلام طالوت معیتندہ بولند بیغی
مدتجہ شجاعت وغیر تیلہ پک زیادہ کسب شہرت ایلش واز جملہ
فلسطین قومیلہ بر محاربه دہ دشمن طرفندن چیقان جالوت
نام قهرمانی اتلاف دہ موفق اولدیغندن طالوتہ داماد اولمش
ایدی حضرت اشموئیل طالوت ایلہ بوزوشدندن مسکرہ حضرت
داوودی التزامہ باشلادیغندن طالوت حسد ایدرک حضرت
داوودک ازالہ وجودینہ قصده قالمشش واوده محافظہ نفس
ایچون فرار ایلشدر فقط طالوت بعض احوالندن
طولایی خلقی دلکیر ایدرک بر محاربه دہ مظهر معاونت
اوله مدیغندن فلسطین لره مغلوب اولغله اتلاف نفس ایلدیکندن
انک یرینہ یهودا سبطی حضرت داووده بیعت ایلشدر . یهودا
ادارہ سنہ کیرمک ایستیمان بنیامین وسائر اسباط شمالیہ ایسہ
طالوتک اوغلنی حکمدار لغہ کچیر دکارندن ایکی رقیب ارہ سنده
یدی سنہ قدر محاربه اولوب نہایت حضرت داوود غلبہ
ایلدیکندن بالجملہ اسباط مشار الیہک تحت اداره سنده مجتمع
اولمشدر .

حضرت داووده طرف جناب باریدن پایہ جلیلہ رسالت
ایلہ بر جوق الہیلری حاوی زبور احسان اولمش و مشار الیہ
قرق سنہ دوام ایدن مدت سلطنتندہ اقوام مجاورہ نک پک
چوقلرینی مغلوب ایلش و بنی اسرائیلک قاعدہ سی حکمنجہ
غلبہ ایتدیکی اقوامک قیم اعظمنی قتل عام ایتدیرمشدر .

حضرت داوود زماننده بنی اسرائیل دولتی سیامه منتهای
اقباله واصل اولمش و عادتاً فرات نهر نیدن بحر احمره طوغری امتداد
المشدر .

قدس شریفی فتح ایله حکومت موسویه به پانخت انحاذ
ایدن حضرت داوود علیه السلامدر .

حضرت داوودك ختام عمر لری زمانی بر چوق قارغشه لقر
وقوع بولوب کندی اوغلی علیهنه عصیان ایلش ونهایت بو
غوائلدن بقاری کوچك مخدومی حضرت سلیمانی مقامنه
پکیره رك اختیار عزت ایدوب آز وقت صکره ارتحال داربقا
المشدر .

حضرت سلیمانك جلوسنده یهودا و بنیامین سبطلری
آره سنده رقابت قدیمه تجدد ایدرك اسباط شمالیه بیوك برادرینه
بیعت ایلشلسده مشار الیه اشبو غائله بی دفع ایله پدیرینك
حکومتنی تخت اداره سنده جمعه موفق اولمش و کندیلرینه
منصب جلیل نبوت دخی احسان یورلمشدر . حضرت سلیمان
عقل و درایت و حکمت ایله مشهور اولوب امثال سلیمان
رساله می مؤخرأ کتب معروفه میانده یکمشدر .

حضرت سلیمان ابتدای جلوسنده بعض فتوحاتده بولنش
ایسه ده اصل مدت عمرینی اجراء آت تجاریه و صناعیه به تخصیص
المشدر . بحر احمره فیکه لولر دلالتیله دو نما انشا ایدیر رك
بین سواحلنه قدر ایصال تجارت و پك زیاده جمع ثروته موفق
اولمشدر .

بنی اسرائیل حکومتی

کتب مقدسه نك افاده سنه كوره هر طرف حكمدار لری
حضرت سلیمانہ عرض عبودیت ایلدكاری کبی بمن حاکمہ سی بلیسی
بالذات قدس شریفہ قدر کلش و مصر فرعونى ایسه قزینی
کوندر مشدر .

هر حالده حضرت سلیمانك دبدبه و داراتی بك زیاده اولدیغی
محقق اولوب روایتہ نظراً ملکینك منقسم اولدیغی اون ایکی
ولایتدن هر بری سراینك برر آیلق مصرفنی کوررلر و سراینده
زوجہ منکوحه و مستعمر شه سی اولق اوزره بیك قدر حرمی
بولور مش .

حضرت سلیمانك الك مشهور اثری قدس شریفده بنا
ایتدیردیکی بیت مقدس اولوب بونك جسامت وزینتی دللرده
داستان اولمشدر . فقط حضرت سلیمانك دولتی مصر و مؤخرأ
چچقان آثوریه و ایران دولتلرینه نسبتله کوچك برولایت حکمنده
اولدیغی کبی ابدیلان مبالغه لی تعریفات قبول اولسه بیله
بیت مقدسه تب و قارناق سرایلرینه ولایتلره نسبتله براوطه
حق مقامنده قالیر .

فتوحات مصریه دورینی متعاقب سوریه اتحاد و اتفاهه
بك زیاده محتاج ایسه ده بو اتفاهی بنی اسرائیل وجوده
کتیره مامشدر .

بنی اسرائیل کندیسنه برملت ممتازه نظریله باقوب سائر لرینی
آدم رینه قومدیغندن و حتی بونلری حقوق عادیه بشریه دن

بیله محروم کورمک ایستدیکندن حصول اتحادہ دکل اسکی خصوصیت و کین و غرضک بر قاندها تشدیدینه سبب اولمشدر .
حضرت داوود حکم ایلدیکی قومک اخلاق جبلیه سنی لایقیله تقدیر ایده میوب بنی اسرائیل طبعاً محارب اولدیغی حالده انی طریق فتوحاته سوق ائلمش و بونلرک اوتوز قرق سنه ظرفنده صرف ایلدکلی قوت کندیلرینی بسبتون اقتداردن محروم بر افارق ضعف و مسکنت مستقبله لرینی آرتدرمشدر .

حضرت سلیمان علیه السلام ایسه جهت دیگره سلوک ایدوب دور فتوحات یکمش و اموال غنائمک منابعی قپانمش بونلغله ویرکولرک تزیدی و تجارتک تشویق ایله تکثیر وارداته چاشمش و دولتک و سعته یله غیر متناسب اوله رق اچیلان مصارف قپوسنی بونکله قپانمغی قورمشدر فقط بنی اسرائیل اکثر چوبانلق و زراعت ایله مشغول اولوب صاحب ثروت اولدیغندن ویرکولرک تزیدی خلقجه و باخصوص اسباط شمالیه آره سنده شکایاتی موجب اولمش و اهلینک تجارت خارجه یه میلی اولدیغندن بونی تزیده مصروف اولان همترده بوشنه کیتمشدر .

حضرت سلیمانک و فائندن صکره اوغلی رحبعام قدس شریفده جالس سربر سلطنت اولمشده شمالده کی اقوامک و اسباط اسرائیلیه نک جمله سی وقتیه حضرت سلیمان عصبان ائلمش بولسان بوربعامه بیعت ایتمشلر و اسرائیلیه حکومتی

تأسس المشردر رجمامك اداره سنده ایسه تکمیل یهودا
سبطی و قدس شریفه قریلتیری حسبیله انك دائره نفوذندن
قورتیله میان شمعون سبطی بقایا سبیله دان و بنیامین اسباطندن
بعض اقسام قالمشدر (ق ۱۵۹۸)

ایشته بو صورته بنی اسرائیل یهودیه و اسرائیلیه
قسملرینه آریلوب بردها بر شمامش و ایکی قسم ارسنده کی
رقابت و خصومت کتدیجه آرئارق بونلر بر لرینه کلیاً دشمن
واجنبی نظریله باقعه باشلامشدردر . باخصوص یوربعمامك
خلفری پیدرپی وحدانیت ربانیه اعتقادینی دخی ترك ایله
بتپرستك بولنه کتدکلرندن اتحاد مذهبی به ییله خلل طاری
اولغه باشلامشدر .

اسرائیلیه و یهودیه حکومتلرینك حال ضعف فری ملل فاتحه
نك نظر حرص و طمعلرینی جلبه بلغاً مابلغ کافی ایسه ده
جوارده هنوز بر فاتح قوم توره مامشدی . مصر حال انقراضنده
اولوب واقعا یکریمی ایکنجی سلاله حکمدارلرندن برنجی
شسزونی ارض فلسطینه تجاوزه قدس شریفه قدر کلش
و شهریده آلمشده اخلاقی دورنده مصر بسبتون اویقویه
طالدیدندن آفریقا جهندن بر تهلمکه احتمالی قلامشدی .

یالکز شمال جهتنده بر مدندر باش کوسترن شام حکومتی
کتدیجه اهمیت کسب اینکده و سوریه یی بر لشدیره جک بر
استعداد حاکمیت کوسترمکده ایدی ایش جریان طبیعی سنده

بر اقلسه احتمالکه آسیای غربی شام اداره سنه پکردی فقط
بر مدتدر دور فتوحاته کیرمش بولنسان آتوریه نك مداخله
جدیه سی سوریه ده کی کوچك دولتری آز وقتده صوصدرمش
و ایراندن نیله قدر اولان ممالکی نینوه اداره سنده طوپلامشدر .
بنی اسرائیلک احوال اخیره سی مباحث آتیسه ده صره سی
کلدیکه کوریه جکدر .

۴

سارغونک جلوسنه قدر دولت آتوریه ومصرده

حبش سالله سی

آتوریه قطعه سی . آتوریه تاریخ قدیمی حقنده کی روایت : نینوس
سیرامیس . نیفلاتی نین . نیفلات بلرز . فتوحات آتوریه . دور
ضنف . سوریه واسرائیلیه . ایکنجی نیفلات بلرز .
مصر : بکرمی ایکنجی سلاه . حبش استیلا سی .
سالمناسررابع . اسرائیلیه وصورسفرلری
سارغون وفتح اسرائیلیه .

آتوریه کلدانستانک شمالنده ودجه وادبسنک حوالی
وسطیه سنده کائن بر مملکتدر . بوقطعه اوللری بابلك تخت
نفوذ و اداره سنده بولنوب کلدانستانه عربلر مستولی اولدقدن
صکره عادتا کسب استقلال ایلش ومصریلرک دخی تجاوزلرینه
اوغرایه رق بر مدت جزیه فرعونلره خراجگذار بیله

سارغونک جلوسنه قدر دولت آتوریه و مصرده حبش سلاله سی

قالمشدی . هجرت نبویه دن تقریباً اون طقوز عصر مقدم فرات
ودجله وادیلرنده احوال سیاسییه تغیر پذیر اوله رق بابلک حکم
واهمیت قدیمه سی آتوریه یه انتقال ایش وحتی بابل شهری
بیله برآره لق آتوریلرک ید ضبطلرنه یکمشد .

آتوریه نك مقدمات اقبالی پك آغر اولوب دولتک تأسسندن
تاریخ عاجله کسب اهمیت ایلسنه قدر چوق زمان مرور
ایلشدر . فقط هر قوم کندی مبادی ظهورینی شعشعه لی
و پارلاق بر صورتده تصویره میال اولغله مؤخرآ آتوریلرک
دور اولی حقیقده برچوق مبالغه لی روایات نشر ایلمشدر .

روایات مذکوره یه نظراً راعیلرک زمان استیلاسنده
کلدانستان و آتوریه یی ضبط ایدن عربلر ایکی عصر قدر
حوالی مزبوریه حکم ایلدکن صکره آتوریه لی بلوس
طرفندن طرد ایلمشدر . ذاتا آتوریه نك تأسسی نینوه نك آلهی
اولان آتور معبوده نسبت ایلدیکی کبی اجانبک دفعیده بلوس
یعنی بعل و یا بل معبوده اسناد ایدیلور دیکدر . بلوس ایکی
مملکتی اداره سنده جمع ایلدیکی کبی خلفی و اوغلی نینوس
آتوریه نك پانختی بولسان نینوه شهرینی بنا و تأسیس ایش
وجهانکیرلک یولنی طوتارق حکومتنی هندستان دن جزیره العربه
وقفقاس طاغرندن بصره کور فزینه قدر توسیع ایلشدر . نینوس
ساده آسیای وسطی ده باقتریان قطعه سنده بلخ شهرینی مدت
مدیده محاصره ایش وحتی کویا ایکی ملیون قدر عسکرله

اطرافنی قوشا تمش شده موفقی اوله مامش ونهایت وزراسندن
 برینک سمیرامیس اسمنده کی زوجه سی سایه سنده نائل امل
 اولمشدر . سمیرامیس برالهه ایله عادی بر بشرك محمول
 محبتلری اولوب چوققلغنی جبل لبنان جهتلرنده چوبان کلبه
 زنده پکی یرمش و کوچکلکننده کو کر جینلر طرفندن بسلمش
 ونهایت مؤخر زوجه سی بولندیغی وزیرک منظوری اوله رق
 آنکله برابر بلخ محاصره سنه گلشدی . سمیرامیس طاغلی وجسوره
 اولدیغندن یانته براز آدم آلارق صععب المورور بر قیادن درون
 قلعه یه کیرمش و بوقحه مکافاتاً نینوسک زوجه سی اولمشدر .
 نینوسک وفاتنده اوغلی نینباس صبی اولغله حکومت
 سمیرامیسده قالمش و بوقادین ایسه اول امرده نینوه بی ترک ایله
 کویا بابل شهرینی تأسیس و بابلک قلعه لرله بعل معبوده مخصوص
 اوله رق سکر قات بر معبد و فرات نهری اوزرنده جسیم بر
 کوپری ایله نهرک التندن بر تونل انشا ایتدیرمشدر . کلدانیلری
 لایقيله تخت اطاعتده طوتمق ایچون مقر حکومتنی بابه نقل
 ایلدکدن صکره فتوحاته قلعیشهرق مدیا حوالیسنی و مصر
 و حبش جهتلرینی فتح ایلش و هندستانه قدر کیدرک ساده
 اوراده مغلوب اولمشدر . مدیانک پایتختی اولان اکباتان شهرله
 وان بلده سنک تأسیسلری دخی سمیرامیسه اسناد اولتمقده در .
 سمیرامیس مظفریاتندن صکره بابه عودت ایلش شده امور دواتده
 قاریشقلق اولدیغنی کوردیکندن تاج و تختنی ترک ایله کو کر جین
 اولوب اوچمشدر .

سارغونك جنوسنه قدر دولت آنوربه و مصرده حبش سلاهسی

كرك نينوسك مظفرياتي و كرك سميراميسك احوال خارق -
العاده سی و خصوصيله صوكننده قوش اولوب اوچبورمسی
هر قومك تاريخ قديمنده موجود خرافاتدن عد اولمق ايجاب
ايدور . چـونكه آنوربه ده بولنان آثار عتيقه بو فتوحات
عظيمه يه داير برشي حاوی دكلدر . باخصوص كه سميراميسك مصري
ضبط ايلسی دور يده تمام مصر ك زمان فتوحاته مصادفدر .

آنوربه نك برهيئت مستقلة اوله رق تأسسی هجرت نبويه دن
يكرمی ايكي يكرمی اوج عصر مقدم اولسی ملحوظدر . خطوط
مخيه نك او قومئسنه خيلي موقيت حاصل اولديغندن زمانمزه
كشف اولنان آثار عتيقه دن آنوربه تاريخ قديمی حقتده معلومات
مهمه و صحیحـه استحصـال ابدلـمـكـده در . معلومات مذکور يه
نظراً بابل شهری آنوربه حكمداری تيغلاتی نين (ق ۱۹۲۲ -
۱۹۰۲) طرفندن فتح ابدامش و بوندن صـكـره آنوربه پيدربنی
توسيع ممالكه باشـلـايـارق تيغلاتی نيندن بر بچق عصر صـكـره
جالس تخت اولان تيغلات پلرز (ق ۱۷۵۲ - ۱۷۳۱) بـوـلـده
موقيات عظيمه يه نائل اولمشدر .

مشار اليه هر جهته سفرل ايدرك دائماً عصيان ايدن بابليلىرى
دفعاتله مغلوب ايلش و شمالده اورارتى يعنى ارمنستانى غربه
دخی كيتي لك الزده بولنان غارغامش شهرينه قدر فرات واديسنى
يد استيلايه كچيرمشدر .

آنوربه يـكـوـجـود واهـالـيسـی جـسـور بر مملكت اولغـله

متفرق حالده بایشایان اقوام مجاوره نك مقاومتلرینی زیر وزیر ایلکه
اقتداری در کار ایدی . پیدرپی کسب نفوذ ایدن شام حکومتی
اولدقجه قوتلی ایسه دهه آتوریه به نسبت هر حالده کوچکلکی
وباختصاص اسرائیلیه ایله همان محاربه دائمه حالنده بولنمی
یوک برسبب ضعیف ایدی . آتوریه نك اصل احتراز ایده جکی
دشمن کلدانیلر اولوب فی الحقیقه آتور حکمدارلری دفعاتله
بابلی ضبط ایلشله رسیده بابلیلر فرصت بولدقجه عصیان ایدرک
بعضاً فاتحیلرک امنیت و راحتنی بیله تهلیکه ده قودققری واقع
اولمشدر . آتوریه حکمدارلری مدت مدیده جنوب طرفنده کی
آتور شهرنده او طوردققری حالده پیدرپی مدیا وارمنستان
طرفلرینه اسفارک چوغالمسی مرکز سلطنتک دخی دهها شمالده
وینویه دهها قریب بولسان قلاق بلده سنه انتقالنی مؤدی
اولمشدر .

آتوریه حکمدارلری همان هر سنه بر طرفه سفر ایدرک
کلی اموال غنائم ایله مظفراً ملکیرینه عودت ایدرلردی .
تیغلات پلرز دورندن صکره کلدانیلرک غلبه سی بوسیر فاتحانه بی
طور دیرمشده بر مدت صکره هجرت نبویه دن اون بش عصر
مقدملرنده حکومت ایدن آتور ایزر پال و سال المناسر زمانلرنده
اسفار مظفرانه ینه اسکی شععه سیله باش کوسترمشدر .
اشبو دور فتوحانده آتوریه نك طوغریدن طوغری به تخت
حکمنده بولسان و یاخود خراجگذاری اولان ممالک طولاً

سارغونك جاوسنه قدر دولت آتوریه و مصرده حبش سلاهی

ارمنستان طاغزلندن بصره کور فزینه و عرضاً الام و توران
 حدودندن سوریه ممالک ساحلیه سنه قدر ممتد اولیوردی .
 فقط بویوک ایمر اطور لغک تخت اطاعتده طوتلمسی آتور اردو-
 لرینک آره صره ارائه وجود ایدرک دهشت عامه بی ادامه
 اتمی سابه سنده ممکن ایدی یعنی مصرک دور فتوحاتنده
 اولدیغی کبی بویالک آتوری حکومتی دخی ولایات تنسیقات
 منتظمه سنه مالک اولدیغندن بقای شوکتی مرکز متاننه متوقف
 بولتور ایدی ایشته دولت آتوریه بودرجه اقبالی بولدقدن
 صکره هر نه سببه مبنی ایسه بردنبره کسب ضعف ایلش و بووقت
 کرک بابل و مدیا حوالیسی و کرک سوریه و فرات و ادبسی
 حکوماتی برچوق مدندر آلتنده قالدقلمی بیوندربیغی سلکدرک
 کسب استقلال ایلشدر .

یقین و قتلره قدر تیغلات پلرز و اخلاقی اولان حکمدارانک
 اسملمی بیله معلوم اولدیغندن مورخ یونانی هرودوتک روایتنه
 استناداً نینوس و سمیرامیسن صکره آتوری حکمدار لرینک ذوق
 و صفایه طالارق نساپسندانه اطواری اختیار ایلدکاری و نهایت
 سفیه سارداناپال نام حکمدارک دورنده مدیا و ایسی آرباس
 ویا آربا کسریله بابل و ایسی بله زبس بالاتفاق اعلان عصیان
 ایدرک نینوه شهرینی محاصره ایلدکاری و فوق العاده غیرت ایلدیکی
 حالده غلبه دن مایوس اولان سارداناپال بالجمله خزان و خلا-
 ثقیله برابر کندیسینی یاقوب نینوه شهریده ایادی متفقینه کچدیکی

و مدیا ایله بابل کسب استقلال ایدرک نینوده دهه ایکنجی آثور
سلاله سی سلطنته باشلادیغی ظن اولنوردی .

هر حالده آثور به نك قوتنه طاری اولان بوضعف موقت
سوریه اقوامنی کندی حالینه ترك ایلشدی فقط اقوام مذکوره
فتوحات آثور به نك و بردیکی درس عبرتدن استفاده ایله طریق
اتحاده سالک اوله جق یرده بسبتون تفرقه واختلافده دوام
ایلدکلرندن شوفر صتدن برشی قزانا مامش لر در .

فتیکه لیلر چوقلق قطعه امورینه مداخله ایتمکلرندن او
وقت سوریه نك الك مهم حکوماتی شام و اسرائیلیه دولتلی
ایدی که ذاتا سوریه نك الك بیوک اسباب ضعفی دخی بویکی دولت
بیننده کی محاربات دائم دن تولد ایلشدر . اسرائیلیه ده سلطنت
ایدن عمری سلاله سی زماننده بنی اسرائیل میانده داخل اولان
اعتقادات باطله و وحدانیت ربانیه مخالف آیدلرده برچوق
فساداتی موجب اولوب مؤخر ا بو خاندان برینه قائم اولان
یهو سلاله سی دورنده صفوت اعتقاد مهمما اکن اعاده ایدلمش
و ایکنجی یوربعام زماننده اسرائیلیه خبلی راحت ایلش ایسه ده
بوراحتك دوامنه وقت قالمیوب آثور یلر یقشمش لر در .

آثوریه دولتی بر مدتدر کندیسنه عارض اولان انقراض
موقتدن قورتیلهرق ایکنجی تیغلات پلزدورنده اعاده شوکت
ایلشدر .

سارغونک جلوسنه قدر دولت آتوریه و مصرده حبش سلاهی

حکمدار مشار الیه بابل سوریه وارمنستان جهت رنده
حال قدیمی اعاده ایلمدکن صکره آتوریه نک شرق طرفنده
کاشن مدیا قطعه سنه دخی سفر ایدرک پک چوق اموال غنایم
اخذ ایلشدر . بوندن بشته شام شهرینی ضبط و آتوریه
الحاق الیه برآرلق سوریه ده بردولت جسمیه تشکیلی استعدادینی
ارائه ایدن شام دولته نهایت و برمشدر .

آتوریلر او وقتده قدر آلدق لری برلده قدیم برنسلری ایقا
ایدوب ساده انلری خرچکذار حالنه قومقله اکثفا ایدرلردی
تغلات پلزر آتوریه ده جوار بولنان بر چوق ممالک مفتوحه بینی
طوغریدن طوغری به آتوریه لی والیلر اداره سنده براقش و بو
وجهله اورالرده کی حکومتی دهها اساسلی بر صورته قویوب
ممالک مضبوطه ده عساکر محافظه دخی بولندرمغه باشلامشدر .
برده ضبط اولنان برلر خلقنک آتوریه جوارلرینه نقلیه اورالره
آتوریه لی اسکانی سایه سنده فرات وادی سنده آتوریه حکومتی
جدی بر صورتده تأسیسه باشلامش و دولت مذکوره کرچکدن
جهانکیرلک یولنده صاپمش ایسنده ده عصرلرجه مدت اسیر
خواب غفلت اولان مصرک ینسه اویاتمی آتوریه نک ازدیاد
شوکتیجه بر بیک رقیب وجوده کتیرمشدر .

بحث سابقده کورلدیکی اوزره مصر حکومتی بکرمی
ایکنجی تانی سلاهی زماننده براز کسب قوت ایدرک حتی
برنجی شمزونق قدس شریفی ضبط الیه بیت المقدسی بیله یغما

ایلمش و خلفی زاراقده ینسه او جهته بر سفر آچمشده شو
 تجدد افکار حربچویانه بو فرعونلرک و فائزیه حکمسنز قالمشدی .
 حقیقت حال مصر بش عصره قریب مدت دائمی محاربه لرده
 بولندیغندن بو محاربه لر نفوسبی از التمش و عمومه بر استراحت
 احتیاجی حس ایندرمشدی . بو جهته مصر یکرمنجی سلاله دن
 بدأ ایله دوشمکه باشلامش و حتی عسکر صنفیده اسکی حالنده
 قالمغله فرعونلر و قایه نفوذلی ایچون جوارده کی اقوام بدویه
 دن عساکر معاونه المنعی عادت ایندیشلردر بو عساکر معاونه
 ایسه آره صره فرعونلری تبدیله مجامرتدن بیله چکنمز لردی
 دیگر طرفدن ولایات و الیرلی عادت کسب استقلال ایلدکلرندن
 و حتی بر قاچ مهججهرلی اعلان حکمداری بیله ایسدکلرندن
 تانی بو باست و ساییس شهرلرنده حکومت ایدن یکرمی ایکنجی
 یکرمی او چنجی و یکرمی دردنجی سلاله لر زمانلرنده مصر
 تعریفی ناقابل بر قارغشهلوق ایچنده قالمشدر .

مصرک بو حال پرتشوشی خارجدن بعض اقوامک آرزوی
 استیلالرینی تحریک ایده چکی امر طبیعی ایدی فقط آثوریلر او
 زمان هنوز شام حکومتی اورته دن قالدیره رق حدود مصریه
 یه ابر شماش و سوریه ده حکومتلرینی تحکیم ایله اوغراشمده
 بولتمش اولدق لرندن سودانلر و یا حبشیلر ده اول طورانه رق
 مصری استیلا ایشلردر .

حبش و سودان جهتلری تب سلاله لرینک زمان شوکتنده

سارغونك جلوسنه قدر دولت آتوریه و مصرده حبش سلاله سی

مصرک تخت اداره سنده اولدیغی حالده تب شهرینک پایتخت عالم اولمق درجه سندن بر ولایت عادیه مرکزلکنه تنزلی اوزرینه کسب استقلال ایش و بیوک بر دولت اولمش ایدی . هجرت نبویه دن اون درت عصر مقدمنده حبش حکمدارلرندن سابقو یا خود سه و هس مصره تجاوز ایدرک مصر علیا و وسطی بی بالسهوله ضبط ایش و مصر سفلی نک استیلاسی ایچون بر از اوغراشوب نهایت یکرمی دردنچی سلاله عد اولنان سایس خاندانی حکمدارلرندن بوکن رانف و یا بوخوریسی اسیر ایدرک احراق ایتدیرمش و یکرمی بشنجی حبش سلاله سنی تأسیس ایشدر .

سابقو حال تفرقه ده کی مصرک یرینه بحر سفیددن اعتباراً بحر احمر بوینجه جسیم بر افریقا دولتی وجوده کتیرمشدر . یکرمی بشنجی سلاله دن یالکز اوج حبشی حکمدار چیقوب بونلر دورنده مصرک آتوریلر ایله روابلی جالب دقت بر درجه بی بولمشدر .

مصرده آتوریلره مقاومت ایلکه مقتدر بویه بر دولت عظیمه تشکلی طبیعی سوریه ده کی آتوریه دشمنلرینی امیده دوشوره رک حتی اسراییلیه حکمداری هوشه آخفیا سابقویه هدایا ارسال ایله آتوریه علیهنده عقد اتفاتی تکلیف ایشدی . فقط آتوریه حکمداری دردنچی سلاله ناسر اسراییلیه نک بو انزریقه سندن خبردار اولمغله در عقب عساکر و فیره ایله

دولت مذکورہ اوزرینہ یورومش و بوحرکت سر بعد بہ قارشو سابقوہ امداد بیشد بر مکہ وقت بولہ ما مشدر سادہ صور حکمدا۔
ری اسرائیلیہ ننگ معاونتہ شتاب ایلدیکندن سالمانامر ایلک
دشمنی براقهرق کیدوب تیر شهر و لیانی محاصرہ ایتش و ایکی
سنہ اورادہ قالدقدن صکرہ شہری ضبطہ موفق اولہ مقسزین
وبلاوارت ترک حیات ایلشدر .

سالماناسرک وفاتندہ برینہ قوماندانلرندن اولوب
جسارت و شجاعیتلہ شہرت کلیہ بہ نائل اولان سارو کین
یا خود سارغون حکمدار اولهرق یکی برسالہ احداث ایلشدر
سارغون آثوریہ فاتحاننگ اعظمندن اولوب ابتدای جلوسندہ
ایران جنوبیدہ سوز اہالیسی ایلہ بابلیہ لک متحداً وقوعبولان
بر عصیانلرینی شدتلہ تشکیل ایلدکن صکرہ بالذات اسرائیلیہ
اوزرینہ یورویہرک دولت مذکورہ ننگ وجودینی رفع ایلہ اسرائیلیہ
حکمدارلری برینہ آثوریہ لی بروالی قومشدر . بو صورتلہ
سوریدہ بر استقلال کولکھ سی محافظہ ایدن تیر ایلہ یہودیہ دن
بشتمہ بر قالیوب آثوریہ حدودی مصرہ قدر وارمش و آثوریلرک
مصرہ پکیبور ملرینہ بر خطوہ قالمشدر .

سارغون سلاله سی

سارغونک ایلک سفر لری . مصر ایله محاربه . اورارتی سفری . سنجاریف .
 فلسطین سفری . بابل مدیا و کیلیکیا سفر لری . سنجاریفک آثاری .
 اسار حادرون . عربستان سفری . مصر کتبی . بابلک اعماری .
 آنور بانیپال . مصر سفر لری . الامک کتبی . آنور بانیپال
 دورنده دولت آنور یه نک وسعی . آنور
 دولتک اسباب انقراضی .

سارغونک زمان جلوسنه قدر آنور حکومتی آسیای
 غربیده بولنان اقوام صغیره نی همان کافه تخت استیلایه المش
 ایسه ده کندیسبله همعیار هیچ بر حکومت معظمه ایله محاربه
 ایتماشدی حالبوکه بودفعه آنور یه قوی و منتظم دول معظمه
 قارشوسنده بولنش و حرص ن حکمنی تسکین ایچون انزله
 اوغراشمغه باشلامشدر . بو محاربه لر خیلی وقت سوره رک واقعا
 اکثریته غلبه آنور یه ده قالمشده یارم عصری متجاوز زمان
 دوام ایدن فتوحات دور اخیری آنور یلری دخی فنا حالده
 یورمش و بودولت فاتحه ده انحطاط و انقراض استعداد لرینی
 آرتدیرمشدر . بوضورتله آنور یلر شمالده اورارتی (ارمنستان
 و کردستان) شرقده الام (سوزیان) و غربده مصر دولتلرینی
 چوق یورمشلر سده بوندن کندیلری استفاده ایده میسوب

حقیقت حالده مؤخرًا ظهور ایدن میدیالیر و فارسیلر ایچون
چالشمشدر .

سارغون هجرت نبویه دن ۱۳۴۴ سنه مقدم جلوس
ایدرک اون یدی سنه دن عبارت بولنان دور سلطنتی اتناسنده
برخطه حضور و راحت ایچره قالمیوب دایما بحاربه میدانلرنده
طولاشمش و فتوحات عدیده سیله تاریخ عالمده کسب
شهرت ایدن قانکلر صره سنه یکم شد . نینه جوارنده
خرسباد شهرینی تأسیس ایله مقر سلطنت اتخاذ ایلشدر . مشار
ایله امر ایلیدیک استیلا سندن ذکره بابل شهرینک بر عصیاننی
تسکین و اطفا و کلدانستانی تکرار ضبط ایلدیکی کبی کلدانلره معاوندنه
بولنان الام حکومتنه ده سفر آچارق ممالکنک قسم اعظمینی
ضبط ایلدی . بونی متعاقب نوبت بحاربه مصریلره کلشیدی .
ذاتاً یکریمی التجی سلاله رئیس سباقو اسرائیلیدینی تخلص
ایچون سالمانا سرایله بحاربه نیتنده بولندیغی حالده بوکا و قتیله
طاورانه مامشیدی . بو دفعه ایسه سارغونک ممالکی حدود
شرقیه سنه اشتغالی مناسب فرصت اولدیغندن سوریه ده
آئوریلردن دلکیر اولان کافه اقوام اتفاقی ایدرک بو اتحاده
سابقو ریاست ایلش و سوریه ده جسیم بر منفقین اردوسی شکل
ایتمشیدی . بو خبرک ورودی اوزرینه سارغون در عقب بونلرک
اوزرینه بورویه رک منفقینی فنا حالده مغلوب ایلش و حتی
سابقو کوچ حال ایله بر چوبانک رهبر لکی سایه سنه یالکز

باشنە مصرە عودت ايدە بېلىشىدۇر ساباقونۇڭ مغلۇبىتى اوزرىنە
 مصر سەفلى دە اسكى فوعون سالاھىلىرى جانلانەرق حبش
 سالاھىنى مصر عليايە قىدر سورمىشۇر و ساباقونۇڭ اوغلى سابتكو
 يالکىز تىب حوالىسىنە حاکم اولەرق قالمىشىدۇر . مصر ايلە مەغلۇبىتىڭ
 مغلۇبىتىدىن صىكرە سارغون شىمالدە اورارتى قىطعە سەنە دىخى
 تىجاوزلە اورالىرى كىندىسىنە عرض اطاعىتە مېجور اېلىشىدۇر
 سارغونۇڭ مۇظەرىياتى خېرى چوق اوزاقلىردە شىوع بولوب
 حتى قېرىس اطە سەنىڭ بىرقىسىنە مالك اولان طقوز نقر يونانى
 قىرالار بىلە سارغونە ھىدايا ار سىمال ايلە آتورىيە جابە سەنە
 كىر مىشۇدۇر .

سارغون ادارە جە تېغلات پىلۇرك اجرا ايلدىكى اصلاھاتدە
 دوام ايلە سىورىيەنىڭ پىك چوق جەھاتىدە ىرلى پىرنىسلىرى دفع
 ايدىرك ادارە بى آتورىيەلى والىلرە بىراقمىشىدۇر .
 سارغونۇڭ عاقىبت عمرىنە طوغرى بەض فلاكتىلر وقوع
 بولوب اورارتى دولتى آتورىيەلىلىرى مغلۇب ايدىرك غائب
 ايلدىكى بىلادى استىرداد اېلىش و آز وقت صىكرە سارغون
 بەض ارباب فساد طرفىدىن قىتل ايدىلەر كى مقام حكومت اوغلى
 سىنا خىرىب وياخود سىنجارىفە قالمىشىدۇر .

سىنجارىفنىڭ ايلك سەفرى غىرب طرفلىرىدە اولوب بەض
 سىركىشلك علاماتى كوسترمىش اولان يھودىيە حكومتىنى تىئادىب
 ايلك اوزرە بورىمىش و حبش سالاھىسىدىن اولوب ساباقونۇڭ

اداره سنی احیایه موفق اولان طاهر اقامتک جسم بر اردو ایله
یهودیه امدادینه یوریدیکنی خبر آنچه کندیبی قدس شریف
محاصره سنی برافارق بالذات مصر اوزرینه هجوم ایلشسه ده
اشای راهده آثوره اردوسنه و بامستولی اوله رقی عسکرینک
قسم اعظمی تلف اولدیغندن همان یالکز باشنه اوله رقی مملکتینه
عودت ایلش و بردها ارض فلسطینه کورنماشدر .

سنجاریفک اورالره عدم عودتنه سبب عسکرینک دوچار
اولدیغی قیرغلقله قوتنه ضعف طاری اولسی اولیوب شرفده
یکیدن ظهور ایدن غوائل ایدی .

سنجاریفک رجعتی شرفنی هر قوم کندی مزیننه جل
ایلمشدر بنی اسرائیل جناب حقا آثوره اردوسنه ملکار
ارسال ایدرک عسکرک قسم اعظمی قتل ایتدیردیکنی و مصریلرده
کندی معبودلرینک آثوری اردوسنه برچوق یر فاره لری مسلط
ایدرک بونلرک بالجمله اوق کیریشلرینی و یابلیری بمکله دشمنی تسلیم ایدن
محروم و بناء علیه رجعته مجبور ایتدیکنی نقل ایدرلردی .

سنجاریف ارض فلسطیندن عودتنده عصیان ایدن بابلیلری
والامیلری قهر و تدبیر ایدرک تخت انقیاده آلمش و بو عصیانلر
دفعاتله تکرر ایدرک بابلده متصل اعلان حکومت ایلین
ماردوق بالادینادخی مکرراً مغلوب و مقهور اولمشدر سنجاریف
مدیالیلردن برچوق قبائلی دهها حوزة حکومتنه ادخال ایلش
واناطولی به کیدرک کیلکیالیلری مغلوب ایتمشدر سنجاریفده

پدری کی ارباب فساد طرفندن قتل ایدیلهرک یرینه ارمنستان
اردوسی طرفندن کوچک اوغلی اسارحاددون (یاخود آثور
آحدین) چیقارلمشدر .

سنجاریف فنوحات عظیمه سندن بشقه بر چوق آثار دخی
براقشدر از جمله بک چوق مدت مقر سلطنتلقدن چیقارق
متروک و خراب قالان نفس نینوه شهرینی ینه مرکز سلطنت
ایدینه رک سرای و معبدلرینی تعمیر و دهها بر چوق یکیلرینی
انشا ایتدیرمش و زمانده آثوره صنایعی زیاده سیله ترقی ایدرک
آثار جسمیه و مصنعه وجوده کتیرلمشدر .

سنجاریف فنیکه دن ماهر کیمچیلر کتیرده رک فرات و شط
نهرلی اوزرنده فنیکه اصولنده سفائن انشا ایتدیرمش و بو
دو نئمالر ایله بصره کورقزینه قدر عسکر سوق ایدرک اورالر
اهالیسنی دهشت و حیرت ایچنده براقشدر .

سنجاریفک خلنی اسار حاددون مدیانک بعض جهتلرینی
تکرار استیلا ایلدیکی کی عربستاننی دخی ضبط تصورنده
بولمشدر اوزمانلر یمنده حکمران اولان حیاری
دولتک ثروت و اقتداری و مقر سلطنتی بولنان مآرب
بلده سنک مهوریت و نفاستی دلرده داستان اولغله اسار
حاددون یمنه قدر کتمک اوزه جسم بر اردو ایله جزیره العربیه
طوغری بورومشده چولده ایلرولمکه موفق اوله میوب
کذرکاغنده کی قبائل عربی خراجگذار ایلدکن صکره عودت

ايلش و ذاتا بو سفردن پك چوق اموال غنائم اخذينه موفق
اوله مديغندن دها محصولدار بر حرب آچغى تصورله مصرك
استيلاسنه قرار و بر مشدر .

مصر سفردن مقدم اسار حاددون صور حكمدارى عبد
ملكوت ايله محاربه ايدرك حكمدار مزبور تعرضدن امين اولمق
اوزره قيريسه فرار ايلشسه ده آتوريله لير دونما ايله كاهرك
عبد ملكوتى اوراده اسير ايلشدر و بو صورتله كچه بيلكده بيله
مهارت كوستر مشدر .

اسار حاددون هجرت نبويه دن ۱۳۰۳ سنه مقدم مصره
سفر و حبش حكمدارى طاهر اقبه دى دفعاتنه مغلوب ايدرك مصر
عليابه قدر ممالكى استيلا و ميفيس شهرينى دخى بعد المحاصره
ضبط ايلش و مصر سفلى ده حكومت ايلكده بولنان يكرمى پرنس
آره سنده مملكتى تقسيم ايدرك بو هيئت متحده نك باشنه دخى
سايس سلاله سندن برنجى نحاوى پكير مشدر اشته بو صورتله
مصر قطعده سى دخى آتوريله خراجكذار اولمشدر .

اسار حاددون تيغلات پلرز و ياسارغون و سنجاريف كبي
ظالم بر حكمدار اولمبوب آنلر درجه سنده جسور و محارب
اولمقله برابر دها عادل و عفو و مرجهت مبال ايدى بو جهتله
مدت سلطنتنى تخت اداره سنده بولنان اقوامى آتوريله
ايصنديره جق و اجدادينيك آچديغى جريجه لرى قيساده جق
اجرا آتده بولمقله پكير مشدر . اسير اوله رق آتوريله بيه كتيريلان

بر حقوق افرادی و وطنپرستانه اعاده ایلدیکیمی کبی سنجاریفک کلیاً
تخریب ایلدیکیمی بابل شهری دخی اعمار اولمشدر اسار حاددون
انشا آتنده مصر صنایعک تأثیراته تبعیت ایدوب از جمله بابلده
انشا ایتدیردیکیمی سرایک مدخلتی تب سرائی مدخلنده کی سفنکس
هیاکلی طرزنده بایش جسم بوغا هیکلر بله تزین ایتدیرمشدر
بو دورده آتوریه صنایعجه پک بیوک بر اثر ترقی کوستر مکده در .
اسار حاددونک دور سلطنتی ختامنده مصرده بیوک بر
قیام وقوع بولهرق طاهر اقه حکومت قدیمه سنی اعاده ایلش
ونخاو طرد ایلدشدی اسار حاددون اختیار اولمغله بویه بر
سفر بعیدی کوزینه آلدیره میوب ترک سلطنت ایلش و برینه
اوغلی آتور بانپال حکمدار اولمشدر .

آتور بانپالک دور سلطنتی همان دائمی محاربات ایچنده
یکمش و آتوریه دولتک هم اک پارلاق زمانی وهمده مقدمه
انخطاطی اولمشدر .

آتور بانپال (ق ۱۲۹۰) جلوس ایدر ایتمز مصر
اوزرینه یورویهرک پدرینک تأسیس ایتدیکیمی حالی اعاده ایلش
وتب شهرینی بر دها ضبط ایدرک کاملاً تخریب و اهالیسنی
خارجه نقل ایتدیرمشدر .

آتور بانپالک مصردن خروجندن صکره ینه برقیام وقوع
بولهرق خارج مصرده ترک حیات ایدن طاهر اقه نک قائم
برادری اوردامانی مصری تخت استیلایه آلمش ونخاوی اتلاف

ایتدیردیکی کبی نخاوك اوغلی پساتیخ دخی سوریه به فرار ایله
تخلیص نفسه موفق اوله بیلشدی . بو عصیان اوزرینه آثور
باننیپال تکرار کلوب اوچنجی دفعه اوله رق یکریمی پرنسی
امارتلی باشنه یکیره رک بوسره ده پساتیخ دخی پدینک ملک
قدیمی اولان سایدس حکومتنه نائل اولمشه ده برنجی نخاوكی
مصر پرنسلیک ریاستنه نصب ایلماشدر .

بومظفریت آثور باننیپالک صیت و شهرتی عبوقه چیقاره رق
برچرق اقوام کندیسنه عرض عبودیت ایلش و حتی اناطولینک
غرب جهته ده کی لیدیا دولتی حکمداری ژیکس دخی شهنشاه
آثوری به هدایا رسالیه قبول رعیته مسارعت ایتشدر . عصیان
ایلش بولنان فیکه لیلر و کیلکیا لیلر دخی شدته تکیل ایدلر کندن
آثور باننیپال دورنده آثوریه نك حدود غریبه می بحر سفیده
وعادتا اطهر دکزینه قدر ممتد اولمشدر .

آثور باننیپال مصر دوشنده متصل نینوه بی راحتسز ایدن
اورارتی یاخود ارمنستان دولتی صورت قطعیه ده ضبط ایلک
اوزره بوله چیقار کن الام حکومتک حرکات خصوصتکارانه ده
بولندیغی خبرینی آمله او جهته تحویل عزیمت ایلدیرک پک چوق
مخارباتدن صکره الامی کاملاً استیلا ایلش و اونش یکریمی عصر
مدت دوام ایدرک بابل و حتی آثوریه به قدر دفعاتله ایصال
دست خسار ایدن و اطرافده کی اقوامه مدت مدیده تحکم ایلدیان
بردولت ذی اقتدار خریظه عالمدن طی ایدیلرک بالجمله اصنام

وائار قیتنداری و معتبران و اکابر اهالیسی آثوریه به نقل
ایدلشدر .

آثور بانپال دورنده آثوریه دولتی کردستان طماغری
و توروس جبالنک اقسام شمالیه سندن بصره کور فزی و جزیره
العرب چولترینه و آفریقاده لیبیا چولی یعنی مصرک منتهای
حدود غریبه سندن ایرانک منتهای شرقیسنه قدرمتد مالکی
و بالجمله اقوام سامیه و سائرهبی تحت اطاعته آلمشدی . بواقوام
ایچنده بعضیلری بر درجهیه قدر مستقل بولنوردی مثلا مصر
سغلی و وسطی یکرهی پرنس اداره سنده بولنوب بولنر آثوریه به
لفظاً مربوط ایسه لده حقیقتده مختاریت نامدی حاز ایدیلر
یهودییه و فنیکه دولتری ایسه آثوریه به اطاعت و حرمت
کوسترملری سایه سنده ملی حکمدار لرینی محافظه اتلش لردی .
فنیکه لیلر برارلق آثوریه به قارشو سرکشک کوستر مشر سده
صور شهرینک سنجاریف و اسار حاددون طرف لرندن استیلا
و تخریبی بولتری اوصلا ندردیغندن بعدما مخالفت بولنه کتیدرک
آثوریه نك انقراض کایسنه قدر نینوه حکومتنه صادق و مطیع
اوله رق قالمش لردر . صور شعباتندن اولان مشهور قارطاجه
شهری آثور بانپال زمانده تأسیس ایدلدیکی مرویدر .

آثوریه دولتک زیر اداره سنده اولان اقوامک کرک ملیت
و کرک لسان و مذهبلر نجسه پک بیوک باختلاف جاری ایدی
آثوریه لیلر مدیالیسلر عربلر سوریه لیلر بنی اسرائیل کلدانیسلر

اناطولی اقوامی و مصریلر و سائر بیک درلو ملل صغیره بیننده حصول اتحادی تسهیل ایدیمی برعلاقه مشابہت موجود دکدی بوبله بر دولتک دوامی ایچون اوج صورت ایجاب ایدردی که اوچیده آتوربه جه ممنوع ایدی .

اولا . اقوام مغلوبه نك جله سنی یکو وجود ایدرک بر ملت حالته قومی که ظهور اسلامی متعاقب عربلرک ایضا ایده بیلدکاری بوخار قیدی اجرایه آتوریلرک درجه مدینتلی و باخصه ووص مخذلی اولان ظلم و غدر مسلکی بیوک بر مانعه ایدی .

ثانیا . اقوام مختلفه آره سنده مهاجرین اسکان ایدرک بو صورتله جله سنی ال آلتنده و دائره انقیادده بولندیرمق که رومالیلرک مؤخرآ مدار موقیتلی اولان بوتدیرده آتوربه اهاالینک ازغنی و اطرافه مهاجرین کوندیرمکه قلت اهاالینک مانع بولتمی جه تریله اجرا ایدیله مدی .

ثالثا . متصل جسیم اردولرله سفر ایدرک حکومت مرکز به نك شوکت و قدرتی اقوام مغلوبه یه اونوتدیرماق . تغلات پلزدن آتور بانیداله قدر آتوربه حکمدارلرینک اتخاذ کرده لری اولان طریق سیاست دخی بو ایدی یعنی صورت دائمه ده محاربه حالنده بولنیلور و بر قوم عصیان بولنه کیرر کیرمز در عقب اردولرله اوزرینه کیدیلرک حرکت اختلاسه قهر و تدمیر قلنوردی آتوربه حکمداری بریری تأدیب ایله مشغول ایکن طرف مخالفه اختلال و فساد باشلار و بو صورتله محاربه نك

آرقه سی آندمزدی . فقط اون سکزنجی و اون طقوزنجی سلاله لر
 زمانرنده مصر بورلدیغی کبی آثوره دخی بورلغه باشلامش
 و بونک نتیجه سی اولهرق آثور بانپال الام سفرندن عودتنده
 مصرده برقیام وقوعی خبر آلدیغی حالده اورایه قدر کتمکه
 اوشنهرك مصرک تخت تحکمندن چتمسنه راضی اولمشدر .
 ایشته بوصورتله آثوره ایلك دفعه اولهرق تبعه سندن بر قسک
 عصیاننی تکیلدن بجایت ایش و بوجاننده آثور بانپال کبی
 کرک جسارت و خوزیرلکده و کرک عظمت و عناد خصوصنده
 تغلات پلزر و سنجاریف و سارغونلره مساوی بولنان بر حکمدار
 طرفندن کوسرتلشد . بوندن اعتباراً اقوام سائرده اجنبی
 بیوندیغی سیلکمه باشلابهرق آثوره پیدرپی منقرض اولمش
 وینوهنک مدیالیلر طرفندن فحی بو حکومت معظمه نک صحیفه
 عربنی قیامشدر .

فصل باع

شرق دول معظمہ سی

۱

مدیا دواتی

ایران قطعہ سی . مدیا و فارس . بیشدادیان سلاہ سی . کیتباد . فرہاد .
کی آخسار . - معان صنفی . زردشت . ایران مذہبی . - کی آخسارک
جلوسندہ مدیانک حالی . نسبیق عسکر . برنجسی آئورہہ سفیری و نرک
استیلاسی . ترک استیلاسنک نتایجی . فتح پنوہ . آئورہہ دولتک انقراضی
- لیدیا دولتی . ہر اقلید خاندانی . قائد اول وزیرکس . عالیات .
مدیا ایلہ لیدیا پیندہ محار بہ . مدیانک و سمنی . استباغ . کینہ سروک جلوسی

آئورہہ و کلدانستانک شرق طرفندہ بولنان مملکت باطبع
ایکی قسمہ آریلور شمال طرفلری طاغلق اولوب جنوب جہتلری
ایسہ دوز و اووہ بقدر قدیمدن بری جہت شمالیہ مدیا و جنوب
طرفلریہ فارس تسمیہ ایدلشد . مدیا قدیم اورارتی و آئورہہ بہ
غرباً ملاصق اولدیغی کبی فارسک غرب طرفندہ دخی الام
مملکتی موجود ایدی .

مدیا ایلر و فارس ایلر الام و کلدانستان خلعتی کبی توران

وقوش جنس‌لری اختلاط‌ن‌دن حاصل اولیوب صرف آریا جنس‌لرینه منسوب ایدیلر حتی بونلرک جنس مذکورہ منسوبیت کامله لرینه مبنی مدیا و فارسستانک مجموعنه آریانا یا خود ایران نامی ویرلمشدر .

بونلر شرق دن کلوب ایرانی اهالی* اصلیه سی لندن استیلا ایلشدر در قصص و روایات قدیمه لری فتوحات محاربه لری و قهر مانلرک شجاعت و اجراءآت خارق العاده لری حکایاتیله ملو ایسه ده بونلرک جله سی خرافات قبیله دن اولوب معلومات محققه تاریخیه مفقوددر .

ایران قطعه سنده درت طبقه حکمدارانک سلطنت سوردیکی مروی بولنه رق بونلر پشدادیان و کیانیان و آشکانیان و ساسانیان سلاله لری اولمق اوزره تعداد ایدیلور .

پشدادیان سلاله سی حقیقده کی معلومات موجوده تاریخیجه محققان دن عدایدیله جک بولده شیلر اولیوب بین الناس بابادن اوغله و آغز دن آغزه نقل و روایت اولنه رق بعض آثار شعریه یه داخل اولمش مصال یولی قصه لردن عبارتدر پشدادیان سلاله سنه ایکی بیک در تیوز سنه قدر دور سلطنت اسناد ایدیلور سده سده بر قاج حکمدارک اسمی مذکوردر بونلرده سلاله نک مؤسی بولنان و پرسه پولیس یا خود اصطخر شهرینی بنا ایلدیکی روایت ایدیلان کیومرث، خلفی هوشنک، نوروز آیینی احداث ایدن جشید، دولته تغلب ایدرک پک چوق مظالم

کیقباد

و تعدیاتده بولنان ونهایت کاوه اسمنده بر دمیچینک ریاست
ایلدیکی اختلالده تختندن ایندیریلان ضحاک ، کاوه نك مقام
حکومتده چیقاردیغی فریدون نام حکمدار لر در ایران لرجه بر مقدس
باراق اولان درفش کاویانی کاوه نك لوی اختلال ایلدیکی
اوک مشینندن عبارت اولدیغی روایت ایلمشدر . بوسلاله نك
صوکارینه طوغری مملکتی ترکار استیلا ایلدیکی حالده رستم
اوغلی زال اسمنده بر قهرمانك بونلری طرد و حکومت ملیهی
اماده ایلدیکی مرویدر ایران قدیم اشعار و اثار ادیبه سی رستمك
قهرمانلقریله ملودر . زال ایله جشیدو ضحاک و کاوه و فریدون
قصیدلری زمانزه قدر کله رك عثمانلیلر ارسینده منتشر
اولشدر .

ایران حقیقده کی معلومات تاریخیه کیانیان سلاله سیله
باشلار که بوده بری مدیالی و ایکیسی فارسی اوله رق اوچ خاندانن
مرکبدر .

هرودوتك دیوکس سمیه ایلدیکی کیقباد کیانیان سلاله سنك
مؤسسسی و برنجی حکمداری عد ایلمکده در روایتده نظر آ
کیقباد هجرت نبویه دن ۱۳۳۰ سنه مقدم جلوس ایدرک الی
اوچ سنه مدت مدیا قطعده سنه حکمران اولشدر . حکمدار
مذکورک مقام سلطنتنه صورت جلوسی حقیقده ایرانیلر
معلومات آتیهی و برمشدر :

شویله که مدیالیلر مدت مدیده حال تفرقه ده و دره بکار ادره سنده

قاله رق اختلالات داخلیه و منازعات بینهایه دو شمشلر و بوندن طولایی پک چوق مصائب و فلا کتله دو چار اولمشلر در نهایت امور مملکتی تحت نظامه المتی اوزره بر حکمدار مشترک انتخابنه قرار و یروب ذاتاً بین العوام عدالت و حقانیتله معروف اولان و هر کسک دعاوی و مجادلاتنی فصل و تسویه ایدرک شهرت کلیه اکتساب ایدن کیقبادی مقام حکمداری به چیقار مشلر در فقط کیقباد سلطنتنی قبول ایلدن اول خلقک صداقتنی تجربه ایتک ایستیه ریک کندیسنه مخصوص مزین بر سرای و معبد انشاسنی و معیننه مخصوص عسکر تعییننی و کندی حقنده تکلیفمنر معالیه ده بولنیوب حرمت و رعایتده بولنلسنی بالتکلیف قبول ایدر بر مش وینه مدیالیبره اولجه ممبرامیسک تأسیس ایلدیکی اکباتانه یعنی همدان بلده سنی توسیع ایدر ده ریک اطرافنه یدی قات بر سور چورتمشدر . بو صورتله خلقک اطاعتنه کسب امنیت ایلده . کدن صکره سراینه نقل ایدرک اسکی رفقاسنک حرمتنزل کده بولنه ماملری ایچون کسه ایله اختلاط ایتماش و ساده خلقک عرضحال تقدیم ایدرک افاده شکایت ایلرینه مساعده و یرمشدر . کیقباد دور سلطنتنده پک زیاده عدل و حقانیت کومتره ریک دورنده مدیالیبر حضور و آسایشدن بالاستفاده کسب سعادت ایلشلر در .

هرودوتک بزه دور ایلدیکی شو معلومات تدقیقات تاریخییه پک و وافق دکدر . کیقبادک هرودوت قولنجه زمان جلوسی

سارغونك دور سلطنتنه مصادف اولوب كی قبادك مدت حكومتی اولان یارم عصر ایسه آثوریه ده سارغون سنجاریف و اساس حاد دون دور لیه تصادف ایدر بو وقتده مذکور اویج حکمدار دفماتله مدیا ملکك بر باشندن او بر باشنه مظفرانه طولاشمشلر سده دیوکس اداره سنده اویله بر یوک دولت دکل بالعکس هر درلو اتحاددن عاری اقوام متفرقه بولمشلر در ساده سارغون سفرنده دایاقو اسمنده طوائف ملوکدن بر کوچک حکمدار بولمشدر . شو حالده هر ودونك دیوکسیله سارغونك بولدیغی دایاقو اره سنده فرق عظیم موجود اولوب بو کی قبادك حکومت جدیده سی دخی اولکی بختدرده بیان ایدیلان و بابل و الیسی یله زیس ایله بالاتفاق آثوریه یه تجاوز و ساردانا پالی مغلوب ایدن آربا کسك موققیاتی صره سنده طوئلملیدر . روایاته باقیلورسه کی قبادك وفاتندن صکره تخت نشین اولان اوغلی فرهاد دورنده مدیا حکومتی خیلی کسب قوت ایدرک حتی فرهاد عساکر و فیره جمع ایله آثوریه اوزرینه بورومش و فقط راتاو موقعنده اردوسی مغلوب و کندوسیده مقتول اوله رق سلطنت اوغلی کی اخساره قالمشدر اصل مدیا امپراطور لغی کی اخسار (۱۲۵۶ - ۱۲۰۷) دورنده باشلامشدر .

مدیا بیلر قبائل عدیده یه منقسم اولوب بونلردن ماژ (مغان) قبیله سی لاوی سبطی کی ایرانك کهنه صنفی تشکیل ایدر و مذهب ایرانینك محافظه احکامنه نظارت ایلردی بو مذهبک

مؤسسی بولنان زردشت و یا خود ذور و آستر نام حکیمک زمان ظهوری معلوم اولیوب حقنه بک چوق روایات موجود ایسه ده او قدر اسکی اولماسی و هجرت نبویه دن اون بش اون التی عصر مقدملرنده نشر دین ایش اولسی ملحوظدر زردشت مذهبی ذند او ستا نام کتب مذهبی ده مندرج ایدی تورات شریف بنی اسرائیلک زمان انقراضنده طوپلانیدیگی کبی ذند او ستا دخی مؤخر اولوک آشکایان زماننده جمع ایدلمشدر .

مذهب ایرانی ایولک و فنالق جهت لریک آری آری بر آله تفویضی یعنی نظام عالمده ایکی قدرت و قوته اعتقاد اولنسی اساسنه مستنددر .

ایولک الهی هرمن ایله شر و فساد الهی اهرمان بر لرندن فضلده قدرت الوهیده مالک اولیوب معیتلرنده بر چوق ملائک و شیاطین بولنهرق اره لرنده محاربه دائمه جاری در فقط کرک هرمن و کرک اهرمان تماماً خالق عالم و اصل اله اولیوب بولنرک پدر لری بولنان اله اعظم جلله به فائق در و اهرمان ایله هرمن اره سنده کی محاربه دائمه طقوز بیک سنه دوام ایدرک نهایت هرمنک غلبه سیله ختام بوله جق و او وقت عالم اوزره سعادت و بختیاری مکمل حکم فرما اوله جقدر . مذهب زردشتده بقای روح فکری موجود اولوب جننه وصول ایچون روحک بر کو پریدن بکجه جکی و کنها کارلرک بونی بکجه میهرک دار عذابه دوشه جکری اعتقادنده بولنیلوردی .

کی آخسارک جلوسندهمدیانک حالی

بودن بشقه ذردشت مذهبی عبادات و طاعات بولنده بر
طاق احکام ظالمانه بی و منافی مدینت احکامی محتوی دکلدی .
بالعکس بقای نوع بشره و ترقی ثروت مملکت چالیشانتر
ذردشت مذهبجه مدوح و معتبر بولنورلردی ارضی ذرع ایتمک
اذاج دیکمک و بوکبی معهوریت مملکتی موجب اعمالده بولنقی
الک بولک حسناتدن صابیلیردی .

بو مذهبک یکدن بر حکیم طرفندن نشر ایدیلیورمش اولسی
مستبعد اولوب ذردشت نامنده بر حکیم ظهور ایتمش اولسه
بیله بونک ذاتاً خلق بیننده موجود اعتقادات مبهمه بی طوپلابه رق
بوکا بر شکل معین و ردیکی دهها محتملدر از جمله آریا اقوامنک
اساس اعتقادی بولنان حرارته پرستش خصوصی ایرانده
دخی زیاده سیله جاری اولوب عموم معابدده صورت دائمه ده آتش
موجود بولنور و کاهن صنفی بو مقدس آتشک محافظه سینه
وسونماسنه دقت ایلم ایدی .

صفت روحانیدلری حسیله بر از نفوذ و اقتداره مالک اولان
مغان صنفنده بر حکومت جسیه تشکیل ایده جک قدر قدرت
اولمدیغی کبی مدیا قطعده سی دفعاتله آثوربه اردولری طرفندن
چکنمش واسکیت نامی و یریلان آسیای شرقی اقوامی دخی اره
صره مدیا اوزرینه هجومی اعتیاد ایدنمشلردی .

ایشته کی آخسار بویله داخلده تفرقه و اختلالک حکمفرما
بولندیغی و خارجدن دشمنلرک تجاوزلری درجه نهایی بی بولدیغی

بر زمانده جالس مقام سلطنت اولوب دور حکومتمده مدیایی بر دولت معظمه حاله کتیر مشدر .

کی اخسار مدیا دولتشک فتوحات جسمیده موفقی اوله نیلمی ایچون اصلاحاته ال اساسلی نقطه سندن یعنی تنسیقات عسکریه دن باشلامش ایدی او وقتده قدر ایران اردوسنده پیاده و سواری و عربده لی عسکر ایله تیرانداز و قلیچلیلر کاملاً قارمه قاریشقی و بلاتریدب محاربه ایلدکلرندن آثوریه لیسرک منظم اردولرینه قازشو تاب آور مقاومت اوله میورلردی بو دفعه کی اخسار عسکری منتظماً تنسیق و تنظیم و هر صنف سلاحی تفریق ایدرک تقسیمات مخصوصه یه ادخال و هر برینه آیری آیری ضابطان و قوماندانلر نصب و تعیین ایلش و بو صورتله مدیا حکومتی ذاتاً خلقنک معلوم اولان جسارته علاوه برده منظم اردویه مالک اولمشدر . کی اخسار عسکری بولنده قودقدن صکره فرهادک مغلوبیتی آجیسنی چیقارمق اوزره آثوریه اوزرینه یورومش و فقط لایقیله اخذ انتقام ایده جکی صروده شرق طرفدن کلان دهامهیب دشمنلر نظر دقتنی بشقه جهته جلب ایلمشدر .

او صروده آسیای غربی اوزرینه بیوک برترک مهاجرتی وقوع بولوب برچوق اقوام تورانیه مدیانک شمالندن چکرک اناطولی یه یا بلشلیر و اناطولی آثوریه و سوریه یی کاملاً چکینه راک عصر قبولرینه قدر و ارمشلردی فرعون پساتیخ بونلره برچوق

نقود و هدایا و برهرك مصری باربار اقوام استیلاسی بلیه سندن
قورتار مشدی .

ترك ر فتوحات جدیده لرینی آنجق سگز سنه مدت قدر
محافظه ایده بیلوب صکره یواش یواش بولندقلری برلردن
چیقارلهرق وطن اصلیلرینه طرد ایدلشردر فقط بو استیلاسی
اتراك دورنده شرقك احوالجه تبدلات عظیمه وقوعه کلدی
بر چوق کوچک دولتره منقسم اولقله برابر مهمسا امکان قوت
وقدرته دخی مالک و باخصوص کثرت نفوس جهتیله اقوام
فانجه کذرکاهنده بیوک بر حائل بولنان سوریه نك خرایت حالی
بر قاندها ارتمش و آتوریه نك الك شوکتلی زمانلرنده بیله اسار
حاددون سنجاریف و سارغون کبی فاتحلری عاجز براقان
اورارتی دولتی قالقوب بوکا مقابل آتیده بحث ایدیه جک اولان
لیدیا حکومتی زیاده سیله اکتساب شهرت وقدرت ایلشدر .

کی اخسار ترك استیلاسی خبرالجه آتوریه سفرندن واز
یکهرك تركلره محاربه یه شتابان اولمش و بر آرهلق مغلوب
اولهرق طاغله تحصن مجبوریتنده بولتمشسه ده نهایت ینسه
شاهد موقیت مدیالیلر جهتمده رونما اولهرق تركار مدیله
حوالیسندن طرد و دفع ایدیه ایلشردر حتی روایتسه نظراً
کی اخسار بو مقصده وصول ایچون حیلله به مراجعت ایدرك
ترك امراسیله محمدصلح ایله بونلری رضیافته دعوت ایلمش و صکره
ضیافته جیله سنی اخانه اعدام ایتدیرمکه رئیس سز
قالان اقوام مستولیه فراره مجبور اولشردر .

هر نه صورتله اولورسه اولسون اشبو غالمه نك دفعندن
 صكره كى اخسار نينوه حقنده كى تصور اتنى اله الهرق شهر
 مذ كورك محاصره سنه تشبث ايشدر فقط بو دفعه يالكز
 اوليوب بابليير ايله متفق ايدى آثور حكمدار لر ينك صوكى
 بولنان آثور اميت ابلى (ساراق) زماننده بابلده بعض شورش
 ظهور ايلكله حكمدار مذ كور ارباب فسادی تأديب ايچون
 نابو بولاسار اسمنده بر قوماندانى مأموراً كوندر مشهده نابو بولاسار
 ايفاي وظيفه ايدى جك برده كنديسى بابل حكمدارى اعلان
 ايش و مديالير ايله بالاتفاق نينوه محاصره سنه كتمش ايدى .
 بابل ايله مديانك اتفاقى نينوه نك ايدى دشمنه چكمنى اتساج
 ايدرك آثوريه حكومتى صورت قطعبيده دوچار انقراض
 اولمشدر (ق ۱۲۰۰ ويا ۱۲۰۸)

آثوريه نك ترقيات مدينه سى بابل درجه سننده اوليوب
 خطوط و علوم و صنايعى بابل و مصر دن آلمش و زمان فتوحاتنده
 كوسترديكى شدت و وحشته اورته لغى دهشت ايچنده براقش
 ايدى . بو جهته اطرافه نشر ايتديكى تاثير تسخير قوه غالبه .
 سنك دوامى مدتيجه سوروب بو قوته خلل كلنجه دولت دخی
 منقرض اولهرق از وقتده خاطره سى برخيال حكمنه چكمشدر .
 آثوريه نك انقراضندن صكره ممالكى مديا ايله بابل ايله سننده
 تقسيم ايدلمش و اصل آثوريه ايله اورارتى قطعده سى و اسياى
 صغرانك شرق جهتملى مديايه الحاق اولنوب بابلده سوربه

ممالک کنی المش و حتی ائوریه ننگ مصر و یهودیه و فیکه اوزرنده
بر وقت تأسس ایدن حکومت و متبوعیتنه مالکیت ادعا سنده
بیله بولنشدر بابلک دور اقبالی ایلروکی بختده بیان ایدیه جک
اولغله شمدی ینه مدیا قطعه سنه نقل کلام ایده لم .

کی آخسارک دور سلطنتنده مدیا دولتی آسیا دول معظمه سی
صره سنه کیردیکی زمان اوچ بیوک دولت دهها موجود ایدیکه
بونلرده بابل، پساتیخ اداره سنده یکیدن کسب حیات ایدن مصر،
برده آسیای صغرانک جهت غریبه سنده کی لیدیا دولتری ایدی .
کی آخسار ایله نابوپولاسار بیننده نینوه سفری اثنا سنده تأسس
ایدن حب و موالات حقیقه بو ایکی حکومتک نهایت دور لرینه
قدر جاری قالمش و مصدرده مدیایه اوزاقی بولنش اولغله بو
سفر نوبت محاربه لیدیایه کلشدی .

اولجه دنخی کورلدیکی اوزره لیدیایه حکومتی اناطولینک
شمدیکی آیدین جهتلرنده بولنوب مقر سلطنتی اولان
سارد شهری غربی آسیانک اک بیوک بلادندن ایدی لیدیایلر
اساساً آریا جنسندن اولدقتری کی اناطولی سواحلنده
مستعمراته مالک اولان یونانیلر ایله پک چوق مناسبانده بولند .
قلندن مدنیجه زیاده ترقی ایشلردی . لیدیایه قطعه سی اسکیدن
دره بکلک اصولیله اداره اولنوب حاز سلطنت اولان هراقلید
خاندانی یونلرک عادتاً متبوع لفظیمی حکمنده ایدی فقط هجرت
نبویه دن ۱۳۴۲ سنه مقدم خاندان مذکور افراندن قانداول

یندن ژبکس اسمنده برسنه انتقالی اوزرینه دولتک حالی تبدل
 ایشدر . روایتہ نظراً لیدیا قادینلک مستوریتی عادت اولدیغی
 حالده قانداول حرمنی چبلاق اوله رقی معیت ضابطانندن ژبکسه
 کوسه تریکنندن قادین بونی برحقارت عد ایدرک قوجه سنی
 اولدیتمش وژیکسی حکمداراق مقامنه چبقارتمشدر . بوژیکسک
 اسار حاددون زمانده آتوریه به عرض تابعیت ایلدیکنی کور-
 شدک موئی الیهک اخلاقی دورنده لیدیا کیتدیجه توسع ایدرک
 قزل ایرماق نهرینه قدر ممالک حکومت مذکوره اداره سنه
 کچمش ونهایت لیدیا حکمداری عالیات اناطولی بی استیلا ایدن
 اسکیت اقوامنی دخی مغلوب ایلکله لیدیا آسیای غربی دول
 معظمه سی عدادینه داخل اولمشدر .

عالیات ترکاری چبقاردقن صکره شرق جهتی حدودینی
 قزل ایرماقدن ایلروسنه توسیعه تشبث ایلوب غرب طرفنده کی
 یونان مستعمراتی استیلا آرزوسنه دوشمش واورانک الیبوک
 یلده سی یونان میلت شهرینی محاصره ایشدر میلت محاصره سی
 اون بر سنه قدر دوام ایدرک عالیات موفقی اوله مامش وکی آخسارک
 مظفریانی و آتوریه ننگ ذوالنی خبر آلمسیله تلاشه دوشدیکنندن
 علی العجمه یونانیر ایله عقد صلح ایدرک شرق جهته تحویل
 عزیزت ایشدر .

ذاتاً مدیا ایله لیدیا آره سنده محاربه وقوعی طبیعی ایدی .
 لیدیا دولتی توسیعی نفوذ و ممالک ایله اناطولی به حاکم اولقی

ایستدیگی کبی مدیاده بابل اتفاتی جنوبده محل فتوحات بر اقد .
 یغندن اناتولی قطعه‌سنی ضبطه تثبیت ایلدیکندن حدودلرینک
 چارپشمی موجب حرب وجدال اولدی . بوکا برطاقم اسباب
 برودت دهها منضم اولمده و کرک عالیاتک، تعقیب ایلدیگی بعض
 ترک امراسنک کی آخسار طرفندن جایه ایدلسی و کرک
 کی آخسارک معیندن قباحت ایدرک (۹) فرار ایدن ترکرک
 عالیاتک جایه‌سنه النجا ایدرک مظهر صحابت اولمزی خصوصت
 طرفینی آرتدیرمده ایدی .

مدیا ایله لیدیا بیننده محاربه بش سنه مدت دوام ایلدیگی
 حالده ایکی طرفده موفق اوله مامش وروایته کوره برکونینه
 محاربه ایلدیگی صرهده کونشک طوتلمسی محاربه‌نک معبودلرجه
 مقبول اولدیغنه علامت عد ایدیلرک عقد مصالحه و دولتین
 بمالکی آره‌سنده قزل ابرماق نهری حدود تعیین ایلمشدر .

حکمدارلر آره‌لرنده صلحک بوزلماسی ایچون قان قرداشی
 اوله‌زق عالیاتده قزینی کی آخسارک اوغلی آستیاغه وروب
 ایکی خاندان بیننده قرابت حاصل اولمشدر . اشبو مصالحه‌نک
 هجرت نبویه‌دن ۱۲۰۷ سنه مقدمنده عقد ایلدیگی ظن اولنیور
 کسوف شمسه‌کده میللی مشهور فیلسوف تاله‌س طرفندن اوچله
 اخبار اولندیغی مرویدر . هرودوتک بیاتنه کوره
 عقد مصالحه بابل پرسی لاینتوس (نابوناھید) وکیلکیا
 قرالی سیه‌نیسک توسطلریله تسهیل ایلمشدر اووقت بابلده

مشهور بخت نصر حکمدار اولغله لاینتوسک کی آخسار اردوسنده
منفق صفتیله موجود برپرس اولمی وسیه نیکسک ده ینه بوصفته
حالیات یاننده بولنمی محتملدر .

کی آخسار جلوسنده مدیایی پک کوچک بر حکومت بولش
ایکن قرق طقوز سنه دوام ایدن مدت سلطنتی ختامنده ترکستاندن
قرل ایرماغه قدر مند بر حکومت جسیه اوله رق بر ایش و فقط
خلفی بولنان آستیباغ پدرینک بولنی طوتامیوب طبعاً وهام اولغله
ظلم وغدر ایله هر کسی ناخشنود بر اقدیغندن نهایت حکومت
مدیالیلردن جنوبده بولنان وفرهاد ویا کی آخسار زماننده مدیا
رعیتنه کچن فارسیره کچمشدر . فارس امراسندن کینسرو
عصیان ایدرک آستیباغی قالدیروب (ق ۱۱۷۱) تاریخنده مقام
حکومته صعود ایشدر .

کینسروک مدیا سلاله سنه منسوبیتی بولندیغی روایت ایدمش
وهر سلاله مؤسسسی حقنده شایعات غریبه موجود اولدیغی کی
کینسرو حقنده ده قوجه برمهصال (۹) وجوده کتیرلشدر .
کینسروک فارس امراسندن بولندیغی شبهه دن وارسته
ایسه ده بوتبدل سلطنت حکمیز کوسترک اوزره آستیباغک
قزی مندانه ایله فارس امراسندن کیکلوسک اوغلی اولدیغی
سویلمشدر کینسرو آستیباغ و مدیالیله حسن معامله ایدوب یالکز
ایرانک پایتختنی اکباتانه دن فارسه قالدیرمشدر . بوتبدلک سیاست
چوق حکمی اولمیوب سلاله سلطنت تحولدن عبارت قالمشدر .

آستیخ مدیا و فارس حکمداری اولدیغی کبی کیخسروده
فارس و مدیا حکمداری ایدی . ایشته سیاست اولان فرق بوندن
عبارتدر .

۲

مصرده یکریمی التنجی سلاله دوری

بسامتیخک جلوسی . هرودوتک روایتی . بسامتیخک اجرات و مساکی .
عسکر صنفک هجرتی . نخاو . اجراتی . فارغامش معاربه سی .
آربدهس . بخت نصر الیه معاربه . آماسیک جلوسی .
آماسیک مسکی . بسامیت .

کیخسروک زمان جلوسنده موجود دول معظمه اربعه دن
مدیا و لیدییا دولترینک اوزمانه قدرکی احوال تاریخیه لری
مبحث سابقده بیان ایدیلگه شمدی نوبت بخت مصر و بابل
حکومتلرینه ککشدرد .

حبش سلاله سندن اوردامانی نک عدم موقعیتندن صکره
مصر قطعده سی احوال کونا کونه دوچار اولمش وکاه ینه
حبشلیلرک یداستیلاسنه وکاه آثوریلرک الله پکده رک و بعضاً
دره بکر الله متفرق بولنه رق قاریشعلق حالنده قالمشدی فقط
آثور بانیدالک و آخر سلطنتنه طوغری سساییس سلاله سی

برنسلرندن و برنجی نخاوك اوغلی برنجی پساتیخ سائرر قییلری
یعنی دره بککرینی بی حکم و نفوذ بر اقارق و هم حبشلی بقایاسنه
و همده مصرده بولنان بعض متفرق آثوری عسا کر محافظه یه
غلبه ایدرک مصری یداداره سننده توحیدیه موفقی اولمش
و یکریمی التجیبی سلاله فرعونیه بی تأسیس ایتشدیر .

هر سلاله مؤسسی حقنده مروی اولان حکایات غریبه
جمله سندن اوله رق هرودوتک بویلمده کی روایتی بروجه آتیدر :
مصر قطعه سنی حبشلیلرک استیلا سندن اون ایکی قوماندان
تخلیص ایش اولوب بونلردن هانکیسی اثنای عبادتده معبوده
طونج طاس ایله عرض شراب ایلمر ایسه آنک مصره حاکم
اوله جغنی هانف طرفندن ییلدیرلمشدی . برکون اثنای عبادتده
کاهن هر نصلسه اون برکوش کاسه کتیرمش و قوماندانلرک
اک کوچکی بولنان پساتیخ کاسه سز قالمقله باشنده کی طونج
طوانغه ایله مذبحه شراب دوکش و بونی کورن قوماندانلر
ایسه هانفک سوزی یرینه کل سندن قورقارق پساتیخی براطه یه
نی ایشلردر پساتیخ اوراده استقبالنک نه اوله جغنی هانفه
سؤال ایدرک دکردن چیقان طونج آدملر واسطه سبیله اخذ
انتقام ایدرک نائل حکومت اوله جغنی جواباً ییلدیرلمشدر .
اوصرده ایسه قاریالی و ایعونیه لی (یعنی یونانلی) برچوق
جیدودلر مصر ساحلنه چیقارق قورصانلق ایتلمکده و بونلر

پسامتیخ

ایسه کاملاً زرهلی و باشلری طویج طولغولی اولغله طونجندن
 آدملرک قره به چتدقلری پسامتیخه اخبار ایلدیش و پسامتیخده
 بواجنبی قورصانلرله اتفاق ایدرک دیکر اون بر قوماندانه غلبه
 و مصری کندی تخت اداره سنده توحید ایلشدر . شو حکایه دن
 اکلاشمدیغنه کوره پسامتیخ اوزمانلر مصری تقسیم ایلش
 بولنان دره بکلریله محاربه لر ایدوب یونانی عساکر معاونه
 سایه سنده نائل غلبه اولمشدر . پسامتیخک مصرده بلا رقیب
 حکمرانلغله موقیتی تاریخی لایقوله معلوم اولیوب یونک هجرت
 نبویه دن ۱۲۷۳ و یاخود ۱۲۷۸ سنه اقدم اولدیغی مرویدر .
 پسامتیخ مصری پک بیوک برحال تفرقه و انقراضده
 بولمشدی فقط زماننده مصرک اسکی انتظام و قدرتی مهمالمن
 اماده ایدیلرک اسامی فرعونیان احوال عالمده ینه ذکر اولغله
 باشلامشدر یکریمی التنجی سلاله مصرده کی برلی سلاله لرینک
 اک مشهورلرندن اولوب شوکت و نفوذ جهتیه دخی اک صوکی
 عد اولنور .

پسامتیخ جلوسیه برابر اول امرده حکومتی تأییده تشبیه
 مصر وسطی و علیانی استیلا و اوراده کی برلی امرایی
 ربقه اطاعت ادخال ایلرکن صکره نویه قطعه سنه دخی
 تجاوز ایلش و وجهلرده حدود مصریه ن تقویه و تحکیم
 ایشدر . بنغازی طرفلرنده یونانیلر سیره نایک حکومتی تأسیس

ایلدکلرندن او طرفدن وقوعی ملحوظ اولان تجاوزاته قارشو احتیاطاً فیوم و ادیمی طرفلرینه و ماره او تیس کولی جوار لرینه استحکامات یاپدیرمشدیر .

پسامتیخک تشکیل حکومت انلیسی ذاتاً آثوریه نك یورغونلغی و بابلهده سامسی موکینک عصیانی زمانته مصادف اولوب آثوریه سوریه احوالندهده اوقدر اهمیت ویره مدیکندن پسامتیخ مصرده کی ایشلرینی بولنه قودقدن صکره سویشی پکهرک فلسطین قومی اراضیسینی مصره الحاق و مصره کله چک یوللری تحکیم ایلدکلدن صکره عودت ایلشدیر مصرک آسیادن کلان طریق عسکری بی طوتمسی پک عاقلانه بر حرکت اولوب قائده سی مؤخرأ مشهود اولمشدیر .

پسامتیخ دورنده مصر اپی کندینی طویللامشدهده بر بیوک فلاکت بودولتک الی الابد حال ضعفده قالمسینه سبب اولمشدیر که بوده عسکر صنفندن قسم اعظمینک جنوبه هجرتیدیر . معلوم اولدیغی اوزره ذاتاً مصرده عسکر صنفی بر صنف ممتاز اولوب مؤخرأ بکرمنجی سلاله دن صکره وقوع بولان محاربات داخلیه ائتمسینه قبائل سودانیه دن بر طاقم آدملرده سلاک عسکری یه ادخال ایلمش ایدی . پسامتیخ یونانیلرک معاوتلری سایه سننده نائل حکومت اولغله بونلردن قسم اعظمینی معینه آلارق بین العسکر الیمتاز و شرفلی اولان واقعی بونلره ویردیکی کبی دور فتوحاتدنبیری دلتانک جهات شرقیه سننده

قلان اقوام سامیه بقایای آرسنه دخی برچوق قاریایلر
 و یونانیلر اسکان ایلشدی . مصره کلان یونانیلر هر تقدیر
 مدینت مصریه مفتون اوله رق مصریره سوء معامله ده
 بولمزلر ایدیسده مصریلر پک متعصب واقوام اجنبیه بی هیچ
 سومز اولدولرندن لساناً و مذهباً کندیلرینه تعلق اولمیان
 یونانلرک بوبله حاز امتیاز اولملری پک زیاده سوء تأثیری موجب
 اولمش حتی پساتیخه اجانبه یوز ویردیکندن طولانی کافر
 نظریله بیله باقغه باشلامشدر . بسوء توجهک اثری اوله رق
 عسکر صنفندن ۲۴۰۰۰۰ نفر اولاد و عیالریله مصر علیابه
 ودها آشاغیره هجرت ایلشلر و بونلرک هجرتلری مصرک قوه
 حریبه سنی آزالتمعله پساتیخ یکیدن بر اردو تشکیله مجبور
 اولمشدر .

پساتیخک وفاتده یرینه اوغلی ایکنجی نخاو حکمدار
 اولمشدر . نخاو جهانکیر فرعونلر طبیعتده اولوب زمانده
 مصرک ینه جهانکیر اوله مامسی کندی ضعف طبعندن وعدم
 درایندن ناشی دکل مصرک اسکی منابع قوته عدم مالکیتی
 ایله اووقت مصر قارشوسنه دیکر بر بوک دولتک چتمسندن
 نشأت ایلشدیر . نخاو پدرندن گوزل بر اردو بولمعله قوه
 بحریه نک دخی تزیدینه چالیشه رق فیکه لیلر و یونانیلرک معا .
 وتلری سایه لرده بوک بردونما وجوده کتیر مشدر . حتی
 زمانده وکندی امری اوزرینه فیکه کمپیلری بحر احردن

یوله چیقارق تکمیل آفریقا سواحلنی طولاشوب طرف مخالفدن
یعنی سبته بوغازی و بخر سفیدن مصره واصل اولمشلر و بو
سیاحت عظیمه بی اوج سنه ده اجرا ایدرک امید برونک کشفنده
واسقود و نامایه بیوک برحق تقدم قزائمشلردر . نحاو بحر سفید
ایله بحر احمر آره سنه ده برقنالك توسیع حفرینه چالشمشه ده
انشا آتک ساده بیانجیلره منفعتی اوله جغنی طرف هاتقدن
بیلدیرملکه بوندن فارغ اولمشدر .

اوزمان بابلده حکومت ایلکده بولسان نابوپولاسار سن
شینوخته واصل اولمغله نحاو سوریه بی و حتی بابلنی دخی
استیلا ایلمکی قوروب جسمیم براردو ایله آسیایه یکمش و واقعا
اولاری نابوپولاسار مقاومتنه قوای کافییه کوندردمبکنندن
موفق اوله زرق سوریه اوج سنه مدت مصر اداره سنه
قالمشدر فقط صکره بابل حکمداری بخت نصری مصریلر قارشو
سنه کوندردمکه بابلیلر ایله مصریلر آره سنه فرات اوزرنده
کائن غارغامش شهری جوارنده وقوع بولان بر محاربه عظیمه ده
مصریلر مغلوب و فراره مجبور اولمشدر .

نحاو بو مغلوبیتک آجیسنی چیقاره مقسزین فوت اولوب
یرینه کچن اوغلی ایکنجی پسا متینج دخی مدت جزیه مقام
حکومتده قالدقون صکره ترک حیات ایلمش و نهایت او واهبری
یا خود آپریس زماننده بابل ایله محاربه یینه تجدد ایلمشدر .
آپریس ایله بخت نصر بیتمده کی محاربه حقدنه کی معلوماتمز پک

ناقص اولوب محاربه بی کیمک قزاندیغی بیله لایق بیله معلوم دکلدیر . برطانیلرک قولنه باقیلورسه بخت نصر مصریلری مغلوب ایدرک حتی مصره بیله کیرمش واوراده بابلی والیر نصب و تعیین ائلمش اولیور حالوکه آثار مصریه به نظراً آپریس بابله غلبه ایدوب برچوق سوریه بلادینی تخت اداره آلمش وحتی موقیاتندن طولایی کسب غرور ایدرک « افراد بشرک الکتختیاری » صفتنی طاقمشدر . فقط بو بختیارلق چوق دوام ایده مامشدر .

اولجه کورلدیکی وجهله یونانیلر مصرک غربنده سیره نایک حکومتنی تأسیس ائلمشردی آپریس زماننده بوشهره چولده کی اقوام تجاوز ایلدکلرندن یونانیلر فرعون مصرک معاونتنی طلب ائلمش و آپریسده بوکا معاونت ایچون برقوه عسکریه کوندر مشدر فقط ذاتاً یونانیلره کوستردکلری حسن معامله دن طولایی پساً متبیخ خاندانی مصریلرجه سوء نظر ایله کورلدیکندن اکثریسی مصری اولوب کندیلرینک اورایه اولمک و محو ایدمک اوزره کوندردکلرینه ذاهب اولان قوه سفیره افرادی آپریس علیهنه عصیان ائلمش و فرعون بونلره قارشو آماسیس اسمنده بروزیرینی سوق ایتمشده عسکر آماسیسی حکمدار اعلان ایدیورمکه آماسیسه اردونک باشنه کچوب آپریس اوزرینه یورومشدر . آپریس واقع اولان محاربه ده مغلوب واسیر اولمش و آماسیس اولا کندوسنه حسن معامله ایتمشده صکره

اهالینک طلبی اوزرینه خلقه نسلم ایلش و بیچاره فرعون
اعدام اولمشدر .

آماسیس مصر اهالینک ارزومی اوزره یونانلره سوء
معامله ده بولنجیوب بالعکس اسلا فنک پوتیقه سنده دوام ایلش
و دور سلطنتنده مصرده معموریت و تجارت پک زیاده ترقی
ایتمشدر . آماسیس ذاناً پسیپایه بر آدم اولوب آپریه سک وزارتی
مقامنه خوشکولغی سیپیله چتمشدی بودفعه الکیالی درجه ده
واصل اولقله برابر کندیسینه لایقی وجهله حرمت و رعایتده
بولندیغنی کوره رک بوکا تحف بر چاره بولمشدر شویله که دائماً
کندیسنک ال و بوزینی یقادیغنی التون لکندن بر معبودهیکی
یابدیره رق عبادتخانه به قوش و هرکس بتک قارشوسننده
طاعت و عبادته باشلامشدر بونک اوزرینه بونک و قبله بولندیغنی
حال مذلتی اخطار ایدرک کندینک دخی و قبله عادی بر آدم
ایسه ده شمدی مقام حکومته بولندیغندن حقنده حیثیت جدیده
سنه لایق صورته رعایت کومتر ملک ایجاب حالدن بولندیغنی
سویلیه رک چله بی الزام ایلمشدر .

آماسیس زماننده مصر چوق راحت ایلشیده اوزاقدن
برتهلکه حاضر لانتقه یعنی فارس حکمداری کیخسرو هر طرفی
پیدرپی استیلا ایلیه رک نوبت تجا اوز مصره کلکده ایدی : فقط
ایرانلرک و رودینه قدر آماسیس عمری وفا ایلدیکندن قیامت
اوغلی پسامینک باشنه قومشدر .

بابل دولتی

آثوریه نك دور اقباننده بابل احوالی. نابوپولاسارك جلوسی. بخت نصر.
 بخت نصر نك فتوحاتی. بابل اسارتی. صور محاصره سی. مصر سفری.
 بابلك نوسیع و تزیینی. بخت نصر نك فتوحاتی. بابیلر نك بعض
 عاداتی. نابونا هید. بابلك كینسرو طرفندن ضبطی.

اولکی بختلرده کورلدیکی اوزره بابل شهری پك قدیم
 زمانلردنبری بر حکومت منتظمه به مالک اولوب کلدانستانده
 کائن سائر حکومت صغیره بی اکثر وقتلر بخت نفوذنده
 بولندیرر ایدی. واقعا آثوریه دفعاتنه بابلی استیلایه موفق
 اولمشده اکثر وقتلر بابل یرلی سلاله لری مقام حکومتدن
 ساقط اولدقلری کبی آثوریه حکومتنک لایقیله تأسس ایلدیکیی
 زمانلرده بیله ینه عصیان واختلال اکسک اولمز و متصل یرلی
 پرنس لر اعلان استقلال ایدرلردی. بابل ایله آثوریه آره سنده کی
 محاربات دائمه زماننده بابلده نابونصر و ماردوق بالادینا کبی
 عاداتا فتوحات کایه به مظهر اولمش حکمدارلر بیله کورلمشدی.
 نابوپولاسارك اعلان حکومت ایلسنی متعاقب بابل بر مدت جزئیه
 جهان کیرلک بولنه بیله کیرمشدر.

آثوریه نك انقراضی اوزرینه سوریه دنخی بابه انتقال

ایتمش وهرتقدر نخاوك تجاوزينه اوغرامش شده نابو پولا سار اورادن
 مصر لیلری طرد ایچون اوغلی بخت نصری مأمور ایلمشدی .
 بخت نصر غارغاش محاربه سنی قزانارق مصر لیلری کیرویه
 یوسکورتدکن صکره پدربنک وفاتنی ایشتکله همان بابله عودت
 ایلمش و ذمام اداره دولتی یداقتداره آلمشدر (ق ۱۲۲۶) .
 بابلك دور فتوحاتی بخت نصر دورنده باشلار مدیا ایله
 بابل بیننده کی اتفاساق پک صمیمی اولوب بونلر بیننده اصلا
 محاربه اولماش و مدیا دولتی آسیای صغری جهتنی داخل
 دائرة نفوذی عد ایلدیکی کبی بخت نصر دخی آشوریه ممالک
 قدیمه سی یعنی سوریه و فنیکه و حتی مصر حقیقده ادمای
 حاکمیته قالمشدر .

بخت نصر سوریه امورینی بابل منافعهجه حاز اهمیت
 عد ایلدیکندن هیچ رقومک مداخله سنه راضی اولماش و اوزمان
 ایسه مصرک انبناه موقت دوری اولوب مصر بلرده سوریه
 جهتنجه توسیع اراضی به سعی بولندقلرندن دفعاتله مصر ایله
 محاربه ایلمشدر .

یهودیه دولتی مصرک معاونه کوه نهنده بخت نصره
 قارشو و سرکشک ایلدیکندن بخت نصر بر کره قدس شریفی
 ضبط ایلمشده یهودیه دولته نهایت ویرمامشدی فقط بنی
 اسرائیل طریق سرکشیده دوام ایدرک بخت نصرک
 کوندردیکی هولوفرن نام قوماندانده یودیت اسمنده مشهوره

یهودی قزی طرفندن اتلاف ایملکله تکرار کندیمی سفر
ایدرك قدس شریفی ضبط و تخریب و بیت المقدسی یغما و احراق
المش و یهودیه دولتی حکمدار و معتبرانیله اهلیدن بر قسمی
اسیراً بابه کتور مشدر . بابه نقل ایلیلان یهودیلرک مقدری
مبالغه ایملشسه ده یکریمی اوتوز بیٹ کشیدن زیاده اولدیغی
محققدر اشبو قدس شریفک فحشی ۱۲۲۳ تاریخنده وقوع بوله رقی
بنی اسرائیلک اسارتی دخی یتش سنه مدت دوام ایلمشدر .

یهودیه مصره استناد ایدرك بخت نصره میدان او قومش
ایسه ده حسابی یا کاش چتمشدی مع مافیه بخت نصر قدسی
کابل خراب ایتموب متباقی اسرائیلیره اسیر ایتدیکی بواکیم
رینه دذه قیابی حکمدار ایلمشدی . بخت نصرک عودتدن صکره
بنه سوریه جانلانغه باشلا دیغندن حکمدار بابل قوه کلیه ایله
عودت ایدرك قدس شریفی تکرار محاصره المش و بوضره ده
فرعون آریه سک یهودیه امدادینه کلدیکنی طوبیغله مصریلرک
هجومی هر نه صورتله ایسه دفع ایلمکدن صکره قدسه عودتله
شهری ضبط و تماماً تخریب و متباقی خلقیده اسارتله بابه نقل
ایتمشدر یهودیه ده ساده اهالی قرا قالمشدر بوندن صکره بخت
نصر مصریلر ایله اتفاق ایدن موآب و آمون قبیله لری و قبائل
ساره اوزر لر بنه یورویوب انلریده تخت اطاعته آلمشدر .

بخت نصرک دشمنلرندن میدانده تیر شهریه مصر قالمشدی .
بخت نصر تیر شهرینی ضبط ایچون اون اوچ سنه اوغرا شمشه ده

موقعك متانته و بابليلك دونتالری فنيكه ليلر طرفندن پریشان ايدلسنه مبنی موفق اوله ميهرق عقد صلح ايلشدر . بعض مورخين صورتك بخت نصرک يداستيلاسنه دوشديکني ياز مشلدر فنيکه روزنامه لری و مورخين يونانيه به نظراً بقول بجر و حدر .

بخت نصر ايله آريهس آره سنده کی محاربه نك نتیجه سی بالاده سويلديکمز و جهله مجه وادر فقط بونده بخت نصرک مغلوبتي دها مختل اولوب يالکز حکمدار مشاراليه مؤخرأ آماسيس دورنده ده مصره سفر ايدرك آثار کلدانيه روايته نظراً مصري استيلا بيله ايلشدر . هر حالده مصرک استيلاسی شهبلی اولسه بيله آماسيسک آريهس زماننده فنيکه سواحلندن مصر ادره سنه پکن يرلری غائب ايلش اولسی محققدر .

بخت نصرک محاربات معلومه سنک صوکی مصر سفری اولوب مشاراليه بقیه عمرينی بابل بلده سنک تزین و تحکيمه صرف ايلشدر . بخت نصرک جدول قنال و معبد يوللی آثار نافعده سی چوق اولديغی کبی طساغلق یرده طوغمش بولنان زوجه سنک کسب حظ ايلسی ایچون کرلر اوزرنده طاغ تقلیدی برلر و اورمانلری محتوی اوله رق بابل ایچنده وجوده کتيرديکی آصیلی باغچهلر آثار خارق العاده دن معدوددر . بخت نصر قرق اوج سنه مدت کمال شوکت ايله سلطنت سورمشدر .

بخت نصر دورنده بابل چوق صاحب قدرت کورنمش ايسه ده بوقدرت براز جعلی ایدی . آثوریه لیلر ايله مدت مدیده

دوام ایدن محاربه لر بابللی پک زیاده یورمش اولوب بخت نصر
 زماننده بابل صوک بر غیرت دها ایتمشده انک وفاتنده مملکتک
 دخی مجالی قالمه رق بردنبره یقبلی و برمشدر . ذاتاً بابللی ذوق
 وسفاخته وسوسه پک زیاده مبتلا اطوار نسا پسندانه بی چوق
 سور بر قوم ایدی . کوزل قزلرک طالبلرینه زوجه لکه فروختی
 ایله انلردن حاصل اولان پاره نک چرکین قزلره جهاز اوله روق
 ویرلمسی وهرقادی نک سنه ده بر معبدده ایلک راست کلدیکی
 آدمه ترک عرض ایلدی کبی بعض غریب عادتلی مشهوردر .
 بابل شهری آسیا قطعده سی تجارتک مرکزی و برچوق اجانبک
 موعده تلاقیمی اولغله من القدیم ثروت ایله کسب شهرت ایلشدر
 حتی کثرت اجانبه مبنی علل واسقامه بلکه دوا پیلان بولنور
 امیدیه مریضلری سوقاغه چیقارمق عادت اولمشدی . بابلک
 بوشهرت و معموریتی اول آثوره نک موجب تجاوزی اولدیغی کبی
 بودفده جالس تخت ایران اولان کینخسروک بادی استیلاسی
 اولمشدر . بخت نصرک وفاتند نصرکه بابل اموری قاریشهرق
 سکز سنه ظرفنده درت حکمدار دکشمش ونهسایت حکومت
 نابوناھید نام صوفی بر حکمدارده تقرر ایتمشدر .

هرودوتک قولنده کوره صوک بابل حکمداری اولوب
 دانیال علیه السلام ایله ضیافنده بولنسی قصه سی کتب مقدسه ده
 مندرج بولنان بانتازارک نابوناھیدک اوغلی اولسی مظنوندر .
 نابوھید حرب و ضرب اربابندن اولیوب برطاقم معابد

تعمیر بله اوغراشمش و ملل مختلفه اصنامنی بابله نقل وانزله
 حرمت ایتمکله کهنه گروهنی ده ناخشنود براقشدی . ذاتاً
 مملکتده جاری اداره مستبده خلقده استقلال و سربستی حی
 براقدیغندن کینجسرو کلدانستان اوزرینه یوریدیکی زمان کسه
 مقاومت جدیده بولنماش و پک بیوک برتبدل حسر ایلمکسزین
 بابل ید ایرانیانه پکهرک حکومت کلدانیسه دوچار انقراض
 اولمشدر . (ق ۱۱۶۰)

فصل خامس

فتوحات ایرانیه

۱

کیخسرو و کیکاوس

قره زوس . کیخسرو علیه اتفاق . لیدیانک انقرانی . مستعمرات یونانیه نیک
ایرانه الحاقی . شرق سفری . بابل فتحی . کیخسروک صورت وفاتی .
کیکاوس . مصرک فتحی . کیکاوسک اجرا آت ونصوراتی .
آمون وحبش سفر لری . کیکاوسک مظالمی .
ساخته اسمردیز . کیکاوسک وفاتی .

کی آخسار ایله عالیات بیننده منعقد مصالحه دهنبری دولتین
آره سنده مناسبات دوستانه یه خلل کلامش وایکی طرفه امنیت
کامله ایچنده بولمغله کندی منافعنک ایجاباته کوره سائر
جهتلرده توسیع مالکده چالشمشدی . مدیا دولتی اناطولینک
شرق طرفلرنده و آسیای شرقیده حکومتی تقویه ایلدیکی کبی
لیدیاده غرب طرفنده کی یونان مستملکاننی پیدرینی استیلا و الحاق
ایلکده ایدی . عالیاته خلف اولان اوغلی قره زوس بو بولده
برچوق فتوحاتیلله مملکتک شرف و پایه سنی برقاندھا اعلا
ایش وزماننده لیدیا حکومتی ثروت و معموریت ایله شهرت

کینخسرو کینکوسی

عظیما کتساب ایتشدر . قره زوس بر طرفدن مستعمرات یونانیه بی
 ضبط و الحاق ایملکله برابر طرف دیکر دنده یونانیله و باخصوص
 یونان معابد و مؤسسات مذهبی سنه کلی هدایا و مبالغ احسان
 و اهدا ایدرک عالم یونایتک نظر توجهنی استیجابیه موفق اولمش
 و عادتاً لیدیا حکومتی دول یونانیه سلسله سنه قاتیله جق بر حاله
 کتیر مشدر . قره زوس پدرینک عقد ایلدیکی مصالحه نك انخلال
 پذیر اولمیه جغندن امین اوله رق کندی آمال استیلا جویانه سنی
 اسعافه چالشیدیغی صروده آستیاغک خلعی و کینخسروک جلوسی
 خبری و اصل سمع حیرتی اولمشدر .

کینخسروک جلوسی نه کی نتیجه لری موجب اوله جغنی
 قره زوس پک اعلا اکلابوردی آستیاغ کی ضعیف الفکر بر آدم
 برینه بویه جسور و متشبث بر ذاتک یکمسی و باخصوص مدیا
 ایله لیدیا خاندان حکمداریلری پیننده کی صهریتک وجوده
 کتیردیکی مناسبات حسنه نك بالطبع خنهای ایرانیلری لیدیا
 اوزرینه سوق ایلده جکی آشکار بولنیوردی . بوجهته قره زوس
 کینخسرو لیدیا اوزرینه بورومدن کندیسی طورانمق ایستیه رک
 ضعیف بولنماق ایچون ایران علیه نه براتفاق دولی وجوده
 کتیرمک آرزو سنده بولندی .

کینخسروک جلوسی ساده لیدیایی دکل دول سارّه ییده تلاشه
 دوشور مشدی . ایرانک یانی باشنده بولنسان بابل دولتی ایلک
 قدمه فنوحاتک کندی طور اغنه آتیشندن قورقدیغی کی مصر

فرعونی آماسیس ده ممالکک ننگ دولت جدیده ننگ دوچار تجاوزاتی
 اوله جغندن امین ایدی . بوجهته اشترک منافع اشبو دول نلته
 بیننده برانفساق ظهورینی موجب اولدیغی کبی من القدیم لیدیا
 ایله اتفاق واتحاد اوزره بولنان اسپارته حکومتی دخی بو اتفاقه
 ادخال ایدلدی .

اگر قره زوس دول متفقسه ننگ اکیال تدار کات ایلملرینی
 و صکره جله برلکده ایران اوزرینه کیدلمسینی بکلمش اوله ایدی
 بو قدر دشمنک اتحادینه قارشو کینم سروک موقعی بک مشکلا شیردی
 فقط لیدیا حکمدارینک تلاشی ایرانک نائل ظفر اولسینی موجب
 اولدی .

قره زوسک کینم سرو اوزرینه تجاوز خصوصه سنده تلاش
 ایلمی کندی قوته اعتماددن نشأت ایلدیگی درکار اولوب
 فقط هاتفرک دخی بو خصوصه دخلی اولمشدر شوبله که قره زوس
 محاربه ایدر سه نتیجه نه اوله جغنی دلفی هاتفندن سوال ایلمکله
 « ایران ایله حرب ایدر سه بیوک بردولتک محوبنه سبب اوله جغنی »
 « و مدیا تخنده بر قاطر جالس سلطنت اولور سه لیدیا ننگ اوزمان
 منقرض و ذائل اوله جغنی » زمینده جوابلر آلمغله بونلری کندی
 آرزوی قلبیه موافق یولده تفسیر ایدرک و سیبب انقراضی
 اوله جغنی دولتک مدیادولتی بولندیغنه حکم و یره رک قزل ایرماق
 نهرینی تجاوزله ایران طوبراغنه داخل اولمشدر فقط کینم سروک
 مهارت حربیه فوق العاده سنه مبنی محاربات واقعه ده مغلوب

اوله رقی منزهماً پایتختی بولنان سارد شهرینه قپانمش و شهر مذ کورده
اون درت کون قدر دوام ایندن بر محاصره دتصکره بد ایرانیانه
یکمکله لیدیا حکومت عظیمه سی خریطه عالمدن ذائل اولمشدر
(ق ۱۱۶۸) .

کینسرو لیدیا لیره حسن معامله ایله جلب خاطر لرینه چالشدیغی
کبی قره زوسی دخی تلطیف ایش و نزدنده مشاور صفتیله
آلیقویشدر .

لیدیا کبی هر کسک منصب عینی و ایرانه قارشو امید نجاتی
بولنان بر حکومت معظمه نیک بویله مدت جزیه طرفنده اورته دن
قالقویرمی هر طرفی بهت و حیرت ایچنده بر افارق امور بشریه ده
کی سرعت زوال حقنده عومه بر فکر سالم ویرمشدر بووقعه
بالخاصه بونایله پک زیاده تأثیر ایلدیکندین مؤخرأ قره زوس
حقنده بر چوق روایات دوران ایشدر .

قره زوس دبدبه و داراتی و ثروت و شوکتی ایله مقنصر
بولمغله کندیسنک درجه نهایه بختیاری به واصل اولدیغنی
زندنه مسافر بولنان آتله لی حکیم سولونده تصدیق ایندیر مک
ایچون بالجمله خزان و اموالی بعدالارائه دنیاده اک بختیار کیم
اولدیغنی صوردیغی و سولون ایسه جواباً اول و وظائف و طنیر
وران سنی کمال حیثه ایفا صره سنده ترک حیات ایندن بر آتله لی بی
وصکره ده و الدلری حقنده کوسترد کلری حرمت و رعایت کامله
ایله مدوحیت عظیمه قرانان ایکی بر ادیری بیلدیروب قره زوسک

کنندینی همچون بختیار عدالتدیکنی سوال ایللمنه مقابله جناب
 حقیق نوع بشره گاه مسروریت و گاه کدورت و بره جگنی و بر
 انسانک عاقبت حالی کورلمدیکه انک بختیار اولدیغنه حکم
 ایدیله میده جگنی سو بیلدیکی و قره زوسک مؤخرأ دوچار اولدیغنی
 فلا کنترله حکیم عاقبت اندیشک صحت افاداتی تأید ایلدیکی
 حقیقده کی قصه ده بو قیلمندر .

ایدیانک فتحندن صکره اولجه کیخمسرو علیهنه قورلمش
 اولان اتفاق دولی حکمسنز قالارق اسپارنه لیلر تصورلرندن
 فارغ اولدقلمری کبی آماسیس ایله نابونا هید دخی مستغرق دهشت
 اوله رق جریان احواله مترصدأ حال سکوننده قالمشدر . بو
 اتفاق منفعتک عقدی صره سنده ایران علیهنده بولنسان
 اناطولی یونانیلری ایسه کیخمسروه قارشو یاپه بالکز قالمغله
 عرض خلوص ایله یاقه بی قورتاره بیملک اوزره چالشمش رسده
 بوزک ویردکلمری تأمینات عبودیتکارانه حکمدار فارسک
 مظهر قبولی اولیه رق اوزرلرینه قوای جسمیه کوندرلمش
 و مستعمرات یونانیه پیدرپی کاملاً یاید ایرانیانه یکممش و یاخود
 ایرانه مطیع و تابع بر طقم مغلوبه ننگ تخت اداره لرنده قالمشدر .
 کیخمسرو ایسه او طرفلرک اداره می و صورت مکملده ربقه
 اطاعت ادخالنی و زراسندن هار پاغه حواله ایدرک کندیبسی
 شرقی جهتلرینه عودت ایلشدر .

کینخسروک لیدیا سفرندن صکره حدود بعیده شرقیه کیدرک سیحون و جیحون و ادیلرینی و بلخی و حتی افغانستانک قسم اعظمی ضبط ایله اورالده کی ترک اقوامنی تحت اطاعتنه الدیغی و بو سفرک بش التی سنه قدر سوردیکی معلوم ایسده سفرک تفصیلاتی مجهولدر .

بو سفردن صکره نوبت تجاوز بابله گلشیدی . بابل دولتی نابوناهدیک اداره سنده ظاهراً عظمت و قدرت کوستر مکده ایسده حقیقت حالده یک زیاده ضعف و عدم اقتدار حالنده بولنیوردی بو جهته کینخسرو بابل اوزرینه بوردیکی زمان جدی بر مقاومت کورمیهرک بالسهوله قوای کلدانییه غلبه ایلش و آز مدت صکره بابل شهرینی دخی محاصره ایلوب فراتک صولرینی چورهرک نهرک بوش قالان دره سندن داخل بلدهیه عسکر ادخال ایلشدر .

بو صورتله بابل حکومت ایرانیهیه کچدرک برقاچ یک سنه مدت احوال کونا کونه کیرهرک ادامه حیاته موفق اولان بابل حکومتی قطعاً منقرض اولمشدر (ق ۱۱۶۰) .

بخت نصرک بابله اسیراً کثیردیکی بنی اسرائیلده کینخسروک مساعده سیله قدس شریفه عودت و بیت المقدسی یکیدن انشا ایلشدر .

بابل نینوه کی کلباً غائب اولوب بنه او حوالینک کیبوک شهرلندن اوله رق قالمش و حتی مؤخرأ ایران حکمدارلرینک مقر سلطنتلرندن بری اولمشدر .

بابلك ضبطندن صکره صره مصره ککش ايسدده کيخسرو
 مصر اوزر بنه پوريمبوب شرق طرفنده بر سفر اچش و او ائتلرده
 (ق ۱۱۵۱ ۵۰) ترک حیات ایشدر .

کيخسروک صورت وفاتی حقنده روایات پک چوق اولوب
 مورخین یونانیدن بعضیلری مشار الیهک کمال عز و راحت ایله
 صالمه سی میاننده ترک حیات ایلدیکنی و بعضیلری دخی محاربه ده
 مقتول اولدیغنی یازمشلردر مورخ مشهور هرودوتک قولنجده
 کيخسرو ماساکت نام ترک طائفه سی قرالچده سی طول تومیریس
 ایله ازدواجه طالب اولوب طلبی حقارتلرد ایلدیکندن قوم
 مذکور اوزر بنه سفر ایش و ائسای حربده مقتول اوله رق
 تومیریس بوقهرمانک نعشنی بولدبروب باشنی کسیدره رک
 و « صاغلیغنده قانه طویمدک شمیدی بول بول ایچ » دهرک انسان
 قانیله مملو بر فوجی ایچنه آندیرمشدر . بوروایتک نه درجه ده
 قدر شایان اعتماد بولندیغنی یله مزسه کده هر حالده کيخسروک
 ولادت و صورت ظهوری حقنده کی روایات ضربیه نک وفاتی
 حقنده ده موجود اولدیغی درکاردر .

کيخسروک وفاتندن صکره حکومت اوغلی کیکاوسی و یا
 قامبیزه انتقال ایشدر . کيخسرو قامبیزی ولی عهد ایدنمکده
 برابر بر طاقم ولایانک اداره سنی دخی دیگر اوغلی یازدیا و یاخود
 اسمردیزه بر ایشده ده قامبیز جلوسنی متعاقب خفیا برادرینی
 اولدیرتدک رقبیسز قامشدر فقط اسمردیز پک کیرلی بر صورتده

اولدیرلدیکندن عوام ناس بو پرسناک حالا صاغ بولندیغی
اعتقادنده دوام ایشدر بو اعتقاد مؤخرأ بر چوق آدمرك
اسمردیزلك ادعا سنده بولمیرینه سبب اولمشدر .

اولجه ایران علیهنده ترتیب اتفاق ایدن دول معظمه نلشدن
میدانده ساده بر مصر قلمش اولوب قامیر ایسه کنج و فتوحات
هوسنده بولندیغندن جلوسنی متعاقب خطه مصر به نك فتحه
تشبث ایشدر .

ایرانلرک روایتلرینه نظراً قامیر رد ایدیلورده حربه وسیله
اولور امیدیه آماسیسک قزینی ازدواجه طالب اولمش ایدی
آماسیس ایسه هم قامیرنی کوجندیرهرك ناره حربی اشعاله
سبب اولمق ایستدیکندن و همده فرعون مصر اولسی حسبله
قزینی بر اجنبی به ویره میه جکندن کندی قزیدر دیرهرك فرعون
سابق آریه سگ قزلندن برینی کوندرمشدی حالبوکه آریه سگ
قزی آماسیسک موجب فلاکتی اولمق ایچون حقیقت حالی قامیره
یلدیرمش و بو خصوص دولتین ارسنده تحذرت حربی موجب
اولمشدر .

قامیر مصر اوزرینه بیوک بر اردو ایله حرکتیه حاضر -
لاندیغی صروده آماسیس ترك عالم قانی ایلیهرك یرینه اوغلی
اوچنجی پسامنیخ (پسامنیت) چکمشدی .

مشکلات سمریه پک زیاده ایسه ده قامیر مصر اردو سنده
مستخدم صابطان یونانیه دن ایکن کندی نزدینه فرار ایدن

فانه سك توصیه سی اوزرینه حوالی مذکورده کی قبائل عرب
شخیله عقد اتفاق ایلدیکندن شیخ مذکورك دلالتیه نقلیه
کافی دوه و مکاری و طریق عسکری مراحلنده اردویه لازم
صو و ما کولات و ارزاق صورت مخصوصده تهیه ایدلمش
واردو قولایلقله مصره داخل اولمشدر .

مصر بلر مدافعه وطن ایچون زیاده غیرت ایتشلر و خصوصیه
یونان معاونه لری پک چوق شجاعت ابراز ایتلر سده نتیجه
غلبه قامبیرده قالارق مصر ممالکی ایرانلر طرفندن استیلا ایدلمش
و پسامیت دخی دشمنلره اسیردوشمشدر .

قامبیر مصری استیلادن صکره اول امرده فتوحات
جدیده سنی حسن اداره و مصریلری تطیب ایله صداقتلرینی
تأمینه چالشمشدی عساکر ایرانیه نك اشغال ایلدگری بر طاقم
معابدی تخلیه و تطهیر ایتدیر تدبیری کبی مذهب مصرینک سربستی
اجراسنه دخی مداخله ایتماش و ظاهراً آپریه سک حقوقنی
مدافعه ایله اخذ انتقامنه سعی کبی کورینه رك آماسی سک قبرینی
آچدیروب مومیه لرینی چیقارته رق تحقیر و تدبیل ایتدیرمشدی .
مع مافید اوجه پسامیتنه حسن معامله ده بولندیسده ده مؤخرأ
برفسادده ذیمدخل اولدیغنی کوره رك اعدام ایتدیردی .

قامبیرك مقصدی مصری اس حرکت اتخاذا ایدینه رك
آفریقایی فتح ایلک و باباسنک عموم آسیای غربییه توسیع ایلدیکی
حکومه بر قطعه جسیه ده علاوه ایتک ایدی افریقاده بالخاصه

قارطاجه و حبش دولتری قامبیرك نظر رغبتنی جالب بوانیور
ایدی . قامبیر اول امرده معموریت و ثروتی او وقتلر مشهور
آفاق اولان قارطاجه به بحراً هجوم ایلک ایستمشده قارطاجه .
لیله هم جنس بولنان فنیکه لیلر بو مقصد ایچون دونیا ویرمکن
امناع ایلسد کلرندن قامبیر برآ کیتکه قرار ویرمش و مصرک
حدود غریبه سنجه تمتد چول دروننده بر مرکز عسکری به مالک
اولق ایچون اوراده کی آون او وازیسنک ضبطنه بیوجک بر
قوه عسکریه کوندرمشدی . فقط قوه مذکوره ده او وازیسه
واصل اولدن چولنده محو و نابید اولغله قارطاجه سفری اجرا
ایدیله ماشدی .

قامبیر حبشک استیلامی ایچون دخی قوه کلیده ایله کیدرک
نویدنگ مصره جوار اولان برلینی ضبط ایلش و فقط چوق
ایلرولیده میوب حبش لیلرک مهاجته دائم لری و برده ققدان او کولات
حسیبله تلفات کلیده ایله رجعته مجبور اولمشدر .

قامبیر بو وجهله تشبثاننده موفق اوله میدرق مأیوساً عودت
ایلدیکی صررده مصرده یکی آپیس بولغله بیوک شلنکار اجرا
ایلمکده ایدی قامبیر بوشنلکاری کندی مغلوبیتندن طولانی
اجرای سرور ایلتری خصوصنه جل ایدرک پک زیاده قیرمش
ویکی آپیس کینر دوب بویله حیوانانندن اله اوله میسه جغنی
کوستره رک بالذات جرح و تلف ایلمدیککی کبی او کوندن اعتبارا
مصریلره قارشو برچوق مظالم و تعدیات طاقتفرساده بولندرق

کیکاوسک وفاتی

عمومی دلکیر ایتمش ایدی روایتسه نظراً مظالمی ساده مصریله
منحصراً اولیوب ایرانیلره ده طوقتمشدر و حتی قره زوسک بیله
اعدامنی امر ایدوب بیچاره لیدیا حکمداری بو امری اخذ ایدنلرک
اجرا سنه مسارعت ایلاملری سایه سنده قورتمشدر . قامبیر قره زوسک
اولدریکنه موخرأ بمنون اولغله برابر امرینی اجرا ایلیانلری
دخی اولدریمشدر . کیکاوس بو صرعه سرخوش لقمندن
بختله کندیسینه بعض نصایح ویرمهک متجاسر اولان پرکساسب
نام وزیرینک دخی اوغلنی اولدریمشدی . بوندن بشقه کندی
همشیره سنی بالتزویج شریعت ایرانیه مغایر حرکته بولندیغی
کبی یاردیانک اولدرلدیکنه اظهار تأسف ایدن برهمشیره سنی دخی
اعدام ایتدرمشدر

قامبیرک مصره کللی و ایراندن تبعادی چوق اوزاد یغنه
و خلق عادتاً کندیسینی اونوتغنه باشلا دیغنه مینی کهنه کروهندن
اولدیغی روایت اولنان و شخصاً متوقفا باردیایه مشابهتی اولان
خاوماننا امنده بر شخص کندیسینک کینمرو زاده اسمردیز اولدیغنی
بالادما ایرانده ضبط حکومت ایلشدی . قامبیر مملکتنه عودت
ایلك اوزره مصردن چیقوب سوریه ده بولندیغی صرعه بو خبر
واصل سمع اطلاع اولدیغندن همان متغلبک اوزرینه یورومک
اوزره اردوسی باشنه کچمش و فقط روایتله نظراً بار کیره بینه جکی
صرعه دوشوب کندی خنچیری آبیسی اورمش اولدیغی یردن
کندیسینی جریحه دار ایدرک یکر می کون صکره بو یارندن متأراً

ترك حیات الملکه غاومانایا بلارقیب دولت معظمه ایرانیه نك
شهنشاهی اولشدر .

۲

دارا دوری

غاومانانك اتلافی . دارانك جلوسی . ممالك ایرانیه ده وقوعبولان عصیانلر .
ولایات تسیقاتی : والی مکتوبجی وقوماندانك وظائفی ؛ مغتشلر ؛
پوستلر ؛ وبرکوی . ایران ولایاتی . هند سفری . اسکیت
سفری ونتایجی . ابعونیه عصیانی . یونان
سفرلری . دارانك وفاتی .

قامبیرك وفاتندنصکره عموم ممالك ایرانیه غاومانایا اسمر
دیز نظریله باقارق اطاعت ایشلر سده بو حکومت انجق یدی
آی قدر دوام ایدرک نهایت قامبیرك حین وفاتنده سوبلش اولدیغی
وجهله حقیقی اسمردیزك بدایت سلطنده اولدی رادیکی و غاومانانك
ساخته کارلغی ثبوت بولدیغندن فارس امراسندن یدی ذات
عصیان ایله متغلب غاومانایا خلع ایشلر و ایچلرندن
هانکیسنك آتی ابرتسی صباح بر تنزه ائشاننده ده اول کیشتر
ایسه انك حکمدار انتخاب اولمسنه قرار و یروب بونلردن
دارانك آتی ساینك تدبیری (۹) سایه سنده سارلردن اول
کشنه مکه دارا مقام حکمداری به چیقارلشدر .
دارا عهد قدیم اعظم حکمدارانندن اولوب مهارت اداره

و تدبیر سیاستجه بو زمانه قدر کوردیکمز تاجدارانک الک بیوکی
اولدیغی کبی دهای عسکریجه یالکز کینخسروه ثانی عد اولسه
لایقدر .

بر سنه ظرفنده حکومتک قابیردن غاوماتایه و غاوماتادن
دارایه یکمسی ایرانیرک شهرت شوکتلرینه مورث خلل اوله رق
دارانک جلوسنده ممالکک هر طرفی رفع علم عصیان ایشدی
اولا عصیان ایدن یرلر سوز قطعسی یعنی اسکی الام مملکتی
و بابل اولوب دارا الام اختلالنی سهلته اطفا ایشسه ده بابل
فخنده پک چوق مشکلاته دوچار اولشدر .

دارا بابلده مشغول اولدیغی صرعه بر ایکنجی ساخته
اسمردیز ظهور ایدرک آتوریه و ارمنستان دخی داخل اولدیغی
حالده بر چوق یرله حکومت ایلکه باشلامشدی دارا آنک
اوزرینه یوربه رک مدیایی تکرار ضبط ایلدیکی کبی بابلدن
عودتنده شهر مذکورى آراقا اسمنده بر ارمنی ضبط ایله متوفی
نابوناھیدک اولادندن اولدیغی بالیان حکومته باشلادینندن
دارانک اردولری بابلی ایکنجی دفعه اوله رق ضبط و سائر
اوفق تفک عصیانلری دخی تسکین ایشلردر . بعض مرتبه
سرکشاک ایدن لیدیا والیسی اوروتس دخی دارانک امریله
قتل ایلشدر .

دارا بو وجهله زمان سلطنتک ابتدائی ممالکک هر
جهتنده ظهور ایدن اختلاللری تسکینه حصر ایدرک بو لایعد

بحاربانده کوستردیگی سرعت حرکت و اصابت تدبیر ایله مهیره
امرای عسکر به دن بولندیغنی عالمه کوس-تردکن صکره اداره
مملکتجه مهارتینی دخی بالا براز ایرانک ولایت تنسیقاتینی وجوده
کتیر مشدر .

دارا زمانه قدر ممالک ایرانیه آتوریه و مصرده اولدیغنی
کبی غیر منظم بر صورتده اداره اولمقده ایسه ده محلی پرنسلی
و اشراف و معتبرانک نفوذلی زیاده اولمقده حکومت ایرانیه
صورت لایقده تأسس ایلماشدی . بو دفعه ایسه دارا هندوکوه
و بلور طاغرندن صحرای کبیر و بحر سفیده و بحر سیاه ایله قفقاس
طاغلی و سبریا صحرا زدن بحر عمانه و بصره کور فزی و جزیره
العرب چوللری و بلاد حبشه قدر ممتد اولان ممالک وسیعه سنی
یکرمی اوج ولایته تقسیم ایلمشدر . وقتیه برر دولت جسیه
اولان مصر مدیا بابل آتوریه و لیدیا و سوز ممالکی ایرانده
طادی برر ولایت منزله سنه اینشدر . مؤخرآ کسب استقلال
ایدن ارمنستان دخی دارا زمانده بر ولایت اوله رق تشکیل
ایلمشدر . مع باقیه فنیکه سوریه و حتی مصر و مستملکات یونانیه ده
یرلی پرنس و سوفلرینه باقی اولوب ساتراپ عومه نظارت
ایدردی . هر ولایتک اداره سی یالکز بر ادم النده بولمسه
ولایات حربص شهرت و الیر النده کچنجه دارانک حین جلو سنده
اولدیغنی کبی هر طرفده آره صره عصیانلر چیقمه سی طبیعی ایدی
ققط دارا بو خصوصیده لایقده دوشونه رک ولایتلرده بر برینه

رقیب اوج مأمور بولندیرمشدر بولنده والی و مکتوبچی و ادو قوماندانیدر .

والی حکومت اجرائیه رئیسی اولوب کندیسنه مودوع اولان ولایتی کیف مایشاه اداره ایدردی . ساتراپ نامیله یاد اولنان ایران والیزی قدرت و عظمتجه پک چوق حکمدارانه فائق بر حالده بولنوب جسم سیرایلرده اقامتله دبدبه ودارات ایچنده امرار ایام ایدرلر و یالکز شهنشاهه برکو ارسالنه مأمور بولنورلردی . والیرک مقنن معاشی اولیوب خلقدن استدکارینی آلیرلردی . مکتوبچی ظاهراً امور تحریریه مأموری ایسهده حقیقت حالده والی نزدنده حکومتک جاسوسی ایدی حتی بعضاً ایجابی حالنده والینک عزل و اعدامی ایچون بر طاقم اوامر خفیه بی پله حامل بولنوردی . ولایتده کی عسکر ایسه باش قوماندانک تخت اداره سنده ایدی . ایشته اداره ولایاتک طوغریدن طوغری به ایران شاهنی طانیر و برلرندن مستقل اوج آدم آندنه تقسیم بولنر ییننده رقابت و محاسده دائمه حصولنی و بنابرین حکومت مرکزیه علیهنه عصیانک مشکل اولسنی موجب اولمشدر .

دارانک و قاتندنصکره بو اصول پیدرینی خللپذیر اولهرق بو اوج مأموریتدن ایکیمی و یاخود هیسی شخص واحد عهده سنده جمع ایدلمکه باشلانیدغندن ولایتلرجه قارغشلق وجوده کلکه باشلامشدر .

دارا ولایاتک تفتیش احوالی ایچون جابجا مفتشر اعزامی
دخی عادت ایدنمشدرکه شاه کوزی و شاه قولانغی نامی و بریلان
مأمورین مذکوره اکثر صورت غیر رسمیده تحقیق احواله
چیقارق امور ادارهنک طرز جریاندن حکومت مرکزی
خبردار ایدرلردی .

دارا ولایاتدن وقت و زمانیله خبر آله بیلیمسیچون پوستدل
تأسیس واحداث و تاتارلر تعیین ایلش و بو صورتله منتظم پوستدنک
دخی موجودی اولمشدر . بو تفسیقاندن غرض انتظام اداره بی
تأمین ایله برابر دولتمده واردات بولقی ایدی ساتراپلرک الک
بیوک وظیفه لری پایتخت سلطنته پاره کوندرمک اولمغله بونلرده
کیف مایشاء انواع ویرکولر طرح ایدرک خلقی صویارلر و ممکن
مرتبده چوق پاره کوندره رک شاهک استیجاب توجه و بمنونینته
سعی و غیرت ایدرلردیکه بو اصول دخی ایلرولرده یلک زیاده
سوه استعمال ایدلمشدر .

دارا مقرر حکومت اولان فارس قطعه سنی رسوم و تکالیفدن
معاف قیلدیغی کبی سرای حکمداری ایچون لازم اولان اشیانک
هر برینی ده بر ولایتده تحمیل ایلشدی بو صورتله بر طاقم برلرده
عیناً ده ویرکو آلدیغی کبی نقداً دخی آلتور و بوده یا دارانک
ضرب ایتدیردیکی مسکوکات ایله و یاخود کولچمه معدن اوله رقی
کوندریلور ایدی دارا زماننده ویرکونک یکونوی زمانمز اچمه سیله
و قیمت نسبیله حسابله قانلدیغی حالده تقریباً التیوز ملیون فرانقه

معادل اولوب بو مقدار صـکـره لری آرتمش و قسم اعظمی
 بد حکمداریده قلمغه بو ژوت عظیمه ایران شاعرینی مجبور
 ذوق و سفاقت ایلشدر .

دارا اشبو نسیقات اداره بی وجوده کتیر دکدنصکـره هنده
 سفر ایدرک سند نهری و ادیسنی ضبط و بریکی ساتراپلیق تشکیل
 ایلدیه ده هر نه سببه مبنی ایسه بو حوالی* معموره ده توسیع
 قنوجانه قیام ایتدیرک عودت ایله جیوش مظفره سنی ممالک
 شمالیه یه اسبال ایلدی . اوروپانک جنوب شرقی جهتلرنده
 ساکن یونان اسکیت اقوامی دایما ممالک ایرانیه بی بحضور
 ایله کادکـرنـدن دارا سکـز یوز بیک نفر دن مرکب جسیم بر
 اردو ایله بوغاز ایچی طریقله بالقان شبه جزیره سنه داخل
 اوله رق و طونده کوریلر قوردره رق اسکیت قطعه سنه داخل
 اولدی فقط اسکیتلر محاربه ایتک اوزره دارانک قارشو سنه
 چتمیوب دایما اوکندن قاجق و فرصت بولدقچه ایران مفرزه لری
 ازعاج ایتک طریقنی طوتدیلر ایران اردو سنک مهماتی مکمل
 اولمغه دارا ایکی آی قدر مدت مملکت مزبوره بی طولاشوب
 هر طرفی یغما و تالان ایلدکدنصکـره محاربه دن بشقه بر شمره
 حاصل اولیه جغنی کوره رک رجعته قرار ویرمش و طونده کی
 کورری بی یونان معاونلری محافظه ایتلش اولدقنلر دن بته او
 طریقله رجعت ایلشدر . بوسفرده اسکیتلرک کوزی قورقیدیلر رق
 بعدما حدود ایرانیه بی راحتسز ایلاملری تأمین قلندیغنی کبی

ترا کیا قطعہ سنده دخی بر ساتراپاتی تشکیل و ما کدونیادولتی
ایرانه خراجگذار ایدلمشدر .

بعدما ایرانک تماماً جهانگیر اولسی ایچون یونانستانک
ضبطی لازم اولوب دارا دخی بو املده بولونیوردنی فقط
کندیسنک تجاوز ایلسنه وقت قلمیهرق یونانیلر محاربه
قیوسنی آچشلر و آنته لیلرک معاونتیه اناطولی ساحلی روملری
لیدیا اوزرینه بورویهرک سارد شهرینی ضبط و احراق ایلشلر
ایدی . دارا در عقب عاصیلری شدتله تشکیل و دائرة اطاعته
ادخال ایلکله برابر اصل منبع فساد اولان آنته دن اخذ ثار
ایچون وزیری ماردونیوس اداره سنده عسکر و دوئتا سوق
ایلشده بو دوئتا یونان صولرینه واره مقسزین آیناروز آچقرنده
پربشان و غرق اولمش و مؤخر ا دانیس و آرتافرنس نام ذوات
قومانده لرنده اوله رق طوغریجه آنته اوزرینه کوندردیکی یوز
بیک کشیدن تجاوز بر اردوسی دخی مراتون محاربه سنده
یونانیلر طرفدن مغلوب ایدلمشدی مدت ساطنتنده ایلک
مغلوبیتلری اولان بو موقیتسز لکلر اوزرینه دارانک پک زیاده
جانی صیقیلهرق بالذات یونانستانه کتمکه قرار و یروب اوج
سنه مدت بو سفر ایچون مهمات و ارزاق و مالزومه ساره تدارکیله
اوغراشمش و فقط مصرده والی بولنوب سیره نایک و بارقا
قطعہ لرینی دخی ضبط و ولایتیه الحاق ایلش بولنان آریانده سک
بعض اوضاع و اطواری داعی شبهه بولنمسیله اولامصر اوزر-

ینه یوروپه رك والی مذكوری اعدام ایتدیرمش و مصرده
قالدیغی مدت حسن اداره و معاملات عدالتکارانه سیله مصریلری
پک زیاده خشود ایلشدر .

یوندن صکره صره یونانه کلش ایسه ده اجرای امله عمری
وفا ایتدیرك ترك جامه حیات ایلش و تصوراتك ایفاسی وظیفه
سی اوغلی و خلفی سرخسه قالمشدر (ق ۱۱۰۷)

۳

ایرانك دور انحطاطی

سرخسك جلوسی . قایمشاعصیانی . یونان سفیری . اردشیر . ایناروس
عصبانی . یونان ایله مصالحه . ایرانك تشوش احوالی . دارای ثانی . مصرك
استقلال . ایران نفوذینك ارتحسی . اردشیر ثالث اوخوز . مصرك قحقی .
باغیوآس . تبدل حکمداران . دارای ثالث قودومانوس ، ماكدونیاسئبلاسی .

دارادن صکره جالس سربر سلطنت اولان سرخس
یاخود شیرپدرینك نه درایت اداره سنه ونه ده مهارت
حربیه سنه مالك دكدی طبعاً جبین و تنبیل اولوب ذوق
وصفا سنه مجبوریتی اسفار بعیده به تشبث ایچون کند و سنه
ارزوبر اقبوردی حتی حین جلو سنه یونان علمینده کی تدارکاتدن
واز یکمک ایستدییکی حالده ماراتون مغلوبیتنك انتقاممز
براقلمسی شان دولتیه موافق اولدیغی امراسی طرفندن توصیه
واخطار ایدلمسی اوزرینه تدارکاتده دوامه راضی اولمشدی .

فقط یونان سفرینه چیتمدن اول مصرده یرلی امرادن قاییشا
 نام ذاتک عصیان ایدرک حکومت فراغندی اعادهیه تشبثنی خبر
 مقاله او جهته کیدوب سلطنتنی تأیید و صکردهه بابلده ظهور
 ایدن اختلالی تشکیل ایلدکن صکره یونان اوزرینه یورویه
 بیلدی .

ایرانلرک سالامینده و مؤخرأ پلاته یدهه وقوع مغلوبیتلریله
 شهنشاه اعظمک کوچوجک برقومه قارشو ملیونه عسکر
 چکدی بی حالده موفق اوله میهرق قاچسی ایرانک شوکت
 و قدرتی حقنده موجود اولان افکاره پک زیاده خلل کتیرمش
 و بوزماندن اعتبارأ دارا دولتک زمان انقراضی باش کوسترمش
 ایدی .

سرخس ایسه مغلوبیتک آجیسنی چیقارمق اوزره جدی
 بر تشبثده بولنه جق رده پایختنه عودت ایدرک ذوق و صفاسنه
 طالمش و حدود بمیده ممالکننده اولوب بیتان شیلره اهمیت
 و برماکه باشلامشدی .

یونانلر بو غفلتدن استفاده ایدرک میقال و اوریمه دون
 محاربات بحریه ستمده ایران دونتاسنی پریشان ومدت مدیده دوام
 ایدن محاربه دن صکره نهایت ایران ایله عقد مصالحه ایلدیلر .
 ایرانک خاتمه اقبالی صورت رسمیده بلدیرمکده اولان بو
 مصالحه اناطولیدهکی مستعمرات یونانیدهک استقلالرینی اعلان
 ایلدوردی .

یونان ایله مصالحه نك انمقادندن اول سرخس ترك حیات
ایدرك سلطنت کوچك اوغلی آرتا کمرکس ویاخود اردشیره
انتقال ایلدی .

پدری کبی اردشیرك جلوسی وقتنده دخی مصر یرلی
پرنسردن ایناروس اسمنده برینك تخت ریاستنده اوله رق رفع
علم عصیان ایلش وعادتا کسب استقلال ایتشدی .

اردشیر عوجه سی آکه منسی مصره ارسال ایله ایناروسك
عصیاننی بر طرف ایلش ودور سلطنتك اون بدنجی سنه سنده
بالاده مشروح معاهده صلحیه بی دخی عقد ایتشدر .

بو زمانلرده ایرانك احوالی پك فنا ایدی طرز اداره
حکومت مستقله بولنده اولوب حکمدار لر دولتی کیف مایشأ
اداره ایلدکری کبی دارانك وضع ایلدیکی نظامده خلل پذیر
اولدیغندن ولایات احوالی قارشمش ووالیلر عادتا مستقل کبی
بر بر لبله محاربه به وعقد صلح و اتفاهه باشلاشلردی . ممالک
مفتوحه ده کلیت اوزره عسکر بوانوب مثلا یالکز مصرده
اوچیوز پک عسکر بولندیریلور ایسه ده عسکرک اجناس
مختلفه دن مرکب اولسی و بونلر بیننده وظیفه وطنپروری حمی
اصلا موجود اولماسی بوقوت عظیمه نك ازاله حکم واهمیتنه
مدار اولیوردی . یونانلر تحدا حرکت ایدرك ایران اوزرینه
تجاوز ایتسه لر بودولت معظمه نك انقراض کلینسی بلکه برعصر

اول وجوده کثیر مش اوله جقلری درکار ایدی . اردشیرک ایکنجی خلقی دارا زماننده مصر قطعده سی ساییس پرنسلرندن نیفوریسک تخت اداره سننده کسب استقلال ایدوب اسکی حکومت فرعونیه یکیدن تشکل ایش و ایرانیرک مصری یکیدن ضبط بولنده کی تشبثات عدیده لری بی ثمره قالمشدی مؤخر آدارانک خلقی اردشیر ثانی زماننده ضبط حکومته قالمشان شهزاده کیخسروک معاوندنه کیدن اون بیک یونانلینک قوجه ایران طوبراغنی برباشدن او برباشه طولاشارق صاغ سالم وطنرینه عودته موقیتلری بوجسیم قالبده قوه حیساته ننگ نقدر آز اولدیغنی کوستروردی . مملکتک تشوشات داخلیده دن قورتدیغنی اولدیغنی کبی حکمدارلرده برطاقم سرای فسادلری واختلالرینک پنجه اساسارتنده قالمش و ایچلرنده عمر طبیعی ایله وفات ایدنلر از المغه باشلامشدی . فقط یونانیر اتفاق ایده جکلری رده نفاق و تفرقه بیه دوشوب پلو بونس محاربه لرینک اجلا آتدن اوله رقی خارجه متفکر آرامغه و هر طرف شهنشاه ایرانک اتفاقا قنه طالب بولمغه باشلادق لرندن ایران شاهلری ینه موقع سیاسی به حاکم اوله رقی قالمش و حتی ایکنجی دارا زماننده اناطولیده کی مستعمرات یونانیه ینه ایرانه خراجگذار اولمشدر .

مصرک دور اخیر استقلالی یارم عصر دن زیاده مدت سوره رک صوک ملی سلاله لر بوزمانده اجرای حکومت ایشلر و نهایت اردشیر ثانی به خلف اولان اردشیر ثالث ویا اوخوز

زماننده ایرانیلر تکراراً مصری ضبطسه موفق اولوب بوندن
اسکندر کبیرک ورودینه قدر مصر بد ایرانینده قالمشدر .
صوک مصر حکمدارینک اسمی نقتانه بودر .

اوخوز غایت ظالم بر حکمدار اولوب معاملات غدارانه -
سیله اورته لغه دهشت ویرمش و حین جلوسنده موجود بالجمله
خاندان سلطنت پرنسلینی اعدام ایتدیرمشدی . مع مافیه کندو -
سیده و کلاسندن باغواآس نام ذاتک تخت نفوذنده بولنه رق انک
رأیله حرکت ایلکده و باغواآس ایسه حاز اولدیغی نفوذ
واقصداری ایران دشمنلری بینده تفرقه احداثه و شاهی عمومه
حاکم ایلکه حصر ایتکده ایدی . ققط وزیر مومی الیه اوخوزک
کندیسنه دخی ضرری طوقنه جغنی حس ایدرک حکمدارینی
کندی نفعنه قدا ایدرک اعدام ایتدیرمش و آزمدت ظرفنده
برقاج حکمدار دکشدر دکن صکره نهایت خاندان سلطنت
افزادندن کسه قلامغله احبسندن قودومانوس اسمنده برینی
مقام شاهی به چیقارمشدر . قودومانوس بروایته نظراً دارای
ثانی احفادندن اولوب برقوله کوره ایسه پسپایه بر آدم ایش .
قودومانوس جلوسنده اوچنچی دارا اسمنی طاقنوب مدت
سلطنتنده پک زیاده عدالت و حقانیت ابراز ایله ده اوبرزمانده
حکومت ایلکه لایق بولندیغنی کوسترمشدر . ققط نه چاره که
اوزمانلرده ایرانک بادی انقراضی اولان تشوش احوال و فساد
اخلاق درجه نهایی بولدیغی کبی باغواآسک دائماً یونانستان
علینه تحریکه چالشدیغی ماکدونیا دواتی دخی بالقان شبه

جزیره سنی توحید ایله ایران اوزرینه یوریدیکندن ایران ما کدونیا
 هجومنه تاب آور مقاومت اوله میوب دارا غرانیک ایسوس
 وار بیل محاربات عظیمه سنده مغلوبیت کلیه یه اوغرایه رق نهایت
 حین فرارده کندی امراسی طرفندن قتل و اتلاف ایدلمش
 و ایرانک ممالک جسمیه سی ما کدونیا حکمداری اسکندر کبیره
 انتقال ایلشد (ق ۹۵۲) .

خصوصات مبسوطه دن اکلاشلدیغی اوزره ایران دولتی
 تشکلات اداره و قدرت حریده جه اولجه کوردیکمز دول قدیمه یه
 دخی فائق اولوب فقط بابل سوریه و سائره کبی اولجه اخلاقی
 بوزولمش برلری حوزه ممالکنه ادخال ایدرک انزک اخلاقیه
 اتصاف ایلدی و خصوصاً فوق العاده جسامت و احراز ثروت
 الملکه حکمدارلرینک دبدبه و دارات بیهودیه و عالم ذوق و سفا -
 هته طالارق اداره امور دولتی اسکیمی کبی تحت نظر اهمیتده
 بولندیر ماملری سبیلرینه چوق وقت دوام ایده میوب منقرض
 اولمش و شرفک ایمپراطورلغی ما کدونیا یه یکمشدر . ایران
 ممالکنده ساده مدیا و فارس قطعهلری خلقنک او قدر اخلاقی
 بوزلماش اولغله صکره بوزرینه اعاده حیثات ملی یه موفق
 اولمشلر و برده یکریمی اوتوز عصرلق انقلابات عسیدیه
 مقاومت ایتنکه موفق اولان مصر مؤخرأ بظلم و سولر اداره سنده
 حال قدیمی اوزره تشکل ایلشد . اقسام ممالک ایرانیه نک
 ما کدونیا فتحندن صکره دوچار اولدقلری انقلابات تاریخمزک
 فصول آتیه سنده ذکر و اتیان ایدله جکدر .

ایکسچی کتاب

یونانستان و ما کدونیا

فصل اول

یونانیلر

۱

یونانستان و یونانیلر

یونانستانک موقع جغرافیسی . یونان قدیم حدودی . ایبر و تسالیا . هلاس . بلوبونس . جزائر بحر سفید . بلازلر . هلنوسلر . وسائط اتحاد . یونان مذهبی : ظهور علم ، بیوک معبودلر ، سائر الهلر ونیم معبودلر ، انیزه و تارنار ؛ دودونه ودلی هاتفلری . ملی شتکلر ، اولمبیاد تاریخی ، آمفقتیون مجلسی .

یونانستان کوچک بر قطعه ایسده احوال موقعیه سی
سکانک طریق مدینه ترقیلرینی تأمینه پک مساعد اولدیغندن
عهد قدیم مالک متمدنه سی یئنده برنجیلک پایه سی احراز
ایشدر . یونانستان اوروپانک جنوب شرقیسی منتهاسنده
و بحر سفیده طوغری چیمش بر شیه جزیره اولوب افریقا ایله
آسیه قطعهلری ارسنه طوغری کیرمش و بو جهتله موقعی
اجرای تجارت ایچون درجه نهاییده موافق بولمشدر .

باخصوص سواحل یونانیه دن بدأ ایله بربرینی توالی ایدن
جزایر بحر سفید ارض یونانی عادتانا اطولی ساحلنه قدر تمدید
و ایصال ایدرلر دیکر طرفدن یونانستان طار بر دکزله ایتالیا شبه

جزیره سنه دخی کسب قریبت ایدر • یونانستان کور فزلبرونلر
 کوچک اووهر نهرلر و تپه جکارله مالامال اولوب طول سواحلی
 اسپانیا قطعہ جسمه سی سواحلمدن زیاده اولدیغی حساب
 ایدلمشدر • بو کوچوک مملکتده هر درلو اقالیم نمونه لری
 و مثبت و ادبک یانده قوراق برلر و معدنلی طاغیر کوریلور •
 اقالیم بویه تعدد و تنوعی اسکی یونانی لری هر درلو صنعت
 و مسلک الشدرمش و اکثریت کلیه سنی پک زیاده فعال و کارا کاه
 بر ملت حالنه قومشدر •

یونانستان قدیم شمالاً ماکدونیا و ایلیریا قطعہ لری غرباً
 یونان (ایونیه) دکزی جنوباً بحر سفید شرقاً اطهر (اکه)
 دکزی ایله محدود اولوب شمالی وسطی و جنوبی اولوق اوزره
 اوج قسه آریلور ایدی فقط بو قسملر موقع جغرافی اعتباریله
 اولوب یوقسه عموم یونانستان اوج دکل پک چوق اقسام
 صغیره یه آیرلمش و هر بری کاملاً حائز استقلال اولان بو قسملر
 آره سنده هیچ بروقت اتحاد سیاسی حاصل اوله مامشدر •

شمالی یونانستان تسالیه و ایپیر نامریله پندوس سلسله جبالی
 ایله تقریبی ایدلمش ایکی قسه آیرلمش دی تسالیه قطعہ سی اورتیه سنده
 جریان ایدن پنه یا خود سلا مبریا نهری ملا بسه سیله پک مثبت
 اولوب یونان معبودلرینک اقامتگاه لری عد اولن ان مشهور
 اولمپوس طاغی بو قطعده ایدی تسالیه هر نقدر جنساً یونانی
 صایله بیه جک اهالی ایله مسکون ایسه ده هیچ بروقت منافع

یونانیه دائره سنه کیر مامش بالعکس دائماً یونانستانک دشمنلری طرفنده بولمشدر .

اپیرجهتی ایسه ساده اسماً یونانستانه ادخال ایدیلوب حقیقت حالده ایلبیریا طرفلردن کلان اقوامک کثرتسدن ناشی کرک جنساً و کرک سیاستاً یونانیلردن بسبتون آیری ایدی .

وسطی یونان یاخود هللاس قطعهمی قوماتیله سلسلهٔ جبلاندن قورنت یاخود کوردس برزخنه قدر ممتد اینجه اوزون بر قسم اولوب شرق طرفی کاملاً اغریبوز اطه سیله قوشادلمشدر هللاس منتهای غربدن بدأ ایله بروجہ آتی صره ایله کلان ایدی کوچک مملکتی حاوی ایدی . (۱) اپیره قریبتی حسبیله اهاالیسی پیدرپی یونانیلکدن چیقان آقارقانیه ، (۱) اتولیه ، (۳) لوقربده ، (۴) اسپارطه لیلرک اصل مهد ظهورلری اولان دوربده ، (۵) محل هاتف مشهوردلف شهرینی حاوی بولنان فوکیده (۶) یوزقپولی نامیله معروف تب شهر مشهورینی جاری اولان بعوشیه ، (۷) آنته شهری مرکز اداره می اولان آتیقه . بونلردن بشقه قورینت برزخک شمال جهننده ده کوچک مغارید مملکتی موجود ایدی .

جنوبی یونانستان پلوپوس یعنی موره شبه جزیره سنندن عبارت اولوب اقسام آتییه بی حاوی ایدی .

۱ برزخک قسم جنوبیسنده کائن قورینت ؛ ۲ آرغوس شهری مرکز اداره می اولان آرغولیده ؛ ۳ اسپارطه شهرینی

حاوی لاقونیه ، ۴ مسینه ؛ ۵ مانتینه بلده سنی حاوی آرقادیه ؛
 ۶ مذهب یونانی مرکزی حکم‌ننده بولنان اولیپ شهرینی حاوی
 الیده ؛ ۷ مورهنک شمالنده کائن آخا به .

یونان قدیم اقسامندن معدود اولان اطهر غرب طرفنده
 باشلیجه لری قورچیر یعنی قورفو اطه سی اولان و مشهور
 اولیسک سلطنتکاهی ایتاق جزیره سنی حاوی بولنان ایغونیه
 جزائر مجتعه سی جنوبده چریغو جزیره صغیره سی و کیرید
 اطه سی شرقده دخی قطعہ بونانیسه به یقین اغریوز سالامین
 و اژین اطه لریه سیقلاد و اسپوراد جزائر مجتعه سی ، منی اطه سی
 و برده اناتولی ساحلنه قریب بولنان لسبوس (مدلی) کیوس
 (ساقز) و ساموس (سیسام) اطه لریدر .

مع مافیه یونانیله اناتولینک سواحل غریبه سنده قبریس
 و جلییا اطه لرنده افریقای شمالی ده و جنوبی اوروپا سواحلنده
 و تراکیا و ماکدونیا طرفرنده برطاقم نقاطی ده اشغال انیشلر
 ایدی .

یونانستان ازمنه قبل التاریخیده به لاز قومی ایله مسکون
 اولوب مؤخرأ اصل یونانیلری یعنی هلنوسلرک تحت استیلارینه
 یکمشدرد . به لازلرک جسمیم کسمه طاشلردن یایمه آثار جسمیمه
 متباقیه لری اولوب بونلره نظرا مدنیت خصوصنده خیلی ترقی
 ایتش اولدق لری اکلاشلیور سده حقلرنده معلومات تاریخیه
 یوقدر .

هلوسلر ایسه باشلیجه درت قومه تقسیم ایدیلوردی اولان خرافات یونانیه دورنده عموم موریه حاکم اولان آخیه لیلر ثانیاً یونانستانک وسط غربنده اسکان ایدن اولیالیلر ثالثاً اسپارطه لیلرک اجدادی بولنان دوریلر ورابعاً آنته لولرک اجدادی اولان ایغونالیلر .

اصل یونانستان تاریخی دوریلرک موریه شبه جزیره سنه وقوع استیلارندن بدأ ایدر بوندن اقدمکی دورلر حقیقده معلومات محققه تاریخیه موجود اولیوب خلقک قوه مخیله سی بودوری بر طاقم روایات مبالغه کارانه ایله املا ایلمش ایسه ده بور وایاتدن کذب و صدق تقریبی ایلک پک زیاده مشکدر بو جهتله دور مذکور قهرمانلق دوری نامیله تاریخ یونانیلرک بر فصل خرافاتی تشکیل ایلکده در .

یونانیلر هر تقدیر سیاستاً متحد اولیوب حکومت عدیده یه تقسیم ایدلمشر ایسه ده بیلرلنده وحدت ملیه اساسلری موجود ایدنی بواساسلر ایسه جنسیت ولسان مشترکدن بشقه بالخاصه مذهب و ملی او یونلر در .

ادیان قدیمه نك جمله سی کبی دین یونانی دخی تعدد اله اعتقادینه مستنددر و قوای طبیعیه نك پایه الوهیته چیقاریله رقی تشخص ایدر بولمندن عبارتدر . بوندن بشقه مذاهب سائر ه دن مأخوذات و مقتبساتی دخی حاوی اولدیغی و باخصوص مذهب کلدانی ایله کبی مشابهتی بولندیغی در کاردر .

یونان مذہبک شایان دقت اولان برجہتی وار ایسہ اودہ
 معبودک خصوصیات و طبیعت بشریہ ایلہ متصف اولہرق قبول
 و تصور ایدلمزی خصوصیدر . شویلہ کہ یونان معبودلری خارق
 الطبیعہ مخلوقات کی دکل عاداتا بشرک دہا بر مکملی کی تصور
 ایدیلور و حتی حرص و طمع و ناموس سزاق کی مساوی اخلاقیہ ایلہ
 متصف اولمزی بیلہ قبول اولنور ایدی . بونرک انساندن باشلی
 فرقلری لایموت بولنلرندن عبارت بولنوب بوقسہ بعض معبودک
 انسانلر طرفدن مجروح واسیر ایدلدکری بیلہ واقع اولوردی .
 یونانیلر مواد عالمک ابدیتہ قائل اولہرقی الہلرینہ اسناد
 خلقت الہلر و بونرک جہلہ سی فوقندہ قضا و قدر نامیلہ مبہم بر
 قوہ نافذہ تصور ایدرک الہلرک بیلہ بوقدر احکامنہ تابع اولمزی
 قبول ایدرلر ایدی .

یونانیلرک اعتقادلرینہ نظراً اولاً خاٹوس یعنی مواد عالمک
 حالت ہرج و مرجیدہ اجتماعی موجود اولوب قدرک مقتضای
 حکمی اولہرق بوندن رہا یعنی ارض ، اورانوس یعنی سما ، تارتار
 یعنی جہنم و اروس یعنی ہرشیٹی بربرینہ ربط ایدن عشق و محبت
 چٹمشد . اورانوسک رد آدن تیتان و چیقلوب نامیلہ جیم دیو
 کی برطاقم اوغلاری اولوب بونلری قصہ نامقلہ جہلہ سنی جہنمہ
 آتمش و بونلر دن بالکز خرونوس (ساتورن) یعنی زمان قور تیلہ
 یلوب والدہ سنک یارد میلہ پدربنی اتلاف و سلطنت کائناتی ضبط
 ایلشدر . اورانوسک قانندن اربنی لر (انتقام پریلری) حاصل

اولشدر خرونوسده اولادلرینی یشتاتمیبوب یوتغنی عادت ایتمش
ایسهده یالکز زهوس (پویتر) والده سنک برجهله سی سایه سنده
قورتیله رق چیقلوبلرک یارمیله پدربینی مغلوب ابدوب حکومت
کاشانه دسترس ومعبود اعظم اولشدر .

زهوس یونانیلرک الیبوک معبودی اولدیغندن جسارت
وشجاعت وعقل حکمت وسائر خصائص جله انده درجه فوق
العاده بی بولش عدایدیلوردی یونکله برابر بعض مساوی
اخلاق وخصوصیله زندوستلق زهوسک جله او صافندن اولوب
بویخیل اعجوبه صفاتک سرگذشت عشق ومحببتی متعدد وقسقاخیج
ذوجه سنک زندن قورتلق ایچون چکدیکی اذیتلر ایسه مرحمت
وشفتی جالدر . زهوسک علامت قدرت واقنداری یلدیرم
اولوب حتی پدربله محاربه سی اثناسنده دشمنلرینه یلدیرم سایه سنده
غلبه ایلدیکی مرویدر مذهب یونانی اولا اپیرجه تزلنده چیقارقی
جنوبه اینشدر حتی اپرده کائن دودونه شهری زهوسک کاسکی
معبودینی حاوی ایدی .

زهوسده داخل اولدیغنی حالده یونانیلرک اون ایکی عدد
یوک معبود ومعبوده لری اولوب همان هر شهرک بونلردن بر
حامیسی بولنور وجاهه سنک اولیبوس طاغی تپه سنده بولوظلر
آره سنده اوتوردقلری ظن ایدیلوردی . بونلرک اسامیسی بوجه
آتی بیان اولنور :

۱ زهوس (پویتر) معبود اعظم وحاکم عالم .

- ۲ هدر (بونون) زهوسك همشیره وزوجهسى .
- ۳ آپوللون زهوسك ولد غير مشروعى كه كونش ابله توحيد ايديلور و صنايع و فنون حاميلرى اولان طقوزنفر موز و ياپريلر انك معينده فرض ايديلوردى .
- ۴ زهوسك برادرى و حاكم بجر محيط (پلوتون) پوزه بيدون .
- ۵ زهوسك باشندن چيقان عقل و حكمت الهى آتينا (منيره) كه باشليجه آتته حاميسى ايدى .
- ۶ حسن الهى و وولقانك زوجهسى (وهنوس) آفروديت .
- ۷ حرب الهى (مارس) آردس .
- ۸ صنايع مفيدة و نافع الهى (وولقان) هدفه ييستوس .
- ۹ فضائل عالمه حاميسى باكدان و عقيفه (وهستا) هستيا .
- ۱۰ محصولاتى كاله ايردين (سرهس) دهمتر .
- ۱۱ زهوسك غير مشروع كريمهسى و صيد الهى آرتنه ميس (ديانه) كه قر ابله توحيد ايديلوردى .
- ۱۲ معبودلر پوسته جيسى و تجارت و فصاحت حاميسى (مركور) هرمدس .
- بونلردن بشقه آتيدهكى معبودلرده معتبر و مهم ايديلر :
- زهوسك برادرى و جهنم ناظرى (پلوتون) هاوس .
- شراب و الكليجه حاميسى (باكوس) ديونيسوس .
- طبيب (اسكولاپ) آسله پوس .
- وهنوسك مارسدن حاصل اولمه و لدمادر بخطاسى و عشق و محبت الهى كويديون .

یونلر خارچنده اوله رقی انهارك اورمانلرك دكرك و الحاصل
هر اقسام طبیعتك كندیسنه مخصوص الهلری و پریرلی وار ایدی
و جله سنه برطاقم احوال عجیبه و شاعرانه اسناد اولنوردی .
اساطیر یونانیه نك بووجه له زنکین و تصا و برلطیفه ایله
مالی بولتمی یونانستانده صنایع نفیسه نك ترقیسنه چوق خدمت
ایتمشدر .

مذهب یونانیده موجود آلهلر و پریردن بشقه پایه الوهیه
چیقارلمش انسانلر یعنی نیم معبودلر وار ایدی .
یونانیلر بقای روحه قائل اولوب اعتقادلرنجه اعمال صالحه
اصحابی الیزه باغچه لرنده صفای کونا کون ایله وقت کچیرر و شایان
جزا اولانلر دخی تارتاره آتیلیر ایدی . دار جزایه و یا خود جنته
کتمدن اول ارواح آکرون نهرینه واصل اولوب اوراده ناقل
اموات اولان قارونك قابغنه بنهرك قارشو یقایه کچیرلردی
اوج باشلی کلب چربرك تعرضندن قورتلدقدن صکره ارواح
نیم معبودلر دن کرید حکمداری مینوس ریاستنده برهیت حکام
طرفندن استجواب ایدیلهرك هر کسك اعمالنه کوره استقبالی
قرار کیر اولوردی . یونانیلر انسانلرك شکلا و طبیعتا کندیلرینه
مشابه اولان معبودلر ایله مناسبتده بولنه بیله جک لرینه قانع اوله رقی
هاتقلر و اسطه سیله اوامر الهیه بی تلیق انلك فکر نده بولنورلردی .
ذاتا هیئت رهبان قریان ایدیلان حیوانات باغرضقلرندن و سائر
یک درلو علامات سماویه و سائر دن کشف استقباله چالشدقلری

کبی آریجه هاتفلردخی واردی . ایلرده دودونه شهرنده زهوس
 معبدنده کی مقدس میشه اناجنک یاپراقلی حشر دیسندن نتایج
 چیقاران هاتف مشهور اولدیغی کبی دلی شهرنده آپولون معبدنده
 دخی پیتی اسمنده برقادین بعض بخارات چیقان برقیونک اوزرنده
 اوج ایاقلی براسکمله یه اوطورهرق وعادتا حال وجده کله رک
 برطاقم بیعنا کلمات تفوه ایدر وصکره احوال عالمه واقف اولان
 رهبان بونلر موافق حال ووقت معنالر ویرلردی مصرده
 لاوی چولنده آمون معبدی هاتقی دخی عموم یونانستانده
 معتبر ایدی .

یونانستانده وحدت ملیه اساسلرندن بریده اولمپداد اوبونلری
 اولوب بو اوبونلر درت سنهده بر الیدهده اولیمی شهرنده اجرا
 اولنور وهر یونانلو اوراده مسابقه یه قبول اولنوردی . بو
 اوبونلر قوشمق آت وعر به قوشدیرمق اسلمه قوللانمق کولشمک
 آغر شیلر قالدیرمق وامثالی مسابقه لردن عبارت ایدی .

بوکبی چویکاکلر یونانستانده پک مقبول اولمغله قدیم
 یونانلر دنیانک الک آتیک ملتی اولمشلردر . اولمپپادلرده بعضاً
 علما وشعرا دخی داخل میدان امتحان اولهرق آثار علیه وادیه
 نک انشارینه چوق فائده لری اولمشدر . اولمپپادک احداثی
 هجرت نبویه دن ۱۳۹۸ سنه مقدم اولوب یونانیلرجه تاریخ
 حسابی ایچون اساس انخاذا اولمشدر .

بوندن بشقه آفقتیون مجلس دولی روحانیسی نک اجتماعی

زمانلرنده داف و یاخود ترموپیلده شلککرا اجرا اولنوردی .
هر یونان حکومتی مبعوثنی محتوی اولان بو مجلس یونانیلر
آره سنده روابط مخادنتک چوغالمسندده بردرجه یه قدر اعتنا
ایدرك حکومت یونانیه آره سنده شلکک و قتلری محاربه ایلمامسی
و محاربه ده ترک حیات ایدنلرك مدفندن محروم برالمامسی ،
و معاهده التجا ایدنلرك اعدام اولنمامسی . و مغلوبینی تحقیر ایدیجی
صورتده دائمی علامت ظفر رکز ایلمامسی کبی جزئی و فقط هر
حالده مشکور و مستحسن بعض قواعده حقوقیه بسله وجوده
کتیر مشلدر .

۲

یونانستانک دور خرافاتی

برومنه . دققابون و طوفان . ککرویس . قادموس . دانائوس .
یلویس . برسه . هرکول . اکه . ادیب . آرغونوت سفری . ترا
محامره سی . اومپروس و اشعاری . دوریلرک استیلاسی .

بحث سابقده بیان اولندیجی اوزره یونانستان تاریخنک
محقق اولان دوری دوریلرک مورده شبه جزیره سنی استیلاری
تاریخنندن بدأ ایلمکده اولوب بوندن اقدمی یعنی هجرت نبویه دن
یکرمی یکرمی بر عصر مقدمندن دوریلر استیلاسنه قدر پکن
التی بدی عصر مدت حقنده کی معلومات تاریخیه همان هیچ
حکمنده در و بونک برینه بعض قهرمانلرک احوال و اجرا آت

خارق العاده لری کبی خرافات غیر معقولیه تصادف اولمقده در یونانیلرک قوه مخیله لری بک زیاده واسع اولمسیله بوبابده کی خرافات تعدادی ناقابل درجه ده متعدد در بو جهته یالکز الک باشلی وقایع واسامی مشهوره دن بعضیلرینک خلاصه نقل و تذکار یله اکتفا مناسب کورلمشدر .

یونانستان قهرمان نردن الک اسکیمی اولان پرومته یتان لردن یعنی اورانوس اولادندن و بناء علیه نیم معبود اولوب نوع بشری خلق الیش و بو اثرینه حیاتبخش اولمق اوزره سمان ضیای الهیدن بر شعله چاله رق ارضه ایندیرمشدر فقط ژوپیتر بوکا حد تلتمکله جزاً پرومته یی قفقاس طاغرلنده بر قیایه باغلابوب هر کون جگرینی قویارمق اوزره بر قرنال تعیین ایلشدر . پرومته بک اوغلی دققالیون تسالیده اجرای حکومت ایلشدر . انک زمانده زهوس بنی بشرک کنه لری بک چوقلمغندن طولابی بر طوفان وقوعنی امر ایدوب دققالیون بر سفینه انشا ایدرک حریمی پیدا ایله برابر بنوب نوع بشری محدودن قورتار - مشدر . کلدانیلر نژدنده کی طوفان اعتقادی وقزی سوتروسک سفینه انشاسیله بنی بشری قورتارسی روایتی یونانیلر نژدنده قزی سوتروسک کندی ملثرینه منسوب دققالیون نامنه تبدیلیله عیناً نقل ایدلمشدر . یونانیلرک اعتقاد لری نه کوره دققالیونک هلن اسمنده بر اوغلی اولوب قوم یونانی انک ذریندن حاصل اولمشدر .

یونانلیلرک کندی اعترافینه نظرأ اوائل تاریخلرنده
 مصر و فنیکه دن کلان بعض مهاجرلرک تعلیملی سایه سنده
 پیدرپی کسب تمدن ایلشدر . فنیکه لیلرک ده فتوحات مصریه
 زمانلرنده و اقدملرنده یونانستان جهتلرینه کیدرک اسکان و اجرای
 تجارت ایلدکلی معلوم اولغله یونانلیلرک ایلک اول انلرک سوتی
 ایله داخل طریق ترقی اولدقلی درکار و مذهب یونانینک
 مذهب کلدانیه مشابهتی و الفبای یونانینک ده فنیکه الفبای سندن
 ماخوذ بولنمی بونی مؤیددر .

خصوص مشروحه مبنی یونانک دور خرافاتی قهرمانلرندن
 بر طاقی اجنبی یعنی مصرلی فنیکه لی و بر طاقیده یونانیدر .
 بو قهرمانلردن مشهورلی بوجه آتی تعداد اولنور:

مصر سفلی ده ساییس شهری برنسلرندن اولوب مصرک
 اختلالات داخلیه می صره سنده ترک دار و دیار ایلش بولنان
 ککروپس یونانستانده آتیقه قطعه سنه کلهرک اوزاده اورمانلرده
 یشایان اهالی بی طویلایارق آتیه شهرینی تأسیس ایتش و زراعت
 و حرایله اصول ازدواجی تعلیم و امور عدلیه یه مأمور آره او باغ
 مجلس کیریینی تشکیل ایلشدر . ککروپسک ورودی هجرت
 نبویه دن ۲۲۲۰ سنه مقدمه ارجاع ایلدیکده در .

فنیکه قرالردن آزه نورک قزی اوروپا غائب اولغله پدیری
 قزک تحریسی ایچون اوغلی قادموسی کوندرمشدر و قادموس
 همشیره سنی بولمق ایچون پک چوق مالکی طولاشدیغی صره ده

یونانستانه دخی کلاشدر قادموس دلفی هاتفنه مراجعت ایدرک
 همشیره سنی آراماسی و راست کلدیکی اینکک پیشنه دوشوب
 اینک زرده توقف ایدر سه اوراده بر شهر تاسیس ایلدی
 آپولون طرفدن تنبیه اولمشدر . قادموسده هاتفک امرینه
 اطاعتله راست کلدیکی اینک ایزینه کیدوب مقدس بر چشمه
 جوارینه واصل اولمش و چشمه بی محافظه ایدن اژدرهابی
 اولدیرمشدر اژدرهانک دیشلرینی یره سرپمکله بونلردن برطاقم
 مسلح آدملر چیقهره، بر لرینی اولدیرمشلر ونهایت باقی قالان بر
 قاج کشینک یاردمیله قادموس بعوئیه دهکی یدی قبولی تب
 شهرینی تاسیس ایلمشدر . قادموسک سلاله سی باشنه کلان فلاکتلر
 ایله مشهوردر . (ق ۲۱۹۶) .

مصر فرعونلردن برینک برادری اولوب فرعونک ظلمندن
 قاچارق یونانستانه کلان دانائوس آرغوس طرفلرنده اسکان
 ایلش واللی عدد قزی اولوب جله سنی قوجه یه یرمشدر بو
 قزلربالربینک تنبیلری اوزرینه زفاف کیجه سی قوجه لرینی اولدیر-
 دکلرندن جزا اولق اوزره جهنمده دیبی دلیلک بر فوچی بی
 طولدیرمغه محکوم اولمشلردر . بالکز قوجه سنی قورتارمش
 اولان بریسی جزادن قورتلمشدر .

مشهور قهرمانلردن بریسی دخی پلوپسدر پلوپس لیدیا حکمدار-
 لرندن ناتالک اوغلی اولوب پدیری معبودله عرض خلوص ایتلک
 ایچون اوغلی کسمش و طبع ایتدیره رک معبودلری بر ضیافته دعوت

یونانستانک دور خرافاتی

ایله سفره به قومشدر . ژو پیتر سفره به قونیلان اتک نه اولدیغنی
بیلکاه چوجغه اعاده حیات ایتیش فقط سرهس طالغلقله
پلوپسک قولنی یمش بولدیغندن ژو پیتر پلوپسه فیل دیشندن
برقول ووروب یونانستانه کوندرمش وموره شبه جزیره سنک
پلوپونس اسمی بوندن کلشدر . تانتال ایسه جزا اولقی اوزره
جهنمه بریانچده صو ایچنده بر اقلشدر که باشنده درلو درلو
میوهل صمار قدیغنی ویانده صولر آقدیغنی حالدده میوه یمک
ایستسه میوه یوقاری طوغری چکیلور و صو ایچمک ایستسه
صولر آشاغی قاچار ایدی . یونانی الاصل عد اولنان قهرمانلردن
پرسهی هر کول و تزه ی پک زیاده کسب اشتهار ایلشدر .
پرسهی ژو پیترک آقریسیوس نام حکمدارک قزی دانانه دن
متولد ولد غیر مشروعی اولوب بعض معبودلرک ویردکاری اسلحه
و آلات ایله حرب ایدرک اجراء آت خارق العاده به موفقی اولمش
و برچوق حیوانات مده شه دن مملکتی تخلیص ایلشدر .
ینه ژو پیترک تیرنت قرالیچسه سی آقمندن متولد ولد غیر
مشروعی بولنان هراقلس ویا هر کول یونانیلرک الک مشهور
ملی قهرمانلری اوله رق اسمی زمانزه قدر قدرت و قوت بدینه به
علم اوله رق قالمشدر . هر کول ده ازمان تولدنده قساقچ هر انک
کندیسنی اولدیتمک ایچون بشیکنه کوندردیکی ایکی ییلانی
صیقارق اولدیروبرمشدی . هر کولک جسارت و قوتی درجه
خارق العاده اولوب نفس یونانستانده الک باشلیلری برطاقم

اژدرلر و حیوانات وحشیه و سباعك اتلافی اولمق اوزره اون ایکی یوک موقیته نائل اولمشدر . بوندن صکره سیاحتیه چیقارق چار اقطار عالمی طولاشوب هر کول دیرکاری تعبیر اولنسان سبته بوغازینه قدر کتمش و برچوق ممالکی فتح ایلمشدر . هر کول ژوپیتک اسیر غدیری اولان پرومته بی دخی تخلص ایلمشدر . روایته کوره بوقهرمان ایول اسمنده برکنج قزه علاقه ایدرک آنی آلمغله زوجده سی بوحبیبی ازاله ایچون چنتاور نام اژدرک قایله بلع برالبسه کیدیرمش و بونک زهری تأثیر یله هر کولک وجودینه حرارت عظیمه طاری اوله رق و اتلری پارچه پارچه دو شمهک باشلایارق ترک حیات ایدوب معبود اعظم طرفندن اولیموسده کی الهلر جمیته ادخال ایلمشدر .

هر کولک رفیقی بولنسان تزهی آتیقه حکمداری اکه نک اوغلی اولوب اوده شجاعتی و موقیبات عدیده سیله کسب شهرت ایلمشدر . از جمله آتله لیلر هر سنه کرید حکمدارینه یدی قز ویدی ارکک ویرکو کوندره رک انلر اوراده بر مغاره یه آیلور و مینوتاور نام جانور طرفندن بلع اولنور ایمش تزهی کندیسنی بوکریده کوندریلان بیچارکان میانته قاتارق مینوتآوری اولدیرمش و آتله بی بوبلیه دن تخلص ایلمشدر . فقط عودتده سفینه سندن علامت مانم اولان سیاه بزک رفعی عقل ایتمکله ساحلده ورودلرینه منتظر اولان پدری اکه اوغلنکده اولدیکی ذهابله کندیسنی دکزه آتارق انتخار

اوش واطه لر دکزینک اسم قدیمی اولان اکه دکزی نامی بوندن
قالشدر . پدرینک وفاتندن صکره تزه ی آتیقه یه حکمدار اولوب
مملکتی حیدودلردن تطهیر و حسن اداره ایشدر .

یونان قدیم قهرمانلری آره سنده الکز یاده دوچار فلاکت
اولانی قادموس اولادندن وتب قرالی لایوسک اوغلی ادیدر .
لایوس اوغلی حقنده بعض فسا علامتدن اورکهرک توادینی
متعاقب چوجغنی طماغه آتدیرمش واوراده چوبانلر بونی
آلارق قورنشه کتورمربله ادیب قورنت حکمداری پولیب
طرفدن اولاد کبی بسلمشدی . ادیب بیودیکنده اقربا وتعلقا .
تیک بادی فلاکتلری اوله جغنی هانقدن استخبار ایدرک بونک
عدم وقوعی ایچون پدری ظن ایلدیکی پولیبک سرایندن
قاچمشدی . یولده براختیاره راست کلهرک بعدالمنازعه اتی
اولدیردیکن صکره تب شهری جوارینه واصل اولمش
واوراده سفنکس نام یاریسی قز و یاریسی ارسلان بر مخلوق
مدهشک هر راست کلدیکنه بریلیمجه صورارق یله میانی
اولدیردیکنی وخلق پک زیاده راحتسز اولغله بوسفنکسی مغلوب
ایدهنه شهرک حکومتی ایله برابر طول قرالیمجه ژوقاسنکده
یدازدواجی وعد اولندیغنی کورمشدر .

ادیب بو حیوانک صوردیغنی بیلمجه یه جواب ویرمکه
حیوان کندبسنی برقیادن فرلانوب اولمش وادیده شهرک
قرالغنی مقامنه چیقارلمشده اولجه قضارا اولدیردیکی اختیار

پدری اولدیغی کبی بودفعمده والده سنی بیله رک زوجه لکه
 آلمش بولدیغندن هاتفک افاده می برینه کلشیدی . بوجنایات
 اوزرینه تب شهرینه برطاقم آفات مستولی اولهرق سبب بلیاته
 کسب و قوف ایدن ادیب تاج و تختنی ترک ایدرک قزی آنیغون
 ایله برلکده سرسری طولاشمغه باشلامش و قولون جوارنده
 اومه نیدله یعنی انتقام ملائکه سنه مخصوص بر اورمانه کبردیکی
 اثناده صاعقه نزولیه ترک حیات ایشدر . ادیبک وفاتندن صکره
 دخی تب شهری راحت یوزی کوره میوب انک اخلاقی بیننده کی
 سلطنت دعوامی مدت مدیده دوام و مدهش بر محاربه داخلیه
 احداث ایدرک تب شهرینی انواع مصائبه دوچار ایشدر .

احوال مشروحه کویا هجرت نبویه دن اون طقوز عصر
 مقدمنده وقوع بولوب ینه او عصرده آرغونوت سفری نامیله
 مشهور برقعده نک وقوعی روایت ایدلمکده در . قولشید یعنی
 کورجستان قرالی اتهسک کلی ثوته مالک اولدیغی اوزمانده
 مشهور اولوب بو ثورنده برالتون پوستکی اولمق اوزره توصیف
 ایدیلوردی . کویا ژوپتر پدرلی آتامسک حدتدن فرار ایچون
 هاله و فریقسوسه برالتون پوستلی قوچ و برمش اولوب چناق
 قلعه بوغازینی پکرکن هاله دوشه رک بو غلمش و فقط برادری
 فریقسوس کورجستانه قدر فرار ایدرک اوراده قوچی ژوپتره
 قربان ایدرک پوستنی مملکتک قرالنه اهدا ایشیدی . ایشته
 شهرتی آفاقه منتشر اولان بو پوستی المق ایچون یونان قهرمانلرندن

ژازونك قومانده سنده اللى قهرمان آرغوس اسمنده برسفينه يه
 راكباً سفره چيقمش لرديكه طبيب سماوى و آبولون زاده
 اسكولاب ايله هر كول و مشهور كانى و شاعر اورفدهده بوسفر
 اركاندن ايديلر . بونلر كورجستانه واصل اوله رقى ژازون
 قرالك قزى سحاره مده واسطه سيله پوستى آلمغه موفق اولمش
 و قهرمانلر قواشيد قرالك تعقيبندن قورتلقي ايجون پك بعيد
 يرلردن طولاشارق و كره ارضى احاطه ايدن نهر اوقيانوسى
 پكهره يونانستانه عودت ايلش لدر .

كورلديكى اوزره بو آرغونوت سفرى و قعه سى صحیح
 اولسه بيله تفصيلات مبالغه اشتمالندن قطع نظر حد ذاته
 اهميتىز و عادتاً بر نوع قورصانلقدن عبارت اولوب فقط
 هجرت نبويه دن اون سكر عصر مقدمى او اخرنده و قوعى
 مروى اولان تروا محاربه مى هم پك مهم و همده صحت
 تاريخيه بى حارزيتى بى اشتباهدر .

چناق قلعه نك براز طيشاريسنده خرابه لرى اليوم موجود
 اولان تروا شهر قديمى اوزمانلرده اناطوليك اعظم حكوما .
 تندن برينه مقر اولوب ذاتاً بونكله يونانستان آره سنده اسباب
 منازعه اكسك اولماقده ايدى . تروا قرالى پريعامك اوغلى
 پازيس اسپارطه قرالى منلاسك زوجه سى كوزل هلمنى قاچرمى
 اوزرينه بو خصومت بسبتون ميدانه چيقسارق عموم يونانلر
 بالانفاق بوزيك نفر عسكرو ببولك دونما ايله تروا اوزرينه

حرکت و شهری محاصره انباشلردر . یونان قوای متحدہ سی
 قورنت و میدن قرالی و هلنک برادری آغانمونک تخت اداره سندہ
 اولوب رؤسا میانندہ منلاس، قهرمان آشیل و پاتروکل،
 بڑی لوقریلر و دیگرى سالامین قرالی ایکی آژاقس، عاقل نستور
 ایباق قرالی حیلہ کار اولیس و هرکولک او قزینہ مالک بولنان
 فیلوقتت و سائرہ موجود ایدی . تروالیلر میانندہ پریعامک
 یولک اوغلی هکتور ایله انه الک مشهور قهرمانلردن معدود
 ایدیلر .

یونان امراسی بینندہ تحدت ایدن نقاقدن طولانی تروا
 شهری محاصره سی اوزابوب اون سنہ قدر سورمش و آشیل
 ایله هکتور دخی هنکام حربده مقتول اولوب نہایت حیلہ کار
 اولیسک برتدیر شیطنتکارانہ سی سایہ سندہ شهر تسخیر ایدلمشدر .
 شویله کہ او ایسک تنسیبی اوزرینہ یونانیلر اناجدن جسیم بر
 بارکیر هیکلی اعمال ایدرک ایچنہ اک جسورلردن اون قهرمان
 کیردکدن صکرہ آنی برافارق ظاہراً رجعت کوستر مشلر و تروا -
 لیلرده یونانیلر محاصره دن اوصانمشلر مملکتلرینہ کیدپورلر
 ظنیله چیقارق بر علامت ظفر اولمق اوزرہ بو هیکلی داخل شهرہ
 آلرلیله ایچندہ کی شجعیان کیچہ چیقارق شهرک قپولرینی عساکر
 یونانیلرہ آچشلردر .

شهر ضبط ایدلن صکرہ یونانیلر طرفدن تخریب و احراق
 واهالیتی قتل عام و نسوان و اطفالی اسیر و پایمال خیول

ایدلشدر • یالکز تروا قهرمانلرنندن انه وارنه نور قوزتیلهرق
فرار ایله ایتالیا نلک جنوب طرفلرینه کیدوب اوراده شهرلر
تأسیس و اسکان ایلشدر • قدیم رومایلر انه بی کندی جدلری
عد ایدرلردی •

قالب یونانیلر رؤسای دخی عودنده بک درلو مصائبه
اوغرامشدر • بک چوققلرینک سفائی غرق اولدیغی کبی اغا
ممنون بعدالعوده زوجهمسی قلیتمس تر طرفندن اتلاف ایدلش
واولیس ایسه ممالکنی بوله بیوب ایتاق اطه سنه و صولدن
اول جزائر بحر سفیده اون سنه مدت سرسریجه طولاشمشدر •
تروا محاصره سی یونانیلرک شرق جهاته ایلک تجاوزلری
اولوب احوال قهرمانانه سی شعرا ایچون بیوک بر میدان جولان
اولشدر • بو محاصره نلک احوالی زمان ظهوری مجهول اولان
شاعر شهر یونانی او میروسک ایللادا نام منظومه جسمیه سنده
مذکور اولوب شاعر مذکورک اودیسه نام اثرنده اولیسک
سرگذشتی نقل و حکایه ایدلشدر • روایتی نظراً نعمت بصردن
مجروم اولان او میروس اشعارینی او قویارق طولاشیر تسئل
ایدر مش •

تروا محاربه سندن سکسان سنه صکره دور یلرک استیلامی
وقوعه • ولهرق یونانک دور قهرمانیسی نهایت بولمده و دور
تاریخی آچلمده در • فقط یونانیلر هجرت نبویه دن اون اوج
عصر اقدمده (۱۲۲۲) قدر ضبط وقایعه اهمیت و برمدکارندن

یوآرده کی بش التي عصرلق زمانك وقایعی معلوم اولمديغی
کبی بعض خرافاتده مروی و موجوددر .

دوریلر وسطی یونانستانده دورید قطعۀ صغیره سنده ساکن
جنکاور برقوم اولوب روايته نظراً قهرمان هرکولك احفادی
معیترنده بولندقلرندن بونلرك استیلاسنه هراقلیدلرك عودتی
نامی ویرلمشدر . دوریلر برلرندن حرکته مورهنك
شمالنه چیقمشدر و اورادن بتون پلوپونس قطعده سنی بالاستیلا
بیلرلنده تقسیم و حکم ایلکده بولسان انا ممنون خاندانی طرد
ایلشدر . بووقه دن راز اقدم تسالیا قطعده سی دخی اپرلیر
طرفندن استیلا ایلشدی . علی روایة دوریلرك استیلا سی هجرت
نویه دن ۱۷۲۶ سنه اقدم وقوع بولمشدر .

بالکز آتیقه قطعده سی استیلا دن قورتلشدی دوریلر قورنت
برزخنی کچهرک آتیه نی استیلا یه ده تشبث ایلشدر سده هانکی
طرفك حکمداری محاربه ده مقتول اولورسه او طرفك غلبه
ایده جکی هاتقن بیلدرلمکله آتیه حکمداری حیثی قودروس
کویلی قیافته کیره رك کندیسنی دشمنه اولدیرتمش و حکم هاتقك
آتیه لیلر طرفندن وجوده کتیرلدیکی معلوم اولجیه دوریلر
موقیتدن مایوس اوله رق رجعت ایلشدر . بو صورتله ده
مبادی دور تاریخیده آتیه ایله پلوپونس خلقی بیننده خصوصت
جاری اوله رق مؤخرأ دوریلرك الكباشلی قومی اولان اسپارته
لیلر ایله آتیه ارسنده کی رقابت مدیده ایسه یونانستانك موجب
انقراضی اولمشدر .

اسپارته

لاقونیه قطعہ سی . بعد الاستیلا صورت اداره . لیکورغ وقوانینی .
 حقوق ۴۰ مہ . اراضی . عمومی سفرہ لر . عسکر تعلیمی . تربیہ اطفال .
 اسپارته لیلرک اخلاق . لیکورغک عاقبتی . مسینا بحارہ لری . آرہستودہ
 موس و آرہستومن . اسپارته حکمونیہ سی .

دوریلرک زمان استیلا سندہ آرغولیدہ و مسینہ قطعہ لرینی ضبط
 ایدنلر رلی اہالی بی کاملاً چیقار مشلر سہدہ لاقونیه قطعہ سنی
 ضبط ایدنلر رلی اہالی بہ ایشمامش لر وانلری رعایا مقامندہ
 براقارق تأسیس حکومت ایشلمش لر دی بونلرک مقر حکومت لری
 اوروتاس نہری اوزرنده کائن اسپارته شہری اولوب راس
 ادارہ لرندہ دخی لاقونیه بی ضبط ایدن ایکی برادر احفاندن
 اولہرق ایکی قرال بونوردی . مؤخرأ لاقونیه اہالی اصلیدہ سنک
 بر قسمی عصیان ایلککہ اختلال لری بعد التمسکین عاصیلر حقوق
 متباقیدہ لرندن محروم براقیلہرق حال اسپارته ارجاع ایلککہ
 اسپارته دہ اوج صنف اہالی حاصل اولمشدی . اولاً اصل
 فاتح لر یعنی اسپارته لیلرکہ حاکم مملکت ایدیلر ثانیاً لاقونیا لیلرکہ
 اختلال واقعہ اشتراک ایلدکلرندن تصرف املاک حقنہ نائل
 فقط حقوق سیاسیہ دن محروم بونورلر دی و تکالیف دولت

منحصراً بونزدن استیفا اولنوردی . ثالثاً عصیان ایدن
 لاقونیالیرکه هر نوع حق و امتیازدن محروم بولنسدرق اسیر
 صفیله اسپارته لیلرک ترالرینی ذرع ایدرلر وهیلوت نامیله
 توسیم قلمنورلردی .

لاقونیالی وهیلوتره نسبتله اسپارته لیلرک مقصداری پک
 جزئی اولوب بونرساده اسپارته شهرنده قالارق اراضی سائره
 وقرا اهالی قدیمه ایله مسکون و عملو بولندیغندن هر طرفلرنده
 دشمن طولی کورن اسپارته لیلر کندلی تحکم و نفوذلرینی محافظه
 ایله بیلمک ایچون قوانین شدیده ایله متشکل بر جمعیت عسکریه
 وجوده کتیرمک مجبوریننده بولتمشلهر و بو صورته مؤخرأ
 مشهور و واضع قانون لیکورغک احداث ایلدیکی قواعد عجیبه نیک پک
 چوغنی دها اوللرندن بین الاهالی قبوله استعداد کسب ایلدلمشدر .
 لیکورغک زمان حیاتی لایقیله معلوم اولیوب هجرت
 نبویه دن اون التی عصر مقدمنده بر حیات اولدیغی مرویدر .
 کندیبسی اسپارته خاندان حکمداریسی افرادندن اولوب برادر
 زاده سی قاریلاؤسک زمان صباوتنده نائب حکومت صفیله
 اداره امور دولت ایلش و حسن اداره سیله عقل و استقامتندن
 توحش ایدن اکابر کندیبسی غصب حکومت نیتنده بولتمغله
 اتهام ایلدکلرندن ترک وطن ایدرک اون سکز سنه مدت اناطولی
 و حتی مصری و سائر بر چوق برلری طولاشمش و اقوام مختلفه نیک
 اصول و قوانینی تدقیق ایلشدر .

لیکورغ وطنه عودتنده ایکی قرالک محاسده ورقا بترندن
 متحدت اختلافات ملاسه سیله مملکتی قاربشتمق حالنده
 بوله رق ذاتاً هر کسده اصلاحات لزومی حس ایلدیکندن
 قوانین لازمه نك وضعنه تشبث ایلش و قانونلرینی دلفی هاتفنه دخی
 تصویب ایتدر دکن صکره اهالی به قبول ایتدیرمشدر (ق ۱۵۷۶)
 لیکورغ قوانیننک جهت سیاسیه سنده ایکی قرال بولنسی
 اصولی ابقا ایلش سده قرالره بالکز تشریفات منزهیه و دولیه
 ده ریاست و عسکره قوماندا حقوقنی و بره رک بالجمله امور
 دولتی التمش یاشنی متجاوز یکرمی سکز اسپارته لی اختیاردن
 مرکب سناتو مجلسنه براتشددر قرالرده سناتو مجلسنه داخل
 ایدی و انترله اعضانک عددی اوتوزه بالغ اولوردی . بوندن
 بشقه آیده برکه اهالی (اسپارته لیر) شهرک اورته سنده کی
 میدانده اجتماع ایدرک تکلیف اولنان قوانینی قبول و یا خود رد
 ایدرلر و فقط تعدیل ایده مزلردی . بو صورتله لیکورغ اسپارته یی
 رسماً قراللق و حقیقت حالده ایسه برجهوریت اشراف حالنه
 قومشدر . مؤخرأ امور دولته نظارت ایچون بش نفر افور
 یعنی فتمش عمومی احداث اولنوب بونلر مرور زمانله حکمدارلردن
 زیاده حکم و نفوذ صاحبی اولمشلردر . قوانین جدیدده
 لاقونیا لیرینه حقوق سیاسیه دن محروم قالمشله و هیلوتلر حال
 اسارتمده ابقا ایدلمشلردر .

لیکورغ بر جمعیتک اخلال انتظامنه ک زیاده بادی اولان

حال فقیر ایله زنکین فرقی و قهرانک نازل لطف و احسانی اولدق لری
 زنکینلرک الزده واسطه اوللری خصوصی بولندیغنی کورمکله
 اسپارتهنک بو حاله دو شماسنی تأمین ایچون اسپارته لیلر بیننده
 مساوات کامله احدائنه چالشمش و بونلرک اراضی موجوده لری
 طقوز پیک عائله ارسنده صورت متساویه ده تقسیم ایشدر .
 موافق نفس الامر اولیان بو تساوی تشبثی چوق وقت مثر
 اوله میوب بر قاج عصر صکره ینه اسپارتهنک زنکین ایله
 زوکورد ارسنده منقسم بولندیغنی کورلشدر .

لیکورغ خلق بیننده فساد اخلاقی موجب اولور قورقوسی
 ایله صنایع و تجارت و علوم و فنونی منع ایدلدیکی کبی هرکس
 ادخار نقود ایله طریق سفاهته کیر مامک و وطنداشانی پاره
 قوتیه افساد ایده مامک ایچون التون و کوش مسکوکاتی تداولدن
 قالدیروب تیوردن مسکوکات ضرب ایدر مشدر . بوندنبشقه
 عزت نفس حاصل اولماسی مقصدیه خلقک خانه لرنده طعام
 ایتملرینی منع ایش و هرکسی عمومی سفره لرده یمک یمکه اجبار
 ایشدر . بو صورته هر خانه بر هفته ایچون لازم کلان
 ما کولاتی مطبخ عمومی به ویرر و عائله لر بجهله دولت سفره لرنده
 طعام ایدردی . بو سفره لرده معروض نظر اشتها اولان اطعمه ده
 نفاست ایله معروف شیلر اولیوب اک زیاده سولمکده اولان بر
 چوربا طموز یاغنی قان سرکه و توز ایله ات پارچه لرندن
 طوپلانمش بر مخلوط غلیظ ایدی .

لیکورغک مقصد اساسی اسپارته لیلری مکمل عسکری ایتک اولغله هرکسک صورت دائمه ده جناستیق و عسکر تعلیمی لری ایلمنی مجبوری قلمش و فی الحقیقه بو سایه ده اسپارته لیلر آیتکک سلاح قوللانق و جسارت خصوصنده یونانس تاتک برنجی ملتی اولمشدر .

تربیه اطفال دخی بو اساسه مستنداً ترتیب ایلمشدر . اطفال دولتک مالی عد اولنهرق طوغان چوجغک حکومت طرفندن معاینه سی و ضعیف و خسته لقلی اولانلرک ایلووده ایو عسکر اوله میه جقلمدن و یا خود قوتلی چوجقلمر طوغوره میه . جقلمدن اولدیلمی اصول انخاذا ایلمش و چوجقلمر راز ییو دکن صکره عالمه لرندن نهرق مکاتب عمومیه ده تعلیم و تربیه اوللمری تقرر ایلمشدر . فقط مکاتبه علوم و فنون تعلیم ایدیلوب الک زیاده عسکری تعلیمینه و جناستیق او یونلرینه اعتنا ایدیلوودی چوجقلمرک اذا و مشقته شملمی ایچون جزئی بهانه لرله کندیلرینه بر قاج بوز دکنک اوریلور و جاننک آجیسنه طیانامیه رق اغلایانلرک ناموسی بر پاره لک اولوردی . برده چوجقلمر ساز و یا فلاوطه چالمق او کره دیلوب مهیج حسابات و مورث شجاعت و حیث اولان اشعار قهرمانانه از برتیلور و فقط سفیهانه و یارذیلانه منظومات بز وقته او کره دلزدی . محارباته اجرایی اقتضای مصلمتدن اولان دس ایس کونا کونه شملمی ایچون اطفال سرفته تشویق ایدیلوب ساده یقایی اله

ویرن محضاً بجز کمزور لیکندن طولانی دوچار مجازات اولور
ایدی .

چو جقوله تعلیم اولنان فضائلدن بریده اختیارلره رعایت
ایدی . اختیارلر اسپارته ده بک زیاده معزز و محترم اولوب
ذاتاً اداره دولته اختیارلر نئنده ایدی . مع مافیله هر کسک
تأهل ایتسی همان قاعده عمومیله اولغله وطنه اولاد ینشدیر میان
پیکارلر مسنده اولسه لینه اوقدر مظهر حرمت اوله مززلدی .

اسپارته کنجلیری ایدی یا شندن بکرمی یا شنه قدر جناس
مکتبنده طور دقدن صکره عسکره کبرلر و التمش یا شنه قدر
عسکرلک و وظیفه سنی ایفا ایدرلر دی کنجلر دائماً عسکر تعلیملری
ایدرک و شهرک اورتیه سننده کی میدانده ایکی فرقه یه آریله رق
کندیلرینی محاربه یه الشدیرلر دی . اوتوز یا شنده تأهل ایدرک
حقوق و طنداشی به نائل اولورلر و انجق التمشنده عسکر لیکن
قور تیلوب سناتو اعضالغنه و یا خود دولت مأمور بئنه کیره
یلورلر دی .

عسکر تعلیملری خار جنده اوله رق اسپارته لیبرک مشغولیتلری
یا صید و شکار و یا خود میدانده امور دولتن بحت ایتک ایدی
اسپارته لیبرک غایت قیصه عبارده لره افهام مرام ایتک اعتیادنده
اولوب کوه زه لیکندن هیچ خوشلانمزلدی بو سببله زمانمزده قیصه
سوزله افاده مرامه لاقونیزم نامی و برلشدر . اسپارته لیبرجه

ایش کورمک و سلاح اعمالی خارج اوله رق صنایع اجرا ایتک شان بشریتسه موافق اولیوب کندیلری بوش اوطور لر و هر ایشی اسپرلرینه کوردیرلردی . بو علوم و صنایعه اهمیت و برمایش حسیه اسپارته لیلر محدودالعقل برحالده قالب اتنه . لیلر کبی ذکین و فطی و حلال مشکلات اوله مامش لر در و امور مشکله یه قارشو در عقب تدبیرلرینی غائب ایتدکاری کبی درجه نه یایه ده دخی متعصب قالمش لر در . اسپارته قادیلریده عینیه ارکک کبی تربیه کوره رک جسارت و جرآنده و حیث و وطن پرور لکده رچالدن کری قالمز لردی کندیلر نده ضعف مادرانه دن اثر اولیوب محافظه وطن اوغر نده اولاد لرینک ترک حیات ایتسی موجب فخر و مباهات عدا بدرلردی .

هیلوتر بعضاً افندیلر بله برابر محسار به یه کیدر لر سه ده پک زیاده درایت و جسارت کوستر ملری جائز اولیوب در حال شبهه لی اسپارته لیلر بونلری قسقا نارق ازاله و جود لرینه تصدی ایدر لردی . بر دفعه ۲۰۰۰ نفر هیلوت جسارت لرینه مینی ازاد ایدمش و فقط بونلرک جله سی او کیمجه سناتو قرار یله اسپارته لیلر طرفندن محو و اعدام اولتمشدی .

لیکورغک قانونلری باخصوص کبرای ملتک ایشنه کلامکله اوللری بونلرک تأسسی چوق زحمتلی اولمش سه ده نهایت اسپارته لولر لیکورغ قوانینه اطاعته قالدیجه یونانسه تانک الک قوتلی قومی اوله جملری حقنده آپولون هاتفنک قولی هر کسی

طریق اطاعتہ ادخال ایلش و بونی متعاقب لیکورغ کندی
 عودتہ قدر قانونلری بوزمیه جقلرینه بین ایتدر دکن صکره
 سیاحتہ چیقوبرو ایتہ نظراً بوقوانینک ادامه حکمنی تأمین ایچون
 کندیسنی اچلقدن اولدر مشدر .

فی الواقع اسپارطه لیلرله خبلی مدت اصول موضوعه یه
 رعایت ایدرک یونانلرک اک برنجی دولت عسکریه سی و دول
 یونانیه بیننده هکمونیا یعنی تفوق تفوذه نائل اولمشلر در
 موره شبه جزیره سنده مسینا قطعہ سنی فتح و الحاق ایلدکاری کبی
 ممالک سائرده دخی اجرای نفوذ ایدرک بالخاصه پلوپونسده
 برنجیلک پایه سنی قرانمشلر در .

هر قدر اسپارته لیلر ایله مسینه لولر هپ برجنسدن یعنی
 دوری ایسه لده همدود بولملری حسیه ایله ازلنده اسباب
 منازعه و اختلاف اکسک اولمزدی بردفعه مسینا لیلر دن پولقار
 اسمنده بریسنک اوغلی اسپارته لیلر طرفدن اتلاف و مواشیمی
 غضب اولنمندن متولد اختلاف اوزرینه بین الدولتین آتش
 حرب وجدال علوریز اولغله مسینا محاربه لری ایکی دفعه
 تکرر ایدرک ازلده کی آسایش زمانلریده داخل اولدیغی حالده
 هجرت نبویه دن ۱۳۶۶ سنه مقدمندن ۱۲۹۰ سنه مقدمه قدر
 سورمش و مسینانک کلیاً اسپارطه اداره سنه یکمسیله ختام
 بولمشدر .

مسینالیلر اسپارته لیلر کبی مکمل قوه عسکریه یه مالک اولدقلرندن

مخاربه نك ابتدای زنده مغلوب اولمش رسیده صکره ایچلرنده آریستو ده موس اسمنده برقهрман ظهور ایدرک انک سایه سنده خیلی موقیاته نائل اولمش ابدی . آریستو ده موس هاتفک برامربنی برینه کتیر مک ایچون قزینی قربان ایدرک مؤخر اقرال انتخاب ایدلمش ومدت حیاتنده اسپارته نك تعرضاتنی ثمره سز بر ایشسه ده کندی قزینی البله اولدیر مسندن طولایبی مراق کتیره رك انتخار ایلکله بر مقتدر ریئسدن محروم قالان مسینالیلر اسپارته یه عرض تابعیته مجبور اولمشلردر . (۱۲۴۵) .

مسینا اوتوز قرق سنه قدر اسپارته حکمنده قالمش ایسه ده یکی حاکمک معامله درشتانه وظالمانه لرندن پک بیرار اولوب نهایت آریستومن نامنده برقهрман ظهور یله انک اداره سنده اوله رق عصیان واکتساب استقلال ایلشدر آریستومن موقیات حدیده یه نائل اوله رق لاقونیه یه تجاوز ایلش وحتی بردفعه ده یالکزجه اسپارته شهرینه کیروب اوراده کی دیان معبدینه بر قالقان بیه اصمشدر بو احوال اسپارته لیلری قورقدوب موفق اولقی ایچون آتهدن بر قوماندان کتیرتملری طرف هاتفدن اخطار اولمغله بونلرده حکم هاتفی اجرا ایچون آتیه یه مراجعت ایشلر واته لیلر ایسه ذاتا اسپارته نك موقیتنی ارزو ایتدکلرندن قومانده ایچون تیرته نامنده طوپال بر مکتب خواجه سنی کوندر مشلردی فقط تیرته شاعر اولمغله اشعار قهرمانانه ایله اردوسنه جسارتنخش اولمش و یواش یواش مسینایه غلبه ایلشدر .

آریستومن ایراطاغنده تحصن ایدرک اون برسنه قدر طیانمش
ایسه ده نهایت بعض توابعنک اخانتی حسبیلله موقهنی غائب
ایتمش و آرقادیه قطعه سنه قاچوب اورادن بردها مسینایه کیرمش
وینه موفق اوله میوبردوسه فراره مجبور اولمش و اوراده ترک
حیات ایشدر .

بودغه مسینا صورت قطعیده اسپارته یه تابع اولوب
یالکز بعض مسینالیلر اجنبی اداره سنه کیرمک ایستمد کلرندن
ترک وطن ایله خارجده مستعمرات تاسیس ایشلدر . بونلرک
سجلیاده بنا ایتدکاری مسینا شهری حالاً پایداردر . ترک وطن
ایتمانلر ایسه هیلوتلر آره سنه طاغیدلشدر .

بوندن صکره اسپارته لیلر ارقادیه ده تزه شهریه محساربه
واراضیسنی ضبط ایلدکاری کبی آرخوس شهری قبولینه قدر
سواحلی و جنوبده سیتراطه سنی ضبط ایشلر و شمالده آتیقه
قطعه سنه قدر ایصال دست تجاوز ایشلردی . بوجورتله پلوپو
نسک ایکی خسی طوغریدن طوغری به اسپارته اداره سنه
پشمش و اقسام باقیه سیده یه اسپارته نیک تحت نفوذنده قالمشدر .

آتيقه قطعهي . احوال قديمه . آرخونتيق . دراقون قوانيني . سلامين
 قهي . سولون قوانيني : مباحه . صنوف اربعه و حقوق عوميه
 مجالس دولت ؛ تجارت و صنايع ، معارف . پير ايستراتك تيرانغي .
 هيپارخ و هيبياس . هيبياسك طردى . اصلزادگان و اهالي فرقه
 لرى . فلسنتك قوانيني . صنوف عشره ، سناتو ؛ مامو-
 رينك صورت نصبي . اوسترا كيرم جزاسي . آته نك
 ترقيسى

آتيقه وسطى يونانستانك شرق جنوبيسنده كان
 بر شبه جزيره اولوب سائر بعض قطعات يونانيه درجه سنده
 منبت و محصولدار دكسه ده چالشديغي حالده سكنه سنى اداره
 ايده جك قدر محصولات متنوعه يه و قوه انباتيه يه مالك در بو
 كوچك قطعده متعدد اووه لرله مرعاسى چوق طاغلبر بر لرينه
 قارشمش اولغله خلقى هم ذراعت و همده چوبانلقه اشتغال
 انلش و معادن و بانخاصه لاوريومده كى كوش معدنلرى بر قسيم
 خلقى معدنچيلىكه آلدردىغى كى سواحلك و ليمانلرك چوقلغيده
 آتيقه ليلىرى سياحت بحريه و تجارته سوق انلشدر . آتيقه نك قطعده
 يونانيه يه هم محدود اولان جهنلرى طاغلق اولغله من القديم سائر
 يوناني لرله اختلاطى نسبتاً از اولوب بوكا مقابل اوج طرفى دكر

بولنسی بحرأ اقوام بعیده ایله مناسبات کثیره ده بولمسنه بادی اولمش ووسطی یونانستاندن جنوبی یونانستانه کیدن یول اوزرنده بولمیب صاپا بر موقعه اولسی یونانستانه عارض اولان انقلا بات عدیده ومثلا دوری استیلا سندن قورلمسنه بادی بولمشدر بوجهتله آتیه ده باشلی باشنه بر حال ومدنیت مخصوصه تأسس ایده بیلشدر.

آتیه نك سکنه قدیمه سی عموم یونانستانك اهالی اصلیه سی بولنان پلاژ قومی اولوب فقط مملکتته دکر یولی اچیق بولمسی حسیله پیدرپی خارجدن کلان مهاجرلرک تاثیریه خلقك جنس وطبیعتی دوچار تبدل اولمشدر خارجدن بو مهاجرت دائمه نك وقوعی خرافات یونانیده مصرلی ککروپسك ورودی وآته شهرینی تأسیس ایلمسی روایتی ایله ارايه اولمقده در. آتیه یه هر نقدر اوللری فیکه لیلرده کلشلسه ده انلر تأسس ایتمیب اصل اناطولی سواحلندن کلان مهاجرین آتیه یی تصرفه آلمشدر وبونلر اجناس یونانیده دن ایعونیه لی جنسنه منسوب بولمشدر. آته شهری مینرو یا خود آته نا پالاسك جایه مخصوصه سی تخننده بولمغله نامی دخی اکانسبت ایلمشدی. اوللری آته عموم آتیه نك پایتختی اولمیب فقط مؤخرأ آتیه ده حکومت ایدن سلاله لرک جله سی آته یه طویلانقله برقرال اداره سنده اوله رق اتحاد سیاسی وجوده کلشدرکه بده خرافات یونانیده قهرمان تزه یه اسناد اولمقده و تزه نك دره بکلردن کیسنی اقناع ایله وکیمینی

جبرایله آتیه نقل ابله اسکی قلعه و اقامت کاهلرینی هدم و قلع
ایلدیکی روایت ایلمکده در .

ایشنه آتیهک موجودیت سیاسییه سی بوزماندن باشلامش
و پلوپونسک دوریلر طرفندن استیلاسنه قدر قراللق اصولی
اوزره اداره ایلمشدر . آتیهده ایکی صنف خلق اولوب بریسی
اوپاتریدتعبیر اولنان اصلزادکان ایدیکه بونلر ذاتاً آتیهده حاکم
بولنان دره بکیر خاندانی اولغله اداره حکومتده رأی و نفوذلری
زیاده ایدی و دوری استیلاسی زماننده مسینا و سائر برلردن کلان
اصلزادکان عاقله لری ده بونلره منضم اولمشدی . دیگر صنفده
هادی اهالی ایدی . اصلزادکان ذاتاً قراللرک اهالی به استناد
ایدرک کندیلرینک نفوذلرینی اضاعهده موفق اولمردن قورقدقلمری
و تبدیل ادارهده بر چاره ارامه لری جهتهله قرال قودروسک
محافظه وطن اوغورنده فدای حیات انلمی اوزرینه کویاقرال
ناهی بشقه کسهده لایق کورلمدیکندن بو اسم آرخونت عنوانده
تبدیل اولمش و صکره لری آرخونتلق قودروس سلاله سی
الندن انهرق بو مقامه اصلزادکان دن بری تعیین و انتخاب
اولغله باشلانیدغندن آتیهک اداره سی جمهوریت اشراف طرزینه
کیر مشدر .

اوللری آرخونسلر قید حیاتله نصب اولندقلمری حالده
صکره لری مدت مأموریتلری اون سنهده ودها صکره بر سنهده
ایندیرلمشدر آرخونلر زادکانک النده بر آلت اوله رقی بونلر

مملکتی کیف مایشاه اداره ایلدکری کبی مملکتک محکمه قدیمه عالیسه سی اولان آره اویاغ مجلسه نیک اعضاسی دخی بونلردن بولندیغندن و قوانین و نظامات نشر ایدلامکله خلیجه معلوم اولیوب اصلزادکانبجه بر سر طوتلدیغندن صنف حاکمک تعدیاتی تحمل اولنه میه جق درجه یی بولیوردی .

حالبوکه آته اهللیسی بر حالدله قلیوب کرک متصل خارجدن یکیدن یکی به ارباب حرفت و صنعتک ورودی و کرک تجارت بحریه سایه سنده پیدرپی کسب ثروت ایدلمسی صنوف اهالی به حقوق سیاسیبه و مدینه دن استفاده آرزولرینی القا ایلش بولند. یغندن خلق رفع صدای شکایتله هیچ اولمزه قوانین دولتک معلوم اولسنی طلب ایلشدر و دراقون نامنده بر آرخونت او وقت متداول و معتبر قوانین جزاییه و سارهبی جمع ایله نشر ایلشدر . فقط قوانین مذکورله خلقه قائله یازلمش دنیله جک درجدهده ظالمانه کورنمکله بنه برچوق شکایات و قاریش قلقلر واقع اولمش وزادکندن کیلون نامنده بریسی بو تشوشدن بالاستفاده شهرده اداره مستبده احداثه چالشمشسهده . موفق اوله بیدرق مغلوب و اکثر طرفداری مقنول اولمشدر .

کیلونک دفعندن صکره دخی اسایش اعاده ایدیله میوب اصلزادکان و اهالی بیننده اختلافات و منازعات درجه نهاییهده آرمش و نهایت بو فنالقلر کیلون طرفدارانندن بعضیلری معبده انجما ایتدکری حالدله قتل اولنلردن طولایی معبودلرک حدتلیته

جمل ایدیلهرک ایدیلان کنهاک عفوی وسائلنک استکمالی ایچون
 کربدن زاهد مشهور اینید نام ذات جلب ایدلمش و بو آدم
 حکیم مشهور سولون ایله متفقاً وجدان عامه بی تسکین ایلیدجک
 تدابیرده بولتمشدر .

سولون یونان قدیمک مشاهیر شعرا و حکما سندن اولوب
 بالاده ذکر اولنان دور فترته آته ده وطن پرور لکله کسب اشتهار
 ایتکه باشلامشدی . کندیمی اصلاً نجیب و حتی قودروس
 نسلنه بیله منسوب اولدیغی کی تجارت ایله ده اشتغال ایدرک
 ثروت و سامانه مالک اولمشدی . سولونک شهرت تاریخیه سی
 سالامین اطه سنک فتحیله باشلامقده در .

سالامین اطه سی ذاتاً آته لولرک متصرفاتندن اولدیغی حالده
 مغار جمهوریت صغیره سی قومشورینک تشوشات داخلیه سندن
 استفاده ایدرک اوراسنی ضبط ایش واته لیلر دفعاتله استردادینه
 تشبث ایلدکری حالده موفق اوله مامشردی حتی سالامینک
 مغار لیلر یئنده قلمسی اداره اصلزادکان علیهنده بولنانلرک
 سرمایه شکایتلری اولغله بو مسئله دن علناً بحث ایدلمک مجازات
 شدیده تعیینیله منع بیله ایدلمشدی . آته نک مابه الحیاتی دیمک
 اولان سالامینک استیلای خصماده قلمسی ایسه سولونک عروق
 حیینه طوقونمغله مشار ایله بو بایده بر طاقم اشعار
 مؤثره انشاد ایدرک و کندیسینده مادتا مجنون کبی بر حالده
 کوستردرک جمعیت ناس اره سنده قرائت اشعاره باشلامش و بونک

تأثیر بیه اهلیده حیت غلیانه کله رکه هر کس سلاح جنوب سولونک قومانده سنه کیر مکه سالامینک فتحنه موقیت حاصل اولمشدر .
ایشته بو وقعه سولونک مبدأ اعتلاسی اولوب بو سایه ده مشار الیه آرخونلق پایه سنه چقمش وزمان مأموریننده وطنی ایچون مناسب کوردیکی قوانینی عومه قبول ایتدیره رکه تأسیسه موفق اولمشدر .

سولون بعدما اتنه بی اداره ایده جک اولان قوانینی وضع واحداث اول جمیته عارض اولان خسته لغی دفعه چالشه رق بو بایده تدابیر مؤثره اتخاذ ایشدر .

او زمانلرده نقود متداوله غایت آز وفائضک مقدراری ایسه چوق اولوب کرک اراضی ایجارندن و کرک جهت قرضدن اصحاب املاک و اصلزادکانه مدیون بولنان اهالی بورجلرینی ویره مدکری حالده مال و ملک لرینی و حتی قوانین شدیدده موجوده یه توفیقا حریت لرینی یله غائب ایدرلردی .

صنوف ناس آراسنده کی خصومت شدیدده الک زیاده بوسبیدن نشأت ایدوردی -- سولون اول امرده بومشکلاتی حاله تشبث و دیون قدیمه فائض لرینی تنزیل و مدیونک دینده مقابل اسیر اولسی قاعده سنی الغا ایدرک پک چوق آدم لری حال حریته اعاده و تصرف املاکه نائل ایشدر بوندنصکرده مملکتک امور مالیه سنی تحت انتظامه ادخال ایچون اصول مسکو کاتی اصلاح ایشدر .

سولون تشکیلات جدیده سنه اساس اوله رق و طنداشانی
ثروت ارضیه بی اساس طوتارق درت صنفه تقسیم ایشدره .
ایلك اوچ صنف آزچوق صاحب ملک بولسانلردن ترکیب
ایدوب دردنجی صنفه ده صاحب ملک اولمیان احرار موجود
ایدی .

برنجی صنفه بولسانلرک ثروتلری کندیلرینک تعیش
غوائلندن آزاده بولمیرینه مساعد اولمغله بیوک دولت مأمو .
ریترلی آنره تخصیص ایدلمش وینه دولته ویرکو ویرن صنف
ثانی و ثالث افرادینک دخی ایکنجی درجه ده مأموریتلره
و سناتو اعضا لقرینه تعیینی اصول اتخاذا اولتمشدی . یعنی
خدمات دولت ثروت ارضیه به مالک اولمغله بقای دولته
هرکسدن زیاده علاقه دار اولان صنوفه تخصیص قلمشدی
مع مافیله مأمورینک انتخابی قوانین قبولی حرب و صلحه قرار
ویرلمسی کبی برچوق امور ملت مجلمسی النده اولوب بو مجلسده
صنوف اربعه دن عموم حقوق سیاسی به مالک و طنداشانی حاوی
ایدی یعنی نتیجه حالده حکم و تفوذینه اهالی یدنده اولوب
انلرک اعتماد و امنیتنه مظهر اولمیان خدمات دولته استخدا
اولنه مزدی .

بو ملت مجلس عمومیسندن بشقه مصالح جاریه حکومتی
کورمک و مذاکره انلک اوزره درتیوز اعضادن مرکب
برده سناتو مجلمسی بولنوب بونک اعضامسی اصحاب املاکدن

اوله رق هر سنه عموم اهالی طرفندن انتخابله تعیین اولنوردی
 قدیماً موجود بولنان آره عویاغ محکمه عالیه سنک وضع
 اصلیبی دکشدریلرک بونک اعضالغی آرخونتلق مأموریتنی
 حسن ایفا ایش بولنانزله تخصیص ایلمش و قتل نفوس
 و سارهبه دار محاکمات آتدنگ، بالجمله ارباب درایت و اقتدارینی
 حاوی بولنان بوهیئته حواله اولندیغی کبی احوال فوق العاده
 مجالس ملیه سارهبه حکم و قرارلرینی فسح و ابطال ایش
 حقی دخی ویرلمشدی . بوضورتله مجالس دولت درجات متفاوته
 اوزره مرتب اولوب اصل مجالس ملی کبیره بتون وطنداشان
 داخل اولغله ارباب اقتدار دها اورادن ارائه درایت و رویته
 باشلایه رق بین الاهالی کسب معرفیت ایدر و بوجلسک مذا
 کرات طولیه سی هوسکاران سیاسیانه کوزل برمکتب تجربه اولور
 ایدی آرخونتلق مدتی ینه برسنه اوله رق ایضا ایدیلوب فقط
 مقداری طقوزه ابلاغ ایدلدی برنلردن برنجی آرخونت اصل
 مقام حکمداری وارثی اوله رق مراسم و تشریفاته ریاست و عائله یه
 متعلق اموری رؤیت ایدر ، ایکنجی آرخونت امور مذهبیه ایله
 اشتغال ایلر و اوچنجی آرخونته ایسه پولیمارق نامی ویریلوب
 بوده امور عسکریه به نظارت ایدردی . سائر التی آرخونتک
 بو بولده معین و ظائفی اولیوب انلرده دیکر امور اداره و عدلیه به
 بقارلردی .

سولون آتدلیلرک کرک زراعت و کرک حرف و صنایع

و تجارتده حصول ترقیبری ایچون تدابیر عیدیه اتخاذا ایلدیکی کبی
 تربیه اطفاله دخی اعتنا ایتشلردر اطفال اول باول اولاد وطن
 بولمغله اوزمانه قدر پدرلرک حازر اولدقلری حقوق غیر محدوده
 بی تحدید و تنقیص ایلدیکی کبی مکاتب عمومیهده اطفالک هم عموم
 یونانیلرجه مزیت عظمی اولان جناساتیق تعلیملرنده کسب مهارت
 ایلرینی و همده موزلرک تخت جایه سنده اولان طقوز فن و صنعتک
 یعنی تاریخ قومدیا درام شعر هیئت بلاغت رقص و موزیقهنک
 مکملاً تعلیمی تقرر ایتدیرمشدر .

سولونک قانونلری آته بی حکومت اشرف طرزندن قورتا
 روب حکومت عوام حالته قومیشسهده ینه اصل زادکان النده
 برخیلی اقتدار براقش و زورینه برشی تأسیسنه قاقشمه رقی
 قوانینک دها زیاده کسب مکملیت ایلسنی زمانه براقشدی حتی
 خلقه بوباده اجرای تضییق ایلدیورکبی کورنمانک ایچون مأمو
 ریندن استعفا و قوانینک اوز سنه مدت تماماً مرعی اوله جغنی
 وعد ایتدیره رک سیاحته بیله چیقدی .

فقط دها خلق حقوق مذکورهدن حسن استفاده به لایق بیله
 آلتمدیغی کبی اصلزادکانده اسکیدن الشدقلری حکومتی براقیورمک
 ایستمدکلرندن براز وقت صکره منازعات قدیمه ینه باش کوسترمش
 و بوضرده اصلزادکندن و سولونک اقباسندن پیرنسترات اهالی
 بی التزام ایلدیورکبی کورینه رک آتهده تغلب و تیرانلق احداث
 ایتشددر . پیرنسترات غایت عاقل بر آدم اولوب هر نقدر خصما

سنگ غلبه سیله ایکی دفعه نئی ایلمشسه ده ایکیسینده ده اعاده حکومته موفق اولمش و فقط ظلم و غدر یولنه صایم یوب مملکتی حسن اداره ایلشدیر پیر ایسترات سولونک قانونلرینی فسخ ایتمه رک کندی موقعنه خال کلامک شرطیله انلری اجرا ایلدیکی کبی آتیه شهرینی دخی پک چوق توسیع و تزین ایتمه برمش، خارجه آتیه مستعمراتی چوغالتش و شاعر او میروسه اسناد اولنان آثار شعریه بی جمع ایله بر کتاب هیئنه قویوب بوصورته یونان خزان ادبیاته آتیه بی مقر ایلشدیر.

پیر ایستراتک وفاتندن صکره تیرانلق مقامنه بیوک اوغلی هیبارخ پکمشسه ده اوده حکومت جدیده نک العاسنه چالشمق اوزره عقد اتفاق ایدن برطاقم اصلزادکان طرفندن اتلاف ایلمکه حکومت پیر ایستراتک کوچک اوغلی هیپاسه قالدی . هیپاس طبعاً ظالم اولوب برادرینک اتلافی بهانه ایلدیه رک شبهه ایتمه ایکی آدملی برر بر نفی و تبعید ایلش و نهایت هر صنف خلقی کندیسندن دلگیر ایتمکله عموم بو متغلبک علمیه قیام ایلشدی . ذاتاً او عصرده یونانستانک هر طرفنده تیرانلر ظهور ایدرک بونلرک اذاله وجودلریله حکومت اشرافک اعاده سنه اسپارطه چوق چالشمده اولدیغندن بودفعه ده اسپارطه قرالردن قله عومن قوه کافیه ایله آتیه کله رک آنک معاونتیه هیپاس مقام حکومتدن طرف ایلدی و مؤخرأ ایرانلر زدیته انجا ایدرک مدیا محارباتک ظهورینه ده خیلی دخلی اولدی .

آته دن هیپاسک طردی خصوصنده هرکس متحد بولنش
ایسه ده آنک اداره می برینه اقامه ایدیه جک حکومت حقنده
اتفاق یوقدی اسپارطه لیلر و آنلرک بمیلری بولنان ایزاغوراس
واصلزادکان صنفی سولون قانونلرینک فسخیه حکومت اشرافک
اعاده سنه تشبث ایشلردر فقط اکثریت ناس ایله بولنرک ریاستنده
اولان کبار زاده قلسنت سولون قانونلرینک توسیع ودها زیاده
اداره عوامه موافق صورتده اصلا حیلله ابقاسنی التزام ایشلر
ونهایت هم اسپارطه یه وهدمه ایزاغوراسه غلبه ایدرک قلسنتک
تعذیلاتیه برابر قوانین موجوده بی مقام مرعیه چیقارمشلردر
(ق ۱۱۳۰)

سولون قوانینه بودفعه ایدیلان تعذیلات غایت مهمدر
قلسنت اهلینک درت سنه تقیمی اصلزادکانک وحدت سیاسیه
سنه خلل کتیرمدیکنی کوره ریک صنوف اهلینک مقدارینی اونه
ابلاغ ایلدی فقط بونده مقدار ثروتی اساس طوتمیوب آته شهریه
آتیقه قطعه سنی یوز ناحیه و اداره بلدییه تقسیم وهر اون ناحیه بی
ده برصنف ویا قبیله اعتبار ایشلدی بوضورتله هر صنفده ارباب
ثروت ایله متوسط ثروت صاحبی ویا خود فقیر و طنداشان مجتمع
اولمقله اسکی صنوف متحد اورتده دن قالدیرلدی نواحی زمانزده کی
اوروپا ناحیه لری کبی مختاریت اداره بی حاز بروحدت سیاسیه
اولوب واردات مخصوصه و مأمورین ملکیه و مذهبییه می
وده مارق نامیله برمدیری بولنوردی . بوضورتله هرکس دهانا ناحیه

مجالسندہ امور ادارہ ایلہ اعتیاد کسب ایدردی . هر قبیلہ دولته
بیک نفر پیاده عسکر و اون نفر سواری ایلہ بش قطعہ حرب
سفینہ سی و بر و بونلرک اسلحہ و تجهیزاتی قبیلہ طرفندن ایضا
اولنوردی بوقوه عسکر بهنک قوماندانی سترانه یا یادایدیلوب
ینه طرف قبیلہ دن انتخاب ایدیلوردی .

قلمسین سناتو اعضاسنک مقدارینی دخی بشیوز عدده ابلاغ
ایدرک هر قبیلہ دن سنوی الی عدد اعضا انتخاب ایدیرمش
وسنه بی دخی اون قسمه تقسیم ایدرک هر اوتوز الی کونده سنا .
تونک ریاستنی و بناء علیه آتہ معابد خزان و دوائر رسمیه سنی
حاوی اولان آقر و پولک محافظه سنی بر قبیلہ مبعوثلرینه بر اقرار
بوصورتله بین الصنوف مساوات کامله حاصل ایتشدرد . ذاتاً
قلمسین بر مدنر آتہ ده توطن ایلش اولان ارباب حرف و صناعی
وطندا شلق حقوقندن مستفید ایدرک بوجهلده حصول مساواته
یاردم ایتشدی بوندن بشقه مأمورین انتخاباتنده وقوع بولان
فسادات و مناسبتسزلکرک اوکنی المی ایچون نامزدلر بیننده
قرعه کشیده سیله طالعی یاور اولانک نصب ایدلمسی اصولنی
احداث ایتشدرد .

قلمسینک اجراءت مهمه سندن بریده محاکمات جزائیہ ایچون
هیئت عدول اصولنک احداثی و برده مشهور اوستراکیرم
جزاسنک ایجادیدرد . اوستراکیرم قوانین دولجه داعی جزا

اوله جق بر فعل و حرکتی کورلمدیکی حالده عوماً اوضاح و اطواری نیاتی حقنده داعی شهبه اولان ذواتک زای اهالی به مراجعت اولدرق اون سنه مدته آتهدن تبعید اولتمسندن عبارت ایدی فقط تبعید ایچون التي بيك كشي طرفندن زای ویرمک مشروط ایدی . غرائب تصادفاتدن اولهرق اتهدده اک اول اوسترا کیرم جزاسی فلسن حقنده اجرا ایلمشدر .

ایشنه بوصورتله آتهدنک اداره سی کلیاً ده مو قراسیه اصولنه کیره رک آتهد لیلرده قوانین جدیده لرینی محافظه به و خار جده توسیع نفوذ و تجارت ته مو فقی اولدق زدن اسپارطه نك اسکی تفرد سیبا سیمی قالمیوب یونانده بر دولت مقتدره ده پیدا اولمشدی . یونانستانک زمان تهلکه سنده بونزدن هانکیسنگ ده ها زیاده ایشه یارادیغی مبحث آتیده کوریله جکدر .



مدیا بحار به لری

یونانستان خار جنده کی یونانلر . اوروپا و افریقا ده یونان مستعمراتی . ابعوئیه . لیدیا و ایران استیلالری . ابعوئیه عصبانی . مارد و نیوسک سفری . اینکچی مدیا بحار به سی . ملتبادس و ماراتون مظفریتی . ملتبادسک عاقبتی . بیوک بحار به ندرکاتی . سرخسک یونانستان اوزرینه بورمیسی . یونانلرک ندرکاتی . آریستید و تمستوقلس . ترمویل و قعه سی . ارنه میزوم بحار به لری . آتیقه نك استیلای . سسالامین بحار به سی . سرخسک رجعتی . بلانه بحار به سی . یونان هیئت منفقه سی .

اقوام یونانیه یالکز نفس یونانستانده سا کن اولمیوب خار جده

ده برچوق مستملكانه متصرف ايديلو كرك يونانيلرك تجارت بحريه به
 و اسفار بعیده به اولان ميل طبيه ميريله اساساً مملكتلرينك تكثير
 الملكده بولنان نفوسه نسبتله طارلغى و كرك يونان حكوماتى داخلنده
 منازعات و مجادلات سياسيه اكسك اولميه رقى مقلوب فرقه لره
 منسوب اولانلرك ترك دارو دياره مجبور اولملى بومستعمرات
 خارجيه نك مقدارينى پيدربى آرتدبر مقده ايدى . اجناس يونانيه
 مياننده الزياته مستملكات تاسيسنه موفق اولان جنس ايعوينه
 ليلر اولوب يونانستان قطعه سنده مقدارلى آز ايسده خارجه
 كى ممالك يونانيه نك قسم اعظمى بونلرده ايدى . اوليه
 جنسى ايله دورى جنسك دخى متصرفات عديده لرى اولوب از جمله
 دورى ممالكندن بولنان كريد جزيره سى تادور خرافا قنبرى بر
 دولت مستقليه مقر اولمشدر .

يونانيلر مستعمرات خصوصنده فنيكه ايلرى پكمشلىر و بحر
 سفيدك هر جهته يانلشلىردى بومستعمرات سايه سنده يونانك ممالك
 مختلفه ايله تجارتي آرتديغى كى سائر اقوام قديمه ايله اولان
 اختلاط معناً دخى موجب ترقيات اولمشدر اوروپاي غريده
 يونانيلرك مستملكاتى عاليه قطعه سنك الكباشلى تجار تكاهى اولان
 مارسليا شهرى ايله ايتاليانك بيوك يونانستان تعبير اولنان طرف
 جنوييسى و سچليا اطه سنك قسم اعظمى محتوى ايدى . بوجهته
 يونانيلرك الك بيوك دشمنى قارطاجه ليلر اولوب باخصوص سچليا
 اطه سنك تصرفى آرزوسنده بولنان قارطاجه ليلره سچلياده كى

سیرا کوز شهری حکمرداری اره سنده همان دائمی بر بحار به
 موجود ایدی. آفریقہ نك شمالنده و بنغازی طرفلر نده تأسیس
 ایدیلان سیرن شهری او جوارلرده عنصر یونانی به قدرت محکم
 ویرمکده ایدی اور و پاده نفس یونانستاندن بشقه ما کدونیا و تراکیا
 سواحلنده بر چوق بحال یونانیلر بندنه بولونیوردی یونانیلر قبریس
 جزیره سنك قسم کایسنه مالک و مصرده اجرائی تجارت ایچون امتیازه
 نائل اولدقلرندن بحر سفید شرقینک عادتاً واسطه تجارتنی اولمشلر
 ایدی. فقط ممالک خارجیة یونانیه نك الکهمجی ایعونیه قطعده -
 سی ایدیکه آسیای صغرانک - و احل غربیه سیله عموماً جزائر
 بحر سفیدی مشتمل اولهرق بلاد مشهوره سندن آیاصولوق و میله
 واز میر شهرلری عهد قدیمک الک یولک تجارتنکا هلرندن معدود ایدیلر.
 ایعونیه نك سکندسی مقدارجه وطن مرکزیده کی همجندس لرینه
 بلکه ده فائق بولنور ایدی.

ایعونیه نك هر شهر و قسمی من القدییم مستقل و اکثرآ جمهوری
 برر حکومته مالک اولوب مؤخرآ عالیات و قره زوس دورلر نده
 دوچار تجاوزات اولهرق لیدیانک قسماً تخت نفوذینه کیر مشلر
 ایدی فقط تاریخمک قسم اولنده کورلدیکی اوزره لیدیانک اکیال
 توسع ایلسنه وقت قابلهرق ایرانیلرک پای تسلطلری اورا یه ده
 یقشمش و غالب و مغلوب بجله کینخسروک سطوت عسکر به سنه
 بیون الکککه مجبور اولمشدر.

ایعونیه هر نه قدر ایرانه تابع اولمشسه ده محتوی بولندیغی

بلاد و جزائر یونانیہ بنہ اداره داخلیدہ لریجہ حال استقلالده
 قالمشردی فقط نفوذ ایرانیہ ثمره سی اوله رقی هر یرده اداره
 عوام اصولی خلافتبر اولمش و بر مقتضای منفعت شهنشاه ایرانک
 الصادق بنده لری اولقی لازم کلان بر طاقم متغلبلر هر یرده
 ضبط حکومت ایله تیرانلق اصول اداره سنی احداث التشلر
 ایدی .

بو تیرانلر رسماً ایرانه تابع و خراجکذار اولدقلری کبی
 طلب اولندیغی حالده بالفعل عسکرلر بله خدمت ایرانیه یده کیررلر
 ایدی . حتی اسکیت سفرنده دارا معینده ایعونیہ معاونه لری
 بولندیغی اقدیجه کورلمشدی .

مع مافیہ ایرانک ایعونیہ ده کی نفوذی اساسلی اولمیوب
 تیرانلرک مظالمندن بیرار اولان خلق فرصت بولدیجه ده موقراسیه
 اصول اداره سنی اعاده و اعلان استقلال ایدرلر و بو بایده
 یونانستانده کی هم جنسلیرنک ده معاوتلرینه مظهر اولورلردی .
 حتی دارا اسکیت سفرنده بولندیغی صرده ایعونیهدنک اعلان
 استقلال ایلدیکی و ایعونیهدنک ممالک ایرانیه تجاوزله سارد
 شهرینی بیده ضبط و احراق ایلدکلی معلومدر . دارا هر تقدر
 ایعونیهدنکی صورت شدیدده تأدیب ایلدیسه ده منبع فساد اولان
 آتیه تأدیب اولمدیجه بوکی احوالک تکرردن خالی قالمیه جغنی
 بک اعلا بیلدیکندن یونانستانه بر سفر اجراسنی اساساً قرار
 لشدرمشدی . ذاتاً او وقت فارسلیلر یونانستاندن بشقه عوم

حوالی، شرقیه بی بد تسخیره بچیرمش بواند قزندن بو کوچک
مملکتک معاملات خصمانه ده بولنسنی چکه میده جگری و اوراسنی
دخی برساتراپلق حالنه قویارق رقییدن خالی قالمق ایستیه جگری
درکار ایدی .

ایشته احوال مذکوره تاریخک وقایع عظیمه سندن بولنان
مدیا بحار به لریک تحدیثه باعث اولمش وغریبدرکه ایرانک مقدمه
انخطاطی اولان محاربات مذکوره به دولت ایرانیه نک مجدی
وعادتا مؤسس ثانیهسی بولنان دارا زماننده باشلانمشدر .

دارا یونانستانی تأدیپ ایچون بو سفرك الك زیاده طرفنداری
اولان دامادی ماردونی نک قومانده سنده بر دوتنسا واردو
سوق ایلش ایسه ده دوتنسا آیناروز آچمترلند؛ فورطنه به طویله رق
غرق و پریشان اولدیغی کی اردوده او حوالی به وارنجه به
قدر تلفات کلیه به اوغرادیفندن بو سفردن هیچ نتیجه چقمیه رق
عودت ایلمشدی .

بو برنجی موقیتمزلك اوزرینه دارا حرب پلاننی دکشدره-
رك طوغریدن طوغری به آتیه اوزرینه مهاججه به قرارورمش
ولیدیا والیسنک اوغلی آرتافرن ایله مدیا معتبراندن دایسک
قومانده لرینه مودوعاً تقریباً یوز بیک پیاده واون بیک سواری
وبیک قدر سفینه دن مرکب بر قوه جسمیه سوق ایلمشدی .
آتیه دن مطرود اولوب دارایی اعلان حرب به تشویق ایدن
جیتسز هیپیاس ده بواردوده بولونیوردی . ایران قوماندانلرنک

تعلیمیاتی بعض اطه‌لرک تأدیبی ایله بالخاصه هییاسک اعاده
 حکومته غیرت ایلمسینی آمر بولویوردی .

بو سفر بالخاصه آتیه علیهنده اوله‌رق ترتیب ایلدیکی کبی
 آتیه‌لیلرده دشمنه قارشو یالکز قالمشدر ایدی . اولجه دارا
 طرفدن یونانستانه عرض اطاعت و عبودیتی طالب سفرا کوندر
 یه‌رک بلاد یونانیه‌نک پک چوغنی ایرانه تمایل ایلش ویالکز
 اسپارطه‌لیله آتیه اولور بو یابده مطالبات ایرانییه نمایشات کوستر
 مامشدر ایدی . ایرانیلرک آتیقه‌یه جوار اولان اغریوز جزیره
 سنه چیقارق اوراده خالاکیس شهرینی تخریب و قارشویه کچمه‌که
 تشبث ایلری اوزرینه آتیه‌لیلر سریرعاً طلب معاونت ایچون
 اسپارطه‌یه مراجعت ایلشدر سده اساساً آتیه‌لیلرک ازلیری نی نظر
 ممنونیتله کورن اسپارته‌لیلر ماهتاب زمانی اجرا ایلمسی معتاد
 اولان مراسم دینییه بی بهانه ایدرک اغریمتری نی تأخیر ایتشدر ویالکز
 کندی قوتلرله محاربه‌یه مجبور اولان آتیه‌لیلر ایسه هر صنفدن
 تقریباً بیکر نفر اولق اوزره اون بیکه قریب عسکری دشمن
 قارشوسنه سوق ایلشدر بو قوته یالکز پلانه شهری طرفدن
 کوندریلان بیک نفر التحاق ایلش و محاربه اغریوز قارشوسنده
 کائن ماراتون صحراسنده وقوع ایلشدر .

آتیه اردوسنده هر قبيله نفراتی ایچون برستراته‌نا (قوماندان)
 اولوب بونلر نوبتله برر کون عومه قوماندایدرلردی قلمستندن
 صکره آتیه‌ده کسب نفوذ ایلش بولنان تمستوقلس و آریستیدده

بونلر میانده ایسه لرده سترانه خالر میاننده مهارت حریده جه
ملتیا دیس برنجی درجه ده ابدی .

ملتیا دیس اساساً اته زادکاتندن اولوب مدت مدیده
کلیولی جوارنده کرسونس بلده سنده حکومت و مؤخر
دارانک جالب شهه سی اوله جق افعالده بولمعه آتنده التجا
ایلشدی ذاتا قوم ملتیا دسک درایت عسکر به جه تفوقنی قبول
ایلدیکندن محاربه قطعیده مومی الیهک نوبتی کونی اجرا
ایلمش و بونایس لک چابکلکری وفدا کارلقری و بالخاصه
قوماندانلریک حسن ترتیب و اداره سی سایه سنده شاهد مظفریت
اتدلیل طرفنده رونما اوله رقی ایرانیلر هزیمت کلیده دوچار
اولشلردر (ق ۱۱۱۲)

بو مغلوبیت اوزرینه ایرانیلر دهها زیاده ثبات تجاویزی
موافق احتیاط کورمدکلرندن پک جزئی خساره اوغرامش
بولنان دوغمالریله عودت ایلشلر و ایرتسی کون آتندک معاونه
کلان اسپارطه لیلر ایسه تهلکده و کندی امدادلرینه چار
چشمه منتظر فرض ایلدکلری شهری مستی غالبیله اجرای سور
وسرور ایلکده بولشلردر . اشبو غلبه نك مسبب اصلیبی
بولنان ملتیا دس ایسه وطنداشانندن مکافات رینه مجازات
کورمشدر . کندیسنک ذاتا اصلزادکان قدیمه دن بولنسی
وتابعیت ایرانیده تیراناق ایلمش اولسی حسیله دشمنی چرق
ایسه ده موقیت واقعه سی بونلری اراننه خصوصتدن منع

ایدیوردی . فقط بعدالغلبه ملتبادس ایرانه طرفداراق کوسترن
اطهر اهابسنک تأدیبری ایچون دویتما ایله حرکت ایدوب
پاروس اطهسنه هجوم ایدرک موفق اوله مدیغندن بونی فرصت
اتخاذ ایدن خصمهای پاروس سفیرینی ککندی اغراض
شخصیه سی اوغورنده وبلا موجب چیقاردیغنی بیانله کندیسینی
اتهام ایلمش و بونک اوزرینه ملتبادس مصارف سفیره نك تأدییه .
سنه محکوم اولوب ذاتاً اغردرجه ده بجروح اولغله وطنداشانک
بو قیمت ناشناسلقیرینه نکران اوله رق اتمام انقاس ایلمش و محکوم
اولدیغی جزای نقدی اوغلی کیون طرفندن تسویه اولمشدر .
مع مافیه ایران دولتنگ بویله بر مغلوبیتی سینده تحمله چکهرک
یونانستانه تجاوز افکارندن فارغ اولیسه جغنی درکار ایدی .
دارا بو دفعه بالذات سفره کیتکه قرار ویره رک تدارکات عظیمه
ده بوللمسینی هر طرفه امر ایتمش ایدی . مع مافیه کتاب اولده
کوریلان اسبابدن ناشی ایرایلرک یونانستانه هجوملری بککمش
وسرخس اساساً قبل وجرأتمسز بر حکمدار اولدیغندن آنک ترددی
دخی زمان هجومی تأخیره بادی اولوب نهایت برچوق تردددنصکره
اوزمانه قدر هیچ کورلرک درجوده کلی بر قوته یونانستانک ضبطنه
بوریمشدر . سرخسک اردوسی هندستاندن مصره قدر مالک
جسمیه ایرانیه ده ساکن بولنان بالجمله اقوامدن افراد عسکریه بی
حاوی اولوب بالکز قوه بحاربه بریه نك مقداری برملیونی
متجاوز اولدیغی مرویدر . بوندن بشقه بالکز پک درتیوز

حرب سفینه سندن و نقلیه سفائی و مراکب صغیره ایله برلکده
 درت بیکه قریب کیدن مرکب برده جسم دو تنما بواردو ایله
 برلکده حرکت ایدوردی دو تنانک قسم اعظمی کچیلمکده
 یکتا عداولنان فنیکه لیلرله قاریلیر، مصریلر و ایعونیه بونایلیری
 طرفندن و برلشدی . فقط قوای ایرانیه حقیقت حالده وهله
 نظرده کورندیکی قدر دهشتلی اولیوب اول امرده سرخسک
 عدم متانت و عاداتا جباتی و ثانیاً عسکرک حیت و غیرت
 و وطنیه دن عاری اوله رق جبراً قالدیرلمش آدمردن مرکب
 و اخلاق و عادات و لسان و مذهبه مختلف و بربرلینه امنیتری
 آز و خصم و متلری زیاده افرادی جامع اولسی نسبتاً بو یوک
 و مهیب اردونک قوه معنویه جه کربده قلمسنی مؤدی بونایور
 ایدی بونکله برابر هر حالده یونانستانک استقلالی ایچون عاداتا
 ناقابل دفع برتهلکه اولان بواردو چناق قلعه بوغازنده
 مصریلر و ایعونیه و فنیکه لیلر طرفندن قوریلان ایکی کورپیدن
 پکهرک تراکیایه کلش و اورادن ساحل بوینجه یونانستان
 اوزرینه بوریمکه باشلامشدی دیگر طرفدن دو تنما دخی اردویی
 تعقیباً کیدوب اسکی آیناروز فلاکتک عدم و قوعی ایچون
 شبه جزیره مذکوردهده بانخاصه آچدیریلان قنالدن پکهرک
 یونان صولرینه مواصلت ایلشدی . اولجه عسکرک کذرگاهنده
 مکمل مهمات انبارلری تأسیس ایدلمش اولمغله ارزاق خصوص
 صنده مشکلات چکلمدیکی کبی بولده هر قوم سرخسه عرض

عبودیتہ مسارعت ایلدیکندن ماردونیوسک ایلاک سفزنده کی احوال غیر مساعده بودفغه تکرر اینک شوینه طورسون ما کدونیا ونسالیبا حکمدارلرینک دخی معیت موجودلری ایله معیت شاهیی به التھاقلری قوت ایرانیانی برقاندها آرتدیرمش و سرخس یونانستانک فیولرینه قدر ممالک موروثه سنده سیاحت ایدر کی کمال راحتله وارمشدی. مع مافیسه ایرایلرک اکیال تدارکانه صرف ایلدیکاری مدنده یونایر و باخصوص آتھلیلر. ده بوش طور مامشردی. ایرانک یقینه همده اولکی مهاجراته قیاس قبول ایتمز برصورت مهیبه ده کیرو دونه جکی عقلای یونانیه نیک معلومی اولغله بونلر وقت غائب ایلدیه رک حربه حاضر لئلسنی توسییه ایدیورلر دیکه بونلرک سرافرازی دخی تمستوقلیس ایدی. تمستوقلیس ذاتاً حریص شهرت بر ذات اولغله محاربه مستقبله ده اکتساب شان و شرف ایلاکه چالیشبوردی و ایرایلره قوه برهجه مقاومتک عدم امکانه قائل اولغله آتھنک استقبالی برنجی درجه ده بر دولت بحریه اولمق جهتنده بولندیغنی کورمش و آرخونلغنی زماننده بر طرفدن پیره شهر ولیمانی و استحقاقاتنی انشا ایتدیردیکی کی دیگر طرفدن دخی اوزمانه قدر اهالی بیننده توزیع ایدیلان لاوریشوم کوش معدنلری فضلّه حاصلاتیله پیدرپی سفائن حربینه انشا ایتدیریله. رک آتھنک ایکویوز پارچه حرب کیسنده مالک اولمسی ایچون برقانون تکلیف ایلش و قبول ایتدیر مکده موفق اولمشدی.

تمستوقلسك آتته بی بریلك حالندن چیقاروب صرف بر حکومت
بحریه صورتنه افراغه چاشمی ذاتاً افکار سیاسیه جه
تمستوقلسه رقیب اولان آریستیدك اعتراضاتی جالب اولمغله
تمستوقلس بلا مخالفت تصور اتنی حیرت حصوله کتیرمک ایچون
آریستیدی اوسترا کیریم ایله مملکتدن تبعید ایتدیرمشدر .
مع مافیہ زمان تمستوقلسك افکارنده محق و مصیب اولدیغنی
هیدانه قومشدر .

بودفعه ایرانلرک هجوملرندن مقصد ساده آتته نك تأدیبی
اولوبوب عموم یونانستانک برساتراپلق حالنه ارجاع ایدلسی
ایندی بوجهتله تهلکه عمومی اولدیغندن فی الواقع عموم
یونانستان اتحاد لزومنی کوره رک قورنت برزخی اوزرنده بر
اجتماع عقد اولوب بونده اسپارطه نك قومانده سی آتنده
اوله رق مدافعۀ ملیه اسپانک استحضارینه قرار و برلمش و یالکز
آتته یه خصوصت لردن ناشی تب شهری ایله سائر بعض حکومت
صغیره بوندن خارج قالمشدر . یونانستانه یکن ترمویل و یاخود
ایلیجه بوغازینک محافظه سی اسپارطه قرال لردن لئونیداس
قومانده سنده اوچیوزی اسپارطه لی و یاقیسی اسپارطه متفق لردن
اولیق اوزره یالکز برقاچ بیک نفر عسکره محمول ایندی .
لئونیداس موقعنک متانتی سایه سنده بوقوه جزئیه ایله برقاچ
کون ایران اردوسنک بولنه سد چکدیسسه ده نهایت ایرانلر
طاغدن برپاتقه بول ایله یچیدی چور دک لردن بومدافعۀ قهرمانانه

حکمر قلمش و لئونیداسک عاز فراری ارتکاب ایتمه رك
 صوك نفسنه قدر محاربه ایله فدای حیات ایلمی کندی نامنی
 الی الابد حرمتله یاد ایندیرمک و بلکه ده یونانلرک متانت و آرزوی
 انتقاملرینی آرندیرمقدن بشقه بر نتیجه مادیه بی موجب اولماشدی
 اوصره ده اغریبوزک شمالنده آرتنه میزوم صولونده وقوعبولان
 محاربات بحریه نتیجه سی اوله رق یونان دونماسی آتیقه صولرینه
 چکلدیکندن وسطی یونانستان بسبتون آچیق قلمش و ایرانلر
 ایلرویه حرکت ایدوب تب و سائر بلادده کی منفقری دخی آنلره
 التحاق ایتمکله دشمنک قوتی بر قاندها آرمشدر . وطنلری ناقابل
 مدافعه بر موقع مشکده قالان آتسه لیلر تسمتوقلسک تدبیرله ترک
 دار و دیار ایدرک چولاق چوجقلری سالامین اطه سنه نقل
 ایلمش و حرب و ضربه قادر اولانلری دونمایه کیر مشلر ایدی .
 بو صورتله ارقه دن کلان ایران اردوسی ایلرولیه رك آتیقه بی
 استیلا و ساحلده کی یونان دونماسنه تقرب ایلدی .

وسطی یونانستانک بووجهله ایرانلرک پازده خبوللری
 اولسی یونان منفقری ارسنده حصول تفرقه بی موجب اولدی
 استقلال ملی اوغورنده هر شیئی فدا ایتمش اولان آتسه لیلر و منفقر
 ینک نامنه اوله رق تسمتوقلس آتیقه صولونده قالنده رق ایران
 دونماسیله حرب ایدلمسی ایستیتور و قرال اورپیا دشمنه
 دونمانک باش قوماندانلغنی حاز اولان اسپارطه و منفقری ایسه
 آرتقی وسطی یونانستان لفظ موهوم اولمغله باقی قالان قسمک یعنی

پلوپونسک مدافعه سی ایچون جنوب صورلینه کیدلمسینی التزام
ایدورلردی . اسپارطه لیلرک تصوری اجرا ایدلدیکی حالده
قوای یونانیه نك انقسامی محقق و ذاتاً محاربه دکرده اولیوبده
قرده ایدلدیکی حالده ایرانیلرک قوه کلیدلرینه نظراً یونانک مغلوبه
بیتی امر بی شک ایدی حتی سرخسک مشاورلرندن برطاقی ارتق
موره اوزرینه کیدیلرک یونانیلریننه تفرقه دوشورلمسینی اخطار
وتوصیه ایدورلردی . فقط سرخس دو نتماسنک بهمه حال غلبه
ایده جکنه اعتماد ایدرک بجرأ محاربه یه قرار و بردیکی کبی بهمه حال
آیقه صورلنده حرب ایتمک استبان تمستوقلس دخی پلوپونسایلری
اوراده قلمغه اجبار ایچون یونانیلرک قاچق نیتنده اولدق لری
شاهه اخبار ایلدیکندن سرخس بونلری الدن قاچرماق ایچون
یونان دو نتماسنک بوندیغی سـالامین بونازینی ایکی طرفدن
قیامش وبوصورتله یونانیلر مجبوراً تمستوقلسک انتخاب ایلدیکی
یرده حربده مضطر قالمش لردر .

سالامین بونازی طار بر محل اولدبغندن ایرانک بیوک کبیلری
اوراده لایقینه مانوره ایده مدکری کبی عموم سفن حربیه لری دخی
داخل حرب اوله مامش والک بیوک قوتلری اولان سواری و پیاده
عسکرلریده ساحلده سیرجی کبی طورمغه مجبور اولمش لردر بو
سببله قوای ایرانیه نك قسم اعظمی بطل حالده قالبوب جوورده
برته ده تخت قورمش اولان سرخسده دو نتماسنک دوچار اولد
یغی دهشتلی مغلوبیتی رأی العین مشاهده ایش لردر (۱۱۰۲) .

مع مافیه سالامینده مغلوب اولان ایران دو تناسنك بر قسمی اولوب دو تنانك بر قسمیه مجموعه قوای بریه ایچون بر شیدی اولدیغندن ابرائیل بنه پلوپونس اوزرینه یوریدکاری حالده یونانیلری تفریقده موفق اوله جقلری درکار ایسه ده ذاتاً سرخس بوسفره موقیبات سر بعه یه ناثل اولمق امیدیه ککش و بود فعه کی عدم موقیت ایسه کوزینی یلدرمش بولندیغندن رجعتده قرار ویرمش و دو تناسنك انهمزای دکل کندیسنك بونا مناسب رجعتی سالامین محاربه سنه بر مظفریت عظیمه یونانیه طرزی کسب ایتدیر مکه سبب اولمشدر .

بونکله برابر ابرائیلک کافه سی یونانستانى ترك ایتمیوب مار دونیك قومانده سنده اوله رق اوج یوز بیکی متجاوز منتخب عسکر براقلمش و مورهنك ضبط و تسخیری بونلره حواله ایدلمشدی ماردونی اسپارطه ایله آتیه بیننده کی خصومتده واقف بولمغله آتیه بی جلب ایدرک اسپارطه نك استیلاسنه موفق اولمق املنه دو شمش و فقط صاحب ناموس آریستیدك رأیله آتیه لیلر بوتکلیفه قولاق ویرمدکلرندن ماردونی تکرار آتیقه یه هجوم ایدرک آتیه لیلری ترك وطن مجبورینه القا و مملکتی تخریب و تالان ایلشدی . اسپارطه لیلر خود پسندانه پولتقلری نتیجه سی اوله رق بود فعه ده آتیه بی یالکز براقشلسه ده نهایت نوبت تجاوزك پلوپونسه کلکده بولندیغنی کوره رك جدا دفع تهلککده اقدامه باشلامش لردر .

بوده یونانیلر یوز بیکی متجاوز نفر دن مرکب بریوکار دو
 ترتیب ایدرک اسپارطه قرالی پاوزاتیاسک قومانداسی
 التده کیر مشلراً وبعوئیده نجس اوزله عساکر ایرانیه قارشوسنه
 چیمه مشلر در ایکی اردو بیلنده بخار به بعوئیده پلاته شهری جوارنده
 وقوع بولوب ایرانیلر بیوک بر مغلوئیده اوغرا مشلر و قوماندانلری
 مار دونیده تلف اولغله بقیه جیوشلری امرادن آرتابازک اداره
 سنده اوله رق تسالیایه واورادن بر مدت صکره مملکت ایرانیه به
 رجعته مجبور اولمشدر . بوضورتده وطنلرینی دشمن استیلاسندن
 تخلیصه موفق اولان یونانیلر اتحاد منافعی رأی العین مشاهده
 ایلمش اولدقلرندن پلاته میدان مظفر بئنده عقد انجمن مشورتله
 اسپارطه نك قومانداسی التده اوله رق بر هیئت متفقه تشکیلله
 صورت دائمده اون بیک نفر عسکر و یوز عدد حرب سفینه سی
 بولندر مغه و داخل و خارجه یونانستان دشمنلرینی قهر و تنکیله
 قرار ویرلمش و بوقراره توفیقاً اول امرده تب شهری و سائر
 ایران متفقلری اوزرینه بوزینه رک بولر صورت شدیدده تأدیب
 اولندقدن بشقه خارجه دشمن چیقیله رق اوروپا و آسیاده کی مالک
 ایرانیه اوزرینه نجس اوزله اوتلش ر . بووجهله دها بر قاج
 ای اول کاملاً اضاعه استقلال ایلك تهلکه سنده بولنان یونانستان
 شمدی وقایه استقلالنه موقید نبشقه دشمنلرینی کندی وطنلرنده
 ارایه جق قدر جرأته بیله مالک بولونیوردی : ایشته نوبت
 تفوقک یعنی همونیا نك اسپارطه دن آتیه بکجسی کی بر تبدل
 عظیمده بوضورده وقوع بولمشدر .

آته نك اقبال وانقراضی

مخاربه نك دكره نقلی . ميقال مخاربه سی . باوزانیاسك اهانتی . قوماندانك
 آته به انتقالی . دولوس منفقه سی . تمستوقلسك عاقبتی . كیمون . اوریمدون
 مظفریتی . مصر سفری . قالیاس معاهده سی . آته نك تزايد اقبالی .
 اسپارطه نك تناقص نفوذی و اوچجی مسینا مخاربه سی . بریقاس
 اداره سی . ترفیات مدینه . آته نك تزیینی . منفقرلشكایاتی .
 ایدامنه مسئله سی . برنجی بلوونوس مخاربه سی . آته
 وبسی و بریقلسك وفاتی . قله عون . مصالحه . آنکیبیاد .
 -جلیبا سفری و اینکجی بلوونوس مخاربه سی .
 آته نك مغلوبیتی . لبراندر . آنکیبیادك اجرا
 آت وعاقبت حالی . فتح آته .

پلاته مخاربه سنك وقوعیله عساکر ایرانیه نك سرعتله
 مملکتلرینه عودت ایتملی مخاربه نك بعدما دكره انتقالی موجب
 اولمش و وطنلرینی تعرضدن وقایه به موفق اولان یونانلر بودفعه
 ده ایعونیه ده کی فرداشلرینی ایران تحکیمندن تخلص ایچدون
 سواحل ایرانیه به تجاوزه باشلامشردی دهامار دونوس وسطی
 یونانستانده ایکن اسپارطه قرالی لئوتیکیدایله آته لی کسانپتوسك
 قوماندالرنده اولان یونان دونمائی ایران قوه بخریه سنی
 تعقیباً اناتولی سواحلنه کتمش اولغله سواحل مذکورده

میقال موقعنده وقوع بولان محاربه ده ایران دو ننامی ضایعات
کلیدیه اوغرایارق مغلوب اولمشدی . روایتہ نظرأ یوم وقوعی
پلاته محاربه سیله بر اولان بو مظفریت مدیا محاربه لرینک شکلنی
کلیاً تبدیل ایلشدر .

محاربه نك بوزماننه قدر عموم یونانیرك قومانداسی اسپار
طده اولوب بوصورت پلاته مظفریتنی متعاقب ویریلان قرار
ایله ده تأیید ایلمشدی . فقط محاربه نك دکره انتقالیه قوه بحریه سی
اسپارطه یه غالب اولان آته لیلرک دها زیاده اقتدار ارئه
ایلمری و باخصوص دوری اولمری جهتیه ایعونیه لیلره بیانجی
اولان اسپارطه لیلرک قومانداده تکبر و عظمت کوستره رک متفقری
کندی لرندن تغیر ایلمری عمومی اسپارطه دن صفوتدیغی کبی ایران
تجاوزی مسئله سنک ظهورندن بری آته لیلرک کوستر دکاری غیرت
وطنیه وفداکارلرده آته یی شو مسئله ده عالم یونانیتک ریئس
طبیعیسی کبی کوستر مکده ایدی . ایشته شو اسبابه برده اسپارطه
قرالنک اهانت واقعه سی منضم اولسی قوماندانک تماماً آته یه
انتقالنی موجب اولمشدر . اسپارطه ده نقود و اشیا ی سیم وزرک
مفقودیتی من القدم بومملکت رؤسائی ارتکاب و ارتشا خصو
صنده متهاک بولندیر مقده اولوب مدیا محارباتنده قوماندانلق
ایدن قرالردن اوریدباد وئوتیکیدک بوبولده فناقرده بولندقری
تحقق ایلمدی کبی پلاته غالبی پاوزانیاسک دخی جله سنه تفوق
ایده جک برجنایت عظیمیه حاضرلندیغی میدانه چشمشدی .

پاوزانیاس حریص شهرت، میال ذوق و سفاهت، مفرور بر شخص
 بدطینت اولوب ایرانه محاربه ده دوام ایچون تراکیایه کوندرلدیکی
 زمان کندیسنه شاهک قزی و یونانستانک ساتراپلغی ویرلمک اوزره
 عموم ممالک یونانیه بی ایرانه تسلیم ایچون مذاکرانه کیرشدیکی
 خبرالنمش و ایراندن لدیغی باره لایله اسپارطه اصول تصرفکارانه.
 سی خلافته حرکتله ایرانلردن کندیسنه عساکر خاصه
 یامسی و طنپرووران یونانیه ننگ پک زیاده کوزلرینه باتمقده بولتمشدی.
 هر نقدر بو احوال طویلینجه پاوزانیاس لاجل المحاکمه اسپارطه یه
 جلب ایدلمش و اوراده محکوم اوله جغنی اکلایه رقی بر معبده
 النجا ایتمی اوزرینه معبدک قپوسی طاش ایله اوریلهرک آچلمقدن
 اولدیرلمشده آرتق متفکرک اسپارطه یه اسکی امنیت و اعتماد.
 لری قالدیغی کبی اسپارطه لیلرده اسفار بعیده رؤسانک افساد
 اخلاقه بادی اولدیغنی کوره رک محاربه دن صرف نظر ایلدکارندن
 عمومک رضاسیله ایرانه قارشو باش قوماندانلق وظیفه سی آتیه یه
 نقل ایدلمسی اوزرینه اتفاق جدیدک صور و شرائطی او وقت
 آتنده یته کلی نفوذه مالک بولنان آریستئیده حواله اولنوب
 آنک تدبیر یله ده لوس متفقه سی تشکیل ایدلمشدر.

یکی هیئت متفقه پلوپونس حکوماتندن و وسطی یونانستانک
 بعض اقوامندن بشقه عموم شرق یونانیلرینی محتوی او اوب
 ریاستی آتیه یه ویرلمش و متفکردن هر برینک حصه سنه اصابت
 ایدن اعانه حربیه بی سنوی آتیه یه اعطا ایلمی و مرکز اتحادده

جزائر بحر سفیدك همان اورته‌سندہ بولنان دهلوس جزیرهٔ
صغیره‌سندہ بولنمی‌و اوراده سنوی متفقین مرخصلرینك اجتماع
ایلیری قرارلشدیرلمشدر .

بوصرده آئنه‌نك اداره‌سنجه‌ده تبدلات وقوع بولوب بالذات
آریستید حقوق سیاسیہ بی عموم آئنه‌ده ساکن اهالی‌یه تعمیم
ایلش و اول معارضی اولدیغی اصلاحاته شمعی کندیسسی
باشلامشدر . مستوقلسر برمدت دها آئنه‌ده قالارق اسپارطه لیرك
مخالفتلرینه رغماً وینه حیلہ لی برچاره بولهرق (۹) آئنه‌نك منهدم
بولنان قلاعنی یکیدن انشا ایتدیرمش و بوصوک خدمتدنصکره
ایسه اطوار متعظمانه سیله خدمات سابقه‌سنی دائماً تذکار ایلسی
و خصوصیه خزینہ دولتی وقایه دن زیاده کیسهٔ ثروتنی املایه
چالشیمی وطنداشانته کران کله‌رک دشمنلرینك غلبه‌سیله تخت
اتهامه آئتمشدی . مستوقلس دوچار اوله‌جغنی حکمک درجهٔ
شدتنی تخمین ایلدیکنندن فرار ایدرک نهایت اردشیرز دینه
النجبا ایلش و ذاتاً ایران سراینک بونان ملنجیلرینه مأوی اولسی
و خصوصیه مستوقلسک کویا و قبیله ابرانه خدمت ایلش بولنمی
جهتیه مظهر احترام اولوب اناطولیده کندیسنه مالکانه اولهرق
تخصیص ایدیلان مغنیسا بلده‌سندہ وفات ایلشدیر .

مستوقلسک تبعیدیه آریستیدك وفاتندن صکره آئنه‌ده
ک زیاده تقرر ایدن ذات ملتیا دسک اوغلی کیمون ایدی . کیمون
طبیعی اصلزادکان فرقدسینه منسوب اولوب فقط مهارت حربیه

جده پدريك كراچكدن وارثى اولمغله خيلى مدت محافظه نفوذه موفق اولمشدر . كيون يونان دونماسنك قومانداسنى درعهده ايدرك ايرانلىرى ترا كيا سواحلى وايغونيه حواليسندن پيدرى چيقاردىغى كى اناطولى سواحلىده اورىدون موقعنده هم برأ وهمده بجرأ نائل غلبه اولمشدى . كيون يالكز مصر عصاتنه معاونت ايچون آچدىغى سفرده موفق اوله ميوب براز منكوب قالمش و صكره ينه ايرانله محاربه ايچون قبريس اطهسنه كيدرك اوراده ترك حيات ايلمشدر . كيونك وفاتنى متعاقب آئنه ايله ايران آره سنده ايغونيه نك استقلالى ايران دونماسنك جزائر بحر سفيده چقماسى وبوكا مقابل يونانلىك ايران نفوذى دائره سنده قالان مصر وقبريسه ياردم ايتاملرى شرائطيله شانلى بر صلح عقد ايدلمشدر كه بوده تاريخده قالاياس مصالحه سى ناميله معروفدر . (ق ۱۰۷۱)

بومت ظرفنده آئنه نك اقبال و عمرانى متصل آرتقمده ايدى . كيونك تكلبى اوزرينه متفكر سنوى عسكر وكى يرينه آئنه يه پاره وبرمكه باشلادقلىرندن آئنه ثروت جهتيه برنجى درجه يه كلكش وبجر سفيد شريقنك تجار تگاه اعظمى اولمشدى . هيئت متفقه خزانى ده لوس اطه سنندن آئنه يه نقل اولدىغى كى اتفاقدن آبرلىق ايستيان بعض متفكرده جزا اولقى اوزره تبعه لى حاله ارجاع ايدلدىلرندن آئنه كراچكدن بردولت معظمه يه مقر اولمشدى . اسپارطه ده ايسه احوال برعكس اولوب هله بو

آتهنك اقبال وانقراضی

صره رده برطاقم هیلوت و مسینالیرك ایرا طاغنده بالخصن
عصیانزیه وجوده کلان او چنجی مسینا محاربه سی اسپارطه -
لیبری آتهدن استعانه یله مجبور ایشدی . کیون ایسه ذاتاً
هر حال و طورنده اسپارطه لیبری تقلید ایدر اولمغله آته لیبری
بومعاونتی ایضاً تشویق ایش و فقط اسپارطه لیبرك آته قوه
معاونه سی پك بارد بر صورتله باشدن صاوملری آتهده کیونك
موقع اقتداردن دوشمنی و معارض و مخالفی بولسان مشهور
پریقلسك مقام حكومتده تفردینی موجب اولمشدر .

پریقلس دوری آتهنك اقبال وسعادتجه منتهای اعتلامی
و ابتدای انقراضی اولدیغی جهنله شهر مذکور تاریخنده بر
نقطه ناولدر . پریقلس کشی زاده اولوب مشهور میقال
فاتحی کسانتپوسك اوغلی ایدی و شخصاً یاقشقلی و کوزل،
پرچوق فضائل اخلاقیه ایله متصف و باخصوص تأثیرجه
لفظنیرك یلدرمه تشبیهی موجب اوله جق درجده فصاحت
افاده یه مالک اولمغله آته لیبرك کوزلیرك بیکی کسیره رك اون الی
سنه مدت برنجی سترانه غا صفتیه ریاست ادارهده بولمشدر .

ایرانله مصالحه عقد اولندوقدن صکرده آته متفقیندن
حرب ویرکولرینی تحصیلده دوام الملکله پریقلس بومبالغ
کلیدی دونمانك تکثیریه شهرک توسیع و تزیننه صرف الملشدر
زماننده شرق دنیانك ابرنجی دولت بحریه سی اولدیغی کبی
آتهدن پیره قدر نمتد اولان جسم دیوارلر انشا ایدلش

و آتانه‌نك آفرورپول دینلان ایچ قلعه‌سنده معابد انشا و هیكتراش
مشهور فیدیاك محصول قلبی اولان هیاكل نفیسه ایله آتانه‌نك
شرفی مزید و بالا ایتدیرلمشدر . پریقلس دورنده آتانه شعرا
و علمای یونانك مرکزی اولمشدر . ترقیات مدینه خصوصی یونان
مدنیته بچنده اجمال ایدیه چکنندن بوراده تکمله و قوعانه
حصر کلام ایدلم .

ایرانله محاربه بندیکی حالده آتانه‌نك متفقردن ویرکواخذینه
دوام ایلمی و متفقره یواش یواش تبعه معامله‌سی ایتمکه باشلا .
می اکثر جهترده بادی شکایت اولوب اسپارطه لیلرده طبیعی
مشتکبری تشویق و عصیانه تحریکدن خالی قالمیورلردی . بو
خصمانه پولنیقه ذاتاً ایکی جه-وریت رقیبه بیننده حصول
محاربه‌یی مؤدی اوله‌رق صکره الی سنه مدته عقد صلح
ایدیلوب مخصوصاته ختام ویرلمشدی فقط آتانه ایله اسپارته
و باخصوص رقیب بحریسی یونان قورینت حکومتلرینك
خصوصت قدیمه‌لی قولایلقه سکونت بولور احوالدن اولماغله
کوچک برمسئله بین الطرفین یوک برحربك علوریز اولسنی
انتاج ایلمشدر .

شویله که قورفو جزیره‌سی حکومتی قورینتک شعبه‌لردن
اولوب قورفو مهاجرلیده آرناوودلق ساحلنده ایدامنه بلده .
سنی تأسیس ایلمشدردی . ایدامنه‌ده فرق اهالی بیننده محدث
ایدن باختلافده قورفو ده موقراسی طرفدارلرینی و قورینت

ایسه آرستوقراسی طرفدارانی الترام ایدرک ایشک مخاصماته
منتج اوله جغی اکلاشلغله قورفو تأمین استقلال ایچون آتیه
مراجعت ایلش و آتیه هیئت منفقه سیله برتدافعی معاهده عقد
ایلشدی . فقط قورفو محافظه سنه کیدن آتیه دونناسنک قورینت
دونناسیله چاریشیمی آتیه ایله قورینت و بناه علیه انک منسوب
اولدیغی پلوپونس منفقه سی آره سنده محاربه بی منتج اولمشدر .
ابتدای محاربه ده اسپارته لیلر آتیقه اوزرینه هجوم ایدوب
پریقلسک تکلیفیه عموم اهالی دیوارلر دروننه التجا ایلش
واوصره لده ظهور ایدن شدتلی ربو باعلتی آتیه نك ازدحامندن
ناشی پك کلی تلفاتی موجب اولمشدر پریقلسده بووبادن وفات
ایلشدر . محاربه مناوبه طرفینه مساعد اوله رقی برمدت دوام
ایدوب براره لقی جنوبی پلوپونسده سفاقتیا اطه سنده اصیل
برقاج یوز اسپارته لینگ محصور قلمسی اوزرینه اسپارته طلب
صلحه مجبور اولمشده پریقلسک وفاتندن صکره اتیه مجالس
اهالی سنده کسب نفوذ ایدن دباغ تجارندن قله عون اسمنده بر
شارلاتانک تشویقیله بوتکایف رد اولمش و قله عونک سفا-
قتیاده کی اسپارته لیلری اسیر ایتکه موفق اولیشی کندی
نفوذینی برقاندها آرتدیرمشدی . محاربه اوقدر ظالمانه برشدت
کسب ایتشدیکه اسپارته لیلر بعد الحاصره تسلیم اولان پلاته
شهری محافظلرینی بعد الحاکمه محاربه واقعه ده اسپارته لهنده
خدمت ایتدکربنی بیانله (۹) اعدام ایتدردکاری کبی آتیه اها-

ليسيدہ عصيان ايدن مدلى جزيره مى اھاليسندن ذكورك
 كاملاً اعدامنه و نسوانك صائلربنه قرار و يروب بوقرار
 انجق ايرتسى كوني بك مشقتله كرى الدبرتيله بيلشدى
 نهايت محاربه ترا كيا سواحلى جهتربنه طوغرى انتقال ايدرك
 اورالده آفپوليس محاربه سنده حرب طرفدارى اولان قله عون
 ايله اسپارته قرالى برازيداسك وقوع و فاتلى ذاتاً نتيجه سز
 محاربه دن اوصاتمش اولان طرفين بيننده محاربه دن اولكى
 حالك اعاده مى شرطيله برمصالحه عقدينه نتيجه و برمشدر .
 محاربه نك فائده سزلكى لايقيه كورلديكى حالده ينه صلحك
 مشروط اولان اوتوز سنه مدت دوامى قابل اولوب آلكيباد
 اسمنده حربص شهرت بر كنج آتله نيك ثمره همتى اولقى اوزره
 ناره حرب اسكيدن دها شدتلى اوله رق باش كوشتر مشدر .
 آلكيباد آتله نك الك معتبر فامليالزندن برينه منسوب
 اولوب پريقلس ايله قرابتى واردى . شخصاً غايت كوزل و بك
 نطوق اولغله آتله ليلر بيننده فوق العاده ممدوح اولديغى كى
 پريقلسك نخت نظارتنده و سقراط كى بر معلم شهرك خلقه
 تدريسنده تربيه ايدلمش اولسى ذكاي طبيعيسنه برقاندها رونق
 و برمش و اوليمپ اويونلى كى مى شنلىكارده كوسه تربديكى
 طنطنه و قرانديغى موقفيترله عموم يونانيلر آره سنده بيله شهرت
 كليديه نائل اولمشدى فقط آلكيباد حيث وطنيه دن عارى بر

حريص شرف و شان اولوب اقتدار حكومت و برميان شهرتدن
 برشى اكلامديغندن آئنه‌ده تفرد ائلك ايچون آئنه ليلرى بحرسيدك
 اك مهم تجار تكاه و مركز مدنيتى بولسان سچليا اطه سنك
 فنحنه تشويق ائلس و آئنه ليلر بوكا موافقت ايدرك
 آلکيبيادله برابر ايكي قوماندان اداره سنده اوله رق سچلياده كي
 سيرا كوز بلده سنك قحبي ايچون اوزمانه قدر امثالى كورمليك
 بريوك دونما ايله جسم قوه عسكربه سوق ائشدر .

بوصرده آئنه‌ده اسواق و بازارده موضوع مركور معبودى
 هياكلنك باشلى قردلغى كوريلوب آلکيبيادك امور مذهبيه ده
 مبالانسزغى معلوم اولغله بوقباحث كندوسنه اسناد ايدلمش
 و دشمنلى محاكمه سى ايچون آئنه به جلبنه قرار و بردير مشلردى
 فقط آلکيبياد آئنه به جلبنه مأمور اولانلردن فرار ايدرك
 اسپارطه به التجا ايدوب سچليا پلوپونسك ذخيره انبارى ثابته سنده
 اولغله آئنه ليلر طرفندن ضبطى اسپارطه جه موجب مضرت
 اوله جغنى بيان ايله اسپارطه ليلرى سيرا كوز امدادينه بر قوماندان
 كوندركه تشويق ائلس و مداخله لرى حركت يكيدين ظهورى
 انتاج ائشدر .

سيرا كوز محاصره سى عهد قديمك محاربات مشهوره سندن
 اولوب آئنه ليلرك مغلوبيتيله ختام بولمش واك بيوك قوه عسكربه
 و دونمازىنك ضياعى آئنه بي بردن بره اك مؤثر قوه مدافعه سندن
 محروم براقشدر . آئنه متفكرلندن برچوغى اسپارطه به التحاق

ایلدکاری کبی ابرانده آته علیهنده حرکت ایلدیکندن آته لیلر فنا حالده مغلوب اولمغه باشلامش و محاربه اکثر ایعونیده و تراکیبا جهتلرنده وقوع بولوب اسپارطه قوماندانی مشهور لیراندر برریر اورازده کی آته شمالکنی ضبط واستیلایه باشلامشدر . آته لیلر خرچلمغی حسببیله اسپارطه ایله ده بوزشمش اولان آلکیبیادی جلب ایله انک همتی سایه سنده خیلی موقیتلره نائل اولمشرسده اوضاع متحکمانه سی بادی برودت اولان بوسرکشی ینه طرده مجبور اولدوقلرندن مغلوبیتلر بربرینی تعقیب ایلش وارقی دشمن غالبه مقاومت احتمالاتی مقفود حالنه کلشدر . وطنیه بوزشمش واسپارطه بی الدامش اولان آلکیبیاد برقاج دفعه دام حیلله دوشوردیکی فقط هنوز رسما بوزشمدیغی ابران والیسی زدینه التجادن بشقه چاره بوله میوب فقط اسپارطه نك خصوصتی اوراده ده یقاسنی برقامش و کندیسنی اعدام ایچون کوندریلان عساکر ابرانیه کمال شجاعتله مدافعه کوستر دکدن صکره اوریلهرق ترک حیات ایلشدر . ذکای فوق العاده سیله برر حال و حرکتی شایان تعجب اولان آلکیبیادک وفاتندن صکره ورطه هلاکه سوق ایلش اولدیغی وطنی دخی چوق طیانامیه رق اسپارطه لیلره تسلیم اولمش لیراندرک امریله اسپارطه لیلر آته نك وجنبش ایله آته نك قلعه لرینی هدم و اداره عوامی لغوایدرك اوتوز کشیدن مرکب بر اولیغارخیه هیئتتی یعنی برجهوریت اشراف تشکیل و آته نی اسپارطه اتفاقنه ادخال ایلشدر .

اسپارطه ایله تب حکومتلرنک زمان تحکملری

آئنه نك ضبطنی اسپارطه تحکمنه قارشو موجود اولان مانع
منفردی قالدیرمغله لیکورغک شهری بلا اعتراض یونانستانک
حکم و حاکم منفردی اولمشدر فقط پلوپونس محاربه سنی قزانان
اسپارطه لیلر لیکورغک اسپارطه لیلری اولمقدن زور بازو ایله
قزاندقزی حکومتی محافظه به موفق اوله مامشدر .

۷

اسپارطه ایله تب حکومتلرنک زمان تحکملری

آئنده اونوزلر اداره سی و اداره عوامک اعاده سی . سقراطک و فاتی . اون
پیکلرک رجعتی . آکز یلاس . اسپارطه ایله ایرانک محاربه لری . اسپارطه
علیهنه اتناق و خرونه و قنیدوس محاربه لری . آتالکیداس مصالحه سی .
تب ایله محاربه . پلوپیداس و ابامنونیداس . لوقتزه محاربه سی . تسالیا
سفری . ماتینه محاربه سی . اسپارطه نك انحطاطی . احوال عمومی .

آئنده تشکیل اولنان اسپارطه طرفداری هیئت اداره
چوق وقت دوام ایده مامش و اسپارطه لیلرک عودتنی متعاقب
پیره ده آئنه لی ترازبول قومانده سنده طوپلانان سربستی طرفدا
رانی طرفندن قالدیر یله رق به اسکی اداره عوام اعاده ایلمشدر
قط اداره سابقه سو حرکات ایله اهالی بی پک ناخشونود

بر اقدیغندن زمان اداره لری اوتوزظالمك اداره می نامیله شهرت
بولشدر .

وحدانیت ربانیه فکرینی الك اول نشر ایدن لردن بولمسی
جهتیه حکمای یونانیه بیننده بر موقع عالی استثنایی حاز بولنان
سقراطك ضعف اعتقاد ایله اتهام ایدیلرک محکوم اعدام
و محبوسه غدراً زهر نوش نمات اولمسی بو صروده وقوع بولمش
احوال متأسفه دندر .

اسپارطه نك دور تحکمنده وقوع بولان دیگر بر وقعه ایران
دولتک درجه ضعیفی کوستردیکی جهتله جالب دقتدر
شویله که ایرانده اردشیر طویل اید حکمران اولوب کینچ بر اداری
کینچسرو دخی سارد شهرنده ساتراپ بولنمقده ایدی . کینچسرو
حریص جاه قالمغله ضبط حکومت تصورینسه دوشه رک
قله آرخ اسمنده بر اسپارطه لی بی عسکر یازمغه مأمور الملش
و یلو بونس محاربه لرینک ختامی جهتیه مدار معیش تلی
اولان غوغا جیلقدن محروم اولمغله پاره و یرن آدمک خدمتسه
کیرمکه مهیا بولنان سرسریلردن اون اوج بیک قدر عسکر معیننه
المشدی .

کینچسرو اردوسیه بر اداری اوزرینسه حرکت ایدوب
بابل جوارنده وقوع بولان محاربه ده مقتول اولمغله اردوسی
پریشان اولمش و یونانیر اورادن ممالک ابرانیه ایچنندن حرباً

اسپارطه و تب حکومتلرینک زمان تحکملری

کچدرک کمال سخن و مشاق ایله بحر سیاه ساحلنه اینوب و طنلرینه
عودت ایله بیلشدر .

قله آرختک اتلافندن صکره بو فرقه یونانیه ننگ قوماندانلغنی
درعهده ایدن مورخ مشهور کسنوفک بوکا دار یازدیغنی اون
بیکارک رجعتی نام اثر تاریخجه آثار مقبوله دندر .

سکز اون بیک یونانی ننگ بویه کمال موقیتله قوجه مملکت
ایرانیه بی بر باشند دیکر باشه کچیورملری بو عظیم الجثه دولتک
جسامتنه متناسب قوته مالک اولدیغنی و بوجک بر یونان اردوسی
ایچون استیلای ایران امر سهل بولندیغنی کوستردیکندن
قوای یونانیه بی طویلا یه رق بونی اجرابه تشبث املنده بولنانلر
نادر دکدی از جمله اسپارطه قرالی بولنان و شخصاً چرکین
و بچمسز اولغله برابر بونک بر دهای عسکری به مالکیتی عمو بجه
مصدق اولان آکز یلاس بو املی حصوله کتیر مک اوزره بیکرمی
بیک نفری متجاوز قوه عسکر به ایله ایراندن بعض تعرضات
کور مکده اولان اناطولی یونانیلرینک معاونتنه شتاب ایدرک
اسپارطه ایله ایران ارسنده محاربه بیکیدن باش کوسترمش
و آکز یلاس موقیات مهمه نائل اوله رق ممالک غربیه ایرانیه
ده اجرای فتوحاته باشلامشدی .

کندی مملکتنده مغلوب اولان ایران اسپارطه بی ینسه
یونانیلره اوغراشدر مق ایچون یونانستان حکومات سارهنه

ابدال سیم و ذر ایلکله یونانستانده آتته وتب شهرلیله آرغوس و قورینت کبی اسپارته منفقری دخی داخل اوله رق اسپارته علیهنه بیوک بر اتفاق تشکیل اولمشدی .

بوندن خبردار اولان آکز یلاس ناچار اناطولی بی ترک ایله چناق قلعه‌دن اوروپایه مرور و غایت پارلاق مظفریتلرله یونانستان وسطی‌یه کلوب خرونه موقعنده منفقری مغلوب ایلش وینه اوکون پلوپونس صولرنده وقوع بولان قنیدوس محاربه بجزیره‌سنده متفقین دوئتماسی مغلوب ایدلمشدی . مع مافیه بوکوندن اعتباراً اسپارته‌نک نفوذینی یکیدن اعاده ایجاب ایلدیکی کبی ایرانلیردن بر بیوک دوئتماش بولنان اتته لی قونون دخی بر طاقم موقعیتدن صکره آتته و پیره‌نک قدیم دیوار لرینی یکیدن انشا ایتدیرمشدی . بو حالده هم ایرانله و همده یونانیلر ایله محارب اولان اسپارته لیلر منفعت یونانیه بی منفعت شخصیه لری اوغورنده فدایه قرار ویره رک ایرانله آنتالکیداس مصالحه سنی امضا ایلشله و ایغونیه‌نک ممالک ایرانیه دن بولندیغنی بالتصدیق مدیا محاربه لری مظفریاتک نتایجینی محسوه سبب اولمشلدر .

ایران شاهی طرفندن بر امرنامه صورتده محرر اولان بو عهدی عموم یونان حکوماتی قبول ایلش و یالکز اسپارته‌یه زیاده‌سیله خصومت کوسترمکه باشلایان تب شهری بوندن خارج

قلمشدی . بو کوندن اعتباراً یونانستانده ایران نفوذی برقات
دها تزايد ایدوب ایرانک رشوت و بره جک پاره سی چوق
اولمی و یونانیله عارض اولان فساد اخلاق جهتیله عوم
رجال ورؤسای یونانیله اخذر شوته درجه نهایه ده آرزو و تهالک
کوسترملری جهتبله ایران شاهلری یونانک عادتاً حکم منفردی
کسلشدره .

آنتالکیداس مصالحه سندن محروم قالان تب شهری قیصه
و فقط پارلاق بردور شرف و شان کیرمه که حاضر لایقده ایدی
اسپارطه لیلر زمان تحکملرنده تب شهرنده کندیله بنه صادق
براداره تشکیل ایلدکلی کی یونکلده قانع اولیوب شهرک ایچ
قلعه سی اولان قادمه بی دخی ضبط ایلدکلرندن اسپارطه مظالمندن
بیرنار و یا بوسیله مهجوردارو دیار اولان برطاقم وطن پروران
کیرلیجه اتفاق ایدرک موجود هیئت اداره بی دفع ایله اداره
عوام تأسیس ایلدیله قادمه بی دخی تسلیمه مجبور قلدیلر اداره
جدیده نکل هم ارکانی اتفاق خقی رؤساء سندن پلوپد اس
ایله حییت وطنیه و مهارت عسکریه سی ضرب مثل اولغنه
لایق درجه ده بولنان و ذاتاً بر محاربه ده حیساتنی قور تاردیغی
پلوپد اسک الک عزیز دوستلرندن اولان اپا منونداس ایدی .

تب قیامتک موقعتنی کوره ک تلاش ایدن اسپارطه لیلریوک
برقوه عسکریه کوندر دیلر سه ده اپا منونداسک یکی صورتده
برصف حرب ایجساد ایلمی و برده زادکان اولاندندن مرکب

یولنان مقدس طاہورک شجاعتی سایه سنده تیلیر لو قتره موقعنده
 ضایت شعشعدلی بر غلبه یه نائل اولمش لر در . لو قتره مظفریتی
 اوزرینه تب یونانستان دول معظمه سی عدادینه داخل اولمشدی .
 از جمله اھالیئک وقوعبولان مراجعتلری اوزرینه پلو پیداس
 تسالیایه کیدرک تب نفوذینی توسیع ائلمش و ما کدونیسا
 ایله ده مناسباته کیریشوب وطنه ما کدونیسا خاندان حکمدار بسندن
 رهنر یله کوندر مشدی دیگر طرفدن پامنونداس موریه تجاوز
 ایدرک اسپارطه بی فنا حالده تصدیق ائلمش و بعدما پلو پونسده
 حاکم اوله مامسی ایچون ایتوم طاغنده مسه نه بلده سنی تأسیس ایدرک
 اسکی مسینا حکومتی اعاده ایلدیکی کی آر قادییه طقوز شهردن
 مرکب بر هیئت متفقہ دخی تشکیل ایتمشدی پامنونداسک صوک
 محاربه سی مورده ماتئنه موقعنده وقوع بولهرق بونده هر نقدر
 کندسی مقولاً ترک حیات ائلمشه ده اسپارطه لیرینه فنا حالده
 مغلوب اولمش لر در فقط پلو پیداس و پامنونداسک و قاتیلہ تبده حربده
 دوامه مقتدر آدم قالمدیغندن اسپارطه ایله تب اره سنده مسینانک
 استقلالی و آر قادییه متفقہ سی تصدیق اولتمق و اسپارطه پلو پونسده
 حکمونه ادعایزدن فراغت ائلمک شرطلریله عقد صلح ایلدلمش در .
 استعداد فوق العاده سبله برابر طالعمر لکنندن وطننک انقراضنی
 کورن اکزیلاس ایران علیبنه عصیان ایدن مصرک معاوننه
 کیدرک اوراده ترک حیات ایلددر .

پلوپیداس و اپامونوناسدن صکره تب شهری یواش
یواش حال قدیمه دوشمشدر اسپارطه ایسه چوق فنا برحالده
قالمدی . برکره بوشهرک احوالی کلیاً تغیرپذیر اولوب اسکی
فضائل ناموسکارانه یرینه ثروت و سفاقت و حب زینت
قائم اولمش ولیکورغک قوانین شدیدهمی برنده یلار اسمکه
باشلامشدی . اصل اسپارطه لیلرک مقداری برقاچپوز فاملیایه
دوشدیککی کی بونلرک ایچنده اراضی به مالک بوز عائله انجق
قاله بیلشدی علوم و ادبیاتجه بیوک ترقیات کوسترن آتیه کلنجه
اوده قدیم مزیات سیاسیه سنی غائب الملش و اداره عوام اصولنک
سوء استمهالیه سوز فنا حالده ایاغه دوشدیککی کی بی اساس
نظقردازلقک معلومات جدیده دن زیاده ممدوح اولمی اداره
دولتی اکثریسی مرتکب برطاقم خطبای امت الله یکرمشدی .
والحاصل یونانک ال بیوک اوج حکومتی بو حالده اولوب قالان
یرلر بونلر دنده بوزوق ایدی . ارتکاب وارثشا درجه غایه بی
بولمش و هرکسک حیت طمرلری همان قورومش اولدیغندن
داراو سرخسلرک موفق اوله مدقلری شیلره عادتا صکره کی ایران
شاهلربنک موقیتلری مستبعد دکادی . والحاصل یونانستان
بهمه حال برحاکمه عرض احتیاج ایدیوردی بو حاکم ایسدایراندن
دکل یونانلره جنساً یقین بر قومدن ظهور الملش و ماکدونیا
قرالی فلپیک جلومی یونانستانک استقلال ملی خصوصنده مبدأ
انحطاطی اولمشدر .

فصل نانی

ماکدونیا دوری

۱

فلیپ

ماکدونیاک احوال منقده سی . فلیپ . فلیپک ایلیک موفقیاتی .
فلیپک بولتیقه سی . آئنده فرقه لر : ده موستن . اولنتوس فتحی . مقدس
محاربه . فلیپک مداخله سی . خرونه محاربه سی . فلیپک صفت جدیده سی
ووفاتی

ماکدونیا قطعه می یونانستانک شمال شرقیسنده کاش اولوب
سواحل جنوبیه سی ترمایک یعنی سلانیک کورقزیه محدود
وتراکیادن تسالیایه قدر نمتد اکثر جهتلی طاعلق جسم بر
مملکتدر . ماکدونیا لیلر هر نقدر مذهب ولسان جهتلیله یونانیله
مشابه ایدیسه لده اصلاً بشقه بر جنسه و اغلب احتمال قدیم
پلاژ اقوامی شعباتنه منسوب ایدیله . بو قطعه ده تاریخ
یونانیکنک پک قدیم زمانلر ندنبرو قراللق صورت اداره سی موجود
اولوب حتی تروا محاربه سی اثناسنده ماکدونیا قرالی پلاغون
پریماک منفعلی عدادینه داخل اولمشدی . مع مافیه روایت
نظراً مؤخرأ ماکدونیا تختی هر کول خانداندن بر شعبه یه انتقال

انلشدی و ما کدونیا قرالری یونانی الاصل بولندقرینی ادما
ایلدکلرندن بو سایه ده ملکلری مدنیت یونانیده دن بر از مستفید
اولمقده ایدی . دارانک اسکیت سفری زماننده ایرانه اطاعته مجبور
اولان ما کدونیا سرخسک بیوک سفری اثناسنده ده شهنشاہ ایرانین
منفقزلندن اولوب قرال علیکساندر سرخسله برابر یونانستانه
قدر کلش و کیرلیجه یونانیره ایندیکی نصیحتلرک موققیات ملیه جه
چوقق فائده سی اولمشدی .

ما کدونیا بوندن صکره ده ایران اتفاقنده دوام ایدرک بو
مناسبتله تسالیا سفرینه کیدن پلوپیداس ما کدونیا نیک تب شهرینه
مخادتنی تأمین ایچون بر طاقم رهنلرالمشدی ایشته ما کدونیا بی
زمانک اک برنجی دولت معظمه سی حالنه قویان فلیپ ده بو
رهنلر میاننده اوله رق تب شهرینه کتیرلمشدی .

ما کدونیا هر نقدر مهم بر موقعه ده ایسه ده اداره مرکزیه
نک قونلی اولماسی و ممالکک اداره سی حقیقته قراله بالکیز
لقظاً مطیع بر طاقم زادکان النده قالمی جهتلیله هنوز سییاسه
حائر اهمیت اوله بیله جک بر حال قدرته واصل اوله مامش
و شمال جهتلی بر چوقق اقوامک تسلطاته دوچار اولدیغی کبی
ساحل جهتلی دخی یونانیر و بالخاصه اتهلیرک مستملکانیله
قیانمشدی .

تبه قالدیغی مدت اپامنونداسک خانه سنده او طوره رق بو
بیوک آدمک اداره سییاسیه و تشکیلات عسکریه سنندن کلی

استفاده ایش و یونانک احوال داخلیه سنه و قوف تام کسب
ایدرك و طنه پک بیوک بر تجربه ایله عودت ایش اولان فلیک
رأس اداره به چکمی بو مملکتی مستعد اولدیغی مرتبه کاله
چیقارمشدر (ق ۹۸۱) •

فلیک مقام حکومته چکمی ما کدونیا تختنه جالس اولان
برادرزاده سنک صغرسندن ناشی وصایت صورتیه و قوع
بولمشدی فقط بو نیابتی دورنده مملکتده تفرد ایدن اصل
زادکانک نفوذینی محو ایلدیکی کبی او وقتده قدر غیر منتظم بر
حالده قالان ما کدونیا پیاده عسکرینی فالانقس تعبیر اولسان
صیق صفلی الیله تقسیم و سواری بی تنظیم و تنسیق ایش و آز
وقت ظرفنده ما کدونیاک اداره داخلیه سی کسب انتظام
ایلدیکی و قدرت حربیه جه فوق العاده ترقی ایلدیکی کورلدیکندن
کندیسی نیابتن اصالة مقام حکمداری به چیقارلمشدر •

فلیک ایلك اجرا آتی ما کدونیاک تأمین سلامتی خصوصنه
مصروف اولوب من القیم نجاوزانده بولنان ایلیریالیسری
تأدیب ایش و تراکیا طرفلینه کیدرك آمفیولیس شهرینی
ضبط و او صرده آته ایله متصرفات عظیمه سندن بعضیلری
پینده موجود محاربه دن استفاده ایدرك بالقان شبه جزیره سنده
ما کدونیا به قزاندیغی موقع جدیدی تأمین ایشدر (ق •
۹۸۰) •

فقط فلیک مقصدی ما کدونیاک ساده جه تأمین

سلامتی خصوصاً منحصراً اولیوب بوندن چوق بیوک تصور -
 رده بولونیوردی .

او وقت ایران دولت عظیمه سنک بولندیغی حال ضعف
 اشتهال فلیپ کبی مدقق و حریص اقتدار بردانک نظر دقتی
 جلب ایلامک قابل دکلدی . ایرانک حالی کتاب اول نهایتند
 توضیح ایلمش اولدیغندن تکراراً تعریفنه لزوم کوربله مز .
 شهزاده کیخسروک قوه جزئیه یونانیه سی سایه سنده قزاندیغی
 موقعیاتی یونانی نفرانک آسیالیله نه درجدهده قانق اولدیغی
 کوستردیکی کبی آکزیناسک اوکنده استقبال پرفتوحاتی براقوبده
 یونانه عودته مجبور اولمسیده یونانیله قلیجه قارشو بیونا کدیره
 میان هر فالتک ایران سفرنده دوام موقعیتی مشکوک بولندیغی و ایران
 التونلرینک میدانه چیقاره جغی یونانی معارضلر ایرانه قارشو
 قزانیه جق موقعیات عسکریه بی حکمسنز براقه جغی لایقیله
 کوسترمکده ایلی .

تاریخک ویردیکی درسله تماماً واقف و احوال زمانه بی
 لایقیله مدرک و عارف اولان فلیپ ایرانک ضعفندن استفاده یه
 قرار ویرمش ایسه ده یونانستاننی ما کدونیا یه لایقیله بند
 ایلمدن و قوای یونانیه بی کاملاً اداره یه ایلمدن بو کانتشبت ایتمامکی
 قورمش و اول امرده یونانی تسخیر ایچون هر نه حیله و تدبیر
 ایجاب ایدرسه هیچ بریسندن بجانب ایلامکی کندیسجه خط
 حرکت اتخاذا ایلمشدی .

مبحث سابقه کورلدیکی وجهله یونانستان او وقت اجنبی نفوذینی تلقی به پک مساعد اولوب مختلف فرقه‌لر وشار - لاتانلر تحکمنده قالان آتیه بیله یونانلیک سربستیسنی محافظه ایچون رفع صدا ایده جک حالدده دکلدی . واقعا بعض نادر ذوات یونانک حال تهلیکه سنی و فلیپک نیاتنی کشف ایله نصایح معقوله ده بولتمقدن خالی قالمیورلردی . آتیه لی خطیب مشهور ده‌موسن بالخاصه فلیپک نیاتنی تا اولدن کشفه موقیتله ابراز عاقبت بینی ایدلردن ایدی .

ده‌موسن اداره اقوامه موفق اولان ارباب فصاحتک الک معروفلردن اولوب یونان خطباسبی میاننده برنجی عد اولتمقدده و پریقلسه بیله مرجح کورنمکده در . کندیسنک نطقپردازلق مسلماننده ترقیسنه مانع اولان مشکلات طبیعیده بی دفع ایچون کوستردیکی غیرت وثبات و مجلس اهالیده ایلیک دفعه کی نطقنده دوچار اولدیغی موقیتسنزلیکه قارشو ابراز ایلدیکی متانت فلیپکبی پر معارضله اوغراشماش اولسه ینه کندیسنه شهرت ایدی بی تأمین ایده جک مآثردن اولوب فصاحت فوق العاده سی و ذکا و متانت فکریه سی او وقت یونان و باخصوص آتیه رچالنده پک نادر کوریلور پر استقامت و عدم ارتکاب ایله دخی ترین ایلشدی .

آتیه رچالندن وارباب حکمتدن فوکیون کبی بر طاقم آدملر ما کدونیا اتقافنی ترویج ایلدکاری حالدده ده‌موسنک

فلیپ

فلیپک نیاننی کشف ایله فلیپک Philippiques نامی وریلان مشهور
 نطق ایله آتله لیلری ایضاظدن برآن خالی قالماسی و فلیپ علیهنده
 بریونان اتقاقی وجوده کتیره رک ما کدونیا تفوقنی اساسندن
 الحایه چالشیمی فلیپ ایله ده موستن نام لرینی تاریخ نظرنده
 براشدیرمش و خطیب مغلوبه ده حکمدار غالب قدر شهرت
 قزاندیرمشدر .

فی الواقع فلیپک پیدرپی ما کدونیا سواحلنده کی یونان
 مستعمرانه تسلط ایدرک آتله نك ضعفندن بالاستفاده آیناروز
 حوالیسنده کی اولتوس جاهیر متحده سنی تشکیل ایدن بلادی
 برر بر ضبط ایلدی ده موستنک حقلی اولدیغنی آزوقت طرفنده
 میدانه چیقارمشدر .

فلیپ تراکیا و آیناروز طرفلرنده لایقیله تأسیس حکومت ایلد
 کدن صکره نوبت تجاوز یونانستانه کلش و ممالک یونانیه نك هر
 طرفنده صاتون الدیغنی طرفدارلر سایه سنده مقاصدینک حصولده
 محقق بولمشدی بوسره ده یونانیلرک منازعات داخلیلری فلیپ
 ایچون کوزل بروسیله تجاوز میدانه چیقارمشدر .

وسطی یونانستانده فوکیده لیلر دلفی معبدینه وقف اولنان
 برطاقم اراضی بی زرع ایلدکرندن سائر یونانیلر بونی معبدک
 حقوق مقدسه سنه تجاوز عدایدرک فوکیده بی تأدیبه قیام
 ایلشله و فوکیده لیلرده مقابله معبدده کی خزان کلیده بی مصادره
 ایلدکرندن منازعین ییننده بر محاربه عظیمه تحدرت ایلشدی .

مقدس محاربه نامی و یریلان بومنازعه داخلیه به دلتی الهنک
 محافظه حقوقی بهانه سیله فلیپده مداخله ایدرک فوکیده جنر الیرینی
 مغلوب ایلش و تسالیایی تماماً استیلادن صکره یونانستانه ده
 داخل اوله رق ختام محاربه ده محافظه مذهب خصوصاً سنده کی
 غیرتنه مکافات اولق اوزره فوکیده لیلرک آمفتیون مجلسنده
 حازر اولدقلری ایکی اعضالی محلی کشدیسنه و یریلوب ما کدونیا
 رسماً امور یونانیه به برحق مداخله قزائمشدر .

فوکیده نك مغلوبیتدن صکره فلیپ مملکتده عودتله ایران
 سفری ایچون تدارکاتله مشغول بولتمقده و برطرفندده موقع
 جدیدینی تأمین ایچون بونانک شمال جهتی یکیدلرینی تحکیم
 ایلکده ایدی . فلیپه معارض اولان یونانیر ذاتاً ما کدونیا نك
 حکومات یونانیه میانده دخولنی نظر اسقله کوردکاری حالده
 اشبوتدارکاتدن بسبتون اورکدرک صوک برتشت اولق اوزره
 ما کدونیا علیهنه اتفاق ایلشرو بالخاصه آتنه وتب شهرلرینک تخت
 ریاستلرنده اولان متفقین اردوسی شمالی یونانستانه طوغری حرکت
 حاضر لانتقده بولتمشدی . بوتشتاتدن خبردار اولان فلیپ همان
 یونانستانه یوریه رک بعوئیده خرونه ده وقوعبولان محاربه ده
 متفقینی تارومار ایلش (ق ۹۶۲) وایشته بوغلبه ایله یونانستان
 فعلاً استقلالنی ضایع ایدرک ما کدونیا اداره سنه دو شمشدر
 مع مافیله فلیپ رسماً هیچ بر حکومت یونانیه نك استقلالنه طوقو .
 نیوب چله سنی حالیه ابقا ویا لکز مواقع مهمه عسکریه یینی

اسکندر

در دست انش و کندیسنه بالکز ایران علیهنه اولان محاربه ده
 قوای متفقہ یونانیہ نیک باش قوماندانلغی حقنی توجیه ایتدیرمشدر .
 فلیپ بوندن صکره همان سفره چقمق اوزره مملکتنه عودت
 ایتمشده آز وقت مرورنده ذوجده سی اولیمیانک امریله حرکت
 ایلدیکی قویاً مظنون بولنان پاوزانیاس اسمنده برضا بطک سؤ
 قصدینه قربان اولمش وهنوز سن کاله واصل اولان بومدیر
 حکمدارک ناموسم وفاتیله تصورات عظیمه جه انکیرانه سنک
 اجرایی اوغلی اسکندره قالمشدر (ق ۹۵۸)

۲

اسکندر

اسکندرک طبیعت و صورت تربیه سی . ابتدای جلوسنده کی وقوعات .
 ایران سفری . غزائیک محاربه سی . اناطولیونک استیلا سی . ایسوس محاربه سی .
 صور محاصره سی . سوریه و مصرک استیلا سی . اسکندریه شهری .
 اریل محاربه سی . دارانک اتلافی . ایرانک استیلا سی . هندستان
 سفری . اسکندرک پاله عودتی . اسکندرک صورت اداره
 و تصوراتی اسکندرک وفاتی

اسکندر پدریک تختنه جالس اولدیغی زمان هنوز بیکرمی
 یاشنده برکنج ایسه ده کرک درایت طبیعیه و کرک صورت
 تربیه سی بویه بیوک بر مقصدک تمامی حصولنه ازهر جهت کافی
 بولتمده ایدی اسکندر جهانگیر لره یاقشه جق بر صورتده تربیه

کوروب سلاحش و رلق و جسارت خصوصنده یکتا ایدی .
 پدرینه تقدیم اولنوب الماهر جندیلك ضبطه قادر اوله مدقلمی
 بوسه قال نام آتی قولایلقله ضبطایدیورمی پدرینک موجب رقتی
 اولمش و قوجه فلیپه « اوغلم باشکه بشقه بر تاج ارا ما کدونیسا
 تاجی سکا کوچک کلیر » دیدیرمشدی پک کوچک یا شندن محاربه
 لره کیررک شجاعت و جسارت ایله تمیز ایلش و خرونه
 محاربه سنده فلیپک مظفرینتی اسکندرک قومانده ایلدیکی فرقه
 تأمین ایتشدی بوجسارت و مهارت عسکریه به ارستطالیدس کی
 یالکز زمانک دکل عموم اعصارک اشهر حکما سندن بر ذات حکمت
 سمانک حلقه تدریسنده بولمش اولمق مزیتی دخی انضمام ایلکده
 و بو خصائص پک نادر بولنان بر حس حیثیت و کندیسنک همه
 حال جهانکیر اوله جفته بر امنیت تامه ایله دخی کسب قیمت
 ایلکده ایدی . فلیپک ذاتاً استحضار ایلدیکی وسائط قوت بویله
 بر ذاتک بد اداره سنه کچنجه پک مشکل کی کورینسان مقاصد
 جهانکیرانه نک قولایلشه جفی شبهه سزدر .

اسکندر یالکز اون اوچ سنه سلطنت ایده بیلمش و بومدت
 جزیه طرفنده کی اجراءات خارق العاده سیله تاریحک کندیسنه
 و بر دیکی کبیر لقبی بحق قزاقمشدر .

اسکندرک جلوسنی متعاقب یونانستانده بعض قاریشقلقلر
 اولوب حتی فلیپک وفاتندن طولانی بالخاصه اتنده اعلان
 مسرت ایلش و کریمه سنک ضیاعیله ماتمده بولنان ده موسقی

ملت میدانته بیاض اوروبه لاله کله جک درجه ده ممنونیت
 کوستر مشدی . مع مافیه اسکندرک همان یونانستانه کلمسیله بر
 قیام وقوعنه وقت قالمیوب مشار الیه کنندیسنی ایرانه قارشو
 عساکر یونانیه قوماندانلغنه انتخاب ایتدردکن صکره طونه
 وایلیر یا جهترینه سفر المشدی .

اسکندرک ایلیر یاده مقتول اولدیغی شایع اولغله یونانیسلر
 ماکدونیا یوندریغندن قورتلق ایچون یالکز اسپارطه خارج
 اوله رقی بر قیام عمومی ترتیب ایشلر سهده اسکندرک پک جزئی
 یر مدت ایچنده اردو ایله کلیو برمی متقیبنی شاشرتمش و آز
 وقتده جله می ماکدونیا عسکری طرفندن طارمه طاغین
 ایدلشدر . اسکندر آتته حقنده رفیق ایله معامله کوستروب
 یالکز ده موسن و ساثر ماکدونیا دشمنلرینک تبعیدیه اکتفا ایش
 ایسه ده تب شهرینی تخریب واهالیسنی دخی فروخت
 ایتدرد مشدر (ق ۹۵۷)

یوندن صکره چوقدن مصممی اولان ایران سفرینک اجراسنه
 مباشرت ایشدر .

اسکندرک اردوسی قرق بیگ نفردن عبارت اولوب یونکده
 نصفی ماکدونیاالی و باقیسی یونان معاونه سندن عبارت ایسه ده
 تشکیلات عسکریه سنک مکملیت وانتظامی بو کوچک اردویی
 جسم ایران اردولرینه پک چوق فائق بولندیر یوردی . اسکندر
 اردوسیله چناق قلعه بوغازندن کچهرک ترواده قهرمان آشیلک

قبرینی بعد از یاره اناطولی به کیرمش و ایرانیله غرانیک ایرماغی
جوارنده وقوع بولان ایلك محاربه سنده ایرانك قوتی پك کلی
دکسه ده اکثر بسنك یونانی اولسی جهتیله مشکلات زیاده اولوب
حتی اسکندر كتهلكده قالان حیاتی انجیق قوماندانلردن قلیتوسك
یتشمسیله قورتیله بیلس ایسه ده ینه موقیت اسکندر طرفنده
قالوب اناطولی بولی اردوسنه اچمش واسکندر آرزو قنده سوریه
حدودینه قدر عموم آسیای غربی بی اله کچیرمشدر .

شاه ایران دارای ثالث مدافعه ممالک ایچون بر قایح یوز
بیک کشیلک بر اردو ایله حرکت ایدرک سوریه حدودینه کلمش
اولقله ایکی اردو ارسنده ایسوس (ایاس) جوارنده وقوع
بولان محاربه ده بالخاصه قوای ایرانیه نك جمله سی داخل حرب
اوله مامسی جهتیله ایران اردوسی مغلوب و دارانك عائله سی
بیله اسکندره اسیر اولدیغندن اسکندر ك سوریه اوزرینه تجاوزینه
آرتق بر مانع قالماشدر . (ق ۹۵۵)

اسکندر دارانك عائله سی حقنده ، خصوصاً او زمانك
اصول حریره سنه کوره ، پك عالیجنابانه معامله ده بولنده رق
دشمنلرینك بیله نظر استحصانی جلب ایشدر .

اسکندر ایرانك اولاممالک بحریه سنی در دست ایدرک
یونانستان طرفندن برفساد چیقامامسنی تأمین ارزوسنده بولند .
یغندن همان شرقه یوریمبوب سوریه ومصر اوزرینه حرکت
ایشدر . هر یرده کندیسنه عرض تسلیمیت ومطاوعت ایدلمش
ایسه ده یالکز صور روی مخالفت کوستره رك قپولرینی اچد .

یغندن اسکندردده شهری محاصره ایدوب قره ایله نفس شهرک بولندیغی اظدنک ارهسنی ریختمله طولدیرتمش والتی یدی آی محاصره دن صکره صوری هجومله ضبط ایدرک کاملاً تخریب واهالیسنی فروخت ایتدیرمشدر .

اسکندرک صور حقنده معامله شیدیده سی او زمان مرکز تجارت اولان بو شهرک معموریت و سعادتنی مصرده تأسیس ایلدیکی اسکندریه بلده سنه نقل الیک ایچون اولدیغی ملحوظدر فی الحقیقه اسکندریه شهری مدت قریبده بحر سفید تجارتک مرکزی اولمشدر . (ق ۹۵۴)

اسکندر سوریه و مصرده بولندیغی زمان ایران شاهی ممالک مضبوطه نیک کاملاً ترکی وغایت کلی تضمینات نقدیله اعطاسیله صلح ایلدی ایچون تکلیفلر ایلشسه ده اسکندر بو تکلیفاته قولاق اصمیبوب شرق امپراطور لغنی الموق اوزره اردو ایله ایران اوزرینه حرکت ایلشدی . صوک درجده مقاومدن بشقه چاره سی قلمیان دارا نقدر قوتی وارسه چله سنی طویلا . یوب طالع حربی برده ها تجریبه چیتمشسه ده نفس ایران حدود لرنده اریل موقعنده وقوعبولان محاربه ده کلیاً مغلوب اولغله حکومت شرقی یی اسکندره براقه رق میدان حربدن فراره مجبور اولمشدر . (ق ۹۵۳)

دارا حین فرارنده آسیای وسطی و ایسی خائن بسوس طرفندن اتلاف ایلدیکندن اسکندره رقیب اوله ایله جک وارث سلطنت دخی بر اقاممشدر . (ق ۹۵۲)

اسکندرک بوندن صکره کی حرکتی ممالک ایرانیه نک برباشندن او برباشنه برسیر فاتحانه دن عبارتدر . اسکندر عموماً مغلوبینه پک زیاده حسن معامله ایدوب ساده پایتخت ایران اولان پرسه پولیس (اصطخر) شهرینی تخریب ایتدیرمشدر . آسیای وسطی و افغانستان طرفرنده کی ساتراپلر عادتاً مستقل اولدقلرندن اسکندر انلریده برر بر تخت اطاعته الهرق هندستانه واصل اولمشدر .

اسکندر هندستانه دخی تجاوزله پنجاب طرفرینی استیلا ایلش و بو سفری کرک اسکندرک کندی حیاتی ممالک ظاهریه القا درجه سنه واران جسارت و شجاعت ذاتیه سی و کرک اورا طوائف ملوکندن اولوب وطنی مدافعه ده کوستردیکی قهرمانلقلر الک بیوک مائر حیتدن عد اولنسان قرال پوروسک مدافعه و مقاومتیه کسب شهرت ایلمشدر (ق ۹۴۹) .

اسکندر هندستانی عموماً استیلا ایله منتهای آسیایه قدر کتیک ایلنده ایسه ده کچدکلری چوللرده صومزلقدن و سائر مهالک حریه و مشاق سفریه دن آرتق بیزار اولان عسکر کندیسنی عودته مجبور ایلکله قوتک بر قسمی قره دن و قسم اعظمی یکی انشا ایدیلان دو نیا واسطه سیله دکردن کلدانستانه نقل ایلمشدر .

اسکندر ولایات ایرانیه نک چله سنه ما کدونیاالی و الیلر و عسا کر محافظه کوندروب ما کدونیا و یونانستانک اداره سی

ابتدای سفرده بر اقدیغی آنتیپاتر Antipater ده بالابقا بو ممالک
 جسمه ننگ مرکزنده بولنان بابل شهرینی پانتخت اتحاد ایلمشدر .
 اقوام شرقیه ایله بونانی و ما کدونیا الیری بر خور ایدرک
 عمومی بر ملت حالنه قومق املنده بولندیغندن مغلوبینه عموماً
 حسن معامله وانلردن بر طاقزینی سرای خدمتانه و معینه قبول
 ایلدیکی کبی یونانیلرله ایرانلر آره سنده منا کحاتی دخی تزویج
 ایلش و عموماً نمونه امتثال اولمق اوزره کندیسیده ایران
 پرنسسلردن رخسانی تزویج ایتمشدر . مع مافیله بابل کبی من -
 القدیغی سوء اخلاق ایله مشهر بر برده اقامتی اسکندر کده
 اخلاقنی بوزارق سائقه شباب ایله نهایت درجه ده ذوق و صفایه
 طامش ، سراینده عادتاً ایران شاهلری سراینه مخصوص دبدبه
 و دارات قبول ایلش ، طبیعتنده کی تکبر استعدادی آرتوب
 ایرانی مداهنلره یوز ویرلمکله امکدار ضابطان و امرانک نصایح
 عاقلانه لری کران کلکله باشلایه رق عسکر صنتی منفعل ایدلمکله
 باشلانمشدر . ذاتاً بوتبدل اخلاق مصرده بولندیغی زمان باش
 کوسترمش و اسکندر آمون هاتفته کتدیکی وقت ژویدترک اوغلی
 صفتیه سلامانمش اولدیغندن او کوندن اعتباراً کندیسینه بر ضرور
 و عظمت کله رک پدرینک امکدار لرینی نظر تحقیرله کورمکه
 باشلامشدی .

حتی اسکندرک حیساتنی تخلیص ایدن قلیتوس بر مجلس
 عشرته فلیک مزباننی اوغلنک موقیاتنه فائق کوسترمکله سر

مست‌باده اولان اسکندر بیچاره بی کندی ایله اولدرمشدر .
 اسکندر بو کبی بعض مناسبتسز ایلکرده بولمقله برابرینه
 آرزوی فتوحاتدن خالی قالیهرق بر طرفدنده عربستان ویمنک
 استیلاسی ایچون بر قوه جسیه حاضرلقده ایدی . فقط سوء
 استعمالنک نتیجهسی اولان بر جای شدید بو قهرمان بی امثالی
 کنج یاشنده هلاک ایلکله تصوراتی ثمرهسز قالمش و مسالکی
 برچوق آمال حریصانهنک میدان مجسادهسی حالنه کیشدر .
 (ق ۹۴۵)

فصل ثالث

اسکندرک وفاتندن روما استیلاسنه قدر احوال شرقیه

۱

اسکندرک وارثلری

اسکندرک میرانی . صورت تقسیم ممالک . جنازه الی . لامپا
مخاربه سی . دهموستک وفاتی . پردیقا س علینه اتفاق عمومی . تقسیم ثانی .
قاساندر و پولیپسرخون . آنتغونوسک حرص تحکمی و ایسوس بحاربه سی .
تقسیم ثالث . دهمتریوس بولپورکت . پیروس . یونانستانک حالی . لبریماقی .
سلفوقوسک موفقبساتی . بتولومسه کهرانوس . برغمه دولتی . انتغونوس
غوناناس .

اسکندر آز بر مدت طرفنده هندستاندن آدریاتیق دکزینده .
قدر ممد بر دولت معظمه تشکیکنده موفق اولمشسدهده ممالک
مفتوحه بیننده بر رابطه قویه وجوده کثیره مکمزین کنج
باشنده وقوع وفاتی ایله بو هیئت جسمه ننگ دوام و بقای سی بیوک
تهلکدهده قالمشدی . اسکندرک مقامنی طوتاجیق بر وارث
مقتدری بولمدیغی کبی کندیسیده خلفنی تعیین ایچون ارزو
کوسترماش وحتی حین احتضارنده حکومتنی کیمه بر اقدیغی
سؤال اولندقدده « اک قوتلی اولانه » جوابنی ویره رک دولت

اسکندر به نیک امرانک بد حرص و حسد لرنده بر باز یچو انقلاب
اوله جغنی ضمناً بیلدیر مشدی . ذاتاً اسکندر بر وارث و خلف
براقش اولسه بیله اکر بو خلقک اقتدار ذاتیسی کندیسینی
مطاع جهسان ایده جک درجه ده دکلسه اتحاد دولتک بینه
محافظه سنه موفق اوله میه جغنی در کار ایدی . چونکه دولت
بر دولت عسکر به اولوب هر بری عسکر آره سنده کلی نفوذ
و طرفدارانه مالک بولنان قوماندانلرک قولایقله بر شخصه بیعت
و خلوص ایله عرض تابعیت ایله جکری بدیهی بر کیفیت ایدی
حقیقت حالده اسکندرک وارثلری ممالک مفتوحه نیک تسخیر لرنده
کندیسندن صکره الک زیاده غیرت کوسترن قوماندانلری اولمق
لازم کلور دیکه فی الواقع حکومتده فعلاً بونزه انتقال ایشدر .
اسکندرک وفاتده امرای عسکر به طویلانوب مشاوره
ایدرک مملکتک آره لرنده صورت تقسیمینی قرارلشدر مشر و فقط
رسماً قرال صفتنی طاقیمبوب حصه لرنه دوشن برلری والی نامیله
اداره به قرار و بر مشدر . پایتخت دولت ینه بابل او اوب فلیپک
تسالیالی بر قادیندن متولد مخدومی بولنان ضعیف العقل فلیپ
آریده اوس رسماً قرالغه چیقارلمش و اسکندرک زوجه متروکه سی
رخسان حامله بولندیغی جهته ولد ذ کوری دنیا به کلیرسه انکده
حکومه تشریفکی شرط قولشدر .

فی الواقع براز صکره رخسان برارکک چو جق طوغور مغله
بوده پدربیک نامیله توسیم ایدیلرک فلیپ آریده اوس ایله

برلکده قرال ایدلشدر . مع مافیه بونلرک هییح حکمی اولیوب اصل بابل حکومتی عسا کر خاصه قوماندانغیله قراللرک وصایینه نصب اولنان پردیقاسده قلمشدرکه ذاتاً اسکندرده قبل الوفات مهر دولتی بوکا تسلیم ایلشدی . اسکندر حکومتک بوایلک تقسیمی بروجده آتی ایدی :

۱ لفظی صورتده اوله رقی عموم ممالکک حکومتی اسکندرک برادری فلیپ آریده اوس ایله رخساندن متولدا و غلی اسکندرده .
۲ طوغریدن طوغری به آسیای وسطی ایران و عراق جهتلری اداره سی قراللرک مشا ایلرکی صفتیله نائب دولت پردیقاسه .

۳ مصر و سیره نایک و جنوبی سوریه قطعاتی قوماندانلردن پتولومه (بطلمیوس) به .

۴ کوچک آسیانک غرب و جنوب جهتلری قوماندانلردن انتیغونوسه .

۵ کوچک آسیانک وسط شمالنده اولوب هنوز لایقیله تحت اطاعتده التمامش اولان قاپادوکیا و پافلاغونیا حوالیسی یونانی الاصل اولوب مدت مدیده اسکندرک سرکتابنده بولنان اومده نه به .

۶ اناطولینک هلسسپونت (قلعه لسانطانیه) جوارلری لئوناتوسه .

۷ تراکیا حوالیسی لیریماخوسه .

۸ ماکدونیا و یونانستان حکومتی مشترکاً اسکندرک اورالده نائب دولت صفیله بر اقدیغی آنتپتر ایله قرارتورسه .
 ممالک بوضورتله تقسیم ایدلگدن صکره اسکندرک جنازه
 آلابی ترتیب اولنوب جسدی بابلدن کمال طنطنه ایله مصرده
 اسکندریه شهرینه نقل واوراده دفن ایدلشدر روایت کوره
 جنازه نك موضوع اولدیغی عربیه سیم وزردن معمول اولوب
 غایت آغر اولغله قرق الی چفت اوکوز چکدیکی حالده بابلدن
 سوریه به آنجق برسنده واصل اوله بیلشدر .

بو ائشاده یونانستان قطعده سی بر طاقم وقایع مهمه نك مرکز
 ظهوری اولمشدی ده اسکندرک و فائتدن مقدم هنوز ماکدونیا لیلر
 ایله طالع حربی تجربه ایتماش اولان اسپارطه لیلر قرال آکیسک
 تشویقیله عصیان ایدرک ماکدونیا تحکمندن یقایی قورتارمغه
 چالشلر سده آنتپتر طرفندن مغلوب ایدلشدر بو ائشاده آتندک
 کوستردیکی سوء نیت آتاریده الک باشلی خطبانک و بالخاصه ده
 موسسنتک شهردن طرد ایدلرینی انتاج ایدرک نهایت مجرمین
 سیاسییه نك چله سی اسکندر طرفندن عفو ایدلمکله اورتالقی
 سکونت بولمشدی .

فقط اسکندرک خبر وفاتی اطرافه منتشر اولدقدن صکره
 یونان و طنپورورائنده استقلال ایدلری بالطبع ده زیاده ارتارق
 مهم بر عصیان ظهور ایتشدر که بودفعه اسپارطه لیلر حرکت
 واقعه یه اشتراک ایلیموب ریاست قیامی اتله لیلر ایله تبلیلدر عهده

ایشلر و بونلرک موفق اولملری اوزرینه سائر برطاقم حکومات
 یونانیسهده ما کدونیا علیهنه قیام ایلشلدردر . آنتپاتر در عقب
 تسکین اختلال ایچون قراروس ایله برلکده یونانستان وسطی به
 قوشمشسهده اردومی مغلوب اولهرق کندیبسی لامیا قلعه سنده
 محصور قالغله ما کدونیا نفوذی بسوک تهلککبه دوشمش و بو
 محاصره دنطولابی محاربه یهده لامیا محاربه سی نامی ویرلمشدر . بو
 صرهده چناق قلعه طرفلرندن بیوجک براردو ایله آنتپاترک امداد
 دینه کلان لئونانوس دخی یونانیلر ایله وقوع بولان بر محاربهده
 مغلوب و مقتول اولهرق اسکندر ممالکنی تقسیم ایدن قوماندانلر
 دن بری آرهدن قالشمشدر . ما کدونیا ایله یونانیلرک محاربه سی
 خیلی دوام ایلشمسهده نتیجه سنده یته غلبه ما کدونیاده قالارق
 یونانستان تکرار آنتپاترک پنجه تسخیرینه کچمش و بوصرهده
 آتنده دهه وستن ایله سائر ما کدونیا نفوذی علیهنده بولنسان
 حشاهیر نطق بردازان ما کدونیا طرفدارانی طرفلرندن محکوم
 اعدام ایدیلرک اتلاف ایدلمشلدردر . یالکز دهه وستن برعبده انجا
 ایلدیکی حالده اورادهده خصماسی لندن قوریتله میه جفتی اکللا
 یوب کندی کندینی تسمیم ایدرک رزیلانه بر اولومدن تخلیص
 نفسه موفق اولمشدر . (ق ۹۶۴)

لامیا محاربه سنک ختامنی متعاقب آنتپاترک ورفیق قراروسک
 فطر دقتلری آسیا قطعه سنه معطوف اولمشدی . اسکندر
 ممالکنک ایلک صورت تقسیم پک چوقلری ناخشنود براقشدی

پردیقاسک حکمدارلره وصایتیله برابر مملکتک قسم اعظمی
 اداره سنه المسی او مده دن بشقه سائر ارقداشلی و بالخاصه ذاتا
 اسکندر طرفندن ما کدونیا به نائب سلطنت تعیین قلنش اولسی
 حسیه بوضعه نیاتک کندیسنه و برلمسته منتظر اولان آنتپار
 نظرلنده پک خوش کورتمدیکی کبی بر طرفنده پردیقاس
 آتغونوسی بعض بهانهلر سردیله تحت محاکمه المی ایستک
 و عموم اسکندر ممالکینی کندی اداره سنده جمع ارزوسنده بولمق
 کبی آمال حریصانه ارائه ایلدیکندن عموم قوماندانلر موچی الیه
 علیه اتفاق ایشلر و آنتپار دخی اردوسیه اناطولی به تجاوز
 ایتشدی . پردیقاس رفقاسنک اتفاقلرینه میدان ویرمکسزین
 طور اتمق ایچون مصر اوزرینه هجوم ایلدیسه ده بلوز جو ارنده
 مغلوبیته اوغرا دیغندن عسکرلری عصیان ایدرک موچی الیه
 اعدام ایشلر و بوضرتله قوماندانلر اسکندر دولتک اعاده سنه
 تشبث ایدن پردیقاسک تجاوز اتدن تخلیص کریان ایده ایشلر در .
 بو موقعیت اوزرینه قوماندانلر سوریه قطعه سنده تری
 پار دیزوس نام موقعه اجتماع ایدرک اسکندر ممالکینی ایکنچی
 دفعه اولمق اوزره صورت آتیه ده تقسیم ایشلر در .
 ۱ مشترک قرال فلیپ آریده اوس و علیکساندرک وصایتی
 و خاندان سلطنتک محافظه سیله ما کدونیا و یونانستان آنتپاره ؛
 ۲ تراکیا لیزر ماخوسه .
 ۳ اناطولینک همان کافه سی و فارس آتغونوسه ؛

- ۴ مصر و جنوبی سوریه کما فی السابق اطدرله پتولمه به .
 ۵ بابل و حوالیسی بر مدت مدیا و الیلکنده بولنان
 سلفقوسه .

بو محاربه ده یالکز باشنه اوله رق پردیقاسی التزام ایلش
 اولان و درایت و مهارت حریده جه اسکندر امراسنک الک
 ممتازی عد اولنان اومدنه Eumene دخی عاصی عد ایدیه رک
 تأدیپ و اتلافی آنیغونوسه حواله ایدلشسه ده اومدنه مدت
 مدیده کندیسنی کمال جسارت و مهارتله مدافعیه موفق اولشدی .
 بو تقسیم ثانی اوزرینه دخی دولت اسکندریه ده صلح
 و سلم مدت مدیده دوام ایده میوب یسه ناره حرب و قتال
 ما کدونیا طرفلرنده شعله ریز اشتعال اولدی شوبله که آنتیپاتر
 آز وقت صکره ترک حیات ایدوب برینه اوغلی قاساندری
 خلف بر اقاچغنه اسکندر امراسندن پولیسپر خوننی بر اقدیغندن
 قاساندر کندی حتی اولان سلطنتی المق ایچون قیام ایدرک اولان
 یونانستاننی و بعده ما کدونیا بی ضبط و تسخیر ایلش و پولیسپر خون
 قرالری قاساندرک النده عادتاً اسیر کبی بر حالده بر اقدرق
 آنغونوس نزدیکه التجا ایتشدی .

ذاتاً پردیقاسک امال حریصانه سی آنیغونوسه انتقال
 ایلش اولوب بو ذات او اثنالرده آسیای علیاده ممالکنی توسیع
 ایله عادتاً اسکندر دولتتک قسم اعظمی اعاده ایلش و بابلی
 دخی ضبط ایدرک سلفقوس مصره التجایه مجبور اولشدی .

آنتیغونوس بو زمان موقعیاتنده قرال نامنی رسما طاقندیغندن سائر قوماندانلرده اكا اقتفا الطلشر واسکندرک برادری ایله اوغلنک سلطنت لفظیه لری دخی بو صورتله نهایت بولمشر .

بو دفعه آنتیغونوس اورویا قطعده سنده دخی تأسیس نفوذی ایچون پولیسپر خونک طردینی وسیله مناسبه انتخاب ایدرک یونانستانک استیلاسنه اوغلی دمتریوس پولیورکت (یعنی شهرلر محاصره ایدیجی) ی کوندرمش و اوده یونانستانی تسخیره موفق اولمشده آنتیغونوسک ترقیاتی اسکندر وارثرنک خوشلرینه کتمدیکنندن علیهنده عقد اتفاق اولمغله موھی ایله اوغلنی انا طولییه جلبه مجبور اولمشدی بر مدت دوام حریدنضسکره آنتیغونوس ايسوس محاربه سنده مقتول اولمغله اولکیندن چوق فرقی بر تقسیم جدید وجوده کثیر بهرک اسکندر ممالکی درت دولته آیرلمشر . (ق ۹۲۳)

اومده نه مشروع حکمدارلرنک منافعی محافظه ایچون ایتدیکی و فن حربک ک مشکل اجرا آتندن عد اولنان بر چوق شانلی مظفر تله نائل اولدیغی محاربانده کندی عسکری طرفندن قتل اولندیغندن میدانده بطلیوس و سلفقوس ایله لیرنماق و قاساندردن ماعدا طالب سلطنت قالماشدی .

تقسیم جدیدده بتولومدنک ممالک قدیمه سی ابقا ایدیلوب شمالی سوریه و آسیای علیا و عراقین و اناطولینک بر قسمی

سلفقوسه و تراکیا به علاوه اناطولینک شمال غربیسی لیرنیاخوسه
ورلدی و قاساندرده ممالک موجوده سنده تأمین قلندی .

مع مافیه افسوس محاربه سنده ده متر بوس پولبورکت
معیت موجوده سیله منتظماً رجعت ائلس و دوئناسیله یونانستانه
کچهرک اتندی اوراده تغلب ایدن و اون سنه قدر شهری
ماکدونیا اتفاقی سایه سنده اداره ایلین فالرلی ده متر بوس لندن
ضبطه بیله موفق اولمشدی .

ده متر بوس پولبورکت بوندن صکره ماکدونیا به تجاوزله
اورایی دخی قاساندرک لندن المغه موفق اولدی ایسده او
صرهده اپیر قطعده می حکمداری اولوب فتوحاتیه نائل شهرت
اولان مشهور پیروسک تجاوزاتنه دوچار اولغله انکله برمدت
محاربه ائلس و نهایت تاج و تختی دن قاچیرمشدر .

پیروس عهد قدیمک یئشدر دیک ارباب سیفک الک ماهر
و جسور لندن اولوب قوماندانلقده اسکندرلر و آنیبالر صره -
سنده یاد اولنور . کندی می مقام سلطنته جلوسی زماننده
ادریاتیق ساحلنده کوچک بردولت اولان اپیر حکومتی زماننک
الک مقتدر دولتلری صره سنه قویارق برآره لقی ماکدونیا تخنه
دخی نائل اولمش و مؤخرأ ماکدونیا نیک لیرنیا ق طرفندن ضبطی
و تراکیا ایله توحید ایدلسی اوزرینه ایتالیا به کچهرک اوصرهده
هرکسه القای خوف و دهشت ایدن رومایی لرزه ناک حشیت
ائلمشدی . تفصیلاتی روما تاریخنده کوریلجک اولان ایتالیا

سفرندن صکره پیروس یونانستانک ضبطنه تشبث ایدوب فقط
 آرغوس شهرینه حرباً کیردیکی صرهدده برقادینک اوی طامندن
 آندیغی کره میدپارچه سندن متأراً ترک حیات ایلشدی (ق ۹۸۴)
 بو ائشاده یونانستانک احوالی پک قاریشق اوله رق برچوق
 ظلمه اداره سنده قالان بو بدبخت مملکت بر طرفندده پیروس ده
 مترپوس پولیورکت، اوغلی آنیغونوس غوناتاس و مصر حکمداری
 بتولومونک حرص و طمعزینه بازیمچه اوله رق مصائب طبیعیه
 حربیه دن دوچار اولدیغی بلاو مصیبت قالماش و نهایت
 ماکدونیا لیریماقک الله کچدیکی صرهدده یونانستانک اکثر محالی
 آنیغونوس غوناتاسک الله اجتماع ایلشدی .

لیریماق ایله سلفوقس آره سنده برمدت حب و موالات جاری
 اولمشدهده سلفوقسک سن شیخوختی تزیاید ایلدیجه کندیسینده
 توسیع ممالک حرصنک آرتمسی ملبسه سیله نهایت آره لرندده محاربه
 نحدث ایدرک بو حربده لیریماق مغلوب و مقنول و سلفوقس ده
 تراکیا و ماکدونیا حکومتنه نائل و واصل اولدی و بر عمر برشر
 مدتجه سورن مساعی عظیمه می سایه سنده مصر ایله جنوبی
 سوریه مستئنا اوله رق عموم ممالک اسکندر یه بی داخل حوزه
 حکومتی ایلدی فقط بوسعادت عظیمی دن چوق وقت استفاده
 ایده میوب اسکندرک اناطولی سفرندن بری کوره ماش اولدیغی
 وطننه قاووبشدیغندن طولایی اجرای آیین شکر کذاری به
 طالبدیغی صرهدده معیتی امراسی میاننده بولندردیغی بتولومه

که راونوس طرفندن اتلاف ایلمکله فتوحات جدیده سندن
 لذتیاب اولغه زمان بوله مدی . (ق ۹۰۲)
 پتولومه که راونوس مصر حکمداری پتولومه سوترک بیوک
 اوغلی اولوب وفات ایدن پدری طرفندن کوچک برادری
 پتولومه فیلادلفک ولی عهد تعیین ایلمسی اوزرینه کندیسینه
 مناسب بر حکومت بولمق اوزره مصری ترک ایلمشدی . پتولومه
 سلفقوسی اتلاف ایلمکله نائل امل اولوب عسکر طرفندن ماکدونیا
 و تراکیا حکمداری اعلان ایلدی و بوصورتله اناتولی
 و اوروپای بر اشدرمک خصوصنده سلفقوسک تشبثی ثمره پذیر
 اولیدرق بعدما روما فتوحاتنه قدر ایکی قطعه بر بردن قطعاً
 آیرلدی .

بو اثناء اناتولیده بر دولت دهها تشکل ایلمشدی . ایریماق
 اناتولیده کی ممالکینک اداره سیله برابر خزانکنک محافظه سنی
 خواص اتباعندن فیله تر نام بریسنه حواله ایلمش اولوب فیله تر
 ایسه طالع حربک سلفقوسه مساعد اولدیغنی کورمکله اکا
 عرض اطاعت ایتمشدی بودفعه سلفقوسک و طاقی اوزرینه فیله تر
 متوفی نک اوغلی آنتیوکوسه عرض اطاعت ایلمه رک اعلان
 استقلال ایله مشهور برغمه قرالغنی تأسیس ایلمشدر .

پتولومه که راونوس دخی ماکدونیا ده راحت سلطنت
 ایده میهرک براز مدت صکره بتون بالقان شبه جزیره سنه مستولی
 اولان خالارله محاربه ده ترک حیات ایلمکله ماکدونیا بر مدت پک

قاریشق بر حالده قالدقدن صکره نهایت حکومت آئیغونوس غوناتاسه
کچمش وانک سلاله سی رومانک زمان استیلاسنه قدر مقام
حکومتده قالمشدر .

اسکندرک وفاتنی متعاقب جالس مقام حکومت اولان
قوماندانلرینه دیادوق (خلف) ل وانلرک وارثلرینه دخی ایغونلر
نامی ویرلمشدر موضوع بحث ایدیلان محاربات طویلده اسکندر افراد
خاندانک هربری برر صورت بیعه ده وفات ایلدیکی کبی سلفقوسک
اتلافیه دخی دیادوقلرک صحیفه سرکذشتلری قپاندیغندن شمعی
نوبت بحث ایغونلر دورینه کچمشدر .

۲

شرقک احوال اخیره سی

دول شرقیه: بطلمیوس دولتی . سلفکیان دولتی و پیوک آتیبوکوس .
برغه دولتی . یونانستان : اتولیه و آخایه اتفاقلری . قله ثومن و اسپارطه . بشنجی
قلیب . یونانک اعلان سر بستیبی . فیلوبه من . برسه اوس . یونانستان و ماکدونیانک
رومایه الحاقی .

ما کدونیا ده آئیغونوس غوناتاس سلاله سنک قطعاً تأسسی
ائناسنده وقتیه اسکندرک تحت اداره سنده اجتماع ایلش بولنان
ممالک عظیمه ده حکومت عسیده حکم فرما بولونیوردی مصر
وجنوبی سوریه دائماً بطلمیوس حکومتی نسنده اولدیغی کبی
سوریه ، عراق و ایران و بللور طاغلرینه قدر آسیای علیا

سلفقوس و یاسلفکیان دولتی اداره سنده ایدی اناطولینک شمال
 غربی سنده برغم دولتی وانک بر از شرقندہ و شمیدی برو سہ
 حوالی سندنہدہ بٹینیا حکومتی شکل ایشدی بالقان شبہ جزیرہ سندنہ
 دخی ما کدونیا قرالغی ایلہ بر در جہیہ قدر ما کدونیا تحکمندن
 خلاص بولان یونانس تان ہیئات سیاسیہ سی موجود ایدی .
 ممالک مزبورہ ننگ رومالیر طرفندن فتح واستیلارینہ قدر وقایع
 تاریخیہ لری برو جہ آتی علی طریق الخلاصہ ذکر و بیان اولنور:
 دول جدیدہ دن اک متینی مصدرہ کی بطلیوس حکومتی
 اولوب بتولومہ سوتر ممالک اسکندریہ ننگ تقسیمات متعدده سی
 اتناسندہ مصر حدود طبیعیہ سی خارجندہ توسیع ممالک غیرتندہ
 بولنیمہ رق مدافعہ سی قولای ممالک ادارہ سی در عہدہ ایش
 و کندیسیدہ مصر عادات و مذہبی قبول ایدرک مدنیت یونانیہ
 ایلہ مدنیت مصریہ بی مزج و ترکیبہ چالشمش اولدیفندن بطلیوس
 دولتی صورت متینہ و قویہ ندہ شکل ایدوب اوج عصرہ قریب
 مدت بقا بولمشدر . بودولنک تاریخی بالخاصہ سوربہ حکومتیلہ
 وقوع بولان محاربات متعدده ایلہ مملودر . بطلیوس اولنک خلقی
 اینکجی بتولومہ فیلادلف وقتندہ مصر علوم و معارفیہ زیادہ
 ترقی ایدرک اسکندریہ شهری علما و حکمای عصرک مرکز اجتماعی
 حالنہ بکشددر . مصر حکومتی خیلی مدت اقبال و عمران اوزرہ
 بردوام اولوب نہایت روما ایمپراطوری آوغستوس زمانندہ
 روما ولایتی حالنہ کیرمشدر .

سلفکیان دولتی ممالک اسکندریه ننگ قمم اعظمی محتوی
 اولدیغی حالده صکره لری کوچولمکه باشلابوب ایرانده آشکانیان
 سلاله سی طرفندن برحکومت مستقله تأسسی اوزرینه آسیای
 علیایی الدن قاچرمش ومؤخرأ پیدربی ائوریه شمالنده ارمنستان
 وقره دکر ساحلنده پونت حکومتلری تشکی ایدرک سلفکیان
 دولتی یالکز سوریه وجنوبی اناتولی به منحصر قالمشدر . فقط
 دولت مذکورہ بنه شمرک الکیوک ومعمور دولترندن اولوب
 مرکز اداره سی بولنان انطاکیه شهری اشهر بلاد عصر ایدی .
 اوچنجی یوک انیوکوس زماننده دولت سلفکیان منتهای اقبالی
 بولوب فقط حکمدار مشارالیهک اولاتر مویلمده وبعده مغنیساده
 رومالیره وقوع مغلوبیتی اوزرینه دوچار انحطاط اوله رق
 یواش یواش منقرض اولغه باشلامش وبراره لق ارمنستان
 قرالی دیقران طرفندن ضبط ایدیلوب تشکندن ایکی بچی عصر
 قدر صکره پومپه بوس طرفندن روما ممالکنه الحاق ایدلمشدر .
 فیله تر دن صکره برغمه حکومتی اوغلی اومدنه یه قالوب دها
 اوقندن روما اتفاقنه داخل اولمش وبوسایه ده سلفکیان ممالکنندن
 برطاقم برلری الارق جنوبه طوغری توسع ایلشدی .

برغمه قرالردن اوچنجی اتالوس رومادن کوردیکی لطف
 وعاطفته مقابله اولدیکی زمان بالجمله متصرفاتی باوصیتنامه رومایه
 برافغله ممالکیده رومانک آسیا ولایتی وجوده کتیر مشدر .

ممالک شرقیہ بوحالہ بولندیغی صرہ لڑدہ یونانستاندہ بعض انقلابات وقوعبولمش ایدی یونانستان مدت مدیدہ ما کدونیا نٹ تحت نفوذندہ قالدقدنصکرہ استقلال ملی حسیاتی ینہ ظہورہ باشلامشدی فقط بودفعہ استقلال یونانی مدافعلکنی درعہدہ ایدنرآتہ واسپارتہ لیلر اولیوب ہنوز یونان تاریخندہ بر موقع مہمی حازر اولیمان ایکی قوم ایدیکہ بونلردہ اتولیلر ایلہ آخاہ لیلر در .

اتولیلر وسطی یونانستاندہ اولوب مدنیت یونانیہ دن استفادہ ایتیمہرک نیم باربار حالہہ قالمش لر وعادتا حیدود لقلہ یکمکدہ بولنمش لردی . بونلرک تشکیل ایلدکلری ہیئت متفقہ دہ انقراض یونانستان دورندہ خیلی کسب اہمیت ایلشدر .

آخاہ لیلر من القدیمر مورہ شبہ جزیرہ سنک شمال طرفندہ ساکن اولوب ذاتاً بعض مراسم دینیہ ایچون اون ایکی شہردن مرکب برہیئت متحدہ تشکیل ایلش لر و فقط مؤخرأ بو ہیئت ما کدونیا حکمداری فلیپ طرفندن فمیخ اولمش وما کدونیا لیلر دور تحکملرندہ ہر یونان شہرندہ برادارہ اشراف تشکیل ایتش لر ایدی . آرغولید قطعہ سندہ کائن سکیتون شہرندہ دخی بویلہ بر ادارہ موجود اولوب لکن شہر مذکور سکندہ سندن و ادارہ عوام طرفدارانندن بولنمی حسیلہ فقیدہ بولنان آراتوس نام حمیتندک اقدامیلہ ادارہ اشراف قالدیریلہرق سکیتونندہ دہ مو قراسیہ اعادہ ایلش و آراتوس وطنی آخاہ ہیئت متفقہ سندہ

دخی داخل ایدرک بوکوندن اعتباراً هیئت مذکورہ نك نفوذ
 واقتداری پیدرینی ارتمشدر . آراتوس آخایہ اتفاقی ریاستند نصب
 اولتمقہ محاربات عدیدہ ایله عموم پلوپونس حکومانی بو اتفاقہ
 ادخال ایلش و بالکیز اسپارطہ بویکی هیئت سیاسیہ نك خارچندہ
 قالمشدی .

اوصردہ اسپارطہ قرالی بولنان قله تومن وطننك اصلاحندہ
 جدأ تشبث ایدرک برخیلی مدندر متروك و بی حکم قالان لیکورخ
 قانونرینك اعادہ سنہ چاشتمقدہ ایدی قله تومن زمانندہ اسپارطہ
 یالکزی ایدی بوز اسپارطہ لی قالمش اولوب بونلرک ساده بوزی
 املاکہ متصرف بولتمقدہ و زروت مفرطہ ایله فقر مفرطك مسا
 ویسی تماماً حس ایدلمکدہ ایدی . قله تومن اسپارطہ لیلر آرسندہ
 اسکی حیت و غیرت وطنیہ نك اویانسی انجق حسیات عسکریہ نك
 تحریکیله اسپارطہ نك تفوق قدیم نفوذینی اعادہ ایلک سایہ سندہ
 حصول بولہ یله جکنی دوشونلرک او وقت اسپارطہ یه سیاسیة
 رقیب بولنان آخایہ اتفاقی ایله محاربه یه کیرشمش و آراتوسی
 زیادہ سیله اشغال ایدرک بوصورتله یونانستانك صولک امید
 استقبالی اولان بویکی ادم بربرینی محو ایچون صرف اقتداره
 باشلامشدر . اولیله لیلر دخی آخایہ یه تجاوزه باشلادقزلندن ایکی
 دشمن ارسندہ قالان آراتوس ما کدونیایلرک معاونندہ مراجعت
 ایدرک یونانستانندہ یته مداخلات اجنیدیه قپو اچشدر او وقت

ماكدونيا قرالى بولنان بشنجى فليپ غايت حريص شهرت بر آدم
 اولوب همان آراتوسك دعوتنه اجابته اتوليه ليلى مغلوب
 ايتش ووسطى يونانستانده قويا تاسيس نفوذه موفق اولمشدى
 فليپ اوصريده قارطاجه ليلايه محارب بولنان رومايه دخی
 تجاوزاملنده بولنه رقى آينبال ايله مذكرات اتفاقيه يه كيرشد يكدن
 قارطاجه غايه سندن قورتيلان رومالير ماكدونيايه تجاوزى
 قرارلشديره رقى روماقوماندانى فلامينوس سينوسه قال موقعنده
 ماكدونيا ليلى مغلوب ايتش و فليپده بودرس اوزرينه روماتفاقيه
 كيره رك ختام عمريه قدر جمهوريت غايه ايله خوش چكتمشدر
 سينوسه قال موقعيتدن صكره فلامينوس يونانستانه كه رك قوريت
 شهرنده ماكدونيا تحكمنك ختامنى وبعدهما يونانستانك حرو مستقل
 اولديغنى اعلان ايدوب بو اعلان اوزرينه عموم يونالير طرفندن
 ارايه مسرتله بيوك شهنلكر اجرا ايدلشدى حالبو كه يونانك
 استقلالى دكل حقيقت حالده رومايه اسارتى اعلان
 اولمقده ايدى .

آراتوسك وفاتندن صكره آخايه هيئت متفقهسى امراسندن
 فيلويه من پك زياده كسب شهرت ايتلشدى فيلويه من هيئت متفقه يي
 برقاندها توسيع و تنظيم ايتدكدن بشقه اسپارطه يي دخی فتح ايدرك
 داخل اتفاق ايتش و بوضورتله عموم پلويونس قطعه سنى برلشد
 يرمشدى . فقط رومالير اوبله بريوك دولت يونايه نشكلى
 ايستمك لرندن ازهر جهت فيلويه منك درعهده ايلديكى ايشى

اشکاله چالشدقوری کبی رومالیرک تشویقیله مسینه لیر اتفاقدن آریلهرق فیلوبه منی دخی اسیر و غیراً اعدام الیشلردر . فیلوبه منه صوک یونانلی ناهی ویرلشدر .

یونانلیر رومانک تحملی ناقابل مداخلاتدن قورتلق ایچون آتیوکوسه مراجعت الیشلر سده آتیوکوسک اولاتر موپیلده مغلوبیتی و صکره مغیسا محاربه سنده کلیاً منہزم اولسی یونانستانه بونجات قپوسنی ده قپامشدر . آتیوکوسک مغلوبیتی یونانستانی بسبتون روما نفوذینه دوشیروب یالکز راستقلال رسمی قالمش و معتبران یونانیه دن چوغنی رهن اولهرق رومایه کتورلشدر . بشیچی قلدیدن صکره ما کدونیا تختنه جلوس ایدن اوغلی برسه اوس روما ایله محاربه یه مباشرت ایلدیکندن روما قوماندانی پول امیل ایله پیدنا موقعنده وقوع بولان محاربه ده مغلوب و اسیر اولهرق رومایه کتیرلش و بمالکی دخی سوزده مستقل درت قسمه ایرلشدی بوندن صکره نوبت استیلا یونانستانه کلش بولمغله برهانه جزئییه یونان ایله روما آره سنده حصول حربی بادی اولهرق روما قونسلوسی مومیوس یونانستانی کاملاً استیلا ایله آخایه ولایتی نامیله رومایه الحاق الیش و بونی متعاقب ما کدونیا ده بروایت حالنه قونلشدر .

هر قومده علوم و فنون و تترك ترقياتدن اول آثار شعر بيه
 ظهور ايلديكي كبي يونانك الكقديم آثار ادب بيه مي دخی اشعاردن
 عبارتدر . بواسعار قديمه ايلبادا واود بيه اسمنده ايكي منظومه
 قهرمانانه ايله برطاق منظومات دينيه دن مركبدر ايلبادا تروا محاصره .
 سبي وقعه سنك بعض احوالی و بالخاصه آشيك حدی وارودن
 چكلمسي وقعه سندن واود بيه اوليسك بعد الحاربه ايتاق اطه سنه
 عودتی اثنا سنده كي سر كذشته دن باحث اولوب ايكي سيده الك
 برنجی درجه اشعار دن معدوددر و نظم لری هجرت نبويه دن
 اون سكر عصر مقدمه بر حیات اولديغی ظن ايدیلان شاعر
 هومروسه اسناد اولتمده در . ايلبادا واود بيه خلق بيننده
 متداول برطاق شرفيلر اولوب پيرسرات دورنده جمع و تدقيق
 ايديله رك بر مجموعه شكلنه قونمشدر . خلقت عالم و احوال آلله دن
 باحث اولان اشعار مذهبه قديمه ده بو وجهله هه ز بود اسمنده
 بر شاعره اسناد ايدلكنده در . يونان شعراسی ميانده هيچ بری
 هومروسك كعبه واصل اوله ماش واود بيه ايله ايلبادا دائما
 بولندقلری موقع عالی استناده قالمشدر . مع مافيه حكيم مشهور
 سولون ، تيرته ، شاعره قورين و باخصوص بعوشه لی پندار
 (ق ۱۱۴۴) آثار منظومه ليله شهرت عظيمه قزالمشدر .
 ترقی مدنيتله اشعار صرفه و شرقيات يرته درام وجوده
 كلش و بعض مذهب شنلكلری تياترونك تولدينه بادی اولمشدر .
 باكوس معبودك شنلكنده بر جمعيت مقنيه طرفندن هپ براغزدن

شرقیلر او قونق اصولدن اولوب شاعر تپسی بوسره ده برسی طرفندن با کوسه دأر بر منظومه قرائت اولتمسی احداث ایدرک تیاترونک ایلک درجه سی اولان مونولوغ (مکلامه بالنفس) حاصل اولمشدی . آتله لی اشیک بوکا بر آقنوردها علاوه اللمسی و او یونر ینک اساسی توسیع ایتسی اصل فاجعه بی وجوده کتیر مشدر . بوترقی پریقلس دورنده وقوع بوله رق فاجعه نویسانک هر سنه میدان مسابقه یه چیقار ق برنجی چیقانک نائل مکافات اولمسی پوشعه ادبیاتی چوق ایلو کتور مشدر . اوچیده بر عصرده ظهور ایدن اشیل سوفوقل و اوریدید یونان درامنک الک بیوک مختر علری اولوب اثرلی حالا یونان قدیم ادبیاتی کتب مضفه . سندن معدود و ایادی اعتبارده متدأر در .

درامه نسبتله دها مضحک حسیاتی و بالخاصه زمانک الک معروف آدملری حقنده مواخذات استهزا کارانه بی حاوی یونان قومدیا ینه پریقلس عصری مؤلفرندن آریستوفان سایه سننده کسب کال اللمش و آریستوفان صکره کندیسیله همعیار مضحکه نویس چتماغله قومدیا دوچار انخطاط اولوب انجق اوچنجی عصر میلادیده ظهور ایدن مه نادر زمانده بر از دوزلمشدر . یونانسنانده نثر و کتابت عادتا شعرک زمان انقراضنده ترقیه باشلامشدر . آثار منثوره نک حفظی شعرکی از برله ممکن اولوب یازمغه متوقف اولدیغندن و او وقتده واسطه تحریر پاپیروس یا پراغیله نخته لوحه لره منحصر بولدیغندن نثرک ایلو

له مسنه مشكلات واردي بومشكلات مؤخرأ برغمده كاغد
مقامنده جيلان دريبي استعمالنه باشلانسيه براز ازالمشدر .
نژك عدم ترقيسي حسيله يونانك احوال قديمه تاريخيه سي
ياونودلمش وياخود بعض اشعار واسطه سيه حفظ ايديه بيلش
ايدي . اناطوليده هاليقارناس شهرنده تولد ايدن هرودوت
(ق ۱۱۰۶ - ۱۰۲۶) ايلك دفعه اوله رق يونانستان تاريخني
يازوب بوكا برمدخل اولق اوزره ممالك سااره تواربخنده
تحرير الماش ووسيله اب التاريخ تسميه سنه مظهر اولمشدر .
هرودوت مدت عمري سياحت ايله پگورمش وكتابني هربري
برموزك اسمنه اولق اوزره طقوزبايه تقسيم ايتمشدر . هرودوتك
تاريخي برچوق حكايات غريبه بي حاوي اولمغله برابر تاريخك
الك باشلي منابعدن بريدر . هرودوتي متعاقب يتشهرك پلوپونس
مچاربه سي تاريخني بازان توسيديد وقايحك اسباب ونتايحني تحليده
هرودوت دن بيوك برمهارت كوسترمشدر . فيلسوف مشهور
سقراطك تلاميذدن اولوب اون بيكار رجعتنده مهارت عسگر
يه سني ابراز الماش بولنان آته لي كسه نوفون بورجعتك تاريخني
وهاله نيك ناميله زماني وقايحك مشهوره سني يازمش وآمارنده صاف
وپاك براسلوب ايله هرودوته بيوك برمائلت محافظه ايتمشدر .
مملكترينك لطافت وحيادت هوامى ومذهبليتك مادته
ميلي كندبلريني دنيسادن هيچ آرماق اقتصا ايدن يونانليلو
مجردات خصوصنده بك بيوك ترقيسات فكريه كوسترهرك

فلسفه‌ده چوق ایلی کتشلردر شعرا و مورخلر کی ایلک
 فیلسوفلرده اناتولی یونانیلری میاندن یعنی ایعونیه دن چشمشدر .
 بو برنجی مکتب فلسفه‌نگ مؤسی اولوب هجرت نبویه دن
 اون اوج عصر اقدم برحیات اولان میله لی تالس کاشانی بر
 ماده مجردیه یعنی صویه عطف ایلش، آناکسیاندر ماده
 کاشات نامتاهی اولدیغنی سوبلش، آناکسین ماده اصلیه و نا
 متاهییه هوا اولدیغنی و هراقلید بونک آتش ایدوکنی بیان
 ایدرک آناکساغوردخی احوال عالمی تنظیم ایدن برذکای علوی
 وجودینی تصدیق ایتشدر . بووجهله ایعونیه ده قواعد لازمه
 اخلاقیه ایله برابر زمانز مکتسبات علمیه سنک اک قیمتدارلری
 اولان نامتاهییلک و وحدت ماده اساسلری هیج اولزسه تخمین
 ایدیه بیلشدر .

بو عصرک مشاهیر حکماسندن بریده سیساملی فیثاغور حکیم
 اولوب مشار الیه جنوبی ایتالیا ده قروتون شهرینه کیدرک
 اوراده بر مکتب فلسفی تشکیل ایتشدر . فیثاغورک مکتبی بر
 نوع درویشلک بولنده اولوب تلامیزی برچوق قواعد پرهیز
 کارانه و ریاضت پرورانه یه تابع بولنورلدی فیثاغور صفوت
 وجدانه یوک اهمیت و بردیگی کی خواص اعدادک
 تدقیقی اساسلی بر مسئله عد ایلش و مذهب حکمیسنده اعداده
 بر قیمت متصوفانه و برمشدر . یواش یواش فلسفه‌نگ رواجی
 تعیم ایدرک حکمادن آمپدوقل اساس عالمی عناصر اربعه به

یعنی صـ و آتش و طـ و پراق و هوایه تقسیم ایدرک بو تقسیم
 غریب پک یقین و قتلره قدر معتبر قالمشدر مباحثات فلسفیه نك
 چوغالمسی عینی صورتده دلائل ایله بر دعوائی هم اثبات و شمه
 جرحه چالیشان سوفستلر یعنی سفسطه پردازانی وجوده
 کثیر مشدر .

فلسفه یونانیه مباحث سابقه ده کور بلان سقراطک تدریساتیله
 دها بشقه بر دور جدیده کیرمش و مشار البک « کندی کندی
 طانی » مآلنده اولان قاعده حکمتیله علم معرفت روحی اقدم
 علوم عد اللمی و وحدانیت ربانیه اعتقادی نی نشر ایله خرافات
 یونانیه دن تعریسی مسـ لک معنویونی میدانه چیقار مشدر .
 سقراطک محرر اثری اولیوب شا کردی افلاطون معلمک افکار
 حکمیه سنی اخلافه حفظ ایلشدر . افلاطون « محاورات » نام
 اثرنده عقل و حکمت و روح ساره سنده کی مناسبتی ایضاح
 و جهوریت و قوانین نام « اثر لنده اداره » حکومت و سیاسیات دن
 بحث ایلشدر . افلاطونک شا کردی واسکندر کیرک خواجه سی
 آریستوت و یا ارسططالیس حکمای متقدمین و متأخرینک اک
 یوکلرندن اولوب قوه مفکره قوانیندن بحث ایدن علم منطقک
 موجودی اولمش و تدقیقاتی سایه سنده تفکرات سفسطه پردازلقدن
 قور تیلوب موافق عقل و حکمت بر طریق سالمه کیر مشدر .
 ارسططالیسک پونتیق (سیاست) نام کتابی اداره ایله داریازلمش
 اثر لکک برنجیلر ننددر . ارسططالیس شعره ، بلاغته و عموم

اقسام علومه دائر اثر لریازمش و آثاری زمانزه قدر قیمت و قدرینی محافظه ایشدر .

یونانیر فلسفه ده نقدر مسلك وارسه همان جمله سنی تعمیق ایشدر در سقراطك مسلك كبرندن بشقه كلیون، لادریه، مادیون مذهبلیله ستوبك مذهبی شایان ذکر در .

مذهب كلی (Cynisme) عن اصل سینوبلی اولدیغی حالده ارستطالیس زماننده آتدهده بر حیات اولان دیوژنك تأسیس کرده سیدر دیوژنك بر فوچی دروننده و هر درلو اوازم بشریه بی یلزوم عد ایدرك همان حال و حشتمده امر ارعر ایلدی و متعدد فقرات ضحك آمیزی معلوم اولوب فقط کنیدیسی بر فکر اساسی فلسفی بر اقامشدر پیرون (ق ۹۶۱-۹۱۰) هر شیدن شبهه ایدرك لاعلی العیبا هر قضیه به بر قضیه مخالفه مردی قابل اولدیغی ادما سنده بولمغله لادریه (Scepticisme) مذهبك مؤسس اولمشدر . ینه او عصر حکما سندن قبریسی ذنون مشاغل حیاتیله تحمل ایلکی و محافظه ناموس و فضیلتی وجیهه اساسیه عد ایدرن رواقیون (Stoicisme) مذهبی تأسیس ایش و بونك مذهبی مؤخرآ روماده چوق رواج بولش و دین عیسوی بی تلقی به افکاری حاضر لامشدر . آتته جوارنده تولد ایدن اپیکور ایسه بوکاضد بر نقطه نظر طوتارق مادیات خارجنده هرشی انکار وانسانك یالکز حیات حاضرهدن بشقه برشی دوشونمامسی اقتضا ایده چکنی ادما ایشدر .

یونانستانک صوک زمانترینه طوغری فصاحت و بلاغته
پک ایلویه کیدرک مشهور ده موسط بو خصوصده پریقلسی بیله
فرسخ فرسخ یکمیش و زماننده کی مشاهیر خطبانک جله سنی
کیروده براقشدر . فلیک لرامشالی پک نادر آثار بلیغانه دن
معدوددرلر .

یونانیر علوم و فنونی دخی خیلی ایلویه کتوره رک بانخاصه
قوش اطهلی هیپوقرات (ق ۱۰۸۶ - ۹۸۶) علم طبده کی
تدقیقاتیه طبک پدیری لقبنه مظهر اولمشدر . ردوسده اختیار
اقامت ایدن هیپارخ (۷۹۱ - ۷۲۷) علم هیئنده برخیلی ترقیاته
باعث اولمش و مثلثات علمنی ایجاد و سما خریطه سیله بعض آلات
رصدیه بی اختراع اولمشدر . ارستطالیسک آثاری علوم یونانیه نیک
خلاصه سنی محتوبدر .

یونانیر صنایعه ده چوق ترقی اولمشدر . طرز معماریلری
کندیلرینه مخصوص انواع عدیده بی حاوی اولوب ساده لک
و علویته ممتازدر . مذهبلرینک الجاآتی رسم و هیکل تراشلق
صنعتلرنده چوق ایلرو کتلمرینی موجب اولوب خصوصاً پریقلس
دورینک الک یوک تزیناتدن اولان مشهور فیدیا س هیکل تراشلقده
عموم اعصارک فریدی اوله رق قالمشدر . اسکندر کبیر زماننده
برحیات اولان آپل الک مشهور رساملردندر . اسکندرک فتوحاتی
یونانک موجودیت سیاسییه سنه خلل ویرمکله برابر افکار
یونانیه بی عموم شرقه یا بقله شرقه تشکل ایدن دول یونانیه دن

هر برینک پانختی بر مرکز علوم و صنایع حالتی بولمشر باخاصه بطلیوس سیلاله می دوزنده اسکندریه عموم شرقک مرکز مدنیتی اولمشر .

روما استیلاسندنصرکه بر حیات اولان اسکندریه علماسندن بطلیوس جغرافیه به دائر اثر تألیف ایدوب ارضک مرکز عالم اوله زق شمس و سیارات انک اطرافنده دور ایلدکارینه دائر اولان مسلکی احداث ایلش و فکری قورینک کشف عظیمه قدر اوروپاده پایدار اولمشر . ینه روما دورنده ظهور ایدن یونانی استرابون مشاهیر جغرافیوندندر اسکندریه علماسندن اولقید ریاضیاینده کسب شهرت ایلدیکی کبی شاعر ثوقریت دخی محاسن طبیعتی تصویرده بیوک اقتدار کوسترمشر .

قرون متقدمدنک ال بیوک عالمی سیرا کوز الی آرخیمددر (ق ۹۰۹-۸۳۳) . آرخیمد زمانک ال مشهور مهندس اولوب مصر سفلی ده بر چون بطاقری قورتمشدی . کندیبسی علم هندسه ده بک چوق رقیاتی موجب اولمش و حکمت طبیعیه نیک خیلی قوانیننی کشف ایلمشر .

ماینوله آرخیمدک ایجادی اولوب بونک قوتندن کنایه اوله زق - اکر ارض خارچنده بر نقطه استناد بولسه م دنیایی برندن اویسادردم - دیدیکی مشهوردر . بوعالم یکتسا شهرینک رومالیر طرفندن قحی اثناسنده یا کاشمقله اتلاف ایلمشر .

رومالیرک یونانی استیلاری زماننده بر حیات اولان پولیب

اثار معروفہ دن اولان روما تاریخی یازدیغی کبی رومانک
ایمپراطور لاق زمانده ظهور ایدن سچلیالی دیودور، هالیقارناسلی
دهنیس و یهودیه محاربه لری تاریخی یونانجه تحریر ایدن موسوی
یوسف الک مشهور مورخ لر صرہ سنه کچمشلدر .

روما استیلاسی مدنیت یونانیہ به طور غونلق کتیر میوب
بالعکس ادبیات یونانیہ رومیہ دهه انتقال ایدرک هر طرفده برمدت
انوار معارف ضیا پاش اولمشدر ایکنجی عصر میلادیده خرونه
جوارنده توند ایدن پلو تارخ یازدیغی نوات مشهوره تراجم
احوالی و اخلاقه دائر آثار یله هم مورخ لک و همده حکیم لک
شهرتی قزانشدر . لوسین و ایقت دخی یونان حکما سنک
الک صوکار نندر .

روما تاریخنده کور یله جکی اوزره مدنیت یونانیہ تک رومیہ
انتقالی اورانده بر چوق اصحاب معارف یشدر مشدی فقط
روما ایمپراطور لنگ فترت عسکریه به اوغرامسی و برده
خرستیانلنگ انقشار یله منازعات مذهبه تک مناقشات فلسفیه
یرینه قائم اولسی مدنیت یونانیہ نامی اتنده جمع ایدیلان ترقیات
فکریه بی توقیف ایدوب علوم و ادبیات تماماً دوچار انقراض
اولمش و یالکز تاثیر ی کلیاً محو اولیوب بر طرفدن عربله
ودیگر طرفدن اورویا به انتقالی حسیدیه هم مدنیت اسلامیہ تک
و همده اورویا مدنیت تک اساس لری اولق شرفسه ناملتله ده
قدری تعالی ایشدر .

اوچنجی کتاب
روما جهوریتی

فصل اول

رومانک تأسیسنندن ایتالیا فتحک اکلند قدر

۱

روما قرالغی

ایتالیا قطعہ سی . ایتالیا اقوام قدیمہ سی . رومانک تأسیسی حقندہ کی خرافات . رومولوسہ اسناد اولنان مؤسسات . ساین محاربہ سی . روما . یومیلیوس . تأسیسات مذہبیہ . تولوس ہوسٹیلیوس . آلبانوغہ قحی . آنقوس مارچئوس . برنجی تارکن . اجرا آئی . سرویوس تولیوس . قوانین سیاسیہ سی . مقرر تارکن . طرز ادارہ سی . سبیلان کتابلری . تارکنک مظالمی . لوقرہ سیاوقعہ سی . اعلان جہوریت . بروٹوس ووالریوس . پورسنا محاربہ سی . تارکنک تشبہاتی ورجیل محاربہ سی . جہوریتک قطعاً تأسیسی .

ایتالیا قطعہ سی بر دولت معظمہ نك تشكل و ترقیسی ایچون ك زیادہ احوال مساعده ارأه ایدن اوروپا قطعانندن بریدر . ایتالیا نك تشكل طبیعیسی سكانك اتحاد ملیسنی تسهیل ایدہ جك صورتنده اولدیغی كبی اوج طرفنك ذكرله و بر طرفنك ایسه الپ جبالی كبی تمنع المرور شواھقلہ محدود اولسی تجاوزات خارجیدہ قارشو خبیلی وسائط طبیعیہ تدافعیہ وجودہ كثیرمكده .

در . هر نقدر ایتالیا نك سواحلی یونانستان کبی کیریشلی چیقشلی
ولیمالری او قدر کثرتلی دکلسدهده بو شبه جزیره نك بحر سفید
اورته سنه طوغری چقمسی وساردنیا وقورسبته اطدرلی
واسطه سیله غربی اوروپایه ، سبلیا ومالطه ایله شمالی آفریقایه
واوترانت بوغازیله بالقان شبه جزیره سنه کسب قریات ایلدی
جهتیله ممالک متجاوره ایله مناسبات تجاریه وسائره تحدشه
موقعی چوق مساعددر .

یونانستانك دور تاریخیسی هنوز باشلامش اولدیغی
زمانلرده ایتالیا قطعدهسی اجناس مختلفیه منسوب اقوام
عمیده نك نخت اشغالنده ایدی . شمالی ایتالیا یعنی بو نهری
وادیس قديم غالباً قطعدهسی اسکان ایدن اقوامك استیلارنده
اولمغه غالباً قطعده سنك غالباً ترازالپینا (آلپلرک اوتنه طرفنده)
تسمیه سنه نسبتاً رادی مذکوره غالباً چیرالپینا (آلپلرک بری
طرفنده) اسمی ویریلوردی . جنوبی ایتالیا ده ایسه من القديم
پك چوق یونان مهاجرلی اسکان ایلدکرندن اورایه یونانستان
کبیر اطلاق اولنوردی وبورالی ایتالیا نك کمتدن ممالکندن
بولنوردی .

شبه جزیره نك منتهای جنوبیسنده کی بروچبوم قطعدهسی
کاملأ وانك شمالنده کی لوقانیه قطعدهسی قسماً یونانیلرله مسکون
اولدیغی کبی ایتالیا سواحلنده دها بر طاقم نقاط مهمه وبخالصه
لوقانیه نك شمالنده قامپانیا اووهسی ساحلنده کی ناپولی شهر جسیمی
مستعمرات یونانیه دن معدود ایدی .

سجلیا جزیره سی قسماً قارطاجه لیبرو قسماً دخی یونانیہ لمر
ادارہ سنده بولنیوردی . سجلیادہ سیراکوز و مسینا بلدہ لری
بروچیومدہ فیٹاغورک بلدہ سی اولان قروتون شہری لوقایدہ
تارانت و قاپانیادہ ناپولی شہر لری بلاد یونانیہ نک المشهور لرندن
ایدیلر .

ایشته بو صورتہ ایتالیا نک شمال و جنوبی اجنبی اقوام
ادارہ سنده اولوب وسطی ایتالیا دہ برلی اولدق لری ظن اولنان
ملترلہ مسکون ایدی . غالباً جیرالینانک بحر سفید ساحلندہ
لیغوری قومی مسکون اولان مملکتہ لیغوریا اسمی ویریلور
ایدی . وسطی ایتالیا نک غرب ساحلندہ اتروریا مملکت وسیعہ
سی اولوب بورادہ ساکن اولان اتروری قومی ایتالیا نک
متمدن اقوامندن ایدی .

رومانک مبادی ازمنے تاریخیہ سنده اتروریا حکومتی پک
مقتدر اولوب حتی دونمزالریلہ قارطاجہ و یونانیلر آرہ سنده کی
منازعاتہ بیلہ مداخلہ ایلشدی .

رومالیلر اتروریا دن پک چوق عادات اقتباس ایلش لردر .
اتروریا دہ و بے شہری ایتالیا بلاد معروفہ سندن ایدی .
اتروریا نک شرق طرفندہ و آدریاتیک ساحلندہ اومبریا و پیچنوم
و ساین ممالکی موجود اولوب انلرک غربندہ و بحر سفید ساحلندہ
لاجیوم قطعہ سی اصل لاتین قوم نک مہد انتشاری اوله رق

مؤخرأ بلاد عالمك بجهله سنه تفوق ایدن رومادن بشقه زمان
 قدیمده آلبالونغه شهرینی حاوی ایدی . آه نین طاغرینگ ائک
 یوکسک لرلینی حاوی اولوب سامینثوم اسمی و بریلان مملکت
 اهاالیسی مدتیجه اقوام سابقه دن کری ایسه لرده طاغلق برلرده
 ساکن و چوبانقله مشغول اولق جهتله غایت جری و جسور
 ایدیلر .

ساحلده کی قاپانیسا اووه سی پک منبت و لطیف اولوب
 بالاده مجوث ناپولیدن بشقه قاپویه بلده عظیمه سنه دخی مالک
 ایدی . ایتالیانک آدریاتیک ساحل جنوبیسنده کی آپولیه و جز مدنگ
 اوپکه سی مقامنده اولان قالا بریا قطعدری یاپنکیا اسم عمومیسه
 توصیف ایدیلان اقوام قدیمه ایله مسکون ایدی .

ایشته ایتالیا قطعده سی وحدت ملییه مساعد بر موقع
 و طبیعتده بولندیغی حالده هجرت نبویه دن اون اوج اون درت
 عصر مقدم لرده بو وجهله غایت متفرق بر حالده بولتمده و بر
 درجه قدر شوکت سیاسییه مالک اولان اترور بلرده داخل
 اوله رق اقوام موجوده دن هیچ بری استحصال اتحاده موقیت
 حاصل ایده جک بر اقتدار ارانه ائلمسکده ایدی . احوال بو
 مرکزده ایکن غرائب احوال عالمدن اوله رق صورت تاسیسی
 خرافات بلوطلری آرمسندده مستور اولان بر شهر بیویه بیویه
 اولا ایتالیایی فتح و صکرده عهد قدیمک بالجهله مالک متمدنه سنی
 ضبط ایدرک حقیله جهانگیر اولمشدرکه بوده روماشهر بیدر .

روما شهرينك زمان تأسسی هجرت نبويه دن ۱۳۷۶ سنه
مقدمنده اولديغی مروی ایسه ده كرك بوزمان و كرك صورت
تأسسی حقنده پك بيوك تدرده محل واردر . دول قدیمه نك هر
برينك صورت ظهوری بر طاقم خرافات عجيبه ایله ایضاح
ایدلديگی کبی روما حقنده ده بویه برطاقم روایات قبول ایدلمشدر
شویله که: تروانك ضبطندن براز اقدم تروالی قهرمان انه آس
معیتله ایٹالیایه کلوب آلبالونغه بی تأسیس واوراده اجرای
حکومت ایلش وانك اخلافندن نومیتورده کمال عدالتله حکمران
اولديغی حالده برادری آمولیتوس طرفندن حکومت ضبط اولنه رق
نومیتور نفی وحبس و وارث رجلی اتلاف و قزی ره آسیلویاده
الی الابد با کر قالمیری مشروط اولان وستال راهبدری سلکنه
ادخال ایدلمشدر حالبوکه ره آسیلویا مارس معبودندن حمله قاله رق
ایکی ارکک چوجق طغورمقله وستال لک شرطنی بوزدیغندن
طولایی اتلاف ایدلمش و چوجقلرده بشیکریله تیر نهرینه آتلمشدر
نهر بونلری پالاتین طاغی اتکننده برانچیر اغاجی اتنده بر اقوب
چوجقلر اوراده بر دیشی قورد طرفندن بسلتمش و بو خارقه بی
کورن بر چوبان بونلری اولدلغه قبول ایدرك کندیلرینه رومو
لوس ورموس اسملرینی ویرمشدر . چوجقلر چوبانك یاننده
بیویهرك برطاقم عونته پیدا ایله عاداتا قاطع طریقله باشلامشدر
ومؤخرأ نومیتورک حفیدی اولدقربی اکلادقربنی آمولیتوسی
آلبالونغه دن اخراج و اتلاف ایدرك بیوك پدرلرینی مقام حکو-

مته چیقار مشلر و مکافاتاً پالاتین طاغی و جواری کنسیدیلرینه
 ویرملکه اوراده بر شهر تأسیس ایلشدر .
 شهرک اسمی حقهنده یئلرنده اختلاف حاصل اولمشده
 زمانک اصولی اوزره بعض علائم و مشهودات سماویه دن استد
 لال نتائج ایله رومولوسک اسمیله توسیمه قرار ویرلش و رومو
 لوس رومانک اطرافنده بر دیوار انشا ایتدیروب کویاره موس
 بودیواری لاجل الاستخفاف اوزرندن آتلامغله جزاً برادری
 طرفندن اعدام ایتدیریله رک رومولوس شهر جدیدک حاکم
 منفردی قالشدر .

بو حکایه دن اکلاشدیغنه کوره روما بلده می یا آلبالونغه
 مهاجرلری و یا خود وطنلرندن فرار ایدن ارباب جنایات و حیادید
 طرفلرندن تأسیس ایلش اولوب رومولوس ایله ره موسده
 شهرک هم اسم قهرمانلری بولندیغی درکاردر .

اوزمان روماده یالکز اهالی ذکور موجود اولوب اقوام
 متجاوره بو حیدودلره قزویرمک ایستملرندن جمعیتمک بقسامی
 تهلیکده قالمغله رومولوس حیلله مراجعتیه مجبور اولمش
 و مذهیجه شلکله اجراسنی سیرانک اوزره رومایه عائله لریله
 کلش بولنان لاتین و ساین اقوامنک قزلرینی علی الغفله ضبط
 ایتدیرمک رومالیله ذوجهل تدارک ایلشدر . بو معامله حقوق
 شکنانه اوزرینه ساینلر اخذ انتقام ایچون رومایه هجوم ایدوب
 داخل بلده کیرمشل و بحار بهتک الکیزیده قیرشدیغی و رومالیلرک

مغلوب اولدیغی رزمانده بر طرفده بابازی و دیگر طرفده
 زوجلرینک محو یکدیگره اوغراشدقزینی کورن روما قادنلرینک
 چوجقزلی قوجاقزنده اولدیغی حالده میدان حربه آتلیویرملری
 اوزرینه طرفین مصالحه به قرار ویره رک ساینلرک قرالریله
 برلکده روما تپهلرندن برینی اسکان ایللری قرارلشدیرلش
 ومؤخرأ ساین قرالی تاجیئوسک وفانی اوزرینه ساینلرمتوالیا
 برقرال روما لیردن وبرقرالده ساینلردن انتخاب ایدلک اوزره
 رومولوسه تبعیت ایلشدر . ینه اوصره زده اتروریه اصلزاد
 کاندن چله ایله توابعنک بلده جدیدیه هجرتلریله روما هالیسی
 برقاندھا آرتمشدر .

روایات موجوده رومولوسه (۱۳۷۵ - ۱۳۳۸) برطاقم
 مؤسسات سیاسییه دخی اسناد ایلکده در شویله که او وقت
 روماده اوج ملت افرادی یعنی اولاسکی رومالیر (رامده نه)
 ثانیاً ساینلر (تیچییه س) وثالثاً ساین محاربه سنده رومانک
 معاونتته کلان اتروریه اصلزاد کاندن چله نه کتیر
 دیکی اتروریلر (لوچره) موجود اولوب هر بر قبیله بر
 زبون قومانداسنده بیک نفر پیاده عسکر ویرمک اوزره تنسیق
 ایدلش و هر قبیله اون قوریا به و هر قوریا ده اون ده قوریا و یا جنتسه
 آیرلشدر بوندن بشقه ینه هر قبیله دن بر چنتوری صنفی تشکیل
 اولوب هر چنتوریده بر چنتوربون قومانداسنده اوله رقی بوز
 نفر سواریدن مرکب تعیین اولمقله رومانک قوه حریه سی

۳۰۰۰ پیاده و ۳۰۰ سوار یه بالغ اولمشدر . ایشته روماده اصل اساس حکومت بواردویه و بریلهرك بونلرك فوروم میداننده اجتماع ایدرك قرالری انتخاب و قوانینی رد و قبول و امور دولته اعطای رأی الیتری اصول اتخاذ اولمشدر . بوندن بشقه قرال ایله قوریا اجتماعی بیننده بر حد متوسط اولوق اوزره سناتو مجلسی تشکیل اولنوب اول بوجلس راندنسلرك اختیارلندن یوز اعضای حاوی ایکن ساینلرك دخی رومالیلر میانته قبولری ایله اعضای ایکی یوزه بالغ اولمش و لوچره صنفك سناتویه ادخالی ایسه پك چوق صكره وقوعه كلشدر . رومانك پاتریچی (یعنی پدیرلر) تعبیر اولنان مشهور صنف اصلزادكانی بو اوچ قبیلهك اتحادیله وجوده كلشدر . اولوقت روماده رصنف خلق دهها موجود اولوب بونلر نه املاكه ونه ده حقوق سیاسییه مالك دكلری بونلره قلیه نس (توابع) اسمی و بریلهرك پاتریچیلرك خدمتلرنده بونوب انلری افسدی طائیرلر و خدمتلرینه مقابل پاتریچیلرده ونلری از هر جهت حایه و مدافعه ایله مكاف بونورلر ایدی . روایات قدیمده رومولوسه اسناد اولنان دورك اجرا آتی بونلر اولوب بونلردن صكره رومولوس بر اورمانده ایکن رعدورق نه پدیری مارس طرفندن سمایه رفع ایدمش و روما قرالسز قالمشدر .

روماده رومولوسك بدایت حكومتندن بری قرالغك دوامنه اسناد اولن دور جمعاً ۲۴۴ سنه دن عسارت اولوب بومدت

یدی قرال آرہ سندنہ تقسیم اولئشدر بونلر حقندنہ ویریلان معلومات
نواقص دن وروایات غریبہ دن خالی ذکا سندنہ معلومات و وثوقدنک
قداننہ مبنی ذکر و بیانلری ایجاب حالندرنر .

رومولوسک غیبوبندنن مسکره اولئکی قرار موجبنجه قدیم
رومالیلر سابلنلر میانننه عقل و حکمتله شهر تشعار اولان نوما
پومپیلیوسی (۱۳۳۸ - ۱۲۹۵) قرال انتخاب ائشلدر در . نوما عدا
لتپرور بر حکمدار اولوب اصلا محاربه ایتماش ورومالیلرک
بعض قوانین اساسیہ لرینی و بالخاصه مؤسسات مذہبیہ لرینی
وضع صرف همت ائشلدر . رومالیلرک مذہبی اساساً مذہب
یونانییه مشابه اولوب یالکز معبودلرک اسمی تخلف ایدردیکه
بونلرک اساسیسیده یونان تاریخی قسمنده بیان ایدلشدی . نوما
پومپیلوس امور روحانییه نظارت ایچون باشلرنده بر باش
کاهن (پونئیفکس ماکسیموس) اولدیغی حالده درت کاهن
(پونئیفکس) امور خصوصیه و عمومیده تفائله مأمور درت
« آوغور » پوپیتز مارس و قوورنوس (رومولوس) معبودلرینک
عبادتنه ریاست ایچون اوج فلامنس (راهب) وستا آلهه می
آتش مقدسک ادامه سنه مأموره درت باکر وستال ، مارس
معبودک قالقانلرینی محافظیه مأمور اون ایکی سالی راهبی تعیین
ائش و املاک حدودینی اربوب بونی ترمینوس (حدود)
معبودینک جایه سنه وضع ایلدیکی کبی معبدی یالکز زمان

مخاربه ده آچیق بولمقی اوزره یانوس نام ایکی یوزلی معبودک
عبادتخانه سنی انشا ایتدیرمشدی .

نوماد نصکره مقام حکومه رومالیردن تولوس هوستیلیوس
(۱۲۹۵ - ۱۲۶۳) انتخاب اولندی . تولوس نوما کبی آسایش پرور
اولیوب جنگجو اولغله زمانی تکمیل مخاربه لرله یکمشدن زماننک
اک بیوک فتوحاتی آلبالونغه ننگ ضبطنی اولوب بوده مشهور
هوراس و قوریاس حکایه سنی تواید ایلشدر . روایت کوره
طرفین اردولری قارشولشدیغی وقت هر طرفدن اوچر مبارز
چیقاریله رق مبارزلردن نه جهت مغلوب اولورسه وطننک دیکره
تابع اولسی قرارلشدرلش و رومالیردن هو راجیوس اسمنده
اوج توأم برادر و آلبالونغه لیردن دخی قوریا چیوس اسمنده کذا
اوج توأم برادر چیقارق هوراسلردن ایکیسی مقتول و قوریاسلر
دن اوچیده مجروح اولدیغی حالده بر حیات قالان هوراس
حصملرینی بر بر اولدرمکه موفق اولوب بوسایه ده آلبه لونغه
روما تابعیتنه کیرمشدر . غالب هوراس آلابه رومیاه کیردیکی
صره ده قوریاسلردن برینه نشانلی اولان همشیره سننک اشکریز
اسف اولدیغنی کورنجه حدتلتنرک مزبورده بی اولدرمش و حاکم
طرفندن اعدامنه حکم ایلدیشسه ده اهالی طرفندن عفو اولمشدر
بوندن صکره تولوس آروریه ده فیده بی ووهیس شهرلرله حرب
آچارق بو مخاربه ده آلبه لونغه لیرک صداقت سنرلکرینی کورمکه
جزائاً شهرلرینی تخریب و اهالی سنی رومیاه نقل ایتمش و بعض

اصلزادگان پارتیچیلر میانہ ادخال ایدیلوب اہالی جدیدہ ننگ
 قسم اعظمیہ مشہور پلہ پس صنفک اساسی اولمشدر .
 تولوسک وفاتندہ ساینلردن آنقوس مارچئوس (۱۲۶۲ -
 ۱۲۳۷) انتخاب اولمشدر . بونگ زمانندہ برطاقم لاتین شہرلی
 ضبط وسکانی رومیہ نقل ایہ پلبس صننی چوغالدیغی کبی
 تیرنہری منصبندہ اوستیا اسکہسی تأسیس ورومانک طقوز
 تپہ سندن یانیکول تپہسی تحکیم اولمشدر رومانک ملل متجاورہ دن
 شکایات ومطلوباتنی بیان واعلان حرب اسبابنی تدقیق وحربی
 اعلان وبوصورتہ لازمکلان ادعیہنی قرانت وآین حربی اجرایہ
 مأمور اولان فہ چیال لر دخی آنقوس طرفندن زمین ایدلمشدر .
 آنقوس مارچئوسک علی روایۃ اصابت صاعقہ ایلہ وفاتندن
 صکرہ حکمدار انتخاب اولنان لوچئوس تارکینیوس برسقوس
 (۱۲۳۸ - ۱۲۰۰) عن اصل قورینلی اولوب اتورویاہ کلہ رک
 تانا کیل اسمندہ براتورویہ لی قز ایلہ تاهل انلش بولنان دہ ماراتک
 اوغلی ایدی . تارکین مدت سلطنتندہ روما ممالکنی حرباً توسیع
 وعاداتا لاچئوم قطعہ سنک کافہ سنی روما اداره سنہ ادخال انلش
 واتورویہ دہ جاری برطاقم سرای دارات واحتشاشنی رومیہ دہ
 ادخال ایتمشدر . روما تارکین زمانندہ ابنیۃ جسمیہ ایلہ تربین ایدلمش
 وشہرک حالا حال اصلیمندہ پایدار اولان مشہور لغملری اول
 وقت انشا ایدلمشدر . تارکین موجود اویچ چنتوری سواری نی
 یکی اصلزادہ عالمہ لرینک ضمیمہ الہی چنتوری بہ ولوچرہ

قبیله سنک ضمیمه سناتو اعضاسنی اوچیوزه ابلاغ وبوصورتله پاتریجی صنفی بیننده مساوات کامله احداث ایشدر . تارکین او توز سکز سنه مدت سلطنتدن صکره آنقوس مارچدوسک اوغلاری طرفندن قتل ایدلمشدر .

قانلر تارکین عتیق اتلافندن براننده حاصل ایده یوب تانا کیلک درایتی سایه سننده تارکینک ولدمعنویسی سرویوس تولیوسوی توکیل ایدلیکی سولنمش وبوصورتله وکلنده اثبات اقتدار ایدن سرویوس (۱۲۰۰ - ۱۱۵۶) اصمالة حکمدار اولمشدر . تولیوس سرویوس لقبندن ده اکلشیله جغی اوزره اساسا اسرادن ایسه ده تارکین زماننده دولت اورنده استخدام ایدلمشدی . کنندیسی روملک الکیوک حکمدارلرندنر ویدرپی آرتقمده اولدیغی حالده هنوز امور دولجه هیچ برآیه مالک اولیان پلبس صنفک نائل اولدیغی ایلک امتیازات سرویوس زماننده در . اووقته قدر روماده قوریا اجتماعی موجودا لوب بونده ده یالکز پاتریجی صنفی داخل ایدی بوکره سرویوس ایکی اجتماع اهالی ده وجوده کتیرمشدر . اولا روما اراضیسینی برر تریبون اداره سننده او توز تریبوعنی قبیله به تقسیم ایدوب بونده تقسیمات محلیه بی اساس طومغفله پاتریجی و پلبس عینی قبیله داخلنده قالمشدر فقط قبیله لک اجتماعاته یالکز پلبسلر داخل اوله رق صنوف متمسازه بوندن آری قایلرلردی تریبونلر تحریر نفوس و اراضیه ورده ویرکولرک تحصیلاته مأمور ایدیلر . بوندن بشقه سرویوس روما اهالیسنی ثروت ارضیه لرینی نظر

اعتباره آلارق بش صنفه تقسيم ايلدي . بوش صنفك فوقنده اقوويتدهس يعنى سوارى طاقى موجود اولوب پلبس صنفك الك زنگينلرندن اون ايكي چنتورى دهها تشكيل اولمغله موجود قديم ايله برابر سوارى اون سكر چنتورى به بالغ ايلدي .

الك زنگينلر حاوى اولان برنجى صنف سكسان ايكنجى اوچنجى و دردنچى صنفلر يكرميشر و بشنجى صنفده اوتوز چنتور ياي حاوى ايلدي . بوسورتله اكثرثيت زنگين اولان صنفده تا مين اولوب زنگينلر ك مقدارى البته متوسط ثروت اصحابه و فقرا به نسبت آز اولديغى حالده چنتور يلر ك نصفندن زياده مى آنره تا مين اولتمشدى بونشفه اختيارجه اولانلر ك ارباب شبايدن زياده رايه مالك اولملى ايجون هر صنفده اون يدى ياشندن قرق بش ياشنه قدر اولانلرله قرق بش ياشندن التمشه قدر اولانلر اربله رقى موجود چنتور يلر دن نصفى يونيوردهس ناميله كنجله و نصفى سنبورهس ناميله ياشليلره تخصيص اولتمشدى . بوسورتله مسن اولان اقليت ايله مسن اولميان اكثرثيت بيننده تساوى ارا حاصل اوليوردي . هيچ ثروت ارضيه به مالك اولميانز قايتمه چنى ناميله بر چنتورى تشكيل ايلر ك صوك صنفه علاوه ايلديكى كبي برنجى صنفه ايكي چنتورى نيورجى و مرانغوز عسكرى و بشنجى صنفده اوچ چنتورى بورزن علاوه ايلمشدر . روما بر عسكرى دولت اولمغله عوم قواى بحاره بوسورتله يوز طقسان درت چنتورى به آريلوب قرالك انتخابى قوانينك قبولى و اعدام حكملر بك تصديق كبي اولجه

قوریا اجتماعده منحصر اولان حقوق بوچنتوریا اجتماعده ویرلشدیر .
 فقط سرو بوس باتریجیلرک نفوذینی کلیاً احیایه مقتدر اولمه مدیغندن
 چنتوریا قومیتیه سی قرارلرینک قوریا قومیتیه سی طرفندن تصدیق
 اولمدهجه حکم قانونی اکتساب ایدمه ماسی دخی قاعده اتخاذ
 اولمشدر .

خدمت عسکریه به داخل اولمانلر یعنی اونیدی باشندن
 اشافی و التمشدن یوقاری اولانلرده مجلس عوامده اعطای رأی
 حقندن محروم براغلمشلمدر . سرو بوسک بوتیدلانتک تأثیراتی
 همان مشهود اولماشسهده اهمیتیک زیاده اولوب اصالت
 تولدیه برینه ثروت اصالتنی اقامه به سبب اولمش و پلبس صنفنک
 مساوات حقوقه نائلیتی اساسنی وضع اولمشدر . اشبو تقسیمک
 صورت اجراسی جدول آتیده موضحدر .

:	-	$\left\{ \begin{array}{l} \text{سواری- ۶ باتریجی + ۱۲ پلبس « ۱۸} \\ \text{۱۰۰۰۰ - ۴۰ سفورس + ۴۰ یونورهس « ۸۰} \end{array} \right.$	برنجی صنف
۲۰		$\left\{ \begin{array}{l} \text{۱۰ سفورس + ۱۰ یونورهس «} \\ \text{آرهس وزیاده} \end{array} \right.$	ایکجی صنف
۲۰	«	$\left\{ \begin{array}{l} \text{۱۰ « « ۱۰} \\ \text{« « « ۱۰} \end{array} \right.$	اوچجی صنف
۲۰	»	$\left\{ \begin{array}{l} \text{۱۰ « « ۱۰} \\ \text{« « « ۱۰} \end{array} \right.$	دردجی صنف
۳۴	$\left\{ \begin{array}{l} ۳ \\ ۱ \end{array} \right.$	$\left\{ \begin{array}{l} \text{۱۵ « « ۱۵} \\ \text{« « « ۱۵} \end{array} \right.$	بشجی صنف بوریزن قاپلته چنسی

سرویوسک تنسیقاتیله روماده اوج اهالی مجلسی حاصل
 اولمشدی بری اوتوز قوریا و پاتریچی سواریلردن مرکب قوریا
 اجتماعی اولوب صرف پاتریجیلری حاوی ایدی . ایکنجیمی
 اوتوز تربودن مرکب اولوب ساده پلبسلی محتوی ایدی .
 اوچنجیسیده اصل روما اردوسنک یعنی یوز طقسان درت
 چنتورینک اجتماعی ایدیکه بوقلیه نسلر مستثنا اوله رق عموم
 رومالیری محتوی بولونیوردی . سرویوسک اشهر اجرا آتی
 اشو تنسیقات اولوب رومانک اطرافنه انشا ایتدردیکی قلعه
 دیوارلری ایله لایتنلرله اتفافی سایه سنده مدت سلطنتجه روما
 راحت و اسایش ایچنده بولنمشده کندیوسنک پلبس صنفتک
 حقوق و امتیازلرینی توسیعه چالشمسی پاتریجیلرک انفعالرینی
 جالب اولمغله تارکین عتیق اوغلی لوچئوس تارکینوس
 سرویوسی قتل ایدرک سلطنتی ضبط ایلشدر . سرویوس ایکی
 قزینی تارکین عتیق اوغلارینه ویرمش اولوب کوچک قزی
 تولیه غایت بد اخلاق اولمغله حرص و طمعندن بوک همشیره سنی
 وحلیم و سلیم بولنان ذوجی آرونسی زهرلمش و مساوی اخلا-
 قیده همعیاری اولان انشته سی لوچئوسه وارمشدی . تولیه
 بونکلده قناعت ایلوب ذوجنی سرویوسک قتلنه تحریص ایلش
 و بعدالجنایه سرتندن پدرینک جسدینی عربه ایله چکنیه رک
 اوزرندن یکمشدرد . تارکین (۱۱۵۶ - ۱۱۳۲) روما قرالرینک

صوکی اولوب ظلم و اعتساف ایله اشتهار الیش و کبر و عظمتندن
 ناشی سوپر بوس یعنی مغرور لقبه نائل اولمشدر .
 تارکین دور اداره می روما قرالغنگ سیاست پارلاق برزمانی
 اولوب بومغلب کندیسندن آزمدت صکره آتنده تغلب ایدن
 پیر یسترات کبی وطنک اهمیت سیاست سنی تزیده غیرت الیشدر .
 لاتینلر ایله اتفاق تقویه سی و بعض محارب لراچتوم قطعه سنی
 همان کاملاً روما اداره سنه صوقدیغی کبی روما شهریده برطاقم
 ابنیه عالییه ایله تزین ایدیلرک حقیقتاً پائختلغه شایان برحاله
 قولمشدر . رومانک مشهور قایتولی یعنی سناتونک
 موقع اجتماعی اولان محل و باشلی معبدی اولان بنا تارکین
 زمانده اکیال و انشا ایدلمشدر . روایتی نظرأ بونانک تملرنده
 برتازه انسان باشی بولمغله بوندن آوغور لر رومانک حاکم عالم
 اوله جغنی تفائل ایلدکرندن بوسبیلله عموم بنایه قایتول اسمی
 ویرلمشدر . یه روماده معبدده محفوظ اولوب احوال مشکله ده
 نه صورت حرکت ایجاب ایده جکنی اکلایق ایچون مندر جانلرینه
 مراجعت اولنان سبیلان نام کتب مقدسه دخی تارکین زمانده
 کلشدر بو کتابلر رومالیلرجه پک مقدس اوله رقی پاتریچیلردن
 ایکی ذاتک محافظه سنه بر اقلمشدر .

تارکینک اداره می شععه و دبدیه جهتیله پارلاق ایسه ده
 اساساً غایت ظالم بر اداره ایدی تارکین هیچ بر ایشده مجلس
 اهالییه مراجعت ایتوب سربوس تولیوسک تسبیقاتنی حکم سنر

بر اقدیغی کی مقام حکومتہ صعودی دخی پاتریچیلر سایه سنده اولدیغی حالده پیدر پی درلو بهانه لر ایله سناتو اعضاسنی نفی ایدرک و برلرینی بوش براقهرق و متنفسذ پاتریچیلری نفی وقتل و ملکلرینی مصادره ایدرک بونک حکم و اهمیتنی از الیه چاشمشدر بو صورتله تارکین کرک پاتریچی و کرک پلبس صنفلرینک مظهر تقریبی اولمشدر .

تارکین حقیقده عمومک کین و غرضی آرتقمده بولندیغی صره ده ناکهان ظهور ایدن بوقعه بو ظالمک رومادن طردینی اتاج ایشدر شوبله که تارکین اتروریه ده آرده شهرینی محاصره ایلکده اولوب روما اردوسنده برطاقم کنجیلردن هر بری زوجه سنک فضائلنی مدح و ستایش ایش و تحقیق کیفیت ایچون رومایه آدم اعزام اولنه رق تارکینه قرابتی اولان قولاتین نام دلیقانلینک زوجه سی لوقره سیانک قادینلرله برلکده دیکش دیکدیگی و تارکینک اوغلنک زوجه سی دخی ذوق و صفا ایله مشغول اولدیغی تحقیق اولمشدی . بونک اوزرینسه تارکینک اوغلی حسدنن قولاتینک خانه سنه کیدوب لوقره سیایه تسلط ایلکله ارتسی کون لوقره سیایه ذوجی و پدرو و والده سنی چاغره رق حقیقت حالی بالبان اتلاف نفس ایش و انلری اخذ اتقمامه دعوت ایدوب بوقعه دن متأثر اولان اقرابامی دخی روماده بر ده ا قرال نامنی کسیده طاشتامغه یمین ایشلردی .

قرال لغک محوینسه بو صورتله قرار و یروب قسم ایدنلردن

بریده مشهور برتوس ایدیکه تارکین فامپاسیله قرابتی اولدیغی حالده بویک برادرینی اولدیرتمش بولسان ظالمک تعدیسینه اوغراماق ایچون کندیسینی الیق و بودالا صورتده کوستر مکه چالشتمده ایدی مع مافیه تارکین طرفندن دلنی هاتقنه کوندریلان اوغلرله برلکده یونانستانه کیدرک احوال عالمه وقوف پیدا ائیش و بوزمانده کی صورت حرکتیه طاقندیغی ساخته مجنونلغک باطننده تقدر عقل و حکمت مکنوز اولدیغنی کوستر مشدی .
ایشته بودفعه قولاتین ایله برتوس ناخشنود اولان رومالیرک باشنه چکوب آرده محاصره سنده کی عسکریده طرفرینه جلب ایلدکلرندن ناچار قالان تارکین فراره مجبور اولمش و رومالیر طرفندن اداره جهوریه اعلان اولمشدر .

رومانک اداره جدیده سنده پلبس صنفنه هیچ اهمیت ویرلیرک اداره حال سابقده ابقا وعموم مأموریتلر یالکز پاتریچیلره تخصیص اولمش و ساده قرال مقامنده اوله رق هر سنه قوریا اجتماعنده انتخاب ایلمک اوزره پره تور نامیله ایکی مأمور نصب ایلمشدر بو پره تور نامی مؤخرأ قونسولوس عنوانه تبدیل ایلمشدر . پره تورلرک نفوذی روما داخلنده سناتوبه تابع اولوب فقط روما خارجنده ایپیوم تعبیر اولنان قدرت مطلقه بی حائر ایلیر . بوندن بشعه رؤسای اداره نک تحدید نفوذندن زمان تهلمکده تحدت ایده بیله جک مضرته مانع اولق اوزره هر استدیکنی یاغمه مقتدر اولق و یالکز

زمان مهلکه ده التي آي مدت ايله قونسلوس طرفندن انتخاب ايدلک اوزره ديقتا تورلق ناميله بر مأموريت ده احدث ايدلشدر . قونسلوسلر بولده اون ايکي تبردار ايله و ديقتا تورلده يکرمي درت تبردار ايله کيدرلردی .

ايک قونسلوسلر بروتوس ايله قولاتين ايديلر . مع مافيه قونسلوسلق اداره سي روماده قولايقله تأسس ايتيوب داخل شهرده ييله بر چوق قراللق طرفداري وار ایدی .

حتي قرالرك دبدبه وشعشعه سي برينه جمهوريتك بساطت وساده کيبي قائم اولديغني نظر تأسفله کورن برطاقم روما کنجلري تارکينک اعاده حکومتي ايچون فساد ايلدکاری حالده ونده کس اسمنده براسير سايه سننده بو فساد کشف اولنه رق اوکي التمش وروتوسک اوغللري دخی داخل اولديغني حالده جمله سي اعدام ايدلشدی .

بوني متعاقب تارکين اعاده حکومتي ايچون برطاقم اتورويه شهرليني روما اوزرينه قالديرمش ايسه ده محاربه واقعه ده اتورويه ليلر مغلوب اولمشلر وقت بروتوسه ده بو حربده ترك حيات ايلشدر . بروتوسک برينه قونسلوس اولان والریوس حاکمرک وبردکاری احکام جزايددن اهالی مجلسنه استيناف دعوی ايدلسی بولنده بعض قوانين قبول ايتدر دیکندن بو بليقولا يعني محب ملت لقبنه نائل اولمشدر .

او صرده روما یوک برتهلکه ده اچکیر مشدر شویله که
 قلو زیوم شهری قرالی لارس پورسنا تارکینی التزام و قوه کلیه
 ایله روما اوزرینه هجوم ایلش و شهرک بر قسمنی ضبط بیله
 ایدرک روایت کوره هور اچئوس قوقلس اسمنده بر دلیقانلینک
 یالکز باشنه تیر اوزرنده کی کورری بی شجیعانه مدافعه ایدرک
 روما بیلره وقت قزاندرمی سایه سننده رومانک قسم اعظمی
 استیلادن قورتلشدر . مع مافیه پورسنا شهری استیلادن
 صرف نظر ایتوب محاصره و تضییقه قرار ویرمش و روما پک
 زیاده مضایقه دوچار اولدیغی حالده موچئوس سچده وولا
 (چولاق) اسمنده بر دلیقانلینک پورسنایی اتلاف ایچون
 دشمن اردو کاهنه کتمی و اوراده کی حرکت قهرمانانه سی
 سایه سنده پورسنا عودته قرار ویروب شهرده دشمن ضبطندن
 قورتلشدر .

بو ایکنجی تشبک دخی مننج موقیت اوله مامسی اوزرینه
 تارکین لایچئوم شهر لرینی قالدیره رق انلرک معاونتیله اعاده حکومه
 چالشمشده لاتینلرله دیقتاتور آولوس پوستومیوسک قوماندان
 سنده بولنان روما بیلر اره سننده ره جیل کولی جوارنده وقوع
 بولان محاربه ده روما بیلر غالب کلدرک (ق ۱۱۲۰) تشبثات
 ثلثه سننده دخی بر شیئه دسترس اوله میان تارکین ایسه ایکی سنه
 صکره اتور بده ترک حیات ایلش و بو صورتله روما ده
 جمهوریت صورت قطعیده تأسس ایده بیلشدر .

۲

حقوق منازعه‌لری دوری

رومانه جمهوریت اعلانک نتیجی . لاجبومک استقلال ؛ پاتریجی و پلبس منقلری . دیقناتورلیق . جبل مقدسه ایلك رحلت . تربیونلك . ایلك اراضی قانونی . قوربولان . فایوس عائله‌سی . آکوس لیلرله محاربه . روما انفاقلری . پوبلیلیا قانونی . دهچویر اداره‌سی . یکی قانونلری . آپیوس قلاودبوس . دناتوس و ورجینیا وقعهلری . دهچویر لریك استغقلری والرپوس و هوارچئوس قانونلری . ازدواج قانونی . عسکر تربیونلری . جنسورلیق . وپس محاصره‌سی . غالبه لیلرک هجومی . قامیلک دیقناتورلیق لیجنئوس قانونلری . مساوات حقوق . پوبلیلیا و هورنسیا قانونلری .

رومانه جمهوریت اداره‌سی اعلان ایلمسی کرک احوال خارجیه و کرک خصوصات داخلیه جه تبدلات مهمه‌بی موجب اولاشدی . روما قرالر زماننده پیدرپی اهمیت کلیه کسب ایدرک لاجئومک مرکز اداره‌سی حالته کلدیکی و حتی بین الملل اهمیتی جمهوریتک ایلك سنه‌سنده قارطاجه ایله امور بحریه‌یه متعلق بر معاهده عتدینه بیله لزوم کوستردیکی حالده تارکین و پورسنا محاربه‌لری نتیجه‌سی اوله‌رق لاتین اقوامی کاملاکسب استقلال ایلمش و نفوس روما اراضی‌سندن بر قسمی بیله الدن چتمشدی .

دیگر طرفدن قرالر زماننده پلبسلر حکمدارلر طرفندن جایه ایدیلرک بعض حتوقه نائل اولدقلری حالده بو دفعه

حکومتی بسبتون اللریته المی ایستیان متعظم پاتریچیلر صنف
 مذکور افرادینی ادم یرینه قویماغه باشلامشردی . رومانک
 قوانینی پاتریچیلره درجه نهاده مساعداولوب انلرده مساعده
 قانونیه دن اک شدتلی بر صورتده استفاده ایدرلردی . علی العموم
 روحانی و جسمانی مأموریتلر پاتریچیلره منحصر اولدیغی کی
 ایکی صنف بینده ازدواج صورتیله مناسبات حصولیده منوع
 اولوب کرک قادین و کرک ارکک بر پاتریچی بر پلسله ازدواج
 ایدرسه کندیمی و اولادی بالجمله حقوق صنفیه دن محروم
 قالیدی .

عوام ناس محاربات طویله ده ، عسکره معاش و تعیینات
 ویرلماستدن ناشی ؛ کندیلرینی بسملکه مجبور اولغله کرفنار
 دیون اولوب روماده مدیون حقنده کی قانونده پک شدتلی ایدی .
 فائضلرک ناقابل تحمل مقدارده اولسندن قطع النظر ایقای دین
 ایده میانلرک بالجمله اموال و املاکی داینک ید ضبطنه پکروکندی
 دخی اسیر ایدبله بیلیدی .

حتی غرابدن اوله رقی متعدد داینلر بولندیغی حالده
 مدیونی کسه رک لحنی آره لرنده تقسیم انلریته بیله جواز وار
 ایدی .

ایشته بواحوال طاقتفرسادن طولانی درجه نهاده دلکیر
 اولان پلس خلقی جمهوریتک حین تشکیکلندن بری شکایت
 ایتدکلی جالده اعدام و سیاست حقنه مالک اولان دیقتاتورلق

مأموریتك احداثیه اخافه وزمان تهلکهده دخی بعض مواعید
ایله تسکین ایدمشردی . فقط ره جیل کولی محاربه سنده تارکینک
مغلوبیتله رومانک تهلکهدن قورتلیمی اوزرینه پاتریچیلر اسکی
اعتسافاتی ارتدیرمغه باشلادقردن تحملدن عاجزقالان پلبسلرده
رومادن چیقوب باشلی باشلرینه بر شهر تأسیس ائلك اوزره
روما تپه لرندن جبل مقدسه چکلمشردر (ق ۱۱۱۵) .

پلبسلرک رومایی ترک ائلرله کندیلرینک اهمیتدن عاری
بر قوم صغیرحالنده قالاچقزینی کوره رک تلاشه دوشان پاتریچیلر
بو دفعه بعض مساعدانده بولمغه قرار ویره رک بونری رومایه
عودته اقتناع ایچون مرخصلر کوندرمشلر و بونردن آغریسا
خوشکو بر آدم اولمغه پاتریچیلرک پلبسلره لزومی اکلتمق
ایچون باغری صاغه قارشو عصیان ایتدکری حالده مؤخرآبالکز
باشلرینه وقایه حیاته موفق اوله میهرق ینه باغری صاقله برلشمکه
لزوم کورن اعضای بدنک حکایه سنی نقل ائلمشدر .

مرخصلرله وقوع بولان مذاکرهده کندیلرینک بعض
مرتبیه مطالبیری اسعاف ایدلک اوزره پلبسلرک رومایه عودته
قرار ویرلمشدر .

بو صورت تسویه موجنبجه مدیون حقنده کی قانون تخفیف
اولنهرق دین ملابسسه سیله کسه نک قیداسره دوچار اوله میه جنجی
و بو صورتله اسیر اولانلرک حریتله ایفای دینه قدرتی اولمیانلرک
بورجدن قورتلیری قرارلشدیرلدیغی کبی پلبسلرک وقایه حقوقلری

ایچون دخی چنتوریا اجتماعنده انتخاب اولتیق و صنف مذکور
افرادندن بولتیق اوزره ایکی تریبون یعنی ملت و کیلی نصی تقرر
ایلمشدر .

تریبونلر هر خصوصده اهالیك حقوق و منافعی و قایه ایله
ایله مکلف اولوب بر سنه مدله نصب ایديلورلر و دائماً اصحاب
حاجات و شکایاتك کندیلرینه مراجعت ایله بیلمی ایچون
خانلرینك قبولی کیجه ك وندوز ایچق بولندریلور
ایدی . سناتوده و اهالی مجالسنده بولنوب مذاکره قارشولر
ایسه ده بالجه مقرراتی وه توفظیله و سبب تعیین ایلمکسزین رده
حقلری اولدیغندن اللرنده بیوک بر اقتدار واردی .

روما داخلنده تریبونلرک شخصلری مقدس اولوب هر درلو
تعرض و تجاوزدن مصون ایدی . فقط روما حدودی خارچنده
قونسلوسلرک حائز اولدقلری امپریوم حتی بولنده شامل ایدی
تریبونلرک احدائی پلبس صنفجه بیوک بر خطوه ترقی اولوب
بولر تریبو و بر درجه قدر چنتوریا اجتماعلریله متشکل بر صنف
منتظم اولدقلری کی بوکره ده رسماً طانتش و کیلاره مالک اولمشلر
بو صره ده ادیله تسمیه اولنان بلدیله مأمورلرینك دخی پلبسدن
انتخابنه موافقت اولمشدر .

اهالینك بادی شکایتی اولان احوالندن بریده اراضی
مسئله سی ایدی . املاک خصوصیه دن بشقه روما حکومتک
مالی اولان بر طاقم اراضی واردیکه بوکا آکر رومانوس نامی

وریلور و وارداتی حکومته عائد اولوق اوزره اشخاصه ایجار
 ایدیلوردی . فقط اراضی مذکورہ فی الہ پکیرمش
 اولان پاتریجی متفغانی بدل ایجاری ویرمدکری حالده اورازی
 زرع ایلکده و محتاج اراضی اولان برچوق پلبس عائله لری بوندن
 محروم قالمقده ایدیلر . تربونلر نائلیتله جساتری ارتان پلبسلر
 بودفعه اراضی مذکورہ دن حصه لرینی مطالبه یه باشلاوب
 قونسلوس بولسان سپوریتوس قاسبوسده بو اراضینک یکیدن
 پلبسلرده حصه کلیه ویرلهرک تقسیمی معلن بر قانون پامش
 و پاتریجیلرک مخالفتلرینه رغماً قبوله ایتدیرمشده قانونک قبولنی
 منعه موفق اوله میان زادکان قاسبوسی ضبط حکومت تشبثده
 بولمقله اتهام ایدرک قوریا اجتماعنده اعدامنه حکم ایتدیرمشلر
 و بو بیچاره نک اعدامدن صکره قانونک اجرا سیده قابل اوله مامشدر
 ایشته روماده جمهوریتک مدت دو انجه دوام ایدن اراضی
 مسئله سی بوضورتله میدانه چیقوب بو یحی قاله الانرک اضاعه
 حیات ایلریده بوزماندن باشلامشدر . تربونلرک روماده نفوذنی
 کوندن کونه آرتقمده اولوب بونلروه توحقی سایه سنده سناتو
 مقرراتنی ابطال ایده بیلدکارندن بوسایه ده پلبسلره خبلی حقوق
 قزاندرمقده بوجهتله پاتریجیلرک کوزلرینه باتمقده ایدیلر . متعظم
 پاتریجیلر بو ماموریتک فسخی چاره لرینی دوشونمکده اولوب حتی
 وقوعبولان بر قحط زماننده مجالی ایدن براز ذخیره کلدیکنندن
 زادکاندن قوربولانوس پلبس صنفی تربونلردن واز یکمزسه

کندیلرینه ذخیره ویرلماسنی تکلیف ایلش و فقط پلبس صنقی ذاتاً قوریئولانک عظمتندن بیرزار اولدقلرندن بوتکلیف ظلمکارانه بی بهانه ایدرک رومادن نفینه حکم ویرمشلردر . قوریئولانوس لاجئومک جنوبنده ساکن قوتلی وولسقی قومی زردینه النجا ایدرک انزه جنرال اولوب روما اوزرینه یوروش ورومای ضبط ایلسنه رمق قالوب اهالیئیکده استرحام ورجارینه قولاق آصمامش ونهایت باشده والدهسی وچوجقلرله زوجدهسی اولدیغی حالده روما قادیلرینک رجارینه طیانه میهرق شهری ضبطدن صرف نظر ایلشدر . قویئولان وولسقلر زردینه عودتده اخانت ابله بالاتهام اعدام ایدلشدر .

پلبسلر بووجهله کندی دشمنلرندن انتقام الدقلری کبی پاتریجیلرده پلبسلره طرف دارلق ایلکده بولنان فابوس خاندانی کاملاً رومادن نفی ایلشلردی فقط بونلر قوربولان کبی اخانت کوسترمک شوبله طورسون بالعکس روما ایله محارب اولان ویه سلیرله ایکی سنه دن زیاده مدت تمادیا محاربه ایدرک وطنلرینه خدمت ایتشلر ونهایت دشمن طرفندن کاملاً اتلاف اولمشلردر . فابوس خاندانی وتوابعی اتلاف اولدقلری زمان قونسلوس مدنه نیوس اردوسیه جوارده اولدیغی حالده امداده کتمدیکندن تربونلر فرصتدن استفاده ایدرک قونسلوسی اهالی مجلسنده اتهام ایلشدر و محکوم اوله جغنی اکلایان مدنه نیوس جزادن قورتلق ایچون انتخار ایتشدر . فابوس عائله سندن روماده بالکز

برکنج قالبوب بومشهور خاندان انک ذربندن ینه تجدد ایشدر .
 بوسرهده روما اقوام متجاوره ایله مجاربه دائمه حالنده
 اولوب اقوهس قوميله مجاربهده بعض مرتبه مغلوبته دوچار
 اولمش وقونسوس مینو چئوس دشمن طرفندن محاصره ایدیلرک
 تسلیم اولسنه رقی قالمشدی بوندن متلاشی اولان سناتو تهلمکه نک
 دفعی ایچون پاتریچیلردن چیناتوسی مأمور ایش و چیناتوسده
 تدابیر مؤثره اتخاذه دشمن اوزرینه یوروپوب روما اردوسنی
 قورتاردقن و مغلوب اولان دشمنی بیوندریق التندن کچیردکن
 صکره یکریمی درت ساعت مرورنده مملکنته عودت ایشدر .
 چیناتوس هم بساطت اخلاق و ساده کئی اطواریه روما
 فضائلک تمونه سی و همده پلبسی صوک درجدهده نظر حقارتله
 کورسی جهتیله پاتریچی افکارینک مشخصی عد اولنور دیقتا
 تورلغندن مقدم چیناتوسک اوغلی چزون قوونیتوس مجلس
 عوامده تربونلری تحقیر ایتکله پلبس قراریه محکوم اولوب
 اتوروبه لیلر زردینه فرار ایدرک طویلادیغی حشراتله روما
 اوزرینه یوروپوب قایتول ته سنی ضبط ایش و بودفده صیقیشان
 سناتو وقونسوس والروس پلبسه امتیازات جدیده وربله چکنی
 وعد ایدرک انلرک معاوتیله قایتولی استرداده موفق اولمشردی .
 چیناتوس اوغلنک محکوم اولدیغی جزای نفسدی بی ویرمک
 ایچون اراضیسنک درت دوغدن فضله سنی صاتمشدی . روایته
 کوره چیناتوس دیقتاتور انتخاب اولدیغی زمان تبشیره

کلانتر کندیسنی چفت سورمکه مشغول بولدق‌لری کبی محاربه
بدکدن ورومایه کلوب حق حکومت مطلقه سنه استناداً اوغلی
علیهنده شهادت ایدن آدم‌لری جزایه چارپدق‌دن صکره بنه
چفتی چ‌وغنی باشنه عودت ایلشدر .

رومالیر مجاورلیله محاربه‌لرنده خیلی صقشدق‌لری حالده
قونساوس سپوریتوس قاسیوسک لاتینلر وهرنیقلره عقدایلدیکی
تجاوزی و تدافعی اتقاق معاهده‌لری سایه‌سنده و واسق‌لره
واکوه‌لی‌لر و سائر قوملره غلبه ایده‌یلش‌لر ایدی . اکر بو
اتفاقانده اولسه باخصوص داخلده‌کی تشوشات ایله برابر
رومانک بیوک مغلوبیتلره دوچار اوله‌جغنی درکار ایدی .

بوصرده پلبس صنغی برخطوه دهاترقی ایدرک‌تربونلره
ایدیله‌لرک چنتوریا قومیه‌سی طرفندن انتخاب ایدیلوب تربوتا
قومیه‌سی یعنی صرف پلبس طرفندن انتخاب ایدلسنی معلن
اولان پوبلیلیا قانونی قبول ایلشدر .

روماده ایجاب حاله کوره یکی مأموریتلر و اصوللر احداث
اولتمده ایسه‌ده امور دولت پک قازیشقدی . سناتو اهالی
مجالسی وقونسلوس و سائر حکاک دائرة وظیفه‌لری لایق‌بله
معلوم اولدیغنی و جله‌سی آرزوق قوانین تنظیمنه و اجرای
محاکمانه مقتدر اولدق‌لری کبی دولتک قوانین ملکیه و جزایه .
سیده معلوم اولدیغندن پاتریجیلردن اولان حاکم حکم قانون
بودر دیهرک کیف‌مایشاه اجرای مراعات ایده‌یلورلردی .

بوقاريشقلىغك اوكى آلتقى ايچون تريبون تره نيتلاوس آرسا اون
 كشيدين مركب بر مجلس تشكييل اولنه رقى انلر واسطه سييله
 روما قوانينى تنظيم ونشر واعلان ايدلسنى طلب ايدوردى .
 بومطلبك اسعافى دفعاتله قونسولوسلر وسناتو طرفندن وعد
 ايدلمشده واعدى ايچاب ايتدبرن تهلكه مندفع اولنجه
 پاتريچيلرده روى ملايمت كوسترمدن صرفنظر ايدرلردى حتى
 بر آره لى چينچينات بو احواله نهايت ويرمك ايچون امتيازات
 موجوده نك جبراً الفاسنه تشبث ايلمشده دور انديش اولان
 سناتو راضى اولمامشدى . پلبس صنفي طلب واقمك ردينه
 باقيوب طقوز اون سنه مدت متمادياً صاحب تصور تره نيتلاوسى
 تريبونلكه انتخاب ايتمش ونهايت تريبون اولان ويوز يكرمى
 محاربه ده بولنش طقوز كره تريشومف آلاى ظفرينه نائل اولمش
 چله سى اوكدن اوتوز يش ياره آلمش ويوز التمش نشان افتخارله
 تلمطيف ايدلمش براختيار عسكر بولنان دنتاتوس دنجى بومقصدى
 تروبيجه باشلامغله سناتو موافقته لزوم قطعى كورهرنك اولامرده
 يونانستانك قانونلر ينى تحقيق ايتلك ايچون پوستوميثوس مانلثوس
 وسولپيئوس استنده اوچ ذات مأموراً كوندرلمشدر . او وقت
 مديا محاربه لرى بتمش وپلوبونس محاربه لرى هنوز باشلاماش
 اولوب يونانستان ضيائى مدنيتك الزيادة شعشه ايله پارلاديغى
 بر دورده ايدى . بو تريشوموير (اوچ ذات) هيئتى عودتله نتيجه
 تدقيق اتلر ينى بيلدردكلى زمان رومانك قوانين و مأمورين

موجوده سنک جله سی فتح و عزل اولنوب یکیدن تنظیم قوانین و
وظیفه سی اون کشیدن مرکب دهچورر تعبیر اولنان براداره یه
برالمشدر (ق ۱۰۷۰) .

دهچوررل مدت مأموریتلری اولان برسنه ظرفنده قوانین
لازمه بی تنظیم ایدرک بونی اون لوحده محکوکاً نشرالمشدر
ایسه ده سنه ختامنده قوانین ایشی بتدیکنندن بشی پلبسندن
اوله رق اون دهچورر دهانتخاب ایدلمشدر . فقط حربص
اقتدار اولوب انه فرصت پکیرمک ایچون ایلك سنه اهالی یه
خوش کورنمش اولان پاتریجی آپوس فلاودبوس رققاسنی کندیسنه
مطیع آدملردن انتخاب ایدرک حکومه تغلب المشدر . بو ایکنجی
دهچورر هیئتی اکثرسی پاتریجیلرک تصدیق امتیازاتی حاوی
قوانیندن مرکب ایکی لوحه دهانتشر المش و سنه ختامنده استعفا
ورمیدرک مأموریتنه دوام المشدر . اشبو الواح اثنی عشر
وؤخرأ وسعتیه بریجر بی پایانه تشبیه اولنان روما حقوقک
اسامی اولمشدر . نهایت بواداره نك مساوی احوالی رومادن
طردینه باعث اولمشدر شویله که دهچوررل مشهور دناتوسک
شهرته حسد ایدرک بریحاریه اثناسنده کویا دشمن پوصوسنه
اوغرامش کبی مومی الهی اولدرتهرک بو وقعنه نك حقیقی
معلوم اولغله اهالی به پك فنا تاثیر ایتدیکی کبی آیتوس فلا
ودیوسده ویرجنیوس اسمنده معروف برپلبسک قزی ویرجنیایی
المق استیدرک کویا کندی ادملردن برینک اسیره می اولدیغنی

اثبات ایتدیرمش و قزینی قور تاره میه جغنی عقلی کسان ویرجینوسده
وقایه ناموس ایچون بشقه چاره کوره میهرک حضور محکمه ده
قزینی اولدیرمشدی . ایشته بووقه ننگ تاثیر یله اهالی ینه جبل
مقدسه چکلدیکندن ده چورلر استعفا ویره رک ترک وطن ایشلر
و محکوم ارله جغنی اکلایه رقی قلاودیوسده انتخابه مجبور
اولمشدر .

بودفعه سناتوپلیسی رومایه عودته دعوت ایچون تمخیر اندن
والریوس ایله هوراچبوسی کوندیره رک بر صورت تسویه حاصل
اولمش واسی اداره اعاده ایدیه رک والریوس ایله هوراچبوس
قونسلسلغه تعیین و پلبس طرفندن ایلك دفعه اوله رقی اون عدد
تریون انتخاب اولمشدر . والریوس ایله هوراچبوسک پلبسه
اولان وعدلرینی ایفا ایچون قبول ایتدیر دکلی قانونده بوجه
آتی اویج نقطه تأیید ویا احداث قلمشدر : (۱) هر رومالینک
حکام قرارندن مجلس اهالی به استیناف دعوی ایده بیلسی (۲)
پله بسجحت قرارلینک یعنی پلبسک تریبوتا قومیته سنده ویردیکی
قرارلرک هم پاتریچیلر و همده پلبس لرجه مجبوری الاجرا اولسی
(۳) تریبونلر ایدیه لر و سائر پلبس دن اولان حاکمک تک شخصلری
مقدس و تعرضدن مصون اولسی . بو قوانینک تاثیر یله پلبس
مساوات حقوقه طوغری خیلی مسافه قطع ایشسه ده ده
پاتریچیلرک خیلی امتیازاتی و ارایدی . ده چورلرک دفعندن صکره
تریون قانونه یوس بونلرک دخی اذاله سنه قیام ایدرک ایکی صنف

بیننده مناکحاتك ممنوعیتی رفع ایدلسنی و پلبسك قونسلوسلققردن
 برینه مالک اولسنی تکلیف ایش و مناکحاتك جوازینه قرار
 ویرلدیکی کبی قونسلوسلق ایچون دخی برصورت تسویه بولنشدر
 شویله که قونسلوسلق سابق وجهله پاتریجیلره تخصیص ایدیلوب
 فقط وظائفی تقسیم ایدیلهرک ایری مأمورلر نصب ایدلشددر
 وظائف عسکریه لرینی ایفای ایچون «قونسلوس اقتداریه عسکری
 تربیونلری» نصب ایدلش و وظائف ملکینه لری دخی ایکی چنسوره
 ویرلشددر عسکر تربیونلکی چنسورلق و برده مصارفات
 ناظری دیمک اولان قووستورلق مأموریتلری پلبسلره آچلشددر .
 چنسور سناتونک منحل اولان مقاملرینه اعضا تعیین حقنه
 مالک اولوب اعضانکده قووستورلقده بولنش آدمردن
 اولسی اصول اولدیغندن بوسورتله سناتو اعضالغی دخی
 پلبسلره کشاد اولنشدر . بوسورتله پلبس حقوق اساسیه
 نائل اولمشده بوسوء استعمال ایدیلوب حتی برخیلی مدت
 چنسورلق و عسکر تربیونلکی مأموریتلرینه پلبسدن آدم انتخاب
 اولتماشدر . بواش بواش ایکی صنف بربرینه ایصنغه باشلایارق
 تربیونلر سناتونک وقایه حیثیتنه یله مدار اولدقرندن پلبسك
 مساوات حقوقه طوغری ترقیبی سرعت کسب ایلکده ایدی .
 پلبسك بو وجهله نائل حقوق اولسیله منازعات داخلیه ملاسه
 سیله خارجه باقمامقده اولان رومالیرینه فتوحانه تشبیه ویهس
 فتح مهمنه نائل اولشلر بوسره ده وقوع بولان غالیرک هجومی

وقعه سی رومانك موجودیننی بیله تهلکه یه قودقدنصکره نهایت
مساوات حقوق تماماً حاصل اولمشد.

اتروریه شهرلرینک اک بيوکلرندن اولان ویهس بلده سی
رومانك رقیب طبیعی سی اولوب عصر لرجه مدتدر بیلرنده
مخاربه نك اكسك اولدیغی یوق ایدی. رومانك غوائل داخلیه
سی براز کسب سکونت ایلدی اوزرینه رومانلر ویهسك قطعاً
ضبطنه قرار ویرهرك شهرک محاصره سنه تشبث ایلشله و مخاربات
واقعه ده قونسلوس قورنه لیوس قوسوس ویهس حکمدارینی
کندی ایله اتلاف ایدرك دشمن حکمدار و قوماندانی اتلاف
ایدن رومالی قوماندانلره مخصوص اولان سپولیا اوپیا یعنی
اوپیم خنائنه نائل اولمشد. بونکله برابر محاصره اون سنه
مدت امتداد ایدرك نهایت روما قوماندانی مشهور قامیلوسك
تدبیریه شهرک التندن بر لغم قازبله رق بلده ضبط ایلش و بوقتح
مهمه موقعتندن طولانی قامیلده هنوز روماده امثالی کورلمدک
بر تریومف (مظفریت) آلایله شهره کیرمشد (۱۰۱۸).

بو ویهس فتحنی متعاقب مهم برقاچ اتروریه بلده سی ده
رومانا تبعیتنه کچمش و فقط فاتح قامیلوسك بعض اطوار متعظمانه سی
پلبسی کوجندیر مکه مشار ایله رومانن نفی اولمشد. مع مافیه
قامیلک نفیندن خلقی نادم ایده جک بر وقعه نك باش کوستر مسیده
کچکمامشدرکه بوده غالرك هجومی غائله سیدر.

غالباً قطعه سنده اسکان ایدن متحرک و جسور زال اقوامی

بیننده او اره‌لقی بر حرکت عظیمه واقع اولوب بونردن بر
 طاقی ممالک متجاوزیه تجاوز ایلدک‌لری صروده سه‌نونه‌س
 قومیده وسطی ایتالیا‌یه یوروبه‌رک روما منفعل‌لندن قلو‌ز یوم
 بلده‌سنی محاصره ایشلردی . رومالی‌ر شهرک تعرضه اوغرا-
 مامسی ایچون اوج سفیر کوندروب ققط روما سفیر لری بیطرفلغی
 اخلال ایدرک قلو‌ز یوملیله برلکده محاربه‌یه کیر مشلر و غالر
 بونرک کندیلرینه تسلیمی طلب ایلدک‌لری حالده بوتکلیف قبول
 اولغیوب بالعکس اوچیده ایرتسی سنه عسکری تریبونلکنه
 تعیین قلمش اولدقلرندن غالر قزارق یتش بیک نفر دن مرکب
 قوه مجموعه‌لرله روما اوزرینه یورومشدر . رومالی‌رک
 دفع صائل ایچون کوندرک‌لری قرق بیک نفر عسکر آلیا
 محاربه عظیمه سنده فنا حالده مغلوب اولغله غالر بونری
 بالتعقیب روما شهری درونه بیله کیرمکه موفق اولمشدر .
 یالکز مانلیئوس قومانداسنده اوله‌رق الی سلاح طوتانلقایتولی
 محافظه ایچون تپده قپامشدردی . ساثر اهالی جوارله طاغله
 قلی کبی حربه قادر اولماق‌له برابر بابالریک اولرینی برابق
 ایستیان اختیار پاریمی‌لر و مأمورین روحانی‌ده بو صروده
 ترک حیاته و رومالی‌رک اعتقادلی وجهله کندی و قاتلی ایله
 دشمنی دخی طریق محوه سوقه قرار و بره‌رک درون شهرده
 صندالی مأموریتلرینه کمال وقار و عظمتله اوطورمشدردی .
 شهری ضبط ایدن غالر بونری اولا بر هیکل ظن ایله تماشا

ايدركن انسان اولدقزىنى اكلايهرق جيله سنى اتلاف ايتلشله
 وشهریده تخريب ايتلشله سده قاپتول بدي آي قدر مدت محاصره ده
 قالمشدر . روايه كوره بر دفعه زالر كچه بفته شهره كيره جكلرى
 صره ده يونون معبدى قازلى شمانت ايتكاه قوماندان مانليئوس
 بونلرى دفع ايتلش و بو مناسبته مانليئوسه قاپتوليينوس
 اسمى و يرلمشدر . نهايت زالره فديه نجات اولهرق بلك ايره
 التون و يرلسى قرارلشديريلوب بو صورتله دفع بلايه موقفيت
 حاصل اولمشدر .

يقل روایة پاره طارتلديغى صره ده زالر ريشي بره نوس
 (بره نوس امم شخصى اوليوب رئيس معناسنه در) اوزانك
 فضله اولمسندن شكاييت ايدن روما تريبونى نه مقابله قىلجنى دخی
 اوزان كوزينه اتهرق *voe victis* (بازق مغلوب اولانلره) ديه
 باغرمش و بو صره ده منفي ده اردو طويلايهرق ديقتاتورلكه
 نصب ايدلمش اولان قامبل اردوسيله كلوب زاللرى مغلوب
 ايتلشدر .

قرهنگ بو جهتي مصال اولديغى شهبه دن وارسته ايسه ده
 زالرك دفعندن صكره قامبالوسك رومايه جلب ايله ديقتاتور .
 لكه نصب ايدلبكى و كرك شهرك ياره لر بى نعيميره و كرك قوم
 مستولى بقاياسنى طرد و دفعه چالشديغى اكلاشتمده در .
 زالرك استيلاسنى متعاقب رومانك خانهلرى يكيدن

انشا ایدلمش و معابدك غالره فدیة نجات اوله رق و یریلان خزانةك برلینه قونئق ایچون آغر و برکولر طرحی پلبس صنفی ینه دوچار ضرورت و مستغرق دیون ائلكله اسکی شکایات سیاسییه ده قوتلی اوله رق باش کوستر مشدی .

ینه دوچار مظالم اولان پلبس صنفی لیچنئوس و سکستیوس نام تریبونلر واسطه سیله حقوق جدیده مطالبه سنه قالدشهرق پاتریچیلرله انلره مجلوب اولان دیگر بش تریبون بوکا اون سنه قدر مدت مخالفت ائتلرله سده نهایت قامیلک دخی توصیه سیله لیچنئوسک تکلیف ایدلیکی مهم قانونلر قبول ایدلمشدر :

بو قانونلر دوت مهم حکمی شاملدی (۱) بعدما عسکر تریبونلری نصب ایدلیوب کافق قدیم سنوی ایکی قونسلوس نصب ایدلمسی و قونسلوسلردن برینک پلبسدن اولسی (۲) هیچ کسه نك اراضی میریه دن ایجار صورتیه بشیوز بوکرادن (دوئم) زیاده اراضی به و میری مرعارنده یوز یوک و بشیوز کوچک حیواندن زیاده سنه مالک اوله مامسی (۳) و یریلان قاضلرک دینک اناسنه محسوب ایدلمسی و بوزده بشدن زیاده قاض النامسی (۴) بعدما سیبلان کتابلرینک محافظه سی اون مأموره حواله ایدیلوب بونلرک نصفی پلبسدن اولسی .

بو صورتله پلبس صنفی مساوات حقوقیه نك ک باشلی جهتی اولان قونسلوسلغه اشتراك حقنی قزاندیغی کبی سیبلان کتابلری محافظه سنه قاریشه رق روحانی مأموریتله دخی ایاق

آتمش بولونیسوردی • لیجینتوس قانونندن طولایی پاتریچی
 صنفیده براز خشنود ایدلک ایچون او صروده یالکز صنف
 مذکوره منسوب افراده ویرلک اوزره پره تورلق مأموریتی
 احداث ایدلشد • پره تور امور اداره و عدلیه یه مأمور اولوب
 عادتاً قونسلوسلر قدر حقوق و صلاحیتیه وانلرک دارات
 واحشامنه مالکدی • وحتى بعضاً بوکا او چنجی قونسلوس
 نامی دخی ویریلردی •

بوصورت نسویه اوزرینه سکتیوس برنجی پلبس قونسلوس
 اوله رق انتخاب ایدلش و وفاق واتحاد (قونقوردیا) وحسن
 امتزاج نامنه بر معبد انشا و مشهور قامیل طرفندن کشاد اولنه
 رق ایکی صنفک اتحادی مسرت عمومیه ایچنده اعلان اولمشدر •
 بو بویوک خطوهه ترقیدن صکره سائر مأموریتلرک دخی
 پلبس صنفنه اچلمسی بیکیمبوب قبل الهجره ۹۷۷ ده دیقنا تورلق
 ودیقنا تورلک نصب ایلدیکی سواری قوماندانلغی ۹۷۲ ده
 چنسورلقدن بری ۹۵۹ ده پره تورلق خدمتلی اچلمشدر •
 پاتریچیلر روحانی مأموریتلی دهها زیاده عنادله محافظه ایشلر
 ایسه ده ۹۲۲ سنه سنده یایلان اوغولنیا قانونیه امور دولته ده
 چوق حکمی اولان اوغورلق و پونتیفک خدمتلیک نصفی
 پلبسه ویرلش و یواش یواش سائر روحانی مأموریتلر حقنده ده
 بو بولده مساوات حاصل اولمشدر • تربیوتا اجتماعی مقرر اتلک
 یعنی پله بیجتلرک اهمیتتی دخی کتدیکه آرتارق بو مقرر اتلک هر

صنف رومالی‌لرجه مجبوری الاجرا اولسی قاعده‌سی مؤخرأ
نشر ای‌دیلان پوبلیلیا وهور تنسیبا قانونلرله تأکید وتأیید
ایدلمشدر .

اوج عصره یقین برمدتک محصول منازعاتی اولان بومساوات
حقوقیه رومانک حالجه مهم تبدلات وجوده کتیرمشدر . برکره
ملتک جدیداً برلشمی هر صنف افرادک درایتلرندن استغاده
ایدلمسنی وهرکسک حبت وطنیه وغیرت ملیه بولنده بربرلرله
مسابقه ایتملرینی موجب اوله‌رق روما آزوقت طرفنده دنیانک
اک‌پارلاق بردواتی اولمشدر . برده‌اسکی پاتریجی فامیلیازی وقار
وعظمت قدیمه‌لرینی اکثرأ ترک ایتمامکله برابر یواش یواش
پلبسک کبار وزنکین اولان صنفیله قارشدقفلرندن ملتک اصحاب
ثروتندن مرکب بریکی اصلزادکان صنفی وجوده کلش وبرمدت
صکره حقوق منازعه‌لری بوزنکین صنفی ایله فقر وضرورتی
ایلروده کوریله‌جک اسه بایدن ناشی پیدرپی آرتان فقرا صنفی
پیشنده ینه ظهوره کلشدر . باخصوص که لیجینیٹوس قانونیله‌ده
اصلاحنه تشبث اولن ان املاک میریه مسئله‌سی بردراو فصل
اولنه میوب بویلمه‌کی حقسنزلقردوام انلکله بومنازعات ایلروده
دادتا حیات وممات مسئله‌سی کسلش وبرشدت وحشیانه کسب
انلشدر . فقط بوقانلی مجادله‌لرک ظهورینه قدر مرور ایدن
برعصری مجاوز . دنده‌ده روما ملتی حسن اداره وفضائل
اخلاقیه وحیت فوق‌العاده ایله بین‌الاقوام کسب تمیز ایدرک

اودورک اقوام عدیده سی بپنده برنجیلک پایه سنی همده بحق
قرانمشدر .

۳

ایتالیانک فتحی

رومانک ایتالیا اقوامی آرسنده موقعی . برنجی سامنیثوم محاربه سی . یونک
لاتین محاربه سی . مانلیئوس وده جئوس . بروقونسوساق . یونک سامنیثوم
محاربه سی . پاپیریئوس و فابیوس . اوچجی سامنیثوم محاربه سی . تارانت
مسئله سی . پیروس محاربه لری : هر افله ، پیروسک عقد صلح تکلیفی ،
آسقولوم ، جلیاسفری ، بنه ونو . ایتالیا فخنک اکیلی . رومانک
اجرا آتی . مالکک صورت اداره سی : روما وطن داشانی
لاتین اسمبلر : متفکر . روماده قوانینک توسی
واحوال اجتماعیه

مباحث متقدمه کورلدیکی وجه له رومانک تأسسندن
مساوات حقوقک حصصولی زمانلرینه قدر رومانک ایتالیا ده
اهمیت عظیمه سی اولیوب قوت و قدر تجده اتروریه و سامنیثوم
اقوامی وسار بعض متفکر رومایه چوق فائق بولنوردی .
وقوعبولان محاربه نزه هب رومانک تجاوزات خارجه دن
محافظه سی ایچون باشلانیش ورومانک استقلال ایچق اقوام
متجاورده نک برلکده هجوم الظاملری و برطاقنک دائم رومایله
متفق بولنلری سایه سنده وقایه اولنه بیلشدی . فقط بو محاربات
دائم رومایی تهلکه دائمه حسنه و فضائل و اطاعت عسکریه یه

آلشدیرمغله ملت آره سنده کی تفرقه ختام بولور بولمز روما
دها جدی فتوحات تشبثانده بولشمش و پیدرپی عموم ایتالیا
اقوامنه غلبه اولمشدر .

رومالیره جوار اولان اقوامدن الك قوتلیسی سامنی قومی
اولوب قوم مذکورک قامپانیاده توسیع اراضی به تشبثی
وقامپانیابلرک روما به دخاتلری اوزرینه سامنیوم محاربه سی
ظهور ایتش (ق ۹۶۵) و متعدد فاصله لرله مدت مدیده دوام
ایدرک نهایت (ق ۹۲۴) ده ختام بولمشدر . برنجی سامنیوم
محاربه سنده لایتیلر روما ایله متفق اولدقلرندن قابو شهر جسمی
ایله سائر بعض قامپانیا اراضیسی روماده قالمق اوزره عقد
صلح ایدلمش و روما ایله سامنیوم آره سنده براتفاق بیله قرار کیر
اولمشدر .

سامنیوم محاربه سنک ختامنی متعاقب لایتیلر روما وطنداشلغی
حقوقی کندیلرینه کاملاً ویرلمک و ایچلرندن هر سینه برده
قونسالوس آلتقی مدعیاتیله قیام ایدوب بیوک برغانه آچشلر
سده سامنیلرک اتقاقیله بشقه تهلکه دن مصون اولان روما
بتون قوتنی بوجهته ویررک وهزو طماغی جوارنده وقوع
بولان محاربه ده لایتیلر کاملاً مغلوب اولمشلر ولاین شهرلری
بینده کی اتفاق قدیم بوزیلهرق رومانک آرزوسی وجهله
مملکت طرز جدیدده تنسیق ایدلمشدر .
بومحاربه ده رومالیر فضائل عسکریه جه بیوک نمونه لر

کوستر مشلردی . از جمله قونسلوس مانلیوس محاربه ایتماک
اوزره امر ویرلدیکی حالده بوکا اطاعت ایتمه رک منفرداً
ردشمنله حرب و غلبه ایدن اوغلنی اطاعت عسکریه بی لاجل .
المحافظه اعدام ایتدیرمش و پلبس قونسلوسی ده چیوس وه زو
محاربه سنده عسکرک غلبه سنی تأمین ایچون رومانک اصولی
اوزره دشمن اوزرینه یالکز باشنه صالدیره رق فدای نفس
ایلمشدر .

قونسلوسلرک برر سنه مدته نصیبله بربری آرقه سی صره
انتخاب ایلململری اصولدن اولوب بوایسه اردو قوماندانلیجه
تشوشی موجب اولدیغندن مدت مأموریتی ختام بولان
قونسلوسلرک ایجابنه کوره بروقونسلوس نامیله قومانداده
قالملری دخی او صره ده اصول اتخاذ اولتمشدر . رومانک مؤخرأ
ولایات بمیده یه کوندردیکی والبرده بروقونسلوس (بعضاً
پره تور و پروره تور) عنوانی ویریلوردی .

لاتین خانله سنک اندفاعندن صکره روما قامپانیا سواحلنده کی
پاله پولیس ونه آپولیس بلاد یونانیه سنک الحاقنه تشبث ایلمکله
بوندن متحدث منازعه بیک ویا ایکیجی سامنیوم محاربه سنک
حدوثی موجب اولمشدر . بو محاربه ده سامنیلر پونتیوس اسمنده
ضایت جسور و مقتدر بروماندانه مالک اولملریله نائل غلبه
اولمشلر حتی روما اردوسنی بر بوغازده صقشدروب اسیر
ایتدکدن ویوندرقدن یکیردکدن نصکره شرائط معتدله ایله عقد

صلح ایدرک بونری رومیه اعاده ایلش لر در . فقط سناتو بو
مصالحه بی قبول ایتیوب عقد صلح ایدن قونسلوسلری دشمنه
اعاده ایلش ویکی قونسلوس نصب اولنان پوبیلیوس اولکی
مغلوبیتک آجیسنی چیقاروب دشمن اردوسنی اسیر ایدرک
بیوندر قدن کچیر مشدر . مع مافیه طالع حرب دکیشوب رومالیلر
ینه مغلوب اولغه باشلادق زدن مشهور قوماندانلردن پاپیئوس
قورسور دیقتاتور انتخاب ایدیلهرک انک تدایریله غلبه کاملاً
روماده قالمش و سامنیلر عرض اطاعته مجبور اولمشلردر .

پاپیئوسک صورت انتخابیده اوزمانکی روما جیتک
برنونه سیدر روماده دیقتاتوری قونسلوسک نصب ایلدی
معتاد اولوب اووقت فایوس قونسلوس ایدی حالبوکه ابتدای
حربده فایئوس اووقته دیقتاتور اولان پاپیئوسک سواری
قوماندانی یعنی معاونی اولوب، مخالف تعلیمات محاربه (موفق
اولدیغی حالده) ایلدیکندن طولانی پاپیئوس طرفندن اعدا-
منه حکم ایدیلهرک سناتویه انجما ایلش وعمومک رجاسی کمال
مشقتله بو حکمی عفو ایتدیره بیلشدی . اووقتدنبیری بوایکی
ذات آره سنده پک بیوک برعداوت موجود اولدیغی حالده
بودغه فایوس بیه لازمه جیتی منفعت شخصیه بیه فدا ایدرک
پاپیئوسی دیقتاتور نصب ایلشدی .

بوایکنجی محاربه نتیجه سی اوله رق قامپانیا و آدریاتیق
ساحلنده آپولیا کاملاً روما اداره سنه کچهرک سامنیوم قطعه سی

روما مستملکاتیه احاطه ایداش و داخل مملکتده برطاقم مواقع
 مه‌مه‌یه‌ده روما عسکری قونلشدی . آرتق رومانک عموم ایتالیا
 اوزرینه ادعای حاکمیتی لایقیله میدانه چقدیغندن وقایه استقلال
 ایچون سامنیلر صوک بر غیرت اولمق اوزره اتروریه لیلر او مبریلر
 وغالیه لیلر ابله اتفاسق ایدرک تجدید ناره حرب ایلشردی .
 بو اتفاسق پک بوک و رومانک دوچار اولدیغی تهلکه حقیقت
 وخیم ایسه‌ده فابوسک درایتی سایه‌سنده بده حسن صورتله
 مندفع اولمشدر شویله که ده قوای دشمن برلشمدن اتروریه‌یه
 یورویجک کبی کورینوب انلری توقیف ایلدکدن صکره همان
 متحد غالر و سامنیلر اوزرینه یورویهرک سنچئوم موقعنده
 چله‌سنی بریشان ایلشدر . سامنیلر برمدت ده مقاومت ایتشلر
 سه‌ده نهایت کلباً مغلوب اولوب اقدجه اسیر اولان سردارلری
 پونیوس هر درلو قواعد حقانیتنه مغایر اوله‌رق روماده اعدام
 ایداش واقوام متحده سائرده یا قورقورلندن عقد صلحه
 مسارعت ایتشلر و یا خود قهر و تنکیل قلمشدردر . بو صورتله
 اوجچی سامنیوم محاربه‌سی نتیجه‌سی اوله‌رق شمالی و وسطی
 ایتالیا کاملاً روما اداره‌سنه و یانفوذینه یکمیش بولنیوردی
 و رومانک ال بوک غائله‌سنه کیردیکی وقتده‌ده غرب استقلالنه
 تهلکه عظیمه کسبیله جک اولان اسکندر کنج یاشنده اولمش
 و اخلاقی بولسان قوماندانلریده بر لرلیله سلطنت دعواسنه
 قالمشردی .

ایتالیانک جنوب جهنده کی مستهمرات یونانیدن چوغی
هنوز روما نفوذینه کیرمامش اولوب خصوصاً تارانت شهری
کندی قدرتنه حدتندن زیاده اهمیت وبره رک رومانک ناموسنه
طوقوناجق معاملانده یله بولنشدی. فقط تارانت لیلر روما
ایله باشه چیقامیه جققرینی اکلاقلرندن معاونت ایچون ذاتاً
کندیسنه میدان فتوحات آره مقده اولان اپیر حکمداری پیروسه
مراجعت وانکله عقد اتفاق ایلشردر.

پیروس جنوبی ایتالیا یه یکریمی بشبیک کشیک براردو ایله
پکوب ممالک متفقه اداره سنی تخت انضباطه آلدقدنصکره
ایتالیا یونانلیلرینک استقلاللری قبول ایلمک شرطیه روما ایله
اوبوشتیق ایستمشده قابل اوله مدیغندن ناچار بحاربه یه مجبور
اولمشدر. ایلمک بحاربه هراقله آ موقعنده وقوعبوله رقی رومایلیرک
قوتی پیروس اردوسندن زیاده اولدیغی حالده پیروسک مهارت
حزیه سنی واردوسنده کی فیلمرک القسا ایلمدیکی دهشت روما
اردوسنی مغلوب ایلمشدر. فقط پیروسک ده تلقاتی کللی اولد.
یغندن پک تلاش ایتمش و علی روایه بردها بویله برمظفریتیه
نازل اولورسه وطننه یالکز باشنه عودته مجبور اوله جقغنی
سویلمشدر. حتی عقد صلح ایچون وکلاسندن فصاحتله مشهور
چینه سامی روما یه کوندرمشده سفیر رومایلیری نه اقساعه
ونده رشوت وهدایا ایله افساده موفق اوله میوب عودت
ایلشدر. ایرتسی سنه آسقولوم شهری جوارنده وقوعبولان

مخاربه ده ینه رومالیلر مغلوب اولمشلر سده تلفات کایه ویرمکه
برابر موقعیات مادیه و جدیه ینه نائل اوله میان پیروس قارطاجه
لیلر طرفندن تضیق اولنان سچلیا یونانیلرینک دعوتلرینی بهانه
ایدرک سچلیایه کچمشدر . پیروس سچلییاده بولندیخی وقت
ظرفنده رومالیلر اولجه اللرندن چیقسان برلری ینه استراد
ایلدکاری کبی پیروسک نتیجه ده برشیده موفق اوله میدرق
ایتالیایه مأیوساً عودتی اوزرینه وقوعبولان بنوعه نئو محاریفه
عظیمه سنده روماقوماندانی قورینئوس دنتائوس مظفریت عظیمه ینه
نائل اولمغله بوغائه ده ختام بولمشدی . بسبتون مأیوس اولان
ومالک موروثه سی رقیبی آندیغونوس غوناتاس طرفندن نهیدید
ایدیلان پیروس پارلاق حیاتی آرغوسده سفیلانه بتیرمک اوزره
مملکتنه عودت ایلمش ویراز وقت صکره تاراندده رومایه
تسلیم اولمشدر (ق ۸۹۷) .

پیروسک عودتنی متعاقب سکز اون سنه مدت ظرفنده
هنوز رومایه اطاعت ایلمامش اولان اقوام وبلادک جمله سی
حکومت مذکوریه عرض انقیاد ایلدکارندن عموم ایتالیایا
روما اداره سنه کچمش ورومالیلر مملکتک هر جهنده انشا
ایلدکاری طرق و مراکز عسکریه و تاسیس ایلدکاری رومالی
شعبدلری وسائره سایه سنده بمالک جدیده لرینک حسن اداره
وانضباطنی تأمین ایلمشدر .

روما ممالکینک بوضورتله عموم ایتالیایی محتوی اوله جق

درجہ دہ توسعی طبیعی اصول ادارہ نیک بشقہ برطرزہ افراغنی
مؤدی اولمشدر .

شویله کہ عموم ایتالیا سکندہ سی روما وطنداشانی (چیوہ س
رومانی) لاتین اسمیلر (نومن لاتینی) و متفقہ (سوجیئی) اسمیلہ
اوج صنفہ منقسم بولنوردی .

روما وطنداشانی صنفی نفس روما وجواری اراضی،
قدیمہ سندن بشقہ آرزوریہ وبالخاصہ لاجیئومدہ برچوق شہرلر
اھالیسینی دخی محتوی ایدی . بونلرک عمومی اصل ملت حاکمہ بی
تشکیل ایدرلر ورومالیلرک بالجلہ حقوق مدنیہ لرندن مستفید
اولورلردی یالکز جملہ سی حقوق سیاسیہ یہ مالک اولیبوب
حقوق سیاسیہ یہ مالک اولان لرلرک اھالیسی ایجابی حالندہ رومادہ
طوپلانارق مجالس عمومیہ دہ انتخابات و سائرہ یہ بقارلردی .

عموم دولت مأمورلری بونلردن نصب و انتخاب اولنور
ایدی . بعضاً رومانک تاقیوسی یانندہ شہرلر بو حقوقہ نائل
اولدقلری حالده بعید شہرلر ورومالیلرک حقوقندن مستفید بولنورلر
ورومادہ اقامتی ممنوع اولان بر شخص بعید ورومالیلرک
حقوقہ نائل برشہردہ او طورہ مدیغی حالده رومانک یاقی باشندہ کی
بر متفق شہردہ او طورہ بیاپردی .

لاتین اسمیلر کرک لاتینلر وکرک رومالیلردن حکومت
معرفتیله کندیلرینہ اراضی ویربلرک ایتالیانک مجال مختلفہ سندنہ
اسکان و توطین ایدیرلمش اولان اھالی ایدی . بونلر رومالیلرک

حقوقدن مستفید اولیوب بعض امتیازات بلدییه مالک
ایسه لده تنظیم قوانینه حقلمری یوقدی عوماً روماده تنظیم
ایدیلان قوانینه و اکثر رومالی و ایسیرله اداره اولنورلرایدی
یالکز روماده تکرار اختیار اقامت ایدرلسه اجنبی عدایدلمیرک
ایستدکری قبیله یه انحقاق ایده بیلورلردی .

متفقلمر معاهدات مخصوصه ایله روما تابعیتنی قبول ایلمش
اولان شهرلر ایدی بونلر امتیازات بلدییه و قوانین مخصوصه .
لرینه و آیری اداره هیئتلرینه مالک ایدیلر . یالکز زمان بحاربه ده
رومایه قوای معاونه ارسالنه مجبور اولدقلمری کبی خصوصات
مهمه جدهده پره قمت تعبیر اولنان روما ولایتک تحت تقییشلرلنده
بولنورلر وقط منتظماً ورکو اعطاسیله مکلف دکلمر ایدی .
متفقلمردن هر بریسی رومایه تابعیتنی اناج ایدن معاهده احکامنه
تابع اولغله شرائط تابعیتلری بر اولمدیغی کبی یینلرنده اتحاد
حاصل اوله مامسی ایچون مختلف بلاد متفقه اهالیسی ارسندنه
مناکحاتک ممنوعیتی و تجارت و اقامتک عدم تجویزی کبی بعض
تجدیدات مانعهده رومالیلر طرفندن احداث قلمشیدی .

متفقلمردن اولان اهالی روماده اجنبی عداید بلور و روما
حقوق صادییه سی بونلره تطبیق ایدلمزدی

دور فتوحاتلرینک ایلاک زمانلرنده رومالیلر حقوق و پنداشنی
ینی بالنسبه سهولته و بردکلمری حالنده تکثر فتوحات و تزیاید
غنایله روما و پنداشلمنک بر اهمیت و قیمت مخصوصه کسب

ایلمی بوبانده کندیلرینی دها ممسک طورانغه سوق ایلمشدی .
 حالبوکه هر شهر بو حقوقه نائلیتی آرزو ایدوب بوده رومانک
 استجلاب توجهنه وابسته اولمغله بو تمنیات اولچهروما ایچون
 یوک استفادهلری و فقط صکرده ینسه یوک غائلهلری موجب
 اولمشدر .

بوزمانلرده روما حقوق و قوانینی دخی زیاده سیله کسب
 توسعه باشلامشدر او وقته قدر روما حقوق محرره سی ده چوری
 لک نشر ایتدکلری اون ایکی لوحه دن عبارت اولوب فقط
 مؤخرآ پاتریجیلردن مشهور آپوس قلاودیوسک سرکاتلیکنده
 بولنان فلامینیوس هنوز اصلزادکانک اسرارندن معدود اولان
 روما اصول محاکمانه دار برائر نشر ایلمکله روما حقوقی
 دائره سی بر قاندها بیومش وروماده انواع اهالی واجانبک
 آرتمسيله احکام قانونیه نک توسیع وایضاحنه احتیاج آرتمقله علمای
 حقوق (ژوریس قونسولت) صنفی پیدا اوله رق بونلرک افکار
 و آراسی قوانین میاننده مهم بر موقع طومشمشدر او صرده
 رومیله کلان متفکر خلقی حقننده قابل تطبیق اولوق اوزره
 احکام جدیده قانونیه چبقاربله رق بونلرک مجموعه نه یوس جنتیوم
 (حقوق اقوام) نامی ویرلمشدیکه بو اسمدن خطا اوله رق رومیله
 حقوق دول مدون بولندیغنه حکم ییله ایدنلر بولتمشدر .
 رومیله حقوق دوله بکزه یه جک برشی وارسه اوده یوس فیه

چیناله اولوب بوده بالاده بخت اولنان فدیچال لک تخذلی
 اولان مراسمه دائر قواعددن عبارت ایدی
 خلاصه کلام ایتالیا فتحک اکیلی روما ایچون بونک بردور
 سعادت آچش وبوشهری حاکم عالم اولغنه حاضرلامشده
 بونک حصولی ایچون اول امرده او وقت غرب وشرقه
 حاکم اولان قارطه جه لیلرله یونانلی و ماکدونیا لیلرک ایچاسی
 لازم ککشدرکه بونک صورت وقوعیده مباحث آتیده مشهود
 اوله جقدر .

فصل نانی

جمهوریتک دور فتوحاتی

۱

برنجی پون محاربه سی

قارطاجه نك تأسيسی. صورت اداره سی. قارطاجه اردوسی. قارطاجه
مستلکاتی. سبلیس اجز بره سی. مامرتینلر. قارطاجه ایله رومایینده اعلان
حرب. رومانك موفقیتانی. مبله محاربه سی. افونوم محاربه سی وره غولوسك
آفریقا سفری. ره غولوسك اسارتی. بانورما محاربه سی. ره غولوسك
قهر مانلی. هامبلقار بارقه. اغات محاربه سی ومصالحه.

فنیکه لیلرک بحر سفید جوارنده تأسیس ایلدکاری شعبات
میانده تاریخ عالمجه هیچ بریسی قارطاجه درجه سنده کسب
شهرت ایده مامشدر. قارطاجه شهری آفریقای شمالینک بحر سفیدی
ایکی به بولک اوزره شماله طوغری اوزادیغی نقطه دهوشمدیکی
تونس بلده سی جوارنده اولوب موقعنک تجارته خایت معنا
بولتمی واهالیسنک تشبثات تجارته جه غیرت فوق العاده لری
سایه سنده غربی اسیا ایله اوروپانک مرکز تجارتی اولمشدر.
قارطاجه نك تأسیسی صور بلده سی حکمدارلرندن پیغمالیونک
همشیره سی وباش کاهن سیشهنک ذوجه سی اولوب ذوجنک

مانند طمعاً برادری طرفین قتل اوزرینه ثروت موجوده سی
 و معتبله ترك دار و دیار ایدن دبدونه نام ملکه یه اسناد اولتقدده در .
 هر حالده قارطاجه سورك شعبه سی و سکنه سی لسان و عادات
 و مذهبه صور اهالی سندن فرقه سز اولوب فنیکنک انقراض
 سیاسی سندن صکره بحر سفید غریبه فنیکه شعباتک ریاستی
 و شمالی اوروپانک عموم تجارتی شهر مذکورہ انتقال ایشدر .

قارطاجه نك اداره سی جمهوریت اشراف یولنده اولوب
 اصل قوه حاکمه اشراف مملکتدن مرکب اوچیوز اعضالی
 برسانتو هیئنده ایدی ققط مرور زمانه بونل میانندن یوز عددی
 بتون حکم و نفوذی کندی المربنه پکیر مشردی . رئیس حکومت
 اولمق اوزره دخی سوخت نامیله ایکی رئیس جمهور موجود
 اولوب بونلک وظائفی صور شهرنده کی ایکی قرال دن ورو ماده کی
 ایکی قونسلوسدن چوق فرقی دکلدی .

قارطاجه نك الك بيوك قصوری اداره عسکر به سنده ایدی .
 قارطاجه ده مقدار کلی نفوس موجود اولمغه برابر هرکس کار
 و کسب یله مشغول و رفاه حالده بولمغه ملی قوه عسکر به موجود
 اولیوب اردونک بالکز ضابطانی قارطاجه لی و افرادی ایسه
 جوارده کی نو میدیایلر و سائر اقوام پنجاوره دن کوکلمی صورت یله
 آلتش باشی بوزوقلردن مرکب ایدی . پاره خاطر ایچون
 طوپلانتش اولان بونفرانک صداقت و فداکارلق کوسترملری

براز مشکل کوریلور . قارطاجده بعض ارباب حیت دولتک
 عسا کرملیه ترتیب ایدرک کسب قوت ایلسی و فتوحات خارجیه
 ایله بیومسنی آرزو ایدور رسیده اشراف مملکت و بالخاصه
 متفذهانون فاملیاسی بوکاشدته مخالف ایدیلر . برآز هلق اصول
 حاضره معارضه لرندن بارقه فاملیاسنک کسب نفوذ ایلسی
 قارطاجده بی عسکرلک یولنه صوقشسه ده بو حال چوق دوام
 ایده مامشدر . بوکا مقابل قارطاجده دو تناسی زمانک ال برنجی
 قوه بحاریه سی ایدی .

قارطاجه ننگ شهر جو ارنده اولان منبت و محصولدار ولایات
 جسمه سندن بشقه سجلیا جزیره سنک جنوبنده آفریقا سواحل
 شمالیه سنده غالبانک جنوبنده و اسپانیا سواحلنده برخیلی شعبات
 و مستعمراتی واردی بوندن بشقه ساردنیا و قورسیقه اطهرلیه
 سائر برطاقم جزائر غربیه دخی قارطاجه اداره سنه کیرمش
 و سواریلرله مشهور نومیدیا کبی برخیلی حکومات قارطاجه
 متقلری صره سنده صایتلنده بولمشدی . قارطاجه لیلر بالخاصه
 آفریقایه بک قریب بولسان سجلیانک عموماً استیلانی آرزو
 ایلدکری حالده هنوز بوکا موفق اوله مامشردی . سجلیاده کی
 سیراکوز دولتی اطهده قارطاجه ننگ ترقیاته مانع اولوب حتی
 سالامین بحاریه سی کوئی سجلیاده همیر موقعنده وقوع بولان
 محاربه ده قارطاجه ننگ اوچیوز بیک نفرلک برقوه جسمه سی
 سیراکوز لیلر طرفندن پریشان ایدلشدی . قارطاجه لیلرینه

تجاوزاتدن خالی قالمیوب اطهنگ جنوب غربی گوشه سنی ضبطه موفق اولدقلرندن سبلیا یونانیلری پیروسک حمایه سنه مراجعت ایشلردی . پیروسک مملکتنه عودتندن صکره قارطه جه لیلرینه سبلیاده تسلطه باشلامشلسده بودفعه الجآت احوال کندیلرینی بشقه بردشمن مهیب قارشوسنده بولندبرمش و جزیره بی ترک ایدرکن « رومالیر ایله قارطه جه لیلر ایچون نه کوزل بر میدان حرب بر اقیورز » دیان پیروسک قولی صحیح چقمشدر .

رومالیله قارطاجه دها روما جمهوریتک ابتدای تأسسنده بر تجارت معاهده سی عقد ایدرک او وقتدن بری صلح اوزره قالمش و حتی پیروس محاربه سی صره سنده قارطاجه لیلر رومایه عرض معاونت بیله ایشلر ایکن رومانک « بزاجنیتک دشمن صفتیله مداخله سنی دوست صفتیله مداخله سنه ترجیح ایدرز » بولو جواب متحکمانه سی عقد اتفاقه مانع اولمشدی . مع مافیله رومانک کیردیکی طریق فتوحات آرزوی توسعه بولنان قارطاجهنگ رقیب و دشمنی اولسنه سبب اولمش و ایتالیا قسبی اثاسنده میدانه چقمه باشلایان بو محاسده ورقابت سبب ایجزیره سی تصرفندن متولد بر مسئله ایله محاربه علنییه مبدل اولمشدر .

سبلیاده سیرا کوزده تغلب ایدرک قارطاجه اوزرینه هجوم ایش و عادتاً شهر مذکورک استقلالنی تهلکده قومش اولان آغاقلسک و فاندن صکره عسکرلری طاعلیه رق مسینا مرکز اولق اوزره اطهنگ شمالنده بر حکومت تأسیس ایشلردی .

مامرتین اسمی و بریلان بو آدملر باشلیجه چاچولجلیق و یغما کرلک ایله تعیش ایدرک اطه ده حاکم اولان قارطه جه لیلر و سیرا کوز لیلر طرفدن تضییق اولندقلزندن رومایه کندیلرینه معاونت ایدلک اوزره عرض دخالت ایلشملر و هر نقدر سناتو مجلسی یونلره روی مساعده کوستر مامشده اهالی رومانک ایتالیا خارجنده ممالکه صاحب اولسنی آرزو ایدرک قونسلوس آپوس قلاو دپوسک برفرقه عسکرایله مامرتینلر معاونتیه سوخته قرار و برمشدر . قونسلوسک سبجلیایه چیقارق مسینایی اوقته قدر طرفدارلی واسطه سیله شهره داخل اولمش اولان قارطه جه لی لری بدندن نزعده موفقیتی روما ایله قارطاجه و سیرا کوز ارسنده حصول محاربه یی مؤدی اولمش و فقط اول امرده شدتله تضییق اولنان سیرا کوز حکمداری هیهرون دزعقب روما ایله عقد صلحه شتاب ایدرک الی آخر العمر روما اتفاقنده ثبات ایلدیکندن رومانک بالجمله قدرت حربیه سی قارطه جه لیلر اوزرینه یوکلشدر

(ق ۸۸۶)

رومار دولزی عسکرک متانت و جسارتی و انظام تشکیلاتجه قارطاجه اردولرینه فائق بولندیغندن سبجلیاده روما موقیات عدیده به نائل اولمشده دو تمامزلق سیبیه بتون ایتالیا سواحل قارطاجه مراکب حربیه سنک تخرباته دوچار اولمده ایدی . غیرت بینهایه صاحبی اولان روما لیلر بر قارطاجه بش انبارلیسنی نمونه اتخاذا ایدرک ایکی آی ظرفنده یوز اوتوز پاره کمی انشا

الشلر و قونسولوس دوئیلیوس اشبو دونتا ایله میله آچیقارنده
قارطاجه دونتاسنی پریشان الشدر (ق ۸۸۲) روايته نظراً
دوئیلیوسک موقیبتی حرب کیلرینک آبورده سنده دشمن سفائنه
عسکر ادخال التک اوزره ایجاد ایلدیکی چنکلی کوپریرلر
سایه سنده اولوب کندیسنه روماده فوق العاده حرمت واحترام
کوستر مشلردر .

۸۷۷ سنه سنده قونسولوس ره غولوس اقونوم صورلنده
اوچیوزاللی یارادن مرکب بر قارطاجه دونتاسنی کلیآجو
ایلدیکندن آرتق روما ایچون آفریقایه تجاوزه بر مانع قالماش
وره غولوسده اردوسیه آفریقا ساحلنه چیقاراق قارطاجه
اوزرینه یورومشده امیدى خلافتنه اوله رق کسانتپوس نام
یونانینک تخت اداره سنده اولان قارطاجه اردوسنه فنا صورتده
مغلوب و کندیسیده قیداسره گرفتار اولمشدر .

ره غولوسک شو صورتله اسارتی و اوصرده بر قاج بیوک
رومادونتاسنک شدتلی فورطنلره اوغرایه رق قضا زده اولسی
طالع حربی روما علیه چورمش و قارطاجه لیلرک جسارتلرینی
آرتدیرمش ایسه ده قونسولوس متهللوسک سچلیسانک جنوب
غریبسنده پانورما (بالرمو) شهری جوارنده قارطاجه اردوسنی
کلیاً پریشان السی (ق ۸۷۲) روش اموری دکشدرمشدر .
پانورما مغلوبیتی اوزرینه قارطاجه لیلر طلب صلحه قرار
یره رک سناتوبی تشویق ایچون عدم موقیبت حالنده عودت

ایلك و عدله ره غولوسی دخی رومایه کوندر مشلردی فقط
 ره غولوس خلاف مأمول اوله رق سناتوی محاربه ده دوامه
 تشویق الیش و تکلیفات صلحیه نك ردند نصکرده عموم اقربا
 واحباسنك رجالینه باقیه رق قارطاجیه عودت ایدوب روایت
 نظراً اوراده بارباجه بر صورتله اعدام ایدلشد . ره غولوسك
 عودتد نصکره رومالیر بعض مغلوبینله اوغرا یوب قونسلوس
 آیوس قلاودیوس پونجر آوغورلرك مخالفنه باقمسزین محاربه
 ایدرك قومانداسنده کی دویتما فناحاله مغلوب اولمش وقارطاجه
 طرفندن سچلیایه جسارت و حیتله مشهور کنج هامیلقار بارقانك
 اعزامیله رومانك سچلیا اطه سنده کی موقیات عسکریه سی
 توقف ایدرك انواع مشکلات باش کوستر مشدر . رومادونتمالینك
 صره ایله قضازده اوله رق محوی دخی سناتونك غیرتنی قیرمش
 و آرتق دویتما انشا ایدلامسنه قرار ویرلشدی فقط بو قرار اها الینك
 عروق حیتله طوقونارق اعانه عمومیله ایله بیوک بردونتما انشا
 ایدلش و قونسلوس اوتاچئوس قاتوللوس بودونتما ایله اغات
 اطه لری صورلنده قارطاجه دویتماسنی محو ایلكله حربیه فعلاً
 ختام ویرلشد . قارطاجه دویتماسنك محوی سچلیاده هامیلقار
 بارقه اردوسنی حکمسنز بر اقوب دکزطریقنك روما الله یکمسیله
 مراسلات عسکریه نك قطعی بواردونی بر مدت صکره تسلیمه
 مجبور ایده جکی درکار ایدی . بنساء علیه قارطاجه محاربه ده
 دوامك فائده سنز لکنی کوره رك رومانك تکلیف ایلدیکی شرائط

صلحیه به موافقت انش و سبجلیا ایله جوار اطه لرك قارطاجه لیلر طرفندن تخلیه سی رومالی اسرانك بلا بدل اعاده سی و رومایه ۳۲۰۰ تالان تضمینات حربیه اعطاسی شرائطیه عقد صلح ایدلمشدر (ق ۸۶۳) . رومایله متفق بولنان هیه رونك مالکی مستثنا اوله رقی عموم سبجلیا رومانك برنجی ولایتی اولوب هر سنه روما طرفندن بالانتخاب اعزام اولنسان بربره تور واسطه سیله اداره اولمغه باشلامشدر .

۲

ایکی محاربه آره سی

قارطاجه عسکرینک عصبانی . هامیلقارک موفقیتی . ساردنیا و قورسبیه نك رومایه الحاقی . ایله بریا سفری . تالیه سفری . نلامون محاربه سی . هامیلقارک اسپانیا سفری . آیبالك بمینی . هامیلقارک تصوراتی و وفاتی . آزدروبال . آیبالك قوماندانلیقی . ساغونتوم محاربه سی . اعلان حرب .

قارطاجه ایله روما بیننده کی محاسده ورقابتک شدته کوره بینرنده منعقد اولان مصالحه نك پایدار اوله میه جغنی وانجیق طرفینک اکیال تدارکات ایلرینه زمان مساعد برافاجنی درکار ایدی . فی الحقیقه مصالحه مذ کوره انجیق یکر می رسنه قدر دوام ایدوب بومدت ظرفنده هر ایکی مملکت سده وقایع مهمه حیرت ظهوره کلمشدر .

ختم محاربه بی متعاقب قارطاجه حکومتی پک بولک برته لکه به

کیرمش و محاربه اٹنا سندنہ برکش اولان ایلقرینی المغہ موفق اولہ میان قارطاجہ اردولرینک قسم اعظمی عصیان ایدرک تبعہ دن برچوغیدہ عصیانہ التحاق ایلدکارندن قارطاجہ نیک استقلالی یلہ تہلکدہہ قالمشدی بو عصیانک دفعی ایچون هامیلقار بارقہ بجومک اتفاقیلہ قوماندان ایدلمش واودہ حقیقتاً خارق العادہ بر غیرتہ ایکی سنہ اوغراشدقندن صکرہ ارباب اختلالی کاملاً محو ایلدکہ موفق اولمشدر .

مع مافیہ رومانک سؤ نیتی بودفعہدہ قارطاجہ بی راحت بر اقبوب رومالیر ایچلرندہ کی عسکرک التجاسنی بہانہ ایدرک ساردنیا وقورسیقہ اطہلرینی رومیہ الحاق ایلہ برولایت حالنہ قومشر وقارطاجہ نیک شکایتی بارہ ایتدیکی کی اعلان حربہدہ تہدید ایدیلہرک تفضیمات نقدیہ اعطاسنہ اجبار ایدلمشدر .

رومالیر یوارہدہ ایلہریا طرفلرینہ ایکی دفعہ قوہ سفیریہ کوندرہرک اورالری تخت نفوذلرینہ الدقلری کی غالبایچیر الپینانک دخی فتحنی اکیال ایشلر وغالیالیرک عموم ایتالیایی تلاشہ دوشورن بر قوہ کلیہ لری آتورریہدہ تلامون برونی جوارندہ وقوعبولان محاربهدہ (ق ۸۷۷) کاملاً پریشان اولمقلہ رومالیر پونہرینی یلہ تجاوز ایشلردر . حتی قونسلوس مارچالوس کندی ایلہ دشمن قومانداننی اولدیرمکلہ اویم غنائمنہ نائل اولمش ونتیجہ محاربهدہ غالبایچیر الپینا بر رومالری حالتی قونلمشدر .

روما وحدت ملکیہ سنی اکیال ایلدیکی صرہدہ قارطاجہدہ

بوش طور میورایدی . هامیلقار بارقه نك صوك موقعتی كندی سنی
 روماده پك زیاده صاحب نفوذ ایدرك بیوك بر موقعه چیقار مش
 ورقیبی اولان هانون فاملیاسنی نفوذدن دوشورمشدی . قرآن
 احواله نظراً قارطاجه باش قوماندانلغنه انتخاب ایدیلان هامیلقار
 مملکتی مهمما امکن اصلاح ایلدیکی کبی رومادن اخذئار انك
 ایچونده تدارکات جدیدیه تشبث ایشدر اووقت عموم اهلایسی
 رومیاه پك زیاده صادق بولنان ایتالیا به بحراً تجاوز بانخاصه
 دكرك رومادونخامی تخت حکمنده بولتمسنه نظراً قابل اولوبوب
 رومیاه هجوم ایچون بشقه براس الحركات اتخاذهی لازم
 وباخصوص تجاوز اردوسنك قارطاجه به استناد ایلسی مشکل
 بولوب هامیلقار كندی شخصنه دها زیاده صادق بریره
 استناد ایلسی مقتضی ایدی . هامیلقار بوجهته اجرای مقصد
 ایچون موقعتك محسناتی منكر اولمیان و ذاتاً سواحلنده بعض
 نقطه لری قارطاجه اداره سنده اولان اسپانیایی بالانتخاب قحنه
 تشبث ایلش و طقوز ستم مدت حقیقتاً بیوكلك کوستره رك
 اهلایی جسامرتله معروف بولنان بوایر یا شبه جزیره سنك قسم
 اعظمی فتح ایلمشدر . هامیلقار اسپانیاده کنج یاشنده وفات
 ایدرك قوماندایی دامادی آذرروباله بر ایشدر .

آذرروبال هامیلقار ك اجرا آتنده دوام ایدوب یالكر قارطا
 جه لیلرك ترقیاتدن تلاشه باشلایان رومالیلرله ابرونیرنك شمالنه
 کچمیه جکنه دائر بر مقاوله عقدینه مجبور اولمشدر .

هامیلقار بارقه روما علیهنده کی تصور اتنی اجرایه مقتدر
 اوله مدن وفات ایلمش ایسه ده کندیسنه لایق پروارث براقشدر
 اوغلی آنیال چوجتلقندن روما ایله باباسنک محاربه لرینی دیکلیه
 دیکلیه روما به خصومتی او کرندیکی کبی ده اطقوز یاشنده ایکن
 باباسی ایله معبده کیدوب معبود ملی هیکلی او کنده اولنجیه قدر
 روما به خصومت و دشمنلکدن خالی قالمیه جننه یمین ایتمشدی .
 آنیال کجملکنی اسپانیاده کچیره رک جسارت و شجاعت و درایتی
 والکیوک مشاق و مهسالکده نفسنی عادی نفرلردن آیرماسی
 جهتلیله اردونک کوزی بیکی حکمنه کچوب آذرو بالاک برسوه
 قصده وقاتی اوزرینه اردو طرفندن قوماندانلغه انتخاب
 اولمشدر .

آنیال قوماندان اولدیغی کوندن اعتباراً روما اوزرینه
 یوریمک ایچون تدارکات لازمه به باشلاش و دیگر طرفدن وسیله
 حرب اولوق اوزره ابرو نهرینی تجاوزله یونان شعبه لرندن و روما
 منفقرلندن ساغوتوم شهرینی محاصره و هجومه ضبط اولمشدر .
 مقوله سابقه نك بوجهله نقضی اوزرینه رومالیر کرک آنیاله
 وکرک قارطاجه سناتوسنه مراجعت اولمشلر سده بر فائده کوره
 مکارندن اعلان حربه مجبور اولمشلردر . روما و قارطاجه
 ارسنده رسماً محاربه نك اعلائی آنیالی مرامنه نائل ایدرک
 نیادنک ای بولک جزالارندن اولان بوصاحب ده نامنی الی الابد
 شهرتدار ایدن موقیبات عظیمه سنی اشبو محاربه ده قزاعمشدر .

ایکینچی پون محاربه سی

آیبالك محاربه بلانی . محاربه نك ادوار نئنه سی : برنجی دور . ایبالك
ایتالیایه مروزی ؛ تسین و تزهیه محاربه لری ؛ برازین محاربه سی ؛
فایوسک دیتاتورلغی ؛ قانہ محاربه سی ؛ قابوبہ عصبانی ؛ آیبالك نصوری
رومانک مثنائی . ایکینچی دور : رومانک موفقیتی ؛ اسپانیا سفری ؛ سچلیا
سفری ، مارچلوس و سیراکوز فتحی ؛ آیبالك موفقیتلری و مشکلات
احوالی . آذرروبال و متاور محاربه سی . اوچینچی دور : قورنہ نفوس سچینون ؛
اسپانیا قوماندانلغی و قونسولوغی ؛ آفریقایہ مروزی ؛ نومیدیا حکومتی و
ماسنسا ؛ آیبالك ایتالیایی ترک اتلیسی ؛ زاما محاربه سی و شرائط صلحیہ .
آیبالك قارطاجہ دن فراری .

الك بونك جنرالر میاننده ده بر موقع عالی به مالک اولان
آیبالك حقیقہٴ اجرایی مشکل و باخصوص زمانک فقدان و سائطنه
کورہ عادتاً متمنع بر محاربه بلانی تصور ایلشیدی اساساً
پدرینک دخی دوش و نمش اولدیغی بو پلان اسپانیایی اس
حرکت اتخاذ ایدرک جنوبی غالبه طریقیلہ و آلپ طاغری
شواہقندن بالرور شمالی ایتالیا یه کچمک و هنوز رومایه لایقیلہ
ایصنماش اولان اقوامی طویلا یه رق رومایی ایتالیا قوای
متحدہ سنہ قارشو یالکز براقق ایدی .

بو تصورک اجرایی ایچون آیبالك بوز بیک کشیک غایت
منظم بر اردو ایله دنیا نك المشهور بیخیلرندن اولان نومیدیا
سواریلرینه مالک بولونیوردی .

آنیبالک بو محاربہ دہ بالجمہ اقتدار و مہارتنی صرف ایلہ
پیروس و پورسنایی وغالری اونوتدیرمی رومیانی حیاتی
ایچون اوغراشمغہ مجبور ایلش و روش و قوتانہ کورہ محاربہ دہ
آنیبالک دور موقیاتی ، موقیاتک انقسامی و رومانک نتیجہ
غالبیتی اولوق اوزرہ اوج دورہ ایلشدیر .

آنیبال هجرت نبویه دن ۸۴۰ سنه مقدمنده اسپانیادن
چیقاروق غالبیه کیرمش و اوکنه چیقان غالبه لیلری مغلوب ایدرک
رون نهرینی مرور ایلشدی آنیبالک ایتالیا یه کله جکنی اصلا
امید ایتیمان رومالیر اسپانیاه قونسولوس سچپئون Scipion
قومانداسنده بر اردو یوله چیقارمشلر سده آنیبال رونی کچدیکی
زمان مارسلیاده بولنان سچپئون اوراده کندیسنه یتشمک قابل
اولدیغنی کوره رک عسکرینک بر قسمنی برادری قومانداسنده
اوله رقی اسپانیاه کوندروب کندیبسی سربعا ایتالیا یه عودت
ایتشدیر .

ایشته ابتدای محاربہ دہ اسپانیاه بر روما فرقه عسکریه سی
کیدرک آنیبالک مرکز حرکت و خط رجعتی تهلمکده قالسی رومیانی
قورتارمش اولوب شرفیده سچپئوننه عاندیر .

آنیبالک زمانمزدہ بیله مروری الک بیوک مهالکی مشتمل
اولان آلپ ماغلرندن کچمی الک مشهور حرکات عسکریه دن
اولوب کرک صغوقدن و کرک یولده ایدیلان بعض محاربہ لردن
تلفات زیاده اولمش و یوز بیک کشیلک اردودن بالکزی کرمی الکی

بيك نفر و موجود حرب فيلارندن ساده بردانه برحيات قالمش
ايدى . ايشته آنيبال بو قوه جزيره ايله رومانك فتحنه
يوروشدر .

آنيبال شمالي ايتاليايه كيرديكي وقت سچيون اردوسيله
يولنى سده چمغله تسين Ticino موقعنده روماليلرى پریشان
ايتش وديكر قونسلموش سمپرونيوسده ترهيه محاربه سنده مغلوب
اولوب قرق بيك روماليدن ساده اوتوز بيكي ميدان حربده
قاله رق وسطى ايتاليايولى قارطاجه اردوسنه آچمغله خاليه ليلر
ايله بالانساق الديغى معاونه ليله اردوسنك نقصاننى اكمل
ايلدكدن صكره اتورويه نه تجاوز ائلشدر .

آنيبالك موقعياتى روماني دوچاردهشت ايدرك كلئ تداركات
عسكريده بولمش وپا تريچيلر ايله آوزورلرک مخالفتلرينه باقميوب
پلبسدن فلاميذوس نام ذات قونسلموسلغه انتخاب ايدلمشدى .
فلاميذوس سربعا آنيبالك قارشوسنه چيغمشده اتورويه ده
ترازيمن كولى جوارنده وقوعبولان محاربه ده اون بش بيك
رومالى ايله برابر مقتول واردوسى منهزم وپریشان اولمشدر .
آنيبال هر محاربه ده روما پياده سنى نوميديا سواريسى ايله احاطه
ايدرك محو ايتديكندن تلفاتى پك آز اولوردى مثلا ترازيمن
محاربه سنده ساده بيك نفر ضايع ائلمشدى .

مظاهراً روما قبولرى قارطاجه اردوسنه آچيق كئي ايسه ده
آنيبال رومانك متانتنى بيلديكندن بسبتون دوچار باس ايتماك

ایچون رومیانی براقدرق جنوبی ایتالیا به اینکله باشلامشدر
 بوضره در و مالیرک دینقتاتور انتخاب ایلدکری فایوس ماقسیموس
 Fabius maximus اولکی مغلوبیتلرک عدم تکرری ایچون
 آنبال ایله هیچ بحاربه قطعیه به کیرشمز و ساده حرکتنی تصعبیه
 و کوچک مغزله رینی اذعاجه چالشیردی فایوس یالکز بر دفعه
 معاونی موچئوسک تلاشندن ناشی آتلدیغی تهلکهدن تخلیصی
 ایچون جدی بحاربه ده بولنه رقی روما اردوسی انهمزامن
 قورتارمشدر . بوضورت حرکتی ملابسه سیله فایوس
 ماقسیموسه تأخیر ایدیجی معناسنه اولان قونقتاتور Cuntator
 لقبی و برلشدر .

مع مافیه رومالیر بر طرفندن تدارکات فوق العاده ده بولنه رقی
 سکسان بیک نفر پیاده و التی بیک نفر سواری دن مرکب بر اردویی
 پاتریجی قونسولوسی پول امیل Paulus Emilius و پلبس Varron
 وارون قومانداسنده آنباله قارشو سوق ایلشیردی . آنبالک
 اردوسی قرق بیک پیاده اون بیک سوار بدن مرکب یعنی رومالیرلرک
 نصفی درجه سنده اولدیغی حالده قانه Cannae بحاربه سنده ینه
 اصول معتاده سی اوزره روما اردوسی بالاحاطه منهزم اینکله
 موفق اولمشدر . رومالیردن قونسولوس پول امیل ایله ایکی
 قووستور و سکسان سناتور و بیتمش بیک نفر تلف اولمش و قارطاجه
 اردوسی یالکز بشبیک بشیوز نفر ضایع ایلشدر . (ق ۸۳۸) .
 بومظفریت عظیمه دن صکره آنبال روما اوزرینه یورعیوب

جنوبی ایتالیا به طوغری کمتشد که مقصدیده بتون شهرلری اتفاقده
 الهرق رومانی یالکز باشنه برامق و قولایلقله محو ایده بیلک
 ایدی واقعا امیددی دخی واهی اولیوب بعض شهرلری دائره
 اتفاقده آله بیلش و از ججه قامپانیاده کائن قاپویه بلده می قپولرینی
 قارطاجه اردوسنه اچورمشدی . قاپویه نك حرکتی مقلدر
 بولقدن خالی قلمیه جغندن روما بوکا هرشیدن زیاده اهمیت
 ویره رک آپوس قومانداسنده براردو ایله شهری محاصره ایتدیر
 مشدر (ق ۸۳۴) آیدال محاصرین اردوسنه هجوم ایدمدیکندن
 بونلری عودته مجبور ایتک و یاخود رومانی علی الغله آلمق
 اوزره روما اوزرینه یوریمشده شهری کوزل محافظه ایدلمش
 کورمکه عودته مجبور اولمش ورومالیلر قاپویه شهرینی ضبطه
 موفق اوله رق امثالنه عبرت اولمق ایچون صورت شدیدیه تأدیب
 ایشلدر . (ق ۸۳۳)

قاپویه نك محاصره سیله محاربه نك دور ثانیهی باشلامقده در
 که بودورده یالکز ایتالیا دکل سجلیا و اسپانیاده دخی محاربات
 مهمه و قوعبولمشدر . قاپویه نك ضبطی قارطاجه یه میل کوسترن
 شهرلری طور در تدبغی کبی هیچ بر طرفدن امداد آلامدیغندن
 مشکل موقعده قالان آیدالک موقعیاتی ده توقف ایشلدر . اسپانیاده
 سچپون برادرلر قومانداسنده کی اردو قارطاجه لیلری اشغال ایدرک
 آیدالی امداددن محروم بر اقبوردی قارطاجه دن امداد آلامیان
 آیدال اتفاقلر سایه سنده موقعیتینی تأمینه چالش شده بو باده کی

امیدلریده بوشه چتمش و از جله آئیبالک تکلیفی اوزرینه ما کدونیا
قرالی بشنجی فلیک ایتالیا به کوندردیکی اردو بر شی پیامدن
مغلوب و منهزم اولشدر بودورنایدن سجلیاده اهمیت مخصوصه
کسب ایلشدی . سیراکوز حکومتی هیهرون زماننده رومایه
صادق قلمشده انک خلقی هیهرون نیوسک عزل و اتلافیه تشکل
ایدن اداره جمهوریه آئیبال ایله اتفاق ایدوب جزیره کلان
قارطاجه اردوسیه برلشدرک رومایه اعلان حرب ایتشدی .
قطر رومایه قوماندانی مارچالوس قارطاجه لیلره غلبه ایدرک
سیراکوز شهرینده فتح ایلشدر علی روایه سیراکوزک امر مدافعه
سندده خوارق علیه ننگ جله سنی ابدال ایدن عالم مشهور آرخمید
ائتای فحده برهنده مسئله سنی حل ایله مشغول ایکن بر رومالی
نفر طرفندن اولدیرلمش و صوک سوزی اولوق اوزره «دآرهمی
بوزمه» دبه بیلشدر . بوضورتله رومابتون قوتنی قارطاجه لیلر
علیهنه سوقه کسب اقتدار ایلشدر . (ق ۸۳۴)

مارچالوس ایتالیا ده دخی حرکات عسکریه بی حسن اداره
ایشده نهایت آئیباله مغلوب و مقتول اولشدی . قط آئیبال
قارطاجه حکومتک کورجه سنه حرکت ایدرک معاونت لازمه ده
بولتامسی و رومانک قوتی کوندن کونه آرتوب بالعکس کندی
قوتی اکسلسی جهت لریله پک مشکل برحالده اولوب منفرد ایددی
اسپانیادن یتش بیک کشیک براردو ایله امداد ایچون حرکت
ایش اولان برادری آزدروبالک ورودنده ایدی .

روما عسکرینک بر قسمی قونسلوس نرون Neron قوماندا
 سنده اوله رقی آنیبالک قارشوسنده اولوب قونسلوس لیویوسده
 Livius بر دیگر قسملیه آذروبالی قارشولغده چتمشدی لیویوس
 آذروبالک برادرینه موعد تلاقی تعیینی ایچسون کوندردیکی
 مکتوبی اله کچرملکه زونه کوندرمش وزونده کیجه یاریسی
 یدی بیک منتخب عسکرله سسسزجه اردویی ترک ایدوب همان
 لیویوس اردوسیله برلشهرک متاور موقعنده آذروبال اوزرینه
 هجوم ایلمشدر . ایکی قونسلوسک براردوده بولندیغنی کوره رک
 برادرینک باشنه بر فلاکت کلدیکنی ظن ایله تلاشه دوشان
 آذروبال مغلوب ومقتول اوله رقی اردوسندن الهی الی بیک نفری
 تلف وقلانی پریشان اولمشدر . نرون آذروبالک باشنی آنیبال
 اردوسی ایچنه آتدیرمش وبوسر مقطوعی کورن آنیبال « بو
 باشده قارطاجه ننگ عاقبتنی کوربورم » دیمشدر . آرتق آنیبال
 ایچسون بر امید موقیت اولمدیغندن ایتالیانک ال جنوبنده کی
 بروچنوم شبه جزیره سنه چکلیمش وحین حاجنده ایتالیدان بحراً
 چیقاییلمک ایچون هرشی حاضر اولدیغنی حالده جریان احواله
 منتظراً بش سنه مدت ده ایتالیا طور اغنده قالمشدر .
 (ق ۸۲۹) آنیبال هنوز هبیج بر میدان بحاربه سنده مغلوب
 اولمامشدی .

بوصره ده اسپانیا قطعهمسی وقوعات مهمیه مرکز اولمشدی
 سیچسون برادرلر اسپانیاده بعض موقیاته نائلیدن صکره مغلوب
 ومقتول اولمزلیه قارطاجه اوجهجه تهلکهدن قور تلمشده

هنوز یکرمی باشند بولنان قورنه لیوس سچپونک پروقونسوس
 عنوانیله اسپانیایه اعزامی ایشی بشقه شکله قومشدی . سچپون
 درایتلی ' جسور ' متعظم ' نفسنه اعتمادی غایت زیاده و کندیسنگ
 بهمه حال هربرده وهرتشبنده موفق اوله جغنه ذره قدر شبهه
 ایتمز بردات اولوب تسین محاربه سنده هنوز چوجقی ایکن
 پدرینی قورتارمش وقانه مغلوبیتی اوزرینه آرتق مابوسا
 رومایی ترکه قرار ویرمکده اولان برچوق زادکان و اشرافی
 صبر و ثباته قاندرمشدی . قورنه لیوس سچپون آذدروبالک
 ایتالیا به حرکتده مانع اوله مامشده آذوقت ظرفنده قارطاجه
 اردولرینی مغلوب ایدرک اسپانیانک مرکز عسکریمی اولان
 یکی قارطاجه (Carthagène) شهرینی ضبط و پدرینی ۴-وم
 شبه جزیره یی استیلا ایلمشدر سچپون بوصرده یالکز باشنه
 اوله رقی افریقایه کچوب قارطاجه اتفاننده بولنان نومیدیا حکمدا
 ری سیفاقمی Syphax روما اتفانده جلبه چالشمشده قارطاجه
 قوماندانلرندن آذدروبالک قیزی و حسنیه مشهوره سوفونیربه یی
 آلان سیفاقس قارطاجه اتفانندن آیرلماش و بوکا مقابل سچپونده
 غربی نومیدیا حکمداری ماسینیسا Massinisse ایله اتفاق ایتمشدر
 بو موقعیاتی متعاقب سچپون قونسوس و سقله سچلیا و الیمکنه
 انتخاب ایلمش و کندی تصوری و جهله آفریقایه تجاوزینه
 رخصت ویرلمکله سچلیادان جسیم براردوا یله افریقایه حتمشدر .
 سچپون افریقادا قارطاجه لیره غلبه ایتدیکی کبی سیفاقمی
 دخی مغلوب ایدرک مالکنی ماسینیسایه و برمشدی ماسینیسایه سوفو-

نيز به يى دخى كنديسنه زوجە ايتش سەدە آنك تاثير يە متفتنك
 قارطاجە يە دونمىندن قورقان سچپۇن قادىنك تسليمنى طلب ايتش
 و ماسينى سادە مزبورە يى وىرمامك ايچون تسيم ايتشدر .
 روش احوال دنطولايى درجە نەبايەدە تلاش ايدن قارطاجە
 حكومتى مدافعة مملكت ايچون آنبالى جالبە قرار وىرەش
 و آنبال آفريقايە عسكرىلە برابر كلەرك قارطاجە ليلردن دخى
 عسا كر مليە ترتيب و بولك براردو تشكيل ايتشدر . ققطيكي اردو .
 سنك قسم اعظمى حربە آلتشماش ادملر اولديغى كېي اسكيدن
 قوتنك ك مەم قىسمى اولان نومىديا سوارىلر يە بودفە روما
 طرفندە بولنوردى . روما اردوسنك بوجەت تفوقندن بشقە
 دەھاي عسكرىجە آنبالدىن چوق اشاغى اولقلە برابر حقيقة
 طالەك سوكىلىي اولان و ھىج برتسبئدە كوجلك كورمامش
 بولنان سچپۇنك قوماندانلغى فائدە سىدە منضم اولمشدى . ايكي
 اردو يىندە محاربه زاماصوبى جوارندە وقوعبولوب آنبال
 ك معتمد عسكرىنى اردوسنك خط رجعتنى تامين ايچون آرقەدە
 براقش وصف حربنك اوكنى سكسان عدد حرب فيلى ايلە
 محافظە ايتدېر مشدر ققط سچپۇنك تدبير يە روما عسكرى فيلار
 اوزر يە طونشدر بلمش ياغلى پچاورەلى اوقر اتفە باشلادقورندن
 فيل صنق چوزيلوب حاصل اولان آره لقرلدن جئونلر قول قول
 قارطاجە عسكرى ارە سەنە كيرمش و جناحدن ھجوم ايدن
 فرقەلر دە قارطاجە اردوسنك كروسندە برلشدر ك اردويى احاطە
 ايلدكلردن آنبال يكرمى بيك نفرى متجاوز ضايعات ايلە پریشان
 اولمشدر .

آرتق محاربه‌یه دوام احتمالی قالدیغنی آیدبالده تصدیق
ایدرك ینه کندیبسی مذاکرات صلحیه‌یه مأمور اولمش و سچپونك
تکلیف ایلدیکی شرائط قبول ایدیلهرك عقد صلح ایدلمشدر
(ق ۸۲۳) • شرائط مذکورہ شونلدر :

۱ قارطاجه‌نك محافظه استقلال ایدرك یالکز آفریقا
خارجنده کی عموم مستعمراتی ترک ایلمی •

۲ عموم اسرای حربیه و ملتجیلرک و حرب فیلرله اون
عددی مستثنی اوله‌رق سفائن حربیه‌نك رومایه تسلیمی •

۳ رومانك رضامی اولدقجه قارطاجه‌نك داخل و خارج
آفریقادہ حرب ایدہ مامسی •

۴ ماسینیساتک نومیدیا قرالغنک تصدیقی •

۵ الی سنه ظرفنده « ۱۰۰۰۰ » تالان (۵۴ میلیون فرانق)

تضمینات حربیه اعطامی •

کورلدیکی اوزره بوشرائط قارطاجه‌نی الی باغلی اوله‌رق
نومیدیا قرالی و سائر دشمنلرینه ترک ایتکدن بشقه برشی دکلدی
فقط احوال بشرده کی انقلاباتک نقدر بیوک اولدیغنی بیلان آنیبال
ینه رومایی مغلوب ایتک امید و خلیاسندن فارغ اولیبوب بعد
المصالحه قارطاجه‌نك اصلاح احوالنه تشبئه خیلی ایشی یولنه
قومغه موفق اولمش و برطرفنده روما علیهته اتفاق عمومی
وجوده کتیرمکه چالشدیغنی صرهده رومالیر مشارالیهک تسلیمی
طلب ایلدکلرندن آیدبالده آسیایه فراره مجبور اولمشدر آیدبالک

بقیه و قوعاتی مبحث آتیده کوریه جک اولوب انک فراریله
قارطاجه ایچونده برکونه امید سلامت قالماشدر .

رومایه اوزمانه قدر امثالی کورلماش درجده کلی اموال
غنائم ایله عودت ایدن بختیار زاما غالبی مظفر بنسک اهمیتیه
مناسب برتریشومف آلاینه نائل اولمش و کندیسسنه قید حیات
اوزره قونسولوس و دیقناتورلق تکلیف ایدلدیکی حالده قبول
ایتماشدر . سچپئون Africanus آفریقا وی لقبیه له تلقیب
ایدملکه اوصورتله معروف اولمشدر .

محافظه استقلالی ایچون کصوک محاربه ییده ایتش اولان
روما ارتق حاکم عالم اولغه حاضر لاشدر .

فهرست

افاده مخصوصه	۳
مقدمه	۵
۱ - تاریخک تعریف و تقسیمی	۵
۲ - خلقت و طوفان و انسال بشر	۹
برنجی کتاب	
شرق اقوام قدیمه سی	
فصل اول - شرقی آسیا	۱۵
۱ - چین	۱۵
۲ - هندستان	۱۹

۳ - ترڪار	۲۴
فصل ثانی - مصر قديم و كلدانستان	۲۶
۱ - مصر و مصريلر	۲۶
۲ - كنعانيلرك دور استيلارينه قدر مصر قديم	۴۰
۳ - كلدانستان	۴۸
۴ - كنعانيلرك دور استيلار	۵۷
فصل ثالث - مصر ايله آثور به نك دور تحكاملرى	۶۵
۱ - مصرك دور فتوحاتنده غربى آسيا نك حالى	۶۶
۲ - مصرك دور فتوحاتى	۷۱
۳ - بنى اسرائيل حكومتى	۸۰
۴ - سارغونك جلوسنه قدر دولت آثور به و مصرده حبش سلاله سى	۹۱
۵ - سارغون سلاله سى	۱۰۲
فصل رابع - شمرق دول معظمه سى	۱۱۳
۱ - مديا دولتى	۱۱۳
۲ - مصرده بكرمى التنجى سلاله دورى	۱۲۷
۳ - بابل دولتى	۱۳۵
فصل خامس - فتوحات ايرانيه	۱۴۱
۱ - كينخسرو و كينكوس	۱۴۱
۲ - دارا دورى	۱۵۱
۳ - ايرانك دور انحطاطى	۱۵۹
ايكنجى كتاب	
يونانستان و ماكدونيا	
فصل اول - يونانيلر	۱۶۶
۱ - يونانستان و يونانيلر	۱۶۶

۱۷۶	۲ - یونانستانک دور خرافاتی
۱۸۸	۳ - اسپارطه
۱۹۸	۴ - آتنه
۲۱۰	۵ - مدیا بحاربه لری
۲۲۵	۶ - آتنه نك اقبال وانقراضی
۲۳۶	۷ - اسپارطه ایله تب حکومترینک زمان تحکمری
۲۴۳	فصل ثانی - ماکدونیا دوری
۲۴۳	۱ - فلیپ
۲۵۰	۲ - اسکندر
۲۵۸	فصل ثالث - اسکندرک وفاتندن روما استیلاسنه
	قدر احوال شرقیه
۲۵۸	۱ - اسکندرک وارثلری
۲۶۹	۲ - شرقک احوال اخیره سی
۲۷۶	فصل رابع - یونان مدنیتی
	اوچنجی کتاب
	روما جمهوریتی
۳۸۷	فصل اول - رومانک تأسیسنندن ایٹالیا فئمنک
	اکالنه قدر
۲۸۷	۱ - روما قرالغی
۳۰۷	۲ - حقوق منازعه لری دوری
۳۲۵	۳ - ایٹالیانک فتحی
۳۳۶	فصل ثانی - جمهوریتک دور فتوحاتی
۳۳۶	۱ - برنجی پون بحاربه سی
۳۱۳	۲ - ایکی بحاربه آره سی
۳۴۷	۳ - ایکنجی پون بحاربه سی

خطا صواب جدولی

صواب	خطا	سطر	صحیفہ
ابدہ مامکدہ	ابدہ مامکدہ	۹	۷
چین	مقدمہ	صحیفہ ہاشمی	۱۶
تقسیمی	تقسیمی	۱۱	۱۹
الہیبری	آلہیبری	۸	۲۰
معمور	معمور	۶	۳۹
غریبہ	غریبہ	۱۴	۴۸
فتیکہ لیلر	فتیکہ لیلر	۷	۴۳
تساطرلی	تسدطری	۳	۷۰
منحوسلر	کنعائیلرک دور استیلارینہ	صحیفہ ہاشمی	۷۷
	قدر مصر قدیم		
سلیمانک	سپمانک	۶	۸۰
قرال	قر اللر	۹	۱۰۴
نابو ناہید	نابو ہید	۲۱	۱۳۹
کیکاوس	کیکاوسی	صحیفہ ہاشمی	۱۴۲
اسبارطہ	اسبارتہ	۴	۱۴۳
اردو	ادو	۲	۱۵۵
داخلیہ	داخلیہ	صحیفہ ہاشمی	۱۶۱
جیلہ	جیلہ	۶	۱۷۳
ایتشدر	ایتشدر	۲	۲۰۶
اتنہ شرفک	شرفک دینانک	۱۹	۲۳۰
اعتراض	اعتراض	۲	۲۳۶
پلویداس	پلویداس	۱۵	۲۴۰
آتالوس	اتالوس	۱۹	۲۷۱
سامینثوم	سامینثوم	۳	۲۹۰
قارن	باغرضاق	۱۳، ۱۲	۳۰۹
دینانک	دینانک	۲۰	۳۴۶

ابراهيم حقى

تاريخ عجم

مکتب عالی حقوقده تدریس ایدلک اوزره
ترتیب اولتمشدر

جلد ثانی

صاحبلى

(قرابت و قضبار)

معارف نظارت جايله سنك رخصتيله

استنسال

(قرابت و قضبار) مطبعه - باب عالی خاده سنده نومرو ۲۵

۱۳۰۵

مولفك سائر مطبوع اثرلری

مدخل حقوق بین الدول — حقوق دول علمك بر
مقدمه می مقامنده اولوب علم حقوق ایله حقوق دولك
تعريفات و تقسیماتندن و صلح دائمی تصور ایله حقوق دولك
حال حاضرندن باحثدر.

فیاتی ۷ - غروش

تاریخ حقوق بین الدول — تاریخك الكاسکی زمانلرندن
برلین معاهدهسینه قدر بو علمك بالجه ترقیاتندن و معاهدات
و محاربات مشهوره ایله حقوق دول مشاهیر علماسندن و آثار
معروفه لرندن باحثدر.

فیاتی ۱۰ - غروش

تاریخ عمومی - برنجی جلد — علم تاریخك مقدساتی
ایله شرق اقوام قدیمه سی و یونانستان و ما کدونیا تاریخلرینی
و ایکنجی یون محاربه سی نه ایقنه قدر روما جمهوریتی تاریخینی
محتویدر.

فیاتی ۱۵ - غروش

اوچنجی کتاب
روما جهوریتی
(مابعد)

فصل ثانی

جمهوریتک دور فتوحاتی

۴

شرق فتوحاتی

دول شرقیہ احوالی • برنجی ما کدوینا محاربہ سی • ایکجی ما کدوینا محاربہ سی • سینوسہ فال محاربہ سی ؛ فلا مینوس و پونانسٹانک اعلان سرپستسی • سورہ حکومتی و اوچجی آتوکوس ؛ آئبسالک سورہ بہ انجلیسی ؛ ترمویل محاربہ سی ؛ مغنیسا محاربہ سی و سورہ الہ مصالحہ ؛ آئبسالک وفاتی • برسہ اوس ؛ اوچجی ما کدوینا محاربہ سی ؛ یدنا محاربہ سی ؛ ما کدوینا تک نفسی ؛ دول شرقیہ بہ قارشو رومانک مسلکی یونان اموری ؛ مومبوس و آخابہ ولایتک تشکیلی ؛ ما کدوینا ولایتی •

ایکجی پون محاربہ سی نہایتلرینہ طوغری یعنی ہجرت نیویہ دن « ۸۳۰ » سنہ مقدمہ لرنده شرقک نہ حالده بولندیغی ذاتا کتاب ثانی نہایتلرینہ بیان اولمشدی • آسیادہ کی ممالک اسکندریہ بی کاملاً آلمش اولان سلفکیان دولتی حالا اوحوالینک ال بیوک حکومتی اولوب فقط ایرانک آشکایان سلالہ سی

اداره سنده اوله رقی قسماً اعاده استقلالی وارمنستان ایله
پونتوس ولایتلرینک برلی سلاله لر اداره سنده بر دولت مستقله
تشکیل ایلرله خیلی کوچلشدی . آسیای صغرانک جهات
غریبه سنده برغمه و بئینیا دولتری موجود اولدقدن بشقه
فریکیانک بر قسیمیده اقدجه اوراره قدر کلش اولان غالبه لی
اقوامدن مرکب غالباً آسیا حکومتنه مقرر اولمشدی . مصرینه
بطلیوس سلاله سی اداره سنده بولونیوردی . یونانستانده
اقدجه کوریلان اتولیه و آخایه هیئت متفقه لری محافظه اهمیت
ایلشله و جزائر بحر سفید دن ردوس جزیره سی بحرأ قونجه
شرق ال برنجی دولتی حالنه کلمشدی

شرقی اوروپانک ال مقتدر دولتی یه ماکدونیا اولوب
آنتونوس غوناناس سلاله سنک تأسس قطعیه سیله غوائل
داخلیه دن آزاده قالان بومملکت ترتیبات عسکریه سنک
انتظامی سایه سنده اهمیت قدیمه سیاسی سنی اعاده ایلشدی
ماکدونیا قرالی بشنجی فلیپ حریص شان و شرف ومدبر
وغور بر حکمدار اولوب آراتوسک دعوتی اوزرینه یونان
امورینه دخی مداخله ایدرک یونانلرک منازعات داخلیه لرینه
حکم کلمشدی . پیروس محاربه لرندنبری شرق انظار اهمیتی
رومایه معطوف اولوب جمهوریتک ترقیات عظیمه سی بادی
تلاش اولدیغندن بشنجی فلیپ شرقی بویه بررقیدن خالی براقی
اوزره ایتالیا یاده بولتان آنبال ایله بالاتفاق رومایه اعلان حرب
یله ایلشدی .

بوریجی ماکدونیا بحاربه سی (ق ۸۳۶ — ۸۲۸)
 اشمیتسز صورتده وقوع بوله رق فلیک ایتالیا به کوندردیکی
 عسکرک مغلوبیتی وایلیریاده بعض مواقع مسمه نك روما انه
 چکمنی متعاقب طرفین بینده عقد صلح ایدلمشسه ده برطرفدن
 فلیک تدارکات حریره ده دوامی وحتی زاما بحاربه سنده
 آنیباله امداد ایدرک سهو نیت اظهار ایلدی و دیگر طرفدن
 رومانک ایلیریاده کی مواقع مضبوطه بی محافظه ایله برابر
 یونانستان وسطی ده کی اتولیه متفقه سیله اتفاده مسارعتی
 بحاربه نك قریباً تکرر ایده جکینی کوستر یوردی . فی الحقیقه
 ایکنجی پون بحاربه سنک ختامتی متعاقب روما ایله ماکدونیا
 بینده بحاربه یته تجدد ایلشدر . (ق ۸۲۲) .

بودغه رومانلر ماکدونیا اوزرینه تجاوز ایدرک حربک
 اوچنجی سنه سی تسالیاده سینوسه فال (کوپک باشی) نام
 موقعده وقوع بولان بحاربه ده ماکدونیا اردوسی سکزیکی
 تجاوز تلفات ویره رک مغلوب اولغله ماکدونیا نك اوحوالیده
 تحکمدن وازیکه رک یونانستاندن عسکرینی چکمنی ، رومایه
 دوغما سنی ویک تالان مقداری تضمینات حریره ویرمسی
 شرائطیله عقد صلح ایدلمشدر سینوسه فال فاتحی اولوب معارف
 یونایه ده بهره تامه یه مالک بولنان قونسلوس فلایمینوس ابرتسی
 سنه قورنت شهرینه کیدرک برزخ شنلکلری صره سنده رسماً
 عموم یونایرک بعد ماتماماً سربست و مستقل بولدقربنی اعلان ایلش

و بوخبر مسرت اثر یونانستانک هر طرفنده پک بیوک برمنونیتله
 تلقی ایدیلوب روما قونسلموسی هر رده تکریمات فاتحه ایله
 مظر حسن قبول اولمشر . حالبوکه رومانک یونانیرله ویردیکی
 سربستی مطلق اولیوب رومانک بنده سی اولق شرطیله ضمناً
 مقید بولندیغندن اشبو مسرتک نامعجل اولدیغنی و قایع آتیه
 اثبات ایلشدر .

عموم یونانیرک روما طرفندن اعلان سربستیسی اناطولی
 سواحل جنوبیه سنده برخیلی تبعه بوناییه یه مالک اولان
 سوریه حکمداری اوچنجی آنتیوکوسی پک زیاده منفعیل
 ایشدی . آنتیوکوس اساساً درایت و مزیت فوق العاده دن
 بی نصیب بولندیغنی حالده فارس دولتینه و مدیا عصاتنه
 غلبه سی سایه سنده مداهنر طرفندن بیوک لقبه نازل اولمش
 و کندیسنی کرچکدن بیوک ظن ایدرک لیاقتیله غیر متناسب
 تصورات استیلا جویانه ده بولتمغه باشلامشدی . قارطاجه دن
 فرار ایله سوریه یه التجا ایدن آنیبالک مشارالیهی روما علیهنده
 دائماً محاربه یه تشویق ایلسنه روما مداخلاتندن بیرزار اولمغه
 باشلایان اتولیه لیرک دعوتلری دخی منضم اولمغه آنتیوکوس
 روما یه اعلان حرب ایلدیسده آنیبالی عسکرینک قوماندانلغنه
 تعیین ایده جک برده جمهوریتیه غلبه شرفنی کندی قرانق
 ایستدیکندن همان اردوسیله یونانستانه کچیوردی .

قونسلموس غلابرو قومانداننده بولنان روما اردوسنک

یونانستانه بچمه مامسی ایچون آنتیوکوس ترهویل پکیدینی طوتمشدی
 فقط قونسلوس معاونی بولنان مشهور قاتونک اقدبجه سرخس
 اردوسنک پکیدیکی آرقه بولدن مروری سوریه اردوسنی ایکی
 دشمن آره سنده براقعه بواردوده منزم اولمش و آنتیوکوس
 کوچ حال ایله آسیایه قیماق آته بیتلشدر (ق ۸۱۳) .
 آنتیوکوس آسیایه بچمکه رومانن فورتلش اولمق ظنسنده
 ایسه ده ایرتسی سده آفریقانوسک برادری سپچون قومانداسنده
 اولان و آفریقانوس دخی ارکانندن بولنان روما اردوسی
 اناطولییه مرور الملکه ایکی دشمن عسکری آره سنده مغنیسا
 صحراسنده وقوع بولان بحار به عظیمه ده روما عسکرینک
 آسیایلبزه قارشو اولان تفوقلری ظاهر اوله رق درتیوز
 رومالییه مقابیل الی اوج بیک سوریه نفری تلف اولمش
 و کوچکلکنک درجه سنی اکلیان بیک آنتیوکوس عقد صلحه
 مجبور اوله رق شرط آیه ایله بوکا نائل اوله بیتلشدر :
 طوروس جبالنک شمالنده کی مالکنک یعنی اناطولینک ترکی ؛
 دونناسنک و حرب فیلرینک تسلیمی ؛ اون ایکی سنده ظرفنده
 اون بشبیک تالان تضمینات حربیه اعظامی . آنتیبال و سائر
 ملنجی و فرار بیک اعاده سی . (ق ۸۱۲) .

بو مصالحه سلفکیان دولتینک نقطه انقراضی اولوب
 مالکی سوریه به منحصر قالان بو حکومت بردها کندیسینی
 طوبلایاماشدر . روما آلدیغی یرلری محافظه ایتیبوب سواحدله

بعض بحالی ردوس جهور بنه وانا طولی ولایاتی متفق صادق
 برغه حکمداری آنالوسه و بره رك متفقرینی تطیب ایشدر .
 اثنای محاربه ده سوریه دو تن سنه. قوماندایدرك رومیایه خبلی
 خسار ایش اولان آنیبال ایسه عاقبت حالی اکلابارق کریده
 واورادن بیثیا قرالی پروزیاس زدننه یعنی بروسه شهرینه
 انجما ایش و براز صکره یه رومالیلر انه دوشه چکنی اکلامغه
 انتخاره مجور اولمشدر . رومایو صروده غالاتیالیر واتویه لیلرله
 دخی حرب ایدرك چله سنه غلبه ایشدر .

ما کدونیا قرالی بشنجی فلیپ وفاتنه قدر رومایله نقص
 مصالحه ایتماشدی فقط وفاتنده اوغلی پرسه اوسک روماده تربیه
 ایدمش اولان برادری ده متویوسی اتلاف ایده رك ضبط حکومت
 التسی بو جهنده ده اخلال آسایشه بادی اولمشدر پرسه اوس
 یدی سکر سنه مدت رومیایه روی مطاوعت کوستره رك کیرلیجه
 اکیال تدارکات ایش ونهایت فویاسی میدانه چیقمارق روما
 طرفدن ما کدونیا علیهنه اعلان حرب اولمشدر .
 (ق ۷۹۳)

پرسه اوس ابتدای محاربه ده مظفر اولمش ایسه ده اوچ سنه
 صکره قونسلوس پاواوس امیلیوسک وزودی ایشک رنگنی
 دکشدرمشدر پاواوس امیلیوس فانه محاربه سنه ترک حیات
 ایدن قونسلوسک اوغلی اولوب آیش یاشنده اولدیغی حالده
 شجاعت و درایتیه شهرت قزانمشدی . قونسلوس تسالیاده

پیدنا موقعه‌ده ایدیلان بحاربه ده ما کدونیا پیاده سنی کاملاً
 محو الملکه فرار ایدن پرسه اوسده طوتیله رق اسیراً رومایه
 کتیرلمش و غالبک تریثومف الابنی بعدترین به انک توسطیله
 اولدرلمیه رک ختام عمرینه قدر ایتالیا‌ده قالمشدر . پرسه اوسک
 اوغلی بر مدت روماده عرضحما جلیک ایش اولسی طالع
 بشرده کی تحولاتک اک مؤثر مثل‌الرنندر . پیدنا مظفریقی
 ما کدونیا دولتک استقلالنه نهایت ویرمشه ده بردنبره اورامی
 ولایت عادیه شکنه قونلیوب روما جایه سنده اوله رق درت
 جمهوریت اشرافه تقسیم ایدلمشدر . کتیریلان اموال غنائمک
 کثرتی جهتیله رومانک هوز کورماش اولدیغی درجه ده
 مطمئن بر آلی ظفره نائل اولان پول امیل اوصره ده ایکی
 یشمش اوغلتک وفاتنی کورمکه دوچار یأس و کدورت
 اولمشدر .

پیدنا بحاربه‌سی حقیقت حالده شرقی رومایه تسلیم ایش
 و روما استیلا‌نه مقاومته مقتدر منفرد دولت اولان ما کدونیا
 آره دن قاقمسی اوزرینه رومالیرده عموم دول شرقیه عادتاً
 تبعه‌لی ایش کبی بر صورت محقرانه ده معامله به باشلامشدر
 ما کدونیا به معاونت ایدن ایلیر شدتله تأدیب اولنه رق
 بر چوغی جنوبی ایتالیا به نقل واسکان ایدرلمشدر . سوریه
 حکمداری آنبوکوس ایفاناس مصره غلبه ایلدیکی حالده
 روما سفیری مومی الیه زدنیه کیدرک مالک مفتوحه‌بی ترک

ایله چکلمسی امر ایلمش و حکمدارک اطرافنده دکنکیله برداره چوروب بو دازه دن چیقیمیسه قدر سربعاً جواب ویرمسی ایستمش و ایفانس دخی بو امر متحکمانه به مقاومت ایده میوب رجعته مجبور اولمشدر . برسه اوس بحار به لرنده کی حرکتدن طولانی شبهه لی اولان برغده قرالی ارمدنه استیغای قصور ایچون کلدیکی حالده رومیاه دخولنه بیله مساعده اولتماش و بروسه حکمداری پروسیاس رومیاه باشنی طراش یدرک و آزاد ایلمش کوله قیافتنه کیره رک کلوب عرض اعتذار ایلمشدر . سناتونک بر امر نامه سی ردوس جمهوریتی قاریا و ابعونیه اده کی مستملکاتندن محروم بر ایشدر .

روما بو اطوار متحکمانه بی یونانستانده دخی کوسه تره رک آخابه معتبراندن بیک کیشی روما علیهنده بولمغله بالاتهام ایتالیا به کنیرلمش و بونلردن انجق اوچبوز قدری مؤخرأ اطلاق و لنه رق و طنزینه عودت ایده بیلشردیکه مورخ شهوور پولیبوس دخی بونلر میاننده ایدی . بو صوره ده ما کدونیه اده آندریس قوس اسمنده بریسی برسه اوسک اوغلی اولتی ادعاسیله ضبط حکومت ایدوب آخابه جمهوریده بوکا استناداً روما علیهنه قیام ایلمشدی . فقط قونسلوس متهلوس آندریس قوسی بر طرف ایلمدیکی کی قونسلوس مومیوس دخی آخابه لیلری مغلوب و قورینت شهرینی ضبط و تخریب ایلمکله بوقیام یونانک بسبتون اضاعه استقلالنی موجب اولمشدر مومیوس معارف

یونانیہ دن بی بہرہ اولغلہ برچوقی اثار نفیسہ قیمتداری تخریب
انٹش و فقط عدالتلہ ادارہ امور جہور ایشدر . مومیسونک
بر طاقم ہیاکل و مصنوعات نفیسہ بی تربٹومف آلاینہ ادخال
ایدلسک اوزرہ برکی ایلہ روماہ کوندر دیکھی صرہدہ شاید
بونر ضایع اولورسہ یرینہ طبقی اورنککاری تدارک ایدلسنی
مقاولہ ابتدکی مشهوردر . بو صرہدہ یونانستان آخاہ نامیلہ
بر روما ولایتی حالتہ قونلدیغی کبی ما کدونیاہدہ بر ولایت
ایدلس و روما جہوریتی شرقدہ لایقیلہ تأسیس نفوذ و حکومت
ایشدر (ق ۷۷۸) .

۵

اوچنجی یون محاربہ سی و غرب فتوحاتی

قارطاجہ احوالی، ماسینسانک تعرضاتی؛ روما قومیسرلری؛ بورچٹوس
قانون؛ قارطاجہ تخریب اولٹیلدر؛ قارطاجہ سفری ورومانک معاملہ سی
سیٹون امیلیا نوس، قارطاجہ تک تخریبی؛ آفریقا ولایتی، نابونہز
ولایتی، اسپایا احوالی، قانون ایلہ عراقخوسک ادارہ لری؛
لوزیقانیہ عصبیاتی ووربات؛ نومانیجہ محاربہ سی؛ سیچونک
مأموریتی و نومانیجہ تک ضبطی، آسیا ولایتک تشکیلی .
فتوحاتک روماہ تائیری، رنجی امیرا محاربہ سی، ولایت.

ایکنجی یون محاربہ سی نہایتندہ عقد اولنان مصالحدہ
قارطاجہ بی پک مشکل برحالدہ بر ایشدی . رومانک مساعده سی

اولدیغی حالده محاربه نك ممنوعیتی قارطاجه بی مجاورلرینک و بالخاصه نومیدیا حکمداری ماسینسانک تعرضاته هدف ایلدیکندن حکومتک استقلاللی بر لفظ موهوم حکمنده قالمشدی. ماسینسا رومانک طور مساعده کارانه سنه کووه نهرک قارطاجه نك اک منبت و محصورلدار بر لرینی ضبط ایلدیکی حالده بونلرک شکایاتی حقلرنده مضرتمدن بشقه بر شیئی انتاج ایلماکده ایدی. حتی قارطاجه نك ماسینسادن شکایاتی ال زیاده ارتدیغی هنکامده روما تحقیق حال ایچون قومیسر لر اعزام ایلش و بو قومیسر لر میانده مشهور پورچئوس قاتونک دخی بولتمی قارطاجه نك بادی انقراضی اولمشدر. قارطاجه بک درلو مشکلات سیاسیه ایچنده بولتمقله برابر موقعنک محسناتی سایه سنده آز وقت ظرفنده ثروت و مهوریت قدیمه سنی اعاده ایلش و ایکنجی پون محاربه سنده عسکرلک ایدرک قارطاجه نك قدرت وشوکتینی کورمش بولسان قاتون خراب فرض ایلدیکی شهری ینه حال عمران و سعادتده کورنجه ایلروده بر ایکنجی آندیال ظهور ایده بیلک احتمالی درپیش نظر ایدینه رک تلاشه باشلامشدی. قاتون رومایه عودتده قارطاجه نك تخریب اولماسنی التزامه باشلایارق بوشهرک ابقاسندن روماجه ملحوظ اولان مهالکی افکار ناسه القایه چالشمش و سناتو اعضانک بر مسئله حقننده رأی بر دکتری صره. مسائل سائر دن بحث ایلری عادت او اقله قاتون هر رأی ویریشنده «قارطاجه تخریب اولنلیدر» Delanda-est

Carthago کلاتنی علاوه ایلکی اعتیاد ایدتمشدی . او وقت روما اشرافدن بولنان سچیون نازیقا امشالی بعض ذادکان قارطاجه نك تخریب ایدلامسنی التزام ایدلکری و بودشمن قریبک وجودی اورته دن قالفجیه رومالیرک امنیت کامله ایچنده قالارق خواب غفلته طالمیری احتمالی در میان ایدلکری حالده بونلرک مخالفتری نمره پذیر اولیوب قاتونک رأی سنا توجه قبول ایدلش وایلك فرصتدن استفاده ایدیلرک قارطاجه نك تخریب ایدلمسی قرار کبر اولمشدر .

ذاتاً رومانک اعلان حرب ایتمسی ایچون بهانه اکسک دکدی . ماسینانک تعرضاتدنظولای دفعاتله شکایت ایدلکری حالده برشیده موفق اوله میان قارطاجه لیلر نهایت کندی قوتلرله دفع صائله اقدامدن بشقه چاره بولیه رق نومی دیا عسکرینی مغلوب ایتمش ورومانک مساعده سی استحصال اولتمدن حرکات حربیه ده بولتمزیده معاهده جاریه نك نقضی دیسک اولغله روما اعلان حربیه برحق ظاهری قزانمشدی . روما حکومتی بو حقه استناداً آفریقایه سچلیسا طریقیه بر قوه عسکریه سوق اییدی . رومانک امری هر نه ایسه اطاعت ایده جکلرینی بیلدیرن قارطاجه لیلره اولا اشراف مملکتدن برقاچوز کشینک فونسلوسلر زیدینه اعزامی اخطار ایدیلوب بونلر تحت توفیقندندقدن صکره روما اردوسی حرکتله دوام ایلمشدی . بودقه قارطاجه لیلرینه رومیاه مراجعت

ایلدکارندن ایلروده تسویه مصلحت ایملک اوزره شمعی عموم
 سلاحله آلات حربیه نیک تسلیمی طلب ایلدیکندن رومانک
 بو آرزوسی دخی برینه کتیرلمش ونهایت سناتونک امری یعنی
 قارطاجه شهرینک هدم و تخریبی ایله سکانک سائر برحمله نقلی
 حقنده کی قرار کندیلرینه تبلیغ اولمشدر . (ق ۷۷۱ - ۷۶۸) .
 بو حقه سرقراری ایشیدن قارطاجه لیلر آرتق رومایه متابعتدن
 کندیلر نیجه برکونه استفاده قابل اولدیغنی کوردکارندن مدافعه
 مملکت اسپانیه تشبته مجبور اولدیلر . قارطاجه نیک بومدافعه سی
 تاریخ حربک ادهشتلی وشایان دقت وقایعندندر . عموم اهالی
 شهرک ترصین و ترمیم استحقاقاتنه کیجه بی کوندزه قاتارق
 چالشدیغنی کبی دمیره متعلق هر نه وار ایسه سلاحه تحویل
 ایلمش وقادینلرک صاچلری کسپله رک ادوات حربیه ایچون
 خلاط اعمال ایلمشدر و الحاصل روما اردوسی مدافعه دن
 محروم و عاجز فرض اولنان شهرک جوارینه وصولنده مملکتک
 دکه بر محاصره ایله آله میه جغنی کورمشدر .

روما اردوسی قارطاجه محاصره سنده برمدت بر شیبه
 موفق اوله بیوب فقط کنج سچیون امیلیانوسک قوماندانغه
 تعیینی ایله طالع حرب رومالیره کچمشدر . سچیون امیلیانوس
 پیدنا قاتجی پاولوس امیلوسک اوغلی اولوب بیوک سچیون
 طرفندن اولادغه قبول ایلدیکندن سچیون امیلیانوس
 آفریقانوس نامیله معروف ایدی . زیاده سیله محب علوم

وادیات ، انسانی پورور ذکی و فطین بر ذات اولدیغی حالده قدر
 کندیبنی اگ باربارجه بر امرک اجرا سنه مأمور ایلشدی .
 سچپون محاصره بی شدلی صورتده طوتمق ایچون شهرک
 اطرافنه بر قاندها دیوار چور برش و قارطاجدنک بحراً خارجه
 اختلاطنی کسمک ایچون دخی لیانک اغزینه بر یوک ریختم و سپر
 یادر مشدر بوکا مقابل قارطاجدلیلر ایچ لیانک یانده کی شبه
 جزیره بی دهرک دکره قنال اچشلمر و بو صورتده ایکی طرفنده
 پک یوک بر غیرت ابراز اولمشدر .

نهایت ذخائر و مهمات لری توکنان قارطاجدلیلر امر مدافعه ده
 کوجاک چکمکه باشلابوب شهر رومالیلر طرفندن هجومه ضبط
 ایدلمش ایسه ده ایچ قلعه ده وارنجیه قدر داخل شهرده یدی کون
 دها بوزاز بوزازه غوغا ایدلمشدر . بوزمانه قدر قارطاجدنک
 مدافعه سنده پک زیاده جسارت کوسترمش اولان آزدروبال
 سچپونک ایچ قلعه ده وصولنده تسلیم اولانلرک حیاتلرینه تعرض
 اولتمیجغی اعلان ایدلدیکنی ایشیدنجه همان روما قوماندانه
 عرض اطاعت ایلش و فقط کرچکدن ارکک یورکلی بولسان
 ذوجه سی قوجه سنک آلچاقلغنی تقبیح و جزای سزاسنه
 اوغرادلمسنی سچپوندن رجا ایلدکدن صکره اولا چوجقلرینی
 و صکره کندیبنی یانمده اولان انقاض آره سنه آتهرق عار
 تسلیمدن قورنلشددر . سناتونک امرینی اجرا ایچون قارطاجه
 یاقلدیغی صرده متحسس سچپون اغلیبهرق تروانک تخریبی

حقننده هو میروسک انشاد ایلدیکی بیتی اوقوش و برزمان
غربک الک بیسوک بلدهسی اولان بوشهرک نامبیله بر قاج مرمر
پارچه سندن بشقه نشانهسی قالمشدر (ق ۷۶۸) . قارطاجه
قطعهسی افریقا نامیله رومانک برولایتی اولمشدر .

بوصرده هسان هر طرفدن محاربه ایچنده بولسان روما
ایتالیانک شمالنده بولوب هنوز لایقیله تخت اطاعتنه آلتماش
اولان بر طاقم غایبه اقوامنه سفر ایدرک اورازک انتضباطنی تأمین
ایلدیکی کبی لیغوریا طاغلیربنک دخی دائره انقیاده ادخالرینه
تثبت اولمش و فقط بو خصوص سکسان سنه محاربه دن صکره
و امپراطور آوغستوس وقتنده قابل اوله نیلشدر . ساردنیا
وقورسیقا ولایتده کی اهالی جبالیه دخی براره لاق سرکشلکدن
فراغت ایتدیرلدر کی ایتالیسا ایله اسپانیاده کی متصرفات
جدیده یئنده تسهیل واردات ایچون غایبه نیک بحر سفید
ساحلنده دخی نارونهز ولایتی تشکیل ایدلمشدر .

ایکنجی یون محاربه سنده قارطاجه اسپانیایی ترک ایلکله
اوراده رومالیر Hispania citerior اسپانیا چیر بوروهسپانیا
اولتر یور H. ulterior نامیله ایکی ولایت تشکیل ایتشیلدی .
فقط اسپانیاده ساکن بولسان اهالی شجیعنه قولای قولای
اطاعت ایتدیرلرندن قطعه مذکورده نیک عادتا یکیدن تسخیری
لازم کلمدی . بورچوس قاتون قونسلوسلقله اسپانیاده بولندیغی
مدتجه عصمت حقننده پک زیاده شدته معامله ایدرک برچوق

مراکز عصبیانی تخریب و کلی نفوس اعدام آید برمش و حتی
 عودتنده اسپانیاده قالدیغی کونزک عددندن زیاده شهر خراب
 ایلدیکنی مع الاقتمار سولشدی . مؤخرأ اسپانیه کوندریلان
 تیربوس سمرونوس غرافخوس ايسه والینک مملکتی یتمق دکل
 یامق وظیفه سنده بولدیغنی ادراک ایدر بر شخص منصف و عاقل
 اولغاله مملکتی حسن صورت و انصاف و مرحته اداره
 ایدرک آسایشی اعاده موقوف اولشدر . فقط غرافخوسک
 عودتندن صکره اسپانیاده اختلال باش کوستوب
 بودغه بالخاصه محاربه شبه جزیرهک ایکی طرفنده یعنی
 پورتکیز جهته کی لوزیتانیه ایله وسطی اسپانیاده کی سلت
 ایسره ن قومی آره سنده استقرار قلمشدر . لوزیتانیالیلر و بریات
 نامنده غایت مقتدر بر ریسه مالک بولندقلندن رومیایی برچوق
 مشکلات و عدم موقیانه دوچار ایلکده ایدیلر . و بریات
 چوبانلقدن پشمه اولوب اسپانیولرک دائماً زیاده سیله ماهر
 اولدقنری طماع زچته محاربه لرنده حسن رویت کوسستره رک
 بربری ارقه سی صره بر چوق روما اردولرینی مغلوب ایلش
 و براره لاق روما قونسلوسی فایوس سرویاتوسی اردوسیه برابر
 طار بریده صفتدبروب لوزیتانیانک استقلاله مدخله ایدلماک
 اوزره عهد مصالحه ایلانکن صکره روما اردوسنی قیداسره
 دوچار ایلدیرک صالیورمشدی . فقط فایوسک خلایق سروبوس
 ککیو معاهده بی اختلال ایدرک و بریاتی کندی آدملرینه قتل

ایتدیرمش و بومقتدر زبیسک و قاتیله لوزیتانیه عصیانیده
سکونتیاب اولمشدر . (ق ۷۶۲) .

سلت ایبره نلرک عصیانی ایسه نومانیجیه نامنده بر کوچک
شهرک رومایه کوستزدیکی مقاومت شدیدده دنطولایی لوزیتانیا
مخاربه سندن دهاز یاده اهمیت کسب ایتمشدر . ابتدای مخاربه ده
قونسلوس متلوس ما کد و نیقوس براز موقعیاته نازل اولدیغی
حالده اخلاقی صره سیله مغلوبیتله دوچار اولمشدر و ۷۵۹ ده
قونسلوس هوستیلیوس ما پنچینوس نومانیجیه لیلر طرفندن محاصره
صره و تسلیمه مجبور ایدیلرک نومانیجیه ننگ استقلالی تصدیق
اولتیق اوزره کندیسندن بر مصالحه استحصال ایدلشدی بو
مصالحه ننگ اجراسی سمپرونوس غرافخوسک بیوک اوغلی اولوب
اسپانیایلر زدنده پدندنطولایی اعتباری زیاده اولان تیربوس
غرافخوسک کفالتی تخنده ایدی مع مافیه رومایه مصالحه بی رد
ایدرک قونسلوس ما پنچینوسی چبلاق اولدیغی حالده نومانیجیه لیلر
اعاده ایش و بونلرده وقتیه سامنیرک یابدقزی کبی قونسلوسی
قبول ایتیرک رومایه رد و اعاده ایتیلردر .

نومانیجیه مخاربه سننگ خلاف معناد بر شدت کسب ایلدی
جهتیه رومالیلر اوسته موبوس ایله برانکده چنسور بولنان
سچینون ایلیانوسی محاربه به مأمور ایشلردر ایمیلیانوس
نومانیجیه بی محاصره دن بشقه صورتله ضبط قابل اولدیغنی کوره رک
شهرک اطرافنده قات قات دیوارلر انشاسیله کوندن کونه محصور

لری تضییق ایلشدیر . نهایت شدت جوعله ناچار قالان شهر تسلیمه مجبور اولوب اشرافدن الهی قدری رومابه کتیر بله رک باقی اهالی اسیراً صاتلش و شهر کاملاً تخریب ایلشدیر . بو ظفر دن طولانی سیچئون آفریقانوس عنوانه علاوه نوماینجوس نامنی قزانمشدر . ایلروده پک زیاده کسب شهرت ابدن ماریوس یوغورته و قابوس غرافنوس بو محاربه ده سیچئون معینده خدمت ایلدکری کبی تیبریوس غرافنوسده روماده بوسرده اتلاف ایلشدیر . (ق ۷۵۵)

بوسرده شرفده روما ممالکی دخی بشقه بر صورتده توسع ایلشدی . برغنه حکمداری اوجنچی آنالوس رومانک نائل لطف و احسانی اولدیغین و فاتنده ممالکنی رومابه وصیت ایلش و هر تقدیر آریستونیقوس اسمنه برسی اوراده ضبط حکومت ایتمشده رومابه مغلوب و اسیر اولغله برغنه ممالکی رومانک آسیا ولایتی تشکیل ایلشدیر (ق ۷۶۹) .

روما ممالکنک صورت فوق العاده ده توسعیه له فتوحات و مظفریانک چوغالی روما احوال عمومیه سنجه اکثر بیسی فصل ثالث ابتداسنده بیان ایدیه جک انقلابات اساسیه بی موجب اولمشدی . بو انقلاباتین برسیده ایتالیا ده حر اهالینک یواش یواش مهاجرت و صور سائر هبله ازالمنی و بوکا مقابل هر یرده ذراعت و فلاحت و سائر اعمال مشکله نک اسرایه حواله ایدلمسی ایدی . بالخاصه سیچلیا جزیره سی یوز بیکارجه امرانک طوبیلاش

اولدیغی بر محل اولوب هر جنس و ملتدن کوله لک ازدخامی
 برچوق قاریشقلقلری موجب اولوردی . نومانیجیه محاربه سی
 اثناسنده سچلیاده کی امرا دوچار اولدقلری سوه معاملات
 و تعدیات طاقفر سایه قارشو عصیان ایدرک اونوس Eunus
 اسمنده برسوریه لی کوله نك قومانداسنه کیر مرک موققیات عد
 یده به نائل اولمشردی . اونوس قرال عنواننی طاقفندق بر قاج
 سنه مدت روما قونسولوسلرینی منہزم ایتمش و نهایت قونسولوس
 رویلیوسه مغلوب واسیر اولغله برنجی امرا محاربه سی ختا
 پذیر اولمشدر (ق ۸۵۴) . امرا عصیاننی ایلروده ینه تکرر
 ایدرک اووقت اسارتک تقدرو حشیانه بر صورتده جاری اولدیغی
 لایقیله بو وقعہ لر میدانہ چبقارمشدر .

شرق و غربده رومانک نائل اولدیغی فتوحات و موققیات
 اوزرینه روما ولایاتک مقداری اون بره بالغ اولمشدیکه بونلر
 تاریخ تشکیلاری صره سیله بوجه آنی بیان ایدیلیور :

(۱) سچلیا (ق ۸۶۳) . (۲) ساردنیا و قورسیقه (ق ۸۶۰) .
 (۳) هسپانیا چیتربور (۴) هسپانیا اولترپور (ق ۸۲۷)
 . (۵) غالیا چیرالینا (ق ۸۱۳) . (۶) ما کدونیا (۷) آخایه
 (۸) ایلاریقوم (ق ۸۶۸) . (۹) آفریقا (ق ۷۶۸) . (۱۰) آسیا
 (ق ۷۵۱) (۱۱) نار بونه ز - پروونچیا نار بونسیس و یا خود سادده
 پروونچیا - (ق ۷۴۰) .

جمهوريتك اصول اداره سي

مساوات حقوق. مأمورین ملکیه و عسکریه: قووه ستور؛ ادبه؛ بره تور؛
فونسلوس؛ دقتاتور؛ جنسور. مأمورین روحانیه. سناو مجلسی. قو
میسیا قوریانا. قومیسیا چنتوریانا. تربیونلر قومیسیا تربیونتا.
اداره مایه. ولایات اداره سی. رومانک تربیبات عسکریه سی.

روماده اوللری حقوق سیاسییه ساده پاتریچی صنفنه منحصر
قالدیغی حالده مؤخرأ نه وجهله پلیم صنفنه ده کسب شمول
ایلدیکی فصل سابقده کورلمش اولمغله بوراده تکرار بیانسه
لزوم یوقدر. روما ملننک عظمت واقبالی اصل مساوات
حقوقک تأسسیله باشلامش و فتوحات شرقیه زمانده بحرسفیدک
جوانب اربعه سنده کی ممالک جسییه جمهوریت اداره سنه کیرمش
اولمغله بقیه وقوعانی اکلانمدن اول براز توققه رومانک اصول
اداره سنی خلاصه ایلک مناسب کورلمشدر .

روماده دولت مأموریتلری امرا واجانبیدن بشقه هر
صنف خلقه آچق اولوب قانونجه معین سنی حاز اولمق لزوم
مدن بشقه برکونه تحدیدات یوقدی بو باده کی قانون مخصوص
لکس آنالیس نامیله معروف اولوب قووه ستورلک لاقول ۲۷
ادیه لک ۳۷ بره تورلک ۴۰ وقونسلوسلرک ۴۳ یاشنده
اولرینی آمر بولونیوردی .

خدمات عمومیہ سلسلہ سندن الك اول کلانی قووستور
 «Questor» لق ایدی . قووستور بر نوع محاسبہ بی اولوب
 وارداتی تحصیل و مصارف ملکیہ و عسکر بہ بی ایفا ایلردی .
 رومادہ دائماً ایکی قووستور بولندیغی کبی هر والی معیندہ
 و یاردودہ بر قووستور بولتیق اصولدن ایدی .

ادیله لک اساساً پلبس صنفہ مخصوص و تربونلک ایله برابر
 احداث ایلمش بر مأموریت اولوب قدیماً موجود ایکی ادیلہ بہ
 مؤخر آ ایکی عددده قورولہ ادیلہ یعنی بیوک مأمورلہ مخصوص
 تشریفات صندالیہ سنہ قعود حقی حائز ادیلہ علاوہ اولمشدی .
 بونلک جله سی رومادہ اما کن عمومیہ و ازقہ و ازارک انتظامیلہ
 امور بلدیہ بہ و انشاءت نافعہ بہ و بردہ پیدر پی کسب اہمیت
 ایدن غلادیاتور او بونزی و سائر اکلجہ لر ترتیبستہ نظارت
 ایدرلردی پرہ تورلق قونسلوسلغک پلبسہ آچلدیغی زمان
 احداث ایلمش اولوب اساساً پرہ تور اوربانوس اسمندہ سادہ
 پرہ تور و ارایدی والی تبرداریلہ کزہرک عادتاً روما ادارہ
 داخلہ سنہ بقار و وطنداشان آرہ سندہ کی دعاوی بی رؤیت ایدردی .
 مؤخر آ اجانب ارہ سندہ کی دعاوی بی فصل ایچون پرہ تور بہرہ
 غریبوس اسمندہ پرہ تور دہا تعیین ایلمش و دہا صکرہ مچلیا
 ایله ساردینیا قورسیقہ و اسپانیا و لایتربنی ادارہ ایچون درت
 پرہ تور دہا نصب ایلمکله بونلک مقداری التی بہ بالغ اولمشدر .
 قونسلوس رومانک رئیس سیاسی اولوب داخل شہردہ

اداره ملكيه به رياست ايدر، قوانين موجوده نك و سناتو و اهالى مقرراتك اجرا سته نظارت ايدر و سناتو ايلا چنتوريا اجتماعى دعوت ايلر ايدى. شهر خارچنده قونسلوس اردو قوماندانى اولوب ايمر بوم حقي ملبسه سيله سياست و اعدام صلاحيتنى حازر ايدى.

قووستور و اديله ايلا قونسلوس و پره تور برر سنه مدتله انتخاب اولنورل سده قونسلوسلر پرو قونسلوس و پره تورلر پرو پره تور عنوانى و برله رك مأمور بئلى تمديد ايلا بيلردى حتى پر سنه روماده قالان قونسلوسلر پرو قونسلوس ناميله اداره و لاياته مأمور ايدملرى عادت ييله اولمشدى.

ديقتاتور قونسلوس طرفىدن نصب اولنور ايسه ده حيثتجه عمومه تفوق ايدردى و شهرك داخل و خارچنده اقتدار نا محدوده مالك اوله رق مأمور بئى التى آى دوام ايلردى. ديقتاتور كنديسنه معاون بولتىق اوزره بر سوارى قوماندانى نصب ايلك معتاد ايدى. جمهوريتك دور اخيرنده ديقتاتور نصب ايدلمدن فراغت اولمش و اجالات فوق العاده سناتو مجلسى طرفىدن « قونسلوس جمهوريته بر فسالق طارى اولماسنه نظارته مأمور ايدلمشدر » عباره سيله قونسلوسه ديقتاتورلك قدرتى و يرلك عادت اولمشدر.

رومانك ك بولك مأمورلندن برنده چن سور ايدى. چن سورلر ايكى عدد اولوب مدت مأمور بئلى بر بحق سنه ايسه ده هر بش سنه ده بر انتخاب اولنوردى و اولجه قونسلوسلق ايتمش ذواتك

انتخابی شرط ایدی . چنسورلرک وظائفی متنوع اولوب اولای
تحریر نفوس ایدرک اهالی اجتماعنه داخل اولان وطنداشان
تعیین وقید ایدرلر ثانیاً اخلاق عمومییه نظارتله شایان تعیب
حرکاتده بولنانلری توبیخ و تجریم وسناتو اعضاسندن جزایه مستحق
اولانلری عزل ایله منحل اعضالقره قووستورلرده بولنمش ذواتدن
اعضای جدیده نصب ایلرل و ثالناً سناتونک تخت نظارتده
اولهرق امور مالیه و انشآت نافعہ و سائرہ به نظارت حقنه
مالک بولنورلر ایدی .

روماده روحانی مأموریتلرده پک مهم اولوب بالخاصه باش
کاهن اولان پونتیفکس ماکسیموس قید حیات ایله نصب اولنور
وامور مذهبه دن بشقه تقویم حساباتده نظارت ایدرک انتخاب
زمانلرینی تعیین ایدردی . همان هپسی نوما پومپیلیوس دورنده
احداث اولنان روحانی مأموریتلر اقدیجه بیان ایدلمش اولمغله
پوراده تکرارندن صرف نظر قلندی .

روما جمهوریتده حق سلطنت برسناتو مجلسی ایله اوج
اهالی اجتماعی آرسنده مشترک ایدی . اعضانک قووستورلردن
آلتسیله پلبس صنفده آچیلان سناتو مجلسی رومانک اصل
هیئت دائمسی اولوب یابدیغی قانونلره سناتوس قونسولتوم
نامی وریلور و رومانک امور خارجیه نتیجه اصل حکم اداره
سناتوده بولنور ایدی . سناتونک اولجه تصویب ایلدیکی برقانون
جمعیت اهالیده تکلیف اولنه مزدی سناتو ولاتی تعیین ایدر

كندی ایچدن دول اجنیهه نزدینه سفیرلر كوندرر مذاكرات
سیاسیه بی اداره ایلر وقوماندانلره تعلیمات ویرهرك بونلرك
عودتلرنده تریومفه نائل اولوب اولمیه جعفرینه قرار ویرردی .
قونسلوسه دیقتاتور اقتداری ویرمك سناتویه عائد حقوقدن ایدی .
اهالی اجتماعلری اولجه كورلمش اولمقله بوراده اطناب
مقاله لزوم بوقدر . صرف پاتریچی صنفندن مركب اولان
قوریا اجتماعك اهمیتی آزاله رق ساده صنفه عائد موادك
مذاكره‌سی بونلره قالمش و مأمورلك انتخابی وسائر برچوق حقوق
چنتوریا اجتماعنه انتقال ایتشدی . فقط مرور زمانله اصل حكم
واقدار قومسیا تریوتایه یعنی ساده پلبسدن مركب اولان
اجتماع عوامه یكمشدیکه بوده تریونك دعوتی اوزرینه طوپلانور
و وطنده اشانك منقسم بولندیغی اوتوز بش تریبودن تركب
ایردی . تریونلر مقدس و تعرضدن مصون اولدقنلرندن هیبخی
كسه نك نخت تصنیقنده اولیوب حابوكه كندیلری اك یسوك
مأمورلری و حتی چندسورلری بيله حبس ایتدیره بیلر لردی تریوتایه
اجتماعك ویردیکی قرارله بسجیت اطلاق اولنوب بو
مقرراتك رومالیر ایچون حكم قانونی اكتساب ایلسیله رومانك
حاکمیتی فعلاً بوقومیته به انتقال ایلبوردی .

رومانك اداره مالیه‌سی بسیط اولوب مصارف عمومیه
آز اولمقله ویركولر هنوز آرتدیرلماش و ساده مصارف عسكریه
وسائر ایچون سرمایه نك بیکده بری نسبتده بروركو آلتشدی
منغقلر كندی ویردكازی عسكرك مصرفنده تسویه ایدرلر ایدی

قووستورلر ایله چنسورلر رومانک دفتر دارلری و مالیه ناظرلری
مقامنده بولورلردی شرق فتوحاتی زمانی آلتان کلی امسال
غنائم خزینسه دولتی طولدرمشدهده مؤخرأ مصارفک آرتمی
ورکولیده بک زیاده آفرلشدرمشدر ولایات پره تور و قونسلوسلر
یا خود پرو پره تور و پرو قونسلوس واسطه سیله اداره اولنور
و چوق مأمور استخدام ایدلیوب ویرکولر ملتزلر واسطه سیله
جبات اولنوردی .

روما عسکرینک اساس تنسیق لجیون Legion اولوب
هر لجیون پیاده سی سوارسی هجوم و محاصره آلات و ادوات
لازمه سی حاوی اوله رق کوچو جک براردو تشکیل ایدر
ورپه قنوس اسمنده بر قوماندن معینده بولنور ایدی اساساً عساکر
دائمه اولدیغی و غوغا اولدیغی عسکر طویلاندیغی حالده
ولایاتک چوغالمسیله والی معینده عساکر دائمه بولندیراغسه
باشلامشدر . روما عساکر دائمه سنک مقداری پیدرپی تراید
ایدرک لجیونلرک عددی چوغالدیغی کبی هر لجیونک حاوی اولدیغی
نفرات اصلنده اوچبیکى مجاوز پیاده و اوچبوزی مجباز
سواریدن عبارت ایکن بو مقدار صکره ضعفنه ابلاغ اولنمشدر .
ایشنه طریق فتوحاتده مباحث مقدمهده کوریلان ترقیاته
نائل اولان روما جمهوریتک اصول اداره سی بو بولده اولوب
ایتالیاده فصل اول نهایتده کوریلان صورتده اداره اولنمقده
ایدی بو صورت اداره نک کوردیکی انقلابات فصل آیسده
کوریه جکدر .

فصل ثالث

روماده جمهورينك ذوالى

قانون وغرافخوسلر ومجالات داخلية باشلانغى

روماده احوال اجتماعيه مك تبديلى. اوبنيات وبرولتارى سنغلىرى. تبديل
اخلاق واسباب موجهه سى. قانون واسپيچون. قانونك جنرولغى.
غرافخوس فاملياسى. تيرپوس غرافخوس وتصوراتى. تريونلكى .
اراضى قانونى. اوقتاوبوس. تكليفات سائره سى وانلاق. اسپچون
اميليانوس وتصورى. اراضى قانونك عدم اجراسى. قابوس
غرافخوس. اخلاق. طرز حركت، اجراآت وتصوراتى.
قابوس غرافخوسك انلاق. اوبنيانلر ك اعاده نفوذى.

ايكنچى يون مجاربه سندن صكره رومانك احوال اجتماعيه.
سندى تبدلات كليہ وقوعه كمشدى . نفس ايتاليانك تهلكه دن
مصون بر حاليده قالارق روما ممالكنك شرق وغربه طوغرى
صورت فوق العادهه توسعى اسكيدن دائمى تهلكه ايچنده
بولنديغنى حس ايله حركته آماده بر حاليده بولنان روماليرى
راحتنه آلدبرمش وذاتاً روماليرك مبال بولنديغى غلادياتور
اويونلرى وسائر تلذذات وحشتكارانه به انهما كلربنى آرتدبره رق
اخلاق قرنده برتغير وجوده كتيرمكه باشلامشدى . مساوات

حقوقك تا سبيله پارتیچی و پلبس صنغری بر بریله قاریشه رقی اصل اداره مملکت اشراف ایله مشترکاً روماده حائز اکثریت اولان صنف متوسط النده قالمشده فتنوحات محاربات مدیده می مدتده بر چوق اهالی چفت و چووغی باشندن آبرمغله عائله لری استحصال مدار تعیش ایچون الرنده کی اراضی و املاکی صاتمغه مجبور اولمشلر و مظفر اردولرک کلی اموال غنائمی سهولتله اخذ ایللری خلقدن چالشمق استعدادینی آزالندیغی کی باخاصه شرقه کیدن افرادک اکتساب ایلدکاری احوال سفاهتکارانه سایه سنده ال و آوجده اولانلرینی پک جزئی وقتده استهلاک ایدرک فلوس اجره محتاج اوله جق درجه یه کلکه باشلامشردی. دیگر طرفدن اسرانی کثرتی و همان هیج بهاسنه صائلی ایالیاده بتون اعمال شاقه تک بونزه تحمیلنی موجب ارله رقی خلقدن هوس سعی و غیرت قالماشدی.

حالبوکه روماده صنف متوسطک دوچار فقر اولسنی موجب اولان احوال اصحاب ثروتک بر قاندها اکتساب ثروت ایللرینی انتاج ایدوردی. اقوام مغلوبه مساوی اخلاقیه سنک رومایده زهرلمی سببیه مأمورین دولت فساد و ارتکاب و از تشا بوانه صایدقرندن ولایات مأموریتلری اصحابنی زیاده سببه زنگین ایتکده و باخصوص زنگینلر عموم ویرکولری التزامد آلوب انواع تمذباتده بولنهرقی و نزد دولتده متعهدک ایدرک ثروت کایه یه مالک اولنده ایدیلر. روماده فقرانک

چوغالمی هر کسک برز نکینه انسا بانی موجب اولدیغی کبی خلقک توجهنی قزانق ایستیانلردخی مبالغ کلبه صرفیله عمومی اکلجهلر ترتیب ایلدیکلرندن او وحشی اکلجهلرله متلذذ اولان خلق اکلجهلرک ترتینه خدمت ایدن پاره نک نصورتلرله استحصال ایلدیکنی خاطره بیله کتیر مزدی زنکینلرک نذاید اوزره بولنان نفوذلی حسیله یواش یواش عموم دولت مأموریتلری عادتاً بولنرک ید انحصارلرنده قالدیغی کبی وقایه حقوق عامه بیه مأمور اولان تربیونلرده مجلوب رشوتلری اولدقنلری اصحاب ثروتک ترویج املنی اقدم وظائف یلیورلردی ایشته بوسورتله روماده اسکی پاتریچی و پلبس صنفلری برینه بری هیچ برشیده مالک اولماسی جهتیله هر شیتی صامتغه مهیا بولنان و دیکریده هر شیشه مالک و هر شیتی اشترایده حاضر اولان ایکی صنف وجوده کلمش و روماهیت اجتماعیه سنده موزانه نک بوسورتله بوزلمی جمهوریتک دخی زوالنی موجب اولمشدر .

زنکین صنفه او پتمیات و قهر صنفه دخی پرولتاری نامی و برلمشدر .

بوزمانده موجود بشوز بیکی متجاوز و روماطنداشاندن او چیوز بیکرمی بیک قدرینک حکومت اناه سیله پکند کلمی حساب ایلمشدر .

روماده اخلاق عمومیه پک فنا حالده بوزاشدی . برکره زنکین ولایاتک کیف مایشا اداره سی مآذونیتی و ایلر واک بولک مأمورلردن اک کوچک نفره قدر عموم مأمورینک طریق اعنصاف و ارتکابه صامه لرینی موجب اولدیغی کبی شرقده کی

اقوام مختلفه بیننده جاری یك درلو فساد اخلاق رومایه ده
داخل اولمش وحتى دیونیسوس نامنه ایدیلان شنلکرده کی
رذالتک منعه حکومت مجبوریت بیله کورمشدی . امراک
کثرتی ذاتاً متعظم اولان رومالیلی برقاندھا تکبره وانصافسزلفه
دوشوردیکی کی خلقی اکلندیرمک ایچون ترتیب اولتان قانلی
اویونر اخلاق عومیده انسانیتمزک وعادتا وحشتی حال
طبیعی حالته قومشدی . درلو درلو ملتردن آلبان برطاقم اسرا
آزاد ایدیلرک روما وطنداشانی میانته قارشدقیرندن بونزده
افساد اخلاقه یاردم ایتمکده ایدیلر . بوندن بشقه روما مذهبک
اسکی وحدت انتظامی قلبوب اقوام مغلوبه مذهبده کی احوال
غریبه نک پیدرپی قبولی وبالخاصه یونان معارف و ادبیاتک رومایه
دخولیه افکار و اعتقادات مذهبیه نک زوالی اخلاق عومیه بی
دین کی بر فوه تفتیشیه دنده محروم بر اقمشدی . حتی برطاقم
رومالیلر اخلاقک بوزلمسنی منحصرأ معارف یونانیه نک انتشارینه
حل ایدرک اسکی رومالیلرک اعاده سنی تخیل ایلشدرکه قانون
بونر میاننده بر موقع ممتازی حائزدر .

قانون روما کویلرندن برنده و مشهور قورموس دنتاتوسک خانه سی
جوارنده تولد ایلمش و چو جلقه ندری دانتا بو قهرمانک
فضائلنی تقلیده چالشدرق جسارت و شجاعت و عفت و استقامتله
شهرت قزاقمشدی . ترموپیل یکیدنده بویک آنتیوکوس اردوسنک
خطر چمتنی کسدرک رومانک غلبه سینه سبب اولدیغی کی ایکنجی

پون محاربه سنده ده عسکرلک ایتیش و اسپانیا و ایلیکی ائناسنده تسکین اختلال خصوص سنده کوستردیکی شدتله تمیز ایشیدی . اسپانیه دن عودتده کندی بارکیرینی دولت کیسینه تحمیل ایتک استمدیکندن صامتق درجه سنده ایجه راستقامت کوسترش وقار طاجدنگ تخریبینی شدتله التزام ایلسیله بو بدبخت مملکتک ال بیوک دشمنلری سرده سنه پکمش و کندی اسراسی حقه ده کی معاملات شدید سی دخی انسانیتک زمانم زده کی معناسنه عدم وقوفنی اراشه ایلکده بولمیشیدی . قانون روماده اخلاق جدیده و معارف یونانیه بی التزام ایدنلری شدتله مواخذه و بانخاصه یکی رومالیرک سرآمداندن اولان امپچون آفریقانوسی اعتراضاته هدف ایدرک نهایت مشارالیهی رومادن ایرلغه مجبور ایتیش و حتی غیاباً نفینه حکم و بردیرمک اوزره ایکن ایروده کوره . جکمز تیربوس غرافخوسک مخالفت شدید سی زامانقانی بو حقارتدن قورتارمشیدی .

قانون روماده چنزوراق مأموریتنه انتخاب ایدلمش اولغله سفاهت و زینتک منعی حقه ده کی قوانین قدیمه ک شدتله اجرایی وارنکاب و سفاهتی تحقیق ایدن بزچوق مأمورینک سناتودن وسائر خدماتدن عزل و طردلری کی تدابیرله صفوت قدیمه اخلاقک اعاده سینه چوق سحی و غیرت ایلش سده رومانک اساسلی اولان فنالقلری بو کی تدابیر موقته ایله قابل دفع اولدیفندن برشیده موفق اوله قسزین ترک حیات ایلشدر .

قاتونك كوره مدیكى تملكه ایتالیا باده سربست اهالیك
 كوندن كونه كسب قهر ایدرك از المی و امرانك چوغالمی
 اولوب اراضی به مالك اولیان وطنداشانه طورباق توزیع
 ایدلدیجه بو حالك چاره سی بولتیق قابل دكادی حالبوكه زكینلرك
 اراضیسی اكثریا املاك میریه دن بولمقده ایسده عصر لرجه
 مدت تصرف بولزه حقوق تملكیه و برمش و باخصوص قسم
 اعظمی ملكربنی شرا و ازدواج و صور سائر ایه آلمشرایدی
 بوسیله بودغه اراضی مسئله سنی قارشدرمق موقعتی مشكوك
 و فقط فاعلجه اولوم محقق بر حرکت ایدی مافیه غرافخوس لر
 هر درلو تملكه بی كوزه الديره رق بونك اصلاحنه تشبث
 ایشلردر .

بومسئله ده كسب اشتهاار ایدن غرافخوس برادر لر یعنی
 تیر یوس غرافخوس ایه قابوس غرافخوس اسپانیا والیكندنه
 حسن اداره سی مشهور اولان سمپروینوس غرافخوس ایه بیوك
 میچونك قزی عالمه و فاضله قورنه لیانك او ظلری ایدیلر و صغر
 سنلرندیری یونانستاندن باخالصه جلب اولنان معیل طرفندن
 تریه ایدلشردی . بیوكاری اولان تیر یوس غرافخوس قارطاجه
 فتحنده شهرك دیوارلرینی اك اول آنلایانلردن اولوب اسپانیاده
 قووستورلق دخی ایش و قونسلموس هوستیلیوسك اردوسنی
 نومانیجه لیلریدن معاهده ایه قورتارمشدی . تیر یوس اسپانیان
 ایتالیا به عودتده مذبست صحرانك امرادن چوبانلرك رعی
 ایدلكری سوریلزه مقر اولدیغنی و نیجه وطنداشانك نفقه

یومیه بی تدارکدن عاجز بولندقرینی نظر اسقله کوره رک بونک
اصلاحنه اوغراشمق اوزره رومایه ورودنده کندبسنی تربون
انتخاب ایتدیرمشدر (ق ۷۵۵) .

تیربوس تربونلکننده روماده مهما امکان نساوی ثروت
وجوده کتیره جک برارضی قانونی تنظیم واهالی اجتماعنده
تکلیف ایلشدیکه بوقانون موجبینجه هیج ریکمه اراضی میریدن
ایجار صورتیه بشبوز دوندن زیاده سنه مالک اولیه جق
ومیری مرعالنده یوز باش بیوک حیوان وبشبوز باش کوچک
طواردن زیاده سنی رعی ایتدیره میه جک وبوندن بشقه اعمال
زرعیه کاملاً امراه کوردبرلیوب اجرتله بره مقدارده حر اهالی
استخدامنه مجبور اوله جق ایدی .

عوم ایتالیا ده بوقانونک اجراسیله حکومتده رجوع ایده جک
اراضینک صاحب اراضی اولیانلره تقسیمی ایچون اویج ذاندن
مرکب برتریؤ مور هیئتی انتخاب واعزام اولنده جق ایدی .
بوقانون اصحاب ثروتی فوق العاده متضرر ایلکله اوتمیات
صنفک شکایت وانفعلانی بادی اولمش وهرتقدر تیربوس
اصحاب اراضینک کندیلرندن یایدردقری خانه وبناری
ومزروعات دائمقری ایچون خزینه دولتدن تضمینات آلمری
ورده هرعالمه ریئسنک کندیله برلکده اقامت ایدن ارکک
اولادی ایچون ایکویز الی دونم فضلله یه ده تصرف ایلسی
حقنده ایکی قمره دهسا علاوه ایتشهده بنه زنگین طاقنک
حدتقرینی اذالیه موفق اوله مامشدر .

تیرپوسک قانونی اهالی طرفندن کمال ممنونیتله
 تلقی ایدلمش سده او مولدق بر طرفدن بئوک بر مانع چقمش
 و تربونلردن اوقتاویوس قانونک رایه وضعی و نه نو ایله رد
 ایتشدی . هر نقدر تیرپوس رفیقنه پک چوق یالوارمش یقارمش
 و حتی اگر کندیمی قانوندن متضرر اولیورسه ضررینی
 بالذات تضمین ایده جکنی سونلش ایسه ده زنگینلرک بجلوبنی
 بولنان اوقتاویوسه بر شی کار ایتوردی شو حالده روما اصولی
 موجنبجه تیرپوسک بر سنه بکلیه رک کله جک انتخابانده اوقتاویوسک
 تربونلکدن چقمسی بکلمسی لازم کلیوردی . فقط بوصورتله
 حرکت ایتیره رک یا کندیسنک و یا خود اوقتاویوسک تربونلکدن
 عزلنی اهالی به تکلیف ایلش و مخالف اصول اولان بو حرکتله
 هم وه تونک نفوذینی و هم ده تربونلکک قدسیت و حیثیتی
 پتیره رک کندی محوینده یول اچشدر .

اوتوزبش قبله نکرده اتفاق آراسیله اوقتاویوس تربونلکدن
 عزل ایدلدکدن صکره قانون قبول ایدلمش و اجراسنه نظارت
 ایچون تیرپوس و برادری قاپوس غرافخوس ایله قائم پدیری
 آیوس قلا و دیوس تربومور انتخاب اولتمشدر فقط اراضی
 مسئله سنک قاریشلمغی و هر کسک مال صحیح و مشروعی ایله اگا
 قاتلمش میری طور اغنک تفریقی مشکل اولمغله قومیسبونک ایشلری
 پک اغر کتمکده باشلامشدر . بوصرده برغنه قرالی اتالوس
 اموال و ممالکنی روما یه وصیت ایدرک وفات ایدوب تیرپوس

برغمه خزائنك ادوات زرعیه و حیوانات اله بئلك اوزره
 ققرايه توزیعنی تکلیف ایدرك اوتیمانلری قزدیرمش و بونلرده
 تریبونك قرالاق اعلانی نیتنده اولدیغنی سونلکه باشلادقنلرندن
 ارتق تیربوس تریبونلکدن انفصال ایدجك اولورسه بعدما
 حیاتی تهلكهده قالاجغی اكلاشلشدی. تیربوس بو احواله مقابل
 سنه ایتده دخی تریون نصب اولتمسنی اهالی به تکلیف انلش
 و فقط بر تریونك صره سیله انتخابی مخالف اصول اولدیغندن
 قیامت بورادن قومشدر. سناتوده تریونك توقیف و تجریمی
 قونسلوس موچیوس امچه و ولایه تکلیف اولنوب اوده
 بو کافي اسباب قانونیه بولمدیغنی سولدیکندن اعضادن
 و پونتیفکس ماکسیوس سچپون نازیقا باشنه برطاق اشرافی
 طویلابه رق غرافخوسك تکرار انتخاب اولدیغنی فوروم بیدانه
 عزیمت انلش و اوراده ظهور ایدن قارغشه لقه تیربوس
 غرافخوس ايله طرفدارانندن اوچبوز قدری اعدام ایدیلهرك
 جسدری تیرنهرینه آلمشدر. مع مافیه سچپون نازیقاده انفعال
 عومیدن ناشی روماده طوره میوب فراره مجبور اولمشدر .

تیربوسك اتلافنده سچپون امیلیانوس نومانیچه محاصره سنده
 اولوب بو خبری الدیغی زمان هومروسك «بواشی کورنلرك
 چله سی بوبله جه اولسونه مألنده اولان مصرعنی او قومله
 اکنفا انلشدی سچپون رومابه عودتنده فوق العاده کسب
 نفوذ ایلدیکندن تیربوسك وفاتندن صکرده ایضای وظیفه ايله

مشغول اولان تريومويرلرک مشاغلنى تعطيل اينديرش وتيدر بوس قانوندن شكايت ايلگنده اولان ايتالياسهرلى طرفنى التزام ايلشدر . ذاتاً سچپون اکتريسي آزاد اينلمش اسرادن بولنسان روما پرولتارى صنفنى نظر حقارتله کوره رک عوامى دائماً تحقير وتکدير ايدر وعموم ايتاليانلره حقوق سياسيه ويره رک روما يرينه ايتاليابى توحيد ائلك وبريوک ملت حاکمه وجوده کتيرمک ايستردى فقط بونلرى اجرايه وقتى قالمبوب برصباح يتاغنده مقتول اولديغى حالده بولنش وسبب وفاتيده تحقير اولنمبوب ايش مسکوت عنه بر اقلمشده عوام فرقهسى طرفندن برسؤ قصده اوغرا دىغى درکار بولنشدر . نفوذ فوق العادهسى ودرابتي حسييله ايتاليانلرى توحيد ايله رومايى ايلروده ظهور ايدن پک بيوک غوائلدن قورتارمغه موفق اوله جنى محتمل بولنسان سچپونک ضياعى رومايى پک بيوک براميدندن محروم براقتشدر .

رومانک اصلاحى اوغرنده فداى جان ايدنلردن برسیده قايوس غرافخوسدر قايوس برادرينک وفاتنه قدر روما اور اداره سنه قارشمامش اولوب فقط مؤخرأ تريونلکه نصب اولتمغه اصلاحات خصوصنده برادرينک مقاصدنن دها بيوک تصور اتده بولنشدر قايوس غرافخوس غايت سومىلى على جناب جسور مؤرسوزلى وفوق العاده طلاقت لسانه مالک برذات اولوب ايتاليانلار جنده روماليلردن حکومت معرفتيه شعبه لر تاسيس و ققرايه

قانون و غرافخوسلر و مجادلات داخلیه باشلانجی

دون به ایله ذخیره توزیع ایتدیرمک و عسکرک مصارف نجه بریه سی طرف حکومتدن تسویه ایدیلوب معاشلرندن تنزیل اولنماق کبی قانونلره خلقی کندیسنه بند ایش و اخیراً یاپلان بر قانون تربیونلرک تکرار انتخابه مساعده بولمغله ایکنجی سنه ینه تربیونلرک انتخاب ایدلشدر. قایوس غرافخوس اهالی قراریه عزل ایدیلان. أمورک بردها استخدام اولنده مامسی حقنده بر قانون یاپه رق اوقتاو بوسی چور تدکن صکره سناتونک نفوذینی قیریق ایچون ایکی مهم قانون دها قبول ایتدیرمشدر.

اوزمانه قدر اشخاصک حکومته قارشو ارتکاب ایلدکلی جرائم پر تور ریاستنده اوله رق سناتو اعضاسی میانندن منتخب بر هیئت عدول طرفندن تدقیق و حکم اولنورکن غرافخوس بر قانونه هیئت عدول اعضاسنک بعدما سواری صنفندن Ordo equestris آلمنی اصول اتخاذ ایتدیرمکه سناتونک نفوذینه یک بیوک بر خلل کلش و عموم اصحاب ثروتی حاوی اولان بو سواری صنفی روماده بر اهمیت مخصوصه کسب ایلشدر. برده اووقته قدر قونسلوسلر انتخاب اولندقدن صکره سناتو هر قو- نسلوسک اداره ایده جکی ولایتی تعیین ایلدیکی حالده بعدما بو ولایتلرک قونسلوس انتخابندن اول بیانی اصول اتخاذ ایلدکله سناتونک بو یوزدن قزاندیغی اقتدار عظیمده نهایت بولمشدر.

قایوس غرافخوسک بوتداییری بین الاهالی زیاده سیله مقبول اولمشده ایکنجی سنه تربیونلرک ایتالیا نره حقوق سیاسیه

اعطاسی حقدده کی تکلیفی خلق طرفندن قبول اولنماشدی .
 سناتو طرفدارانی بوندن استفاده ایدرک خلقی قابوسدن تغیر
 و سناتویه جلب ایده جک انترقیقه لر و تدبیرلرده بولند قیزی کبی
 تربونک بررو ماشعه سی تأسیس ائلک اوزره قارطاجده کندیکی
 زمان کندیسندن خلقی بستون صوغوتمشلر و قابوس غرافخوس
 رومیاه عودتده دفعه نالته اوله رق کندیسنی انتخاب ایدر مکه
 موفق اوله میوب قونسلوسلقلر و تربیونلکلره تکمیل دشمنلری
 نصب و تعیین اولمشدر . شو حالده ذاتاً قابوسک اتلافی امر محقق
 اولوب برهانه جزیه ایله کندیبسی و رققاسی دولت خانی اعلان
 ایدیلرک قونسلوسلره دیقتاتور اقتداری و برلمش و غرافخوسک
 باشنی کتیره نه آغر لغجه آلتون وعد اولمغله ذادکاندن سلججه .
 له یوس بو باشی قطع ایله درونته قورشون طولدیره رق سناتو
 مجلسنه تقدیم ائمشدر . (ق ۷۴۳)
 قابوس غرافخوسک مغدوراً اتلافی رومیایی کایاً اوپتیاتلر
 اداره سنده بر ایشدر .

۲

اوپتیات اداره سی و ماریوس

اوپتیاتلرک تحکیمی . محاربات خارجه . جهریلر و توتونلر . نومیدیا محاربه سی
 و بو غورطه . روما مأمور لرینک ارتکابی . خلفک شکایاتی . متلاوسک قوماندانلی
 و موفقیتی . ماریوس . ماریوسک قونسلوسلغی . بو غورطه ناک اسارتی . سیللا .
 ماریوسک قونسلوسلقلری . اکس وورسیل محاربه لری . ماریوسک التجبی
 قونسلوسلغی . جیجرون و بومیه و جزائرک تولدلیری . اسرا عصیانی .
 غرافخوس برادرلرک اجراسنه موفق اوله مدقلری اصلا .

حانك كلياً تركيله رومانك اداره سی بسبتون اوپتیمات صنفی
 النده قالمشدی . مورخین متأخریندن موسیو لونفك « تخویف »
 انتزیه و رشوت ایله اداره ایدن و خلقك انتخابی صاتون آلاق
 منافعی صاتان ارباب ثروت و اقتدارك مجموعی ، دیه تعریف
 ایلدیکی بوصف ایسه کلیاً کندی منفعت شخصیه لرینی دوشونورك
 بشقه برشی نظر دفته آلامقده و مأمورلك ارتكاب ایله ملتزم
 کروهنك فساداتی ناقابل تحمل درجه لره وارمقده ایدی .
 اوپتیمات صنفی بوفساد اخلاقی یالکز اداره داخلیه ده دکل
 رومانك مناسبات خارجه سنه متعلق اموره دخی کوسترمشردی
 بالخاصه اوصرده رومانك دوچار اولدیغی ایکی غایله مهمه ده
 اوپتیمات صنفك حسن اداره به عدم موقعیتی لایقیله مشهود
 اولمشر .

جرمان جنسنه منسویتلری مظنون اولان توتون قبیله سیله
 خالیلر جنسندن اولان چبر قبیله سی بوزیکلرجه افراد محاربه یی
 حاوی اوله رقی ترك وطن ایدوب ایتالیا حدودینه طوغری
 یورو مشر و اوزرلیته کیدن روما قوماندانلری انهمزام قطعی به
 دوچار اولمزلره رومانك بقامی یله بیوك برتهلکده قالمشدی .
 فقط اقوام مذکورہ بردنبره ایتالیا به یوریمبوب اسپانیا جهته
 کتمزله روما برمدت تهلکده دن قورتلشمده آفریقاجه ظهور
 ایدن نومیدیا محاربه سی عمومك نظر دقتنی بحرسفیدك جنوب
 طرفنه جلب ایلمشر .

نومیدیا حکومتی ماسینسا زمانندبری روما اتفاقده قلش
 و مشارالیهک خلنی و اوغلی مسیسا «Micipsa» ده بو اتفاقدن
 آیرلماشدی. مسیسا روما اتفاق سایه سنده موقعدن امین اوله رق
 پانختی بولنان چیرتا (قسطنطین) شهرنده کمال راحتله عمر سور مکده
 و سرایی یونان معارف و ادبیاتک مراکز انتشارندن بری حالته
 کلکده ایدی. فقط مسیسانک برادری ماسنا بالک ولد غیر مشروعی
 اولوب بیوک بدرینک درایت و شجاعتی و آرزوی جاه و شوکتی
 کندینه تماماً انتقال ایلش بولنان یوغورطه عموجه سنک مسلمانکی
 بکنمکده و مملکتی ایچون کندی اداره سنده اوله رق بر عظمت
 فوق العاده و قدرت سیاسییه تصور ایلکده ایدی. یوغورطه
 صغرسندن بری تعلیمات عسکریه ایله اشتغال ایدرک عسکرلکده
 زمانک یکنتماسی عداولنه جق درجه به کیش و نومانیخیه محاصر سنده
 اسپچئون املیانوس معیننده بولنه رق هم رومالیرک اصول
 عسکریه لرینه و همده روما اشراف و مأمورینک استعداد ارتشا
 و فساد اخلاقرینه تماماً کسب و قوف ایلشدی.

یوغورطه نک درایت و زکات سنده واقف اولان مسیسا، مومی الیهی
 حکومتدن محروم بر اقق قابل اولدیغنی کور مکه حین و فائده
 نومیدیا حکومتی اوغللری آدربال Adherbal و هیمپسال Hiempsal
 ایله یوغورطه یه مشترکاً بر اقارق و سینک اجر اسنیده رومایه حواله
 ایلشدی. فقط اوج حکمدار برلکده اداره یه موقق اوله مدققرندن
 رومانک مداخله سیله اولا مملکت آرله رنده تقسیم ایلش و چوق

وقت یکمندن بوغورطه عزا ده لرینی بربرر استیصال و اتلاف ایدرک
 نویدیبانی کندی اداره سنده بجهه موفق اولمشدر. (ق ۷۳۵)
 رومانک اجرا آتند قارشو تعرض علنی اولان بو حرکت
 اوزرینه رومالیرایشی تدقیق ایچون قومیسرلر کوندر مشلر سده
 بوغورطه بو قومیسرلری رشوت سایه سنده جلبه موفق اولمش
 و کندی سیده امنیت شخصیه سی ایچون سوز آلاق حرکتی ایضاح
 ایچون رومایه کلشدی. فقط روماده بولنان عوجه سی کولوسانک
 اوغلی ماسیوایی اعدام ایدر می رومالیرلی قزدر مغله مذا
 کرات تعطیل ایدلمش و بوغورطه شهر دن طرد اولنهرق
 نویدیباه اعلان حرب اولمشدر. بوغورطه نک رومایی ترک
 ایدرکن «بوشهر صاتیلقدر بر مشتری بولنجه سربعا محو اوله جقدره
 دیدیکی مشهوردر»

روما حکومتی نویدیا ایله محاربه سنده پک بد بخت اولوب
 روما قوماندانلری یا بوغورطه دن رشوت آلاق «پیچ برشی»
 یا امام شلرو یا خود تدبیر سنز لکه اردولرینک محوینه سبب اولمشلردر
 مع مافیه سنلرجه مدت برشی «یا بلدهرق بوغورطه نک عادتا
 روما ایله استزا ایدرجه سنده حرکتی خلقک عروق حیینه
 طوقونازاق حکومت علیه شکایت زیاده سیله آرتدیغندن آفریقا
 سفرینه استقامت و رویت ایله شهرت کلیه قزانش بولنان متهلوسک
 نصینه مجبوریت حاصل اولمشدر»

متهلوس آفریقایه ورودیه برابر انتظام ستر برحاله اولان

اردویی تنظیم ایدرک جداً حرکات عسکریه اجراسنه باشلاش
 وبانخاصه موتول Muthul نهری ساحلنده وقوعبولان محاربه ده
 یوغورطه اردوسنی پریشان وکندوسنی عدم امنیت ایچنده
 اوله رق سرسریجه طولاشمغه اجبار ایلشدی . بومحاریه ده
 متهلوسک لغاتوسی یعنی معاونی اولان ماریوس زیاده سیله کسب
 شهرت ایدرک مؤخرأ یوغورطه نك مغل ویتی شرفیده ساده
 اکا قالمشدر .

ماریوس اشرافدن اولیوب آرینوم شهرلی وصنوف عادیته
 اهالی به منسوب ایدی . جسارت وشجاعتی جهتله مدت مدیده
 عسکرلک وپک چوق محارباتده خدمت ایدرک بانخاصه نومایخیه
 محاربه سنده سچیونک نظر تقدیرینی جلب ایلش وبرآراق
 متهلوسک معاونتیه روماده تریبونک مقامنه چقدیقی کبی
 بودفدهده اغاتوس صفتیه آفریقایه کلمشدی . ماریوس اثنای حربده
 صادی نفراتک هر درلوزجت ومشقت لرینه بالاشترک بومناسبتله
 روماده عوام ارمسنده کسب مدوحیت ایلدیکی کبی اشراف
 علمینده اولان افکار سیاسی سنه مینی هرکس کندوسنه عوام
 فرقه سنک رئیس طبیعیسی نظریله باقمغه واقدمجه چزار
 فاملیاسندن بر قزله ازدواجی کندیسنه بین الاشراف بر موقعه ده
 وبرمکه قونسلوسلغی یله قورمغه باشلامشدی حتی بومناسبتله
 زمان انتخبابانک تقربنده کنددی نامزدلکنی تکلیف ایچون
 رومیاه کیمک اوژره متهلوسدن مساعده ایستمش ایسنده

اوپتیات صنفندن اولمیان بر شخصک بوکبی آمالده بولمسنه
 زیاده سیله استغراب ایدن متهلوس بر مدت بوکا مخالفتله زمان
 انتخابدن یالکزاون برکون مقدم مساعدهٔ مطلوبه بی ویرمشدی .
 فقط ماریوس سرعت فوق العاده ایلر هفتنه طرفنده رومایه
 واصل اولمش و عوامک اتفاق آراسیله قونسلوسلغه انتخاب
 ایدلمکله اوپتیات اداره سیده بوکوندن اعتباراً منخطی اولمشدر .
 یدی دفعه قونسلوس اوله جغی و اقبال ایچنده ترک حیات ایده جکی
 او تیقاده بر قالجی قاری طرفندن سولیمش اولان ماریوسک کرم
 و سردی طالعک ال کوزل بر نمونه سی اولان سرگذشت عجیبی
 بو قونسلوسلقله باشلامشدر .

ماریوس قونسلوسلقله برابر آفریقا اردوسی قومانده سنده
 نصب ایدلدیکندن متهلوسک یرینه قائم اوله رقی کمال شدتله
 حرکات حریدیه دوام الیش و بوجار بده کوستر دیکی درایت
 و کفایتله حقنده کی امنیت و اعتمادک حقلی اولدیغنی میدانده قومشدر .
 نهایت مغلوب و اورادن اورایه التجایه مجبور اولان یوغورطه
 قائم پدری و منقی بولنان طرابلس جهنلرنده کی عرب حکمداری
 بوخوز طرفندن تسلیم ایدلمکله ماریوس هم آفریقا سفرینی
 بئیرمک و همده یوغورطه بی اسیراً رومایه کتیرمکله شهرتی
 آفاقی طوتمشدر . مع مافیه ماریوس متهلوسک شرفنه اشتراک
 ایدلیکی کی اشراف صنفندن اولوب ماریوسک لغاتوسی بولنان
 و یوغورطه بی تسلیم ایچون بوخوزی اقناع ایش اولان کنج

سیلاده بو خصوصده مار یوسک شرفنه قارشو یوک برانکل اولمشدر .
 یوغورطه ایسه مار یوسک تریثومف آلابنی بعد التریین صورت
 سفیلانده اتلاف ایدلمشدر .

توتونر وچبریلر حالا اسپانیاده اولوب ایتالیا اوزرینه
 یورویه چکری درکار بولندیغندن و مار یوسدن بشقه بو غائله یی
 بئیرمه مقرر کسه کورلمدیکنندن تدارکات لازمه نك ایفاسی
 ایچون مومی الیه برقاچ سنه مدت متعاقباً قونسولوسلغه انتخاب
 ایدیلرک عوام ناسدن آلدیغنی نقرات ایله کندیسنه صادق
 ومنتظم براردو ترتیب و تنسیقه اشتغال ایلشدر .

اقوام متجاوزه اسپانیایی ترک ایله ایتالیه یوریدکاری زمان
 مار یوسی مکمل اردو ایله قارشولرنده بولمشلردر . توتونر
 ایله چبرلر آریله رق مختلف طریقله ایتالیا اوزرینه یورید .
 کلرندن مار یوس اولاتوتونری غالیسا تراز الیناده اکس
 بلده سی جوارنده وقوعبولان محاربه عظیمده همان کاملاً محو
 ایدلیکی کبی چبرلری دخی شمالی ایتالیا ده ورسیل موقعنده
 کی محاربه ده تماماً منهزم قلمشدر . چبرلر ایله محاربه سی
 صره سنده نتیجی دفعه قونسولوسلغه انتخاب اولندیغنی خبر آلان
 مار یوس رومیاه کمال طنطنه ایله کیره رک خلعت کندیسندن
 انتظار ایدلیکی تدابیر عوام پسندانک اجراننه مباشرت
 ایلشدر .

بواننده سچلیاده کی امرامیاننده بر عصیان ظهور ایدرک سلو .

نيوس و آنه نيون نام رؤسا سنك غيرتيله جزيره مذكوره برآراق
كسب استقلال ايده جك كبي كورنم شده رومانك لوقولوس
و آقوويليوس نام قوماندانلري بوني تسكينه واطه ده آعاده
آسايشه موفق اولمشلردر.

مباحث آييده بر موقع عالي صاحبلمري اولان مارقوس
توليبوس چيچرو ايله قنده بوس بوميه بوسك قبل اللهجره «٧٢٨»
تاريخنده و قايوس بوليوس جزارك ماربوسك التجي قونسلوسلغى
سنه سنده يعنى قبل اللهجره ٧٢٢ تاريخنده تولدلى بودورك
وقوعات مهمه سندن عدولنسه سزادر.

٣

ماريوس وسيللا - برنجي محاربه داخليه

ماريوسك سؤ اداره سي وحر كتنده كي اطرادسزلق . دروزوسك تكليفاتى
وانلاق . متفكر ك عصبانى وابتليا متفقه سي . عصبانك اطفامى واون ايكي
قبيله . آسيا امورى . بونت حكومتي وميتريبات . سيلانك قونسلوسلق
وقوماندانلغى . ماربوسك رومايه دخولى وقوماندانلغى . سيلانك
رومايه دخولى وماريوسك فرارى . قونسلوس چننا .
ماريوسك بدنجي قونسلوسلغى . ماربوسك وقاتى .
سيلانك اسيا سفرى . سيلانك ايتالياه عودتى
ومحاربه داخليه نك تكررى . بروسقريبونلر .
سيلانك تشكيلات اداره سي واستمعافى

التجى دفعه اوله رق قونسلوسلغه انتخاب اولنان ماربوس
روماده شمدي يه قدر هيچ كورلمدك بر شهرت واقتداره مالك

اولدیغی حالده نفوذینی حسن استعمال ایدمه مامش و عسکرلک دهمکی
 مهارتک بر جزئی اداره ملکیده کوستره مامشدر . ماریوس
 بیطرفانه اداره امور ایدمچک یرده ساتورنینوس و امثالی کبی
 بر طاقم حیاسز افکار مفرطه اصحابه انفاق ایدرک بر چوق
 مناسب سز لکره قالمش دیمغندن یواش یواش خلق اره سنده
 اعتباری از امش و ماریوسک اصلاحات جدیدیه موفق
 اولم دیمغنی کورن عوام ناسینه ساتویه میل کوسه ترمکه
 باشلامشدر .

ماریوسک بر آرهلق سناتو ایله او بوشارق کندی طرفه نار-
 لینی دخی تکیل اتمه سی حسبیه روماده همان شیخ دوستی
 قلامش و کند بسیده شهرته خلل کلدیکنی کوروبینه بر محاربه
 ایله کسب شرف ایتک اوزره قونسلوسلغی انقضاسنده آیده
 بیان ایدیه چک متریدات ملبسه سیله یقینده میدان حرب اوله
 جغی اکلاشیلان اناطولی قطعه سنه عنیمت ایتلشدر .

سنه آیده تریبونلکه انتخاب اولندان ذواتدن دروزوس
 تدابیر اصلاحیه تصورنده بولندهرق بو اوغورده جاننی فدا
 ایدرک کسب شهرت ایتلشدر . دروزوس سناتو اعضاسنی التیوزه
 ابلاغ ایدرک اوچبوز یکی اعضایی شوالیه صنفندن آلتی وقوه
 عدایه بی کافی السابق سناتویه ویرمک ایچون بر قانون تکلیف
 ایدرک هم سناتونک و همده سواری صنفنک انفعالی موجب
 اولمش و برده قمرایه اراضی توزیعیه برابر عموم ایتالیه الیزه

حقوق سیاسیه و برلسنی تکلیف ایلکله عوام ناسک دخی نظر
 حدته هدف قالمشدی . دروزوسک ظهور ایدن بر قارغشه لقدمه
 اتلافیه تصورات و تکلیفاتی حکمسنر قالمشده آرتق وسائط
 مشروع ابله امتحصال حقوق ابدہ بیلکدن ماربوس اولان ایتالیا
 لیلرک رومابه قارشو اعلان عصیان ائلریده بککمامشدر .

بودفعه ایتالیا ناک الک باشلی اقوامندن سکزی اتفایق ایدرک
 مرکزی ایتالیا اسم جدیدبله توسیم ایدیلان قورقنیوم شهرنده
 بولتقی و ایکی قونسلموس و اون ایکی پره تور و بشیوز اعضالی
 برسنا تو مجلسی وسطه سیله اداره اولتقی اوزره برهیت منفقه
 تشکیل و رومابی ضبط و تخریب نیتنده بولسدقزینی اعلان
 ائلشدردی . بومحاربه داخلیه طبعی روماجه چوق مشقتی موجب
 اولمش و محاربه ده ماربوس دخی قوماندانلر میانده اولوب
 خیلی خدمتی سبقت ائلشده ده بالخاصه سیلا جله به تقدم
 ائلشدر .

ایکی سنه مدت محاربه شدیددن صکره غلبه روماده قالوب
 مع مافیله روما غالبیتنی سؤ استعمال ایتماش و محاربه ده اصرار
 ایدن سامنیلر مستثنا اوله رق متفقین ساربه برر بر حقوق
 سیاسیه و بر مکلده بو ایتالیا نلردن دخی یکی اون قبیله تشکیل و قدیم
 اوتوز بش قبیله به ضم اولمشدر .

بوصرده آسیا اموری قاریشهرق روما ایچسون اوراده
 بر محاربه عظیمه حاضر لانیوردی . دولت سلفکیان ولایات

بعیده سندن اولوب ذاتاً دائماً ولات مستقله اداره سنده قالان
 پونت حکومتی آسیا دول معظمه سندن معدود بولنوب پونت
 قرالی بشنجی متریدات روما اتفاق سایه سنده غربی اناطولی به
 طوغری توسیع اراضی به ده موفق اولمشدی . اوغلی التنجی
 متریدات پدینک وفاتده اون ایکی یاشنده جالس تخت سلطنت
 اولسایله پونت حکومتک اهمیتتی بر قاندها آرتمشدی . متریدات
 طبعاً ذکی و غایت شجاع و جسور اولوب کوچکلککنده سینوب
 شهرنده اصول یونانیه اوزره تربیه کورمش و ابتدای جلو سنده
 برطاقم فسادات داخلیه ایله امنیتی مختل اولمغه هر کون بربرده
 قالمی اوزره اقسام ممالککنده متصل طولاشمش و هر ملک اسان
 وعادات و اخلاقنه تماماً کسب و قوف ایشدی . مملکتی ارزوسی
 وجهله اداره به باشلادیغی زمان بو خصائص جسامت و درایت
 میدان اجرا آتده ثمره حاصل ایتکه باشلابوب پونت دولتی
 کورجستانه و حتی شمال بحر سیاهده قریه قدر توسع ایش
 و متریدات ارنستان قرالی دیرانهده قزینی و بره رنک انکلده
 اتفاق ایشدی . متریدات پدینه ترک اولسان بعض اراضینک
 رومالیر طرفندن ابتدای جلو سنده استرداد ایدلسند نطولایی
 منفعل اولوب رومادن اخذ نثار ایچون منظم براردو تشکیل
 ایدرک فرصته مترقب اولدیغی حالده روما جایه سنده بولنان
 بئینیا حکومتی قرالی ایکنجی نیکومدک وفاتیله تحذث ایدن
 وراثت اختلافنی بهانه ایدرک بئینیایی و اناطولاینک حوالی
 غریبه سنی استیلا ایشدر .

متقلر عصیانی اثناسنده متریدانک تجـاوزاتی دفعه وقت بوله میان روما بودفده احوال شرقیدی بولنه قویغه تشبث ایلشدی . ققط اولجه آسیایی کزهرك مواقع حربیه مستقبه بی کورمش اولان ماریوس قوماندانلغک کندیسنه ویرله جکی امیدنده ایکن رقیبی سیللانک قونسلسلقه آسیا اردوسی قوماندانلغنه انتخاب اولندیغنی تأسفله کورمشدر .

سیللا اردوسی تشکیل ایدرک رومادن خارجه چقدیغنی حالده قسقا بچلغندن عادتا مجنونلشمش اولان ماریوس برطساقم حشراتی و کندی معینده عسکرلک ایش آملری طوپلایه رق رومی ضبط ایدوب کندیسنی قوماندانلغه انتخاب ایدیرمش وققط سیللا اردوسیه تکرار رومایه کیردیکندن ماریوسک انتخابی حکم سز قالارق کندیسیده عاصی و قانی مباح اعلان ایدلکله وقایه حیاتی ایچون فراره مجبور اولمشدر . ماریوس بوفرارنده بیک درلو محنت و مشقته اوغرایه رق نهایت آفریقایه النجا ایش و سیللاده روماده ماریوس طرفدارلرندن برچوغنی اعدام ایدیردکن صکره اردوسیه شرقه عزیمت ایشدر (ق ۷۱۰) سیللانک عزیمتی متعاقب روماده برچوق قاریشقلقلر وقوع بولوب ذاتاً سیللانک دشمنی اولان قونسلسوس چنسا حکومتی ضبط ایدرک ماریوسی رومایه دعوت ایش و ماریوسده کلهرک یدنجی دفعه اوله رق قونسلسوس انتخاب ایدلشددر . هر درلو افکار سیاسییه وجدیه دن خالی اولان بو آدمسرك زمان

اداره زننده سیلا طرفدار لغی ایله اتمام ای دیلانترک اوغرامدقزی
بلا ومصیبت قلبوب خاطره کڈک مظالم اجرا ای دلمش ونشسه
غالیته سوروسروره طالان ماریوس بر قاج آی مرورنده وفات
ایدرك رقیبک موقیت اخیره سنی کوره مامشدر .

متریدات رومانك اسیا ولایتی دخی استیلا ایدرك اوراده کی
رومالیزی کاملاً قتل ایدر مش و یونانیلرده روما علیهنه قیام
ایلدکارندن متریداتك جنزالی آرکه لاوس قومانداسنده بر بیوک
اردو یونانستانه یکمشدی . سیلا ایپر قطعه سنه یکجوب یونانستانه
یورومش و آتیه ایله پیره بی حرباً ضبط ایلدیکی کبی خرونه
واور قومونوس محاربه زننده آرکه لاوسی دخی پریشان الملکه
آسیایه یکمکه حاضر لاشدر فقط چننا طرفندن شرقه بشقه
براردو و بر قوماندان کوندر ملکه کرک سیلا و کرک متریدات
ایکی دشمن اره سنده قالمق استمدکارندن متریداتك استیلا ایلدیکی
یرلی بر افاق تضحیمات ویرمی شرطیله عقد صلح ای دلمش
وسیلا کندی یرینه کوندر یلان قوماندان فیر یابی دخی مغلوب
ایلدکدن صکره روما احوالنه نظام ویرمک اوزره ینه ایتالیایه
یکمشد .

سیلانیك ایتالیایه مروینی متعاقب قونسولوس چننا
عسکری طرفندن قتل اولتمغه ماریوس طرفدار لریك اداره سی
قونسولوس قاربون ایله ماریوسك اوغلی کوچک ماریوسه
قالمشدی .

اصلزادگان فرقه‌سی سیلایه النحاق ایش اولغله محاربات
واقعه‌ده سیلا مظفر اوله‌رق پیدرپی عموم ایتالیایی استیلا
و روما قلعه قپوسی اوکنده وقوع بولان محاربه‌ده
صوک دفعه برتشیبده بولنان سامیلر و متغلبینی مغلوب ایدرک
رومایی قور تار مشدر . ماریوس برهنه شه‌نده محصور قالارق
مؤخرأ انتخار ایش وقاربون افریقایه فرار ایدوب سیلایه
النحاق ایدن اصلزادگانن پومیه بوسه مغلوب اولمش و ماریوس
قوماندانلرینک الک درایتایی اولان سرتور بوس ایسه اسپانیایه
یکه‌رک اوراده اون سنه قدر محافظه حکومت ایشدر .
سیلاده بوموقیت تامه اوزرینه رومیایه کیر مشدر .

سیلانک روماده‌کی حرکتی ماریوس و چنا اداره‌سنی دخی
اونوتدر مشدر . سیلا رومیای ماریوس طرفدارلرندن تطهیر
ایچون بیکلرجه ادملری انلاف ایتدیرمش و قتلنه قرار ویریلد .
نرک اسملری پرو - قریبون تعبیر اولنان جدوللرله اعلان
اولنوب بونرک ماللری طرف حکومتدن مصادره اولندیغنه
وهرکس جسدوله اسمی محرر اولان ادمی اولدیره بیلدیکنه
مبئی رومیایی قان کتوره‌رک سائنه حرص و غرض ایله خاطره
کلدک وحشتلر و وقوع بولشد ماریوس و چنانک مناسبتمزلکلی
شیخ اولمزه چلغلغنه حمله اولنه بیلیر فقط عقلی تماماً باشنده
اولان سیلانک قتل نفوسی بر تدبیر اداره شکلنه قومسی صغوق
قائه اجرا اولنان جنایتلرک الک دهشتلیرندن عدالونسه سزادر

سیلانک قتلنامہ لرینہ طقسان التیمی سناتو اعتمادسندن وایکی
یک التیوزی سواری صنفندن اولق اوزره درتپسک یدیوز
بیچاره داخل اولشدر .

سیلا رومانک اصول اداره سنی اصلاح ایدرک آسایش
داخلی بی تماماً اعاده ایلک غیرتده اولوب کندیسنی دیقتاتور
انتخاب ایندبره رک بروجه زیر بیان ایدله جک قوانینی قبول
ایتدر دکن صکره مقام اداره دن استعفا ایلش و صیفیه سنه چکیله رک
آز وقت صکره وفات ایتشدر . سیلانک جنازه الایی فوق
العاده مطنطن اولوب سایه سنده اراضی به نائلیته بکام اولان
عسا کر افرادینک بو آلیه اشتراکیله رسم دفنی او زمانه قدر
امثالی نامسبوق بر عظمت کسب ایلشدر . (۷۰۰)

سیلانک قوانین جدیده سی لکس قورنه لیه نامیله معروف
اولوب سیاسیات، مذهب، امور عدلیه و اخلاق عمومیله دائر
ایدی .

سیلا تریوتا اجتماعندن قانون تنظیمی حقنی الارق ساده
تریون ایدله و قووستور کبی کوچک مأمورلرک انتخابی بو
اجتماعه بر ایش و قومسیباچنور یاتانک امتیازاته خلل کتیر مامشدر
بالکز بر ماده نیک چنتوریلر طرفندن مذاکره ایدله بیلسی ایچون
اوجه سناتونک موافقتی لزومی حقنده کی اصول قدیمه بی احیا
ایلکله سناتونک اهمیتی ارتمش و مجلس مذکورک اعضاسی
همان قلامش اولغله یکیدن اوج بوز سناتور تعیین ایلشدر .

سيللا قووستورلرک مقداريني سکردن بکرمي به ابلاغ ايدليکي کبي سلسله مراتبک کوچکنده بولنماش اولان کسه نک دها بيوک مأمورپته تعيين ايدلامسني وبرمأموريتي ابقا ايدن ادمک اون سنه مرور ايلدکجه يته اومأمورپته تعيين اولندمامسني دخی اصول اتخاذا ايلشدر. ازجمله امور سياستيه ده تريونلرک وه تو حقی ابطال ايديله رک بونک سائر امور عاديده حصری وتريونلرک تعيين اولنان ادمک بعدما دها بيوک برمأمورپته نصب ايديله مامسي قاعده سي تريونلرک حکمني بيتره رک رومايي برجهوريت اشراف حالته قومشدر.

سيللا مأمورين روحانيه نك بعدما تريوتا اجتماعي طرفندن انتخاب ايدليوب انتخابک کندی ارهلنده اولسي، اوغورلرايه پونتيكسلرک مقدارلرينک اون بشره ابلاغي حقنده ورومايه مراعات ايچون طقوز محکمه تشکيليله بونلرک اعضاسي شواليه صنفندن دکل سناتودن آلمسي ضمنده احکام جديده ايله شواليه صنفنک وقيله لرک نفوذيني تقيص ايله سفاهت علمينده نظامات ايله اخلاق عوميه نك دخی وقايه سنه چالشمشدر.

سيللا حريص شهرت اولمغله برابر جسدي فکری برآدم اولوب اقتداريني بجهوريتي قورتارمق ايچون لزوم کوردیكي اصلاحاتک اجراسنه حصر ايلشدر. يالکز کنديسنک دشمنلرينه عفو ايله معامله ايده جک قدرعلو جناب کوستره مامسي وصغوق قائله دوکديکي قائلر کندی حقنده انساننده برحس حسنيت توليد

ایتمامك قابل ذكدر . سیلا انتقامه میال صفایی سور ومع مافیہ
 قلبی تمیز بر آدم اولوب رومایه مظفرأ کبردیکی زمان بختیار
 قوماندان معناسنه اولان ایمراطوری فه لیکس لقبندن بشقه بر
 عنوان مفخرت قبول التماسی و مزارى طاشنه یازمق اوزره
 سویلدیکی « دنیاده کسه یوقدرکه بکا اولك و یافنالی ایتمش
 اولسونده بدن مقابلنی کور مامش بوانسون » سوزی اخلاقی
 تماماً تصویر التلکده در .

۴

پومیه چیچرون قیصر

لبيدوسك تشبى . پومیه بوس . سرتوروس پومیه بوسك اسپانیاه اعزای .
 غلادیاتور عصیانى . تزیونلك نفوذینك اعاده سی . آورهلپوس قوتنا قانونی .
 اینکیچی متریدات محاربه سی . بیونك متریدات محاربه سی . لوقولوس
 وارمنستان سفری . قورسانلر . پومیه بوسك تزیاید نفوذی و آسیابه
 اعزای . ولایات جدیده . متریداتك معلویت ووقای . یولیوس
 قیصر ونولپوس چیچرون . قانیلینا فسادى . پومیه بوسك
 رومایه عودتی و قیصرلك بزه تورلغی . برنجی ریشومورات .
 قیصرك قونسلوسلغی و نائبا والیكی .

سیلانك روما اصول اداره سنجه وجوده کتیردیکی تبدلات
 ماریوس فرقه سنك اوغرادینغی فلاکتدن طولایی رئیس سز قالمش
 اولان عوام طرفدار انججه نظر خشنودی ایله کورلما شسه ده بختیار

قوماندانك وقتنه قدر اجراآنه اعتراضه كسه جرأت ایده
مامشدی . فقط مشارلیه وفات ایدرا تیمز قونسلوس لیدوس
قورنه لیه قوانینك كاملاً الغائنه چاشمش ورفیقی قاتولوس
بوکا مخالفت الملكه عسكركه روما اوزربنه یوریوب مولویا
کوپرسی جوارنده اشراف طرفدار لرله وقوع بولان محاربه ده
مغلوب و فراره مجبور اولمشدر . بوسره لرده روماده سیلانك
بوش برافدیغی موقعه پکان فنه بوس پومیه بوسده بو محاربه ده
اشراف طرفنی التزام ایلشدر .

پومیه بوس بر از متکبر و ذکی بر کنج اولوب چنسا
اداره سی زمانده مار بوس فرقه سنه مماشات ایلشده ده سیلانك
ایتالیاه ورودینی متعاقب کندی حسابنه عسکر طوپولایارق
سیلان معینه الحاق ایلش و محاربه داخلیده پک چوق خدمتی
سبقت ایلشدی . سیلان پومیه بوسی مار بوس طرفدارانی تشکیل
ایچون سچلیا و آفریقایه اعزام ایلدیکندن اوراده کمال موقعتله
ایضای وظیفه ایلش و عودتنده قانوناسنی مساعد اولمدیغی حالده
تریثومف آلاینه برده مانیوس یعنی کبیر عنوانده نائل اولمشدی .
پومیه بوس او وقتدن اعتباراً کسب نفوذ ایدرك سیلانك وقاتی
ولیدوسك تشبثی کندیسنی اشراف فرقه سنك کورر کوزی
وطوتار الی مقامنه کتیر مشدر .

مار بوسك قوماندانلردن سرتور بوس اسپانیایه کیدرك
ذمام اداره بی اله ایلش وخلق آره سنده زیاده سیله کسب نفوذ

ایدوب عادتاً بر دولت مستقله تأسیس ایشدیدی . سرتورپوس اسپانیاده اون سنه قدر پایداری اولوب متعدد روما اردو لرینی مغلوب ایش و نهایت المشهور جنرال لردن نومیدیه وی متهلوس دخی بر نتیجه قطعیه نائل اوله ما مغله سناتو اسپانیاه پومپه یومی مأمور ایشدر . پومپه یوسک طالع یوری مقتضای اوله رق اسپانیاه ورودینی متعاقب سرتورپوس رقاسندن برینا طرفندن قتل ایدیلوب درایت حقیقیه دن محروم اولان پرینساده روما اردو لریته مغلوب اولغله اسپانیایه جمهوریت اداره سنه اعاده ایدیش و بونک شرفی بانخاصه پومپه یوسه قلمشدر . (ق ۶۹۳)

بوصرده ایتالیایه دخی اهمیتلی برغانه طاری اولوب قانلی اویون میدانلریته چیقارمق اوزره محال مختلفه ده تریه اولنان اسرادن برچوغی تراکیالی اسرادن و وقتیه حیدودلقده بولنان اسپارتاقوس قومانده سنده عصیان ایدرک ایکی سنه روما قونسلوسلریته غلبه ایشدر و ایتالیا داخلنده بالجمله امنیت و موادات و مراسلاتی نحو و قطع ایشدردی . نهایت اسپارتاقوس روما قومانداتی قراسوس طرفندن مغلوب و فرقه سی نحو ایدملکله غائله ختام بولمش و تصادف اوله رق معیتله اسپانیادن عودت ایدن پومپه یوسده بولده راست کلدیکی برغلاد یاتور فرقه سی منهنز ایشکله بوغائله نیک دفعی شرفنده حق اشتراک قزاشدر . بو خدمت لری حقیقه تقدیر اولنان قراسوس ایله پومپه یوسده (ق ۶۹۲) ده قونسلوسلغه انتخاب اولمشدر .

موقیبات واقعه سیله آرتق سناتویه او قدر مداراسی قلمیان
 پومیه یوس قونسلوسلغنده اهالی فرقه سنی جلب ایده جک اجر آنده
 بولمغه تشبث ایدرک بالخاصه تربونلرک امور سیاسییه وقانونیه ده
 وه تو حاکم لریک اعاده سنه موفق اولمشدر . بوندن بشفه پومیه یوسک
 موافقتیه اوسنه پره تورلرده بولنان آورهل یوس قوتنا بعدما
 حاکم لریک اوچ صنفدن یعنی سناتو مجلسی وشوالیه صنفیه برده
 تربونی اراری (سناتویه وسواری صنفه منسوب اولمیان قسم
 اهالی نیک الذنکین طاقی) اسمی ویریلانلر میانندن آلمی حقدنه
 بر قانون قبول ایتدیره رک قدرت عدلیه یه عوام ناسی دختری
 درجه یه قدر تشریک ایلمشدر . هیئت محاکمک بو وجهه تبدلی
 عمومده جاری اولان فساد اخلاقه مبنی جریان عدالتی اصلاح
 ایده مامشسه ده پومیه یوسک سناتو وزادکان ایله بوزوشمینی
 واهالی جه فوق العاده مقبولیتینی موجب اولمشدر . بو اجراءت
 انناسنده پومیه یوس ایلروده بحث ایدیه جک اولان یولیوس
 چزارک معاونتی کورمشدر .

سیلانک عودتندن صکره شرق اموری ینسه قارشمسدی .
 سیلانک شرقرده بر اقدیغی مورده نا بر طرفدن امر آلمدیغی حالده
 متردات اوزرینه تجاوز ایدرک مغلوب اولمشسه ده بو انکیجی
 محاربه چوق دوام ایتیب هنوز روما ایله بر محاربه جدیدیه
 کیریشه جک درجه ده اکمل تدارکات انطامش اولان متردات
 عقد مصالحه به شتابان اولمشدی (ق ۷۰۴) .

فقط متریدات بحاربه افکارندن فارغ اولماقله لایقیله اکیال
تدارکات ایلدکدنصکره بئینیا قرالی اوچنجی نیقومدک وقوع
وفاتی اوزرینه بروسه و مالک متبوعه سنی استیلا ایدرک اوچنجی
ویوک متریدات (مہرداد) بحاربه سی آچلمشدر . متریدات
بو بحاربه ده بیوک بردونمایه وروماصولی اوزره تنسیق ایدلمش
یوزیکرمی بیک نفر عسکره و اون التی بیک حرب عربہ سنہ
مالک اولدیغی کبی آسیا ولایتندن بشقه عموم آسیای صغرای
استیلا ایلش و دامادی بولنوب اوصرہده سوریه بی بیله ضبط
ایتمش اولان دیقران ایله دخی اتفاق ایتمشدی . روما قونسلوسلری
بولنان لوقولوس و قونتا دھا اردولریله قارشوسنہ چیقامدن
بئینیایی استیلا ایدن متریدات قالدکدون (قاضی کوی) جوارنده کی
بحاربه ده قونتاہ دخی غلبہ ایلکله لوقولوس مقداری غایت
جزئی اولان عسکریله بویله بر مہیب دشمن قارشوسنہ قالمش
و حقیقتاً فن حربک مشکل اجرا تندن اولان موقیاتیله بیوک
قوماندانلر آراسنده بر موقع قزانمشدر .

لوقولوس متریداتی مغلوب ایدرک بونت مملکتینی استیلا
ایلش و متریدات قائم پدری دیقران زدیته التجایه مجبور اولمشدی .
دیقران متریداتی تسلیمدن امتناع ایلکله لوقولوس یالکز اون بر
بیک نفر دن عبارت اولان عسکریله ارنستانہ تجاوزله دیقرانک
پایتختی اولان دیقرانو کرتا شهرینہ واصل اولمشدر . دیقرانک
معینده ایک یوز الہی بیک نفر لک بیوک براردو اولوب روما

عسکرینک جزینتی « رومالیر چوقجه اولدقندن سفیردرلر
 دیه میورم فقط اردو دیه میه جک قدرده آزدرلر » بوللو برافاده
 ایله استخفاف ایلشسه ده محاربه واقعه ده مغلوب اولغله متریدات
 فراره مجبور اولمش و دیقرانده او قوللوس ایله مصالحه ایدرک
 فنوحات جدیده سنی الدن چیقارمشدر . او قوللوس بوزمانه قدر
 موقیات فوق العاده به مظهر اوله رق سوریده طوغری
 دونمشسه ده قریم جهته قاچارق اورادن قوای کلیه ایله عودت
 و پونتی تکرار استیلا ایدن متریداتک اورالده کی روما اردولرینی
 مغلوب ایلشله . متریدات ایله محاربه یکیدن تجدد ایلش ولو قو .
 لالوسک اردوسنده بعض قاریشه قتل ظهور ایلکله قوماندانلی
 روما طرفندن غلابریویه حواله ایدیلرک دفع غائله چاره لری
 دوشونلکله باشلانمشدر .

لو قوللوس آسیاده اوغراشدیغی صرعه ده پومیه یوس روماده
 برقاندها شهرت قزانمقده ایدی رومانک غوائل داخلیه سی
 اثناسنده روما دونماسندن خالی قالان بحر سفید بیکرجه قور .
 صانلرک تعرضاتنه میدان کسپله رک دکزده وسوا حمله اصلا متیت
 قلامش و آفریقادن ذخیره اخراجانه دخی خلل طاری اولغله
 روما عاداتا قحط تهلکه سنه یله دوچار اولمشدی . بو قور صان
 بلیه سی ارتق ناقابل تحمل درجه بی بولدیفندن دفعی ایچون
 پومیه یوس مأمور ایدلش و کندیسنه اوج سنه مدت نامحدود
 بر اقتدار ایله ایکیوز حرب بکیمی والتی بیک تالان تقد تودیع

ایدلشدی پومیہ بوس ایسہ اویج سنہ بریتہ بر قاج آی طرفندہ
بحر سفید شرقی و غربی بی قورصانگردن تظہیر ایدرک بواریاب
شقاوتہ یناق اولان بچہ مجال مستحکمہ بی ضبط التلش و سادہ
بونردن بکرمی بیک نفری اسیر اولهرق کتیرمشدر .

آسیایہ مأمور ایدیلان قونسلوس غلابریو اقتدار سزافغندن
ناشی بر شیبہ مرفق اوله مدیغندن رومانک باشلی قهرمانی عداولنان
پومیہ بوس سناتونک مخالفتنه رغماً اهالی طرفندن متریدات ایله
مخاربه به مأمور ایدملکه مشارالیه آسیایہ عزیمت ایلشدر .
هرقدر متریداتک یانده قرق بیک نفره قریب براردو بونبور
ایسده او قولوسک موقیبات متقدمه سی پونت حکومتسک
رصانتنی محو ایلدیکندن پومیہ بوس مدت قلیده متریداته غلبه
ایتمش وارمنستانه دخی سفر ایدرک دیقرانی رومیایه عرض
اطاعته مجبور ایلشدر . متریدات دامادی زردینه التجا ایلشده
قبول اولتمدیغندن قریمده کی تملاکات بعیده سنه فراره مجبور اولشدر
پومیہ بوس آسیای غربینک حاکم قطعیمی قالمقله پونت قطعده سی
برروما ولایتی حالته قوش و سائر آسیای صغری امور اداره سی
بعدا لتظیم سوریه به کیدرک قطعہ مذکورہ یدہ بر ولایت اولقی
اوزره تسبیق ایلشدر پومیہ بوس فیکه و فلسطین جهتلینه قدر
اینوب برمدتر بنی حشمتا و صکره ده هرود عالهلری اداره سنده
اولهرق کسب استقلال ایدن یہودیه حکم و متنی رومیایه ربط
التلش و قدس شریفه دخی کیرمشدر . پومیہ بوس بوصور تله

آسیای غریبہ روما ولایات جدیدہ سی تشکیل ایلدیکی صرہده
 یکیدن عسکر طوپلایه رق طونه جهترندن طوغریجه اینالیبا
 اوزرینه یورومک تصورنده بولنسان متریدانده اوغلی فارتاکس
 وسائر ارباب فساد طرفندن اتلاف اولنوب آرتق آسیا اموری
 بولنه کیر مکه امیر مظفر رومایه عودت ایلشدرو (ق ٦٨٤) .
 بومیه بوس عمرینک ال سعادتلی زمانلرینی فتوحات متوالیده
 موقیتله پکریدیکی صرهلده روماده یکیدن ایکی آدم توربه ریک
 کلی نفوذ و اعتباره مظهر اولدیلرکه بولنلده بولیوس چزار ایله
 بولیوس چیچرونلر .

بولیوس اصلزادکاندن چزار فامیلیاسندن اولوب خاله سی
 بولیا ماریوسک ذوجه سی اولسی و کندیسیده قونسلوس چنانک
 دامادی بولنسی جهتیهله ماریوس فرقدسنه منسوب ایدی .
 هرکسک اخلاق و طبیعتنی تمیزنده حقیقتاً فوق العاده برحس
 ادراکه مالک اولان سیللاکنج چزاری دخی پروسقریبسیون
 دفترینه داخل ایلدیکی حالده برچوق کبار و وستال راهبدرینک
 توسطیهله عفو ایلش و معافیله « بوچوجق اشرافی محو ایده جکدر
 کندیسینده برچوق ماریوسلر کوربورم » دیمشدی . فی الحقیقه
 چزار (قیصر) غایت حریم شهرت اولوب دائمی اهالی
 فرقدسنی التزام ایدر و هر حال و حرکتنده روماده تفرد ایلک
 املنده اولدیغی اکلاشیلوردی اناطولی محارباتنده ایقای حسن
 خدمت ایلدیکی کبی مؤخرآده ردوس شهرینه کیدرک علم منطق

وسائر شعبات حکمیاتی تحصیل انلش و بوسیاحتندہ قورصانلر طرفندن طویلہرق فدیہ نجات و یروب قورتلدقدنصکرہ کندی کیسہ سندن سفائن تجھیز ایدرک کندیسنی طومتش اولان قور-صانلری دردست وصلب ایتدیرمشدی . قبصر رومیہ عودتندہ درایت و فصاحتی سایہ سنده پیدرپی کسب نفوذ ایدرک پومیہ بوسک تدابیر عوام پسندانہ سنی و قورصان لرلہ متریداتہ قارشو قوماندانلغنی التزام انلش و قووستورلق و ادیلہ لک مأموریتلرنده بولنہرق آچیقندن آچیغہ ماریوس فرقه سندن مذسویتنی کوسترمشدی . چزار ادیلہ بولندیغی صرہده رومادہ ماریوسک سیلا طرفندن ہدم و تخریب ایتدیرلش نقدر ہیکلی وارسہ جہلہ سنی کندی کیسہ سندن اولہرق اعادہ ایتدیرمش و مصارف کلیہ اختیار ایدرک خلقی اکلندیرمک ایچون غلادیاتور اویونلری وسائر اکلنچہلر ترتیبی ایلہ کندیسنی ہرکسہ سورمشدی .

تولدیوس چچرون ماریوس کبی آریندوم شہرلی اولوب یونانغستاندہ علوم و ادبیاتی تحصیل ایدرک آز وقتدہ رومانک اک برنجی خطیبی اولمش و سواری فرقسندہ النخاقی حسبیلہ اشرف میانہ قائلشمادی . چچرون غایت حیثی ملی و کرچکندن ادارہ جہوریہ یہ و روما اصول قدیمہ سندن محب بردات اولوب سچطیا والیبی ایکن انواع رزالت و ارتکاب ایلہ خلقک جاننی یاقش اولان وررہس علیہنہ اولان شکایاتی و مرقومک سوہ استعمالاننی اثبات ایچون ایراد ایلدیکی نطقلری ایلہ کسب

شهرت ایدرک پیدرپی قووستور لاق ادیله لک و پره توراق خدماتی
بعد الایفا پومپه یوس شرقده بولدیغی زمان قونسلوسلغه انتخاب
ایدلمشدی. چیچرونک قونسلوسلغی قاتیلینانک فسادی وقعه سیله
کسب شهرت ایلشدر.

قاتیلینا روما اشرافندن اولوب فوق العاده جسور و شجاع
اولقه برابر سفیه مسرف و باخصموص انصافسزلقله معروف
ایدی سیللانک پروسقر پسیونلری زماننده قاتیلینا مرحمتمن
جلادلرک برنجی صنغندن بولونیوردی. قاتیلینا سفاهتله ثروتنی
محو ایلش اولغله کندیبسی کبی خانه خراب برطاقم زادکان ایله
روماده اداره بی ضبط ایدرک تغلب ایتک و تغلب سایه سنده
هردرلو آمال حربصانه بی تسکین ایده بیلک اوزره برفساد
ترتیب ایتشدی بوفساددن خبردار اولان چیچرون ایشی سناتویه
واهالییه اخبار ایدرک جمهوریتک وقایه امنیتتی ایچون تدابیر
مؤثره اتخاذ ایلش و قاتیلینانک طرفداران و شرکامی روماده
اعدام اولندیغی کبی کندیبسیده قوه مسلحه ایله وطنی اوزرینه
یوریدیکی صروده مقنول اولمشدر. چیچرونک قاتیلینا علیهنه
ترتیب ایلدیکی نطقلر قاتیلینر نامیله معروف اولوب فصاحتجه
فیلیکلرله همعیار طوتلمقده در (ق ٦٨٥).

پومپه یوس شرقدن عودت ایلدیکی وقت روماده بویکی
ذاتک حادثا کندی یرینه قائم اولدقزینی کورمشدی قیصرا اهالی
فرقه سنک و چیچرون دخی سناتونک ریسلری یرنده اولوب

بستون اہالی فرقه سنہ دخولی قابل اولمیان و سناتو ایلہدہ
 بوزشمش بولنان پومپہ یوس نفوذ قدیمہ سنی اعادہ ایدنجیہ قدر
 قیصر ایلہ خوش بکنجک کہ لزوم کورمشدر مع مافیہ پومپہ یوسک
 تربؤمف الابی غایت طنطنہ ملی اولہرق کزدیریلان لوحدردہ
 پوقوماندانک اخیراً ۱۰۰۰ قلعہ ۹۰۰ شہر ۸۰۰ حرب یکیمی
 آلدیغی یکیدن ۳۹ شہر بنا ایلدیکی وجہوریتک وارداتی ۵۹
 ملیوندن ۸۵ ملیونہ چبقاردقدن بشقہ خزینہ دولتہ ۲۰,۰۰۰
 تالان قدردہ سیم وزر کتیردیکی بحرر بولتقدہ و کردونہ
 مظفریتی ۳۲۴ اسیر برنسلر طرفندن چکامکدہ ایدی . مع مافیہ
 سناتو پومپہ یوسک آسیادہ کی اجرا آتی تصدیق ایتماشدر .

قیصر اوسنہ رومادہ پرہ توراق ایدوب ختام ماموریتندہ
 پرو پرہ تور عنوانیلہ اسپانیا والیلکنہ کوندرلمش واورادہ
 لوزیتانیا اقوامی و اہالی جبالی تماماً دائرہ اطاعتہ ادخال ایلہ
 قوماندانلقدہ کی مہارتنی دخی کوسترمشدر . قیصر اسپانیادن
 عودتندہ عسکرینہ فاپانیا صحرا سندنہ اراضی و بردیرمک نیتندہ
 اولوب پومپہ یوسدہ آسیادہ کی اجرا آتی تصدیق ایتدیرمک
 استدیکندن اشبو آمال متقابلہ نک اجرامی ایچون پومپہ یوس
 و قیصر ایلہ اصحاب ثروتدن و شوالیہ صنفی سرآمدانندن قراسوس
 بیندہ براتفاق و ائتلاف وجودہ کلوب بوکا مؤخرأ برنجی
 تریٹوموربات نامی ویرلمشدر . بوائتلاف موجبنجہ قیصر
 قونسولوس انتخاب اولنہرق پومپہ یوسک معاونتیلہ عسکرینہ

قامپانیا اراضیسنی توزیع ایتدیرمش و اوده پومپه یوسک آسیاده کی
تشکیلات و عقد ایلدیکی معاهداتی سناتوبه تصدیق ایتدیرمشدر
بووجهله حاصل اولان وفاقک تأمین محافظه سی ایچون قیصر
قری یولیایی پومپه یوسه تزویج ایلشدیر.

قیصر پر نور بولندیغی وقت پونتیفکس ما کسیموس دخی
اولغله خانه سنده صرف قادیئرله مخصوص اولان بوناده آ
آیینی اجرا اولتمقده ایکن قلوودیوس نام زنکین کبار ذاده نک
قادین قیساقتنده اوله رق جمعیتده داخل اولدیغی کوراش
و قلوودیوس براسیرک یاردمیله فرار ایده بیلمدی قیصر بووقعه
اوزرینه «قیصرک زوجه سندن شهه بیله ایلمالمیدر» قول
مشهوربله زوجه سنی بر اقدیغی کی چیچرونده قلوودیوسک
تجربیی ایچون اصرار ایلمدیکندن قلوودیوس خطیب مشهوره
غرض باغلامش و مؤخر تریبونلکه انتخابنده چیچرونی نفی
ایتدیرمکه موفق اولمشدر.

قیصرک قونسلوسلغی انقضا سنده تریومورلر بیننده حاصل
اولان اتفاق اوزرینه پومپه یوس ایله قراسوس روماده قالب
قیصرده پروفونسلوس عنوانبله و بش سنه مدتله ایلیریا و غالبیا
چیر الینا و الیکریته انتخاب ایتدیرلمش و بونلره هنوز قسم اعظمی
مستقل بولنان غالبیتر انزالینا دخی علاوه اولمشدر (ق ٦٨١).
قیصرک اصل بیوکلیکی بوماموریتده بولندیغی صرده
ظاهر اولوب غالبیا محاربه لر کی کندیسنگ اساس اقبالی اولمشدر.

بیوک محاربه داخلیه

غالبه احوالی. غالبه نك قصى. غالبك عصيانى وآلهزیا محاصره سی. تریبومو
برانك تجدیدی. بومیه بوسك اسپانیا والیلیکی. ایرانده اشکانیان سلاطه سی.
فراسوسك ایران سفری ووفاتی. بومیه بوس ایله قبصرک آراری
آجلمسی. محاربه داخلیه نك بدایتی. قبصرک ایتالیا واسپانیاسفرلی
فارسال محاربه سی. مصره عزیزتی. بونت سفری. تابسوس
وموندا محاربه لرلی. قبصرک رومایه عودتی. صورت
اداره سی. اجراءات وتصوراتی. قبصرک قتلی.

قبصرک غالباً والیلیکی کندیسنجه منافع عیدیه بی موجب
اولوب برکره ایلیانك شمالنده بولتمسیله حین حاجتده مدت
جزیه طرفندیه رومایه کیده جکی کبی بوسایه ده دائماً براردو
قوماندانسه مالک اولمش وپومیه بوسك مظفریاتنی چوجسقی
اوبونجاغی مقامنده برافان موقیبات عظیمه سیله رومایه بررومالی حکم
ایلك ایجاب ایدیورسه کندیسندن بشقه مناسی اولدیغنی کوستر مشدر
قبصرک مأموریتی سنه سی غالبه قطعه سنك امنیتتی بیوک برتملکه یه
دوچار اولمق اوزره ایدی جنوب طرفی رومانك نارونه زولایتنی
تشکیل ایدن بوقطعه سلت جنمنه منسوب غال اقوامیله مسکون
اولوب بونلردن اصل سلتلر وسطده آکیتانلر جنوب فریسه
ولبلر شمال شرقیده ساکن ایدیلر. غالبه لیلرمن القدیم جسارتله

مشهور اولوب حتى نه دن قورقدلری سؤالنه جواباً سمانك
دوشمه سندن ديملى درجه جراثيلينه معيار اوله يلور . فقط
يئلرنده اتحاد سياسي موجود اوليوب اداره ده الك بيوك نفوذ
درويد تعبير اولنان رؤساي روحانيه انده اولقله برابر اقوام
مختلفه ارمسنده منازعات و مجادلات نهايت بولمديغندن مملكت
ضعيف دوشمش و موضوع بختمز اولان زمانده رن طرفندن
سوئف نام جرمان قبايله سنك و شمديكي اسويچره جهندن دخی
هلوت طائفه سنك تجاوزه حاضرلئلى غالبه ليلرى قيصر دن
استمداده مجبور الملكاه قيصر دهامأوريتنك ايلك سنه سنده
آلپ طاغزيريني تجاوزله اولاسوئف قرالى آرو و يستى مغلوب
ويوز يكرمي بيك نفرلك براردوستى همان كاملاً نحو انلش
وصكره ده هلوتلرى برلندن قلدانغه اجبار ايدرك غالبه بي
تجاوزات خارجيه دن قور تاردقن صكره اهالى يده روما
تبعه سي كبي معامله به باشلامشدر . فقط غالبه ليلر ده ايلك سنه دن
عصيانه باشلامرله قيصر بلجزر و آكيتانلر و سائر غالبه اقوامنى
تحت اطاعته ادخال ايچون التى سنه مدت محاربه ايدرك
ياندكى عسكر هيچ بروقت اوتوز قرق بيك نفر دن زياده
اولمديغى حالده دائماً يوز بيكرجه جسور دشمنى مغلوب ايدرك
جيزالقد اسكندر و آنيبالر صره سنه بحق پكه جلك مائر
كوستر شدر . بومدنده قيصر جرمان اقوامنى تأديب ايله تجاوز
افكارندن فارغ انلك ايچون ايكى كره رن نهرينى تجاوز انلش

وانکلهزیه دخی پکهرک بریتانیایلیبری مغلوب و جزیره ده روما
حکومتک اساسنی وضع الیشدر.

غالبه لبر همان هر سنده عصیان ایتدکری حالده بر شیئه موفق
اوله میورزدی فقط قیصرک والیلکنک بدنجی سنده سنده عموم
غالبه ننگ رؤسادن ورسنک توریبکس قومانداسنده اوله رق منحدأ
عصیان قیصری فوق العاده برتهلکده بقا ایدرک بیوکلیکنی
بسبتون میدانه قومشدر. قیصر اوتوز قرق بیسک عسکرله
مليونلرجه خلق آره سنده قالدیغی حالده فتور کتیر میسدرک
غایت اوسته لقی برچوق حرکات اجراسیله ورسنک توریبکس
ایله یتش بیسک نفرلک اردوسنی آله زیا شهرنده صقشیدر و ب
شهری محاصره الیش ایکن کندیسیده اوچوز بیسک کسبلک
برفرقه طرفدن احاطه ایدلش ایدی. بوتهلکه عظیمده قارشو
تدابیر فوق العاده ده بولنه رق کندی اردوسنی منظم استحکاملر
وقات خندقلر ایچنه آوب اطرافنی درلودرلو طوزاقرایله
طولدی رارق کرک قلعه دن و کرک خارجدن دشمنک هجومی قابل
اوله میه جق حاله کتیر دکدن صکره قلعه بی تسلیمه مجبور ایتش
و ارنسی سنه یعنی پروفونسوسلغنک سکزنجی سنده سنده غالبه
کاملآ تسکین اولنوب بوندن صکره بردها روما علیهنده عصیان
ایتماش و آروقت ظرفنده اهالیسی کاملآ لاتینلشمشدر.

قیصر اوله غالبیه بش سنه مدته والی اولدیغی حالده
بومدک انقضا سنده تریثومویرات تجدید ایدیلهرک قیصرک مدت

ولایتی تمسید ایدلمش و اسپانیا و لایتلری پومپه بوسه و آسیا
 و سوریه ده قراسوسه و برلمشدر . قراسوس سوریه ده ایران
 دولتیه محاربه ایتمک وظیفه سنی در عهدہ ایشدیی .
 ایرانده کی اشکانیان سلاله سی حکومتی و یا خود پارت دولتی
 قبل الہجره ۸۷۸ ده اشک نام ذاتک دولت سلفکیانہ قارشو
 عصر ایله ایران شرقی یعنی طبرستانده تأسس ایدرک اشکک
 برادری نیرداد وانک خلغی مہرداد زمانلر زنده چین و هندستان
 و فرات نهرینه قدر توسع ایش و دولت سلفکیانی فنا حالده
 منہزم ایشدیی . سوریه نک رومایہ یکمسی ایرانک او حوالیده کی
 تعرضاتی کسمدیکندن روما سلاحنک قوتنی بودولتہ ده
 طاندیرمغه لزوم کوریلوب سن شیخ و ختندہ شہرت عسکریه
 قزاقق ہوسنہ دوشان قراسوس بیوک براردو ایله مذکور
 سفرہ مأمور اولمشہ ده قراسوس تدبیر سنلک ایدرک فرات
 نهرینک شرقہ یکچوب شاه ہرمزہ مغلوب اولمش و براز وقت
 صکرہ دخی ایرانیلر طرفندن قتل اولنہرق سوریه بنہ ایرانک
 تجاوزاتہ هدف کسلمشدر .

قراسوسک و قاتیلہ پومپه بوس و قیصر یالکز قالمشرو قیصرک
 غایبہ ده کی مظفر یاتندن طولایی زیادہ سبیلہ تلاشہ دوشان
 پومپه بوس بواش بواش سناتو ایله او بوشهرق قیصرک آدملرینی
 مقام ادارہ دن تبعید ایتمک و قیصرک دشمنلرینہ یوز ویرہرک
 علیہندہ برطاقم قوانین یاپدیر ق کی تعرضاتہ بولمغه باشلامشدی

ذاتاً پومپه بوسک زوجه سی بولیانک وفاقی ایکی رقیب آره سنده کی
ارتباطی کلیاً محو ایتشدی قیصر اصـولی اوزره بو صره ده
دخی ائتلافجولقی ایدوب کرک پومپه بوس و کرک کندیسـنک
استعفا ایدرک آره ده تحدث ایدن اختلافک فصلنی اهـالی به
براقربنی تکلیف ایلشـده سناتو قیصره عسکری طاغتمنی
ورومایه یالکزجه کلسنی امر ایلش و قیصر بونی طبیعی قبول
ایده مدبکندن سناتو طرفندن وطن خائنی اعلان ایدلشد .
قبصرک طرفداری اولان تریبون مارقوس آنتونیوس وقایوس
رومادن فرار ایلدکلی کی آر تیق کوزلله کله ایش کورمک
احتمالی بولندیغنی کورن قیصرده اردوسیه ولایتی حدودی
بولنان کوچک رومیقون ابرمغنی کچهرک ایتالیا اوزرینه بورومشدر .
پومپه بوس قبصرک بودرجه به قدر جسارت ایده جکنی
اومدیغنی کی کندیسـنک خلق آره سنده کی نفوذینده چوق
مغرور اوله زق ایانغی به اورسدم جئوئلر چبقار ادعا سنده
بولندیغنی حالده قبصرک کچدیکی برلده شهرلرک قیـولری
آچلدیغنی و حالبوکه کندیسـنک کوچک براردویله طوبلایامدیغنی
کورهرک عموم طرفدارلری و برچوق هیئت مأمورین و سناتو
اعضاسی ابله سابق موقع شهرتی اولان و تکمیل بندکایله ملو
بولنان شرقه فرار ایلشدر . قیصر ايسسه برقاچ آی ظرفنده
ایتالیایی آلدقدنصکره اسپانیاه کیدوب اوره ییده پومپه بوسک والی
معاونی آفرانیوس لندن استرداد ایلدکدن و هر برده دشمنلرینه

فوق العاده برز ققله معامله کو سترد کد نصر کره شرقه پکه مشدر .
 قیصر اسپانیادن ایالیابه کلیرکن مارسلایابی یونانیلر لندن آلمش
 وروماده دیقناتور لکه انتخاب ایلدیکی حالده اون برکون
 صکره استعفا ایلدک شرقه قونسلوس صفقیه کتمشدر .

ایکی رقیب پیننده بحاربه تسالیاده فارسال موقعتده وقو
 عبوله رق پومپه یوسک اردوسی قرق بشپیک پیاده ویدی بیسک
 سواریدن و قیصر ککی بالکزی کر می ایکی بیسک پیاده و بیسک سواریدن
 عبارت اولدیغی حالده بیه موقعت قیصرده قلمش و بو بحاربه
 رومابه کیمک حاکم اوله جنجی مسئله سنی فصل ایشدر . (ق ۶۷۰)
 قیصر پومپه یوس ایله برلشمش اولان چیپروننی وسار
 اسرا و عرض اطاعت ایلدلی سحیحانه عفو ایلش و مصره فرار
 ایدن پومپه یوسنی تعقیب ایلدک مصره کتمشدر . او وقت مصرده
 پومپه یوسک وقتیه حکومتنی اعاده ایلدیکی بتولومه آدلنک اوغلی
 بتولومه ایله قزی قله توپازا پیننده سلطنت دعواسی و بحاربه
 داخلیه موجود ایدی بوجهته پومپه یوسک انجما ایلدیکی
 بتولومه بلکه بوسایده قیصر کندی طرفته جلب اولنور
 امیدیه پومپه یوسنی قره به چیقدیغی وقت اولدیرنمش و کله سنی
 قیصره تقدیم ایلشده قیصر بالعکس حدت ایلدک ذاتاً
 دام عشقنه طولدیغی قله توپازه بی التزام ایلکله آتی دیکر بر
 برادر یله مشترکاً مقام حکومت چیتار مشدر . فقط قیصر طوبنی
 بر قاج بیسک کشیله اسکندر یه ده بولندیغی صرده شهرده بر

عصیان ظهور ایدرک کندیسی فارقله سنده محصور قالمش وبالذات
وقایه حیاتی ایچون محاربه یه مجبور اوله رق بردغه سنده لیانده
یوزهرک قورتیله بیلشدر . بوا سکندریه محاربه سی قیصرک انک
کوچک محاربه سی اینه ده کندیسنجه انک مشکل والتها کدی اولانده
بوایدی . مشهور اسکندریه کتبخانه سی بو محاربه ائساننده محترق
اولشدر قیصرک قله ثوبارا ایله مناسبات غیر مشر وعه سی دوام
ایدرک حتی قرالجه بی مؤخرأ رومایه ده کتورمش واندن چزار یون
اسمنده بر اوغلی بیله دنیا یه کلشدر .

بوصر ده متریدانک اوغلی فارناکس یه بونت حکومتی
استیلا ایدرک رومایه اعلان حرب ایلدیکندن قیصر سریعأ
آسیایه کیدرک مومی الهه غلبه ایتش وکلدم کوردم غلبه ایتدم
Vini, Vidi, Vici کله لرندن عبارت اولان مشهور مکتوبنی
سنایه اووقت یازمشدر .

قیصرک بوندنصکره آفریقایه کیدرک جمهوریت طرفداری
وحیت صاحبی مشهور قاتون و سائر برچوق پومپه یوس طرفدارانی
اوراده اجتماع ایتش اولدق لرندن بونلرک طویلادقلری قسوه
عظیمه بی تاپسوس محاربه سنده پریشان ایتش واتیقا قلعه سی
محاصره ایدوب قاتون تسلیم نفس ایدرک قیصرک حکومت
مستبده سی کورمامک ایچون انتخاب ایلدیکندن اوراسیده
ضبط ایدلشدر . قیصر آفریقادن رومایه کلشده بو پومپه یوسک
اوغلاری قنه یوس و سکتوس پومپه یوس ایله صوک جمهوریت

طرفدار لرنيك اسپانياده طوپلاندقزيرني خبر آلمقله اسپانيايه
سفر ايدرك موندا محاربه سنده بونلريده پريشان ائيش و بومحاربه ده
اردوسنك مغلوپينته رفق قالمشكن كنديسنك عادي برنقر كبي
اوك صفده محاربه ايتيمي سايه سنده غلبه به نائل اولمش دره بو
ندنصكره قيصره رقيب اوله ييله جك كسه قالماقله مشار اليه ده
رومايه عودت ائيش و كنديسي ذاتا پونتيكس ماكسيوس
اولديغي كبي فارسال مظهريتي اوزرينه ديققانورلق بش سنه
مدتله قونسولسلىق و قيد حياتله تريونلكه نصب ايداش اولمقله
بوصفتلره مملكتي اداره يه باشلامشدر.

قيصر ك اداره مي غايت عادلانه اولوب الكيوك دشمنلري
يله لطفندن بشقه برشي كور ماماشلر و كنديسي برچوق اصلاحات
اجراسنه قيسام ائيشدر. اول امرده اوزمانه قدر پك قاريشق
صورته كيدن سنه بي اصل سنه شمسيه اوزره حساب ايدرك
اوچيوز الشمس بش كون والي ساعتدن طوتوب هر اوج سنه نك
اوچيوز الشمس بش كون و درديجي سنه يعنى سنه كديسانك دنجي
صوك آيه بركون ضميمه وچيوز الشمس التي كون اولسني
نخت قراره آئيشدر. بونديشقه روما قوانينك هپسني طوپلايارق
منتظم بردستور وجوده كتير مك ايستديكي و برده پارت دولتي
اوزرينه كيدرك قراسوس مغلوبيتنك انتقامني آلىق املنده بولنديغي
حالده تصورات عظيمه سنك اجراسنه عمري مساعد اولمامشدر.
رومايلر قيصره فوق العاده حرمتده بولنه رقى كنديسني

حادثا نیم معبودلک پایه سنه چیقارمشلر وسندنک بشنجی آینه
 یولیوس نامی ویرمشلردر قیصر دخی عادی وطنداشلقدن
 چیقارق قرالقی چاره لرینی دوشونمکده ابکن خصمانسندن
 وجمهوریت طرفدارلندن مرکب برجعت فسادینهک سوء
 قصدینه قوربان اولمشدر (ق ۶۶۶) .

قیصرک نزدنده کسب اعتبار ایدرک یوک مأموریتله چقمش
 اولان برتوس و قاسیوس مذکور جمعیتک سرآدانندن ایدی
 برتوسک حیتی و مجرد جمهوریتی قورتارمق فکرله حرکت
 ایلدیکی شهبه سز ایسه ده قالنرک اکثریتی خصوصت شخصیه
 ویا خود اعترافی ده کوج اسبابه مبنی بوفعله مباشرت ایلشلردی .
 بونلر قیصری مارت آینه کی بریورطی کونی اولدیرمکه
 قرار و یروب فسادده حس اولندرق قیصره او کون سناتویه
 کتنامسی بعض طرفلردن اخطار اولندیغی حالده قیصر دیکلمه ریک
 سناتویه کتمش واوراده ارباب فساد طرفدن احاطه اولندرق
 بریسی نفیده بولان برادرینک عفوی ایچون عرضحال ویرمک
 بهانه سیله یا قلاشدرق هجوم اشارتخی ویرمسيله قیصر برزوقت
 کندیسنی مدافعه ایتمشه ده برتوسی دخی ارباب فساد ایچنده
 کورنجه « برتوس سنده می ؟ » دهرک توغاسنی باشه چکوب
 برچوق یاره لایچنده قالدیغی حالده تصادفات غریبه دن اوله رق
 پومپه بوسک هیکلی التذره ترک حیات ایلمشدر .
 قیصر نوع بشر آزه سننده ظهوری نادر نوادر دن اولسوب

قوماندان مقدمه مهندس سلکده اداره امورده قانون شناسلقدمه
مرحمت و عدالتده فماحتده حسن تحریرده علوم و فنونده
زمانتک فریدی ایدی دهاسی هر نهیه تشبث ایده جتک اولسه
برنجیلدی کنديسنه تأمین ایلدی . جمهوریتک اعاده سی قابل
اولدیغی درکار اولمغله قیصرک اتلافی لزوم سز برجنایت اولدیغی
درکار اولوب روملک مصائب حربیه یکیدن دوچار اولمندن
بشقه بر فائده سی کورلماشدر .

۶

آنتونیوس و اوقتاویانوس - صوگ محاربه داخلیه

آنتونیوس، قیصرک و صیقلنامه سی . اوقتاویانوس . چیچرونک فیلک لری .
اوقتاویانوسک سنلو ایله اتفاتی . آنتونیوسک مغلوبیتی . اوقتاویانوسک
سنلو ایله بوزشمسی . ایکنجی تریژمورات . سکستوس پومپه یوس .
برونوس و قاسیوس . قلیب محاربه سی . مائیکک تریژمورلر
یئنده تقسیم . آنتونیوس و قله ثویاترا . پروسیا محاربه سی .
بروندوزوم مقوله سی . میره نوم مصالحه سی . تارتوم اتفاتی
آغریا و سکستوس پومپه یوس ایله محاربه . لیبوسک عزلی .
آنتونیوسک محاریات و طرز حرکتی . اوقتاویانوسک حسن
اداره سی . مجددا . ایژم محاربه سی . آنتونیوس و قله ثو
باترانک و قاتی . مصر و لابی . اوقتاویانوسک رومیه
عودتی . آوغستوس .

قیصرک قاتلاری مقصدلرینی بعد الاجرا طرز حرکتلرینه
دائر برقرار ویرماش اولدق لری نتایج احوالدن استدلال اولنوب

چونکه قاریشعلقی دوام ایتمی اوزرینه اوسنه قونسلوس بولنان
 آتونوس هیچ تلاش ایتمه‌رک اداره مملکتی اله‌المش وقبصرک
 خانه‌سنه کیدوب اوراق و خزائننی خانه‌سنه نقل ایدرک یسه
 اداره قبصر طرفدارلرنده قالمشدی. براره‌لق ایکی طرف بربرلینه
 خصم صورتده قلوب قبصرک قاتلاری قایدتولیده قیامتشرسده
 مؤخرأ اولمش تمش وقعه قبول ایدیلرک فاعلاری تأدییه
 قاتلشماقی وقبصرک جنازه الایده اصولاً اجرا ایدلک اوزره
 بروتوس و قانیوس ایله مارقوس آتونوس وقبصرک سواری
 قوماندانی ایدوس آره‌لرنده برصورت تسویه قرار کیر اولمشدر.
 قبصرک جنازه الاینده آتونوس متوفلک مدایخنه دایر
 برنطق ابراد ایدرک رومانک تأمین سلامت وعظمتی ایچون بو
 قدر چالشدیغنی حالده نهایت سناتو محله‌سنده کندی نعمتیه
 پرورده اولمش آدمز طرفندن قتلنی غایت مؤثر کلمات ایله افاده
 ایش وقبصرک وصیتنامه‌سی دخی خلقه او قومشدر.

قبصر وصیتنامه‌سنده همشیره زاده‌سی اوقنایانوسی و او
 وفات ایده‌جک اولورسه قاتلردن بروتوسی کندیسنه وارث
 تعیین ایلکده بونلره مالک برقمینی و بردیگی کی اهایلی به دخی
 نیرنهری بوینده کی باغچه‌لرله ادم باشنه اوچبوز درهم انجه ترک
 ایتمکده ایدی قبصرک وصیتنامه‌سنده کوریلان شوسماحت و علو
 جنابه قارشو قاتلرینک کفران نعمتنی زیاده‌سیله حس ایدن
 اهایلی اخذ اتقام ایچون بونلرک خانه‌سنه قوششهرق بروتوس

قائوس و رفقائی شهردن فرار ایلشیر و رومانک اداره سی او
آره لقی بستون آنتونیوس التنده قالمشدر .

قیصرک و فائنده وارث و اولادلغه قبول ایلش اولدیغی
اوقتاویانوس ایلیر یاده آپولونیا اردو کا هنده ایدی اوقتاویانوس
یکرمی باشنده برکنج اولوب براز و قندر صکر آره سنده بولنه رق
کندیسنی هر کسه سودیرم شدی طبیعتی قیصر قدر صفوتلی ذکل
ایسده بوکا مقابل غایت ذکی، مدقق، هر فرصتدن استغاده به
مقندر و خصوصیه قورناز و ضبط حسبیانه و حزم و احتیاطه
زیاده سیله قادر ایدی . اوقتاویانوس قیصرک و فائنی خبر المغله
رومایه کلوب اولو چیچرون و سائر اشراف و معتبران ایله کور شهرك
انلری طرفنه جلب ایدوب حکم و صیتنامه بی قبول ایله بولیوس
چزار اوقتاویانوس اسمنی طاقمش و اهالی به ویرله جک اولان
نقودی ویره نیک ایچون بالجه اموال و املاکنی فروخت
ایدرك و صیتنامه احکامنی تماماً اجرا ایلشدر .

آنتونیوس درلو بهانه لرله قیصرک خزینه سی ضبط ایدوب
مملکتی مستبداً اداره ایتکده ایسده اوقتاویانوسک و رودی
کندیسنه قارشو برقیب میدانه چیقاردیغی کی بر طرفدن دخی
چیچرون باشده اولدیغی حالده جهوریت طرفدارلر نیک
اعتراضلرینه هدف اولدیغندن رومانن چقمغه بهانه ارا بوردی
چیچرونک آنتونیوسک اداره استبدادکارانه سی علیه نده ایراد
ایلدیکی نطقر مشهور اولوب ده مومتنک نطقرینه نسبت
بولنده فیلیک نامی ویرلمشدر .

چنانچه آلابنی متعاقب پروتوس رومیانی ترک ایدرک قیصرک
 حیاتنده تعیین ایدلمش اولدیغی غالباً والیبلکننه عزیمت ایتمش
 اولدیغندن آتونوس عسکر ایله مشار الیه آرقه سندن کیدوب
 پروتوسی موتیا قلعه سنده محاصره ایلشدی. آتونوسک رومیانی
 ترک ایتسیله اداره یته اشرافه قالدیغندن یکیدن ایکی قونسلوس
 نصب و اتونوس وطن خائنی اعلان ایدیله رک انک شهرت ذاتیه سنه
 مقابله قیصر نامنی حاز اولان او قتاویانوسده جمهوریت اردولری
 قوماندانلغنه تعیین اولمشدی. مجاربه واقعه ده آتونوس مغلوب
 اوله رق فرار ایلش و فقط ایکی قونسلوسده ترک حیات ایتمش
 اولدقردن او قتاویانوس خدمت واقعه سنه مکافاتاً کندیسنک
 قونسلوسلغنه تعیینی ایتمش و بوطلب مشار الیه ایله سناتونک
 آره لرینی بوزمشدر.

سناتونک آرتق او قتاویانوسه احتیاجی قالدیغندن انک صغر
 سنی بهانه ایدیله رک قونسلوسلغنی کمال استیضایا ایله رد ایدلمشدی.
 فقط سناتو سایه سنده براردویه و شهرت عسکریه یه نائل اولان
 کنج او قتاویانوسک دخی کسه یه مداراسی قالدیغندن مشار الیه ایله
 آتونوس وینه الپ طاغلری جوارینده عسکریه جریان احواله
 مترصد اولان لیدوس بینلرنده رومانک مشترکاً اداره سی ایچون
 اتفاق حاصل اولمش و فقط بو اتفاق برنجی تریومورات کبی
 خفی براتلاف افکاردن عبارت قالمیوب اینگلیجی تریومورات
 بر اصول مخصوصه حکومت اولق اوزره رسماً اعلان ایدلمشدر.

تریومور اردولیه رومیه دخول ایدرک دشمنینک جمله سی
 سیللا اصولی اوزره پروسپریون جدولری نشریه قتل و اتلاف
 ایتدیرلمش و دو کیلان بیچاره و معصوم قانک حد و حسابی اولیوب
 بلا سبب انواع و حشتر اجرا اولمشدر . تریومورلر برلرینک
 خاطر ایچون الک یقین اقربا و احبابلرینی فدا ایتمشلر و مثلاً
 لیدوسک برادری مقتولین میاننده قالدیغی کی اوقتاویانوسک
 سبب رفعتی اولان چیچرونده آنتونیوسک خاطر ایچون
 پروسپریون جدولنک باشنه یازلمشدر روایت کوره چیچرون
 اولدیرلرلکدن صکره سرمقطوعی آنتونیوسه کتیرلمش و تریومورلر
 زوجہ سی فواوہ خطیب مشهورک دیلنی چکه رک ایکنه بارتمشدر .
 تریومورلر ایکیشر ولایتک اداره سنی دخی کندی اوزرلرینه
 آلوب اسپانیا ایله نابونهز لیدوسه خالیار آنتونیوسه آفریقا
 ایله سیچلیا و ساردنیا اوقتاویانوسه دو شمش و عسکر ایتالیا ده اون
 سکز شهرک اراضیسی و برله رک تلطیف اولمشدر (ق ۶۶۵) .
 مع مافیه تریومورلر روما ممالکنک یالکز نصف غربیسنه
 مالک اولوب سیچلیا و ساردنیا و جزائر غربیه کاملاً قیصرک
 و قایتله سگستوس پوپه یوس الندیگمش و قیصرک و فاندن اقدم
 سوریه و ایلیکنه تعیین ایلش اولدیغی قاسیوس ولایتک اداره سنی
 درعهده ایلیکی کی ایتالیا دن فرار ایدن پروتوسده ما کدونیا بی
 اله پکیرمشدی .
 پروتوس ایله قاسیوس تریومورلرک همان شرق اوزرینه

کله جگرینی بلدکرندن عسکر و پاره طویلایه رقی حاضرلده
بولمش و فقط بونلر و بالخاصه قاسیوس پاره طویلایه ایچون
روما حیثیکارقلیه اصلاً مناسبت المز حرکانده بولنده رقی
اناطولیده اون سنه لک و یرکوی اهلیدن پشیناً تحصیل و برطاقم
یرلی کلیاً بغما ایدرک خلقی کندیلرندن صفوتمشلردی . مع مافیله
قاسیوس ذاتاً قراسوس مغلوبیننده سوریه بی محمله
قارشو محافظه ایش اولغله اورالده شهرتی زیاده او اوب بو
سایه ده یکریمی یک سواری و سکان یک پیاده دن مرکب بر
قوه جسمیه جمع ایدرک روم ایلینه یکمشلر تربؤمورلر دخی
شرقه کلدکرندن ایکی اردو آره سنده محاربه قطعیه ما کدویناده
کاش فیلی بلده سی جوارنده وقوع بولمشدر . محاربه ده آتونوس
فرقه سی قاسیوس ایله و اوقتاویوس فرقه سی بروتوس ایله
قارشولشوب اول امرده قاسیوس مغلوب اولمش و بروتوسی دشمن
ظن ایدرک کندیسنی اولدیردیکی کبی بروتوسده ابرتسی کونی
بر محاربه ایدرک مغلوب اولمش و راز صکره انتخار ایلکله عموم
شرق تربؤمورلر الله یکمشدر . (ق ۶۴۴)

بوموقیتی متعاقب مالکک تربؤمورلریننده تقسیم ایدیلوب
ایتالیا عموم ایچون مشترک بر اقلش و غالیا و اسپانیا و ایلیریا
طرفلری اوقتاویوسه آفریقا لیدوسه و ایران علیهنه محاربه ایلک
اوزره شرقه آتونوسه بر اقلمشدر .

آتونوس سوریه نك پایتختی بولنان طرسوس بلده سنه

کیدرك تداركات حریه به باشلامشدی . فقط کندیسی فوق العاده
 جسور اولغله برابر طبیعتده استعداد تکبر موجود اولوب
 اوقتاویانوس کبی صغوق قانلی اولدیغندن طرسوسده سفاهت
 ودارات و حشمته مبتلا اولمش و قیافت و طوریه اساطیر
 یونانیه دن با کوس معبودک تقلید احوالنه باشلامشدی . بو
 صرهده شرفک هر طرفندن امر او حکمداران معظم تربؤره موریه عرض
 عبودیه کلدکری کبی مصرحاکه سی قله نو پاترا دخی تکشدی .
 حسن و آن خصوصنده عصرینک فریده سی اولان بو قادین
 طرسوسه و ونوس شکننده و غایت دلربا بر معیت ایله کله درک
 و قیله قیصرک کوکلنی الدیغنی کبی بو دفعه ده آنتونیوسی اسیر
 ایتش و رومالی ایزانی و تداركات حریه سنی اونودوب
 قله نو پاترا ایله مصره کیدرك تقلیدی ناقابل یاشایش نامی ویردیکی
 زوق و صفا عالنه کیرمشدر .

اوقتاویانوس حسن اداره سیله قلوب تامه بی قزاندیغنی
 صرهده رفیقنک خلقه غایت چرکین کورینه چک برعالم معیشته
 کیرمی رومانه کی آنتونیوس طرفدارلینک نظر دقتلرینی جلب
 ایلدیکندن مومی الهک برادری و زوجہ سی فولویه کندیسی
 مصردن عودته اجبار ایچون ایتالیا ده اوقتاویانوس علمیننه
 عصیان ایشلر سده مغلوب و روسیا قله سنده محصور قالارق
 تسلیمه مجبور اولمشلردی فقط هم ایتالیا ده طرفدارانک انہزامنی
 و همدہ ارا نیرک سوریه به تجاوزاتی کورن آنتونیوس سوریه به

معاونی و نئیدوسی بر اقرارق و سکستوس پومپه ایله اتفاق ایدرک
 دو تنم ایله برونیزوم لیماننی محاصره المیش و اوقتاویانوس ایله
 محاربه ده دوام اولمیش اویلیوب تربیوم و براتک اعاده سیله عقد صلح
 اولمشدر . بو ائتلافده آتونوسک ایران ایله و اوقتاویوسک
 سکستوس پومپه ایله محاربه المیری و آفریقانکده آرتق هیتیج اهمیتتی
 قلاماش اولان لیدوسده ابقامی قرار کیر اولمشدر (ق ۶۶۲) .
 بو اتفاقک دوام و بقامی ایچون زوجه سی اخیراً وفات المیش
 اولان آتونوس اوقتاویوسک همشیره سی اولوب حقیقتاً اسکی
 روما قادنلرینک فضائل اخلاقیه سی بیکی معلومات بونایه ایله
 مزج المیش بولنان اوقتاویایی تزوج ایتمشدر .

برندیزی معاهده سنده آتوان متفق سکستوس پومپه بی فدا
 المیشده پومپه نک دو تنمسی پک قوتلی اولغله بحر سفیدی ضبط
 ورومانک ما کولات و زخاثرینی قطع ایلدیکندن انکله ده اویوشلق
 لزومی حس اولمشوب ایکی تربیومور ایله پومپه بوس میرنوم
 برونی جوارنده بولمشدرق «جلیا و ساردنیا و قورسیقه ایله
 آخایه نک پومپه بوس عهده سنده تصدیقی و بوکا مقابل پومپه بوسک
 رومایه همان زخاثر کافیه کوندرمی تخت قراره آتمشدر بو
 ائتلاف افکار ملاپسه سیله پومپه بوسک کیسنده آتونوس ایله
 اوقتاویانوسه ضیافت ویرلمش وروایتده کوره بوسره ده پومپه بوسک
 آدمزلندن یونانی منودروس کلدرک افندیسنه « کینک دمیرینی
 آلارق سزنی روما حاکمی ایده می ؟ » دیمش و پومپه ده جواباً
 « بونی بکا سونلندن یا بملدک » دهرک قبول ایتامشدر .

سکستوس پومپه ایله اشلاف چوق سورمیوب آنتونیوس آخایه ولایتی ویرمدیکندن مومی ایله بنه تعرضاته باشلامش ورو ماده اسعار تکرار بهایه چقمشدی . اوقتاویانوس بحراً بر محاربه ایچون تدا رکات ایله مشغول اولوب آنتونیوس انک مشغولیتدن انتهاز فرصت ایله اوچیوز پاره کمی ایله تاراتوم لیمانه کلشسه ده اوقتاویانوسک وکلاسدن مچمه نانک غیرتیه بنه تریئومورلک بش سنه مدته تجدد اوانسهرق اوقتاویانوسک آنتونیوسه ایران سفری ایچون یکریمی یک نفر عسکر و برمیسی و آنتونیوسک دخی پومپه یی ایله محاربه ایچون یوز یکریمی بش پاره کمی کوندرمیسی شرائطیه تآکید وفاق ایلمشدر .

آنتونیوس جهندن امین اولان اوقتاویانوس پومپه یوس اوزر بنه هجومه ایدار ایدرک قوماندانلرندن آغرییا سایه سنده موقیت تامه یه نائل اولمشدر . آغرییا اوقتاویانوسک آپولونیا اردو کاهندن چقدیغی کوندنبری یانده اولوب کمال صداقتله خدمت ایلش وزمانک ک معروف جنرالارندن معدود بولنمشدی .

آغرییا سکستوس مغلوب ایلکله مومی ایله اناتولییه فرار واوراده ترک حیات ایلش و سچلیا ایله سائر اطه لرده اوقتاویانوسک حصه سنه علاوه ایدیلهرک رومانک زخار و ما کولاتی تأمین ایدلمشدر . لیدوس دخی پومپه یه طرفدارلق کوسترش اولد یغندن اوقتاویانوس مومی ایله تریئومورلکدن عزل و بمالکنی ظبط ایدوب کندیسیده ایتالیا یه چکلش و یالکز اندجه باش کاهن ایداش اولغله اولجه یه قدر بوصفتی محافظه ایتشدر .

تاراتوم مقاوله سندن صكره آتونوس بر مدت قسه
 ئوپاتراك باندن تباعد ايدوب او قتاويابي آندهده براقه رق
 سوربه به كتمش ويرانله محاربه به چقمشدى .

اقدمجه آتونوسك قوماندانى و نئيدبوس ايرانيلى مغلوب ائديكى
 حالده بودغه آتونوس بر موقعبت مهمه به نائل اوله ميوب
 ساده ارمنستانى باشدن باشه يعنما وزارت ايدرك عودت ائلشدى
 فقط آتونوس سوربه به عودتده تمكيتنى غائب ايدرك مصره
 كتمش واسكندريه به اجراسى يالكز رومايه مخصوص اولان
 بر تريؤمف آلايله كيرهرك قله ئوپاترا ايله اسكى طرز معيشتنده
 دوامه باشلامشدر . آتونوسك بو صورته حركىتى و مؤخرأ
 او قتاويابي تطبيق ائلسى او قتاويانوسك بك زياده كوچنه كئديكى
 كى فلسطبن طرفلرئنى قله ئوپاترايه ورمىسى و وصيتنامه سنده
 عموم ولايات شرقيه بى قله ئوپاترايه وريدكى كورلسيله روما
 ليلرك دئخى زياده سيله جانلى صقلمشدى .

بو كا مقابل او قتاويانوس حسن اداره سيله عمومك شكران
 و خوشنوديسى قزائمش و سكتوس پومپه نك دفعيله بحر سفيدك
 امنيت سیرسفانئنى اعاده ائلديكى كى آلپ طاغلرئنده وليغور زياده
 هنوز نخت اطاعته آئلماش بر طاقم اقوامه دئخى غلبه ائلشدى .
 بالخاصه وزيرى بولنان مقدر و درائتلى مچهارومانك حسن
 اداره سنده و علوم و صنايعك حياه و ترقيسنه صرف غيرت
 ايدرك هر بر ممور و آبادن او ائنده و ايتاليا آثار نافع ايله
 طولقده ائدى .

اساساً آنتونیوس ایله محاربه قرار کیر اولدیغی کبی او صرعه د
تریومویرلکک بش سنه دن عبارت ارلان مدت اخیره سی دخی
نهایت بولدیغدن رسماً مصر قرا لیجه سی قله نو پاترایه اعلان
حرب اولنوب اوقتاویوسده قونسلموسلغه بالانتخاب قوماندایه
مأمور اولمشدر .

آنتونیوس قوای بریه و بحیره سیله یونانستانک شمال طرفه
کلوب اوقتاویوسده شرقه یکمیش و محاربه بره وزه کور فزی
آغزنده کائن آچتوم برونی صورلنده وقوع بولمشدر . هنوز
محاربه نیک نتیجه سی نه اولدیغی معلوم دکلی ایکن قله نو پاترا التمش
عدد حرب سفینه سیله مصره متوجهاً حرکت ایلکله آنتونیوس
دخی آنی تعقیب ایدرک فرار ایتمش و کریده قالان دونتسامی و
عسکری بر خیلی مدت محاربه دن صکره تسلیمه مجبور اولمشدر .
فقط بوسفر اوقتاویانوس عموم مغلوبینه حسن معامله ایتمش
وجله سنی عفو ایتشدر (ق ۶۵۳) .

آچتوم میدان حربیدن فرار ایدن آنتونیوس و قله نو پاترا
طوغری مصره کلشلسده اوقتاویانوسه مقاومت ایچون جدی
برتشبده بولمیدر ق شاشقنلق ایچنده وقت یکیر مشلر و ابرتسی
سنه مشار الیهده مصره یتشمشدر اوقتاویانوس مصرده ده بعض
موقیایته نائل اوله رق اول امرده برطاقم مواعید بیهه ایله قله نو
پاترایه امیده دوشور مشدی . قله نو پاترانک کندی وفاتی حقنده
نشر ایتدیردیکی خبردن زیاده سیله متأثر اولان آنتونیوس

کمرندن کندیسنی اولدیردیکی کبی قله‌ئو پاتزاده اسسیر اولمش
 وقط او قتاویانوسی قیصر ابله آتوانه یابدیغی کبی دام حبله یه
 دوشورمک قابل اولدیغنی و کندیسنک وعدلره اویالانمی محضاً
 تریئومف آلاینده بولنق اوزره رومایه کتیرمک ایچون اولدیغنی
 اکلایان قله‌ئو پاتزاده او قتاویانوس محافظه حباتی ایچون چوق
 چالشدیغی حالده ینه بر صباح یئاغنده اولو اوله رق بولنمشدر .
 بوقادینک اینجر سیتی ابله بر کویلینک کتیردیکی انکرک ییلانی
 واسطه سیله کندیسنی نسیم ایلدیکی شیوعبولمش و کندیسنی بر
 سنه دن بری انواع سمومک حیات بشر اوزرینه تأثیرینی تجربه
 ایدرک بوصورت موتی چهره یی تغیر ایلدیکنندن طولانی چله
 اولومله ترجیح ایلدیکی سولنمشدر .

اوقتاویانوس مصری برروما ولایتی حالنه قودقدن صکره
 کلی اموال غنائم و خزائنی حاملماً ابرتسی سنه رومایه عودت
 ایلش وارتنق عموم مالکک حاکمی اولمغله فوق العاده برتریومف
 آلایلله شهره کیره رک مستقلاً اداره اموره باشلامشدر .
 اوقتاویانوسک رومایه عودتیه روما ایمراطورلغی دوری باشلا-
 مقده اولدیغی کبی کندیسیده تبدیل نام ایدرک سناتو طرفندن
 وریلان اوغوستوس لقبیه معروف اولمشدر که بودورک احوالی
 وروما ایمراطورلغنک صورت تأسیس و انقلاباتی کتاب رابعده
 مشهود اوله جقدر .

دردنجی کتاب
روما ایپراطور لغی

فصل اول

دور اعتلا

آوغوستوس و خاندانی

ایمپراطور لنگ صورت ناسیسی. عساکر دائمه و ولایات. اداره مائیه .
آوغوستوسک حسن اداره سی. روما ممالکنک معموریتی. جرمانیا بحار به سی
شرق سفری. فتوحات. آوغوستوسک وفاتی. روما ایمپراطور لنگک
وسعی. آوغوستوسک اخلاقی: تیبر یوس؛ جرمانیا بحار به سی؛
تیبر یوسک مظلمی؛ قالیفولا؛ فلود؛ نرون؛ غانبا؛ اونون؛
ویتلیوس. ایمپراطور لنگ مظلم و سوء اداره لری. روما
ممالکنک احوال معنویه و احتیاجات روحانی به سی. دین
عیسویک صورت ظهور و انتشاری: حواریون؛
پاولوس. رومانک خرسبیانلقه قارشو مسلکی. کتاب
صهد جدید.

آنتونیوسک و فاندن صکره روما ممالکنده او قنایانوسه
رقابت ایده جک فرد واحد قالمغله مشار الیه روما به عودتنده
دولتک حاکم منفردی اوله رقی قالمش و او وقتدن اعتبار آرومانک
دور جمهوریتی ختام بوله رقی ایمپراطور لنگ باشلامشدر (ق ۶۵۱)

مع مافیه اوقتاو بوس حزملی و احتیاطکار بر ذات اولغله جمهوریت مؤسساستده کی قاریشقلقی بر اداره شخصییه بی جمهوریت برده می آئنده ستره کافی اولدیغنی کوردیکندن رسماً تبدیل طرز حکومته قالمیشیوب یالکز عسکرک کندوسنه و برمش اولدیغنی ایمراتور (قوماندان) عنوانیله قناعت ایلش و جمهوریت لفظاً بنه باقی قالارقی یالکز اک بیوک مأموریتلر اوقتاویانوسه توجیه ایدلمکله مملکتک قوه قانونیه و عدلیه و اجراییه می و عسکر قوماندانی مشارالیه اجتماع ایدبورمشدره . اوقتاویانوس ایمراتور صفتیله عموم روما عسکرینک قومانداسنه مالک اولوب بتون قوماندانلر کندی معاونلری عد اولنوردی . قونسلوسلق صفتیله رومانک رئیس اداره می و حکومت اجراییه رئیس بولنوردی . اخلاق عمومیه نظری نامیله چنسور انتخاب ایدلدیکندن سناتو اعضاسنی و شوایه لری عزل و نصبه و ایستدیکنه حقوق سیاسیله اعطاسنه قادردی . سناتونک اک باش اعضاسنه مخصوص اولان پرنچپس نامی کندیسنه و برملکه سناتوده اک اول بیان رایه حق اولور و بناء علیه طبیعت مصلحت ایجابی اوله رق کندی رأی تفوق ایدردی . عموم ولایاتک اداره می سناتو طرفندن اوقتاویانوسه حاله ایدلش و فضله اوله رق قید حیات شرطیله تربون نصب ایدلدیکندن هم شخصی مقدس و همنده اداره ملکیه یه مالک اولمشدی قونسلوسلق و تربونلک حسبیه چنتوریا و تربیوتا اجتماعاتک عقدی کندی رأیته منوط ایدی .

لیدوسک و قاتیلہ کنڈیسنک پونٹیفکس ماقسیوس انتخابی
ادارہ روحانیہ و مذہبیہ بی دخی اوقتاویانوسہ ویرمکلہ عموم
رومانک ادارہ سی مشارالیہ النہ یکم شد ر . مع مافید سناتو مجلسی
واہالی اجتماعری صورت لفظیہ دہ اولہرق باقی قالدیغندن
اوقتاویانوسک ادارہ سی زمانی اصل ایمپراطورلق ایلہ جهوریت
ارہ سندیہ برخط التصاق عد اولتہ بیلیر . معبودلہ مخصوص
اوصافدن اولان آوغوستوس نامی اوقتاویانوسہ سناتو طرفندن
وبرمکلہ مشارالیہ بعدما آوغوستوس نامیلہ مشهور اولوب
رومایہ دخولی تاریخی اولان آیدہ نامنہ نسبتلہ آوغوستوس
تسمیہ ایدلمشدر .

آوغوستوس حکومتی عسکریہ سندیہ قرانمش اولدیغندن دولتی
عسکر اوزرینہ استناد ایتدیرمش و اوچیوز یک نفر دن مرکب
بردائی اردو تشکیل ایدرک بونی اکثریتلہ تجاوزات خارجه دن
وقایہ لری ایجاب ایدن رو محدودیتہ رلشدیرمشدر اوغوستوسک
معیندہ بولنان خاصہ اردوسی ایسہ پر توریہ دن عسکری نامیلہ
معروف اولوب مرور زمانلہ اسف انکییز بر شہرتہ نائل اولمشدر .
اوغوستوس ولایتدن اون عددینک یعنی داخل مالکدہ
اولوب دوچار تجاوز اولوق قورقوسی بولنمیانرک ادارہ سی
سناتو مجلسنہ ترک ایدوب متباقی ولایات حدودیہ بی طوغریدن
طوغریہ کندی تعیین ایتدیکی والیلرلہ ادارہ ایتدیرمشدی .
سناتو ولایتنک ادارہ مالیہ سی سناتویہ و ایمپراطور

ولایاتك و اردات و مصارفاتی دخی ایپراطوره عاڈ ایدی مع
 مافیہ اوغوستوس سناتو ولایاتی خزینہ سندن ایستدییکی قدر
 صرفیات اجراسنه مأذون ایدی . روماده ایپراطور لفسك
 مؤسسای اولان اوغوستوس حسن اداره خصوصنده ایپراطور لرك
 همان جله سنه تقدم ایلكده در . اوغوستوس رومایه عودتیله
 برابر عفو عمومی اعلان ایدوب حرکات سابقه و افکار سیاسیہ
 لرندن طولانی کسب بی مؤآخذہ ایلماش و عفو و مرحمتی چوق
 ایلو کتوروب حتی حیاته سوه قصد ایچون جمعیت فسادیه
 تشکیل ایدن چنابای تلطف و بیوک مأموریتله اصماد بیله
 ایلمشدر فرق درت سنه دن عبارت اولان مدت سلطنتنده روما
 اھالیسی راحت و آسایش اوزره امرار عمر ایدرک عموم ممالکک
 مہموریت و سعادت ترقی ایلمش ، بحر سفیدہ تجارت ارتمش و هر
 طرف اثار نافعہ ، بولار ، صـ و کزلی و تیاترول ایله دونامش
 و اوغوستوس کندی تعبیری و جھله طوغله دن یاپلمش بولدیغی
 رومیایی مردمین یاپلمش اوله رقی براقشدر . و کلادن مشهور
 مچہ نانک حایہ معارف پروریسی سایه سنده آوغوستوس دوری
 رومانک علوم و ادبیاتچہ دخی الك پارلاق زمانی اولمشدر .

آوغوستوس آسایش پرور بر حکمدار اولوب رومیایه ورودنده
 اثنای حریدہ آچلمسی معتاد اولان یانوس معبدینی قیامش و روما
 ممالکینی نعمت آسایشدن مستفید ایلمک املنده بولنمشدی . بونکله
 برابر مشارالیه محضاً روما حدودینی تأمین ایچون بعض محاربات

اجراسنه مجبور اولمشدر . اول امرده ليغوريه و آستوربه ده
يعنى آلپ و پيرنه جبالك الك منبع جهتلرنده بولنوب هنوز
رومايه مطيع اولميان قبئلى تخت اطاعته المش و قراسوس
مغلوبيتك انتقامنى المق اوزره اسيايه پكدرك شاه ايران فرهادك
قراسوسدن النان باراقلى اعادهيه مسارعت كوسترمى
اوزربنه بلبحاره عودت الملشدر . بودورك الك مهم بحاربه لرى
جرمانيه ده و قوعولمشدر . جرمانيه باربار اقوامك قوم كبي
قيناديغى برير اولوب روما حدودى دائما اوجهندن تهلكه ده
اولغله اوكى اوغللى تيربوس و دروزوس ايله اوكى طورونى
كر مانيقوس اوجهته اعزام اولنوب طونه ورن طرفلرنده برخيلى
پرلى ضبط ايله المانيا ايجروسنه قدر كير مشلر و ايمپراطورلغه
طونه ورن حدود طبيعيه سنى قزاندير مشلدر فقط اوصره ده
مار قومان نام جرمان قبيله سنك رئيسى مار بود اداره سنده بو
همياده بريوك دولت تشكل الملش و واروس قومانداسنده اولان
اويج جئونك كروش قومى رئيسى كنج هرمان طرفندن
توتورغ اورمانسده بو صويه دوشير بهرك محوى رومانك
بو حدودى پكه ماسنه سبب اولمشدر .

اوغوستوس بيش بش ياشنه قدر برحيات اولوب الك زياده
سوديكى اقرباسنى بربر ضابع الملشدر منفرد قزى بولنسان
بولياني سؤ اخلاقندن ناشى نقيه مجبور اولديغى كبي حفيدلرندن
اولادلغه قبول ايلديكى وارثلىرى دخی وفات ايدرك ختام عمرنده

ایمپراطور پیچید لیونا دروزانک اوغلی و کندیسنک اوکی اوغلی
 تیر یوسله دیکر اوکی اوغلی دروزوسک اوغلی کرمانیقوسدن
 بشقه کسه قالمغله تیر یوسی کندیسنه وارث تعیین ائیش
 وانکده کرمانیقوسی وارث ایتمسنی شرط قومشدرد. ذاتا هر کس
 وراثت سلطنته الشغه باشلادیغندندها حال حیاتنده قونسلوسلق
 عنوانیله سلطنته تشریک ایلدیکی تیر یوس اوغستوسک
 وفاتنده بلا مخالفت ایمراطورلق مقامنه چیقارلمشدر. ایلروده
 بیان ایدیلجه جکی وجهله روما ادبیات و معارفی اشبو آسایش
 پرور حکمدار زماننده اوج کاله واصل اولغله بو عصر
 اوغوستوس عصری تسمیه سنه مظهر اولمشدر. اوغوستوسک
 جلوسنده یکریمدن عبارت اولان روما ولایاتی وفاتنده یکریمی
 طقوزه بالغ اولوب بونلرک خارجنده اولان ایتالیا ده اون بر
 قسمه ایرلشدی. روما ایمراطورلغنک اشبو تقسیماتی بوجه
 آتی بیان ایدیلور:

ایتالیا: (۱) لاجئوم و قامپانیا (۲) آپولیه و قالابرا (۳)
 لوقانیه و بروتیوم (۴) مارس فرنتان ساین و سامنینتر مملکتی (۵)
 پیچیده نوم (۶) اومبریا (۷) اتروریه (۸) امیلیا (۹) لیغوریا
 (۱۰) ونهسیا و استریا (۱۱) غالیترانز الیدنا.

سناو ولایاتی: (۱) سچلیا (۲) ساردنیا و قورسیقا (۳) دالماسیا
 (۴) بهتیقا (دالماسیانک شمالنده) (۵) ماکدونیا (۶) آخایه و اپیروس
 (۷) کرید و سیره نایک (۸) آسیا (۹) بیدنیا (۱۰) آفریقا.

ایمپراطور ولایات قدیمه سی (۱) لوزیتانیا (اسپانیاده)
 (۲) تاررافونس (کذا) (۳) آکتانیا (غالباده) (۴) لوغدونهزیا
 (کذا) (۵) بلجیقا (کذا) (۶) ناربونهز (کذا) (۷) قبریس
 (۸) سوریه و فنیکه (۹) کیلیکیا (۱۰) مصر (اطنه جمہتری) .
 ولایات جدیدہ (۱) ایکی جرمانیا ولایتی (جرمانیا
 سوپرور و جرمانیا ہنترپور) (۳) بحری آلپ (لیغوریا) (۴) برہ
 چیاوونده لیجیا (۵) لوریکا (باویرا جمہتری) (۶) پانونیا (تیرول
 طرفری) (۷) مہزیا (مجارستان و اوستریانک بر قسمی) (۸)
 خالاتیا و لیقاونیا (بلغارستان صربستان) (۹) پامیلیا و کیلیکیا .

مؤخرآ آوغستوس دالماجیائی کندیسی آلارق انک برینہ
 قبریس و ناربونهز ولایاتی سناتیوہ و برمشدی بومالک وسیعہ
 داخلندہ بعض حکومت مستقلہ دخی واردی تشکیم آلب
 قوتین جبالندہ برکوچک حکومت موجود اولدیغی کبی
 اوروپادہ تراکیا آسیای صغرادہ قاپادوکیا و پونت سوربہدہ
 تدمر و یہودیہ و آفریقادہ نومدیا حکومتلی روما جایہ سندہ
 اولہرق ملی حکمدارلرینی محافظہ ایشلردی . بعض شہرلردہ
 ادارہ مخصوصہ یہ مالک بولنورلردی .

بومالک جسیمنک حکمدارلغنه نائل اولان تیرپوس (ق
 ۶۰۸-۵۸۵) اول امرده ممالکی حسن اداره ایدرک آوغو .
 ستوس کبی بساطت و سادگی اوزرہ امرارعر انش و برادر
 زادہ سی کرمایقوسی جرمانیا یہ کوندرہ رک توربورغ وقعہ سنک

انتقامی بیه آنشدی فقط تیربوس کرمانیقوسک قزاندیغی شهرته حسد ایدرک مشارالیهی آسیابه کوندرمش و کرمانیقوس اوراده دخی حسن خدمتله ایران غائله سنی دفعه و آسیا امورینی تنظیمه موفق اولمشدهده رومایه دونه میوب بولده وفات ایشدر تیربوسک کرمانیقوسی آسیا والیسی بیزون واسطه سیله تسمیم ایتدردیکی مرویدر. تیربوس اختیارلدیغه اخلاق بوزیلوب پره توربهن عسکری قوماندانی سیان اسمنده بر خبیثه قایلهرق مناسب سزاکرده بولمغه باشلامش و سیان امپراطورلغه نائل اولق ایچون تیربوسک اوغلنی زهرملکه بونی خبر آنان تیربوس بسبتون طریق ظلم و اعتسافه صاپارق برنجی درجهده ظالم صرهنه چکمه کسب استحقاق ایشدر.

کرمانیقوسک اوغلی اولوب تیربوسه خلف اولان (ق ۵۸۱-۵۸۵) قالیغولا اولاراز حسن اداره ایدوب دوچار اولدیغی خسته لادن صکره اکلاشیلان عقلنه راز خفت کتیرملکه حیوان وحشی کبی هر طرفه صالدرمغه باشلامش و مالربنی ضبط ایچون اولدیرتدیکی ادملر حد و حسابی طاشمشدر نهایت الک بوسک مدار تأسفی بر اورشده کسمک ایچون روما اهلایسنک بونی بر اولدیغی خصوصی اولان بو ظالم پره توربهن ضابطانندن چره عاس طرفندن اتلاف اولنوب براره لقی جمهوریتک اعاده می تصور ایدلمشدهده جلوس هدیه سی المغه الشمس اولان عسکر کرمانیقوسک برادری اولوب الی یاشنه قدرخانه سنده اونودلمش قالمش اولان ضعیف و علیل فلاودیئوسی امپراطورلق مقامنه چیقارمشلردر.

قلاودیئوس (۵۸۱-۵۶۸) ضعیف العقل برادم اولمغله اداره زوجہ سی مسالینا ابہ ازاد ایدلمش کولہ لک النده قلمشدر . بودورده ایدلمک رذالت قالیوب قلاودیئوس پیتاغور اسمندہ بریونانی کولہ سنی تزوج درجہ سنده رذالت کوسترمش و ایمپرا . طور یچہ مسالینا دہ معیت ضابطانندن بریسیلہ رسماً ازدواج ایتشدر . قلاودیئوس مسالینایی اولدیرتدکن صکرہ همشیرہ سنک قزی اغریینایی الارق بئہ در او ادبمزلکلرا اجرا ایدلمش و پیدرپی ارتان مظالمی جنت درجہ سنی بولمشدر .

مع مافیہ بودورده افریضادہ نومیدیا روما ولایتی حالنہ قونلش و اوروپادہدہ بریتانیا جزیرہ سنک اسقوچیایہ قدر قسمی ضبط اولنمشدر .

قلاودیئوسدن صکرہ اغریینادن اولان اوغلی زون ایمپراطور اولمشدر (۵۶۸-۵۵۴) زون زمانک ال بیوک فیلسوفی اولان سنہ قانک تربیہ کردہ می اولوب اوج درت سنہ مدت پک کوزل اداره ایتمش و برجانی نک اعدام حکمنی امضا ایدہ جکی صرہدہ کاشکی یازی بیلماش اولہ ایدم دیہ جک قدر مرحمت کوسترمش ایکن صکرہ لری برطاقم ارذلی رفاقندہ قبول ایدرک بریتانیقوسی و والدہ سنی و زوجہ سنی اولدیرمش و ایتدیکی مصارف مجنونانہ یہ پارہ پتشدیرمک ایچون عموم رومالیلرک جان و مال لری مباح کورمکہ باشلامشدر زون ال زیادہ موسیقی و تیاترو اویونلری تہ مراق ایدرک بالذات کندیسیدہ اویونچی صفتیلہ

تیاژوره کیر و خلقک مجبوری اولان القشلیله افتخار ایدردی
 حتی بو بولده کی هنزینی دهایی تقدیر ایدرلر امیدله یونانستانه
 کیدرک اورانده اجرای لعبیات انلش و مظهر اولدیغی القشله
 مکافاتاً یونانلرک سربستیسینی اعلان ایتشدی . بو مخلوق عجیبه
 اطاعت کو سترمکدن هر کس بیزار اولمغله عسکر طرفندن قوما
 ندانلردن اختیار غالباً ایمراتور انتخاب ایدلمش و ناچار قالان نرون
 « یازق دنیا ماهر بر او یونجی غائب ایدبور » دهرک انتخاز انلشدر .
 نرونک و قاتیه روماده انشالسنز برفرت دوری کشاد
 اولمشدر . عسکره وعد اولنسان جلوس هدیه سنی و یرمیان
 غالباً سکر ای مرورنده اعدام اولنوب پره توریان عسکری
 طرفندن ایمراتوراق مزایدیه چیقاریله رق روما سفاسندن
 اوتونک زیاده ارتدرمقله ایمراتور و قیصر اعلان اولمشدر .
 ایمراتورلغک عسکر انده بر باز بجه حکمنه کیرمیسی اوزرینه
 رن اردوسی قوماندانی و تلبیوسی و سوربه اردوسی ده کندی
 قوماندانی و سپاسیانوسی ایمراتور اعلان انلشدر . و تلبیوس
 اولجه رومیله بقیشوب اوتونی خلغ و اتلاف ایدرک ایمراتور
 اولمشده اوده و سپاسیانوس طرفندن اتلاف ایدلمش و بوسورته
 روما ایمراتورلغی سوربه اردوسی قوماندانی و سپاسیانوس
 عهد سنده تقرر انلشدر . (ق ۵۵۳) و سپاسیانوس فلاوی
 خاندانک . و سسی اولوب روما ایمراتورلغکک پارلاق زمانی
 انک جلوسیه کشاد اولمشدر .

اوغستوسک و قاتندن و سپاسیانوسک جلوسنه قدر روماده کوریلان سوء اداره تاریخ عالمده امثالی نادر شیلردندر . امپرا . طورلرک اخلاقسزلقلمی و سفاهتلینه حدونهایت اولیوب کرک معیت ادملینه و کرک غلادیاتور اویونلری کبی اکلنجهره پاره یتشدریمک ایچون ایدیلان مظالم و اعتساقاتک حسابی یوقدی . اصحاب ژوتدن فردواحدک جان و مالی امین اولدیغی کبی اهلیدن آنان اغرویر کولرده هر در او صبر و تحمل دائره سنی طاشیره جق درجه یه کلمشدی . بالخاصه عوام ناس و اسرافینقی بو حالدن کز یزاده متضرر اولقده ایدیلر اسرا سفیه افندیلرینه پاره یتشدریمک ایچون کچه کوندوز چالشقمدن بشقه بیکلرجه اوله رقی غلادیاتور اویونلرینه کیررلر و بو نلرک سکرکات موتلیبنی و قانلرینک دوکلدیکنی کورن رومالیر انجیق اکنه بیلرلردی بیچارکانه ایدیلان بو ظلم و وحشت حقیقتاً نادر الامثال بر صورت کسب اینلشدی .

خلفقک بو مظالمه تحملنی تسهیل ایده جک قوتلی بر استادگاه معنوی به زوم اولدیغی حالده بونک هنوز وجودی یوقدی . انسان ایچون الک بونک سعادتق حظوظات بشریه و نفسانیه نک اسعافنده و صفای مادیده کوسترن تپیرست مذاهب اسرا و فقرایه تسلیت و ریجی احکامی محتوی اولقی شویله طورسون بو کبی اسافل نامی حایه سنه المقده بله نزل انگزدی . ایشته بو جهته حامیمزلره جناب حق حایه کوسترن و بودنیاده اذا وجفا کورنلره اخرتده

سعادت سرمدیه و عدایدن دین عیسوی نیک ظهوری بواجتیا
معنوی به موافق کلدیکندن دین جدید فوق المأمول بررغبته
مظهر اولمشدر .

حضرت عیسی علیه السلام اوغستوسک وفاتندن اون درت
سنه مقدم بیت الحمدیه تولد انبشدر و تیر یوسک اون بشنجی
سنه سنده اجرای وظائف رسالته باشلامشدری . ه بتم حکومت
بودنیاده دکادر ه و ه اللهه عائد اولانی اللهه و بریکز قیصره
عائد اولانی قیصره و بریکز ه بولنده کی افاداتی مذهب جدیدک
سیاسیاته هیچ مناسبتی اولدیغنی کوسترمکنده و بودنیاده جور
واذا کورنلرک آخرته نائل سعادت اوله جعفری ، انسانک بر
یناغنه طوقات اوریلورسه اوبریناغنیده چورمک لازم اولدیغنی ،
دشمنی سومک هر درلو ظلمه تحمل انلک وجوبی کبی متذللاته
برطاقم اخلاقک ترویجی بولنده کی احکامده مذهب جدیداربابندن
احوال سیاسیبه جه تهلکه ظهور ایده میه چکنی میدانه قومده
ایندی مع مافیله بنی اسرائیل متعصبلیری و فرسائیلر احکام عیسویه بی
کنسیدی تحکم تعصبکارانه لریسه مغایر کوره رک حضرت عیسی
علیه السلامی فساد الله اتهام انبشدر وصلیه کریله رک اعدای
ایچون روما دولتی مأموری پیلاتوسک امرینی دخی استخصال
ایلدکلرندن مجیزه معراجک وقوعیله حضرت عیسی علیه السلام
قومی میانندن نایب اولمشدر .

حضرت عیسی نیک عروجندن صکره اون ایکی نفردن

مرکب اولان حواریون یعنی رفقاسی اطرافه یایله رقی دین عیسوی بی
 نشر ایلش و انترک نشر یایله اساساً مذهب موسونک اصلاح
 ایدلمش برصورتی اولقی اوزره میدانه چیقان عیسویت بر دین
 مخصوص صورتیه کیرمشدر بالخاصه حواریوندن پطرس رومیایه
 قدر کیدرک نشر دینه چالشمش وزمان عیسی دن صکره خرسیتیان
 اولان پاولوس ایسه خرسیتیان دینک انک پیوک آدمی اولوب
 یونانیلر و اناتولی اقوامی آره سنده افکار مذهبییه تک نشرینه
 پک چوق خدمتی اولمشدر.

روما اول امرده خرسیتیانلغ انشارینه مداخله نظامشده ده
 پیدرپی آرتان عیسویونک رومالیلرجه مراسم و طنپوریدن عد
 اولنان نشریفات مذهبییه عدم اشتراکری، ایپراطورک رئیس
 روحانیسی بولندیغی روما مذهبییه حرمتسزلکری و بالخصوص
 آره لنده قوتلی رابطه اخوت وجوده کتیره رک سلسله
 مراتب روحانییه تشکیلیله عادتاً بر جمعیت خفییه حالنی کسب
 ایتمسری یواش یواش رومانک نظر شبهه سنی بو طرفه جلب
 ایدوردی. بوشهات مترایده نتیجه سی اوله رقی ایپراطور زون
 رومیایه کلمش اولان پاولوس و پطرسی اعدام ایدریدیکی
 کبی عموم خرسیتیانلر حقنده ده قتل عام امر ایلشدر. زون
 زماندن اعتباراً خرسیتیانلر روما قوانینی نظرنده برجنایت
 عظیمه عد ایدیلرک آره صره قتل عاملر امر ایدلمش و حکومتنک
 ظلی آرتدیجه مذهب جدیده خلقک رغبتیده آرتازق یواش یواش

عیسویونک مقداری بنپرسستره فائق اوله جق قدر چوغالمش
وقسطنطین زماننده دین عیسویونک ایمراطورلق مذهب رسمییی
اولوق اوزره قبولنه ده مجبوریته حاصل اولمشدر .

حواریوندن ماتیاس وسن ژان ایله انلرک اخلافندن لوقا
ومار قوس نام ذوانک حیات و نصایح حضرت عیسی به دائر یازدقلری
درت انجیل ایله حواریونک اجرا آتیه دائر اعمال رسال نام کتاب
و حواریونک هدایتیه دعوت ایلدکاری اقوامه یازدقلری مکتوبلر
وسن ژانک آبو قالیس نام رساله مخیلاتی (وحی یوحنا) خرسقیانلرک
کتب مقدسه سی اولان کتاب عهد جدیدی وجوده کتیر مشدر .

۲

فلاویلر

وسپاسیانوس . صورت اداره سی . غالبه عصیانی . قدس شریفک
تخریبی . تیتوس . و دزوک طقیانی . دو مچیپانوس . بریتانیا قعی . دو مچیپانوس .
نوسک سوء اداره سی وانلاق .

وسپاسیانوس کبار و اشراف صنفنه منسوب اولیبوب
انا طولیده مستخدم بر وبرکو تحصیلدارینک اوغلی ایسه ده اوله
بر عصر ارتکاب و ارتشاده آسیای صغرا ده کی بلادک صاحب
ناموس تحصیلداره ، عباره سنی حاوی اوله رق پدرینک هیکنلی رکز
ایلمش اولملری بیوک بر نجات برینی طو تا بیلیردی . و سپاسیانوس سلت

سکری به دخولندبری کمال شرف ایله ایفای خدمت ایلش
 و آفریقا و ایلکنده بولندیغی مدت عفت و استقامت ایله کسب
 شهرت ایدوب مأموریتندن قیر اوله رق عودت ایلشدی .
 استحصالی همیشه ایچون تجارتله اشتغال ایلدیکنندن قاطرچی
 لقبی بیه قزانمشدی . و سپاسیانوس و تلبیوسک مغلوبیتی اوزر-
 نه و آفریقا و لایاتنی بعدالتأمین رومیله کیدرک ایمپراطور
 انتخاب اولمش و اون سنه مدت (۵۳۵-۵۴۳) کمال معدلت
 ایله اداره امور ایلشدر .

حکمدار مشارالیه زماننده روما ممالکی نعم آسایش
 و معدلتدن مستفید اولمش ، آغر اولان ویرکولر عفو ایلش ،
 صرفیات حد معقوله ایتدیرله رک خزینه دولت طولغه باشلا-
 مش ، سناتو اعضاسندن و اشراقدن نامناسب حرکاتده بولنانلر
 برر صورتله جزالندیرلمش و الحاصل اهالی ازهر جهت بر حسن
 اداره کورمکه موفق اولمشدر . و سپاسیانوس دشمنلرینه بیه
 معدلتله معامله ایدوب شهه سنه اویارق اصلا ظلم و اعتسافده
 بولنماشدر . اشعارات نجومیده نظرأ ایمپراطور اوله جفی
 سویلنیلان برادری « ایمپراطور اولدیغی وقت بنی در خاطر ایتسون »
 دیرک قونسلوسلغه تعیین ایلشدر . و سپاسیانوس قایدتول معبد
 محترقنی بیکدن انشا ایتدیردیکی کبی صلح و آسایش نامنه بر معبدله
 هم کتبخانه و همده محل تدریسات اولوق اوزره حالا جالب
 انظار حیرت اولان قولیزره بنای جیمینی انشا ایتدیرمشدر .

وسپاسیانوس آسایش پرور اولمغله برابر زماننده ایکی بیوک
 محاربه وقوع بولمشدرکه بری غایبه و دیگرکی سوریه ده در .
 ایپراطورلق تشوشات داخلیه سی ملبسه سیله غایبه
 حدود شمالیه سنده باتار و قومی رومی سیویلیس رومیله تجاوز
 ایلدیکی کبی اکا استناداً ساینوس اداره سنده اوله رقی غایبه ده ده
 بریوک عصیان چبقارق روما اردولری دفعاتله مغلوب اولمش
 وعاد تارومانک امنیت تهید اولمغه باشلامشدی فقط وسپاسیانوس
 قوماندانلردن چره آلیس سیویلیسی مغلوب ایدرک باتاولری
 اطاعت اجبار ایلنکله غایبه عصیانده مندفع اولمشدر .

سوریه ده ده برمدت رومیله اطاعت کوسترن یهودیلر صوک
 راستنلال تشبشی اولقی اوزره قیام ایللمشدردی . وسپاسیانوس
 اورایه ده کندی اوغلی تیتوسی مأمور ایدوب هر نقدر یهودیلر
 حقیقتاً فوق العاده شجاعتله مدافعه ایللمشده قدس شریف
 ضبط ونخریب ایدلمش وملت مغلوبه دنیانک هر طرفه طاغیدلمقله
 اوکوندن بری بردها قوم اسرائیل بریده اجتماعه موفق
 اوله مامشدر . بومحاربه ده لاقول برملیرن یوزبیک یهودی تلف
 اولدیغی حساب ایدلمشدر .

کجلیکنده بعض مساوی استعدادی کوسترن تیتوس پدرینک
 مقامنه یکدیکی وقت حسن اداره ده اقتدار خارق العاده کوستر
 مشدر . بودورده بریوک حریق وقوع بولدیغی کبی وهزو
 وولقانی دخی آچیله رقی جوارده کی بومپه بی وهر قولانوم

شهر لرینی کاملاً کول التنده بر اقسدر . تخت الارض مدفون
 قلان بوشهرلر زمانمزه ميدانه چيقاريلوب رومايه دائر قيمتدار
 معلومات و بر مکده در . تیتوس يانکز ايکي سنه اداره ايدوب
 فخر البشر عنوانی قزائمش و وفاتسنده برادری دومیچیانوس
 امپراطور اولمشدر .

دومیچیانوس (۵۴۱ - ۵۲۶) دورنده شمديکی ترانسلووانيه
 و رومانيا جهتلرنده ساکن اولان داکياليرله بر محاربه ايديله رک
 غلبه ايدمش و وسپاسيانوسک قوماندانلرندن چره آيس و اکا
 خلف اولان اولان اغريقه ولانک همته لريله بر تانيا اطه سنک
 اسقوجيا شواحق جبالنه قدر قسمی تماماً فتح و تخت انضباطه
 ادخال ايديله رک از وقتده روما مدنیتی اورارده انتشار ايلمشدی .
 فقط دومیچیانوسه بر محافظه نفس مراقی کله رک هر کسدن شبهه يه
 باشلامقه قالغولا و زون کونلری بنه کورلمکه باشلامش و کنديسنی
 رأس حکومتده طوتمقی اوزره واقع اولان حرکات و مظالمی
 هر کسی بيزار ايلديکندن روما هيئت اداره سی اتفاقيه اتلاف
 و اعدام ايدلمش و برينه قونسلوسلقده بولتمش اولان يتمش ياشنده
 نروا چيقاريله رقی فلاوی خاندانی برينه مشهور اتونين خاندانی
 قائم اولمشدر .

آنتونینلر

تراوا، ترايانوس : حسن اداره سی وندابیر داخلیه سی ؛ داکیانک فعی ؛
 ایران سفری . آدریانوس ؛ مسلک صلحبر ورائه سی ؛ اداره داخلیه ؛
 طرز حکومتده کی تعدیلات ؛ صوگ بهودی عصبانی ؛ آنتونین ؛
 مارق اورل، قومودوس .

زوانک جلوسیه مقام حکومته یکن انتونین سلاله سی
 زمانی روما ایمپراطورلغنک اک شوکتلی وقتی اولوب بودور
 نوع بشرک بختیارلقی زمانی تسمیه سنه مظهر اولمشدر .
 زوا (۵۲۶ - ۵۲۴) سن اولمقله برابر پک کوزل اداره
 ایدرک عدل ومرتله اک عادل حکمدارلر صره سنه یکمشدر .
 حتی سناتو اعضاسندن کسه بی اولدیرتیمه جکنه بین ایلدیکنندن
 کندی حیاته سو قصد ایدن بر سناتوری بیله عفو اولمشدی .
 زوانک کندیسنه وارث و خلف ایتدیکی رن
 اردوسی قوماندانی ترايانوس جسامت واستقامت وصفوت
 اخلاقیه عمومک حسن توجهنی جلبه موفق اولمشدی . کندیسی
 عن اصل اسپانیول اولمقله روماده برنجی اجنبی ایمپراطوردر
 وایمپراطورلرک اک مشهورلرندندر . ترايانوس حقیقتاً قهرمان

بر حکمدار اولوب ایمپراطور اولدیغی زمان همان رومیله
 کلیمه رک ایکی سنه قدر رن اردولرنده شدتله اعاده انتظام
 و صکره پایتخته عزمتله ذوجه سی پلوتینله برابر یالکز باشلرینه
 ویایا اوله رقی سرایه کیرمشدر . مظالم و تعدیات شویله طورسون
 شبهه بیله خاطرندن یکمزدی . بر سناتورک کندیسنه سو قصد
 نیتنده اولدیغنی سونلرله مومی الیهک خانه سنه کیدرک برلکده
 طعام ایتمش و صکره بونی اخبار ایدنلره « اکرینی اولدیرمک
 ایستسه بیدی دون پایایردی » دیمشدر . ترایانوس « ایمپراطورلرک
 بکا نصل معامله ایتمزینی ایسترسه م بنده هر کسه اوله معامله ده
 بولمقی ایسترم » دیرایدی . سناتورک حقوقنه رعایتی دخی چوق
 ایدی . ترایانوس ایالیانک ازدیاد معموریتی ایچ-ون یوللر صو
 کرلری و لیمائلر انشامی و زراعتک تشویقی یولنده پک چوق
 تدابیر نافعده بولتمش و ملتله کرچکدن باباق ایتمشدر . رومیله
 رکز ایدیردیکی و نامنه منسوب جسم ستون مشار الیهک اجراآت
 و فتوحاتی حاکی تصاویر ایله مالیدر .

ترایانوس فتوحاتی چوق سور بر حکمدار اولوب دا کیایه
 ایکی دفعه سفر ایدرک قطع مذکورده بی ضبط ایله روما ولایتی
 حالنه قومشدر دا کیایه برچوق رومیله مهاجرلر کیدرک اوراسی
 حالالاتین جنسنه منسوب مالکدن اوله رقی (رومانیا و ترانسلووانیه)
 قالمشدر . ترایانوس اشکانیان سلاله سندن خسروک مساعیسیله
 ارمنستان و سوریه یه مستولی اولان ایران دولته ده سفروغلبه

ایدوب از منده تائی و الجزیره نك بر قسمتی روما ولایتی حالته
 قومش و بصره کور فزی طرفزیه طوغری کیدوب جزیره
 العربک بر جزئی بیله ضبط ایلشدن . ترایانوس اسکندر کبی
 هندستان فتحه کیتمنه سنی مساعد اولدیغنه نکران ایکن مرض
 موتی کلکله وارث تعیین ایلکمزین کیلکیانده وفات ایتمش و فقط
 زوجه سی سوریه اردوسی قوماندانی اولوب متوفی نك افراسندن
 اولان آدریانوسک وارث لکه قبول اولدیغنی ادجالدرک مشار الیهی
 ایمپراطور لغه چیقارمشدر .

آدریانوس (۵۰۵ - ۴۸۴) اقدجه مهارت حریده سیله کسب
 شهرت ایلشدهده حکمدار اولدقدن صکره محاربات هوسنده
 بولنیوب آسایشپروانه بر مسلك التزام ایلش و اجرا آتی قیصری
 خاطر لره کتیرن ترایانوسک آوغس توسی مقامنه یکممشدر .
 آدریانوس ایمپراطور لغک بعدما لزومسز محارباتله اوغراشمامسی
 ایچون سلفنک فتوحات شرقیه سندن بر قسمتی ترک ایلش و الجزیره
 طرفنی یته ایرانه بر اقوب ارمنستاندهده اداره ملییه تشکیل ایلشدن
 آدریانوس زماننده آسیا و آفریقا و قبریسه کی یهودیلر بیسوک بر
 عصیان دها چیقارمقله یوقوم بسبتون وطنلندن جدا ایلش
 وساده یهودیه ده بشیوز سکسان یک نفوس مقداری تلف اولمشدر .
 آدریانوس نظر دقتنی بسبتون ولایاته حصر ایلش و اونبرسنه
 ظرفنده اکثر ماشیاً عموم ولایاتی طولاشوب مسعودیت و رفاه
 اهلینک استکمالنه چالشمشدر . معدتجه امثالنه بیله تفوق ایتشدی

ایمپراطور لغی وقتنده بردشمنه راست کلهرک «اشته شمدی
قورتلدک» دیدیکی مشهوردر آدریانوس ممالکک هر طرفنده
آثار نافعده وجوده کتیرمش و پک چوق انشآت جسمیدی تعمیر
واحیا ایلشدر.

بونکله برابر مشارالیه عسکرک مکملیت وانتظامنده دقت
ایدرک اطاعت عسکریه بی غایت صبیق طوتمش و کندیسیده اک
عادی نفرکی بالجمله مشاقه تحمل ایدرک اردویی دائماً مانورالر
وتعلیملرله اشغال ایلشدر حاضر اول جنکه اکر ایستر ایسهک
صلح وصلاح قاعده سی آدریانوسک اصل مسلکی ایدی آدریانوس
بهدما حکمدارانک اسکیری قدر اعتسافنده بونده ماملری ایچون
اداره دولت حقنده قانونلر یایدیردیغی کبی بر مسخره لاق حالنه
کیرن بعض جمهوریت خدماننی قالدبره رق ایمپراطور لغی دها
منتظم بر صورته قومشدر. سناتو مجلسنی قانون یایق حقندن محروم
براقه رق قوانین تنظیم ایچون علمای حقوقدن مرکب بر مجلس
تشکیل ایلش و بونلردن یوایانوس واسطه سیله اووقته قدر پک
زیاده قارشمش اولان روما قوانینی واحکام حقوقیه سنی جمع
وبر دستور شکلنه قوبه رق امرنامه مؤید Edit perpetuel
نامیله نشر ایلشدر.

آدریانوسک اولادی اولماغله نیم شهرلی اتوینوسی ولیعهد
انتخاب ایلش وانک یکریمی اوج سنه (۲۸۴ - ۳۱۱) مدت
سلطنتنده روما ممالکی کمال اسایش وسعادت ایچنده امرار وقت

ایدوب کندیسته «نوع بشرک پدری» اسمی ویرلمشدر آنتونینوس
رومانک نوس. یغ ممالک ایلسنی هیچ ارامیوب ساده حدودک
محافظه سنه باقیس وار. نستانه قرال تعیین ایده جک قدر قدرت
واقنداره مالک اولمشدر فقط اسلافی قدر عسکرک نظامنه اهمیت
ویرمدیکنندن بونک تالیج وخیه سی صکره کورلمشدر. آنتونین
«بررندک ثروقی سعادت عمویه دره» دیر ایدی.

آنتونین صکره اولادلی مارقوس اوره لئوس (۴۶۱ -
۴۶۲) ایمراتور اولمش و اوده از وقت صکره دامادی اوچؤس
وهرومی اوغستوس نامیله حکومته تشریک ایلشدر. مارقوس
اوره لئوس اساسپورور و محب معارف و حکمت بر حکمدار ایسه ده
زمانی تکمیل محاربات ایچنده یکمشدر. اوصره ده برچوق جرمانیا
اقوامی حرکت ایدرک هر طرفدن روما ممالکنه هجوم ایلدکلرندن
مشار ایله حدودی بونزه قارشو مدافعه ایچون فوق العاده
غیرت و مهارت کوس. ترمش و بوش و قتلزنده دخی رواقیون
مسلك فلسفیسینک احکام اساسیه سی حاوی کندی کندیسه
عنوانلی اثرینی یازارق بونکله فیلسوف عنواننی قزانمشدر.
امر اسندن قاسیوس سوریه ده بر بونک عصیان چیقار مغله بالذات
اوزینه کتمش و فقط قاسیوس عسکری طرفندن اتلاف اولدیفندن
سناتویه بونی اخبار ایچون یازدیغی مکتوبده شوقل کندیسی
بردشمنی دوست ایتمک شرفندن محروم براقدیغی ایچون بیان
تأسف ایلشدر. مارقوس اوره لئوس روما حدودینی محافظه

المشسه ده جرمانيا طرفندن تهلكه يني بسبتون دفع ايده ميوب
 محاربه يني خلفي واوغني قومودوسه براقه رق وفات الماشدر .
 قومودوس (۴۴۲ - ۴۳۰) محاربه ده دوام ايتيويوب
 باربارلري منون ايدجك شرائط ايله يعني ياره ويره رك عقد صلح
 الماش وفضله اوله رق بكرمي بيك نفر باباري دخي روما اردوسنه
 قبول ايدرك اووقته قدر هيچ اولمزه حكومت نرينه براز حرمت
 و محبتلري موجود اولان اردويي برباد و منافع شخصيه دن بشقه
 برشي* دوشتمز برهيت فساديه حالنه قوماشدر .

قومودوس درجه نهايه ده ظالم اولوب نرون و قاليغولا
 كبي حر كته باشلا ديفندن هر كسي دلگير الماش و نهايت اولدبر مك
 ايسنديكي قبايمه سي طرفندن تميم ايديله رك ترك حيات ايتمشدر
 قومودوسك اتلافيله اتونين خاندانده به رك روماده دنيا ده
 اشالي كورلديك برفترت عسكربه ورزالت دوري اچلمش
 و حكومتك انقراضنه قدر بردها اتونين خانداني دورنده كي
 عظمت و سعادت تكرر ايتماشدر . بودور رزالت كورمدين اول
 ايمپراطور لغك ايلك ايكي عصرنده رومانك ترقيات مدنیه
 و مكتسبات علميه واديه سندن بحث مناسب كورلشدر .

رومانک ترقیات مدنیہ سی

رومانک احوال سیاسیہ سی۔ فتوحاتک تأثیراتی و معارفی یونانیہ دنک رومایہ
 دخول۔ قومدیا: بلاوتوس۔ شعر: لوقرہ جیوس۔ فصاحت: چچرون
 تاریخ: سالیست و جزار۔ آوغوستوس عصری۔ تاریخ: نیتاپو
 شعر: ورجیبال ہوراجوس و اوویدوس۔ پوونال۔ لوقانوس۔
 تاجنوس۔ سوٹھونیوس۔ بلین۔ سنہقا۔ علوم و ادبیاتک ترقیبی
 ادبیاتک انحطاطی و علم حقوقک اہمیت مترابده سی۔
 رومانک آثار جسمیہ سی و ترقیات صنایعہ۔

روما تاریخک شمسی بہ قدر کوریلان اقسامندن رومانلیرک
 طبیعت و استعدادی حقندہ بر فکر اجمالی حاصل اولشدر بوقومک
 احوال فکریہ و معنویہ سی شرق فتوحاتی ایلہ بولنش ایکی
 بیوک دورہ انقسام ایلیورکہ برنجی دورده قوم مجھونک فضائل
 و مزیات اخلاقیہ جہ حازر مرتبہ قصوی اولدیغی ومع مافیہ
 معلومات حریہ و بردہ صنعت حرب استننا اولندیغی حالده
 ادبیات و علومده شیخ برترقی وجودہ کثیرہ مدیکی کوریلیرور
 ازجہ بش التي عصر مدت محاربات دائمہ ایلہ وقت پکیرن
 روما بوقنوحاتی حکایہ ایده جک برشاعر دنیلہ محروم بولنیور
 رومانک بتون دھا ودرایتی عسکرلکہ وایتالیا اقوامنک اداره

سیاسیه لرینجه نهایت قوتلی برحس انضباط و منانته منحصر بولونور
 شرق فتوحانندن صکره ایسه روماده اخلاق اینجلیور معارف
 یونانیه نك دخولی سایه سنده ادبیات و علوم مظهر رغبت
 اولیور لاتین لسانی ذکای بشر محمولانی اکلتمق ایچون
 الك کوزل برواسطه افاده حالنه کلیور فقط بوکا مقابل خلقده
 سفاهت و دها فنا برچوق اخلاق ذمیمه استمدادلی حاصل
 اوله رق اسکی فضائلده قلیور عومسه طاری اولان اخلاق
 بوزقلغی موجود اداره احرارانه نك زوالیله امپراطورلغک
 تشکلی انتاج ایدیور حکومت جدیده ایلك عصرلرندن علوم
 و ادبیاتی جایه ایدرک رومانک ترقیات مدنیه بولنده ایلروله مسنی
 موجب اولیور سه ده اساساً بر قانون قوی به مستند اولماسی
 هم بوزرقیات فکریه بی توقیف و همده حکومتک شوکت قدیمه سنی
 اخلال ایدرک بر انقراض عمومی وجوده کتیر بور شو حالده
 ساده علم حقوق مستثنا اوله رق روماده علوم و ادبیاتک ترقی
 ایلدیکی دور شرق فتوحاتی زمانندن فترت عسکریه نك کشادینه
 قدر مرور ایدن اوچ عصرلق مدتدن عبارت عد اولنه بیلیر.
 رومانک ایلك ادبامی تبارو او یونلری یاز مشر سه ده خلقک
 او قدر حسیات رقیقه و تأثرکارانه بی حاوی شیلردن خوشلا.
 تمامسی جهتیله فاجعه و هائله روماده اعتبار بوله میسوب ساده
 قومدیا ترقی ایده بیلشدر مضحکه نویسان آره سنده بالخاصه پلاوتوس
 زیاده سیله کسب شهرت ایلش و عمومی الهک اولولا ریانا م اثری
 مولیه رک مشهور خسیس او یوننه اساس اولمشدر.

جمهوریت نوری شعراسی میانندہ لوقرہ چیوس (ق ۷۱۸
 ۶۶۶) ایلہ آثارندہ رقت حسیات اراہہ ابدن قاتولوس موقع
 اعتباری حازدرلز لوقرہ چیوس رومروم ناتورا (طبیعت اشیا)
 نام منظومہ جسمہ سندہ فیلسوف اپیکورک مسلکی وجہلہ احوال
 عالم وسفالت بشر حقندہ بیان افکار انلش وپوثر رومادہ
 حسیات مذہبہ نیک کسب ضعف ایلندہ قولیچہ برسبب اولشدر.
 تولیبوس چیپرون رومادہ فصاحت وبلاغتی الک عالی
 مرتبہ سندہ اصعاد ایلشدر. چیپرون رومانک دموستنی مقامندہ
 اولوب سچلیسا والیدی وررہس علمہنہ نطقری ایلہ قاتیلز
 وفلیکری لاتین لسانندہ یازلمش الک کوزل واک فصیح آثاردن
 معدوددرلر.

رومادہ پک اسکی زمانلردنبری ضبط وقایع اولتمشسہدہ
 مورخین قدیمہ آتاری غائب اولدیغندن بونلرک نہ بولدہ اثرلر
 اولدیغی معلوم اولہ مامشدر. هجرت نبویہ دن یدی سکز عصر
 مقدملرنده لاتین لسانی نثری خبیلی ترقی ایلنکله مشهور مورخلر
 ظهور ایلشدرکه قیصر یازدیغی غالبہ محاربه لری تاریخی ایلہ
 بونر میانندہ برنجیلک موقعنی بحق احراز ایتشدر غالبہ محاربه لری
 تاریخی چیپرونک وایلرودہ کورہ چکمز ویرجیلوسک آثاریلہ
 برابر لاتین لسانک الک فصیح وپاک نمونہ بلاغتندن عد اولتمقدہ در
 قیصرلہ هم عصر اولوب آفریقا والیلکنندہ ارتکاب وارثشا
 ایلہ فنا برشهرت قزائمش اولان سالوستیوس یوغورطہ محار

رهبلی ایله قاتیلینا فسادینک تاریخلرینی یازمش و قورنه لیوس
نه پوسده مشهور جنراللر تراجم احوالنی تحریر ایلشدرد .

رومانک اکوزون زمان آسایشی اولان آوغستوس دورنده
علوم و ادبیات برقاتدها ترقی ایلشدرد . بودورک مورخلرندن
اکمشهوری تینوس (ق ۶۸۱-۶۴۰) لیویوس در مومی ایله
یوز قرق ایکی کتابدن مرکبروما تاریخنی تحریر ایلش ایسده
بوندن یالکز اوتوزبش کتابی زمانزه قدر کلوب باقیسی ضایع
اولشدرد . غالبلی تروغ پومپدیوس دخی بو صرده بر تاریخ
عمومی تألیف ایلشده اثری الیوم موجود دکلدرد .

آوغوستوس عصری بالخاصه روما شعراسنک اک بیوکلر-
ندن ارلان اوج ذات ایله کسب تمیز ایلشدرد که بونلرده ویر-
جیلیوس (ق ۶۹۱-۶۴۱) هوراجیوس (ق ۶۸۸-۶۳۱)
واویدوس (ق ۶۶۵-۶۰۵) درلرد .

ویرجیلیوس نوع بشریننده ظهور ایدن شاعرلرک اک
بیوکلرندن اولوب هومروس ایله همعیار طوتلقده در اشعار
قهرمانانه صاحبی اولوب اک مشهور اثری اولان انه یسده
Eneide ایلیادایه تقلیداً یایلشدرد و تروا قهرمانلرندن انهنک
ایتالیایه کلدرک آبالونغه بی تأسیس ایلسنی و رومانک سعادت
و عظمت مستقبله سی اوزمان الهلر طرفندن وعد اولنسنی
حکایه ایدرد . ویرجیلیوس آوغستوسک لطف و عاطفتنی کورمش
اولغله بو ایمرالمورک انه خاندانندن اولدیغنی اثرنده ایله

ایتمشدر . ویرجیلیوسک چوبانلره دائر اولان بو قولیق .Buco
lique واحوال زراعی صورت شاعرانده توصیف ایدن
ژہ اورژیق Georgique نام منظومہ لری دخی مشهوردر .

هوراچیوس دخی Odes نام منظوماتده صحرالر و بحاسن
طبیعی تصویر ایدرک افکاری سیاسیات بورغونلمغندن قورنار .
مغه چاشمش و اوویدوس انقلابات Metamorphose نام اون
ایکی منظومہ سنده برطاقم مخیلاتدن بحث ایدرک الک صوک انقلاب
اولیق اوزره قیصرک روحی قورقلی بلدیزه منقلب اوله رق
اوجدیغنی تصویر ایتمشدر .

آوغستوس دورنده ادیبانک کسب ایلدیکی سرعت
ترقی ایمپراطورلغک ایکنجی عصری نہایتہ قدر دوام ایتمشدر .
دها آوغستوس دورنده سربستی افکارله رفقاسی آرہ .
سندہ بر موقع مخصوص کسب ایلمش اولان هوراچیوس زمانک
مساوی عادات و اخلاقی مؤآخذہ دن چکنماشدی . مؤآخذات
Satyre بولنده منظومہ لری یازان شعرا صکرہ لریده ظهور ایدرک
بالخاصہ آتونینلر زمانده بر حیات اولان بووہ نال بو بایده چوق
ایلری کتمش و برمدت خنی طوتدیغنی اثرینی انجق عادل آدریا .
نوس زمانده نشرہ جسارت بولمشدر . ویرجیلیوسک طرزینی
تقلید ایدن اوقانوس (۵۸۴-۵۵۸) فیلسوف سنہ فانک برادر
زادہ می اولوب پوپہ یوس ایله قیصرک مجارہ لرینی حکایہ
ایدن فارسال نام منظومہ سیلہ کسب شهرت ایلمش و زونک

امریکه عموجه سیله برابر بکرمی یدی باشنده ایکن قتل اولمشدر .
 روما مورخلرینک الکیوکی اولان تاجیتوس (۵۶۸--۴۷۸)
 دومیچیانوس زمانده نشر ایده مدیکی سالنامه Annales لرینی
 نزوانک جلوسنی متعاقب میدانه چیقارمشدر . تاجیتوس
 مورخک وظیفه سی نه اولدیغنی بحق تقدیر ایدرک هرکسک
 رذالت و جنایتی حقیقه سویلدن چکنماش و رومیایی اداره ایدن
 ظلمه نکلایق اولدقوی تحقیر و تشییعی اذهان اخلافه القا ایچون
 یونلرک عموم جنایات و مساویسنی تمامیه ضبط و تحریر ایلشدر .
 تاجیتوسک معارضلرندن سوته تونیوس ایسه یازدیغی اون ایکی
 قیصر تراجم احوالنده تاریخک حکایانه عائد جهتنه ده از یاده
 اهمیت ویرمشدر . روع بومیه نکل تاریخنی خلاصه ایدن یوستنوس
 دخی بودور مؤلفرنددر .

فلسفه خصوصنده رومالیلر یونانیلره نسبتله چوق کیروده
 قالمشدر روماده طوغریدن طوغرییه فیلسوف اطلاقنه شایان
 آدم یثیموب ساده فلسفه یونانیه نکل تدقیق و تدریس یله اکتفا
 ایدلمشدر چیچرون حکمت رواقیون طرفدارانندن اولوب
 جمهوریت نام کتاینده بونی اداره دول واقوامه تطبیق ایلشدر
 مؤخرآ ظهور ایدن وزونک خواجه سی اولان اسپانیالی سنه قا
 ایسه بوفلسفه یی اخلاقی و احوال بشره تطبیق ایدیجی اثرلر
 یازمش و بوضره رده عموماً روماده علم بلاغتک تحصیلنه همت
 ایدلمکه باشلامشدر . مع مافیله افکارده کی وسعتسزک بلاغته
 یونانستانده حاز اولدیغی لطافت و حسنی ویرماشدر .

رومانک یتشدیو دیکی علمانک اک بیوکی تیتوس زمانندہ وفات ایدن پلین (عتیق) اولوب مومی الیه علم موالیدک ترقیاتنه چوق خدمت ایش و اوتوزیدی جلددن مرکب بر تاریخ طبیعی کتابی تألیف ایشدر. پلین وه زو طاغنک طغیان زمانده ناپولی کور فزنده کی دونمانک قوماندانی اولوب بو حادثه طبیعیہ یی یقیندن کورمکه کتدیکی صرده طاغنک آندیغی کولرک آئنده قالب تلف اولمشدر.

ایمپراطور انک ایلاک عصر لرندہ معارف یونانیہ ساده نفس روماده دکل روما ایمپراطور انک هر طرفنده فوق العاده توسع و انتشار ایدرک بر چوق برلده علما و حکما یتشدیو از چله مصرده اسکندریه شهری بطلمیوس لر زماننده کی حیثیت علمیه سنی ینه محافظه ایشدر که بودورده اقوام یونانیہ میانده ظهور ایدن علما و حکما مدنیت یونانیہ بحثده کورلشدی مع مافیه اتونین خاندانک ختام حکومتیله اچیلان فترت عسکریه دوری مملکتک آسایش داخل سنی اخلاص و خرس تیانلغک انتشارینی منع ایچون انخا اولنان تدابیر زجریه سر بستی افکاره ابراث تغیر ایلدیکی کی اداره حکومتک بسبتون استبداد بولنسه کیر میس دخی ادبیاتک مداهنه دن عبارت بر جسم بیروح حالنده قلمسنه سبب اولمشدر خصوصاً مؤخرأ خرس تیانلغک روما مذهب رسمیسی اوله زرق قبولیله بر طاقم صاچده مذهب مسئله لر ی هر شیئ تقدیم و نشریات حکما منع ایدیلرک حکمیات همان کلیاً منقرض

اولمشدر . روماده يالكز درجهٔ ترقیاتی ایلروده کوريله جـك
اولان علم حقوق ایادی اعتبارده قالمشدر .
صنایعدن روماده الك زیاده صنعت معماریه ترقی ایلشدر .
رومالیرك الك اسکی زمانلردن بری ترقیات معماریه به و بیوک
ومتین بنالر انشاسنه استعداد فوق العاده لری اولوب دهـا
قرالر زماننده قایتول معبدی رومانك قلعه سی و نعملری وصو
کرلری کبی آثار عظیمه انشا ایلمشدی . رومانك مالکی آرندجه
صنعت معماریه دخی ترقی ایدرك هم رومانولر کوزل کوزل
بنالره طولمش و همده عموم مالک آثار نافع و جسمیه ایله
طولدرلشدر . آوغوستوس دورنده رومان همان کاملاً یکیدن
انشا ایدیلوب آفرینانک ادیله لکی وقتنده عموم ادیان واصنامه
مخصوص پاته اون معبدی انشا ایلمشدر . رومانلیر بالخاصه
جسیم ستونلر تیارولر جاملر وطاق ظفرلر بناسنده فوق العاده
ترقی کوسترمشلدر . تراپانوس ستونی دروندن تیه سنه قدر
چقیلور مرمردن مصنوع واوزری اویمه جسیم بر اثر اولوب
اویمه لرنده ساده ایکیبیک بشیوز آدم رسمی موجوددر . آدریانوس
ایچون بنا ایدیلان تره نك قاعده سی اوچیموز الشمس مترو
دورنده اولوب مؤخرأ سنت آنرشاتوسی نایله رومانك ایچ
قلعه سی حالته کلمشدر . بزم صیجاق جاملر رومانلیرك ایجادی
اولوب شهرک زمان معموریننده موجود جاملرک مقدراری سکز
یوزی تجاوز ایلمشدی . ایلروده کوريله جك ایمپراطور قارا

قاللانک یاپدردیغی بر جامده مر مردن بیك التیوز ادم یری
 موجود ایدی . روماده اک مقبول اکلنجہ غلادیاتور لعب
 وحشیانہ سی اولغله بونلره مخصوص اولهرق اورتہ سی میدان
 و اطراف قدامہ قدمہ بوکسک غایت بیوک تیارولر انشا ایدیلولر
 ایدی و سپاسیانوس زمانده انشا ایدیلان و قولیزہ نامیلہ ایوم
 موجود اولان تیارونک میدانده اونبر بیکه قدر وحشی حیوان
 کوسترلدیکی کبی سیرجیلره مخصوص مچلندهده سکسان بیکی
 اوطورمق و بیکرمی بیکی ایاقدہ طورمق اوزره یوز بیك ادم
 بولنه پیلردی . طاق ظفرلردن تینوسک و مؤخرأ دخی سبتیم
 سورایله قسطنطینک یاپدردقلری طاق ظفرلر حقیقتاً اثارخارق
 العاده دن معدوددر . والحاصل رومالیرک لیان ریختم تیارو
 طاق ظفر جام صورکرلری سرای معبد وسائر بیك درلو بوللر
 و اثار نافعہ و جسمیہ نك مقدارینی و درجه و سعتنی تعریف بختمی
 حدندن زیاده اوزاده جفندن تطویلدن احتراز قلندی بونلردن
 بعضیلری جسمات خصوصندہ فوق العاده درجهده
 واسع اولوب مثلاً بعلبکده لی شمس معبدینک خرابہ لری ایوم
 درت بش کیلو مترولق برمسافہ استیعاب الملکدهدر . روماده
 رساملق و هیکلتراش صنعتلری دخی معمارلقله مناسبت قویهلردن
 طولایی زیاده ترقی ایدرک جالب دقت بدرجہ بی بولمشلردر .
 والحاصل رومانک توسیع دائرہ حکومتیلہ معارف یونانیہ بحر
 سفیدک هر طرفنه و تابریتانیاسیاه قدر انتشار اللش و بوممالک

عظيەنك هر طرفى ائار نافعە ايله مالمال اولمشدر . فضلە اوله رقى
روما عالمە قوتلى بر ادارهٔ سياسيه نمونه سى دىخى كومستردرك
انك كوريلان ودها ايلروده كوريله جىك اولان افكار اداره
واصول سياسيه سى زما تمزه قدر پك چوق جهتلرله مؤسسات
حاضرەنك اساسنى تشكيل ايلمشدر .

فصل ثانی

دور وقوف

۱

قترت عسکریه

روما امپراطور لنگ کسب ایلدیکی حال. برتیناقس و دیدبوس. قارا قالا.
ماقرینوس والاغال. علیکساندر سوهر. ساسانیان سلاهسی. عسکر
ردالتنک ارتعی. ایلبریلی امپراطور لره قدر بقیه احوال. عوده نات
وتدمر حکومتی.

قومودوسک اتلافندن صکره روماده امشالی کورلمدک
بردور رذالت آچیله رقی امپراطور لقی عادتا برجهوریت عسکریه
شکلنی المش و برخیلی مدت مقام ریاست مختلف اردولرک
اویونجاغی حکمنده قالمشدر. بر طرفدن روماده کی پره توریان
عسکری و دیگر طرفدن ولایات عسکرلری مقام حکومتی
مزایدیه چقاروب آذربمدنده دکیشان حکمدارلرک عددی حد
معروفی طاشمشدر.

قومودوسک اتلافنی متعاقب پره توریان عسکری روما
والیسی برتیناقسی امپراطور اعلان البشدر ایسده اوده جلوس
بخششی ویرمامسی اوزرینه قتل ایدیلرک حکومت مزایدیه ایله
بهر نفره (۶۲۵۰) درهم ویرمک اوزره دیدبوس پولیانوس

اسمئندە برفونسولوس اسكيسيندە تقرر ائىشئىدى . فقط برىتانيا
اردولرى آلبينوسى سوربە اردولرى نىكرى وابليريا اردولرى
سپتيوس سورهوسى ايمپراطور اعلان ايدرك رومابه الك يقين
بولنان سوره حركت سريعه ايله يئشوب ديدبوسى بالاتلاف
ايمپراطورلق مقامنه چقمشدر .

سوره ممالكى غايت شدتله اداره ايدرك (ق ۴۲۹ - ۴۱۱)
پره توربان عسكرينك تادينه چالشمش سده هيج زومى اولميان
بوصنى بسبتون قالدريمهرق ساده افراديني دكشديرمش
ومقداريني ززيد بيله ائىشدر . سوره رقيبى آلبينوسى اولاقبصر
صفتيله طانيدرق اتفاقي تامين ائىدككن صكره نىكر اوزرينه
يورويوب انى مغلوب ائىش وصكره ثوبت تجاوزك كنديسنه
كله جكنى اكلايان آلبينوس هرئقدر محاربه قالششمش سده
سوراوتى دىخى مغلوب ائىشدر . كنديسى ممالكى اردوسنى
قوللانديغى كى سرت برصورتده اداره ايدوب دشمنلرينى ك
شدنلى جزاره دوچار ائىشدر حين وفاتنده سويلديكى صوك
لقرديسى « بن هرشى اولدم فقط هرشى برشى دكش »
سوزيدر . سپتيوس سورهك قاراقالا وكتنا اسمئندە ايى اوغلى
اولوب بونلر پدريشك وفاتنده برارهلق مشتركا ادارهيى
دوشونمشلر سده او بوشه ميهرق قاراقالا برادريني اتلاف ايله
مفردا ايمپراطور اولمشدر . قاراقالا ظالم بر حكمدار اولوب
يكرمى بيكى مجاوز بيجاره يى بغير حق اولديرهرك نهايت كنديسيده
برضايط طرفندن اتلاف اولمشدر .

قاراقالا ایران اوزرینه سفرده ایکن اولدیریلوب عسکر طرفندن خاصه قوماندانی ماقربنوس ایمراتور اعلان ایدلمشده اوده ایراندن مصالحه بی پاره ایله صساتون الدیغی ایچون اولدیریلوب یرینه حص شهرنده معبد باش کاهنی بولنان کنج باسیانوس ایمراتور اعلان اولتمشدر .

باسیانوس روما ایمراتور لرینک وبلکه عموم انسانلرک اک رذیلی اولوب خدمت ایدیکه معبودک اسمی اولان الاغال نامیله معروفدر .

الاغال شرقک اک فنا اصول و اخلاقنی رومیله ادخال ایدرک ایتدیکی دلیک قالمشدر . بربر و اویونجی مقوله سی اشخاصدن وکلانعینی ، قادیلردن سناتو تشکیلی ، سرای باغچه سنه سیم وزر توز سرپدیرمی ، شرابه طولی حوضده صندال ایله کزمی ، هرکون بریکی مرصع لباس کیمی ، قادین اوروبه سی کیوب قادین ایشلری کوره رک کندیسنه ایمراتور یچمه اسمنی ویردیرمی کبی بیک درلو رذالتدن یقان عسکر بو شخص رذیلی اتلاف ایدرک یکنی بولنان اون درت یاشنده علیکساندر سوهری ایمراتور ایتلمشدر .

علیکساندر سوهر صاحب فضیلت بر حکمدار اولوب عدل وحقانیت ایله اداره امور ایش و سراینک قیوسنه « کندیکه یاپلسنی ایتدیکنک شیئی بشقه سنه یایمه » کلام حکمت آمیزینی یازدیرمشدر .

ایرانده ساسان زاده اردشیر نام ذات اشکانیان سلاله سنه
 نهایت و برهرك ايرانك طبقه رابعه سی اولان ساسانیان سلاله سنی
 احداث و کینجسروک فتوحاتی اعاده به تشبث الملکه علیکساندر
 ایران اوزربنه سفر ایش و اوصرده برطاقم جرمان اقوامیده
 حدود شمالیه به تعرض الثلبله باره و برهرك انزیده باشند
 صاوغه مجبور اولمشدر . فقط عسکرک بوکا جانی صیقیه رق
 علیکساندر سوهده اعدام ایملکه اصل فترت عسکریه بو
 وقت باشلامش و اولافوت قومندن برابار اولوب جسامت
 بدیه و شجاعندن بشقه هزی اولیان ماقسیمین امپراطور ایملش
 و طوز سنهک ایچنده التي عدد امپراطور دکشمشدر . بو
 قاریشق دورده امپراطور لوق مقامنه قدر چیقان عرب فلیپ
 ممالکی حسن اداره ایدرک ایران حکمداری شاپور ایله مصالحه
 ایش ایسهده بش سنه سلطنتدن صکره اوده عسکرک قربان
 غدری اولمشدر .

امپراطور لوق بوصرده عادتاً حال انقراضده بولونیوردی
 داخلده بتمز و توکنز سلطنت غوغاری دولتی ضعیفلندیکی کبی
 شرقده ساسانیان حکمدار لری ایلك غیرت سلطنتله عادتاً بخر
 سفید ساحلنه قدر کلش لردی فضله اوله رق غالباً طرفلرندن
 فراتقلر و سائر جرمان قبائلی و شرقی اوروپادن ینسه هرول
 و سائر قوملروبالخاصه دینسترو دینه پر جهنلرینی آلوب داکیاییده
 استیلا ایدن و عادتاً مزیا به قدر کلان غوتلر حکومتی انقراض

تهدیه کرده بولندیر بورلردی . بودورده حکومت ایدن غوردیانوس
مخاریات واقعده ایران دولتته غلبه ایلدیهده خلنی والیانوس
ایران علیهنه سفرنده شاه شاپوره اسیر اولوب اوغلی غالبانوس
ایمپراطور اولدی .

غالبانوسک قوماندانلرندن بالستاد تدمر شیخی عرب عوده .
فانک (ازینده بن السیدع) معاوندیله ایرانه غلبه ایلشدی . عو-
دهنات ایرانلیری اوحوالیدن بوسکورتته رک زماننده عمرانک
درجهٔ نهایه سنه واصل اولان و آثار متباقیه سی حالا ضایع
ستانک بادی حیرتلی بولنان تدمری بریوک حکومتک پایتختی
ایدنمشدر . عوده نات غالبندن آوغستوس عنوانی دخی آلاق
روما ایمپراطوری اولمشدهده ینده تدمرده قالمش و اویج سنه
صکره یکنی طرفندن اتلاف ایدلمکله تدمر حکومتی زوجه سی
زه نوبیایه (ذینب) قالمشدر .

غالبانوسک مدت سلطنتی مقداری بکرمییه قدر بالغ اولان
وروما ایمپراطور لغنده عادتاً طوائف ملوک تشکیل ایدن عاصی
قوماندانلره مجازیه ایله بکروب نهایت سوء قصدله وفات ایلش
ومقامنی ایمپراطور لغتک نامدار قوماندانی بولنان دالماجیالی
قلوده براقوب بونکله دور سلطنتلرنده ممالک بران اتحاد و
وآسایش کورمکه موفق اولان ایلیریالی ایمپراطورلر سلسله سی
کشاد اولمشدر . (ق ۳۵۴)

ایلییریالی امپراطورلر

قلود. آورہ لیانوس. ہاربارلرک دفعی و تدمرک قحی. تاسینوس و پروپوس
 خاروس قارین و نومربانوس. دیوقلہ سیبانوس نرت امپراطور و اجرات سائرہ.
 محاربات. الی امپراطور. قسطنطین.

قلود روما امپراطور لغنک پک مشکل احوال ایچنسدہ
 بولسدیغی بر زماندہ جلوس ایدبوردی . مملکتک هر طرفندہ
 عصیان و اختلال موجود اولدیغی کبی غالباً قطعہ سی چزار
 اعلان اولنان تتریقوس اداره سندہ اون اویج سنددر مستقل
 قالمشدی ایتالیاہ جرمانلردن آلمان قبیلہ سی شرقی اوروپا
 ولایاتنہ غونلر و هرولر هج-وم ایدبورلردی بر طرفدن ایرانک
 تعرضاتی و دیگر طرفدن حسن تدبیر و شجاعت ایله معروفہ اولان
 تدمر حاکمہ سی زینک مصر و سوریه بی کندی ممالکنہ قائمہ
 شرقدہ روما حکومتی صولده صفر منزله سندہ ایندیرمشدی .
 قلود امپراطور اولدیغی زمان میلان محاصره سندہ بولمقلہ
 ایتالیاہ اعادہ آسایش و آلامانلری مغلوب ایدرک شرقہ کلش
 و سلانیک جوارندہ غونلرہ دہ بعد الغلبہ بر جادن وفات ایلدوب
 طونہ اردولری طرفندن پانونیہ لی آورہ لیانوس امپراطور ایدلمشدر
 (ق ۳۵۲) .

آورده لیانوس جرمان اقوامک مهاجرت و تعرض کردند نشانی
 درجه انقراضه و اصل اولان رومایی تخلصه چالیشه رقی
 حدود شمالیه ده مار قومان و اندال و آلمان و سائر قبائل متجاوزه بی
 مغلوب و دفع ایش و داکیه و لایتنی غولتره ترک ایدوب او-
 راده کی رومالی مهاجرلری مزیا به اسکان ایلکله مزیا آورده لیانوس
 داکیه سی تسیمه ایدلمشدر . بوندن صکره تدمر حاکمه سی ذینبسه
 اعلان حرب ایدوب تدمری ضبط و دروننده اقامه عسکر ابله
 ذینبی اسیر ایش و فقط عودنده تدمر لیلرک عصیاننی خبر آلمغله
 دونه ترک اهالی بی قتل عام و شهری تخریب ایتدیرمشدر . تدمر
 بو تخریبدن صکره دائم حال خرابیده قالمشدر . ذینب ایمبراطورک
 تریثومف آلابنی بعد التزین ایتالیا ده بر صیفیه به چکیلوب صحبت
 علما ابله امرر عمر ایشدر . آورده لیانوس بریتانیا و گالیا و اسپانیه به
 حاکم اولان تریثومف سیده مغلوب ایدوب اورالیده اله یکیرمکه
 همتی سایه سنده ممالکینه توحید ایدلمشدر ایمبراطور آورده لیانوس
 یک متکبر و جدید اولوب کوچک قباحتله اک شدتلی جزالری
 ایدردی روما ایمبراطورلری ایچنده ایلک دفعه اوله رقی تاج کیان
 کندیسیدر . مشارالیه رومانک اداره سنی اصلاحه چالیشه رقی
 یک چوق قانیر دوکش و نهایت چکجه جوارینده ایکن ارتکابی
 تحقیق ایدن بر معیت مأموری طرفندن اعدام ایتدیرلمشدر
 آورده لیانوسک وفاتنده عسکر خلفنک تعییننی سناتیوه براقش
 و سناتوده بر مدت تردد ایدرک التی بدی آی مملکت ایمبراطور سنر

قائد قدنصکره اختیار تاسیتوسی انتخاب ایلشدرد . تاسیتوس ایران
سفرینه کیدرکن قفقاسیه جهتلرنده وفات ایدرک عسکر طرفندن
مشهور قوماندانلردن پروبوس ایمپراطور اعلان اولمشدر
(ق ۳۴۶) .

پروبوس دارات واحشامدن عاری جسورومستقیم برذات
اولوب ممالکک هرجهتنه سفر ایدرک جرمان اقوام متجاوزه سنی
وداخلده کی طوائف باغیه بی دفع وورفع ایلش وطونه ورن
حدودینی لایقیله تحکیم وترصین ایدرمشدر . مشار الیه ایران
سفرینه چقدیغی صرده شدت اداره سندن بیرار اولان عسکر
طرفندن اتلاف اولمشدر .

عسکرخاصه قوماندانی قاروسی انتخاب ایدوب اوده بعض
موقیاته نائل اولدیغی صرده وفات ایلکله ذاتاً قیصر اعلان
ایلش اولدیغی اوغلاری قارین ونومریانوس ایمپراطور اولمشدر .
سده قاضی کونیده کی عسکر دالماسیالی دیوقله سیانوسی آوفوستوس
اعلان ایدوب برمدت صکره قارین ونومریانوسک اتلافیله
ممالکک حاکم منفردی دیوقله سیانوس اولمشدر (ق ۳۳۷) .
غالیانوس دورنده کی ولات مستقله دن صرف نظر اولندیغی حالده بو
زمانه قدر جلوس ایدن قرق بش ایمپراطوردن یکریمی طقوزی
اولدیرلمش درببشی عمرغیر طبیعی ایله اولش وآنجق متباقیمی
راحت دوشکننده جان ویره بیلشدرد . روماده حکومتک صورت
انتقالنده کی یولسزلقه بومقدارلردن کوزل مثال اوله مز .

دیوقله سیانوس مدیر نجر به لی عاقل و اقتضاسنه کوره دساس و حبله کار بر ذات اولوب ذاتاً درایت و شجاعتیله کسب شهرت المشدی . مشار الیه ایمبراتور لغنده پک زیاده حسن اداره کوستروب جرمان اقوامنک هجمانی دفعه چوق چالشمش و ققط یویله ممالک جسیمه نك اداره سی برکشینک کاری اولدیغنی کوره رنک مشهور جنرالردن ماقسیمیانوسی دخی آوغوستوس اعلان یعنی حکومته تشریک المشدی . دیوقله سیانوس کندیبی شرقی الوب ازینکی پای تخت ایدمش و جرمانلرله محاربه الملك اوزره غربی ماقسیمیانوسه براقشدر . دیوقله سیانوس یویوس (یویتر) و ماقسیمیانوس هر قولیوس (هرکول) لقبیرینی طاقمشلدر . بوسره ده رومانک حیثیت قدیمه سنه چوق خلل کلش اولوب حتی ماقسیمیانوس رومانی دکل میلان شهرینی پایتخت انخاد المشدی دیوقله سیانوس جلوسنک بدنجی سنه سنده ایکی ایلیریالی بی ده اقبصر اعلان ایدوب آوغوستوسلرک هربری یانلرینه بر قیصر آلارق مملکتک بر قسمتی ترک المشلر وینلرنده روابط قرابت حصولی ایچون قیصرلره قاریلرینی بر اقدروب کندی قزلرینی و برمشلدر دیوقله سیانوس شرقده قالارق رفیق خالریوس تراکیا و طونه ولایاتی آلمش و ماقسیمیانوس ایتالیا و آفریقا و اطهرینی محافظه ایدرک رفیقی قونستانس خلور غالباً بریتانیا و اسپانیا و ماوریه تائیابی اداره المشدی . بو قونستانس خلور بیوک قسطنطینک پدری اولوب زوجه سی هلنه بی بوسره ده براقشدر .

دیوقله سیانوس اداره فی درت امپراطور آره سنده تقسیم ایلدیه ده
 مملکتک بونکله اتحادینه خلل کلیوب کندیبی بو هیئتک ریسی
 مقامنده قالمشدر . بوندیشقه بر طاقم سرای مأمورلری نصب
 و تعیین ایدرک کندیبی هر کسله اختلاطی کیمش و شرق اصولی
 اوزره سرای مراسم و تشریقاتی احداث ایلشدر . آوغوستوسلره
 مخصوص یوویه ن و هر قولیدن عسکرینک احداثی پره توریانلرک
 نفوذینه ده خیلی خلل ویرمشدر پره توریان عسکری مؤخرأ بونک
 قسطنطین طرفندن بستمون طاغیدلشدر .

دیوقله سیانوس ایران ایله محاربه ایدرک مسو بو تانیا ایله ده جله
 وادیسنک ترکی وارمنستانک روما جایه سنه دخولی کبی
 شرائطله پارلاق بر مصالحه عقد ایلشدر . مشار ایله زمانده
 ممالک نعم آسایشدن مستفید اولوب ساده غازیوسک توصیه سیله
 خرسیتیانلره قارشو قتل تام اعلان ایدلمسی یه بک چوق بیچارگانک
 خاتماتی پریشان ایلشدر .

دیوقله سیانوس هراملنه نازل اولدقدن صکره استعفا ایدرک
 ایلیری یاده کی صیفیه سنه چکلمش و ختام عمرینه قدر اوراده قالمشدر .
 ماقسیمیانوسده استعفا ایلدیکندن غازیوس ایله قونستانس خلور
 آوغوستوس عنوانی آلوب ایکی قیصر تعیین ایلشدر
 و سوریه ایله مصری قیصر ماقسیمینه ، ایتالیا ایله آفریقایی قیصر
 سهوره ویرمشلردی . روما شهریده ماقسیمیانوسک اوغلی
 ماقسانسی امپراطور اعلان ایدوب او ده پدری مستعفی ماقسیمیانوسی

شریک حکومت ایتکله بر زمانده الی ایمبراتور حاصل اولمشدی که بونلرده ایکی آوغوستوس ایکی قیصر و ایکی متغلب واردی .

بوصرده ماقسیمیانوس کندینکده حکومتده عودت ایلینی دیوقله سیانوسه یازمشده مشارالیه « اکرالله ینشدردیکم کوزل سپرهلری کورسهک بویله نجتلی شیلر تکلیف ایتدکده دیه جواب ویرمشدر . بر مدت صکره قونستانس خلورک یرینه اوغلی قسطنطین وغازیوسک یرینه اوغلی لچئوس کچمش والتی ایمبراتور آرهسنده محاربات باشلامشدی فقط قسطنطین پرر بر بونلرک جلهسنه غلبه ایدرک اونیدی سنه غیرتله نهایت رومانک منفرد ایمبراطوری اولمشدر (ق ۲۹۹) .

۳

بیوک قسطنطین

قسطنطینک طبیعت و مسلکی . قسطنطین دورینه قدر خرسنباننگک احوالی . میلان فرمانی . ازریق اجتماع روحانیسی . اناجیل اربعه . آریوس مذهبی . قسطنطینیهنگ بناسی . تشکیلات جدیده . حکومت مرکزیه مأمورینی . بکی اصلزادگان . ولایات ادارہسی . اداره بلدیه . ویرکولر . اهالی . تسیقات عسکریه . قسطنطینک وفاتی .

متعدد آوغوستوس و قیصرلر بیننده تقسیمی معتاد حکمنه

کیرمش اولان روماللیق عالمی بودفعه کندی تحت حکمنده
توجیده موفق اولان قسطنطین تام عصرینک آدمی اولوب
بویله بیوک بر مقصدی حصوله کتیرمک ایچون مقتضی اولان
محاسن و صفاتی ک قبیح مساوی ایله برابر شخصنده جمع
ایتمشدی. قسطنطین روما هیئتک حال موجودیله یعنی بسبتون
مختل اولمش و یالکز بر آیین رسمی حاله کملکله برابر عومه
طاری اولان قیدمزلقدن ناشی وقایده اخلاقه زره قدر اقتداری
قالماش بر مذهب، هنوز جمهوریتله اداره مطلقه بیننده مترد
بر اصول حکومت و قوماندانلری کندیلرینی حاکم کل کورمکه
الشمس بر عسکر ایله دوام و بقاسی ممکن اولدیغنی کوره رک
دولتی یکی اساسله مستنداً تشکیله قیام الملکله حقیقتاً بیوکک
کوستر مشدر. دیگر طرفدن ایسه خالیده کی بحار به لری اثناسنده
حیاتلرینه تعرض اولتماسی شرطیله تسلیم اولان بر طاقم رؤسای
مغلوبه بی میدان او بوننده وحشی جانورلره پاره لیمک، پدیرنک
قائم پدیری ما قسیمیانوسی و حیانتله ایلمشیده جکنه بین ایتدیکی
لیخیبوسی اولدر تمک و مؤخرأ بغیر حق اوغلی قریسیوس و ذوجه سی
قائوستایی قتل و اعدام ایتدیرمک بولنده بر چوق معاملات
خدارانه سی انسان قانی دوککدن متأثر اولدیغنی کوستره جک
احوالدن بولنمشدر.

قسطنطینک خالیده قیصر صفیله جلوسی (ق ۳۱۶)

تاریخنده اولوب انجیق اونیدی سنه صکره عوم روما مالکنه
حاکم اوله نیش وچعا اوتوز برسنه سلطنت ایشدر . یوقاریده
سویلندیکی وجهله قسطنطین دوری روما امپراطور نغجه وحتی
تاریخ عالمجه بیوک انقلاب نقطه سی اولوب مذهب عیسوی
اوروپاده حاز اولدیغی وسعت اقتداری اووقت قزاندیغی کبی
حکومتک اصول اداره سنجیده تبدلات مهمه اجرا ایش وشرقک
پایتخت طبیعیسی عدینه سزا اولان شهر شهر قسطنطنیه انک
طرفدن انشا و تاسیس اولمشدر .

ذاتاً قسطنطینک پدری قونستانس خلور ما قسیمیانوس
وسار رقاسنه قارشو خرسیتیانلری التزام ایلدیکی کبی والده سی
هلن وزوجه سی فلوستا چوقدن بری مذهب عیسوی بی قبول
ایشلردی بوجهله قسطنطین رسماً خرسیتیان اولماق له برابر
مذهب جدید اربانه هر حالده برمر بوطیت قلبیه سی واردی .
بوندن بشقه پولیتقه منافعی دخی دین عیسوی اربانی ترویج
ایشنی ایجاب ایتدیر بوردی روما مالکنده خرسیتیان مذهبی
غریب بر صورتده ترقی ایشدی . رسماً خرسیتیان اولماق جنایات
عظیمنه معدود اولوب انک بیوک جزالونلر حقنده آز کوریلور
ایندی نرون زماننده باشلامش اولان قتل عام اصولی دیوقله .
سیانوسک صوک قتل عامنه قدر دوام ایدرک نیجه یوز بیکر له
اهالی خرسیتیانلقدن بشقه برجرم وقباحترلی اولدیغی حالده
درلو اشکنجه لر له اعدام ایدلشردی فقط کویاکه دوکیلان

بیکناه قانک هر طمله می بر ایکی خرسیان وجوده کتیر بوردی
 عوم آسیا مخیلات دینه سنک و مراسم عجیبه سنک دخولیه
 قومدیا حالته برن و خدامنده ییله اعتقادی محافظه ایده میان
 بپرستک مذهبک انقراضی، خرسیانلقدن بشقه انک برینی
 طو تاجق مسلك دینی بولتماسی، عصرک اخلاقمزلفنه قارشو
 برطاقم مغالطات لفظیه ایچنده بیروح قالان فلسفه نك نشر
 فوائد ایده مامسی، خلقک ممنوع اولان شیئه انهماک طبیعیسی
 و برده غایت منتظم کلیسا تشکیلاتنه مالک اولان خرسیانلق
 او قرغشلق زمانلرنده هر کسه نمونه اوله جق بروحدت قویه
 محافظه ائلمسی مذهب جدید اربابنی پیدرپی چوغالتلر ق روما
 بمالکی داخل و خارجنده ملیونلرله خرسیان حاصل اولمشدی
 شو حالده خرسیانلق دولنک عناصر مهمه سندن بری حالته
 کلهرک انی التزام ایدن ادمک برچوق نفوسی کندیسینه ربط
 ایتش اوله جغنی ظاهر ایدی قسطنطنینک رقیلرله محاربه لرنده
 بیراغنه حاج قودر می عسکرینک قسم عظیمی خرسیان بولتمسندن
 ناشی تأمین موقتینه سبب اولمشدی . قسطنطنین بو حاله واقف
 اولقله ایتالیا به ورودنده میلان شهرنده نشر ایلدیکی بر فرمان
 (ق ۳۰۹) ایله خرسیانلره سربستی و جدان و آیین اعطیا
 ایلدکدن بشقه خدمات دولت و سائر بالجمله خصوصات ایچون
 دین و مذهب فرقی آرانمیه جغنی ییلدیرمش و حتی کندیسیتیون
 کبار مأمورین و مقریین خرسیانلردن انتخاب ایدرک هر کسک

خرستیانلغه میل کو سترمسی تسهیل ایشدر . قسطنطین بر مدت
دها بیترست قالوب فقط شرقی استیلادنصره کنندیسیده رسماً
دین عیسوی به کیرمکه بودین روما ایمپراطورلغنک مذهب
رسمیسی اولمشدر . بونک اوزرینه خرستیانلرک تشکیلات
مذهبهلری روما اصول ادارهسنه توفیق ایدیلهرک هر شهر بر
اپسقیوس ادارهسنده اولهرق آیری بر اداره روحانیه تشکیل
الغش و هر ولایت اداره روحانیهسی بر متروپولیدک
نظارتنه تودیع ایدمش وهر برینک معیننده متعدد و مراتب
مختلفه بی حائز رهبان بولندیرلشدر ناحیه پاپاسیلرینک تعییندها
صکره در استانبول انطاکیه قدس شریف اسکندریه کبی برطاقم
بیوک شهرلرک اپسقیوسلری بطریق نامنی حائز اولدقلری کبی
روماده حواری پطرس مقامنک خلقی عد اولنان پاپا یعنی روما
اپسقیوسی دخی عموم کلیسانک نوعاً رئیسی حکمنده ایدی .
ایشته قرون وسطی ده فوق العاده کسب نفوذ ایدرک جمعیت
ایچنده بر موقع عالی کسب ایدن صنف رهبان بوجهمله
حکومتک تخت جایهسنده اولهرق تأسس ایشدر .

کلیسانک شکل و صورتی تعیین اولمشدهده اصل روح
مسئلهنک یعنی خرستیان اعتقادی دنیلان شیئی نه اولدیغنک
یلدیرلسی قالمشدی . حضرت عیسی علیه السلامدن
قالان متفرق نصایح و قواعد اخلاقیه بر مسلتک درویشانهیه
کافی ایسدهده ملیونلرجه آدمک سلوک ایدهجکی بر دینی تشکیله

کافی اولدیغی کبی خرسیتیانلغک اصل مؤسس وناشری عد اولنق بجا اولان پاولوسک محرراتنده وسائر حواریون ائارندهده اساس مذهب حقنده صراحت وافیہ یوقدی انسانلرک یینلرنده جاری اوله بیله جک بر طاقم معاملات خصوصیه حقنده تعیین قواعدايدلديکي حالده اساس اديان اولان ماده الوهیت مسئلهسی بر طاقم افکار باطله یه محل ویره جک یولده مبهم عباره لره پکشدیرلمشدی اویچ عصر مدت خرسیتیانلغک کیرلی کیرلی ترقیسی حسبیله موجود اناجیلک مقداری اکثر مندرجاتلری بر برینه مغایر اولق اوزره یوزی پکیدیکی کبی موجود بئیرست مذهبک تأثیرله ماده الوهیت حقنده افکار مختلفه وجوده ککشدی . بو مذهب قاریشقلغنه ختام ویرمک اوزره قسطنطنین عموم رؤسای رهبانی از نیک شهرنده بر مجلس کبر روحانیده طولایه رق (Concile) تعیین اعتقادی انلره حواله ایتمشدر از نیک اجتماعیده اناجیل موجوده دن ساده دردی یعنی لوقا ماتیوس یوحنا ومارقوس انجیللرینک صحیح و موافق وحی اولوب باقیسنک محرف بولندیغنه قرار ویرمش و بو اناجیله اعمال رسل و رسائل سائره بی دخی علاوه ایلشدر . بوندن صکره ماده الوهیت حقنده کی اختلافیده مذاکره ایدرک تلبث قبول ایدن وتعداله اعتقادینه بکزه مسی جهتیله اکثریت عوام ورهبانک مظهر قبولی اولان اعتقادی بالترجیح آئیده کی حکمی ویرمشدرکه حالا پک جزئی استنزاله عموم خرسیتیان کایسارینک

اساس اعتقاد لری دین عیسوی بی وضع اصل یسندن چبقارهش
اولان بوقراردر .

« بز قادر کل اولان و عوم اشیا ی مرثیه و غیر مرثیه نك
« خالق بولسان جناب رب کریمه ، حضرت عیسی افندمنز
« جناب حقل براوغلی اولوب پدرندن نحدث ایلدیکنه وانکله
« هم ماده بولدیغنه هر شی ارض و سماده انك طرفدن یاپلدیغنه
« نجاتمز ایچون سمادن اینوب تلیم ایدرك انسان اولدیغنه عذاب
« موتی چکدیکنه اوچجیمی کونی اعاده حیات ایدرك کولکره
« چقدیغنه و بر حیات اولانلرله وفات ایدنلرله حکم ایتک اوزره
« کله جکنه تمامیه اعتقاد ایدرز . روح القدسه دخی معتقدز .
« بر زمان وار دیکه اللهم اوغلی یوقدی دیانلرله اللهم اوغلی
« کند یسندن بشقه بر ماده دندر دیانلرله مقدس قاتولیک کلیسامی
« لعنت ایدر . »

بوقرار ایله خرستیانلق طریق تثلیت و شرکه کیردیکی کبی
بواعقادی قبول ایتیانلر دخی عادتاً اصحاب جنایاتدن معدود
بولونیوردی اعضای مجلسدن بولنان ایستپوس آربوس بواعقاده
مخالف فکرده بولنوب روح القدسک الوهیتنی کاملاً جرح
ایلدیکی کبی حضرت عیسی نك دخی جناب حقله هم ماده
اولدیغنی سوله رك انك دخی الوهیتنی ضمناً رد ایلکله وحدانیت
ربانیه اعتقادینی ترویج ایدبوردی آربوسک طرفدارانی دخی
خیلی چوق اولوب فقط مجلس روحانی قرار یله کندیسی

روما ممالککنندن طردایدملکه جرمانیایه کیدوب اوراده
 نشر اعتقاد ایدرک مؤخرأ عفو اولنوب ینه وطنه عودت
 ایشدر. آریوس مذهبی سالکلریله قاتولیکر ییننده کی خصومت
 مؤخرأ کایسانک آسایشنی چوق اخلال ایشدر. بو دفعه
 رسماً تعیین ایدیلان اعتقادی حکومت دخی جایه ایدرک بونی
 قبول ایتمیان اهلیدن اصل قاتولیکرک ویردکری ویرکونک اون
 مثلی تحصیل اولمغه باشلامشدر. بوضورتله مساوات و اخوت
 بشریه اساسنه مستند اولان مذهب عیسوینک مقام حکومته
 یکیشی محل مساوات قواعد وضعیله باشلامشدر.

قسطنطین روما امپراطور لغنی یکی اساسله توفیقاً تجدید
 املنده اولوب اسکى جمهوریت آتاری و بئیرستلک خواطرله
 مملو اولان رومانک پایتختلغه مناسبتی قلامشدی ذاتاً روماخیلی
 وقتدر متروک اولوب ایالیاده میلان و شرقده ازینک شهرلری
 مدت مدیده مرکز حکومتلک ایشدردی قسطنطین بو دفعه حکومت
 جدیدیه یکی برپایتخت انشاسنه قرار ویره رک اوروپا و آسیا
 نک نقطه التصافی اولان محل دلکشاده و قدیم بیرانس بلده
 یونانیه سی جوارنده نامنه منسوب بولنسان بلده عظیمه یی بنا
 ایندیرمش و قسطنطنیه یی روماکی آثار عظیمه و قیسه واک نادر
 و قیمتدار مصنوعات ایله طولدیرمش و رومانن برچوق کبار
 و اشراف پایتخت جدیده نقل ایتدکاری کبی هر طرفدن دخی
 فوج فوج اهالی کتیرله رک استانبول شرقک اک بولک بلده سی

اولشدر (ق ۲۹۳) فقط زمانک سوء اخلاق طبیعی بورایده سرایت ایلوب قسطنطنیه بوبانده اخلاق اک بوزوق بمالکله رقابته چقمشدر قسطنطنین وداع مقامنده اولوق اوزره روماده غایت بیوک برطاق ظفر بنا ایندرمشدرکه ایمپراطورلرک پانخت قدیمدهکی اکصوک اثرلی بو طاق ظفردر قسطنطنین دیوقله سیانوسک باشلامش اولدیغی امر تشکیلاتده دوام ایدرک زمانده حکومت مرکزیه موجود اداره مستبدهنک الجائنه متناسب بر صورتده تنظیم وولایات ایله اداره مالیه و امور عسکریه باشدن باشه تنسیق اولتمشدرکه بواجراآت روما بمالکننده ایمپرا طورلق اداره سنی اساساً دکشدیرمش وایروده اوروپاده تشکل ایدن حکومتهده نمونه اولمش بولتمقله براده برمقدار تفصیلی مناسب کورلمشدر.

حکومت مرکزیه ده اسکی جمهوریت خدما تندن قونسلوس و سنانورلق و سائره کبی برطاقلری و پاتریجی عنوانی ایقبا ایدلمشسهده بونلرک جمله سی واهی و یالکز بر عنوان حالنده قالارق اصل اداره طوغریدن طوغری به حکمدارده قالمشدی یالکز ایمپراطورلر اوزمانه قدر عادتاً عسکرک اک بیوک قوماندانی مقامنده اولدق لری حالده دیوقله سیانوس و باخصوص قسطنطنین زمانلرنده فوق البشر بر مقام اعتباره چقمشدر و بونلرله آحادناس اره سندهکی مسافه عظیمه بی کوسترمک اوزره معیترنده نظار و وکلا مقامنده بر طاقم بیوک مأمورلر

بولندیرلغه باشلامشدی . اصل اداره حکومت مقداری یدی به بالغ اولان واسم ووظیفه لری بوجه اتی بلیان اولنان مأمورین مذکوره الرنده ایدی (۱) دائم پرنسک یاننده بولنسی جهتیه پک متنفذ اولان باش ماینجی Comes sacri cubicoli (۲) عموم ممالکک اداره ضابطه سنه و پوسته لرله ترسانه لر وسلاحخانه لره نظارت ایدن دواثر ناظری Magister officiorum (۳) سرای ایمراتوری باش کاتبی Questor platii (۴) مالیه ناظری Comes sacro-rum largitionum (۵) ایمراتورک املاکی ناظری Comes domes-ticorum (۶) خاصه سواری قونتی Comes domes-ticorum (۷) خاصه پیاده قونتی Comes domes-ticorum equitum . ایمراتور سراینک باشلی مأمور لری بونلر اولوب طواشی قواصان و سائر اتباع و خدامک ایسه حسابی یوقدی سواری و پیاده قونترینک قومانده ایتدکری عساکر خاصه ننگ مقداری اوج بیسک بشیوز نفر اولوب بونلر غایت یاقشعلی آدملردن سچیلور و اکثر ارنیلردن آوردی .

ملکتک روحی مثابه سنده قالان ایمراتورک اطرافنی هاله کبی احاطه ایچون بریکی اصلزادکان طاقنه لزوم اولمغه مأمور ریندن براصالت جدیده تشکیل اولنشدی شویله که هر مأمورک حیثیت و موقعنه کوره بر عنوان و لقبی اولوب اصلتلو سرا . فنلو شهرتسو کبی برطاقم تله بیاتنه بونلر آحاد ناسدن تفریق اولنوردی فقط بر اصلزادکان هیئتندن مطلوب اولان حال ،

هیئت اجتماعیه ده حائز اوله جقلمی موقع مناسبه بئیله مافوق و مادونلرینک سوء استعمالته مانع اولهرق محافظه انتظامه بادی اولمقدر، بوبله اساسنز صورتده کسب اصالت ایتش آدملردن بر شی، بکلنه میه جکندن روما ایمپراطورلغی بوتشریفاندن بر صورتله استفاده ایده مامشدر.

قسطنطین رومانک اداره و لایاتنی اساسلی صورتده دکشد. بره رک اسکی تقسیمات ملیه به موافق ولایات برینه وحدت ملیه لری نظر دفته آلمیان تنسیقات وجوده کتیره مشدر دیوقله سیانوسک تقسیمیی اوزره عموم ممالک درت بیوک قسمه آریلوب هر قسم برپره ققت اداره سنه وضع اولنمشدر که حکومتک وحدتیه خلل کلامکله برابر هرپره ققت کثرت اقتدارجه عادتاً حکمدارک کوچکی و خدام و تبعه سنک و فرزندناشی سرایی استانبولده کی ایمپراطور سراینک برموده لی ایدی. هرپره ققتور دیوسه زلزله منقسم اولوب بونلرده پره ققت معاونلری طرفندن اداره اولنور و بونلردن صکره ممالک بزم لوالر مقامنده اولهرق یوزاون یدی ولایتیه تقسیم اولنهرق هر ولایتی قونسلموس و رئیس نامرلیله بروالی اداره ایدردی. ولایات و تقسیمات مذکوره بروجه آتی بیان اولنور.

اولا شرق پره ققتورلکی: دیوسنزلر (۱) شرق (۲) مصر (۳)
 آسیا و یکرلکی (۴) آسیا پرو قونسلموسلغی (۵) پونت (۶) تراکیا.
 استانبول اراضی، جواریه سی آیری بر دیوسه ز تشکیل ایدردی.

ثانیاً ایلبیریا پره ققتورلکی: (۱) داکیا (۲) ماکدونیا.
 ثالثاً ایتالیا پره ققتورلکی: (۱) ایتالیا (۲) غربی ایلبیریا
 (۳) غربی آفریقا.

روما شهری و یوز میل بعدینه قدر جواری آری بردیوسه زایدی
 رابعاً غالبه لر پره ققتورلکی: (۱) اسپانیا (۲) غالبه (۳) بریتانیا.
 امپراطورلق اداره سنک مهم برجتهیده اداره بلدییه ایدی
 هر شهر عادتاً اسکی رومانک بر نمونه جنکی اولوب یکریمی بش
 دوئمدن زیاده اراضیسی اولان اصحاب املاکدن مرکب قوریا
 نامنده برساتوسی، رئیس اداره اولق اوزره ایکی دوئوموری
 برادیله سی برحاسبه مأموری و پولیس مدیری و سائره سی اولوب
 چله سی اهالی طرفندن انتخاب اولنوردی. مؤخرأ شهرله نزد
 امپراطوریده محافظه منافع لری ایچون برمدافع نصبی حق و بریلرک
 اکثر پسه قوسلر بو صفتله تعیین اولتمده و نفوذ لری بو مناسبتله
 ترایدالکنده ایدی. قوریایی تشکیل ایدن قوریالار رفاه و سعادتده
 بولندجه بو اداره بلدییه لر صورت مکمله ده دوام ایدوب فقط
 امپراطور لغک آغر و برکولر طرح ایدرک تحصیل ایدن قوریالاری
 مشول طومسی حسابیه بو صنفده انحطاطه یوز طومشیدی.
 قوریالار حکومتک کندیلرینه تحمیل ایدیکی آغر وظائفدن
 قورتلیق ایچون عسکرلکه و سائر ممتاز صنف لره قاچغه باشلا.
 دقزندن حکومت کرک بونلرک و کرک کویدلرک بولندقلری ری
 ترک ایدرک بشقه مسلکه کیرملرینی منع ایتش و هرکسی بولندیغی

طوپراغه باغلامشدرکه ایلروده قرون وسطی تاریخنده کوره.
 جگمز سرفلک اصولنک اساسی بوراندنر. رومالیرک ویردکاری
 اداره بلدییه سایه سنده مهاجرت عمومییه اثناسنده برطاقم شهرلر
 محافظه استقلاله موفق اولدقنری کبی روماده بورژوازی یعنی
 اهالی بلاد وقصبات صنفیینه بوسایه ده تشکل ایلشدر.

باخصوص صوک زمانلرنده روما ایمپراطورلغنک اداره
 مالبه سی یا کاش اساسله مستنداً تنظیم ایدیلوردی. صنایع
 و تجارت اربابی واصل ثروتی حاصل ایده جک اولان ذراع
 و اصناف الک آغر ویرکولرله مکلف اولدقنری حالده برچوق
 املاک و کلیسا متصرفاتی تکالیفدن معاف بولنور ایدی. الک
 باشلی ویرکو املاکدن و برده اصحاب حرف و صنایعدن آلتقده
 اولان قایتناچیو ویرکومی اولوب بوده یگون مقدار ایمپراطور
 طرفندن بعدالتعین هر ولایته دوشن حصه املاک اوزرینه و
 شخص باشنه غایت فسار صورتده تقسیم ایدلدیکندن ققرای
 اهالی زیاده سیله ضرر دیده اولوردی بوندن بشقه هر زهدن پاره
 آلمق قابل ایسه حکومت بجه سندن ویرکوبی کمال شدتله اخذ
 و تحصیله شتابان اولدیغندن خلقک منابع ثروتی صورت مکمله ده
 قوریدلمش ایدی.

موضوع بچشمز اولان زمانلرده روما ممالکی اهالی سی درت
 صنف عدولنه ییلردی صنف اولده اصلزادکان مقامنی طوتان
 مأمورین صنف نایده پیدرپی منقرض اولمغه باشلایان قوریلالر

صنّف ثالثه حر اولان اهالی و صنّف رابعه امرا بولنوردی
 حریت قدیمه نك ضیاعيله هر كسك متضرر اولدیغی برزمانده
 امرا چوق قزائمشدی. خرسیتیانلغك مذهب رسمی اوله رق قبولی
 بولتری اسکی معاملات شدیددن هممامكن قورناردیغی کبی
 عموم ذراعت ارضه باغلی قلمسی امرانك الدن اله صائلسنی
 بردرجه یه قدر منع ایتمش و بوضورتله حر اولان زراع ايله
 امرا آره سنده پك بیوك برفرق قالمامشدی. جمعیتك هر طرفنده
 وقوع بولان تبدلات عظیمه دن روما اردوسیده مصون قالمامشدی
 ذاتاً بواردو افرادی اکثرته له وطنداشانندن آلتیوب برطاقم
 باربارل و سرسریلك قبولی عسكرك خصائص معنویه سنه
 کلی خلیل کتیرمشدی قسطنطنین عسکر قوماندانلرینك حکم
 و اهمیتنی بسبتون بقیره ك امرای عسکر به بی سلسله مراتبجه
 مأمورین ملکیه دن صکره بر اقدیغندن واردو حقنده ده برطاقم
 قواعد اسارتکارانه وضع ایلدیکنندن اردویه ارتق ارباب
 حیثیت ایاق آتمز اولوب بسبتون حشراته ملجأ اولمشدر. اردونك
 الك بیوك ضابطه تانی پانختمده خاصه سواری و پیاده قوتلری اولوب
 ولایتده دخی مخصوص عسکر قوماندانلری واردی اداره ملکیه
 و عسکر به بر بندن بسبتون آیری اولمغله نه والی عسكرك ایشنه
 قاریشور، نه ده قوماندان امور ملکیه به مداخله ایدردی.
 قسطنطنین عسكرك وجودینه بر تمغا اورلسنی اصول اتخاذا ایتدر
 دیکی کبی سلاحلرینی دخی خفیف قلیج و اوق ايله یابه تبدیل

ايندرمش وسوارى ابله پياده جئـونده اوزمانه قدر قارشق
ايكن بوايكي صئفى آيروب بربرندن مستقل قوماندانلر اداره سنه
ويرمشدر . بونديشقه هر جئـونك موجودى بش التى بيك راده .
سنده ايكن بيك بشيوزه اينديرملكه ايمپراطورلغك شمالده باربارلر
وشرقده ايرانيلى طرفندن تهديد ايدلديكى برزمانده رومانك قوه
عسكريه سى اساساً محو ايدلشدر .

ملاحظات مبسوطه دن اكلاشلديغى اوزره هجرت نبويه دن
اويچ عصر مقدمى خلاننده روما جمعيتى انقراض تام حالنده
ايدى روماليلك الك بيوك اساس قوتلى اولان اردولرى اسكى
قوه معنويه سنى غائب ايتش ومملكته مدهنه وخلص و انواع
فساد اخلاق تفوق ايدرك فعاليت بشريه نك طريق محاسنده
بركوريلور اثرى قالماشدى . ترقيات فكريه طاقيله طورمش
خرستيانلغك انتشارله فلسفه قديمه ذوال بولش ايمپراطورلق
ضيمانز بر كوش كى تصادفه تابعاً كتمكه باشلامش وارلق
ازهر جهت اولمش بولنان بوجميتك اعاده حيات الملى اميدى
قالماشدى فقط ممالكك شمال و جنوبنده هنوز حيات مدينه يه
كيرماش ايكى قوم وارديكه يكي دن بر جمعيت تشكيلى ايچون
ايجاب ايدن خصائص كنديلرنده تماماً موجود اولغله شرق
وغربك انلر سايه سنده كسب حيات ابد جكي عصر ك ارباب
دقتى طرفندن نئچمين اولنه بيليردى . بختيار قسطنطين ق ۲۸۵
ده وفات ايدرك بوجرمان و عرب استيلاريني طبعى كور ماشسه ده
اخلافي دورنده ايمپراطورلغك مقدراتى تماماً ميدانه چتمشدر .

قسطنطينك اخلافي و تئودوسيوس

قسطنطينك اوغلاری. فونستانس. بولیانوس. یوویانوس. والانس
 ووالانتینیانوس. غراتیانوس. مهاجرت عومیه نك باشلانغی. غوتلر
 هونلر وجرمان لر. جرمان اقوامی. اخلاق و طبیعتلری و منذهبیلری
 هون دولتی و غوتلر. ویزغوتلرک شرقی رومابه انجالی
 ادرنه محاربه سی ووالانسك وفاتی. تئودوسیوس.
 غوت غائله سنك دفعی، روما ممالکنك توحیدی
 تئودوسیوسك وفاتی و شرق و غرب قسطنینك
 قطباً ابرلمی

روما ایمپراطورلغنك ایسوك نقصانی و اکثر تشوشاته
 بادی اولان حال سلطنتك صورت انتقالی حقننده برقاعده مطرده
 بولنامسی اولوب قسطنطین دولتك بالجمله خصوصاتنی قواعد
 جدیدیه ربط ایلدیکی حالده بونی اصلاح ایتدکن بشقه حین
 وفاتنده ممالکی اوج اوغلی و برقاچ یکنی بئننده تقسیم ایدرک
 برچوقی مساعی سایه سننده انجق وجوده کتیردیکی وحدت
 اداره بی بنه اخلال الملشدر.

مشار الیهک وفاتنی متعاقب ایکی برادر یله غالوس و یولیا.

نوسدن بشقه عموم یکنلری عسکر طرفندن اتلاف اولندیغندن
 ممالک قونستانس قونستانق و قونستان اسمنده اوج اوغلی
 آره سنده منقسم قالمشدی . حصه سنه غالباً اصابت ایلش اولان
 قونستانق ایلیر یاده کی برادری قونستان اوزرینه هجوم ایدرک
 مقبول اولمش و قونستانده غالبه به تجاوز ایدرک بر ازمدت دوام
 ایدن محارباتده ترک حیات ایلش بولندیغندن ممالک ینه شرق
 قیصری قونستانسک عهده سنده طویلاشمش و او ده یکنی غالبه
 کندیسنه معاونت ایچون قیصر اعلان ایلشدی . قونستانس
 ضعیف العقل بر ذات اولوب او هامه تبعیتله غالبه اولدی
 و منازعات مذهبییه قاریشهرق محافظه حدودی چوق نظر
 دقه آلدیغی حالده غالبه برادری اولوب غالبه قوماندا
 ایدرک فرانسلر و آلمانلره غلبه ایلش و شجاعت و درایتله
 هر کسه کندینی سودیرمش اولان کنج بولیانوس عسکری
 طرفندن ایمپراطور اعلان ایدیلرک اوصره ده قونستانسده وفات
 ایدویر مکه عموم ممالکه بولیانوس حکمدار اولشدر .

بوك قسطنظینک وفاتده بولیانوس اتی یاشنده اولوب
 مذهب عیسویده پیومشده شتابنی آتده و یونان حکمائی
 مجلس صحبتنده یکیردیکندن مذهب قدیمی موافق اخلاق
 برصورتیه قومغه چالشان حکمائی مذکور افکارینی قبول
 ایدرک روما مذهب و اصول قدیمه سنک پک خواهشلی بر طرفداری
 بولتی جهتیله جلوسنی متعاقب آیین پیرستانی احیایه تشبث

ایدرك خرسٲیانلغی مذهب رسمیلکدن چبقارمش وبوسبیله مرتد لقبیله تلقیب اولنوب اهلینک خرسٲیان اولان اکثریتی طرفندن نظر حقارتله کورلمشدی .

بولیانوس بکرمی برآیدن عبارت برمدت جزئیة سلطنت ایدرك ایران اوزرینه سفر اچوب خیلی موقیانه ده نائل اولمش ایسه ده برحاربه ده مجروحاً وفات ایلکله برینه یکن یوویانوس دولت ساسانیان ایله عقد صلح اچون بعض ولایاتی ایرانه ترك ایلشدر . یوویانوسده چوق وقت سلطنت ایده یوب برینه والانتینانوس امپراطور اولمش ومشارالیه غربی کندی اداره سنه آلاق شرقی دخی برادری والانسه برامشدر . مذهب عیسوی یته مذهب رسمی اولق اوزره اعاده اولنوب بترستلک کافی السابق مقهور اولمشدر . والانتینانوس غرب طرفنی پک عادلانه ومدبرانه برصورتده اداره ایدوب وفاتده سلطنت اوغلی غراتیانوسه قالمشدی فقط والانس برادری درجه سنده اقتدار کوسترمیه رك منازل مذهبیه به مداخله ونامناسب حرکاته تصدی ایلدیکی کبی روما امپراطورلغنک بادی محو وانقراضی اولان مهاجرت عمومیه وقع سنک مقدمانی دخی انک زماننده باش کوسترمشدر .

روما امپراطورلغی بحر سفیدک عموم اطراف ایله بحر شماله وبحر محیط اطلامی به قدر ممالکی تحت اداره سنه المشسه ده حدودینک جنوب وشمال شرقنده برکون هجوملریله رومیایی

تہلکہ یہ القا ایڈہ بیلہ جک برطاقم ملل واقوام موجرد ایڈی •
 فقط جنوبیہ کی عربلہنوز دین مبین محمدینک سو قیلہ کیر دکاری
 شاہراہ ترقی و استیلایی بولامش و شرقیہ کی ایران حکومتیڈہ
 روما ایڈہ درت بش عصر مدت اوغراشارق صرف قوت
 ایلش اولدقزندن اصل تہلکہ شمڈیلک شمال طرفندہ بولنیور
 ایڈی • اوروپانک شمالندہ ورومالیلیق عالی خارچندہ باشلیچہ
 اوج جنس قوم ساکن اولوب بونلرک الک شرقیہ اولانلری
 مغول و تاتار جنس لریئہ و دھا وسطدہ قالانلری اسلاو عناصرینہ
 واک غربیڈہ کیلرڈہ جرمان جنسنہ منسوب ایڈیلر • مغول جنسنہ
 منسوب اقوام اووقت ہون طائفہ سنک ریاستندہ اولہرق بر
 دولت جسیہ تشکیل ایلش و افرادینک جسارت و خوزیزلکی
 و دولتک وسعت ممالکی و کثرت نفوسیلہ جوارہ ایرات خوف
 و دہشت ایتمکہ باشلامشدی • اسلاولرک قسم جزئیسی طونہ ایڈہ
 آدریاتیق دکزی ارہ لرنڈہ اولوب مقدار کلیمی ایسہ وولغانلری
 منبع لرنڈہ و بحر بالطقک شرق طرفندہ کی ممالک وسیعہ دہ همان
 حال و حشدہ یشاپور لردی • جرمان اقوامی نفس جرمانیادن
 بشقہ دون و دینستر نہر لریئہ قدر شرقی اوروپا حوالیسنندہ دخی
 تأسس ایلش لردی • بحر سیاہک عموم جہات شمالیہ سنندہ
 مذکور نہر لرک اسقا ایڈلک لری محللرڈہ جرمانلر دن غوت قومی
 ساکن اولوب رؤسادن ارمانلریخک ہمتیلہ بوقوم بیولک بر حکومت
 تشکیلنہ موفق اولمشدی •

سائر جرمان اقوامی بیننده ایسه بویله بیسوک بردولت اولیوب بونلر حال تفرقه ده یشامقده و هر قبیله باشلی باشنده اداره اولتمقده ایدی . جرمان قبائلندن مارقومان قبیله سی شمیدیکی بوهیما جهتلرنده و هجرت نیویهدن درت عصر مقدمنده برهیت متفقه تشکیل ائلمش اولان فرانکلرن نهری حوالیسینده ، باتاو و فریزونلر فلنک طرفلرنده ، واندالر بورغوندلر ولونغبوردلر ده اشرقه ، آنگل و ساقسونلر الب و ایدرنهرلری ارمسینده ، سقاندینا ولر دانیارقه و اسوچده ساکن بولتمقده ایدیلر .

جرمانلرک اخلاق و طبیعتلری رومالیله هیچ بکزه مزدی بوقوم حقینده انک اول مورخ تاجیتوس معلومات ویره رک جرمانیا نام اثرینی انلرک تصویر احوالته حصر ائلمشدر . جرمانلر زیاده سیله محب سربستی اولوب علی العیسی اطاعتی هیچ سومدکلرندن ینلرنده من القدیم براتحاد تام حاصل اوله ماش ایدی و تفرقه سیاسیله لری براردو کبی اطاعت کامله ایچینده بولنان روما عالمیله غریب بر تضاد تشکیل ایدیلوردی . جرمانیاده بیوک شهرلر موجود اولیوب هر کس زرع ائلمکده بولندیغی اراضیدن برکله یاپه رق اسکان ایدر و هر قبیله نلک بر قالی « Konig » اولوب انک طرفندن و بالخاصه قبیله نلک اختیارلری واسطه سیله اداره اولنورلردی . قرال قومک انک نجیب وقوتلی ادمی اولقی اوزره انتخابله تعیین ایدیلور و وظائفی بالخاصه جین حربده قوماندا حقنه منحصر قالارق حکومت داخله جه

صلاحیتی پک محدود بولنوردی . و طنداشلق حقنه نائل اولمق
 حرکات و عسکرلک شرطلریله مشروط اولوب هر درلو تدابیر
 اداره ایام معینهده مسلح اوله رق اجتماع ایدن و طنداشانه
 تکلیف ایدیلور و قاتانلرک بر برینه چاریلمی تکلیف اولنسان
 تدبیرک اهالی طرفدن قبولنه علامت عد اولنوردی . جرمانلر
 محاربه بی پک زیاده سودکارندن بعضاً شهرت المش بر رئیسک
 معینهده طوبلانهرق حربیه کیدرلر وانک او امرینه اطاعت تامه
 کوستردکاری کی رئیس لرینی هر حال و کارده مدافعه و وقایه ابله
 مکلف بولنورلردی برقراللق داخلنده هر ناحیه نک غراف Graf
 اسمنده بر رئیس بولنور و بعضاً محاربه یه کتمک اوزره جنکاور
 لک انتخاب ایتدکاری رئیسده هر تزوغ Herzog نامی و بریلور
 ایدی .

بالجمله اقوام جاهله نزدنده اولدیغی کی جرمانلرک مذهبیده
 تعدد الهه قائل ایدی و ملتک اخلاق و مملکتک اقلیم و هواسیله
 متناسب بعض احوال مخصوصه ارائه ایدیلوردی . الک بیوک
 الهلری اولان اودینک فوز و ظفره بادی اولدیغی و کیجه لری
 ارضه ایتدک هواده اولمش جنکاورلرله مبارزه ایلدیکی فرض
 اولنور و یونایلرده هر کولت حائز اولدیغی قهرمانلق اوصافنی
 حائز اولمق اوزره دونار نامنده براله دیگر تصور اولنوردی .
 جرمانیانک شمال جهتلرنده فره آوهولدا نام ایکی الهه زیاده سیله
 عظه ریزستش اولوب کیجه لری هوولدانک بیاض روبالرله

چیقارق قازسریدیکی نطن اولنوردی جرمانترک مذهبی احوالی
 اقلیمییه الوهیت وردکدن بشقه کواکب پرستلاک علاماتی
 دخی حاوی اولوب ازجمله اردنا نامیله ارضه سوننا نامیله شمسه
 و مانی نامیله قره تعبد ایدیلوردی . بومذهبک خرافاتنده
 خیالات شاعرانه مفعود اولیوب برطاقم قهرمانترک اوصاف
 و سرگذشتنی نظم و مقام ایله تغنی ایدن باردنام شاعرلر
 یك زیاده حائر اعتبار ایدیلر . جرمانترک اعتقادنجه جنکاورلر
 بعد الوفات والهالا نام جنته کیدرک اوراده دشمنلرینک قفا
 طاسلرله شراب ایچرلر والی نهایه برلرله مبارزهلر ایدرک
 اکایرلر ایش . جنک شوصورتله تصوری دخی بوقومک
 محارباته درجه آنهاکنی کوسترر . جرمان اقوامندن بعضیلری
 وازجمله عموم غوث قومی آریوس مذهبنی قبول ایشلردی .
 جرمانترزراعت و حراثت ایله انجق حوایج ضروریه لرینی
 تدارک ایچون اشتغال ایدرک زیاده کسب ثروته هیج چالشملر
 ایدی نظرلرنده موتک ذره قدر حکم واهمیتی اولدیغندن اک
 جسوزانه تشبثر کندیلرنجه پک بسیط کورینور واولوم
 قارشوسنده دائما پروامز بولنورلردی . عرض وناموس خصو-
 صنده اعتنالی زیاده ایدی بالکز سرخوشلغه انماکاری چوق
 اولوب قارده مبتلا اولدقلرندن بعضاً بر شخصک قارده حریتی
 یله غائب ایدرک بر دیکرینه اسیر اولدیغی واقع اولور ایدی .
 جرمانتر هنوز غیرتمدن اولغله برابر کندیلرنده بر اساس

واردیکه **كرك** بین الافراد و**كرك** بین الدول قواعد
 حقوقیه و اجالات جمعیه اطاعت خصوصند بر ترقی حصولی
 امیدلرینی اذنه القا ایده بیلوردی بوده حریت شخصیه نك
 نظرلنده حاز اولدیغی قیمت عظیمه ایدی . جرمانلر حریت
 شخصیه رعایتی بر قوم نزدنده بولنان اجانبك بنه کندی وطنی
 قانونرینه تابع اولسنه مساعده درجه سنه قدر کتور مشلردی .
 مباحث سابقه کورلدیکی اوزره جرمان اقوامی تا
 اوغوستوس زمانندن بری روما مالکی اوزرینه تجاوزدن خالی
 قالمیوب امپراطورلغك حدود شمالیه سنده محاربات اکنک
 اولدیغی بوقدی حتی یواش یواش روما حدودلری **كری**
 چکلکه بیله باشلا یوب از جمله آورهلانوس زمانده داکیا
 ولایتی دخی غوتلر طرفندن استیلا ایلمشدی .
 جرمانلر رومیله بر طرفندن دوست صفتیه مستولی اوله رق
 روما جئوتلری جرمان کولمیلرله طولدیغی کی بولردن رومی
 تربیه سنی آلان بر چوقلریده بیوک بیوک مأموریتلره چتمشلر
 ایدی . شو حالده ذاتاً جرمانلر یواش یواش روما مالکنی اله
 یکیرمکده ایکن بالاده ذکر اولنان هون طائفه سنک اوروپایه
 تجاوزلره بر حرکت عمومیه وجوده کله رك عموم قبائل فوج فوج
 امپراطورلق مالکنه آقین ایتشلر وایشته مهاجرت عمومیه ویا
 باربار استیلاسی نامی وریلان وقعۀ عظیمه بوضورتله نحدث
 ایشدر .

هون دولتی بر مدت عموم آسیای شمالیه و وسطی بی تخت
 اداره سنده بولندردفن صکره بر قاج قسمه آریلوب غرب
 طرفنده قالانر غوتنر اوزرینه هجوم ایشلردی . هونلر غایت
 جسور و شجیع و سوار یلکده یکتا بولندقری کبی مفل جنسنه
 منسویتلری و بویلرینک قیصه کندیلرینک غایت چویک و قوتلی
 ققلرینک ایری و کوزلرینک اوقاجتی والحاصل شخصلرینک
 غریب و مخوف بولنسی حسینیه همجوار اولان اقوام بولردن
 صورت مخصوصده قورقارلر و عادتا هونره شیطان اولادی
 نظریله باقارلردی . غوت دولتی هونلرک کایتله هجومه مقاومت
 ایده میهرک منقرض اولوب شرق طرفنده کی اوستر و غوتلر
 عرض تبعیت ایش و غربده کی ویزیفوتلر ایسه اطفال و اناندرن
 بشقه ساده « ۲۰۰۰۰ » الی سلاح طوتار ارکنکه برجم
 غفیر اولهرق فرار ایله کندیلرینک ایمراطورلوق داخلنده اسکا.
 نلرینه مساعده اولنسی ایمراطور والانسندن رجا ایشلردی
 (ق ۲۴۶) ویزیفوتلر سلاحلری الندقدن صکره مزیا طرفلرند
 اسکان ایلمشرسده روما مأورلرینک معناد اولان معاملات
 خدارانه لریله اغروبرکولرینه تحمل ایده مدکرندن رفع علم عصیان
 ایدرک ادرنه جوارنده وقوع بولان محاربه ده ایمراطور والانسده
 مغلوب و مقتول اولمشدر (ق ۲۴۴) .

والانسک و قایتله شرق ایمراطور لغیده یکنسنه قالمق لازم
 کلیرسده غراتیانوس برادمک بو قدر ممالکی اداره ایلدی ارتق

قابل اولمديغنى يلدېكىندىن اسپانيا والىلىكنده بولسان قونت
تئودوسوسى شرق قيصرلىكنه تعيين ايتدى تشودوسوس
ارباب درايىت و اقتداردن و ذاتاً حسن اداره سبيله طائمش
برذات اولوب شرفه ورودنده هرشيدن اول غوت غايله سنك
دفعنه چالشه رق بونلك برقمى تراكياده اسكان ايتمش و قالانى
روم ايلي و اناطولىنىك جوانب مختلفه سنده برلشديره رك قرق
يىك تفرينى ده روما اردولرينه المش و طونه نهرينى بكمكه
چالیشان اوستروغوت (شرقى غوت) قبيله سنى دىخى حرباً كرى
پوسكورتمكه موفق اولمشدى . شرق حواليسى تشودوسك همته
براز اسايىش كور مشهده غربده ينه بر طاقم قارىش قلقر ظهور
ايتمش و برى تانيا اردوسى قوماندانى بولسان ماقسيم عسكرى
طرفدن امپراطور اعلان ايدىلوب روما اوزرينه تجاوز
و غراتيانوسى اتلاف ايدىكىندىن تشودوسك مداخلة سبيله ايتالياده
غراتيانوسك اوغلى و الانتيانوس حكم ايتك اوزره ماقسيمه غاليا
قيصرلىكى و رىلكه ممالكده ينه اويچ امپراطور ييدا اولمشدى
و الانتيانوس تشودوسك قائم برادرى اولوب ققط والده سنك
تشويقيله اربوس مذهبنى التزام ايتلكه محافظه حكومته موفق
اوله ميهرق ماقسيم ايتاليايده استيلا ايتش و فقط تشودوس ماقسىمى
مغلوب و اتلاف ايدرك و الانتيانوسى ينه حكومته اعاده ايتشدر .
بودفعه تشودوس اويچ سنه قدر ايتالياده قلوب اداره بى بولنه
قودقدن صىكره و الانتيانوس زنده آبرو غاست نام فرانقى

مشاور صفتیله بر اقامه شده از وقت صکره ابروغانست ایمراتور
اولدیرتیرک کندی کاتیلرندن اوژه فی ایمراتور اعلان و بترست
لکی الترامه تصدی ایلدیکندن تئودوسیوس تکرار ایتالیا به کچهرک
و تغلیبی دفع ایدرک عموم ممالکی کندی زیر حکومنده توحیده
موفق اولمشدر (ق ۲۲۸) .

تئودوسیوس عموم ممالکه صاحب اولان ایمراتورلرک
صوکی اولوب حین وفاتنده (ق ۲۲۷) ممالکنی ایکی اوغلی
آرهنده پای ایدرک شرقی آرقادیوسه و غربی هونوریوسه و برمش
و بوایکی قسم بردها برلشه مامشدر ذاتاً غربی روما جرمان
اقوامی طرفندن دوچار اولدیغی مهاجرات شدید متعاقبه به
طیانامه بیرک تقسیمک سکسان دردیجی سنه سنده منقرض اولمش
و شرقی روما ایسه موقعنک متانتی و طونه و بالقانلر خطمداد
فعدری و برده اقوام مستولیه طریق خارجنده قالوب هرکسک
روتله شهرتی دهاز یاده اولان روما اوزرینه بوریمسی سابه سنده
۱۰۵۸ سنه مدت دهابقا بولمشدر . معافیله ایلروده کوربله جک
جزئی برانتباهی متعاقب بو حکومت تصوری مشکل برحال فساد
و ضعفه دوشهرک انقراضنه قدر بر اثر حیات کوستر مامش
و رومایللیق صفتنی دخی پیدرپی ضایع ایدرک یونانیلشوب
بروم دولتی حالنه ککله تاریخده بیرانس حکومتی و یاخود
اشاغی ایمراتورلوق نامرلیله معروف اولمشدر بو حکومتده
رومایللیق اساسدی ممکن اولان زمانلرک احوال تاریخیه سی
فصل آتیده کوربله جکدر .

فصل ثالث

رومالمیق مالمک انقراضی

۱

مهاجرت عمومیہ نک برنجی دوری

آلاریک وو بریغوتلر. ستیلیقون. یونک مهاجرت. بورغوند و بریغوت
وسونف حکومتلرینک تشکیلی. آفریقادہ واندال حکومتی. کنزہریق.
آیللا وھونلرک ہجومی. آندچئوس وشالون عماربہسی. کنزہریقک
رومایی ضبط الیسی. غربی روما ایمپراطورلغنک حالی. اودوآفر و
غربی رومانک انقراضی. ایٹالیا قرالغی. روما تاریخنہ بر نظر.

تئودوسیوسک کال مشکلاتلہ تسکینہ موفق اولدیغی ویز.
یغوتلر ایمپراطور آرقادیوس زمانندہ باش وکیل اولان روفن
اسمندہ بر غونک اخانت ویاسوہ تدبیرندنناشی کندیلرینہ مخصوص
اولان عائداتی آلامدقرندن عصیان وایچلرندہ اصیل ونجیب
بلتی فاملیاسنہ منسوب آلاریخ نام ذاتی قرال انتخاب ایدرک
تراکیا و یونانستان و ماسکدونیا یی تخریب وتالان ایتشلردی
(ق ۲۲۷). تئودوسیوسک اوغلاری ززندنہ عادتا وصی
صفقیلہ بر اقدیغی واندال ستیلیقون بونلری مغلوب ایلشسہدہ

تماماً نحو ایدمه مدیکندن آلا ریخ آرقاریوس طرفندن ایلیرییا قوماندانلغنه تعیین اولمشدر . آلا ریخ ایلیریادن ایتالیا فتحنه یوربه رك ایمپراطور هونوریوسی میلان شهرنده اسیر ایلیمسینه رمق قالمشده ینه غربه شتاب ایلش اولان استیلیقونه مغلوب اوله رق و قسقط کانی السابق هونوریوسدنده برتبه آلاق جریان احواله منتظراً آدرباتیق دكزی ساحل شمالیمسینه چکلمشدر .

بو صرده ستیلیقون ایتالیایی بر بولك استیلادن ده قور-تارپوردی بالتیق دكزی جهتلندن قرال رادا كرك قومانداسنده اوله رق حرکت ایدن سوئف قبیله سیله بونلرك برندن اویاتدیغی و اندال بورغوند و آلنه طوائف کثیره سی ایتالیا اوزرینه هجوم ایلدكری حالده (ق ۲۱۶) ستیلیقون سوئفری شمالی ایتالیاده مغلوب و قرالیرینی قتل ایلکله اشبو مهاجرت عظیمه تحویل جهت ایدرك غالیله قطع مسنه کیرمش و قطع مسنه مذکور مسنه لرجه تعریفی ناقابل بر فارغ شه لقی حالنده قالدق دمنصکره رن نه ری حوالی جنوبیه مسنده بورغوندلر (ق ۲۰۹) بر حکومت مستقله تاسیس ایلدكری کبی سوئف و واندالرده جنوبی غالیله ایله اسپانیاه یا نیشلردی .

ستیلیقون حکومتیه بو قدر خدماتده بولمش ایکن باربارلر حقنده براز مساعده لی طور انمسی واردوسنی ایلردن جمع ایلیمسی سیبیله ایمپراطور هونوریوس شبه لیمکه بو جسور قوماندانی

اتلاف و ابتالیاده موجود باربارلک اعدامی فرمان ایتدیکندن
آلارنج یرندن حرکتله روما اوزرینه یوروپوب شهری ضبط
ویغما ایلش و فقط باربارلک ایمپراطورلق حقدنه بدرجه یه قدر
رعایتلری اولغله راوهن قلعه سنه تحصن ایدن ایمپراطوره ایلشماش
و حکومتی رسماً قالد برماشدر .

آلارنج بو موقعیدن آز وقت صکره وفات ایدرک روایت
نظراً جسدی برتیومده بوزنن ایرماغنک مجراسی چوریلوب
دره نك ایچنه کوملش و صکره صوینه مجرای طبیعینه عودت
ایتدیلمشدر . آلارنجدن صکره ویزیفوت قرالی اولان برادری
آنا اولف روما طرفداری اولوب هونور بوسک همشیره سی پلا
سیدیایی تزوج ایدرک اولا غالیه ده ایمپراطور علیهنه عصیان
ایلش اولان بر قاج قوماندانی تکیل ایلدکن صکره جنوبی
غالیه و اسپانیایی دخی سوئفر و واندالر لندن ضبط ایلشدر .
سوئف قرالی هرماننج اسپانیانک شمالنده کی آستوریه طاغری
شواهی منبعه سنه النجا ایدرک اوراده بر دولت تأسیس ایلش
بو دولت بر مدت بقا بولوب فقط صکره یه ویزیفوتلرک
ید استیلاسنه کچمشدر . واندالر ایسه اولا اسپانیانک جنوبنده
کائن اولوب کنددی نامرینه نسبتله واندالوزیه (اندلس)
نامی ویریلان قطعه ده او طور دقدن صکره آفریقاه کچهرک
قدیم قارطاجه طرفلرنده واندال دولتی تأسیس ایلدیله . ویز-
یفوتلر بو صورتله همان عموم اسپانیا ایله آکیتانیه قطعه سننده

بردولت عظیمه ناسیسنده موفق اولدیله . مهاجرت عمومینه نك بو ایلك دورنده درت باربار دولتی تشکل ایتشدی (۱) بورغو- ندیه قرالغیکه مؤخرأ فرانقرک بد استیلاسنه کچدی (۲) و بزبغوت دولتیکه اوج عصر قدر مدت دوام ایدوب غالیه ده کی ممالکی فرانقرک بد استیلاسنه کچدی کی کبی اصل ملک لریده عربلرک دور فنو حاننده ممالک اسلامیه به قاتلدی (۳) آستوریه قرالغیکه آز وقت صکره و بزبغوتلر واسطه سیله منقرض اولدی (۴) و اندال حکومتیکه بر عصر یله سوره میوب بیرانس حکومتی طرفندن منقرض ایدلدی .

قارطاجه موقعنک حازر اولدیغی اهمیت و اندالری دخی اسکی قارطاجه لیلر کی تزیید قوه بحریه به سوق ایدرک آز وقت طرفنده بحر سفید کاملاً و اندالرک النده قالمش و بالخاصه و اندال قرالی کنزهریق بوقوتلی دونما ایله روم ممالکی سواحلی تاراج و یغما ایلکدن برآن خالی قالماقده بولتمشدی کنزهریق رومی دخی ضبط و یغما ایتکی تصمیم ایله کندیسنه متفق اولق اوزره زمانک اک دهشتلی باربار حکمدارینی انتخاب ایلشدیکه بو حکمدارده آتیلادر .

آیلا هون رؤساستدن اولوب شمالی آسیا و اوروپاده کی عموم ترک و تاتار و مغول اقوامی تحت اداره سننده جمع ایدرک جسم بردولت وجوده کتیرمشدی . برچوبانک طور اراق ایچنده بوله رق کندیسنه تقدیم ایلدی کی قدیم بر اصلی قلیج هم کندیبی

وهمده قومی نظرندہ جهانگیر لکنہ علامت عد اولمشدی .
 آیللا متعظم وقومی اصولی اوزره غدر و تخریبه میال بر حکمدار
 اولوب « اتمک آیاغی باصدیغی برده اوت بتاملیدر » دیرایدی
 بو قاعده نك اجراسنه دقت و اهتمامی آتک آیاغی باصدیغی بر
 اھالیس نك کندیسنه اللہک بلاسی لقبی ویرملرینہ بادی اولمشدی .
 بحر سفیدہ اللہک بر بلاسی اولان کوزہ ربق اجرای
 مقصد ایچون ہون حکمدار یلہ عقد اتفاق ایدرک روما ممالکنی
 تخریبه قرار ویرمش و بو دہشتلی طائفہ نك اورویاہ دخولی
 ہم روما لیلر و ہمده جرمانلری مستغرق خوف و دہشت ایلشدر .
 آیللا اول امرده شرقی روما اوزرینہ یوروپوب طونہ بی
 کچدرک مزبادہ سادہ یتمش قدر امصار و بلادی سراپا تخریب
 ایلش و ایمپراطور ایکنجی تئودوسدن کلیتی مبالغ آلمشدر .
 تئودوس بر طرفدن ہون حکمدارینہ خلوص و جزیه ابدال
 ایلککہ برابر بر طرفدندہ معیتی ادملرینی افساد ایلہ کندیسنی
 اولدیرتمکہ چالشوردی ہون حکمداری تئودوسک
 بو انتزقہ لرندن خبردار اولدیغی وقت سادہ « افندیسی علیہندہ
 آلچق برکولہ کبی فساد ایلسندن » طولانی تکدیر ایلہ اکتفا
 ایدوب جزاً آلدیغی جزیه بی زید ایلشدی فقط تئودوسہ خلف
 اولان مارسیہنہ آیللاہہ مدارا ایتدیرک ویرکو استمکہ کلان
 ہونلرہ قارشو « بزم دوستلرمن ایچون پارہ من و دشمنلرمن ایچون
 قلمز واردر » جو ایلہ اثبات مردانگی ایلشدر . آیللا ہر نقدر

تهدیددن بک قورقار برادم دکسه ده استانبولک موقعی غایت
منیع و مستحکم بولنسی جهتیله قسطنطنیه اوزرینه کیه رک جرمانیا
ایچروسندن غایه طرفلرینه تحویل عزیزت ایلدی.

آیلا یانده التبوزیک محارب اولدیغی حالده غایه بی
چکیده رک اورلئان شهرینی محاصره ایلشدی . هونرک هجومی
عمومی تلاشه دوشورمش وروما ممالکنده برلشهرک حکومت
تأسیسنه قرار ویرمش بولنان جرمان اقوامی ایسه ذاتاً انقراض
اوزره بولنان رومادن زیاده وقایه نفس مجبوریتنده قالمشردی .
غایه قطعهمسی برچوق اقوام انده بولمقله برابرینه رسماً روما
اداره سنده اولوب اکثر شهرلرده عادتاً مستقل صورته وقیم
اعظمی بسقبوسلرینک تحت اداره لرنده بولمقلده ایدیلر . روما
قوماندانلردن و بوحکومت منخطیه نک محافظه استقلالی ایچون
اکصوک غیرت ایدنلردن اولان آه چئوس موجود روما عسکرینه
فرانقلرله سائر غایه یه کلش جرمان معاونه لرینی بالعلاوله بریوک
اردو تشکیل ایدرک اورلئانک معاونتسه کلوب شهرده بسقبوس
سنت آیانک ثباتی سایه سنده اووقته قدر محاصره یه طیساشمش
اولغله آیللا روما اردوسیله محاربه ایچون سواری ماتوره لرینه
دها الویرشلی بربر آراق اوزره محاصره بی ترک ایله رجعت الماش
وایچی دشمن اره سنده محاربه شامپانیاده شالون صحرا سنده وقوع
بولمشدر . (ق ۱۷۱) بو محاربه ده مهاجرت عمومیه ایله حرکت
ایدن اقوامک قسم اعظمی موجود اولوب غلبه روما متفقرنده

قلمش و طرفینک تلفاتی علی روایة یوز التمش بیک نفری تجاوز
 ایشلدر . آتیللا شالوندن اردوسیلہ رجعت ایدرک مقر ایدندیکی
 پانویا قطعہ سنہ کلش و ایرتسی سنہ اخذ مار ایچون طوغریبچہ
 روما اوزرینہ یورومکله مدافعہ دن عاجز قالان روما اہالیسی
 غالبک جلب مرحتی ایچون پاپا بیوک لثونی ارسال ایدرک
 کلی خراج و ہدایا تقدیمی سایہ سندن ہون استیلا سندن تخلیص
 کریبان ایدہ بیتلشدر . ایمپراطور لغک بجز نامنہ قارشو پاپانک
 دفع صالحہ موفقیتی پاپالق مقامنک ایلرودہ کسب ایتدیکی اقبال
 فوق العادہ بہ بر زمین حاضر لامشدر . آتیللا ایسہ عودتدن آز
 وقت صکرہ وفات ایلدیکنندن و قاتیلہ دولتی دخی طاغیلہ رق
 برچوق جرمان اقوامی و بالخاصہ اوسترو غوتلرینہ نائل استقلال
 اولمشلدر .

ہون حکمدارینک متفق بولنان کنزہریق دہابیوک موقیاتیہ
 نائل اولمشدر کنزہریق (ق ۱۶۷) دہ روما اوزرینہ بوریرک
 پاپانک اقداماتی حکمسز قلمغلہ شہری ضبط و اون درت کون مدت
 صورت متادہ دہ یغما ایتدیرہرک و قتیلہ آلاربکک اوچ کون دوام
 ایدن یغماسنی اونوتدیرمشدی و اندالارک بوسرہدہ کوستر دکاری
 معاملات و حشیانہ و بالخاصہ مخصوصاً تخریب قصہ دیلہ نیچہ
 اثار تفسیدی محو و برباد ایشلری ہر درلو تخریب مایلزمہ
 و اندالیرم عنوانی ویرلسنہ سبب اولمشدر .

ذاتاً بووقایع ارہ سندنہ روما ایمپراطور لغی برلقظ موہوم

حاله کیروب ممالکک هر طرفنده باربار اقوام سیروسفر ایتلکده وروماده ایسه کویا مصائب استیلا بلیه کافیه دکلمش کبی سلطنت دعوالزندن متولد منازعات خوزیزانه ناقابل تحمل بر درجه بی بولمده ایدی . مهاجاته کشاده اولان روما برینه مستحکم راوهن قلعه سنده اقامت ایمپراطور لوجه عادت اولمشده امنیت سلطنت قالیوب روما اردوسنده مستخدم باربار عسکرلر هرکون برینی ایمپراطور اعلان ایتلکده و قیصرلک مقامی الدن اله کچمکده ایدی . نهایت حکومت پانونیالی امرادن اورستک اوغلی بولنان التی یاشنده رومولوس آوغوستولوس نامنده بر چوجقده تقرر ایتدیکی صرده هرول رؤس اسندن اولوب هرولارله سائر قبائلدن عساکر معاونه به ریاست ایتلکده اولان اودو آقر هم راوهنی و همده رومایی ضبط ایدرک ایمپراطور لخی قالدیرمش و بتون علامات حکمداری بی روما ایمپراطوری عد اولنان شرق قیصری زه نونه ارسال ایدرک کندیسنی ایتالیا قرالی اعلان ایشدر (ق ۱۴۶) . اودو آقر ایتالیا اراضی سنک ثلثنی ضبط ایدرک کندی قومنه توزیع ایش و کندیسنی ایمپرا . طور اعلان ایتامک و علامات سلطنتی شرقه کوندر مکه ینه روما ایمپراطور لخی مقامنه بر اثر حرمت کوسترمشدر . رومانک ایام اخیره سنده ظهور ایدن برچوق ایمپراطور دن ساده مایوریا نوس جسور و حیثتکار برذات اولوب و اندالرک حکومتی بحوه تصدی ایلدیکی حالده مقتولاً وفات ایدرک مقصدینه موفق

اوله مامشدی . صوک ایپراطورک هم روما بانیسی رومولوسک
 و همده ایپراطورلنگ مؤسی آوغوستوسک ایتلرینی جمع ایتش
 بولتمی تصادفات غریبه دندر . رومانک انقراضی مؤخرآ پک
 مهم بروقه طوتلش ایسده ذاتا روما حکومتنی بره یولا حالنده
 کورمکه آلتمش اولان معاصرینجه پکده شایان دقت بر حال
 کورنیه رگ تاریخ عالمده فوق العاده بر موقع طوتان بودونک
 انقراضی زماننده همان کورلدن یکمشدرد .

رومانک سرگذشتی تاریخ عالمده امثالسن بر سلسله وقایعدر
 صورت تأسیسی خرافات مبهم ایچنده مستور اولان روما
 مؤسسلری وایک حکمدارلرینک وضع ایلدکاری اصول عاقله
 سایه سنده پیدرپی کسب قوت ایدرک واولاک جسور و تملکده دن
 پرواسر بر طاقم قانون قاچقنلرینی طوپلادیغی کبی صکرده ممالک
 مفتوحه مهاجرلرینی جمع ایلیه رگ یواش یواش لاجشوم قطعه
 سنک مرکز طبیعی حالنه کلشدی . روماده جمهوریتک اعلانی
 بردنره شهرک تفوق سیاسیسنه خلل کتیرمش و پاتریچیلرک اصول
 استبداد کارانه لرندن ناشی تحذت ایدن حقوق منازعاتی دخی
 رومیایی مدت مدیده اقوام مجاوره قارشوسنده تدافعی بروضع
 طاقمغه مجبور ایتشدی فقط ینه بومنازعات بر طاقم فضائل
 قدیمهنگ محافظه سنه سبب اولدیغی کبی اخلاق عمومیته ده
 فوق العاده برمتانت ویرمش وعمومده امشالی نادر کوریلور
 برحس حجت و وطنپروری تولید ایتشدی شو حالده مساوات

حقوق و جودیه ملت واحده تشکیل ایدن رومالیر ایتالیا فتحنی انتاج ایدن بحار پاته کیر دکری زمان متانت ، صفوت اخلاق ، محافظه وطن بولنده مودن عدم مجانبت ، قوانینه اطاعت ، رومانک طالعنه اعتماد تام ، هیچ بر صورتله افساده مستعد اولماق کبی تأمین ظفر ایدیجی خصائص ایله مخلق بولند قلدن ایتالیا ک متین قومی اولان سامنیرله غلبه لرینی متعاقب آز وقتده عموم ایتالیا بی ضبطه ورومانک استقلالی تهید نیتله کلش بولنان پیروسی مأیوساً رجعته مجبور اینکله موفق اولمشر ایدی . پیدرپی رومایی استیلا ایدن آرزوی فتوحات رومالیری ایتالیا خارجه دخی چیقاروب پون محاربه لرنده رومایه رقیب اوله بیله جک تک بردوت اولان قارطاجده رومایه نفوذ و اداره سنه کیرمش ورومانک حجت و متانتی آنیبال کبی برداهینک اقدام وغیرتنی دخی ثمره سز بر ایشدی مع مافیله قوه مسلحه یه قارشو کمال موفقیتله مدافعه یه موفق اولان رومایه جمیتی سرایتی آغر اولسی وزده بولندی کوریه مامسی جهیتله دشمنلرک اکل تهلیکه لیلی اولان اخلاق سز لعه قارشو و محافظه نفسیه قادر اوله بیوب شرق فتوحاتی متعاقب ممالک مفتوحه نکل بالجهله مساوی اخلاقیه سی رومالیرک عروقه ایشلمکه باشلادی مباحث سابقه ده بیان ایدیلان اسبابدن ناشی مؤسسات موجودیه لیاقتلرینی ضایع ایدن رومالیر انلرک قیمتلرینی دخی تقدیر ایده بیوب انواع سؤ استعمالات و تدنیات باش کوسه تردیکندن

اوزونجه بر سكرات موتی متعاقباً جمهوریت منخطی اوله رق
مملكتك وسعتی واسكى انضباط واطاعتك قعدائيله دها زياده
قابل توفيق اولان ايمپراطورلق دورى باشلادی .

بودورك ايلك ايكي عصرنده ايمپراطورلك زير جناح
جايله زينه صغشمش بولناں معارف يونانيه انقراض قطعی بی
تعقيب ایدن صوك برضیای شدید ايله پارلامشدی فقط حقیقت
خالده ايمپراطورلك ابتدا سیه برابر انك انقراضنی موجب
اولان احوالده باش كوسترمشدی . اوروپانك مذهب
مستقبل اولان خرسیتیانلق ارض فلسطینده ظهور ايله هر درلو
اعتسافات وقتاله رغماً انتشاره باشلامش ، اوروپانك سكان مستقبله سی
اولان جرمان اقوامی دها آوغوستوس وقتندن حرکتنه قیامله
روما حدودینی تضییقه مبادرت ایلش وقرون اولی ده دوات
حقتنده جاری اولان افکاری منهدم ایدن ايمپراطورلق
مؤسساتی یواش یواش تکمیل ایلکده بولنمشدی . ايمپراطورلق
اداره سنك بعض قواعد لازمه اساسیهدن محرومیتی مخوف
بر فترت عسکریه وجوده کنیروب انك ختامنده اداره
جدیده بالجمله شعباتیه مکملأ عرض وجود ایلدیکي کي مذهب
عیسوی دخی دولك دین رسمیمی اوله رق روما جمعیتنده بر موقع
معتنا طومش وقسطنطینك زمانده اسکی روما جمعیتی اساسلرندن
صار صلمشدی فقط هر شیئی دکشان بوجعیتك ساده قانی بوزوق
اولوب بونك اصلاحی ایچون هنوز قوه طبعیه و ذهینلری

بروجهله مختل اولماش بولنان کنج قوملرک اختلاطی لازم ایدیکه مهاجرت عمومی ده بونی حصوله کتیره رک باربارلق وروما عالمزینی ایلروده درونندن اسکینندن دها پارلاق ودها جدی برمدنیت ظهوره کتیر یله جک برخیر حالنه قویدی . فقط سیاسته وجودی قالفان رومانک اثری زائل اولمدی استقلالی اون درت عصر دوام ایدن وبش التی عصر مدت ممالک متمرکزک قسم اعظمی اداره سنده بولندیرن بو هیئت جسمیه نک اذهان بشرده طوتدیغی موقع پک بسوک اولدیغندن تأثیراتی حالا زائل اولماشدر . قرون وسطی وحتی قرون جدیده ساده اصول اداره سی افکار سیاسی سی ، قوانینی ، لسان ادیبی سی دکل صنایع نفیسه سی وآثار مصنعه و ترقیات فکریه سی بیله اکثری تله بو هیئت عظیمه دن استخلاف ایشدرکه بو کیفیت کتایمک فصول واقسام آیه سی مطالعه سیله ظاهر اوله جقدر .

۲

مهاجرت عمومی دور ثانیسی

اوستروغونلر . نئودوریک . اوستروغوت قراللیغی . نئودوریک صورت اداره سی . اوستروغوت دولتنک بقیه احوالی . لومباردلر ولومبارد قراللیغی . ایتالیا احوالجه لومباردلرک تأثیری . فرانکلر قلوویس و مرووه سلاهی . قلوویسک اجرا آتی . قلوویسک اوغللری واحقادی . داغوبر و مرووه خاندانک منتهای اقبالی . بریتانیا احوالی . آنفل و ساقسونلر . یدی حکومت .
روما امپراطورلغنک محوبله غربی اروپا و آفریقاده بربرینی

متعاقب متعدد جرمان حکومتی شکل ایلدیکي صروده شرقی اوروپا کاملاً هون دولتک تخت استیلاسنده بولبوردی فقط آیلانک و قایله هونلرک تحکم سیاسیسنه خلل کلی اوزرینه بوقومله برابر آبیادن کلان آوارلرله جرمان جنسنه منسوب اوست غوتلر و جییدلر و سائر اقوام کسب استقلال ایدرک بونلرکده مهاجرت عمومییه اشتراکریله یسنه برطاقم انقلابات وقوعه کیشدر .

اوستروغوتلر طونه و صاوه نهرلری جهتلرنده متمکن اولوب هون دولتک انقراضیله مستقل برقرالیق تشکیل ایشلر و قریبنه مینی شرقی ایمپراطورلغی ایله مناسبات قویهده بولمغه باشلامش ایدی اوست غوت قرالردن تئودومیرک اوغلی تئودوریک صغرسنندنبری استانبولده ایمپراطور سراینده تربیه اولنهرق ملتیه مخصوص جسامت و شجاعت و فطرتاً حاز اولدیغی ذکا و فطانتیه برده منتظم روما تحصیل و تربیه سی فوایدینی علاوه ایشلیدی . تئودوریک پدرینک و قایله اوست غوتلر قرالی اولدیغی حالده ینه استانبولی ترک ایتمیرک پکیوک حکم و نفوذه صاحب اولمش و بازیل نام تغلیب طرد ایدرک ایمپراطورزه نونک حکومتی اعاده ایلدی مناسبتیه کندیسنه پاتریجیلک پایه سی و قونسلوسلق و خاصه عسکری قوماندانلغی توجیه اولمشیدی . بوسروده اوست غوت قومی برلرنده سکونتله امراروقت ایلکده اولوب فقط هرولرک ایالتیسا قرالغنی تشکیل ایللری اوست غوتلریده

استیلای ممالک هوسنه دوشوردیکنه و ذاتاً تئودوریکک استانبولده قراندیغی نفوذوپایه ده موجب تلاش اوله جق درجه بی بولدیغنه مبنی ایمرطور زنون هم اوستروغوتلر ورئیسلیرینی قسطنطنیه قریندن صاموق و همده هروللرینه هممالکن دوست برحکومت اقامه ایتیش اولمق اوزره رسماً هنوز روممالکنکندن عد اولنان ایتالیا اداره سنی تئودوریکه توجیه واحسان ایلکله تئودوریک ایکیوز بیکی محارب برملیون نفوسی حاوی اولان قبیله سیله ایتالیاوزرینه بورومشدر . اودوآقر اوستروغوتلرله محاربه سنده مغلوب اوله رق مستحکم راوهن قلعه سنه قیامتیش ویراز محاصره دنصکره حکومت تئودوریک ایله مشترکاً کند . یسنده قالمق شرطیسه تسلیم اولمشده تئودوریک حیلله ایله موچی الیهی اعدام ایتدیربورمکله ایتالیاک حکومتی منحصرأ اوستروغوتلر وتئودوریک النده قالمشدر . (ق ۱۲۹)

باربار اقوام آره سنده روما مدنیتیه متخلق اولغه الیزیده قابلیتی اولانلر غوتلر ایدی غوتلر مدت مدیده شرقی روماقربنده ساکن اوله رق رومالیسلرله پکچوق مناسباتده بولمغله کسب تمدن ایلدکری کبی آریوسک مذهبی اوزره خریستیان دینی دخی قبول ایدرک اقوام سارزیه جهت تفوق قزائمشردی تئودوریک ایسه ائمدنی بررومالی درجه سنده فکرأ ترقی ایش اولمغله ایتالیاده کی اوستروغوت حکومتی اسکی روما حکومتک اساس جدید اوزرینه احیامی صورتنی کسب ایلشدر

تئودوریک ایتالیا اراضیسنک هرولر تصرفنده بولسان ثلثنی
 كندی قومنه تقسیم ایدوب یرلی اھالیئك حقوق تملكیہ سنہ
 ہیچ خلل كتیر مامش و هر كس حقندہ مساوات و معدلت تامہ
 اجراسنہ تثبت ائلسدر . تئودوریک اودو آفرک استانبولہ
 كوندزمش اولدیغی روما ایمپراطورلی علامات حكمداریسنی
 شرق قیصرلكنسن كتیردرك روما ایمپراطوری اوصافی
 طاقمش و سناتو مجلسیله قونسلوسلق و سائر خدماتی احیا ایدرك
 عموم اھالییه حكمی شامل اوله جق قوانین دخی تنظیم ایتد.
 یرمشدر . تئودوریک حسن اداره سیله كسب شهرت ائلس بر
 ذات اولوب دور حكومتندہ ایتالیانك معھوریت قدیمہ سی اعاده
 قلدیغی كبی ایمپراطورلغك الك پارلاق دورلرنده امثالی نادرب
 معدلت مكملہ چله ممالكدہ حكمرما اولمشدر تئودوریکك حیاتیئندہ
 پانونید، ایلیریا، رەتیا، نوریک قطعہ لری صلحاً اوستروغوت
 قرالغنه الحاق ایدلیكی كبی بورغوندلرله بر محاربه دہ مارسلیا
 حوالیسی ضمیمہ ممالك ایدلمش و وەست غوت قرالی ایكنجی
 آلاریكك وارثی آمالاریكك سن صباوتندہ وست غوتلردہ
 تئودوریک قرال طانیدقرندن عادتاً اسکی غربی روما ممالكنك
 قسم اعظمی اعاده ایدلمشدی . فقط اوستروغوت دولتك بو عظمتی
 تئودوریکك درایت و حسن اداره سی سایہ سنده اولوب بو
 دولتی تشکیل ایدن اقوام مختلفہ آرہ سنده برابطہ قویہ موجود
 اولماسی و اوستروغوتلر نقدر اولسہ عادات و اخلاجه ایتالیا

لیله بکزه دکری کی آریوس مذهبندن بولغزیده خلقک
 نقرته سبب اولدیغندن تئودوریکک دورنده علوم و صنایعک
 جابه سی و روما مدینتک محافظه سنه غیرتی ایله تمیز ایلدکک
 نصکره بو حکمدارک وفاتنی متعاقب طریق انقراضه کیره رک
 وست غوتلر و ممالک ساثره ینه استقلال قدیم لینی اعاده ایلدی
 کاری کبی نفس ایتالیا دخی (ق ۶۹) ده شرقی روما امپراطوری
 یوستینیانوسک امراسندن بلیرار و نازرس طرفندن استیلا
 ایلدیله رک برمدت اکسارق نامیله قیصر طرفندن منصوب بروالی
 طرفندن اداره اولمشدر . رومانک الکصوک حکما سندن بولنان
 مانلیئوس بوئه چئوس تئودوریک دورنده برحیات اولوب
 مشارالیهک آخر سلطنتنه طوغری رافترا ایله مغدوراً حبس
 و قتل ایلمش و فیلسوفک تسلیسی نامیله مشهور اثر حکیمیسی
 بو محبوسیتی اثاسنده قلمه المشدی .

مبحث آتیده کوریه جکی وجهله یوستینیانوس زماننده
 شرق قیصر لغی برآره لقی غربی روما ممالکنک قسم اعظمینی
 استیلایه موفق اولمشه ده ممالک مزوره پیدرینی الدن چقدیغی
 کبی بو خصوصده ایتالیا جله یه تقدم ایدرک شمال طرفلری جرمان
 اقوامندن لونگوباردرک استیلا سنه یکم شد . لونگوبارد و یا
 لومباردر مهاجرت عمومیه ابتداسنده شمالی آلمانیان طونه
 و تیس نهر لری حوالیسنه کلوب یوستینیانوس دورنده اورالده
 اسکان ایتشلر و ترانسلووانیا و پانونیه ده بولنان چید قومیه بالمحاربه

داکیا طرفرنده بریوک دولت تشکیل ایدن اوار ترکاریسک معاوتیله دشمنترینه غلبه ایلشردی . جید قرالی کویتوند بو محاربه ده مقتول اوله رقی قزی روزاموندا لومبارد قرالی البوینک زوجهمی اولمشدی . بوسرده ایتالیا اکسارتی بولنان نازس کندیسک مأموریتدن عزل ایدلسندنطولابی منفعل اوله رقی لومباردلی ایتالیاک ضبطنه دعوت ایلکله البوین قوميله برابر کلهرک شمالی ایتالیایی استیلا ایتش وروما اداره می جنوبده برمدت ده پایدار اوله رقی البوین زوجهمی روزامونداک اغواسیله امرادبری طرفندن قتل ایدلدکدن صکره اخلاقی دورنده وسطی ایتالیا ده اکثرته لومباردک بدضبطنه یکمشر لومباردلر ایدای قحده آریوس مذهبی قبول ایتدکاری حالده مؤخرأ قرال آکیلوف زمانده قرالیچه تودولندهک وپاابرنجی غره غوارک همتزیه قاتولیک دینه التحاق ایدلکندن ایتالیا ده ها اساسلی صورتده برلشه بیلشردر . لومبارد قرالی روناریس زمانده اشبو قوم ایچون قوانین محرره نشر ایدیلوب عموم جرمانلرک قانونلری شخصه مخصوص اولدیغی حالده لومبارد قانونی ملکی اولق اوزره تنظیم ایدلشدر .

لومبارد حکومتک بوک سبب ضعیف دره بکلک اصولی ایدی اثنای قحده امرای قومک هربری بریک امارتی درعهده ایتش اولغله مملکت برچوق اقسام صغیره به اریلوب دولته اتحادک ساده موجودیت لفظیه می قالمش وحتی براره لقی قرال

یله نصب و تعیین اولمامشدی . دولتك قوتلی بولندیغی زمانلر .
 دهده توسعنه پاپار بیوک بر حائل اولیورلردی . پاپار بوقار .
 غشه لقر ارسنده ایتالیا نك وسطنده بر حکومت جسمانیه به
 صاحب اولدقلرندن لومبارد قراللغنگ بو جهندن توسعی
 مشكلشدیکی کبی لومباردرلر تجاوز ایتدیکه پاپارده خارجدن بر
 حکومتک و بانخاصه فرائق دولتك معاوننه مراجعت ایدرلر
 ایدی . لومباردرله پاپالیق مقامی پیننده کی عداوت تتمدیکندن
 پاپار فرائق حکومتیله عقد اتفاقه مجبور اولوب نهایت فرانقلرک
 کتاب سادسه کوربله جک زمان شوکتلرنده لومبارد قراللغی
 بسبتون منقرض اوله رق ممالکی فرائق امپراطورلغنگ بر جزئی
 اولمشدر . لومبارد دولتی ایتالیا ده اکیوز التی سنه مدت دوام
 ایدرک آلمانیا دن کتیردیکی عادات و اخلاق خلقلک احوالنده
 بیوک برر طومش و ایتالیا نك شمالی لومباردیا نامنی محافظه
 ایلدیکی کبی ایتالیا ده کی دره بکک اصولی دخی بومملکته لومبارد
 لرک بریادکاری اولمشدر .

من القديم روما امپراطورلغنی اذعاج ایلکده بولنان جرمان
 اقوامندن بریده فرائق طاشه سی ایدی فرانقلر ایکی قسم اولوب
 ایسل (قدیم ساللا) نهری جوارنده ساکن بولنانلره سالیبن ورن
 نهری سواحلنده اسکان ایدنلرینه ریپور امملری ویریلور و جله سی
 تشکلی روما تاریخنده کوریلان هیئت متحده اوزره اداره ایدیلور
 ایدی . اولدن روما ممالکنه هجروم ایتشلر سده پروبوس

خلوروس قسطنطین و یولیانوسه مغلوب اوله رقی برلرینه چکلمش لر
 و مهاجرتک دور اولنده غالبیه قلو دیون نام رئیس اداره سنده
 اوله رقی وقوع بولان هجوملریده آنه چئوس طرفدن دفع اولنمش
 ایدی . فرانقلر یوندن صکره روما ایله متفق بولنه رقی مرووه
 اسمنده کی رئیس لری اداره سنده اولدقلری حالده شالون بحاربه
 عظیمه سنده چوق یرارلق کوستر مشلر و فرانقلرک ایلك سلاله
 سلطنتی دخی اشبو مرووه نسلندن ظهور ایلشدر . مرووه نك
 اوغلی شیلده رقی زماننده فرانقلر موقع قدیم لری اولان رن
 ساحلنده اوطور مشل سده انک اوغلی خلودوویق و یاخود
 قلوویسک جلوسیه بوقوم پارلاق بر دور فتوحانه کیر مشدر .
 قلوویس (ق ۱۴۱ - ۱۱۱) قومنی غالبه نك قحنه سوق ایلدیکی
 زمان بوقطعه مختلف حکومات النده ایدی سن نهری وادیسی
 و شمال طرفنده روما امراسندن سیاغریوسک حکومتی موجود
 وانک غربنده کی آرموریک شبه جزیره سنده دخی آرموریکالبرک
 هیئت متحده سی متشکل بولونیوردی رن نهری نك اشاغی حوالیسی
 آلامان طائفه سنده و غالبانک آکتایه جهتی وسست غوتلرده
 اولدیغی کی جنوب شرقیده دخی بورغوندا قرالغی بولنیوردی
 قلوویس اول امرده سیاغریوسک ممالکنی استیلا ایدوب آنی
 متعاقب آلامانلر اوزرینه هجوم ایتش و آخن شهری جوارنده
 کائن چولپیک موقعنده دشمنه غلبه ایدرک انلرک ممالکنیده
 استیلایه موفق اولمشدر . قلوویس بومحاربه ده مشکلاته دوچار

اوله رق ایگر مظفر اولورسه ذوجه می قلو تیلده نك سالکه اولدیغی قاتولیک مذهبنی قبول ایده جکنی وعد ایلیش وختام محاربه ده و افتیز ای دیله رک قاتولیک اولمشدر فرانقلر ده قلوویسه امتثالاً قاتولیک اولوب سائر جرمان اقوامی ایسه آریوس مذهبنده اولدقلرندن قاتولیک کلیسای و اهالی فرانقلره بیانیجی نظریه باقیه رق بو حال قلوویس و اخلافنک غایده کی سائر جرمان اقوامنه غلبه لرینی تسهیل الملشدر .

قلوویس بونک تئودوریک ایله اتفاق ایدرک و حتی صهریت پیله وجوده کتیره رک بورغوندره هجوم و بورغوندییه نك بر قسمی ضبط ایندیکی کبی وست غوتلری دخی غایه دن چیقاروب کاملاً اسپانیاه سورمش و بو صورتله غایه قطعه سنک قسم اعظمی نخت اداره سنده طوبلامشدر . فرانقلر مرووه خاندانی اداره سنده متعدد هیئتله منقسم اولدقلری حالده قلوویس حبله و دیسه لر ایله اقرباسنک جله سنی اعدام ایديره رک قومنک وحدت اداره سنی دخی وجوده کتیرمشدر .

قلوویس یکی بر دولت تشکیلی ایچون ایجاب ایدن اساسلری طوبلامشدی قاتولیک مذهبنک قبولیه فرانقلر و غایه بریلرینک مرور زمانله اختلاطلری احتمالی حاصل اولدیغی کبی فرانقلر نزدنده قرالک عادی برعسکر سرکرده سندن هیچ فرقی اولد . یغندن قلوویس سلطنتنه ده ازیاده شرف و بر مک اوزره شرق قیصری اناستاسدن پارتیجی و قونسلوسلره مخصوص

علامات دبدبه بی کتیرتمشدی شو صورتله جرمانلرک
 اک حشین طاشه سیله تمدن غالبه رومالیری وروما اصول
 اداره می اساسلرله فرانقلرک افکار احرارانه لری بررینه
 قائلشدیکه بمخلوط قاتولیک کلیساسنک تحت نظارتنده اوله رق
 قرون وسطی جمعیتی تشکیل ایده جکدی فقط یکی جمعیت
 کندبسنه براسم ویرلک قابل اوله جغی زمانه قدر پک غیرمنتظم
 برحالده دوام ایتمش و فرانقلرک عادات وحشیانه لری روما
 کلیسامی برده سنه بورینه رک ایلدلک مناسبه نزلکر قالماشدر .
 باربار اقوام نظرنده وحدت و شخصیت حکومت فکری
 موجود اولوب سلطنت قرالک عموم اولادینه متساویاً انتقالی
 ایجاب ایدر برمالکانه عد اولندیغندن قلوویس وفات ایدنجه
 ممالکی درت اوغلی بیننده تقسیم ایدلشدی بوتقسیم مملکت
 اصولی مرووه خاندانک دائماً موجب ضعفی اولمش و موجود
 حکمدارلر آره سنده طبیعی اولان محاسده ورقانتک الجاسیله
 دائمی محاربه لرک و خاطرلره کلیه جک درجده شنیع وظالمانه
 اجراءت واعتسافانک آردی آره می کسلماشدر قلوویسک
 اوغلاری زماننده بورغونیه قطعه سیده استیلا ایدلدیکی کبی برادر
 و برادرزاده لرینی تسیم و قتل صورتلریله اذاله ایدن قلووتر
 دورنده فرانق دولتی ینه متحد بولتمشده انک و قاتیله ممالکت
 اوغلاری آره سنده انقسامی ینه اسکی قاریشقا قلمی تجرید ایتشدر .
 بالخاصه قلووترک کلینلرندن برونه کیلمه ایله فریده خونده

آره سنده کی خصومت و رقابتدن منحدث محاربه داخلیه فرق سنه مدت دوام ایدرک حدو حسابسز قان دوکلد کدنص کره برونه کیلدک اشرفک اتفاقیه اتلافی اوزربنه نهایت بوله بیلشدره فرانق دولتی ایکنجی قلوتر و داغور دورلرنده ینه اتحاد اوزره بولنوب داغور زماننده غربی اوروپانک ایوک دولتی کسبله رک منتهای اقبالی بولش ایسده اندن صکره بربرینی متعاقب کوشک طبیعتلی حکمدارلر ظهور ایلکله دولت کوندن کونه ضعف بولغه باشلامشدر. بوصورتله دولتک شهزادهلر بیننده تقسیمی صره سنده اسکی فرانق سالیهن و فرانق ریپور تفرقه سی دهاقطعی برشکل کسب ایلش و برلندن چوقلق قلداتمامش اولان سالیه نلرک برلری اوسترازیه نامیله وغالیسده یراشان ریپورلرک ممالکی دخی نوسترازیه اسمیله آیری برحکومت اولوب اوسترازیه لیلر روما مدنیته تأثیرینه دیگر همچنسلری قدر معروض اولدقلرندن ایکی قسم بیننده کی تفرقه و اختلاف کوندن کونه ارتمش و ایکی قسمده قرالر هیچ ایسه قارشمانغه باشلا یوب اداره سرای ناظری مقامنده بولنان مایور دولر النده قالمشدی. تفصیلاتی کتاب سادسه کوریله جکی وجهله نهایت سلطنتده بوما یور دولر الیه یکمشدر.

مهاجرت عمومیه نتیجه می اوله رق تشکی ایدن و تحولات کونا کون ایله زمانزه قدر بقا بولان حکوماندن بریسیده انگلتره اولوب ایلروده صورت ظهوری کوریله جک اولان

بود دولت آنغل و ساقسون طاشفردینک تشکیل ایتدکاری یدی
 حکومتک ترکبندن حصوله کلمشدر . بریتانیا اطهسی مدت مدیده
 روما ادارهسندده قالب نفس انکلتزدهکی لوکریه ن قومیلهغال
 قطعدهسنددهکی قابریه ن ویاخود غالر خبیلی تمدن ایشلر وساده
 اسقوجیده کی طاغلی پقت قومی ایله ابرلانده جزیرهسی روما
 استیلاسندن قورتلشدی بریتانیا روما طرفندن ترك اولندقدن
 صکره اسقوجیالیلر جنوبه تجاوزله یغما وغارتنه باشلادقلرندن
 لوکریلر محافظه مال وجان ایچون شمال دکرنده قورصانلق
 ایدن وعن اصل شمالی المانیاده ساکن اولان انغل و ساقسونلره
 مراجعتله امداد ایستمشردی ققط انغل و ساقسونلر پقتلری دفع
 ایتدکدن صکره کندی حسابلرینه اوله رقی مملکتی ضبطه قرار
 ووروب هر نقدر لوکریلر مدافعه استقلال ایچون چوقچالشمشدر
 ایسه ده نهایت استیلای اجنبی به بیون المککه مجبور اولمشلردر .
 فال قطعدهسی بو استیلادن قوریلوب ایلروده برچوق اشعار
 قهرمانانه نك باعث انشادی اولان شجیع قرال آرتور بوسره ده
 ظهور ایتمشدر . بریتانیا به اول امرده ساقسونلر مستولی اوله رقی
 (ق ۱۷۶) ده کنت ۱۳۱ ده سوسکس ۱۰۶ ده وسکس و مقری
 لوندره اولان اسکس قرالقرینی تأسیس ایشلر وانلردن صکره
 کلان انغلرده «۷۵» تاریخنده نورثومبرلاند ۵۱ ده استانغلیه
 و ۳۷ ده مرسیه قرالقرینی تشکیل ایشلردر . ایشته هجرت
 نیوبه دن آز مقدمنده نفس انکلتزده انغل و ساقسونلردن یدی

حکومت موجود ایدی . انکاتر ننگ احوال آتیه سی کتابمک
اقسام ساثره سنده کور یله جکدر .

۳

شرقی روما ایمپراطور لغی

غربی رومانک انقراضی ائناسنده شرقک حالی . مارچیانوس و داخلی
قاریشقلقلر . بوسنیانوس . ایران ابله معاره . فتوحات غربیه
شرق ایمپراطور لغنک عظمت و اقبالی . احوال داخلیه
وفساد اخلاق . قسطنطنیه ردالتلی . مورس
و فوفا . هرقل . ایران سفری . عرب مهله
جاننک ابتداسی

غربی روما ایمپراطور لغنی زیر وزیر ایدن ودها برایکی
عصر اقدم شهر جاودان تسمیه سیله سکنه مدار فخر و مباهات
اولان روما شهرینی انواع مصائب و تذلیلاته اوغرادان حرکت
عمومیه تاثیراتندن شرق ایمپراطور لغنی مصون قالمشدی .
قسطنطنیه ننگ متانت موقعیه سی ' رینک عموماً خطر حرکت اقوامه
بهد مسافه سی و استحقاقاتک رصانت و حسن محافظه سنه ثروت
و سامانجه روما قدر مشهور اولماسیده انضمام ایلکله رومانک
استیلا سی مقصد عظمتی ایدنمش اولان جرمان اقوامی قسطنطنیه یه
قدر شد رحلی کوزه آلدیره مدقلرندن بوسایه ده شرق ایمپراطور .
رلغی او صر ده منقرض اولق تهلکله سنندن قورتلش و اکثریت
اوزره حیات سیاسی شوکت و قدرندن عاری اولق ومع .

مافیه بعض احوالده ماولک فوقنده قدرت متاننده کوسترمک
اوزره دهها بیک سنه مدت بقا بوله بیلشدیر .

شرق ایمبراطورلی یکی بردولت اولغله نسبتاً دهها زیاده
قدرت وشوکت صاحبی اولمق اقتضا ایدرایسهدهه ترکیبات
اساسیه می کهنه اولان بو حکومت حقیقت حالده قوت حقیقیه دن
عاری بولتمده ایدی . رومانک ک قاریشق بردورنده کی اولادی
اولان قسطنطنیه والده سنک بالجمله فساد اخلاق واستعدادات
قبیحه سنه وارث اولمش وقسطنطنیه بی وطن انخاذا ایدن روما
زادکانی سایه سنده شهر جدید فنا لک هیچ بر نو عیجه پایتخت
قدیمدن اشاعی قالماقده بولمشدی .

مدبروشبیج تئودوسیوسک مقام مهمی بیله برطاقم چولق
چوجق النده قالمشدی . آرقادیوسک اوغلی و خلی بولسان
ایکنجی تئودوسیوس وفاتنه قدر همشیره می بولخریانک و صد
یئدن قورتیله میوب بوبله برمسکین و برقادین النده قالان حکومت
هون حکمداری آیلایه بعض ممالکی ترکه وهون دولتنه جزیه
داراغی تعهده مجبور اولمش و اوصرده شرقده مذهب نسطوری
ظهور ایدرک خرسئیانلر آرسنده کی منازعات دینه دخی داخلده
برچوق فنا لقری موجب اولمشدی . جساتیدن ناشی بولخریانک
زوجی و ایمبراطور اولان مارچیانوس آیلایه قارشو دهها حکمدار
رانه بروضع طاقنه رق اعطای جزیه دن امتناع ودولته براز
شرف و شان اعاده ایتمش ایسهدهه انک وفاتندن صکره داخلده

تحدث ایدن سلطنت غوغاری حکومتی ینہ ضعیف دوشیره رک
 آزر مدت ایچنده برنجی لئون زه نون وانا ستاس نام ایپرا
 طور لر جالس تخت اوله رق نهایت سلطنت تراکیالی بوستن
 عهدہ سنده تقرر ایلش وانک یکنی بوستینیاوسک جلوسیه شرق
 ایپرا طور لغنک الک پارلاق دوری کشاد اولمشدر . بو مدت
 ظرفنده قسطنطنیه شهری وعموم شرق مختلف الاعتقاد خر
 ستیان مذاهی اربابی اره سنده ظهور ایدن قانلی مجادلله
 برسلیخ خانه حالنی بولدیغی کبی ایراندکی ساسانیان سلاله سیله
 اولان محاربه لرده بیرانس اردولری متعدد هزیمتله دوچار
 اولوب کر جستان حوالیسی کبی مهم ولایات الیدن چقمش
 وایران اردولری عادتاً سوریه بمالک ساحلیه سنه قدر ایصال
 دست تجاوزه باشلامشردی .

دور سلطنتی دولتک سیاستاً الک پارلاق زمانی اولمقله
 برابر هر درلو مساوی اخلاقیه ایله متصف بولنان بوستینیاوس
 (ق ۹۵-۵۵) بالخاصه شرق و غرب و شمال و جنوبده ایتدیکی
 محاربه لره مشهور اولمشدر . شرق ایپرا طور لغنی ایله ایران
 دولتی اره سنده عصر لجه مدتدر محاربه دائمی اولوب
 بوستینیاوسک جلوسندن برسنه صکره ایران شاهی کیقبادک
 ارمنستانه تجاوزه استیلاسی ینه ناره حربی اشغال ایلش
 و براره لوق قبادک خلفی خسرو نوشیروان زماننده ایرایلر انطاکیه یی
 یله فتح و تسخیره موفق اولمشرا یسه ده بوستینیاوسک قوماندان

لندن بلیرار یوسک حسن تدابیر و همماتی سایه سنده کرجستانک
 شرق امپراطور لغنده قالمسی شرطیله بر مصالحه عقد اولنده بیلشدی
 فقط امپراطور ک سائر طرفلرده کی محارباتی دهها شرفلی بر صورتده
 جریان ایلشدر .

غربی روما اقسام ممالکنده تاسس ایدن دولتلردن
 بعضیلری لایقینه بر اشوب کسب قوت ایده مامشردی . بونلرده
 قوم مستولی ایله برلی اهالی آره سنده اختلاط حاصل اولیوب
 مستولیلر مملکتده خیمه قورمش براردو کبی بیانچی حالنده
 قالمش و جرمانیانک صفوق اورمانلردن چیقان بو آدلری بحر
 سفید سواحلنده کی معتدل و عادتا صیحا ق هوالی برلرک اقلیمی
 پک زیاده کوشتدیکی کبی ملت حاکمه کده کرک سوء استعمالات
 کونا کوندن و کرک آره لرنده دائمی الوقوع اولان منازعات
 و اختلالات داخله دن پیدر پی قیرلغه باشلامشدی . اشبو دولتلرک
 بولندقلری حال مملکتلرینک استیلاسنی قولایلاشدر مغله یوستینیانوس
 اول امرده کز زیاده دوچار ضعف اولمش بولنان و اندال حکومتنک
 محوی مقصدیله بیوک براردو و دوننما ایله بلیرار یوسی اعزام
 ایلش و مشار ایله تریقامرون محاربه سنده و اندالری مغلوب
 و حکمدارلری اولان کلیمری اسیرانلکله آفریقاینه شرقی رومانک
 برولایتی اولمشدر . (ق ۸۸) .

بولندنصکره بلیرار یوس ایتالیا به سوق اولنده رق اوسترو-
 غوتره قارشو خیلی موقعیاته نائل اولمش ایسه ده ایران سفرینه

عزیمتی حسبیلله امر فتح نامتمام قالمش و مؤخرأ یوستینیانوسک امر اسندن و طواشیدن نازدهس مأمور اولوب ایتالیا نیک فیمخنی او اکیال انلشدر . بوضروده اسپانیاده کی وست غوت حکومتی دخی بحر سفید ساحلنده بر مقدار اراضی بی یوستینیانوسه ترک انلش اولمغله شرق ایمبراطور لغی ایتالیا و ساردنیا و سبجلیا و آفریقا ایله باله آز اطهرینی و اسپانیانک بر قسمتی یعنی غربی روما ممالک جنوبیه سنک همسان کافه سنی استرداد و استملاکه موفق اولمش و عصرک ینه اکیوک هیئت سیاسیسه سی بولتمشدی فقط بو عظمت و وسعت ممالک بیرانس اداره سنک وسع و تحملی فوقنده اولوب چوق وقت دوام ایده مامشدر .

دها یوستینیانوس زماننده بیله برطاقم داخلی قاریشقلقلر تحدثن خالی قالمیورلردی . رومالیلرک قانلی او یونلره اولان رغبتی خریستیانلغک انشاریله بعض مرتبه تعدیل اولتمشدهده قسطنطنیهده انلرک یرینه قائم اولان آت جانبازی او یونلرینه خلقلک رغبتی زیاده سیله آرتمش و بو او یونلر عادتاً امور دولندن زیاده نظر دقت و اهمیتتی جاب اولهرق جانبازلرک کیدکلری او روملرک رنکلرندن طولایی مائیلر ویشیلر نامنده ایکی قسمی اولوب یونلر عادتاً سیاسی فرقه لر کبی خلق یننده طرفدارلر پیدا انلش و بعضاً بو جانباز خانه رقابتلرندن متحد اولمق اوزره داخل شهرده قانلی مجادلات بیله وقوعه کلدیکی کوریلور اولمشدی . حتی بر دفعه بو صورتله متحد ایدن قاریشقلقل

ایمپراطوری شهری ترك ايله فرار تصورنده بولندیره جق درجه ده کسب اهمیت ایدوب ایمپراطور یچه تئودورانک ثبات و متانتی یوستینیانوسی فراردن منع ایلش و بلیرار یوس اوچ ییک نفر عسکرله یتشوب ارباب فساددن او توزیک قدرینی اتلاف ایلکله آسایش اعاده ایدیله بیلشدی . ذاتاً هیچ کسه ده ناموس و حیسانک اثری قالماش اولوب ایمپراطور یچه تئودورا بیله اساساً جانباز خانه ده کی آبی بکچیسنک قزی ایکن انواع رزائل و عفت سز لکله اشتهار ایلش برقادین ایدی .

برخیلی زماندر وولغا طرفرنده ساکن اولدق قری حالده بوزمانلرده شرق امپراطورلغی اوزرینه یورو بهرک قسطنطنیه به زیاده تقرب ایدن بلغار لر بلیرار یوس واسطه سیله مغلوب ایدیله رک مزیا طرفرینه دفع ایلش و بوکی مهاجرت عدم تکرری ایچون یوستینیانوس طزنه اوزرنده یتش و تراکیه و ماکدونیا و ایلروسده دخی التیوز عدد قلاعی و استانبول اطرافنده کی سورطوبلی تعمیر و تجدید ایتدیر مشدر . یوستینیانوسک الک مشهور بر اثریده آیا صوفیه معبدی اولوب بیرانس طرز معماری سنک نمونه عال العالی اولان و ایوم امت ناجیه اسلامیه نک الک معروف «سجده کاهلرندن بولنان بو بنای دلنشین بانیدسنه» سنی کچرم یاسلیمان « دیدر تمش و عظمت و صنعت و لطافت و روحانیتی حقیقتاً جمع ایلشدیر . روما قوانیننک جمع و تلفیقی دخی یوستینیانوسک الک زیاده بادی شهرتی اولان مواددن اولوب بو خصوص مجت مخصوص .

صنده ایضا و تفصیل ایدیه جکدر . اپک بوجکی دخی بودورده
چینه سیاحتله عودت ایدن ایکی نسطوری راهب معرفتیه
شرق ایمراطور لغنه ادخال ایدلشدر .

یوستینیانوسک اخلافی بولنان ایکنجی یوستن و ایکنجی
تیمبروس و موریس زمانلنده دولتک عظمت و اقبالی دوام
ایشدر . هر تقدیر بیزانس اداره سنک نانکور لغنی بلیرار کبی
جداً محیی دولت اولان برادمی دیلندیره دیلندیره اولدیرمش
و نازمه سده نانکور لغنه نانکور لقله مقابله ایدرک ایتالیایی
لومباردره تسلیم ایشسه ده ینه دولت عمومیت اعتباریه پارلاقلغنی
غائب ایتماش و مورسی اتلاف ایله حکومته یکن فو قلس نام
قوماندانک اداره خوزیرانه سی دخی چوق سورمه ایدرک ذمام
اداره مملکت آفریقا اکسارخوسنک اوغلی مشهور هر اقلیوس
ویا خود هرقله تسلیم اولنشدر (ق ۱۲) .

هرقلک جلوسه یلک مشکل بر زمانه مصادف اولوب بر طرفدن
داکیاده بولنان آواز ترکری شمالدن مهاجرتده بولتمده و دیگر
طرفدن سوریه و مصر و حتی بنغازی جهترینی استیلا ایدرک
اناطولی بی دخی چکنیان ایرایلر طوغریدن طوغری به قسطنطنیه بی
تهدید ایتمکده ایدیلر هرقل بویکی غائنه مهیبه به قارشو حقیقتاً مر دانه
مقابله ده بولندرق آوار غائله سنی دفع ایش و بحر سیاهک شمالنده
ساکن بولنان خزار ترکار یله اتفاق ایدرک ایران اوزرینه هجوم
و ایرانک پایتختی اولان قندهزینون یعنی مداین شهری دیوار لرینه

قدر ممالکی تالان ایدرک ملوک ساسانی دخی منهزم ایشدر
هرقلک مظفریاتی دولتین آره سنده حدود قدیمه نیک ابقامی شرطیله
بر صلح انعقادینی مؤدی اولمشدر.

بوستینیانوسدن بدایله هرقلک واسط سلطنتنه قدر شرق
امپراطورلغی حقیقتاً شایان دقت بر اثر حیات کوسترمشه ده
بودولتک قوه حقیقه سندن زیاده بویله بر هیئت معظمه ایچون
طبیعی اولان بر اقتدار اضافیدن و رأس اداره ده بولناتلرک
درایت ذابهلرندن نشأت ایشدی. یوقسه بیرانس دولتی
دینلان ویدرپی رومالیغک کرک لسانی و کرک مزبات و اوصافی
غائب ایدرک یونا نیلشمش (روملاشمش) بولنان و فقط یونان قدیمک
ترقیات فکریه و اصول احرارانه سندن بی بهره قاله رقی هر درلو
فساد اخلاق قهمه سی حالنه کلان بو هیئتک جدأعزم و اقدام
ایله ایدیله جک بر مهاجمه شدید به قارشو مقاومته تاب و توانی
یوقدی بوجهته درکه جزیره العرب چولارندن اعلائی کلمه الله
ایچون سل سیف ایله چاراقطار عالمه سرعت بر قیه ایله مستولی
اولان مجاهدین عرب قارشو شرق حکومتک مقاومتی پک خفیف
قالمش و ابرانه قارشو غضنفر ظفری پرو اولان هرقل بر کره جک
شیجعان اسلام ایله بوز بوزه کلمه کلمه زین قسطنطنیه یه صا ووشه رقی
سوریه و آفریق اولایاتک بر بریادی مؤحدینه چکدیکنی کورمشدر
بوزماندن اعتباراً شرق حکومتی انحطاطه بوز طوتارق بعضاً
مقتدر حکمداران اداره سنده بر دور شوکت آچلدیغی کورلمشه ده

هيچ بروقت جدا كسب متانت ايده ميه رك اوزون برحالت
 نزع حكمنده بولنان حيواني حضرت فاتحك زمان ظفر انماسنه
 قدر ادامه و تمديد ايده بيلشدر . شرق ايمپراطورلغتك احوال
 آيه سندن شايان بحث و تذكر اولانلر صره سي كلوب مناسبت
 دوشدكيه مباحث آيه ده موضوع بحث ايديله جكدر .

۴

روما حقوقى

روما حقوقك اهميتى . روما حقوقك منابعى : قرالار ايله ديمور
 قانونلىرى ، اهالى مقررانى ؛ سناتو مقررانى ؛ حكام اعلاملىرى ،
 ايمپراطورلك اوامرى ، ارباب حقوقك ناليغاني . مؤيد امرنامه
 تئودوس قانونى . يوستينيانوس و تريبونيانوس .
 فودكس . باندوقت . نولله . انستيتوتلر .
 روما حقوقك تقسيمات معروفه سي .
 اختصاصه دائر حقوق . اشيايه دائر
 حقوق . معاملاتيه دائر حقوق
 احكام جزائيه . خاتمه .

تير نهري کنارلرنده ظهور ايله پيدرپى قطععات ثلثيه
 مستولى اولان و عصرلرجه ممتد عظمت و شوكتيه اذهنان
 امده بر بيوك موقع طوتان روما دولتلك احوال مستقبليه
 تاثيرات معنويه سي بك كلى اولوب بانخاصه اوروپا مدنيت
 حاضره سي چوق جهتلرله روما مدنيتنه مربوط ايسه ده رو-

مالیرک احفاده بر اقدقری الک بیوک یادکار وسعتی بر بحر بی پایانه تشبیه اولنان حقوق و قوانین لریدر اون ایکی اون اوج عصر ظرفنده صور اداره نك انواعی، انقلابات و تحولاتك هر در لوسنی کسورن بر هیئت معظمه بی اداره ایدن قانونلری دکل تفصیل حتی بر فهرستی تنظیم بیله صددمز خارجنده اولوب ساده حقوق مذکور هك منابع و ترقیاتی حقنده غایت بجمل بر فکر ویرلمی مناسب ملاحظه قلمشدر .

قانونك منبعی قوه تشریحیه اولسنه نظراً هر دولت منابع قانونیه سی کثرت ایله تمیز ایده من فقط روماده قوه تشریحیه نك الدن اله یکمی و بعضاً ده عینی زمانده بر قاج الده بولنمی رومای حقوقی مناسبی پک زیاده تنوع ایتدیرمشدر . قرالاق زمانده رومانك اداره سی سناتونك وجودندن ناشی حکومت مطلقه ایله حکومت اشراف بیننده بر حد متوسط اولوب فقط قوه تشریحیه ده ال زیاده قرالاک نفوذ و صلاحیتلری مرعی ایدی اشرافك آرزوسی خلافه اوله رق سرو بوس تولوبوسك پاپس صنفی حقوق سیاسیه دن مستفید ایدیجی قوانین نشر و اصدار ایللمی بونی مؤید اولوب روماده جمهوریتك اعلانی دخی بالجله قسوی اداره بی صرف زادکان لرینسه المتی اوزره بر تشبیدن عبارت بولندیغی در کاردر . قرالاق دورنده رومانك الک اسکی قوانین سیاسیه و مدنیه سی میدان اجرایه چیقارلمش و بونلرده طبیعی زمانه مخصوص عادات و اخلاقك دخی بیوک

بر موقعی بولنش اولوب مع مافیہ روما حقوقک محرر بقانون
منتظم شکلنی آلمسی بک چوق صکره وده چویرلک تنظیم ایلمدیکی
الواح اثنی عشر سایه سنده ممکن اولمشدر . الواح اثنی عشر
بو حقوقک اوزمانده کی اصول محاکمه دن بشقه بالجمله شعوب
وفروعنی محتوی الک قدیم برائر مضبوطیدر . بر مدت صکره
زادکانه مخصوص برسر مقامنده فالان اصول محاکمه نک دخی
نشری روما حقوقنی سر حالندن قورناروب بعدما ترقیاتی
تسهیل الملشدر .

پلبس صنفک حقوق سیاسییه نائلیده ترقیاتی روما
جمهوری زنده اهالی بهده حق تشریح قزاندردیغندن تربونلرک
ریاستنده بولنان تربوتا اجتماعی بیوک بر مجلس قوانین حالی
بولمش و بواجتماعده قرار کیر اولان پله بسجیت Plebiscitum
مقرراتک هر صنف روما بلرجه مجبوری الاجرا اولمی یکی
بر منبع حقوق وجوده کتیر مشدر . اهالی اجتماعی هیئت حکومتک
افراط فرقدسی دیمک اولوب بونک استعدادات اختلافکارانه سنه
مقابل کیمک اوزره سناتو مجلس اشرافنده قانون تنظیمی حق
وارایدی و سناتوس قونسولتوم Senatus Coutsultum دینیلان
سناتو مقرراتی دخی پیدرینی روما حقوق و قوانینک کسب
توسع التسنه بادی اولمقده ایدی .

بوصورتله بر طرفدن اهالی مجالسی بر طرفدن سناتونک
مقررات جدیده سیله روما قوانین عتیقه سندن ایجاب زمانه مغایر

کوریلانتری لغووا ابطال واسکیدن مجهول ترقیات و مناسبات جدیده نك ظهورندن ناشی احكام لازمه مجدداً وضع و اعلان قلنه رق روما حقوقی پیدرپی بیومکده ایدی . روماده مساوات حقوقک تأسیسندن صکره قوانین موجوده خیلی وسعت کسب ایلش ایسه ده ینه اجرای احکامنه مأمور اولان حکامک مادتا قوه تشریعیه عد اولنه بیله جک درجه ده واسع برصلاحیت عظیمه سی واردی شوبله که هر پره تور مأمورینه دخولنده قانونک توضیح ایلدیکی احوالده نه کبی قواعد توفیق معامله ایده جکی و تفسیر احکام قوانینده صورت حرکتی مبین بر لایحه تنظیم ایدرک مدت مأموریتجه انک حکمنه اتباع ایدر و انفصالنده یرینه کلان پره توره انک بولایحه سی ومدت حاکمیتده و بریدیکی اعلامات احکامندن غیر محق کوردکارینی رد ایله باقیسنی قبول ایلدی . پره تورلرک بو حقی قوانین موجوده احکام صریحه سی محل اولمز ایسه ده معاملات حقوقیه بی هر کون کوز اوکننده بولندیرن ذواتک بو صورتله تعیین نواقص و اکمال لوازمه غیرتلی هم قوای تشریعیه دولتی ایجابات زمانه دن خبردار ایدر و همده روما حقوق مرعیه سی دائماً معاملات ناسک درجه ترقیسیله بر مرتبه و پایه ده بولندیردی .

روماده ایمراتورلرک تأسیسی اهلینک قوه تشریعیه سی رسماً دکلسه ده فعلاً الفا ایدرک بوکا مقابل ایمراتورلرک قونسلوس و چندسور و باش کاهن و صفات مختلفه ایله نشر

ایلدگری بیاننامه در باشلادیغی کبی مذاکراتی موهومیت کسب
ایدن سناتونک قوه قانونیه سی آدریانوس دورنده نزع ایدیلوب
انک یرینه علمای ارباب حقوقدن برشورای قوانین تشکیل
ایدلسیله حق تشریح منحصراً ایمپراطورلرده قالمش وققط ده
طوغریبی امور حقوقیه به انک زیاده وقوفلری اولان ارباب
حقوق یدینه کچمشدر . ایشنه بوسبیلهدرکه روماده پیدرپی هر
شیء منخطی اولدیغی حالده اهلنه تودیع ایدلمش امر منفرد
اولان قوانین کسب مکملیت ایلشدر . بالخاصه سائر
اقسام علوم و ادبیاتک انقراضیه علمای حقوقک اهمیتلری
زاید ایدرک قوانینه دائر اثار و شرحلر و تفسیرلر چوغالمش
وارباب عیلمک بو اثرلرده بیان ایلدگری افکارده روما حقوقک
انک مهم منابعندن برینی تشکیل ایدر اولمشدر .

روما قوانینک بوججهله ایچندن چتلمز بدرجه بی بولسی
وعصرلرجه مدت نشر اولنان بیکرجه نظامانک انضمامیه
برمسئله حقنده حکم قانوننه اولدیغنک توضیحی ارباب حقوقجه
بیله مشکل اولسی جهوریت اوخزینه طوغری بعض رجالک
نظر دقتلرینی جلب ایدرک ازجهله قیصر عموم قوانینی تلخیص
ایله بر مکمل دستور مبدانه کتیرمک املنده بولتمشده بوکامعری
وفا ایتماشدی اقدبجدهده کورلدیکی وجهله بومقصدی ایمپراطور
آدریانوس ایضا ایدرک نشر ایلدیکی امرنامه مؤبدده edit
perpetuel روما و طنداشانی حقنده تطبیق ایدیه جک بالجهله

قوانین و نظاماتی تلفیق ایشلسه ده آتوینلردن صکره کلان
ایمپراطورلر و بالخاصه خرسیتیان پرنسپل طرفلردن نشر ایدیلان
برچوق نظامات یسه روما حقوقی اسکیمی درجه سنده قار.
شدردیغندن ایمپراطور ایکنجی تئودوسیوس دخی برجموعه
قوانین نشر ایتدیرمشدی مع مافیه تئودوسیوسک دستوری
یالکز خرسیتیان ایمپراطورلرک قوانینی حاوی بولمق جهتله
حد ذاتده ناقص اولدیغی کبی آنی متعاقب نشر اولنان برخیلی
نظاماتده ینه اسکی قاریشقلغی تجدید ایلکله یوستینیانوس روما
حقوقی بر صورت منتظمه به ربط ایچون مشاهیر ارباب حقوقدن
تریونیانوس ریاستنده برانجمن تشکیل ایدرک بوانجمن بر قاج
سنده دن عبارت بر مدت قلیله ظرفنده مقداری یوز ییکلره بالغ اولان
بالجمله قوانین و آثار و نظامات قدیمه بی تدقیق ایدرک متعدد
نظامات دستورلری تنظیم ایشلدر.

ک اول نشر ایدیلان قوده کس (دستور) ده نظامات
قدیمه دن بعدما مرعی الاجرا اوله جقلمی ناشرلرینک خرسیتیان
و یا خود بنپرست بولمسنه باقلیه رقی جمع ایدیلوب یوز ییکی
متجموز ماده بی حاوی بولنان پانده قت و یادیحست اثر
عظیمنده دخی بالجمله روما مشاهیر ارباب حقوقک آثارندن زبده
اولقی اوزره باشلی مواد حقوقیه خلاصه ایدمش وعموم روما
قوانینده انستیتوت نام بردستور ثالثده ترتیب مکمل اوزره
آریجه خلاصه و اتیان قلمشدر. یوستینیانوس بعدما قوانینک

قارشمسنى منع ايچون نشر ايديلان دستورلردن بشقه قوانين
تفسيرلى تحريرى منع ائلمشسهده اوخر سلطنتسه طوغرى
كنديسيده برچوق مواده دار فرمانلر اصدارينه مجبور اولد.
يغندن اشبو قوانين جديده بي نووه له ناميله بردستور جديده
درج ايتدريمشدر رومانك انقراضنى متعاقب وشرق امپرا.
طورلغك دخي روماليلق صفتنى غائب ايدر ك شكل معلومه
كيرمى ائناسنده روما حقوقك بووجهله جمع وتلفيقى جامعه
ايتاليا و آفريقا فتوحات سريعه الزوالندن زياده شرقى جمش
اولش وبوسايهده روما قوانينى همان حال صافيسنده اولق
اوزره زمانمزه قدر پايدار اولوب قالمشدر.

انستيتوتلرده برى اشخاصدن برى اشبادن برى
معاملادن و برى عقيبادن باحث درت قسمه تصنيف قبول
ايدلمشدر.

روما قوانين قديمه سنده اشخاصده بيوك مساواتمزلقلر
جارى اولوب ازجهله حقوق سياسيه جه موجود مساواتمزلقلر
برچوق غوائل داخله بي موجب اولمشدى فقط برآرهلر اداره
عوامك غلبه سى و طنداشلىق حقوق تامه سنه نائل نفوسك
مقدار بى ارتدريغى كى امپراطورلغك تاسسيه روما وطندا.
شلفنه وظائف اطاعتكاريدن بشقه براستفاده قلماسى بو حقوقك
توجيهنده اسكيسى قدر امساكه محل براقديغندن اول عموم ايتاليا
وسكرهده ولايات ساړه اهالي سى روما وطنداشانى زمهره سنه

ادخال ایدلشدی دین عیسوینک قبولیله اسرانک مقداری دخی پیدرپی آزالدیغی کبی آزاد ایدیلان اسراده اسکینسی کبی برحال متوسطده قالیوب تمام حقوق سیاسییه نائل ایدملکه بوستینیا. نوس زمانده همان هر کس حضور قانونده مساوی بولونیوردی. روما قوانین قدیمه سنک قبول ایتدیکی برطاق امتیازات شخصیده مرور زمانله برحد معقوله ایندیریلوب مثلاً اسکیدن برعائله پدینک اولادینی ولوکه اوده برعائله صاحبی اولسون اولدیرمک درجه سنه قدر صلاحیتی واریکن بو حق مفرط پیدرپی افکار انسانیتکارانه نك غلبه سیله تخفیف ایدلش، حق وق وصایت بر درجه مناسبه ایندیرلش واسکیدن خانه دروننده عادتاً اشیدان معدود بولسان نسوانه بعض مرتبه مساعدات ابدال قلمشدی. عموماً روما قانونری طلاق مطلق قبول ایله ذوجه بی ذوجک اداره کامله ووصایتی تختنه بر مشلر سده بر اهلوق عموه طاری اولان فساد اخلاق هر درلو روابط ذوجیتی بوزارق مناسکاتی بر منخره لک حالنه قومشدی. مع مافیله دین عیسوینک قبولی و هیئت رهبانیه نك مداخلاتیله عائله لرده عرض و ناموسک محافظه سی ایچون بعض تحدیدات وضع ایدلشده بالذات واضع قانون اولان امپراطورک ذوجه سنک ادبزلکری استعداد زمانه به مقاومتک مشکل اولدیغنی کو سترمشدر.

روما قوانینی حق تملیکی برارضه ایلك دفعه تصرف

ایدن و اورایه صرف سعی و غیرله متمادی تصرفه صلاحیت کسب ایلیسان آدمک حق مشروعدنن متولد اولمق اوزره قبول ایدردی روماده بعض ادملر اراضی و سیهده مالک ایکن برطاقک ناپساره قزاندره جق طوپراقدن محروم بولمیزی حق تملکه درجه رعایتلرینی کوسترر. روماده وراثت حق متوفانک ریاست پدرانسه تابع بولنان جله اقباسنه شامل اوله رق بیوک اولاد حق کبی مناسبتر لکلر بولمیدیغی کبی و صیت ایله اموالک هبه و فراغی و بوباده وارثلرک میراندن اسقاط اولنه بیللری حقنده قواعد مکمله وضع ایلمش و کرک ارثا و کرک و صیتنامه ایله بر میرانه دسترس اولان شخصک هر حالده متوفانک بالجه حقوق و وظائفله مکلفیتی اصولدن بولمیشدی. روماده بر شخصه وارثلک انک اسم و عنوان خاندانیله طائیفی دخی مستوجب اولوردی.

هر درلسو معاملانک برنوع تعهددن ناشی بولمسی بدیهی اولوب رومالیر تعهداته یا وعد یا بر منفعت متقابله و یا خود ایقاع ایلمش بر ضررک تضمینی اساسلرینی قبول ایلشردی وعد خصوصنده روما قانونی محرر و مثبت بر تعهددن بشقه سنی معتبر طوتمدیغی کبی منفعت متقابله به مستند تعهداته بیع و شر او ایجار و استیجار و یا اقراض و یا خود رهن و استقلال معاملاتی داخل بولوردی اقراض حقنده کی احکام قدیمه پک شدید اولوب اولجه ده سوبلندیکی وجهله مدیونک حریتنی و حتی حیساتنی بیله غائب

اینگ تهلکه سی واردی واقعا بعض مؤلفین قدیماً دخی متعدد داینرک مدیونک جسدینی تقسیمه حقیری اولیوب ساده فروخت ایدرک بدلی تقسیمه مختار بولندقرینی یازمشلردر . هر حالده قوانین اخیره ایله داینرک احوالی چوقاق اصلاح ایدیلوب فائضرک مقداریده کلی تنزیل ایدلمشدر .

غصب و سرقت کبی افعال اموال مغصوبه و مسروقنک بجه حال صاحب اصلیسنه رجوعنی استلزام ایدر سدهده قانون مجازات بدنیه بی چوقلق التزام ایتزدی و حقوق عمومیه دعوامی صادی قباحت و جنحه لرده اقامه اولتمیدرق دولتک سیاست حتی کبار جرأتمه جاری ایدی مع مافیه قوانین قدیمهده قصاص زیاده سیه التزام ایدیلور سدهده پندربی و صورنده تخفف ایتشدر . اگر بر قانونک درجه شدتی اوقانونده جزای اعدامی موجب کوریلان جرأتمک مقدارینه نسبت ایدبله جک اولورسه روما قانونه قائله یازلمشدر دیمک قابل اوله مز . عصر مزه قدر بعض اوروبا قانونیری بوزلرجه جرأتمه الیبوک جزایی تعیین ایلدکاری حالده روما قانونی ساده (۱) دولته اخانت (۲) کیجه یاریسی درون شهرده اجتماع (۳) برروما وطنداشنی قتل (۴) قونداجیق (۵) یلان شاهدلک (۶) برحاکک رشوت آلمسی (۷) هجویه و موآخذه نامه لرتحریری (۸) کیجه قومشوسنک مزروعاتنی احراق (۹) سحر بازلق قباحتلرینی بودرجه اهمیتده کوروب فقط مرور زمانله بوبابدهده بیوک مسامحه لر کوسترلمش وهله مأمورلرک

ارتشا و ارتکباتی بچشده ایدیلان خسار مادینک تعمیرندن بشقه
برشی نظر دقنه آلتماق اصولدن اولمشدی .

ایمپراطور لقله برابر تأسس ایدن اداره استبداده بر قوت
فوق العاده و یرمک اوزره حکومته اخانت مسئله سی شان دولته
و بنشاء علیه شان حکم داری به تعرضه قلب اولنهرق
و مغایر طبیعت بعض جنایات اخلاقیه یه ده شدتلی جزا تعیین
ایدیلهرک بوصورتله تأسس ایدن سیاست حق بر یوک واسطه
ترهیب حالنه کلمش و کندی نفسندن الک امین اولانر بیسه
دره مکه باشلامشدر . قدیماً لیلآخانه به کیرن سارقک و صداقتده
قصور ایدن ذوجه ایله ارتکاب جرم حالنده کوریلان عاشقنک
اتلافی مثللو بعض افعال جزادن معاف ایکن مؤخرأ بوبابده ده
حریت افراد بعض تقييدات التنه آلتمشدر .

بوراده الک باشلی نقاطنی بر قاج سطرده جمعه چالشدیغمرزوما
حقوقی محصولات فکریه نك الک واسع و دقیقلندن بولنمی
جهتیهله طبیعی حکومتک ذوالیله ده منسخ اولیهرق سائر اوروپا
اقوامنده ده صور مختلفه ایله یکدیگی اقسام آتیه ده مشهود اوله جعفر .

بشنجی کتاب
عربلرک دور استیلاری

فصل اول

ظهور و انتشار دین مبین محمدی

۱

عربستانده زمان جاهلیت

جزیره العرب . اقلیم و تقسیمات جغرافیة . عربلر : اخلاق و طبیعتلری ؛
نسبیلری ؛ طرز اداره و معیشتلری ؛ لسان عرب ، مذهب ؛ کعبه معظمه ؛
عرب عاربة . عرب مستعربة . دولت حبریه . یمک حبشیلر طرفندن
استیلاسی . ابرهه نك مکه مکرمه به هجومی . یمک ابرانیلر اداره
سنه کجسی . قبائل عرب . حیره و بنی غسان دولتلری . قریش
قبیله سی . مکه مکرمه و مدینه منوره . بین العرب
قریشک فضل و تقدیمی .

دین مبین محمدینک مهد ظهوری اولتی و اعلائی کلمة الله
ایچون سئل سیف ایدرک آز مدت ظرفنده دنیانک الکیسوک
حکومتلرندن برینی تشکیله موفق اولان قوم نجیب عربک وطنی
بولتیق جهتیه کراه ارضک ال شایان دقت اقسامندن بولسان
جزیره العرب اسیانک جنوب غریبسنده کائن اویچ طرفی دکزله
محاط بریویک شبه جزیره در . بوشبه جزیره نك غربی بحر قززم
ویا بحر احرا ایله جنوبی بحر عمان ایله و شرقی دخی بحر فارس
یعنی بصره کورفزی ایله محاط اولوب سوریه عراق و فلسطینه

ملاصق بولنان حدود شمالیه می عربستان چوللری نهایته قدر
 واصل اولمقدوده در . بوقطعه جسمه هندستان ایله امریکای
 شمالی آرسنده مهم و معتبر موقعی حاز ایسه ده احوال اقلیمه سی
 ممالک سائره بیننده بر موقع قزاقمنه طول مدت مانع اولمشدر
 عموماً مملکت عربض و مسافدنک چوقلغندن ناشی مراسلات
 مشکل اولدیغی کی منیت و محصورلدار اولان بعض اقسام
 جزیه و بمن جهتلزندن بشقه قسم اعظمک چولدن عسارت
 اولسی و عموم انهار و میاهک یازین کاملاً قورر سیلابه قییلندن
 اولوب سیر سفاینه صالح ایرماق بولنامسی دکل مملکتک ممالک
 مجاوره ایله اولان مناسباتی حتی اهالیکنک بربرله اولان
 اختلاطنی یله انواع تصعباته دوچار اولمشدر .

قدمای جغرافیون عربستانی طاشلق عربستان (سینا جهتلری)
 مسعود عربستان (بمن حوالیسی) و چول عربستان نامیله اوج
 قسمه تقسیم ایدرلایدسه ده بر اساس صحیحه مستند اولمیان شو
 تقسیمانک حدودی یله لایقینه معین دکلدی . بوکا مقابل عربستان
 قدیمدیزی آئیده بیان ایدیه جک اقسام و حوالی بی محتویدی .
 مصرک غربنده کی چولک بردوای حکمنده بولنان سینا شبه جزیره
 سندن جنوبه طوغری اینلیجه ججاز قسمنه کیریلورکه قسماً حوالی
 منته بی حاوی اولان بوولایت عربستانک بلاد مشهوره سندن مکة
 مکرمه مدینه منوره و طائف شهرلری دخی محتویدر ججازک جنوبنده
 ساحل بوینجه تهامه ولایتی و شبه جزیره نک جنوب گوشه سنده

دخی تنوع محصولاتی و حیوانات و لطافت هوا سیله عربستانک
 اک زیاده قابل اعمار قسمی اولان یمن موجوددر . عربستانک
 ساحل جنوبیسی بویجه حضر موت مملکتی تمتد اولدیغی کبی
 جنوب شرقی کوشه سنده عمان و بحر فارس ساحلنده دخی بحرین
 قطعهلری وارددر بحرین ایله حجاز آره سنده منبت برارض
 پارچه سی اولق اوزره بمامه ولایتی وانک راز دها شمالنده نجد
 مملکتی موجود اولوب بونلرک شمال و جنوب طرفری اقلیم
 و طبیعجه آفریقاده کی صحرای کبیردن ولیدیاچولندن اصلافرقی
 اولیان چول عربستانک اقسام مشروحه سنی بربرندن تفریق
 ایشدر .

عربستان احوال اقلیمده بیکرجه سنه دنبری ولوبک
 جزئی برتبله اوغرامدیغی کبی ایوم نجد صحرا زنده خیمه نشین
 اولان بدویلرک حضرت اسماعیل ایله اختلاط ایمن و یاخود
 زمان رسالته لواء الحمد محمدی التمه التحاق ایلیان عربلردن
 هیچ رفرقیری یوقدر . عربلر هنوز حال طفولیتده بولنان بر جمعیتک
 مخصوصاتندن اولان سادگی اخلاق و خصائل جیهله عدم
 اختلاط و نقصان ادرا کدن متولد بعض مناسبتمز عاداتی
 قارشدر مشردر دکامی دوه اوزرنده و تخته سز سطرنج او بنایه جق
 و بداهته مکمل قصیده لر سویله جک درجده پارلاق اولان عرب
 او ذکابی معاملات بشریه ده قولاندیره رق ترقیات وجوده
 کتیده جک بروطن مساعده مالک دکلدی . اوزرلرنده دائمالک

مهلك روزكارلر الك وحشى حيوانلر اسمكده و كزمكده اولان
 عربستان چوللرى بدمسافه و صويك ققدانى جهتهله سكان
 مملكتهك الك بيوك دشمنلرى اولوب الك اول صرف فكر ايديله جك
 شينى بوچولى كمال سرعتله بكهرك محل مقصوده بران اول
 وصول كيفيتى ايدى بوخصوصده عربلك آتريله دوه لرى جناب
 حقه كنديلرينه الك بيوك موهبه الهيه سى عداولته بيلور . عربك
 آتى حيوانات انسيهك الك ذكيلرندن وانسانه صداقتى الك قوى
 اولانلرندن اولوب كونده قرق الهى انكليز ميلى مسافه يى سهولته
 قطعده قادر اولان بونجيب حيوان هر درلو احوال مهلكه يه
 قارشو عربك برنجى اميد نجاتيدر . دوه ايسه كرك غداى جزئى
 ايله اكتفا سى و كرك انواع مشاق و جفايه تحملى و سرعت سير
 و حر كتهله برابر معده سنده دائما بر مقدار صوبى احتياطاً حفظ
 ايديله جك صورتده مخلوق بولنمى جهتهله تمام چول
 حيوانى اولوب بويه ايكى واسطه قيمتداره مالك اولان
 عربلك قسم اعظمى منابع رفاه و استراحتى آز برداره محدودده
 داخلمنده كنديلرينى حبس ايتمكدن ايسه دائما بر دكشديرهرك
 الجسات مواسمه كوره شودر حل ايتمكى اعتياد ايدينهرك
 قسم اعظمى حال بدويتى حضرتيه ترجيح ايدر اولمشدى .
 بو حال بدويت قومك آره سنده اتحاد فكرينى بك ضعيف بر اقيور
 ايدى . هر قبيله كنديلسينى بر هيئت مستقله عد ايلديكسندن قبائل
 آره سنده ماهيتى بزجه سرقت و نهب و غارت عدايديله جكى دركار

بولنان دائمی منازعات و محاربات انلرجه مشروع کورلمکده
 و بومنزاعدهلر بین العربان جاری اولان قان دعوارینک انضمامیله
 برقات دهاتشدد ایدرک غزوه نامیله تعالی ایتدیرلمکده ایدی .
 ضایت جسور ، استعمال اسلحهده و جندیلمکده مهارتلی
 شایان حیرت بر درجهده بولنان بو قوم افرادی محاربه
 آرزولرینی خاراجده میدان فتوحات بولهمدقلملی مدتجه بربرلیله
 اوغراشارق اسعاف ایلدکلرندن عربستانک آسایش داخلیلی
 دائماً مشوش برحالده بولتمش وطبعاً زیاده سیهله محب حریت
 شخصیه و طرفدار مساوات اولان عربلر آره سنده ظهور اسلامه
 قدر برهیت مرکزیه به اطاعت فکری تحذث ایده مامشیدی
 عربلرک کرچکلدن ارکک بر ملت بولتملی آره لنده قادیترک
 بر درجهده قدر نظر استحقار ایله کورنمسنه سبب اولیوردی .
 حتی زمان جاهلینده قز اولادی اولقی معیانتدن معدود اولوب
 بعض قزلی دیری دیری کومدکلی بیله واقع اولوردیکه
 نسوانک حیثیت بشریه دن تماماً حصه دار اولملری و مؤخرأ
 شریعت مطهره سایه سنده ممکن اولمشدر . مملکتلرینک حواج
 ضروریه نی بیله زورله یتشدیرمی و هر درلو اسباب عزو راحتک
 قدانی بدویلملی نهب و غارتنه سوق ایلشدهده بولر آره سنده
 ینه بر چوق خصائل جیهله موجود اولوب از جمله عهد
 پرورلک ، ضعفایی حایه و اولاد واقاربه صداقت و محبت کبی
 برطاق محسنات اخلاقیه نی صوک درجهده کتیر مشلردی .

عربك خصم جانی بر کره چادرینه دخالت ایدنجیه اک عزیز دوستی حکمنه کیرر، هر دلو عزت واحترامه مظهر اولور و کندیسنه بشقه یرده راست کلسه همان اولدیره جک بولنان عرب شمندی بوملنجی بی سائرلک تعرضاتندن قور تار مق ایچون کندی جانی فدایه دائم مهیا کوریلور .

عرب قومک سام بن نوح علیه السلام نسلندن یعنی اقوام سامیهدن بولندیغی نسااین بیننده محق اولوب بالخاصه عربستانده قالمش اولان عربلرحالا جنسیتلرینی هر دلو اختلاط وامتراجدن بری اوله رقی محافظه ایلشلردر . آئیده بیان ایدیله جک عرب طایفه و عرب مستعربه طبقاتی بوضورتله صرف سامی اولوب فقط فتوحات اسلامییه بی متعاقب ممالک بعیدیه انتشار ایدن عربلر اورال اهلالیسی ایله قاریشه رقی عرب مستعربه نامی و بریلان طبقه بی تشکیل ایلشلردر .

عربلرک صورت اداره لری هر قسملک صورت همیشه کوره مخالف بولمشدر . راعی بولنان بدویلر نزدنده استقلال شخصی پک قوتلی اولمغله بونلرده حکومت پدرانهدن بشقه بر صورت تأسس ایدمه یوب هر پدر طائفه کندی خانه سنک حاکم اعظمی بولندیغی کبی شیخده اوله جه قبیله نک بیوکی و بابامی عد اولمشدر و حقیقتدهده هیچ بروقت شیخک اداره سی تغلب حالتی بولماقدهدر . مکه و مدینه کبی اهل تجارته مقر اولان شهرلرده ایسه اصحاب نجابت و ثروتدن مرکب بر هیئت

اصالت حاکم اولوب ساده مهوریت و سعادت بیچله دن افزون اولان یمن قطعه سنده اسکیدن منظم بر حکومت منفرده تأسس ایدیه بیلشدر .

سیاسته حال تفرقه ده بولنان عربلرک ال بیوک سبب وحدت لری لسان لری ایدی دینانک ال بیوک السنه سندن اولان عربجه بو قومک ذکامی و وسعت قریحه سی سایه سنده فوق العاده توسع ایدرک یوز بیکرله لغتی حاوی بر بیوک لسان اولش و بونک وسعت و لطافتی عرب لری خطابت و فصاحتده زیاده سیله ایلر و لمتشدی عربستانک پک چوق محالرینه یازی پک کج داخل اولدیغی حالده روایات ملیه ننگ چله سی اشعار واسطه سیله اذهان ناسده برطوتمشدی عرب لری فصاحت و انشاد شعره بیوک اهمیت و بر دکرندن فصحا و شعرا عموم قوم عرب میاننده کسب شهرت ایدر اثر لری هر هر کسک از برینه پکر و اکثرینلرنده مجادلات منظومه و قوعبوله رقی بر شاعرک غلبه سی منسوب اولدیغی قبیله و یا بلده جه افتخار عظیمی موجب اولوردی . اشعار دن درجه قصوای بلاغتی حاز اولان لری کعبه اعظمه دیوار لرینه تعلیق ایدی لوردی حتی زمان رسالته بو صورتله تعلیق اولنان یدی پارچه اشعار یعنی معلمات سبعة میاننده شاعر امری القیسک قصیدنه سی برنجی عدا و لمتقه ایدی .

عرب لری میاننده حضرت اسماعیل و هود و صالح علیهم اسلام کبی و حدانیت ربانیه فکرینی نشر ایدن پیغمبران کلک شده

مذهب عوام ینه شرک بولنده ایدی . عربستانک صاف و براق اولان سماسی و اکثر بوجیلغک کیمچدلی ایدلمسی عربلی احوال جوسمانی تماشاویه و بناء علیه نجومپرستلکه سوق ایلشدی . ازجمله ین طرفلرنده کی صابئی مذهبی صرف کواکبه پرستیدن عبارت اولدیغی کی سائر قبائل عرب مذاهیده هپ بواساسدن تفرع وتشعب ایلشدی . بونجوم پرستک دخی ساسده تخیلات حالنده قالیوب برطاق اصنامدخی قبائل مختلفه نك تعبدینه مظهر اولقده ایدی طوائف عربدن سوریه یه یقین اولان بعضیلری مذهب عیسوی بی و برطاق قبیله لرده موسویتی قبول ایلشردی . عربلرده شعبات مذاهب چوق ایسه ده مکه مکرمه ده حضرت اسماعیل علیه السلام طرفلرندن انشا ایدیلان کعبه معظمه عمومک نظرنده مقدس بر محل مبارک اولوب هر سنه فوج فوج اورایه حجه کایرلر واقوام عربک بواجتماعی شعر و ادبیاتک ترقیبی و بعض افکار سیاسی نك انتشار نجه بک چوق فوایدی موجب اولوردی کعبه معظمه دروننده هر قومه مخصوص اوله رق یوزی متجاوز اصنام موجود اوله رق بونلردن لات و عزی و هبل و نازله صغملری بالخاصه اهل مکه نك حامی لری عد اولنورلردی .

عربستانک اک قدیم قوملری عرب عاربهدن اولوب بونلرک اکثریبی مرور زمان و اعصار ایله محو و منقرض اولشدر بونلر میانده جنوبده ساکن اولوب ایچلرینه حضرت هود علیه السلام بعث ایدلمش اولان عاد قومیه جازک شمالنده بولنان

وحضرت صالح علیه السلام طرفندن بلائمه طریق هدایتسه دعوت ایدیلان نمود قومی و فلسطین جهت نرنده بواند قری اقدبجه کوریلان عمالقه طائفه سی مشهور در عمالقه کاملاً منقرض اولیبوب بر قسمی مؤخرأ اذینه بن السیدع زمانده تدمر دولت معموره سنی تشکیل ایلشدر . طبقه اولی عربلری میانده الك قوی حکومتی یمنده بنی قحطان تأسیس ایلشدر .

بنی قحطان دولتی دولت حیاریه نامیله مشهور و پایتختی مسأرب شهری اشهر بلاد شرق اولان دولت اولوب اقدبجه عانتا مصر و بابل حکومتلرندن کری قالماقده ایدی بو حکومته مورخیز طرفندن ایکی اوچبیک سنه لک بر مدت دوام اسناد ایدلمکده در . بو دولتک اداره سننده یمن یک زیاده کسب معموریت ایلوب بر خیلی زمانلر عربستانده مالک اولمش و اوزماندن قطعاً مذکورده ده یک چوق آثار مصنععه و نفیسه وجوده کتیر لدیکی کبی حالا زمانزده خطوط حیاریه نک تدقیق و قرائی خطوط میخیه وهیه روفلر کی علمانک انظار دقتلر بنی جلب ایلکده بولمشدر . بنی قحطان حکمدارلرندن مؤسس دولت قحطان ابله بعرب عبدالشمس سببا حیر ذوالقرنین صععب بن ذی شدد افریقس بن قیس و امثالی بر چوق بیوک وجهانکیر حکمدارلر کلش اولوب بونلر زمانلرنده یمنلیلر جسم ارددولرله مصری ابرانی و عراقی استیلا و حتی ترکستان و چینه قدر تجاوز ایدرک اورتولغی دهشت ایچنده بر اقمشدر و هند راجا لرنه قدر

برچوق ملوکی جزیه دار و خراجگذار ایشلردر . ظهور
اسلامدن برایی قرن مقدملرنده ملوک حیره دن اکثری موسوی
مذهبنی قبول و اهالیدن برقمیده کندیلرینه تبعیت ایدوب یمنده
و سائر طرفلرده ساکن خریستیان عربلره تسلطه باشلادقلرندن
نهایت شرق امپراطورلغنگ دخی نشویقیله مذهب عیسوبده
بولنان حبش نجاشیلری قبائل مسیحیه بی جایه یمنه قوه کایه
ایله تجاوز ایدوب یمن برمدت حبش اداره سنسده قالمش و حتی
نجاشی ابرهه شماله طوغری یورویوب مکه مکرمه بی دخی شدتله
تضییق ایلدیکی حالده جد حضرت رسول عبدالمطلبک همت و غیرتیه
ایدیلان مقابله شیدیه مبنی رجعت ایشدر مع مافیه برمدت
صکره ایران دولت ساسانیه سنک معاونتیه حبشیلر یمندن طرد
ایدیلوب حکومت حیره اعاده ایلمشسده اسکی شوکت و
سطوتی قالیوب کرک یمنک و کرک بحرین و عمان طرفلرنک ملوکی
ایران شاهلری طرفندن عزل و نصب ایدیلور بروالی حکمنده
قالمشدر .

عربلر عمومیتله استقلال قبائل جهتنه میال اولمقله برابر
بعض طرفلرده ینه بیوجک دولتر تشکیل ایشلردی ازجمله
حضرموت و یاجار حکومتی قوم عادک وطن اصلیمی اولوب
شدید و شداد و هود و قهمان نام حکمدارلر دورلرنده کسب
عظمت ایدن احقاف حکومتیه عمان و بحرین حکومت ساحلیه سی
دور دور عربستان دول معظمه سنندن معدود اوله جق درچده

اهمیت قزاقلاردی . فقط ساسانیان سلاله سنک دورسطوتنده
 عمان و بحرین طرفلری دخی ولایات ابرانیده دن معدود بولنشدی .
 بحرین ایله حجاز آره سنده کی یمامه قطعه سی پک معمور و کثیر النفوس
 اولدیغی کی عکاظ نام پناہر محلنی حاوی و حجازک ساحل طرف
 فنده کی تمامه ده دخی دول مقتدره ظهور ایتش و حتی بنی
 ربیع قبیله سی بین النهرینده نصیبین دیار بکر و رأس العین جهتلینه
 قدر بالمشتری حجازک شمال شرقنده کائن نجد قطعه سی دخی
 غایت غلبه لک و منبت و محصور و لدار و ادیلری حاوی اولوب
 بوراده مدت مدیده بنی کنده دولتی دوام ایتش و الجزیره یه
 طوغری دخی برطاقم عرب قبائل مستقلاً بشامقده بولنشدی .
 جزیره العرب داخلنده کی دولتردن بشقه سوریه و عراقده
 دخی بعض عرب دولتلی تشکل ایلشدی . ارض فلسطینده
 قدیم عمالقه دولتی و سوریه ده اذینه بن السمیمدع (اوده نات)
 وزبا (ذینب) زمانلرنده کی اهمیتی اقدیمجه موضوع بحث
 ایدلمش اولان تدمر موجود و منقرض اولدقلری کی هجرت
 نبویه دن التي عصر مقدملرنده یمنده وقوع بولان طغیان میاه
 اوزرینه شماله مهاجرت ایدن بعض بنی حیره قبائلیده بنی غسان
 و حیره دولتلینی تشکیل ایتشلردی . بنی غسان سوریه ده اولوب
 مذهب عیسوی بی قبول ایله برابر روما شرق ایمپراطورلغی
 حایه سنه کیرمش و عراقده تأسس ایدن حیره دولتیده اولاملوک
 آشکایانک و صکره سامانیانک تحت تابعیتلرنده بولنشدی .

یمن ایله سوریه تجارتک کذرکاهی اولان حجاز قطعه سیده
 قبل الاسلام حال تفرقه ده بولونیوردی بوقطعه ننگ منتهای حدود
 شمالیسی دیمک اولان تبوک کن بدأ ایله خیر و امشالی برچوق
 بلاد و قلاع موجود اولوب بونلرده موسوی عرب قبائلی ساکن
 بولندیغی کبی بلاد مهمدن اولان یثرب (مدینه منوره) بلده.
 سنده ده اوس و خرزج اسمنده ایکی قبیلله ایله بعض موسوی
 عربان اسکان اللمکده ایدیله. حجازک جنوب جهتلرنده مکة مکرمه
 وطائف بلده لری من القدیم معروف اولوب اصل عرب مستعربه
 مکة مکرمه ده قدیم جرهم قبیلله سیله حضرت اسماعیل علیه اسلام
 ذریت و توابعنک اختلاطندن ظهور ایتشدی. مکة مکرمه تجارتله
 اشتغال لری حسبیلله اهلایسی زنکین و کعبه معظمه ملاسه سیله
 عموم عربک سجده کاهی بر شهر مقدس اولوب اهل مکة اولان
 قریش قبیلله سی شرف و نسب و اصالت جهتیله عربک کزیده سی
 و قریش لسان و تلفظی لسان عربک الک فصیحی عد اولتوردی.
 رؤسای قریشدن عبدالمنافک ارتحالندن صکره بیوک اوغلی
 هاشم کعبه معظمه ننگ محافظه سی و قبیلله ریاستنی آلمه قریشک
 اداره سی انک خاندانسه قالمش و هاشمک برادری امیه خاندانیه
 هاشمیلر آره سنده بعض مرتبه رقابت تحداث ایتشدی. هاشمک
 حفیدی عبدالمطلب ابره ننگ مکة مکرمه به استیلاسی منع
 ایش و عموماً آل هاشم امور اداره ده ارأه رویت و بیطرفی
 ایتشدی.

مواد بجهت دین اکلاشیلاجفی اوزره عربلر ذکا و جسارت و صفوت اخلاق کبی برچوق مزایاتی حاز اولدقلمری حالده محضاً حال تفرقه ده بولمزلندنطولابی عالم سیاستده کندیلرینه لایق اولان موقع مناسی کسب ایده ماملر و حتی بعض طرفلرده محافظه استقلالاری بیله تهلکه دائمه التنده قالمشدی . بوقومک اتحادی انجق حسیات مذهبییه کبی قوتلی برطویغو نتیجه سی اولق لازم کلوب لفظ اتحادک هم دیناً مقتدابه و همده نسجه اصالتی عومجه مصدق اولان مکه و قریشدن ظهوری ایجاب حالنددی فی الحقیقه عربلری طریق هدایت و اتحادده سوق ایله محیر عقول بر استعداد فتوحات و اداره یه مالک قیلان جناب رسول اکرم افندمز حضر تلی دخی قریشک هاشمی صنفندن مه آور زیب شهود اولمشدر . فقط دور سعادت و عموماً تاریخ اسلامه کیر شمزدن اول فتوحات اسلامیه تک و اوعصر دول معظمه سنک برنجیلرندن اولان ایران دولت اخیره سی حقه ده بعض معلومات اعطامی دخی فائده دن غیر خالی کورلمشدر .

۲

ایران دولت اخیره سی

اسکندرک و فائدنصکره ایرانک موقعی . آرشک و بارت دولتی . اشکانیان
 سلاه سی . مهرداد و هرمز . روما ایله محاربه لر . سامانیان سلاه سی :
 شاپور . شرق روما ایله محاربه لر . خسرو نوشیروان . خسرو پرویزک
 فتوحاتی و هرقلک انجام موفقیتی . ظهور اسلامده ایران دولتنک
 قوت و عظمتی .

اسکندر کبیرک و فائتی متعاقب بمالک جسمیه سی قوماندانلر .

بیننده تقسیم اولندیغی صر زده آسیای علیا ایله برابر اصل ایران
 قطعده می و عموماً ممالک شرقیه سلفقوس عهده سنده تقرر
 المشدی . دولت سلفکیان غایت واسع اولدیغی حالده تا
 ممالکک منتهای غریبسنده کائن پانختندن بوقدر بعید مسافه لری
 ضبط و اداره یه موفق اوله مدیغندن پیدر پی آسیای علیا
 و هندستان جوار لری الدن چیددیغی کبی قبل الهجره « ۸۷۸ »
 تاریخنده ده طبرستان طرفرنده والی اولان اشک و یا آرشک
 نام ذات رفع لوای عصیان ایدرک ایرانک وسط شمالیسنده
 کائن پارتیا قطعده سنده بدولت مستقله تأسیس ایلشدر .
 حقیقت حالده دولت قدیمه ابرانیه نك سلاله دیگر اداره سنده
 دوامی دیمک اولان بودولت اوروپا و روما توارینخنده پارت
 حکومتی نامبله مشهور اولوب ایرانک طبقه ثالثه می اولان
 اشکانیان سلاله می طرفندن قبل الهجره « ۳۹۶ » تاریخنده قدر
 یعنی « ۴۸۲ » سنه مدت اداره ایلشدر .

ارشکک اکتساب استقلاله موقعیتی سوریه حکمداری
 ایکنجی آیتوخوسک مغلوبیتی اوزرینه اولوب بوندنصکرده
 ایران طول مدت دولت سلفکیان ایله و برده اوصره لرده
 کسب استقلال ایلان ارمنستان حکومتیله محارب بولمشدر .
 اوللری دولت اشکانیه نك مفر سلطنتی دامغان شهری اولوب اشکک
 خلقی تیرداد ایکنجی سلفقوسی اسیر ایدرک مدیانی فتح و بوبک
 مهردادده سوریه حکمداری ده متربوسی اسیر ایدرک همدان

و بابل و جزیره مابین النهرینی ضبط ایلدن کاردن مؤخرأ پانخت سلطنت شمیدی بغدادک الی ساعت قدر اشاغیسنده بولنان کتته زیفون یعنی مداین بلده سنه نقل ایلدن شدرد . بخاراطر فریده مهرداد زماننده ممالک ابرانیه الی الخاق ایلدن شدرد . ایرانده امرانک استقلالری زیاده جه و عسکرک اکثریسی اقوام اجنبیه دن آلمش اولمقدن ناشی بعض مناسبتنزل کلرده چوققه ایسه ده ینه دولت مهرداد زماننده پک زیاده عظمت کسب ایتش و ایرانیلر هم شرقده ترک اقوامنه و همده غربده ارمنیلر و سوریه لیلر غلبه ایلشدرد . ایران ارمنستان ایله محاربه بولمسندن طولانی لوقوللوس تیگران ایله محاربه ایلدیکی زمان ایران ایله روما اره سنده وفاق و حسن امتزاج جاری اولمش ایسه ده بو حال موقت اولوب سلفکیان یرینه قائم اولان روما بودولتک ایرانه اولان خصومت قدیمه سنه دخی وارث اولمشدر برنجی تریمو مورانک ایلك حرکتی ایران سفیرنک اعلانی اولوب فقط قراسوسک شاه هر مزه مغلوبیتی برمدت ایرانی سوریه طرفلرینک حاکم منفردی برافارق جیوش مظفره ایرانیسه هر طرفی یغما و تالان ایلشدرد .

آشکانیان دولتی ایله روما اره سنده آچیلان محاربه متعدد فاصله لرله عصر لرجه مدت دوام ایلش و غلبه کاه ایرانده و کاه روماده قالمشدر . شاه ایران خسروک برچوق موققیاتدن صکره ایمراطور ترایانوسه مغلوبیتی اوزرینسه مابین النهرین طرفلری

ایران لندن چقمشہ شدہ آدریانوسک مساک مسالمت پروری
 ممالک مذکورہ تک بہ اعادہ سنہ سبب اولمشدی
 آشکایان سلالہ می دوری خلی پارلاق ایسہدہ داخلدہ
 سلطنت غوغاری عسکر عصیانگری کبی فناقلرک دخی نہایت
 بولدیغی یوق ایدی بو سببیلہ پیدرینی سلالہ سلطنت نفوذ
 و حیثیتی غائب ایش اولغله بشنجی اردوانک زمان حکومتندہ
 امرادن و ساسان سلالہ سندن اردشیر بن بابک ابرانک جنونندہ
 اعلان عصیان ایش وری شہری قریندہ کی محاربتہ
 غالبیتی نتیجہ می اولہرق حکومت ایرانیہ دسترس اولمشدر .
 اردشیر بحرین نجد و عمان طرفزبلہ آسیای وسطی بی دخی
 استیلا ایش و کندیسنی کینجہ سرو اولادنن اعلان ایدرک
 واسکی دولت ایرانیہ بی اعادہ بی امل ایدنہرک روما امپراطوری
 علیکساندر سوہرودن سوربہنک تسلیمی طلب ایتمشہدہ
 محاربتہ واقعہدہ مغلوب و بعض ممالکنندن محروم اولمشدر .
 اردشیرک خلقی شاپور اسکندرک تخریب ایتدردیکی نیشاپور
 بلدہ سنی پایتخت ایدرک ارمستاندہ حکومت ایدن اشکایان
 سلالہ سندن کی خسروی مغلوب و سلطنتندن محروم ایش
 ورومالیلرلہدہ پک چوق محاربتہ لڑدہ بولتمشدر . شاپور اول
 امپراطور غوردیانوسہ مغلوب اولمشہدہ مؤخرأ واریانوسہ
 اورفہ جوآرندہ غلبہ و مشارالہی اسیر ایدرک انطاکیہ بی فتح
 و آسیای صغرا و سوربہ بی استیلا وتلان ایتمشدر . شاپور ابرانہ

عودتی اثناستند تدمر شیخی اذینه بن سمیدعه مغلوب اولمشدر .
 شابورک خلجی هرمن زماننده مانی زندیق نام شخص مذهب
 مجوس خلائی بردین چیقساره رق اول امرده حکمداری بیله
 جلب ایلشسهده نهایت خلک غلبه تعصیله قتل واعدام
 ومذهبی اربابی پریشان ایدمشدر . ایکنجی بهرام دورنده روما
 ایمراطوری قاروس ایران ایله محاربهده نائل ظفر اولمش واشهر
 بلاد ایرانیدن اولان سلفکیه ومداین شهرلرینی ضبط بیله
 ایتمشدر . ساسانیان دولتله شرقی روما حکومتی بینندهده
 محاربات همان دائمی اولوب باخاصه ولایات ایرانیه به ملحق
 اولان ارمنستانک تصرفی وخرستیانلره ایرانده ایدیلان معاملات
 بادی حرب اولوردی . ایمراطور ایکنجی قسطنطین زماننده
 شاه ایران شابور ثانی پک پارلاق مظفریتلر قزاندیغی کبی جزیره
 العربک برخیلی برلیده بوسره زده اداره ساسانیه پکمش
 وروما تاریخنده کورادیکی وجهله مرتدیولیانوس دخی ایرانه
 قارشو اساسلی برشیئه موفق اوله ماشدی . شاه قباد دورنده
 ظهور ایدن مزدک مذهبی اموال وذوجاتک اشتراکنی اعلان
 ایدرک اخلاقه مغایرتیله برابر خیلی طرفدارده بولغله داخل
 ایرانده برچوق فنالقلری موجب اولمشدی . بوشاه قباد شرق
 قیصری آناستاسه غلبه ایلش ایکن مؤخرأ یوستینیانوسک
 وزیر ی بلیزاریوسه مغلوب وفتوحاتی اعاده به مجبور اولمشدر .
 ساسانیان سلاه سنک اک مشهور حکمداری قباد ایله برادری

جاماسک خلقی خسرو نوشیرواندر نوشیروان دوری ایرانک
 اک عظمتلی وقتلرندن اولوب کندیسنگ حسن اداره و عدل
 و مرحمتی ایسه شرقده ضرب مثل حکمنه یکمشدر نوشیروانک
 خلقی هرمنز رابع و فاندنصکره بعض قاریشقلقلر اولوب
 شاه خسرو پرویزک حکومتی امرادن بهرام چوپین طرفندن
 ضبط ایدلمشده شرق قیصری موریسک معاونتیله خسرو
 پرویزینه اعاده حکمه موفق اولمشدر خسرو پرویز موریسک
 دامادی اولوب شرقده فوقاسک تغلی اوزرینه روم قیصرلکنه
 اعلان حرب ایدرک آسیای صغرانک بر قسمنی و سوریه و فلسطینی
 استیلا و قدس شریفی ضبط ایلش و کلیساری تخریب و یغما
 ایتدیره رک قدسه کی صلیب صحیح اناجینی نشانه ظفر اولق اوزره
 ایرانه کتیرمشدر. خسرو پرویزک اردولری افریقاده مصر
 و نوبه و سیره نایک قطعهرینه دخی مستولی اولمشدر. ایران
 فتوحاتک توقفی شرق ایمراطورلغی بختده کورلدیکی اوزره
 هر فلک قیصرلر تختنه اجلاسینی متعاقب قابل اولمشدر که
 بوصرده خسرو پرویز اعدام ایدبله رک اوغلی شیرویه پدرینک
 فتوحاتی و روم اسراسی و لوالری ایله صلیب صحیح اناجینی هرقله
 اعاده ایلشدر. فخر عالم افندمزک ولادت شریفه لری خسرو
 نوشیروانک دور سلطنتنده اولوب خسرو پرویزک فتوحاتی
 زماننده رومک ایلروده مظفر اوله جغی طرف رسالتدن اهل
 کتابه تبشیر ایدلمسی بحق معجزات پیغمبریدن عد اولمشدر.

شیرویه نك بر بوك طاعون اثناسنده وفاتنی متعاقب سلطنت
 مقامی الدن اله پكدرك نهايت او چنجی یزد جرد عهده سنده
 تقرر انلشدر كه اسلامك ایرانی استیلاسی دخی بوغیور و بدبخت
 حكمدار زمانده وقوع بولمشدر . تفصیلات بمجوته دن اكلا
 شيله جغی اوزره رومانك اك شوكتلی زمانلرنده پیش عنیمتیه
 سد حائل اولان ایران دولتی ظهور اسلام اثناسنده فساد
 اخلاق ایله قوه حیاتیه سی بتمش و سونمسی یا قلاشمش بر هیئت
 منخطیه اولیوب بالعكس لوای شوکتی آسیای وسطی صحرا لرندن
 سوریه و ادیلرینه و قفقاس جبالندن بحر عمانه قدر متمد برهیکل
 مهیب ایدی بو هیكلك سطوت اسلامیه قارشو نقدر مقاومت
 ایده یلدیکنی مباحث آتیده كوره جکز .

۳

حضرت رسول اکرم صلی الله علیه وسلم

مولد سعادت . نسب یغمبری . خصائل جبيله و ازدواج نبوی .

تعمیر کعبه معظمه . ابتدای نزول وحی . سابقین اسلام .

حبشه مهاجرت . حضرت جزه و حضرت عمرک

اهتدالی . صلوات نجس . طائف سفری .

هجرت نبویه .

فخر کائنات افندمن حضرتلری قبل المهجره الی ایکی
 و بعد المیلاد ۵۷۰ تاریخنده ربیع الاولک اون ایکنجی ونیسانک

برنجی بازار یرتمی کونی زیب آور عالم وجود اولمش لر در .
ولادت سعادت لری اقدیجه کورلدیکی وجهله خسرو نوشیروانک
یکرمی دردنجی سنه سلطنتنه و ابرهه تک مکة مکرمه بی محاسن
صره سنک دفعندن الی کون صکره سنه مصادفدر . بو ولادت
باهر السعادت امت مرحومه اسلامیه تک مبدأ فیض ونجاتی
اولدیغی کبی تاریخ عالمده مشهود نظر حیرت اولان انقلاباتک
اک بیوکلرندن برینک دخی مقدمه فوز آیتیدر .

نسب پیغمبری اصالت جهتیه عموم عربک فوقنده اولوب
قریش قبیله سنک هاشم عائله سنه منسوبدر لر . پدر لری عبدالله
بن عبدالمطلب و والده لری آمنه بنت وهبدر . جد عالی لری قصی
کعبه معظمه تک تعمیر و محافظه سنی در عهده ایله قوم قریشه ریاست
الیش و اوقندنبیری ریاست مکة بو عائله ده قالمشدی . اجداد
نبویدن عبدمنافک هاشم و عبدالشمس اسمنده کی اوغلرندن هاشم
بیوک اولمش حسبیله ریاست اکا و احفادینه انتقال ایدرک
عبدالشمس و اوغلی امیه دن دخی بعثت رسالتدن صکره ریاست
قریشه یکن بنی امیه عائله و خاندانی ظهور الیشدر هاشم غایت
عادل و ققرارور برذات اولوب اوغلی عبدالمطلب دخی مکة
مکرمه تک نجاتی اردوسنه قارشو امر مدافعه سنده موقیت تامه یه
نائل اولمشدی . عبدالمطلبک اون ایکی اوغلی اولوب بو نلردن
والد ماجد نبوی عبدالله ایله جزء عباس ابوطالب و ابولهب
تاریخ اسلامده صفات مختلفه ایله ابراز وجود الیش ذواتدن در لر .

عبدالله عبدالمطلبین اول وفات ایلدیکه کبی آمنه بنت وهب
 دخی حضرت رسول اکرمک سن طفولیتیزنده ترک عالم قاتی
 ایلکله فخر رسالت افندمز اولا بیسوک پدرلی عبدالمطلبک
 جایه سنده وانک وفاتیلده ریاست قریشه یکن عوجه لری ابو
 طالبک سعایت ووصایتنده قالمشردی . فقط زمان ارضاع لری
 عادت عرب اوزره بادیده وبنی سعد عشرتندن حلیمه نام
 مرضعه نك زندنده یکمشدی . ابی طالب حضرت رسول اکرمه
 زیاده محبتلی اولوب یانندن آبرمازدی حتی برای تجارت شامه
 کتدیکی صروده برارجه کترمشه ده کفرنام محله مواصلتیزنده
 تصادف ایلدکاری بحیره نام راهب منزوی حضرت محمدک
 (ص ع) کتب مقدسه ده ورودی مندرج بولسان نبی
 آخرالزمان اوله جفنی بعض علامتین بالاستدلال سوبلکله سو-
 ریبه ده یهودونصاری طرفندن برمضرت اولماق ایچون اشیایی
 یولده صانارق عودت ایلشردی .

فهر (قریش)

حارث	غالب	مخارِب
بنی خلیج قبیلہ سی		
حضرت ابو عبیدہ الجراح بوسلایہ ذندلر	اوی	بنی
عرو سعد خزراق حارث کعب	اسامہ جزمہم عوف عر	
حفیق		عدی
سعم	؟	حضرت عمر ابن الخطاب وعرو ابن سعید
عمر وابن العاص بوسلایہ ذندلر		بوسلایہ ذندلر
بنی	کلاب	بعضہ
ابو بکر ابن ابو قحافہ وطلحہ بن عبد اللہ حضرت اقی بوسلایہ ذندلر		ذہرہ
		خالد ابن الولید حضرت نزلری
		بوسلایہ ذندلر
		والدہ ماجدہ رسانینا بھی آئندہ بنت و عابد الرحمن
		بن عوف و سعد ابن اقی وقاص حضرت اقی بوسلایہ ذندلر
		عبدالمعری
عبدالدار	بنی	خدیجہ الکبری و زبیر بن العوام حضرت اقی بوسلایہ ذندلر

عبد شمس

ایمه

خانمائی جدول مخصوصه بیان اولاد جعفر

هانم

عبد اطلب

مطلب

حارث حضرت جزوه ابولیب

ع

غدیاق عبدالکعبه دراز قم زبر مقوم جبل

ع

ع

حضرت محمد مصطفی صلی الله علیه وسلم

خانمائی جدول مخصوصه

عقیل طلب حج

صنوده کور باور

ع

حضرت حسین حضرت حسین

اشبو جدول اصل مطلوب نسب حضرت پیغمبری اولاده قریشک سائر انسانی تفصیلیدن صرف نظر

اولئش وساده خواص اقارب جناب رسالتک اراده سیه اکتفا قلمشدر . حضرت علی رضی الله عنہک

یا لاکر حضرت فاطمه دن متولد اولاد کرامی جدولده مذکور اولوب مشار ایله حضرت زینب مقداری

وتوز ایکی به بالغ اولان قوزا کات سائر انساب صلیله درج ایدلما شد .

نبی زبشان حضرت تری بونجابت و اصلتدن فضلہ ہر درلو
 خصائل جلیلہ و محاسن اخلاقیہ ایلہ متصف ایدیلر . حسن
 معاملہ و نزا کتلی شدت ذکا و عقل و درایتلی و فصاحت
 و طلاق افادہ لری بتون اهل مکہ ننگ قلوبنی کندیلرینہ جلب
 ایشدی ہلہ صداقت و استقامتلی عمومک مصدقی اولوب بو
 بایدہ فرید اولدق لری لسان عواملہ کندیلرینہ و بریلان الامین
 لقبندن ظاہر در . دھاسن شہاب لرنده اشراف نساء قریشدن
 حضرت خدیجہ بنت خویلدک امور و خصوصنہ امور اولهرق
 انک غلامی میسرہ ایلہ بر لکدہ شام تجارتنہ کتشلر بو بایدہ
 کوسر دکاری استقامت و رویتک نتیجہ سی اولهرق حضرت
 خدیجہ بی تزوج بیور مشلر دیکہ او وقت کندیلری یکر می بش
 و حضرت خدیجہ فرق یاشلرنده ایدیلر .

بواز دواج اصالت و درایت فوق العادہ یہ بردہ ثروت
 ضم ایلدیکندن اشراف قریش آره سنده پک بوک بر وقع کسب
 التشلردی حتی سن شریف لری او توزیش ایکن دلالت سعادت لریلہ
 کعبہ معظمہ ننگ تعمیرینہ تشبث اولنہرق سادہ حجر الا سودک کیلر
 طرفندن برینہ وضع اولنہ جفندہ اختلاف حاصل اولمش و ترتیب
 عالیلریلہ حجر مذکور بر بز دروننہ قونیلوب بزرک هر طرفنی رجاعت
 ربیسی طو تارق درون معبدہ بالنقل اورادہ ید مؤید رسالت
 ایلہ محلنہ وضع ایدلشدر . حضرت محمد (ص ع) افندمز
 بوزماندہ تمام سن رجلیتدہ ایدیلر اصالت لری عموم عربک رعایتنی

جلب ایدہ جک درجہ دہ، درایت و ایساقتلری کذا مسلم خاص و عام، صدق و استقامتتری مثل سائر حکمنده، شجاعت و جسارتتری کذا هرکسک تخت تصدیقنده ایدی شو حالده مذهب قریشیده قالمش اولسه لر عوجه لری ابی طالبک ارتخاندده ریاست امورہ یکہ جکلرینه ادناشبهہ وار میدر و دین مبین محمدینک بدایت انشاری بواعتلا و ترقی به حائل اولدیغی میدانده طور و ب طور رکن بو بایده بر غرض و عوض تصوری ازمان بشره یا پیشیر می ؟ نزول وحیک ابتدای قرق یا شنده بولند قری زمان و رمضان شریفک اون بدنجی کونی اولوب قرب مکة مکرمه ده جبیل حرا ده حضرت جبریل امین کله رک « اقرأ بسم ربک ... » آیت کریمه سیله مأمور بیورلد قری وظیفه جلیله رسالتی تبلیغ و رسم طهارت و ابدست و نمازی تعلیم الیشدر. حضرت رسول اکرم خانه سعادت لریه عودت لرنده واقعه بی ذوجه محترمه لریسه افاده ایدر ایتمز مشارالها حضرت لری در عقب ایمان ایلمدن کری کبی حضرت ابو بکر الصدیق و علی المرتضی بن ابی طالب و انی متعاقب کوله لری زید بن حارثه و اشرفدن عثمان بن عفان، عبد الرحمن بن عوف، طلحه بن عبدالله، ابو عبیده بن ابی الجراح، عمار بن یاسر، عبدالله بن المسعود و سائر رجال و نسادن بر طاقم اصحاب و توابعین حضرت آقی دین مبینی قبول ایلمدی لر.

و حدت ربانیه اعتقاد باصوابنی هر در لو شبهه و تزویردن هر در لو تصنیعات و تغلیطادن عاری و بری اوله رقی نشر ایدن

دین مبین اعتقاد قریبشہ کلیاً منافی اولوب باخصوص حضرت
فخر رسالت افندمز اظہار اسلام ایله هر کسی طریق ہدایتہ دعوتہ
مأمور اولدقنری زمان اصنام موجودہ و مذهب شرک و کفر علیہندہ
ادارہ لسان الملری صناید قریبشک کوجلریہ کتمکله بونلر نشریات
واقعیہ نہایت ویرلمسنی ابی طالبدن شدتله و مصرانہ طلب ایلمکله
واسلامی قبول ایدنلرہ اذا وجفاده بولمغسه باشلا دیلر . فقط نبی
مجتبی حضرتلری عموم آل ہاشمک حایت وسعایتندہ و رئیس
قوم ابی طالبک کفالتندہ اولوب ا کا تعرض مؤمن وغیر مؤمن
عشیرتنی قان دعواسنہ سوق ایده چکنیدن شخص عالیلریسہ
ایلیشہ مزلسہده سائر اسلامہ تحمل اولمز اذالردہ بونلور لر دی
بوجہتله بر زمان مناسبہ قدر مؤمنینک عیسوی اولملری حسابیلہ
توحیدہ رعایتلری اولان حبشلیلر زدیئہ مهاجر تلریئہ اذن رسالت
واقع اولمغله داماد رسول عثمان بن صفاندہ داخل اولدیغی حالده
برطاقم اصحاب کرام نجاشی زدیئہ عنبتله حقیقتاً اورادہ زیادہ سیلہ
عزت واحترام کور مشلردی .

صناید قریبشک کوستر دکاری تدابیر مانعہ ایله برابر دین
اسلامک حقیقت باہرہ سی و ایجابات احوالہ کورہ پیدر پی نازل
اولان آیات جلیلہ فرقانید نک تأثیرات معجزہ سی یواش یواش
قلوب ذوی العقولی مذهب جدیدہ جلب ایلمکده ایدی . اسلام
علیہندہ الک زیادہ شدت کوستر نلردن بری اولان عمر ابن الخطاب
قبول دین مبین ایدن ہمیشہ سنہ تعرض ایچون خانہ سنہ کلوب

همشیره سنك او قودبغی آیات قرآنیہ بی ایشیدنجہ بردنبره نور اسلام قلبنی استیلا الملکله حضور رسالته کلوب عرض هدایت ایتش و اوصرده عم رسول حضرت جزه دخی داخل حلقه مؤمنین اولمشدی - درایت وشجاعت لرله قومك الك تمت از لری اولان بو ذوانك اسلامی موحدینه قوت قلب ویرمکله او کون بیت شریفه کیدیلرک چاعتله ادای صلوات ایلدلمش و بوندنصرکه جمعیت مسلمین پیدرپی آرتارق محمدیلرله هیچ بر اختلافده بو. لغامق اوزره مشرکینک ویردکلی قرار وایتدکلی عهدومیشاق دخی چوق سورهمیه رک انتشار دین مبینه بر حبلوات جدیده حاصل اوله مامشدر .

ولادت نبویه نك اللنجی سنه سنده ابی طالب سنی سکسانی متجاوز اولدیغی حالده وفات ایدوب روایت صحیحیه کوره حال احتضارنده اظهار اسلام ایلشدر . حضرت خدیجه دخی اوصرده وفات ایدوب حضرت رسول اکرم عایشه بنت ابو بکر الصدیق تنکجج بور مشر سده زفاف مؤخر آمدینه منورده وقوع بولمشدر . زمرة ناجیه موحدینه بش وقت نمازک فرض اولسی دخی اوصرده وقوع بولمشدر .

ابی طالبک وفاتیه ریاست مکه نك حضرت رسول اکرمه خصم اولان دیگر عیلى ابی لهب و اشرافدن ابو جهل و سفیان بن حرب و امثالنه انتقالی اوزرینه شخص سعادترینه دخی تعرضات واقع اولغه باشلادیغندن معاونت بولنه بیلک اوزره طائف

شهرینه تشریف رسالت واقع اولمشده بلا موقیبت عودت
ایدلشدی مع مافیہ دین مبین بشقہ بر طرفده مظاہرت قویہ
بولشدی شویله که هر سنہ حج موسمی عموم عربان بیننده زمان
صلح و سلم اولوب جناب رسول اکرمده بومناسبتله مکہ مکرمهده
مجمع حجاجی قبول وحدایتہ تشویق و ترغیب ایدر لر وتک توك
بعض حجاجک مظهر هدایت اولمری واقع اولوردی از جملہ
بعثت نبویہ تک سکزنجی وطقوزنجی سندرلنده اهل یثربدن
بعضیلری قبول اسلام ایلشله و اون ایکنجی سنه سنده ایسه
سکسانه قریب یثربلی حضرت حبیب محترمه بیعت وعرض
تابعیت ایدرک مکهدن یثربه رحلت سنیدلری اوصردهده قرار
لشد برلشدی .

الیوم مرکز خلافت قربنده دفین خاک حیت اولان شهدای
اسلامک شیخی بولنان حضرت ابو ایوب الانصاری رضی الله
عنه دخی بو عقبه ثائثه بعثنده تقبیل دست پیغمبری ایله تحصیل
رضای باری ایدن قدمای موحد بندند .

اهل مکہ تک اسلام علیمنده کی تعدیاتی طاقتورسا بدرجه یه
کلدیکی کی حیات جناب رسوله سؤ قصد تصوراتی دخی
فکرلرنده برطوتمسی وحقی بو فکر فاسدک اجر اسنه نشبث بیله
ایدلمی مکہ مکرمهده تمديد اقامت لرینی غیر جائز قلمغه بوشک اون
اوچنجی سنه سنده خفياً و رفیق صادق لری حضرت ابو بکر الصدیق
رضی الله عنه ایله برلکده مدینه منوره یه هجرت سنیدلری وقوع

بولش و پیدرپی عموم اسلامہ بو و جہلہ ترک وطن ایشلر در کہ
مبدأ تاریخ اسلام اولان بو وقعہ ایلك دولت اسلامیه نك دخی
تشکلی تاریخیدر .

۴

دولت اسلامیه نك تأسس و تقرری

اداره جدیدہ : مهاجرین و انصار . صیام و زکاة . فرضیت جهاد . بدر
محاربه سی . احد محاربه سی . غزوه لر . خندق غزوه سی . حدیبیه مصالحه سی .
فتح خیبر و سائر فلاع یهود . ملوکہ مکتوبلر . خالد و عمروك اسلامی .
فتح مکہ . عموم عربستانك اداره اسلامه دخولی . موته محاربه سی .
حججه الوداع و ارتحال النبی . خاندان نبوی . خلافت
حضرت ابوبکر . متنبیلر ، مرتدین و مهالك سیاسیہ .
حضرت خلیفه نك متانق و عربستان اتحادینك اعاده سی .
جمع قرآن . ابتدای دور فتوحات .

بلدهٔ یشربہ وقوع هجرت نبویه ایله تأسس ایدن ادارهٔ
اسلامیه بر ادارهٔ پدرانہ طرزنده ایدی دولت جدیدہ نك ریاستی
حضرت رسول اکرم افندمزده اولوب بالجمله قوای اداره
شریعت ، مطهرهٔ اسلامیه به توفیقاً طرف رسالتنرینه مودوع
ایدی . خواص توابعلری دیمك اولان اصحاب کرام نزدیغیمبریده

پيوك بر جمعيت تشكيل الملكده واصحابدن هر بری ايجاب حاله
 كوره قاضيك قوماندانلق واليك وسائر خدمات عموميه ده
 استخدا م اولقده ایدی . اصحاب كرامك مكه مكرمده دن كمش
 اولان قسمی مهاجرین ناميله معروف اولوب بونلر اهل مدینه
 زنده مسافر بولورلر و اهل مدینه ده معاونت واقعه لرندن
 طولانی انصار عنوانی ویریلوردی . اصحاب كرام ازده سنده
 بعضی لرینك قدر و شرفی دیگر لرندن بالاتر اولوب از جمله ابو
 بكر الصديق ، عمر بن الخطاب ، ایکی کریمه نبویه ايله تأهلندن
 ناشی ذی النورین تلقیننه مظهر اولان عثمان بن عفان ، حضرت
 فاطمه بنت رسول ايله ازدواج ایدن علی بن ابی طالب ، زینب
 العوام ، طلحه بن عبید الله ، سعد بن ابی وقاص ، عبدالرحمن بن
 عوف ابو عبیده بن ابی الجراح ، سعید بن زید حضراتی عشره
 مبشره بی تشکیل ایدر لر ایدی .

هجرت نبویه بی متعاقب اوزمانه قدر قدس شریفه طوغری
 اولان قبله اسلامك كهبه معظمه یه توجهی و شهر رمضانده
 صیامك فرضیتی و هر كسك فضله اموالندن سنوی قرقرده بر
 نسبتنده ذكانتی ادا ایدر ك بونك خزینه بیت المال مصارفنه
 و اصحاب احتیاج اماناتنه تخصیصی حق لرنده امر الهی صادر
 اولدیغی کبی التنجی سنه هجرتده دخی عادت قدیم عرب اوزره
 اهل اسلامك دخی حج ايله مكافیتی امر یورلشدر .

اسلامك ردولت مستقله تشكيل ائلمی اوزرینده اقوام

مشرکینی دین حقہ دعوتله قبول ایتیمانلره جهاد اولنمی دخی
 او امر الهیه مقتضاسندن بولمغله اقوام متجاوره ایله محارباته
 ابتدار ایدلمشدر . اسلامک ال یسوک دشمنی قبیله قریش و اهل
 مکه اولمغله طبعی اول امرده انزلله محاربه ایدلمش و ذاتاً
 مکه لیلرک شام ایله تجارت عظیمه لری اولوب انک منعیله زیاده سیله
 تضییق ایدلمش اوله جقلری بدیهی بولمغله سوریه به کیدن قریش
 کاربانلرینک قطع طریقهرینه غیرت ایدلمشدر . قریش ایله اسلامک
 ایلاک محاربه سی ساحله قریب بدر موقعنده وقوع بولوب بو
 محاربه ده اسلام صورت مکملده مظفر اوله رقی رئیس قریش
 ابو جهل مقتول و عم رسول مشرک ابی لهب دخی کدر انہزام
 ایله مأیوساً هالک اولمغله ریاست قریش ابو سفیان بن حرب
 بن امیه به انتقال ایلشددر . ابو سفیان بدرک آجیسنی چیقارمق
 اوزرہ قوای مدینه به نسبتله بیوک براردو تہیه ایدرک اسلام
 اوزرینہ یورو مکه بین الطرفین محاربه یثرہ قریب جبل احد
 اتکلرنده وقوع بولهرقی اول امرده ینہ قریش منہزم اولمش
 ایسده اسلام دمدار لرینک ترک موقع ایدرک دشمن اردو کاهنی
 یغماہ قوبولمزی اوزرینہ افراد قریش عودت ایدرک اسلام
 منہزم و عم نبوی حضرت حزه دخی اسرای قریشدن وحشی
 نام ذنجینک آندیغی اوقک اصابتیله نائل رتبه شہادت اولمشدر
 احد محاربه سی دور رسالنده اسلامک ایلاک و صوک مغلوبیتی
 اولوب خیلی صغندی چکلمش و حضرت رسول اکرمک یله

ایکی اوک دیشی اثنای حربہ قیرلمش ایدی مع مافیہ اسلامی
 یأسہ کتورمک خیرلی اولدیغنی کورن قریشیلر همان
 مملکتلرینہ عودت ایدرک بوغلبه دن استفادہ به موفق اوله مامشردر.
 احد وقعه سندن صکره اسلام ینه جوار قبائل ایلہ محاربه ده
 دوام ایدرک کوچک کوچک مفرزه لرایله غزوه لر ترتیب ایدلمکده
 و یثرب جوار لرنده و ساحله و یمامه به طوغری بر طاقم قبائل
 یادین مبینی قبوله و یاخود جزیه اعطاسنه اجبار قلمتده ایدیکه
 بوغزوه لرک تعداد و تفصیلنه اثر مرکز جمعی مساعد دکلدن .

مع مافیہ قریش اداره اسلامیہ بی کوکندن قازیق ایچون
 صوک برتشیبه حاضر لانیوردی اهل مکه و قبائل متفقہ دن
 اون بیک نفری تجاوز براردو طوپلانارق مدینه منوره
 محاصره و فتحنه عزم ایلشدی قوه اسلامیہ تک آزلغنه مبینی
 بواردویه قارشو تجاوزی حرکت ممکن اوله میه جفتدن اصحاب
 کرامدن سلمان فارسی حضرتلرینک توصیه لرلی اوزرینه حصار
 مدینه اطرافنده خندق حفر ایدیلهرق حرکت تدافعیه اختیار
 ایدلدی و یکریمی کون قدر دوام ایدن محاصره ده دشمن اردوسنک
 تعرضات قسمیده ایلہ رخنه دار ایدلمسنه صرف مقدرت اولنهرق
 نهایت متفقینک آره سنده ظهور ایدن تفرقه و اختلاف اوزرینه
 ترک محاصره ایلہ مکه به عودنه مجبوریت حاصل اولدی .
 خندق غزوه می قریشک اسلامه صوک تجاوزی اولوب بوندن

صکره صوت مجدیبه به مقاومت قابل اوله میه جغنی هر کسک
عقلی کسمشدر .

حجک مؤنینه فرضیتی اوزرینه التنجی سنه هجرتده رسول
اکرم افندمز اصحاب کراملری و برجم غفیر ایله ایفای فریضه
ایچون مکّه مکرمه به عزیمت بیورمشلردی . فقط قریش اوسنه
حج ایتملرینه موافقت ایتمکله حدیبه موقعنده مذاکره ایدیلهرک
بر مصالحه عقد اولتمش و بونده اهل اسلامک ابرتمی سنه
سلاحسز اوله رق مکّه به کلوب اوچ کوندن زیاده طور مامق
اوزره حج ایتملری تخت قراره التمشدر . حدیبه مصالحه‌سی
مذاکراتنده رسالتپناه افندمز بیوک بر اعتدالپرورلک و درایت
سیاسیه ابراز ایتملدی از جمله اهل قریشدن مسلمان اولوب
مدینه منوره به کلانلرک ردی احکام عهدیه بجهل سندن اولوب
حالبو که بوکبی مهتدیلر سوریه طریقنده اجتماع ایله قریش
تجارتنی بسبتون کسدکلرندن اول امرده اهل اسلامک شکایاتنی
بادی اولان بومادهنک الغامسی به قریش طرفسندن استرحام
ایدلمشدر .

حدیبه مصالحه سنک ویردیکی زمان آسایشدن استفاده
ایدیلهرک شمال مدینه ده بولنان بنی قریظه قبیله یهودیه‌سی و سائر
یهود ایله حرب ایدلمش والرنده بولنان خیر و امثالی قلاع نیعه
دردست ایدیلهرک اسلامی قبول ایتمیلرله جزیه کذار اولمق

دولت اسلامیه نك تأسس و تقرری

و ایستندیکى زمان جزیره العربى ترك ايلك اوزره عقد مصالحه اولمشدر . اشبو قبائل موسويه عهد خلافت حصرت عمرده بر موجب عهد جزیره العربدن سوریه یه کوندرلشددر .

اشبو فتوحاتى متعاقب وظيفه دعوتى ایفا ایچون ملوک متجاوزیه محمد رسول الله مهريله مهور نامه سعادت ارسالنه مبادرت ایلدیلوب شاه ایران خسرو پرویزه شرق قیصرى هرقله نجاشی یه ، مصرده هرقلک والیسی مقوقسه غساننه ملکی حارث بن شمزه ، ویمامه و بحرین ملکرینه مکتوبلر ارسالیله جمله سی قبول دین اسلامه ترغیب ایلدی بعضیلری واز جمله هرقل سفرای رسوله حسن معامله ایلدیلر . بر مدت صکره بحرین ویمامه طرفری اسلامى قبول ایلدیکی کبی یمنده دولت ساسانیه والیسی بولنان بادان دخی عموم اهالی ایله عرض اسلام ایدرک یته وایللکده ایفا یورلدى .

اسلامک پیدرپی آرتتمده بولنان موقعیاتی و تزايد سطوت و مکنتی نتیجه غالبینده شبهه بر اقدیغندن هر طرفدن عربک عقلا و فضلاسی لواء الحمد محمدی یه دخالت ایدرک جمعیت موحدین بالجمله دهاته عربى محتوی بر جمعیت متمتازه حالنى بولقده ایدی حتى اسلامه مخالفته اوزمانه قدر شدتله مصر اولان و امور حربیه جه درایتلریله اعظم امرای عربدن عداولنان و بانخاصه احد محاربه سنده برارلقلری قریشک یوزینی کولدرن خالد بن الولید و عمرو ابن ابى العاص کبی مشاهیر یله زمرة مسلمینه

التحاق بالشتردی . شوفوز ونصرت عمومیہ ارہ سندہ مکہ نك
 دخی تسخیری اسلامجہ اسان اولوب سادہ شهری حدیبہ
 مصالحمسی محافظہ الملکدہ ایسہ دہ قریش متفقرندن بینی بکر
 قبیلہ سنك اسلامدن خزاعہ قبیلہ سنہ ہجومیلہ بومصالحہ مختل
 اولدیغندن قریش علیہنہ اعلان حرب ایبلہرک اون بیکی
 متجاوز افرادی حاوی براردو ایله مکہ مکرمہ اوزرینہ
 بورونوب شهر تسلیم صورتیلہ ضبط ایلمش وقریش متفقرندن
 بولنان برطاقم قبائل حنین محاربه عظیمہ سندہ مغلوب قلندیغی
 کبی طائف بلدہ سی دخی ایرتسی سنہ بالتسخیر حجاز کاملاً
 اداره اسلامیدہ قالمشدر . عربستانک مرکز روحانیسی دیمک
 اولان مکہ مکرمہ نك ضبطی اوزمانہ قدر اسلامہ داخل اولیان
 عربستان اقسامنک دخی اطاعتنی وعقبہ کورفرندن بصرہ
 کورفرینہ قدر تصور ایبلہرک خط مستقیم جنوبندہ کی کافہ
 ممالکک زیر اداره رسالندہ اتحادینی اتاج المشردر .

مکہ اہالیسنک کرک جناب رسالتیناہ افندمز حضرتلری
 وکرک عموم اهل اسلام حقندہ کی سوابق حرکاتلرینہ نظراً
 ہردرلو معاملہ یہ محل وارکن بالعکس حقلرندہ کمال
 درجہ دہ رحم وشفقت وعدل ومرحمت ایله معاملہ ایبلہرک
 اولجہ دمی ہدر ایبلان سادہ سکر اون کشینک ییلہ قسم اعظمی
 نائل عفو اولمش وابوسفیان وامثالی رؤسای قریش طائف قحی
 وغزوات سائرہ دہردرلو احترامات وحقی امیرک وقوماندانلق

کبی آثار اعتماده ناڈل ایدیلہ رک لایقیلہ اسلامہ ربط ایدلمشدر .
حضرت رسول اکرمؐ کو صرہ دہ کوستر دکری کار آشنا لقی
وحنین محاربه سنده ابراز ایدلکری متانت و شجاعت حقلمندہ کی
حرمت و رعایت عمومہ بی برقاٹدہا تزید ایتمشدر .

اہل اسلام ایلہ شرق قیصر لکی بیندہ کی محاربات زمان
رسالتدہ باشلامشدر . فتح مکہ دن مقدم سوریه طرفلرینہ سفر
انک اوزرہ زید بن حارثہ قوماندہ سنده اوچیک قدر مجاہد
کوندلمش اولوب بونلر سوریه تک جنوبندہ و بلقایہ ایکی کونلک
مسافدہ کائن موتہ قریہ سی جوارندہ ہرقلک بوزیک کشیک
بر اردوسنہ تصادفلہ محاربه ایدرک بربرینی متعاقب امارتہ پکن
زید بن حارثہ جعفر ابن ابی طالب و عبدالله بن رافع شہید اولد
قدنصرکہ قوماندنا اتفاق جیوش ایلہ خالد ابن الولیدہ پکدرک
انک تدبیریلہ تہلکہدن قوریلہرق مدینہ منورہ یہ عودت قلمشدی
بووقعہ اوزرینہ شرق قیصر لکنہ اعلان جہاد ایدیلوب بالذات
ادارہ پیغمبریلدہ براردو قوم نمود و واطنی جوارندہ تبوک قصبہ سنہ
قدر کیدرک اوحوالی بی تماماً دائرہ اطاعت و انقیادہ ادخال
ایلہ عودت ایلش و ہجرت نبویہ تک اون برنجی سنہ سنده اسامہ
بن زید بن حارثہ ادارہ سنده براردو جمع ایدلدیکی صرہ دہ
ارتحال نبوی وقوع بولمشدر .

حضرت رسول اکرمؐ افندمز اوننجی سنہ ہجرہ دہ مکہ
مکرمہ بی بالتشریف حجاج مسلمینہ ریاست بیورمشلر و عموم ایلہ

حلالا شوب و داع ابدکارندن بوحج حجۃ الوداع نامیلہ معروف
اولمندر . ارتحال سعادتلی ہجرتک اون برنجی سنہ سی ربيع
الاولک اون ایکنجی بازار کونی اولوب سن شریفلری التمش
اویج ایدی . مرض موتلری برجسای شدید ایدی مع مافیہ
خیبر سفرندہ برہود قوک و یردیکی سم قانک بوندہ بر تاثیر
اولمسیدہ مظنوندر . حضرت رسول اکرمک جلہ ذوجات
مطہرلری اون بش اولوب وفات شریفلرندہ طقوزی برحیات
ایدی . اصحاب گرامدن ابوبکر ایلہ عمرک کریمہلری عایشہ
صدیقہ ورقیہ حضراتی ذوجات مطہرہدن اولوب حضرت
عثمان و حضرت علیہ صہریت رسول ایلہ تشریف الیشلردی .
عبدالله و ابراہیم اسمندہ ایکی اوغللری تولد ایدرک صغرسنلرندہ
وفات ایش اولوب ارتحال نبویدہ سادہ کریمہلری حضرت
فاطمہ صاغ ایسدہ اودہ الی آی مروندہ وفات ایلککہ نسل
پیغمبری حضرت علی و فاطمہنک نجل کریملری بولنان حسن
و حسین ذریلرندن متسللاً بقا بولمندر .

حضرت رسول اکرمک ارتحالی دولت اسلامیدنک بقاسنی
بیوک برتہلکدہ براقشدی . هرکسک بورکنندہ بیوک بر موقع
طوتان ذات شریفک حیاتہ وداع ایتسیلہ عمومہ بیوک بر شا
شقیقلق چوکش ومع مافیہ بوشاشقیقلغی متعاقب برطاقم منافع
مخصوصہده باش کوستر مکہ باشلامشدی اولاسلاملری بدرجہ یہ
قدر سطحی و اطاعتلری کرہی اولان برچوق اقوام عربک اعادہ

استقلال ایده جگری در کار اولوب بونی منع لازمی ثانیاً ریاست اسلامی بجمع دهاته عرب بولسان قریشه بولندیرمق ایجاب ایدردی چونکه کرک نجابت و کرک درایت و رویتجه ریاسته اک لایق بوقبیله ایسه ده بوده اسلامک حامیسی حکمنده قالان اهل مدینه نك آرزوسنه مغایر بولونیوردی دیمک هم مقر اسلام اها ایسنک و همده عموم عربلرک امللری خلافتده اوله رق وحدت اسلامیه و ریاست قریشیه بی طومقی ایجاب حالدن اولوب بوده مهاجرینه یعنی بر ایکیوز کشبلیک بر جمعیه عا ئد ایکن حضرت ابوبکر و عمر و خالد بن الولید کی دهات سایه سنده بو قدر مشکلاته قارشو وحدت اسلامیه نك محافظه سی قابل اولمشدره اتحاد اسلامیه برنجی تملکه انصار دن ظهور ایدرک اشراف انصار ارتحال نبی بی متعاقب سقیفه بنی ساعد نام محله اجتماع ایدرک ایچلرندن خلیفه انتخابنه مبادرت ایلدکاری خبر آلمقله کبار مهاجریندن بعضیلری تفرقه نك اوکنی آلق اوزره اورابه عزیمت ایلدیلر اکر انصار دن بر خلیفه یه مساعده اولنسه بو بایده اوس و خرزج قبیلهلری آره سنده کی خصومت قدیمه او یانارق اثر محمدی ضایع اوله جفندن و حالبوکه دیگر طرفدن حضرت ابو بکرک طرف رسالتدن موکب حج ریاستنه و مرض پیغمبری مدتیجه امامته تعیینی بر نوع استخلاف دیمک اولدیغیده امر بیدیهی بولندیغندن بر چوق مباحثات شدیدهدن صکره حضرت عمر و حضرت ابی عبیده نك محض شدت و متانتلری اوله رق حضرت

ابوبکره بیعت ایدلدی ساده بیعت جمعیتنه دعوت ایدلدی کاردن طولانی بعض اصحاب منفعل اولوب حضرت علی حضرت فاطمه نیک و فاندن صکره و طلحه و زبیر ایله ابوسفیان و سائر بعض ذوات دخی برمدت مرورنده بیعت ایلشدر . ایلک نهلهکنک بوضورتله اوکی آئندقدنصکره بر طرفدن اسامه بن زیدک سردار لقدمه ابقاسیله سوریهیه سوقته و دیگر طرفدن عربستانک هر طرفدن ظهور ایدن غوائلک دفعی اسبابک استکمالنه صرف همت اولونمغه باشلاندی .

دها ارتحال نبویدن مقدم بعض حجاز قبائلی آره سنده طلحه بن خویلد و یمامه ده مسیله نام کسنهلر دعوی نبوته تصدی ایدرک حتی مسیله حاشا قرآن کریمه نظیره اولمق اوزره آیات تنظیمه بیله جرأت ایلش و بونلردن بشقه یمنده و نجدده متنبیلر ظهور ایدرک بر چوق قبائل دخی ذکاة و یا صلواتک عفوی کبی واهی مطالباتک ردینی بهانه ایدرک ارتداده مسارعت کوسترمشلردی عموم عربستانه قارشو قوای اسلامیسه حجازک بر قسیمیه بعض قبائل یمن و سائریه منحصر قالارق نهلهکنه بیو مشهده حضرت خلیفه نیک و خدمت مشاورنده بولنان حضرت عمرک متانت فوق العاده لریله تدابیر مکمله لری و موته محاربه سنده کی شجاعتی طرف نبویدن سیف الله المسلمول عنوان جلادت بیانیه تلقینی بادی اولان خالد ابن الولیدک دهایی عسکر برسی و هرشیدن اول جناب حقا اسلامه توفیق و نصرت احسان

بیورمی سایه سنده طوبی برسه ظرفنده جزیره العرب یکی
 باشند قح و عموم قبائل دائره اسلامه اعاده ایدلمش واک زیاده
 غوائل موجب اولان مسیله ذوجه سی منبیه سجاج ایله
 مقتول و طلیحه منزهماً سوریه یه فراره مجبور اولوب جزیره
 العربك وحدت سیاسیه سی اعاده قلمشدر . بو محارباتك تفصیلاتنی
 ذکر کتابك پروغرامنه نظراً ناقابل اولوب فقط خالد بن
 الولیدك بوبنده اسلامه ایتدیکی خدمت عظیمه نی تقدیر هر
 حالده وجیهه ذمت کورلمشدر .

تمامه محاربه سنده جمله قرآندن بیک قدر اصحاب نائل رتبه
 شهادت اولدق لرندن مین فرقان ضایع اولماق ایچون امر
 خلیفه ایله تحریر ایتدی بلهرك اشبو تدبیر ایله دین مبین محمدی
 زمانزه قدر هیچ برتغیره اوغراماشدر حسن محافظه سی ساده الك
 بیوك معجزانندن عد ایدلمی سزا اولان بودین مبین محمدینك
 افرادینه وردیکی غیرت و حیت دینه نك علم ویتی
 ارتحال نبوی نی متعاقب الك شدتلی منازعه داخلیه یه دوچار
 اولان عربلری ده هجرت نبویه نك اون ایکنجی سنه سنده
 عربستان حدودی خارجنده نشر کلام الله چبقاره رق سکر
 اون سنده و سنجیه کینجی سرو و اسکندر دولترینه فائق بر
 بردولت جسیه تأسس ایتدی کی مجت آیده کوربله جکدر .

دور فتوحات

فتوح عراق. فتوح انشام. وفات حضرت ابوبکر و خلافت عمر.
 ايلك خلفائك اخلاق و طبيعت و صورت اداره لری. ايران سفري
 قادیسه محاربه سی. بصره و کوفه. ايرانك استیلا سی. سوریه
 سفري. ابو عبیده و خالد. فتح دمشق شام. سوریه
 فتنك اكلی. عمرو ابن اعاص و مصر سفري.
 مصرك استیلا سی. اسکندریه کتبخانه سی
 مسئله سی. خلافت اسلامیه نك و معنی
 حضرت عمر ك شهادتی.

عربستان خارجنده ظهور اسلامه قدر سوابق احوال
 تاریخیه لری مباحث سابقه ده موضوع بحث ایدیلان ایران و شرقی
 رومادولتری موجود اولوب غوائل داخلیه نك ختامنی متعاقب
 هر ایکی جهته ده طرف خلیفه دن اردولر سوق ایدلمشیدی.
 ایرانه قارشو کیدن قوه جزیه نك امیری خالد ابن الولید
 اولوب بوسیف مسلول آلهی همان عراق عرب اوزرینه
 تجاوزه ایتدار ایدرک اوراده بواندیغی برسنه مدت طرفنده
 ایران قوماندانی هر مزی نجد حدود ساحلیه سنده کاظمه
 موقعنده پریشان ایش و صکرده نئی و عین تهر محاربه لنده
 ایرانلره یتیش یکدن زیاده تلفات و بردیره نك شط العرب و فرات
 بونجه بالجمله ممالک غریبه یی و از جمله انبار حیره عین تهر

مواقع مستحکمه سنی استیلا اید بویورمشدی . خالد ابن الولید
اوپر فرده دها بیوک فتوحاته حاضر لاندیغی صردهده حضرت
خلیفه نك امریله سوریه جهته شتابان اولدی .

ارتحال نبی بی متعاقب سوریه سفرینه کوندریلان اسامه
پدرینک شهید اولدیغی موته موقعنده رومله غلبه ایلد کدن صکره
عودت ایلش وانی متعاقب عموی ابی عبیده بن ابی الجراحک
اداره می التده بولتقی اوزره سوریه یه یزید بن ابی سفیان
وعکرمه بن ابو جهل و شرحبیل اداره لرنده و فلسطینهده عمرو
ابن ابی العاص قومانداسنده متعدد فرقه لر سوق اولنه رق
اوحوالینک استیلا سنه تشبث قلمشدی مع مافیله قیصر روم
هرقل اسلامک موقیات سریعه سنندن تلاشه دوشوب بالجهله
مالکی اها ایسنندن و عربان عیسویه دن در تیوز بیک قدر عسکر
طوپلایارق اهل اسلام قارشوسنه کوندر مکه عمر و ابن العاص
فلسطینهده و طقسان بیک کشیک بر روم اردوسی قارشوسنده
قالمش و بجموعی انجق بکرمی بیک نفره بالغ اولان سائر اسلام
فرقه لریده بر موق موقعنده تجمع ایلشدی . احوالک مشکلاته
بناء سر عسکرلک طرف خلیفه دن خالد بن الولیده توجیه یورلقله
مشارالیه حضرتلری اون بیک قدر عسکرله عراق دن چول
طریقینه سوریه یه تحویل روی ظفر و خارق العاده
حرکات عسکریه دن عد اولنه جق بر سرعت سیر ایله بنی غسان
دولتی زیر وزیر ایدرک و شمالدن جنوبه اینوب تنعم و حوران

حوالیسی وبصری قلعه متینہ سنی تابعیت واستیماہ مجبور ایدرک
 یرموقہ ایر شمشدی . خالد اول امرده عمر و ابن العاصک معاونتہ
 کیدرک بحر لوط جوارندہ اجنادین موقعندہ طقسآن بیک کشیک
 روم اردوسندن الی بیکی تلف اولق اوزره برغالیبت عظیمہ بہ
 نائل اولمش و بوجہ اربہ دہ اسلامدن سادہ اوج بیک نفر شہید
 قلمشدر .

مدت خلافتی ایکی سنہ ایکی آوی و اون کوندن عسارت
 اولان و بومدندہ تدابیر حکیمانہ سیلہ ہم متنی لر وارنداد خالہ لرینی
 دفع و ہمده اسلامی پارلاق بردور فتوحانہ سوق ایدن حضرت
 ابوبکر اجنادین معرکہ سندن اون اوج کون صکرہ عازم دار بقا
 اوله رق خلافت حال حیاتلرنده استخلاف ایلدک لری حضرت
 عمر بن الخطابہ یکمشدر بو ایلك خلیفہ لرک زمان ادارہ لری نوع
 بشر ایچون بر بختیاری مکمل تصور ایدن لرجه بیله نمونہ
 امثال عد اولنه جق مائر عدالت و سیاستدن عد اولنسه
 وجوهله سزادر . کندیلرینی اک عادی مسلم ایله ہم پایہ عد
 ایدہ جک وارضک اک مهور قطعہ لرینی الدہ ایدرک خزینہ بیت
 المالک اموال غنائم خسیلہ طولدیغی بر صرده یمالی خرقره لرله
 کزه جک و کندی نصب ایتدک لری قوماندانلرک یاننده پیساده
 یوریه جک درجده کی تواضع لری ترایا توسلری زوالری پک کری
 بر اقیر . شریعت مطهره نک محافظت احکامنده اولاد واقاربی
 حقتده ذرہ جه اثر ضعف و مسامحه کوستر میان حضرت عمر

بروتوسک تشهیر ایلبدیکی اخلاق متینہ بی کالک اوج منتہاسنہ
ایصال ایلشدر . حقوق دولت زبده ترقیاتی دیمک اولان
قواعد اساسیہ حریہ حضرت ابوبکرک اسامہ بن زیدہ وردیکی
نصایح میانده کورلکده دره رسول اللہک بحقی خلیفہ سی
واسلامک کرچکدن واجب الرعاہ پدرلی اولان بویکی ذات
شریف دورنده کوریلان عدالت تامہ وحسن اداره شریعت
پرورانہ قواعد عدل وحقانیتی احوال بشرہ الک موافق صورتده
وضع وتأسيس ایلش اولان دین مبین ایچون بیله سرمایہ
افتخار اوله جق احوال دندر . کتابکزک جمعی کفایت الٹامسی
حسبیلہ بویکی دورک مأثر جلیله سی حکایہ سنی مفصلات
تواریخہ براقق مجبورینده بز مع مافیہ صغر سنلرندن بری امور
دولت ایله وتدقیق عادات واحوال امله اشتغال التذکری
حالده مدینہ منوره مسجدنده عقد مجلس ایدرک الک بیوک و ذی
شوکت هیئات سیاسیہ نلک مقدراتی حقنده حکم و برن بوقدمای
اصحاب کرامک کورستدکری افکار دقیقه واجراآت عالیہ لرینہ
بیان مفتونیت الٹامکده المزدن کلز .

حضرت صدیق اکبر زمان خلافتنده باشلامش اولان
ایران فتوحاتنه زمان فاروقده کمال اهتمامله دوام ایدیلهرک عراق
اردوسی قومانداسنه سعد ابن ابی وقاص حضرتلری تعیین
بیورلشدی اصولاً قبول اسلام جزیه ویاتابعیت و حرب
بینده تخیری حاوی اوله رقی شاه ایران یزد جرده کوندریلان

مکتوب بردن بر ثمره حاصل اولماغله حرب قرار کیر اوله رق
ایرانک بالجمله قوای جدیده سی حاوی بولسان بوزیکرمی بیسک
کشیک بر اردوسی مشهور رستم قومانداسنده اوله رق او توزیک
نکردن مرکب اسلام اردوسنه هجومه مبادرت ایلشسه ده
قادیسیه موقعنده دوام ایدن یدی کون یدی کیمسه لک بر مقاله
خوزیزانندن صکره ایرانیک مغلوییت کامله لری اوزرینه
اردوی اسلام فراتک شرقنه تجاوز ایدرک مداین بلده عظیمه سیده
فتح ایدمشدر (ق ۱۵) بونی متعاقب عراقده بولسان قلاع
متینه نک چله سی بر بر بداسلامه کچرک بالخاصه مهم بر موقعه
بولنان حلوان قلعه سنک فتحی ویزد جردک جلولا بحاربه سنده
مغلوب اوله رق درون ممالکه فراری ایران شمالی و جنوبی
وارمنستان و طاغستان بوللرینی اهل اسلامه اچشدر مع مافیه
خلیفه صاحب تدبیر حضرتلری جیوش اسلامیه نک خطر جعتلرینی
تأمین ایده چک استناد کاهلر اتخاذا ایلدن ایلرولسنی آرزو
بیورمد قیلندن کندی تعیین ایلدک لری موقعه بر مرکز عسکری
اولق بصره و کوفه بلده لری بنا ایدله رک غزات و مهاجرین
ایله اسکان ایدمشدر کوفه اهاالیسی بواسامی دایما حسن ایدرجه چک
اخلاقه مالک اولوب مظفر بر اردونک شاندن بولنان جسارت
و عدم اطاعته میل و خودپسندلک بولنده اهاالیسنده چوق
و قتل مشهود اولمشدر اموال غنائمک خمسی بیت الماله ارسال
ایدیلوب تباقیسی غزات آره سنده تقسیم قلمقه اولغله اسلام

بجاهداری ثروت عظیمه نائل اولدقلمری کبی خزینه بیت المالدہ
نقودله مالامال بولندیغندن حضرت خلیفه نك تسیب عالیله
خاندان رسوله و قدمای اصحاب کرام ایله محتاجین و قمرایه معین
وظیفه لر تخصیص قلمشدر .

بزد جردک ایرانده تدارکات کلیده مبادرت ایدرک نهاوند
جو ارنده بوز الی بیک کشیک براردو ترتیب ایلدیکی خلیفه
حضرت نرینک مسموعی اولدقده بالذات سفره چقمق ارزو
ایدوب رأیبری طلحه و عثمان بن عفان حضراتی طرفرندن
استخسان اولندیسه ده عربستاندن عسکر التمی بمنه حبشک
تجاوزینی و سوریه قوتک تنقیصی رومک تجدید حرب التمسینی
و خلیفه نك مرکز خلافتدن تبعادی دخی بعض عربانک ارتدادینی
موجب اوله جغنی بیانیله حضرت علی المرتضانک مخالفت
حکیمانه سی اوزرینه بورای کرو النهرق ایران اردوسی
قومانداسنه نعمان بن مقرن نصب بیورلمش و مشارالیه نهاوندده
ایرانلی کلیاً مغلوب و پریشان ایدرک بزد جردده ماوراء النهرده
ترک خاقانی نزدینه فراره مجبور اولمشدر . نهاوند محاربه سی
ایران دولتک عمر سیاسیسنه خاتمه چکمشدر . مع مافیله ایرانک
اهالیسی جسور و ذی حیات اولغله محلی مقاومتلر نهایت
بولیوب محاربات برخیلی مدت دهامتداد التمش و پیدرپی آذر
بججان و جبل (همدان) و کرمان و اصفهان و خراسان و کوهستان
و هرات و مرو و سائر مالک ایرانیه اقسامی فتح ایدبلرک

حدود شرقیه خلافت ترکستانه و بحر حزر و مکرانه قدرمند
اولمشدر. آزوقت مرورنده ایرانیلر همان کافه دین مبین محمدی بی
دخی قبول ایلمشدر.

ایران قطعه سی بر طرفدن فتح ایلدیکی صرعه سه سطوت
اسلامیه سوریه ده کی روم اداره سنی دخی مضمحل ایلمکده ایلی
حضرت عمرک، تنبیلر محاربه سنده اسلامینده شبهه ایلدیکی بر
عرب امیرینی اولدیبره رک ذوجه سنی نکاح ایلمش اولمشندن
طولایی، خالد ابن الولیده انفعالی اولمغله ابتدای خلافتنده مشار
الیهی امارتدن عزل ایله سوریه اردوسنی ینه ابو عبیده اداره سنده
براقش ایسه ده هر حالده امر خلیفه یه شایان امتثال بر اطاعت
کامله کوستره رک اقدیجه امیری اولدیغی اردونک نفر لکی مقامنه
نزلی تقیص غیرته سبب کور میان خالد ینه اردونک روحی
مشابه سنده و ابو عبیده نک مشاوری مقامنده قلمشیدی. اجنادین
مظفریتی اسلامک قوتنی آرترمغله اقدیجه باشلامش اولان شام
محاصره سی بر قاندها تشدید ایلمش و باخصه صوص خالد ابن
الولیدک شجاعت و حسن ترتیباتی سایه سنده بر موقده فزاینلان
مظفریت مکمله و روم اردوسنک عادتاً محوی اوزرینه سوریه
فعلاً اداره اسلامیه یکمشیدی. خالد بر طرفدن عنوة فتح
و تسخیر صورتیله دمشق قلعه سنه داخل اولدیغی کی بو وقعه دن
ببخبر اولان ابو عبیده ده دیگر طرفدن تسلیم صورتیله صلحاً
داخل قلعه اولدیغندن سوریه نک پایتخت قدیمی اولان دمشق

شام دخی ادارهٔ اسلامه یکمیش و بونی متعاقب پیدرپی برچوق
قلاع جاههٔ موحدین طرفندن ضبط ایدلمشدر .

سوریه نیک استیلاسی ارض فلسطینده روملر یندنه قالمش
اولان قدس شریف ایچون خلاص امیدی براقدیغندن شهر
مذکور دخی صلحاً تسلیمه راضی اولمشده شهر مذکور
پطریق بالذات بلده نیک خلیفه حضرت نرینه تسلیمی ارزوسنده
بولغله حضرت عمر حضرت علی بی وکیل براقارق قدس شریفه
کلوب بلدهٔ مقدسه بی بالذات تسلیم ایشدر . مشارالیه حضرت
نرینه مدینه دن قدس شریفه قدر طنطنه و دبده دن عاری
اوله رق زاهدانه سیاحتی و قدس شریفه خرسیتانلر و موسویلره
قارشو بر مغلوب قومک قوم فالبدن اک مدنی عصرلرده بیله
کوره مدیکی مقامات عادلانه و نوازشکارانده بولنه رق چله نیک
قلوبنی جلب ایتدی عدالت فاروقیه نیک اک بیوک مآثرنددر .
حضرت خلیفه قدس شریفه مسجد الاقصی مقامنده نام
شریفلرینه منسوب جامع شریفی بنا ایتدیر دکلری کبی سوریه نیک
اداره سنی دخی تنظیم و بزید بن ابی سفیان و الی تعیین ایدرک
عودت بیورمشلدر .

خالد ابن الولید حضرت نرینه نهمه لرله متعاقباً حلب
و حوران و رأس العین و ماردین و حص و آمده جهتنری دخی
پیدرپی فتح ایدیلوب ایران و سوریه اردولری کردستانده برلشهرک
سوریه فحی اکال ایدلمش و انطاکیه بی دخی غائب ایدن هرقل

سوریه به وداع ابدی ایدرک اغلابه قسطنطنیه به عودته
 مجبور اولمشدر خالدک خدمات وفیره می بنه مقام امارته نصیبی
 مؤدی اولمشسده امرای اسلامیه نیک بوجهله سفاهت وعظمته
 مبتلا اولمالمرینه درجه نهاییه ده دقت ایدن حضرت فاروق بنه
 بعض احوال دن دلکیر اوله رقی مشارالیهی مدینه به جلب ومع
 مافیه اسنادات واقعه نیک عدم صحتنی تحقیق التکلیه اعزاز
 واکرام ونوازش والتفات التشررد . اوزمان ملیونرجه نفوس
 وپوزلرجه قلاع وحصونی حاوی اولوب شرق ایمراطورلرک
 منبع سعادت وثروتی حکمنده اولان سوریه وفلسطین قطعات
 جسیمه سی بوضورتله بش التی سنه ایچنده خلافت اسلامیه
 اجزای متمم سندن اولیورمشدر . هجرت نبویه نیک اون سکننجی
 سنه سنده سوریه ده بیوک ومخوف بر طاعون ظهور ایدرک ابو
 عبیده ویزید امثالی برچوق اعظم بوندن تلف اولمش وبوفیادن
 طولانی تحدث ایدن میراث مسائلی فصل التک اوزره حضرت
 خلیفه بالذات شامه کله ریک معاویه بن ابی سفیانده بوضرده
 برادرینک یرینه شام والیسی نصب ایدلمشدر .

حضرت عمرک دور خلافتنده مالک اسلامیه به ضم اولنان
 قطعات جسیمه دن بریده مصدررد . مصر اووقت شرق ایمرای
 طورلغی اداره سنده اولوب فلسطینه بولنان عمرو ابن العاص
 فتحنه مأموریتنی استماعاً ایلدیکندن طرف خلیفه دن استیلاسنه
 رخصت ویرلمشدی . ذاتاً مصرده بولنان قبطی طائفه سی

اور تودوقس مذهب بنده کی ہیئت حکومتک مظالم و تعدیاتندن
بیرار بولندیغندن آزوقته عموم وادی نیل یداسلامه یکم شد .
ساده روم دوتاسنک امانته و محافظترینک غیرتیه استحکاماتک
رصانته مبنی اسکندریه شهری اوزون وقانلی بر محاصره
دنصکره آله تیلشدر . مصر فتحی متعاقب عمرو ابن العاص
برقاو طرابلس طرفلرینده فتح ایدرک قارطاجه و آفریقا ولایتنه
قدر ایصال لواء محمدی التیلشدر .

بعض غرضکار و باجاهل اوروپا مورخلری عمرو ابن
العاصک خلیفه حضرت عمرک رأی و تفسیریله مشهور اسکندریه
کتبخانه سنی احراق ایتدیردیکی روایت بجنونانه سنی نشر ایدرک
مجاهدین اسلامی لکه دار ایتکه چالشدققری مع التعجب مشهور
اولمدهدر . حضرت عمرک خرسیتیانلره قارشو متخذی اولان
معاملاتک طرزینه و عمرو ابن العاصک بالخاصه اک ترقی پرور
وحامی مدینت و معارف امرای اسلامیه دن بولمسنه و ذاتاً بو
مشهور کتبخانهک قیصرک اسکندریه قلعه سنده محاصره
اولندیغنی زمانکی محاربه ده یانمش و برچوق کتب فلسفیه دخی
مجادلات مذهبه اثناسنده خرسیتیان متعصبیلری طرفندن محو
ایدلش بولمسی محققات تاریخیه دن اولسنه مبنی عیسوی ابو
الفرج اجدن بشقه هیچ بر مورخ قدیمک قبول ایتدیکی بوروایت
عجیبه بی اوروپا و آمریقا مدققین مورخیندن کبون و اشغفتون
ایروینگ و امشلی برچوق مهره علما قطع یارد و جرح ایتلکه

در لر هله بو کتبخانه ده کی آثارک اسکندریه جاملرینه اودون
مقامنده توزیع ایدیلرک درتیک جامی التی آی مدت ایستدیغی
حقنده کی قول غریب خروسلی کولدره جک شطحات عجیبه
ومبالغات عجمانه دن عد اولسه سزادر .

تاریخده بر موقع مهم طوتان دهات اعصارونوادر روزکارک
اک بیسوکرنندن واک نادرلندن اولان حضرت عمر الفاروق
اون سنه دن عبارت دوراداره سنده بر برستان مصر فلسطین سوریه
عراقین کردستان ایران وخراسان کبی برچوق ممالکی حوزه
اسلامه ادخال و ممالک اسلامیه بی عرض شمالینک قرقجی واون
یدنجی و غریبوج نصف النهارینه نسبتله طول شرقینک اون
ایکی و الشمس بدی درجه لری یئینده ممد برداره عظیمه ایچنده
توسیعده موققیته وعموم ناسک شکران و خیر دعاسنه مظهریته
دنیوی و اخروی هر دلسو مشواتی بعدالاحراز رتبه جلیله
شهادته دخی نائل اولشلر و هجرت نیویه نک یکریمی اوچنجی
سنه سنده اصحابدن بنی مغیره نک عاتقلرندن ابوالواؤ نام نصرانی
کوله نک خنجر غدرینه قربان اولشلردر صوک امر لری اولمق
اوزره کندیلری وفات ایتمدن قاتله قصاص ایلماسنی توصیه ایللری
بورکلری تقدیر عالی اولدیغنی کوسترر مناقب جلیله لری پک
چوق اولسوب دور خلاقلرنده کی آسایش وانتظام احوال
ممالک اسلامیه ده بردها کوریله مامشدر .

فصل ثانی

خلافت اسلامیہ دہ تفرقہ

۱

مبادیٰ اختلاف

امشوری. خلافت حضرت عثمان. ایران ارتدادی و ایران فحنک
اتامی. مصر وقایعی. آفریقا سفری. معاویہ وموفقیات بحریہ سی.
ادارہ داخلہ. امویہ خاندانک نفوذی وولات امویہ. ابتدای
شورش. شہادت حضرت عثمان. خلافت حضرت علی.
تدابیر اصلاحیہ. عایشہ وطلحہ وزبیر حضراتک
قیام لری. وقعہ جمل. حضرت علیک
اخلاق وطبیعی. معاویہ ابہ محاربه. صفین
وقعہ سی. حکمین. معاویہک موفقیتانی
خوارج ونہروان محاربه سی
شہادت حضرت علی.

حضرت عمر حین وفاتندہ بر خلیفہ تعیینی مسؤلیتینی اوزرینہ
آلمق و حتی بمض طرفزدن اخطار اولندیغی و جہلہ خلافتی
یسوک اوغلی عبدالله بن عمرہ براقق ایستمدیکندن کندیسنسہ
خلیفہ اولہ جق ذاتک تعیینی عبدالرحمن بن عوف علی ابن ابی
طالب طلحہ بن عبدالله زبیر بن العوام سعد ابن ابی وقاص و عثمان

ابن العفان حضرتانندن مرکب برشورایه حواله انلشدی .
 بوذواتک چله سی عشره ، بشره دن اولوب هر برینک اسلامده
 فضل و قدمی و خدمات واقعه لری مقام معلاى خلافته حقلربنی
 بدیهی قلمده و بالخاصه خواص اصحاب رسالتدن بولنان حضرت
 علی و حضرت عثمانک استحقاقلری درکار اولقله برابر برینک
 آل هاشم و برینک بنی امیه رئیس اوللری مسئله به ریاست مکه
 اختلافنک بر صورت دیکری رنکنی و بر مکه ایدی . شوری نك
 مذاکراتی خیلی امتداد ایده رک حضرت عمرک تسبیله بوکا
 ریاست الملکده اولان عبدالرحمن بن عوف حضرتلری خیسی
 مشکلاته دوچار اولدقدنصکره امر خلافت علی و عثماندن هر
 ایکسینه ده تکلیف اولنوب علی کلام الله و کلام رسول دنصکره
 کندی اجتهادبله حرکت ایده جکنی سولمسی و حضرت عثمان
 ایسه شیخین حضرتانک اجتهادلربنده خط حرکت اوله رق
 قبول ایتمسی جهتبله اولا عبدالرحمن بن عوف و صکره سائر
 اصحاب کرام حضرت ذی النورینه بیعت انلشدر . مشار الیه
 ذاتاً و اصل سن شیخوخت اولوب اقربا و اوداسنه محبتی و
 خاطرلرینه رعایتی زیاده اولدیغندن پیدربی بالجمله مناصب
 و مقامانک خاندان امویه به منسوب افرادله طولمسی و اداره
 امور خلافتده بوخاندانک نفوذی زیاده سیله حس ایندملکه با
 شلانسى عموماً آل هاشم نظرنده پک فسا برتأثیر حاصل ایدرک
 ایکی فرقه بینده کی مناسبته بررودت و شبهه ایرات انلشدر .

خلافت اسلامیہ نیک روحی حکمنده اولان قریش امراسنک
 آره سنه بوصورتله برانیتسنزلک کیرمی وغزوات سابقه ده
 عموم مجاهدین زیاده سیله اکتساب ثروت ایلدن کرندن برار
 استراحت وحسن معیشت آرزولری حاصل اولسی جهنلریله
 دور عثمانده زمان فاروق قدر پارلاق موقیتلر اولما مشسه ده
 ینه عربک استعداد غالبیتی بردنبره توقف ایلامشدی حضرت
 عربک شدت اداره می حسن تدبیری استقامت خارق العاده می
 ومناقت ودهامی انک زماننده بر موقیت احتمالنندن اسلام
 دشمنلرینی مایوس برانقشدی فقط ارتحال طالبلرینی متعاقب
 فتوحات فاروقیده هر طرفدن برعکس تأثیر واقع اولمغه باشلادی
 از جمله ایرانک اسلامی هنوز بک ضعیف اولمغه هر طرفنده عصیان
 وارتداد تشبشلری رونما اوله رق اخیراً یالکز بکر می یاشنده
 اولدیغی حالده عراق والبلکنه نصب اولنان وقط خالد بن
 الولیدک عربستانده یاپدیغی شیء اوده ایرانده اجرایه موفق
 اولان عبدالله بن عامر سنه لجه مدت اوغراشارق عموم ممالک
 ایرانیه بی یکی باشدن استیلایه ومکرانک قسم شرقیسنده آلارق
 جرجان وطبرستان طرفلرینی جزیه به ربطه موفق اولدی . بزدرجرد
 دخی برامیدی اولدیغی حالده اخفای نفس ایله فرار ایدرکن
 ترکستانده مقتول اولمغه دولت سامانیهدن بعدما دعوای تاج
 وتخت ایده بیله جک فرد واحد قلمدی .

حضرت عثمان پیدرپی اقسام ممالکده کی ولاتی تبدیل

ایدرك بالجمله مناصبی اقارب و خاندانیه و یرد یکی صرده عمر و ابن
العاص دخی مصر دن عزل ایدیلهرک یرینه زمان رسالته وحی
کتابنده تحریف کلام الله تصدی ایلش و حضرت عثمانک
توسطیله نائل عفو اولمش بولنسان عبدالله ابن سعدی مأمور
ایلشدی عمرو ابن العاصک انفصالی مصر یرجه موجب شکایت
اولدیغی کبی او صرده هرقلک اوغلی و خلفی قسطنطین دخی
دوئتا سوقیله اسکندریه بی ضبط ایتدیکندن فاتح مصر مأمور
یتنده ایقا ایدیلهرک روملر اسکندریه دن طرد ایدلدی مع مافیله
اندفاع غائله یته عبدالله بن سعد مصر و الیسی نصب اولنوب
اوده شهرت عسکره قزاق ایچون طرابلس جهتنه سفر ایدرک
طرابلس قلعه سی پیشکاهنده یوزیکرمی بیک نفرلک بروم اردوسی
ایله وقوع بولان محاربه ده امانته کلش بولنان زییر حضرتلرینک
درایت و شجاعتی سایه سنده دشمن فنا حالده منهزم اولدی بو
سفرده آفریقا و لایتینک اقسام متباقیه و داخلیه سی دخی استیلا
ایدلش و نوبه ده کی نصرانی قرالر عبدالله ابن سعدک اجباریله
اسلامه خراجگذار اولمشلردر.

حضرت عمرک وفاتنی متعاقب شرق ایمراطورلغی سوریه نیک
استردادینه تثبث ایدرک بیوک براردو سوق ایلش ایسه ده شام
و الیسی معاویه بن ابی سفیان حضرتلری بو تجاوزی کمال شرفله
دفعه موفق اولدیغی کبی اذن خلیفه ایله فیکه سواحلنده
دوئتا انشا ایدیره رک بحرأ دخی روم دوئتاسنه بیوک غلبه لر

چالشی و حتی قبریس جزیره عظیمه سنی یله قبح و استیلایه فرجه باب اولشدر . و الحاصل عبدالله بن عامر معاویه و سائر بعض غیور ولات سایه سنده سطوت اسلامیہ بنہ بر دوام قالمشدر .

حضرت عثمان دورنده اداره داخلیمه بعض عصبت اصحابک نظرشکا تیرینی جلب ایلدکده ایدی زمان رسالنده مقدوح و مطرود بولنان حکم بن العاص کبی برطاقم آدم لر مرکز خلافتہ کتیر بله رک اعزاز و اکرام ایدلمش و بالجمله مناصب امویه افرادینه و بریله رک هرولایندہ کوچک بر استبداد او جاغنی تأسس ایلدیکی حالده بو کاسس چبقار لما مقده بولنش و علیهنده کی حدیث مروی به رغماً مقام خلافت کتایندہ استخدام اولنان مروان بن الحکمک نفوذ مشومومه سی علی طلحه و زبیر کبی کبار اصحاب کرامک نصیحت و اخطار لرینه ترجیح ایدلمسی هر کسک کوجنه کتمکه باشلامشدی . خلاصه کلام اداره نک امویه طاقنه علناً طرفدار لقی ایلسی ارباب اغراضک فساد اتنی تسهیله بیوک بر سبب اولیوردی .

بو احوال الجاسیله مصر و کوفه و بصره دن بر چوق آدم لر شکایت لرینه بر تأیید مادی و یرمک اوزره مدینه ده طویلانارق حضرت خلیفه به آچیقدن آچغده اعلان خصومت ایلدکاری حالده حضرت عاینک توسطیله بر صورت تسویه قرار کیر او اوب مصر و ایسی عبدالله عزل ایله یرینه محمد ابن ابوبکر تعیین ایدلمش و هر کس برلی یرینه عودته حاضر لاندیغی کبی ولات دخی مرکز خلافتده جمع ایله عقد شوری ایدیلوب ارباب

شورشك نظر دفتنی بشقه طرفه چوپرمك اوزره برطرفه غزا
ایلمسی قرار کبر اوله رقی ظاهرأ ایش تسویه اولنور کبی کور-
نشدی. فقط محمد ابن ابوبکر مصره کیدرکن یولده طرف
خلیفه دن والی مصره کوندریلان برساعی به راست کلوب
حامل بولندیغی نامه بی اوقویبارق « امیر کادکده قتل ایدیگز »
معناسنه « اذا جائت الامیر فاقتلوه » عباره سنی کورمکله همان
ارباب شکایت ابله مدینه به بالعوده عجمه اخبار کیفیت ایش
وهرنقدر فاقبلوه لفظی مقصد اصلی اولوب اهمیت عظیمه سی
ناقابل انکار اولان بونقطه خطامنندن طولایی قباحتک ذاتاً
انتربقه جیلغی سون مروانه عاتد اوله جغی درکار ایسه ده
حضرت عثمان مروانی تسلیم دن امتناع ایلمدیکنندن ایش علو-
لنه رگ مصر وکوفه وبصره لیلردن مرکب برجم غفیر خلیفه
رسول علیه خروچ ایدرک خانه سنی محاصره وهردرلو اختلاطی
منعه تصدی ایلمشدر. حضرت عثمانک استعفا ایتمکده اصراری
ارباب قیامک شدتنی تشدید ایلوب بوقدر کایتلی برشردمه به
قارشو ذاتاً منکسر الخاطر بولنان اهل مدینه برشی بیامدیغی کبی
ولانده زمانیه امداد یتشدیرمکه قادر اوله مدققرندن خانه
خلیفه نك محافظه سی ساده حسنین حضراتیه طلحه وزبیر وسائر
اشرافزاده لره انحصار ایلمشدی بونلر قیوی شدته مدافعه ایدرک
حتی حضرت حسن اثنای مدافعه ده جریحه دار بیله اولمش
ایسه ده ارباب قیام متصل دیگر برخانه دن دلیک آچوب حضرت

عثمانك خانه سنه دخول و مشار الہی تلاوت قرآن ایله مشغول
ایکن شهید ایلدیلر . او وقت سن شریفلی سکسان ایکی اولوب
هجرت نبویه نك اوتوز بشنجی سنه سنه قدر اون اوج سنه مدت
مقام خلافتده بولنمشلردی بووقعه متأسفه حقتده کی روایاتك
مخاکه سنی مفصلات واریخه ترك ایدرك بزئمہ احوالی حکایه ایلیم .
حضرت عثمانك ارتحالی متعاقب امر خلافت درکار اولان
فضلی و قدیمی و نسب پر شرفی حسینله حضرت علی به تکلیف
ایدلمش و هر قدر مشار الیه « بنم وزیر اولم امیر اولمدن خیر ایدر »
دیهر ك طلحه و یاخود زبیر حضرتدن برینه بیعت آرزو سنده
بولنمشده الك باشده طلحه وزیر اولدقزی حالده اکثریت
ناس کندیلرینه بیعت ایتدکلرندن مقام خلافته چتمشردی . مع .
مافیہ اصل اختلافك بیوکی شمدی حاضر لانیوردی حضرت
علینك نجابت و اخلاق حسنه سی و نور عینی اولان اولادینی
محافظه خلیفه ایچون تهلکده یه القا و حتی حسن محافظه ایده مدکلری
ایچون تو بیخ و تکدیر انلمسی حقتده بر شبهه به محل بر اقامق ایجاب
ایدرسده ذاتا کندیسبیلله آره لری آچیق اولان سعد ابن ابی
وقاص اسامه بن زید و عمرو ابن العاص کی کبار شهادت عثمان
ماده سنده دخلنی ادعا ایدرك بیعتدن امتناع ایلدکلری کی امویه
خاندانك رئیس اولان معاویه ده ذاتا حضرت علینك خلافتی
ولایتده بقاسنی تهلکده بر اقاچغندن امین اولمغله آچیقندن آچیغه
قان دعواسنه قیام ایلشدی .

ولات امویہ تلطیف و تعزیز صورتیہ آرہ لرینہ تفرقہ دو۔
 شورلسہ بلکہ دفع تہلکہ مرور زمانہ قابل اولوردی فقط
 حضرت علی حیلہ ایلہ حرکتی و کتم افکاری مردلک شانہ
 لایق کورر ذواتن اولیوب خلافت اسلامیہ نک اعادہ انتظامی
 ایچون ولانک حضرت عمر زمانندہ اولدیغی و جهله مرکز
 حکومتہ قارشو اطاعت کاملہ ده بولمتری لزومنی کورمکله بردن
 عمومک تبدیلنه قیام ایلدی و بعض محللر و بالخاصہ سوریه بیکی
 کوندردیکی والی بی قبول ایلدیکنندن سوریه بی دائرہ اطاعتہ
 ادخال ایچون سفرہ چقمغه حاضرلاندى فقط بوسرہ ده عجیب
 و غریب برغائله دیگر دهار و نمای ظهور اولمشدی حضرت
 علی عثمانک قائلرینی جزالندیرمق املندہ ایسه ده معاویہ غائلمسی
 میدانده ایکن مصر و کوفه و بصره بی آلت اوست ایده جک برامرک
 تحقیقنه مباشرتی مناسب کورماشردی حالبوکه ذاتاً مناسبتری
 پک دوستانه اولیان ام المؤمنین حضرت عایشه الصدیقه ایله
 توجهات جدیده کندیلرینک برطرف ایلدکلرینی نظر انفعال
 ایله کورن طلحه و زبیر حضراتی مکة مکرمه ده اجتماع ایدرک
 در عقب قائلرک تحریرسنه ابدار اولمسنی طلب و حضرت علینک
 جوابردی اوزرینہ طرفدارلرله بالقیام بصره اوزرینہ حرکت
 ایلدیلر .

حضرت علی بو جهله معاویہ سفربنی ترکه مجبور اولوب
 فرقهٔ معارضه بی تعقیب ایدرک بصره به کلدی آرہ ده کی اختلافک

صورت مصححانده اذاله می قوه قریبه به کلمشکن حضرت
 عایشه اردوسنده بولسان مروان ابن الحکم وهرایکی طرفنده
 موجود اولوب ایشک بیومسنی آرزو ایدن قتلہ عثمانک تدبیرلر
 یله ائتلاف قابل اوله میسوب محاربه یه لزوم کوربله رک بصره
 جوارنده بر معرکه شدیدده حضرت عایشه طرفدارانی منہزم
 وکندیسییده اسیر اولدی (۳۶) . حضرت عایشه میدان
 محاربه ده بریاض دوه اوزرنده اولمغله محاربه یه وقعه الجمل
 اسمی ویرلمش در . حضرت طلحه انجمام وقعه ده نادم اوله رق
 حربدن چکلشکن کندیسنی قتلہ عثماندن ظن ایدن مروان ابن
 الحکم طرفندن او قله اورلمش و حضرت زبیردخی کذا حربدن
 فراغتلہ دوزکن عبدالله ابن جرهموز نام شخص طرفندن شهید
 ایدلمشدر طلحه ابله زبیرک بوصورتله شهادتلیسه حضرت علی
 بک زیاده تأسف ایدرک اغلامش و حضرت عایشه نک ایتدیکنه
 باقیه رق برادری محمد بن ابوبکره ترفیقاً وکسال عزت واکرام
 ایله مدینه یه اعاده ایشدر . حضرت علی رسول اللهک فرداشلغی
 مقامنی احراز ایشمش و سائر صورتله اخص اقارب و اتباعندن بولتمش
 اولوق حسدیلله کندی فضلنه و خلافتنه حقنه اعتمادی غایت زیاده
 و مع مافیہ غایت متواضع قناعتمکار عظمت و سلطنتی سومز
 بر ذات اولوب ازهر جهت حضرت ابوبکر و عمره ثالث ایدی
 حضرت عمردن صکره خلافتنه نائل اولماسی براز انکسار
 قلبنی موجب اولمشه ده بنه دائمًا حضرت عثمانک خیرینی موجب

اوله جق نصایحه بولمقدن خالی قالمز و مروانک نفوذیله نصایحکنک
 نمره سز قلمسته زیاده سیله نأسف ایدردی . حضرت علی ننگ
 علویت افکاری ال بیوک حکمایه سرمایه اقتضار اوله یله جک
 درجده مزایای نادره بی مشتمل اولان بجل حکمیله سندن اکللا .
 شیلور . مدت عمرینی طوغریلقه لک پکیرن و هیچ بر منفعت ملا .
 حظه سیله طوغریلغی ترک ایتمیان بویله برذاتدن شبهه لایق
 اولوب ذاتاً معاویه ده او اخر عمرنده حضرت علی یه حق سزاق
 ایدیکنی اعتراف ایتمشده او صرده سلطنت هوسی کندیسینی
 خلیفه بالحق علیه قیامه سوق ایدوردی معاویه ایله حضرت
 علی بیننده کی بحار به لسوریه ننگ شمالنده و فرات جوارنده صفین
 موقعنده وقوع بوله رق همان هر کون تجدد و تکرر ال ملک
 اوززه اوچ ماهی متجاوز مدت دوام ایلشدر . بو بحار به لده
 حضرت علی ننگ صومرز موقعده قالان دشمنه صوویرمک کی
 معاملات زحکارانه سی شام هوادارانندن بشقه هر کسی متأثر
 ایلشدی بحار به اوزامقده ایسه ده نتیجه سنده شبهه اولیبوب
 حضرت علی ننگ جسارت و شجاعتی و حق ننگ کوندن کونه
 ظاهر اولسی و معاویه اردوسنک پیدر پی کلیتلی تلفات ویرمی
 جهت لیه غلبه طرف خلیفه ده قلاجفی ظاهر ایدی . اثنای
 حربده حضرت علی معاویه یه برلکده حرب ایدرک بوقدر آدمک
 قانی هدر ایلامرینی تکلیف ایلش و معاویه زدننده بولنان عمرو
 ابن العاص دخی معاویه بی میدان حربده چتمغه تشویق ایلشده

معاویه « علی ایله کسه باشه چیقما بیلشمیدرکه بنده او امید ایله قارشوسنه چیقایم غالباً مقصدک بریمی طوتمقدنر « دیه جواب ویره رکرد ایلشدی . مع مافیله محاربه نتیجه لثمک اوزره اولوب برکون حضرت علی و امراسندن شجیع مالک الاشتر غیرتربله معاویه اردوسی همان بوزلق اوزره ایکن عمرو ابن العاصک تدبیر حبله کارانه سبله سوریه لیلر مصحف شریفلری مزراق اوجلرینه طافارق « هذا کتاب الله بیننا و بینکم » دیه باغرشدیلر یونک انهمز آمدن قورتلقی ایچون بر حبله اولدیغنی هر کس اکلادی ساده معسکر علیده سرکشلیکی ایش ایدنمش اموردینیده عقلالقی طاسلامغی و هر کسه تعلیم اجتهادی عادت ایتش بر طائفه خوارج واردیکه انلر اکلامیدرق حضرت علی بی ترک حربه اجبار ایلدیلر و مذاکره واقعهده خلافت مسئله سنه قرار و برمسک اوزره طرفیندن بر حکم تعییننه موافقت ایلدیلرک طرف معاویه دن عمر و ابن ابی العاص و طرف خلافتدن ینه خوارجک تنسیبی ایله موسی ابن ابی الاشعر تعیین قلندی فقط خوارج بودفعهده بر مسئله دینه بی کتاب الله میدانده ایکن حکمه حواله ایتسک مغسار شرعشربدر ادعاسبله حضرت علی بی ترک ایدرک کوفه به چکلدیلر .

عمرو ابن ابی العاصک حکم اولسی ایشک ایچندن خلوص نیتی قالدیریلوردی حکم دومة الجندلده مسجدهده اجتماع ایدرک هر ایکی خلیفه نکرده عزلیله برینه یکیسنک انتخابی جمعیت مسلمینه

بر اعلیٰ قرار گیر او لشدی اولا موسی منبره صعود ایله حضرت
علی بی خلافتدن اسقاط ایلدیکی رسماً بیان ایلدکن صکره
عمرو ابن ابی العاص منبره چیقوب موسی نك مؤکلندن نزع
ایلدیکی خلافتی کندی مؤکلی معاویه به توجیه ایلدیکی بیان
ایلدی ایشک ایچنده ابو موسی نك بر حیل به قربان اولدیغی ظاهر
بولمغله اختلاف یته تسویه ایلدیه مدیسه ده بو حکمین وقعه سی
حضرت علینک حکم ونفوذینه خیلی خلل کتیره رک معاویه
پیدربی مصر و حجاز وین حوالیسنی استیلا ایدرک حضرت
علینک ممالکی عراقین ایله ایران و خراسان منحصر قالدی .

حضرت خلیفه اول امرده خوارج غائله سنی دفعه لزوم
کوره رک بونلری طریق اطاعتیه ادخال ایچون نصاح کافیه ده
بولندکن صکره اوزرلرینه هجوم ایله نهر وان محاربه سنده
جمله سنی قلیجندن پکیرمش وبعده معاویه ایله صموک درجه به قدر
اوغراشقی اوزره تدارکات کلیده بولمغله باشلامشکن وقعه
متأسفه شهادتلی ظهوره کلشدر .

خوارچدن اوچ شخص ملت اسلامیه نك چکدیکی مصائب
علی بن ابی طالب معاویه بن ابی سفیان و عمرو ابن ابی العاص
یوزندن اولدیغنی و بونلرک اذله وجودلری لزومنی یینلرنده
قرارلش دیره رق بری مصره بری شامه و بریده کوفیه کلش
وقرق برسنه هجریه سی عید فطرنده اوچنده ده سوء قصدیه قرار
ویرمشلردی . بو قرار نتیجه سی اوله رق حضرت علی جامع

شريفدن چيقاركن عبد الرحمن ابن ملجم نام خارجي طرفندن شهيد ايدلمش و معاويه ساده برجريحه ايله قورتيلوب عمرو ابن العاص ايسه اوكون جامعه كتمديكندن وكاله كوندرديكى آدمى اتلاف ايدلمشدر . خوارج طائفه غريبه سنك غيرت دينيه سنى كوسترر احوالندركه عبد الرحمن ابن ملجمك قصاصندن اول ديلي كسملديكنده برحيات اولوبده تلاوت قرآن كريمه مقتدر اوله ميه چغنه الك زياده اظهار تأسف ايلمشدر .

۲

امويه خاندانك اقبالی

حضرت حسنك خلافت واستعقاسى . معاويهدنك خلافتى . ذباد بن ابى سفیان .
 قسطنطنيه محاصره سى . حضرت حسنك وفاتى . آقربقا سفرى .
 معاويهدنك يزىدى استخلافى . آل هاشمك مخالفتى . وقعه دلموز كرىلا .
 خلافت عبد الله ابن زبير . خلافت معاويه بن يزىد . استعقاسى .
 خلافت مروان بن الحكم . خلافت عبد الملك بن مروان . مختارنك
 خروجى . عمرو بن سعيد غائله سى . حجاج ظلم . ابى خليفه
 بيننده محاربه . عبدالله ابن زبيرنك مغلوبيت و شهادتى .
 خلافت و سلطنتك بنى اميه ده تقررى .

حضرت علينك شهادتى اوزرينه عراقده مقام على خلافت
 اجاع امتله بولك اوغللارى حضرت حسنه توجيه قلمشدى

ذاتاً حضرت حسن حریص جاء واقبال اولیوب سکونت
 وآسایش محبی بولندیغی کبی معاویہ نك پیدرپی متراید اولان
 اقبالنه قارشو اوغراشمده امر خطیر ایدی باخصوص که من القدیم
 هر درلو اخلاق مزلقرله تمیز ایلش بر قوم ایله عسکر عربک ال
 سرکش قبیملری اختلاطندن وجوده کلان عراق وخصوصاً
 کوفه اهل ایسی عهده و فاسزلغی ال بیوک مزیت صایارق دهسا
 ایام خلافتک ایلک کونزلنده حضرت حسن علیهنه انواع فساداته
 بحاسرت ایلدکلرندن مشارایه بویله عناصر ایله اداره ممکن
 اولدیغنی کوردرک معاویہ ایله او بو شتیق طریقنی بالاختیار اولا
 معاویہ وفاتندن اول و لیعهد تعیین ایتمیوب امر خلافت انک
 وفاتنده شورای امته براغلیق ثانیاً کندیسنه واهل بیتنه و اولاد
 واقاربه بروجهله اذا ایلمامک و ثالثاً کندی انفاق و اداره سی
 ایچون لازم اولان شیئی بیت المالدن اخذنه مأذون اولقی
 شرائطیله خلافتی رسماً معاویہ یه ترک ایلمدی بو صورتله هجرتک
 قرق برنجی سنه سنده عموم ممالک اسلامیه حضرت معاویہ بی
 خلیفه رسول الله اولقی اوزره طایه رقی بو مناسبته سنه مذکو
 ریه عام الجماعه نامی و برلدی .

ایشته خلافت بووجهله بنی امیه خاندانه انتقال ایدرک
 بوخاندانن آتیده کوربله جکی ووجهله اون درت خلیفه ظهور
 ایلش و سلطنتلری مکسان بدی سنه مدت دوام ایتمشدر
 مع مافیله بو نقل حکومت مسئله سی خاندان رسول افرادی

حقوقنی غضب صورتسندہ رونما اولوب نظر ا کثرتدہ
چرکین کورنمکله بوبنی امیہ سلاله سنک خلافتی بروقت
اعتراضدن سالم قلامشدر . خلافتک وضع اصلیسندن چیقوب
ساله امیہده ارثاً منتقل برسلطنت حالنی کسب ایلدی اساساً
ظهور اسلامدن اول آل هاشم ایله بنی امیہ بیننده ریاست مکہ
خصوصنده موجود اولان اختلافک نتیجه سی اولوب بو اختلاف
حضرت ابوبکر وحضرت عمرک حسن تدبیر وشدت و تمکینلری
سایه سنده کسب اهمیت ایده مامش ایسهده انرک وفاتلریله میدانه
چیقوب بوکا ممالک مفتوحه نیک عربستان استیلاسنه قارشو
طبیعی اولان عکس تأثیری وولایات جدیده نیک ثروت و معهوریتی
ایله فاتحلرک اخلاقنده برایدن دبدبه و سلطنت و تأمین منافع
هوسی انضمام ایدرک هم خلافت اسلامیہ بشقه بررنکه کیرمش
وهمده عربستان و حجاز پایتختلیق شرفنی غائب ایدرک خلافتک
ایکنجی درجهده ولایاتی مقامنه کچمشدر . بالخاصه بعض کبار
اصحابک وانرک اولاد واحفادینک وفاتلرندن صکره بلدتین
حریمیک امور اسلامیہده نفوذی بالکلیه ذائل اولمشدر .

آل هاشم و امویہ بیننده کی قرابتک درجه سی اقدیمده درج
ایدیلان جدولده کورلمش اولمغله بوراده بنی امیہ خاندانی
انسانیله بو خانداندن شامده خلافت ایدن افرادک اسامیسنی مبین
اولتی اوزه دیگر برجدول مختصرک درجی مناسب کورلمشدر .

ابن اعصاب

حکیم

حزب

ابو سفیان صحیح

یزید

معاویه ۱

یزید ۲

معاویه ۳

عفان

حذیرت عفان

عاص

سعیل

عبدالمطلب

خلاد

محمد

عبدالمعز

عبدالمطلب

عمر

عمر ۸

هشام

۱۰

ولید

۶

سلیمان

۷

یزید

۹

مروان

۱۴

المدائس ابو یحییٰ بن ندین
ظهور المشرق

ابراہیم

۱۳

یزید

۱۲

ولید

۱۱

حضرت معاویه غایت مقتدر و ذکی بر ذات اولوب كرك
 تلطيف و كرك انعام و احسان صورتيله پك چوق طرفدار
 پيدا ائلس و قدمای اصحاب كرام و پاخود اصلزادكان قريشدن
 بر چوغنی كندی طرفنه جلبه موفق اولمشدی باخصوص مصر
 و ایلدیکنه نصب ایلدیکی عمرو ابن العاص کبی دهات عربدن
 بر آدمك خدمته مظهر بولنیوردی . ابو سفیانك من جهة
 الزنا اوغلی اولوب معاویهك رسماً قرداشلغه قبول و نسیبته
 ادخال ایلدیکی زیاد بن ابوسفیان عراق و ایلدیکله عموم ممالک
 شرقیه به نظارت ایدرك خون علی انتقامنی آلمق ایچون دهسا
 اوزمادن ظهوره باشلابان فتنه لری و خوارج غانه لرینی منعه
 خدمت عظیمه کوسترمشدر .

غوازل داخله نك ختاميله معاویه شرق قیصر لکیندن
 اخذ ناره دخی قیام ايله حضرت حسین بن علی دخی داخل
 اولدیغی حالده عربك الك کزیده عسکری و الك اصیل شیباندن
 مرکب بر اردوبی اوغلی یزید و زیاد بن ابوسفیان اداره لرنده
 اوله رق قسطنطنیه محاصره سنه اعزام ائلس و مع مافیه شهرک
 متازت استحکاماته و بعد مسافیه مبنی موفقیت حاصل اوله میوب
 عودت ایدلمشدر حضرت خالد ابویوب انصاری بو محاصره ده
 نوش باده شهادت ائلمشدر . معاویه آل هاشم حقنده حسن
 معامله ده بولتمشده مدینه و الیمی مروان بن الحکم واسطه سیله
 حضرت حسنی ذوجه سی جعهده مسموماً شهید ایتدیرسی کندیمیسی

ایچون بریوک لیکه عد اولمیلیدر مع مافیہ دور معاویہ ده عموماً
اسکی سطوت اسلامیہ عودت ایدرک آفریقایه دخی سفر ایدیلوب
طرابلس و تونس حوالیدی تماماً تخت اطاعتہ آلتش و اوراده
اسلامک مرکزی اولیق اوزره قیروان بلده سی معاویہ نك امریله
بنا ایلشدرد .

آل هاشمک معاویہ به اطاعتی برینه کسه بی استخلاف ایتیدرک
امر خلافتی شورایه بر اقی شرطیله اولوب معاویہ ایسه
حال حیاتنده اوغلی یزیدی استخلاف ایلکه تصدی ایلش و یزید
اساساً قبیح المنظر اخلاق سیئه صاحبی و مراعات اسلامییه
رعایتی ناقص بر آدم اولوب فردو احدک محبتنه مظهر اولمیدغندن
بوندیری عموم آل هاشمک محالقتیله قارشولمش ایدی مع مافیہ
معاویہ بعض اکابر مکة و مدینه نك مخالفتلرینه باقیوب عموم
ولایاتی اوغلنه بیعت ایتدیرمکه و فاتنده خلافت اوغلی یزید
اوله قالمشدر .

معاویہ نك شامده خلافتی اون طقوز سنه اولوب هجرت
نبویه نك التمش برنجی سنه سنده وفات ایلشدرد خلعادن اولامکلف
سرای بنا و انشا و دیوانخانه و طواشی انخاز و استخدام ایدن
ووالحاصل آثار و علام سلطنتی تأیید و تزید ایدرک ولایات
اداره سنی موالی و قضات و خطبا نصیبیله بر صورت منتظمه به
افراغ ایلان مشارایه اولوب و ایلدی زماننده قبریس و خلافتی

زماننده دخی آفریقاده بعض یرلر ایله ماوراء النهر جهتملری
ممالک اسلامییه قائلشدر .

یزیدك خلافتی بین الاسلام بر تفرقه جدیده بی موجب
اوله رق عراق اهالیسی حضرت حسین بن علی بی خلافتنه
انتخاب ایله کوفه یه دعوت انلشدر و حرمینده ده بو خلافتك
تصدیقندن امتناع ایدلمشدی مع مافیه حضرت حسینك افراد
خاندانیه برابر کوفه یه دخولی یزیدك مقابله سنه کوندردیکی
عبد الله بن زیاد بن ابو سفیان طرفندن منع ایدیلوب معیتله
کربلا جوارنده صومرز بر محله صقشدیرلمش و عراق اهالیسنك
دخی ثبات و متانتلری سیئه سیله التمش بر سنه هجریه سنه
وقعه دلسوز کربلا وقوعه حضرت حسین واک کزیده اقارب
و تابعی و اصل مرتبه شهادت اوله رق اولادندن ساده امام
زین العابدین بر حیات قالمشدر . بو صورتله عراق یسه یزیدك
حکمنه کچوب مدینه منوره دخی مخالفتنه جزاء شام عسکری
طرفندن یغما ایدلمشدر . مع مافیه جاز شامیون تحکمنی قولایلقله
چکه میدرك پک آز وقت صکره مکده عبدالله بن زبیرك خلافتی
اعلان اوله رق یزیدك وفاتنی متعاقب عموم عربستان و عراق
و ایران جهاتی مشارالیه عبد اللهك اداره و خلافتنی قبول
انلشدر .

عبدالله ابن زبیر هر فرصتدن استفاده طریقنی یلمور اذکیای
عربدن اولوب اسکیدن بری حرص شهرته معروف ایدی چل

وقعه سنده پدربنی مخالفته تشویق ایدنلرک برنجیسی اولدیغی کی
 اندن صکره ده تمامدیا بنی امیه خلافتده بولنش و حضرت حسینک
 شهادتی خاندان رسوله امامته مقتدر آدم براقبوب اولاد سائره
 علیه عراقه یا بلغله حال عمومیدن انتهاز فرصت ایدرک مکة
 مکرمه ده تأسیس خلافت ایلشدر . یزیدک وفاتیه مقامنه جلوس
 ایدن اوغلی معاویه حیت اسلامییه صاحبی و محب آل رسول
 بر ذات اولوب برفایح آی صکره خلیفه تعییننی امته حواله ایله
 استعفا ایلکله برآرلق عموم ممالک اسلامییه نک عبدالله ابن زبیر
 اداره سنده اتحادی مأمول ایدی اکر عبیدالله بن زیاد و امثالی
 اعظم اموییه نک عبدالله ابن زبیرک انتقامندن قورقورلی
 اولسه بلکله خلافت اموییه خاندانی لندن چیقاردی فقط
 بو قورقونک الجاسی و شامه کلش بولنان مروان ابن الحکمک
 عبیدالله بن زیاد ایله اتفاتی نتیجه سی اوله رق صنایید بنی امیه نک
 اتفاتی آراسیله مقام خلافت مروان بن الحکمک توجیه
 قلندرق انکده یزیدک کوچک اوغلی خالدی استخلافی شرط
 و فاصله سلطنته ختام ویرلیدی . مروانک مالیکی شام
 و فلسطین دن عبارت اولوب ممالک متباییه عبدالله ابن زبیرک
 اداره سنده ایدی مروان سلطنته مشروعیت تامه ویرمک ایچون
 یزیدک حرمنی دنخی تزوج ایلشدی و برسنه دن آزاولان مدت سلطنتی
 متعاقب خالد حقارت ایلسنه دن طولانی ذوجه سی طرفندن
 اتلاف ایدلکله خلافت و سلطنت عمومک اتفایله اوغلی عبدالمکله

قالدی و سوریه ایله مروانک عبدالله بن زبیر یندن نزع ایلدیکی
مصر اهالی بی مشارالیه بیعت ایلدی .

عبد الملك ملوك امويك انك بوكرندن اولوب خبلی
اوزون اولان مدت خلافتنده برچوق غوائل داخله بی دفعه
موفق اولمش و دور فتوحات اسلامیه بونك عهدنده یکی باشدن
كشاد اولمشدر . عبدالله بن زبیر مسئله سنك و مختارك خروجی
غاله سیله عمروان سعید عصبانك دفعنه موقیت عبدالملكی انك
بختیار حكمدارلردن عدایتدیرسه سزادر .

عبد الملك جلوسيله برابر عراق حوالیسنك عبدالله بن
زبیر یندن نزعنه عنیمت ایدرك شامده عمرو بن سعید نام ذاتی
وکیل براقشدی فقط عمروان سعید درون قلعه ده تحصن و
طرفدار پیدا ایدرك اعلان خلافت ایدوب كندوسنه خلبه ده
امر مشكل اولدیغی كوزلدیكنندن اولا عبد الملك مومی ایمله
سلطنتده شركتی قبول ایدوب قلعه شامه داخل اولدقدنصكره
رقیبی برتقریب ایله قتل ایتدیرمشدر .

عبدالملك برادری محمدك و امرادن عبیدالله بن زیاد و حجاج
بن يوسف الثقفی كبی ذوانك همتلریله عراقی استیلایه موفق
اولمشه ده مختارك خروجی او حوالی بی بنه مصائب حربیه نك
انواعنه گرفتار اولمشدر . مختار بن عبیدالله الثقفی خاندان علی
منسوباتندن و كوفه اهالیسندن اولوب التمش التي تاریخنده
حسین شهیدك قانی دعواسنی طلب انلك اوزره كندیسنه بیعت

ایتدیره رك بجم غفیر ایله امویه اوزرینه خروج ایلشدی مختارك بوقان
 دعواسی طلبنده وافر مبالغهسی اولوب وقعه كربلايه حدندن
 چوق زیاده بروسعت ویرك وایلروده كوريله جکی اوزره
 عراقده بوبایده پیدرپی اذهان اهالی به برلشان مغالطاته استناد
 ایدرك ایتدیکی خسار قلاماش وعلی روایه یتمش یكدن زیاده
 آدم اتلاف ایدرك ابن زیاد و شمر ابن ملجم و سائر وقعه كربلايه
 دخلی بولنان رؤسای امویه نك جمله سنی قتل و اعدام ایتدیرمشدر .
 مختار غائله سنك اندفاعنی متعاقب عبدالملك عبدالله ابن زبیر ایله
 جداً اشتغاله وقت بوله رق حجاجی مکه اوزرینه سوق ایلشدر .
 حجاج كرك بوسفرده و كرك اول و آخر بیك درلو مظالم
 و اعتسافات ایله شهرت كسب ایتش و ظالم لقبنی بحق قزائمشدر
 مومی الیهك مدت عمرنده الی باغلی اوله رق یوزیكرمی بیك
 نفری اعدام ایتدیردیکی صورت موثوقه ده مروی اولوب
 محاربانه تلف ایتدیردیکی یوزیكر بو حسابدن خارجدر . مع
 مافیه كندیسی دهات امرادن و امور حریده مهارت و شجاعت
 فوق العاده اصحابندن اوله رق عبدالله ابن زبیر طرفداران و
 امراسنی دفعاتله مغلوب ایلدكدن صكره مشارالیه خلیفه بی مکه
 مكرمه ده محاصره ایدرك بر مدت صكره شهری هجومه استیلا
 و محاربه ده شهید اولان عبداللهك جسدینی صلب و تشمیر ایله
 طرف مغلوبه ایتدرك حقارت و اذیت بر اقامشدر . بو محاصره ده

كعبة مكرمه خراب اولغه حجاج طرفندن يكيدن ونسق قديمي
وجهله انشا ايتدبرلمشدر .

ايسته بووجهله عموم ممالك اسلاميه بيه عبدالملك اداره سنده
وبني اميه ينده اجتماع ايدرك و اسلامك وحدت سياسييه سي
اعاده اولنه رق عبدالملكك مركز حج اسلامي قدس شريفده بنا
ايتدبرديكي قبة الحضرايه نقل ايدرك كعبة معظمه نك اهميتني اذاله
الملك امليله وقوع بولان تشبث نامشروعى حكيمسز قالمشدر
عبدالله ابن زبيرك نهايت خلافتيله خاندان امويه نفوذ و قدرت
قديمه سني اعاده ايلديكندن جيوش مظفره اسلاميه بيه هر طرفندن
توسيع ممالك بولنده موققيات عديده بيه نائل اولغه باشلامشدر .

فصل نالت

اسلامك دور ثاني اتحادى

۱

فتوحات امويه

فتوحات امويه دورينك كشادى. شرق فيصر لغيله محاربات. عبدالرحمن بن
الاشعث. آفريقا فتوحاتى. خلافت وليد اول. اندلس سفرى. موسى بن
نصير وطارق بن زياد. اندلس فتحى. اندلسه عرب اداره سنك صورت
تأسسى. طارق و موسى نك عاقبتلىرى. تركستانك فتحى وقتيه بن
مسلمه. هندستان فتوحاتى. وليدك صورت اداره سى. خلافت
سليمان. قتيبه عصبانى. ارمنيه و قفقاسيه فتحى. خلافت عمر
ابن عبد العزيز. اخلاق و طبيعى. صوك خلفاى امويه.
اسپانيه عربلىرى؛ امارت عبد الرحمن و فرانسه
سفرى. غوائل داخله.

عبدالله ابن زبير حضرت تولى نك شهادتلىرله خلافت اسلاميه نك
عبد الملك عهده سنده تقررى عربلك برمدتدر منازعات داخله يه
چورلش اولان سيف سطوتلىرى يته فتوحات خارجيه جهته
اماله ايدرك حضرت عمر ك دور فتوحاتنه بحق ثاني عد اولنه
يله جك بر عهد موقىياتى كشاد ايلشدر.
اسلامك محاربات داخله سى اثناسنده روملر سوريه يه

قدر تجاوز ایدرک دولت امویہ بی تضییق و حتی بہر ہفتہ بیکر
دینار نسبتندہ برور کویہ بیلہ ربط ایلش اولدقلرندن عبد الملک
اول امرده شرق ایمپراطورلغی اوزرینہ سفر ایدرک آسیای
صغرانک ارضروم طرسوس و مرعش شہرلرینی حاوی برقسمنی
فتح ایله لایقیلہ اخذ ناز ایلشدر .

ایرانک قحقی اثناسندہ عرب اردولری ماوراء النہردہ ساکن
بولنان ترک اقوام شجیعہ سیلہ قارشولاشمشلسدہ حضرت
عمرک وفاتندن صکرہ او طرفلرہ سفر ایدلمدیکندن عربلر ترکستانہ
تجاوز ایلش و حتی غوائل داخلہ زماندہ ترکر ایرانہ تجاوزہ
بیلہ باشلامشردی . عبد الملک طرفندن عراقی و ایران والیسی
نصب اولنان حجاج ترکستان استیلاسی ایچون عبد الرحمن بن
الاشعث نام ذاتی اعزاز ایدوب مشارالہ خیلی موفقیاتہ نائل
اولہرق قطعہ مذکورہنک فتحنہ مبادرت ایلدی فقط عبد
الرحمنک بر محاربه دہ مغلوبیتی و رجعتی اوزرینہ حجاج طرفندن
شدتلہ تکدیر ایدلمسی کوجنہ کیدوب اعلان عصیانہ عراقہ
یورومسی و کوفیہ کلہرک خلقی کندیسنہ بیعت ایتدیرمسی
اوزرینہ یوک برغانہ دہا چیقوب اول امرده عبد الرحمن
حجاجی دفعاتلہ و علی روایۃ سکسان دفعہ مغلوب ایدرک ضبط
حکومت ایلسنہ رمق قالدیغی حالہ ینہ حجاج ثبات و متانتی
نتیجہ غلبہ بی کندیسنہ تأمین ایلش و عبد الرحمن ایله طرفدارا
ندن یوز بیکرچہ آدم حجاجک امربلہ مقتول اولمشدر .

عبد الملک او اخر سلطنتی آفریقاده دخی فتوحات عظیمه نك
 مبدائی اولمشدر . مصر والیسی بولنان موسی بن نصیر جسم
 براردو ایله تونسك غرب طرفلرینه سفر ایدرك بربرلك هیئت
 متقه لرینی تارومار وبالجمه عصمت و بلادی اخذ واستیصال
 ایدرك تاصحرای کبیره قدر نشر هدايت ایلشدی . عبد الملک
 وفاتیه لرینه اوغلی ولید اولك جلوسی زمانده موسی بن نصیر
 فاس طرفلرینی استیلا ایله مشغول بولونیوردی .

ولیدك اون سنه دن عبارت بولنان دور خلافتی (۸۶-۹۶)
 كثر فتوحات جهتیله همان عهد فاروقیه معادل اولوب
 فاس و اسپانیا و تركستان قطعه لری بو خلیفه نك زمانده لواء
 الحمد محمدی الله کیرمشدر .

آفریقاده موسی بن نصیر عموم فاس قطعه سنی استیلا ایله
 ساحل بحر محیطه قدر ایصال کلمه الله ایلدك دن صكره اندلس
 سفرینك اجراسنه عزیمت ایتمشدر . او وقت اسپانیا ده حاکم اولان
 غوث حكومتی ایکی عصر تحکمدن صكره برطاقم مس-اوی
 اداره ایله بنیان سطوتنی اخلاص باشلامش و باخصه -وص قرال
 رودربقك بعض اوضاع محترانه سببه امراسی بینده فساد
 و اخانت افكاری القا ایلشدی بو قیلدن اوله رق سببه بوغازی
 جهتلرینك حاکمی اولان قونت جولیانوس قرال دن کوردیکی
 برحقارتك انتقامنی المی اوزره موسی ابن نصیره خبر کوندروب
 اسپانیایی استیلایه دعوت ایلش و موسی اول مملکتك حالنی

تحقیق ایچون معیندن طریف نام ذاتی حالاً طریف تعبیر اولنان
جهته کوندر دکن صکره کوله سی طارق بن زیادى مکمل بر
قوه عسکره ایله اسپانیاه سوق ایلشدر . (۸۹)
طارق ایوم کندی اسمنه نسبتله جبل طارق تسمیه اولنان
محل متینه چقبوب اردو کاهنی قورمش و قره به قریب بولنان
جزیره الحضرایی اس الحركات اتخذیه اكمال تدارکات ایلدکن
صکره جولیانوس ایله متفقاً حرکتله مدینه سدونیه (سجونه)
شهرینی استیلا و بعده بوزیک نفر غایت منتظم براردو ایله
مقاومتنه کلان قرال رودریق دخی شریش (Xeres de la -
frontere) محاربه سنده صورت قطعیده مغلوب و قرالی قتل
واتلاف ایدرک و بومغلوبیتک اسپانیاده کی غوت امراسنه ابراث
ایلدیکی شاشقنلقدن استفاده ایلدیرک اندلسک فتحنه مباشرت
ایلشدر . بومظفردن خبردار اولان موسی بن نصیر کوله سنک
موقیاتی بر درجه به قدر نظر حسدله کوره رک کندیسنک
ورودینه قدر محاربه ایلامسی امرینی کوندر مشسه ده معاملات
حریه نک تأخیری کندیلرینه شاشقنلق عارض اولان غوت
امراسنک امر مدافعه ده اتحاد لرینی موجب اولدجغندن طارق
عدم اطاعته مجبوریت کوره رک تجاوزه ایتدارله برچوق حصون
وقلاعی و نهایت غوت حکومتک پایتختی اولان طلیطله (طولدو)
شهرینی دخی تسلیماً فتح ایلشدر . کرک طلیطله و کرک سائر
قلاعک تسلیم لرنده طارق عموم خرسیتیان اهالی به حسن معامله

ایدرك هر كسك آيين مخصوصنده سربست اولوب كسه نك
تبدیل مذهبه اجبار ایدله چكنی و خرسیتانلر ساده خراج سنوی
ایله مكلف اوله رق اسلامی قبول ایدنلرك طبیعی خراجدن
معاف اوله جققرینی اعلان و بیان ایله شمدی به قدر معاملات
حریده بو قدر اعتدال ممکن اولدیغنی خاطر لرینه بيله كتیر مامش
اولان خرسیتان اهالی به فاتحلر و حتی دین مبین شمدی به محبت
ایتدیرمشدر . ابرنسی سنه موسی دخی آفریقاده اوغلی عبد
العزیزی بر اقارق اسپانیاه کچوب اشبیلیه بلده سیله لوزیتانیاه
واسترامادوره قطع لرینی و الكمتین قلاعدن اولان مریده قلعه سیله
برچوق حصونی فتح و حتی مریده ده رودریقك زوجته سی
قرالیچه ایلابی دخی اسپانیلشدر بوندنصكره طلیطله به عزیمت
ایدرك طارق ایله ملاقات ایلشدر .

موسی نك طلیطله ده طارق حقنده اختیار ایلدیکی معامله
نامناسبه بی حرص پیریدن بشقه برشینه عطف مشكلدر . طارق
طلیطله ده غوث قرالرینك خزاننده دسترس اولمش اولوب
بونلر میاننده حضرت سلیمان زمانندن قاله اوتوز التی ایاقلی
و غایت قیمتدار اجماردن معمول برمانده سلیمانی ناملی ماصه
موجود ایدی موسی بوماصه بی خلیفه به کوندرك اوزره
طارقدن الوب کویا بریاغی اكسك بولمسنی طارقك ارتكابه
حل ایدرك بوفاتخ غیوری منصبندن عزل ایله علی ملا الناس
تحقیر و زنجیرله بند ایتدیرمشدر . مع مافیه بومعامله نالایقه

هرکسک اغبرارینی موجب اوله‌رق ایش خلیفه‌یه عکس ایلدیکندن ایکی قوماندانک حسن آمیرنش ووفاق اوزره بولملری امر ایدملکله ایکیسی متفقاً حرکت ایدرک از وقت ظرفنده شمالدهکی استوریه طاغری مستنفا اوله‌رق فرانسه حدودینه قدرکافه شبه جزیره‌ی استیلا ایلشلدردر فقط موسی‌نک حرص پیریدن متولد خرچنلغی بنه طارقله آره‌لرینک آچلمسنی موجب اوله‌رق ایکیسیده لاجل المحاکمه شامه جلب و مؤخرأ موسی‌مأموریتنه اعاده ایلدیسده کندیسنک فرانسه وایتالیایی استیلا ایدرک شمالی اروپا طریقله قسطنطنیه‌ی استیلا حقدنکی تصویریه صورت آخرله اکلادلدیغندن ابن‌نصیر کمال حقارتله شامه جلب و اسناداتک عدم صحتی تبین ایلدکدن صکره عفو ایلدیسده آرتق مأموریتنه اعاده ایلدیله‌رک اسپانیا و الیدیکی اوغلی عبد‌العزیزه توجیه اولندی . بوضورتله امت اسلامییه اسپانیا کی برقطعه عظیمه قزاندروش اولان موسی بن‌نصیر و طارق بن‌زیاد کبی ایکی امیر اصابت تدبیر خدمتترینک قدری تقدیر ایدمک شویله طورسون بالعکس تذلیل و تحقیره دوچار اوله‌رق متهم و عاتب اولدیله و محل فتوحاتلرندن پک بعید محالرده مهجوراً ترک حیات ایلدیله .

اسپانیا قطعه‌سی اندلس نامیله خلافت اسلامییه‌نک برولایتی تشکیل ایلشدی فاتحان اردوسنی تشکیل ایدن شامیلر فلسطینیلر مجملر یمنیلر جازیلر و سائر دن هربری برولایتی کندیله‌رینه

وطن اتخاذ ایدرک و مذهب بلینده تعرض ایلدکسزین برلی خرسیتیا۔
 نلردن قیزل الارق اندلس عربلرینک اساسنی وجوده کتیردیلر
 هریر اهاالیدی اساساً بشقه برملندن اولمی ایلروده طوائف
 ملوک تحذینی تسهیل ایدن احوالدر بولندیغنه شهبه یوقدر۔
 عربلرک تأسیس ایلدکری اداره عادلانه و احرارانه و اعلان
 ایتدکری سربستی و جدان و ادیان تأثیریه اقدیجه فرار ایدن
 خرسیتیان اهالی فوج فوج عودت و هر طرفدن انواع ظلم
 و تعدی کورن موسویلرده اسپانیایه آقین ایتدکری کبی پیدرپی
 آفریقادن و عربستاندن برچوق بربر و عرب کلدرک اندلس
 اجناس مختلفه دن ملیونلرجه اهالی بی جامع و هر قومک کندیسنه
 خاص اولان دهسا و استعدادی سایه سنده ترقیات مدنییه
 اسبابنک چله سنی حازر برولایت معموره حالنه کلدی ۔

غریبه موسی بن نصیر و طارق فاس و اسپانیایی قبح ایلدکری
 سردهه عبدالرحمن بن الاشعثه خلف اولان قتیبه بن مسلمه
 دخی شرقده خلافت اسلامییه حدودینی توسیع ایله مشغول
 بولونیوردی ترکستان فتوحاتی حقیقتاً یک مشکل اولوب جسارت
 و جندیلکده عربلردن بروجهاه کری قالیسان ترک جکاورلری
 استقلالرینی کرچکدن قهرمانانه بر صورتله محافظه به چالشد۔
 قلی حالده بنه دین مبین محمدینک مجاهدین اسلامییه و یردیکی
 قوه فوق العاده قارشوسنده مقاومتلری ثمره سز قالمشدر۔ فتوحات
 اسلامیدنک ک مشکلرندن اولان ترکستان فتحنده علوقدر و

ہمتی کندیسی بحق ال بیوک امرای عسکر یہ میانندہ بر موقع
 ممتازہ نائل ایدن قتیبہ ولیدک زمان خلافتندہ خوارزم و ماوراء
 النہر و ترکستان چینی جہتترینی فتح و بختارا سمرقند خوارزم
 خجند کبی نیچہ بلادی استیصال ایدرک کاشغرہ قدر ایصال سلاح
 سطوت ایش و جنوب طرفندہ کابل شہرینی دخی ضبط ایلہ
 ہندستان حدودینہ یا قلا شمشدر • قتیبہ چین دولت عظیمہ سنی
 بیلہ تہدید ایدوب خاقان چین روی اطاعت کو سترہ رک و ورکو
 اعطاسنہ راضی اولہ رق دفع صائل ایدہ بیلشدر • ہندستاندہ
 سند نہرینک طرفینی و پنجاب قطعہ سیلہ بکرات شبہ جزیرہ سنہ
 قدر ممتداولان حوالی دخی ولید زمانندہ ممالک اسلامیہ اجزای
 متمدن اولمشرد •

ولید دوری خلافت امویہ نک ال پارلاق زمانیدر واقعا
 ادارہ جدیدہ نک طرز وحالی و ممالک وسعتی و سائر برچوق
 اسبابدن طولانی احوال عمومیدہ حضرت عمر دورینک صفوت
 وعدالتی آرائسقی قابل اولہ مزدی فقط بعض مناسبتسزلکار
 موجود اولمغلہ برابرینہ دولت اسلامیہ حسن ادارہ جہتیلہ
 دول معاصرہ نک جہلہ سنہ فائق اولوب اگر آئیدہ کورہ جگمز
 فرقہ مخالفہ انتریقہ لری ملت موحدہ نک اخلاص استراحتنہ
 مسارعت اتمامش اولسہ بوسعادت عمومیدہ و خواہش فتوحات
 ایلہ لوای محمدی دہا چوق اوزاقرہ کیدہ جکی درکار ایدی •
 ولیدک خلقی سلیمان بن عبدالملک دخی جیتلی وغیور بر خلیفہ

اولوب ایکی بچق سنه به بالغ اولیان زمان اداره سنده ینه خیلی فتوحات وقوع بوله رق اوزمانه قدر اسلامه اطاعت ایلیان و بحر حزرک جنوب ساحلی بونجه تمتد اولان جرجان و طبرستان و لایاتی انک عهدنده قطعاً ضبط ایدلمش و محمد بن مروانک عبدالملک زمانده باشلادیغی ارمیه و قفقاسیه فتوحاتی دخی اکال قلندر ق بمالک اسلامیه طاغستانه قدر توسیع قلمشدره .
فانح ترکستان قتیده سلیمانک خلافتنه معارض بولنهرق عصیان ایلکله سلیمانک امریله قتل ایدلدیکی کبی اسپانیا و الیسی عبدالعزیز بن موسی دخی خلق پلنسنده قراندیغی حسن صیت ایله بعض تلاشی داعی ورودریقک ذوجه سی قرالیجه ایلا ایله ازدواجی برطاقم شهباتی موجب اولغله خلیفه نک تنسییله چقان برشور شده قرطبه ده قتل ایدلمشدره .

سلیماننه خلف اولان عمر بن عبدالعزیز بن مروان خلفای امویه میاننده خلفای راشدین اثرینه سلوکه تمیز ایلش برذات عدالتسماتدر عمر عبدالملک و ولید زمانلرنده حرمین و الیسی اولوب آل هاشمی صیانتدن طولایی عزل ایدلمشدی خاندان آل رسوله محب برذات اولوب خلیفه اولنجه جامع شریفده منبره چیقوب اولا کندیسنی خلافتدن اسقاط ایله نامی ایستدک لری آدمه بیعتده مختار براقش و عمومینه کندیسنی بومقام جلیله الیق کورمسی اوزرینه کمال عدلته اداره اموره باشلامشدره . او زمانه قدر آل رسوله بعض مقامات رسمیه ده حقارت ایدلمک

معتاد ایکن عمرو عادات کریمہ بی لغو ایدرک بنی ہاشمی ہر درلو تعقیباتدن تخلص ایلش و سرایندہ نقدر ذی قیمت اشیا و ارایسہ جہلہ سنی بیت المالہ کوندرہ رک کندیسہ شیخین حضراتی کبی فقیرانہ و فنا عنکارانہ پکنمکہ باشلامشدر . مناقب جلیلہ سی پک چوق اولوب تفصیلنہ بجم کتاب مساعد دکدر . عمر ابن عبدالعزیزک ادارہ سی پک عادلانہ اولغلہ برابر براز کوشکجہ اولوب امور ناس ایله اشتغالی خارجدہ فتوحاتہ محل برافماش و آل ہاشم حقندہ و بردیکی سرستی مبحث آئیدہ کوریلہ جک برطاقم فساداتک میدان المسنہ سبب اولمشدی کہ بونک نتایج و خیمہ سی صکرہ کورلمشدر .

عمر دن صکرہ صرہ سیلہ یزید ثانی بن عبدالملک، ہشام بن عبدالملک، ولید ثانی بن یزید بن عبد الملک، یزید ثالث بن ولید بن عبدالملک و ابراہیم بن عبد الملک حکومت ایدوب نہایت خلافت دعواسیلہ ابراہیم علیہنہ قیام ابدن مروان الحمار بن محمد بن مروان موفق اولغلہ سلطنت مشارالہ مروان ثانی بہ پکمش و عباسیلرک اخذ سلطنتہ موفقیتلری انک زمانندہ وقوع بولمشدر . بو خلیفہلر زمانندہ بعض داخلی قاریشقلقلر وقوعیملہ دولتک قدرتی خللپذیر اولمشدہ ینہ ابواب فتوحات بسبتون قیامامش وسطوت اسلامیہ دول متجاورہ نک جہلہ سنی دترنمکدہ بولمشدی حتی ہشام زمانندہ اندلس والیسی نصب اولنان امیر عبدالرحمن بن عبداللہ الغفکی تدارکات کلید ایملہ فرانسیہ بہ تجاوز

ایدرک غاسقونیا و آکیتانیه ده بر چوق قلاع و حصونی ضبط ایله
شماله طوغری هجوم ایش و کتاب آئیده کوربله جکی اوزره فرانق
حکومتی مابوردومی شال مارتله پواتیه محاربه سنده مغلوب اولسی
بوسیر فائحانه بی طور دیرم شدی . پواتیه محاربه سنده اسلامک مغلو-
ییتی کثرت غنائمدن ایلوو کلدیکی محقق اولوب مع مافیله فرنک
مورخرلینک بومحاربه یه ویردکاری اهمیت هر حالده پک زیاده
غلو افکار نتیجه سیدر چونکه شارل مارتل موقعتندن استفاده
ایدرک اسلام یندنه کی قلاع دن هیچ بریسنی استردادده موفق
اوله مامش وحتی کندیسیده اردوسنک مظالمندن بیرار اولان
خرستیان اهالی طرفندن طرد ایلمکله فرانسه نك جنوب غربیسی
برخیلی مدت دها عربلر یندنه قالمشدر .

خصوصات بھوئندن اکلاشلدیغی وجهله دور امویده
اسلامک غیرت جهانگیرانه سنه هیچ خلل کلامش اولوب حتی
مروان الحمار کبی جسارت و شجاعتی و پدرندن موروث درایت
حر به سی کر چکدن فوق العاده بر خلیفه نك انضمام همیثله اسلام
ایچون دهاپک بیوک موقعیات مأمول ایدی شو حالده فتوحات
اسلامیه بی طور دیرن وقعه پواتیه محاربه سی دکل خلافتک عبایه
سیلره ایتمالیدر دینلک دها مناسب اولور .

۲

خلافتك عباسيله انتقالی

امویه خاندانك اسلامه خدمتی . بو خدمتك تقدیر ایدلامسی اسبابی .
 خاندان علی . امام لر . شیعیت مقدمانی . آل عباس . امویه علیه
 انترقه لر . محمد و ابراهیم عباسی . ابامسلمك خروچی .
 ابو العباس السفاح . عبدالله بن علی . مروانك انبرای
 و ابوالعباسك خلافتی . بنی امیهك قتالی . بو انقلاب
 سلطنتك اساسی . ابو جعفر عبدالله المنصور
 اندلس دولت امویه سی . عبدالله و ابا
 مسلمك انلاقی . منصورك ترقیات
 مدینه جه خدماتی . بغداد .

امویه افرادی اکثریت اعتباریله دین اسلامه مسابقت
 شرفنی حازر اولیوب برخیلی مدت كفر و عنادده اصرار
 و نهایت فتح مکه ده مجبوراً دین مبین محمدی بی قبول
 ایلدکری حالده دهها زمان رسالته بیله اسلامه خدمت خصو-
 صنده پك بیوک بر غیرت کوستر مشلر و کرك حضرت رسول
 اکرم و کرك شیخین حضراتی طرفلرندن الك معتنا مأموریتلرله
 تلطیف اولنمشردی ، عمومیت نظر دفته آنورسه دهایی حرب
 و کار آکاهلق بو خاندانده نجمع ایلش کبی اولوب قبریس
 و آسیای صغرانك بعض اقسامیله ارمنستان و قفقاسیه و جرجان

و طبرستان و ترکستان و تونس و جزایر و فاس و اسپانیا و سند و طخارستان و خوارزم کبی برچوق ممالک بوخاندان افرادی طرفندن و یا انلرک نظارتی تحتسده اوله رق فتح ایدلمس و بنی امیه بری معاویه و بری ولید و بری سلیمان زماننده اوج دفعه قسطنطنیه بی دخی محاصره و تضييق ایدرک شرقی رومانک انقراضی اتمام ایلسنه رمق قالمشدی . حضرت عمرک وفاتنی متعاقب ارتداد ایدن ایران ینه بوخاندان افرادی غیرتيله دین مبین محمدی بی قبوله اجبار قلمشدی . مدت اداره سی یوزسنه یه بالغ اولیان و بونک قسم کلیدی غوائل داخلیه ایچنده پکن بر خاندان ایچون بوقدر موقیبات آز کوريله چک برشی دکلدی مع مافیله ینه ممالک اسلامیه ده بنی امیه نلک دشمنلری دوستلرندن زیاده ایدی .

امویه یه اولان خصوصتک اسبابی متعدددر اولان بنی امیه نلک اسلامی و بانخاصه سفیانیه و مروانیه عائله لرینک اهتداسی کرهی کبی برصورتله واقع اولسی بونلری هرکس نظرنده شبهه لی بولندیر یوردی ثانیاً بونلرک اسلام ایچون غیرتيله برابر کندی منفعتلرینده بک زیاده نظر دقتده طوتدقلری کوریلدیور و بو حال شیخین حضراتنک کرچکدن خارق العاده اداره پدرانلرینه آلمش اولان اهالی نظرنده چرکین کوریندیوردی مثلاً معاویه نلک سلطنت و خلافتی کندی خانداننده تأمین ایچون حضرت علی یه قارشو طغیان و مؤخرأ حضرت حسنله عقد ایلدیکی

مقاله احكامنى بوزسى هر كسك كوزينه باتمشدى . اموبه نك
 حقوق مكنتس به لرېنى و مملكتك آسايشنى وقايه ايچون
 طبعى اولان حر كئلى بيله انفعال عمومى نك زايدينى بادی
 اوليوردى . حسنين افديلر من حضرتك بر صورتله وقوع
 شهادتلى و بو اغتشاشات آره مننده خاندان رسولدن
 برچوغنك مغدوراً اتلافي وبا خصوص كنديلرينه ايصملىرى
 ممكن اولديغنى اموبه نك دخى بيلديكى هاشمىلر حقننده انخاذا
 اولنسان بر طاقم تدابير انضباطبه نك اعتمساف درجه سنى
 بولمىله بعض تاديبات و مجازاتده مبالغه ايدلمى بو خاندانك
 اسلامته اولان خدمات عظيمه سنى ستر ايدرك ساده مساوى
 جهتنى انظار ناسده تشهير ايديوردى .

افکار عمومی که بصورتها منقسم بولند یعنی صرهرلده هرکسک
 نظر دقتی حضرت علی خاندان کرانه چورلمشدی حضرت
 علینک معاویه طرفندن گذر کوردیکی عموجه مسلم
 اولغله اولادواحقادینه برچوق آدملر طرفندن ورثه مشروعه
 خلافت نظریله باقمده ایدی بالک بوسررده بوخاندانک شکل
 وطرزنجده جالب دقت برتحول وقوع بولمشدی . کربلا وقعه
 متأسفانه سنی متعاقب عبدالله بن زبیرک مجازده تفردی خاندان
 رسولی عراق طرفلرینه سوق ایدرک کرک حضرت زین العابدین
 بن حسین وکرک اولاد سائره علی عراق ونجد وحتی ایران
 جهتلرینه یالیشلردی . ایران قطعه سی همان اضطراری برصورتده
 قبول اسلام ایدوب اسکی حسیات ملیه هنوز سونمیدیکسندن
 وبا خصوص ایرانیلرک کرک کندی استقلاللرینک محویته بادی
 اولان شیخین حضراتنه وکرک صکره ارتدادلرینی منع ویتلرنده
 سنیتی محافظه به اعتنا ایدن امویه خاندانسه خصوصتلی زیاده
 اولغله نظرلرنده بوانسابه معارض عدایلدکری حضرت علی
 خاندانسه کک ایران وکرک عراق حوالیسندن زیاده
 ربط قلب اولتمشدی . امام زین العابدینک والده سی مقتول
 یزد جردک قزی سلامه ویا شهربانو اولغله سلاله ساسانیده
 بوانساب دخی ایرانیلر نظرلرنده قیمتلرینی اعلا ایدرک ساده خاندان
 علیدن مرکب برسلسله قدسیت وجوده کتیر بلوب بونده کاملاً
 شیخین حضراتی و حضرت عثمان اونودلمش و مناقب جلیله

على ايله بر طاقم روايات قديمه ايرانيه برلشديريله رك عموم اذهانده
خاندان حضرت علي نك بر تاريخ نخيلي ترتيب اولمشدى . مؤخرأ
اسلام بينده بك چوق قان دوكلسنى موجب اولان راقه وشيعه
مذاهبى بو صورتده دها هجرت نبويه نك ايلك عصرنده كوك
صالحه باشلامشى .

عراق حواليسنده ويرانده حضرت على كرم الله وجهه
و حسين رضى الله عنه حضراتندن بدأيله اسلامه امامت
يعنى رياست روحانيه نك بابادن اوغله بو خاندانده انتقالى قبول
اولندرق خلفاى اسلاميه ساده ملوك مرتبه سنده طوبلقده و امور
دينده فضل و تقدم هر حالده امامه و برلمكده ايندى وقعه كربلا
دفعه كره دخى بعض اولادعلى علويلر ك بو حسياتنه مستندأ امويه
عليه قيهام ايشلر سده تملكه نك زده اولديغنى بيلن امويلر
سرعتله طاورانهرق تفرقه نك بيوم سنده ميدان و يرمامشردى
مع مافيه آرده دو كيلان قانر ايكي طرف آرهنده كى خصوصتى
كوندن كونه آرندر مقده اولوب بانخاصه دعواى خلافت
خصوصنك رجال مقتدره دن محروم اولان آل علي دن عمر سول
حضرت عباس خاندانته انتقالى ايشى بشقه بر نكه دوكلشدر .
امامت حضرت حسين دن اوغلى امام زين العابدين و اولادينه
انتقال ايشلر سده شيعه نظرنده بو خاندانك ك مقدس شخصى
حضرت علي نك محمد الاكبر نام مخدوم نك اوغلى ابو هاشم ايندى
ابو هاشم نجد حواليسنده اقامتله بين الشيعه بك بيوك بر حكم

و نفوذ مالک اولدیغی حالده خلافتده اولان حقوق خانداننی محمد بن علی بن عبدالله بن العباسه ترك ایلنكله عموم شیعه نظرنده و آل رسول نزدنده محمد وارث مشروع خلافت عد اولنش و اوده امویه خاندانك انقراضنی تسهیل ایده یئلك ایرانده قبار مغه باشلایان تفرقه استعداد لرینی آرئدر مغله اوله جغنی کوره رك ممالک شرقی دنك شیعیته اولان میل واستعداد لرینی تحکیمه و وارثی بولدیغی حقوق خلافت حقنده عمومی اقناعه صرف مقدرت ایلشدر . عمر ابن عبد العزیزك حلم اداره سی امویلر علیهنده ایدیلان انتزیه لره بریوک فرصت اولوب محمدك وفات دن صکره اوغلی ابراهیم هر کسی کندیسنه بیعتنه دعوتنه باشلامشدر .

مروان الحمارك جلوسنی متعاقب کرک خاندان امویه افرادندن و کرک سارهدن برطاقم ولانك دعوی استقلاله تصدی ایدرک هر طرفنده محاربات داخله دنك آچلمسی آل عباسه کوزل بر وسبله تعرض اولوب ابراهیم علناً دعوی خلافت ایلدیگی کبی خراسانده دخی ابامسلم نام ذات خروج ایله خلقی آل عباسه بیعتنه دعوت و خراسانك اداره سنی یدغصبنه آلاق ایران غربی اوزرینه تجاوز ایلدی عراقده ابوسلمه اخلال ایله طرفدارانی دخی بومقصدی ترویجاً رفع علم عصیان ایلدکری کبی ابامسلمه پیدرپی عموم ایرانی استیلا ایدرک عراقه یا قلاشمشدی مروان هر نقدر بر آره لقی ابراهیمی دردست ایدرک قتل ایتزدیسده عمومی ایله قبل الوقات خلافتی برادری ابو

العباس عبدالله السفاحه براقش وابوسلمه نك برآراهق خلافتی خاندان علی به توجیه تصوریه دوشمی ثمره سز قلمش اولدیغندن عموم شعبه و سائر اهل عراق کوفده ابو العباس عبدالله بیعت انیشلردن . ابو العباسك خلافتنه الزیاده یاردم ابدنلردن برسی دخی عوجه سی عبدالله بن علی اولوب بو ذات مروان الحمارى موصل جوارینده بر محاربه ده مغلوب ایدرک بالتعقیب شامی دخی استیلا انیش ونهایت ارض فلسطینه صوکه خلیفه امویہ بنی اردوسیاه شبحون و کندیسنی اعدام ایدرک شام دولت امویہ سنه نهایت ویرمشدی . مروانك وفاتی هجرتك یوزیکرمی سکزنجی سنه سنده اولوب بو وقع خلافتك بنی عباس یئنده تقریبی موجب اولمش و بحر محیط اطلسیدن ماوراء النهره قدر عموم ممالک اسلامیه عبدالله السفاحی خلیفه اوله رق طایمشدر .

عباسیلرک امویہ خاندانه فارشو معامله لری بحق الك چرکین افعالمندر ابامسلك الی باغلی اوله رق اولدردیکی آدملرک مقداری یوزیکره بالغ اوله رق ظلمی حجاج ظالمی کیروده براقدیغی کبی ایلک خلیفه عبدالله قان دو کچی معنانه اولان سفاح لقبی قرانشدر . عبدالله بن علی ایسه شامده امویہ طرفدارانه ایتمک اذاو حقارت بر اقبوب ولیدك انشا کرده سی و بمحصول دست بشر اولان آثار نفیسه نك الك کزیده لرندن بری اولان جامع امویہ بنی اخور انخاذایده جک درجدهده امویہ عنوانسه غیظ

و خصوصت کو سترمشدر . عبدالله شامده خاندان امویه دن
 طقسان نفرینی برضیافته دعوت ایدوب چله سنی سفرده ایکن
 اعدام ایدر مش وهنوز صغومامش اولان جسدلری اوزرینه
 کندی سفره سنی قوردیره رق کمال راحت وجدان ایله طعام
 ایتشد . امویه خاندان دن وبخالصه سفیایه مروانیدن قسم
 اعظمی بوضورتله مغدوراً مقتول اولوب برطاقیده اخفای نفس
 ایله تخلیص کریان ایده بیتشدر بو انقلاب سلطنتک اسامی تأمل
 ایدیلورسه ایرانک و ایرانیلکک اسلامیته و خصوصاً عرب ادا.
 ره سنه قارشو بر حرکت استقلالجویانه سی اولدیغی کوریلورجداً
 عرب اولان و عرب عادات و مشوارینی مهما امکن محافظه یه اعتنا
 کوسترن امویه خاندان ایله هر حال و حرکتلرنده عربلکدن تبعده
 عجمه میل کوسترن عباسیلر بیننده کی فرق پک جالب دقتدر .
 ابراهیم بن محمد بن علی ابامسلمه کوندردیکی بر مکتوبده ایرانده
 عربجه تکلم ایدر کیمی بولورسه اولدرتمسنی امر ایتشدی بو حال
 ومؤخرأ عباسیلرک امور مذهبیده کی بدعتلری ایله اساساً قیامک
 ایراندن و حتی ایرانیلکک الکی زیاده محافظه عصیت ایلدیکی
 خراساندن ظهوری و عباسیلر طرفندن دخی عربلک مرکزینه
 شامدن دهها بعید اولان عراقک مقر سلطنت اتخاندی وسائر
 برچوق احوال بو قیامک ماهیت اصلیه سنی ارائه یه کافیدر .
 عبدالله السفاح پک کنج یاشنده مقام خلافته پکمشهده
 انجق درت سنه سلطنت ایدوب ممالکده اعاده آسایشی متعاقب

وفات ایلکله مقام خلافته برادری ابو جعفر محمد المنصور
 یکم شد. منصور خلفای عباسیه نك مشهورلردن اولوب
 کندیسى متکبر و کسه نك تحکم و عظمتی چکمه اولمغه شهرت
 و نفوذی خلیفه یه بيله فائق اولان ابامسلمی اعدام ایتدیردیکی
 کبی کندیسنه عصیان ایدن ونهایت زهر و قتلجه حیاتنه سوء
 قصد ایدلمامک اوزره استیمان ایلیمان عبدالله بن علی بی دخی
 اوزرینه بر دیرک دوره رک ازدیرمک صورتیله اتلاف ایتد.
 رومش و خلافت عباسیه نك تأسسنه اک زیاده غیرت ایدن ایکی
 ذانده بو صورتله کفران نعمت کوره رک مقتول اولمشلردر.

خلیفه اموی هاشمک اوغلی اولوب قتال اتسانده مصره
 وبعده آفریقای غربی و صحرای کبیره فرار ایلش اولان عبدالرحمن
 اوصره ده ذاتاً هر طرفی اموی خاندانی طرفدار لریله مالی بولنان
 اندلسه دعوت ایدیلوب کندیسنه بیعت اولمغه قرطبه شهری
 پایتخت اولق اوزره اندلس دولت امویه سنی تأسیس ایلش
 و بو وجهله ده امنصور زماندن خلافت عباسیه حدودی کوجلمکه
 باشلامشدر.

ابو جعفر المنصور آسایش ممالکک اعاده سندن صکره جسیم
 اردولرله شرق حکومتی اوزرینه سفر ایدرک اناطولیده بعض
 قلاعی ضبط ایلش و معارف یونانیه نك اسلام آرهنده نشرینه
 دخی چالشه رق برطاقم یونان حکماسی آثار علییه و حکمییه سنی
 عربجه یه ترجمه ایتدیره رک مدارس عمومیه ده تدریس ایتدیرمکه

باشلامشدر بالخاصه اورفدهده بولنوب بير انس دولتى طرفندن
 طردو منصور جانندن بغداده ملتجى صفتيله قبول و حيايه ايديلان
 نسطور بلك معارف يونانيه بى عربى به نقل خصوصنده چوق
 همترى كورلمشدر ابو جعفر دورنده باشلايان ترقيات مدنیه
 اسلاميه نك تقدیر توسع ايلديكى كتابمرك مدنيت اسلاميه به
 مخصوص بحثده كوريله جكندن بوراده تفصیلندن صرف نظر
 قلمشدر.

عبدالله السفاحك مركز اداره سى هاشميه قصبه سى اولوب
 ابو جعفر المنصور خلافت عباسيه نك عظمتيله متناسب اولوق اوزره
 برپايتخت انشاسنى تاسيب ايدرك دجله اوزرنده و قدیم مداینك
 جنوبنده شهر شهر بغدادى بنا ايتدیرمشدر . بغداد آز وقت
 ظرفنده شرقك الكيوك بلده سى اوله رق برملیونى تجاوز نفوسى
 و اون بيكى تجاوز جوامع و مساجدى و بونسبتده سائر مؤسسات
 نافع و صنایعیه بى و سرای و كوشكارى حاوی بر دار الخلافه
 اولمشدر.

خلافت عباسیه نك زمان شوکتی

محمد المهدی. مقنن حائثی. روم سفیری. موسی الهادی. هارون الرشید.
 اداره سنك شهرتی. روم سفیر لری. برمکیلر. بنی اغلب دولتی. محمد الامین.
 مأمون. کرید قحطی. ترقیات علمیة. علوی انتر بقه لری و فساد لری. ابتداعات
 دینیة. محمد المعتمد. بابك مذهبی. شرق قیصر لری اوزرینه مظفریات.
 ترك عساکر خاندہ سی. خلافت عباسیه نك مبدأ انحطاطی. اسلامك
 سرعت انتشاری اسبابی. مذاهب قدیمه و افكار فلسفیة تأثیراتی.
 معتزلہ. غلات شیعہ: باطنیہ. زیدیه. خوارج. مرجئه.
 جبریه. مشبہ. مذاهب اهل سنت.

ابو جعفر المنصورك و فائدن صكره خلافت اوغلی محمد
 المهدی و یا المهدی بالله محمد (۱۵۴ - ۱۶۴) انتقال الملش
 و مشارالیه خلقاً حله میال اولغله زمانندہ مالک عدل
 و اسایش کور مشدر. ساده براز سفاقتی اولوب از چله حجه
 بر کدیشده ایک یوز بیك التون و اوج ملیون درهم کوش
 صدقه و یردبکی و بشیوز دوه بوکی قار نقل ایتدردبکی مشهور
 ایسده حدود چیندن بحر محیط اطلامی به قدر نمتد اولان مالک
 عظیمه نك وارداتی بومصارفاته کافی ایدی. مهدینك زمانندہ
 خراسانده هاشم و یا مقنن نامنده بر حریف ظهور و الوهیتك خلقت
 آدمله وجود آمده کیره ترك اندن حضرت نوحه و اندن ابو مسلمه

واندن دخی کندوسنه انتقال ایلدیکنی ادعا ایدرک برچوق عونہ
 طوپلامش و اوحوالینک حکومتی ضبط ایله اوزرینسه کلان
 اردولری برر برر مغلوب ایتشدی بومقع تک کوزلی برحریف
 اولمغله بوزنده دائماً بر التون تلدن اورمه نقاب بولندیرر
 و تبعه سی کندیسنی اله عد ایدرک عادتاً حصه ورنده سجده
 ایدرلردی . نهایت مه دینک اردولری کندوسنی تضییق ایدوب
 عونہ سندن بر طاقیده عرض تسلیمیت ایلدکرندن مقنع بر جسم
 اتش یاقدروب « بن سمایه چیقیورم ایستیان کلسین »
 دهرک کندیسنی اتشه اتمش ووجود خبیثی بوسورتله دنیادن
 قاتمشدیر . مقنع وقعه سی رومه فرصت ویره رک سوریه
 وجزیره طوغری تجاوزات باشلادیغندن مهدی اوغلی
 هارون الرشید ایله خلافتک عباسیله انتقالنده خدمت عظیمه سی
 مشهور اولان خالد البرمکی قومانداننده بر اردوی سفره
 مأمور ایش و هارون بواردو ایله اسکداره قدرکیدرک بیرانس
 دولتی خراجه ربط ایله عودت ایتشدر .

محمد المهدي بن صكره خليفه اولان بيوك اوغلي موسى
 الهادي تك سلطنتی چوق زمان تمتد اولوب وفاتنده خلافت
 مشهور هارون الرشید ویا الرشید بالله هارونه قالمش و مشارایه
 یکرمی ایکی سنه (۱۶۵ - ۱۸۷) مدت کمال شرفله اداره امور
 ایتشدر . هارون عادل عالیجناب معارفپرور برذات اولوب
 حسن اداره سی ، نسفت وعدالتی وزماننده بمالك اسلامه تک

ایتدیکی راحت دلرده داستان قاش و شوکت و اقتداری
 و مناقب ذاتیه سبیله برچوق شرق حکایه نویسانه و بالخاصه
 مشهور الف اللیلة و اللیله صاحبنه سرمایه اولمشدر . عدت
 مدیده هارونک وزارت خدمتده برلنان یحیی البرمکی و اوغلی
 جعفر البرمکی تک درایت و رویت و خدمات عظیمدری برمکی
 خانداننی دخی هارون قدر نائل شهرت ایشدر . هارون اندلسدن
 ماعدا عموم ممالک اسلامیه ده خلیفه طانیدیغی کبی شرق ایمرایه
 طور لغنی دخی محاربات عدیده ده مغلوب ایلش و دفعاتله خراجه
 ربط ایشدی ذاتاً برسنه حج ایتمک و برسنه دخی جهاده کتمک
 عادتی اولوب بر دفعه ایمراتور نیکه فوروسک نقض
 عهد ایلسنه جزاً قیش اورتیه سنده سفر ایدرک قوای دشمنی
 تارومار ایشدر . هارون آخر سلطنتنده خراسان طرفرنده
 سفرده ایکن ارتحال داربقا ایشدر .

هارون دوری اوروباده فرائق حکمداری شارلمانک زمان
 سطوته مصادف اولوب رشید شارلمانه بعض هدایا ارسالله
 شرق و غرب بینده حصول ود و مصافاته چاشمش و فقط بو
 مناسباتده اندلس دولت امویه سی علیهنه بر اتفاق تصویرینک
 موجودیتی هر حالده خلیفه عباسینک شاننه شین ویره جمک
 احوالدن بولمشدر . هارون دولتته کای خدمتتری مشهود
 اولان برمکی خاندانه دخی بردنبره قهر ایدرک یحیی بی حبس
 و جعفری قتل ایتدیرمش و سایر توابع و متعلقات لرینی بر

صورتله تدمیر ایشدر . بو عظمت و اقبال و انحطاط و ادبار بر مکی خاندانی شرقک الک موثر فاجعه لرندن برینک اساسی ایشدر . بر مکیلرک قهری سببی لایق بیلله معلوم اولیوب بونلرک نفوذ متزایدلرینه هارونک حسدنن و یاخود جمعرک هارونک همشیره سنه تعشقندن طولایی اولدیغی روایت ایدلمش سده هارونک بر مکیلرک علویلره میلندن شبهه ایدرک بو مناسبت سز لکده بولندیغی روایتی چله دن اقوادر . آفریقاده بنی اغلب دولتی هارون زماننده ظهور ایشدر .

هارون حال حیاتنده محمد الامین و المأمون نامنده اولان اوغلرینی ولی عهد ایش و وفاتنده محمد الامین جلوس ایشدی فقط امین برادری مأمونی ولی عهد لکدن اسقاطه تصدی ایشیلله خراسانده والی بولنان مأمون عصیان ایدرک سر عسکری طاهرک همت و غیرتله خلافتی ضبط ایش و برادری طاهر یننده مقتول اولمشدر . مأمون خلفای عباسیه نک الک مشهور لرندن اولوب یکرمی سنه دوام ایدن زمان سلطنتی (۱۹۱ - ۲۱۱) خلافت عباسیه نک الک پارلاق دور مدنیت و معارفی عد اولنه بیلیر . مأمونک محارباتی و ارسده ترقیات علیه یه غیرتی همت حرب بچویانه سنه تفوق ایدردی . کرید و سجیلیا اطهر لیک اسلام طرفندن فحشی بودورده در . اندلسدن ترک وطنله چیقان برطاقم عربلر اول امرده مصره کلدرک اورادن عبد الله ابن طاهر طرفندن طرد اولنملریله کرید جزیره سنی استیلا و اوراده اداره

اسلامیه تشکیل ایشلر و سبیلاده بنی اغلب امرامی طرفندن ضبط ایدلشدن خراسانه والی نصب ایدیلان طاهرک خاندانی برمدت اورالده بنی طاهر حکومتی تأسیس ایشلردر .
 مأمون زمانك علما و حکما سندن عد اولنده جق درجه ده معلومات متنوعه صاحبی رذات اولوب دور خلافتی بغدادی هر درلو ترقیات علییه و مدینه نك مرکزی حالته قومشدر . بو ترقیات مدنیت اسلامیه به تخصیص ایده جگم فصل مخصوصه موضوع بحث ایدیله جگمندن بوراده تفصیل مقالدن اجتناب قلندی .

خلافت عباسیه نك وسعت مالیکی شرق و غربده بعض حکومت جدیده تشکیله کچولمکه باشلادیغی کبی داخلنده دخی غوائل عظیمه نك نهایت بولدیغی یوق ابدی شویله که امت اسلامیه نك بر قسمی و بالخاصه شیعه و عموم ابران و خراسان خلافت اولاد علی حقیدر عتقادنده بولندقلرندن وقتیه امویه به نه نظر ایله بقارلرسه شمیده عباسیله او نظرله باقعه باشلامشدر .
 حضرت علینك ذکور ونسا اوتوز ایکی به بالغ اولان اولاد کرامی احفادی مرور زمانله زیاده سیله تکثر ایدرک مسالک عباسیه نك هر طرفنه یانلش اولدیغندن هر خلیفه عباسی زماننده بولردن برویا بر قاجی دعوائی خلافتله خروج ایدرلر و مغلوبیت و انهمزاملری علویله غیرتنی بر قاندها ارتدیرمقدن بشقه بر قاندهی منتج اولمزدی . بر طرفندن علوی انترقیقه لری و بر

طرفدن خوارچ طائفه لری ظهور یله معتزله فرقه لرینک موجب اولدوقلری غوائل بغداد حکومتی صورت دائمه ده تیقظ اوزره بولنقی مجور بئنده بولندریوردی . مأمون بوعلوبلک غیرتی و مجادلات دینیه نك خلق فرط تعصبندن ناشی اولدیغنی دوشو نهرک بر طرفدن ترقیات علیه و فکریه یه خدمت ایلدیکی کچی طوغریدن طوغری یه اذهان اهالی نی تسکین ایلک وزمانده مقداری اوتوز اویج بیکه بانغ اولان خاندان عباس افرا دینی تهلکه دن قورتارمق اوزره اولاد علیدن امام علی رضا بن موسی الکاظمی ولی عهد تعیین ایلش و عموم توابعنه عباسیله مخصوص اولان سیاه البسه لری چیقار تارق بشیلر تلبس ایتدیرمشدر . هرکس امام علی رضایه بیعت ایلدیکی سرده ده طاهر « صاغ الم بیعت مأمون ایله مشغولدر » دهرک صول ال ایله بیعت ایلدیکندن مأمون « بو بیعت واسطه اولان صول ال صاغ عد اولمغه شایندر » دیمکله بعدما طاهر ذوالیمینین نایب له معروف اولمشدر . مع مافیله بر مدت صکره علی رضا مسموما ارتحال ایلکله ولی عهد لکی حکم سر قالوب مأمونک و قائمده خلافت هارونک دیکر اوغلی معتصم بالله محمد قالمشدر .

مأمون دورنده امور دینیه ده کی اختلافات حکومته دخی سرایت ایلمشدر . فلاسفه یونانیه ایله زیاده اشتغال ایدلمسی مقامات رسمیه اعتقادنده بعض بوزوقلغی تولید ایدرک اهل سنت عقائدندن براز تباعد ایلدیکی کچی مخلوقیت قرآن مسئله سی

کبی بعضی مناسبتیں لکھ کر رسماً مقام خلافت دن التزام اولتھی
دخی بو مقام عالی ایله علمای امت بیندہ کی آہنک امتزاجی بوزمش
وایرودہ چوق بیوک فنا لقر وقاریشہ قلفلرک ظہورینی موجب
اولشدر .

مأمونک خلفی محمد المعتصم (۲۲۱ - ۲۲۰) غایت جسور
وامور حربیہ دہ مقتدر برذات اولوب دولتک دوچار اولدیغی
غوائل طاقتفرسایہ مقاومت وغلبہ ایچون فوق العادہ غیرت
ایتمشدر . بابک مذہبی بوغوائلک اک بیوکلرندن عد اولنسه
سزادر خصوصات مسبقہ دن معلوم اولدیغی اوزره حضرت
عمر زمانندہ داخل دائرہ اسلام اولان ایرانک اکثر جہتلرندہ
حسیات قدیمہ ملیہ ومذہبیہ نحو اولماشدی . بودفعہ ایراندہ
بابک نامندہ بر شخص جسور ظہور ایدرک علناً اسلامی رد
وقدیم مجوس مذہبنہ ملایم بر دین احداث ایدرک کلی شوکت
وقدرت صاحبی اولمش وآذر بیجانہ قدر استیلا وروم قیصر بلہ
اتفاق ایدرک خلافت عباسیہ یی بیک در لو مشکلانہ اوغراتمشدی
نهایت بابک اهل اسلامہ اسیر ومقتول و طرفدارانی منہزم اولغله
معتصم شرق ایمپراطور لغی اوزرینہ تحویل عنان ایشدر .
بابک غائلہ سی اثناسندہ ایمپراطور تئوفیلوس بن میخائل سور یہ یہ
تجاوزلہ معتصمک محل ولادتی اولان سوز و پترا نام قصبہ یی
تخریب ایلدیکنندن معتصم دخی قوای کلیہ ایله اناطولی یہ هجوم
ایله انقرہ یہ قریب عموریہ نام شہر جسمی (کہ ایمپراطورک مسقط

رأسی ابدی) بعد المحاصره استیلا و تخرب ایدرك اخذ ثار
الشمدر .

محمد المعتصم بوقدر غیرت و همتیله برابرینه خاندانك سبب
سریع انقراضی اولان بیوك برخطاده بولشمدر . شوبله که توابع
وعسکریك صداقتندن امین اوله مدیغندن هم کندی شخصنه
صادق و مطیع اولمق و همده اهل بغداد و اهالی ایله هیچ بر
علاقه و مناسبتری اولماق اوزره ترکستاندن اللی بیك مقداری
کوله کتیردهرك انلری تعلیم و برعساگر خاصه اردوسی تشکیل
الشمدر . بواردوبه مقر اولمق اوزره بغدادجوارنده مستحکم بر
اردوگاه تأسیس و اداره لری ایچون امیرالامرا نامنده برباش قوماندان
نصب و تعیین ایدیلهرک ظاهراً مقام خلافت تعرضات نایبجایه
قارشو تأمین ایدلمشده حقیقت حالده اداره حکومت بوترك
اردوسیله امیرالامر الرنده قالمش و روما پره توریه نلری کی
بوعسکر افرادیده حکومتی کندی الرنده براو بونجاق حالنه
کتیر مشلدر .

اسلامیتك برنجی و ایکنجی عصرلنده ظهور ایدن فرق
مذهبیه نك دخی اساس داخل بی اخلاصه چوق تأثیری اولمدر .
اللهك برلکننه و حضرت محمد مصطفی صلی الله علیه و سلم
افندمرك دین حق تیلیغه مأمور بر رسول ذیشان و آخر اینیا
اولدیغنه ایمان ایلکدن و ملائک کرام ایله سائر مرسلین عظام
حضراتنه و کتب معونه مقدسه یه و قضا و قدره یعنی خیر و

شرك بر مقتضای تقدیر صمدانی وقوعه ایستامقدن عبارت اولان
 دین مبین محمدی زمانمزه قدر بین الامم منتشر اولان حق
 و ناحق مذاهبك الك بسیطی الك معولی عقل و حکمته الك زیاده
 توافق ایدنی اولدیغنده اشتباهه محل بو قدر . بواساسلر او قدر
 بدیهی و او قدر مغالطه و مبالغه دن عاریدیر که آیده کوره جگمز
 وجهله هجرت بنویه نك برنجی و ایکنجی عصر لر نده نجه فر قدر
 اخلاسه تصدی انشیر ایکن حالا صفوت اصایه لر بنی محافظه
 ایدرک قالمشیر و قیامته قدر بو حالده قالا جقر بنده ده کسه نك شبهه سی
 قلامشدر .

اسلامك نشری قلیج ایله اولدیغی حقسنده کی روایت عوام
 الك جزئی تدقیقات تاریخیه به مقاومت ایده میه جک قدر و اهیدر .
 هر حربك اولنده دشمنك اسلامی قبول و یا جزیه کذاراق
 بیلر نده تخیر ایدلسی و بعد الحرب دخی جزیه و یرن خصم مغلوبك
 مذهبه تعرض شوبله طورسون از هر جهت قایه و محافظه سی
 اقدم و ظائف عد اولمسنه نظراً اقوام مغلوبه ایچون اسلامی
 قبوله شیخ بر مانع مجبر بو قدری بونکله برابر شیخ بر مملکت
 بولمز دیکه فمخندن یکر می سنه مرورنده عموم و یا اکثر اهالیسی
 دین مبینی قبول ایلش اولسون . چونکه اسلامك ادیان سابقه یه
 اولان فضل و رجحانی کوز اوکنده اولدیغی کبی اداره اسلام
 میدده او قدر عدالت او قدر مساوات پرورلک کوریلوردیکه
 هنوز بیک در او ظلم اداره لرندن قورتلش اولان ملئک بو

بیوکلکنه مفتون اوله رق اهتدا ایتاملری قابل دکلدی مجاهدین
اسلامیه نك ممالک مفتوحه ده تمکنلری و امر مناکحه ده بر ایسلرله
اختلاطه رغبتلری دخی اسلامک سرعت انتشارینه سبب اولان
احوالنددر .

مع مافیه اعتقاد اسلام ایچون بیوک برتهلکه موجود اولوب
بوده مذاهب قدیمه نك تأثیراتی ایدی . بر قوم تقدر قوتلی بر
صورتده تحویل مذهب ایسه ینه اسکی اعتقاداتنك تأثیراتنه
ولوبلا اختیار معلوب اولور دین عیسوی پک ساده بر
مذهب ایکن اسکی اعتقادلرک اذهانی سوق ایتدیکی کربودیه
دوشهرک هم تثلیت و تشریکه و همده عبادت اصنام درجه سنه
تزل ایلشدی . لایقیله اسلام اولیبان بعض مهتدیلرک فرائض
وسن سنیه دن قور تلقی وانزه رعایته مجبور طوتلامق ایچون
بدعتلره قالمشملری طبیعی ایدی . صکره لری معارف یونانیه نك
دخولیله فلاسفه یونانیه افکاری دخی تدقیقه باشلانیلوب بعض
افکار خفیفه اصحابی بونلرله دخی تحویل فکره باشلامشلدی .
مع مافیه طوائف اسلامیه نك اساسلرینی تعیینه بوایکی سبب کافی
اولیبوب فرط تعصبک و اصول صحیحه به غیر مستند اولان اجتهاد
دانک دخی بوباید حکم کلیسی اولمشدر .

بواسباب مختلفه نك تأثیراتیله هربری آزچوق اعتقاد اساسی
اسلامدن تباعد ایلک اوزره چیقان مذاهبک مقداری یتش ایکی به
بالغ اولورسه ده بونلر بطون و فروع اولوب اصل بدی مذهبک

تقسیماتندن درلرکه بویدی مذهبه معتزله شیعه خوارج مرجئه
نجاریه جبرییه و مشبهه نامرلیله موسومدرلر .

معتزله یکریمی فرقهیه منقسم اولوب مؤسی حسن
بصری قدس سره حضرتلری تلامیذندن واصل بن عطادر
خطاری اجتهاده عائد ایسهده قضا و قدرک صورت قطعیهده
انکارلیله هر کسی افعالنک خالق عد ایللری، صفات الهیه نك
قدیمی انکار ایله ذات خدادان غیری قدیم طائیساملری، قرآن
کریمک مخلوق اولدیغنی ادعاری، کفر ایله ایمان آره سننده فاسقلره
مخصوص بر موقع قبول ایللری، روز جزاده رؤیت خدایی انکار
ایتلری و وقعه جل و سائرده اصحابک اجتهادجه اختلافربنی
نظر دقته آیوب بونلره کنهه و خطا اسنادلری ایله اهل سنتندن
فرقلیدرلر .

حضرت علی بی شیخین و سابقین حضراتنه تقدیم ایدرک
اکبر اصحاب اولدیغنه و امر خلافتده مغدوریننه ذاهب اولان
فرقلرک عمومه شیعه نامی ویرلمشدرکه بونلرده معتزله کبی یکریمی
طائفه بی حاویدر و بو طوائفدن اون سکرزی غلات شیعه نامیله
معروفدر . غلات شیعه حضرت علی نك مدح و تعظیمی خصو-
صنده مبالغه ایدرک مشارالیه علیهنده خروج ایدنلرک تکفیر
و تلعیبی و کندیلرینک عموم اصحابه و حتی حاشا دها بیوک ذواته
تفوقی کبی ضلالت کریوه لرینه و اکثریتله کفر و الحاده
دوشمشلردر بونلردن باطنیه طائفه سی قرآن کریمک احکام ظا-

هر سه باقیوب باطنه اعتقاد انك ادعای ناهموار یله عموم فرائضی انکاره و عموم محرمانی استحلاله تصدی ایشلر و بونلرک بر قسمی بابک مذهبه یله قائلشدر . باطنیه اربابی مؤخرأ قرامطه عنوانیه معروف اوله رق پک یوک و قوعاته بادی اولدیغی کو . ربه جکدر . شعبه نك اخفی زیدیه مذهبی اولوب بونک مؤسسای بولنان زید بن علی بن الحسین بن علی رضی الله عنهم و اصل بن عطادن تدریس ایلکله امر خلافتده جدینک حقوقنی اوقدر شدتلی و عموم اصحابی تکفیره واره جق درجه ده مدافعه یه قا . لشماش و کندیسندن اعراض ایدن کوفه شعبه سی رفضلری حسینیه رافضی تسمیه ایدلشلردر مؤخرأ زیدیه مذهبه ده حضرت امامک تدریساتی خلافتده چوق شیلر قارشدرلشدر . خوارج ازمنه مختلفه ده امام بالحق اوزرینه خروج ایدن یدی طائفه نك مجموعنه اطلاق ایدلشدر حضرت علی اوزرینه خروج ایدن و نهروان محاربه سنده پریشان ایدیلان اون ایکی بیک نفرک جمله سی قارئ قرآن و مصلی و مصوم آدم لر ایدی . خوارجک اهل سندن اختلافی امامت و خلافتک و جوینی انکار ایله بونی الجآت عارضیه یه حصر ایللری و امام بالحقک اجتهادینی کاشلم یکن حکمنده طو تارق کنندی اجتهاد لر یله عامل اولم لردر .

مذاهب متباقیه دن مرجه امام علی نك مرتبه سنی درجه رابعیه تنزیل ایدرسه ده کناه ایله کفرک و معیصت ایله ایمانک نه ضرر و نه نفع و یرمیه جکنی ادعا ایشلر ، نجاریه اصولده

اهل سنته متابعتله برابر صفات الوهيتك نفي قدمنده ورؤيتك انكارنده معتزله به اوميش، جبريه معتزله نك بالكليه ضدينه كيدرك خير و شر افعالنده قولك هييج مزيت و عصبيتي اوليوب جادات منزله سنده اولديغي و هر شيك سببي جناب حق بولنديغنى بالا دعا مقدرات باينده مبالغه ايدرك سؤال و جزايي حكيمسز برائش و مشبه دخي جنساب واجب الوجود حضرت ترينى مخلوقاته تشبيه و حادثاته تمثيل ايدرك مخطى اولمشدر، و الحاصل بومذاهبتك جمله سى دين ميين محمد نيك احكام صحیحه سنى اكلامه زق درلو درلو خطاره دوچار اولمشدر.

بومذاهبتك مخطيه نك نشرو ترويجي اثناسنده محققين حضرت ائمه احكام شريعتى اساس صحیحه به مستنداً تعين ايدورلردى معلومدر كه شريعت محمديه نك اساسى قرآن كريم و احاديث نبويه و اجماع و قياس اولوب مجتهدلرك اجتهادى بودرت اساسده در قرآن كريم ظهور اسلامده حفظ ايديله رك نقطه سى بيسله تغير پزير اولماش و احاديث نبويه دخي اصحاب كرام طرفلرندن صورت صحیحه ده نقل و رايت قلمشدى. اصحابك و عبدالله بن عمر عبدالله بن عباس و امثالى رؤيت ديدار رسالت ايله مشرف اولمش اعظم قههانك بعض مسائلده اتحاد رأيلرى اوامر الهديه اصابتنده ذره قدر شك و شبهه اوليسان اجماعى حصوله كتير مكده و بوجهتله بو احكام نلئه به توفيقاً ايديله جك قياساتكده برراى سالم حصوله كتيره جكي دركار بولمنده ايدى. ايسته احكام ۶۰ ميه لرى ابو

منصور الماتریدی و ابو حسن الاشعری حضراتی طرفدارندن اجتهاد ایدیلان و امام اعظم ابو حنیفه و امام شافعی امام احمد بن حنبل و امام مالک حضراتی طرفدارندن بالجمله اصول و فروعی وضع و تدقیق قلنان مذاهب اهل سنت آیت و حدیث و اجماع و قیاسه مستند اجتهاد صحیحین منشعب اولغله هر در او خطا و غلو دن عاری بولمشدرو. حنفی، شافعی، مالکی، و حنبلی مذ. هبلرینک بیننده کی اختلاف عقائده دائر دکل فروع و جزویاتاه منحصر اولغله در دیده حق و هر اهل ایمانک رعایت و طاعتنه مستحق بر رهبر نجاتدر لر.

اهل سنت مذاهبک تأسسی اعتقاد اسلامک صفوت اصلیه سنی محافظه ایدرک پیدرینی فرق ضالّه سائرهنک دائره حکم و نفوذ لری کو چلش و اهمیت لری ذائل اولمش در. کتابمزک اقسام آیه سنده کوربله جک اسبابک انضمامیله بر اهمیت سیاسیبه کسب ایدن شیعه دن ماعداسی یا کلیاً ذائل اولمش و یا خود الیوم بعض قرا و نواحی به منحصر اعتقادات مخصوصه مقامنده قالمشدر. شیعه دخی غلاته مخصوص اعتقاداتن تعری ایدرک ساده حضرت علی نک بر از زیاده جه تفضیلی و بعض احکامک صورت آخره ده تفسیر بله اهل سنندن پک جزئی فرقی قالمش و مرور زمان له بو فرقک دخی اورته دن قالدیرلمسی الطاف خدادن مأمول بولمشدرو.

اسلامک مدنیته اولان تأثیراتی حقهده بر خیلی زمان اور و پاده جاری اولان افکار غیر معقوله شمعی ینه اور و پالیسل طرفندن

جرح و تکذیب ایلمکنده اولدیغندن بوبابده اطناب مقاله لزوم
کور میر بوتأثیر انشاءالله مدینت اسلامیہ به تخصیص قلند جق
مبحث مطالعه سیله ظاهر اولور.

﴿التنجي كتاب﴾

رومانك خلفري

فصل اول

فرانق ایپراطور لغی

۱

مرووه و قارلووینغ سلاله لری

فرانق دولتنسک داغوربدن صکره کی احوالی. مرووه خاندانی. تنیل
حکمدار لر و ماپور دوملر. اوسترازیه و نوسترازیه. بین
هریستال. تستری محاربه سی. شارل مارتل. یواتیه
محاربه سی. شارلک موفقیتی. قیصه بین مرووه
خاندانسنک انقراضی. فرانق دولتی
و باباق.

در دنجی کتاب نهاینده کورلدیکی وجهله غالیه قطعه سنده
روما اداره سنه خلف اولان فرانقلر ابتدای نشأت نردن بری
صورت قویه ده تأسیس حکومت ایدرک ممالک خاندان سلطنت
افرادی بیننده دفعاتله تقسیم ایدلدیکی حالده ینه محافظه استقلاله
موفق اولمش و قلوویسک احفادندن داغوربدن زماننده دولتری

منتهای اقباله واصل اولشدی . مع مافیہ داغوبرک و فائنی متعا .
 قب فرانق حکومتی اسکی اهمیت و اقتدارینک جزوینی بیلہ
 محافظہ بہ مقتدر اولہ بیوب فنا بر حال فترتہ دوچار اولدی .
 روما مدینتک بعض احوال ظاہریہ سنی و خرسیتیان مذہبنی
 قبول ایلیان فرانقرطبعاً ینہ باربار قالارق افکار و حسیانترندہ کی
 وحشتہ خلل کلمدیکندن فرانق جمعیتی مدینتہ ببارلغک بر
 مخلوط غربی حالی بولوب کرک ہیئت حکومت و کرک اہالی
 آره سنده ابدلک وحشتلر و مناسبسزلنکر قالیوردی . کلیسا
 ہیئننہ داخل اولہرق درلو مناصب روحانیہ دسترس اولان
 فرانقرک هر حال و طورلری مذہب عیسویک الک بسیط اساس
 و قواعدینی محل بولندیغی کی ذاتاً استقلال شخصی بہ آلمش
 بولنان فرانق امراسنک حکومت مرکزیہ بہ وقرالرینہ اطام .
 عنلری دخی انتظام دولتی تأمین ایدہجک درجہدہ دکلدی .
 باخصوص کہ فرانق جمعیتک بو قارغشہ لغی ائناسندہ مرووہ
 خاندانی پرنسلیدہ بالجملہ مزیت و فضیلتلرینی غائب ایتشلردی .
 قلوویس قلوتر و داغوبر طبعاً باربار اولغله برابر هیچ اولمزه
 متانت ورآی رزینہ مالکدیلر و دولتلیک انتظام و آسایشنی
 تأمینہ صرف ہمتلہ بالذات حربہ کیدرلر و مقاملرینک اہمیتنی
 انظار ناسدہ محافظہ ایلرل ایدی . داغوبرک اخلافی ایسہ
 کتدیجک بر ضعف و مسکنت متزایدہ دوشہرک و کیمیسی
 مناسترلرہ چکیلوب رہبان کی دعادن بشتہ بر شیتی دوشمامکہ

و کیمی سراینه قبانوب نسوان کبی زینت و سفاهتدن بشقه شیئی صرف ذهنه لایق کورما مکه باشلا یارق پیدرپی خلق آره سنده حکمدارک شخصی و حتی اسمی بیله اونودلغه باشلا. مشدی . مرور زمانله فراتیق دولتک اداره سی مایور دوم تعبیر اولنان سرای ناظر لری اللرنده قالارق قرالارک انفصال وارتحال ویا جلوسلری عادتا کسه نک نظر اهمیتنه چارپه سزین وقوع بولمده و تاریخک بحق تابل قرالر rois fainéants نامیله تلقیب ایلدیکی بو حکمدارلرک فعلاً اهمیتلری هیچ حکمنه چکمکه ایدی . فراتیق دولتی تقسیمات کونا کونه اوغرادقن صکره داغور دورینی متعاقب اسکی فراتیق سالیدن و فراتیق ریپور تقسیماته تقریباً معادل اولق اوزره نوسترا زیه و اوسترا زیه نامیله ایکی قسیمه آیرلشدی . نوسترا زیه غربده اولوب قدیم غالیله ای عنصرینک کثرتدن ناشی مدنیجه اوسترا زیه به نسبتاً مترقی ایسه ده هر ایکی قسیمده عینی انتظام سزقلر جاری و ایکی سنده مرووه خاندانی پرنسپرینک حکملری اولیوب اداره مایور دومله منحصر بولنیوردی .

هجرت نبویه نک ایلك عصرنده فراتیق دولتی احوالی بو مرکزده اولوب اوسترا زیه قسیمی مایور دوملرینک حسن اداره . سندن طولانی کسب اهمیت ایلش و حتی اوسترا زیه مایور دومی پین هر یستال ۶۵ سنه هجریه سنده وقوع بولان تستی محاربه . سنده نوسترا زیه لیلره غلبه ایلرک هر ایکی حکومتکده مایور

دوملقربنی كندی عهدہ سنہ المشدی . پین هر یرستال غایت متفند اولوب كسه دن مخالفت كورمكسزین بر قاچ حكمداری تبدیل ایتدیردیکی کبی وفاتدهده مایوردوملغك یعنی حكومتك كوچك یاشده بر حفیدینه انتقالی وصیت ایلشدی . فقط اداره نك بر چوجق النده قالمسندن بالاستفاده نوسترایه لیلر عصیان ایلدكاردن اوسترایه زادكانی پینك یوك اوغلی شارلی پدر . نك مقامه چیقارمشل وشارلده قامره وسواسون محاربه لرنده نوسترایه لیلر ومتفقری بولنان فریزونلره غلبه ایدرك اوسترا . زیه نك تفوقنی تأمین ایلشدی . شارل مارتل ممالکی کمال استقلال ایله اداره ایدوب بالخاصه کتاب خامسده كورلیدیکی وجهله انداس عربلینك امیر عبدالرحمن اداره سنده اوله رق غایبه نجاوزله هر کسی مستغرق خوف ودهشت ایلدكاری صردهه آکیتایه لیلرک معاوندنه وبلکه دهه عالم نصرانیتك جایه سنه شتاب ایدرك تورایله پواتیه آره سنده اهل اسلامه غلبه ایلدی اوروپا . جه شهرتنی تزید ایلش ومارتل یعنی چكیچ تلقینسه بادی اولمشدر . پواتیه محاربه سی کویا اهل اسلامك ترقیاته حائل اوله رق نصرانیتی قورتاردیغی ظنیه شارل مارتل اوروپانك یوك بر قهرمانی عد ایلدشمسدهده شارل مارتلك بو مظفریندن استفاده ایده میوب حتی معاوندنه کلدیکی لرل اهلایسنك اجباریله رجعته مجبور اولدیغی و عربلرک معلوبیتلریله برابر همان غایبه یی ترك ایلدكاری نظر دفته آنجه پواتیه وقعه سنك اهمیتی چوق

تناقص ایدوچکی درکاردره . شارل مارتلک وفاتده حکومتی قارلومان و پین اسمنده ایکی اوغلنه قلمشده قارلومان آزوقت صکره حصه اداره سنی اوغلارینه براقارق بر مناسرتیه چکلمش و پینده برادر زاده لرینی حکومتدن محروم ایدرک اداره بی بسبتون ضبط ایلشدر . بر برینی متعاقب کلان بو مقندر مایور دوملز زماننده قرالیرک هیچ حکمی قلامش ایدده پین حریص شهرت اولمغله قرال اقتداریله قانع اولمیوب تاج حکمداری بی ده کیمک ایددیکندن مسئولنک اسمعافی ایچون پاپا زاخاری به بر هیئت مبعوثه کوندردی . ذاتاً او صرهدده پاپالیق مقامی لومبارد دولتی طرفندن تصدیق ایدیلیرک خارجدن بر قوتلی ظهیره محتاج بولندیغندن زاخاری پینک تکلیفنه منویتهله موافقت واقفدار حکومته مالک اولان شخصک حکمدارلق نامنی حاز اولسی پک مشروع ایدوکنی بیان ایلدیکندن پین مرووه خاندانک صوک حکمداری بولنان او چنجی شیلدریقی خلغ و بر مناسرتیه حبس ایدرک قراللق تاجنی کیمش (۱۳۳) وانک جلوسیهله فراتیق حکومتی قارلووینغ خاندانی اداره سنه یکمیشدر . پین بجاقتیز ویا قیصه bref نامیه معروف اولوب پاپانک استحصال حکومت خصصه و صنده کی معاونت واقعه سنه مقابله لومبارد حکومتنه سفر و راوهن قلعه متینه سنی و سائر بعض وسطی ایتالیا حوالی سنی لومباردر لندن نزع ایدرک پاپایه هدیه ایلش و مؤخرأ قارلووینغ خاندانک کسب عظمت فوق العاده ایلسنه

زیاده سبیلہ مدار اولان پاپا اتفاتی پینک رومیہ بو عزمی صره .
سندہ لایقیله تأکد و تأیید ایلشدرد .

وحدت حکومت فکری فرانکلده لایقیله یرلشماش
اولدیغندن پین وفاتده اوسترازیه بی اوغلی قارلومانه ونوسترا .
زیه بی دیگر اوغلی قارل ویا شارله براقشسه ده (ب ۱۴۶)
آز وقت صکره قارلومان وفات ایلکله اوسترازیه ایله ونوسترا .
زیه تکرار اتحاد ایدرک فرانک دولتی شارلمان یعنی پوک شارل
عنوانه نائل اولان شارل زمانده منتهای عظمت و اقباله واصل
اولشدرد .

۲

شارلمان

شارلمان . ساقسونلرله محاربه . وینی کندی . باورنک قحی . آوارلر و اسپانیا
عربلریله محاربه . مارق غرافکلر . لومباردیانک قحی . ایبرل
طورلق . ایبراطورلرک و سعتی . شارلمانک صورت
اداره سی . مایس مجلسلری . قایتولرلر .
تسبیقات روحانیه . مناسبات خارجییه .
آلکون و انتباه علوم و ادبیات .
شارلمانک وفاتی .

مهاجرت عمومی دینی متعاقب اوروپاده تشکیل ایدن هیئات
سیاسیه ایکی اوچ عصر مرورندن صکره کسب انتظام ایدمه .

مش و اسکی رومالی اساسی اوزرینه الخاق ایدن مختلف عنوانلی باربار عناصرینک اهالی قدیمه ایله اختلاط و امتزاجندن هنوز ملل جدیده تشکل ایلامشدی . هر بر اها ایستک لسان و مزاجی و احوال و عاداتی مخالف اولوب یالکز قاتولیک مذهبینک عموماً قبولیله امور دینیه جه اتحاد حاصل اولمش ایسه ده بو اتحاد مذهبی هنوز دین نه اولدیغنی بیله اکلامغه موفق اوله . میان اهالی بی سیاست برلشمکه سوق ایتمک درجه سنده قوتی حاز اوله مزایدی . باخصوص که باربار قرالری دها حکومت نه دیمک اولدیغنی اکلامبه رق و فائزنده ممالکی اوغلاری بیننده تقسیم ایتمک درجه سنده مبالا تمزلق کوستر دکارندن بونلرک همبیله اهالی آر سنده اتحاد و خصوصیه بیوک تشکلاتک تأسیسی امر محال ایدی . اوروپا عالمی یکیدن بر بیوک هیئته ادخال ایله شرقه قارشو بر قوه مهیبه غریبه وجوده کتیرمک ساده پاپالرک تصور لرندن چکمکده بو صورتله طبیعی اوله رق پاپالقی مقامنک اهمیتی دخی آرته جغنی دوشونلکده اولوب بو ملاحظه . یه مینی پاپا زاخاری پینک فراتی قرالی اولمسنی تجویز ایش و خلقی اتیهن مشارالیهی تقدیس ایدرک و رومانک حکومت سیاسته سنی ایما ایدیجی بر عنوان توجیه ایلیه رک فراتی دولتنک اعتلای شان وشو کتنه یاردم ایتشدی . پاپا هیئت روحانیه واسطه سیله هر شیدن خبردار واکاه اولدقلرندن اتفاقلری حقیقه مهم اولوب شارلمان دخی اشبو اتفاقدن استفاده ایدرک

قدیم غربی روما ممالکنی کندی تخت اداره سنده جمعه واوروپا
اجناس مختلفه سنی بر ملت اینکه چالشمش و کندی اثر دهاسی
اولان موقیت موقته سی ایسه احتمالکه فاعلنی یله آلداده جق
قدر پارلاق بر شکل کسب ایشدر.

شارلمان (۱۴۶-۱۹۲) ابتدای جلوسنده اوسترازیه
ونوسترازیه ایالات قدیمه سیله پدینک ضبط ایش اولدیغی
آکتاینه و سیتیمانیه و بورغونیه حوالیسنه حاکم اولوب یارم
عصره قریب مدت سلطنتنده هر طرفدن ممالکنک توسیعنه
غیرت ایله بالذات اردوسنک قومانداسنده بولمق
ودائماً موفق اولمق اوزره ساقسونلر اوزرینه اون سکز، دایمار،
قه لیره اوج، باواریه لیره بر، اسلاو لره درت، آوار لره درت،
اسپانیا عربلری اوزرینه یدی، ایتالیا عربلری اوزرینه بش،
لومباردره بش و روملره ایکی که جمعا اللی اوج سفر ایشدر.
شارلمان ساقسونلر محاربه سنده ائک زیاده دوچار مشکلات
اوله رق سفر لره مقدار نندنده اکلایشله جغی اوزره بو محاربه
سنه لره دوام ایش و شارلمانک ساقسونلرک اله میلیری اولان
ایرمنسول صغنی قیرمسی اوزرینه خروج ایله ساقسونلرک قوای
متحده سنه قوماندایدن ویتی کندی نام قهرمانک غیرت و شجاعتی
فرانقری انواع تصعبات و خوف و دهشته دوشیره رک ویتی
کندک بولندیغی جهت لره کسه تجاوز ایده مامکه باشلامشدی.
مع مافیله انجام کار موقیت شارلماندی قلوب ویتی کندک دین

عیسوی بی قبول ایدرک تسلیم نفس اللمسی واهالیده اکا امتثالاً
 دائره نصرانیتہ داخل اولمسی اوزرینہ آلمانیانک جهت شما
 لیه سیده فرانق حکومتہ ادخال ایدمشدر . دائمارقہ جهتتری
 ایله اسلاورک تجاوز ایدلکری شرقی آلمانیاده بو صره لرده
 استیلا اولمش و باویرا قطعہ سیده شارلمانک مالکی میانہ قائلشدر .
 هون دولتک انقراضنی متعاقب بحارستانده بریوک دولت
 تأسیس ایلش اولان آوار ترکری جرمانیایه طوغری تجاوزانده
 بولندقلرندن شارلمان بونلریده مغلوب ایدرک تعرضلرنک آرقه .
 سنی آلمش و آوار دولتی بو مغلوبیتی متعاقب چوق سورمیوب
 منقرض اولهرق اراضیسینده ایلروده کوره جگمز بحارلر
 پرلشمشدر .

شارلمان اسپانیا عربلرله دخی دفعاتله محاربه ایدرک بو محاربه
 ربه لرده ابرو نهرینک شمالنده کی اراضی بی دولت امویه دن نزع
 ایلشدر . شارلمان زمانتک مشاهیر امراسندن اولوب قهرمانلغی
 قرون وسطی شعرا سنه سرمایۀ انشاد اولان رولاند اشبو
 اسپانیا سفرنده ترک حیات ایتمشدر . شارلمان بعدما حدودک
 تأمیننی ایچون اداره عسکریه لنده بولمق اوزره حدود ولایاتی
 یعنی مارق غرافلقر تشکیل ایلشدر . آوارلر فارشو اولان
 شرق مارق غرافلغی مؤخرأ اوستریا دولتک و عربلر فارشو
 اولان بارسلونه مارق غرافلغی دخی آراغون قرالانک اسامی
 اولمشدر .

شارلمان لومبارد دولتی حقنه پدريك انخاد ایلدیکی
 بولتیته ده دوام ایدرك دولت مذکورہ بی کلیاً مضمحل و بریشان
 ایلش ولومباردیا تاج سلطنتنی اخذ ایدرك شمالی ایتالیا بی
 ممالکنه قاتمشدر . ایتالیا عربلی و رومل ایله محاربه لری دخی
 بو صرہ ده وقوع بولمشدر .

شارلمان لومباردره غلبه سنی متعاقب فعلاً ایتالیا نك حاکمی
 و پاپالغك حاکمی مقامه یکمشدی ذاتاً اوروپانك الك بیوک
 حکمداری بولمسی و خرسیتیانلغی هر طرفدن وقوع بولان
 تجسوزاتدن وقایه ایدرك هر رده کندی غلبه سیله قاتولیک
 کلیسا سنکده غلبه و تفرقنی تأمین ایلسی جهت لریله کلیسادن انواع
 مکافانه کسب استحقاقی ایلش بولنیوردی . بو استحقاقی شارلمانك
 رسماً ضرب ایمراطورلغی تاجنی دخی کیسنه بادی اولمش
 و ۱۷۸ تاریخنده میلاد عیسی بورطیسی کوئی روماده کلیساده
 ایکن بو تاج پاپا اوچنجی لئون طرفندن باشنه قونیه رقی ایمپرا-
 طورلغی اعلان ایدلمشدر . غالباً و آلمانیا و ایتالیا قطع لریله
 اسپانیا نك بر جزوینی و ساردنیا و قورسیقه و باله آر اطه لرینی
 و اوستریا حوالیسنی محتوی بولنان بو دولت عظیمه حقیقتاً
 ایمراطورلق عنوانه شایان اولوب شارلمانه کرچکدن ایمپرا-
 طورجه اداره ممالک ایلش و رومایله طوغربدن طوغری به
 تخت اداره سنه یکمکک کلیسا ایله دولت بیننده کی اتحاد و اقتراج
 بو حکمدار زمانده هیچ بر صورتله اخلال اولنماشدر مع مافیله

ایمپراطور لوق تاجنک پاپا طرفندن ویرلمش اولسی مؤخرأ پاپالرك
عمومه تحکم بولنده کی ادعایینه بهانه اتخاذا ایدلدیکیده ایلروده
کوریله چکدر .

شارلمان ممالک وسیعه سنی اوسترازیه ده کائن بولنان و تقریباً
ممالکنک مرکزنده اولان آخن شهرندن اداره ایدردی ممالک
مرووه خاندانی زماننده کی اصول وجهله ولایاته منقسم اولوب
هر ولایت بر قونک اداره سننده بولنور و قونت ایمپراطورک
امری تخننده اوله رق امور اداره و عدلیه به بقار ولایتک
عسکرینی جعله قوماندا ایدر و ازهر جهت ایمپراطورک ولایتده
و کیلی عد اولنوردی . ولایات باشنده اولان دوق و قونتلرک
معینده دخی تقسیمات مختلفه به کوره درجات متفاوتده اداره
مأمورلری واردی . شارلمان ولایاتی بری پسقپوسلردن اولوق
اوزره ایکیشمر مقش اعزامیله تخت نظارت و تفتیشده
بولنیدرردی .

شارلمان قدیم جرمان عادات ملیه سنی و اهالیئک بر درجه به
قدر امور حکومتده اعطای رأی حققرینی محافظه ایلشدی
شوبله که هر سنه ولایاتدن معتبران و متفندانن مرکب بیکارجه
مبعوث فرانقرک اصول عتیقه سی اوزره مسلماً بر برده و اکثرتله
ایمپراطور نرده ایسه اوراده طویلنورلر و مایس مجلسلری
تسمیه اولنان اجتماعاتی عقد ایدرک نظامات و امور دولته دائر
موادی مذاکره ایدرلردی شارلمان ینه مقرراتنده سر بست

اولوب مذاکرہ ایدیلان موادہ دائر وضع ایدہجکی اصول و نظاماتی قایتولہر Capitularia نام فرمانلرلہ نشر ایدردی . شارلمانک مقدراری التمش بشہ بالغ اولان قایتولہرلری بیک یوز یکرمی بش مادہبی حاوی اولوب ادارہ ملکیتہ و روحانیہ نک اعظم و اخفندن کنددی چفتلککری نک صورت ادارہ سنہ قدر هر درلو مواددن باحثدرلر .

شارلمانک تصرہہ رعایت فوق العادہ سی اولوب معین ویرکولر اولمدیغندن کنددی املاکی وارداتیلہ ادارہ ایدر ودولتک ہیج بر شعبہ ادارہ سنہ سفاهت و اسرافہ طائمانسنہ اعتنا و دقت ایلردی او زماندن بیلہ بر طاقم مساوی احوالہ دوچار اولان ہیئت روحانیہ دہ شارلمانک نظر اصلاحکارانہ سنہ چارپدیغندن قایتولہرلرک بر قسم مہمیدہ رهبانہ دائر احکامی محتوی بولنہرق رهبانک وظیفہ روحانیہ لرندن بشقہ شیلرلہ مشغول اولوب و امور دنیویہ بہ قارشیموب سادہ مناسرت و کلیسالزندہ مطالعہ کتب ایلہ وقت یکیرملری و انجق اوزرینہ کتاب تحریر ایدیلان جیلان دریلرینک تدارکی ایچسون صید و شکارہ چیقاییلہ جککری امر ایدلمشدر .

شارلمانک دول اجنبیہ میانسدہ موقعی حیثیت و قدرت حکومتیلہ متناسب اولوب اوروپادہ همان کندیسندن بشقہ بر حکمدار ذی اقتدار بولنماتقدہ و شرق قبصرلغی یکی ایمپراطور۔ لغہ خلوصدن بشقہ چارہ کورہ مامکدہ ایدی . او زمان اسپانیا

دولت امویہ سی ہنوز تأسس ایتمش و شارلمانده اسپانیامسلما نریله
 حربی تصمیم ایلمش بولندیغندن خلیفه عباسی ہارون الرشید
 فراتق ایمراطور بلہ عقد وفاقی سیاستنه موافق کورہ رک
 شارمانہ سفرا و ہدایای ذیقیمت ارسالیله تحصیل موالات ایلدی .
 شارمانک الک بیوک ہمتی علوم و معارفک احیاسی جہتہ
 مصروف اولمشدی . رومانک انقراضندن بری مرور ایدن
 اویج عصری متجاوز مدتہ اوروپادہ ترقیات فکریہ ننگ اثری
 ہیچ قالمیوب لاتین اسانیله محرر بولنان کتب قدیمہ مناسرتلرک
 توزلی کتبخانہ لرندہ قالمش و خلقی تصوری ناقابل بر جہالت
 استیلا ایلمشدی . شارلمان حکمدار اولدقدنصکرہ بالذات تحصیل
 معارفہ غیرتہ خبلی معلومات کسب و سرایندہ کندبسی و افراد
 جائہ سی دخی داخل اولق اوزرہ بر جمعیت علمیه تشکیل
 ایلمش و خلقی و اشراف و زادکانی او زمانہ قدر نظر حقارتلہ
 کوریلان فنون و معارفک تحصیلنہ ترغیب ایتمشدر . شارلمان
 قایتولہ لر بلہ منتظم قوانین محررہ وجودہ کنتردیکی کبی
 فراتق لک اشعار بلہ عادات قدیمہ لرینی حاوی مجموعہ لر تنظیم
 ایتمش ، امر بلہ فراتق لسانک صرف و نحوی جمع ابدلمکہ
 باشلانمش و انجیل شریفک مہو کاتبہ قارشمش بولنسان نسخہ .
 لرینی تصحیح ایتمشدر . ساقسون راہلرندن وعصرک الک
 بیوک علماسندن اولان آلکوبین alcuin شارمانک جایہ مخصوصہ
 صدسنہ مظهر اولہرق علوم و ادبیات و الہباتہ دائرہ بر خبلی

آثار براقش و شارلمانک سرکانی بولنان اکنهارد Eginhard
ایسه او زمانه قدر تحریر ایدیلان سالنامه لردن چوق منتظم
اولقی اوزره شارلمان دوری تاریخنی قلمه آلمشدر و الحاصل
بو حکمدار غیورک زمانی اوروپاده بر انبیا موقت ادبی دخی
وجوده کتیرمشسده ترقیات مستحصله استعداد زمان اجاسیله
دکل بر خارقه طبیعتک اجباریله اولدیغندن اثر مؤثرندن صکره
پایدار اوله میسوب شارلمانک (ب ۱۹۲) وقاتی هم دولتسک
انقراضنه و همده ینسه عالم عیسویتک دوچار جهل ونادانی
اولسنه بر مقدمه اولمشدر.

۳

قارلووینغ سلاله سنک انقراضی

لوتی لودوینر. اوغلرینک عصیانلری و تقسیم ممالک. لوتر و امپراطورلوق.
کل شارل و آلمان لوتی. قونانه محاربه سی. وردون معاهده سی.
مناسبک ارنی اولسی. کیه رسی فرماتی. دول جدیده
احوالی. شیمان شارل. نورمانلر و نورماندییه.
آلیا و فرانسه ده قارلووینغ سلاله سنک
انقطاعی. هوت قابت.

شارلمانک ممالک عظیمه سی اوغلی لوتی ده بوزر یعنی صالح
لوتی به انتقال ایدوب ساده ایتالیا حقیقی برناره قلمشسده

برنارک اطاعت منزلکنه مینی ائک ممالکیده صالح لوئی طرفندن
 مصادره ایدلمشدی. لوئی حسن اخلاق ایله متصف بولمقله
 برابر پدربنک متانت و درایتنه مالک بولمدیغندن و ممالکنک
 انضباط و آسایشنی تأمیندن زیاده کندی طاعات و عباداتنه
 اهمیت ویردیکندن جلوسیه برابر دولتک اسکی قوت و متانتنه
 خلل طاری اولمش و بالخاصه اوغلاری آره سنده تقسیم ممالکه
 تشبثی پک چوق قاریشقلقر احداث ایلشدر. لوئی ایتالیاک
 اداره سنی بیوک اوغلی لوتره و بر مدت صکره باواریه بی دیگر
 اوغلی لوئی به و آکیتانیه بی پینه ویرمشدی فقط ژودیت
 اسمنده کی زوجه سندن متولد اوغلی کل شارله chrls le chauve
 دخی حصه چیقارمق ایستیوب فرانسه بی اکا و برمش و پینک
 حصه سنی دخی نزع ایدرک شارک حصه سنده علاوه ایلش
 اولدیغندن اوغلاری عصیان ایدرک پدربینی خلع ایلشدر.
 لوئی خلقک معاونتیه ینه جلوس ایدوب تقسیم ممالک اوغو-
 رنده بر چوق کیر و داردن صکره ایمپراطور عنوانیه ایتالیا بی
 لوتره آلمانیا و باواریه بی لوئی آلمان و فرانسه بی دخی کل شارله
 بر اراق و فات ایلشدر.

لوتر ایمپراطور لغنه استناداً برادرلندن اطاعت کامله طلب
 وینه اوج برادر آره سنده محاربه تحدث ایدرک فونتانه محاربه.
 سنده لوتر مغلوب اولدیغندن عقد اولنان وردون معاهده سیله
 اختلافات موجودیه نهایت ویرلشدر شویله که آلمان لوئی ینه

باواریه و آلمانیا قطع‌ه‌لرنده وکل شارل فرانسه‌ده حاکم قالوب
 فقط بیوک برادرلرینه قارشو هر درلو مکلفیتدن آزاده قالمشدر
 ولوتر ایمراتورلق عنواننی محافظه ایدرک ایتالیایی و برده
 آلمانیا ایله فرانسه آره‌سنده حد فاصل اولق اوزره بورغوندییه
 ولوتاریکیه و بلجیقا قطع‌ه‌لرندن مرکب رن نه‌ری جوارلری
 اراضیسنی آلمشدر. وردون معاهده‌سی فرانسه و آلمانیا دولتله
 ینک تاریخ تأسس‌لری عد اولنه‌یلیر (۲۲۱)

شارلمان اولاد و احفادینک بو دور و دراز منازعه‌لری
 اثناسنده احوال ممالکده تبدلات مهمه وقوع بوله‌رق ولایات
 و الیلری عادتاً استقلال فعلی اکتساب ایشلر و مرکز حکومتک
 حکم و اهمیتتی قالمی‌درق بحث آتیده کوریه‌جک درجات اوزره
 بر دره‌بککک و اصلزاده‌لک هیئتتی حاصل اولمشدی بو صورتله
 آلمانیا و فرانسه مقتدر رؤسا اداره‌سنده اقسام جسمیه آیرلدیغی
 کبی کل شارل بیوک برادریه محاربه‌یه کتدیکی صره‌ده رؤسا
 دن مظهر معاونت اوله‌بیتک ایچون ولایات امراسنک
 مأموریتلری بعدما طریق توارثله پدردن اولاده انتقال ایشسنی
 معین بولنان کبهرسی فرماننی اصدار ایدرک زمانک ذاتاً فعلاً
 وجوده کتیردیکی تغلبه مشروعیت سوسی ویرمکله اوروپاده
 فتودالیته تعبیر اولنان دره‌بککک اصولی قطعاً تأسس ایشلدر.
 دول جدیده‌دن لوترک حکومتی آز وقت طرفنده منقرض
 اولوب لوتردن صکره ایمراتور اولان لوتئی‌نک بلاذریت

وقایله ممالکی وحدت سیاسیده سنی غائب ایدرک ایتالیا بسبتون
 ایرلمش و کوچک کوچک دره بکاکلره بولمشدر . اقسام شمالیه
 ایسه بورغونديه ولوتارنیکیه وفلاندر کبی بویک دوقه لقره
 آریلوب بونزک روابط تابعیتلری بر مدت مههم قاهره نهایت
 بورغونديه وفلاندر فرانسه ولوتارنیکیه آلمانی اقسامندن عد
 ایدلمشدر .

بو حکومتک انقراضی اوزرینه کل شارل ابه آلمان لوئی
 ایمپراطوراق تاجی ایچون محاربه ایدرک بر مدت کل شارل
 ایمپراطور اولمشدهده وفاتنده یسه لوئی ذرینه انتقال ایلش
 ولوئی آلمان وفاتنده ممالکنی اوچ اوغلی آره سنده تقسیم ایتشکن
 اوغلارندن شثمان شارل charles le gros برادرلرینک وفاتندن
 صکره ایمپراطوراق عنوانیه کافه ممالکی اداره سنده جمع
 ایتشدر کل شارل صکره اولاندن پیه لوئی و اوچنجی لوئی
 وقارلومان حکومت ایدوب بلاذریت ترک حیسات ایلدکلرندن
 فرانسه زادکانی اتفاق ابه شثمان شارله بیعت ایدوب برآرهلق
 شارلمان دولتی یکیدن تأسس ایدبور کبی کورنمشدر .

بو صهرده شمالی اوروپا اقوامندن نورمانلرک تعرضاتی
 شارلمان دولتی ممالکنی زیاده سیله بحضور ایلکده ایدی دایمراقه
 واسوچ ونورویج طرفلرنده اسکن ایدن نورمانلر قره طریقتی
 قبالی بولدکلرندن وذاتاً کیمیلمکده مهارت فوق العاده لری
 بولدیغندن بحر شمال سواحلی دایماً یغما وتالان ایتکده وسوا .

حلی محافظہ خصوصندہ حکوماتی عاجز بر اقمندہ ایدیلر شثمان شارل بونلرک تعرضاتی کسمکه موفق اوله میوب ساده فرانسه سواحلندہ تعرض ایلملری شرطیلہ سائر یرلز مهاجراتده بوللمرینه مساعده ایلمشده بوضعنی فرانسه زادکانتک کوجرینه کیدوب بیعتدن اعراض ایلمرله شثمان شارلده فرانسه حکومتندن محروم اولمشدی.

شثمان شارلدن صکره کارلووینغ سلاله سنک ایمیٹی قالمیوب آلمانیده سلطنت شارلک برادر غیر مشروعی آرنولقه واندن صکره بیک لوتی به یکمیش وانک ذرینسز اوله رق وقاتیلہ شارلمان سلاله سی آلمانیده منقرض اولمشدر (۲۸۹)

بو سلاله فرانسه ده بر مدت ده ا ادارهده قالب شثمان شارلک اخلافندن اوچنجی شارل — Charles le simple نورمانلرک تعرضاتی منعه بشقه درلو قادر اوله مدیقندن فرانسه نلک شمال غریب سنده کی اراضی بی نورمان رؤسایندن روللون نام ذاته دو قلق اولقی اوزره تملیک ایلمش و روللون فرانسه نلک سائر نورمان قبائلنه قارشو وقایه سنی درعهده ایتمشدر او وقتندن بری مذکور قطعہ نورماندیہ نامیلہ معنوندی.

فرانسه ده دره بکارک حکم و نفوذلری کوندن کونه آرتاریق طوغریدن طوغری به تخت اداره لرندہ طوبراغہ مالک اولمیان قرالرک هیچ حکم و نفوذلری قالماس و خصوصیلہ پارسده حکومت ایدن و فرانسه زادکانتک متقدرندن اولان فرانسه

دوقہلری حکم و نفوذجہ قرالہ یوک بر رقیب کسلشلردی
 نہایت قارلووینغ سلالہ سنک ال صوک پرنسی اولان تئبل لوتی
 نک و فایلہ فرانسه دوقہمی ہوک قاپت Hugues capet دخی
 رسماً کندیسنی قرال اعلان ایدرک فرانسدہ سلطنت قاپتہن
 خاندانسدہ یکمش (۳۵۶) واصل بو خاندان زمانندہ فرانسدہ
 دولتی مستعد ترقی بر حکومت ملیہ حالی بولشدردہ .

۴

فئودالیتہ

فئودالیتہنک اساسلری و صورت نأسی . سوزرن و واسال . لنلر . سلسلہ
 زادکان . اصالت عنوانلری . رؤسای روحانیہ . انوسیتور . درہ
 بکیرک حقوق . واساللق وظائفی . شاتولر . مظالم . سرفلر
 وحر اہالی . شوالیہ لک . شرک ترقیاتی . تروبادورلر .
 جمعیتک احوال عمومیہ سی . لائین لسانی والستہ
 ملیہ . جہاننک ترقیسی . اوروبا احوال
 سیاسیہ سی . فرانسدہ درہ
 بکسلگری . آلمانیا درہ
 بکسلگری . ایتالیا
 و ملک سائرہ .

قرون وسطی دہ اوروپا جمعیتک ال یوک اساسی اولان
 فئودالیتہ یعنی درہ بکک اصولی شارلمان امپراطور لغنک انقرا .

ضند نص کره باش کوستر مشهده مقدماتی دهها قدیم زمانلرده
تجری اولنه بیلیر . جرمان اقوامی میانده حریت شخصیه پک
طالی بر درجدهده موجود اولهرق رئیسزینده اطاعتلری ریاسته
سببیت ویرن احتیاجک دوامده منحصر بولنوب سربستی به
مجبزلندن آرهلرنده بر حکومت منتظمه بیله تأسس ایده مامشدی .
فقط جرمانلر غربی روما ممالکنی استیلا ایله آرهلرنده پای
ایتد کدنصکره بیلنرنده حقوق نصرفیه دن متولد مناسبات جدیده
حاصل اولدی شوبله که حق فتح مناسبتیله صاحب ممالک
اولان قرال معبتی امرا وارکانسه اراضی کایه تملیک ایدرک
مقابله آنلردن خدمت فعلیه و معاونت و مظاهرت طلبنه حق
قراندیغی کی بر چوق افراد اهالی دخی بو صورتله سربستی
تام ایله اصحاب املاک میانده قارشیدیلر . حالبوکه مرووه خاندانی
اداره سی زماننده کی قاریشقلقلر هر کسک جان و مال و عرض
و ناموسنی تهلکه دائمه التنده بر اقدیغندن طبیعی ضعیف اولان
اصحاب املاک قوتلی بر جایه لوم کوردکارندن کندی حق
تملکلرندن بر قسمتی قدا ایدرک و مثلاً سنوی بر مقدار مبلغ
تأدیه سنی و یا خود صورت آخرله ایفای وظائف بندکیتی تعهد
ایدیندرک بر بیوک عائله به انتساب پیدا ایشلر و بو صورتله
یواش یواش طوغریدن طوغری به قرالدن اراضی آلمش اولان
بیوک اصحاب املاک بر تبعه و خدام گروهی حاصل اولمشدی .
بو اصحاب املاک طوغریجه ارض ویردکاری بر طاقم آدملرده

بوکروهی تزید ایدوردی . شارلمانک تأسیس ایلدیکی حکومت قویه التئده بیله بو صورتله بیوک اصحاب املاکک نفوذ و اهمیتلری پیدربی آرتارق ولایات قونلقلری کبی مأموریتلر عادتاً بونلره انحصار ایلکده ایدی . صالح اوئی نك ضعف اداره سندن متولد قاریشقاقلر اثناسنده بو قونتلر برلرنده قطعاً تأسسه برنیم استقلال قزاندقلری کبی پیدربی مأموریتلرینی دخی اولدرینه برافعه باشلامشیر ونهایت کل شارلک بیوک برادری ایله حربه کیتدیکی زمان امضا ایلدیکی کیدرسی فرمائی ایله بو سوء استعمال تصدیق وتصویب ومأمورین اداره مأموریتلرینک بابادن اوغله ارتا انتقالی قاعدهسی تأسیس ایلدیکندن ممالک فعلاً بوزلرجه حکومته منقسم قالمشدر . ذاتاً اهالی اجناس مختلفه نك قارمه قاریشق اجتماعندن حصوله کلش بر جمعیت مخلطه تشکیل ایدرک هنوز فرانسز وآلمان وایتالیان نامرله توسیم ایدیلرجه جنسیتلر وجوده کلمدیکندن وهر کسک عادات و اخلاقی بشقه اوله رق حکومت مرکزیه نك انحطاطیله قایتولر قوانینک حکمیره منخطی اولدیغندن بو تفرقه سیاسییه نك پک شایان دقت بر تفرقه اجتماعیه ومدنیه ایله توأم بولندیغی شبهه دن وارسته در .

فتو دالبته اصولنک اساسی تملک ارض اولوب اصل صدا حب ارض ایکن انی بو اصوله توفیقاً سائره تملیک ایدنه سوزرن Suzerain و ارضی اخذ ایلدیه واسال Vassal

تشریح

اطلاق اولتوردی فقط بو تعبیرلر اضافی اولوب بولک بر اصلزاده مثلا بر دوقه قرالی سوزرن طانیدیغی و صاحبی اولدیغی اراضیدنطولایی قراله قارشو و اساللق وظائفنی ایضا ایلدیکی حالده کندبسیده معینده کی اصلزادکانه قارشو سوزرن عد اولتورق انلردن و اساللق وظائفنی طلب ایدردی .
 و او اسور Vavasseur دیلان بو کوچوک و اسالرده کندی طور افریک بر قسمنی عینی اصوله مستنداً بشقه رینه تملیک ایدرک سوزرن او اورلردی بو صورتله قرال دن عادی بر قریه سوزرینه قدر اوزون بر سلسله اصالت وجوده ککشدی .
 بو سلسله ده هر کس انجق کندی سوزرینه قارشو و اساللق وظائفنی ایضا ایلوب سوزرتهک سوزرته قارشو بر کونه وظیفه ایله مکلف بوتمزدی . بو حالده طبیعی هر اصل کندیسنه قارشو اطاعت و انواع خدمت ایله مکلف اولان آدمیک مقدا .
 زینی آرتدیرق ایستیه جکندن آزچوق کندیسندن انتفاع قابل اولان هر شیئی لن laine یعنی قابل تملیک ارض اعتبار اولمشدی . شامپانیا و نورماندیه کی جسم و معمور ولایتلر فصل برلن ایسه بر کویک دکرمنی بر بولک مروریه می و یا خود بر ترلانک حق صیدی دخی اوله بران اولوب بونلک توجیبی صادات مجلیه کوره مختلف صورتده وظائف تابعیتی انتاج ایدردی .

بو زادکان سلسله منده درجه اهمیتده کوره هر کسک بر

عنوان مخصوصی و ارابدی ال بیوک پایہ دوق Duc لقب اولوب
 یوکا آلمانیاده هرزوغ Herzog نامی و بریلور وانی متعاقب
 قونت Comte و قونت Vicomte مارکی Marquis مارغراو
 Margrave بارون Baron کله رک سلسله عادی سنیور Seigneur
 لر و احوالی آئیده بیان اولنه جق شوالیه Chevalier لر منتهی
 اولوردی .

بو دره بکک اصولی مأمورین روحانیه میساننده سرایت
 ایشلشدی . روما اداره سی زماننده شهرک مدافعی و وکیل
 رسمییسی اولان پستقپوسلردن بعضیلری مهاجرت عمومیه بی تعقیب
 ایدن قاریشق زمانزده زمام اداره بی دخی اللریته آلارق مرور
 زمانله یا بو تغلب تدریجی و یا خود توجیه رسمیدن اقتباس نفوذ
 ایش بر طاقم دوق و قونت پستقپوسلر حاصل اولمشدی .
 قرون وسطی ده ارضه تملک مطلقا حکومتی دخی منتج اولوب
 هر کسک تعصبی و غیرت دینیه سی متصل کلیسانک املاکنی
 آرتدیردیغندن صاحب ارض اولان هر مناستر رئیس
 طویراغی اوزرنده ده سوزره نلک حقوقنی حائر بولنور و معینده
 واسالیری اولدیغی کبی کندیسسیده بر سوزرنه واسالقی
 ایدردی . رهبان طاقی حرب ایدمه جکندن بو کبی مناسترک
 حقوقنی وقایه ایچون اکثریتله جوار زادکاندن بری مناستره
 مدافع تعیین ایدلمک عادت اولوب اکثر لرده بو بارونلر مناسترک
 وارداتدن قمم اعظمنی اله پکیره رک ساده مناستره قارشو بر

تابعیت لغظیه ارائه سیله اکتفا ایدرلردی . بر چوق رؤسای روحانیه قرالره ویاخود دوقلره واسال اولدقلری کبی زادکاندن رؤسای روحانیه به واساللق ایدنلرده چوق ایدی . رؤسای روحانیه واساللری میاننده قرالر بیله بولنوردی مثلا مچلیسا و جنوبی ایتالیایی عربلر یندن ضبط ایدرک اوراده مچیلین قراللعنی تاسیس ایدن نورمان کسقارد guiscard خاندانای کندیلرینی پاپالقی مقامنک واسالی طائیشلردی .

بر سوزرن طرفندن واساله ارض توجیهی انوستیتور Investiture دینلان رسم مخصوص ایله اولوردی انوستیتور واسالک سوزرنه قارشو صداقت وعبودیتده بر دوام اوله جفته سوز و برمی اولوب اثنای توجیهده واسال سوزرنک اوکنده بر دیزینی بره قویارق دیز چوکوب النی سوزرنک الی ایچنه قویارق ولی نعمتنه قارشو صداقت و ایضای وظیفه دن بر آن تباعد ایله جکنه یمن ایدر وسوزرنده علامت توجیه اولق اوزره واساله عادت محلیه به کوره بر شیئی ومثلاً بر قلج بر یوزک بر سنجاق ویا سار برهدیه اعطا ایلیه رک رسم ختام بولوردی .

بو دره بکلرک حقوق کلبه لرینه نظراً کندیلری استقلال فعلی حالنده عد اولنه بیلیرلردی . هر دره یکی معینده کی ارباب حربی طوپلایه رق دیگر امثالیه محاربه ایده بیلیردی . اکثر بیسنده ایوم حقوق منحصره حکمداریدن اولان ضرب سسکه حتی

اولوب بر آرهلق فرانسه ده یوز الهی قدر دره بکک بو حقندن
استفاده ایلدککری کورلمشدی . هرکس اراضیسی ایچنده فصل
دعوی وتعیین جزا حقنه مالک اولوب ساده اعدام حکم لرینی
ویرمک بر از بیوجک زادکانه مخصوص حقوقدن ایدی . بر
دره بکی بلاموجب سوزره نی طرفندن عزل اولنده . یه جغی کبی
قیاحتی حالنده سوزره ننگ ریاسه تنده اوله رق افراندن مرکب
بر هیئت حضورنده محاکمه اولنوردی شو حالده هر سوزره ننگ
طوغریدن طوغری به اداره سنده اولان واسالار ویا بونلرک بر
قیمی بو مجلس عالی بی تشکیل ایدرلردی از جمله فرانسه ده بو
مجلس التی سی روحانی والتیسی جسمانی اوله رق اون ایکی
عدد دوق وقوتندن مرکب ایدی . بر واسال سوزره نندن کور-
دیکی معامله بی حتمز عد ایلدیکی صورتده انک سوزره ننه
مراجعتله استدعای معدلت ایدر ودها بیوک سوزرن بو قسه
ویا خود اندنده معدلت کوره مزسه عون الهی به مستنداً حقنی
آلتق اوزره قلیجه صاریلوردی . بو صورتله طبیعی اوله رق
عصیانلر بریرینی تعقیب ایدردی .

واسالرک سوزره نه قارشو وظیفه لری دخی متعدد وجهات عیدیه بی
جامع ایدی انک بیوک وظیفه خدمت عسکریه اولوب هر واسال
سوزره ننگ دعوتنده بالجمله معیتله امر ایده جکی بره حریه
کتمک ، بو خصوصده جان و مالی فدا انلک ، سوزره نی اسیر
اولورسه فدیة نجات ویره رک ویا خود برینه کندیبسی کیدرک

شاور

اسارتدن قورتارمق، علیهنده برفساددن خبردار اولدیغی صو-
رتده اخبار ایتمک ابله مکلف ابدی. واسالار مقن بر ورکو
اعطاسنه مجبور اولوب ساده سوزرهنگ اوغلی شوالیهلک
پایه سنی قزاندیغی ویاخود بیوک قزی کلین اولدیغی زمانلرده
کندی درجه آرزولرینه کوره هدیه تقدیمه مجبور ایدیلر.
بوندبشقه بر واسالک وفاتده برینه پکن اوغلی حق انتقال
اولهرق سوزرهنگه بر شی تأدیه ایلدیگی کبی اگر وارث
متوفی ننگ اوغلی دکله دهه بعید اقباسندن ایسه بو حق انتقال
مقداری آرتدیریلوردی. واسال سن صباوندنه بولندیغی مدتیجه
ممالکنی سوزرهنگ اداره ایتدیرهنگ وارداتندن استفاده ایدر
بر واسالک وراثتسی اولان قزینه زوج انتخابی دخی سوزرهنگ
جمله حقوقندن بولنوردی.

اشبو قواعدده تابع بر جمعیت منتظمه تشکیل ایدن زادکانک
اقامتگاهلری دخی کندیلرینه مخصوص بر طرز ارائه ایدردی شویله که
غربی اوروپایه بر طرفدن نورمانلر بر طرفدن عربلر و مجارلرک
تعرض ایلدکری بر سردهه بولره مقاومت ایچون جابجا قلعهلر
انشا ایلدش وقرالار دخی قلاع بناسنی تشویق ایلدکرندن
ممالک هر طرفی شاتو تعبیر اولنان بو استحکاملره طولمشدر.
شاتو اکثر حصین و منبع محلرده و تپهلر اوستنده ویا صو اورته.
سندده اطراف خندقلی بر قلعه اولوب دره بکک ناله سنه و افراد
معینه مخصوص اقامتگاهلری آخورلری ذخیره انبارلری محتوی

ایدی و کوریلنی قبوسی هر اخشام قپانور و اکثر کیزلی طار
 بر بر التی یولندن بشقه صورتله خارجه علاقدهسی قلمزدی .
 شهرلر اکثریتنه شاتولردن بعید اولوب بعضاً دخی اهالی تک
 هیچ اولزسه شاتونک سایه جایه سندن مسنفید اولقی اوزره
 بو قلعهلر جوارنده اسکان و توطن ایلدکری اولوردی .
 زمانک اصول حربیهسی و آلات نارینه تک ققدانی جهتیه
 ضبطی ناقابل استحکامندن معدود اولان بو شاتوله تحصن ایدن
 بکار اهالی حفسده هر درلو مظالم و تعدیاتی روا کوررلردی
 اهالی دره بکک امور ذریعه و سائر سنی آنغاریه صورتیه
 و کندی ایشلرینه تقدیماً کورمکه مجبور اولدیغی کبی سائر بیک
 درلو مشاق و مظالمه دوچار اولوردی بالخاصه سرفر یعنی
 ارضه باغلی بر نوع اسیر حکمنده اولانلرک حیات و مماتی بیله
 بککرنه نده اولوب بونلرک نائل حریت اولقی ایچون سلاک
 رهبانه دخولدن بشقه بر امید نجاتلری یوق ایدی . حر اولان
 یعنی براز ارضه متصرف بولنان اهالی بیله فتودالیتنه تک ایلک
 زمانلرنده سرفدن حاجله آز فرقلی بولنور و تاهل ایدنلرک
 زوجدرلی ایلک کبیجه دره بکک قوناغنده قالمق، زوج و زوجه
 آیری برلر اهالی سندن اولورسه چـ و جقتلر ایکی محل دره بکی
 آره سنده تقسیم ایلدک و چو جق ساده بر ایسه اناسنک بولندیغی
 یرک دره بکنه عاقد اولقی کبی عادات کریمه بیله خلقجه خوش
 کوریلوردی . شوالیهلک بو دورک الک شایان دقت مؤسسـا .

تندن بری ایدی شوالیه زادگان اولادندن بر سواری نقری
 دیمک اولوب کوچکلکنده مکمل بر تریه عسکریه آلدقدن صکره
 بر مدت پاژ page یعنی ایچ اوغلانی صفتیله بر اصلزاده معیتنده
 بولنور و صکره رسماً شوالیه اعلان اولنوردی. شوبله که شوالیه
 بیاض اوروبه لر کینه رک آلاینه کلیسایه کیدیلور و اوراده دعا
 اولنوب شوالیه ده عمری اولدیغی مدتجه طوغریلقدن و صدا.
 قندن آریله جغنه و ققرا و ضعفا و نسوانی حجابیه ایده جکنه
 و کلیسانک حامیسی اوله جغنه یمن ایدوب افندیسی قلیچنک ترسیله
 آرقه سنه اورارق شوالیه لکنی اعلان ایدردی. بر نامدار
 قوماندان محاربه اثاسنده بریسنی شوالیه اعلان ایده بیلردی.
 شوالیه لر ضعفا و ققرا حامیسی ایسه ده بعضیلرینک قطع طریق
 دخی ایندکری و اثبات شجاعت و جسارت ادما سیله بولاری
 کسه رک سکان مملکتی بیحضور ایندکری کوریلوردی. شوا.
 لیده لر سراپا زرهلر کینش مکمل مسلح و قدرت بنیه بی حازر
 بر قهرمان صنی اولوب تورنوا Tournois تعبیر اولنان تعلیمده
 عادتاً محاربه تقلیدلری ایدرک الک زیاده اثبات شجاعت ایدن
 شوالیه او جمعیتده بولنان حضار نسوانی میانده الک کوزل عد
 اولنان قادین طرفندن بر تاج ظفر ایله تلطیف اولنوردی.
 شوالیه لکنده او صاف قهرمانی نسوانه مجتله امتزاج ایدرک
 هر شوالیه نک بر محبوبه حقیقه و یا مخیله سی بولتیق عادت زما.
 نهدن ایدی.

جمعیت آره‌سنده بوبله قهرمانلقه رقت قلبی بر یره طویللا-
 مش بر صنفک وجودی عطالت عمومی فکریه آره‌سنده شعره
 بر حیات تازه ورمشدی . کباره مخصوص هیجج بر اکلنجه
 اولیوب ساده بارد و تر و بادور ^{troubadour} دینلان و نظمیرینی سازله تغنی
 ایدن شاعرل مشهور شوالیدرک حکایات قهرمانانه لرینی و سر-
 گذشت عشق و محبت لرینی حاکی اشعاری تغنی ایدرک شاتودن
 شاتوبه طولاشورلر و قیشک شدتلی زماننده شاتونک سالوننده
 اوجاق باشنده طولانمش و بش التی آی قپودن طیشاری
 چیقامیه جق صورتده قبانمش اولان بر دره بک عاقله سی ایچون
 تر و بادورک و رودی الک بیوک اکلنجه لردن عد اولنوردی .

فتودالیتنه تک ابتدای تشکی زمانلرنده شهرل هنوز ایبروده
 کوریله جک اهمیت کسب ایلدکرندن جمعیت کلیسا هیئتیه
 زادکاندن و برده همان همان حال اسارتده دیمک اولان اهلیدن
 مرکب ایدی . شارلمانک ترقیات مدینه خصوصنده کی تشبثاتی
 دخی ثمره سز قالمغه جهالت پیدرپی آرتمش وزادکان و اشراف
 نزدنده او قویوب یازمق شان رجلیته منافی عد اولنهرق علوم
 و فنونک آدی آکلز اولمشدی . لسان علم اولان لاتینجه ساده
 قاتولیک کلیسا سنک لسان رسمیسی اولوب رهبان آره‌سنده
 وغایت غلط بر صورتده استعمال اولنهرق السنه ملیه ایسه
 هنوز نه شکله کیره جکی اکلاشلز بر حالده قالمشدی . فرانسه ده
 جرمان السنه سیله لاتینجه مخلوطی اولنهرق رومان لسانی تکلم

ایدلمکده و بوده جنوب و شماله مخصوص اوله رقی لانغ دوق
ولانغ دویل نامرله Langue d'oc et d'oile ایکی شعبه یه
آیرلمقده ایدی . ایتالیا ده دخی بویه مخلوط بر لسان قوللانمقده
و آلمانیا ده ایسه جرمانجه ده از یاده محافظه قوت ایلکده
بولمشدی . تروبادورلرک اشعاری طبیعی السنه ملیه اوزره
تنظیم ایدلمشدی .

لسانلرده اولان بو قاریشقلق هنوز ملتجه دخی موجود
اولوب فرانسه قرانته تابع اولان برلر اهلایسی فرانسز و آلمانیا
ایمپراطورلغنه تابع برلر خلقی آلمان عد اولتمقده ایسه ده هنوز
ملل مختلفه بر برندن آیرلماشدی و خلقده ملیت حسی موجود
اولیوب هر دره بکنه تابع اولان اهالی کندیسنی بشقه برجنس
کبی عد ایدردی وطن مشترک نه اولدیغنی هنوز اکلایان
بو قدی .

شو احوال دن اکلاشیله جغی و جهله مرکز حکومتلرینک
هجرت نبویه نیک او چنجی و دردیجی عصرلرنده هیج اهمیتلری
اولیوب اصل اداره مالک بیوک دره بکار النده قالمشدی که
بونلرکک مشهورلری بر وجه آتی تعداد ایدیلانلر ایدی .

فرانسه قرالری نیک فاملیا طوپراقلری اولان فرانسه دوقه لغی
فرانسزلرینکک بیوکلرندن ایسه ده اقدیمجه ملحقانندن اولان
آنزوبلوا و شارتر قونلقلری مرور زمانله آیریله رقی بیوک
فئودالر میانته داخل اولمشدی . فرانسه دوقه لغی بو جهله

کو چلش و اقسام مختلفہ آره سنده کی ارتباط و التصاقہ خلل
کله رک اطرافندہ مونمورانسی و الواسواسون آہن ورماندوا
کچی بر چوق قوتلقلر هر درلو روابط تجاریہ دن مرکز حکو.
متی بیلہ محروم بر اقلشردی .

فرانسه دوقد لغنک شمال شرقی سنده و شمیدی بلجیقادہ کی
فلاندر دوقد لغنی ثروت و معموریت جہتیلہ اوروپانک اک برنجی
درجہ دہ کی ممالکندن ایدی . فرانسه دوقد لغنک شمال سنده کائن
اولوب رولون طرفندن تأسیس ایدیلان نورماندیہ دوقد لغنی
ایلرودہ کوریلہ جکی و جہلہ انکترہ قلعه سنی استیلایہ مقتدر
اولہ جق درجہ دہ صاحب مکنت اولدیغی کچی فرانسه نك
منتهای غربندہ کی بریتانیا دوقد لغنی دخی بد تحکمنہ کچیرمکه
موفق اولمشدی . فرانسه دوقد لغندن مفرز آنزو قوتلغنی مدن
وسنتونز قوتلقلرینک دخی الحاقیلہ اک یوک لنردن معدود
اولدیغی کچی فرانسه نك شرق وسطندہ کی شامپانیا قوتلغنی دخی
اک معمور مملکتلردن ایدی . شامپانیا نك جنوبندہ و قدیم آرل
قرالغنی بقایاسندن بورغوندیہ دوقد لغنی موجود ایدی .

فرانسه نك جنوبی و قتیله آکیتانیا قرالغنی تشکیل ایدوب
فئودالیتہ دورندہ بو قرالغک ممالکنده درت یوک دوقد لقی
موجود ایدی که بونلردن آکیتانیا غاسقونیا دوقد لقری و طولوز
قوتلغنی فرانسه دہ وبارسلونه قوتلغنی دخی اسپانیای شرقیدہ

ایدی بو بارسلون قونت لغندن مؤخرأ اسپانیاده آراغون قرالغی
ظهور ایلشدر .

بورغوندییه نورماندییه و آکیٹانیه دوقه لرلیه فلاندر شامپانی
وتولوز قونتلی وریس سراپس-سپوس دوقه سی ایله لائون
ولانغر پسه-سپوس دوقه لری وپووه و شالون ونویون پسه-سپوس
قونتلی فرانسه قرانک ریاستنده اوله رق قراللق دیوان عالیسی
تشکیل ایدرلردی . ساده فرانسه ده یوز قوتلق اولوب دیگر
دره بکلکلرک حد و حسابی یوقدی . آلمانیده کی بیوک دره بکلکلر
جسامت و اهمیتیجه فرانسه ده کی امثالندن اشخی قالماقده ایدیلر .
آلمانیا نك وسط شمالنده کی ساقسونیا دوقه لغی انک بیوک لنردن
اولوب جنوبنده کی تورنیکیه دوقه لغی بونک اقسامندن عد
ایدیلوردی . ساقسونیا نك شمال غریبسنده و شمیدی کی فلنک قطعده
سنده فریضا دوقه لغی انک جنوبنده و فرانسه حدودی بوینجه
لورن (لوتارنیکیه) دوقه لغی موجود ایدی . لوتارنیکیه نك
شرقنده فرانقونیه دوقه لغی دخی آلمانیا نك انک مهم اقسامندن
اولدیغی کی انک جنوبنده بولنان آلمانیا دوقه لغیده شوایه
نامیله مشهور لنر میاننده بولونیوردی آلمانیا نك جنوب شرقیسنده
باویرا دوقه لغی موجود اولوب وقتیه اوستریانک اساسی اولان
شرق مارق غرافلغی بونک اجزاسندن معدود وانک شمالنده کی
بوهمیا و موراویا دوقه لقلری ایسه لهستان قرالغی اوزرینه
حقوق حاکمیتی بیله حاز ایدی آلمانیا حدودی ونديک دکری

ساحلئہ قدر اینوب بو ساحل قارنیتیا دوقه لغی ابله احاطه
 ایدلشدی . آلمانیک شمال شرقیسندہ اولوب مؤخرأ پروسیا
 دولتک اسامی اولان براندنبورخ مارق غرافلغی هنوز برعادی
 حدود مارغرافلغی حالندہ اولوب دها اہمیت کسب ایلامشدی .
 ایتالیاہ کی حکومت دہا کوچک اولوب ایچلرندہ الک
 مہمی ساووا قوتلغی ایدی قدیم لومباردیہ قرالغی اجزاسندن
 اولہرق میلان ونڈیک جنسہ پاوی پیرا شہرلرندہ محلی ادارہ
 تأسس ایلش ووسطی ایتالیاہ توسقانہ دوقه لغی وپایا حکومتی
 موجود ایدی ایتالیاک جنوبی و سچلیادہ نورمانلرک اورازی
 عربلرندہ بعد الاستیلا تأسیس ایلدکری سچلیتین قرالغیہ
 فتودالیتہ اصولی اوزرہ بولنہرک قابو آوزرا پرنسملکری پویل
 قلابر دوقه لقری تارانت پرنسملکی و سچلیا قوتلغی کبی
 حکومت وجود کلشدی . ایتالیاک شمالندہ کی درہ بکلکلر
 آرسندہ سوزرن وواسالقی روابطی مققود اولوب ایلرودہ
 کوریلہ جک آلمان ایمپراطوری قوزاد بونلرک جہلہ سنی طوغریدن
 طوغری بہ ایمپراطورلغہ مربوط و بربرندن مستقل اعلان ایدرک
 مملکتی ہر درلو روابط اتحاددن عاری برچوق کوچک پارہ
 چہلرہ بولمشدی .

شمالی اورویادہ کی دائیاریقہ واسوج نوروج دولتتری
 هنوز سیاست کسب معروفیت ایلدکری کبی شرقدہ کی روسیہ
 غران دوقه لغی ولیتوانیا و پروسیا حکومتتری و بچار و سلاوون

ولہستان قرالقری دخی ہجرت نبویہ ننگ اوچ ودردنجی عصر۔
لرنده موجود ایسہ لردہ بپوک بر اہمیت سیاسیہ قزانماش
اولدقرندن بونرک تفصیل احوالی ایلرویہ تعلیق اولنہرق
غربی اورویا وقایع تاریخہ سنہ دوام ایدلک مناسب ملاحظہ
قلمشدر۔

فصل نانی

— آلمانیا و ایتالیا —

۱

{ آلمان ایمپراطور لغی }

آلمانیاده قارلووینغ خاندانك انقراضی. قونزادك انغخابی. آوجی هازی. ساقسونیا خاندانك شوكنی. بیوك اوتون. بچارلره غلبه. ایتالیاك قحی. ایمپراطورلق. ایکنجی اونون، اوجنجی اوتون وایکنجی هازی. فرانقونیه خاندانی. قونزاد. ایتالیاده فئودالیته. اوجنجی هازی. آلمان ایمپراطورلغك منهای نفوذی.

شارلمانك تشهر ایلدیکی قارلووینغ سلاله سی اساساً اوسترا. زیه لی یعنی آلمانیالی اولدیغی کی بو سلاله نك پایتختی دخی آلمانیاده بولندیغندن و ساقسونیا و اوستریا حوالیسی کی تقریباً آلمان قرالغی ممالکنك نصفنه معادل ممالکده طوغریدن طوغری. یه شارلمان طرفندن فتح ایدلمش یرلر اولدیغندن آلمانلرک قارلووینغ خاندانه مربوطیت مخصوصه لری اولوب مشروع پرنسلی بر حیات اولدجه بشقه بریسنه بیعت ایتك خاطر لرینه بیله کلامشدی.

فرانسه ده هوك قاپت صورت قطعیه ده اوله رق قرالغی
 كندی خانداننده تقریر ایلمسندن اول دخی فرانسه دوقه لرندن
 بر قاچی قارلووینغ سلاهی سی پرنسلینه ترجیحاً قراللیق مقامنه
 چیقارلدیغی حالده آلمانیا ده بو پرنسلك سلطنتنه هیچ مخالفت
 ایلمیوب قرال بیک لوئی نك بلاذریت و قاتیله خاندان حکمداری
 منطقی اولدیغی زمان دخی قادین طرفسندن بو خاندانه قرابتی
 اولان فرانقونییه دوقه سی قوزراد بیوک زادكانك انتخابیله مقام
 حکمداری به چیقارلمشدر (۲۸۹) .

قوزراد مقدم و غیور بر حکمدار اولوب ولایاتده دوقلرك
 کسب ایلدکری استقلال فعلی بی تحدید ایدرک نفوذ حکمدار .
 ری بی تزیده چوق چالشمشده بر برینی متعاقب و فوعبولان
 عصیانلر و بالخاصه ساقسونیه دوقه سی آوجی هازرینك مخالفت
 و خصومت میدیسی دور سلطنتنی غوائلدن خالی بر اقامشدر .
 آلمانانك وسط و جنسوبنده کی لوتارنیکیه و فرانقونییه قطعدری
 اسکی اوسترازیه ممالکیندن و باویرا و شوابیه دخی الك قدیم
 ولایاتدن اولوب بلاد معموره بی حاوی و روما مدینتی اصول
 و احوالیله ده ازیاده مألوف ایذیلر شارلمانك ممالک مفتوحه .
 سندن اولان تورینکیه ساقسونیا و فریسیا جهنتری ایسه انلره
 نسبتله ده حشین طبیعتلی و اطاعت و انقیاد ایله مألوفیتی آز
 اهالی ایله مسکون بولونیوردی . قوزراد اشبو آوجی هازری
 ایله محاربه سنده مغلوب اولدیغی کبی ختام عمرینه قدر محاربات

ایچینده وقت پکیرمش و فقط صاحب حیثیت بر ذات اولمغله
و فائنده رقیبی آوجی هازینک قرالمغه انتخابی توصیه ایلش
و وصیتی موجبنجه معامله ایدلش اولدیغندن سلطنت ساقسونیا
خاندانه انتقال ایشدر (۲۹۶)

بو صورتله آلمانیاده قرالک انتخابی اصولی پیدری
ریششدر . فرانسهده دخی دره بکردن متغذ اولانلر
قرالقی مقامنه چیغمیشلر سده فرانسهده قاپت سلاله سنک مبادی
سلطنتی پک ضعیف اولدیغندن دره بکدر اصول وراثتله قرال
تعیینی قبولده بر باس کورمامشدر و بو اصول ایله معین
اراضی به مالکیت قرالارک قدر و نفوذلینی پیدری اعلا
ایلشدی . آلمانیاده ایسه قرالارک حقوق سلطنتلی چوق و اسع
اولدیغندن دره بکدر حکمدارلرک انتخاب ایله تعیینسه لزوم
کور دکلی کبی سلاله لک صیق صیق انظفاری دخی بو حال
تسهیل ایلش و دره بکدر دائماً قرالارک تحدید نفوذینه چالشه رق
ملک موروثلینی بیله لرندن آلمغه صرف غیرت ایشلدر .

آلمانیانک اوزمانلرده حدودی غیر معین و اکثر جهتلی
مدافعه سز اولوب شرق طرفنده اسلاور و لهیلر و بالخاصه
بجارلر دائماً تعرضدن خالی قالماقده ایدیلر و حتی هازی ابتدای
سلطنتنده بجارلره مغلوب اوله رق سنوی و برکو و برمک شرطیله
اون سنه مدتله عقد صلح ایشدی دولتک ضعفنه بر نهایت و برمک
ایچون هازی قوه عسکریه بی تنظیم ایدرک اوزمانه قدر

قاریشقی صورتده محاربه ایدن شوالیه صنفنی ترتیب و تنسیق
 ایلش واسکی جرمان عادتنی احیا ایدرک اهل ایدن هر خانه دن
 بر مسلح نفر آلاغه باشلامشدر بو صورتله ترتیب اولنان اردو
 ایله اسلاوره غلبه ایدرک ساقسونیانک شرفنده انزه قارشومالکی
 وقایه ایچون براندنبورغ مارق غرافلغنی و شمالده ده شلسویغ
 مارشنی تشکیل ایلشدر. اون سنه مدت صلحیه نك ختامنده
 بحارلله مصالحه تجدید اولتیوب محاربه یه باشلانیشده بودغه
 حدود لایقینه ترصین ایدلشدی. هازی حدود اوزرنده بور
 غوارتن Bourgwarten نامیله قلعه لر بنا ایدرک جوار اهل بسندن
 عشرینی بونلرک درونته نقل واسکان ایلش و تجاوزه باشلایان
 بحارلری مرزه بورغ جوارنده پریشان ایدرک رجعته مجبور
 ایلشدر.

بومظفریات ساقسونیا خاندانک شرفنی فوق العاده تزید
 ایدرک دره بکلی اطاعت کامله یه مجبور ایلدیکندن هر دوق
 زدنده پالاتین قونتی (سرای قونتی Comte Palatin) نامیله
 بر مأمور تعیین ایدرک محاکمات عالییه یه و املاک حکمدارینک
 اداره و محافظه سنه مأمور ایلشدر. بو پالاتین قونتری مرور
 زمانله یادوقلرک غلبه نفوذیه ذائل اولمشلر و یاخود دوقلرک
 نفوذینی بسبتون امحا ایدرک و منصبلرینی ارثی قیله رق کندیلریده
 بر دره بک کسلشدر.

هازی حین حیاتنده اوغلی اوتونه بیعت ایتدیرمش اولدیغندن

وفاتنده اوتون اگس لاشاپل شهرینه کیدرک رسماً جلوس
 ایشدر (۳۱۴) • اوتونک ابتدای سلطنتی پک غائله لی اولوب
 هانزینک وفاتی خبرینی آلان بچارلر تکرار تعرضاته باشلامشله-
 سده آوغوسبورغ جوارنده وقوع بولان محاربه عظیمده
 فئساحالده منهزم اوله رق رجعت ایشله و اوتون بونلردن ضبط
 ایلدیکی اراضی ییده شرق مارق غرافلغنه علاوه ایشدر •

اوتونک جلوسندن صکره ساقسونیا سلاله سنک خصم قدیمی
 اولان لوتارینکیه فرانقونیه و باورایه دو قه لری فرانسه قرالی
 دردنچی لوئی ایله اتفق ایدرک عصیان ایشله سده اوتون
 چله سنی مغلوب واستیمانه مجبور ایشله و کندی قائم پدری بولنان
 فرانسه دو قه سی وورماندوا قونتی ایله بالاتفاق فرانسه قرالی
 لوئی بی عقد صلحه اجبار ایشدر • برمدت صکره بو عاصی
 دو قه لقر نخل قالدقزلندن اوتون باواریه بی برادری هانزی به
 شوابیه بی اوغلی لودولفه فرانقونیه ایله لوتارینکیه بی دامادی
 عاقل قوزاده قولونیا مترو پولیدلکنی برادری برنونه مایانس
 مترو پولیدلکنی مخدومی کیلیومه توجیه ایشدر • اشبو توجیهات
 سایه سنده آلمانیاک ثلثانی طوغریدن طوغری به ویا اقرباسی
 واسطه سیله اوتونک اداره مخصوصه سی الته پکوب اوتون
 پالاتین قوتلرینک دائرة وظائفنی توسیع ایدرک و روحانی لنلری
 توسیع و تزید ایلهرک آلمانیاده فوق العاده کسب نفوذ ایشدر •
 هنوز مذهب عیسوی بی قبول انعامش اولان اقوام شرقیه

ایمپراطور لوق

حقننده ده شارلمانک مسلکنی التزام ابدک هم دولتنک تقویه
نفوذینه و همده قاتولیک مذهبک انشارینه صرف همت ایدوب
بو باده کی موقعیاتیله بیسوک لقبی قزانمش و آلمانیایه هم حدود
اولان بو همیا وله قرالقرنده خرسنتیان مذهبنی صورت قویه ده
حایه ایشدر . والحاصل اوتون آلمانیاده جداً حازر اقتدار
حکومت اوله رقی اترینک اکیلی ایچون ساده ایمپراطور تاجی
نقصان قالمشدی . ایتالیانک فحمی بو نقصانیده اکیال ایلدی .

ایتالیا قطعده سی اجناس مختلفه بی حاوی بولنان وهنوز نه
سیاسته ونه ده اصول اجتماعیه جه اتحاد استعدادینی حازر اولمیان
یر قطعده اولوب شمالنده لومباردلی و فرانکلیک طول مدت
اقامتند نطولایی جرمان عناصری غالب ایدی وسطده پاپارک
تأثیر نفوذریله قدیم رومالیلیق محافظه ایدلمش وجنوبنده ده
روملریله عربلی تفوق ایلکده بولتمشردی . بو صورتله اجناس
مختلف اولدیغی کی لوترک ایمپراطور لغی منقرض اولدقدنصکره
ایتالیانک شمالی دره بکلنکر و سربست شهرلر و روحانی اداره لر
التنده بولتمش ایدی شمالی ایتالیاده فریول و سپولت دو قه لقلریله
ایوره مارکیلیکی اک مهم حکومتلردن اولوب شارلمانک ایمپراطور-
لق تاجی و قدیم لومباردیا قرالغی دمیر تاجی بونلر و پرووانس
قونلریله بورغونیده قرالری الرنده قالمش و شارلمان مملکتک بوزده
بری قدر یره حکم ایتیمیان آدمک قرال و ایمپراطور عنوانلرینی
طاشیدق قری کورلمشدی . ایمپراطور لوق تاجی حامل اولان

فریول دو قه سی برانزه نك قتلندن صكره بوتاج كسه به انتقال ائلا.
 مشهده قراللق تاجی پرووانس قونتی لوتره انتقال ایدوب ایوره
 مارکیسی ایکنجی برانزه ده لوتر ایله بالمجار به غلبه و کندیسنی
 اتلاف ایدرك تاجی استحصال ائلس و قرالغتك کندی اوغلی
 آدالبره انتقالنی تأمین ایچون لوترك زوجه سی آدالایدی اوغله
 تزویجه قیام ایلدیکندن آدالاید فانوسا شاتوسنه تحصن ایدرك
 اوتونك معاوونتی رجا ائلشدی. اوتون ذاتاً آلمان حکمدار لرینك
 ایتالیا حقنده کی مدعیات قدیمه لرینی احیا ایچون بر بهانه به مترقب
 اولدیغندن ایتالیا به کچوب حسن قبول عامه به مظهر اوله رق
 آده لایدی تزوج ائلس و بر ایکنجی دفعه کلشده برانزه بی خلع
 ایدرك لومبارد قرالغی تاجنی تسوج ایلدیکی کبی روما به ده
 کیدوب شارلمانك امپراطورلق تاجنی کیش و بیکی امپراطورلغه
 جرمان ملتنك مقدس روما امپراطورلغی *Le saint Empire*
Romain de la nation germanique عنوانی ویرلشدر.
 امپراطورلق ملایسه سیله روما اهالیسی طرفندن انتخاب اولنان
 پاپلرك تصدیق مأموریتلری حق دخی اوتونه انتقال ائلشدر.
 ایتالیا نر اول امرده آلمان اداره سنی آرزو ائلشله سه ده آزوقت
 صكره اداره جدیده بی پك آغر کوره رك شکایته و کندیلری کبی
 روما مدینتی تأثیراتی محافظه ائلامش اولان آلمانلری عادتاً بار بار
 مقامنده طومغه باشلامشدر.

اوتونك خلقلری بولسان ایکنجی و اوچنجی اوتونلره

ایکنجی هازی (۲۵۱-۴۰۲) دورلنده ایمراتورلغک شرفی
ینه دوام ایدوب یالکز بعض غوائل داخلیه مناسبتیه ایتالیا
پیوک اوتونک ازمش اولدیغی دره بککر فرصت بوله رق عادتا
استقلال اوزره ینه باش کوسه تر مشردی . ایکنجی هازینک
وقایله ساقسونیا خاندانی منطقی اولدیغندن آلمانیا دره بککری
ورؤسای روحانیه وعموم زادکان وشوایه لیلر رن نهری ساحلنده
طوبلانارق فرانقونیه قونتی قونزادی انتخاب ایشلر و ایمراتور-
لق ایشو ایکنجی قونزاد ابله ینه فرانقونیه سلاله سنه بککوب
بوزسنه قدرده بوسلاله ده قالمشدر .

قونزاد غیرتلی بر حکمدار اولوب آلمانیا دره بککری
تزاید اوزره اولان سرکشکلرینی قیره رق دین
عیسوی بی قبول ایدن اسلاو دولتلرندن بوهمیا قرالغینی
آلمانیا ایمراتورلغنه واسال ایتکه و بورغوندییه ملحقه اتندن
هلوه تیه (اسویچره) قطعه سیله فراش قونته بی تخت اداره سنه
آلغه موفق اولمشدر . قونزاد ایتالیا دره بر سلسله زادکان
تشکیله فتودالیتنک اوراده قونتمسنی منع ایچون بر فرمان
اصدار ایدرک شمالی ایتالیا دره بالجه دره بککک مناصبنک ارشی
اولدیغنی بو بونلرک آره سنده سوزرن و واسال اولیبو بجه سنک
طوغریدن طوغری به ایمراتوره واسال اولدقزینی اعلان
ایشلدر . بو فرمان ایتالیا فتودالیت سنی تشکیل ایدوب ساده

بونلرک آره سنده هر درلو ارتباطک مفقودیتی مملکتی یوزلرجه
 کوچک حکومت النده بر اچشدر .
 قوزادک خلقی اوچنجی هازی آلمان امپراطورلرینک بلکه
 اک قدر تلیسی اولوب داخل وخارجده قدرت کلیه به مالک
 ایدی و پاپالق مقامک حاکم منفردی مقامنده بولنه رق متعدد
 پاپاری عزل ونصب ایتدیرمش و روحانی وجسمانی مأمورینک
 تعیینلنده هیچ بر نفوذ اجنبیه به متابعت ائلماشدی . فقط
 هازینک بو اقتدار وسعینی سوء استعمال ائلمی آز وقت صکره
 امپراطورلرک او زمانه قدر هیچ اهمیت ویرمدکاری قسوه
 روحانیه بی قارشولرنده بولمیرینه سبب اولوب ایکی قوت آره .
 سنده کی منازعات امپراطورلرک نفوذینه مهلک بر رخنه
 آچشدر .

انوسیتور منازعه‌لی

بابار و قاتولیک کلیسای. بابارک تزايد نفوذی. هیئت روحانیه
 و مناسترلر. سچلیتین قرالغی. اصلاحات لزومی. هیلده براند. بابا
 انتخابی مسئله‌سی. بدنجی غره غوار. اصلاحاتی. دردنجی هازی.
 انوسیتور مسئله‌سی. هازی ابله غره غوارک منازعه‌لی
 و وفاتلری. بدنجی هازی. وورمس قونقورداتی
 و ختام منازعه.

روما ایمپراطورلغی دین عیسوی بی رسماً قبول ایلدیکی
 زمان اداره روحانیه صورت منظمده تشکیل ایدیلرک هر
 شهر و قصبه ایچون پسهپوسلقلر تشکیل ایدلش و اهمیت تاریخیه.
 لرینه و یاخود قدسیت و معروفیتلرینه مبنی پسهپوسلقلردن روما
 قسطنطنیه قدس شریف انطاکیه اسکندریه و قارطاجده کیلر
 بطریق نامیله دیکر لرینه تفوق ایدوب بونلردن شرق و غرب
 ایمپراطورلقلری مرکز لرنده اولان روما و قسطنطنیه بطریقلری
 بک زیاده حکم و نفوذه نائل اولمشلردی. غربی روما ایپرا.
 طورلغنک انقراضندن صکره غرب عالمی جرمانلرک و رودیله
 طرز آخره کیره‌ک بالاده مذکور پسهپوسلقلرک بجهله سیده
 شرفده بولندیغندن روما پسهپوسلری پاپا نامیله عموم غربک
 رئیس روحانیسی قالمشلردی. تعصبک کوندن کونه آرتمی

ولسان ادبی و فنی اولان لاتینجه به و قوفری اولان هیئت روحانیه دن ماعدا هر کسک جهل و نادانیده قالسی مناسبتر بله پاپارک نفوذی کوندن کونه آرتیوردی.

وقتیهله پاپا بیوک لئونگ رومی آتیلانک ید نخرینسندن قورتارمسی بو مقامه بیوک اهمیت قزاندردیغی کبی بیوک غره غوارده بورغوندلر ولومباردلری آریوس مذهبنی ترک ایله قاتولیک اولمغه سوق ائیش و پاپارک هممانی ایله هنوز قاتولیک کلیسای خارجنده اولان ممالکدن انکاتره سن اوکوسین نام پستپوسک و آلمانیک وسط جهتلیده جرمانیا باش پستپوسی نصب ایدیلان سن بونیفاسک دلائنر بله قاتولیک اولمشلردی. اوکوسین تارک دنیا صنفندن و دومینیکن dominicain راهلرندن اولوب کنت قرالچیه سی برته بی اهدا ایتدیره رک انکاتره اهالیسنی خرسیتیانلغه جلب ائیش و انکاتره باش پستپوسی نصب ایدیلرک او وقتدن بری انکاتره نک قانتربوری پستپوسلری پرمات نامیله الک بیوک متروپولید اولمشدر.

بونیفاس اساساً انکاتره زادکانندن ایکن تارک دنیالغه سلوک ایله آلمانیاده نشر دینه کتمش و هس قبیله سی و سائر نیجه قبائلی قاتولیک ایتدکدن صکره فریزالیئر آره سنده نشر دین ایله مشغول ایکن اتلاف اولمشدی. خرسیتیانلق جرمان و اسقاندیناو اقوامی آره سنده انتشار ایلدیجه پاپارک ده حکومت روحانیلری و نفوذلری دائره لیده توسع ائیلکده ایدی.

هیئت روحانیه نك صورت تئسیقی پاپازك اقتدارینی تزید
ایده جك اسبابك الك قوتیلیرندن ایدی . الك کوچك کویلره قدر
هر یره یایلان و تذكیة نفس confession و کنهه چیقسارمق
اصوللری سایه سنده هر کسك الك خفی حسیاتنه واقف اولان پاپاسلر
درجه درجه پستقوسلغه و پاپازه درجه نهاییده مربوط اولدقلری
کبی پیدرینی مقداری چوغالمقده بولنسان تارك دنیا شرکتلری
افرادی دخی پاپار النده کوزل بر آلت ایدی . باخصوص که
کرك پاپازك و کرك بر طاقم پستقوسلرک فعلاً اراضی به صاحب
و حاکم اولمیرنده هیئت روحانیه اولدقجه خاطر ی صایله جق
بر قدرت ویروردی .

هجرت نبویه نك ۳۹۴ تاریخنده روماده بر مقدار نورمان
حاجیلری اجتماع ایدرک پاپا بونلری بنه و تنویه هجوم ایدن
روملرک طردی ایچون استخدام ایلش و قدس شریفدن کلان
دیگر بر طاقم نورمان زیارتجیلرده سالرنو شهرینی محاصره ایدن
عربلری مغلوب ایشلردی بونلرک خبر موقعتلری شایع اولمغله
نورماندیه دن بر چوق آدملر جنوبی ایتالیا ده طویلانوب نورماندیه
زادکانتدن قوتانس سنیوری تانقره ددو هو تویلك اون ایکی
اولاندنن بریسی اولان دمیر قوللی کیلیومی guillaume bras
de fer و نوس و پویل قونتی نامیله کندیلرینه حکمدار ایشلردی .
کیلیومدن صکره برادرلری دروغون هو مفروا و روبر کسقارد
حکومت ایشدیلر پاپازیانی باشلرنده بویه مقتدر بر دولتك

تأسسی چکه میوب طقوزنجی لئون آلمانیا ایمپراطوری اوچنجی
 هانریدن وشرق قیصرندن امداد آلهرق روبرت کسقارد ایله
 بحاربه ایلشسهده کسقارده اسیر اولمشدی فقط نورمانلر ایشی
 بیوتماک ایچون پایایی بعدما سوزرن طانیه جققرینی بیان ایدرک
 عقد صلح ایلدکلرندن وروبرتک برادری روژر کسقاردهده سچلیا
 جزیره سنی عربلردن استرداد ایدرک ایکی برادرک ملکلری
 مؤخرأ مرکزی نابولی شهری اولسق اوزره سچیلتین قرالیغی
 نامیله برحکومت اولدیغندن پاپالری حایه ایله مکلف بر دولت
 مقتدره تأسس ایلش وشرق قیصرلرله عربلرک ایتالیا طوبراغندهکی
 حکومتلریده نهایت بولمشدی.

قاتولیک کلیسا سنک شو صورت تشکیلات ووسائطنه نظراً
 فوق العاده متقذ اولسی ایجاب حالدن ایسهده کلیسا ارکاننده
 سوء اخلاق وذوق وسفاهت آرزولری طاری اولهرق رهبانک
 حظوظات نفسانیله رینه میل وانهماکاری، مأمورین روحانیهنگ
 ایمپراطورلردن مناصب آلارق حکومت جسمانییه بحسب المنفعه
 قویاً مربوط قالمیری وکلیسا رئیسی اولان پاپارک ایمپراطورلر
 النده اویونجاق حکمنده قالمیری جهتلریله بو قدرته مالک اوله.
 میوردی. کلیسا ننگ کسب نفوذ ایدرک ایمپراطورلری بیله
 جناح اداره سنه آلمنی و هیئت رهبانیهنگ اساسندن اصلاحتی
 آرزو ایدن آدملر نادر دکاسهده بوکاجرات ایدن یالکز برذاتدرکه

اوده مؤخرأ یدنجی غره غوار نامیله کایسای اداره ایدن پاپاس هیلمده برانددر .

هیلمده براند بر دولکرك اوغلی اولوب تحصیل علم ایله طریق رهبانه کیرهش وقلونی مناسرتزنده ایکن پاپا طقوزنجی لوثی نك نظر دقتنی جلب ایدرك انکله برابر رومایه کلشدی . هیلمده براند مشاور صفیله بر قاج پاپانک معیننده بولنوب دهسا بوزماندن آمال و تصوراتنک اجراسنه تشبث ایلش و ایشه پاپا- لرك انتخابی جهنندن باشلامشدر . ایمراطور اوچنجی هازرنک وفاتندن صکره اوغلی دردنجی هازرنک کوچک یاشده ایمراطور اولسندن بالاستفاده و هیلمده براندک ترتیبی ایله پاپا ایکنجی نیقولا بر فرمان نشر و بعدما پاپالرك روما اهالیسی طرفندن انتخاب ایدلیوب قاردینالر و پسقیوسلردن مرکب قونقلاو مجلس روحانیسی طرفندن انتخاب اولنه جغنی امر ایدرك پاپالغی ایمراطورک نفوذندن قورتارمش و آز وقت صکره یدنجی غره غوار نامیله پاپالغه چیقاریلان هیلمده بر ند مأموریتی ایمرا- طور طرفندن تصدیق ایدیلان پاپالرك اک صوکی اولمشدر .

یدنجی غره غوار رهبانک هر درلو سفاهت و حظوظات نفسانییه به انهماکربینی شدتله منع ایلدیکی کبی مشاغل عانته وظائف روحانیلرینک حسن اجراسنه مانع اولور ادعاسیله رهبانک تأهل ایلرینی دخی منع ایتمشدر انجیل شریف احکامنه یکده موافق اولمیان بومنعویت پاپاس طلاقنک شکایت و مخالفتنی

موجب اولمشده پاپانك شدتی و بر طاقم سرکشلری تأدیبه‌کی
سرعتی هر کسک کوزینی یلدرمشدر .

غره‌غوار پاپالقی مقامنك تفوقنی تأمین ایچون رؤسای
روحانیه‌نك بعدما ایمپراطورلردن دره بکلکری ایچون انوستیتور
آلیه جقترینی قرارلشدیردیغی کبی حکمدارلر طرفسندن مناصب
روحانیه توجیبی اصولی که مشهور بر مهربازك اسمنه نسبتله
سیمونی نامی و بریلور ایدی ائیده شدیداً منع انلش و حالبوکه
ایمپراطور دردنجبی هازری پاپانك آمالنه رغماً انوستیتور و سیمونی
اعطاسنده مصر اولدیغندن اخذ ناز ایچون برفرصت ظهورینه
مترقب اولمشدر .

دردنجبی هازری التی باشنده جلوس ایدوب اولا والده‌سی
آنیه‌سک و صکرده باویرا و شوایه دوقه‌لرینك و صایتنده بیومش
ولایقیله تربیه ایدیله مامشدی سن بلوغه وصولنده بر طرفدن
جلوسندن بری ظهور ایدن قاریشقلقتری تسکینه چبالامش و بر
طرفدن دخی اها لیدن فضله و برکولر استیفاسنه و مناصب روحا-
نیه آلیش و بریشنه طاله‌رق سفاهتنه کافی پاره تدارکنسه
قالقشمشدی . هازری به قارشو اولان عصیانلر میاننده بالخاصه
ساقسونیه لیلرک اختلالی کسب اهمیت ایدوب هازری ساقسونلره
تمام غلبه ایلدیکی بر صرده پاپا عره‌غوارک سفراسی کلهرک
منازعه‌نك پاپانك رأینه حواله اولتمسینی، ایمپراطورک بعدما
انوستیتور اعطاسندن اجتناب انلسنی و افعال و حرکتندنطولایی

تبریه ذمت ایچون رومایه کلکسنی امر ایشلردی . هازی بوکا
مقابله کندی طرفداری اولان یکریمی درت یسقهپوسی وورمس
شهرنده طویلابه رق غره غوارک عزلته قرار ورمشسه ده پایاده
ذره قدر تلاش ایتمسوب ایمراطوری آفوروز ایتمش وبالجمله
تبعه سنک ارتق کندیسنه اطاعت ایله مکلف طوتلیه جقربی
اعلان ایشلدر .

فرائقونیه خاندانک ذاتاً دشمنلری اولان ساقسونه لیلر
وشوایه و باواریه لیلر وسائر جهات خلقی پاپانک اخطارندن
استفاده یه مسارعت ایلوب شوایه دوقه سی رودولف ایله
هازینک باویرا دوقه سی نصب ایتمش اولدیغی ایتالی ولف
ریاستنده اوله رق زادگان اجتماع ایلوب ایمراطوره یا آفوروز
زی رفع ایتمسینی و یاخود کندیلرندن بعدما اطاعت بکلمما
مسینی بیان ایلدیلر . هازی خواه ناخواه عرض افتقاره مجبور
اوله رق موسم شتاده زوجه سیله برلکده ایتالیایه یکمش وپایا
مسافره توسقان و سپولت و پله زانس و سائر بر چوق یرلر
مارکیزی قونس مایلدک قانوسا شاتوستنده بولندیغندن اورایه
عزیمتله اوچ کون کنهاکارلره مخصوص ذی وقیافت ایله قار
اوزرنده بکلدکن صکره حضوره قبول ایدیله رک آفوروزی
رفع ایلمشدر .

هازی آلمانیایه عودت ایلدکدنصکره پایا ایله ینه آره لری
بوزلمشسه ده بودفعه هازی اقدیجه کندیسنه اطاعتسزلیک کوسرتلری

تأدیب ایلش اولدیغندن کندی طرفدارلرینه پاپانک عزانی
 قرارلشدیرتدیغی کبی اردوسیلده روم اوزرینه حرکت ایدرک
 غره غوار زور حال ایله سچیلیتین قرلغنی زردینه التجا ایله اورا
 ده منفیاً ترک حیات ایلشدر . مع مافیله هازریده مظفرینندن چوق
 استفاده ایده میوب بر از مدت صکره پاپا اولان ایکنجی اوربان
 یدنجی غره غوارک مسلکنده غایت حریص شهرت و متعظم بر
 ذات اولمغله انک طرفندن دخی آفوروز ایدلش و بو دفعه
 هرکس و حتی کندی اوغلاری بیله علیهنه قیام ایلدکلرندن
 مقام حکومتدن مطرود و حتی بر کلیساده مغنیلک استدعاسنده
 بولنه جق درجده مدار معیشتدن محروم اولدیغی حالده سفلا
 لت ایچنده ترک حیات ایدرک جسدی بیله التی سنه مدت
 مدفندن محروم بر اقلشدر . فقط پدرینه اخانت ایله برینه کچن
 بشنجی هازی دخی جلوسندن صکره پاپا ایله خوش کچینه .
 میوب آفوروز ایلدیکندن نهایت بر چوق کیروداردن صکره
 مذکور ایمپراطور ایله پاپا ایکنجی فالکست آره سنده و وورمس
 شهرنده بر قونفور دات عقد ایدیلهرک بعدما رؤسای روحانییه
 حکومت جمعیته براتک ایمپراطور طرفندن و منصب روحانی
 توجهنک دخی پاپا جانبدن ایفامی قرارلشدیریلوب منازعه یه
 ختام ویرلشدر . (۵۰۰)

ایتالیا محاربه لری

ایکنجی لوتر. هوهنشتا و فن سلاهیسی. فونراد و آلمانیا فئودالیتیهسی.
ایتالیا احوالی. هانزی. کوئلف و زیلن فرقه لری. ایکنجی
فره دریق. اوچجی اینوسان. طقوزنجی غره غوار. هوهنشتا
فن سلاهنسک انقراضی.

هر نقدر فرانقونیه سلاهیسی آلمانیا فئودالیتیه تک حکمنی
ازاله ایلک ایچون دو قه لقره پالاتین لر تعیین ایلک شهر لره
بورغراو نامیله اداره مأمور لری نصب ایلک کوچک شوالیه لک
الرنده کی اراضی بی بابادن اولاده ارثاً منتقل حاله قویارق بونلری
طوغریدن طوغری به ایمراطوره تابع قلیق وینه ایمراطوردن
بشقه سوزن طانیماق اوزره ممالکک مختلف جهت لرنده شهر لره
امتیازات و یرمک کبی تدابیر اتخاذ ایلشده بو تدبیر لک فائده.
سی اولیوب بیوک دره بکار متصل حکم و نفوذ لری آرتدیر.
مقدمه ایدیلر. بشنجی هانزینک اوغلی ایکنجی لوتر جلوس
ایلشده ذاتاً کندیبسی متانتمز بر حکمدار اولدیغی کبی
مملکتده بر طرفدن ساقسونیه و باویرا و بالجمله ملحقانته حکم
ایلکده اولان ولف زاده متکبر هانزی و دیگر طرفدن شوایه
دوقه سی فونراد کبی منتقد فئودالره قارشو فعلاً هیچ اهمیتی
قالدیغندن و فائده حکومت فرانقونیه سلاهنسندن چیقمشدر.

انجق متکبر هازری کنديسنك امپراطور اعلان
اولنه جفنی قویاً امید ایلدیکی حالدہ ساقسونیا و باویرا
منتخب لری کلدن شوایه و فرانقونیسه لیلر طرفندن شوایه
دوقه سی و وایب لندکن Weiblingen سنیوری قوزاد
هوهنشتا و فن امپراطور انتخاب اولمغه داخلی قاریشقلقلر
نهایت بولیوب اسکیندن ده شدت کسب ایتش و متکبر هازری
طرفدار لری کولنف Guelf و قوزاد طرفدار لری ژیلین Giblin
نامنی آلوب آلمانیا عادتاً ایکی دشمن اردوسی حالنه کلشدر
قوزاد هازری به غلبه ایدرک ساقسونیا و باویرا دوقه لقلرینی
ضبط ایتش و ساقسونیا به مربوط اولان براندنبورغ مارق
غرافلغنی طوغریدن طوغری به امپراطور لغه مربوط بران
حکمنه قویبارق آبی هازری به توجیه ایلدیکی کبی باویرابی دخی
اوستریا خاندانه ویرمشدی . بومتکبر هازرینک اوغلی ارسلان
هازری مؤخرأ فره دریق باربروس زماننده ساقسونیا ایله
باواریه بی ینه اله پگیر مشهده برانبورغ و اوستریا قطعاً ولف
خاندانی لندن چتمشدر . ائوستیتور منازعه لری اثاسنده برنجی
اهل صلیب محاربه سی وقوع بولدیغی کبی قوزادده غوائل
داخلیه به نهایت ویردکنصکره ایکنجی اهل صلیب سفرینه
اشترک و سفردن عودتنده وفات ایلدیکندن ایتالیا به عطف
نظر ایلک همتی اوغلی و خلنی فره دریق بارباروس یعنی قرمزلی
صقاللی فره دریکه قالمشدر (۵۲۰) ایتالیا به امپراطور ایکنجی

قوزادك فرمانی تأثیراتی تماماً حسن ایدیلرک قسونس ماتیلدك
وقایله ده بیسوك فتودالیتدنگ نام ونشانی قالدیغندن مملکت
بربرینسه هر درلو مر بوطیت لفظیه و حقیقه دن عاری برچوق
حکومات صغیره به منقسم قالمشدی.

اهل صلیب محاربه سی شرق ایله غرب آره سنده روابط
و مناسبات نحدثنی منتج اوله رق بو وجهله حاصل اولان
تجارته وساطت ایدن وندیك وجنوه وپیرا کبی ایتالیا ن شهرلی
کسب مهوریت ایدرک بر اداره جهوره تشکیل ایلدکاری
کبی اومباردیا قطعه سنده کی برچوق بلادده میلان شهری عومه
رئیس اولسق اوزره عادتاً بر هیئت متحده تشکیل ایلدکاری
بو اداره جهوره هوسی رومایه بیله سرایت ایدرک شهر
مذکورده وقوع بولان برقیامده پاپا طرد ایدیلرک آرنولدو
برسکیا نام ذاتک ریاستیه قدیم روما اداره سی آندبرر بر جمهوریت
تشکیل ایلدشدی.

هوهنشتا و فن سلاله سنک ذاتا ایتالیا اوزرینسه ادعای
سلطنتلی اولدیغندن فره‌دریق بارباروس جلوسنی متعاقب
ایتالیایه کچوب مخالفلی زیر وزیر ایدرک روماده ده اداره
جمهوریه بی رفع ایله پاپایی مقامنه اعاده ایلدشدی اولایتالیانرک
اکثریتی فره‌دریق بمنونا استقبال ایلدشرسه ده صکره آلمان
اداره سنک آغرلغی کندیلرینی توحیش ایلدیکندن امپراطورک
آلمانیایه عودتی اوزرینسه ایتالیا تکرار ایاقلامش و پاپاده فرقه

مخالقه بی التزام ایلدیکندن فره دربق تکرار عودتله میلان شهرینی و سائر برطاقم شهری تخریب و جمهوریت اداره سی اولان برخیلی محله ره بودستا نامیله کندیسنه تابع مأمورلر نصب ایلش در بو بودستار دخی پالاتینلر و بورغراولر کی بر مدت صکره کسب استقلال ایدرک اداره مستبدنه ک بر بشقه درلوسیده بوندن چقمشدر.

فره دربق آلمان ایمپراطورلرینک الک شدید البطش اولانلری میاننده بیله شدتله تفرد ایلش بر آدم اولوب بتون ایتالیا و آلمانیاده کندیسنک نم و الطاف کونا کوننی کورمش اولان ارسلان هازی علیهنه قیام ایلدکری و پاپاده آفوروزلری یاغدردیغی حالده یته مدعیاتندن صرفنظر ایلماش و فقط صوک سفرنده عسکری لیبانو محاربه سنده ایتالیان میلینس اردولری و بالخاصه میلان کواکلیبری طرفندن مغلوب ایلدیکندن ۵۶۱ سنه سنده عقد اولنان قونستانس مصالحه سیله ایتالیانک استقلالنی تصدیقه مجبور اولمشدر.

مع مافیه فره دربق آلمانیاده موقیت تامه اوزره حکومت ایدوب ارسلان هازینک لندن ساقسونیا و باویرایی آلارق ساده برونسویق و لونه بورغ دوقه لقرینی براقش و برونسویق و هانورا خاندانلری بو هازینک سلاله سنندن یتشمشدر. دانیارقه و لهستان قرالری بیله فره دربق باربروسه عرض تابعیت ایلشردی. فره دربق سنی یتشه قریب اولدیغی حالده زماننک الک

قوتلی کنجلیله مبارزه به مقتدر اوله ییله جک اقتدارده بولمقده
 واک مکمل شوالیه لردن عد اولمقده ایکن او چنجی اهل صلیب
 محاربه سنه اشترک ایدوب اطنه جهتننده مغروقاً وفات المشدرد.
 آلمانیاده اهالی برمدت بو حکمدارک وفاتنه اینانیموب فره دریرقک
 بر مغارده مختفی اولدیغی و بزکون بنه رأس حکومته عودت
 ایدرک دنیایی اصلاح ایده جکی حقنده درلو روایتلر شایع
 اولمشدرد.

فره درریق باربروس شمالی ایتالیایی غائب ایلدیسه ده اوغلی
 هازری بی سچلیتین قرالی ایکنجی روزهرک قزی فونستانس ایله
 تزویج ایدرک جنوبی ایتالیا اوزرینه حقوقه مالک المشدردی.
 التنجی هازری جلوسندن صکره بو حقندن استفاده ایدرک سچلیتین
 قرالغنی اله پکیردیکی کبی آلمانیا ایله ممالک جدیده سی آره سنده
 امین بر طریق آچق ایچون اوغراشمقده ایکن وقوع وفاتی ایله
 یالکز درت یاشنده براوغلی قالمسیله هوهنشتاؤ فن سلاله سی
 بیوک بر تزلله اوغراشمدر.

هازرنیک وفاتنده قاتولیک کلیسای ریاستنده بولنان او چنجی
 اینوسان غره غوار و اینوسان کبی پاپالغک هر درلو حکوماته
 تفوقنی التزم ایدر بر ذات اولوب هر جهتمده حکمدارانن تخت
 حکمنده طوتدیغی کبی آلمانیاده دخی هوهنشتاؤ فن فاملیاسنده
 خصوصت ایدرک کندی تخت تریه سنده قالمش اولان کوچک
 فره درریقک حکومتی تزویج ایتیموب ارسلان هازرنیک اوغلی

برونسویق دوقه می اوتونک ایمپراطور اعلان ایدلمسنه یاردم
انلشدی . اوتون راحتله حکومت ایده میوب شوایه وفرانقو-
نیه لیلرله اوغراشمغه مجبور اولدیغی کبی ایتالیا حقننده رفع
مدعیات اللمی دخی پاپانک خوشنه کتمدیکندن اینوسان سن بلوغه
واصل اولان مچلیتین قرالی فره دریق نامزد سورهرک مشار
الیهک ایمپراطور اعلان اولمسنه سبب اولمشدر .

فره دربک غایت درایتلی وعافل برذات اولوب جلوسندن
صکره آلمانیاده حکومتی تأیید ایچون برخیلی اوغراشمش
ومع مافیله آلمانیاده اقامندن خوشلانمدیغندن صباوت وشبانک یکمش
بولندیغی ایتالیای جنوبیده اقامتی اعتیاد ایدتمشدی . اینوساندن
صکره پاپا اولان طقوزنجی غره غوار یوزیاشنی یکمش براختیار
اولقله برابر غایت مستبد و متحکم اولدیغندن وفره دریق ایسه
آلمانیایله جنوبی ایتالیا آره سنده کی برلیده دآره نفوذینه ادخال
انلک تصورینه دوشدیکندن ینسه ایمپراطور ایله پاپانک آره سی
فناخالده آچلمشدر .

فره دریق اولجه پاپانک اجباریله اهل صلیب سفرینه ده کتمش
ومؤخرآ مچلیاده اهل اسلام آره سنده ظهور ایدن عصیانی
اطفا ایلدیکی صرده عربلردن براردو تشکیل انلش اولدیغندن
پاپانک آفوروزندن تحاشی ایتیوب روما اوزرنسه یورویه رک
غره غواربده زویه صفغه جفتی بیلیهرک اورادن اورایه فراره
مجبور ایتمشدر . مع مافیله غره غوار مجادله دن اوصانبروقنور

کثیر بر اختیار اولدیغندن آلمانیاده بشقه ایمپراطور انتخاب
ایتدردیکی کی آفوروز آفوروز اوزرینه یاغدرمش و بوسرده
ایتالیاده ایمپراطور طرفنی التزام ایدنر و اکثریتله زادکان
و محافظه کاران ژیلن نامنی و پاپایی التزام ایدن سربستی
و استقلال طرفدارانی کوئلف نامنی طاقنه رق بتون ایتالیا
و آلمانیایکی فرقه مخالفه اردولرینک دارالحربی کسلسدر .
ایمپراطور ایتالیا و اولدیغندن بالخاصه آلمانیاده و کالنه راندیغی
بیوک اوغلتک و فاندن صکره آلمانیاده فنا حانده بر قاریشلق حاصل
اولدیغی کی فره دربیق دخی موقیات مهمه به نائل اولدیغی صرده
ناکه وفات ایلکله سلطنتده هوهنشتاؤ فن خاندانی لندن چشمش
و کسه ایمپراطور انتخابنه جسارت ایده مدیکندن آلمانیاده فاصله
سلطنت واقع اولمشدر .

پاپا هوهنشتاؤ فن عالمه سنک کوکنی قاریق ایستدیکندن
سچلیتین حکومتی فرانسه قرالی مقدس لوتی نک برادری شارل
دانزویه توجیه ایدوب شارل دانزو عسا کر کلیه ایله کلهرک
مذکور حکومتی ضبط ایلش و پک چوق مظالم و تعدیاتده
بولندیغی کی وارث مشروع سلطنت اولان فره دربکک
حفیدی کنج قوزادینی دخی اسیر ایدرک ناپولیده عادی برجانی
کی صلباً اعدام ایتدیرمشدر . هوهنشتاؤ فن سلاھسنک
انقراضیه ایتالیا و دور استقلال و سربستی به کیرمشدر (۶۲۸) .

فصل ثالث

انگلتره و فرانسه

—

۱

آنغلو ساقسون دولتی و نورمانلز

بیوک اغبر. نورمان مہاجاتی. بیوک آفرہد. صورت ادارسی. تسیقات
ادارہ. ادوارد عتیق. اتلسناد. اتلرہد. نورمان استیلاسی. بیوک
قانونت. اسقاندیناو دولتتک انقراضی. واعظ ادوارد.

—

آنغل و ساقسون طائفہ لرینک بریتانیا جزیرہ سنی بعد الاستیلا
تشکیل ایلدکاری بالادہ کوریلان یدی دولت اوروپا احوان
عمومیہ سنجہ کسب اہمیت ایده مد کلرندن شایان ذکر بروقعہ
لری اولیوب سادہ ہجرت نبویہ دن التی سنہ مقدم کنت قرالی
اتلبرتک قاتولیک مذہبہ دخولی اوزرینہ آنغلو ساقسون
طوائفی پیدرپی کاملاً خرسٹیانیلغی قبول ایلشردی . مع مافیہ
سیاسہ پینلرنده موجود اولان تفرقہ ہجرتک ۲۰۵ تاریخہ قدر
دوام ایدرک تاریخ مذکورده حکومات سبہدک جہلہ سی کنت قرالی
بیوک اغبرتک ادارہ سندہ اتحاد ایتدیلر . اغبرت اوچ سنہ مدت
شارلمان اردولرنده خدمت ایدرک صنعت ادارہ بی بویسوک
حکمدار معیتندہ اوکرنش اولغله ممالکی حسن صورتلہ ادارہ

ایلدیسه ده دایماریقه واسقاندینا ویاجهتلرندن انکتره سواحلنه
 آقین ایتمکده اولان نورمانلره مقاومتده پک چوق کوجلک چکوب
 نورمانلر پیدر پی نورثومرلاند است آنغلیه ومرسیه ممالکنی
 استیلا ایله یرلشمشردی . آنغلو ساقسون تخت سلطنته بیوک
 آفردهک جلوسی اغبرتک اخلاقی زماننده میدانی خالی بولان
 نورمانلری راز طور دیرمشدر (۲۴۹) .

بیوک آفرده غایت متفنن وعافل برذات اولوب تحصیل
 خصوصنده زمانک قات قات ایلروسنده بولندیغندن تصوری
 مشکل برجهل ونادانی ایچینده بولنان آنغلو ساقسون اکابر
 وامراسنی آدم رینه قویمامسی بونلرک زیاده کوجلرینه کتمکده
 ایدی . نورمانلر ایسه تعرضاتی آرتدیرمقده اولدقنندن آفرده
 یدی سنه قدر مقاومت شدیدده بولندقدن صکره مغلوب اولمش
 وامراسندن لایق وجهله مظهر معاونت اوله میدرق بالفرار
 اختفایلشد . آفرده برمدت سومرست قونلغی داخلنده
 بر اودونجی خانه سنده کندیبسی بیلدیرمیدرک خدمتکار صفتیه
 قلوب احبا واصدقاسی واسطه سیله احوال عالمن خبردار
 ایدلمکده ایدی . نورمان استیلاسی خلقی پک زیاده بیرار ایلدیبکی
 وهرکسک آفردهدی آرایه رق عصیانه مهیا اولدیغی معلومی
 اولنجه طرفدارانی جعمله بر اودوشکیل ائلمش وکندیسی اول
 امرده جوارد بولنان نورمان سرکرده می غونترونک اردوسنه
 دینلجی شاعر صفتیه کیدوب کشف احوال ایله عودت ایدرک

دشمنی شېخون وانكتره نك جنوبی استرداد ايله نورمانلری ينه شمال طرفلر ينه سورمشدر . آفرده اعاده حكومتندن صكره پك كوزل اداره ايدرك بيوك لقبی بحق قزانشدر . مملكتك نعم معارفدن مستفيد اولسی ايچون جايجا مکتبلر آچش و برچوق آثار معتبره يی بالذات لایتنجه دن آنغلو ساقسون لسانته ترجمه ائلشدر . حالا اوروپانك الكيوك مدارس عليه سندن بولنان اوقسورد دارالقونوی آفرده تأسيسكرده سيدر .

آفرده ممالكتی صورت منتظمه ده تنسیقات اداره يه نائل ائلشدر . مملكتی قوتلقلره و بونلری بوزر خانه بی حاوی ناحیه لره و بونلریده اوزر خانه دن عبارت دائره لره تقسیم ائلشدر . هر ناحیه نك اهالی طرفندن منتخب اون ایکی نفر دن مرکب بر مجلسی اولوب ناحیه اهالیسنگ مرافعه و تجریمی بونلره عائد ایدی . آفرده « انکلیرلز فکری قدر سر بست اولمیدر لر » دیر ایدی . ایوم اوروپاده جاری اولان ژوری یعنی هیئت عدول اصولنك اساسی بوزماندندر . ناحیه مجلسی فوقنده اوله رق قوتلغك بر مجلس اهالیسی اولوب بوده سنه ده ایکی دفعه طوپلانور ریاستی والی مقامنده بولنان قونت ویا الدرمان ايله بسقبوسه عائد بولنوردی قوتلق مرکزنده شریف نامیله برآمور دها اولوب حكومتك منافعی مدافعه يه و جزای تقدیلری تحصیله مأمور ایدی . جله نك فوقنده اولان قرالك

معبینه دخی معتبران اهلیدن مرکب بر مجلس استشاره اجتماعات سنویه سنی عقد ایلردی.

آلقره امور عدايه و اداره نك محور لایقنده جریانی ایچون اسلامك یابدقلى قوانینی جمع و بر دستور تنظیم ایلدیکی کبی شمالده کی نورمانلره قارشو مدافعه ممالک ایچون دخی بر چوق قلاع و استحکامات انشا ایتدیردی.

آنغلو ساقسون دولتک بو اعتلامی آلقره دک اخلاقی زما نده ده دوام ایدوب ادوارد عتیق (۲۷۹) مرسیه و استانغلیه بی نورمانلردن تخلیص ایلدیکی کبی او قسفوردک رقیبی بولنان کبریج دارالقوننی تأسیس ایلدی و اتلستان (۳۰۲) ایلك دفعه اوله رق انکلتره قرالی عنوانی احراز ایدوب نورمانلری بالکلیه طرد ایله قدیم حکومت سبعه نك جله سنی اداره سنده جمع ایتدی. فقط اتلستاندن صکره خاندان حکمداری میانده انتزیه لر ولانده استقلال داعیه لر ی و اداره ده ره بان نفوذی باشلا یه رق دولته ضعف الملکه نورمانلر مهاجاتی شدته آرئدر. دیلر و بالخاصه قرال ایکنجی اتلره دک بونلره پاره ویره رک باشندن دفعه قاقشمی مستولیلرک حرص و طمع لرینی بالکلیه تزید ایلدی. اتلره نورمانلرک تعرضندن قورتلوق ایچون انکلتره ده نقدر نورمان وارسه جله سنی بر کونده اعدام ایتدیر. دیسه ده بو مناسبتسزک دشمنلرک غیرتنی تزید ایلرک بر چوق محاربه لردن صکره دایماریقه قرالی سوئنون انکلتره قرالی نامنی

دخی بالاحراز مملکتی استیلا ایلدی . انلرهد قائم پدیری بولنان نورماندیبه دوقهسی زدنیه فرار ایلدی . سوئنه نونک و فاتنده مالک اوغلی قانوته قالوب او وقت انلرهدک بیوک اوغلی بولنان ادموند انکلتره نك بر قیمنده اعلان حکومت ایلرک بر مدت قانوته قارشو کمال موقیتله مدافعهده بولندیسهده و فاتیله عموم انکلتره ینه قانوتک ید اداره سنده اجتماع ایلدی (۳۹۵) .

قانوت اداره دن رقیبیری بر طرف ایدنجه یه قدر پک زیاده ظلم و شدت کوسترمشسهده صکره لری کمال عدل ایله اداره ایدوب عاقلانه قانوتلر تنظیم و آنلرهدک اصول اداره و قوانینی احیا و ازهر جهت انکلیرلری خوشنود ایده جک معاملاتی التزام ایلشدر . قانوت دایماریقه و انکلتره دن بشقه اسوج و نوروج قطعدرینه دخی مالک اولوب اسقاندینا و یاده خرس تیانلغک سرعت انتشارینه چالشمش و حسن اداره و وسعت ممالکی و عدل و نصف و عدم تکبری ایله بیوک لقبی قزاندیغی کی اوروپا حکمداران میاندوده اهمیتلی بر موقع طوتارق رومابه سیلا حنده هر جهندن مظهر تعظیبات و تکریمات اولمشدر .

قانوت و فاتنده ممالکی اوغللری آره سنده تقسیم ایدوب نوروجی سوئنه نونه دایماریقه بی هارالده و انکلتره بی دخی انلرهدک طول زوجه سی اولوب کنن دیسنک تزویج ایلدیکی ایمان متولد اوغلی هارد قانوته براقشدی . هارد قانوت والده سی جهتیله ساقسونلره قریب اولغله انکلتره ده حکومتی سلاله قدیمه نك

عودتی تسهیل ایدرک اتلره دک اوغلی ومن جهة الام هارد قانو-
تک برادری اولان ونورماندیبه دوقه سی نزدنده ملتجی بولنان
واعظ ادوارد هجرتک ۴۲۰ تاریخنده اجدادینک تختنه جلوس
ایلشدر.

۲

قاپت سلاله سی مبادیسی وانکلتره نک فتحی

قاپت خاندانک صورت حکومتی. قارلووینغ خاندانی ایله فرق. ایلک
پرنسسلر. حکومتک ضعیفی. ملنک فعالیتی. نورماندیبه دوقه لری.
انکلتره احوالی. هارالد. ایلیس روبر وفاتح کیلیوم. انکلتره به
هجوم. هاستینغس محاربه سی. فاتح کیلیومک اجرا آتی
وقعتک نتایجی.

هوک قاپت صورت قطعیده اوله رق فرانسه قرالغنی کندی
عهده سنه یکیرمدن برعصر مقدم فرانسه دوقه لری قرالغنی
قارلووینغ خاندانی یدندن نزعه چالشمغه باشلامشدر وفرانسه
دوقه لرندن اود روبر وراثول صره سیله قرال اعلان اولندقری
کبی یوک هوک دخی کندی قرالغنی اعلان ایتمکله برابر متعدد
قرالری عزل ونصبه اقتدار قزانشدی. شارلمان احفادندن
بولنان پرنسلر ایسه قولایلقه حکومتدن صرف نظر ایده میوب
صوک درجه به قدر محافظه سلطنتلری ایچون اوغراشمشله ده

دره بکک اصولنک کوندن کونه کسب قوت انسیله بونرک
 طوغریدن طوغری به تخت اداره لرنده اراضیدن محروم و سار.
 لک معاوتنه محتاج قالمی کندیلرینی برضعف تام ایچنده بو.
 لندیروردی. صکره لری بیوک هوک وانک خلنی هوک قاپت ابله
 محافظه حقوقنده خیلی درایت و اقتدار اثبات ایدن لوتر آره سنده
 مخادنت جاری اولوب آلمانیا قرالی اوتونه قارشو مدافعه ایچون
 فرانسه دو قهرلی قراله یاردم ایتشردی. هوک قاپت لوترک خلنی
 بشچی لوئی به دخی معاوتده بولتمشه ده لوئی نک بلا ذریت
 و قاتله کندی قرالغنی اعلان ایدوب سلطنتده قاپت خاندانده
 قطعاً تقرر ایتشدر (۳۶۵).

بو سلاله نک حکومت کلسی ساده بر شخص تبدیلدن عبارت
 اولوب اهمیت کایه بی حازایدی. اسکی حکمدار لر مملکتی مالکانه
 عد ایدرک اولاد آره سنده تقسیم ایلدکاری کبی کندیلرنده بروطن
 حسیده موجود اولوب دهها بیوک بریرک حکمدار لغی تکلیف
 اولسه اسکی ملکاربینی بر اقعده دائماً مهیا بولنورلردی. کل شارل
 ایتالیایی آلیق امیدبله فرانسه نک دره بکر النده بولتمسه راضی
 اولشدی. حالبوکه فرانسه دو قهرلی ملک موروثلرینی کندیلر نیجه
 وطن معزز عد ایدرک اندن بشقه ممالکه عطف نظر ایتزلردی.
 از جمله قرال روبره ایتالیا قرالغنی تکلیف ایدلدیکی حالده بوکا
 التفات یله ایلدی. برده قارلووینغ خاندانی پرنس لری نک نفوذلی
 شخصی اولوب طوغریدن طوغری به صاحب اراض اولدقرندن

زادكانك اراضى بى آزه لرنده پاي ايتمش اولدوقلى برز مانده اهميتلى اوله مازدى . فرانسه قرالى وار سده ده فرانسه بوقدى . حال بو كه سلطنتك قاپه تيه نلره انتقاليله فرانسه دوقه لغى قرالك ملك مخصوصى اولان فرانسه بى تشكيل ايلدى . برلن سائر نلره تفوق ائيش اولدى و قرالرده كندى لنلر نيك هر در لو صور نلره توسيعنه چالشدق لر دن فرانسه دوقه لغنك بومسيله جدى بر فرانسه قرالغى وجوده كلدى . مع مافيه قاپت خاندانك ايلك پرنسلى فرانسه دوقه لغن دن دهايوك براقدار قراننه مامش لردى . هولك قاپت يال كز فرانسه دوقه لغى داخلنده كى زادكان طرفدن انتخاب ايديلوب جنوبى فرانسه و شامپانيا و برتانيا ده حكومتى تصديق اولنماشدى حتى آ كيتانيا دوقه لرى اوراق رسميه ده « بر قرال كلنجيه قدر سايه الهيه ده » عباره سنى تحرير ايدر لردى . يال كز نورمانديه و آنژو دوقه لى و قوتلقرلى كى فرانسه نك شمالنده بولنلرله فرانسه دوقه لغى اهاليلى كى رومان لسانيه متكلم بولنان و پارس شهرينك دها اوزمانلردن قرانغه باشلا دى شرف و شهرته منجذب اولان محللر حكوماتى هولك قاپتى سوزرن طائيش لردى .

هولك قاپتك اوغلى و خلقى روبر حلیم و سلیم بر ذات اولوب
 (۳۷۴) بلا ذريت و فات ابدن عموجه سنك وارثى صفتيله
 بور غونديه دوقه لغى آلمش و خلقى هسانى (۴۱۲) و فليپ
 (۴۳۸) دورلى دىخى قرالغك هيچ بر تعالى نفوذى كورلمه رك
 چكمشدى . غايت مقتدر و متعزز و اساللر آره سنده بو قرالرك هيچ

بر حکم و اہمیتری یوقدی مع مافیہ شوالیدک فکرنک تأثیراتیہ
زادکان و ملت بوش طور مق شوبہ طورسون فعالیتی درجہ
نہایہ بہ کتور مکده ایدیلر .

نورماندیہ شوالیدلرندن کسقار دخاندانی ایتالیاہ سچلیتین
قرالغی اساسلرینی وضع ایلدکری کبی بورغوندیہ خاندانندن
برفرانسز پرئسی ده اسپانیادہ پورنکیز قونتلغنی تأسیس ایتیش
ویوز بیکلرجه خلق قدس شریفک اسلام یندن تخلیصی ایچون
برنجی اهل صلیب سفینه کتمشلردی . فرانسه قرالیرنک
مداخله سی اولقسزین وقوعبولان فتوحات میانده اک مهمی ایسه
نورماندیہ دو قہلری طرفندن انکتره نك فتحیدر .

واعظ ادوارد انکتره قرالی اولدقدنصکره ده نور مانرہ
یوک برتوجه و محبت کوستره رک بالجمله مناصب و مأموربتلری
نورماندیہ دو قہ لغندہ مدت اقامتندہ قراندیغی احبابنہ ویرہ رک
وانکیز اسان وعاداتہ حرمتسزک کوستره رک انفعال عمومی
جلب ایلشدی .

واعظ ادواردک امراسندن بولنوب اولادواقاربی واسطہ سیلہ
برچوق قونتلرک اداره سنہ مالک اولان قونت غودوین غایت
متقذ برذات اولوب ساقسون اصول وعاداتہ طرفدار بولنمی
حسبیلہ اہالی آرہ سندنہ کسب شهرت ایدرک وفاندہ مأموریتی
اوغلی ہرالده قالمش وادواردک ذریقی اولدیغندن وفاتیلہ
ہرالدک قرال انتخاب اولنمی اغلب احتمال بولنشدی فقط ہرالده

بررقیب حاضر لٹش دیکه بوده نورماندیہ دوقه سی ایلیس روبرک
ولدغیر مشروعی کیلیوم ایدی .

کیلیوم انکلتزہ بوقوع بولان برسیاحتندہ هرشینک برنورمان
استیلاسنه حاضر انٹش اولدیغنی کوره رک ادواردک وفاندنصکره
کندی قرالغنی تأمین اسبابنی دوشونمکه باشلامش وهرالدک
بحسب المصلحه نورماندیہ به کلسندن استفاده ایدرک کندیسنک
قرالغنه معاونت ایده جکنه اکاده یمن ایتدیرمشدی . واعظ
ادواردک وفاتنده کیلیوم کندیسنک وارث مشروع سلطنت
اولدیغنی ادعا ایدوب انکایزل ایسه هرالدی انتخاب ایلش
وکیلیومده هرالدک یمننی بوزدیغندن طولای دینسز اولدیغنی
اعلان وپاپانک مظاہرتی واوتهدن برودن طوپلانٹش فرانسر
سرسریرندن التمش بیک نفرلک براردونک معاوتنبه ماش
دکزینی پکهرک انکلتزہ ساحلنه چقمشدی . هرالدک عسکری
نورمان اردوسنک ربعی قدر اولوب نورمانلر فضلہ اولهرق
چاپول طمعی وکندیلرینه جناب حقک فز وظفر وبره جکی
امیدیه متانت قلبیه مالک اولدقلرندن ایکی اردو آره سنده
هاسټیڻس موقعنده وقوع بولان محاربه ده هرالد مغلوب
ومقتول اولمش وفاتح کیلیومده طوغری لوندریه کیدرک
قرالغنی اعلان ایلشدر (۴۴۴) فاتح کیلیومک اداره سی پک
ظالمانه وشدتلی اولوب بانخاصه ساقسونرک کندیسنه قارشو
وقوع بولان برعصیانلرینی تسکین ایلدکن صکره ایتدک

اعتسافات بر اقامشدر . هم سرای و همده مدھش بر حبس خانہ
اولق اوزره بنا ایتدیکی مشهور لوندره قله سی یکی اداره نك
طرز و شكته بر اعت استلال اولوب مملكتك دیزكینی ناميله
معنون اولمشدر . بالجمله خدمات و مناصبه و عسکر ضابطلكرینه
فرانسزلر و نور مانر تعیین ایدیلوب فرانسزجه لسبان رسمی
اتخاذ ایدلمش و سرایده و دواثر حكومتده عموماً فرانسز اصول
و عادات و قوانینی مرعی اولغه باشلامشدر . اسکی ساقسون
زادكانی بالجمله اراضیدن و نفوذدن محروم بر اقبلوب
ممالكك هر طرفنده بر چوق اراضی طوغریدن طوغری به
قراله تملك اولندیغی کبی قالان اراضی به ده طاقيله بر زادكان
هیبتی وضع ایدلمشدر . شوبله که جله سی نورمان و فرانسز
اولق و اکثریتله اسملر ننده اکلاشیله جغی و جهله احاد ناس
و اشخاص عادیه دن ترکیب ایلک اوزره التیوز بارون و التمش
یک شوالیه آره سنده بالجمله اراضی تقسیم اولنوب ساده بونلر
فئودالیتده اصولی اوزره برلشد برلیوب جله سی طوغریدن
طوغری به قراله تابع و مربوط اولق اوزره اسكان ایدلمشدر دی .
ساقسونلر ازهر جهت محقر قالدق لرندن بو حاله تحمل ایده .
میانلر اورمانلره انجا ایدرک نیم حیدود و نیم پولتیقه ملتجیسی
حالنده و سرکشلیکده قالمشدر و بونلرک قانلری مباح اعلان
ایدلدیکندن خارج از قانون Outlaw ناميله معروف اولمشدر .
بونلر بینده ظهور ایدن رو بین هود نام شخص نورمان اداره .

سنی زیاده سیه بیرار ایلدیکنندن کندیمی بر قهرمان عد او-
لنوب ساقسون اشعار ملیه سنده اوصاف و مدایحی توکنمز بر
سرمایه افتخار اولمشدر .

نورمان استیلامی انکلتزه احوالجه پک بیوک بر تبدیلی
موجب اولوب هم قوم و مملکتک تبدیل طرز ایلسنه و همده
ایروده پک مهم وقوعات سیاسیة ظهورینه سبب اولمشدر .

فهرست جلد ثانی

اوچنجی کتاب

روما جمهوریتی (مابعد)

صفیفة

فصل ثانی — جمهوریتک دور فتوحاتی (مابعد)	۴
۴ — شرق فتوحاتی	۴
۵ — اوچنجی پون محاربه سی و غرب فتوحاتی	۱۲
۶ — جمهوریتک اصول اداره سی	۳۲
فصل ثالث — رو ماده جمهوریتک ذوالی	۲۸
۱ — قاتون و غرافخوسلر و مجادلات داخلیه باشلانغجی	۲۸
۲ — اوپتیمات اداره سی و ماریوس	۳۹
۳ — ماریوس و سیللا — برنجی محاربه داخلیه	۴۶

	صفحه
۴ — پومپه چپرون قيصر	۵۵
۵ — بيوك محاربه داخله	۶۷
۶ — آتونوس و او قتاويانوس — صوك محاربه داخله	۷۶
در دنجي كتاب	
روما امپراطور لغی	
۸۹ فصل اول — دور اعتلا	۸۹
۱ — آوغوستوس و خاندانی	۱۰۲
۲ — فلاويلر	۱۰۶
۳ — آتونينلر	۱۱۲
۴ — رومانك ترقیات مدينه سی	۱۲۲
فصل ثانی — دور وقوف	۱۲۲
۱ — فترت عسکریه	۱۲۷
۲ — ايلير يالی امپراطور لر	۱۳۲
۳ — بيوك قسطنطين	۱۴۷
۴ — قسطنطينك اخلاقی و تئودوسیوس	۱۵۸
فصل ثالث — رومالیاق عالمك انقراضی	۱۵۸
۱ — مهاجرت عمومیه نك برنجی دوری	۱۶۹
۲ — مهاجرت عمومیه دور ثانیسی	۱۸۱
۳ — شرقی روما امپراطور لغی	۱۸۹
۴ — روما حقوقی	

بشنجی کتاب	
عربلرک دور استیلاری	
	صفحه
فصل اول — ظهور و انتشار دین مبین محمدی	۲۰۱
۱ — عربستانده زمان جاهلیت	۲۰۱
۲ — ایران دولت اخیره سی	۲۱۱
۳ — حضرت رسول اکرم	۲۱۹
۴ — دولت اسلامیه نك تأسيس و تقرری	۲۳۲
۵ — دور فتوحات	۲۴۱
فصل ثانی — خلافت اسلامیه ده تفرقه	۲۵۲
۱ — مبادی* اختلاف	۲۵۲
۲ — امویه خاندانک اقبالی	۲۶۴
فصل ثالث — اسلامک دور ثانی* اتحادی	۲۷۵
۱ — فتوحات امویه	۲۷۵
۲ — خلافتک عباسیبره انتقالی	۲۸۶
۳ — خلافت عباسیه نك زمان شوکتی	۲۹۶
التنجی کتاب	
رومانک خلفری	
فصل اول — فرانق امپراطورلغی	۳۱۲
۱ — مرووه و قارلووینغ سلاله لری	۳۱۲
۲ — شارلمان	۳۱۷
۳ — قارلووینغ سلاله سنک انقراضی	۳۲۵

ص.یفه

- ۳۳۰ — ۴ — فتودالیه
- ۳۴۶ — فصل ثانی — آلمانیا و ایتالیا
- ۳۴۶ — ۱ — آلمان امپراطور لغی
- ۳۵۵ — ۲ — انوستیتور منازعه لری
- ۳۶۳ — ۳ — ایتالیا محاربه لری
- ۳۷۰ — فصل ثالث — فرانسه و انگلتره
- ۳۷۰ — ۱ — آنغلو ساقسون دولتی
- ۳۷۵ — ۲ — فایت سلاله سی مبادیسی وانگلتره نك فنی

۲۶ / ۱۱ / ۱۳۰۲

ابراهيم حق

نایب معجز

مکتب عالی حقوقه تدریس ایدمک اوزره
ترتیب اولمشدر
جلد ثالث

صاحب و ناشری

قضاار

معارف نظامت جلیله سنک فیهنیه طبع اولمش

قضاار

(قضاار) مطبعه - باب عالی جاده سنده نومرو ۲۵

۱۳۰۶

يدنجی کتاب

طوائف ملوک و اهل صلیب

۱۶۶

۵

مؤلفك سائر مطبوع اثرلى

مدخل حقوق بين الدول — حقوق دول علمك بر
مقدمه سى مقامنده اولوب علم حقوق ايله حقوق دولك تعريفات
وتقسيماتندن و صلح دائمى نص و راييله حقوق دولك حال
حاضرندن باحثدر .
فيثاتى ۷ - غروش

تاريخ حقوق بين الدول — تاريخك الكاسكى زمانلرندن
برلين معاهده سنه قدر بو علمك بالجمله ترقياتندن و معاهدات
و محاربات مشهوره ايله حقوق دول مشاهير علماسندن و آثار
معروفه لرندن باحثدر .
فيثاتى ۱۰ - غروش

تاريخ عمومى - برنجى جلد — علم تاريخك مقدماتى
ايله شرق اقوام قديمه سى و يونانس - تان و ماكدونيا تاريخلرينى
وايكنجى پون محاربه سى نهايته قدر روما جمهوريتى تاريخنى
محتويدر .
فيثاتى ۱۵ - غروش

تاريخ عمومى - جلد ثانى — ايكنجى پون محاربه سندن
روما جه - و ريتك انقراضنه قدر اولان وقوعات ايله روما
ايمپراطور لغى و عربلك دور استيلاسى و روماك خلفلى بختلرينى
حاويدر .
فيثاتى ۱۵ - غروش

فصل اول

طوائف ملوک

دولت عباسیه احوالی

معتمدین صکره خلافت عباسیه احوالی. امیرالامراء و ترک عساکری.
خلفای عباسیه. مستکنی بالله و معزالدوله. خلافت عباسیه حدودینک
کوچلمی. قائم بامرالله و طغرل بک. ریاست روحانیه. ناصرالدین الله.
بغدادک ترقیاتی و دولتی انحطاطی. مستعصم بالله. ابن علقمی و هلاکو.
دولت عباسیه نک انقراضی.

معتمد بالله دورنده دولت عباسیه صوک برضیای شوکت
و قدرت ایله پارلادقن صکره بسبتون طریق ضعف و انحطاطه
کیرمشدی. آفریقا و لایاتی پیدرپی غائب الملکده اولدیغی کبی
ولایات آسیایه سنده دخی امر اداعیه استقلال ایله تفرده باشلامش
و عباسی خاندانه صادق قالان مصرده بیله انواع تشوшат
واختلالات حکمفرما اولمشدی. معتمدک اخلافنده جدآ اداره

امور دولته مقتدر جسور ومد بر آدم پك آز چيقديغى كېي
 بر طرفدن امرانك حرص تغلب و تفردلى و بر طرفدن شيعه
 و خوارج و علويلر كېي طوائف مذهبيه و فرق سياسيه نك
 چيقاردقلى فتنه لر اورتاغى نمونه محشر بر حال تشوشه دوچار
 ايلشدى . بالخاصه عسكرك بو قاريشقلمقره مداخلمسى دولتى
 دهامشكل برحالده بر اقبوردى .

معتصمك خلفانك شخصلرینه صادق بر هيئت مخصوصه
 اولوق اوزره تشكيل ايلديكى ترك عساكر خاصه اردوسى اسكى
 نظام و انتظامنى غائب ايدرك هر درلو فساد و اختلالك اوچاغى
 كىلمش و بو اردو افرادينك ادبسنلكلى حدينى طاشارق
 جلوس بخشى آلىق عسكرك اك باشلى ايشى كوچى اولمشدى .
 بو اردونك قوماندانلى اولان امير الامرار طبعى شو
 آرده زياده سيله كسب نفوذ ايتمشلردى . اهميت و نفوذلرينك
 تناقصى نسبتنده اوله رق خلفا اختفا و اختيار عزلت ايلدكلىرندن
 و كندى زوق و صفا و سفاهتلىرندن بشقه برشى دوشنه مدكلىرندن
 فعلاً اداره امور امير الامرار اللرنده قالمشدى . كندى قوتنه
 كووه ن بر قوماندان امير الامرا ايله حرب ايدرك مظفر اولورسه
 خليفه طرفدن اشبو منصب كنديسنه توجيه ايدلك عادتاً عادت
 زمان حكمنه پكوب بالجمله امرای دولت بو حرص تغلب ايله
 بر برلرینه رقيب و خصم جان كىلدكلىرندن ملت اسلاميه نك منافعى
 بو اغراض شخصيه آرده سنده پك شايان تأسف بر درجده

اونودیلپوردی حتی اسلامک محوینه یورویان صلیبیونک ارض
 مقدمی خراب ایلدکاری صروده خلافت عباسیه نك تصورى
 ناقابل برحال سکوننده قایلشی بوندن نشأت ایلشدی .
 اونوزیدی نفردن عبارت خلفای عباسیه دن ساده طقوزى
 عمر طبیعى ایله سلطنت ایدوب بریده اختیارله ترك خلافت
 ایتش درکه بو خلاصه دولتک نقدر اغتشاشات ایچنده قالمش
 اولدیغنی تصوریه مثال کافیدر . خلیفه مستکفی بالله
 (۳۳۴ - ۳۳۸) زماننده امیر الامراک منصبی بغدادی حرباً
 ضبط ایدن وحالوشانی ایلروده کوریه جک اولان معز الدوله بن
 ابوشجاع بویه به توجیه اولتمقله بو منصب بر عصر قدر بویه خاندانده
 یعنی مستقل بر حکمدار سلاله سنده قالمشدر . معز الدوله نك
 بغدادی فتح ایلمی ایله اداره ملکیه ومالیه وعسکریه کاملاً
 کندیسنه انتقال ایدوب خلیفه لرده امیر الامراک خلعیت کیدیرمک
 وجعه کونی خطبه ده منبره چقمق ویاخود تشریفات ومراسمه
 برنجی عد اولتمقدن بشقه حقوق حکمداری قلمدی . مصر
 ومغرب قاطمی خاندانده قایدردی واناطولی و ایران وآسیای
 علیانک هر طرفنده مملکتی طرف طرف قاپلایان امر اکندیلرینه
 برر خلعیت امارت استحصالیله کسب استقلال ایلدیلر .
 بوسورتله حدودی کوچیله کوچیله سوریه وعراقه منحصر
 قالان ممالک عباسیه نك حکومتیده بویه خاندانده انتقال ایلمکله
 خلیفه نك فعلاً هیچ بر اهمیتلری قلمدی . امیر الامراک پدردن

اولاده ارثاً انتقال ایدر بر منصب اولدی . امیر الامر انک تاج و تختی و عصا و علامت حکمداریسی اولوب اوده خلیفه کبی رسماً جلوس ایدر ، خطبه ده خلیفه نك اسمندن صکره کندی اسمی اوقونور و الحاصل ازهر جهت مملکتک حکمدار مشروعی عد اولنور ایدی .

خلیفه قائم بامر الله (ه ق ۴۲۲) دورنده امرای اترآکندن طغرل بک آل بویه ایله محاربه ایدرک غلبه و بغدادی حرباً ضبط ایلدیکندن طرف خلیفه دن امیر الامر القی منصبی کندیسنه توجیه و قائم بامر الله کزی سیده خاتونده تزویج ایدلمش و بوضورتله امیر الامر القی منصبنه مالک اولان سلجوق خاندانیده برخیلی مدت بغدادده حکومت سور مشدر .

خلیفه ابو جعفر المنصور زماننده کربدک اهل اسلام طرفندن فتح ایلدیکی اقدیمجه کورلشیدی . اشبو جزیره هجرتک ۳۵۰ تاریخنده تکرار شرق حکومتی اداره سنه کچرک اهالی اسلامیه سی قسماً هجرت و قسماً ارتداد ایلرله اورادن اداره اسلامیه زائل اولدی .

دولت عباسیه عادتاً موهوم بر هیئت سیاسییه حالنده قالوب ممالک فعلاً بوزلرجه سلاطین و حکمداران النده قالدیغندن خلیفه لک ریاست روحانیه دن بشقه بر جهت اهمیتتری قالماشدی . حتی اندلس دولت امویه سنک خلافتیه مبدل اولسی و مصر و مغرب و حره نیک دخی خلفای فاطمیه اداره سنه کچمسیله خاندان عباسک

اداره روحانیه لری بیله تهلکمه به اوغرا مشدی . مع مافیه ۴۱۰
 تاریخنده اندلس امویه سی و اوتوز او چنجی خلیفه مستضی بالله
 حسن (۵۶۶ - ۵۷۵) زمانده خلافت فاطمیه دوچار انقراض
 اولمربله مستضی عموم ممالک اسلامیده خلیفه رسول الله اولمق
 اوزره طائمش و خلنی ناصر الدین الله محمد (۵۷۵ - ۶۲۲)
 زمانده خلافت عباسیه اولدجه رنفوذه مالک اولمشدر .

ناصر الدین الله طو اذ ملوک اوزره خبی تصدیقات اجرا
 ایدرک کندیسنی صابدرمش و فرق یدی سنه دوام ایدن مدت
 خلافتنده بالجهلر قیبلرینه غلبه ایشدی فقط کندیسنه اطاعتسزک
 کوسترن خوارزم شاهی سلطان قطب الدین محمدی تأدیب
 ایچون خوارزمه جنکیر بلاسنی تسلیط ایلدی عالم اسلامیتی
 خراب ایدن بر استیلای مدهشک اشارت متأیفة ابتداسی اولمش
 و بواسیلاک صدماتی دولت عباسیه بیده زبر وزیر ایشدر
 شوبله که اوتوز یدنجی خلیفه مستعصم بالله شیعیله میال اولمغله
 مقام وزارتیه شیعه دن مؤید الدین ابن علقمی بی اصعاد ایش
 و ابن علقمی ایسه خائن بر شخص اولوب دولته یا علمو یلردن بر خلیفه
 نصب ایتمک و یا خود کندی خلافتنی اعلان ایلک املنه دوشدیکندن
 ایرانده تاتار و ایسی بولنان هلاکوخانی بغدادک فخرنه تحریرص
 ایشدی ابن علقمی و مستعصمک مقرینندن و علمای عصر دن نصیر
 الدین طوسی نک تشو و یقربله بغداد فخرنه عزم ایدن هلاکو
 خان بغداد جوارنده مقاومتنه چیقان خلیفه بی مغلوب و قلعدهده

محصنه مجبور ايلدى . ابن علقمى وقتيله طغرل بگه ياپلديغى كېي
 هلاكونك ده استقبالنه چيقيه رق كنديسنه امير الامر الق توجيهنى
 تكليف و خليفه يى اقتناع ايدوب فقط رجال دولت و معتبران
 بلده يى مستحجاباً خان مغرورك استقبالنه چيقان خليفه بالجمله معيبله
 تاتارلر طرفندن قتل اولنديغى كېي بغداد شهر يده يېمسا وتالان
 و اكثر اھالىسى قتل و اتلاف و برچوق اماكن عظيمه و آثار نفيسه
 تخریب ايدلمش و روايت كوره بغداد كتيخانه لرندن چيقاريلان
 نفائس كتب ايله دجله ده بر كوپرى حاصل اولوب اوزرندن
 تاتار سوار يلىرى چكمشدر . ابن علقمى نائل امل اوله ميوب
 حركت خاٹانه سنك جزاي سزاسنى كور مشه ده دولت عباسيه ده
 بو صدمه يه مقاومت ايدمه بدير ك منقرض و ممالكى تاتار دولته
 ملحق اولمشدر . ساده قتل عام اثناسنده مجبسه اولسى جهتيله
 مؤخرأ فراره موفق اولان مستنصر بالله مصره كيدر ك اوراده
 مصر خلقاي عباسيه سى سلاله سنى احداث ايلمشدر (هق ۶۵۶) .

شمالی آفریقا

مغرب اقصی دولتوں کی۔ آفریقہ احوالی۔ ابراہیم بن اغلب۔ بنی اغلب
 دولتی، صقلیہ ولایتی۔ شمالی آفریقا۔ دولت فاطمیہ تک صورت ظہوری۔
 سعد ابو عبد اللہ المہدی۔ خلفای فاطمیہ۔ امرای کلیون۔ معز الدین و مصر
 فتحی۔ مصر احوال متقدمہ سی۔ بنی طولون و ملوک اخصیدیہ۔ دولت
 فاطمیہ تک وسعتی و اسباب انحطاطی۔ خلیفہ عاضد الدین۔ دولت ابویہ۔

خلفای عباسیہ تک ایک نجیبی اولان ابو جعفر المنصور زمانہ
 اندلس دولت امویہ می شکل ابتدائی کی آزوقت صکرہ دہ
 بعد مسافہ حسبیہ مرکز خلافتک نظر تفتیشدن پک بعید قالان
 مغرب اقصی جہنلریہ کسب استقلال ایلش و بصورتہ حوالی
 مذکورہ دہ ایکی دولت مستقلہ حاصل اولمشدی۔ بونلردن
 جنوبہ اولانی مرکزی سبج۔ لماسہ شہری اولاق اوزرہ بنو
 مدرار دولتی اولوب سنہ قریہ حسبیہ ہجرتک ۱۵۵ تاریخندن
 ۲۹۷ سنہ سنہ قدر بردوام اولدی۔ دیگرینک ایسہ ممالکی دہا
 شمالدہ و مرکزی فاس شہری اولوب مؤسسہ ادربسک نامنہ
 نسبتہ ادربسیہ دولتی نامیلہ معنون ایدی۔ اشبو ادربس
 علویلردن اولوب برادرلردن عبداللہ مکہ مکرمہ دہ و ابراہیم

کوفنده دعوی خلافتله ابو جعفر المنصور اوزرینه خروج
ابن شلردی . دولت ادریسیه ده هجرتک ۱۷۲ سنه سندن ۳۰۷
تاریخنه قدر دوام ایشدر . فاسک دها شرق طرفنده و شمیدیکی
جزایر حوالیسنده کاشن تاهرت و یا تهرت بلده سی مرکز اوله رق
اورالده ده بنورستم خاندانی طرفندن دیگر بدولت (ه ق
۱۳۸ - ۲۹۷) تشکیل اولمشدر .

بو اوج دولتک تشکیله مغرب اقصى کاملاً عباسیه النندن
چتدیغی کبی نفس آفریقیه قطعه سی دخی بر طرفدن داخلی
عصیانلر و دیگر طرفدن اندلس امویه سی ایله جنوبی ایتالیا ده
کی روملرک تجاوزلندن طولایی حال تهلمکده قالدیغندن خلیفه
هارون الرشید امرای مشهوره دن ابراهیم ابن اغلبی آفریقیه ولایتی
امارتنه تعیین ایشدی . ابراهیم واقعاً ممالک مذکورده تأیید
آسایشه موفق اولوب آفریقیه وقوع بولان تجاوزلری منع
ایشده اداره حکومتده کسب استقلال ایدرک بنی اغلب
دولتنی تشکیل ایشدر . مع مافیله بنی اغلب رسماً دعوی استقلاله
تصدی ایلدکاری کبی حرکات استقلالجویانه لرینه خلفای عباسیه ده
اعتراض ایلدیکنندن استقلال فعلییه نائل اولمشلر و ابراهیمک
خاندانندن کندیسيله برابر طقوز امیر ظهور ایدوب سلطنتلری
بوز اون ایکی سنه (۱۶۹ - ۲۸۱) دوام ایشدر .

موقعک یاردیمله دولت اغلبیه ده قارطاجه لیلر و وانداللر
کبی بیوک قوه بحریه پیدا ایدرک اطرافه تسلطه باشلاش و بحر

سفیدک حاکمی کسلشدر . بانحصه ابراهیمک ایکنجی خلقی امیر
 زیاده الله زمانده ساردنیا و جنوهیه سفر لر ایدلدیکی کبی مجلیا
 اطه سنه دخی قیروان شهری قاضیمی و علمای مالکیدن اسدان
 الفرات اداره سنده بر اردوسوق ایدیلهرک مذکور جزیره پیدر پی
 شرق قیصر لغی بدندن نزع ایدیلوب صقلیه نامیله بر مسلمان
 ولایتنه منقلب اولمش و دولت اغابیه طرفندن منصوب والیر
 واسطه سبله اداره ایدلمکه باشلامشدر بوضورتله بنی اغلب
 حکومتی خیلی شوکت و قدرت صاحبی اولوب نهایت طقوزنجی
 امیر ابونصر زمانده منقرض اولهرق سلطنت فاطمیونه انتقال
 ایلشدر .

خلافتک عباسیہ انتقالندن صکرہ ہر جہتہ یانیش اولان اولادعلی آره صرہ دعواى خلافتدن خالی اولیوب بونلردن محمد اسمندہ برسیدہ مغربہ بو دعوا ایلہ خروج ایشسہدہ موفق اولہ میہرق دعواى اوغلی سمدہ بر ایشدی . سعدسات کر آمدن اولوب کنندیسی امام جعفر الصادق اولادندن اولدیغی ادھاسیلہ شامدہ خلیفہ مکتفی باللہ علیہنہ خروج ایلہ (۲۸۰) عبید اللہ المہدی عنوانی طافتمشسہدہ سوریه و مصر دہ بر شیندہ قادر اولہ میہرقنی اکلامغہ مغربہ کلش و شیعدن ابو عبدالله نام سر دارک دلاتیلہ سچلماسدہ دن معیت کثیرہ ایلہ تکرار خروج ایشدر . سعد بودفعہ بنی اغلب دولتنی منقرض ایدرک آفریقہدہ تأسیس سلطنت و خلافت و مرکز حکومتنی کنندی تأسیس و بنا ایلدیکی مہدیہ شہرینہ نقل ایشدر . مغربہ استقلالنی محافظہ ایدن ادرسیہ و بنو رستم حکومتلیدہ عبدالله المہدی و اولادینہ مقاومت ایدہ مدکارندن مصر دن بشقہ بتون آفریقای شمالی دولت فاطمیہ ادارہ سنہ یکمیشدر اشبو سلالہ دن دردی تونس دہ و اونى مصر دہ اولہرق اون درت خلیفہ کلشدر و دور حکومتلری (۳۸۷ - ۵۵۰) ایک یوز التمش اوچ سنہ در .

عبدالله المہدینک حفیدی منصور باللہ اسماعیل صقلیہ ولایتنی بنی کلب قبیلہ سندن حسین بن علی نام ذاتہ توجیہ ایدوب جزیرہ مذکورہ نورمانلر طرفندن استیلا سنہ قدر امرای کلبیین

بنی طولون

اداره سنده قالمشدر . مصرک دولت فاطمیه اداره سنه یکم می
 در دنجی خلیفه فاطمی معزالدين الله محمد زمانده در .
 مصر قطعده سی دولت امویه نک انقراضیه ولات عباسیه
 طرفرندن اداره اولتغه باشلامشده مرور زمانله اداره بعض
 تشوشات عارض اولمش وانلسلی ابو حفص نام سردار اداره سنده
 بر طاقم اندلسینک اسکندریه به ورودیده غوائل موجوده به
 منضم اولمشدی .

مأمون خلیفه امر اداره به نظام ویرمک اوزره مصره عباده
 بن طاهر ذو الیمینی کوندروب ابو حفص اسکندریه دن
 طرد ایلدی واندلسلیر بالاده کوردیکی اوزره کرید جزیره سی
 فخنه تازم و موفق اولدیلر . بوندن صکره مصریه منتظماً
 ولات طرفرندن اداره اولتوب اکثر مصر والیرلی بغدادده
 قاهره قی برلینه بر منسلم اعزام ایدرلایندی . برآرهلوق ولایت
 مذکوریه مأمور اولان بایکنتال نام بر ترک طرفندن مأمونک
 ترک کوله لرندن طولونک اوغلی ابوالعباس احمد مصره متسلمکه
 کوندریلوب (۲۵۴ هـ) موچی الیه اداره عباسیه به طاری اولان
 ضعفندن استفاده ایله ۲۶۸ تاریخنده کسب استقلال ایلدی .

احمد بن طولون قاهرده نامنه نسبتله مشهور جامع شریفی
 بنا ایتدرمش و مصردن بشقه سوریه و حجاز و حتی موصل جهاتنه
 دخی مستولی اوله رقی قدرت عظیمه صاحبی اولمشدی احمدک
 وفاتنده نقداً ارن ملیون التونی و اوتوزدرت بیک کوله می و بیحد

و بحساب مالی قالمشدر . بنی طولونك مركز حكومتلى مصر
شمالیده فسطاط بلده سی اولوب حكومتلى ۲۹۲ تاریخنه قدر
متمد اولمش و تاریخ مذکورده سلاله لری منقرض اوله رق مصر
خلیفه مقتفی باللهك والیلى طرفندن اداره اولمغه باشلامشدر .
مکتفی باللهك همت و غیرتی اخلافنده مفقود اولدیغندن ۳۲۶
تاریخنده مصره والی اولان اخشید ابوبکر نام ذات ینه کسب
استقلال ایدرک دولت اخشیدیه تأسس ایتش و بو سلاله دن
اخشید کافورینك ۳۵۷ ده وقوع و فاتی اوزرینه معزالدین ایه محمد
مصر فتحنه عزم ایلشدی .

معزک اردولری مصری ۳۵۸ تاریخنده کاملاً فتح ایلدکاری
کی کندیسیده فاطمیده بعدما پای تخت اولمق اوزره اسکی
قاهره شهری جوارنده یکی مصر القاهره بی بنا ایتدیرمشدر .
معزالدین عصرینك الك بیوک پادشاهی اولوب مصر و آفریقیه
و مغرب الاقصی دن و سبیلیا و سائر جزائر دن بشقه سوریه و سجازی
دخی ضبط ایتش و حریمین شریفینده نامنه خطبه او قوتمشدی .
اگر معزالدین دها طول مدت پایدار اولسه احتمالکه بغدادی
دخی استیلا ایدردی . اشبو خلیفه فاطمی به قدر کلانرک جمله سی
عاقل و مدبر آدملر اولوب فقط معز دن صکره بو سلاله یه ده
بر طاقم مناسبتر احوال طاری اولمغه باشلامشدی . از جمله
التنجی خلیفه حاکم بامر الله عادتا مجنون اولوب روایتیه کوره
حاشا دعواى الوهیته بیله متجاسر اولمشدر . بو قدری صحیح

اولسه بیه هر حاله اعتقادات اسلامیه به متابعتده بیوک قصور لر
ایلدیکی محققدر . خلقای فاطمیه علویلنکک مروجی اولغله شیعی
مذهبندن اولوب فقط بعضیلری شیعیتی بک مناسبتمز بر درجه
افراطه واردیرمشلر در .

فاطمیه دن مستعلی باه و آمر با حکام الله زمانلرنده اهل صلیب
مخارباتی باشلایه رقی فاطمیلرک سوریه ده کی ممالکی ترکره و فلسطین
اوروپالیره تابع اولمش واساساً اهل صلیب دولت مصریه نک
بنیان شوکت وسطوتنی زیر وزیر ایلشدیر . بوسره لرده آفریقیه
ومغربده بنوبادیس و بنوجاد دولتری تأسس ایلشدرکه بونلره
خلف اولان مرابطین و موحدین دولترینک احوالی انداس
تاریخنده کوریه جکدر .

دولت فاطمیه پیدرپی دوچار ضعف وانحطاط واسلامه
قارشو دفعاتله اهل صلیب اتفاقنه طالب اوله جق درجه ده
متذلل اولوب بانخاصه خلیفه عاضدالدین الله زماننده هیچ
اهمیتی قالماش وحتی شام اتابکی سلطمان نور الدینک تحت
حایه سنده بولتمشدی . اهل صلیبک اسلامجه حس ایتدیردیکی
لرزم اتحاد و فاطمیونک ابلسه مدافعه اسلامجه ضرردن بشقه
بر تأثیر کورلماسی مصرجه تبدل سلطنتی انتاج ایدرک وادی
نیلک حکومتی نور الدینک امراسندن مشهور صلاح الدین
ایوبیه انتقال ایلشدرکه دولت ابویه نک صورت تأسسی اهل

آسیای غربیه و وسطی

صلیب محارباتی مباحثه ذکر ایدیه جک اولغله بوراده
تفصیلندن صرف نظر قلمشدر .

آسیای غربیه و وسطی

طوائف ملوک صورت ظهوری . یمن . حرمین . قرامطه دولتی .
خوزستان و بصره . دیاربکر و حلب . ایرانده ملی اداره لر . جرجان و خوارزم .
دیلم و بلبرستان . بنوزیاد . آل بویه و فروعی . آل بویه نك شوکت و عظمتی .
آسیای وسطی جهتلی . بنوطاهر . دولت صفاریه . آل سامان . غزنه
دولتی . سلطان محمود غزنوی . ترکستان خاقانلی . سلجوقبیرک ظهوری .

دولت عباسیه یه ضعف طاری اولمسیله برابر ولات و امراه
هر جهتدن بر استقلال آرزوسی طاری اولمش و بو آرزوی
استقلال عادتاً زمانه علت ساریه سی حکمنه یکمشدی .

آفریقاده کی ولات عباسیه کی آسیاده کیلرده هر فرصتدن
استفاده ایله اکتساب سلطنته سعی ایدر لر و عصیانلر بر برینی تعقیب
ایدوب مرکز خلافتک غوائل کونا کوندن خالی قالدیغی کورلر
ایدی . بالخاصه داخل دولتده ایکی گروه واردیکه بالجمله سعی

و همتری کندیلرینه بر حکومت تشکیلی خصوصنه انحصار
ایدیوردی . بولردن بری اترک اسراسی و عوماسلک عسکری به
داخل اولان سرسری باش-بوغلا اولوب هر سرکرده لایقینه
کسب شهرت ایدرک باشلی باشنه بر ایشه تعیین اولونجه ایلك
ایشی افندیسنه عصیان ایلك اولوردی . دیگرى ایسه علویلر
اولوب خلافت عباسیه نك هرجهته یانلش اولان و کندیلرنده
حق مشروع سلطنت واردر ذهابنده بولسان بیکرله
اولاد علینک هر بری برکوچک دولت حکومتنه نامزد عد
اولنه بیلردی .

دها خلیفه مأمون دورنده بمن ولایتده بولسان بنو زیاد
ساله سی کسب استقلال ایدوب بوسالاه ایله اکا خلف اولان
بنونجاحک حکومتلی هجرتک التبحی عصرینه قدر دوام ایلش
و صنعاده دخی اولادعلیدن بنوطبا طببا خاندانی تأسیس حکومت
ایتمشدر . حرمین محترمین یله عباسیلرک الندن چیقهرق برمدت
مکه مکرمهده اولادعلیدن شرفاء بنی احضر (۲۵۱ - ۳۵۰)
حکومت سورمش و بونلرک دولتی قراظه طائفه سنک هجمائیه
منحطی اولدوقدن صکره حرمین دولت فاطمیه دائرة نفوذینه
کیرمشدر . جزیره العربک نجد و سائر جهات متبایقه سی ایسه
جدون قرمط نام خبیثک وجوده کتیردیکی قراظه طائفه سی
النده اولوب طائفه مذکوره عصرلرجه مدت اوحوالیده
حکومت سورمش و حجاج مسلمین و حرمین محترمینک امنیت

و اسایشنی سلب ایشلردر . قرامطه شیعه شعباتندن و اسماعیلیه
کروهندن اولوب هر درلو مناهی و محرمانی استحلال ایدر
اولدقلرندن مکّه مکرمه و کعبه معظمه بی یغما ایتک کبی خبائثی
ارتکابدن اصلاً چکنماملردر .

جزیره العرب بو صورتله الدن کندیکی کبی الجزیره و موصل
جهتلرنده بنو حیدان (۲۹۳ - ۳۹۱) دیار بکرده کرد ملوکی
(۳۷۳ - ۴۷۸) ، حلبده بنو مرداس (۴۱۲ - ۴۷۲) بر
حکومت تاسیس ایشلردی . اشبو حکومانک ودها آتیده
کوربله جک اولانلرک رؤسا حکمدارلی غصباً ویا ارثاً مقام
استقلاله چیققدنصکره رسماً بغدادده کی خلیفه عباسی به عرض
اطاعت و انقیاد ایدرک بر منشور امارت استحصال ایدرلر و بو
صورتله سلطنتلرینه مشروعیت سوسی و برلردی . شو قدر
وارکه انلره غلبه ایله مقابلرینه کچن هر متغلب دخی بنه خلیفه دن
کندیسی ایچون منشور استحصالنه عینی درجه ده سهولته
موفق اولوردی . از جمله بصره و واسط و خوزستان طرفلرنده
حکومت ایدن بریدیون خاندانک ریسی ابو عبده بغداد امیرالا
مراسی ابن رائق معیننده اولوب خوزستانه ویرکو تحصیلدار لغیله
کوندرلمش ایکن انواع حیل و دسایس ایله منشور امارت استحصال
ایش و اهواز حاکی یاقوت نام امیره دخی بالغلبه عراقک
جنوبنده بیوک بردولت (۳۲۳ - ۳۴۹) تشکیل ایشلردی .

بواسقلال میلی ایرانده جهات سارهدن دها زیاده سهولت ایله باش کوسترمشدی. ذاتاً ایرانک شمالنده و بحر حزر ساحلنده اولان برلر لایقبله خلافت امویه و عباسیه اطاعت ایتموب جیلان قطعه سنده هجرتک قرقجی سنه سندن یوز اوتوزیدی تاریخنه قدر بردولت مجوسیه دوام ایلدیکی کبی رویانورستمدار جهتلرنده ینه تاریخ مذکورده تشکل ایدن کوچک برحکومت دخی آسیایی زیر وزیر ایدن انقلابات عظیمه دن کوچکلکی سایه سنده قورته لهرق دولت صفویه ننگ ظهورینه یعنی طقوزنجی عصر هجرییه قدر بردوام اولمشدر. بونلردن بشفقه اسکی ایران شاهلری سلاله سندن باوندیه خاندانی طبرستان جبالنده ایکی دفعه (۴۵ - ۴۱۹ و ۴۶۶ - ۶۰۶) و مازندرانده دخی بردفعه (۶۳۵ - ۷۵۰) اجرای سلطنت ایده بیلشدر. بونلردن بشفقه دولت عباسیه فروغندن اوله رق جورجانده بنی فریعون و خوارزنده بنوزیاد حکومتلری تشکل ایشدر.

شعبه طوائفی ایران شمالنده کثرت اوزره بولندیغندن حضرت حسن بن علی المرتضی اولادندن الداعی حسن بن زید دولت عباسیه علیه خروچ ایله طبرستانده آمل شهری مرکز اوله رق بر دولت تأسیس ایلدیکی (۲۵۰ - ۳۰۰) کبی انک انقراضندن صکره ینه طبرستانده ساریه شهری دخی حضرت حسین شهید اولادندن بر سلاله یه مرکز سلطنت (۳۰۱ - ۳۱۸) اولمشدر. بودولت حسینیه جورجانده بنوزیاد حکومتنی تأسیس

ایدن (۳۱۵ - ۴۷۰) دبلی مرداویج نام سرکرده طرفندن
منقرض ایدیلوب مرداویج خوزستان و خراسان و طبرستانی
دخی استیلا ایله قوت عظیمه صاحبی اولمش و فقط دها حال
حیاتنده اکثر ممالکی کنندی توابعندن آل بویه یه انتقال ایشلدر .
آل بویه نکریمسی دیلم اهلیندن ابو شجاع بویه اسمنده بر اودونجی
ویا بر بالقجیدر او وقت ایرانک شمالنده حال عصیانده سرکرده لر
متعدد اولغله ابو شجاعک اوغلاری علی و حسن و احمد
بو سرکرده لر خدمت لرنده کوللی یازمشلر و مؤخرأ علی ایله حسن
مرداویجک معیتنده برارلق کوستره رک باشو غلغه چیقارمشلر
ایدی . فقط بونلرک قوتلری آرتدجه مرداویجه ارتباطلری آزالوب
بالخاصه علی مرداویج نامه بر خیلی شهرلری و خصوصاً اصفهان
شهر جسمینی فتح ایدرک عمادالدوله لقبی قزاقمش و مرداویجک
شبهه و حسدینی جلب ایده جک قدر اقتداره نائل اولمشدی .
عمادالدوله علی مرداویجک منفی بولنان اهواز حاکی یاقوت
یدندن شیرازی اخذ ایلدیکنندن مرداویج مومی الیهک اوزرینه
یورومشده مغلوب اولمش و بونک اوزرینه عمادالدوله ایران
جنوبیده کسب استقلال ایدرک خلیفه الراضی باللهدن منشور امارت
استحصال ایشلدر . بو صرده علی نک برادری رکن الدوله
حسن مرکزی ری (طهران) اوله رق شمالی ایرانده و دیگر
برادری معزالدوله احمد دخی عراق عربیده برر دولت مستقله
تشکیل ایشلدردی . معزالدوله احمد امیر الامرا ابن رائق ایله

مخاربه ایدوب بغدادی استیلا و خلیفه مستکفی بالله یرینه مطیع
 لامر الهی اجلاس ایدوب کندیسیده امیر الامرا اعلان اولنمش
 و سلجوقی طغرل بک طرفندن بغدادک فتحنه قدر امیر الامراق
 معز الدوله نك اولادنده قلمشدر . بوضورتله آل بویه ابران
 و عراقه مالک اولهرق سلطنتلری دولت سلجوقیدنک ظهورینه
 قدر دوام ایتش و اوج شعبه دن (۳۱۳ - ۴۳۷) بوز بکرمی
 سنه بی متجاوز مدته اون یدی حکمدار کلشدر .

آسیای وسطی و خراسان جهتلرنده دخی برچوق طوائف
 ملوک حاصل اولشدر . بومالک مرکز خلافته بعد مسافه سی
 ذاتاً و الیرینه بر استقلال سوسی و یرمکده اولوب مثلاً خلیفه
 مأمونک یدی سلطنتی اولان طاهر ذوالیمینین عراقه قدر بالجمله
 آسیا ممالکنی حاوی اولمق اوزره خراسان و الیلکنه تعیین
 اولندیغی حالده برمدت مرورنده خلیفه نامنه خطبه او قومقدن
 استنکاف اولشدر . خراسانده بنوطاهر اولادندن بش امیر کلهرک
 زمانلرنده مملکتلرینک معموریتی حدنهایه وارهش و عبدالله بن
 طاهر زماننده خراسان و طبرستان و کرمانک واردات سنویه سی
 قرق سکز ملیون دیناره چیمشدر . مع مافیه آل طاهرینه
 ولات عباسیه حکمنده اولوب دائماً منشور خلیفه ایله تعیین
 اولنورلردی . بونلرک حدود امارتلی پیدرپی کوچیلهرک بقیه
 ممالکری دخی محمد بن طاهر بن عبدالله بن طاهر زماننده دولت
 صفاریه طرفندن استیلا ایدلشدر (۲۵۱) .

دولت صفاریه نك مؤسس اولان یعقوب بن لیث صاری باقرجی صنعتنده اولمسایله صفار لقبیله معنون اولمشسده مومی الیهك یزدجرد اولادندن بولندیغی دخی روایت ایدلشدیر یعقوب سائر طوائف ملوک رؤسای کبی عسکر لکه کیره رك سرکرده اولوب و معتنده طویلانان سرسریلر واسطه سیله هر طرفه هجوم و کسب شهرت ایدوب نهایت ایران شرقی ده مرکزی هرات اوله رق بردولت تشکیل ایلشدیر . خراسانك فتحندن صکره یعقوب خلیفه المعز بالله زیبردن منشور امارت استحصال ایلمشسده بوکا قانع اولیبوب بغداد فتحنه عزم ایلدیکندن خلیفه اردوسنه مغلوب ورجعتنه مجبور اولمشدر . بوندن صکره دولت صفاریه ده اسکی اقتدار قلبوب یعقوبك اینکنجی خلقی طاهر زمانده مملکتتری اسماعیل بن سامانك ید استیلاسنه کچمش و ساده سجستانده قالان بر شعبه لری هجرتك اونجی عصرینه قدر دوام ایلشدیر . آل بویه نك بعض فروعی کبی آل صفارده دولترینك انقراضندن صکره اوته و بروده تاسیس سلطنته چالشمشلسده حکومتلری بردوام اوله ماشدر . خلافت عباسیه جانبدن بخارا والیکنه نصب اولنان اسماعیل بن سامان عدل و حقایقیت و حسن اداره سیله شهرت کلیه صاحبی اولوب قدرتی یوماً فیوماً مزداد اولدیغندن خلیفه معتضد باللهك منشور یله بخارا امارته نصب اولمشدر . بنی سامان دولتی ترکارله وقوع بولان محارباتده شانلی مظفر بتلر

قزاندیغی کبی بنی لیث مالکنی دخی استیلا ایتش و حتی کرمانه
 قدر حکمی جاری اوله رق ولات سامانیه دن بنوالباس خاندانی
 ۳۱۷ دن ۳۵۷ به قدر کرمانه اجرای حکومت ایلشدر. فقط
 احمد بن اسماعیل بن سامانک کوله لرندن اولوب مؤخرأ افغانستان
 جهتی والیلکنه نصب اولسان الپتکین استقلال داعیه سیله
 عصیان ایلدیکندن دولتک حدودی برار طارالمش و آل سامانک
 طقوزنجی حکمداری بولنان عبدالملک ثانی ایسه مشهور سلطان
 محمود غزنوی ایله محاربه ایدرک مغلوب اولمش و بر طرفندن ده
 ترکستان خاقانلری بخارا جهتلینه تجاوزه باشلامش اولدقلرندن
 ایکی دشمن آره سنده ازیلان دولت سامانیه تشکیلندن یوز آلتی
 سنه صکره ۳۷۷ تاریخده رهین انقراض اولمشدر.

الپتکین دولتی افغانستان شرقیده اولوب مرکزی غزنه
 شهری ایدی. آلپتکین هندستانه تجاوزله هندولرله بر چوق
 محاربه لر ایتدیکی کبی معینده بولنه رق شجاعت و درایتله بیوک
 شهرت قزانش اولان کوله سی سبکتکین دخی مؤخرأ غزنه
 تخنه اجلاس ایدیه رک اسلامه خیلی خدمت ایلشدر. غزنه
 دولتک اصل منتهای شرف و اقباله سعودی سبکتکینک ایکنجی
 خلنی و بیوک مخدومی بئین الدوله سلطان محمود غزنوی زماننده در
 ملوک اسلامیه دن اول سلطان تلقیب اولنان مشارالیه در.

سلطان محمود غزنوی ملوک اسلامیه نك اك مشهوری اولوب
 پایتختی علما و فضلاى عصرک مرکز اجتماعى و بلاد اسلامیه نك

الك شهیری اولمش و سلطانتك عدالت و نصفتی و ثروت و شوكتی
دلرده داستان اولوب اسمی هارون الرشیدك نامی کی ادبیات
شرفیدنك الك بیوك سرمایه ایتها جزلندن بری اولمشدر . سلطان
محمود دولت سامانیهك اکثر ممالکنی و خراسان و ایران شرقی بی
آلوب ممالکی هندوچیندن عراقه قدر امتداد ایلمش و هندستانك
پنجاب قطعدهسی و سائر بعض جهنلری دخی زماننده فتح ایلمشدر
سلطان محمودك هندستانه ایکی سفری اولوب قطعده جسمیه
مذکورده دین مبین محمدینك انتشاری او زماندن باشلامشدر .
سلطانتك هند محاربه لری کرک تصادف اولنان مشکلات و کرک
اغتنام اولنان اموالک و فرقی جهتیه الك مشهور استیلاره مقبس
اوله بیلیر . ساده سامنات نام صتمه مخصوص عبادت خانه بی
حاوی اولان قلعهدنك فتحنده یکریمی ملیون دینار مال غنیمت
اخذ اولتمشدر .

سلطان محمود عصرک الك بیوك حکمداری اولوب آسیای
شرفیده ترکستان خاقانلغندن بشقه کندیسنه مقاومت ایده یله جک
بردولت مقدره یوق ایدی . ترکستان خاقانلغی ۳۸۳ سنه سنده
شمس الدوله ایلك خان طرفندن تأسیس اولنوب ۶۰۹ تاریخنه
قدر دوام ایدرک تاریخ مذکورده خوارزم شاهلر استیلاسنه
اوغرامشدر . ایلك خانک خلفی طغان خان هنوز دین مبین
اسلامی قبول ایتمیان مشرکله غلبه ایدرک برچوق قبائلک
اهداسنه بادی اولمشدی . سلطان محمود زماننده سمرقند تختنده

دولت غزنویہ نیک انقراضی

ابوالمظفر ارسلان خان جانشین اولوب بونلر زمانده غزنویلر ایله ترکار آره سنده بر خیلی محاربات اولدیه ده نهایت ایکی دولت اسلامیه بینده قتل نفوسدن صرفنظر ایدیلهرک بر صلح ووافق قطعی منعقد اولدی.

دولت غزنویه ممالکی پک معمور اولوب هندستاندن اغتنام اولنان خزائن ثروت ایله غزنه وسار شهر و امصار حد غایه معموریه واصل اولمش وساده نصر الدوله سلطان مسعود غزنوی نیک جیمون اوزرینه بنا ایتدیردیکی کوپری ایچون ایکی ملیون دینار صرف ایدلمشدر.

آل سبکتکیندن اون درت نفر حکمدار ظهور ایدوب فقط ایلروده کوریله جکی اوزره دولت سلجوقیه نیک تأسیسه خراسان و ایران و آسیای وسطی جهاتی غزنویلر اندن چقد بیغی کبی دولت ده زیاده کسب ضعف ایلدیکندن ۵۴۲ سنه سنده صولک حکمدار خسرو شاه زمانده افغانستان حکومتی غوری خاندانندن سلطان علاء الدین حسن طرفندن ضبط ایدیلهرک سلطنت غزنویه منطقی اولدی فقط غوریلرک حکومتی دخی چوق سوره بیهرک ملکتری خوارزمشاهان طرفلرندن ضبط ایدلدی.

دول و فروع سلجوقیه

سلجوقیقلر . طغرل بک . آلپ ارسلان . ملکشاه . نظام الملک . باطنیه
طائفه سی . دولت سلجوقیه ننگ انقصابی . ایران دولت سلجوقیه سی . کرمان
دولت سلجوقیه سی . شام دولت سلجوقیه سی . روم دولت سلجوقیه سی .
قلج ارسلان . امرای سلجوقیه . انا بکلیر : موصلی و حلب انا بکلیری .
سلطان نورالدین محمود . آقسنقریه فروعی . فارس انا بکلیری . لور انا
بکلیری . خوارزم دولتننگ صورت ظهوری و عظمت و اقبالی . سلطان
قطب الدین محمد . جنکیر غائله سی . سلطان جلال الدین اکبر خان . کرمان
شاهلری .

روما ایمپراطور لغننگ زمان ضعفنده کیمی دوست کیمی
دوشمن صفتیله کلان جرمان افراد و قبائلی فوج فوج بالورود
یواش یواش رومانک زمام اداره سنی اله آلدقتری کبی خلافت
عباسیه به انحطاط طاری اولسیله دخی ترکستاندن برچوق قبائل
ممالک اسلامیه به آقین ایتمکه و کرك مهاجرت و کرك اسارت
صورتلیله کلان ترکردن نیجه لری امارت و سلطنت استحصالنه
باشلامشردی . بر طرفدن ممالک معموره و مدیده سلطنت ایتمک
آرزوسی و دیگر طرفدن ترکستان امورینک اغتاشیله تاتارلرک
تسلط و مهاجده لری هجرت نبویه ننگ ایکنجی عصر ندبری بر
چوق ترک اقوامنی ممالک اسلامیه به سوق ایلمکده ایسه ده باخاصه
در دنجی عصر هجریده بو مهاجرت کسب قوت ایلمشدیکه طوائف

ملوك آره سنده الكباشلى هيئتلى تشكيل ايدن سلجوقيلرده عصر
مذ كورده كلان قبائلدن بريندر .

سلجوقى تركرى سلجوق بن يقاق نام ذاتك تخت
رياستنده اوله رق تركستانه كلوب بخارا حاكمى اولان
سامانيلر خدمتنده بولتمشلىر ومشرک تركلره بحاربه لرده
خدمت عظيمه لرى مشهود اولديغندن دولت سامانينك انقرا-
ضندن صكره سلطان محمود غزنوى بونلرى خراسان شريفده اسكان
ايلشدى . سلجوقك ميكائيل وارسلان وموسى نام اوغللى پدر
لرى كچى قوم مذ كور رياستنده بولنوب سر كرده لك ايتتمشلىر سده
سائر ترك امراسى كچى همان وادى عصيانه صامع بوب دولت
غزنويه يه صداقتده بولتمشدى . فقط نهايت حرص سلطنت اولاد
سلجوقه ده انتقال ايلديكنندن ميكائيلك اوغللرندن طغرل بك
خراسانده اعلان استقلال وسلطان مبعود غزنوى نك كوندر-
ديكى اردولرى پريشان ايدرك دولت سلجوقيه نك اساس سطوتنى
وضع ايلشدر . (۱۶) .

طغرل بك دولت غزنويه دن آسيبى وسطى وخراسان
وايران شمالى بي آلاق بردوات عظيمه تشكيل ايلدكده نصكره
كرجستان و اناطولينك شرقنده برطاقم برلريده استرداد ايلش
وخليفه قائم بامر الله ايله ملاقات ايلك بهانه سييله بيوك براردو
ايله بغداده كيدرك امير الامراق منصبنى يعنى بغداد وعراقك
حاكيتنى آل بويه ومعز الدوله اولادندن اخذ ايله كنديسنه

توجیهه ایتدیرمشدر . طغرل بک خلیفه ایلله معاً تخت نشین اولدیغی کبی خطبهده نامنی ذکر ایتدیرمش و خلیفه نك کریمه سی سیده خانونی بیله آل عباس عادی خلافتنه اوله رق تزوج و عباسیلرله صهریت حاصل ایلشدر . طغرل بک رکن الدوله عنوانیله تلغیب ایدیلوب ممالکی حدود چیندن سوریه یه و قفقاس جبالندن بحر احمر و عمان و بصره کورفرینه قدر تمتد اولمش و شرق قیصر لغیله محاربه لر ایدوب مظفر اوله رق برطاقم پرلری استیلا ایلدیکی کبی غلطه ده ملوک بنی امیه زماننده انشا ایدلمش اولان عرب جامه شریفی و اسلام محکمه شرعیه سی تأثیر نفوذیه آچیله رق استابولده بیله نامنه خطبه او قونمشدر .

طغرل بک ۴۴۱ تاریخنده وقوع و قاتیله بغداد و سائر ممالک حکومتی عضد الدوله سلطان آب ارسلان نام او غلنه قالمشدر . ترک قومنک ینشدر دیکي الك خلوق قهرمانلردن و الك ممتاز حکمدارلردن اولان بوسلطان ذیشانک اون سنه دوام ایدن مدت سلطنتنده دولت سلجوقیه بر قاندها شان و شهرت اکتساب ایلشدر . داخل ممالکده پولنان بیوک کوچک طوائف ملوکات جمله سی آب ارسلان عرض مطاوعته مسابقیه چقشدقلری کبی اوزمانه قدر حرمین محترمینده خلفای فاطمیه نامنه خطبه او قوندیغی حالده آب ارسلانک تأثیر نفوذیه بعدما عباسیلر و آب ارسلان نامنه خطبه او قونمغه باشلامشدر . آب ارسلان ترک خاقانک و سلطمان ابراهیم غزنوی نك کریمه لرینی او غلارینه

تزوج ایدرک بتون آسیای غربی بی دولتنه بند ایتشدر . شرق
قیصر اغیله محاربات عدیده ده بولنوب ملاذ کرد جوارنده وقوع
بولان معرکه کبری ده قیصر رومانوسی اسیر ایلش و حکمدار
مغلوب حقنده اوزمانک اصول حربیه سی خلافته اوله رق
کوستردیکی حسن معامله ایله قهرمانلغنی برقانده اثبات ایلدیک
کچی عقد ایتدیک معاهده ایله ده بیرانس دولتی سلجوقیزه خراج
گذار ایتشدر .

بو قدر عظمت و اقباله نائل اولان آلب ارسلان ماورای
النهر حاکی شمس الملک تکینک عصیاننی تنکیله کتدیک صرده
برامیر مغلوب طرفدن شهید ایلدیکندن برینه اوغلی جلال
الدوله ملکشاه (۲۵۱ - ۲۷۱) جانشین اولدی . ملکشاه
ملوک اسلامیه نیک یوکلرندن اولوب برمکیله درجه سنده نائل
شهرت اولان وزیر نظام الملک غیرت و معاونتیه حالکی
پک کوزل اداره ایلش و عدالتله کسب شهرت ایتشدر . مکملیت
نامه سیله تاریخ افرنجی به تفوق ایدن تاریخ جلالی ملکشاهک
نامه نسبتله رأس سنه نوروز اولوق اوزره شجیمین اسلامیه
طرفدن تنظیم اولمشدر .

انواع ملعت و خبائثتیه تاریخ اسلامده مشهور اولان
باطنیه طائفه سی دخی ملکشاه زمانده ظهور ایلشدر . بو طائفه
ملاحده و اسماعیلیه و باطنیه و آلوتیه ناملریله معروف اولوب
ایلك رئیسری بولنان حسن بن صباح درایت و شجاعت ایله

متصف و دلیله . منسوب اوله رق نظام الملکه انتساب ایش
 و شجک کوستروب صورت حقن کورینه رک چوق طرفدار
 پیدا ایشدی . مرقوم حسن بن صباح بحر حزر جوارنده غایت
 صرب آلموت قلعه سنه مستولی اولوب دهاسار قلاعیده الده
 ایدمش و شریعت اسلامییه کلیاً مغایر اعتقادات نشریله برچوق
 ساده دلائی اوغورنده فدای جانی نعمت عظمی عد ایدبره جک
 درجه ده اغفال الملکه اقتدار عظیم صاحبی اولمشدی . ملکشاہ
 دفعاتله اشبو فساد اوجاغنی سوندر مکه تثبث ایشکن حسن بن
 صباح تدابیر شیطنتکارانه سی سلطانتک عزمنه مانع اولمش و نهایت
 نظام الملک دخی برباطنی تک خنجر غدربله ترک عالم فانی ایشدر .
 حسن صباح اولادن برچوق قری آلموتده و بر شعبه ده سوربه تک
 بعض قلاع منبیه سنده اجرای خبائث ایدوب نهایت بوطانقه
 جنکیز اولادن هلاکوخانک ایران و عراقی استیلا سی اثنا سنده
 کلیاً منقرض اولدی (۴۸۳ - ۶۵۴) .

ملکشاہ عموم ممالکه بالفعل حکومت ایدن اولاد سلجوقک
 صوکی اولوب وفاتنده اوغلاری سلطان برکیارق و سلطان
 محمد و سلطان سنجر بینلرنده محاربه لر اوله رق نهایت سلطنت
 ساده سنجرده قلمشده مشار الیهک حکومتی ایرانه منحصر
 بولمش وانکه ایران دوات سلجوقیه سی باشلامشدر .

ملکشاہدن صکره ارنده اولاد سلجوقدن اون بر نفر
 حکومت ایدوب فقط سلطنت منازعه لرله دولته ضعت طاری

اولدیغندن نهایت (۵۷۲) تاریخنده سلطنتتری محو اوله رقی ممالک
خوززم شاهله انتقال ایلشدر .

طغرل بک تأسیس سلطنت ایلدکن صکره کرمان ولایتی
برادر زاده سی سلطان قاوورت بن چغری بکه توجیه ایلشدی .
قاوورت مدت مدیده کرمانده و الیک ایدوب ملک شاهک جلو سنده
سلطنت داعیه سیله عصیان ایدرک محاربه ده مغلوب و مقبول
اولمشده ده ملک شاه کرمان ولایتی قاووردک ارغلی سلطان شاهه
توجیه ایلدیکندن دولت سلجوقیه کرمان بووجهله رسماً ایران
سلجوقیله تابع و حقیقته مستقل اولق اوزره تشکل ایلشدر .
کرمانده قاوورت اولادندن اون بر نفر کرمانشاه ظهور
ایدوب نهایت بونلاره سنده تحدث ایدن سلطنت دعوالیه دولته
ضعف طاری اولدیغندن حکومتلی متعرض اولمش و مملکت
۵۶۶ تاریخنده غزان قومی سرکرده سی سلطان دینار طرفندن
ضبط ایلشدر .

ملکشاه سوره بی فتح ایلدکن صکره ولایتی افراسندن
تاج الدوله تشه توجیه ایلشدی اشبو تنش بر مدت و الیک
ایلدکن صکره « ۴۸۹ » ده کسب استقلال ایدوب شام دولت
سلجوقیه سنی تشکیل ایلشدر . فقط بود دولت چوق دوام ایتوب
ملک رضوان زمانده اهل صلیب محاربه سی فیه بر ایدرک
خرمیانلر حلب و انطاکیه بی فتح ایلوب دمشق شامده تهلکه ده

دول و فروع سلجوقیه

قالدیغندن اهالی* شام حلب حاکمی بولنان ایلغازی به اطاعت
 ایشدر . شام سلجوقیه سنک انقراضی ۵۱۱ تاریخنده در .
 سلجوقیه دولتری ایچنده الك زیاده حاز اہمیت اولانی روم
 دوات سلجوقیه سیدر . طغرل بک ولایتزه اقربا و تعلقاتنی نصب
 ایلدیکی صرہده عموجه زاده سی قطلشئ اناطولی حدودینہ
 کوندر مشدی . ملکشاہک جلوسنده قطلش دعوا ی استقلال
 ایلہ قیام ایدوبری شهری جوارنده بر محاربه ده مغلوب و مقتول
 اولدی ایسده ده ملکشاہ مومی الہیک و فائتہ زیاده متأسف اولہرق
 ریتہ قطلشک اوغلی سلیمان شاہی مأمور ایلدی و اناطولیدہ فتح
 ایدہ جکی یرلی مشار الہیہ اولدن تملیک ایتدی . سلیمان شاہ و اولادی
 اول امرده آلپ ارسلان و ملکشاہہ تابع اولوب فقط دولت
 سلجوقیه سنک انقراضینده بونلردن روم سلچوقیلری ظهور
 ایشدر .

سلیمان شاہ اناطولینک فتحینہ بلشلا یہرق روملردن انطاکیہ
 شہرینی آلوب پایتخت ایدتمش و خلقی سلطان داود پایتختنی
 قونیه به نقل ایشدر . اناطولی قس و حاقی ترقی ایدرک بحر
 سیاه ساحلینده بعض نقاط و طرزون ولایتی و مرمرہ
 دکزی سواحلی مستثنا اولہرق آسیای صغری کاملاً سلچوقیلرہ
 یکمش و داودک برادری بولنان سلطان قلیج ارسلان از میدہ
 قریب ازینک شہرینی پایتخت ایدتمشیدی . روم دولت
 سلچوقیه سنک بوتوسع فوق العادہ سی شرق قیصر لغنی تلاشہ

دوشوروب قیصر لر اوروپا به استعانه نامه لر یاغدر دقلزندن
 بوده برنجی اهل صلیب محاربه سنک ت سریع وقوعنه سبب
 اولمشدر . بو سلطان قلیج ارسلان و خلفری سلطان مسعود
 و ایکنجی قلیج ارسلانک محاربات صلیبیده اسلامه ایتدکاری
 خدمات موفوره عظیمه لری محسنده کوربله جکدر . مع مافیه
 اهل صلیبک هجمات متوالیه سی روم دولتنی طریق ترقیده
 طور در روبرو از نیک حوالیه سی ینه بیزانسه یکمش و سلجوقیلر
 داخل ممالکده قالارق مرعش طرفلزنده دخی اهل صلیب
 معاونتیه برارمنی قرالغی پیدا اولمشدی . سلجوقیلر دن غیاث
 الدین کبچسرو ابن لیون ارمنیدن ۶۰۵ ده مرعشی آکس وانطاکیه بی
 فتح ایلش و عز الدین کیکلوسده سینوب قلعه سه نی ضبط ایتش
 ایسه ده اساساً دولتک بنیان سطوتی زیاده تزلزه اوغرامشدی .
 سلجوقی سلطانلری آره سنده تاج و تخت دعوالری چوغالوب
 توسیع ممالکدن زیاده بر برندن یر قایمغه قالدشدقلزندن همان منقرض
 اولمغه یا فلاشان بیزانس دولتی بوسایه ده یشامقده و قوای
 اسلامیه دن استفاده اولنه مامقده ایدی بالخاصه تاتار استیلا سنک
 وقوعیه روم سلجوقیلری عادتا تاتار خانلرنک تبعه سی مقامنده
 قالدش و نهایت سلطان علاء الدینک تاتار غازان خان امریه خلجی
 و غیاث الدینک وفاتی اوزرینه روم سلجوقیه سی انقراض بولوب
 ممالکی اون بر طاققه ملوک آره سنده بولتمشدر که دولت ابد مدت
 عثمانیه ده اشبو طوائف ملوکک ال کوچکارندن ایدی .

دهادوات سلجوقیدنک مبادی، ظهورنده امرادن چوغی کسب استقلال ایدوب کوچک دولتر تشکیل ایلشدی. مثلاً آلب ارسلانک سیواسه والی ایتدیکی دانشمندک سلاله سی اوراده ۴۶۴ - ۵۷۰ تاریخنه قدر حکومت ایتش، مار دینده امرادن ارتق بن اکسک نام کسه نك اولادی (۴۶۴ - ۶۱۴) سلطنت سورمش، ارضرومده امیر صلیقک ذریتی اوله رق صلیقیه دولتی وارزنجان و کاحده بنو منکوح دولتی تأسس ایلشدر. فقط امرای سلجوقیه دن اولوب اتابکان نامیله اقسام مختلفه ممالکده حکومت سورنلر بو امرادن دهها زیاده اهمیت صاحبی اولمشلدر.

موصل اتابکترینک رئیس ملک شاه سلجوقینک بندکانندن امیر قسیم الدوله آق سنغر اتابک زینکی اولوب حلب و شامه والی اولدیغی حالده مؤخرأ عادتا پایه استقلاله وارمش و اوغلی عماد الدین موصلده حکومت ایدوب اهل صلیب ایله چوق محاربه لر ایدرک کوزلرینی ییلدر دیغندن فرنگلر طرفندن خونریز لقبیله تلقیب اولمشدر. موصل اتابک سلاله سنک حکومتی یوز ایتش سنه دن زیاده دوام ایدوب ایچلرندن بدی حکمدار چقمشدر. عماد الدینک اوغلارندن سلطمان نورالدین محمود شامده سلطنت ایدرک برآره لق عراق و موصل و سوریه و مصرده حکمی جاری اولمشدر. نورالدین اهل صلیب ایله مدت عمر نجه غزا ایدوب دائماً مظفر اولمش و موقیاتی قدس قرالانک انقراضی

تسریعه سبب اولمشدر . عدالت و حقانیت خصوصاً صنده خلفای
راشدین حضراتی و عمر ابن عبدالعزیز استثنای اولذدیغی حالده
نورالدین شهید قدر بیوک بر حکمدار عاداتا کلامشدر . مشارالیهک
حسن خلقی و نصفت و حقانیتی دهاجباتنده کندیسنی ولی عد
ایتدیره جک درجده ایدی . نورالدین صکره شان دولتی
منقرض اولوب عراق و موصل طرفلری مؤخرآ تاتارلراستیلانسه
اوغراددیغی کبی سوریه و مصرده دخی دولت ایوبیه تأسس
ایلمشدر .

آق سنغر اولادنن قطب الدین محمد بن عماد الدین سنجارده
بر حکومت تأسس ایتدیگی کبی جزیره ده موصلده واربلده دخی
بونلرک فروعی تاتار استیلانسه قدر حکومت ایلمشدر .
سلطان مسعود بن محمد بن ملکشاه سلجوقینک کوله لرندن
مودود بن سلغر نام ذاتک سنغرو زنیکی نام اوغللری شیرازده
تسلطن ایدرک فارس اتابکلکنی تشکیل ایلمشدر . فارسده اون بر
نفر اتابک حکومت ایدوب سلطنتلری یوز یکریمی بر سنه دوام
ایتمشدر . شیخ سعدی شیرازی گلستان نام کتابنی اتابکردن ابو
بکر سعد بن زنیکی نامنه اوله رق تالیف ایلمشدی . فارس اتا
بکری اول پک زیاده حکم و نفوذ صاحبی ایسه لرده صکره لری
امورلرینه اختلال طاری اولوب قادیترک ادارهیه مداخله لری
چوغالمش و کندیلرینه ضعف طاری اولمشدر . اتابکردن ونسون
مشهوردن زرکان خاتون زمانک ال بیوک سیاسیونی ایله رقابت ایدردی .

دول و فروع سلجوقیه

نهایت بو دولت صوک اتابک اولان ایش خاتون زماننده اولاد
 جنکیز طرفندن فتح و منقرض ایدلمشدر . فارس اتابکرینک
 ایرانده بک چوق محللرده فروع و شعباتی حکمفرما اولمشدر .
 سلطان مسعود سلجوقینک بنده لرندن شمس الدین ایلدکزده
 ازربجانده اتابک اولوب سلاله سی التمش سنه حکومت ایتش
 و صوک اتابک اولان مظفر الدین اوزبک زماننده سلطان جلال
 الدین خوارزمشاه بو حکومته نهایت ویرمشدر .
 لرستانده دخی ایکی اتابک سلاله سی حکومت ایتمشدر .
 لرکوچکده حکومت سکزنجی عصره قدر دوام ایدرک صوک
 اتابک دولت خاتون زماننده مغول استیلاسنه اوغرامش ولر
 بیوک ایسه تیمور طرفندن ضبط ایدلمشدر .
 خصوصیات مشروحه دن اکلاشلمدیغی اوزره دولت
 سلجوقیه بیوکر هیئت دولیه شکلنه کیروب انقاضی شرقی بر
 چوق حکومتله مالی قلمش و بونلردن بعضیلری دول معظمه
 اسلامیه میانده بحق قائلشدی . فقط فروع سلجوقیه دن الکیزاده
 عظمت و اقبال صاحبی اولانی خوارزم دولت عظیمه سیدر .
 خوارزم قطعه سی دولت غزنویه الکن ۴۳۴ تاریخنده
 طغرل بک طرفندن ضبط اولوب مشار الیه بوقطعه بی خاص
 اوله رق ابرقرداری انوشتکین نام ذاته ویرمشدی انوشتکین
 خوارزم ولایتی اداره سننده بولوب نهایت ۵۹۰ ده اعلان
 استقلال ایتش و ملکشاه موی الیهک تأدینه عزم ایتدیسده

بوکا عمری وفا ایلامشدی . انوشتهکین مقامنه اوغلی قطب الدين
 محمد پکوب ملکشاھک اوغلارندن سلطان برکیاروق قطب الدينه
 منشور امارت کوندره رک خوارزمشاھ عنوانی و بردی و بوزماندن
 اعتباراً خوارزم دولتی آسیا دول معظمه سی صره سنه پکدی .
 دولت سلجوقیه نك انحطاطيله برابر خوارزم دولتی ترقیده
 دوام ایدرک پیدرپی آسیای وسطی و خوارزم دن بشقه خراسان
 و کرمان و ایران شرقی و شمالی به مالک اولمش و بالخاصه سلطان
 قطب الدين محمد ثانی زماننده اقبالک منتهاسنه وارمشدی .
 خوارزم و ترکستان شهرلی زمانک بر مرآکر مدینتی حالنه
 کلش و قطب الدين قوت و عظمتنه معروراً کندیسینی زمانک
 الک بیوک حکمداری عد الملکه باشلامشدی . قطب الدينک
 علویله میلی زیاده اولدیغندن خلیفه عباسی ناصر الدين الهمی
 هیچ طایماقده و ناصرده خوارزمیلرک انقراضنه چاره لر تخری
 الملکده ایکن تفصیلی محل مخصوصنده کوريله جکی اوزره جنکیر
 غانله سنک ظهوری خوارزم دولتی اساسندن صا رصدی . اصل
 خوارزم قطعه سی تاتارلرک استیلاسنه پکوب سلطان قطب
 الدينک وفاتندن صکره اوغلارندن رکن الدين و غیاث الدين
 عراق و ایران دیار لرنده براز مدت حکومت ایلدیله سه ده دولتری
 تاتارلر دیله منقرض اولدی .
 جنکیرک هجو منده سلطان قطب الدينک بیوک اوغلی جلال
 الدين غزنه و الیسی اولوب مشار الیه افغانستان اوزرینه یورویان

تاتار اردوسنی فسا حالده مغلوب ایلدیسسه ده . مؤخرأ امراسی
 میانته تفرقه دوشمسندن طولابی عسکری طاغلدیغندن هندستانه
 رجعته قرار و برمشدی جلال الدین هندستانه عنیمتده رجعتنه سدحائل
 اولمق استیان تاتارلله سند نهری کنارنده محاربه ایدرک مغلوب
 اولدیغی حالده همان یالکز باشنه بوزرک سندی پکوب هندستانه
 واصل اولمش و اوراده کندیسنه اکبرلقبئی بحق قراندران محیر
 العقول درایت و جسارتک هر طرفجه پیشنده آچدیغی میدان
 موقیانه کیرهک آز وقت ظرفنده تاتار استیلاسنه مقاومته مقتدر
 بردوات تشکیل ایلشدی .

جلال الدینک اقدامی تاتارلله محاربه اولمغله هندستانده
 عزور احتله او طور مقدن صرف نظر ایدوب اردوسیه ایله ایران
 شرقیه عزیمت و تاتارله طالق اولمق ایتمکدن بشقه مزیتلی
 اولمیان بیوک کوچک طوائف ملوکی استیصال ایدرک کرمانه
 ایرشدی . کرمان قطعه سی سلطان قطب الدینک امراسندن
 براق حاجیک تحت حکومتنده اولوب جلال الدین حاجیک
 قزینی تزوج ایلدکدنصکره ایران شمالیه کیدرک آذربجانی دخی
 استیلا ایلدی بوزمانده جلال الدین آذربجان و ایران غربیه
 و ذوجه سی خاتون شاهدن طولابی کرمان و افغانستان و پنجابه
 مالک ایلدی . سلطان اکبر بقیه عمرینی تاتارلر و کرچی خرسیانلر
 ایله محاربه ده امرار ایدوب وقوع وفاتی ایله اسلام بیوک
 واسطه تدافیه دن محروم و تاتار عراقه قدر بالجمله مالک شرقیه

خوارزم دولتنگ انقراضی

مستولی و طقوز نفر دن عبارت بولسان خوارزم شاهان
سلسله سی منقطع اولدی .

فصل ثانی

اهل صلیب محارباتی

۱

ایلك محاربه

شرق و غرب احوالتك مقایسه سی . محاربات صلیبیه تك اسبابی .
پهر لر میت . اوربانوس و قلمون اجتماعی . صلیبیونك اسباب کثرتی . ایلك
فرقه لر . صلیبیون پیشدار لری . یوئ اردو ورؤسانی . فسططنیه به
مواصلت . ازینك محاصره سی . دورله محاربه سی . اورفه تك فحی . انطاکیه
محاصره سی . قدس شریفك فحی .

عیسویت و اسلامیت عالم لری آره سنده وقوع بولان مجادلات
عظیمه تك بیانته مبادرتدن اول محاربتك تدقیق احوالنه عطف
نظر اولتورسه محاربات صلیبیه تك ابتدای ظهورنده احوال
عمومیه تك اسلامیتجه هیچ خیرلی اولدیغی کوریلور . فتوحات
اسلامیه بی متعاقب برصورت مهیبه ده تشکل ایدن دولت عظیمه
محمدیه تك نفوذی بالاده کورلدیکی وجهله انواع اغتشاشات
ایچنده ذائل اولوب کرک سیاست و کرک ملت و قومیت جهتیه

اسلامك اتحادينه خلل كلى طارى اولديغى كىي خلافتك نفوذ
 روحانيسنده كى جهت وحدت بيله خلافت امويه و فاطميه دن
 طولايى پايدار اولماشدى . هجرتك بشنجى عصرنده ناشر
 اسلام اولان قوم نجيب عربك اقتدار سياسيسى همان بالكيه
 مندرس اولوب شرقك مقام حاكمينه چكن تركر ايسه قدرت
 عظيميه مالكيته برابر برچوق دولتره بولمشلر و آره لنده كى
 محاربات بهوده به صرف قوت ايدرك منافع اتحاددن مهجور
 قالمشردى .

شرقك بحال تفرقه سنه قارشو غربك اتحادى شايان دقت
 بردرجه ده ايدى . واقعا اوروپا مالكي بيوك دره بلكلكره بولمش
 و بونلك آره سنده كى رابطه ده يك ضعيف بولمش ايسه ده بو
 تفرقه اداره داخليه به منحصر اولوب اهل صليب كى خلقك
 حسيات ديبه سنه طاب بر مسئله ده پاپارك اعماله قادر اولدقلى
 نفوذ فوق العاده ايدى و خلقاى عباسيه ايله قياس قبول ايدر
 درجه ده دكادى . قدس شريفك تعرضدن محافظه سى ايچون
 عباسى خليفه لرى طرفندن الك كوچك برار غيرت كورلمديكى
 و كوريله مديكى حاله ممالك بعينه كى فئحى ايچون پاپارك
 مليونرجه نفوسى تسليح واعزامه قادر اولملى بوايكى قوه
 روحانيه نك نفوذ و اقتدارنده كى فرق عظيمى ميدانه قومده
 ايدى .

اوروپا اقوامى نك او صره ده دختى حاز اولدقلى قوه

حیاتیه نك احتمالكه یوزده بری شرق ایمراتور لغنده موجود
 دكلمدی فقط بو حکومت بیله آره صره كندی سندن اصلا او مولیه جق
 آثار اقتدار ارائه سندن خالی قالمیوردی . قاعده مهاجرت
 عمومی دن آز وقت صكره منخطی اولسی لازم كلان بیرانس
 دولتی خلافت اسلامیه نك زمان شو كنده وقایه استقلاله موفق
 اولدیغی کبی صكره لری ممالك اسلامیه به تعرضه بیله جرأت
 بولمش ایدی . هراقلمیوسدن صكره بیرانس تحت سلطنتنده
 ایزوریه ن وفریکیبالی خاندانلری جالس اولدقن صكره سلطنت
 ماكدونپالی برساله به انتقال ایلش ومیلادك اونجی عصرنده
 حکومت ایدن بوسلاله دولته یکی بردیور قوت وانتباه
 کتیرمشدی . بیرانس دواتی دوئمانسی تنظیم ایدرك جزائر بحر
 سفیدك اکثریسی وکرید جزیره سی ضبطه موفق اولدیغی کبی
 نیسه فوروقا نام ایمراتور سوریه به قدر مظفرأ تجاوزانده
 بولمش وخلقى ژان ذیمسکس ایه فرات نهرینی تجاوزله بغداده
 تقرب ایدرك دولت عباسیه بی زیاده سیله قورقوشدی . بوژان
 ایلروده کوریه جکی وجهله قسطنطنیه اوزرینه هجوم ایدن
 روسله دخی غلبه ایلدیکی کبی کندبسی وخلقى ایکنجی بازیل
 زمانلنده بیرانس دولتی بلغارلره وسائر اقوام تجاوزیه مکملأ
 غلبه ایدرك کسب شان وشرف ایلشدی .

عربلرک برینه حیات سیاسیه ده ها کنج اولان ترکلرک
 ورودی بیرانس دواتنک بوقدرت موقته سنی طور دیردی وبازیلدن

شرق و غرب کلیسای

صکره مقام حکومته چکن قومین خاندانی (٤٣٥) ترکاره
 بحار به ده مشکلات عظیمه به تصادف ایلدی . دیوژن رومانوس
 سلطان آلب ارلان سلجوقی به اسیر اولوب مؤخرأ سلیمان
 شاهک روم دولت سلجوقیه سنی تأسیس ایلدیه شرق
 ایمراتور لغنی آسیای صغری ولایاندن محروم ایش و ماکدونیا
 سلاله سنک فتوحاتی بنه الدن قاجشدی رومانوسک اخلافندن
 علمکی قومین ترکاره قارشو ضعفنی کوردرک جرمانتری امداده
 دعوت ایلدیه ده اوروپادن امدادک ظهور ایلدیه شرقی بهت
 ودهشت ایچنده براقش و قسطنطنیه نیک یانی باشنده دینک اولان
 ازینکی پای تخت ایخدا ایدینان سلجوقیلرک بیرانس دولتنک
 حیات سیامیه سنه خاتمه چکلمرینه رفق قلمشدی .

شرق ایمراتور لغیه غرب آره سنده حاصل اولان منافرت
 دینیه شرقک آوازه فریادینی استماعدن غربی منع ایدوردی .
 قسطنطنیه بطریقیه پاپاز بیلنده چوقدنبیری موجود اولان
 رقابت و برودت پدیری تزاید ایدرک شرقده ایقونو فلاسفه یعنی
 بوت قیریچی دینلان فرقه مذهبه نیک تفوق نفوذله ایکی کلیسانک
 آره می زیاده سیله آچلمشدی . هر نقدر شرقیلر اسنامه تعبد
 اصولنه عودت ایتلمسه ده شرقده عبادت ایتلمسهنده لاتینجه
 قوللائوب لسان ملی یعنی روجه استعمال اولتمی و قانونیک
 کلیسانک قبول ایتدیکی بعض عقائدک معتبر اولمی و باخصوص
 پاپارک آرزو ایتدکری بعض آدملرک بطریقک مقامنه چکملری

حسیبیه مبانیت تزیاد ایدوب براتلاف وجوده کتیرمک ایچون
ایدیلان تشبثاتده ثمره ویرمدیکندن ایکی کلیسا برندن رسماً
فکارتباط ایلمش و ٤٣٢ تاریخنده پاپانک و کیلاری ایاصوفیه ده
رسماً بطریقہ لغت ایلوب رومیه متوجهاً حرکت ایتمزله
شرق و غرب کلیسای قطعیاً آیرلمشردی . ایشته امپراطور
علکسی قومنک فریاداته بومبانیت مذهبہ سببیه قولاق آصلما مقده
اولوب آرده بشقه اسباب اولسه اوروبالیرک شرقه مدرس
اولمزی بکنده مزدی .

قدس شریف و عموماً ارض فلسطین اقوام عیسویه جه
مقدس اولوب حضرت عیسی علیه السلام کذران کاه عمری
اولان بویرل اوروپا اهالیسنک کوچکدنبری ذکرلنده دونه
دونه اشتباقدیه هرکسک فکرنده پراشمیدی . اوروپادن ایضای
حج و زیارت ایچون قدس شریفه کتمکده اولان آدمک مکداری
پیدرپی آرتارق سنوی اویج بیک وحتی برسنه بدی بیکه قدر
چشمشده بوجاج یا جسارت فوق العاده ویاخود ثروت
وسامان اصحابندن اولوب قدسه کتمک هرکسه میسراوله مدیغندن
بونادر سیاحلر طبیعی مشهودات ذابیه لرینی مبالغه ایله نقل
ایلمکدن خالی قالمزردی . بوصورتله ارض فلسطین برطرفدن
محاسن طبیعیه و لطافتی و ثروت و معموریتی ایله بالجمله مالک
تقدیم قلمقده و دیگر طرفنده خرمستان حاجیلرک اهل اسلامدن
کوردکلری روایت اولسان اذا وجفال حد معقولی نجماوز

ایده جک بر درجه و صورتده تعریف قلمتده ایدی . بورویات
 هم هرکسک ارض مذکورہ محبتنی و ہمدہ اورالک اهل اسلام
 یدندن استردادی حقندہ کی آرزوی عمومی بی تزید ایدیوردی .
 ارض مقدسک فحیحی ایچون اوروپادہ برقوہ عسوبہ تشکیلی
 پاپارک مسلکنہ دخی پک موافقدی . بومقصدک حد ذاتندہ کی
 غیرت دینہ جہتی طبیعی ریاست روحانیہ بہ مناسبت آلدیغی
 کبی اوروپانک بولہ بریوک محاربه بعیدہ بہ کیرشمسبلہ حکمدارانک
 کرک عسکر و کرک تبعہ جہ اوغرایہ جقلری نقصان حسیدلہ قوت
 وغرورلری اکسبلہ جکی ودیکر طرفندہ طبیعی پاپارک امربلہ
 حرکت ایده جک اولان قوای عیسویہ نک کلیندنظولایی پاپالغک
 حکومات جسمانیہ بہ ندرجہ دہ فائق بولندیغی میدانہ چقاچغی
 درکار اولدیغندن بواسباب غیور پاپارک افکارینی بوجہتہ
 سوق ایدیوردی . حتی پاپا یدنجی غرہ غوار الہی بیک شوالیہ
 ایلہ قدس شریف استیلاسنہ بالذات کتمک تصورندہ بولنمشسہ دہ
 موفق اولہ نامشدی . بومقصدک دہا مہیب بر صورتدہ حصولنہ
 موفق اولان شخص ایسہ پاپار دکل یاری عقلی یاری مجنون
 صادی برراہبر .

اسمندانہ اکلاشیلہ جغی وجہلہ منزوی برراہب بولنان
 پیر لر میت Pierre l'ermite قدس شریف زیارتنہ کیدوب
 عودتندہ اورادہ کی اہالی و ذوار عیسویہ نک احوالی پاپا
 اوربانوسہ پک فنبار صورتدہ تصویر ایدرک ارض مقدسک فحیحی

ایچون اهل صلیب ترتیب اولمیشنی استمدما ایتشدی . ذاتا او صره لده قدس شریف برآرهلوق ترکر انسه کچهرک خرستیان حاجیلردن بر رسم مقطوع آلتغه باشلانش و بعضاً اوفق تفک سوء معاملات دخی کوسترلمکده بولنش اولوب بو احوالده مبالغه ایله روایت ایدلدیکندن پایا اجرای امل ایچون پهرلر میتک افاداتنی بهانه اتخاذا ایدرک آلمانیه ایمراطوری دردنجی هانزینک بعض احوالنی محاکمه ایچون الک بیوک ایکوز پستقوس و درتیبیک راهب و اوتوز بیک باشی بوزوقدن مرکب اوله رقی پلاستیا شهرنده طوپلانمش اولان مجلس روحانیده اهل صلیب سفری آچلمسی فکرتینی درمیان ایلدی . شرق ایمراطوری علیکسی قومین طرفندن کوندریلان سفراده بورایه جلب اولنوب ایشک ایرتسی سنه قلمون شهرنده عقد ایدیله جک جمعیت عظیمده عریض و عمیق مذاکره سنه قرار و برلدی . قلمون شهری فرانسه ده اوورنی قوتلخی داخلنده اولوب (٤٧٣ هـ ش) سنه سنده اوراده عقد اولنان اجتماعده رؤسای روحانیده بشقه بالجمله خرستیان اعیان و امراسی وشوالیده دخی دعوت اولندیغندن شهرک اوکنده بر صحراده طوپلانلدی . آلمانیا ایمراطوری دردنجی هانزی ایله فرانسه قرالی برنجی فلیپ پایا طرفندن آفوروز ایدلش وانکلتره قرالی قرمزی کیلیوم دخی احوال داخلیه ایله مشغول بولنش اولدقلرندن اجتماعده قرالردن کسه موجود دکلدی . قلمون اجتماعنده پهرلر میتک بیاناتی و ایمراطور

صلیبونک کنونی اسبابی

علیکسینک استرحام واستدعای استماع ایدلرکن صکره پاپا اوربانوس طرفندن سفرك لزومی وسفره کیدنلر حقنده ایدله جک مساعدات تعدادو بیان اولتمش وعموم حضار والله بویله ایستیوره دیه باغریشهرق محاربه یه قرار ویرلمشدر. اوراده بولنانلرک چله سی سفره داخل اوله جتلی بی معن بولتمی اوزره قولرینه وکوکسیرینه بر صلیب شکلی باغلا دقلرندن بوسیدله ایدله جک محارباته اهل صلیب نامی ویرلمشدر.

بوغلیان تعصبه صلیب باغلیان آدملرک مقداری الی ملیونی متجاوز تخمین اولتمنده در واقعا بومقدارک انجق خجسی قدری سفره چتمش ومتبانیسی یافور قودن، یاقندار سزاقدن ویا اسباب ساره دنظولایی برندن قلدا نامشسه ده هر حالده صلیبونک کثرت فوق العاده سی بوکثرتک تدقیق اسبابنه لزوم کوستر مکده در.

بواسباب روحانی وجسمانی اولمق اوزره تعدد وتوع ایدر. ارض مقدسی اسلام النندن قورتارمنک ثواب عظیم عد اولتمسی ومحاربه یه کیده جک اولانلرک بالجمله کناهلری عفو ایدله جکی پاپا طرفندن اعلان ایدلسی خلقی حربه تشویق ایلدیکی کبی ینه حربه کیدنلرک اسیر ايسه لر اسارتدن ومدیون ايسه لر دینلرندن قورتيله جتلی اوربانوس طرفندن اعلان ایدلمش واهل اسلام ايله محارباته یغما وغارت ايله کسب ثروت وقدرت ایلک آرزوسی نیجه ذوکورد شوالیه لرک ذهنده جایکیر اولدیغی کبی هر کسک

یابدیغنی یامق آرزوسیده چوق آدملی نه یابدیغنی بیلکسزین
صلیبی طاقغه سوق ایلشدی .

قرمون اجتماعنده صلیبونک ابرتسی ۴۷۴ سنه می اغستوس
افرنجیس-نک اون بشنجی کونی ایچ-ون حاضر اوله رق بوله
چیملی تقرر ایلشدی . فقط برطاقم حشرات گروهی ده
تاریخ مذکوردن چوق اول حرکت کیشلردی . اصل پی-وک
اردودن اول حرکت ایدنلرک مقداری اوچبوز بیکی متجاوز
اولق اوزره مروی اولوب بونلردن برطاقی رهبرلی قازکی
حیوانات اولدیغی حالده زهیه کیده جکلرینی بیلیه رک لهستان
طرفنه طوغری صاپوب اقوام محلیه ایله محاربه لده پریشان
اولشلر وقیم کلیمی دخی راهب په لرلمیت و راهب آلمان
غودستال Godestal و سرسری شوالیدلردن زوکورد غوتیه
Gauthier sans avoir نک تخت اداره لرنده اوله رق کوچ حال
ایله قسطنطنیه یه واصل اولشلردی . بونلر یولده یغما و غارتی
و موسویله رنجیده و حقارتی کندیلرینه ایش ایتدکلرندن
بجارستان و بلغارستان جهتلرنده اهالی * محلیه ایله غوغارده برخیلی
قیرلقدن صکره قسطنطنیه یه کلوب ایپراطور ایسه بویله اوست
باش یوق بر سرسری اردوسنی پایتختنده طوتامیه جغندن اصل
بیوک اردونک ورودینی بکلکسزین بونلری اناطولی یقاسنه
چکیرندی . بویشدارلر از نیک شهری پیشکاهند قدر واروب اوراده

سلطان سلجوقی قلیج ارسلان ایله محاربه ده کاملاً مقتول و پریشان اولدیلر .

اصل اهل صلیب اردوسی ترتیب مقرر وجهله ۴۷۴ سنه سی اغستوسنک اون بشنده حرکت ایلدی . بواردو هر درلو لوازمانی مکمل و منتظم شوالیهر و آدم لرندن مرکب یوز بیك نفر سواری ایله الی یوز بیك راده سنده منتظم و غیر منتظم پیاده بی حاوی اولوب اوروپا اعظم زادگانک قومانداسنده بولنیوردی . برنجی اهل صلیب رؤسای بوجه آتی تعداد ایدیلان ذوات ایدی .

(۱) پاپا اوربانوس بالذات اهل صلیبه قوماندایتمک ایستمدیکندن اردونک باش قوماندانلغنه لورن دو قدسی غود فروا دو بویون Godefroy de Bouillon انتخاب اولمشدی غود فروا من جهة النساء شارلمان اولاندندن و اوروپانک اک نامدار شوالیهرلندن اولوب مدت مدیده آلمانیا ایمپراطوری درنجی هازی به علمدارلق ایتش و هازی پاپا یدنجی غره غواری رومادن قاچردیغی وقت روما قلعه سنه اک اول چقان آدم غود فروا اولمشدی . غود فروا رؤسای صلیبونک اک قهرمان و انسانیت پرور اولانی و اخلاقی عیسویته اک ملایم بولنانی ایدی . غود فروانک بیوک برادری و بولونیا قونتی اوستاش Eustache ایله کوچک برادری بالدوین کندیسيله برلکنده ایدی .

(۲) فرانسه قرالنك برادری هوك قونت دو ورماندوا

Hugues Comte de Vermandois.

(۳) فاتح کیلیومك اوغلی اولوب انكلتره تختنه کوچك

برادری قرمزی کیلیومك پشمسيله کنديسی نورمانديه دوقه لغنده
قالان روبر.

(۴) فلاندر دوقه سی روبر.

(۵) شارتر، بلوا و تروا قونتی سته فان.

هوك دو ورماندوا فرانسه قرالنك برادری اولغله شمالی

فرانسه قوای متحده سنه ریاست ای دیوردی.

(۶) فرانسه نك قوای جنویه سنه قوماندا ایدن پاپا و کیلی

و پوتی پستپوسی آده مار ایله تولوز قونتی ره میوند.

(۷) روبرت کسقاردك اوغلی و تارانن دوقه سی بوهموند

Bohemond ایله برادر زاده سی و الك مشهور شو و الیدردن

تانقره د.

اشبو رؤسادن هربری آیری آیری حرکت ایلوب اکثریتله

بجارسستان طریقيله قره دن کله رك قسطنطنیه ده اجتماعه قرار

ویرمشلردی. بونلرک حرکتلر ننده بولسزاق موجود ایسه ده

غود فروا دو بویونك معیننه قارشو شدتی هر کسی قورقوتمغله

پیشدارانك ایتدکاری و حشتر بونزده کورینه ماشدر. غود

فروانك حلم و اعتدالی اصل قسطنطنیه ده میدانه چتدی. رؤسا

ایچنده برچوغی و ازجمله بوهموند امپراطور علیکسینك رفعیله

قسطنطنیه نیک دخی ضبطی فکرنده اولدوقری حالد غود فروا
بو حیلله کارلغی تجویز ایلک شویله طور سون بالعکس کندیلر نیک
ایلروده ضبطاید جکاری برلک دخی سوزن صفتیله ایمر اطوره
تابع اوله جغنه سوز و بره رک عموم رؤ سایی ایمر اطوره صداقت
یمینی اجرایه اجبار ایلدی . بورسم تخلیف اثناسنده ایمر اطورک
تختنه او طور هرق کلمات تحقیریه ایراد ایدن فرانسز شوالیه سنک
فقرده سی معلوم اولوب غود فروانک یویله سرکش آدملی
ضبطه قدرتی بونک موقیت ایدی مع مافیله علیکسی بونلرک بر
کون اول پانختندن دفع اولمیزی آرزو ایلدیکندن صلیبیونی
حسن صورتله اناطولی یقاسنه پکیرتدی .

اهل صلیب اردوسی طوغریجه از نیک شهری محاصره سنه
کتمشدی از نیک روم دولت سلجوقیه سنک پانخت ثانیدی
مقامنده اولوب سلطان قلیج ارسلان شهرک امدادینه شتابان
اولدیسده موق اوله مدیغندن محصورین تسلیمه مجبور اولدیلر
وقط اهل صلیب شدت و وحشتندن قورقدلرندن ایمر اطور
علیکسینک آدملرله کیرلیجه مخاره ایدرک قلعه بی ایمر اطور نامه
اولق اوزره تسلیم ایلدیلر .

از نیک بو وجهله یدغار تدرندن قورتللی رؤسای صلیبییه نیک
انفالرینی موجب اولدیسده غود فروا دو بونک مساعیسه
برمناسبتسزلک اولقمزین ایلر و حرکت ایلدی . سلطان قلیج
ارسلان دشمنی اناطولی یا یلاسنگ مدخلنده واسکی شهر جوارنده

دوریه پکینده بکلمکده اولوب ایکی اردو بیننده موقع مذکورده
 اوج کون دوام ایدن وهر ایکی طرفک دخی بحق قهرمان
 اولدقربی تصدیق ایتدیرن محاربه عظیمده سلطان سلجوقی
 مغلوب اولدیغندن رجعت ایلدی و اهل صلیب دخی اناطولی
 ایچندن قونیه دن پکه رک سوریه یه طوغری حرکت باشلادی-
 قلیج ارسلان محاربه دن فارغ اولوب دائماً کوچک فرزدرله
 اهل صلیبی راحتمز ایتکده اولدیغندن اردونک موجودی
 آزالقده و انواع مشکلاته تصادف اولمقده ایدی.

اردو قونیه یی پکوب ارکلی قصبه سنه موصلت ایلدکده
 برقم عساکر تانقره دایله بالدوینک اداره لینه و بریلوب ساحلدن
 حرکت مأمور ایلدی. تانقره د و بالدوین مشترکاً طرفه سوس
 شهرینی فتح ایلدکن صکره ییئلرنده مخالفت ظهور ایدرک غوغا
 ایتشلر و آیرلمشردی. بالدوین قورناز و دساس بر آدم اولوب
 اورفه قصبه سنه تغلب ایدن برارمنی نک امور اداره جه مشکلات
 کوردیکنی خبر آلقله کویا اکا معاونت ایچون او جهته عزیمت
 و کندیسنی او آدمک اولدلغنه قبول ایتدیردکن صکره مرقومی
 ازاله ایله بالذات اداره سی تختنده بولنقی اوزره ادهس یعنی
 اورفه پرنسلیکنی تشکیل ایلدی. فرانک شرقنده اولان بوامارت
 عیسویه الی درت سنه مدت بقا بولمشدر.

تانقره د بالدویندن آیرلدقن صکره انطاکیه یه کیدوب
 اوراده ارکلیدن قیصریه و قومانا طریقله کلان غود فروا ایله

براشدرك انطاکیه قلعه سی محاصره اولندی . شهر مذکور
سوریه نك مفتاحی مثابه سنده متین و مستحکم و معمور بر محل اولوب
محاصره خیلی دوام ایلدیسه ده نهایت حیلله کار بوهموند
انطاکیه ده کی امیرك اعتمادینه مظهر اولمش فیروز اسمنده بردونمه
ایله خفياً اتفاق ایدرك قلعه بی شخون ایله ضبطه موفق اولدی
و کندیسیده انطاکیه پرنسلکنی درعهده ابدندی .

اهل صلیبک اک بیوک مشکلاتی انطاکیه نك فتحندن صکره
باشلامش و موصل اتا بکی طرفندن کوندریلان سردار قره بوغا
شهر مذکوری ایکیوز بیکی متجاوز بر بیوک اردو ایله محاصره
ایلدی . صلیبیون فنا حالد صیقیشه رق بر طرفندن ده ققط
و غلا باش کوستردیکندن تسلیم اولملرینه رفق قالمش ایکن پهر
بارتمی اسمنده بر اهابك درایتی بوتهلکه دن قورتلرینه بادی
اولشدر شویله که راهب مذکور انطاکیه ده کی کبیر کلیسانك
محرابی پیشنده درینه براسکی مزارق صاقلادقن صکره کچه
رؤیاسنده اعزه نصارادن سنت آندره بی کوردیکنی و بو عز برك
کندیسنه کلیساده حضرت عیسی بی جرح ایدن مزارق مدفون
اولغله اورندن چقاریلور و اسلامه قارشو استمهال اولنورسه
خرستیانلرك مظفر اوله جقلمی سویلدیکنی ادعا ایتمش و حقیقه
مذکور مزارق چقاریلوب بر شوق و غیرت و اعتماد فوق العاده
ایله محاصرینه هجوم ایدن محصورلرده غلبه مکمله یه نائل
اولشلردر .

اهل صلیب اردوسی اناطولینک غرب جهتی بیرانس
 دولته اعاده ایدوب اورفه وانطاکیه پرنسلسکرینی ودها
 جنوبده طرابلس قوتلغنی تشکیل ایدرک ودها برطاقم کوچک
 دره بکلکر تأسیس ایلیدرک قدس شریفه قدر واره بیلشدر .
 قدس شریف برمدت جزئیہ ترکراداره سنده قالوب مؤخرآ
 یتہ دولت فاطمیہ انہ یکمہ شدی فقط عربلر قدسی مدافعه ایچون
 لایقیله حاضرلتماش اولدقلرندن تلفات عظیمه وبعض برلرده
 قالان افراد محافظه دن طولابی مقداری یکریمی بش بیک نفره
 تنزل ایلش و فقط واصل منزل مقصود اولدقفری جهتله غیرتلی
 بر قاج قات آرتمش بولنان عیسویون اردوسی برمدت محاصره دن
 صکره حرباً شهر مذکورى ضبطه و قدس امدادینه کلان بر
 مصر اردوسنی دخی عسقالون محاربه سنده مغلوب ایتمکه موفق
 اولمشدر .

اهل صلیب ذاتاً بولده کایرکن غود فروا دو بوبونک نصایح
 اعتدالکارانه سنه رغماً بیک درلو وحشتلر اجرا سندن خالی
 قلاماشلر وحتى بوهموندک مطبخنده مسلمان اتی پیشیرلدیکی بیله
 کورلمشدی قدس شریفک فتحی ایسه بو احوال عجیبه بی صوک
 درجه به کتیرمش و بر بناغنه طوقات اوریلورسه او بر بناغنی
 چویرمک لزومنی وعظ و نصیحت ایدن بر پیغمبر ذیشانک معبد
 و مشهدینی اغلابه اغلابه زیارت ایدن آدملرک یتش بیک نفر
 مسلم و موسوی اهلای بی عجزه نسوان و اطفال ایله برابر بلا

مرحمت همان کاملاً قتل ایلملری کبی جنکیزه رحمت او قودیحی
یر جانورلاک حضرت عمرک قدس شریفه صورت دخولیه
اهل صلیبک ورودی بیننده پک اسف انکیز برتضاد
کوستر مشدر.

۲

قدس قرالغی وصلاح الدین ایوبی

قدس قرالغی. قانونلر. تئزک دنیا شوالیه شرکتلری. سلطان نور
الدین ایله محاربهلر. قرالغک احوال مشکلهسی. اوروبادن استمداد. سن
برنار دوقلروو. ایکنجی اهل صلیب محاربهسی. بدنجی لوئی و اوچنجی
قونزادک ارض مقدسه ورود وعودتلری. صلاح الدینک مبادی ظهوری.
دولت ایوبیه. صلاح الدینک موققیاتی و قدس شریفک استردادی. اوچنجی
اهل صلیب محاربهسی. فرهدریق بارباروس. عکا محاصرهسی. نتیجه.

اهل صلیب طرفندن تشکیل اولنان قدس شریف قرالغی
فتودالیه اصولی وجهله اورفه وانطاکیه پرنسپلکری و طرابلس
قوتلغی و صور و صیدا سزورلکری کبی برطاقم دره بکلکری
حاوی اوله رق بونلرک جملهسی قدس قرالغک و اسالی عد اولتمش

وغودفروا دویوبون دخی مشهد هتدس بارونی نامیله قرالغه
انتخاب اولمشدی (۴۷۷) .

قدسك اصول اداره سنی یعنی كرك واساللك سوزر نه
قارشو اولان حقوق ووظائفی و كرك صرف امور اداره و محاکمی
تعین ایچون غودفروانك همتهله قوانین منتظمه جمع و تجریر
ونشر ایتدیرلدیكه assises de Jerusalem نامیله معروف اولان
بو قانونلر فتودالیته احوالی بزه مکملاً ارايه ایچون چوق
مفید در .

قدس شریفه قدر واران اردو افرادندن برقمیده
مملکتلرینه هودت ایدرك محافظینك مقداری آزالدیغندن
اشبو شهری اهل اسلامه قارشو مدافعه ائلك اوزره قوای
مخصوصه عسکریه تشکیل اولندی شوبله که شوالیدردن برصنف
مدت عمر لجه تاهل ایتدیرك امر محافظه به وقف وجود ائلك
ایچون عهد ایدرك تارك دنیا شوالیه شرکتری تشکل ائلشدی .
بو شرکتر اوچ عدد ایدی . فرانسه لی شوالیدرك مناسترلی قدس
شریف معبدی جوارنده بولندیغندن بونلره نامیله *templier*
(معبدی) و آلمان شوالیدرینه توتون *teuton* و ایتالیالی
شوالیدره دخی امر خدمته اعتنا ایلدکاری سن ژان خسته
خانه سندنطولایی ژوانیت نامی ویرلشدی . بو شوالیدر
مناسترلنده و طبقی تارك دنیازه مخصوص نظامات نختنده ساکن

بولندرق کندی رئیسری Grand maitre اداره سنده بولنورل
وهر جهتهله استقلال تام اوزره تعیش ایدرلردی .

ایشته قدس شریفک امر محافظه سنه شو صورتله اعتنا
قلتمقده ایسه ده موصل اتابککنه عماد الدین زنکینک جلوسیهله
دولت عیسویه نك احوالی بر از مشکلاشمشدی . عمادالدین قره
بوغانک مغلوبیتنه پک کوچک یا شده ایکن اردوده بولتمش
ومحاربه نك احوال مده شه سنی کوره رک دها اوزماندن اخذنار
آرزوسی قلبنده یر طوتمشدی . اتابکک مقامنه صعودیله
برابر اهل صلیبه تعرضه باشلایوب او زمانه قدر ترقی اوزره
بولنان قدس قرالغی داخلنده بعض تشوشات ظهورندن دخی
استغاده ایدرک بر میدان موفقیات آچش و (۵۲۲) تاریخنده
اورفهبی فتح ایدرک اهل صلیبک اک بیوک امارتی اورته دن
قالقمشدی . عمادالدینک خلفی سلطان نورالدین محمود دخی
حیاتی ارباب تئلیت ابه جهاده حصر ایدرک قدس قرالغنک
مشکلات مالایطاقی کوندن کونه مزید اولدیغندن اوروپاچه
قدس شریفه امداد ایتمک و بر ایکنجی اهل صلیب محاربه سنه
کتمک لزومی امر محقق ایدی . اهالی ایسه برنجی اهل صلیب
سفرینک موجب اولدیغی مال و جان ضیاع عظیمندن زیاده سیله
اورکش وهرکسه کسل وفتور کلش اولدیغندن کسه ده حربه
رغبت یوقدی فقط پاپا طرفندن طلاق و فصاحتیهله مشهور

قدس قرالغی وصلاح الدین ابوی

سن برنارک خرسیانتری سفره دعوته مأمور ایلدلمسی ینه بر قوه
عظیمه نك بومقصد خام اوغورنده محوینه سبب اولمشدر .

سن برنار فرانسیز اعظم رهبانیدن اولوب مناسبتلرک
اداره سی حقیقده کی اصول و نظاماتک مرتبی و بر چوق مناستر .
لرک مؤسی اولغله مشهور و کندی تأسیس ایلدیکی بر مناستر
نسبتله سن برنار دو قروو نامیله معروف ایدی . طلاق و فضا
حتی تجربه قوت و تعلیم اصول حرب ایچون تورنوا جمعیتنه
طویلتمش شوالیه لری تارک دنیاغه سـوقه موفق اوله جق
درجده مؤثر اولوب عادتاً سن برنار بر محله واصل اولدقه
قوجه لرینی ترک دنیا به اقناع ایدر قورقوسيله قادینلرک زوج لرینی
اخفا ایلدک لری روایت اولنوردی . سن برنار کزدیکی برلده
هر کسی اهل صلیبه دعوت ایلدیکی کی پارسه کلهرک فرانسه
قرالی یدنجی لوئی بی سفره کتمکه اقناع ایلش و اورادن آلمانیا به
کیدوب اوراده افاداتنی کسه اکلامدیغی حالدله طلاق لسان
و اوضاع و اطوار مسترحانه سنک تأثیر یله ایمپراطور اوچنجی
قوزاد هوهنشتا وفنده بو دین محسار به سنه اشتراکه قرار
ویرمشدر (۵۲۵) .

بو ایکنجی اهل صلیب سفرینه فرانسه و آلمانیا حکمدار لری
کیدوب بو نلرک معیتده کی عسکر بوز اللی بیک قدری شوالیه
اولق اوزره درتیوز بیک نفر تخمین اولسدیغی حالدله بو قوه

عظیمه ده هیچ بر شیئه موفق اوله میهرق مأیوساً و خامراً عودته
مجبور اولمشدر .

اولا قوزاد حرکت ایدرک قره دن و قسطنطنیه طریقله
کلوب اناتولی به کچمش و ققط ارائه طریق ایلک اوزره رفاقتنه
آلدیغی روم رهبرلرک لایقیله ایضای وظیفه ایلملری سیئه سی
اوله رق فنا بر طریق اختیار ایدوب آیدین جهتلرینک توروس
طاغلری بوغاز و یکیدلرنده قوای سلجوقیه آرسنه دوشنهرک
فنا حالده مضمحل و پریشان اولدیغندن بقیه السیوفیله بحراً
قدس شریفه کتک اوزره عودت و رجعتنه مجبور اولمشدی .

بدیعی لوئی قوزادک باشنه کلان فلاکتدن درس عبرت
آلق ایجاب ایدرکن عظیم اردوسیله اناتولی به طالیدی و مه آندر
نهری جوارنده ترکره غلبه سندن کسب غرور ایدرک ایلرولدی
ایسه ده مدت جزیه طرفنده اوغرا دیغی تلفات کلیه دن طو تدیغی
ره نارفندنک کلیاً پریشانلغی منبج اوله جغنی اکلابه رق قره بولندن
واز کچوب اردوسنک قسم اعظمی ترکرک تیغ انتقامنه بر اهرق
اطالیه اسکله سندن بحراً ارض قدسه عزم ایلدی . ایکی
حکمدار مغلوب قدس شریفی اغلایارق زیارت و اورادن دخی
قوای معاونه آلاق شام شهرینک محاصره سنه مبادرت ایلدیله
سده اوراده انهزامدن بشقه بر شیئه دسترس اوله مدقرندن
مأیوساً و اثبات شجاعت دن بشقه بر شیئی قزانامیه رق اوروپایه

عودت ایلدیلر و قدسی اسکیندن دها مشکل بر حال ضجرت
اشتمالده بر اقدیلر .

دولت ابویه نك ظهوری قدس قرالغنی دها مشکل بر
موقعده بر اقدشدی .

خلافت فاطمییه برنجی اهل صلیب محاربه سندن صکره
کلیاً دوچار ضعف اوله رق مصرده حکم و حکومت وزرا
النده قلمش و خلیفه لک اهمیتتی زائل اوله رق وزرا آره سنده کی
منازعات دولتک آسایشنی اخلاله باشلامشدی سلطان نورالدین
زماننده ضرغام و شاور نامنده ایکی وزیرک منازعاتی خلیفه
فاطمی عاضدالدین اللهمک حضورینی سلب ایلش و شاور سلطان
نورالدیندن استمداد ایلدیکنندن نورالدین کندی امر اسندن
کرد شیرکوه نام ذتی بر قوه عسکریه ایله مصره کوندرمشدی .
شیرکوه معینده بولسان ذواتدن بریده برادرزاده می صلاح
الدین بن ایوب اولوب بو سفرده شاورک وزارتده ابقاسنه
موفقیت حاصل اولمشدی . شام اردوسنک عودتنده قاهرده
ضرغام فرقه سی ینسه غلبه ایدرک بو دفعه سلطان نورالدینه
مقابله ایچون عاضدالدین الله قدس قرالی آموری ایله بالاتفاق
براهل صلیب اردوسی مصره کلش و شیرکوه دخینه مصره
اعزام ایلمشدی . صلاح الدینده عوجه سیله برابر ایدی .
صلاح الدین تحصیل علم و معارفی مشاغل حربه ترجیح ایدر
محب صلح و آسایش بر ذات ایسه ده الجای قدرله دائماً حرب

ايچنده بولمق مجبورينده اولديغندن موقعك ايچابي نسبتنده تدبير
 وبسالت كوسترمش وعموجه سنك هم اهل صليبيه وهمده
 مصريلره غلبه ايلسنه بيوك يازدم ايدرك بوسايله ده خلافت
 قاطميه عادتاسلطان نورالدينك جاياه سنه كيره رك شيركوه خليفه
 عاضدالدين اللهك مقام وزراته چيقارلديغندن شيركوهك
 وفاتنده بومنصب صلاح الدينه توجيه ايدمشدر صلاح الدين
 حسن اداره ساييله عموم مصريلرك توجه ومجتهلريني جلب
 ايلديكنندن خليفه عاضدك ذريتمز اولهرق وفاتنده مصرده
 اعلان حكومت ايلش واوصرده سلططان نورالدينه وفات
 ايدوب سلطنتي صغير اوغلي ملك صالحه قالدېغنه واهل صليب
 ايله هم حدود ودائما تجاوزاته كشياده بولسان برملكيت
 اسلامينك صغير النده بولتمسيده موافق اوله يه جغنه ميني
 سوريه نك اداره سني دخي ملك صالحه وصي و وكيل صفتيله
 صلاح الدين درعهده ايلديكنندن دولت ايويه ممالكي طرابلس
 غربدن موصله قدر امتداد ايلش وصلاح الدين مصرده مذهب
 شافعي واهل سنتي اعاده ايله شيعيتي رفع ايلديكنندن حرمين
 محترمين ده نامنه خطبه او قونمش ويمنده داخل اولديغي حالده
 بالجمله عربستان غربي ده حكمي جاري اولمشدر . بو قدر اقتداره
 مالك اولان صلاح الدين ايوبن بالجمله همت وغيرتني صليبيون
 ايله جهاده حصر ايلمشدر .

قدس قرالغني غود فروادن صكره الدن اله پكهرك نهايت

ازدواج طریقہ کوئی دولوزینان Guy de Lusignan اسمندہ
 بر شخص انہ دوشمش و مومی الیہ ارکان دولتی کو چند برہ جک
 نیچہ اوضاعده بولمقلہ هر كسك انفعالی حكومتی چوق ضعفه
 دوشورمشدی . صلاح الدین قدس حكومتی كوندن كونه
 تضییق ایدرك نهایت طبریه محاربه سنده قرالیده اسیر ایش
 و از وقت صكره قدس شریفی بالمحاصره آلمشدی . صلاح
 الدینك قدس فحنده كوستردیكی معدلت و مرحت و اسیر
 قراله ایدیكی حرمت و رعایت حقوق دول قواعدینك مجهول
 بواندیغی بر عصرك احوال عمومیه سنده نظراً حقیقهٔ احوال
 خارق العاده دن معدود اولوب مدنیجه اولوقت اوروپا لیرالیله
 اهل اسلام بیننده موجود اولان فرق عظیمی میدانہ چیقارمشدر .
 قدس شریفك صلاح الدین طرفندن فنی اوروپاده پك
 پوك بر تأثیر حاصل ایدوب یكیدن اهل صلیب اجراسنه قرار
 ویرلمش و تداركات سفریه بی ایفا ایچون کلیسا املاکی دخی
 داخل اوله رق بالجمله محصولاته صلاح الدین عشری نامیله
 مخصوص بر ورکو قونلش و آلمانیا ایمپراطوری فره دریق
 بارباروس ایله فرانسه قرالی فلیپ اوکوست و انكلتره قرالی
 ارسلان یوره کی رشاد دخی خرسیتیانلغك انتقامنی المق اوزره
 شرفه متوجهاً بوله چیقمشلردر (٥٦٧) .

فره دریق بارباروس قره دن حرکتی اختیار ایدرك اناطولی
 دن پكمش و مشاغل و مشكلات سفریه نك چوقلغی و سلطان

سلاجوقی قلیج ارسلانک مقاومت شدیده سی ایله اردوسی چوق زده لندیکی حالدده ایکنجی محاربه صلیبیده پدربله برلکده اناطولیده بولندیغی صرهدده قزاندیغی تجربه و اوروپاده بالذات اداره ایلدیکی قرق قدر محاربه نك و پردیکی ملکه و مهارت سایه سنده برانهمه اوغراقمیزین ایروولیده بیلش و حتی بر آره لاق قونیه شهرینی دخی بانهموم ضبطه موفق اولمشدی . فره در یق بارباروس بو صورتله ایروولدیکی صرهدده قضاء آطه حوالیسنده سیچون نهرنده غرق اولدیغندن اردوسی خیلی پریشانلقه اوغراقمش و بقیه السیوقی عکا قلعه سی پیشکاهنده فرانسر و انسکلیر اردولربنه انحاق ایلشد .

فلیپ اوکوست ایله ریشارد ایسه قره طریقنی طوتمیوب دکردن حرکت و اسلام بدنده بولنان عکا قلعه سنه کله رک محاصره ایلش لردی صلاح الدین ایسه پک جزوی بر قوه عسکریه ایله مذکور قلعه جوارنده بر طاع اتکنه چکیلوب اهل صلیب اردوسیه محاربه و قلعه یه معاونت ایلکده ایدی . سلطان مشارایه او صرهدده زیادهجه کیفمز اولدیغی کبی باطنیرک ملعنتمری و سائر غوائل داخلیه ایله ده پک بیزار اولدیغندن یوز پیکارجه اوروپالی یه قارشو مشکل موقعده قالمش و فقط درایتی سایه سنده اوراده بر سنهدن زیاده مقاومت و صلیبونه دفعاتله غلبه ایده بیلشدی بو مدتده صلاح الدینک قهرمانلغی و شجاعت و درایتی و خرسدیان حکمدارلرینه دائما

نفیس میوه‌ها و ما کولات کوندر می و خسته اولان ر بشارده
 کندی طیب مخصوصی کوندره رک تداوی ایتد بر می کبی
 معاملات نازکانه می دشمنلرینک بیله قلوبنی جلب ایدرک بو
 سایه ده نامی اوروپاده شجاعت و نزاکت قهرمانانه ک مثال
 مجسمی اولقی اوزره طائشدر . حتی طبعاً خوزریز و فقط
 قهرمانلغه مفتون اولان ر بشاردک صلاح الدینه قز قداشنی
 تزویج ایدرک صهریت حاصل ایلک تصورنده اولدیغی و فقط
 قادیق عدم موافقتنه مبنی بو تصورک نتیجه پذیر اولدیغی
 روایت اولنور .

اهل صلیب نهایت محاصره مدیده دنصکره عکابی آلدی
 ایسده قسم اعظمی علیل و مریض بر قوه قلیله نک محافظه سنده
 بولنان بر قلعه بو قدر آخر آنورسه داخل مالکده هیچ موقیت
 حاصل اوله میه جغی اکلاشلش و فی الحقیقه ایلویه حرکتنه
 تشبث ایدلدیکی حالده انهمز آمدن بشقه بر شیئه دسترس اولنده
 مدیغندن عکاک قلیله بالا کتفا عودته قرار ویرلمشدی . ساده
 ر بشارد بر دها اسلامه محاربه ایتیه جکنه سوز ویرره رک اسان
 رتدن قورتلش و فقط همان اریاب صلیبه النحاق ایدرک محاربه
 به اشتراک و نقض عهد ایلش اولان کوئی دولوز نیسانه بر
 قرالقی ویره جکنی وعدا ایلش اولدیغندن عودته قبریس جزیره
 سنی آلاق مومی الیه لوز نیانی اورایه حکمدار نصب ایلشدر .
 اهل صلیب سفر لری اکثر امراسنک باشنه بلالر کتیر مکده

ایدی . بندجی لوئی فرانسه یه عودتنده یونانی قورصانلره اسیر اوله رق ناپولی نورمانلری طرفندن تخلیص ایلمش وفره دربق بارباروس مغروقاً ترك حیات ایتمشدی . ریشاردده عودتنده قورصانلر الینه اسیر دوشه رك اوستریا آرشیدوقه سی رودولفه صاتمیش وکندیسی عكلك فیهی ائناسنده رودولفك قلعه برجنه ركز ایتردیکی اوستریا باندره سنی یره آتدیره رق آدلرینه چکنتمش اولدیغندن رودولف اخذ نثار ایچون ریشاردی حبس ایترمشدی . ایلروده کوربله جکی اوزره او وقت انکلتزده مقام نیابنده بولنان ژان سان ترودولفی تشویق ومؤخرأ رودولفدن ریشاردی صاتون آلمش اولان آلمانیا ایمراطوری ظالم هاتزی یه دخی نقود وهدایا کوندره رك مدت اسارثی تمید ایترمش وریشارد نهایت انکلتزه زادكانك کوندرکلی فدیة نجات ایله قورتاریله بیلشدر .

محاربات صلیبیه ائناسنده حقوق دول قواعدینک ندرجه ده متروک وبعجول بولندیغنی ارئه ایدن شو وقعده عجیبه حقیقتاً شایان دقتدر .

محاربات صلیبیه نك الك یوکی اولان اشبو اوچنجی سفرك بو صورتله خسراندن بشقه نتیجه ویرماسی اوروپایی دهشت ایچنده براقش وارتق کسه ده ارض مقدس ایچون قان دوکک آرزوسی قالمشدی . بوندن صکرده بعض اهل صلیب سفرلی اولمشده اولکی خواهش وغلایان تعصب بونلرده کورلما .

صوڪ محاربه لر

مش واجبات سياسيه ايله ايديلان محاربه لر ايله مليونرجه
اهالينك حسيات قلبيه سنه مستند اولان سفر لر آره سنده كي
فرق عظيم بو محارباتده لايقيه كورلشدر .

اوچنجي محاربه بيله برنجي كبي صرف بر غليان تعصب
اهالي تيجده سي اوليوب حكمدارانك ايجاب حال وزمان عد
ايلدك لري بر پوليته نك تيجده سي ايدى . بوندن صكره كي سفر-
لرده اسكي كثرت و وفرت واسكي غيرت و اقدام
كوريله مامكده در .

٣

صوڪ محاربه لر

دردنجي سفر . ونديك شهرى . رؤسا . لائين امپراطور لغى . بيرانس
دولتنك اعاده سي . بشنجي سفر . التجي سفر ؛ اينجى فرده ريق و ملك
كامل . خوارزم ترك لري . بدنجي سفر . مقدس لوتى نك مصره هيجوم
واسارنى . دولت ابويه نك انقراضى و كوله منلر . سكرنجي سفر . ديكر اهل
صليب محاربه لري . اهل صليب محاربانك نيايجى .

اوچنجي اهل صليب محاربه سنده اختيار ايديلان تكلفات

جسيمه و تداركات عظيمه به رغماً تبجّه مستحصه له نك هيچلدى
 قدس شريف ايچون قان دو كه نك بوشلغنى كو سترمش وارنق
 هر كسه محاربه دن كسل كلش اولديغندن خنسام محاربه ده
 اوروپاليلر بردها تجديد حرب نيتنى اظهار ايتيورلر ايدى
 آلمانيا امپراطورى درونجى اوتون ايله فليب او كوست
 وانكلتره قرالى ژان سان تر آره سنده محاربه نحدت ايلديكى كې
 بو حكمدارلر ك جله سنك پاپا ايله آره لرى بوزلديغندن او چنجى
 سفر كې اوروپانك قواى عموميه سنى ارض مقدس اوزرينه
 سوق ائلك اميد اولنه مزدى مع مافيه قدس شريفك استردادى
 فكرندن صرف نظر ايتيان پاپا او چنجى اينوسان ينه امتيازات
 و مساعدات كليه و عدليه خلقى اهل صليبه دعوته باشلايه رق
 نهايت حكمدارلر ك واهالينك مشاركتى اولقمزىن ساده شواليه
 گروهندن مركب براردو ترتيب ايتيرمكه موفق اولمش و بو
 اردو بجرأ كتمك اوزره (٥٨٠) سنه سى خلاصه و نديك
 شهرنده اجتماع ائلمشدر .

ونديك شهري آييلانك استيلامى ائناسنده فرار ايدن بعض
 اهالى طرفندن پونهرى منصبنده كى بطاقر ايچنده تاسيس ايدلمش
 و موقعنك احوال مخصوصه سنه مېنى ايتاليانك اوغرا دېغى
 استيلارلر ك جله سندن مصون قالارق سربستى و استقلالنى محافظه
 ايتمشدى . و نديك ساده دكر ايچنده اولمسيله طبيعى تجارت
 بجره به سلوك ايدرك مرور زمانه بيوك دونما صاحبي اولمش

ممالڪ اسلاميه ايله اوروپا آره سنده کي تجارتي اله آلمش واهل صليب سفر لنده ايتدڪاري خدما نه ميني ممالڪ مفتوحه ده بر چوق امتيازات و مساعداته نائل و آطه دل دڪزنده بر طاقم جزا ره و تجارتي اهميتي نقاطه ممالڪ بولنشدي . طرز اداره سي جمهوريت اشراف يولنده اولوب دوج تعبير اولنان دوقه سي اشرافك انتخايله تعين ايديلور و حكومتك محافظه انتظام و شوكتي خصوصنده كوسترديكى شدت فوق العاده واستحصا ل ثروت جهنده كى دقت مقابله سي سايه سنده شهرك قدرت واقتداري كوندن كونه مترابذ اولوردي . بويه بر مملكتك قواي صليديه بي بوشى بوشنه نقله موافقت انظامي بديهي اولوب و نديكيلرك مصارف نقليه اولوق اوزره طلب ايلدكاري سڪسان بش يك كوش مارق (زمانم سكه سيله درت مليون فرانكي مهاوز) قدر برمبغتي تاديه يده صليديونك اقتدار مالبري اولمدبغندن بوكا بدل مجارستان قرانك تحت تصرفنده بولنان زارا شهرينك ضبطيله و نديكه تسليمي قرار لشدي بولدى واهل صليب بونولى ايضا ايلدكدن صكره عزيمته حاضر لاندى . قوه صليديهك رؤسامي فلاندر قونتي طقه وونجى بودون و مقرر قونتي اوچنجى بونيفاس اولوب و نديكده سفره مشاركتي حسييله و نديك دوجى بولنان و طقسان ياشنده براختيار اولان داندولو دنجى رؤسا ميانه قائلشدي .

اولكى اهل صليب سفر لندك تيجه ميزانكى براس حر كته

مالک اولتسزین ارض فلسطینه بحار به نك مشكلاتنی کوسترمش
 اولوب ذاتاً روملر و عربلری تجارت بحریه لرنجه رقیب کورن
 و ندیکولرده شو سفردن ممکن اولدیغی قدر کندی استغاده
 ذاتلرینه خدمت قیلمده اولدقلرندن داندولو قدس اوزرینه
 یورومزدن اول یامصر و یاقسطنطنیه ده بر مرکز حرکات تیه
 ایدلسنی تکلیف و قبول ایدلرمش و بو وجهله هندستان و بحر
 سیاه تجار تزلندن همه حال بر نك و ندیکولرک یه احتکار لرینه
 یکمسنی تأمینه چالشمشدی حالبوکه وقت مزبورده قسطنطنیه ده
 جانشین سلطنت بولنان اختیار ایزاق آنکوسک نخت حکومتی
 ضبط و کندوسی حبس ایدلمکه اوغلی علیکسی و ندیکه کلهرک
 پدر نك تکرار اجلاسینه معاونت ایدلدیکی حالده اهل صلیبه
 مبالغ کلیه و عهد ایدلیدکندن و ندیکدن طوغریجه دو تنما ایله
 قسطنطنیه اوزرینه حرکتیه مبادرت قلندی .

صلیبیون مقری کوی جوارنده قریه چقدقلرنده التمش بیک
 نفرلک یعنی کندولرنک ایکی اویج مثلی براردو ایله قارشولان
 شمشلسده روملر مدت جزئییه ده مغلوب و شهرده هجومه ضبط
 ایدلدیکندن اختیار امپراطورینه مقامنه چیقاردی فقط علیکسی
 و عهد ایدلدیکی مبالغ کلیه بی ویره بیلک ایچون یکیدن برکولر
 طرحنه و کایسا اموالنی مصادره یه قیام و بونک اوزرینه شهرده
 عصیان ظهور ایدرک پدری اتلاف ایدلدیکندن خارج سورده
 بولنان فرنگ اردوسی اویج کون محاصره دن صکره شهری

هجومه ضبط ايلدى . قسطنطينيك بوضبطنده ايلدك تخريبات
 قلامش و برمیل مربع سطحنده بر محله كاملاً احراق و بالجمله آثار
 قديمه و مصنعه الك جزئى المقدار سيم و زر پارچه لك اغتصابى ايچون
 تخريب و يك چوق نفوس قتل و اتلاف ايدلمشدر . اتلاف
 ايديلاندن بشقه تقسيم اولتى اوزره بر كاييسا دروننده جمع
 ايديلان سيم و زر ك مقدارى درت يوز يك مارق حساب
 ايدلمشدر .

اهل صليب شهرى كوز جمله تخريب و يغما ايلدكدن صكره
 حكومتك تنظيمه مباشرت و حكومت جديده يى رومانيسا
 ايمپراطور لغى ناميله و فتوداليتيه اصولى اوزره بر ايمپراطور اق
 صورتده تشكيل ايدرك قونت بودون ايمپراطور لغه ، ماركى دو
 مونفررا ماكدونيسا قرالغنه ، و قعه نويس مشهور و بلهار دوين
 رومانيسا ماره شالغنه و قونت بلوا آسيا قوتلغنه انتخاب ايدلمش
 و آتته و اسپارطه قوتلقرى كفالونيا قوتلغنى تب سنيورلىكى كى
 نيجه لئر احداث اولنوب بيوك كوچك امراك هر برى بر
 حصه نائل اولمشدر .

ونديكلى ايسه غلطه بلده سيله عموم بوغاز ايچى ساحلنى
 و چناق قلعه بوغازى سواحلنى و جزائر بحر سفيددن بر چوغنى
 و از جمله كريد جزيره سنى آلهرق اطهر دكرينك تجارتنى كاملاً
 الده ايتشدر . مع مافيه بيرانس دولتى كايأ بحو اوليوب
 طبرزون و ازنيك و ابيروس طرفلنده بعض حكومات متفرقه

بشنجی اهل صلیب

فالمشدی . فرنسکرتک بیرانس دولتی رنده تشکیل ایلدکاری لائین
ایمپراطورلغی ظاهراً بر دولت معظمه اولغله برابر حقیقه ملت
حاکمک درجه نهایه ده وعادتا اهالی آره سنده کوزه کورنمیدجک
قدر جزئیتی حسبیله هر درلو اقتدار وقدرتدن محروم وخارجدن
بر تعرض اولسه بیله کندی کندیسنه منقرض اوله جغی مجزوم
ایدی . شو سبیله لائین ایمپراطورلغی انجق یازم عصر قدر
دوام ایده یلوب (۶۳۹) سنه سنده ازینکده حکومت ایلکده
اولان میخائل پائولوغک قسطنطنیه بی ضبط واسترداد ایلسبیله
نهایت بوله رق ینه بیرانس ایمپراطورلغی اعاده ایلدش فقط
یونانستان طرفرنده بعض متفرق فرنک امارتلی بر مدت ده
دوام ایشدر .

درشنجی اهل صلیب اردوسی اصل مقصددن انحراف
ایلدیکندن ارض فلسطین خرسقیانلری امداد طلبیدن خالی
قالبورلردی . کیلکیا ساحلنده کی ارمنی قرالغی مالکی پیدری
دولت سلجوقیه اداره سنه یکمکده وانطاکیه و طرابلس شام
وعکا وصیدا و یافه و سائر قلاعده کی فرنکارده صقشمده
اولدقرندن برشنجی اهل صلیب ترتیبه اولان لزوم بدیهی
ایدی . بودفعده آلمانیاده ایمپراطورلق تاجی ایچون اوتون
دورونسویق ایله فره دریق هوشناوقن ییننده کی منازعه ک
اک شدتلی وقتی وفرانسه ده آلبروا محاربه سی زمانی اولغله
وانکترده دخی قرال ژان پاپانک آفوروزینه اوغراغله مجار

قرالی بشنجی آندره ایله آوستریا غراندوقه سی التنجی ائوپولدند
 بشقه حرکت ایدن اولماشدر (۵۹۵) بونلر دالماجیادن بحراً
 قبریس جزیره سنده لیماسول لیمانه و اورادن عکایه کیدوب
 برشیئه موفق اوله مدقلندن فلسطین قرالی جسور ژان دو بریه ن
 ایله برلشوب مصره کتمشله و دمیاط قلعه سی فتح ائیشله ایدی .
 مصرده سلطنت ایدن صلاح الدینک برادر زاده سی ملک کامل
 عیسو بونک هجوملندن تلاش ایدرک بعض شرائط نافعنه ایله
 عقد صلحی تکلیف ائیشسه ده پاپانک مرخصی مصری کاملاً
 ضبط ائیلک امیدیه بوتکلیفی رد ایتدیرمسبله حربه دوام اولنش
 ونتیجه سنده قوای صلیبیه خائباً و خاسراً عودندن بشقه چاره
 بوله مامشله در .

آلمانیا امپراطوری ایکنجی فرهدریق هوهندشتاوفن ملک
 کاملک تلاشندن و او وقت جنکیرک مغولستاندن خروج وبلاد
 اسلامیه هجومیله شرقده حاصل اولان خوف ودهشتدن
 دهها کوزل استفاده ائیشدر . ایکنجی فرهدریق چوقدن بری
 ارض مقدس سفرینه کیده جکئی وعد ائیش وخیلی تأخردنصکره
 پاپا طقوزنجی غره غوارک اصراریله اهل صلیب محارباتک
 التنجی سی اجرایه کتمشدی . فرهدریق عاقل برذات اولدیغندن
 ملک کامل ایله معاهده عقد ایدوب (۶۰۷) قدس شریفک
 و ملحقاتک کندبسنه تسلیمی شرطیله تاتارله قارشو اتفاق ائیش
 و قدس قرالغی تاجنی توج ائیشدر . مع مافیه قدس یه چوق

بدنجی اهل صلیب

وقت خرسیتیانلرده قالمیرق جلال الدین خوارزمشاهک معیتی
بقیه سندن برطانیقه خوارزم ترکری (۶۱۷) تاریخنده سوربه به
وصول وغزه محاربه سنده اوروپالیبری منہزم ایدرک قدس
شریفی ضبط واسترداد ایلشلسر وشهر مذکور او وقتدنبری
منتظماً ملل اسلامیه اداره سنده قالمشدر .

ارتقی اهل صلیب زمانی یکمیش وبو بولده ایدیله جک
تشبثاتک بوشلغی میدانه چیقمشدی فقط ممالک برعلته مبتلا اوله رقی
شفا یاب اولدیغی حالده اهل صلیبه کیده جکئی وعد ایدن فرانسه
قرالی طقوزنجی ویا مقدس لوئی ندرینی ایفا ایچون ایکی سفر
دخی اجرا ایلکله بونلرده بدنجی وسکزنجی محاربات صلیبیه بی
تشکیل ایلشدر .

لوئی برنجی سفرده (۶۲۶) فرانسه دن قبریس جزیره سنده
واورادن دخی قوه اسلامیه بی اساسندن صارصوب قدس شریفی
مدافعه دن محروم براقق نیتله مصره چیقمش ودمیاط قلعه سنی
فتح ایلشدی . فقط لوئی نک اردوجه انتظام سزاقدنناشی ایلرویه
حررکنده آغر طاورانیمی ونیلک زمان فیضانی ورودیله عسکرک
حرکاتی مشکلاشوب مؤخرآده برطاقم علل وامراضک باش
کوسترمسيله قرالک قوته خلل کلوب نهایت اوتوز یک
مقداری تلفات وردکدن صکره کنندیسیده اسیردوشمش ومصر
سلطانی نجیم الدین ایله معاهده سنده دمیاطی وسائر فتوحاتی

ترك ايدرك وفديہ نجات ويرهرك قيد اسارتدن قورتيلوب
ارض مقدسی بعدالزياره فرانسه يه عودت اتمشدر .

بوندن اون التي سنه صكره سن اوئی برادری ناپولی
وسجلیتین قرالی شارل دانژونك تشویقی ایله یته اهل صلیب
سفرینه تشبث ایدوب بودفعه تونس شهرینك محاصره سنه اقدام
ایلمش ایسه ده حین محاصره ده اردوده حاصل اولان علت
ساریه دن وفات ایتمکله عسکری لوپانك اوغلی اوچنجی فلیپ
طرفدن فرانسه يه پکیرلمش وبو سکزنجی سفر قدس شریفك
ضبطی ایچون اوروپالیلر طرفدن اختیار ایدیلان سفرلك اك
صوئیس اولمشدر .

مصر سلطانی نجم الدینك خلقی زماننده . مصرك حکومتی
ترکن کوله لره و صکره ده چرکسلره انتقال ایدوب فصل آتیده
کوریله جکی وجهله بوکوله منلر برر برر سوریه سواحلنده کی
فرنگ اراضیسنی آلوب اورالزی صلیبیونك الندن کاملاً
ضبط ایلمشدر . ارض مقدسك کاملاً اسلام الله پکمسيله
تارك دنیا شوالیه شرکتلری جهات سائر یه مهاجرت ایلمشدر .
تاهیلیدلر فرانسه يه کیدوب ایلروده کوریله جکی وجهله قرال
در دنجی فلیپ زمانته قدر پایدار اولمشدر . ژوانیتلر ردوس
اطه سنه کیدرك اوراده برلشمشدر وتوتونلر ایسه روسیا
حوالیسنه کیدوب اوراده ارباب سیف نام دیگر برشرکتله
برلشدرک اقوام جاهله زندنده نشر عیسویته چالشمشدر کرک

بوشوالیه شرکتلرینک احوال اخیرهلری و کرک توتونلرک
پروسیادهکی اهل صلیب محارباتیله یته اهل صلیبدن معدود
اولان آلپیرثوا سفری واندلس اوزرینه اجرا ایدیلان اهل
صلیلر محال مخصوصهلرنده ذکر و بیان ایدیله جکندن بوراده
بیانلرندن صرف نظر قلمشدر.

یالکز جان و ماچه اولان ضایعات عظیمه نظر دفته آنورسه
اهل صلیب محارباتی انسانینجه الک زیاده مضراتی داعی اولمش
قتال یهوده دن عد اولمقی ایجاب ایدر فقط بومحاربه لرک موجب
اولدقلری نتایج عمومیه هیچ اولمزسه مضرت عدیده لرینک
برقیسنه تقابل ایده جک درجه ده اهمیتتی حائزدر . اقدیجه بر لرینه
کلیاً بیانچی اولان اسلامیت و عیسویت عالملری یعنی شرق
و غرب آره سنده روابط تجاریه و خصوصیله ترقیات کلیده بادی
اولقی اوروپاده فتودالیتلرک قوتلی اساس لرینی صارصوب
متنفذ دره بک خاندانلرینی چکولده رک و نیجه سرف اهالی بی
نائل حریت ایدرک بر طرف دن دره بکلرک نفوذینی تقلیل و قراللرک
نفوذینی تزیدایله مرکزیت اداره اصولنی تهیه و دیگر طرف دن
شهور و قصبات سسکاننی چوغالده رق بین الاهی بر صنف
متوسط تحذیته مدار اولقی و بصورتله اوروپا ایچنده تجارت
و صدایعک ترقیسنه مانع اولان احوالی ازاله ایدرک اموال غیر
منقوله دن متولد ثروتک اهمیتینی بالازاله ثروت منقوله بی وجوده

کتیر مک و ملیت افکار بله برابر یکی طرزده مناسبات دولیه
وجودینه سبب اولفی کبی بر نیجه نتایج مهمه اوروپاده تبدلات
عظیمه بی انتاج اینلشدر .

فصل ثالث

تاتار استیلاسی

۱

جنکیز

تموجین. جنکیز. مغول دولتی. خوارزمه معاهده. اوتزار وقوعه سی. جنکیزنه تجاوزی. ماوراء النهر و خوارزم و خراسانک استیلاسی، تخریبات. خوارزم دولتنک انقراض کلیمی. جنکیزنه وفاتی. اوقنای خان. دولتنک وسعی و چینک استیلاسی. جنکیز دولتنک انقراضی و چینک تفریقی.

چینک شمالده و سبریانک جنوبده طویل و اکثریتله بادیه دن عبارت بر اقلیم عظیم اولان مغولستان قطعده سی بپرسنتلک حالده و سیاسة بر چوق هیئات و حکوماته منقسم بولنان مغول و تاتار اقوامیله مسکون اولوب هنوز اقوام مذکوره ایله ملل اسلامیه بیننده بر مناسبت حاصل اولماشده سی. اقوام مذکوره تفرقه سیامیه دن و طرز جمعیتلی کوچبه لک اولوب بیوک مراکز و بلاد بولنما مسندن طولانی خلافت اسلامیه نك ضعف حالندن بالاستفاده غریبه آقین ایتمکله باشلاماشلر و طول مدت آسودکی ایچره اوقات گذار اولمشلر سده نهایت یدنجی عصر هجری ابداسنده مشهور تموجین و یا جنکیز خان معینه بکدرک غریبه

هجومری جرمان استیلائی پک کرده براقان بروقت مدد مدهشه
وجوده کثیر مشدر .

تموچین مغول امراسندن برینک اوغلی اولوب پدرینک
وفاتده بعض ناس کندی اطاعتندن رجوع ایلدکارندن خیلی
اذینلر چکمش ونهایت هممات و مساعیسی سایه سنده حکومتی
تقویه به وبر چوق مغول اقوامنی تحت اداره سنده جمعه موفق
اولمشدی . تموچین طوغدیغنی زمان ایکی الی قان ایچنیده
اولدیغندن بو حال جهانکیر اوله جغنه دلیل عد ایلمش
وحقنده روایات وشایعات چونالدیغندن کندیسنه جنیکر
یعنی شهنشاه عنوانی ویرلمشدی .

فی الحقیقه جنکیرک موفقیتانی بولقبی محق و مشروع
کوستروب چینک شمال جهتنی وحتی پایتخت اولان پکین
شهرینی وعموم تاتارستانی ضبطه موفق اوله رقی ممالک عظیمه .
سی عموم آسیای شرقیه بی محیط ودوات خوارزم شاهیه ایله
همحدود اولمشدی .

بو قدرت عظیمه سیله برابر تموچین ممالک اسلامیه تسلط
آرزوسی کوسترمیوب بالعکس خوارزم شاهی قطب الدین
محمد ایله عقد معاهده ایدرک بو سایه ده مملکتین آره سنده نیجا .
رت روابطی حاصل اولمش و خوارزمی تجارلر جنکیرک
مرکز حکومتی اولان قره قوروم شهرینه انواع تحف و مصنو-
عات کثیردرک کلی تجارت وتمتع استحصالتله باشلامشردی .

قطب‌الدین خلف‌ای عباسیه‌بی قالدبره‌رق اولاد علی‌دین
برینی مقام خلافت‌اصعد تصورنده وافکارشعه‌یه تمایل اوزره
بولندیغندن خلیفه ناصرالدین الله ال آلتندن جنکیزه آدم
کوندره‌رك خوارزم اوزرینه هجومه تشویق ایلدیکی حالدده
جنکیز معاهده‌سی احکامنه رعایتاً بونش-وبقانه روی موافقت
کوس-ترمامکده ایکن خوارزمیلرک حقمز برنج-اوزلری صلح
واسایشک اخلافتنه بادی اولمشدر.

شویله که: حدود اوزرنده کائن اوتزار شهری حاکمی
وقطب‌الدینک عوجه‌سی بولن-ان اینسالجق غایر خان اجرای
تجارت ایچون جنکیز طرفندن کوندرمش بر قاج یوز کشیلک
بر تاتار کاربانی اغلب احتمال ماللرینه طمعاً توقیف ایدرک
جنکیز جاسوسی اولدقنری بیابله قتلری ایچون قطب‌الدیندن
امر استحصال ایش و کاربان افرادینی اتلاف و ماللرینی مصادره
ایتدیرمشدی. جنکیز بووقعه اوزرینه قطب‌الدیندن غایرخانک
تأدیپ ویا کندیسنه تسلیمنی طلب ایشسه‌دهه تحقیر آمیز جوابدن
بشقه برشیه نائل اوله مدیغندن اخذ تار ایچون خوارزم
اوزرینه حرکت ایش و بوحرکتی شرفک کوردیکی ادهشتلی
فاجعه‌لردن اولان تاتار استیلاسی دورینی آچمشدر.

جنکیز پیش-دار اولق اوزره بیوک اوغلی جوچی خان
قوماندانده یدی یوز بیک قدر عسکر کوندرمش و قطب‌الدین
محمدده در تیوز بیک عسکرله بونک مقابله‌سنه کیدوب اوج کون

جنکیر

اوج کیمه محاربه دن صکره خوارزمیسارک بوز التمش بیکی
مجاوز تافانلری اولدیغی حالده حالانقیجه غلبه اکلایشیه مامشدی
حالبوکه قطب الدین بالجمله قواسنی طوپلامش اولوب جوچی
خان اردوسنک ساده پیشدار اوله رق ارقه دن جنکیرک سکر
بوز بیک قدر عسکرله امداده کلدیکنی خبر آنجه قورقارق
رجعت ایلش وقاچه قاچه بحر حزرده براطه به چکبلوب
اوراده مذتلله ترک عالم فانی ایتشدر . صاحبسز قالان مملکنده
تاتار خذله سنک پامال خیول شر و شوری اولشدر .

تاتار استیلاسی بر محاربه منتظمه به مقیس اولیوب هر در او
افکار انسانیته کارانه دن عاری بولنن و چولق چوققیریه
برابر سیل بلاکی مملکنده مستولی اولان ملیونلرجه تاتارک
ارتکاب ایلدکری انواع مظالم و تخریباته مبنی اک قانلی وقایعدن
معدوددر . جنکیر علمیه رعایت و ارباب حرف و صنایعی جایه
کی بعض مزیات کوستر مشسه ده کرک بالذات و کرک اولادی
وقوماندانلری واسطه سیله دو کیردیکی ملیونلرجه بیکنانه قانی
کندیسنی ظلمه میسانده بحق بر موقع ممتازه نائل ایلشدر .
جنکیرک تولی خان، جوچی خان، اوقتای خان و چغتای خان نامیه
درت بیوک اوغلی اولوب بونلرک هر برینی قول قول بر رجته
اعزام ایلش و درت سنه ظرفنده خوارزم دولتک حکم ایلدیکی
ماوراء النهر و خوارزم و خراسان و لایات عظیمه سی کاملاً
گذر و بونلرک حاوی اولدغری شهر و بلاد زیر و زبر ایدیلرک

یابدق ظلم و وحشت قلمامشدر . هربری بر مرکز حرف و صنایع
 و برر مطلع علوم و معارف اولان شهرلر پیدر پی محاصره
 و ضبط ایدلمش و آز چوق مقاومت ایدنلرک جلاهی حقنده
 قتل عام اجرا اولتمشدر . بو تخریب او قدر شدتلی ایدیکه
 ارضک اک معمور قطعاتی اولان ولایات مذکوره برو بیان
 اولوب حالا او خرابیدن قورتیله مامشدر قتال ایسه کرچکدن
 دهشتلی ایدی . خوارزم شهرینک فتحنده هر تاتار نفری
 یکرمی درت آدم اولدیرمش و مرو شهرینک فتحنده هر تاتارک
 اولدیردیکی بیچارکاک مقدار دی در تیوزی بولمشدر . خراسانک
 اک بیوک بلده سی اولان هرات شهری اون بش سنه مدت
 ساده قرق نپردن عبارت سکینه ایله قالمشدی . بو جانور
 اردوسنک ویردیکی دهشت کسه ده مقاومت اقتداری بر اقامش
 و حتی اذر بیچانده مراغه نام بلده نک انای فتحنده بر تاتار قاریسی
 یالکز باشنه قوجه بر سرای خلقنی کسدیکی حالده مقاومت
 قالمشده جق برارکک بولتمشدی .

یالکز نام جلادت اتسامی اولجه دخی کوریلان جلال‌الدین
 اکبر خان بوبلای صائلک دفعی ایچون کرچکدن قهرمانانه
 بر غیرت ابراز ایدیوردی جلال‌الدینک تاتار فرقه لرینه غلبه سی
 جنکیرک فنا حالده غضبنی موجب اولدیفندن بالذات کندیبی
 اک بیوک اردو ایله بو مجاهد ببعدیلك اوزرینه یوریمش و سندن
 نهری جوارنده کی غلبه یه نائل اولدیغی حالده جلال‌الدینک

جنکیر

یا لکز باشنه اک شدتلی آقندیلردن اولان سندی پکهرک
 ذل اسارتدن قورتلمسی جنکیرک بيله نظر استخسان ومفتویتنی
 جلب ایتلشدی . جلال الدین وفاتنه قدر تانار لرله اوغراشمشده
 اذر بیچانده بر بوک محاربه ده مغلویتنی متعاقب وقوع شهادت
 متأسفده سی تاناری بسه بتون سربست براقش وجنکیر خان بر
 طرفدن عراقه واوروپای غربیه و دیگر طرفدن عادتاً بحر
 منجمده وجنوبدن هندستانه قدر ممالک عظیمه نك ربقه اطاعتنه
 پکدیکنی کوره رك اردوس بيله سندنن بالعوده مغولستانه
 دونمشدر .

جنکیرک وفاتنه (۶۰۶) ممالکی آئیده کور بيله جک اقسامه
 بولنمشده بونرك ریاست عمومیه سی اصل مغولستانده حاکم
 بولنان اوغلی اوقنای خانه قالمشدر اوقنای خان وفاتنه قدر
 برادر و برادر زاده لرینه نظارت ایلیرک چین شمالی نك فتحی
 اکمال ایلش و چین جنوبی بی فتح و تبت و هند چین و قوشنشین
 وقوره قطع لرینی دخی خراجه ربط ایدرک مرکز حکومتی
 پکین شهرینه نقل ایلش و یواش یواش چینلی مذهب و عادات
 و اخلاقی قبول ایدرک چینک بوئن سلاله حکمداریسنی
 احداث ایتشدر اوقنای خان پک درایتلی و محب ترقی بر ذات
 اولوب چینک فتحنده معیتنده اهل اسلامدن و فرنگلردن مهندس لر
 و محاصره بیه مخصوص معلوماتی حاز ضابطلر استخدام ایلش
 و ژاپونیا نك دخی فتحنده تشبث ایتشده ایکی دفعه ده دونماسی

قضازده اولقله موفق اوله مامشدر . اوقتای خان حسن اداره ایله مشهور اولوب پدری کبی علما و فضلایه اعتبار ایلدیکی حالده انک مظالمه اتباع التامش و آثار خیریه ده بولندهرق مثلا نانکین شهرندن پکینه قدر کیدن بشیوز میل طولنده بیوک قنالی حفر ایتدیرمشدر اوقتای خانک بیک سفینه دن مرکب بر دونما ایله بورنئو اطه سنه قدر کیدرک بحر محیط هندیده سیاحتی دخی جالب دقت و قایعدندر .

اوقتای خانک اوغلی و خلی کبوک خان دخی شعبات جنکیزیه نک بجه سنه ریاست ایلش سده آرتق بوسلاله زیاده چینلیشه رک تاتارقله چوق رابطه سی قالدیفندن کبوک خاندن صکره اولاد جنکیزک ریاستی منکو خان بن تولی بن جنکیزه انتقال ایلش و اوقتای خان سلاله سی ساده چینده اجرای سلطنت ایدوب یوز الی سنه قدر دها بقا بولمشدر .

قپچاق دولتی ایسه اولاد جنکیردن جوچی خان اولادنده
ایدی، جنکیر جوچی خانی اوروپا فتحنه مأمور ایلش اولوب
جوچی خانک و فاتنده ممالکنک ادارهسی و امر فتحک اکیلی
اوقتای خان طرفندن جوجینک اوغلی باتو خانه حواله ایددی.
باتوخان بیوک براردوایله بتون روسیه قطعہ سنی ضبط ایدرک
بوهمیا و لهستانه قدر واردی و بعض المانیا و مجارستان قلاعنی
دخی ضبط و اهاالیسنی قتل ایدرک اوروپایی دوچار خوف
وحشیت ایددی. باتو خانک دولتی قپچاق دولتی و یا خودالتون
اردوسی نامیله معروف اولوب مرکزی روسیه نیک جنوب
طرفنده کائن بولنان سرای اردو کاهی ایدی. باتو برایی دفعه
استانبولک فتحنه دخی عزم ایلدیکی حالده بعض غوائل ظهوری
و وقوع وفاتی جه تریله اجرای مقصده موفق اوله مامشدر.
اشو التون اردوسی دولتی مدت مدیده اوروپایی دهشتمده
براقوب باتو شمالی آلمانیا ده توتون شوالیه لرینه و سیزیا حکمدارینه
غلبه ایلش واردولی سزاده ایمپراطور ایکنجی فره دریقک
سعی و غیرتی سایه سنده مغلوب ایدلمشدر. قپچاق دولتی تیمورک
زمانه قدر دوام ایلشدر.

اولاد جنکیردن چغتای خان دخی ترکستانده چغتای دولتی
تشکیل ایدوب کرک بو و کرک ساثر مغول دولتی حکمدارلی
بئرسه اولمغله برابر عادات اسلامیله اتصافه و علما و ارباب معارفی
حایه به باشلایه رق اسکی تخریباتک تعمیر بنه خبلی همت کوسه مشر.

سده بونلرک وقوع انقراضلری بینه اسکی قاریشقلق دورینی اعاده ایلشدرد. دول جنکیر بیه دن اک مشهوری ایران دولتی و یا خود ایلیخانیان حکومتیدر.

هلاکو ایران شرقی بی کاملاً فتح و تسخیر و نیجه حکومات صغیره بی ازاله ایدرک عراق عربی به ککش و خلافت عباسیه احوال اخیره سی بچشده کورلدیکی وجهله بغدادی استیلا و خائن ابن علقمی یاردمیله خلیفه مستعصمی استیصال و اعدام ایدرک دوات عباسیه به نهایت ویرمشدی. هلاکو بالذات جنکیر معینده بولنش یادکارلردن و تاتار حکمدارلرینک اک خوزیز و غدارلردن اولوب انواع مظالم و تعدیاتده بولنش ایسه ده اورتله لغی مغلبه دن تظہیر ایلدیکی صرده باطنیه طائفه خبیثه سنک دخی اذاله و جودلرینه موفق اولیشی اسلامه عین رحمت اولمشدر.

هلاکو اولاد برادری منکو خان و صکره انک یرینه بچن قوپلای خان نامنه اوله رق ایرانده حکومت ایتش ایسه ده وفاتنده جانشینی اولان ابقاخان (۶۴۳-۶۶۰) قوپلای خانک حکومتنی تصدیق ایتمه رک اعلان استقلال ایلشدرد. قوپلای خان ابقانک تأدیبی ایچون چغتای اولادندن و ماوراء النهر حاکی براق خانی ایرانه کوندرمشده براق مغلوب اولمقله ایران دولت جنکیریه سنک استقلالی تأید ایلشدرد. اشجو دولت یتش سنه قدر بقا

بولهرق بشی بپرسست و دردی مسلمان اولمق اوزره هلاکو
اولاندن طقوز حکمدار کلشدر .

ایران دولت جنکیزیه سی ایرانده طوغریدن طوغری به
حکمرما اولدیغی کبی عراقده و کردستان جهتلرنده کی بعض
دولتلر و روم دولت سلجوقیه سی دخی عادتا هلاکو اولادینک جزیه
داری و توابعی مقامنه یکمشلردی مثلاً روم سلجوقیلری تاتار
خانلریک فرمانلریله عزل و نصب ایملک درجه سنه قدر تنزل
ایشلردی . هلاکو خان ساده مصر دولتی تحت اطاعت ادخاله
و سوریه بی ضبطه موفق اوله مامش و دفعاتله قسطنطنیه فتحنه
کتمکی آرزو ابتدیکی حالده سوریه محارباتیله مشغولیتی حسبیله
بوکا تشبث ایله مامش و اخلافیده محاربات داخلیه ایله مشغول
اولدقرندن شرق ایمپراطورلغی بخت یاورلی مقتضاسی اولهرق
بوتهلکه ییده آنلامشدر .

مصرده حکومت ینه تبدل ایتمشدی صلاح الدینک برادری
ملک عادلدن صکره دولت ابویه برطاقم شعبه لره آریلموب مصرده
شامده جاوجصده بعلبکده و یمنده ابوبی حکومتلری تشکل
ایدرك دولته ضعف کلشدی . مصرده ملک ناصرالدین کامل
جنکیز مهاجمه سی و خوارزمیلر قورقوسندن ایکنجی فره دربق
ایله مصالحه و قدس شریفی تسلیمه مجبور اولمش و ملک نجم الدین
یدنجی اهل صلیبده سن لوئی به غلبه ایلمشده اساساً اهل
صلیب محاربه لری ابوبی دولتیله زیاده صار صمشدی . نجم الدیندن

صکریه حکومت ملک معظم تورانشاهه قالوب اونک زماننده سلطنتنده ابویلدن نزع ایدیله رک مشاهیر امرادن و ترک کوله لردن امیر معز عزالدین ایبک طرفندن ضبط ایدلشدن . اشبو ترک کوله منلرک حکومتلری بر بچق عصره قریب مدت دوام ایتشدن (۶۴۸ - ۷۸۴) ملک معز درایتلی بر ذات اولوب سوریه یه طوغری توسیع ملک ایش و کوله منلر عموماً ترکستاندن کوله اوله رق کتیر یلوب صغرسنلرندنبری تریه عسکریه آلارق یتمش شجعان اولدقلردن داخلی قاریشقللرک چوقلغیله برابرینه مصر دولتی زمانک ائ مقندر حکومتلردن معدود بولنشدن . ایبک خلقلردن ملک الظاهر بیبرس بغداددن مستنصر بالله عباسی بی قاهره یه قبول ایدرک نامنه خطبه او قوش و او وقتدن اعتباراً مصر خلغای عباسیه سی ریاست روحانیه اسلامیه بی حائز اولمشلردن خلغای مشار الیهک اسامیه سی جدول مخصوصنده مندر جدر .

ملک ظاهر دفعه ائله هـ لاکوبه غلبه ایدیلدی کی اطنسه حوالیسنده اهل صلیبک یادکاری بولنان کیلکیا ارمنی حکومتنده مغلوب ایش وانطاکیه و یافا شهرلرینی اهل صلیب یندن ضبط ایتشدن . ملک ظاهرک خلقلردن ملک منصور سیف الدین قلاون هم تاتارلره غلبه و همده طرابلس شهرینی فرنکلردن استرداد ایش و ملک اشرف صلاح الدین ایسه عکا قلعه سی و سائرهنوز ارباب صلیب ینده بولنان قلاعی تسخیر ایدرک اهل صلیبک بقیه سی دخی اذاله ایتشدن .

مصرده کوله منلرک مقدراری کوندن کونه آرتوب ترکردن
 زیاده چرکسلردن کوله آلمغه باشلانديغندن صوڪ ترك سلطانی
 اولان ملك صـالح زين الدين زمانده امرای چراکسه دن
 برقوق ضبط سلطنت ايدرك ملك ظاهر ناميله حكومت ايش
 و تدابير مناسبه ايله مصری تیمور جهانکیرک تسلطندن قورتار مشدر .
 ملوک چراکسه دن ملك اشرف قبريس جزيره سنک اکثر برلرینی
 فتح و متباقيسنی خراجگذار ایتمشدر . مصرده ملوکچه چراکسه
 حکومتی ۷۸۴ تاریخندن ۹۲۲ تاریخنه قدر دوام ايدرك مصر
 و سوريه و حلبه حاکم اولمشلردر بونلرک صورت انقراضلری
 دولت عثمانیه تاریخنده کوريله چکندن ایران دولت جنکیریه سنه
 نقل کلام ایدهلم .

تبریز شهرنده سلطنت ایدن هلاکو اولادی هنوز بتپرست
 اولغله برابر پایتختلری علوم و معارف اسلامیه نك مرکزی و علما
 و فضلانك مجعی اولمش و تاتار و حشیلری یواش یواش مدنیت
 اسلامیه تأثیراتی طویمغه باشلامشلردی . او وقت دولت
 مذکورہ برهیت دولیه نك ریئسی مثابه سنده اولوب توابع
 وروابطيله نفوذی سوريه دن ماوراء النهره و بحر عماندن
 قفقاس طاغلری و شرق امپراطورلغی حدودینه قدر جاری
 ایدی . تاتار خانلرینک امريله عزل و نصب ایدیلان روم سلجوقی
 سلطانلرینک آرتق هیبچ اهمیتلری قلاماش و آسیای صغری ده

تشکل این امر ترک جاهه سی سلجوقی بردن زیاده هلاکو
اولادینی بپوک طایفه باشلامشردی .

تاتار خانترینک اسلامی قبول الطریقه ایران دولتتک بین
الاسلام نفوذی برقائدها تزیاد ایلدی . هلاکونک او چنچی خلغی
نکو خان دین اسلامی قبول ایدرک سلطان احمد نامنی طاقمش
ایسهده بوسیله اقرباسندن ارغون خان طرفندن قتل ایدلشدی .
فقط یدنجی حکمدار ایلخانی سلطان غازان محمود خان دین مبین
محمدی بی قبول ایلدیکی زمانده مخالفت کورمک شویله طورسون
بالجمله تاتارلرده کندیسینه برابر مظهر هدایت اولمشدر .
غازان خان خراسانده والی بولندیخی صرعهده معبتی امراسندن
بجاهد مشهور امیر نوروزک غیرتیه اهندا ایلش و کندیسینک
خانلق مقامده صعودی دخی مشارالیه نوروز بکک غیرت
و همت فوق العاده سی سایه سنده ممکن اولمشدی . سلطان غازان
امیر نوروزی خراسان والیسی نصب ایلشسهده بعضی مفسدر
امیر حقنده خانک شبهه سنی جلب ایدرک قتلنه امر آلمشدر
و نوروز بک کندیسینک وقتیه انعام و الطافه غرق ایلدیکی
فخرالدین نام خانک تخت محافظه سنده اولان هرات قلعه سنده
النجما ایلدیکی حالده اوراده مرقوم طرفندن اخانه شهید
ایدلشدر . حالبوکه آز وقت صکره غازان خان مفسدت واقعهبی
اکلابرق مفر بکک جزاسنیده ویرمشدر .

روم دولت سلجوقیه سینک صوک حکمداری علاه الدین

وولی عهدی غیاث الدینک سلطان غازان امریه خلعلری (۶۷۸ هـ ش و ۶۹۹ هـ ق) اوزرینه دولت مذکورہ منقرض اوله رق اناطولیده بولنان اون بر امارت و بو میانده عثمانلی امارتی دخی کسب استقلال اتمشدر .

سلطان غازان دن صکره برادری الجایتو خان و یاخود سلطان محمد خدابنده سلطنت ایدوب مشارالیه کندی بنا ایتدردیکی سلیمانیه شهرنی پایتخت اتمشدر . سلطان محمد اوغلی و خلیفی سلطان ابوسعید خانک وفاتندن (۷۱۴) آز وقت صکره ایسه ایران دولت جنکیریه سی محو اوله رق ایران و عراق و اناطولی تیمورک ظهورینه قدر طوائف ملوک الیرنده و قاریشقلق ایچنده قلمشدر .

تیمور

طوائف ملوک: جوابیه دولتی. آل جلایر. طغا تیموریه. ملوک ایچو.
 آل مظفر. سر بداریه. کرد دولتی. قره قبونلو. اناتولی طوائف ملوکی.
 تیمورک ظهوری. ایران و ترکستان و هندستان فتوحاتی. قیصاق سفیری.
 دولت عثمانیه ایله محاربه سی. از میر قحقی. تیمورک وفاتی. تیمور دولتی
 انقصابی. شاهرخ. میرزا بابر و بیوک مغول دولتی. آق قبونلو و سمرق
 احوالی.

جنکیرک و فاتیله دولتی اولادی آره سنده تقسیمده امرا
 و ولایتن دخی بر خیلی طوائف ملوک ظهور ایلمش و بالخاصه
 ایران دولت جنکیریه سنک ذوالیه شرق بینه دول عیدیه
 آره سنده بولونمشدی ذاتاً اولاد جنکیرک دور سلطنتلرنده بیله
 چوق و ایبلر همان عادتاً مستقل ایدیلمش مثلاً جنکیر خان طرفندن
 سلطان قطب الدین محمد زردینه سفارتله کوندلمش اولان قتلغ
 خان کرمان و ایلمکنه تعیین اولندیغی وقت همان استقلال تام
 اوزره اداره امور ایلمش و کرمان اداره سی سکسان سنه قدر
 کندی خاندانده قالوب قره ختایان نامی وریلان بو سلاله دن
 التیسی ارکک و ایکیسی قالدین اوله رقی سکز حکمدار ظهور
 ایتشدیر.

سلطان ابوسعید خاتک متخیران امراسندن امیر چوبان بن
 سلدوز نام ذات کریمسی بغداد خانونی شیخ حسن ایلمکان نام
 کسندیه نزویج ایلش و مومی الیها حسن و آئی ایله فریده اولغله
 سلطان ابو سعید ازدواجنه طالب اولوب آرزوسنه قزک پدری
 مخالفت ایلکله قتل ایلش و شیخ حسن بغداد خانونی تطبیق
 ایلکله مزبوره شاهک زوجهسی اولمشدی . امیر چوبانک اوغلی
 تیمور طاش آذر بیجان و روم شرقی جهاتی و الیمسی اولوب سلطان
 ابوسعیده قارشو عصیان ایلش و مغلوب اولدیغی حالدده هم شیرهنک
 شفاعتیله غفور و منصبنده ایقا ایدیلوب ابو سعید خاتک و فائنده
 کسب استقلال ایتشدرد . تیمور طاشک دواتی پدرینک نامنه نسبتله
 چوبانیه نامیله معروف اولوب قرق سنه (۷۱۸ - ۷۴۸ هـ ق)
 پایدار اولدوقدن صکره قریم تاتار لرینک هجومیله منقرض اولمشدر .
 بغداد خانون ایسه ابو سعیدک خلفی آرباخان طرفندن زوجینی
 نسیم الملک ایله بالاتهام قتل ایتدیرلمشدر .

ابو سعید خاتک و فائنده عراقی و الیمسی بولنان شیخ حسن
 ایلمکانی دخی کسب استقلال ایلمشدی . مومی الیهک والدهسی
 جنکیزک حقیقلرندن ارغون خاتک قزی اولوب جدیدده مشاهیر
 امرای جنکیزیه دن جلایر نام ذات اولغله دولتی آل جلایر
 نامیله معروفدر . بونلردن درت حکمدار ظهور ایدوب سلطنتلری
 یتیش سنه سورمشدر - تیمورک زمان هجومنده سلطان احمد
 ایلمکانی جلایر شرقک ال بیوک حکمدار لرندن ایدی . بوسلطان

اجرك احوالی آئیده ذكر اولنه جقدر مومی البك خلیفی زماننده بغداد شهری براقیلوب حنه پایتخت اتخاذا ایدلمشده ده بغداد والیمی اصفهان بن قرا نام ذاتک عصبانی ده آل جلابر دولتنک کلیاً محوینه سبب اولمشدر .

سلطان ابو سعید خانک وقتند نصکره جوجی خان احفادنن طغا تیمور دخی مازندرانده بر دولت تشکیل ایدوب سلاله سنک حکومتی یتش بش سنه قدر سور مشدر .

ایرانک جنوبنده دخی متعدد طوائف ملوک موجود ایدی شیراز طرفنده امرای جنکیزدن شاه شرف الدین محمود اعلان استقلال ایدوب خاندانک حکومتی فرق سنه پایدار اولمشدر . اشیو شاه محمودک اجدادی جنکیزک املاک خاصه سی نظارتده بولندقرندن مغول لساننده املاک خاصه معناسنه کلان اینجو لفظی سلاله یه علم اولمشدر .

ایران جنوبینک الک مقتدر حکومتی آل مظفر دولتی ایدی آل مظفرک جدی بولنان امیر مظفر فاتحان عرب نسلندن غایت شجاع وقوی البذیه وجسیم الهیکل بر ذات اولوب اوغلی امیر مبارز الدین محمد شیرازک شرق جهتلرنده اعلان سلطنت ایلش و اینجویان دولتی محو ایدرک توسیع ممالک و جنوباً حدودینی عراقه قدر ایصال ایتشدن آل مظفر دولتی غایت قوی اولوب ایلکانیان حکومتندن بشقه بالجمله دولترک رسماً تصدیق و احتراملرینه مظهر اولمشدی . امیر مبارز الدین پک شجاع اولقله

برابر غایت حدید و مجازات شدیدہ اجر اسنہ میال اولغلہ محتسب نامیلہ مشہور اولمش و اولاد واقاربک بیلہ خصوصت لرینی قزانمشدی . نہایت اذربچمان فحمی ایچون سفره چقدیغی صرہدہ اوغللری طرفندن قتل اولندی . اوغلی و خلیقی سلطان شجاع حسن اداره ایلہ شہرت بولدی مشہور حافظ شیرازی شاہ شجاعک مظہر التفاتی اولان ارباب معارفدن ایدی . آل مظفر دولتی ہنوز زمان شباب وقوتندہ ایکن بشنجی حکمدار شاہ منصور زمانندہ تیورک استیلاسنہ اوغرادی .

خراسانک شمال شرقیسنہ و خوارزم حدودندہ دخی وقتیلہ سلطان ابوسعد خاٹک ندماسندن بولنان خواجہ عبد الرزاق نام ذات برقاچیزوز فدایی ایلہ خروج ایدوب سربداران دولتی تشکیل ایشدر بو دولت انجق اوتوز بش سنہ قدر بقا بولوب انواع فتن و فساددن خالی قلامش بو مدت طرفندہ اون ایکی حکمدار دکشمشسہدہ دول مجاورہیہ قارشودہ خیلی موقیباتہ نائل اولمشدر . مثلا ایکنجی وجیہ الدین نام امیر یانندہ یالکز ایکی بیک نفر عسکر اولدیغی خالدہ برکوندہ نیشاپور حاکمک ۲۰، ۲۵ و ۳۰ بیکر نفر لک اوچ اردوسنہ غلبہ ایدرک اطرافہ دہشت ویرمشدی . سربداریہ دولتیدہ تیورک استیلاسنہ اوغرامشدر .

جنکیرک تجاوزندن از وقت صکرہ غورستان و سیستان طرفلرندہ برکرد حکومتی تشہل ایدوب ظاہراً اولاد جنکیر

حاجیه سنده و حقیقتده مستقل اوله رق یوز اوتوز سنه دوام
الیش و نهایت تیمورلنکک دورنده منقرض اولمشدر بودولت
زمانده علوم و معارف خیلی مظهر تشویقات اولمش و علمای
بنامدن سعدالدین تفتازانی نك حامیسی اولان ملك معزالدین
محمد بحق کسب شهرت الیشدر .

ایران و عراقین و خراسان قطعه لرنده اوافق تفک دها
برچوق حکومت موجود اولدیغی کی جزیره و کردستان
جهتلرنده قره قیونلو نام ترکن طائفه سی بیوک بر دولت
تشکیل الیشدی . بو طائفه نك رئیس یولنان بیرام خواجه
ایلخانیلرک خدمتده بولوب مستقل حکمدار اولمشدی . بیرام
خواجه نك حقیقی قره یوسف زمانده قره قیونلو دولتی کسب
عظمت و توسع الیشده تیمورک استیلاسی بونوسی طور دیرمش
ایدی قره یوسفک بعض اجرا آتی آتیده مشهود اوله جقدر .
اشبو تعداد اولنان حکوماندن بشقه اناطولی قطعه سنده دخی
روم دولت سلجوقیه سی انقاضنده تشکیل ایدن اون بر ترک
امارتی موجود اولوب حال و شان و عنوانلری دولت عثمانیه
بجشنده کوریه جک اولان بو امارتله ایچنده انک کوچکی اولان
عثمانلی امارتی پیدرپی بر دولت معظمه اولمغه باشلامشدی .

شرق ینه بویه طوائف ملوک انده قالمسی طبیعی برچوق
محاربات خوزیرانه بی و نیجه مناسبتمز احوالی اتاج الیکده
اولوب احوال مذکور نك شریعت و انسانیتیه مغایرتی تیمورک

اساساً حتمز اولان امپلاسنه بر مشروعت سوسی و بر مکده
ایدی.

تیور چغتای خانلغی داخلنده و سمرقندک براز جنوبنده
کش نام بلدهنگ امیری بولسان طراغان نام کسنهنگ اوغلی
ونسلی من جهة النساء جنکیزه منتهی اولوب یکریمی یاشنده ایکن
پدری وفات ایتمش و بلخ حاکی امیر حسینک قزی ترکان خانونی
تزوج ایملکه داماد مناسنه اولان کورکان لقبیه تلقیب
ایدلمشدی. چغتای دولتی صوک حکمدار طغلق تیور خانک
وفاتنده منقرض و ممالکی برچوق طوئف ملوک و امرا آرهنده
منقسم اولوب بو صرهنده کاشغر جهتلرندن اقوام عدیدهده
مستولی اولدقلرندن بر مدت حکومتندن محروم اولان تیور کاه
دشمن ایله محاربه و کاه فرار ایدرک و چوق و قتل معیتی موجودی
سکز اون کشیدن عبارت قاهره آسیای وسطی صحرا رنده
طولاشمش و نهایت طالعی یاردم ایدرک طرفدارانی چوغالوب
دشمنی طرده موفق اولمشدر. تیورک بو محاربه لرده تدبیر
و درایت و مهارت اداره و حربیه سی توسع ایدوب اوتوز بش
یاشنده ملک موروثه نائل اولمش و بوندن صکره حقیقتاً خارق
العاده اولان و کندیسنی الک مشهور جهانکیرلر میاننده برنجیلک
پایه سنه چیقاران فتوحات عظیمه سی باشلامشدر.

تیور اول امرده چغتای اولکاسنده بولنان یوزلرجه
امرابی رفع و ازاله ایدرک بلخ و هرات و کابل و خوارزم

وسمرقند کبی بلاد عظیمه بی ضبط و مقاتله به جسارت ایدنلر
 حقننده جنکیرک اصولی اوزره معامله ایلیدرک مرکزی سمرقند
 اولق اوزره بردوت عظیمه تشکیل ایلش و مغولستانی دخی
 تاراج وتالان ایتشدور. بوندن صکره ایرانک فتحنه عنیم ایلیدرک
 اصفهان شهرینی تخریب واهالیسنی قتل ایتدیرمش وری شهرینی
 آمش و کر جستانک اکثر حصونی فتح ایلیدرک غازی عنواننی
 طاقتشدور. نیورک هجومی خبری اطرافه دهشت و بردیکندن
 پک چوق برلر بلا محاربه استیمان ایتش نیجه حکمدارلر جهانکیر
 غالبک خاکپاینه بوز سوره رک نظر مرچتنی جلبه چائشمش
 و سلطان احمد جلایر ابله قره قیونلی حکمداری قره بوسف
 تاتارلرک و رودینی بکلمیدرک ترک ممالکله سلطان یلدریم بایزید
 زدینه النجا و دخالت ایلش لردی ساده فارس حکمداری و آل
 مظفردن شاه منصور نیوره صورت شجیهانده مقاومت و ممالک
 موروثه سنی ترک حیات ایدنجیه قدر مدافعه ایدرک قهرمانلغیله
 دشمن غالبک دخی نظر استخساننی جلب ایلش و فقط بویه
 بر قهرمان سلاله سنک بقاسنی آرزو ایتیمان نیورک امر به بالجه
 اولاد و اقاربی اتلاف و اعدام ایدلشدور.

تیمور بوموقیاتدن صکره التون اردوسی اوزرینه سفر
 ایلشدر قیچاق حکمداری طقمش خان وقتیله نیورک معاونت
 و مظاهرتی سایه سنده نائل حکومت اولدیغنی حالده مؤخرأ
 امیر کورکان اولاد جنکیرک حقوق مشروع علیه زینی الخلال

ایلدیکی اداسیله ایران اوزرینه عسکر سوقنه قیام ایلدیکندن
 تیور مومی الیهک بونانکور لغنک جزاسنی ویرمک اوزره قپچاق
 اوزرینه حرکتله طقمشی دفعه اتله مغلوب و شرقی اوروپاده
 لیتوانیه لیلر زردینه التجایه مجبور ایلشدر. تیور قپچاق سفرینه
 متوجهاً ترکستاندن حرکتندن اول نججوان و شروان و قارص
 و تفلیس قلاعی فتح ایلدیکی کبی قپچاقندن عودتده کرجستان
 و عراق و جزیره بی تکرار چکنیه رک موصل و دیار بکر
 و بغدادی فتح و تخریب ایتدکدن صکر تکرار در بند طریقله
 اوروپایه داخل اولوب دشت قپچاق قطعه سنی بردها تالان
 و التون اردوسی دولتی پریشان ایلش و اورویای غربی یه
 قریب الهج شهرینه قدر وارمشدر.

تیور ذاتاً هندستان قطعه سنی فتح و اوراده نفوذ اسلامیه بی
 تزید الیک آرزو سنده اولغله ایکنجی قپچاق سفرندن عودتده
 هندستانه هجوم ایلش و اوراده کی دهلی امارت اسلامیه سنی
 مغلوب ایتدکدن بشقه غانز نهرینده پکه رک بنغال و لاینه قدر
 اورته لغی قان ایچنه غرق ایلشدر. تیورک شهنشاه عثمانی
 یلدریم سلطان بایزید خان ایله مناسبانی هندستاندن اناتولی یه
 عودتی صره سنده باشلامشدر. تیورک تعقیبندن قوریتله بیلان
 حکمداران سلطان بایزید زردینه دخالت ایدرک مظهر حجابیه
 اولدقلری کبی دولت عثمانیه یه الحاق ایدیلان بر طاقم اناتولی
 امارت لرینک بکلری دخی تیور زردینه التجا و اعاده حکومتلرینی

رجا ایلش لردی . تیمور مقصد جهانگیرانه سنی بر مشروعیت
 سوسیله تقویه ایچون طوائف ملوک مسابویننه نهایت ویرمه
 من طرف الله مأمور بر مرخص صفتی طاقندیغندن اشبو امرانک
 ممالک مفتوح دلری اعاده اولتمسنی آمر مکتوبلرله سلطان بایزید
 نزدنده اجرای توسطه باشلامش و بویله بر مداخله نفسنه زیاده .
 سیله آغر کلان سلطان بایزید متهورانه اجوبه شدیله ایله مقابله ده
 بولتمش اولدیغندن تیمور دولت عثمانیه ایله دخی طالع حربک
 تجر به سننه قرار ویرمش و بوکا توفیقاً سیه اس شهر متیننی
 بالمحصره ضبط ایله محصورین عثمانیه بی دیری دیری کومک
 درجه لرینه قدر شدت اراثة ایلش سه ده ینه سلطان بایزید اوزرینه
 یوریمه رک سوریه به عزیمت ایتشدی .

سوریه مصر سلطانی و ملوکه چرا کسه دن سلطان برقوقک
 النده اولوب اول امرده تاتار لره قارشو و شجاعتله مدافعه
 ایلدش سه ده اولاً حلبک و مؤخرأ سلطان برقوقک وفاتندن صکره
 شامک تسلیمه مجبور اولمزلرله قطعاً مزبور ده تاتار استیلا سنک
 لذاتدینی طامش و تیمورک وقتیله حضرت معاویه نک معاونلری بولنان
 شاملیره خصومت مخصوصه سی اولدیغندن بونلر حقنده زیاده
 ابراز شدت ایلش در . تیمور سوریه دن بغداده کیدوب شهر
 مذکور ی بردها مکملأ تخریب ایلدکدن صکره دولت عثمانیه
 اوزرینه بورومش وانقره محاربه عظیمه سنده سلطان بایزیدی
 مغلوب و اوغلی موسی چلبی ایله برلکده اسیر ایدرک برسنه

قدر اناطولیده طولاشدقدن واز میر شهرینی ردوسده کی ژوانیت
شوالیه لری بدندن ضبط ایلدکدن صکره مظفر آ سمرقنده عودت
ایتمشدر.

تیور سمرقنده برچوق شنلکار اجرا ای تدیرمش و اولاد
واحفادینک ولیمه جمیتلرینی بالاجرا چین قطعده سی فتحنه
لاجل العزیمه تدارکات کایه ایله مشغول بولنور ایکن ۷۸۲
تاریخنده ویتش برنجی سنه ولادت و اوتوزالتجی سنه سلطنتنده
برجای محرقدن وقوعبولان وفاتی ایله مالک عظیمه سی اولاد
واحفادینه قالمشدر.

تیور غایت قوی البینه و شدید و جدید اولمقله برابر
زیاده سیله ذکی و مدبر و خوشکوی بر آدم ایدی حتی چغتایده کی
مخاربه لری اثناسنده ایاقزیننه عارض اولان سقطلغی کتم ایلک
شوبله طورسون دایما بونی وسیله ایدرک کندی کندی سیله اکلنیر
ایدی. طوغری سویلکی سور و کندی علیهنده یله چقه سی یته
سویردی. شریعت اسلامیه به محب و علما و فضلا صحبتنه طالب
وراغب اولوب چهار یار کزین حضراتنه رعایتی و بوکا مقابل
حضرت معاویه و طرفدارانه غیظ و خصومتی وار ایدی.
سوزنده طوغری و وعنده اکثریتله صادق ایدی. مع مانیه
داخل اولدیغی جهان کیرلک سلیکی و بوز بیکارجه تاتار حشراتنی
بسلیه بیلک مجبوریتی کندیسنه برچوق ممالک حقنده ظلم و عادتاً
وحشته معامله ده بولندیرمش و اولاد و اقاربینه قارشو بیله

سیاست شدیدہ صاحبی اولدیغندن نامی هر کسی در تملکه کفایت
 ایدر اولمشدی تیمورک اصل مقر سلطنتی اولان سمرقند
 شهرله ترکستان و ایرانی اعمار خصوصنده کی مساعیسی و شیخ
 اولمزه ظاهرأ بر سبب مشروع کوستر مدیکه تجاوزده بولنماغه
 اعتنامی جالب دقت اولوب فتوحات عظیمه سی و اداره امورده کی
 اقتدار خارق العاده می کندیسنه الکیوک جهانگیر لر میانده
 بر موقع ممتاز و بر مشدر . شرقک کوچک طوؤف ملوکدن تطهیر به
 شاه اسماعیل صفویئک وجوده کتیر دیکی انقلابه زمین حاضر لانی
 دولت علیهئک ایلک دور موقیانئک توقیفی و قبیحاتی دوانئک
 انقراضیله ایلروده روسیهئک ظهورینه بول آچمی کبی نتایج
 عمومیه سی تیمورک فتوحاتی بحق وقوعات مؤلده دن عداوت بر مشدر .
 تیمورک وفاتده مالیکی اوتوز بش قدر اولاد و احفادی
 النده قالمش و بونلرک ریاستی تیمورک بیوک مخدومی و ولی عهدی
 میرزا جهانگیرک اوغلی محمد شامه انتقال ایلش ایسده . مومی
 الیهک اهمیتتی اوله بیوب ممالکک قمم اعظمی تیمورک اک کوچک
 اوغلی میرزا شاهرخ عهدده سنه یکم مشدر . شاهرخ نوعماً اناطولی
 قطعانئک آمر و حابسی مقامنده اولوب فقط سلطان احمد
 قره یوسف و سائر تیمورک اوکندن قاچانلر یرلی یرلینه عودت
 ایلشردی حتی قره یوسف سلطان احمد غلبه و بغدادی فتح
 ایلشسه ده کندیسیده شاهرخ معلوب و حربده مقتول اولدیغندن
 برادری میرزا اسکندر تعیین ایلمشدی . بو صرده ینه

ترکن قبائلندن آل حاجی بك نامیله معروف آق قیونلو قبیله سی
 ارضروم طرفلرنده کسب استقلال ایدوب بو قبیله نك ریئسی
 بولنان و تاریخ عثمانیده اوزون حسن نامیله معروف اولان
 ابوالنصر حسن بك میرزا اسکندر غلبه ایدرک عراق و اذربایجان
 و جزیره یی حاوی بردوات عظیمه تشکیل ایلشدر . اشبو حسن
 بك فاتح سلطان محمد خان حضرتزریله بحار به ایدوب مغلوب اولقله
 بعض ممالک غریبه سی دولت عثمانیه اداره سنه یکمیش و ممالک
 شرقیه سی و فائده طقوز نفر اولادی ارمهنده تقسیم اولوب
 نهایت دولت صفویه طرفندن ضبط ایدلمشدر .

تیمورک موقیباتی اناطولیده کی طوائف ملوکی نائل استقلال
 ایلشسه ده بونلر یسه پیدرپی دولت عثمانیه اداره سنه
 یکدکری کبی تیمور اولادینک ممالک ایرانیه و شرقیه سی دخی
 بونلرک النده برخیلی بولندکن و برچوق محاربات داخله ایله
 دوچار انواع فلاکت اولدقن صکره اکثریت کلیه سی دولت
 صفویه اداره سنه یکمیش و ترکستان جهنریده اقوام ترکیه دن
 اوزبک طرفندن استیلا ایدلمشدر .

اولاد تیمور الندن بو صورتله حکومت چقدیغی صره ده
 میرانشاه بن تیمور احفادنن میرزا بابر کندیسنه بر محل سلطنت
 تمیه الیک اوزره هندستانه هجوم ایش و جدیدک ساده تخریب
 و تالان ایلدیکی دلهی و بنغال و لایاتندن بشقه قومورین برونه
 قدر عموم هندستانی ضبط ایله بردوات معظمه تشکیل ایلشدر که

بیوک مغول امپراطورلغی نامبله معروف اولان اشبو دولتک
وقوعات مهمه سی صره سی کلدیجه ذکر و بیان اولنه جقدر.

فصل رابع

اندلس تاریخی

۱

(دولت امویہ)

اندلس ولایت احوالی۔ یوسف بن عبدالرحمن الفہری۔ عبدالرحمن
واندلس دولت امویہ سنک تاسی۔ عبدالرحمنک اجراءت و صورت اداره۔
سی۔ مستعربلر۔ هشام۔ حکم۔ شارلمانک تجاوزاتی۔ آستوریہ و ناوار
فرالقلری۔ بارسلون قونتلغی۔ عبدالرحمن ثانی۔ محمد۔ مندز۔ بنی حفص
ادارہ سی۔ عبداہ۔ عبدالرحمن ثالث۔ موفقیات و اجراءتی۔ حکم۔ هشام۔
حاجب المنصور۔ داخلی قاریشقلقلر و دولتک صنعی۔ دول عیسویہ نیک
ترقیاتی۔ علی بن جود و هشام ثالث۔ دولت امویہ نیک انفراسی۔

طارق بن زیاد و موسی بن نصیر کی دھاتک غیرت و شجاعت۔
عزلی سایہ سنده ضمیمہ ممالک اسلامیہ اولان اندلس قطعہ سی
خلافت امویہ نیک اک معہور و مسکون ولایاتندن اولوب سادہ
آستوریہ طاغزلی مستثما اولہرق بتون اسپانیا شبہ جزیرہ سنی
وحتی فرانسه نیک پیرہنہ طاغزلی شمالنہ دوشن بر قسمتی محتوی
ایدی۔ فرانسه نیک اندلسہ مربوط اولان جہتی اربونہ (اناربون)

مملکتی اولوب قریشونه (قار قاصون) مقلونه (مونبیلله) وغوسه
 (ینم) بلده لری بو قسمک بلاد مشهوره سندن ایدی .
 اربونه نك جنوبنده واسپانیانك شمال غربنده سرقسطه
 (ساراغوس) قطعده سی واردیکه آراغون وناوار و قسطالونیا
 نامی ویریلان ولایاتی محتوی اولوب بلاد مشهوره سی سرقسطه
 (ساراغوس) و طرفنه (تاراغون) و طرفوشه (تورتوزا)
 و برثلونه (بارسلون) ایدی . بحر محیط غربی ساحلنده بولنان
 مرده (مریدا) یعنی استرامادور قطعده سنده لشونه (لیزبون)
 و پورتقال (اوپورتو) بلده لری واسپانیانك وسطنده کی طلیطله
 نام دیگر قشتاله (قاستیل) قطعده سنده طلیطله (تولدو) وادی
 الحجاره (غواآده لغسارا) و بلنسیه (والانسیا) شهر لری و جنوب
 بده کی قرطبه یعنی اصل اندلس دائره سنده دخی قرطبه (قوردو)
 و سبخونه (سیدونیا) واشبیلیه (سویل) مدینه لری معموریت
 و کثرت نفوس ایله تمیز ایشلردی . باله آرا اطهر لری دخی اندلس
 ولایتنه مربوط بولونیوردی .

امیر عبدالرحمن الغفکی نك پواتیده وقوع شهادت و مقلو .
 بیتندن صکره عربلرک غربی اوروپاچه فتوحاتلرینه توقف عارض
 اولمشده شارل مارتلک موفقیتی اندلسک حدودینی
 طارالتیموب ولایت ینه وسعت قدیمه سی اوزره قالش و فقط
 دولت امویه نك زمان انقراضنه طوغری اوراده دخی بر طاقم
 قاریشقلقلر ظهوریله خلقلک حضور وراحتی منسلب اولمشدی

اندلس سلیله ولایت اداره سنک احوال مملکتته واقف بر ذاته
 احاله سنی آرزو ایدیورلردی بو سببیه والیرینی کندیلری
 انتخابه قرار و بره رک اکابر و اشرافک اتفاقیه لایح ترکستان
 ابو قتیبه سلاله سندن یوسف بن عبدالرحمن القهیری بی بالانتخاب
 مأمور بئنگ تصدیقنی مقام خلافتدن استعفا التشریدی او صره
 ده عباسیلر خلافتنه یکجوب در عقب اندلس کی بر ولایت
 بعیده اداره سنه دخی دسترس اولدقنندن فعلاً یوسف اندلسک
 حاکی قالمشده ده عبدالرحمن اموینگ ظهوریه احوال تبدل
 التشر .

عباسیلر خلفای امویه سلاله سندن فرد واحد بر حیات
 قلامسی ایچون اقدام ایلدکاری حالده خلیفه هشامک حفیذلندن
 عبدالرحمن بن معاویه نصلسه اختفا و فراره موفق اولوب
 اولا عربان ایچنده و بر آره لق مصرده صاقلاندقن صکره مغربده
 زنانه نام بریر قبیله سی نزدنده اختیار اقامت التشریدی . فقط
 مشارالیه دایما عباسیلر طرفندن آراتمقده اولدیغندن ده امین
 بر مملکتته النجابه لزوم کوردی واجد ادینک فتح کرده لری
 اولان اسپانیابه عطف نظر ایدرک قرطبه شهرینه اشراف
 و اکابرک نینتی اکلامق اوزره امین بر آدمی کونوردی .
 یوسف اندلسده خیلی مدت حسن اداره دن صکره امیرالماء
 عامر بن عمروی عزل و امیر معزول دخی عصیان التسلیه یوسف
 مومی الهی سرقسطه شهرنده محاصره ایله مشغول ایکن قرطبه ده

مجمع اولان اشراف عبدالرحمنی امارتی در عهده ائلك اوزره دعوت ایلدیلر و یوسف سرقسطه بی فتح ایله عودتنده عبدالرحمنك اسپانیایه چیقوب برطاقم بلاد طرفندن مظهر اطاعت اولدیغنی استخبار ایدرك اسپاب مدافعهك استحضارینه تشبثله اوغلی عبدالرحمنی قرطبه مدافعه سنه کوندردی . فقط عبدالرحمن بن معاویه محاربات واقعه ده نائل فوز و ظفر اوله رق قرطبه بی فتح ایله هجرت نبویهك یوز اوتوز طقوزنجی سنه سنه انداس تخت امارتیه جلوسی اعلان اولنش و یوسف ایله اولادی مغلوب و مؤخرأ مقتول و طرفدارلری منهزم اولماری و خلیفه عباسی ابو جعفر المنصور امریله قیرواندن کلان اردوده پریشان ایدلمی جهتیله اشبو ایکنجی دولت امویه لایقیله تأسس ایلشدر .

عبدالرحمن حبتلی، درایتکار و فلکک کرم و سردینی کورمش تجربه لی بر ذات اولوب اوتوز ایکی سنه مدت سلطنتنده نمونه امثال اوله جق صورتده حسن اداره ایلدی . مالکده قتالر و جدولر آپدیروب انهارك مجرا لینی تطهیر و لیم انلری توسیع ایتدیردی . سواحلک کرک عباسیلره و کرک فرنکاره قارشو مدافعه سی ایچون دوئنا انشا ایتدیروب امیرالماء تعیین ایتدی . قرطبه ده حالا کره ارضه موجود الك عالی اینه دن معدود بولسان جامع کبیر مشهوری و جوارنده غربا و فقرا ایچون بر خسته خانه و تحصیل علوم عالییه ایچون بر مکتب

یابدردیغی کبی بالجمله بلاد و قصباتی دخی جوامع و مدارس و کتبخانه لایله املا و ارباب علوم و معارفدن مرکب برانجمن دانش تشکیل ایتدی و اسپانیا حدودینی لایقیله ترحین و مالکی قرطبه مستش اولقی اوزره التی بیه کولایته (سرقسطه، طلیطله، مرده، بلنسیه، مورسید، غرناطه) و هرولایتی درت لوایه تقسیم ووالیر و لوالره وزیر لر تعیین ایدرک امر اداره نک تنظیمه اهتمام کوستردی . سبیلیا و ساردنیا اطهر لری دخی ید اسلامده اولقله شرقی امپراطور لخی ایله اندلس آره سنده مدت قریبه ظرفنده روابط تجاربه حاصل و اسپانیاده صنایع و حرف دخی ترقیات فوق العاده نائل اولقله عبدالرحمنک زمان اداره سنده ممالک متبوعه سی سعادت و ثروت و رفاهک مرکزی اولیوردی . فاتحان عرب اسپانیاده کی خرسیتیان لری مساعدات عظیمه ایله تجلیل الیش لردی . عبدالرحمن جلوسنده اشراف نصاری ای جلب و عقد مجلس ایدوب افریجه و یریلان امتیازاتی یعنی خرسیتیان لری کنندی رئیس روحانی لری سر بستجه انتخاب و ینلرنده متحدت دعاوی بی کنندی کندیلرینه رؤیت انلری کبی حقوق تصدیق ایدوب عموم تبعه عیسویه نک تکالیف سنویه سنی دخی یوز بیکرمی بیک منقال التون و اون بیک لیوار کوش و اون بیک اسب و اون بیک استر و اون بیک ذره و بیک حربه و بیک قلیچ قطع ایتدی . بو تدبیرک ایسه مضرات عدیده سی واردی اقوام مغلوبه نک ملت حاکمه ایله امتزاج و اتحادینه ازهرجهت

غیرت مرتب و جیبہ سیاستدر اسپانیولار ایسہ بولک بر اتحاد استعدادی کورستروب حتی آز وقتده لسان ملیترینی اونودهرقی عرب لسانی قبول ایشلر و مؤخرأ انجیل شریفی عربی به ترجمه بیلہ ایشلردی . بونلرک دینجه سربستلککرینه طوقونلماقله برابر اداره داخلهجه امتیازلرینی آزالتمی ودولت ایچنده دولت چیقارمقدن احترام اولتمی لازمدی . یوقسه اسلام محکمه سنه کیتیمان وامیرک آدمه طوغریدن طوغری به ویرکو بیلہ ویرمیان برعیسوی دولت اسلامیه به درجه مربوطی تقدیر ایدمزدی هله ویرکو نامنه . لاج التمی تبعه عیسویه به . لاج عصیان ویرمک کی برخطای عظیم ایدی .

عبدالرحمنک وفاتنده ولی عهد تعیین ایلدیکی کوچک اوغلی هشام (۱۷۲ - ۱۸۰) مقام امارته کچوب پذیر کی حسن اداره ایله شهرت بولدی فقط اوائل جلوسی غوائلدن خالی اولیوب عبدالله و سلیمانک قیاملری محاربه داخله به سبب و بونلرک مغلوبیتلرندن صکره نائل عفو اولملری ایلروده عصمت ایچون فنار درس تشویق اولمشدی . هشام آستوریه طاغری ایچلرینه چکلش اولان اسپانیولر اوزرینه براردو کوندرمشدهده آستوریه قرالی برموددو بواردوبی شنجون ایدرک مغلوب ایلدی . یوکا مقابل پیره نه طاغرینه کیدن اردوسی وقتله فراتی قرالی پینک ضبط ایلدیکی اربونه ولایتی و قرقشونه و جرنده (ژرون)

واریونہ شہر لرینی استرداد ایدرک اموال غنائم و فیرہ ایله عودت
ایلمشدی .

هشامک اوغلی و خلقی حکم زمانده دولت امویہ پک بیوک
غوازل ایچنده قالدی حکمک عمو جملری سلیمان و عبدالله بنه عصیان
چیقار دقلری کبی شارلمانده ناوار و پیره نه جهتندن تجاوزاته
باشلادیغندن حکم ایکی دشمن آره سنده قلوب فقط سلیمان محاربه ده
ترک حیات ایتدی و عبدالله ده مغلوب و بنه معفو اوله رق عصیانه
نهایت ویریلوب فرانقره قارشوده مهما امکن مدافعه اولندیغندن
حکمی المظفر نامی ایله تلقیب ایلدی لر . بو غوائلده آستوریه
دولت عیسویه می تقویت بولدیغی کبی پیره نه طاغری قسم
وسطیسنده ناوار نامیله کوچک برخرستیان قرالغی دخی تشکل
ایتدی . شارلمان اریونہ ولایتی و برشلونه شهرینه قدر شمال
ساحلنی ضبط ایدوب اوراده اسپانیا مارق غرافلغنی تشکیل
ایدرک بوندنده مؤخرأ ساحلده بارسلونه قونتلغی حاصل اولدی .
حکم اوخر سلطنتنده طریق ظلم و تعدییه صاپوب خلقی
دلکیرایش و حتی بر دفعه قرطبه اهلینک شهره کیرن ارزاق
اوزرینه موضوع براج رسمی ادادن مخالفتلری اوزرینه بر
چوقلرینی قتل و اعدام و بیکلرجه نفوسی اندلس خارجه طرد
واجلا ایتشدی . بونلردن بیکرمی بیک قدری اقدجه کورلیدیکی
اوزره ابو حفص اداره سنده مصره کیدوب اسکندریه بی ضبط

وبعدہ مأمون ایلہ عقد مقاولہ ایدرک کرید جزیره سنی روملردن
استیلا وقتدیہ (خندق) شهربنی مقراداره ایلشردر .
حکم مادنا علت جنونہ مبتلا اولوب وفاتسده اوغلی
عبدالرحمن ثانی مقام سلطنتہ یکدی . عبدالرحمن ثانی غایت
غیور و ذکی بر ذات اولوب پدرینک عمیسی عاصی غیور
عبداللهک برچوق بربریلر معاونیلہ چیقاردیغی اختلالی اطفا
ومغلوبینده عفو وصفح ایلہ معامله ایلدی . بوندنصکره اسپانیاده کی
فرانقلره بحاربه یه تشبثله فرائق امپراطوری صالح لوئی بدندن
طرطوشه وبرشلونہ قلعه لرینی استرداد و دشمنی پیرنه جبانه
قدر تعقیب ایلدی . فقط دول عیسویه تشویقیله اسپانیاده کی
مستعربلرک جله بالاتفاق عصیانلری طقوز سنه قدر
دوام ایلش وسواحلده نورمانلرک تجاوزی عبدالرحمنی فرانسه یه
هجومدن منع ایدوب نهایت بوغوائلک جله سی برطرف ایدلشدی .
عبدالرحمن مدت عمرنجه ارباب علوم و معارفی جابه دن کری
طور میوب ائماللک هر جهتده پوسته احدائی کبی تدابیر نافعہ یه ده
موفق اولدی .

عبدالرحمنک بین الدول حیثیت و اعتباری چوق زیادہ
اولوب کندیسنه شرق امپراطوری بخائل طرفندن هدایای
وفیره ایلہ سفرا کلش و معنصم بالله عباسی علیهنه اتفاق تکلیف
ایدلش ایکن اسلام علیهنه کسه ایلہ اتفاق ایدہ میه جکنی سوبلیه .
رک ابراز حیت ایلشدر . شارلمانی امویہ علیهنه تحریص ایدن

هارون الرشید ایله عبدالرحمنک بدترنده کی فرق بوندن آشکار
اولور.

عبدالرحمنک خلفی محمد وانک خلفی منذر و خلفی عبدالله
زمانلرنده کوناکون غوائل تحدث ایدرک دولت امویه عادتنا
انقراض درجه سنه کلمشدی. اهالی مستعربه بنه عصیان ایدوب
آستوریه ویا اوویه دو قرالی اوچنجی بیوک آفونس ناوارقرالی
خارسیه ایله اتفاق و اتفاق تقویه ایچون خارسیه نک قیزینی اوغلنه
تزووج ایدرک عصمته معاونه قالمشدی عصمت طلبطله و سرقسطه
قلعه لرینی ضبط و لشبونه بی محاصره ایدوب امویه سردار لرندن
عمر بن حفص نامنده کی برخائن بی دینده انلره التحاق و نورمان
قورصانلریده بر طرفدن یغما کر لکه ابدار ایلر یله احوال فناشدی.
محمد عصمتی تنکیله موفق اولدیسه ده وفاتنده عمر بن حفصک
اوغلی غالب تکرار طلبطله بی ضبط ایلش و منذرک تمام حرب
ایچنده وقوع شهادتی ایله ایشلر یوزی اوستنه قالمشدی

عبدالله بن محمدک جلو سنده ایسه غالب غائله سی کسب شدت
ایدوب مرکزی طلبطله اولتی اوزره بنی حفص حکومتی
قطعياً تشکل ایلدیکی کی عبداللهک قائم و اوزبک نام ایکی
برادری وحی قرطبه ده وکیل براقدیغی اوغلی محمد بیله عصیان
ویرچوق وایلردنخی دعوی استقلاله قیام ایلشردی.

عبداللهک غیرت و اقدامی ایله برادر لری مغلوب ایلش
اوغلی محمدک وفاتیله قرطبه غائله سی بتش و غوائل داخلیه دن

طولایین محاربات خارجیہ جائز اولہ میہ جغندن اوویہ دو وناوار
 حکومتربلہ عقد صلح ایدلشدر فقط عوام ناس اسباب سیاستک
 تقدیرندہ عاجز اولغله امیرک خرسدبانرله صلح اوزره بولنمسی
 وباخصوص اوصرہده آستوریہ بہ تجاوز نیتندہ بولنان غالب بن
 حفصک اجرای املنہ مانعتی موجب قیل وقال اولوب محمدک
 وفاتی دخی بعض غرضکاران طرفلرندن پدرینہ عزوایدیلہرک
 مرحومہ محمد المقنول نامی ویرلمشدی . بوجہلہ عبداللہ همان
 راحت یوزی کورمکسزین اوچیوز سنہ ہجریہ سندنہ وفات
 ایلدی مشارالیہ زمان حیاتندہ اوغلی عبدالرحمنی ولی عہدتعین
 ایششدهده مومی الیہ شجیع و فقط شدید البطش بردات اولغله
 شدتی امراجہ موجب احتراز اولوب مقام امارتہ درایت
 وکفایتی عموجمہ مسلم بولنان عبدالرحمن ثالث بن محمد المقنول
 پکیرلمشدر .

عبدالرحمن ثالث دوری انداس دولت امویہ سنک الپارلاق
 زمانیدر مشارالیہ الی سنہ مدت کمال درایت الیہ سلطنت
 وتبعہ وزیر دستانتک مسعودینتہ صرف مقدرت ایشدر و بحق
 الیپوک حکمدارلر دن عداولنور . عبدالرحمنک حصائل جبیلہ می
 ذاتاً هرکسک قلوبنی کندیسنہ جلب ایش اولدیغندن جلوسیلہ
 عبداللہک وفاتندن تحصیل کدر تخفیف ایش و ذاتاً اوصرہده
 دولت عباسیہ نک اہمیتی قالدیغندن ایلک دفعہ اولہرق کندیسنہ
 امیر المؤمنین نامی ویرلمشدر .

سلطنتدن محروم قالان عبدالرحمن المظفر ایسہ عبدالرحمن
ثالثہ چلہ دن اول اطاعت ابدرك وفاتنه قدر امیر المؤمنینك الك
برنجی والك صادق امیری اولمشدر .

عبدالرحمن جلموسیلہ برابر قرق سنہ بی متجاوز مدندر
طلیطلہ ده کو کلتمش اولان بنی حفص دولتی قالدیرمغه تشبث
ایدوب مالک اندلسك همان كافة نصف شمالیسنه مالک اولان
غالب بن حفص ابله بحاربه و مرقومی عبدالرحمن المظفرک
معاونتیلہ مغلوب ایتش وغالبك وفاتندن صکره اوغلی جعفرده
ناوار قرالی سانشو غارسیه نك یاردمیلہ عصبان چیقاردیغی حالده
مغلوب و مقتول اولمغله طلیطله فتح و بنی حفص حکومتك
وجودی اذاله قلمشدر . محمد و منذر و عبدالله دورلرنده کی
غوائلدن بالاستفاده آستوریه دولتی توسع و پایتخت جدیدی
اولان لئون شهرینك نامیلہ تومس ابدرك عادتا مریده ولایتنه
قدر ممتد اولدیغندن عبدالرحمن لئون قرالی را میر ابله مدت مدیده
بحاربه و بونلرك الك مستحکم شهرلی اولان سموره قلعه منینه سنی
محاصره و ضبط ابدرك خرسقیانلری حدود معقولیه ادخال
واجدادندن موروث مالکی ثفور اصلیه سی وجهله استیصال
ایلدی . بوموقیاتی ابله شهرتی افاقه منتشر اولان عبدالرحمن
اوروپا دولتلرندن و شرقی امپراطورندن هدایا و سفرا اخذ و قبول
ابدرك زیاده سیله مرعی الخاطر اولمش و فاسده کی دولت
ادریسید بی برطاقم عاوی مغلبه لندن و صکره فاطمی تجاوز اتندن

حکم

قورتاره رق مغرب اقصی دخی تخت حایه سنه کیر مشدی حتی
 خلیفه فاطمی معزالدین الله ایله دخی محاربه ایدوب تونس
 تضییق ایلدیه سه ده لئون قرالغیله محارباتی فاطمیلرله اوغراشمسه
 مانع اولدی .

عبدالرحن غایت مدبر و عالیجناب بر ذات اولوب لئون
 قرالغندن مطرود سانشوی پایتختنده محافظه و حایه و مومی الیهک
 دوچار اولدیغی علت استسقای طیب مخصوص واسطه سیله
 مداوات ایتیره رک حکومتک اعاده سنه دخی معاونت ایش
 و سانشوده بوکا متشکراً و فاتسه قدر عبدالرحنه صداقتدن
 انحراف ایلامشدر . اشبو سانشونک اولجه باعث نکبتی اولان
 فرمان غوزالس نام شخص دساس ایسه ینه قرال زنده پایدار
 اوله رق انواع شیطنت ایله لئونه مضاف قشتاله یعنی فاستیلیه
 ولایتی آلوب مستقل بر قوتلق تأسیس ایشدر .

عبدالرحن غایت عادل و محب علوم و معارف و حامی حرف
 و صنایع اولغله برابر سیاستده شدتی و انضباط مملکته دقتی زیاده
 ایدی عصاتی تأدیدن چکمزدی حتی کوچک اوغلی حکمی
 ولی عهد ایتدیکی زمان بیوک اوغلی عبدالله بوکا روی مخالفت
 کوستر دیکندن سرکش اوغلی حکمک دخی رجاسنه باقیه رق
 حبس و اعدام ایتیردی .

حکمک اون بش سنه دوام ایدن دور سلطنتی عبدالرحن
 دورینک دوامی دیمک اولوب انداس قطعه می منتهای عمران

و ترقی به پو دورده واصل اولمش، هر طرف بردار المعارف حالی بولمش، نسواندن بیله نیجه ادبیه و خطبیه و شاعره و موسیقی و سائر فنون نفیسه و ادبیه مدرسه لری یتشمش اندلس در مخانه لرینه کلان طالبان علم و معرفتک مقداری خدمعرو فی آتمش و مملکتک اخراجات تجاریه سی جالب دقت بردرجه به وارمشدی. حکمه محاربه به کسه نك جرأنی اولیوب صلح و آسایش حکمفرما ايسه ده خلیفه نك جهادله مکلف اولدیغی بیایله بین الناس کفت و کو چوغالدیغندن حکم لئون دولتیه محاربه و بعض مواقع مهمه نك ضبطندن صکره کمال شرف ایله عقد مصالحه ایلدی. مع مافیه بو منتهای عظمت و اقبال ابتدای ادبار و اضمحلال اولوب خلقت سکون و سکونته میلی آرتارق اسیکی شجاعت و عصیبتی دخی آزالمش، سرخوشلق کبی فساد اخلاق هر کسه نك طهر لرنده بر ایتش و اخلاق عمومیه به کوشکک کله رک بو استعداد تدنی حکمک خلنی هشامک ابتدای سلطنتنده میدانه چیقماشسه ده اندنصکره لایقيله مشهود اولمشدر. هشام اون اوج باشنده جلوس ایوب آلمش باشنه کلنجیه قدر چوجقلقدن قورتيله مامش و لذاند نفسانیه سنه مغلوباً عمر یکیر مشدر فقط نایباً حکومت اعلان ایدیلان والده سی صبیحه نك درایت و اقداری و مشار الیهانک حاجبک یعنی وزیر اعظمک مقامنه چیقاردیغی محمد عبدالله ابن ابی عامر المنصور نام ذات حیتسماتک شجاعت و غیرتی هشام دورینک بر قسمی اندلسک اک پارلاق دور لرندن ایتمشدر. حاجب منصور

اسپانیاده دول عیسویه اثرینی براقیدرق باجمله ممالکی استیلا
 آرزوسنده اولغله تدارکات کلیه اجراسیله محاربه به باشلامش
 وقتشاله قطعدهنی وائون شهرینی فتح ایدرک آستوریه قرالغی
 قدیمی وجهله ساده آستوریه جبالنه منحصر قالمشدر. حاجب
 منصور چله سنی بالذات اداره ایلک اوزره الی قدر
 سفرده بولتمش وهیسنده مظفر اولمشدر بر دفعه سننده اردو.
 سی قوای منجده صلیبیه قارشو مغلوب اولدیغی حالده
 فراریلرک طریق رجعتلرنده بویلی بویجه یسارق سردار لرینی
 چکنیوب یکمک ویاخود میدان حربه دونمکدن بشقه چاره
 اولدیغنی بافعل کوسبتروب بنه میدان معرکه به عودت ایدن
 مجاهدین اسلامیه ایله غلبه کامله به نائل اولمشدر. مغربده کی
 دولت ادریسیه عبدالرحمن ثالث زماندنبری اندلس اداره سننده
 اولوب حاجب منصور اوراده اداره امویه به قارشو وقوع
 بولان قیامی تکیله کیدوب مغرب اقصی بی اندلسلی والیرله
 اداره ایتکه باشلامشده بوزمانده آستوریه وناوار وکاستیلیه
 حکومتلری بنه باش کوستردکلرندن منصور عودتده بنه بونرله
 محاربانه کیرشمش فقط محاربه لرک برنده وقوع شهادتی تشبث
 ایلدیکی امر اهم فحی ناتمام براقشدر. اندلسده رأس اداره به
 یکنلرده حاجب منصور قدر منافع اسلامیه به موافق مسلت
 اتخاذ ایدن کورلماشدر اگر مشارالیه اجرای امله موفق

اواسه ابدی انداس تاریخک بر طرز آخر کسب ایدہ جکی
بیدار ابدی .

ہشام دائماً حال طفولیتہ و عالم سفاہت و عشرتہ اولوب
منصورک و فتنسہ مقام حجابت اوغلی عبدالملکک وانک جزئی
مدت صکرہ و فتنسہ دیگر اوغلی عبدالرحنہ توجیہ ایدلمش
و صبحہ نک و فاتیله امور دولت خیلی مختل اولمشدر . عبدالرحن
بدطینت بر شخص اولوب بر آزلق ہشامہ کندیسنی ولی عهد
اعلان ایتدیرمی ہر کسک کوجنہ کتمش و عبدالرحن ثالثک
حفیدلرندن محمد بن عبدالجبار خروج ایدرک کندیننی منصب
حجابتہ نصب ایتدیرمشدر .

بو تغلبات ایله تاریخده امثالی نادر کوریلور بر دور فترت
آچلدی محمد بن عبدالجبار ہشامی بر زندانہ القاو و فاتی اعلان
ایدرک اعلان سلطنت ایدوب تأیید حکومت ایچون معاملات
ترہیبیہ قیام ایلدیکندن دلگیر اولان عسکر طاقی عبدالرحن
ثالثک دیگر حفیدی رشید بن سلیمان ادارہ سنندہ اولہرق عصیان
ورشدیک محمد طرفدن اسارت و اتلافی اوزرینہ برادرزادہ سی
سلیمان بن حکمک حکومتنی اعلان ایلدی . سلیمان بر طرفدن
بر بریلدن عسکر آلہرق و دیگر طرفدن قشتالہ قرالیله عقد انفاق
ایدرک کلی عسکر معاونتیلہ قرطبہ یہ داخل اولدی فقط محمدہ
قاستیلیہ قرالنه و بارسلونہ قوننہ مراجعت ایدرک بعض قلاع
ترکی مقابلندہ نائل معاونت اولوب قرطبہ یہ هجوم ایلدیکی

صرده هشام محبسندن خروج ايلككه سلطنتى اعاده و محمد بن عبد الجبار دخی هشامك امريله اعدام ايديله رك وجود مضرت آلودى اذاله ايدلدى . فقط سليمان ترك سلاح ايليوب محمدك اوغلى عبدالله ايله متفقاً عصبانده دوام ايلديكندن ينه محاربه نهايت بوله مدى .

سليمان التى قلعه نك تسليمى مقابلنده قوه امداديه آلىق ايچون قاسمليه قوننه مراجعت ايلش وهشام دخی قاسمليه دن استعانه ايتديكندن قرال سليمانك تكليفنى درميان ايله اون ابكى قلعه و بريلور ايسه هشامه معاونت ايدجكنى سويلشدى . ضرورت الجاسيله بوتكليف قبول اولنه رق قاسمليه عسكرك معاونتى وهشامك حاجى اسقلاوون دوئمهلرندن واضع العامرى نك غيرت وهمتيله عبدالله مغلوب ومقتول وسليمان فراره مجبور اولدى فقط خلق خليفه نك اعداى دين و دولت ايله اتفاقندن وقاسمليه ليلرك اهل اسلامه ابراث ايلدكارى مضرت لائحصى دن بيزار اوله رق كفت وكوبه باشلايوب قرطبه ده ظهور ايدن بروباده كفارله اتفاقك من طرف الله جزامى اولقى اوزره تلقى ايدلمش وحاجب واضع العامرى نك هشام طرفندن قنيله يرينه ينه اسقلاوون دوئمهلرندن بولسان و فقط او قدر كار آزما اوليان حيران العامرى نك تعيينى اميرك نفوذينه خيلى خلل كتير مشدى . بوجهته سيمان بربرلردن برجم غفير ايله كلوب قرطبه ينى استيلا و دفعه ثابته اوله رق تغلب

ایده بیلش و وقوع بولان قتل عظیمه اره سنده هشامکده نه اولدیغی معلوم اوله مامشدر .

بوقاریشقلقلر دولت اسلامیه بی زیاده سیله دوچار ضعف ایلمدیکی حالده دول عیسویه و خصوصیه قشتاله حکومتی دائماً فرق اسلامیه دن گاه برینه و گاه دیکرینه و بعضاً ایکیسنه بردن و عدمعاونت ایدرک و هر بردن متصل قلاع و اراضی آلارق کسب توسع ایدیورلردی . حالبوکه سلیمان دولتک بسبتون اضمحلالنی موجب اوله جتی برحرکنده بولوب بالجمله ولاتی تبدیل ایله ولایتلری اکثری بربری امراسندن اولمق اوزره معیتی آدملرینه مالکانه اوله رقی یعنی قنودالیتده اصولنه مماثل برطرزده توجیه ایتدی و بونلری ساده کندیسنه قارشو صداقت بیینی ایله مکلف قیلدی بو صورتله انداس فعلاً طوائف ملوک النده قالوب بردها لایقیله منحد اوله مدی .

هشامک حاجبی حیران هنوز افندیسی برحیات بیلدیکندن طنجهده و الی بولنان علی بن جودی سلیمانک ازاله تغلبی ایچون دعوت ایملکه علی عساکر و فیره ایله اندلسه پکوب قرطبه بی ضبط و سلیمان واقرباسنی اعدام ایتدیردیسده ده هشامک اثری بولنه مدیغندن علی بن جود درتیوز تاریخنده مکتفی بالله نامیله اعلان سلطنت ایتدی فقط حاجب حیران ایله حسن امتزاج ایده مدیکندن خیرانک تشویقیله عبدالرحمن ثالثک حفیدزاده سی عبدالرحمن بن محمد المرتضی به جهن شهرنده بیعت اولندی .

و علی بن جودک دشمنلری طرفندن شهر مذکورده برجامده ایکن

مخوقاً اتلافی اوزرینه عسکری برادری قاسم بن حودک
حکومتی اعلان ایلدکارندن ینه محاربه داخلیه تحذات ایدوب
بو ایکی نامزد سلطنتک دخی محاربات واقعه ده وقوع و فائزلیله
اعیان و اکارک اتفایله محمد بن عبدالجبارک برادری عبدالرحمن
خامس مقام سلطنته اصعاد ایدلدی و انک عساکرک شردن
اهالی بی صیانت بوللو تدابیری طوائف عسکریه نک ایشلمرینه
کلامکله فرق بدی کون مرورنده اعدام و برینه کلان عیسی محمد
بن عبدالرحمن مکتفی بالله دخی اون بدی آیده بر طرف ایدیلوب برمدت
یحیی بن علی بن حود تغلب ایلدکدن صکره محمد بن عبدالجبارک
اوغلی هشام ثانی تخت سلطنته بالاتفاق اجلاس ایدلدی .

هشامک جلوسنده والی و قاندر کاملاً داعیه استقلال ایله
مرکز حکومت سوزینی دیکله مز اولمشردی اسباب معیشت اهالی یه
خلل کلامکله ایشلمز کوچمز اولان عوام ناس هر درلو فناغه
استعداد کسب ایشلمز عسکرده اطاعت و هیچ برمزیت و حیت
قالماش و شمالدنده دول عیسویه بالاتفاق تجاوزاته باشلامش
ایدی . هشام بویه بر قارغشده اقی زمانده قرطبه ده او طور مق
امین اوله میده جغنی دوشونهرک طوغریجه حدوده کیدوب اوج
سنه قدر سرحدده جهاد ایله اوغراشدیسده نهایت پانخته
عودت ایجاب حال کورنمشدی و الیر و حتی لوارده کی وزیرلر
و بعض شهرلرده کی قاندر بیه دعوائی استقلالده اولوب بو حال
تفرقه ایله اداره ملک قابل اوله میده جغندن هشام ولاته نصیح

و پند ایله بو اطاعت سز لکریک نتایج و خیمه سنی و نهایت دیار
اندلسک معاذ الله یداسلامدن چیمسینه بادی اوله جقلرینی
سویلدیکی حالده ینه اصغایتمد کلرندن بونلری قوت استعمالیله
دائرة اطاعته ادجال املنه دوشمشدی فقط حکومتده قوت
و قدرت و عسکرده انتظام و اطاعت قلاماش اولدیغندن دکل
والیر عادتا وزیر و قائم لکریک بیله شویله جه تأدیبری قابل اوله میوب
هشامک ولاتی طریق حقه دعوت یولو صوک بر بیانامه سی
دخی خندا استیزادن بشقه مقابله کوره مدیکندن و قرطبه لیلر ده
خلیفه بنی تکاسله بالانتهام عصیانہ قالقش دقلرندن هشام ناچار
عرض استغایه مجبور اولدی و دولت امویہ ایکی یوز سکسان
درت سنه دوامدن صکره منخطی اوله رق اندلسک اداره سی
برطاقم طوائف ملوک المرندہ قالدی.

Handwritten notes and scribbles at the bottom of the page, including some illegible text and a large flourish.

طوائف ملوک و مرابطین

طوائف ملوک احوالی. قرطبه حکومتی. جوهر بن محمد. محاربات داخلیه. دول عبسویه احوالی. بیوک سانشو. فاستبلیه و آراغون قرالقرلی. انتجی آلفونس. طلبطله نیک ضبطی. پورتکین قونتلغی. اسلامک احوال مشکله سی. مرابطینک صورت ظهوری. یوسف تاشیفین. مرابطینک اسپاتیابه ورودی. زلاقه محاربه سی. مرابطینک صورت حرکتلری و اندلس استیلای سی. علی بن یوسف. لوسید. اوقلس محاربه سی. سرقسطه نیک ضبطی. مرابطین دولتنک انحطاطی.

هشام ثالث استغفاسنده اندلس قطعده سی مرکز حکومت مستئنا اوله رقی اون قدر امارت مستقله یه بولنش اولوب یونلردن هر برینک امیرینک خطبه ده نامی اوقونور و عساکر موظفده سی و مسکوکات مخصوصده سی بولنوردی حتی بو امارت لر داخلنده برطاقم لوار و قصبانده بیله وزیر و قائلو همان کسب استقلال ایدوب ساده امیره ارائه صداقت وظیفه سی ایله مربوط و تخت حایه سنده مستظل اولورلردی. اشبو امارات مستقله دن اک مهم اولانلری سرقسطه شهرینی مرکز ایدینان بنی هود و طلبطله بنی مرکز ایدینان بنی ذی النون و بلنسیه و لایتنده بولنان بنی عامر و اشبیلیه ده بنی عباد و مریده ده بنی الافطس و جزیره الخضری ده بنی جود امارتلی ایدی. دولت امویه نیک

طوائف ملوک و مرابطين

زمان انقراضنده وقوع بولان محاربات مدیده داخلیده اندلسه
برچوق بربری کلوب بونلر ایسه شدیدالاخلاق آدملر اوله رقی
اهالی به زیاده اذا وجفا ایلش لر و طوائف ملوکدن برطاقی
بربریلدن اولوب بونزله عرب امارتلی آره سنده کی رقابتلر
اندلس قطعه سنک آسایشنی بالکلیه منسلب ایشدر .

هشام ترك سلطنت ایلد کد نصرکه قرطبه اعیان و اشرافی
طوپلانارق اولجه مقام حجابده بولنه رقی اثبات درایت ایلش
اولان جوهر بن محمد نام ذاتی حکمدار انتخاب ایلش لردی .
جوهر غایت خلوق و حمیتلی بر ذات اولوب مقام سلطنته
چقمغله برابر اداره دولتی تنظیمه و خلقک حضور و آسایشنی
تأمینه صرف مقدرت ایدرک نیجه سنه لک محاربات خونریزانه نك
آچریغی باره لری نعمیره موفق اولمش وزماننده صنایع و تجارت
ینه باش کوستره نك بر دور معموریت ده اچلمشدر . جوهر
اشراف طرفدن دائماً مخالفت کورمامک ایچون قرطبه اعیانندن
مرکب و کندی ریاستنده بر مجلس کبیر تشکیل ایدرک بالجمله
امور دولتی او مجلسک قرارینه بر ایشدر . اندلس ده بقای اسلام
ایچون اتحاددن بشقه چاره اولدیغندن جوهر طوائف ملوکه
مؤار مکتوبلر یازه رقی جله سنی قرطبه حکومت مرکزی سینه
اطاعتده دعوت و اتفاق و اتحاد تشویق ایلش سده بوبابده کی
مساعیسی جنون استقلال ایله عقل و شعوردن محروم قالان
متغلبه نك عناد و اصرارینه قارشو حکم سر قالمش و اوغلی محمد

بو مدعیان دن و از پکدرک انک زماننده قرطبه امارتیده سائر
طو اذت ملوکه قاتلشد.

اشبو طو اذت ملوکه آره سنده اک قوتایی اشبیلیه ده
بولسان بنی عباد امارتی اولوب محمد معتمد بن عباد ملک محمد
بن جوهر ایله اتفاق اوزره اولدیغی حالده بر آراق حیلله ایله
قرطبه بلده سنی ضبط و ملحقایله برار کندی اداره سینه ادخال
ایلدیکی کبی یواش یواش عموم مالکک استیلا سینه نشبث یلش
و بو مقصدک اجرایی اوغرنده آچدیغی محاربه لر انداس هیئت
اسلامیه سنی عادتاً انقراض کلی درجه سینه کتیر مشدر.

اسپانیاده کی دول عیسویه ایسه کوندن کونه کسب اهمیت
ایدبورلردی. میلادک یک تاریخنده ناوار قرالی اولان بیوک
سانشو اسلامدن برطاق محلله فتح ایلدیکی کبی همشیره سنی قاستیلیه
قونده زیمج ایدرک قونک و فائنده ممالکنی ناواره الحاق ایلش
و برار صکره قاستیلیه سنی قرالیق عنوانیله کندی اوغلی و لئون
قرالی رموددونک وارث و دامادی فردینانده و برمشدی. ناوارک
شرق سنده کی آراغون قونتلغنی دخی قرالیق نامیله دیکر اوغلی
رامیره توجیه ایدوب بارسلونه قونتلغنی دخی نخت اداره سینه
آغله قدرت عظیمه صاحبی اولمش و وفائنده آراغون و ناوار
و قاستیلیه قرالقرلی آیرلدیغی کبی برموددونک و فائنده نصکرده لئون
و قاستیلیه قرالقرلی برنجی فردینانک اداره سنده اجتماع ایلشدی
(ه ش ۴۱۵) .

بوفردیناند و قائده ممالکنی اوغلاری آره سنده بولمش سنده
 لئون ایله قاسمیلیه نك اتحادی التجی آفونس طرفندن ینه اعاده
 ایدلدی (۴۴۱) . آفونس غایت دساس و حیل کار بر آدم
 اولوب او وقت طوائف ملوک احوالیده خرسیتیانلره زمان
 فرصت اولدیغندن اسلامدن توسیع ممالکه قیام ایش و تجارت
 داخله اسلامه صور مختلفه ایله مداخله ایدرک نفوذ عظیمه
 قزاقب طلیطله امارتی ایله دخی متفق بولمشدی . او وقت
 اوروپاده پاپا یدنجی غره غوارک زمان تسلطنی و اهل صلیبه
 نتیجه و یرن غلبیان تعصبک موسم شدتی اولغله آفونس شدتله
 اسلام علیهنده محاربه ید بردوام اولوب پاپانک اصراری سایه سنده
 و کندیسنک ملاحظات سیاسیده دن متولد ممانعت ابتدایه سنه رغماً
 اسپانیا خرسیتیانلری بیننده غوت اصول عبادت و ادعیه سنک
 ترکیله قاتولیک و روما اصولنک قبولی دخی اسپانیا خرسیتیانلریله
 اوروپالیلر بیننده بسبتون قان قایناشمسی موجب اولدیغندن
 اسلامه محاربه ایچون اوروپادن برچوق سرسریلر معاونه
 کلکه باشلامشدی .

التجی آفونس توسیع ممالکه چالشدیغی صهرده محمد بن
 عباد دخی قدیم دولت امویه ممالکنی کندی تحت اداره سنده
 طویلامق ایچون اقدام الملکده وحد ذاتنده موافق نفس الامر
 اولان بومقصد اتحادی وجوده کتیر مک ایچون امارات اسلامیه بی
 انواع حیل و دسایس ایله بربرینه قاتمقده ایدی . التجی الفونس

وقتیله سلطنتدن مهاجور و مملکتندن مطرود اولدیغی حالده طلیطله امیری یحیی المیمونک نزدینه التجا ایدرک انک معاونتیه نائل حکومت اولمشدی . طلیطله امیری ایسه محمد بن عبادک انک بیوک معارضی اولوب طبیعی آفونس ولی نعمتیه متفق اولدیغی حالده ال التندن محمد ایلهده مختاره ایدرک کنسدی اسمک صحائف انسانیتدن کلیاً طی ایدلمسینی ایجاب ایتدیره جک برلمعتده بولمشدر شوبله که ظاهراً اشبیلیه لیره قارشو معاونت ادعا ییله طلیطله یه قدر کلوب بردنبره اظهار خصومت ایدرک شهری محاصره ایلش و محمد بن عبادک اخطارات و تهدیداته حواله سمع ایلدیرک محاصره یی تشدید ایدوب نهایت درون شهرده قحط و قوعندن تسلیمه مجبوریت حاصل اولمغله طلیطله یی ضبط و پانخت اتخاذ ایلشدر .

طلیطله نک ضبطی قاسمیلیه و لئون قرالغی ایچون بیوک برترقی اولوب دولت اسکیمسک همان برمثلی دها بیویه رک تازه نهری کی کوزل برخط حدوده مالک اولمشدر .

فرانسه دن پک چوق آدملر اسلامه قارشو حرب نیتیه آلفونسک معیتده کلشردی . بونلر میاننده فرانسه قرالی برنجی زورک طورونلرندن هازی دو بورغونبی اسمنده بردلیقانیلی دخی بولنوب مومی الیه طلیطله نک ضبطنده حسن خدمت کوسترمش و مؤخرأ پورتوقاله لیماننی دخی ضبط ایتمشدی . قرال آفونس مکافاناً هازینک اسلامدن الدیغی برلری پورتکیر قوتلغی نامیله

کنديسنه تملیک ایدوب بو قوتلق پیدر پی عموم غربی اسپانیایی
الهرق پورتکیز قرالغنی تشکیل ایلدی (۴۶۸) .

طلیطله نك ضبطی آلفونسك سوزنده و دوستلغنده درجه
ثباتی و نیات و آمالنی کوستردیکی کبی اهل اسلامك و خامت
عاقبتنی و محمد بن عبادك سیاست حریرصانه بی سیتانی لایقیله
میدانه قومشدی .

بو احوال متأسفه اهل اسلامی تلاشه دوشوروب قالان
ملوك محاربه دن فراغت و محمد بن عبادده حرکت واقعه سندن
طولایی اظهار ندامت ایدرک اتفاق ايله وقایه استقلال اسپانیایی
دوشونمکه باشلامشردی حتی محمد بن عبادك حاجبی اولوب
محضاً بنی ذی المیون امارتنی مغلوب ایلک ایچون بارسلمونه
قوتلغی و قشقاله قرالغنی ايله عقد اتفاق ایلش و نیجه حصون
و قلاعك خرسیتیانلره یکمسنه سبب اولش اولان ابن عمر غلیان
حجبت ايله سیاست قتل اولندی ایسه ده ایش ایشدن یکمش
اولوب اهالی اسلامیه اوزرینه قول قول بورومکده اولان
اسپانیول اردولرینه مقاومت و غلبه احتمالی کوربله مدیکندن
ناچار آفریقاده هنوز تأسس ایلش بولنان مرابطين دولتنه
مراجعه قرار ویرلدی هر نقدر بعض دوراندیشلر مرابطينك
اندلس استقلالنی محو ایده جکارینی و دشت و بادیه دن کلان بربر
حشراتك وادی الکبیر وادیلرندن چیهتی ایستیه جکارینی
درمیان ايله بورابه مخالف بولندیلر سده یاقشقاله تحکمه

رضاداده اولمق ویا مراپطینک تسلطنه بیون اکمک شقردن برینی
ترجیح ایجاب ایملکه اهون شرین بالانتخاب اشیلیه امیری محمد
طرفندن مراپطین پادشاهی یوسف تاشفینه نصرت اسلامه کلمسی
مسترحم نامه مخصوص ارسال ایدلدی.

صحرا و سودان جهتلریله بربر ممالکنده بولنان قبائلدن
ملثمون نام قبیله غایت جسم وکثیر النفوس اولوب شعوبندن
اکثریسی هنوز مذهب مجوسده بولندیغندن بو قبیله دن لمتونه
نام عشرتک مسلمان بولنان ریسی سائر افراد قبائلی دین اسلامه
دعوت اینک اوزره علمادن عبدالله بن یاسین نام ذاتی دعوت
المش وریس مرقومک وفاتندن صکره عبدالله مجوسلر طرفندن
طرد ایدملکه بعض توابعیله بر محمله اختفا وازوا اینلشدی.

عبداللهک فضل وکالی برطاقم آدملری اطرافنه طوپلادی.
مومی الیه طرفدارانی بیک نفری بولدقن صکره قبیله ملثمون
افرادى ایله جهاده باشلایه رق جله سنی دین مبین اسلامی قبوله
اجبار ایش و توابعیله برابر مراپطین عنوانی طاقنرق اداره
حکومتی عونسی رؤسایسندن یحیی بن عمره بالتودیع کندیبسی
امور دینه وشرعییه حصر اشتغال اینلشدی. مراپطینک
دائرة حکومتلری کرک یحیی و کرک برادری و خلفی ابوبکر بن عمر
زمانلرنده پیدرپی توسع ایدوب ابوبکر دن صکره مقامنه قائم اولان
برادرزاده می یوسف بن تاشفین مصدرن بشقه بالجمله افریقای
شمالیه حاکم اولغله امیر المسلمین عنوانیله تجیل قلندی (۴۷۸).

یوسف بو تاریخده یتیش سکر یاشنده اولوب کندیسلی غایت
 یاقشقلی و درایتلی بر ذات اولغله شهرت و شانی هر طرفه یایلش
 و بوسبيله اندلس اهل اسلامیده موحمی الیهک معاونت و مظاهرتنی
 رجایه لزوم کورمشلردی . یوسف غایت احتیاطکار اولغله
 اندلسه دخول و خروج کندی ید اقتدارنده اولمق ایچون اول
 امرده جزیره الخضرا موقع مهمنک تسلیمنی طلب ایلش و بو طلمی
 اشیلیده خبلی تلاشی موجب اولمشهده نهایت مطلوبی مظهر
 موافقت اولدیغندن در تیوز یتیش طتوز سنه می اوائلده
 اردوسيله اسپانیا جهته یگدی .

قشالله قرالی آلفونس مرابطینک ورودندن خبردار
 اولغله دیگر دول عیسوییه ده دخی اخبار کیفیت و اجرای
 تدارکات ایدرک قوای کلیه ایله حدودی تجاوز ایلدی و اردوسی
 بطلیوسه قریب ذلاقه موقعنده جنود مجاهدین ایله قارشولاشوب
 وقوع بولان محاربه عظیمهده فنا حالدنه منہزم اولدی فقط
 یوسف موقیقندن استفادہ ایدرک عیسویلی شدتله تعقیب
 و طلمیله نك ضبطنه اقدام ایتیب عودت و آفریقایه عزیمت
 ایلدی . یوسفک ضمیرنده جایگیر اولان مقصد خفی اندلس
 قطعه سنک استیلایی و مغربله برلشدرلمسی اولوب آفریقایه
 عودتندن صکره اندلسده طوائف ملوک آره سنده کی محاربات
 و منازعات متأسفہ ینہ تجدد ایلکله یوسف بوندن استفادہ ایله
 یدر بی طوائف ملوک نندن ضبط مملکتہ و حصون و بلادک

استیلاسنه باشلادی . بو حال هر کسی شاسیرده رق حتی محمد
 المعتمد بن عباد حرکت واقعه سنک نتیجه سنی بالادراک مرابطینی
 دعوت ایلمدیکنه پشیمان اولمش و روایت کوره برآره لقی قرال
 آقونس ایله بیله عقد اتفاق ایلمشدر . فقط بوتدایبرک ثمره سی
 اولیوب اکثر مالک مرابطینک استیلاسنه اوغرامش و محمد بن
 عباد مهاجور سلطنت اوله رق آفریقایه تبعید فلنوب سرقسطه
 امیری ابو جعفر بن هودده مرابطینه نماشات کوس-تره رک
 وقایه استقلاله موفق اولمشدر .

خرستیانلر ایسه بو احوالدن استفاده ایدرک ینه توسبع
 ملکه قیام ایلمش و از جمله قشتاله امراسندن اولوب اوسید
 (سید) نامیله معروف اولان رودریق القابوطو بلنسیه امیری
 یحیی ذی المیمونی مرابطینه قارشو مدافع بهانه سیله بلنسیه به داخل
 و برسنه قدر صورت دوستانه ده مقیم اولدقدن صکره فک نقاب
 خبائثله شهرک قشتاله یه الحاق اولندیغنی و بو حال ایشنه کلیانلرک
 املاک و اموالرینی ترک ایدرک کتیرینی اعلان و حکومت جدیدنک
 مقدمه اجرا آتی اولقی اوزره بلنسیه قاضی القضائنی علی ملا
 الناس احراق ایتدیرمک کبی برجنایت و حشیانه بی ارتکاب ایلمشدی
 بورودریق کبی برسابع و حشینک اوروپا شعراسنه سرمایه افخز
 اولسی و الکمکمل قهرمانلردن عدایلمسی کرچکدن شایان تعجبدر .
 یوسف بن تاشفینک وفاتده یرینه اوغلی علی جانشین اولوب
 مشارایه جلوسنده امرای عیس-وبه نک مرابطین علمینده اتفاق

ايلدكربنى كورمكاه قرطبه نك شمالنده بولن ان او قلس موقعنده
 قواى منفقه صليبيه ي فنا حالده منهزم و بریشان ايلش و بوجار به ده
 اسپانيولاردن بشقه فرانسه لى پك چوق قواى مـ اـ اـ رـ نـ هـ دخى
 موجود اولوب جله سنك و قوع انزامى اختيار قرال آلفونسى
 صادتا حالت جنونه يقين برياسه دوچار ايتشدى فقط مرابطين
 بومظفريت عظيمه دن دخى استفاده ايده ميوب خرسيدانلرى تعقيب
 ايده جك رده بنه امرای اسلاميه ايله اوغراشمق مسلكى
 اختيار ايلدكربندن اندلس امورينك تشوش احوالى ردوام
 اولش و مغلوبلرده ضايعات واقعه نك تعبيرله تجديد قوته زمان
 بولشدر . حتى سرقسطه اميرى عماد الدوله بن ابوجعفر يله
 تعرضدن قورتيله ميوب آراغون قرالى ايله بالاتفاق مرابطينه
 غلبه ايتش و فقط بوجار به ده قوتى توكنمكاه مؤخرأ قرال مزبور
 تبديل مسلكه سرقسطه نك محاصره سنه قيام ايلديكى زمان
 مقاومته مقدر اوله ميوب سرقسطه كى برهمم و معتنا موقع يد
 عيسويونه كچه رك آراغونك پايختى اولش و بونى متعاقب برنيچه
 حصون دخى يد دشمنه كچه رك شمالى اسپانيايه حكومت اسلاميه
 اثرى قالمشدر . مرابطينك سرقسطه اميرى طرفندن مغلوب
 ايدللى نفوذ و حكومتلرينه خيلى خلل كتيرديكى كى اوصره ده
 آراغون قرالنك تجاوزاتدنطولايى اخذ انتقامه توسل ايدن
 على بن يوسفده آفريقاده ظهور ايدن موحدين غائله سنك بر
 چاره سنى بولمق اوزره اندلسدن حر كته مجبور اولديغندن ميدان

موحدینک ظهوری

ینہ امرای عیسویہ ننگ تجاوزاتی ایچون آچیق قالمشدر . مرابطینک
 قوه عظیمه لری ورئیس لرینک درایتی و امور حربیه ده کی کفایت
 مسلمه لری انداس اهل اسلامی ایچون یوک برامیداسه تقبال
 کوسترکن بالاده کورلدیکی وجهله سیف سطوت لرینی خرسدیان لر دن
 زیاده اهل اسلام اوزرینه حواله ایتملری و بو صورته امرای
 مسلمه ننگ دشمن دین و دولت لر یله اتفاقری کی اسف انکیز احواله
 میدان و برملری و انداسه کتیر دکلری طوائف عنیفه بربریدنک
 انواع رنجیده و حقارت الیه اهل اسلامی تعذیب ایلملری کرچکدن
 جالب تأسف بر حال ایدیکه بونک سینئاتی بک یقین و قنده مشهور
 اولمشدر .

۳

موحدین

موحدینک صورت ظهوری . محمد بن عبدالله تومرت و صورت اداره سی .
 عبداللؤمن . ابو یعقوب یوسف . انداس استیلاسی و شتر بن وقعده سی .
 سلطان یعقوب . اراکه محاربه سی . محمد الناصر و العقاب محاربه سی . موحدین
 دولتنگ انقراضی .

در نه جبالی اهل ایسندن محمد عبدالله بن تومرت نام ذات
 تحصیل علم و معارفه شدت آرزو سندن اولا مصره و اورادن
 بغداده کیدوب تدرس ایش و بغدادده امام غزالی ننگ تلامیذی

میانہ داخل اولمشدی و او وقت اہالی مغرب میانہ مرابطینک
 زوالی حقندہ بعض روایات و شایعات تکون ایتمکدہ اولوب
 محمد عبداللہ ایسہ اعتلا افکارندہ بولتمغله بوندن بالاستفادہ
 آفریقای شمالیدہ یکی بر سلطنت تاسیسی حقندہ کی افکار بینی امام
 غزالی بہ آچشدی . احیاء العلوم نام اثر مشہوری اقدیمجہ
 نشر و ہر نسل سہ انداس علمای طرفندن مذهب اہل
 سنتہ مغارب عد اولہرق علی بن یوسفک امریلہ احراق
 ایدلسی جہتیلہ مرابطین دولتہ منفعول اولان امام غزالیدہ محمدی
 نیتندہ ثباتہ تشویق ایلدیکنندن محمد مکتبہ عودتله اموردیندہ
 دائر بر ایکی اثر تالیف و کندیسنک شیعہ اعتقادنجہ ہر عصر دہ
 بولتمسی ایجاب ایدن امام معصوم ایدوکنی بیان و محمد المہدی
 عنوانی طاقتہرق حصول مقصد و سائلنی تہیہ بہ مبادرت
 ایلدی .

محمد المہدینک افاداتی افکار نامی خلیجہ تمبیج ایدوب
 کندیسیدہ بوندنطولایی توقیف اولتمش و حتی علما طرفندن سیاسہ
 قتلہ فتوا و برلمش ایکن عاینک امریلہ سبیلی تخلیہ ایدلدی
 فقط بوندن صکرہ مومی الہک غیرتی مزداد و خلق آرہ سندنہ
 کرامت و ولایتی روایاتی منتشر اولہرق طرفدارانی آرتمقلہ
 کندیبسی مرابطین علیہنہ رسماً خروج ایدرک اطلاس طاغتری
 آرہ سندنہ غایت منبع بر بوغاز ایچندہ مشہور تیملل قلعه سنی بنا
 ایدبروب اورادہ تحصن ایددی . محمد المہدی تشکیل ایددیکی

دولتی اداره ایچون قوه اجرائیه مأمور و کندی معینده اولقی اوزره طقوز نفر اصحاب تعیین ایلدی باجمله امور دولته دائر مقرراتی دخی یتیم نفر مشایخ معتبره دن مرکب جمعیت موحدینه بر اقوب و کندیسیده باشلیجه امور دینه ايله مشغول اوله رقی عسکرک اداره سنی اصحابندن عبدالمؤمنه و یردی . غائله نك یومسی مرابطینجه موجب تلاش اولمشده موحدین پیدرپی توسیع ملک ایلدکری کبی محمدالمهدینک مقامنه یکن عبدالمؤمن ايله اولان محاربه لرده علی بن یوسفده وفات ایلدیکندن مرابطین دولتی منقرض اوله رقی مغرب اقصی کاملاً عبدالمؤمن اداره سنه یکمیش و اندلس قطعده سی ایسه ینه طوائف ملوک الزنده قالاریق اسکینندن ده ا فنا بر حال تفرقه ده قالمشدر . (۵۲۰)

عبدالمؤمن غایت درایتلی بر ذات اولوب دولت جدیده پی تقویه و تحکیم و پایتختی اولان مراکش شهرینی ابیده نفیسه و مدارس عالیه ايله تزین المشدر حتی شهر مذکورده آچدیغی مکتب عالیده کندی اوغلاریده داخل اوله رقی اوچ بیک قدر طلبه تدرس ایلکده و طلبه نك تقویه بدنلری ایچون خالی و قتلرده جناساتیق بیله تعالیم ایلدیکنده ایدی . عبدالمؤمن اندلس قطعده سنی خرس تیانلرک استیلاسی تهلیکه سندن تخلص ایلک ایچون قوای کلیه ايله اندلسه یکمک اوزره ایکن وفاتی وقوع بوله رقی یرینه جالس اولان سلطان ابو یعقوب یوسف بر مدت مرورنده اندلس قطعده سنک معاونتده عزم المشدر .

سلطان ابویعقوب او صروده اسلامی که زیاده تضییق
 ایلکده اولان پورتکیرلیلر اوزرینه کیدوب حصون دشمندن
 شتترین قلعه سنی محاصره و تضییق ایلش و بوسروده پورتکیرلیلرک
 پانختی اولان لشونهک عسکر سز قالدیغنی خبر المغله اوغلی
 سلطان یعقوبه شهر مذکور اوزرینه کتبی ایچون امر
 کوندرمشدی فقط امری تبلیغه مأمور اولان شخصک لشونه
 برینه اشبیلیه دیمی بوکا رجعت طرزی وبرهک عسکر
 واهالی بینده امیرک مغلوبینده دلالت ایلکله عسکره عارض
 اولان شاشتلق سلطان ابویعقوبک شتترینده مغلوبیت و شهادتی
 موجب اولوب برینه اوغلی سلطان یعقوب جلوس ایلشدر .
 اندلس قطعده سی کاملاً سلطان یعقوب اداره سنده اولوب
 قشاله قرالی سکرنجی آفونس اوروبادن واسپانیا دول
 عیسویه سندن آلدیغنی کایتلی عساکر معاونه و کندی قوای
 ذاتیه سیله حربه تشبث ایلشده اراکه و یاخود آرقوس نام
 موقعده وقوع بولان محاربه عظیمده تلفات کلیه ایله مغلوب
 اولمشدی (۵۷۴) فقط بو موقعیتک تانیچندن استفاده ایدیلرک
 دشمن تضییق قلنه جق یرده التزام عطالت ایدلدیکندن اسپانیولر
 ینه تدارکات کلیه ایله تلافی مافاته چالشمشلر و سلطان یعقوبک
 وفاتنده براتفاق عمومی عقیده اسلامک محوینه پورو مشردی .
 سلطان یعقوبک خلفی محمد الناصر اندلسه علی روایه درتیوز
 ینک و قول اصح اوزره بوز التمش ینک نفرلک بر موحدین

اردوسیله پکوب بو قوه مهیبه اوروپایی بیله دهشت ایچنده
 پراقتسهده هر نصلسه اسلام اردوسی سیرا مورنا جبالی
 اتکلرنده العقاب ویا تولوزا نام موقعه خیمه نشین ایکن کیرلی
 برکچیدن کلان عیسویون طرفندن بفته شجوم وقوعیله پربشان
 اولمش واهل اسلامک صوک شمه امیددی بو وجهله سونمشدر
 العقاب محاربه سی آراکه محاربه سندن اون اتی سنه صکره
 وقوع بولوب خرسیتیان قرالری مسلماندن اسیر آلانلرک اعدام
 ایدیله جکنی اعلان کبی بروحشستی ارتکاب ایلدکارندن اهل
 اسلامک تلفاتی پک زیاده اولمشدر .

بو وقعه دن صکره موحدین دولتی دها خیلی وقت دوام
 ایشسهده کوکب اقبالی اسکیمی کبی بالا پرواز اوله میوب
 کوندن کونه قوتدن دوشمش جمعیت موحدینک ارتکاب
 وار تشابه میلله مأموریت وقوماندانلقره نا اهللرک تعینی خلقی
 سوء اداره دن بیرار ایتکه باشلاش بعض حکمدارلرک جمعیت
 موحدینده کی مشایخک نفوذلرینی کسر ایله دولتی اساس جدید
 اوزینه قورمق یولنده کی تشبثلری داخلی قاریشقلتلری موجب
 اولمش آفریقاده عصیانلر چقدیغنی کبی انداس قطعه سنده سخی
 امرای دولت ینه داعیه استقلال ایله باش قالدیردقنندن طوائف
 ملوک بلیه مهلیکه سی ینه باش کوسترش وواحصل دولت
 موحدینک اساس وروابطی کسب ضعف ایدرک از هر جهت
 آثار انقراض نمایان اولوب صوک حکمدار اولان ملک مأمونک

وفاتده یوز اللی سنه در موجودیت سیاسیہ بردوام اولان بو هیئت عظیمه بسبتون منقرض اولمشدر .

۴

بنی احمر

پورتکیز دولتک نوسمی . آراغون قرالی ژاق . باله آر آطه لرینک ضبطی . قاسمیلیه قرالی فردیناند . بنی هود و بنی ذیان و بنی احمر دولترلی . امرای اسلامیه نیک مساک زهموارلری . قرطبه استیلاسی . بلنسیه استیلاسی جهن و اشبیلیه استیلاسی . فردیناندک مساک جدیدی و غرناطه امارتی . ابن الاحمر . الجرا . غرناطه نیک معموریتی . محمد ثانی و فاسدن امداد ورودی . سلطان حسن . طریف محاربه سی . غرناطه احوال عمومی سی . ملا علی و عبدالله الصغیر . فردیناند و ایزابل . غرناطه استیلاسی .

موحدین دولتک انقراضیله اندلسده طوائف ملوکات بنه باش کوس ستردیکی صرعه ده دول عیسویه اهل اسلامک شبه جزیره دن کلیاً طردی ایچون غیرت فوق العاده ده بولونیورلردی پورتکیز قرالغی اسپانیانک جنوب غربی گوشه سنده کی الغرب ولایتنی دخی استیلا ایدرک حدود حاضره سنی اکیال ایتدیکی کی قاسمیلیه و آراغون قرالریده عقد اتفایق ایله موفقیات سرعه ده نائل اولمشلردی آراغون قرالی برنجی ژاق بلنسیه امیری محمد ایله اتفایق ایدرک اسلامه انواع تسلطانده

بولتمش و نهایت امیر مرقوم اهالی طرفندن طرد ایدلکله
 خبائتی تنصر و قرالک معینه الخاق درجه سنه قدر کتوروب
 قرالده انک حقوفنی محافظه ادما سیله بلنسیه ضبطنه بوریمشدی
 فقط بلنسیه لیلر کال شجاعته مدافعه ایدلکرندن قرال اورانک
 ضبطنی صکره یه تعلیق ایله دونما ایله باله آر آطه لرینک فتحه
 عزم ایلوب اولا برخیلی زحمتله مایورق جزیره سنی و صکره
 دیکر لرینی ضبط ایلدیرک اسپانیاه عودت و موحدینک انقراضنده
 اندلس ممالک اسلامیه سنی بیلرندنه تقسیم ایدن اوج ملکدن
 بری بولنان بلنسیه امیری جیل بن زیان ایله محاربه یه مبادرت
 ایلشدی .

قاسمیلده قرالی اوچنجی فردیناندایسه حکمداران عیسویه نیک
 انک بیوکی اولوب عسا کر کلیه ایله اندلسه داخل اوله رقی بر
 طاقم بلاد مهمه بی ضبط و اشیلیه مرکز اولقی اوزره تأسس
 ایدن بنی هود امارتیه وجهنده بولنان بنی اجر امارتیه محاربه
 اینکده ایدی . خرسیتیانرک بو اتفاقلرینه قارشو بنی هود و بنی
 اجر و بنی ذیان حکوماتنک حرکات متفقده بولنلری لازم
 کلیرکن تخم نفاق و فساد هر وقتدن زیاده ثمره دار اولمده ایدی .
 مثلا فردیناندک سردارلرندن دون آوار جزئی عسکر ایله
 قرطبه یه کلهرک شهرک شرقیه نام محله سنی آلوب محاصره سنه
 باشلامش و کویا قرطبه نیک دشمن طرفندن تسخیری ممکن اوله مزمش
 کبی ابی هود شهرک امدادینه کتیبوب جهن امارتی اوزرینه

یوربدیکندن فردیناند مدت مدیده اندلسه پایتخت اولان و او وقت بروایت مرکزی قالمقه برابر برملیون قدر نفوسی حاوی و مدینه الحکما عنوانیله باهلی بولان بو شهر عظیمی ضبط اید بو رمشدر (۶۱۴) بو فلاکت عظیمه بیله امرانک عقلرینی باشلرینه کتیر میوب ابن هود ایله ابن اجر بربرله محاربه به مشغول ایکن یهوده یره مدت مدیده طلب استمداد ایدن و حتی فریاد و شکایتی تونس اسلامنه قدر ایریشدیرن صاحب بلنسیه جبیل بن زیان دخی پایتختنی برطاقم شروط تسلیمه ایله قرال ژاقه ترک ایلمکه مجبور اولمشدر .

قرال فردیناند موقعبات عظیمه بیله اسلامک قوتنی محو و کسر ایلدیکندن ارتق نظرنده اسلام امارتیرنک اهمیتتی قالمیوب شمدی پورتیکیز و آراغون قرالیرنک توسیع مملکت ایلمرینی نظر حسدله کورمکه باشلاش و بونک اوکنی آلتی اوزره پورتیکیز حدودنده کی کوچک اسلام امراسنی تخت جا ایله آلاق پورتیکیز لیلری طور دردیغی کی جبیل بن زیانی دخی تخت جا به سنده اولق اوزره مورسیه امارته نصب ایتمش و آراغون لیلرک اوکنی کسک اوزره اشبیلیه اوزرینه حرکتدن صرف نظرله جهن بلده سی فتحه عزم ایتمشدر . جهن امیری محمد عبدالله بن الاجر حسن اداره صاحبی و درایتلی بذات اولوب (۶۶۱) تاریخنده غرناطه به مستولی اوله رقی اتفاق ناس ایله اوراده جلوس ایتمشدی . ابن الاجر فردیناند ایله محاربه قابل اولدیغنی و عاقبت

حال فنا اوله جعفری کوره رک جهن قلعه سنی تسلیم و کندیسیده
غرناطه امارتک قاسمیلیه حکومتک انلرندن اولمسنی و فتودالیه
اصولی اوزره قرالی سوزرن طانیجی و قراله بخاربه زماننده
معاونت و دعوتی اوزرینه طلبطله ده کی قورنس مجلس اشرافنه
عزیمتله مذاکراتده بولنجی قبول ایدرک غرناطه اسلامنی محو
کلیدن قورتارمش و دولتنه ایکیوز الهی سنه قدر ده اوقت
قزاندیرمشدر .

فردیناند بونداییر ایله پورتکیز و آراغون دولتری بی حدود
اسلامیه دن تجرید و جنوبی اندلسی قاسمیلیه مالکی ایله احاطه
ایلدکدن صکره قوای مجموعهمی و حتی غرناطه معاونه لرله
اشبیلیه اوزرینه یورومش و این هود مدت مدیده مدافعه
شجیعانه ده بولتمشه ده ارتقی موقیت دن مأیوس و برطاقم شروط
بهوده ایله مملکتی تسلیمه مجبور اولمغله بنی هود امارت جسمیه سی
دخی منقرض اولمشدر . اشبو انقراض عمومی آره سنده ساده
قاسمیلیه به ارتباطی حسینیه فردیناندک تعرضندن آزاده اولان بنی
احمر امارتی قورتیلوب سائر امارات اسلامیه دوچار انقراض
اولمش وهله خرسیتیان تابعیننده قالان و مدجرین تعبیر اولنان
سکنه اسلامیه نک کوردکاری حقاترلر و معاملات وحشیانه
عقل بشره صغماز بردرجهیه وارمشدر .

کوک بلنسیه و کرک قرطبه و اشبیلیه شهرلری و سائر بلادک
حین تسلیملرنده اهل اسلامک حریت جان و ماللری و مبرستی

مذهبلرینه ذره قدر تعرض اولنماسی، اداره، اسلامیه ده
 ویردکارندن زیاده و برکو آلتماسی و اسلام اره سنده کی دعوارک
 کافی السابق حکام الشرع طرفلندن فصل و جسم ایدلمسی کبی نیجه
 شروط تأمینیه بی حاوی مقاوله لر عقد اولندیغی حالده عیسویون
 برکره شهره کیردکن صکره بوشروطک جله سی آفاق آتنده آلتقده
 ایدی. آراغون قرالی ژاق مملکتنده نقدر اسلام و ارایسه جله سنی
 مالربنی بالمصادره سوروب چیقارمش، قرطبه و اشبیلیه دن یوز
 بیکرجه نفوس آغلایه آغلایه ترک وطن مجبوریتنده قالمش،
 محلات اسلامیه و نیجه نفاس و آثار قیمتدارقصداً تخریب و احراق
 ایدلمش و خرسیتیانلرک تعصب و حشتکارانه لرندن متولد بو احوال
 دهشت اشغال اهل اسلامک جسارتنی دخی بسبتون منکسر
 ایدرک مثلاً قرطبه کبی بربلده، جسمه نیک هر حالده عددجه سکینه
 ذکور ورجالندن پک دون بردشمن اردوسنه تسلیم اولسی و ارکات
 نامنی طاشیان نیجه اشخاصک دین و وطنلری اوغرنده شهادتی
 یله کوزه آلدیره ماملری کبی حیت اسلامیه ایله قطعاً قابل توفیق
 اولیان مناسبتمزلکرده کورلمکه باشلامشدی مع مافیله اسلامدن
 کوردکاری معامله، عدالتکارانه یه پک نامردانه بر نانکوردلکه
 مقابله ایدن اسپانیولارک حرکات واقعه لریده کندی ناملربنی
 صحائف توارینجده الی الابد لعنت و نفرین ایله یاد ایتدیره، جک
 برشقاوت مخربه بی ملتربنک اوصاف میزه سی صرسته پکیرمشدر.
 اهل اسلامک تضییق قلندیغی زمان مذکورده محمد عبدالله

بن الاجرک تشکیل ایلدیکی دولتدن بشقه برملجائی اولماقله انداسک هرجهتدن کلان نیجه اهالی وارباب صنایع غرناطه به طویلانقله اسپانیانک جنوب شرقی گوشه سنده بولنان بو کوچوچک قطعدهنک سکنه سی وسعت ارضیه سنه نسبتله پک کلی مقداره بالغ و مرکز دولت اولان غرناطه شهریده قرطبه کی ال بیوک والک معمور بلاددن اولمش و ترقیات علیه وصنایعیه سی ایله ال باشلی مراکز مدینتدن بری حالته ککشدرو . ابن الاجر حسن اداره سیله قلوب نامی جلب ایدرک تشکیل ایلدیکی دولت ایکیوز الی سنه مدت وقایه استقلاله موفق اولمشدر . ابن الاجرک غرناطه جوارنده بنا ایتدردیکی قصر الحمرا نام سرای صنعت معماریه جه اولان نقاستی و تزیینات خارقه سی ایله مدینه الزهری سرابی و قرطبه جامع کبیری کی صنعت اسلامیهنک ال بیوک آثارندن بریدر و نیجه برلی مرور زمانله خراب اولمش و قدرناشناس اسپانیولر طرفندن او تزیینات نفیسه اوزرینه بادانه ایدمک کی مناسبت . سزلیکار اجرا قلمش ایکن حالا سرای مذکور بالجمله سیاحینک باعث حیرت و مقنونیتلری اولمقدهدر .

محمد عبدالله بن الاجرک وفاتنده برینه پکن ملک محمد زماننده غرناطه دولتی خیلی کسب قوت ایدوب قاستیلیه دولتی ایسه قرال فردیناندک وفاتندنصکره بعض داخلی قاریشقلر ایله دوچار فترت اولدیغندن ملک محمد آفریقادن امداد آلارق قاستیلیه نکر بقه تابعیتندن قورقلغه چالشمشدی . فاس قطعده سنده

حکومت ایدن بنی مرین سلاله سندن سلطان ابو یوسف یعقوب
 قوای کلیه ایله اندلسه کلوب حدودده بولنان قاستیلیه قوماندانی
 دون نوتو نام شه والیده نک اردوسنی مغلوب ایلکله غرناطه
 کسب استقلال ایش و فقط قاستیلیه ایله موجود اولان صلح
 وآسایشده حرب وجداله مبدل اولمشدر بالکز قاستیلیه لیلرک
 داخلی قاریشه قتلکردن کوز آچاماملری بنی اجر دولته نفس
 آلدیروب سکزنجی عصر هجری ابتدا سنده ینه بنی مرین
 سلاله سندن سلطان ابو العلاء حسن اندلسی فتح یتیله عساکر
 کلیه ایله کلک شهده طریف جوارنده بر محاربه عظیمده قاستیلیه
 قرالی اونجی آلفونسو مغلوب اوله رقی مملکتنه عودت
 ایلدیکندن ارتق غرناطه ایچون برامید نجات قلاماش و فقط
 دول عیسویه نک دخی ضعیف و بی اقتدار بولملری بومارتی
 بر بچق عصر دهها بایدار ایشدر غرناطه حقیقتاً پک فنا بر
 حالد قالمشدی. خاندان سلطنت آره سنده کی سلطنت منازعه لری
 بتز توکنمز بر بلیه دائمه اولوب تأیید بنیان دولتدن زیاده تأمین
 منافع ذاتیه چالیشان حیثیت امرای ابن اجرک قوردیغی بنای
 متینی کوکندن صار صملردی. خصوصیه طقوزنجی عصر
 اوائلنده بو احوال متأسفه صوک درجهیه کلوب پیدرپی جبل
 طارق و جزیره الخضراء عموم و واحل قاستیلیه لیلرک کمش اولدیغی
 حالد خاندان سلطنت افرادی الرنده قالان ممالک جزیه بی
 پای ایده بورلردی. ملک ملاعلی زماننده مومی الیهک برادری

و عمالقه و الیسی عبدالله دعواى سلطنت ايله خروج ایدوب
 معاونت شرطيله برطاقم قلاع مهمه نك تسلیمی و عدیله قاسم تیلیه
 قرالی دردنجی هازی به مراجعت ایلشسه ده قاسم تیلیه امور
 داخلیه سی دخی مشوش اولغله طلبی نتیجه سز قالمشدی . فقط
 آراغون قرالغی قرال ژانك اوغلی فردینانده قاسم تیلیه قرالغی
 دخی هازینك قزی و بو فردینانك زوجه سی ایزابلایه انتقال ایدوب
 فعلاً اسپانیا اتحاد ایلدیكى زمان احوال دکشمشدر (۸۵۸) .

غرناطه ده ایسه ملك ملاعلینك زوجه سی عایشه دن متولد
 اوغلی ابو عبدالله الصغیری ولی عهد ایتمه رك دیگر کنج زوجه سی
 فاطمه دن متولد اوغلارینه ترك سلطنت ائلك تصورنده بولمشی
 بوايكي قادینك تشو بقیله انواع اختلالاتی داعی اولغله ملك
 علی برادری عمالنه و الیسی عبدالله از اغل زدیسه کیدوب
 اوغلیله و اوغلاری بر برلیله محاربه به کیرشمش و قاسم تیلیه و آراغون
 قوای متحمده سـنك غیرتیه غرناطه دولتنك مواقع مهمه سی بر
 برید دشمنه کچمکه باشلامشدی . ابو عبدالله الصغیر اهالی
 آره سنده کسب شهرت ائلك هوسيله قاسم تیلیه حدودینه تجاوز
 ایدرك اسیر دوشمش و غرناطه یی تسلیم ایده چکنی و عد ایدرك
 اسارتدن قورتیلوب ینه محاربه داخلیه یی تشدید ایتمشدی .
 دشمنك هجوم مهینه قارشو بواحوالک و خامتی کورلدیکندن
 غرناطه لی امام ناصر نامنده برژانك تشو بقیله ملا علی و ابو
 عبدالله الصغیر خلع ایدیله رك عبدالله از اغل مقام حکمداری به

چیقارلمشده ابو عبدالله الصغیر موهوم بر سلطنت حرصیه
 اسلام قانی دوککدن و از یکمدیکندن رذالت عیوقه چیمش
 و فردیناند ایله ایزابل بواش بواش بوروبه رک غرناطه پیشکاهنه
 قدر ککشلردی . شهر غایت مستحکم و اهالی و محافظینی دخی
 کثیر اولدیغندن و باخصوص اسلامک بوندن بشقه برامیدنجانی
 دخی اولدیغندن محاصره چوق وقت دوام ایتمش و حتی
 غرناطه لبر استمداد ایچون حکومت عثمانیه دخی داخل اولدیغی
 حالده باش اورمدق یر بر اقامش لر ایکن بحکمه الله بر طرفدن
 امداد یتمک قابل اوله ماشدی . اسپانیولر ایسه فوق العاده
 ثبات کوستروب حتی عسکرلرینه مرکز واردوکاه اولمق اوزره
 غرناطه جو وارنده ساتافه نام شهری دخی بنا ایلدکارندن نهایت
 تسلیم بلدییه مجبوریت حاصل اولوب (۸۷۰) سنه هجریه سنده
 ابو عبدالله الصغیر آغلابه آغلابه غرناطه بی رک ایله آفریقایه
 عزیمت ایلمش و وطن مقدسی محافظه ایچون وبره مدیکی جانی
 مراکش سلطانک اوغورنده فدا ایتمشدر .

ابو عبداللهک غرناطه جو وارنده برتپهیه چیقوب صوک
 دفعه اولمق اوزره شهره عطف نظر ایلدیکی زمان آغلامسی
 اوزرینه والدهمی عایشه نک « آغله اوغلم آغله سنک کبی ارککجه
 مدافعه مملکت ایده میانلره قادین کبی اغلامق یراشیره دیدیکی

مشهور در . عربلرک سکز عصر مدته وجوده کتیر دکاری آثار
 مدینتک اسپانیولر النده نه حاله کلدیکی واهل اسلامه قارشو
 ایدیلان تعدیانتک ندر جده اولدیغی ایلروده اسپانیا دولتی بختده
 کوربله جکدر .

فصل خامس

مدنیت اسلامیہ

۱

احوال عمومیہ

عربستانک احوال متقدمہ سی. اسلامک وجودہ کتیردیکی ترقیات. اسارت ونعدد زوجات مادہ لری. خلافت اسلامیہ نك طرز وشکلی. اداره اسلامیہ نك توسع فوق العادہ سی اسبابی. عربلقک ترقیسی. اداره جه وقوع بولان تحولانک اسبابی. دولت امویہ. دولت عباسیہ. عباسیلرک مدنیت خدمت لری. جینک آزمایسی. طوائف ملوک. طوائف ملوکک مدنیت اسلامیہ جه تأثیر لری. اندلسک ترقیات فوق العادہ سی. مدنیت اسلامیہ نك اسباب زوالی. نانار لر واهل صلیب.

جزیره العربک ظهور اسلامدن مقدمکی احوال عمومیہ سندن عربلرک مؤخرأ کسب ایلمدکاری قدرت سیاسیہ ووجودہ کتیردکاری ترقیات مدنیہ بی کشف وتخمین ایلمک امور مشکله دندر ایکی قبیلہ سی افرادی بربرینہ خصم جان اولان وعادتاحیدودلغی اعتیاد ایدن آدملرک بررئیس بعیده اطاعت کامله ده بولتملری. مرتبه قصوای ترقیہ واران صنعت شعر استثنا اولنورسه کاملاً ای اولان عربلرک بر ایکی عصر ظرفنده ترقیات علمیہ جه قدیم یونانیلره بیله تفوق ایلملری. بیکرجه سندرر خیمه نشینلمکی

ترك انعامش بر ملتك الجزائرله مدينة الزهرارى وياخود جامع امويه و مسجد الاقصى كى ابيدنه نفيسه بى وجوده كثيره سى وياخصوص بدويت حسبه اهالى مدينه جه منفور اولمى طبيعى بولان بر جنك مصر بلر كى بش التى يك سنه انقلابات كونا كونه قارشو محافظه مليت ايتش بر قومى ودها نيجه اقوامى كنديسيله هم وجود ايدو جك راده ده تاثير نفوذ مال كيتى على العاده كوريلور احوال دن دكلدر . حال تفرقه و بدويته يشايان امى عرب قومى علوم و معارف و صنايع نفيسه دى بونايلى دن و محارباته و اداره ملاده روماليلدن زياده در ايت كوستروب استعدادات مدينه سى بالكر شخصه منحصر قالمش و جهال دن هنوز چيقان نيجه اقوامه عربلر كى منع فيوضات دن استفاده ايدوب مدينه اسلاميه نامنه بحق لابق بر مدينه عظيمه حاصل اولمشدر كه مدينه مذكوره نك قرون متقدمه ده كى يونان و روما مدينه تليله قرون جديده ده كى اوروپا مدينه تيلر ننده بر خط التصاق بولنديغى شه دن وارسته در . مدينه اسلاميه نك اس الاسامى ايسه دين مابين محمديدر يعنى دين مذكور كى بالجمله مسلمينه عاداتا فرض ايلديكى سعى اعتلا و كسب معارف آمانك نتيجه طبيعيه سيدر .

اسلامك ظهور وانتشاريله برابر جزيره العربك احوال مدينه سنجه خيلى ترقيات كورلدى . عموم قبائلك بر اداره منتظمه الته كيرمسيله قبائل آره سنده كى محاربات خونريزانه

نہایت وریلوب امنیت جان و مال تأییدات شرعیہ التہ آندی .
 اسارت قاعدہ سی بسبتون الغالیہ دیکھو . اسیر لک محاربہ دہ
 طوتیلان افراد دشمنہ تخصیص قلوب اسیر آزاد ایدلسندہ کی
 ثبوت عظیمہ واجر کثیرک خلقہ تقہیمی وامر ایہ ایدلہ جک
 معاملات پدرانہ وانسانیت پرورانہ تک تلقینی ایہ اسرای اسلامہ
 یونان و روما اسرامی کبی برصنف محقور دکل عادتاً افراد
 ٹالہ دن معدود بولندیردی . عربلر دہ پک غیر منتظم و مبالغہ لی
 بر صورتہ جاری اولان تعدد زوجات و طلاق اصولری حقوق
 طبیعیہ قواعد معقولہ سنجہ تعدیل و نسوان و اطفالک و بالخاصہ
 عربلر زندندہ زمان اسلامہ قدر انساندن یدلہ عدایدلمیان اطفال
 اناتک حقوق مشروعدری تأمین ایدلدی . الکاسب حبیب اللہ
 حدیث شریفنک دلالتی وجہلہ سعی و کسب حبیب خدا
 اولمقلغنک اعظم شرائطندن و «اطلبو العلم من المهد الی اللحد»
 امر جلیلنک ارانہ ایدلیکی صورتہ تحصیل علوم و معارف
 مقصد انسانیتک لوازمندن بولندیغی کوستردی . ہیج اولیہ جک
 کبی چاشتیق و ہمان اولہ جک کبی عبادت ایتک امری ایہ ہم
 امر دین و ہمدہ امر دنیاہ اہتمام وجوبی اکلا لدی ہر ایشدہ
 التزام کمال ایتک و دین و وطن اوغورندہ ہیج بر فدا کارلقدن
 چکتمامک شعائر اسلامیہ دن اولدیغی کرک حضرت رسول اکرم
 (صلی اللہ علیہ وسلم) و کرک اصحاب کربن حضرت ایتک صورت
 حرکتلریلہ انظار ناسدہ تعین ایدلدی .

تشكيل اوليان دولت ايسه حقيقتاً عدالت مجسمه اطلاقه
 شايان اولوب مدينه ده اصحاب كرامك انتخابلريله مقام معلاى
 خلافته چيقان شيخين حضراتى هنوز تاريخ بشرده امشالى
 كورلارك برمنازت و عدالت و رزانت و سياست ايله اداره امور
 عباده موفق اولمش و بونلرك تدبيرلريله اك مشكل ايشلر كسب
 يسرت ايدرك مدت جزئيه ده خلافت اسلاميه حدودى دارا
 واسكتندر و آوغوستوس مالكنك قات قات فوقنده بر درجه
 وسعته و اصل اولمشدى . واقعا ره اسلامه پك بيوك دولتلر
 و پك قوى ملترده واردى فقط امرای اسلاميه نك مركز
 خلافت و افراد مجاهدينك اميرلرینه اطاعتلری ، اسلامك مظفر
 اولقى و يا خود مرتبه شهادتى احراز ايتك خصوصنده كى
 نهالك خارق العاده سى ، اقوام مغلوبه يه كور - تریلان حسن
 معامله و جلب قلوب رعايا خصوصنده ابراز ايدیلان همت
 و مساعى امثالسز درجده اولغله اسلامك هجومه قارشو
 مغلوبينك مقاومتى هم قوه سيفيه و همده تدابير تلطيفيه ايله
 حكيمسز براقلى . حتى اداره اسلاميه دن كوردكارى حسن
 معامله مغلوبين ايله ملت حاكم بيننده او قدر مقارنت و مناسبت
 پيدا ايشدى كه هيچ بربرده اسلامك قبولى مجبورى دكل ايكن
 مسالك مفتوحه نك جمله سى دين محمدى بى قبول ايلديكى كى
 بلكه نصفتدن زياده سى دخی عربلرله اولان كثرت اختلاط

وامتراجدنظولابی عرب ملیت وجنسیتنی ولسان وعاداتنی
اتخاذہ مسارعت ایلدیلر.

مع مافیہ نالک اسلامیه نك وسعتی صورت شکل اداره سنی
بعض مرتبه تبدیل ایده جکی بی اشتباه ایدی. حضرت ابوبکر
وحضرت عمر دورلری عهد رسالتک دوامی دیمک اولوب
بونلرک دوام خلافتلرنجه طرفدارانه آمالک میدان ظهوره
چشمی مشکل ایسه ده خلافت خاندان اموی به نسبت وعلاقه سی
زیاده اولان حضرت عثمانه کچجه اداره اسلامیه به شقه
بر فکر طاری اوله رق مرکز حکومتک اسکی بطرفلغنه خلل
کلدیکی کورلمشدی ممالک مفتوحه شمدی مسلمان و عرب اولدقنلرن
مصر وبصره و کوفه و سوریه کبی ولایاتک امور خلافتده
حریمین ایله اشتراک ارزوسنده بولتمیزی و بو آرزوی بر صورت
حریمانه ده اظهار ایللری ایلک دور فترتک کشادینی موجب
اولمشدر. بو تبدل شایان تأسف اولقله برابر زمان رسالت
خاطراتک ذائل اولسی و امراده پکده اسکیمی درجه سنده
صفوت و خلوص قلامسی جهتیله طبیعی ایدی.

دور فتوحات و محارباتک بر درجه به قدر قیامسی و مرکز
حکومتده سلطنت و دبده نك آرمسیله برابر اسلامک جهد
و غیرتی زرقی علوم و معارف جهته مصروف اولمش و صنایع
نفیسه و عالیه ایله عمران ممالک و بلادہ بیوک خدمت ایللمکه
باشلانمشدی. هله خلقای عباسیه دورنده اسلامک ترقیات

فکر به سی فوق العاده بر صورتده اغلا ایلدی . واقعا خلفای عباسیه ننگ تدابیر سیاسیه لرنده کی نقصانلری و اموال بیت المالی اسراف و استهلاک باینده کی مبالانسزلقلری دوات اویونه ننگ انقراضنی عومه نظر تأسف ایله کوردیر بوردی . فقط بوکا مقابل آثار مدنیت بونایه ننگ عربی به نقل و ترجمه سی و اصلیه قیاس قبول ایتمه جک صورتده توسیع و اکالنه جعفر المصور لر هارون الرشید لر و المأمون لر طرفندن صرف ابدیلان هم و مساعیده تاریخ مدینتک الک شانلی صحیفه لرینه یازیلما جق مائر جالیله دن اولدیغنده شبهه اولنده مز .

عباسیلرک ضعف اداره لرلی ترقیات مدنییه مانع اوله مدنیسه ده دولتک قدرت سیاسیه سینه خلل ویره رک امر اوولاننگ وظائف مأموره لرندن غیری آمال و احتیاضاته دوچار اولمیرینه سبب اولدی . جزا منر قالمق امنیتی هر کسی ادعای استقلال ایله خروجه مدار تشویق اولوب حتی محال مخصوصه سنده کوردیلکی وجهله ولی نعمتنه صدانقسنزلک و وطنه قارشو خجته سنزلک کر چکدن اسف انکیز بر علت مسـ تولیه حالتی بوله رق بونگ نتیجه سنده ممالک وسیعه اسلامیه نیجه طوائف ملوک لرنده پارچه لندی .

طوائف ملوک ایله قدرت اسلامیه سیاهت ضعف بولدیسه ده علوم و معارفک ترقیاتی هر امیر جدیدده بریکی تازیانه تشویق بولمقده و هر یکی سرای سلطنت علما و فضلالی دهر ایچون بریکی

ملجأ و مجمع و بریکی منبع مکافات و تلطیفات اولمقدسه ایدی .
 خوارزمشاهان و ملوک غزنویه نك و ملكشاه سلجوقینك مدنیتك
 اعتلاسنه اولان همت و غیرتلی بلکه خلفای عباسیه دنده
 زیاده اولوب اك كوچك برترك امیرینك سراینده نیجه نوادر
 علم و ادب لطف و نوازش ایله مکرم اولوردی . هله اندلسده
 مدنیت اسلامیه بدرجه خارقهیه وارمش و آئیده کوربله چکی
 وجهله اسلامك مابه الاقتخاری اولان برچوق فضلا و کبار علما
 اندلسده یتمشلدرد . هجرت نبویه نك در دنجی و بشنجی عصر لرنده
 مدنیت اسلامیه نك انوار فیوضاتی مغربدن مشرقه قدر چار
 اقطار عالمی تنور الملکده و قرطبه مراکش قاهره بغداد سمرقند
 غزنه و بخارا کی بلاد عظیمه نك هربری قدیم آئیدی پك کیروده
 براقجق بر دارالعلوم تشکیل اتمکده ایدی . بو مدنیت
 عظیمه نك (که اوروپا مدنیت حاضره سنك اساسی ویدی سکز
 یوزسنه مدت مدنیت قدیمه و مدنیت جدیده معاصره نك واسطه
 التصافی اولشدرد) ساده بر لوحه جملمنی کوسترمک بیه کتابمزنك
 پروفرامندن خارج بولنه جفندن بحث آئیده قابل اولدیغی قدر
 یالکز بویابده بر فکر ویرمکه صرف مقدرت ایلیه جکز .

ترقیات مدنیہ

علوم دینیہ : فقہ، ائمہ و مجتہدین، تفسیر و حدیث، حکمت و حکمای
 اسلامیہ، لسان عرب و لغات، شعر، شعرای ایرانیہ، مؤلفات اخلاقیہ،
 تاریخ، مورخین مشہورہ، عربیوں جغرافیہ خدمتگاری، جغرافیہ علمی،
 علوم ریاضیہ و ترقیاتی، فنِ مجازی، علمِ ہیئت، کشفیات و رصد خانہ،
 حکمت طبیعیہ و کیمیا، علوم طبیعیہ، علم طب، اسلامدہ طب و ترقی،
 مدنیت اسلامیہ و اروپایہ دخولی، اسلامک ترقیات صناعیہ، ہاروت
 و یوسلہ، صنایع نفیسیہ، تجارت.

ہیئت اسلامیہ و قوانین ابتدائیہ سی احکام قرآنیہ ایلہ
 احادیث نبویہ دن عبارت اولوب بونلرک صامت اولدقاری
 خصوصاً صائدہ دہ ینہ احکام عمومیہ لزندن استنتاج ایلدیلرک
 اجتہاد ایلہ عمل قلمتقدہ ایدی فقط بویلہ بر ہیئت عظیمہ و قوانین
 موضوعہ سی ہر کسجه معلوم بولمق و احکام شرعیہ لایقیلہ
 معین اولمق ایجاب حالدن اولوب امر دنیا و آخرتہ تعلق ایدن
 احکام دینیہ وک یعنی (علم جلیل قہمک و وضعی شرفی) دخی حکوماتہ
 دکل ائمہ کرام حضراتہ عائد بولمشدرد، بر چوق احادیث
 نبویہ اصحاب کرامک روایتلریلہ ثابت و متحقق اولوب (ہجرت
 نبویہ وک سکسانجی سنہ سنده کھوارہ زیب شہود اولان نعمان

بن ثابت امام اعظم او حنیفہ حضرت تری یتیم سنہ دن عبارت
اولان عمر شریف فرزند آیات کریمہ و احادیث نبویہ و اجاج صحاب
و محدثینہ و بردہ احکام شرعیہ مسند قیاس سلیمہ بالابنا
علم مذکورہ وجود و بر مشر و مذهب حنفی مک مؤسی اول مشر در
امام مشار الیہ عن اسل فارسی بر سلالہ دن اولوب کوفہ
متوطن ایدیلر و خلق آره سندہ کی شهرت عظیمہ لری سیبیلہ نیچہ
دعوی و مسائتات حلی کندیلرینہ تکلیف اولنور ایکن ینہ رسماً
منصب قضادہ بولمغنی قبول ایلام مشر و حتی بو عدم قبولدن
طولابی ابو جعفر المنصور طرفدن حبس و ضرب ایدیریلوب
کور دکاری سوء عامله و فلت عالیبرینی تعجیل ایشدی مشار الہک
تلا یزندن بولنان امام ابو یوسف استادینک بیاناتنی ثبت و تحریر
و کندی اجتهادیلہ بر قاندا توسیع ایش و ہارون الرشید زماندہ
قاضی القضااتلق منجبدہ بولمشدی . انداس دہ ملک حکمک
قاضی القضااتی اولان یحیی دخی اسپانیادہ مذهب حنفینک
انتشار و توسعہ خدندہ بولمشدر . خلفای عباسیہ مذهب
حنفی قبول ایلدکارندن عوم آسیای شرقیہ و عراقدہ مذهب
مذکور جاری اولمش و علمای حنیفہ بیان اولنان اساس اربعہ
ایلہ احکام شرعیہ بی مک ایلری کتیر مشر در .

(امام ابو حنیفہ مذهب حنفی تاسیس ایلدیکی صرہدہ
امام مالک دخی مدینہ منورہدہ مذهب مالکی تاسیس
ایدوردی . مذهب مالکی مذهب حنفی قدر واسع اولیوب

اصل اساسی عادات مدینه اولمقله ردوات عظیمه دن زیاده بر
 بلده به اختصاص ایلدیکندن چوق توسع ایتماشدر فقط امام
 مالکک خلقه تدریسنده بولسان امام محمد بن شافع مذهب
 حنفیدن ده از یاده محدود اولمق اوزره مذهب شافعی بی تأسیس
 ومصر وکردستان طرفرنده اشبو مذهب انتشار ایلشدر .
 علمای حنفیه تک شرع مبین احکامنی تفسیر خصوصنده کی ترقیلری
 وبعض سوء استعمالات بله خائفی عباسیه زمانده تئیر اعتقادی
 موجب بدعتلره قالفشلی سین سزیه تک حسن محافظه نتیجه
 تقیدات سزیده به لزوم کوسر دیکندن امام شافعدن تدرس
 ایلش اولان امام احمد بن حنبل احادیث نبویه بی جمع وتلفیق
 ایله بر جمعه عظیمه جسیه میدانه کثیروب مذهب اهل سنی آیت
 وحیده حصر ایدرک اجح وقیامت ردیله ابدان تک تقیدینه
 چاشتمش وشمت عظیمه صاحی اولمشدر . امام حنبل خلق
 قرآن سنا بتمز لکنی تدریق ایلدیکندن چوق اذا کورمش
 و بین الناس کسب ایلدیکی .قبولیت ایسه وفاتنده جناره سنده
 اتبوزیک کشی حاضر اولمندن منقهم بولمشدر .

اشبو ائمه اربعه ایله باب اجتهاد قیامشده سده علمفته بر
 بحر بی پایانه بحق تشبیه اولمده جق در جوده کسب وسعت ایدوب
 هربری عصرینک فریدی اولمق اوزره نیجه قتها یتشمش وکرك
 قهده وکرك تفسیر واحادیث خصوصنده بحد وبمحاسب آثار
 وتالیفات چقه اربارلق شرع مبینک وسعت حاضرده می

وجوده کلمشدر . امام بیضاوی نیک تفسیر شریفی تفاسیر میاننده
برموقع استثنائی حازدر .

علوم یونانیہ نیک ابو جعفر المنصور زمانندہ عربیہ نقل
و ترجمہ سندہ حکمای یونانیہ آمازی دخی ترجمہ اولمش و علم
حکمت بین العلمایک زیادہ مظہر رغبت اولہرق و حتی بعضیبری
بونی احکام شرعیہ دخی تطبیق ایدرک حکمای یونانیہ میاننده
معروف اولان مذاہب و مسائلکت جملہ سی بین الاسلام دخی ظهور
ایلمشدی . بومناسبتله مذهب مادبونہ میل کوسترنترہ طبیعیون
وزنون افکاری مروجلرینہ لادریہ و منکرین طرزندہ
اولانترہ دہربون عنوانری و برلمش و حکمتک عقائد اسلامیہ
تطبیق ایله علم کلام و اصولہ متعلق مواددن علم جدل و حکمت
ایله افکار دیندیک صورت دیکرله امتزاجندن دخی تصوف
حاصل اولمشدر . ہمدہ علمای اسلامیہ سادہ ناقل و مترجم
صفتندہ قابوب اوچنجی عصر ہجریدن اعتباراً بخارا و آسیای
وسطی دہ ابوعلی سینا و فارابی و اندلسدہ ابن الرشید کی
دہات حکمتک آثار دہالری اولہرق شعبات علم حکمت ترقیات
کلیدہ نائل و فخر الدین رازی و نصیر الدین طوسی و ابن بابہ کی
اعاظم ایله حکمت اسلامیہ منتهای ترقیہ واصل اولمشدر .
احیاء العلوم تالیف مشہورینک مؤلفی امام غزالی علیہ رحۃ
الباری حکمت دیندیکہ حاز اوج کمال اولوب تصوف ددہ بھی

الدين عربى و مولانا جلال الدين رومى و جنيد بغدادى كى
نوادر بيشمشدر .

عربك ذاتاً ادبياته و خصوصاً شعره مراقبى زياده
اولوب اسلامك انشـازندن صكره دخى كلام اللهى اكلايه
بيتك لزومى لسان عرب حقنده تدقيقات مكمله اجراسنه احتياج
كوسترمكله صرف و نحو عربى به دائر حساب به كلز درجده
اثرلر يازلمش ، معانى و منطق و بيان علملى ترقى ابتديربله رك
زمحشرى و سعدالدين تفتازانى كى علامه لر بيشمش و لغات عربك
چعنده جوهرينك صحاح الافهسى و ياخود مؤخرآ فيروز
آبادينك قاموس محيطى كى آثار بر كذبده وجوده بيشمشدر .

دها زمان رسالنده حسان ابن ثابت كى بر شاعر نوادر پسند
مدح رسول مجتبي بي حاوى قصيده مشهوره سيله لسان عرب
شرف و بر مشدى . اوزان و قوافينك نعم استعمالى اشعاره بر
فاندها زينت بخش اوله رق شعرايك مقدارى كوندن كونه
چو غالمش و نيمه ابيات و قصائد مجموعه لرى و منظومه لر له اسلامك
خزائن الادبى املاقمشدر . عربى اشعار اكثر تبته آثار متفرقه دن
عبارت اولوب فقط فارسیده دها بيوك منظومه لر يابيشمشدر . لسان
فارسي حروف عربيه نك استعماليله زياده كسب سهوات و وسعت
ايدوب سعدى و حافظ شيرازى و نظامى و فردوسى طوسى كى
اعاظم شعرايك اثرلرى بولسان خوش زبانك لطافتنى ميدانه قومش
و فردوسينك شاهنامه سى ، حافظك ديوانى ، نظامينك پيچ كنجه

و شیخ عطارک کلیاتی کبی آثار نفیسہ یازلمشدرہ ابو القاسم
حررینک مقاماتی زحشرینک اطواق الذہبی و سعدینک کلستان
و بوستانی و خجہ نظامی و انوار سمیلی کبی تہذیب اخلاقہ مدار
اولہ جق نیجہ مؤلفات قیمہ دار وجودہ کلش و الف اللیلۃ
واللیلہ حکایہ سنک قیمت ادبیہ سی حالا اوروپا لیرجہ مظهر
تقدیر اولقہہ بولمشدرہ حکایات و رومان جہتی بالخاصہ اندلس
ادبامی میانہ چوق مقبول اولمشدرہ

حروف عربیہ لسان ترکی ایچون دخی استعمال ایدلدیکندن
چفتای لسانی ایلہدہ برطاقم آثار تنظیم اولمشدرہ

علم تاریخ دخی بین الاسلام زیادہ سبیلہ ترقی ایلشدی . پیک
اوجیوز قدرینک شہرتی اسملرینی فسادن قورتارمش اولان
مورخین اسلامیہ بیچہ اولوب سوربہدہ طوٹف ملوکدن
اولان ابوالفدا، حاب پستقوسی ایکن قبول اسلام ایدن ابوالفراج
و مدرسیندن برهان الدین و عرب و بربر و سائر اقوامک تاریخینی
و بالخاصہ بو تاریخک شعبات علوم و فنوندن و حکمت سیادتدن
باحث متبہ مشہور معنی یازان تونسللی ابن خلدون و انک
معاصرین مفریزی و سیوطی و دردیجی عصرده ظهور ایدن
طبری و بشجی عصرده برحیات اولان مسعودی و تاریخ کامل
صاحبی ابن اثیر و اندلسلی مقری کبی مشاہیر مورخین بو علمی
وضبط و محاکمہ قایعی چوق ایلر و کتور مشر و تاریخ و جغرافیایا
لغاتی طرزندہ نیجہ مؤلفات نادرہ میدان استفادہ یہ قولمشدرہ

جغرافیه‌ایده عربی بظلموسک اثرینی ترجمه ایله بو علمک تدقیقه
 باشلامشده ده بالجمله علمک و بلدانک عرض و طولارینی یکپیدن
 تعیین و بظلموسک اثرندن چوق برلری تصحیح و تعدیل ایتلمش و بغداد
 مدرسه لرندن ینشان بیرونی ک آسیای شرقی و هندده و اندلسلی
 مشهور ادریسی نك آفریقای شمالی و سودانده و تیمور حفیدی
 اوغ بکک چینده مأموریت فیه ایله کوندردیکی علی قوشچی نك
 حوالی چینده بالذات اجرا ایلدکلری تدقیقات و کشفیات ایله
 یونانلردن آلدقلری معلومات جغرافیه‌یه دهها برقاچ مثلنی علاوه
 ایتلمش و هله ادریسی بحر سفیدک طوانی درتیوز میل فضله
 حساب ایتش اولان یونانلرک خطالرینی تصحیح ایدرک علمه بیوک
 برخدمت ایتش و بر اثر مشهور تصنیف ایتلمشده که اثری بوزلجه
 سنه مدت اوروپاده مقتدابه اولمشدر . عربلر سنچار صحرا سنده
 مساحات اجرا سیله ارضک کرویننی تعیین و کره مرکز جسامت
 حقیقه‌سی نیک تخمین ایتلمش و این بطوطه نك سیاحتنامه‌سی و بیرونی نك
 قانونی و ادریسی نك اثری کی قیمتدار اثرلرده براقشلملردر .
 ادریسی نك نیک منابعندن دخی بحث ایتش اولسی شایان دقتدر .
 اسلامک علوم ریاضیه‌یه اولان خدمتی ایسه حقیقتاً بک
 چوققدر . یونانلردن نقل اولنان حساب و هندسه برچوق
 قواعد جدیده علاوه سیله شمیدیکی حالنه کتیرلمش علم جبر
 و مثلثات مستویه همان ابداع و ایجاد درجه سنده توسیع و اکمال
 قلمش و مثلثات کروییه علمی احداث ایدلمشدر . اسلام ریاضیاتی

اوقدر ایلو کتور مشلدر که اوروپالیر بوکا پک جزئی شیئی
 علاوه ایده بیلشدر. علمادن حسن بن هیثم ریاضیات ایله فن
 بصره دائر آثار عدیده تألیف ایلمش و الخازن دخی بویولده
 کتابلر یازمش و مأمونک امریله بغدادی محمد بن موسی نک هرکسک
 اکلیبه بیله چکی صورتده یازدیغی جبر کتابی اوروپاده مدت
 مدیده تدریس اولمشدر.

ابن الرشید و ابو الوفا و ابن یونس کی علامه لر ریاضیاتی چوق
 ایلو کتور مشلر، محمد بغدادی نام زانده خریطه آلمق اصولنه
 دائر زمانمزده دخی معتبر اصولی حاوی اوله رقی بر اثر نفیس
 یازمشدر. ریاضیاتک ترقیسندن طولایی فن میخانیک دخی خیلی
 ترقی ایدوب ساعتک اعمال و اکالی خصوصنده عربلر چوق
 هنرو مهارت کوستر مشلر و فن میخانیک قواعندن استفاده ایدرک
 نیجه مضع و هنرلی شیلر یازمشدر.

علوم ریاضیه نک بو ترقیاتی علم هیئنده ده پک چوق ترقیات
 و کشفیاتی موجب اولمش و مسلمانلر هیئت بظلیوسک کتاب المجسطی
 نامیله ترجمه ایدیلان اثرندن آلدقیزی حالده کندیلری بوکاپک
 چوق معلومات علاوه سنه موفق اولمشدر. بغداد رصد
 خانه سی پک منتظم اولوب مشاهیر علمای هیئندن البانی نک اثرنده
 اشبو رصدخانه هیئتک نقدر ترقیات وجوده کتیر دیکی مشهود
 اولمشدر. بغدادده شمسک ارضدن دائماً عینی مسافده اولدیغی
 و بر نصف النهار دائره سنک مساحت طولی کی جهات بالحساب

تعیین ایدیلوب ابو الوفا دخی قرك حرکاتی حقنده اوروپاده پك چوق و قنر مجهول قالان حقایق فیه بی میدانه چبقارمشر محمود غزنوی نك مشاوری البرونی واسطه سیله غزنه ده دخی مکمل رصد خانه یابلس و تاریخ افرنجینک اون یک سنده ده اوج کون خطامی اولدیغی حالده ملک شاهک امریله حساب ایدیلان تاریخ جلالیده بو خطا ایکی کونه ایندرلمشدر .

بغدادک انقراضندن صکره آسیای شرقیده هیئتک ترقیاتی نهایت بولموب هلا کونک مشهور نصیر الدین طومی واسطه سیله مراغه ده تأسیس ایدردیکی رصد خانه ده علمه چوق خدمتله ایدلمش و شاهرخک اوغلی اوغ بک دخی سمرقند رصدخانه سنده بالذات علم هیئت ابله اشتغال ایدرک منجمین مشهوره دن عد اولتمشدر . قوپلای خانک چین فرنده برانکده کتوردیکی علامه جلال الدین واسطه سیله سائر معارف عربیه صرهنده علم هیئت ده چینیه نقل و ترجمه اولتمشدر . خلفای فاطمیله زماننده قاهره ده دخی رصدخانه یایلوب ابن بونسک از یاجی بک زیاده کسب شهرت ایتمشدر .

اسپانیا و مغربده دخی بک چوق علمای هیئت ایتشمشده ده بونرک آناری اکثر بنه ضایع اولمشدر مع مافیه معاصر خرسوبان مؤلفرک عربلردن نقلاً یازدقلری شیلره باقیلورسه اسپانیا علماسنک سیاراتک حرکتلری قوانیننی وارضک متحرک اولدیغی کشنده کیلر و قوپر نیقلره تقدم ایلدکاری اکلایشیلور . بعض

منجمین اسلامیه نك آثارندہ كرم و سردی طالع بشرده نجومك
تأثیرندن دخی بحث اولشمسده نجومه بواعتقاد عمومی اولدیغی
کبی ذتأ قرون وسطی ده اوروپا مؤلفینی دخی بوندن سالم
اوله مامشردی .

حسن بن هيثمك والحازنك بصره دار اثرلی عربلك
حكمت طبیعهده دخی ترقیلرینی کوستر مدنیة اسلامیه دورنده
حكمت طبیعهده شمسیکی درجه و سعنی بولماش اولمغله برابر بنه
یونانیلك براقدیغی درجه دن چوق ایلی کتورلمش وباخصوص
یونانیلر دورنده عادتاً علم بیله دیتله میسه جك برحال نقصانیده
اولان کیمیا عربلر طرفندن پك مکمل برطرزه قونلشدر واقعا
عربلر معادن واجسام بسیطه نك دخی عناصر مجهوله دن مرکب
اولسی ظنیله سمییا ابله کیمیایی بربرنه قارشدر مشلر سدهده پك
چوق اجسامی کشف ابله خواصنی تعیین ایلشدر وجابرك اثر
مشهوری اولالائیجیه و صکره فرانسه زجهیه ترجمه ایدیلهرنك
اون یدنجی عصره قدر اوروپاده او قونلشدر علوم طبیعه
وبالحاصله نباتات ومعنیات عملری پك ایلرویه کتوریلوب
ارسططالیسك آثاری کریده براقلمش وقزوینی نك اثری بوبابده
عربلك کلیات معلوماتنی جامع بولنمشدر .

هله علم طبیعه اهم اسلامیه واصل منتهای کمال اولمشدر .
آل سامان اطبا سندن بولنان ابوبکر رازینك و اندن صکره ظهور
ایدن ایرانی علی بن عباسك و اوروپاده همان عصر مزه قدر

معتبر قالان قانون نام کتاب طبك مؤلفی حسین ابوعلی سینانك
واندلسی حکیم مشهور ابن الرشك ودها نیجه یوزرله اطباء
اسلامیه نك طبك شعوب و فروعنه و فن جراحی به و علوم طبیعیه به
دارتصغیف ایلدکری آثارك ساده اسملرینك بیانی جملدرطو لدربر .
علمای اسلامیه نك اشو آثار برکزیده سندن برچوقلری عصر
لرنده و یاخود اوروپاده اهل صلیب محارباتك ختامیه تعصب
و اسلامه منافرت براز ذائل اولدوقنصرکه لاتینجه به وسائر
لسانله ترجمه ایلدلرک دها اووقتن مدنیت اسلامیه اوروپابه
داخل اولمش و ایلروده کوریله جکی اوزره اسلامك صنایع
و تجارتی اوروپانك عیون انقباهنی آچدیغی کبی ترقیات علمیه سی دخی
معارف بونایه نك توسیع و اکمال ایلمش ترجمه لریله برابر اوروپابه
کیده رک انقباه علمیم و معارف دورینك کشادینه سبب اولمشدر .
علمومك تطبیقاتنده دخی ملل اسلامیه نك ترقیاتی شایان
دقت بردرجه نی بولمشدر کاغذ اعمالی ایلرولدیله رک ایپلکدن
ویاموقدن کاغذ یا پلمه باشلامش ، مذوجات و مصنوعات نفیسه ایله
دارالصناعه لر کسب عمران ایتمش و محارباتنده استعمال ایلمك
اوزره نیجه آلات ناریه و احرای ملتبهه ایجاد اولتمشدر حتی
بارونك دخی عربلر طرفندن ایجاددی و برطاقم حربلرده اسلامك
عادتاً طویه بکزر و اجزای ملتبهه واسطه سیله مرعی آثار آلات
و افواه ناریه قوللاندقوری شبهه دن وارسته در . سیرسفاک
ترقیات خارق العاده سنه واسطه اولان پوصله دخی عربلرک
مؤخرأ بولدقوری نوادر اختراعاتنددر .

صنایع نفیسہ دہ عربیہ و سائر اقوام اسلامیتک وجودہ
کتیر دکتری تکمالات حالا هر کسک حیرت و تعجبی جالب بر
درجہ بیہ و ارمشدر . مسجد الاقصی ، جامع اموی ، الحمرا و جامع
کبیر قرطبہ کی اسلامک هر برده انشا ایتدر دکتری و مملکتک
هر جهنتک تزیننه واسطہ انخاذا ایلدکری ایلنه عالیہ عرب
واندن متولد ایران و هند صنعت معماریہ لرینی عظمت و زینجه
اک مشهور صنایع معماریہ میانہ ادخال ایلش و بونالزده کی
اویملر و رسملر و سائر تزینات کونا کون ایلہ آثار اسلامدن
بولسان غایت مزین طویراق ایشلری و سائر آوانی ذیقیت
اسلامک صنایع نفیسہ نک هر شعبہ سنده کی ترقیات و حسن طبیعتی
ذائ اولز نشانہ لرله اخلافه ارانہ ایلکده بولمشدر .

کریک علوم و فنون و کریک صنایع نفیسہ جه بوقدر ترقیات
ایلہ ممالک اسلامیتک هر طرفی کسب عمران و ترقی ایلکده بر
طرفدن آسیای شرقی و جنوبی ایلہ و بر طرفدن اوروپا ایلہ
اسلامک معاملات تجاریہ سی کلی توسع ایدریک بومعاملات
و مناسبات سایہ سنده هم اسلامک ثروت و رفاهی مزید و همده
مال شرقیہ و غربیہ مدنیت اسلامیه انوارندن مستفید
اواشددر . شرق ایلہ اختلاطک اوروپا جه حاصل ایلدیکی
نأیر آیدہ کوربله جکدر که قرون وسطی مدنیتک بحق مدنیت
اسلامیه دن عبارت اولدیغنی بونأیردن مثبت برشی اوله مز .

سکزنجی کتاب

قرون وسطی نہایتی

فصل اول

فرانسه وانكتره

—

۱

قاپت و پلانتاجنه سلاله لری

قاپت سلاله سنك ابتدای اقبالی. ششمان لوتی و مسلکی. بدنجی لوتی و خطاسی. انكتره احوالی. فرمزی کلبوم. برنجی هانزی. ایلك امتیازات. پلانتاجنه خاندانی. ایکنجی هانزی و عمانکی. ایرلاده قحی. توماس بکت. هانزینك اوغللری. فرانسه نك مسلکی. فلیپ اوکوست و ریشارد کوردولیمون. فرانسه ده قرالغك ترقی نفوذی. آلبرزوا محاربه سی. فرانسه وانكتره نك مناسبانی. بووین محاربه سی.

—

فرانسه ده حکومتك قاپت خاندانی کی بیوك لن صاحبی بر سلاله یه انتقالی مرکز حکومتك مرور زمانه بر قدرت جدیدیه مالکیتنی تأمین ایده جك اسبابی حد ذاته محتوی بر انقلاب اولدیغی کتابمژك جلد نانیسه سنده کورلمشیدی. مع مافیله هوک قاپتک جلو سندن بدأ ایله بر عصر مدت بو انقلابك اهمیتتی ظاهر اوله میوب فرانسه قراللری هنوز حکومتلرینی تصدیق ایتمك ایستیمان بعض بیوك دره بکاری دائره اطاعته ادخاله ییله موفق اوله مامشردی حتی قرال برنجی فلیپ تبعه سندن یوز بیکارجه

آدمک کندی دخلی اولمیزین قدس شریف فتحنه عازم
 وواسالردن برینک انکلتزه حکومتده نزل اولمیزی کال سکوتله
 مشاهده ایدوب بوکبی امور معظمهده بیله کندیسنگ فرانسه
 قرالی اولدیغنی کوسهتره جک رحرکتده بولنه مامشدی . فقط
 فلیک اوغلی التجی ویاخود ششمان لوئیک جلمه سیله (هش
 ۴۸۶) احوال بشقه برطرز کسب ایشدر .

لوئی غیور و مقدم بر حکمدار اولوب کندی ملک
 موروثی اولان فرانسه دوقه لغی داخلنده امنیت نامی سلب
 ایدن دره بک حشراتنی ازاله ایش ، انکلتزهده قرال برنجی
 هاری علیه بیوک برادری روبرک عصبانی وقوعنده روبر
 طرفنی التزام ایدرک فرانسهده بر قرال بولدیغنی کوسهترمه
 چالشمش ، آلمانیا ایله محاربه ایدرک فلاندر دوقه لغنده نفوذ
 حکومتنی طامتش وحتی اکیانیا دوقه سی طوقونجی کیلیومی
 بیله کندیسنی سوزرن طایفه مجبور ایشدر . لوئی زماننده بتون
 فرانسه رسماً قراله عرض عبودیت ایلدیگی کبی فرانسه دوقه لغی
 اراضی مخصوصه سیده توسیع قلنش و ازجمله ایلروده دهها
 زیاده توسیع ممالکه سبب اوله جق بر تدبیرده بولنشدر .
 شوبله که فرانسه قرالک اوغلی لوئی ایله آکیانیا دوقه سنگ
 وارثه حکومتی اولان اشونورک عقید ازدواجیله دوقه سنگ
 وفاتنده جنوبی فرانسه ننگ قرال ممالکنده فعلاً الحاقی چاره سی
 دخی بولنشدهده ششمان لوئیک وفاتندن صکره بدنجی لوئی

نامیله جلوس ایدن اوغلی بونعمتک قدرینی بیلیوب زوجده سنی
تطلیق ایلمش و آئیده کوربله جکی اوزره انکاتره خاندانک کسب
عظمت ایلمسنه سبب اولمشدر. یدنجی لوتی برکایسا احرافی
مسئله سنده پاپایی کوچندردیکندن قصورینی عفو ایدیرمک
اوزره ایکنجی اهل صلیب سفرینه اشتراک کبی عفو اولمز
برخطاده بولتمشدر.

بو مدت اثناسنده انکاترده نورمان سلاله سی حکومت
ایدیوردی. فاتح کیلیومک وفاتندن صکره حکومت کوچک
اوغلی قرمزی کیلیومده قالبوب بیوک اوغلی روبرت ساده
نورماندییه دوقه لغیله اکتفایه مجبور اولدیغندن انفعالندن برنجی
اهل صلیب سفرینه کتمشدی. قرمزی کیلیوم غایت خرچین
وحشین برآدم اولوب پدرینک و کندیسنک انکاترده یشدر دکلری
جسیم اورمانلرده صید و شکاردن بشقه هبج برشینده مرافی
اولدیغندن برکون اثنای صیدده قضا ایله عونه سندن بری
طرفندن اولدیریلوب روورده ارض فلسطینده اولدیغندن انکاتره
قرالغنه فاتح کیلیومک الک کوچک اوغلی هازی اصعاد ایدلدی.
برنجی هازی زمانی آدملرینه نسبتله درایتلی و او قور یازار
بر ذات اولوب کوزل کاتب beau clerc نامیله معروف اولمش
و حکومتی تأمین ایچون حقوق حکمداری بی بعض مرتبه تقید
ایدیجی بر فرمان نشر ایلمشدر. هازینک اوغلاری نورماندییه دن
انکاتره به کایرکن مانش دکزنده سفیدلری غرق اوله رق تلف

اولدقرندن حق وراثت قزی مایله انتقال ایلمشدی . مایله
ایسه آلمانیا ایمپراطوری بشنجی هائزیدن طول قالارق آنزو
قونتی ژوفروایه وارمش و برنجی هائزینک و قاتنده قزینک
محافظه سینه مأمور ایلمدیکی یکنی آیهن دویلووا حکومتی ضبط
ایلمکله مایله ایله آیهن آره سنده اوزون اوزادی محاربه لر
وقوعبولوب نهایت آیهنک ارنحالنده مایله ک اوغلی هائزی
حکمدار اولقی اوزره عقد مصالحه ای دیلوب آز وقت صکره
هائزی انکلتره قرالی اولمش و پلانتاجنه خاندانی انکلتره ده
برلشمشدر .

فئودالیزمه مخصوص احوال کوچک برفرانسز دره بکنک
اوغلی اولان هائزی بی ملک جسمیه به حکمران ایلمشدر . هائزی
پدری ژوفروا پلانتاجنه دن آنزو و تورهن قونتلقرینی و والده سی
مایله دن موروثاً دخی انکلتره قرالقیله نورماندییه و من
دوقه اقرینی آلمش و کندیسسی انکلتره قرالی اولمدن اول یکنجی
لویینک مطلقه سی ائونوره بی تزوج ایلوب او مناسبتله دخی
فرانسه نک عموم جنوب غربی قسمتی و متعدد قونتلقری حاوی
اولان آکیتانیایا دوقه لغنی تخت اداره سینه پکیرمشدر . حتی
زوجه سندن طولایی تولوز حواله سینه دخی حق حکومتی
وار ایکن ارتق بونی مطالبه دن تأدب و حیا ایلمش و ابرلانده
قطعه سی دخی قسماً بونک زمانده انکلتره اداره سینه پکیرمشدر .
بو وجهله رسماً فرانسه قرالک و اسالی عد اولنان انکلتره

حاکم داری فرانسه ده فرانسه قرالی ممالکینک بر قاج میلی اراضی به صاحب اولوب فرانسه نك استقلال بیله تهلکده قالمشکن هله انکتر نك دوچار اولدیغی غوائل فرانسه بی و تهلکه دن قورتار شدر . انکنجی هازی شیخ غامه دن قبرتلا مشدر . او وقت انکتر نك هیئت ره بایه نك حقوق عظیمه سی اولوب از جمله کایسا محاکمه هیئت ره بایه به منسوب آدمک اجرای محاکمه لری صلاحیتی همان کافه قوه عدلیه بی قرالک لندن آلبوردی . هازی بو حالک اصلاحی ایچون قانتروری بری مانلغنه کندری رفقای سفاهتدن توماس بکت نام ذاتی زمین ایدردیسه ده ویلیام بکت اسمده بر ساقسون ایله سورده لی بر قزک محصول معاش قدرلی اولان توماس بکت مقامنه بکر بکمز کایسا نك حقوقی اسکیدن شته مدافعه و پاییه قرالکدن شکایته بجامرت ایلدیکندن قرالک امر و تشویقیه بعض معیت افرادی طرفندن کایساده و عطا ایله مشغول ایکن قتل ایدلی . فقط بکت انکتره اهالیجه بک مدوح و مقبول اولدیغندن مغدوراً قلی عموم خلقک و هیئت ره بایه نك درجه نه ایده حدت و انفعالی بی موجب اولغله هازی سوء تأثیری ازاله و کندری حکومتی نفوذ قدیمه سنده اعاده ایچون علماً استغای قصوره و کندبسنی بکتک مزارعی اطرافنده چپلاق اولدیغی حالده ره بانه دو کدیر مک کی نذالراه افکار عمومی نك توجهنی جلبه چالشدی . مع مافیه به هازی راحت بوزی کوره بیوب ممالک عدیده سنک ان صورتیه

اولادی آره سنده توزیعی مناسبیه اوغلربنک و حتی اک زیاده
 سودیکی کوچک اوغلی ژانک علیمه عصیان ایلدیکی کورمک
 کی تأثرات آره سنده ترک حیات ایدرک حکومت بیوک اوغلی
 ارسلان پوره کی ریشارده (۵۶۷) قالدی .

ریشارد جسور و قهرمان برذات اولوب اوچنجی اهل
 صلیب سفرنده اثبات مردانگی ایش و باشنه کلان فلا کتلمله
 مشهور اولمشدر . ریشاردک معاصری بولنان فرانسه قرالیده
 یدنجی لویئی نیک اوغلی اولوب اوکوست نامیله معنون اولان
 فلیپ درکه فرانسه حکومتی اصل بونک زمانده طریق ترقیه
 کیرش و فلیپ اوکوستک وقتیه رفیق تفتیق بولنان ریشارده
 قارشو مؤخرأ صورت حرکتی شایان دقت احوالدن بولمشدر .
 فلیپ اوکوست پک درایتلی برذات اولمقله برابرینه زمان
 علمتی اولان پاپا آفوروزندن و اهل صلیب سفرندن تخلص
 کربان ایده ماش و موسویلی آره صره صویارق مملکتندن
 طرد ایلک کی مناسبه سزلیکری شایه تعصبدن عاری اولدیغنی
 معین بولمشدر . فلیپ اوکوست نفوذ حکمداریسنگ تمامی
 محافظه سی باینده زیاده سیله مقدم اولوب دره بکری تماماً تحت
 انضباطده طوتمش و کوردیکی سرکشلیکله مقابل پک چوغنک
 اراضیسی ضبط ایدرک ممالک موروثه سی توسیع ایلشدر .

فرانسه نیک جنوب جهتلربی تخریب ایدن آلبیتر و محاربه
 صلیبیه سی دخی فلیپ اوکوست زمانده وقوع بواب فقط

کندیسی بوکا مداخله ایلامشدر . فرانسه نك جنوبنده بولنان تولوز
 قوتلغی و جواری اھالیسی ذاتا وقتیلہ عرب ادارہ سنده بولنہرق
 طریق مدینتہ ایلرویه کتمش ، عناصر اھالی بی ترکیب ایدن
 اجناس مختلفہ سیبیلہ و مملکت اسلامیدنک قریبی حسبیله اعتقاد
 لریچہ نصرانیت معلومہ بہ مخالف و فقط زمانمزجہ اصل و حقیقتی
 مجهول تغیرات حاصل اولمش و شوالیدرک قهرمانلقربی تصور
 ایدن تروبادور نام شاعر لر اصل اورادہ ترنمات دلاویز ایله
 تفریح قلوب ایدوب بو قطعہ نك لسان و ادبیاتی آریچہ ترقی بہ
 باشلامشدی . بو قطعہ شمالی فرانسه دن کلیاً آری اولوب حتی
 فرانسه لانغ دوئل و لانغ دوق نامیلہ ایکی قطعہ بہ بولتمشدی .
 اکر بو مدینت متولدہ نك توسع و ترقیسنہ برحائل اولسه جنوبی
 فرانسه نك ایوم فرانسر ملیتدن فرقلی بر وحدت ملیہ تشکیل
 ایلمسی اغلب احتمال ایدی . فقط لانغ دوق اشبو حالی پاپا
 اوچنجی اینوسانک نظردقتی جلب ایدوب پاپا مرخصنک تولوز
 قونتی رہیموندک امریہ اتلافی دخی باعث حدت اولغله پاپانک
 دعوتیلہ بر اهل صلیب فرقه سی ترتیب اولتمش و فرانسه و جواری
 تقدیر سرسری طاقی و ارسہ جله سی پارس جوارینده برشاتوصاحی
 بولنان سیمون دومونفورک قومانداسیلہ جنوبی فرانسه بہ آقین
 ایلمدکارندن نیچہ ممالک معموره تخریب و تالان ایدلمشدر حتی
 بزیہ شهرینک ضبطندہ اعتقاد صحیح اربابی ایله فسدہ نك تفریقندہ
 اختلاف اولغله پاپانک و کیلی «منز هپسنی اولدرک الله صادقی

اولانتری آیرر» دیه رك قتل عامی امر ایلشدی . اعتقاد جدید
 اربانتك مركزی آلبی شهری اولسندن طولایی آلبیثروا نامی
 وریلان تولوز قونتلغی اهاالیسی بو صورتله قنالی کلی به دوچار
 ایدیلوب ره یوند مغلوب و مقتول و منفی بولنان آراغون قرالی
 ایکنجی پتروده مغلوباً رجمته مجبور اوله رق سیون دومونفور
 تولوز قونتی اعلان ایدلشدر . بوقارغشه لقمه مونپلیه کی بعض
 شهرلر فلیپ اوکوسته تسلیم اولدیغی کی برمدت صکره تولوز
 قطع سیده طوغریدن طوغری به فرانسه قرالری اداره سنه
 یکم شد .

فلیپ اوکوست پارس شهرینی توسیع و تزین ایدرك شمیدی
 شهرت فوق العاده سنك اساسی قوم شد . کندیسی دولتك
 استقلالنی فوق العاده صورتده محافظه ایدوب کسه به سرفرو
 اتمامش و ضبط ایدلیکی برلده دره بکاک اصول وروابطنی قیروب
 اورالری ساده وارداتدن استفاده صورتیه اداره ایلک اوزره
 مالکانه شکله افراغ و خاندانی پرنسلینه توجیه ایلشد .
 فرانسه ده مؤخر آخاندان سلطنت افرادی آره سنده چوق استعمال
 اولنان آباناز (مالکانه) اصولی بو وقتدن بدأ ایلشد .

فلیپ اوکوست بالجه دره بکری تصنیق ایدلیکی صره ده
 ارسلان یوره کی ریشارد ایلده ده بوز و شمش و هله ریشاردک برادری
 و خلقی ژان سان تر زمانده انکاتره به فارشو تعرضی آرتیروب
 نورماندی و پواتو قطع دیرینی فتحه موفق اولشد . ایلروده

کوربله جکی اوزره ژان سان ترك پاپا و انکلتره زادکاتی ایله
 منازمات مدیده سی فرانسه نك بوقنوحاقی محافظه ایلمسنه بادی
 اولوب مؤخر آژان ایله آلمانیا ایمپراطوری دردیجی اوتون اتفاق
 ایدرک سائر معاونلرله فرانسه به هجوم ایلشلسده فلیپ اوکوست
 متفقلمری بلچ بقاده (فلاندرده) کائن بووین بلده سنده وقوع بولان
 محاربه عظیمده مغلوب ایتشدردر . بوسرده قرالک ممالکی
 زیاده سیله توسع ایدوب فرانسه ده ژانک ممالکی کویهن وسنتونر
 قونملقنندن عبارت قالمش وفلیپ اوکوستک ایکی دولت
 متفقیه غلبه سی شان و شرفنی زیاده سیله اعلا ایدوب حتی اوغلی
 لوئی نك برآره اق انکلتره سلطنتنی ضبط ایلمسنه بیلهر مق قالمشدر .
 بووین محاربه سنده ایلك دفعه اوله رق شهور و قصبات
 اها ایسندن فلیپ اوکوستک الیغنی پیاده عساکری داخل حرب
 اولوب بونلر کده شوالیه لر قدر ایشه برادقلمری کورلمشدر .
 فرانسه قرالک بورژوازی عسکری ایله شوالیه لر و دره بکلرک
 ک متفقنی بولنان انکلتره حکمدار ایله آلمانیا ایمپراطورینه غلبه سی
 ایسه فرانسه ده حکومتک پیدرپی اکتساب ایلدیکی صفت
 جدیدی لایقینه ارا نه ایتشدردر .

فرانسه نك اقبالی وانككتره نك ضعفی

سکزیجی لوئی. بلانش دوکاسبیل. سن لوئی نك مسلکی واصول اداره سی. قرالغک اهمیتی. انککتره دولتنک حال معکوسی. زان سان تر. فرمان کبیر. اوچجی هانری. اصول جدیده اداره. اوچجی فلیپ. کوزل فلیپ. صورت اداره سی. پاپا ایله منازعه. بابل اسارتی. فنییک اوغلاری. فلیپ دو وانوا. انککتره نك مدعیاتی. برنجی وانککجی ادوارد. داخلی قاریشقلقلر. اوچجی ادوارد وپوزسنه محاربه سننک ابتدایی.

فلیپ اوکوست قرق اوج سنه دوام ایدن مدت سلطنتنده نفوذ و قدرتی جالب دقت بدرجه به ایصال ایلدکن صکره وفاتنده سلطنتی اوغلی سکزیجی لوئی به قالمشدی. سکزیجی لوئی ذاتاً پدربنک حیاتنده پک چوق محاربه لرده بولنوب کسب شهرت ایش و حکمدار اغنده دخی پدربنک مسلکینده دوام ایش ایسه ده آزمدت صکره وفاتیه سلطنت کوچک باشده بولنان اوغلی طقوزنجی لوئی به قالمشدر. طقوزنجی لوئی نك جلوسنده دره بک طاقی حکومتک چوجق بدنده بولتمسندن استفاده ایله فلیپ اوکوستنک آمارینی بحایه چالشملر ویوک بر عصیان وجوده کتیرمشلرده قرالک والده سی و نایبه حکومت بلانش دوکاسبیلک غیرت و درایتی ایله عاصیلره غلبه ایلدوب ۶۱۴ نارینخنده

طقوزنجى لوئى رسماً تقدیس و رسم توجى اجرا قلنهرق ازهر
جهت مشهور اولان دور سلطنتى باشلامشدر .

طقوزنجى لوئى بيوك پدرى قدر در ايت و اقتدار صاحبي
و قدر اندن دها طوغرى و عادل بر ذات او اوب حقانيت و نصفتى
ايله تبعه سنك كر چكدن پدرى اولمش و زياده سييله متسدين
بولنديغندن سن لوئى ناميله اعزه نصارا ميانته قاتلمشدر . فليپ
او كوستك اثرى بونك زمانده پك ايلرى كتورلدى شويله كه
فرانسه دره بكاكلرندن پك چوقلرى قرال ممالكنه قاتيلوب شمال
و جنوبده برچوق يرل مالكانه صورتيله قرالك برادرلر ينه توجيه
ايديلهرك خاندان حكومدارى ممالكى مقدار جهه سار امارتله
تفوق ايلدى؛ انكلتره به غلبه ايه يلهرك ساده كويهن دو قدهغى
و ملحق قوتلقلر انكلتره قرالى اوچجى هازريده بر اقبيلوب
نورمانديه و بره تائيسا و من و تورن و آنزو حواليسى رسماً قرال
اداره سنده پكيرلدى؛ لانغ دوق قطعه سى ضبط اولدى و بجر
سفيد سواحلنده فرانسه نفوذى تاسيس ايدلدى؛ آراغون دولتيه
مخاربه و غلبه ايديلوب اسپانيا نك شمال شرق كوشه سنده روسيا يون
قوتلغلك تركنه مقابل آراغونليرك جنوبى فرانسه ده هر كونه
ادعاى سلطنتلر نك او كي آلدى؛ دره بكارك بر بريله حرب ايللرى
حقى تحديد قلنهرق موجب حرب عدايديلان تعرضك زمان
و قوعندن انجق قرق كون مرورنده مخاربه به ايتدار اولسه .
بيلسى حقهده فليپ او كوستك قودبغى قاعده تاييد اولدى؛

قرالت اهمیتیتی آرتوب دره بیکر بیننده کی اختلافات قرال مجلسنده
حل اولنغه باشلادی، بومجلس فلیپ اوکوست زماننده انکاتره
قرالی ژان سان تری محاکمه به جلب ایله اراضیسنک مصادر مسنه
حکم و بره جک قدر اهمیت کسب ایشدی.

فرانسه ده قرال لک نفوذ و اقتدار لر ی ترقی ایلدی بی صروده
انکاتره ده بالعکس قرال لک اهمیت به بیوک نقیصه لر طاری اولقده
ایدی. ارسلان یوره کی ریشارده خلف اولان ژان سان ترضعف
تدبیر و سوء اخلاق صاحبی بر آدم اولوب اداره می هر کسی
دل کبر ایلدی کندن هم بر طرفدن فرانسه ده کی اراضیسنک چوغنی
فلیپ اوکوسته قایدیرمش و همده داخله انواع اختلافات ایله
حیدیتنه خلل کیشدی. ازجاه بارونلرک وقوع بولان عصیانته
فارشو ۵۹۳ تاریخده نشر ایلدی بی فرمان کبرده اموردولتک
و تکالیف طرحی و نظامات نشر بیک زادکاندن مرکب پارلمنتو
مجلسنده مذاکره ایلدسنی و حریت شخصیه تک تأمین بولنده
بعض تدابیری اعلان ایله انکاتره اصول مشروطیتک اساسی
وضع ایش و بو قانونی اخلاصه تصدی ایلدی دخی یه زادکانک
عصیاننی و فلیپ اوکوستک اوغلی لوفی تک انکاتره تاجنه
نامزدلکنی موجب اوله رقی هر نه حال ایسه ژان سان ترک و قاتیله
سلطنت اوغلی اوجنچی هانری به قالمشدی.

اوجنچی هانریک دور سلطنتی دخی بیوک قارشقلق ایلچنده
پکوب زادکانک محالف قتلری و عصیاننریله فرمان کبرک محتوی

اولدبغی امتیازات توسیع ایدلمش و پارلمنتونک ایکی مجلسدن مرکب اوله زرق برنده بیوک زادکانک و دیگرنده یعنی عوام قاره سنده دخی قوتنقلردن مبعوثا کله جک کوچک زادکان وشوالیه لرابله شهرلر اهالیسنک مبعوثلردن شکل ایلی و بو مجلسک ازمینه معینده اجتماعی و کسه نیک بلا حکم توقیف و تجریم ایدلامه سی تأمین ایدن هابئاس قورپوس اصولیه امر عدالتک بیغرضانه ایفاسنه دلالت ایلیان هیئت عدول قاعده سی تأسیس و احیا ایدلمش و اشبو احکامی حاوی بولنان او قهفورد فرمانلری دخی انکلتره قوانین اساسیه سنک الیمیلرندن معدود بولمیشدر (۶۳۶) .
 او چچی هازیرنیک نفوذی او قدر آزالمش دیکه برآرملق بارونلردن لیجسترت قونتی سیمون دوونفور حکومتی ضبط ایدرک قرال ناننه اداره اوور ایلدی و انجق برمدت صکره قرال اعاده سلطنتنه موفق اوله یلدی . بوسره ده فرانسه قرالری ایسه حکومت مطلقه و وحدت اداره طریقندده مهم مسافهلر قطع ایدیورلردی . سن لوتی نیک اوغلی او چچی فلیپ زمان سلطنتنی آراغون امورینه بالمداخله بیهوده محاربه لاله پکیرمشده او نیک خلفی دردنجی ویا کوزل فلیپ زماننده کرچکدن ملی و معقول برمسلیک اتخاذ اولمیشدی .

کوزل فلیپ (۱۸۳۰ - ۱۸۴۴) طول مدت دوام ایدن مدت سلطنتده پک چوق تدابیر معصیه ایله ابقای نام ایلدی . کندیسنک دساسلغی ' حیا کارلغی ' اخلاق مستقیمانه دن محرومیتی ' دولت

کوزل فلیپ

واردات استحصالی ایچون موسویلو حقننده روا کوردیکی
 مصادرهلر و سائر معاملات پکده حسن شهرتی جالب شیلر دکلسه ده
 بوکا مقابل فلیپ فرانسه مک وحدتی حقننده پک نافع تدابیرده
 بولندی فلیپ اوکوست و سن اوئی به امته لآدره بکری کو چلتیمکه
 چالشوب بونلرک سکه سینه قلیلو اوبدرمی و سائر حیلله لاله
 اعتبار لرینی بوزومی سایه سنده ضرب سکه کی برطاقم حقوقی
 کندی رضالیه ترک ایتدیردی انکاتره قرالی اوارد ایله مجاریه
 واسقوچیا لیره معاونت ایدرک فرانسه ده کی انکلیر لئولر تک قسم
 اعظمی ضبط ایلدی . فلاندره قطعه سنی دخی ضبط ایدوب هر
 نفدر مکمل بفرانسه شوالیه اردوسن قورتره موقعنده فلاندره
 عساکر بلدیله سینه مغلوب اولدی ایسه ده بینه فلاندره قوتلغنتک
 لیل و جواری کی حالاده فرانسه داخلنده اولان برلری فرانسه به
 الحاق ایلدی و الحاصل دولتک تمامیت ملکیه سنی استیکمال
 ایچون هیچ بر تدبیرده قصور اولندی .

فلیپ پاپا سکرنجی ^{نورمان} ایستولان ایله دخی بوزوشمندی شوبله که
 واردات دولتک تزیدی ایچون کایسا اموال و اراضیهی اوزرینه
 کلی ویرکو طرح اولتمی نهایت پاپا طرفندن قرالک آفوروز
 ایدلسنی اتاج ایش ایسه ده قانون سازمانلری یکممش بولندیغندن
 فلیپ فرانسه زادکان ورهبانی ایله شهر مبعوثلرندن مرکب
 états généraux مجلسی جمع ایدرک پاپا ایله اختلافی
 درمیان و کندی حقنی تصدیق ایدریمش و نهایت پاپانک خلعی

چارہ سنہ بافق اوزرہ فرانسز شوالیہ لرنڈن نوغارہ بی ایتالیایہ کوندر مشدر . نوغارہ سکزنجی بونیفاسک دشمنتری اولان رومالی قولونا فاملیا سیلہ بر اشوب آنانی بلده سنده بولن ان پاپانک سراینہ بالہجوم بونیفاس کال حقارتلہ مقامنڈن ایندیرلمش وینہ نوغارہ تک حایہ سیلہ جائنہ قیلیوب بر قاج آی صکرہ بونڈن متأراً ترک حیات ایلشدر . بونیفاسک خلنی اون برنجی بنوا یا لکزیدی آی قدر بر حیات اولدی وانک خلنی اولوب فلیپک نفوذیلہ انتخاب ایدیلان بشنجی قلمان ایسہ رومیہ کتیمہ رک فرانسه ده کائن پاپالق اراضیسنڈن آویزیون شهرندہ اختیار اقامت ایلش و ۶۸۷ دن ۷۵۴ تاریخنہ قدر پاپار آویزیون شهرندہ قالدق لرنڈن بو وقعہ یہ بابل اسارتن دینلمشدر بو مجادلہ اثناسنڈہ دنیادہ پاپالقدن بشقہ قوہ حاکمہ اولدیغنی ادعا یہ قدر واران بونیفاسک زوال عظمتیلہ پاپالغک دخی اہمیتی آزالوب غرب کایساسی تفرقہ سنک نخملری صاچلدیغی کبی فرانسه ده موفقیتلہ کسب اہمیت ایتمش و اہالی مجالس سنک استقلال ملی بی ترویجاً مقررات اعطا ایللری ایسہ بشقہ براہمیت ویرمشدر . فلیپک بو مناسبتلہ عقد ایلدیکی مجالس ملیہ تک آرہ صرہ امور مهمہ مذاکرہ سی ایچون جمع ایدلمسیدہ اصولدن اولمشدر .

فلیپ پاپالغک کندیسنہ منقاد بولمسنڈن استفادہ ایدرک اوروپانک ہر طرفندہ همان اون بیک قدر شاتولر و فرانسه ده بیحد و بیحساب اراضی و املاک و ثروت نقدیہ لری موجود اولان

برنجی ادوارد

و صورت عیشتلری امرار ایچنده بولمسی جهتیله و حازر اولدق لری امتیازات حسـ بیله دولت ایچنده دولت و جمعیت ایچنده جمعیت تشکیل ایدن تا میلیه تارك دنیا شرکتی علیه قیام ایدرك بو شوالیه لری دینسز لکله بالاتهام احراق و اعدام ایتدیرمش و شرکتک بالجمله اموال و املا کنی نفع خزینه اوله رق مصادره ایتشدر (۶۸۵) .

کوزل فلیپک و فاتدن صکره اوغلی اونجی لوئی سلطنت ایدوب و فاتده کوچک بر قزی قالمش ایسه دهه او وقت سالیب قانونی دیلان قانون قدیمه نظر آفرانسه ده قرالغک قادینه قلامیه جنجی در میان اولمغله کوزل فلیپک اورطانبجه اوغلی بشنجی فلیپ و اونک و فاتده ده دیگر کوچک اوغلی التنجی شارل جلوس ایتشدر . فلیپک اوج اوغلی اون درت سنه ظرفنده جلوس ایدوب جـ له سی ارکات اولاد بر اقمسزین وفات ایلدک ارنندن ۷۰۶ تاریخنده قاپت خاندانک بیوک طالی منقطع اولوب حکومت قاپت سـ لاله سنک و الواطالنه یعنی کوزل فلیپک بر ادری شارل دو و الوونک اوغلی فلیپ دو و الوایه انتقال ایتشدر . بوتبدل سلطنت ایسه انکاتره ایله فرانسه آره سنده بر عصر لقی بر بحار بقه عظیمه تحدشه بادی اولمشدر .

اوچنجی هانریک اوغلی برنجی ادوارد زماننده انکاتره دواتی بر از مسـ کنت سابقه سندن قور تیلوب غال بر نسلیکی انکاتره به الحاق ایدیلهرک ولی عهدلر پرنس ده غال یاد ایدلمکله

باش. لامش و برنجی ادوارد هر قدر فایده مغلوب اولمشده
 بوکا مقابل اس. قوچیا لیره غلبه ایلشدی. فقط خلنی ایکنجی
 ادوارد ضعیف بر حکمدار اولغله زماننده زادگان قیامتری بنه
 باش کوستره رك فرمان کبیر و اوقس فورده فرمانتری احکامی توسیع
 و اصول مشروطیت تحکیم ایدلیدیکی کبی نهایت ادواردك
 زوجہ سی و کوزل فلیک قزی قرالیمه ایزابلک تحریکیله ادوارد
 خلع و قتل ایدینه رك حکومتہ کوچک یاشده بولنان اوغلی
 اوچنجی ادوارد چیقارلمش و حکومت فعلاً ایزابل عهده بنده
 قلہرق مزبورہ نك مورثیر نماننده بر اصلزاده یہ تعشق ایدرک
 انکله همیشه رذیلانه سی پک چوق کفت و کوبی موجب
 اولمشدر.

اوچنجی ادوارد سن بلوغه و صولنده تنظیم امورہ مبادرتله
 مورثیری اعدام و والدہ سی حبس ایدیره رك حکومتک ضایع
 ایدیدیکی شرف و قدرتی اعاده یہ چالشدیغی کبی بوکا مدار اولمق
 اوزره خار جاده مظفریات قزائمغه احتیاج کوردیکندن فرانسه ایله
 حربہ بر بهانه اراقده ایکن فرانسه ده والوا خاندانک مقام حکومتہ
 صعودی وقوع بولمشدی. نتیجی فلیک فرانسه ده حکومتی
 سالیق قانونه نظراً مشروع ايسه ده اشبو قانونک قدیمأ و وجودیتی
 جای شبه بولمسنه و حالبوکه کوزل فلیک حفیدی بولنان اوچنجی
 ادواردك انکتره و عموماً فئودالینه اصول ارثیده سی حکمنجه
 فرانسه تاجنه اولان حق والوا خاندانک حقندن ده اقدم

اولسنه مبنی ادوارد حقوق ارثیه سنی ایلمی سورهرک فرانسه
حکمدار لغنی ادعایه مبادرت ایلمی و بو ادعایک بیوک محاربات
دولیه دن اولان بوزسنه محاربه سنک ظهور بنی منج اولدی.

۳

بوز سنه محاربه سی

مخاربه نك ابتدای. قره سی محاربه سی. یوآیه محاربه سی. زافری فیامی.
بره تینی معاهده سی. بشچی شارل و دوکسقلن. فرانسه نك موفقباتی.
انکلتزه احوال داخلیه سی. اینکچی ریشارد و وینلف. دردنجی هاتری
و بشچی هاتری. محاربه نك تجدیدی. فرانسه قرالی التنجی شارل. فرانسه نك
احوال مشکله سی. آزیبقور محاربه سی. اتنجی هاتری ویدنجی شارل.
بورژ قرالغی. زان دارقل ظهوری و موفقباتی. آراس قونفره سی. بوز
سنه محاربه سنک ختامی. انکلتزه دولنك صنعی. فرانسه قرالغک حکم
وفوتی و احوال جدیده.

انکلتزه قرالی ادوارد بروجده مجوٹ فرانسه تختنه حق
وراثت ادعاسنده بولمغنه برابر اول امرده التنجی قلییه کوبن
دوقه لغندن طولابی صداقت بیمنی ایش و برقاچ سنه جریان
احواله مترصدأ راحت طور مشدی فقط فرانسه دولتی انکلتزه نك
دشمنتری اولان اسقوچبالیره و انکلتزه ده فرانسه نفوذینه معارض

بولنان فلاندر دو قه لغی اها لیسنه ال التندن معاوتدن خالی
 قالمیوب هله التجی فلیبک فلاندره قطعه سنه انکلتزهدن یون
 ادخالنی منع ایدرک هم فلاندردن برچوق یونلی قاش نسا جلیرنیک
 انکلتزیه مهاجرته اوراده بو صنعتی او یاندر ملربنی و همده فلاندر
 اها لیسنک آچیقدن اچیغه انکلتزهدنک قوجاغنه آلملربنی موجب
 برخطاده بولمسی ۷۱۵ سنه سنده فرانسه وانکلتزه بینه رسماً
 اعلان حربی موجب اولدی .

ابتدای محاربه ده طالع سلاح انکلیز طرفنده اولوب
 فلاندر لیلر طرفندن فرانسه قرالی اعلان اولنان و مدعیاتنی آچیقدن
 آچیغه میدان قویان او چنجی ادواردک ۷۲۴ تاریخده قراندیغی
 قره می محاربه سنده فرانسرلر بر پرنس وایکی ایتسپوس و سکسان
 بارون و بیک ایکوز شو والیه و اوتوز بیک نفر غائب ایدوب
 منتظم شوالیه فرقه لری انکلیر تیر اندازلرینه مقاومت ایدمه دکارندن
 شمالی فرانسه انکلیر استیلا سنه آچلدی . مع مافیه فرانسه بو آره لاق
 اشترای صور تیله جنوبده دو فینه قونتلغنی اکتساب ایدرک بعدما
 ولی عهد پرنسرک دوفن نامه لیه مذکور قطعه اداره سنه مأمور
 ایدلمری طادت اتخاذ ایدلدی .

التجی فلیبک و فائنده مقامنه جالس اولان اوغلی ژان
 زماننده احوال ده ا زیاده فنا لشوب فرانسه ک شمال و جنوبنده
 اتا زه نرو مجلس لری جمع ایدلمشده لائون ایتسپوسنی روبر لوقون
 ایله پارس اصنافی ریڈمی اتیه ن مارک لک ریاست لری لیه کنده ایته نی

حس ایتمکه باشلایان عوام فرقه‌سی دولتہ بش ملیون فرانق و یوز بیک عسکر اعطاسنه مقابله انکترده کی کبی امتیازات استمکه قالمش دیغندن مجلسی طاعتقه مجبوریت کورلمشدی .
 ۵۷۳۶۵ تاریخده ایسه قرال ادواردک اوغلی وقره پرنس نامیله معروف پرنس ده غال ادوارد یالکز سکز بیک قدر عسکر ایله فرانسه‌نک الی بیک نفرلک اردوسنی پواتیه محاربه‌سندہ تارومار ایدوب برچوق امرا ایله برابر قرال ژانی دخی اسیر ایتدی .

بوصرده فرانسه احوالی زیاده‌سیله قاریشوب یکیدن جمع ایدیلان اتانزوو مجلسلری تکرار بعض مدعیاته قیام ایتمکله دوفن شارل طرفندن طاعتلمش پارس برآره‌لق دو فنه قارشو عصیان ایدوب نہایت اتین مارسلک قتليله ینہ داخل دائره اطاعت اولمش وقرال ژانک انکترده ایله عقد ایلدیکی غایت مضر بر معاهده رد ایدیلهرک انکلیرلر ایله اصلا میدان محاربه‌سی ایتمک صورتيله برمسلك مدافعه انخاز اولمشدی . محاربه دن طولایی زیاده مصاب اولان کوبیلیرک ژاقری نامیله مشهور قیاملری دخی بوائاده اولوب یأس و مضایقه اجلاسيله ایدلمک وحشت قالموردی .

بو احوال مدہشده انکترده‌نک حربدن اوصانمسیده منضم اولهرق ایکی طرفده صلحه راغب اولوب بره‌نهی معاهده‌سیله جنوبی فرانسه‌ده برچوق اراضی هر درلو روابط تابعیتدن

عاری اوله رق انکاتره به ترک وکلی تضمینات و عهد اوله رق
قرال ادواردده فرانسیه ادعای سلطنتدن فارغ اولدی و ژانده
قیداسردن قورتلدی . بوسره ده بورغونده دوقه لرینک انقطاع
ذریبله بوقطعه جسمیه فرانسیه بکریسه ده ژان بورغونده
دوقه لغنی انک کوچک اوغلی جسور هاری به توجه ایلدیکندن
بوده ایلروده فرانسه جه مصائب عبیده بی موجب اولدی .

مع مافیه ژانک و فاتیله بشنجی شارلک جلوسندن صکره
فرانسه نیک حالی بران دوزلکه باشلامشدی مصالحه زمانی فرانسه ده
موجود حشرات عساکر بر صورتیه و اکثر بی اسپانیایه
سفره اعزام ایدیلرک اذله ایدیلوب و برکولده بران تنزیل
اولدی و دو کسقلن کی نادر بر قوماندانک ظهوری فرانسلره
بسبتون مدار قوت اولدی . دو کسقلن بریتانیالی اولوب
چرکنلیکی و برامزلی و الدیننی کندی موتسه دعا ایتدیره چک
درجه ده زیاده اولدیغی و دایما اوتدکی بریکی ایله ایله غوغا
ایدرک بلادن بلایه کیردیکی حالدده ها زمان طفولیتده تعلیمات
عسکریه جه مملکتک فریدی عداولتمش و شهرت شایعه سیله قراله
بالا نساب اردویه قوماندان اولمشدی .

بره تینی معاهده سندن طقوز سنه مروربله تجدید ایدن محاربه
فرانسلره مساعد اولوب باخصوص دو کسقله نیک شهرتی
و فرانسلرک هر طرفی تحکیم ایدرک دقتلی بر حال تدافعیده قالمیری
و اوچبجی ادوارد ایله قره برنسک و فاتیله انکاتره نختنه کوچک

وضعیف العقل ایکنجی ریشاردک پکمی انکتره جه خیلی مغلوبیتلری و ضایعات ملکیه بی موجب اولمش و فرانسه ده دخی بشجی شارل و فات ایدوب برینه کوچک یاشده بولنان التنجی شارل نخته چمغله هراییکی ملکته اختلالات داخلیه به دوچار اولمشدی .

ایکنجی ریشارد زمانده انکتره ده اصلاحات مذهبه نیک ایلك اساسلری ظهور ایدوب ره باندن و یقلاف پاپالغک دینه مغایرتی و انجیلیک ترجمه سی لزومی و بعض قاتولیک اعتقادینک عیسویت حقیقیه ایله مباحثه ایتنی و اسارت و سرفلکک عدم مشروعتی نشره قالمش و بونک افکارینی ترویج ایدرک اهلیدن وات تایلر نام کسه نه نیک التمش بیک نفرلک برفرقه عصبات ایله حکومته فارشی قیامی چوق قاریشقلقتری و دولتک قدر و حیثیتی مختل اولمشنی موجب اولمشدر .

ایکنجی ریشارد بو قاریشقلقردن صکره غایت ظالمانه بر صورتده اداره امورده باشلاوب هرکسی دلکیر ایلمدیکندن ۷۷۷ تاریخده اوچنجی هازی احفادنن بولنان لانقاستر دوقه سی هازی بولینغبروقک چیقاردیغی عصیان نتیجه سنده تاج و تختدن محروم قالمش و قراللق دردنجی هازی ایله لانقاستر خاندانه انتقال ایلشدی . اوچنجی ادواردک اولادنن فلارانس دوقه سی لئونلک اولادی ایله صهریت پیدا ایدن وینه اوچنجی هازی ذریندن بولنان بورق خاندانک حکومته حق مشروع

توارثی دها زیاده اولدیغندن بو تبدل سلطنت ایلروده ایکی کول محاربه مده شه سنی میدانه قودبسه ده اوصرده انکلتزه حقنده پک خیرلی اولوب دردنجی هازینک اداره عاقلانه سیله شکل حکومت تأیید واستراحت ناس تأمین اولندی وهازینک اوغلی وخلق بشنجی هازی زماننده ده فرانسه ایله محاربه تجدد ایدرک مظفریات عظیمه ایله خلقک کوزی قاشدیرلدی .

انکلتزه دولتی ریشساردک ضعف اداره سندن بوضورتله قورتلدیغی صرده فرانسه التجی شارلک قرق ایکی سنه دوام ایدن دور حکومتده الک وخیم تشوشات ایچنده قلمشدی . زمان شبایته مبتلا اولدیغی علت جنون حسبیله اداره اموری معینی لرنده براقان بو فرانسه قرالک دور سلطنتی فرانسه نك الک صغندیلی زمانیدر . قرالک عوجه سی وبورغونیده دوقه سی جسور هازی فلاندرده کی ممالکی حسبیله اهالینک مطالبات سربستی جویانه سنه وانکلتزه یه مساعد اولوب اوغلی پروامسز ژان Jean sans peur عوام طرفدارانندن مرکب بورکنیون فرقه سنک رئیس اولمش و بوکا مقابیل اورلشان دوقه لرینک غیرتیه انکلتزه دشمنلری وامتیازات اهالینک معارضلرندن دخی آرمانیاق فرقه سی تشکل ایدوب قرال کاه برینک وکاه دیکرینک نفوذنده قاهر ق محاربات داخلیده انکلیززه کوستریلان درجیدن زیاده شدت ابراز ایدلمشدی . فرانسز شوالیه لرینک

نیکی بولی به قدر کیدرک سلطان بازند اوله مغلوب اولماری
دخی قرال شارلک مبادی، حکومته در.

بشجی هازینک فرانسه به تجاوزی (۷۹۳) و آرمانیاق
فرقه سی اردوسنک آذینقور محاربه سنده کلیاً انهمزای ایله فرانسه
شوالیه لیکنک ضایعات کلبه به اوغرامسی اوزرینه قرال
بورکینون لر انه یکمشدی و دوفن شارلک آرمانیاق لرله اتقاق
و پروامز ژانی حیلله ایله قتل ایتدیرمسی اوزرینه بورکینون
فرقه سی انکلتره ایله بر معاهده عقده ایدرک دوفن شارل ولی
عهدلکدن اسقاط و مقامنه انکلتره قرالی بشجی هازی اقامه
ایدلش و بو معاهده به دوفن شارلک و والده سی قرالیچه ایزابو بیله
وضع امضا ایتشدی. در دنجی هازی ایله اتجی شارلک
و قائله ۸۰۰ سنه سنده فرانسه ده ایکی قرال اووب بشجی
هازی پارسده جلوس ایدرک بتون شمالی فرانسه نیک اطاعتنه مظهر
اولدی و دوفن شارل ایه بورژ ناحیه سنده جلوس ایتدیریلوب
انده کی اراضینک آزغی، اردوسنک اهمیت سزلیکی، خزینه سنک
بوشغی ایله جداً قرال عنوانه بیله لایق اولدیغندن انکلتر
طرفدن بورژ قرالی نامیله استخفاف ایدلکه باشلانندی. شارلک
مقادی مغلوبیتلری کتدیکه اهمیتنی آزالتمده اولوب هله ۸۰۷
تاریخنده لوردسالسبوری طرفندن اورلئان شهرینک محاصره سی
اک صوک امید استقلالی دخی محو ایلک اوزره ایکن بر نادره
روزکارک ظهوری فرانسه بی یذه نعمت استقلال ایله متمم ایلدی.

تول ناحیه سنک دومر می قریه سنده ژاق دارق نام
 کویلیک اولادندن ژان دارق غایت ساکن و چالشقان و متدینه
 بر قز اولوب محاربه نك اورالزه قدر سرایت ایدن مصائبی
 کندبسنی زیاده سیله متأثر ایتمکده و کنج قرالک حالاره بیس
 شهرینه کیدوبده اصول مرعیه سی وجهله توج ایده ماسی
 و اورلئان حصن حصینک ایادی دشمنه یکمسی احتمالی ایله زیاده
 معذب اولمده ایدی بوقزک تخیلات و تفکرات متدیه سی او هام
 و ظنون حالنه کلوب کویا دائما کوزینه کورینان ملائک و عزیزلر
 خیالری کندبسنی حربه کیدرک اورلئانی تخیلصه و قرالی ره بسمده
 تو بیجه سوق ایلمکه باشلامش و ژان دارقک بویله دائما تخیلات
 ایله وقت یکیرمسی پدرینی قزینی کلین ایتمک تصویرینه دوشور.
 دیکندن ژان خانه پدردن فرار ایدرک اولاجوارده کی عوجه سنک
 اوینه و اورادن ده قرال آدم لردن بودریقور نام ضابطک یانه
 قاپچشدی. ضابطمذکورک ویردیکی التي نفر رفاقیله ژان دارق
 شینونده قرال اردو کاهنه کیدوب نیچون کلدیکی اکلانمش
 و قرال سرابی خلقنک استهزا و تردد و شبهه لرینه باقیه رق عن منده
 ثبات و بر محکمه علما حضورنده بالاستنطاق خلوص باکینی
 و خرسیان دینجه قصوری اولدیغنی اثبات ایلمکدن صکره بر
 فرقه ایله اورلئان شهری امدادینه کوندرلمشدی.

ژان دارقک متدینلیکی و شدت خلوص ایله ویردیکی نصایح
 مبتلای ذوق و سفاقت اولان اردونک اطوارینی اصلاح ایدوب

بویله بر قزک احوال فوق العاده ایله ظهوری و موقیاتی فرانسزله شوق و غیرت و انکلیزله ایسه خوف و وحشت ایرات ایلدیکندن ژان دارق هم اورثان شهرینی محاصره دن تخلیصه و همده ره عیس یوانی دشمندن تطهیر ابدرک شارلی اوراده رسماً بالتویج مشروعیت سلطنتی تأییده موفق اولدی و بوندن صکره و وظیفه سنی ایفا ایلدیکندن قریه سنه هودتنی استیفا ایتدی ایسه ده صالیویرلمدیکندن براز محاربه ده دها بولسقدن صکره بورغوننده لیلره اسیر دوشدرک الدن اله انکلیزله قدر چکدی.

ژان دارقک موقیاتی فرانسزله بیوک بر امید مظفریت و بر دیکندن هر طرفدن انکلیزله طرد و دفع اولتمغه باشلامشدی. بو جهته له انکلیزله بو قزه غیظ و خصومتلری چ-وق زیاده اولمغه حقیقه اسیر حرب معامله سی ایدلیوب شیطانله معامله ده بولتمغه و سحر باز لقله و دینسز لکله بالانتهام روئن شهرنده بر محکمه روحانیه حضورنده محاکمه سی اجرا و هر درلو قانون عدالت و حقانیت خار جنده اوله رق و مدافعاتی و افادات معصومانه سی نظر دفته آلتیه رق اعدامنه حکم اعطا قلوب شهر میداننده بیوک بر آتشکده اوزرنده بالاحراق اظهار وحشت ایلدی.

(۸۰۹)

ژان دارقک محاربه لرده هیچ بر سلاح استعمال ایتبوب تک آدم اولدیر ماش اولسی و ساده النده بر بایراقه عسکرک اوکنه دوشدرک موجودیتنک تأثیر بله تأمین غلبات ایلمسی

شایان دقت احوال دندر . ژان دارقک صورت و فاتی افکار
 عمومی به زیاده تأثیر ایدرک انگلیز طرفدار لرینی بیله متفکرند
 تبرید ایلدیکندن عقد صلح ایچون آراس شهرنده بر قونغره
 تشکیل ایلدی . بو قونغره عادتاً عمومی اولوب فرانسه و انگلیز
 بشقه پک چوق دولترک سفرا سیده حاضر و مالک مختلفه دن
 ککش اون پک قدر اجنبی نتیجه مذاکره ایه منتظر ایدی .
 قونغره ده فرانسرل دره بکک اصـولی اوزره نورماندی
 و آکیتانیایی انگلیزیه و برمه راضی اولدیله سده انگلیز
 فرانسه تاجنی طلبدن و از کچم دکارندن اتفاق حاصل اوله مدی .
 فقط بورغوندی دو قه سی ایل فلیپ Philippe le bon ایله قرال بیلنده
 عقد مصالحه و ابرتسی سنه (۸۱۴) پارسک ضبطی ایله دولتک
 پایختی اعاده اولوب ژان دارقک وجوده کتیردیکی انقلاب
 افکارک شمراقی اقتطاف اولمغه باشلادی .

قرال بدنجی شارل پارس فتحندن صکره غایت غبور و فعال
 بر حکمدار اولوب اداره بی و اردو بی اصلاح و طویچی فرقه سی
 تنظیمه و عساکر دائمه احداث ایدرک بر طرفدن انگلیزلی و متفکری
 اولان دره بکری و بریاندنده ممالکی غارتله مشغول حشرات
 گروهنی جابجا طرد ایدرک فرانسه نك وحدت ملیه و ملکیه سی
 استحصاله مساعی عظیمه صرف ایلدی و بوتشباشنده پک غبور
 معاونله ده مظهر اولدی . قسطنطنیه نك حضرت فاتح طرفدن
 فحیحی سنه سی اولان ۸۳۱ تاریخ هجری شمسی سنده انگلیز الزده

قاله شهر و لیماندن بشقه فرانسر مملکتی قالدیفندن بوز سنه
 محاربه سی دخی فرانسه نك غلبه كامله سیله نهایت بولمشد.
 بومحاربه مدیده اثناسنده فرانسه وانکلتزه احوالنجده تبدلات
 کایه واقع اولدی. ابتدای حربده انکلتزده مرکز حکومت پك
 قوتلی ایکن محاربه ایچون عسکره و پاره به اولان احتیاج قرالاری
 صیق صیق پارلمنتویه مراجعته اجبار ایلدیکندن مشروطیت اداره
 لایقیه تأسیس اولدی لوردلر مجلسیله عوام قاره سنك ترتیبات
 وتشکیلاتی و حقوقی متقابل لری و سربستی شخصینك تأمیناتی
 تنظیم واکال ایدیلوب زادکان و عوام اهلینك اتفافق
 قرالری بولک بر مقام عجزده بر اقدی.

فرانسه ده ایسه قرالغك نفوذ و اهمیتتی کوندن کونه
 آرتقمده ایدی. داخل مملکتده اولان محاربات و وحدت ملیه به
 طاری اولان تهلمکه کوزل فلیپ زماننده باش کوسترن مؤسسات
 سربستی کارانه بی توقیف ایدوب کندی همت و غیرتی ایله
 دشمنی طرد ایدن قرال ازهر جهت حاکم مستبد اولغه باشلادی.
 آویزون و قعه سی ذاتا کایسانک نفوذینی بیترمش و بدنجی شارلک
 بورکینونلره غلبه سی ایله دخی عوام فرقه سنك بر آره لوق کسب
 ایلدیکی اهمیته خلل کلی کلشدی. اسکی زادکان سلاله لرینک
 پدربی سقوط و انقطا عیله اراضیلری املاک حکمداری میانته
 قایلوب واقعا برچوقی برلر و مثلاً بورغوندیله قطعه جسمیه سی
 مالکانه apanage صورتیه حکمدار زاده لره و بربله رنک یکی بر

دره بکک اسامی چیقارلمشده بو مالکانه لک قزاولاده قالماسی
مشروط اولغله برمدت صکره ینه قرال طرفنه عودتلی امیددی
زیاده ایدی ایشته بووجهله قرون وسه ملی نك نه پاینده انکاتره
مربستی اهالی به فرانسه ده استقلال اداره به طوغری بورومکده
ایدیلر.

فصل ثانی

اوروپا ممالک ساڑھ سی

۱

آلمانیآ

فاصله حکومت. یومروق حق دوری. دره بکلرک ترقی نفوذ و تحکیمی. هائزه اتفاق. رودولف دوهابسبورغ. اوستریا خاندانی. آدولف دوناسا و آلبرت هابسبورغ. اسویجره نیک استقلالی. پدنجی هائزی و دردنجی لوئی. لوکسمبورغ خاندانی. دردنجی شارل. التون بولاسی. سیکیزموند. زان هوس. آلمانیآ امپراطور اغنک اوستریا خاندانده تقرری و طرز اخباری.

ایکینجی فرهدریبقک ۶۲۸ تاریخنده وقوع وفاتی ایله هوهنشتا و فن سلاله سنک انقراضندن صکره آلمانیآ قطعہ سی تعریفی مشکل بر قارغاشالقی ایچنده قالمشدی. هر نقدر فرهدریبقک رقبی بولسان اوتر و فلنکی لوئی و انکارتره قرالی اوچنجی هائزینک بر ادری ریشارد قورنوالس و قاسمیلیه قرالی اونجی آلفونس امپراطور عنوانی طاشیه رق عرض دارات ایتملر سده حقیقت حالده بونلرک اکثریتله پاره خاطر ایچون اولان انتخابلری کندیلرینه بر قوه حقیقیه ویرماش و مثلاً آلفونس آلمانیانک بوزینی بیله کورماشدی. او صرده مملکت بر قوه مرکزیه دن محروم قالدیغندن فرهدریبقک وفاتندن رودولف

دوهابسبورگك انتخابنه قدر مرور ايند يكرمى اوج سنه لك دور بحق بر فاصله حكومت زمانى عد اولمشدر .

بويه حكومتسزلك حالنده ارباب جرائم جزادن مصون قالدقردن آلمانيا احوالى زياده سيله قاريشسوب برطاقم كوچك زادكانك عادتاقاطع طريقلك ايتكه وهر كسك درلو اطوارقانون شكمنانه ده بولمغه باشلاملى بوزمانه بومروق حقي دورى نامى قزاندردى وارباب فضاحتك طرف حكومتدن كورملى ايجاب ايند جزاى سزايىنى ويرمك ايجون هر طرفدن جمعيتلر تشكلى ايدرك حكومت ايجنده حكومتلر پيدا اولمغه باشلادى .

بوشم شاتك مسيب اصليسى اولان وكندى اهميتلرته خلل كلامسى ايجون هوهشتا و فن سلاله سى اسقاط و همده ممالك اجنبيده ايمپراطورلر نصب ايدرك حكومتك قدرينى تنزىل ايند زادكان ورؤساي رهبايه بو حالدن در عقب استفاديه مسارعت ايلديلر . هر طرفده ايمپراطور اراضيسى دره بكار طرفدن ضبط اولدى . محضاً رؤساي ممالكى تحت نظارتده بواندر مق ايجون ايمپراطورلك نصب ايلدكارى پالاتين قونترلى وشهرلر اداره سنه مأمور بورغاولر مستقل حكومتلر صاحبي اولديلر وهر طرفده ايمپراطور حقوقى غضب ايديلوب ايمپراطورك واساللى بولنان دره بكار عادتاً مستقل اولديلر وهله بوهيميا قرفلغى اوسـ تربا وقارنيوله وقارنيا وسـ تيريا ولاياتك اكنساييله بردولت معظمه حالتي بولدى .

بوصرده حقوق مستقبله لریك تأمینتی ایچون بعض بلاد
 وزادگان آره سنده عقد ایدیلان اتفاقر آره سنده شمالده کی هانزه
 اتفاتی اهمیت عظیمه کسب ایلشدی . شمال دکزی جواریده
 بولنان ایپراطور شهرلندن هامبورغ ولوبک و برهم شهرلری ایله
 بالطق دکزیک ریفاکی بلاد مشهوره سی و حتی روسیه ده کی
 نوو غورود بلده سنه قدر یوزه قریب شهرلرک تجارترینی محافظه
 ایچون پادقزلی بو اتفاق عادتاً بر حکومات متحده هیئت اولوب
 کلی عسکری، بوزلجه سفیئی حاوی دوتامی، مسکوکاتی،
 باراغی و هر طرفده تجار تگاه و قونسلوسلری واردی . بو اتحاد
 قوی سایه سنده هانزه اتفاتی شمالی اوروپا تجارتنک روحی اولوب
 قرون جدیده تک ایلک عصرینه قدر اک برنجی درجه ده قوه
 بحریده و حکومت بحاره مالک عداولندی .

مع مافیه هر کسک باشی چاره سنه باتغه مجبور اولدیغی بویه
 بدورک قاریشقلقزلی ایپراطور لغک ان بیوک دشمنلرینی بیله بیرار
 ایدوب تکرار صورت جدیده بر حکمدار انتخابی تذکر ایدلدی
 اینده ده منتخبر آلمانیا حکومانتک استقلال مکس و بولرینی تهدید
 ایلده بیله جک بر بیوک دره بکنک انتخابینی ده آرزو ایلدکلرندن
 کوچک دره بکلردن رودولف دوهاپسبورغک ایپراطور لغه
 انتخابیه فاصله حکومته ختام ویرلدی .

رودولف دوهاپسبورغ کوچک واسکی بر خاندانن
 اولوب اورن قطعه سنده واسویچرده متفرق اراضی به مالک

و درایت و رویت و تصرفه میلی و عادتاً خستیه معروف ابدی .
 رودولف واردات دولتی حسن اداره و نفوذ حکومتی تحکیم
 ایدوب ارتق قطعاً استقلالنی قزائمش اولان ایـتـالیا اوزرینه
 بهوده حکومت ادعاریله آلمانیک قوتنی توکتمکدن ایسه ممالک
 خارجیه دن صرف نظرله استراحت داخلیه بی تأمینه چالشدی .
 و شـمـارـمـش اولان بیـوک کوچک زادکاندن بر چوغنی تأدیب
 و دائرة اطاعته ادخال ایلدی . رودولفک ساده تورینکیه
 قطعه سنده یتیم شاتو تخریب ایلدیکی مرویدر .

اونه و بروده کوچک لنره ممالک اولان هابسبورغ خاندانی
 رودولف زمانده الک بیوک بکلک کردن بری اولمشدر شویله که
 بوهمیا قرالی او توقار رودولفه اطاعتدن انحراف ایلدیکنندن
 رودولف آلمانیا قواسیله مومی البهی مغلوب ایدوب اوسـتـریا
 و قارنتیا و قارنیول و استیریا آرشدوقه لوق و دوقه لقرینی بوهمپادن
 بالتفریق قنودالیه اصولی اوزره کندی اوغلی آلبرته توجیه
 ایلمش و حالاده هابسـبورغـلـک اساس مکننتی اولان ولایات
 مذکوره اوزماندنبیری مذکور فاملیایه یکمشدر .

هابسبورغ خاندانی نفوذندن قورقوله جق درجه ده کسب
 عظمت ایلدیکنندن رودولفک وفاتنده منخبیلر اوغلی آلبرتی
 انتخاب ایتیموب کوچک زادکاندن ناساو دوقه سی آدولفی انتخاب
 ایلدیله سه ده (۶۶۹) اوده تورینکیه بی ضبطه قالدشدیغندن به
 آلبرت دو هابسـبورغ مقام حکمداری به (۶۷۶) چیه ارلدی .

آلبرت پدريک مسلمانکنده ثبات کورسوروب خاندانک اعتلای
 نفوذینه و بوهیمیانک ضبطنه چوق غیرت ایلدبسهده زماننده
 اسویچره قطعہ سی دخی قطعياً کسب استقلال ابدی (۶۸۶) .
 اسویچره قطعہ سی قدیم آرل قرالغی مضافاندن اولوب
 آنکله برابر آلمانیاہ یکم شسهده طاغلیلر فعلاً محافظه استقلال
 ایلشیر و بعض شهرلر نائل مختاریت اداره اولمشلر ایدی . هابسبورغ
 خاندانک اسویچرهده بعض لنلری اولمقله آلبرت مذکور قطعہ یی
 تماماً ضبطنه تشبثله اورایه کسیر نامنده برینی والی تعیین ایلدی .
 کسیرک مظالمی خلقی بیرار ایدوب هر کسده عصیان استعدادی
 رونما اولمش و تیرانداز مشهور کیلیوم تلی اوغلانک باشنده
 برالمابی اورمغه اجبار ایلدی و صکره حبس ورنجیده ایتدیرمی
 کبی احوال بو استعدادی میدان فعلیاته چیقارمش اولدیغندن
 اولا اوری تزورنچ و اونتروالدن ناحیه لری و صکره دیگر
 نواحی رفع علم عصیان ایلدیله . اسویچره طاغلیلری آلمان
 شوالیدلرینه مورغارتن و سمپاح محاربه لرنده تماماً غلبه ایدرک
 شجاعت و متانت لرله شهرت کلیه اکتساب ایلدکلرندن برمدت
 صکره اسویچره ننگ بر جواهر متحده اولمق اوزره استقلالیده تصدیق
 و تأیید اولندی .

آلبرتن صکره بنه ملاحظات سابقه یه مبنی کوچک
 زادکاندن لوکسمبورغ قونتی یدنجی هازی ایمپراطور انتخاب
 اولنوب فقط اونک اوغلی ژانده بوهیمیا وارثه حکومتیله

ازدواج ایدرک بوهمیا موراوایا و سینزبا تخنرینه مالک اولدی .
 یدنجی هازی سفیلانه بر صورتده ایتالیا امورینه مداخله
 ایدوب وفاتده تشت آرا ابله هم آلبرتک اوغلی کوزل فره دربق
 وهمده باورا دو قدسی در دنجی لوئی امپراطور ایدلرک بر مدت
 محاربه داخلیه دنصکره سلطنت لوئی تک عهده سنده قالدی . لوئی
 فرانسه قرالی کوزل فلیپ ابله ضد کیدرک آوینیه ون پاپالی
 طرفندن آفوروز ایدلدی ایسده ترک تخت تصورنده بولندیغی
 صروده منخبلر امدادینه بئشمشردی شویله که فرانقفورت شهرنده
 اجتماع ایدن (۷۱۶) منخبلر هیئتی آلمانیا امپراطوری انتخابک
 پالکز کندیلرینه مخصوص اولوب طرفلرندن نصب ایدیلان
 حکمدارک هیچ بر دولت اجنبیه به اطاعته مجبور اولدیغنی
 و پاپارک امپراطوره حق تقدیمی و اصلا امور دولته مداخله به
 صلاحیتی بولندیغنی مبین بر بیاننامه قبول ایدرک آلمانیا تک استقلال
 مایسنی میدانه قومشردی .

لوئی دن صکره امپراطورلق شوارتزنبورع اسمنده جسور بر
 شوالیه به و بر قاج آی مرورنده لوکسمبورغ قونتی و بوهمیا قرالی
 ژانک اوغلی در دنجی شارله نوجیه قلندی . شارل غایت قورناز
 بر آدم ایسده ذو کورتلیکی و خستی ابله معروف اولوب ایتالیا به
 کیدرک امپراطورلق حقوق موهومه و حقیقه سنی راست کلانه
 صائمش و آلمانیا ده بورجنی ویر ماملکه بر اولتده توقیف ایدیلرک
 و یاخود سو قاتده سرایه ات و برن قصابک معاتبه سننه دوچار

اوله جق درجده مذلت کو سترمشدی . مع مافیه آلمانیا ایمراتور
رینک اصول انتخابلرینی تعیین ایدن قانونی وضع ایتک شرفیده
در دنجی شارله طأددر .

فرمان ذرین bulle d'or (التون بولامی) نامیله معروف
اولان بوقانون موجبجه بعدما ایمراتورلر قدیمی کبی بیکارجه
زادکان ورهبان و شهر ببعوثری طرفدن دکل آلمانیک ال
یوک یدی حکومتی واسطه سیله انتخاب اولنه جقدی منتخب
جمعیتی شوبله ترکیب ایده جکدی . (۱) مایانس (۲) قولونیا
(۳) تره و ايسقیوسلری . (۴) بوهمیا قرالی (۵) پالاتینا قونتی
(۶) ساقسونیا دوقه سی (۷) براندنبورغ مارغراوی (۷۳۴) .
بوصورتله منتخبک حق اشبو حکوماتک ریسلرینه تخصیص
وبونلرک مالکی تفریق و تقسیم ایدیله میه جکی بیان ایدیله رک
امور انتخابیه محور لایقنه ارجاع ایدلدی وهرایمراتورک
حباتنده رومایلر قرالی نامیله ولی عهدینک انتخابی اصولیه
حکومتک دائما برخاندان عهده سنده تأمینی چاره سی دوشونلدی
فقط اصول جدیدنک لوکسمبورغ خانداننن زیاده هابسبورغله
یارادبغی آتیده کور یله جکدر .

شارلدن صکره اوغلی و نرسلا س و آنی متعاقب باویرا
دوقه سی روبر ایمراتور اولوب بونلرک اهمیتنن دور سلطنتلرندن
صکره شارلک دیکر اوغلی سیکیزموند (۷۸۸) ایمراتورلغه
چیقارلدی . سیکیزموند بوهمیا و مجارستان قرالی و براندنبورغ

مارغراوی اولوب زماننده خبلی وقوعات مهمه تحدث ایلدی
 پراغ شهری دارالفنوننده الهیات معلمی بولسان ژان هوس
 نامنده برعالم انجیل شریفک لسان ملی به ترجمه سی وقومونیون
 آیینک تبدیلی و کلیسائک اصلاحی مدعیاتیه قیام ایدرک افکارجه
 انقلابات عظیمه بی موجب اولوب بو یابده انکلیزلی وبقاقدن
 ایلری کتمش و بونک اوزرینه قونستانس بلده سنده بریسوک
 مجلس روحانی تشکل ایدرک ژان هوسه ایشلیه چکی ایمراطور
 طرفندن وعد ایله کندبسی جلب اولندقدن صکره احراق
 صورتیه ازاله وجودینه جرأت ایدلشدی. ژان هوسک احراقی
 خبری بوهمیالیرک ژان ذیسقا نام برامی اداره سنده عصیانلرینی
 موجب اولوب برخیلی محاربه دنصکره بوهمیا اهاالیسک امور
 مذهبه جه آرزو ایلدکری تبدلاتک اجراسنه مساعده وریلدرک
 غائله نهایت بولدی.

سیکیرموند دولت علیه ایله دخی محاربه ایدرک نیکبولیده
 مغلوبیتی شرفنه خبلی خلل ویروب ارکک اولاد براقدن
 وفاتیه دامادی آبرت دوهابس بورغ ایمراطورلقه انتخاب
 ایلدی و بوهمیا قطعه سیده هابسبورغله یکدی آبرت عثمانلیله
 بر محاربه ده اولوب اوغلی لادیسلاس یالکز مجار و بوهمیا
 و مؤخرأ لهستان قرالقرینی آلارق عثمانلیله محارباتده ترک حیات
 ایلدی و ایمراطورلق ایسه هابسبورغله ستیریا دالی پرنسلرندن

او چہنجی فرہ در بقیہ انتقال ایلدی (۸۱۸) . فتح قسطنطنیہ اٹاسندہ
 مشارایہ جالس تخت حکومت ایلدی .

بو دفعہ حکومتک هابسبورغلرہ انتقالہ ایکی سبب واردی
 اولاً آلمانیا حکوماتی ایکی عصر ظرفندہ لایقیلہ کسب استقلال
 ایلش اولدقلرندن آرتق هابسبورغلرندن بیلہ بر قورقورلی
 قالماشدی . ثانیاً عثمانلیلرک هجوملی اوروپاجہ تلاشی موجب
 اولدیغندن ممالک موروثلرینک شرقہ قریبتی حسدبیلہ عثمانلی
 هجوملرینی دفعہ الکی زیادہ علاقہ دار اولان هابسبورغ پرنسپلرینک
 رأس ادارهده قالملرینی آرزو ایدنلر چوق ایلدی . ایشو اسباب
 بعدما حکومتی مذکور خاندان عہدہ سنده ابقایہ سبب اولوب
 ایمپراطورلق رسماً لغو ایدیلنجیه قدر دائماً هابسبورغلر عہدہ سنده
 توجیه ایدلمک عادت حکمنہ چکدی . فقط ایمپراطورلقک ایکی
 شرفک جزئی بیلہ قالمدی . منتخبلیکلر عادتاً برر قراللق وسائر
 امارتلر برر حکومت مستقلہ وشهرلرده برر جمهوریت دیمک
 اولوب هر بری امور داخلیه سنده نائل استقلال و منتخبلر وسائر
 امارتلر وشهر مبعوثاتی دائرہلرینی حاوی بولانان آلمانیا دیهت
 مجلس عمومیسنک رأیی اولمقسزین برشی اجراسنه قادر اوله میان
 ایمپراطورلرک نفوذی رهین اضمحلال اولمشدی .

اسقاندیناویا

اسقاندیناویا احوالی . اسوج نوروچ ودایمارقه حکومتلری . والدہمار خاندانی . مارکریٹ وقلمار اتحادی .

روما دولتک بادی انقراضی اولان غوت قومک وطن اصلیمی بولنان اسقاندیناویا شبہ جزیره سی ایله انک متمات طبیعه سندن کبی کورینان دایمارقه قطعہ سی مهاجرت عمومیہ دور اخیرنده اوروپایی انواع مشکلاته اوغرادان نورمان قومک وطنی اولمق جهتیه حاز اهمیت اولمشلردی میلادک اونجی واون برنجی عصرلرنده قطعات مذکورده خرستیانلنک قبولی ایله انلرده اورویا جمعیتنه داخل اولوب سوئه نون وقانونت زمانرنده بیوک بر اسقاندیناویا دولتی تشکل ایتمشده قانوندن صکره اسوج ونوروچ ودایمارقه دن هر بری اشراف وزادکانک انتخابریله تعیین ایدیلیر برر قرال اداره سنده اوله رق مستقل دولتر اولدی .

بودولتردن انک اول دایمارقه کسب اهمیت ایدوب والدہ مار خاندانک زیر اداره سنده بالطق دکزی سواحلنک بر خبیلی ولایات مهمه سنی اله کچیرمش اولان دایمارقه حکومتی وطن مرکزینک کوچک کایله برابر شمال دول معظمه سندن معدود

اولدی . دانیمارقه قرالی اوچنجی والده مارك قزی اولوب
 پدرندن ارثاً دانیمارقه حکومتنه و زوجندن توارثاً نوروج
 حکومتنه مالک اولان وتشویشات داخلیه دن استفاده ایدرک
 جبر و حیلله ایله اسوچیده ضبط ایدن مارکریت دووالده مار
 شمال سمیرامیسی یاد ایدیله جک درجده درایتلی برقادین ایدی
 و ۷۷۵ تاریخنده قلمار شهرنده عقد ایلدیکی بر مقاوله ایله اوچ
 حکومتی قوه قانونیه لری و مجالس ملیه لری آیری اولقی اوزره
 بر اداره آلتنده جمعده موفق اولوب اکتساب شرف ایلدی .
 مع مافیله اسوچلیلرک دانیمارقه اداره سندن نفرتلری زیاده
 اولغله ده قرون وسطی نهایت بولدن قلمار اتحادی فعلاً
 یوزولمش و اقسام ثلثه ممالک بر برندن آیرلمشدی که اسقاندیناویانک
 اصل وقایع مهمه سی بوندن صکره اولوب تفصیلی قرون
 جدیدیه دئر مباحثده کوریلله جکدر .

ایتالیا و اسپانیا

ایکنجی فرهدریقک و قاتنده ایتالیا احوالی. مانقرده و قوزادین. شارل دانزو. - جلیتین حکومتی. مجلیا و برلری و نابولی دولتی احوال اخیره سی. بابلق و رومانیا. روما احوالی. توسقانه و فلورانسه جمهوریتی. میلان شهری و ویسقونتی سلاهی. جنوه و ونڈیک جمهوریتلری. قوندوتیه رلر و اسفوزرا سلاهی. مدیجی سلاهی. ایتالیا سربستینک زوالی. اسپانیا احوالی. قاسنیلیه. پورتیکیر. آراغون. ساردنیا و مجلیا.

فرهدریق بارباروسک لومباردیہ جمهوریتلرینه مغلوبیتدن
صکره ایتالیا شهرلرینک کیمیسنده اداره جمهوریه تأسس ایلش
و کیمیسنده دخی و قتیله ضبط و ربط مملکت ایچون ایمپراطورلر
طرفدن نصب ایلش اولان پودستالر تغلب ایدرک برلشمش
ایدی. و قتیله ایتالیا ده بولسانلرک کافه سی طوغریدن طوغری
ایمپراطوری سوزرن طایه جغنه دائر ایمپراطور سالیق قورادک
فرمانی احکامی تأثیریه مملکت بوزلرجه حکومت صغیره ده
بولنوب ایکنجی فرهدریقک زماننده ایتالیا نک شمال و وسطنده
تعریفی ناقابل برقراریشلق حکمفرما ایدی فرهدریق انجق ایتالیا نک
جنوبنده یعنی مجلیتین دولتی اراضیسنده اجرای حکم ایده بیلمش
ایسه ده پاپا دردنجی اینوسانک خرچنلغی اورا سزیده کندیسنه
جهنم ایتشدی.

ایکنجی فرهدریقت و فائده کنندی مقصد حیاتی استحصاله
چالشه جق مقدر اولادی قالدیسده آلمانیاده بولسان اوغلی
دردنجی قوزاد آزوقت صکره ترک حیات ایدوب اوراده
قوزادین نام حفیدی قالمش و ناپولی قرالایده دیگر اوغلی مانفرده
پکمشدی . مانفرد پاپاغه و سائر دشمنلره قارشو برخیلی مدت
وقایه نفس واستقلال ایلدی ایسده نهایت پاپا ناپولی قرالغنی
فرانسه قرالی سن لوئی نیک برادری شارل دانزویه توجیه
و مانفردهی آفوروزایدرك حکومت و دیدن اخراج ایتیش و شارل
ایله محاربه ده مانفردک مغلوبیتی و وفاتی اوزرینه آلمانیادن
قوزادین کلرک هوهنشتا و فن عائله سنک مدافعه حقوقنه
چالشمشدی اشبو عائله نجیبه نیک صولک نهال امیدى اولان بو کنج
برنسک نالیاقوچو محاربه سنده مغلوب اوله رق عادی برجانی کبی
ناپولی ده صلباً اعدای اوزرینه شواپه سلاله می کاملاً منقرض
اولغله سبجلیتین دولتی شارل دانزو عهده سنده تقرر ایلدی .

شارل دانزو حریص و مدبر و خونخوار برآدم اولوب
مظالمیله هر کسی بیرار ایش و قسطنطنیه نیک فتحیله شرقی حکومتی
النه پکیرمک تصورنده اولدیغندن کبر و نخوتی پاپاری بیله امر
واقعدن ناخشنود بر ایشدی . فقط کندیسنک تصور اتنی اجرابه
زمانی مساعد اولیوب فرانسرلردن بیرار اولان سبجلیا اهاالیسی
پاسقالیا یورطیسی ائناسنده جزیره ده موجود عموم فرانسرلری
قتل عام ایدرك آراغون قرالی اوچنجی پترویه تابع اولدقلمدن

آنزو خاندانی النده پالکز ناپولی قطعہ سی قالدی و بر مصیبت جدیدہ اولق اوزرہ ایتالیاہ اسپانیول مداخلہ سندنہ قیو آچیلدی . آنزو خاندانی بر عصری تجاوز مدت دہا ناپولیدہ پایدار اولوب صکرہ ناپولی ادارہ سیدہ آراغون خاندانک بر شعبہ سہ انتقال ایلدی .

پاپارک آوینیون شہرنده بر خیلی مدت اقامتلی رومانیا قطعہ سنی سرکش و عاصی و عادتا حیدود و قاطع طریق عدینہ لایق درہ بکلرہ طولدیرمش و ہلہ روما شہری انقلابات کونا کونہ دوچار اولوب بر آزلق تربیون نامیلہ روما ادارہ جہوریہ سی ریاستنہ یکن ربه نزو نام کسنہ قدیم روما جہوریتی احوال و عاداتک اعادہ سہ بلہ تشبث ایلشدی . پاپارک رومایہ عودتلی بو احوالہ براز نہایت و بردبسدہ بورؤسای روحانیہک قدیمہ کی نفوذلی پایدار اولمدیغندن رومانیا قطعہ سی دہا طول مدت دنیانک نظامسز واک بدبخت مملکتی اولہرق قالدی .

شمالی ایتالیاہ ایسہ اوللری اصول ادارہ جہوریہ تفوق ایلشدی توسقانہ قطعہ سندنہ و آرنو وادی لطیفندہ بولسان فلورانسہ شہری اصناف و تجار النده بر جہوریت اصولنہ و فلورانسہک رقیبی بولسان پیرا دخی ینہ بوبلہ بر اصول ادارہ مالک اولوب تجارت و صنایع ایلہ معموریت و ثروت فوق العادہ کسب ایلش ایدیلر . میلان شہری ایسہ اولا ادارہ

جمهوريه ايله و صکره ده اشرفدن و بسقونتی خاندانک حکومتيه
 کسب اعتلا ايدرك لومبارديه نك مرکز طبيعيمي اولمشدی . فقط
 شمالي ایتالیا حکوماتدن اصل ونديک ايله جنوه زياده اهميت
 قزانشلردی بو نهرينک منصبنده کی بطاقلق اطه لرك اورته سنده
 وآیلانک ایتالیا به هجو مندن قلچان منجیلر طرفندن تأسیس
 ایدیلان ونديک شهری اهاالیمی قرده اراضی به مالک و مزروعانه
 صاحب اولدقلرندن طبیعی کمچیلکه حصر معیشت ايدرك بيوک
 دونمار ايله دکرك حاکمی کسملشر و دالماچیا ساحلی و برطاقم
 جزایر بحر سفید ايله کرید اطه سی و موره قطعه سی کی
 نقاط مهمه بی الده ایشلردی . قدیمدن بری مالک شرقیه نك
 واسکندریه طریقيله مصرک تجارتي عادتا ونديکک تخت
 انحصارنده ایدی . ونديک اولدن بر جمهوریت اشراف اولدیغی
 و دوج ناميله برده رئیس جمهوری بولندیغی حالده کتدیکه
 اداره صقشدیر یلهرق رؤیت امور پیدرپی آتون کتاب نام دفتر
 زادکاتده محرر الاسامی ذواتدن مرکب بر سناتویه و مؤخرأ انلر
 میانندن منتخب اون کشیک بر مجلسه بر اقلش و قرون جدیده
 ابتدا سننده هر ایش اوج انکیرتورک النده قالمشدر . بو صبقی
 اداره سایه سننده ونديک زياده کسب اهميت ایدوب ونديکک
 رقبی بولنان جنوه دخی شرقده مستملکات مهمه و بیوک ثروت
 صاحبی اولمش و معموریت و سعادتحمالی بر آره اق ونديکلیری
 یله تلاشه دوشورمشدر .

بوقدر بیوک کوچک حکومت آره سنده محاربات اکسک اولیبوب بر آره لقی آلمان ایمپراطور لرندن بدنجی هانری و در دنجی لوئی نك و شارل دولو کسمبورغک اوغلی ژانک و رودری احوالی دها زیاده قارشیدر مش و آسایش و مسالمتک کولکده سی قالیوب هر طرف شورش و فترت ایچنده قالمشدی . محب صنعت و ادب و مائل سفاقت و استراحت اولان ایتالیا نلرده مزیات عسکر یه دن اثر قالمغله بالجه حکومت عسکر لکی ایش کوچ ایدمش سرسری فرقه لرینی استخدام مجبور اولیورلدی . قوندوتیه ر نامی و بریلان بوفر قهر افرادی محاربانده بر برلینه عادتا هیچ تلفات ویردیرمیدجک درجده خسار ایدرلر و ضررک الیبوکنی کندیلرینی استخدام ایدن دولتک تبعه سنه چکدیرلر و محبت و طنبه دن عاری اولدقلرندن هر کیم پاره بی چوق ویرر ایسه اوکا کیدوب بعض محاربه لر بتمن طاقجه دشمنه چکدکاریده اولوردی .

قوندوتیه ر رؤسامی زمانک رجال مهمه سندن اولوب بونلر مشتری آرایه رقی اردولر بله بتون ممالکی طولاشیرلر و بعضاً کندی حسابلرینه محاربه ایتدکاریده اولوردی مثلاً عوام ناسدن یتمشه سرکرده سفورزانک مخدومی فرانسو و سفورزا قرون وسطی نهایتنده میلان حکومتی و بسقونتی خاندانی لندن ضبط ایدرک کندی سلاله سنه تأمین ایش و دها چوق برلرده عسکررؤساسنک جرأتلی کورلمشدی . اون بشنجی عصر میلادی ایتداسنده

فلورانسده دخی بانکر لوران دومینیچی مقام حکومتده تفرده
ایدوب یواش یواش اوراسیده جمهوریتلکدن امارت حالته
کیرمشدر .

بوصورتله ایتالیاده اون اوچنجی عصرده مشهود اولان
غیرت استقلال تعاقب زمان ایله زائل ویرینه سفاقت و عطالت
وحتی جبانیت قائم اولوب برطرفدن عسکر سرکرده لری و بر
مرفدن پودستا دینلان کوچک متغلبه اننده ازیلان مملکتده
سربستی آثاری قلاماش ودانته وپترارق کبی اعظم وطنپرورانک
بحن اشکرین تأسف اولمیرینه سبب کافی موجود بولمشدی .

غرناطده بنی اجر دولتک تشکیلدن صکره اسپانیاچه
خیلی تبدلات وقوع بولمشدی . اسلام علیهنه محاربهده اک زیاده
ثبات کوسترن قاسمیلیه احوالی زیاده سیله قاریشه رق زادکنک
نفوذ و شهرلرک امتیازات کونا کونی و کلیسانک موقع ممتازی
حکومه اجرای نفوذ ایده جک بر بر اقامتده و قورنس مجالس
ملیه سنک رأی آلمد قجه برشی یانلماقده ایدی ۶۳۰ده حکومت
ایدن و ترناطه بی بر اقوبده المانیا امپراطور لغنه بلشان اوننجی
آلفونسدن صکره انواع اختلالات داخلیه حکمفرما اولمغه
باشلامتر ۷۶۸ده جلوس ایدن اوچنجی هازینک دخی پک
زیاده فقر و ضرورته دوچار اولدیغی کورلمشدی . اشبو
هازری بر تنظیم اموره چالش دیرسه ده خلفی ژانک زمانی ینه

قاریشقلقه پکوب فقط انک قزی ایزابل دورنده اسپانیا قرون
جدیده بخشده کوربله جک اقبال و عظمته نائل اولدی .

بورغونديه پرنس لردن هازرنک تأسیس ایلدیکی پورتکیز
حکومتی ۷۶۳ تاریخنده و قرال برنجی ژانک قاستیلیه لیلر اوزرینه
قزاندیغی آلبوجاروتا مظفریت عظیمه سی سایه سنده تأید استقلال
ایدوب ذاتاً اندلس جهتنه توسیع ممالک قابل اوله مدیغندن دونتا
ایله فاس جهتلرنده اهل صلیبه دوام تشبثده بولنمشدی . ژانک
اوغلی هازی ایسه ملاح صفتنی قزاناجق درجدهده کمچیلکه
هوسلی اولوب پورتکیز دونتاسیله فرق سنه بی متجاوز مدت
بحر محیط غربی سواحلی کنران و مادر اطه لرینی کشف وانمار
البلش و قرون جدیده نک کشادنن صکره و فات ایدرک پورتکیز لیرک
کشفیات بحره لرینه ابتدا ابلش در . افریقا تجارتی قومپانه سی
پورتکیزده ده قرون وسطی نهاینده تشکیل اولنمشدی

آراغون قرالغی هر تقدیر قورتس مجلس لرینک قوودی
وولایات و بلادک فونه روس تعبیر اولنان امتیازات متضاده سی
وزادکانک خرچنلقری حسبیه خیلی قاریشقلقلر کوروشدهده
سواحلیک چوقلغی و تجارتک آرتمی و حتی بارسلونه لده سنک
بحر سفیدک الک بیوک مراکز تجارتدن اولمی حسبیه استیلیه یه
نسبتله دها معهور و منتظم و ایتالیا اوزرینه مداخله سه اهلینک
شدتنی بر مملکت اجنبیه اوزرینه احاله یه قادر ایی . مجلیا
اطه سی اوچنجی پترو زماننده و صکره مکرراً آراغون خاندانندن

پرنسره پکدیکی کبی برمدت سار دنیا دخی آراغونه پکمش ایدی .
 ۷۸۸۵ء تاریخنده آراغونده قدیم بارسلونه خاندانی ذریقی منقطع
 اولوب حکومت قاستیلیه پرنسرندن عادل فردینانده پکمشدیکه
 انک مخدوملری بشنجی الفونس وایکنجی ژاندن صکره کی احوال
 ووقوعات دخی قرون جدیده تاریخنده کوربله جکدر .

۴

روسیه و لهستان

لهستان فرالغی . بیاست سلاه سی . بولسلاو . نوتون شوالیه لری . یوک
 قازبیر . یا کلون . ولادیسلاس . لهستانک عظمت و اقبالی . روسیه قطعہ سی .
 واریاغ قبیلہ سی . کیف امارتی . یاروسلاو و ولادبیر . مغول استیلا سی و انتون
 اردوسی . موسقوا امارتک صورت ظهوری . دیمتری دونسکوی . ایوان
 و موسقوف دولتک استقلالی .

اوروپانک حوالی شرقیہ سی قدیم دنیرو اسلاو جنس نہ
 منسوب اقوام ایله مسکون اولوب اقوام مذکورہ دن مؤخرآ
 روس ملتنی تشکیل ایدنلر شمذیکی نفس روسیه قطعہ سندنه وایلرودہ
 بحث ایدبله جک اولان صرب و بلغار و پوشتناقلر بالقان شبه
 جزیره سندنه و شمذیکی لهستان قطعہ سندنه ساکن بولنورلر ایدی .
 قطعہ مذکورہ ہجرت نیویہ نک او چنجی عصرینہ قدر حال تفرقدہ

قالوب او چنجی عصر نہایتہ طوغری پیاست نامندہ بردوقہ نک زیر
ادارہ سندہ اتحاد ایدرک پیاست سلالہ می طرفندن اداره اولتغہ
باشلامش واشو سلالہ لہستاندہ میلادک اون دردیجی عصری
اواسطنہ وسیلزبادہ ایسہ اون یدنجی عصر نہایتلرینہ قدر مقام
حکومتدہ قالمشدر . پیاستک خلفرندن مچسلاو زمانندہ اہلیلر
خرستیان مذہبئی قبول ایدوب لہستاندہ المانیا امپراطوری بیوک
اوتونہ عرض اطاعت ایلش و برمدت آلمانیا لئلرندن معدود اولوب
فقط قرال بولسلاو زمانندہ ینہ کسب استقلال ایتشدر .

قرال او چنجی بولسلاو پومرانیا قطعہ سنی فتح و اہالیسنی
دین عیسوی بی قبولہ اجبار ایدرک لہستانی توسیع ایدوب فقط
وفاتندہ ممالکتی اولادی ینندہ تقسیم ایلدیکندن لہستان برچوق
کوچک حکومانہ بولنش و دول صغیرہ مذکورہ بہ ضعف طاری
اولدیغندن شمال شرقدن تجاوز ایدن روسیہ اقوامندہ قارشو
مدافعہ مملکت ایچون لہ پرنس لئلرندن قوزراد مازوو و چکی توتون
شوالیلری جمعیتنی دعوت ایدوب روسیہ حدودی اوزرندہ
اسکان ایتدرمشدر (۶۰۳) توتون شوالیللری ایسہ پیدرپی کندی
ملکربنی توسیع ایدرک ولہستان دن پومرانیا ولایتنی ودانتریق
حرالیسنی آلاق بحر بالطق سواحلندہ بردوات قویہ تأسیس
ایتشدر .

لہستان قرال دردیجی ولادیسلاس وقتندہ ینہ کسب اقبال
ایدوب انک خلنی بیوک او چنجی قازیمیر وقتندہ قرمزى روسیہ

یاکلون

دیلان قطعاً دخی الحاقیه له حدودی بحر باطقدن بحر سیاهه
 امتداد ایشدر . اشبو قازیمیر بلا وارث و فات ایدوب پیاست
 سلاله سی کندیسيله منقرض اولمش و مقامنه پکن بچارستان قرالی
 لوئی نك دخی و فائنده لهستان زادگانی بالاتفاق ایتوانیا دوقه سی
 یاکلونی له قرالغنه انتخاب ایشدر . یاکلون قرالغه برابر
 قاتولک مذهبی دخی قبول ایدوب قازیمیرک کریمه سی یادویغه بی
 زویج ایدرک پیاست سلاله سنه قرابله سلطنتی دهها زیاده
 مشروعیت کسب ایش و زماننده لهستانک عظمت و اقبالی زیاده
 لشهرک توتون شوالیه لری مغلوب ایدیلوب شرقی پروسیا ک غیری
 رلری لهستانه الحاق ایدلشدر . یاکلونک خلقی ولادیسلاس
 وقتنده بچارستان تاجی دخی نیابت صورتیله له قرالرینه انتقال
 ایلدیکندن لهستان عصرک دول معظمه مقتدره سندن معدود
 اولوب فقط ولادیسلاسک عثمانلیله وقوع بولان و ارنه محاربه
 شهوره سنده مقتولیتی و لهستانک دفعاتله عثمانیله مغلوبیتی اوزرینه
 بچارستان لهستاندن آیرلش وله دولتی پیدرپی اسکی شوکت
 و قدرتی ضایع ایشدر .

له زادگانی یاکلونی انتخاب ایلدک لری زمان زادگاندن
 مرکب مجلسک رأی آلتهمسزین قرالک اجراته مقتدر اولماسی
 قاعده سی وضع ابله مقام حکومتک اقتدارینی تحدید ایشدر
 و مجلس زادگانک اجتماعاتی ایسه سوزا کلام مزاق ابله تمیز

ایلمش جسور و فقط غایت خوددین و متعظم بر حقوق اصلزاده لری
 محتوی اولفله مملکتک امورینه بیوک انتظامسزلق طاری اولمشدر.
 لهستان اهالیسنک بر قسمی اورتودوقس مذهبسنده و قسم
 دیگریده قاتولیک دیننده اولوب منافرت مذهبییه و اختلاف اعتقاده
 بین الناس نفاق و شقاقی موجب اولفله مملکت مزبورہ بعدما
 اختلافات داخلیدن قورتیله میوب قرون جدیدہ اثناسنده بر
 مدت دولت عثمانیہ ننگ و بعده روسیہ و اوستریا و پروسیا
 حکومترینک تحت نفوذلرنده قالب نهایت اصلاح حال ایدہ ما.
 می حیات سیاسیہ سنہ بسبتون خاتمہ چکلمسنی اتاج ایلمشدر.

روسیہ قطعہ سنده ساکن اولان اسلاو اقوامی کنندی
 کندیلرینه برهبت سیاسیہ تشکیلنه قادر اوله میوب روسیہ
 دولتک ایلک اسامی اقوام اجنبیہ طرفندن وضع ایدلمشدر.
 نورمانلر اوروپانک حوالی غربیہ سنہ آقینه باشلامزدن اول
 یله بحر بالطق سواحلنده کوچک قابقلریله کزه رک انواع تخریبات
 اجرا ایلکده و اورالده بولنان بلادک خدمت عسکریدلرینه
 کیره رک استحصال اسباب معیشت ایتکده ایدیلر. روسیہ ننگ
 شمالنده کائن نوو غورود شهری خدمتده بولنان نورمانلرک
 ریئی رورق امنده بر ذات شهر مذکور حکومتی ضبط
 ایلدکن سکره قسطنطنیہ بی بحر سیاه طریقله کیدوب ضبط
 ایلک افکاریله جنوبه طوغری حرکت ایلمش و یوروریقک
 سرکرده سی بواندیغی و ارباغ و باروس طائفه سی بحر سیاه

ایزکن برطاقم حوالی بی ضبط ایدرک کیف شهری مرکز اولق اوزره (۲۴۰) تاریخنده بر امارت مستقله تشکیل ایلش-لردر . اشبو کیف امارتی روسیه دولت اخیره سنک اساسی اولمش و نورمانلر ذاتاً جزئی مقصدارده اولدقلرندن تحت اداره لرنده بولنان اسلاو اقوامیله اختلاط ایلرله ایکی جنسک امتزاج و اتحادیله روس ملتی وجوده کلمشدر .

کیف امارتی مقصد قدیمی اولان قسطنطنیه فتحندن صرف نظر ایلوب بحر سیاهده انشا ایدر یلان سفائن ایله شرق ایمراطورلغی سواحلنه اجرای خسارات اولمغه باش-لامش و روریک خلقلرندن اولمغ و ایغور زمانلرنده روسلر شهر قسطنطنیه بی بحراً محاصره یه بیله جراثیب اولمش-لردر . فقط بیرانسه حکومته باشلایان ماکدونویالی سلاله دن ژان ذیمسکسک روسلره غلبه کلمه سی و بر مدت صکره اشبو قوم تجاوزک دین عیسوی بی قبول ایلدی قسطنطنیه بی بوک راستیلا تهلکه سندن قور تارمشدر .

کیف حکمدارلرندن ولادیمیر (۳۵۸ - ۳۹۳) بت پرست مذهبی ترک ایله بشقه بر مذهب اختیار ایلک ایستدیکندن ادیان موجوده حقنده اجرای تحقیقات ایدوب قاتولیکلرک بر رئیس لایحظی به اطاعتلری و اهل اسلامک لحم خنزیر و شراب اکل و شربندن مجانبتلری خوشنه کیمدیکندن منببات مذکوریه مساعده ایدن و آیین دینس-نده کی شمشعه و نظنه ایله اقوام

جاهله نك كوزلرینی قاشدیرن اورتودوقس مذهبنی قبوله قرار
ویرمش و ذتاً بیوک والدهسی اولغادین عیسوی بی قبول ایلمش
اولدیغندن ولادیمیر شرق قیصرلکی بطریق فوتیوسک اداره
روحانیه سنی و اورتودوقس مذهبنی اختیار ایتمشدر . ولادیمیر
بالجمله تبعه سنی دخی جبراً و اقتیر ایتدردیکندن (۳۶۶) تاریخنده
روسر کاملاً اورتودوقس کلیساسنه داخل اولمشدر .

ولادیمیرك خلفی یاروسلاو زماننده کیهف دولتی منتهای
اقباله و اصل اولوب فقط مشارالیه و فائده ممالکنی اوغلاری
بیننده تقسیم ایلدیکندن مملکت سوزدال ولادیمیر و کیهف کبی
برطاق امارتزه بولنش و بعض شهرلر بسبتون مستقل قالب
ازجمله نوو غورود شهری تجارنجه بیوک ترقی ایدرک و وخرأ
هانزه اتفاقنده داخل اولمشدر .

علم مظفریتلرینی مورایه قطعه سنه و مجارستان و لهستانه
قدر ایصال ایدن مغوللرک هجو منده روسیه قطعه سی بووجهله
حال ضعفده اولوب اوروپای شرقیده التون اردوسی دولتی
تشکل ایدرک امارتلك کیمی کلیاً و کیمی سنوی ویرکو ویرمک
صورتیه تاتارلره تابع اولمشل و روسیه عصرلرجه مدت بویه جه
حال انقراضده قالمشدر . یالکز پیدرپی برطاق اشالی نك وولغا
نهرینک منبھی جوارلرنده کی بظاقلق محلرده طوپلانارق موسقووا
شهرینی مرکز ایدینه رك تشکیل ایلدکلی امارت براز داعیه
استقلال کوسترمشده اوده نهایت تاتار رعیتنی قبوله وکنناز.

لرینک تاتار خانزری فرمانبرداره عزل و نصبینی سینه تحمله چاکمه
بجور اولمشدر.

موسقووا کنازلردن دیمتری اون دردنجی عصر میلادی
اوانلنده تاتارلره عصیان و دون نهری اوزرنده دشمنلرینه
غلبه ایدرک دونسکی نامنی و دولتک استقلالنی قزانمشده
کندیسندن صکره ینه حال سابق عودت ایشدر. فقط تیمورک
هجومی التون اردوسی دولتنی دوچار تفرقه ایلدیکندن
موسقووه امارتی کسب اقتدار ایدوب نهایت قرون جدیده
اینداسنده مشهور اوچنجی ایوان تاتارلره قطعاً غلبه و حتی
قران حوالیسینده استیلا ایتکله ایشنه اووقت روسیه دولتی
کسب استقلال تام ایش و ترقیات فوق العاده مستقبلمی او
وقندن باش کوسترمشدر.

فصل ثالث

قرون وسطی ده اوروپا احوال مدنیہ سی

قرون وسطی نك احوال میروسی. شارلمانك مساعیسنك یهوده لکی. صنوف جمعیت. فئودالیتہ. ہیئت رهبانیہ و کلیسا نك نفوذ فوق العادہ سی. کلیسا حقوق. علوم و فنونك مناسب تر لره انحصاری. لاتین لسانی و السنہ جدیدہ. تروبادور اشعار سی. شہور و بلاد احوالی. قومون قیام لری و بورزوازی صنفی. شہر لرك ترقیاتی. حقوق عرفیہ. ترقیات مدنیہ باشلانغی. تجارت و ہودیلرك تجارتہ خدمت لری. صنایع و صنعت معمار بہ. دارالفنون لری. سقولا سٹیک. علمای مشہورہ. ادبیات ملیہ: فرانسه و ایتالیا. ترقی افکار و انقلابات دینیہ مقدماتی. قرون جدیدہ و واسطہ ارتباط اولان احوال.

—

قرون وسطی قدیم روما عالمی ایلہ اوروپا ہیئت جدیدہ سی بیندہ برخط التصاق اولوب الیوم اوروپادہ جمعیتی تشکیل ایدن ملل و اقوام اشبو دورده تأسس و تعیین ایلش و مدنیت حاضرہ نك برچوق اساس لریدہ ینہ او وقت باش کوستر مکہ باشلامشدر. بونکله برابر مدنیت قدیمہ برینہ قائم اولان قرون متوسطہ نك حد ذاتندہ اوروپا جہہ بر زمان تمدنی اولدیغنی اعتراف ایلامك ناقابلدر. رومادہ ایمپراطورك شخصندہ تجسم ایدن حاکمیت ملیہ یزید قرون وسطی ده قاتولیک کلیسا سنك نفوذ روحانیہ سی قائم اوامش، رومانك حضور قانونده عموم ایچون وضع ایادیکی مساوات کاملہ برینہ صنوف ممتازہ و صنوف

عادیه فرقی وجوده کلمش و معارف یونانیه محصولی اولان ترقیات
فکریه بی ایسه نخوف برجهالت و تعصب تعقیب ایشدر . بو
صورته قرون وسطی نك احوال همیزه سی اولان کایسه انك
نفوذی ، عدم مساوات ، مرکز حکومتده اقتدارسنزلی و دره
بلك قاعده سی و جهالت و تجارت و صناعتك مفقودیتی کبی
احوال عمومی مهاجرت ایله برابر وجود بولغه باشلابوب اوروپا
احوالی کاملاً تبدیل ایشدر .

شارلمان کلیسایی حکومت جسمانیه جایه سنه آلاق ، هرکس
حقنده مجبوری ایفنا قانونلر نشر ایدرک ، ولانك دارة صلا .
حیتلرینی تقیید ایله رك ، تعلیم اطفال ایچون مکتبلر آچارق
واقسام مالکده روابط تجارت احدانته چالیشه رق بوتدی به
قارشو قومق ایستمش و الکووین و اکنهارد کبی عالم مؤلفرک
همتلیله برانتهه معارف دور موقتی بیله آچیلش سه ده بو حکمدار
غبورک و فاتیله قدیم رومانی اداره ایدن افکارك تأثیراتی دخی
بالکلید ذائل اوله رق قرون وسطی دورینك طرز و شکل لایقیله
نعین ایشدر .

قرون وسطی ده جمعیتك صنوفه انقسامی مصر و یاهند
قدیمده اولدیغی کبی قانوناً معین اولماقله برابر صنوف ممتازه ایله
صنوف عادیه آره سنده کی مبانیت حالک کرچکدن جالب نظر
دقت بدرجه یه واردیغی مباحث منقده ده مشهود اولمشدی .
شودالینه نامی وریلان دره بلك سلسله سنی تشکیل ایدن

اصولاً کان صنفی ایله بوصفک بر شعبه مهمه سی بولنان شوالیه لک احوالی اقد مجده تفصیل ابدل دیکندن بوراده تکراریندن لوم اولیوب هیئت ره بانیه نك قدرت تحکیمه سی ایسه حقیقتاً فوق العاده بدرجه به واصل اولمشدی . رو مالینق عالمنك انقراضیه برابر اوروپا به مستولی اولان ظلمت جهالت حسدیه خلاق تعصبی بك زیاده اولوب کلیسا بو تعصبدن بالاستفاده هر کسک ذهنده مهم بر . وقع طومش وارباب تعصبک هبه لری و خصوصاً میلادک بیک تاریخنده قیامت قوپاجنی ظن باطلنک سو قیله نیجه ابله لک ماملک رینی کلیسایه وقف ایلری پاپالیق مقام روحانیسی بک کلی (فرانسه ده اراضی* موجوده نك خسی و آلمانیاده ئشی) اراضی به صاحب ایدرک فتودالیه اصولی موجنبه نیجه بحالرده حکومت جسمانیه دخی مأمورین روحانیه به انتقال ایلشدر . بو قدرت و اقتدار یدنجی غره غوار و ایکنجی اوربان کبی پاپارک یدنده بولندجه پاپالغک مدعیاتسه نهایت اولیوب حضرت عیسی نك و کالتی و لایخطیالک ادعا سنده اولان رؤسای روحانیه قانونا و قهه سی کبی موقیت لر ایله حکمدار لری زانو زین ندال اولغه اجبار و برالارینک ایفامی ایچون ملیونلرجه آدمی سلاحلندیرمق درجه سنده اثبات اقتدار ایلشدر و پاپا او چنجی اینوسان پاپالغک ال بیوک حکمدار لک بیله آمر و حاکم مطلق اولدیغنی علناً سوبلیدی کبی سکرنجی بونیفاسده قرالری رکابنده یوروتک کبی آذر عظمت ارانه سندن چکنا مشدر .

کلیساںک اراضی مخصوصہ سی داخلندہ کی اہالیںک و عوماً ہیئت رهبانیه افراد و مذہبیینک محاکماتی رهبان محکمہ لرینہ عائد اولغله محاکمہ مزبورہده مرافعاتک صورت حکم و جریانی تعیین ایچون روما حقوقندن مأخوذ اوله رق کلیسا حقوقی droit canonique و رهبان بیندہ کی قواعد و روابطی . علم اوله رق دخی حقوق رهبانیه droit ecclesiastique کی حقوق شعبانیدہ رهبان آرمندہ تعمیق اولغله باشلامشدر . ذتارهبانک سائر افراد جمعیتہ تحکمی بیوکبر تفوق معنوی به مستند اولوب اوروپانک هر طرفندہ اثری منعدم قالان علوم و ادبیات مناسترلره انحصار ایلش و بر خبیلی مدت مناسترلردن بشقه تحصیل علمه مخصوص محل قالمیوب لاتین لسانی دخی صنف روحانی نک لسان رسمی و مستعملی اولمشدر .

لاتین لسانی صنف روحانی به و ارباب علوم و معارفه انحصار ایلدیکی صرہده ملل جدیدہ به مخصوص السنهده کسب مکملیت ایلکه باشلامشدی . هر برده جرمان اقوام مسئولیه سیله یرلی اہالیںک لسانلری درجات مختلفہده بربریلہ قاریشده رق ایتالیا، ایٹالیانجه و اسپانیاده اسپانیولجه و فرانسهده شمالده لانغ دو ییل langue d'oïl و جنوبده لانغ دو ق langue d'oc ناملریله برر شعبه مخصوصه تشکیل ایدن رومانجه (که فرانسه دنک اساسیدر) تکلم اولغله باشلامش وانکاترہده آنقلو ساقسون و فرانسه لسانلریںک امتزاجیلہ انکلیر لسانی

وجود بولدیغی کبی آلمانیاده دخی قدیم جرمان لسانی اساسنک
توسیع واکمالی ایله آلمانجه حاصل اولمشدی . هرکسک سویلیوب
اکلادیغی بولسانلر وسعت و قدرت افاده وقواعدک مکملیتی
خصوصلرنده لاتینجه دن چوق کیروده ایسه لرده قرون وسطی
جهیتلرنک تأسسیاه بونلرده ترقی به باشلامش و بولسانلرده کی
ساده کی وافکار ملیه به مطابقت یکی چیقان ادبیات ملیه نیک
یینی تروبادور اشعار قهرمانانه سنک بولسانلرده نظم ایلملرینه
بادی اولمشدر .

احوال و کبیتلری فتودالیه بخشده ده بیان ایلملان
تروبادورلر قرون وسطی ده زادکان وشوالیه صنفلرنک اجراءت
قهرمانانه لرینی شعر ایله توصیف ایدن شعرا اولوب بونلره
فرانسه نیک شمالنده بارد و جنوبنده ترووهر و تروبادور ناملری
یریلوردی . بو شاعرلرک اول رومان لساننده نظم ایدرک
شارلمانک فتوحاتنی وبالخاصه اهل اسلام ایله محاربه لرینی
وشارلمان امراسندن مشهور رولاندک قهرمانلقزینی وغال
امراسندن قرال آرتورک شجاعتنی توصیف بولنده نیجه اثار
وجوده کتیرمشلردر و بو اشعارک استماعی و تغزیری قرون
وسطی ده زادکان جمعیتنک اک بونک اکنجه سنی تشکیل ایتمشدر .
دور قهرمانیدن صکره تروبادورلر حکایات مخیله به دار اثرلر
یاغنه باشلابوب نلیکی حکایه سی بوللو مثلاره اللی الشمس وحتی
سکسان بیک بیتلک منظومه لر نخصیص ایلملر کی زمان قدیم

تاریخی حقننده تحقیقانه باشلانمسیده اسکندر کبیر حقننده نظم
اشعاره بادی اوله رق اسکندر حقایق تاریخییه نسبتله پک
غریب بر شخص مخیل حالنه کتیرلمشدر . تروبا دورلک زیاده
فرانسدهده شعرى ایلرو کتوروب باخاصه آبیروا محاربه سی
دورینه قدر لانغ دوق قطعده سی مجمع شعرا اولمش و فقط اسپانیا
وایتالیا و آلمانیا و انکلتزدهده دخی نیجه آثار منظومه وجود یافته
اوله رق آلمانیاک نیدلونکن *niebelungen* نام اشعار فهرمانیسی
واسقاندیناویانک اساطیر قدیمیه داتر ادن *edden* منظومه لری
فرانسزلک تلکی و یارولاند منظومه لری قدر شهرت قزانشلردر .
قرون و سـطی نك ایلک عصرلرنده کرک شهر و بلاد
و کرک قری اهاالیسی آرهلرنده حربجه بیوک برفرق اولیـوب
جمله سی دره بککرت تحت تحکمنده ایسه ده رومایلر زماننده کی
امتیازات بلده نك افکار عمومیه ده قالان تأثیری و همما امکان
تجارت و صناعت ایله مشغول اولان شهر ایـلرک ذراع کبی
طوغریدن طوغرییه زادکان پنجه تغلینده قالمالری حسـبیلله
ینه اهالی قصـباتک قانوناً دکـسه ده فعلاً برجهت امتیازلری
وار ایدی و دره بکار طاغ باشلرنده کی شاتولرنده او طور دقلرندن
شهرلری طرفلرندن منصـوب برر مأمور واسطه سـیله اداره
ایتدیرلردی .

اهل صلیب محاربه لرنده تدارکات حربیه و مهمات عسکریه
ایچـون برطاق صنایعه طبیعی زیاده اهمیت ویربلرک شهرلر

بوصورتہ کسب رفاه و ثروت ایلدکاری کبی محاربه به کتمکدن طولانی کسب حریت ایدن اہالینک شہرلہ برلشمی و تجارت و بین الملل مناسباتک تکثیریلہ شہور اہالینک معنادخی ترقیات و فیرہ به مظهریتری بلادہ بر استقلال و امتیاز داعیہ سی کتیرہ رک اوروپانک ہر طرفندہ بویولده قیاملر کورلمکہ باشلادی اینالیادہ لومباردیا بلادی آلمانیایہ قارشو اعلان استقلال ایلدیکی کی آلمانیادہ برچوق شہرلر دخی تابع اولدقتری درہ بکارت حکو۔ متلرینی رد ایدرک ہونشتاوفن سلالہ سنک یاردمیلہ ایمپراطور شہری پایہ سی یعنی ایمپراطورہ مربوطیت مخصوصہ قیدیلہ فعلاً استقلالی قزاندیلر وانکارزہدہ بعض بلاد اہالیسی پارلمنتویہ اعضا کوندرمک حقنی استحصال ایلدکاری مثللو فرانسدہ دخی قرالارک یاردمیلہ نیچہ شہرلر متبوع مشروعلرینہ قارشو عصیان ایدرک قومون نامیلہ قرال جایہ سندنہ اولہرق برر ادارہ مستقلہ تشکیل ایتکہ موفق اولدیلر۔

شہرلر اشبو استقلال ادارہ بی ہر بردہ محافظہ به موفق اولہ میوب ازجہلہ فرانسدہ قومون امتیازاتی قرالارک بالآخرہ نظر محاسدہ لرینی جلب ایلکہ برچوق بلادک امتیازات موجودہ سی طرف دولتدن لغو ایلدلمش و برطاقیدہ صنایع و تجارت مترقیہ لرینی حسن محافظہ ایدہ بیلک ایچون طوغریدن طوغری به مقتدر بر برحامی ادارہ سہ یکمکی دہا موافق بولمش لردی۔ بوکا مقابل بلادک اہمیتی دہا زیادہ آرتوب ینہ ہر شہرک ادارہ بلدیہ سی

اهلایجه منتخب هیئتله ویرلمش شهرلرک ثروت مملکتی تزئیده
 وینا برین لیدی الاقتضا کایتلی رسوم و تکالیف تأدییه سنه قدر تلی
 مشهود اولمغله کرک قرالار و کرک دره بکلر نیجه محللرده و شاتولری
 جوارنده امتیازات و فیره و عدیلله اسکان اهلاییه و قصبات
 تأسیس واحداثه چالشمشدر . بوسابه ده جمعیت ایچنده بلاد
 و قصبات سکنه سندن مرکب اوله رق اهل صنعت و ثروت
 و قدرت عقلییه جه صنوف ساربه فائق بر او چنجی صنف
 tiers état تشکل ایترپ بورژوازی نامنی آلان بوسنف آلمانیا
 و ایالیاده حکومت سیاسییه به نائل وانکاترده ده عوام قاره سنه داخل
 اولدیغی کی فرانسه ده دخی قرال کوزک فلیپ زمانسندن بری
 صنوف عمومییه états généraux مجلس ملیسنک ثلث حصه
 اعضاسنه منبع اولمشدر . شهرلر اهلاییه اصناف کتخدالقلری
 هیئتله منقسم اولوب هر صنفک کندوسنه مخصوص لویجه
 جمعیتی و مدار افتخار عموم اولان برحامییه و اوسته ایله چراق
 بیننده کی مناسباته دار اصول مخصوصه سی و اوسته اولقی یعنی
 پشتمال قوشامتی حقنده قواعدی و خصوصی تنزه جمعیتلری
 و شندلکاری بولنور ایدی . شهرلرده هر کس مسلح کزدیکندن
 و اصناف آره سنده ده اوزمانه مخصوص تحف رقابتلر اولدیغندن
 شهرلرده دائما قانلی منازعه لرده اکسک اولدیغی یوق ایدی .
 قرون وسطی دوریه مخصوص اولان و فرانسه ده ژوراندو متریز
 maitrise, jurande ناملرله زیاده تقویت بولان اصناف اصولی

هر نقدر اساساً سربستی تجارتنی محل ایسہ دہ او وقتلر انجق وجود بولغہ باشلایان صنایعک ترقیا نتیجہ منافع کلیہ سی کورلدیکی دخی غیر منکر در .

شهرلک ترقیا تیله شهرلده تجار واصنافه عائد عادات وقوا نین دخی جاری اولغہ باش۔ لایوب باخصوص آلمانیادہ کی ہازہ اتفاقک نظاماتی وبارسلونہ شہرنک شہندر خانہ بحری تعبیر اولنان نظامات بحریہ مجموعہ سی ومارسلیا و آمانی و یاردوس عادات تجاریہ سی کبی حقوق عرفیہ بہ متعلق آثار دہ وجود بولش و شہرلده کی محاکمہ اشہو قوانین حکمچہ فصل دعاوی ایدیلہ رک درہ بکک قواعد حقوقیہ سی وکلیسا حقوقہ نسبتہ حقوق عرفیہ دخی کسب وجود ایلش۔ در . قرون وسطی نک حقوق عرفیہ سی روما حقوقیہ ایتراج ایدرک زمانزدہ کی اوروپا حقوق مدنیہ سنک اساسی اولشدر .

قرون وسطی نک صوک زمانلری یعنی میلادک اون اوج واون درت واون بشجی عصرلرنده اوروپادہ ازہر جهت ترقیات کلیہ مشہود اولش۔ در . شهرلک ترقیسی تجارتنی دخی ایلروپہ کتوروب شمالدہ ہازہ اتفاق شہرلی شمال وبالطق دکزلرنده وحتی روسیہ ایچرولرنده تجارت ایتدکاری کبی جنوبدہ بارسلونہ مارسلیا و آمانی شہرلی وبالخاصہ وندیک وجنوہ بلدہ لری دخی بحر سفیدہ و ممالک اسلامیہ ایلہ تجارتنی توسیع ایلشردی شرقدہ خلیلی نقاط مہمہ و مستملکانہ متصرف

اولان وندیک و جنوه هندستان تجارتک بیکانه واسطه لری
اولوب بیوک دونتیا قوتیله تجارت مذکوره منافعی تحت
انحصاره آلمش و بو تفوق لری امید برونی طریقک کشفی زمانه.
دک دوام ایشدردر . قره جه اولان تجارت امنیتک مفقودیتندن
ویوزلرجه دره بکارک جله سی تجاری انواع رسوم و تکالیف
ایله صومغه چالتملرندن طولانی لایقیله توسع ایده ماشه ده
ینه صوک عصرلرده خبلی چوغالمش و تجارت داخله بی جایه
ایچون شهرلر پیننده بر طاقم اتفاقلرده عقد اولمشدردر . اسپانیا
بلادی آره سنده کی ساتاجوننا نام اتفاق تجارینک قوه عسکریه .
می و تدابیر و اجرائی کر چکدن جالب نظر دقت بر درجه یه
وارمشدر .

تجارتک مابه الحیاتی دیمک اولان معاملات اعتباریه قرون
وسطی ده پک نقصان اولوب فائضک هیئت ره بانه جه حرام
عدایدلهرک فائضجیلرک تکفیرینه قدر وارلسی حسبیله صرافلق
برصنعت منفوره حالنه کتیرلمش و علم ثروت قواعدینک جهل
تامندن نشأت ایدن بوفکر مخیف سیبیله صرافلق معاملات ساده
موسویلره انحصار ایشدردی . اختلاف دین حسبیله هر در او
صنایع هیئتلرندن مطرود اولان یهودیلر ساده پاره معامله سنه
کیریشوب ثروت عظیمه اکتسابیه موفق اولمشدرده خلقتک
افراط تعصبندن و حکوماتک حرص و طمعندن تولد ایدن
امنیت منزلک حسبیله فائضلر کر چکدن فاحش بر درجه یه چیقارلمش

و مراجه جیلیق صوك درجه بی بولمادی . حکومتلرک مغشوش
 و عادتاً قلب سکه لر چیقاره رقی تداول نقودی کونا کون تصعیباته
 اوغراتلمی دخی بر طرفدن تجار تجه نتایج و خیمیدی موجب
 اولبوردی . مع مافیله هر حالده یهودیلرک اوروپاده اگ اول
 معاملات صرافیه به باشلاق و پولیجه کبی نافع بز واسطه تداولی
 میدانله قومق ایله اوروپایه ایتدکری خدمت پک بیوک اولوب
 اون دردیجی عصرده ایتالیا ده خرسیمیانلردن دخی معتبر صرافلر
 یتمش و مثلاً فلورانسه ده مدیچی نام بر بانکر فامیلیاسی مقام
 حکومته بیله پکمشدر .

صوك عصرلرده صنایعه دخی ترقیات عبیده کوریلوب
 عربلرک محصول همتری اولان انواع اقمشه و آوانی و کاغد
 و بعض آلات ناریه اوروپاده اعمال ایدلمکله باشلامش و وندیپک
 بلوری ، اسپانیانک مزین اسلحه سی ، بلجیقانک بول اقمشه و منسوجاتی
 کبی اشیای تجاریه زیاده کسب اعتبار ایتمشدر . صنایع نفیسه دن
 فن معماری میلادک اون برنجی عصرندن اعتباراً کترتله انشا
 ایدلمکله باشلانان کایسا و مناسترل سایه سنده پک زیاده ترقی
 ایدوب بوکسک قلدرلر و اوستی بیضی مدور پنجره لر و کذا
 بوشکلده قلعه لر ایله غوتیک طرز معماریسی قرون وسطی نك
 اگ بیوک اثری اولوب بو طرزده پارسک نوتر دام کایساسی ،
 میلان و روئن کایسالی و سائر نیجه یوزلجه آثار عالیله انشا
 ایدلمشدر .

میلادک اون اوچجی عصرنده علوم و معارف دخی مناسرتل
 داره. مدن خارجه چیقارقی اکی اول عرب مدنیتک تأثیریله
 ایتالیاده آچیلوب صکرده هر طرفلرده کشاد ایدیلان دارالفنونلر
 سایه سنده ترقیات علمیه ده بر بول آچلمشدر.

قرون وسطی تبعات علمیه سنه مرکز اولان دارالفنونلر
 اکی اول عربلره جواریتی حسبیله معارف اسلامیه نیک تأثیراتنه
 دعا زیاده تابع اولان ملک جنوبیه ده آچیلوب خصه و صیله
 ایتالیاده بولونیا دارالفنونی زیاده شهرت قزائمش و اون اوچجی
 عصر میلادیه تأسیس ایدیلان پارس دارالفنونی دخی دائمی
 یکریمی اوتوز بیگ طلبه بی حاوی بر جمع تلامیذ اولدیغی کبی
 انکاتره و آلمانیا و فرانسه ده سار نیجه مکتاب عالیه آچلمشدر.
 اشبو دارالفنونلرک اداره داخلیه لر نیجه استقلاللری کلی و هله
 طلبه نیک مربیستی مشوار و اطواری لزومندن پيله فضله اولوب
 مرور زمانله دارالفنون هیئت معلمینی مسائل سیاییه ده و پابار
 ایله حکمدارلر یاننده تحدرت ایدن مناقشه اتده. مداخله ایده جک
 درجده اهمیت کسب ایلشدر.

دارالفنونلرده علم طب و ریاضیات و هما امکان علوم طبیعییه
 عربلردن آلمان آثاره مستنداً تدریس ایدیلور ایسه ده تدریساتک
 اکی مهم قسمی فلسفه و منطق و ادبیات و صرف و نحو دن مرکب
 اوله رق هیئت مجموعه سی سقولاتیک نامنی آلمان معارفه
 انحصار ایدردی. اشبو علومده هر فکرنده لایحطی عد اولانان

ارسطو ایسک آثاری معتبر اولوب آثار مذکورہ خارجہ
 فکر بیانی عادتاً کفر مرتبہ سندنہ نظر نقرتله کورلدیکنندن
 علوم مدن عقل و حکمت و حتی تجربہ بیلہ تبعد ایدیلرک هر شی
 قضایای منطقیه ایله حل ایدلمکله چالشیلوردی بوسیلہ علما
 مناقشاتده بی اساس قضیه پردازلق و غلو و مغالطه و یا خود
 کلام اعزہ و کبار ایله استشهاد عادت اوله رق بعضاً پک واهی
 فکرلرک اوزون اوزادی به و بی اساس و معنی دلائل منطقیه ایله
 مدافعه ایدلدیکی و بر وجهله عقل و تجربہ به موافق بولنیان
 صغری و کبری لر ایله طوغری نتیجه لر چقه سارلق ادعا سندنه
 بولندیغی مشهود اولوردی . بو حالده طبیعی علوم طبیہ کی
 محض تجربہ به محتاج اولان علملر ترقی ایدمه یوب ساده علوم
 عقلیه و نقلیه ایله اشتغال ایدلمشدی فقط التون یا معنی جنتی کباده
 بعض اجسامک خواصی کشف اولتمسینه سبب اولمش وزایچه
 طالع ایله احوال عالمی کشف ایتک ادعای نامعقولایده بعض
 فکرلری علم هیئت تحصیلنه سوق ایلشدر . سیمیا و نجوم تبعاتی
 هیچ اولمزسه بعض ترقیات و کشفیاتی موجب اولمشسه ده احوال
 طبیعتہ و قوفسزلقدن منبعث سحر بازلق صنعت مستکره سنک
 رواج بولمسیده شان بشریتہ منافی نیجه احوال متأفده و فروعنه
 میدان ویرمشدر .

قرون وسطی ده زمانمزدده کی معنای حقیقیسنه نظر آجداً
 عالم عد اولدیجی ذوات پک نادر اولوب اون ایکنجی عصر

میلادیده فرانسدهه مشاهیر ره باندن سنت آنسلم و روسلن و کیلیوم دوشاپو و آبه لاروسن برنارد و اون اوچنجیمی عصرده دخی سن توما واسقوچیلی دونس سقوت نام ذوات کبی علما یتشمش و بونلر کندیلکرندن برکشفه موفق اولما مشر سدهه هیش اولمزه یاری علمی و یاری دینی مباحثه لر ایله افکاری او باندن مشر و خصوصیه نومینالیست و ره آلیست دیزلان مسالک فلسفیه اربانک مناقشانی عصر لجه سور مشدر.

آلهباهه دائر یازیلان آناردن فرانسده لی معلیندن اولوب انک اول فرانسه کایسانک استقلالی یعنی مؤخرأ کور یله جک غالبقان افکاری حقنده مطالعات ایراد ایدن زرسونک حضرت عیسی به امثال عنوانلی اثری بحق مشهور اولمشدر. قرون وسطی علمانندن یالکز بذات بحق اعصار حاضر یه بر اشیر افکار درمیان انیش اولوب اوده پارسده تدریس ایدن فرانسسکن ره باندن روزر باقون درکه مشار ایله ایلک دفعه اوله رق علومده تجربه نك لزومنی کوسترمش وانسان ایچون تحصیل حقیقته اوج طریق اولدیغنی و بونک برنجیمی نقل و روایت اولوب بونک ساده امور دینه به یاقشقی آلدیغنی و ایکنجیمی منطق اولوب بونکده تجربه ایله مصدق اساسره مبنی اولدیقه موصل حقیقت اولدیغنی و یالکز طریق ثالث اولان تجربه نك عقل بشره بر رهبر سالم بولندیغنی سونلکه جرأت ایتشدن باقونک بو افکاری زمانک تعصبنه کوره پک

جسورانہ اولدیغندن کندیسی تکفیر بلیه سندن ومدت عمرینی
 محبسدرده پکیرمک فلا کتندن قور تیله مامشدر .
 لاتین لسانیله محرر آثار علمیه ایله برابر السنه ملیه ایله
 یازلمش آثار جدیده دخی یازلمشدر فرانسه ده دردنجی اهل صلیب
 محاربه سنه اشتراک ایدن زادکاندن ویلهاردوین villeharduine
 محاربه مذکورنک تاریخی بر لسان لطیف اوزره یازمش
 وطقوزنجی لوئیک امراسندن ژوانویل دخی حکمدار مشارالیهک
 زمانی تاریخی اسلوب معتبر ایله قلمه آلمشدر بو اثرلر بحق
 فرانسز نثرینک ایلك آثار معروفه سندن عد اولنور . اون
 دردنجی عصرده بر حیات اولان فرواسارک زمانی تاریخی حقنده
 یازدیغی اثرده حالا کمال لذتله مطالعه ایدلمکده او وقتنک
 احوالنی بک کوزل تصور ایدلمکده در . وقتیله بعض وقایع دینی نک
 تیاترولرده خلقه تماشا ایتدیرلمسی عادت اولدیغی حالده مرور
 وقتله اصناف جمعیتلری و بعضاً هیات مختصه و صده طرفلرندن
 شلک ویورطی کونلرنده mystère اسرار نامی ویریلان بو
 وقایعک عادتاً او یون قیلغنه قونیلهرق اوینامسی عادت اولمش
 و بو او یونلردن پیدرپی تیاتر و ظهور ایتمکه باشلابارق فرانسزجه
 واسپانیولجه برطاقم تیاتر و کتابلری دخی ترتیب ایدلمشدر .
 رومانک انقاضی اوزرینه شکل ایدن ملل جدیدنک تکلم
 ایدلمکری لسانلردن ک اول کسب کمال ایدنی ایتالیان لسانی
 اولوب فرانسزجه و انگلیزجه واسپانیولجه نک ادباً منتهای کمالی

صايلان اثر لر اون يدنجي و اون سـكزنجي عصر لرده يازماش
ايكن اون دردنجي عصر ميلاديه ايتاليانجه كرك نثراً و كرك
نظماً كـ مشهور اثر لر قلمه التمشدر . ايتاليانك الك بيوك شاعر لري
اولان پترارق ابله داتمنك آثار منظوم لري انك مشهور آثار
شعري دن اولوب هله وطنك دوچار اولديغي نرت و شور شدن
درجه نهايه ده متأثر اولان و معشوقه سنك نابعوسم و قاتيله الك
معزز حسيات قلبيه سي دخي منكسر اولان داتمنك ديويـنا
قومديا و ياخود دوزخ عنـوانلي منظومه مشهوره سي مؤلفي
و برجيايوس و شكسپير و ميلتون كي الك بيوك شعرا صره سنه
پكير مشدر . يته اون دردنجي عصر مؤلف لردن بو قاجو ايسه
هر اسـانك دور ادب سنده شعر دن دها ايلوده بر درجه ترقي
ارائه اي دن نثري ايلو كتوروب مشهور فلورانسه و باسنك
هر طرفه القا ايلديكي خوف و وحشيتي ازاله ايچون يازديغي
حكايات مضحكه زمانزده بيله الك مقبول آثار دن معدود
بولتمشدر .

خصوصات مسروده دن ظاهر اوله جغي و جهله قرون
و سـطى نهايت لرنده كوريلان ترقيات نتيجه سي اوله رقي افكار
عموميه ده خبلي انقلاب حاصل اولوب افكار دينيه بيله بيوك
تذللره اوغرامشدر . وقتيله اوروپانك الك مهيب حاكم لري اولان
پاپاز كوزل فليپ طرف دن تحقير و تزيف ايديله رك آو ديون نه نفل
اولن لردن صكره كليسا ك اسكي اهميتي قالاميوب خصوصيله

روما اہالیسی طرفندن بشقہ بر پاپانک انتخابیلہ ہم روما و ہمدہ
 آوینونہ بر پاپا بولنہرق بونرک بر لرینی آفوروز ایتمکہ
 قالمشمری پیرا شہرنہ بر مجلس روحانی انعقادیلہ یکی بر پاپا دہا
 تعییننی موجب اولمشدی فقط بو پاپانک ادارہ روحانیہ سی اسکی
 ایکی پاپا طرفندن تصدیق اولتیوب آفوروز لر قدیمندن دہا
 شدتہ یاغغہ باش۔ لادیغندن قونستانس بلدہ سندنہ ایمپراطور
 سیکیرنوندک ریاستندنہ بر بیوک مجلس عقید اولنہرق اوج
 رقیبہ عزل ایدیلوب بر یکی پاپا تعیین اولمش و بعض مرتبہ
 کلیسا امورینک اصلاحندنہ تشبث قلمششدہ موقیت کاملہ
 حاصل اولہ میوب حتی بوندن صکرہ بیلہ رقیب پاپار ظهور
 ایتمکہ غرب کلیسا سندنہ وقوع بولان اشبو تفرقہ دخی التمش سنہ
 امتداد ایدرک قرون جدیدہ ابتداسندن سادہ اون اون بش سنہ
 اقدم قطعاً نہایت بولمشدی۔ ایشتنہ بو صورتلہ یوز اوتوز سنہ
 مدت دوام ایدن کلیسا تفرقہ سی زمانندنہ هر کس پاپارک
 لایخط بلکنندن و ہیئت روحانیہ نک قدیمندن شہد ایتمکہ باشلابوب
 و یقلف و ژان ہوس کی مشہ تکیرک ظہوری و نشر ایلدکاری
 افکارک مقبولیتی دخی بوندن نشأت ایدوب افکار عمومیہ لوترک
 نشریاتی حسن تلقی بہ حاضر لئمشدہ۔

قرون جدیدہ بی احداث و کشاد ایدن انقلابات دینیہ بویلہ جہ
 اساس بولغہ باش۔ لادیغنی کی اہل صلیبی تعقیب ایدن دورده
 سیاحت بعیدہ ہوسلری چوغالہرق جنوہلی مارقوپولو کی

ترقیات

ترکستان و چینہ قدر و پور تکیزلی پرنس ملاح ہ۔ ازری کبی
 کینہ بہ قدر کتمش سیاح و کاشف لک ظہور یلہ پوصلہ نک شیوع
 استعمالی کبی وقعد لمر بقا قطعہ سی و امید برونی طریق نک کشفنہ
 و آلات نار بہ نک شیوع استعمالی دخی انقلابات سیاسیہ بہ بر مقدمہ
 اولمش و عالم علم و معرفتجہ بر وقعد عظیمہ اولان صنعت طباعتک
 کشفی مقدمانی یلہ قرون وسطی نک صوک سنہ لندہ وقوعہ اولوب
 کوتنبرغ ایلک متحرک اویملرینی فتح قسطنطنیہ دن آز وقت
 مقدم یا مشدر شو حالده قرون وسطی نک نہایتلہ قرون جدیدہ نک
 ابتدائی و قوعاتی اور و باجہ برسلسلہ ترقی اولوب سادہ دولت
 عثمانیہ نک قسطنطنیہ بی فتح ایلہ اور و پادہ قطعاً تقرری بو ایکی
 دورک تفریق ایچون بر زمان مناسب عد اولتمشدر .

فصل رابع

دولت عثمانیه نك ظهوری

—

۱

روم ایلی و اناطولی احوالی

طونه وادیسی. بحار لر: آر باد سلاه سی؛ سنت استغان؛ یونک لونی؛
سیکیر موند؛ ولادیسلاس وزان هونید؛ احوال اخیره. صربیلر. بوسنه
و آرناوودلیق. بلغار لر. اولاح و بغداد. شرق ایمپراطور لغی. وندیک و جنوه
مستملکانی. تکفور لر. طریزون حکومتی. اناطولی امارت لری.

—

شرق ایمپراطور لغنک انحطاطیله شرقی اوروپاده و دول
معظمه اسلامیه نك انقراضیله غربی آسیاده حاصل اولان
بوشلغی املا ایدرک شرقره بر قوه عظیمه محمدیه تشکیل ایدن
ملت نجیبه عثمانیه نك صورت ظهورینی سولیدن اول روم ایلی
و اناطولی قطع لر نك عثم ذلیلرک ظهوری آواننده هانکی اللرده
بولندیغنی ذکر ایلک فائده دن غیر خال بدر.

شرقی اوروپانک ک زیاده اجناس مختلفه بی حاوی اولان

قسمی طونه نهري واديسي اولوب بورالده قديمآ ساكن خروات و اسقلاوون ودا كىالى اقوامه صره سيله رومالير غوتلهونلر آلمانلر آوارلر و بچارلر و سائر نجه اقوام قارىشدرق اورالده ملل جديده حاصل اولمش و خصه وصيله بچارلر پك زياده اهميت كسب ايلشلدردر .

بچارلر ترك اقوامندن اولوب آوار دولتك شارمانه مغلوبيتنى متعاقب وقوع انقراضى ائناسنده سكرز قيله دن مركب و آزياد نام ريك نحت اداره سنده اولدقلى حالده شمديكى بچارستان و قديم پانونيه قطعه سنده كلشله و آلمانيا قرالى آرنولك دعوتى اوزرينه موراو دولتى محو و ايدرك تيس نهري صحرا رنده اسكان ايتشلدردر . بچارلر بوندن صكره غربى اوروپايه هجمات عديده ده بولندرق اورتهاغى پك زياده راحتسز ايتشله و نهايت افدمجه كورلدىكى اوزره آلمانيا قرالى آوجى هازرى به و ايمپراطور برنجى اوتونه مغلوب اولهرق برلنده راحت طور مغه مجبور اولمشلدى . آلمانيا ايمپراطورى اوچنجى اوتون زمانده بچار قرالى استغان قانوليك مذهبنى قبول ايدرك رسماً المانيايه عرض اطاعت ايلش و حالا بچارلر زنده قدسيت فرق العاده ايله تجميل ايديلان مشهور آتزه ليك نام تاج حكمدارى ايله سن (عزز) عنوانى شو خدمته مكافئاً پاپا ايكنجى سيلوستر طرفندن بو قراله اهدا ايدلشدر . قرال استغان بچارستانى سكرز بولك ولايته آيروب دره بلككه مائل

بر اصول اداره وضع ایش و مجارستانک بالجمله عادات قدیمه سنی جمع ایله قوانین مجموده سی وجوده کتیر مشدر . مجار قرالغی پیدر پی کسب قدرت ایدرک قرال لادیسلاس دالماسیا و خروواتستان قرالغیرینی تحت اداره سنه آلوب آدریاتیک دکزینه قدر حکمی جاری اولمش و فقط مؤخرأ قرال ایکنجی آندره بیلزوم اوله رق بشنجی اهل صلیب محاربه سنه کیریشوب موقیته سزلیکیله دولتیه ضعف کتیردیگی کبی اصلزادکانک اهمیتی دخی مرور زمانله آرتدیغندن داخلی نظام سزلقدرده تزايد ایشدر .

هجرت نبویه نیک یدنجی عصری نهایتده مجارستانده آرپاد سلاله سی منقرض اولوب پاپا سیکزنجی بونیفاس مجارستانی پاپالقی مقامی لیرندن عد ایلدیکندن ناپولیده حکومت ایدن آرز و خاندانی پرنس لیرندن شارل روبر و یا شاروبری مجار قرالغی مقامه اصعاداتیش وانک سلاله سندن بیوک لوتی دورنده (۷۲۰ - ۷۶۳) مجارلر ناپولی بی ایکی دفعه ضبط ایتدکاری کبی بلغارلر صربلیلر و رومانیا لیر دخی مجارستانی متبوع طایمشر و لهستان قرالی بیوک قازیمیرک و قاتیله لهستان دخی مجارستانله برلشمشدر . لوتی نیک ارکک اولادی بولندیغندن و فاتده لهستان یا کلون اداره سنه کیردیگی کبی مجارستانده لوتی نیک دامادی بولنان ولو کسمبورغ خاندانندن اولان سیکیزموندک اداره سنده قالمشدر . سیکیزموند دولت عثمانیه ایله وقوع بولان نیکبولی محاربه سنده یلدریم سلطان بایزید خانه مغلوب اولمش

و مؤخرأ المانیسا ایمراتورلغنه دخی انتخاب ایدیله رک و فائنده ارکاک اولادی بولمادیغندن مجار قراللیغی دامادی اوستریا آرشیدوقه سی آلبره و اندن صکره له قرالردن ولادیسلاسه انتقال ایلشدر . ولادیسلاک زمان سلطنتنده مجارستان طول مدت دولت علیه ایله محارب اولوب ژان هونیادک موقیاتی مجارله چوق شهرت قزاندرمش و فقط ولادیسلاک و ارنه محاربه سنده مقتولیت و انزاهی و مجارلرک مغلوبیتی ایله بوسطوته خبلی خلل طاری اولمشدر . ولادیسلاک دینصکر لهستان ینه مجارستاندن آیرلش و مجار قراللیغی آلبرک حین و فائنده حامله اولان زوجه سندن متولد مخدومی لادیسلاسه تقرر ایلوب ژان هونیادده نیابت حکومه چی قارلشدر . مجارستانک بوزماندن صکره کی احوال تاریخیه سی هم قرون جدیده عائد و همده مجارستانی زیر اداره سینه ادخال ایدن دولت عثمانیه تاریخیله قاریشق اولدیغندن ایلروده موضوع بحث ایدیله جکدر .

صوراب یاخود صربلیلر اسلاو جنسندن اولوب شرق ایمراطوری هراقلیوس زماننده شمالدن جنوبه هجرت ایدرک ما کدونیه ده توپین ایدلشلر و صکره تکرار حرکتله طونه و صاوا نهرلرینک ساحلرنده و شمیدیکی صربستان حوالیسنده برلشمشردی بونلر اوللری برطرفدن بلغارلر و برطرفدن مجارلرک تعرضلریه اوغرایوب فقط مرور زمانله کسب قوت ایدرک بشنجی عصر هجریده شرق حکومتنه قارشو اعلان استقلال

بیله ایلدکارندن او وقت پایا بولسان او چنجی هونوروس
 صرب قرالی استفانه برقراق تاجی اهدا ایلش و صربلیلی
 قانولیک مذهبه جلب ایتشدی . فقط آز مدت صکره یسه
 اورتودوقس . مذهبی غلبه ایدرک سکرنجی عصر هجری ابتدا سنده
 ایسه قرال دردنجی استفان دوشان رومانیه آرناوودلق بوسنه
 و بلغارستانی ضبط ایتش و حتی سکسان بیک کشیک برارد و ایله
 قسطنطنیه فتحه بیله عزم ایتشکن وقوع و قانی ایله بوقونه
 خلل ککش و استفانک محال مختلفه ده بولندردیغی و ایلی کسب
 استقلال ایدرک صربستان داخلی قاریشقلقره اوغرایوب عثمانلی
 استیلاسنه قدر حال ضعفده قالمشدر .

بوسنه و آرناوودلق قطعدرینه کلنجه بونلر اوللری شرق
 ایمپراطورلغی اداره سنده بولنوب صکره رؤسای محلیه اداره سنده
 اولهرق کسب استقلال ایتشلر و گاه مستقل و گاه صرب اداره سنده
 قاهره دولت عثمانیه طرفندن فتحدرینه دکین بو حالده
 بولنمشدر .

بلغارلر عن اصل ترک اقوامندن اولوب آسیادن کلهرک بر مدت
 وولغانهری جهتلرنده طور دقدن صکره مزیا قطعدرینه کلشدر
 و شرق ایمپراطورلغنه تابع اولهرق اوراده اسکان ایتشدری .
 بونلر بعضاً کسب استقلال ایدرک قسطنطنیه بی تهدید ایدرلر
 و بهضاده بیرانس حایه سنه التجایه و یاخود موسوق امارته
 ویرکو ویرمکه مجبور اولورلر ایدی . بلغارلر اسلاور ایله

چوق اختلاط ایلدکلرندن اسلاو لسان وعاداتنی دخی قبول
ایتمشله وما کدونیا سلاله سی زمانده ژان ذیمیسکسک اجباریله
خرستیان مذهبنی واورتودوقس آیدنی قبول ایتمشله در . لاتین
زمانده بلغارلر طرفنه ک جنس و بنده بر حکومت مستقله حالنده
قالوب مؤخرأ دولت عثمانیه ایله دخی محارباتده بولنده رقی
نهایت سلطان بایزید اول زمانده اداره عثمانیه بکشمشله در .
طوننه ک قسم سفلی سی شمالنده بولسان اولاح قطعده سی قدیم
داکیه مضافتدن اولوب مؤخرأ رومالی مهاجرلرک ورودی
وبرلی اهالیسک انزلله امتراجیله کرک اولاحده و کرک بغداد
وتر نسلوانیه قطعده لرنده حاله لسانلرنده وجه لرنده رومالیلق
آثاری مشهود اولان بر قوم وجوده کلشدر . بوقطعه لر بر خیلی
وقت مغوللر انده قالوب ترانسسلوانیه بکلرندن قره دراووله
نامنده بری مغوللری شرقه طرف ایدرک اولاحده دولت مستقله
تأسیس ایلمش و بودولت خیلی وقت دوام ایدوب مؤخرأ
مختاریت اداره سی محافظه ایله برابر حکومت سی نه تابعیه
کیرمشدر . تر نسلوانیه مدت مدیده مجارستانه و بغداد قطعده سی
لهستانه مربوط قالوب سکره انلرده ولایات عثمانیه میانه
قاتلمشدر .

میشل پائشولوغک لاتینلر یندن استر دد حکومت ایلدیگی
زمانه قدر احوالی اقدیمجه کوزیلان شرق امپراطورلغی دور
اقتدارینی بردها بوله ماشدی . میشل پائشولوغ ساده قسطنطنیه

ایله تراکیا قطعہ سنه و سلانیک حوالیسنه و اناتولیده مرمره
 سواحلنه و ازمید و روسه جهترینه حاکم اولوب نابولی
 حکمداری شارل دانژونک تصورات حریرسانه سیله نختی بیله
 تهلکده قالدیغندن قاتولیک کایسانه رؤی ائتلاف کوسترمکه
 مجبور اولمشدی . بودولتک حالی ذاتاً دوام استقلالنی تأمینه
 کافی اولوب مؤخرآ دولت عثمانیهک ظهوربله شرق حکومتک
 حیات آسیاسیه سی سنه لری دخی صایلغه باشلامشدر . ایمپراطورک
 پایتختنده بیله سلطنتی اشتراکدن عاری اولوب غلطه طرفی
 جنوه جمهوریتی اداره سنده اولدیغی کبی بحر سفید آطه لرندن
 برچوققزی و بعض سواحل نقاط مهمه سیده کرک و ندیک و جنوه
 جمهوریت لری و کرک ژوانیت شو و ایله لری انه یکمش و موره
 قطعہ سنده بعض اوفق تفک فرنگ دره بکلری بیله قالمشدی .
 روسه و ازمید طرفنده کی ایمپراطور ممالکی ایسه تکفور نامی
 ویریلان کوچک قلعه صاحب لری و بکلر اداره سنده اولوب
 بونلر ایمپراطوری متبوع طایفه له برابر امور داخلیه لرنده کالاً
 مستقل ایدیله . لاتین استیلا سنندن صکره طربزون حوالیسنده
 آبروجه بروم ایمپراطورلغی تشکل ایتمش اولوب بوده دور
 فاتحه قدر پایدار اولمشدر .

یادنجی عصر هجری نهایتنده عربستان متعدد اداره له منقسماً
 مستقل اولوب سوریه و حلب و فلسطین قطعاتی ممالکده
 مصریه اداره سنده و عراق و ایران شمالی و کرجستان طرفننده

ایران دولت جنکیزییه سی النده ایدی . اناطولی قطعه سنک روملر النده بولنمیان طرفلری روم دولت سلجوقیه سی اداره سنده اولوب فقط تمام یدنجی عصر نه پاینده دولت مذکور سنک انقراضیه اناطولی ده اون بر عدد امارت مس. تله حاصل اولمشدرکه بونلر ده بوجه آتی تعداد ایدیلور .

- ۱ — سکود اسکیشهر ویکیشهر حوالی سنده عثمانلی امارتی .
- ۲ — مرکزلی کوتاهییه اولان کرمان اوغللری .
- ۳ — قره سی ده قره سی اوغللری (قره عیسی) .
- ۴ — صاروخانده صاروخان اوغللری .
- ۵ — آیدین ده آیدین اوغللری .
- ۶ — منتشاده منتشا اوغللری .
- ۷ — مرکزلی انطالیه اولان تنکه اوغللری .
- ۸ — قونیه شهری مرکزلی اولان قره مان (قرالدین) اوغللری .
- ۹ — قسطنطنی ده حکومت ایدن قزل احمد او اوغللری (مینوبدهده بر مدت پروانه اوغللری حکومت ایتمشدر) .
- ۱۰ — جایکده قباد اوغللری .
- ۱۱ — حیدر ایلنکه حیدر اوغللری .

بونلردن بشقه ترکمن ملوکندن اناطولی سنک شرقنده آتی قونلو وقره قونلو دولتلری ذاتاً کورادیکلی کبی اطنه ده ده رمضان اوغللری و سورییه قریب مرعش جه تلمنده ذوا قدریه اوغللری امارت مستقله تشکیل ایتمشدری .

دولت عثمانیه نك ظهوری

قابی خان قبیلہ سی . سلیمان شاہ . طغرل بک . امارت عثمانیہ نك ابتدائی .
 تکفور لر . ایلیک فتوحات . عثمان غازی . بیلجک وقعه سی . امارت توجیبی .
 دولت عثمانیہ نك استقلال . بروسه قحی . اورخان غازی . ازینک وازمیدک
 قحی . قره سی امارتک الحاق . علاء الدین پاشا . تأسیسات ملکیہ و عسکریہ
 عثمانیہ نك روم ایلی بہ مرور لر . اورخان غازی نك ارتحال .

خلافت عباسیہ نك انحطاطی اثنا سنده ممالک اسلامیہ بہ
 ہجرت ای دن ترک کردن قابی خان قبیلہ سی بر خیلی مدت سلجوقیہ
 بر لکده خراسان و ماہان طرف لرنده ساکن اولوب کرک دولت
 سلجوقیہ و کرک ایرانده بود دولت برینہ قائم اولان خوارزم
 حکومتہ صداقتدن انحراف الیام شدی .

جلال الدین خوارزم شاہک تاتار استیلا سنہ قارشو صرف
 ایلدیکی مساعی قهرمانانہ سنده کندینسنہ معاون اولان و صوک
 زمانہ قدر یانندن آریلیسان مجاہد فرقد لرندن بریدہ قابی خان
 قبیلہ سی ای دی . جلال الدینک شہادتدن صکرہ معیتک هربری
 بر طرفہ طاغیلوب قابی خانیلر دہ بر خیلی زمان کردستان و ازرنجان
 طرف لرنده طولاشمشلر ونہایت یدنجی عصر ہجری ابتداسنہ

اجداد معالی نژاد پادشاهیدن سلیمان شاه بن قیا آلپك اداره سنده
 اوله رق خراسانه عودت ایچون یوله چیمه شلردی . فقط فرات
 نهرینی پکرکن جمهر قلعه سی جوارنده سلیمان شاه مغروقا وقات
 ایدرک اوراده حاله ترك مزارى نامیله مشهور محله دفن ایدلمش
 وقیله ده ایکی به بولمشر . سلیمان شاهك درت اوغلی اولوب
 بونزدن سونقور تکین وکون طوغدی بکرك اداره سنده
 اوله رق قبیله نك قسم اعظمی بوله دوام ایتدی و طغرل و دوندار
 بکركله درتیوز قدر اچادر خلقی ایسه کری دونوب ارضروم
 طرفلرینه عودت ایلدی .

طغرل بك قونیه ده حکومت ایدن سلطان علاء الدین
 سلجوقیدن برازیر ایستیه رك قبیله سیله اسکان ایلك نیتیه رومه
 متوجه ایکن ارضروم وپا سین طرفلرینه محارب ایکی اردویه
 تصادف ایلمش و مقتضای شیمه قهرمانی مغلوب کی کورینان آزاق
 طرفه امداد ایدرک او طرفك غلبه سنده بادی اولمشدی تصادفات
 غریبه دن اوله رق بومعركه ده طغرل بکك معاونه تابه غالب کلان
 طرف بالذات سلطان علاء الدین قومانداسنده بر سلجوقی
 اردوسی و مغلوب ایدیلانلرده تانارلر اولوب علاء الدین طغرل
 بکك بو خدمته مکاناتا روم حیدودنده اقاتنه مساعده ایلدی
 و سکوت واسکی شهر اووه نی قییشلاق و طومانجیح طاغرینی
 دخی یابلاق اراق اوزره تعیین ایتدی (ه ق ۶۲۶) .

طغرل بك و قبیله سنك سکوت واسکی شهر و سلطان اوکی

دولت عثمانیہ تک ظہوری

جہتلزندہ یعنی شمسیکی ارطغرل سبجانی طرفندہ برلشمسیلہ دولت عثمانیہ تک اسمی وضع ایدلمشدر بوجعبیت مجاہدین ہر تقدیر آزاکی ایسہدہ حدود اوزرندہ کی روم و ترک امراسی آرہسندہ اوفقی تفک محاربہ لراکسک اولماسندن طولابی محاربہ ہوسندہ اولانلرک بر طرفدن انحاقیلہ طغرل بکک معیتی چہ وغالمش و بو صورتلہ پیدرپی وجودہ کلان دولت معظمہ یہ شرفلی نامنی یادکار براقان عثمان غازی دخی ۶۵۶ سنہسندہ سکوتدہ طغرل بکک صلبندن دنیاہ کلشدر۔

عثمانلیلرک بولندقلری موقع شرق امپراطورلغی حدودی اولوب حدوددہ کی روم قلعہ لرینک محافظلری بولنان تکفورلرلہ اسلام امراسی آرہسندہ اوفقی تفک محاربہ لر وقوع بو اور و ہر ایکی طرفندہ استقلال ایلہ حرکت ایدوب حرکتلرندن نہ دولت سلجوقیہ ونہدہ قیصرلکہ بر شی ترتب ایلزیدی۔ ایشتہ بویلہ حرب دائمی حالندہ بولنان بر جہتیدہ ینشان عثمان غازی دہا چوجق ایکن اختیارلقدن طولابی ریاستدن عاجز قالان پدیرینہ وکالت ایدرک فطرت فوق العادہ سنی کوسہ ترمش و ہجرتک ۶۸۰ سنہسندہ ارطغرل غازی وفات ایتکلہ قبیلہ تک ریسی اولمشدر۔

عثمان غازی مقام امارتہ پکدکدن صکوحہ خرمن قیا تکفورلی کوسہ بیخال و بیلہ جک تکفورلی کی متفعلری معاونتیلہ روملردن قرہجہ حبساری آلہرق سقاریا نہری اوزرندہ موقع طوتدی

امارت توجیهی

وسلطان سلجوقیدین التفات کوردی بوندن صکره کوندن کونه شهرت وقوتی آرتارق کرک حدود امرای اسلامیه سی و کرک تکفور لر کندیسینی قسقا نمنغه باش-لادیلر وعلیهنده بر فساد بیله ترتیب ایتدیلر . شوبله که :

بیله جک تکفوری نیقولا تأهل ایده جک اولغله دو کونه عثمان بکیده دعوت ایتسی و بو قهرمان مسافرک اوراده شهید ایدلسی قرار لشدرلدیسه ده عثمان غازی دوستی کوسه بیخال واسطه سیله بو فساددن خبردار اولدی . عثمان لیلر یایلاغه چیقاقچقوری وقت بعض اختیار قادینلر و آغر اشیایی بیله جک حصه-ارنده بر اقلری اصولدن ایدی بو دفعه عثمان غازی قرق قدر دلاوری قاین قیافتنه قویوب بیله جک حصارینه کوندردی و بونلر دو کون مناسبته محافظتسز قالان حصاری ضبط ایلدکلی صروده کندیسیده دو کون محلنی شبنخون ایدرک دشمنلرینی مضمحل و بریشان ایتدی .

عثمان غازی نیک شیخ ادبالی نام بر پیر مبارکک کریمه سی مال خاتوندن متولد اوغلی کنج اورخان بک بو باصقینه ابراز مردانگی ایتشدی اموال غنائمک تقسیمنده مقتول بیله جک تکفورینک زوجه سی اولقی اوزره کنیرلمش اولان نیلوفر خانونده کنج قهرمانه دوشوب انک زوجه سی اولدی .

بوفتح اوزرینه (۶۸۸) سلطان علاء الدین سلجوقیدین عثمان غازی به امارت منشوری کوندریلوب یکی آلدیغی برلرک بکلکی

توجیه اولندی و علامت امارت اولمق اوزره طبل و علم و طوغ
ارسال اولندی . و وقت ظهرده عثمان غازی ایاقده طور ورق
طبل ایله نوبت چالتمق عادت او اوب بو عاده سلاطین عثمانیه ده
برمدت رعایت اولندی .

بو صورتله امارت عثمانیه عادی حدود دره بکاهی حالندن
چقبوب دولت سلجوقیه جایه سنده بر امارت مستقله حالنه
کیره رک و اقران و امثالی آره سنده کسب اعتبار ایدرک عثمان
غازینک قوتی کوندن کونه آرتدی و نهایت (۶۹۹) تاریخنده
صوک سلجوقی سلطاننک غازان خان امرله خلعی اوزرنه بخت
سابقده بیان اولنان امارات مستقله ایله برابر امارت عثمانیه دخی
کسب استقلال ایدرک عثمان غازی قره جه حصارده ایلاک دفعه
اوله رق کندی نامه خطبه او قوتدی .

امارت عثمانیه نك استقلالندن صکره اورایه ده بر نظام
وریلوب بر قاج یوز سنه در مالک اسلامیه ده امور عدالت حکام
عرفیه انده قالمشکن عثمان غازی مالکک بر موجب شرع شریف
احفافی ناس ایچون حاکم و قاضیلر تعیین ایتدی و بر طرفنده
فتوحاته دوام اولنهرق ۷۲۶ سنه سنه قدر بکرمی بدی سنه ده
دوام ایدن زمان حکومتنده بر خیلی بر لر ضمیمه مالک قلندی .
از جمله روملردن مدائیه کللیک طرفلری و فائحی قره علی ویا ایبر
علینک نامه نسبتله حالاده امرالی نامیله معروف قالی لنوز
جزیره می ضبط اولندی و غازان خان شرق قیصر لکنه تعرض

اولئامسینی امر ایدوب براز تاتار عسکری کوندر دیکندن شرف اسلام ایله مشرف اولان کوسه میخال بک ایله شهزاده اورخان بک بونلرک اوزرینه کوندریلوب قرهجه حصارده تاتارلر پریشان ایدلدی و بوندن بالاستفاده برچوق حصارلر دها انهرق ۷۲۶ده دخی بروسه محاصره و فتح ایدلدی فقط او وقت عثمان غازى مرض موتنده اولوب چوقدنبری اورخان بک اداره امور ایدیوردی . بروسه فتحی ائاسنده عثمان غازى وفات ایدرک بروسه ده و صیتی اوزره دفن اولندی .

ترک قیبله لرنده عادت بکک بکلکی زماننده تولد ایدن مخدومنک پدری برینه یکمسی اولمغله عثمان غازینک بیوک اوغلی علاءالدین پاشا امیر اولیوب امارتندن صکره تولد ایدن اوغلی اورخان بک عثمانلیرله رئیس اولدی و علاءالدین پاشا کوچک برادرینک وزبری نصب ایدیلوب اسکیشهر برینه ده بروسه شهری پایتخت اتخاذا ایدلدی .

اورخان غازى جلوسه ایله برابر فتوحاته دوام ایدوب امرادن انجه قوجه از مید شهرینی آلدی و غازى عبدالرحن قندری حصارینی و حتی اسکداره قریب آیدوس قلعه سنی ضبط ایتدی و بوقلعه محافظنک قزیله تزوج ایدرک اندن اولان اوغلی قره عبدالرحن عثمانلی بهادرلینک مشهورلرندن اولدی . شرق امپراطوری آندرونیکوس ایله مالتپه ده محاربه ایدیلرک دشمن

منهزم اولدیغندن ۷۳۱ سنه سنده روملك ایکنجی پایتختی
مثابه سنده اولان از نیک شهری دخی فتح ایدلدی و شهزاده
سلیمان پاشاده مدرنی جهنلرینی المغله مرمره نك اناتولی سواحلی
کافة دولتیز انه پکیدی .

بو زمانه قدر ممالک اسلامیه ال اوزادلیوب یالکز شرق
ایمپراطور لغندن بر آلتیشدی فقط بو آره لقهده قره سی امیری
بجلان بك وفات ایدوب اوغلاری آره سنده سلطنت دعواسی
چقمغله اهالی زیاده راحتیز اولمش و ذاتاً عثمانلی طپراغنده کی
عدالت مسلمانلر و روملر آره سنده مشهور اوله رق هر کس
اداره مزده بولمغه جان آتدیغندن قره سی اهالیسی عثمانلی اداره سنه
کیرمک ایچون محضر لر کوندر مشلردی روملر له صلح جاری
اولدیغندن ۷۶۴ سنه سنده شهزاده سلیمان پاشا قره سی به
کوندر یلوب ایکی سنه ظرفنده بتون قره سی و میخالیج و کرمانتی
طرفلری بر ولایت اوله رق امارت عثمانیه به قاتلدی .

قره سی فتحندن صکره بر خینی مدت یعنی اون سنه قدر
صلح تام جاری اولوب بروسه از مید و از نیک شهرلری عالی
بنار ایله تزین، مملکت اعمار و بوللر و جمرلر انشا و هر برده
جامع حمام تکیه و مدرسه لر بنا اولندیکه بو مدت ظرفنده
وجوده کلان نشاآت نافعنه نك مقداری درت بیک قدر تخمین
اولمشدر . بوز مانده دولت عثمانیه اناتولینک حکومات عظیمه سندن

اولوب حتی شرق ایمبراطور لغی بیله نوعما دولتمزك حجابہ سنہ
کیرمش و ۷۶۶ سنہ سنہ اورخان غازی ایمبراطور قاتنا کوزہ نك
قزینی نکاح ابله آلہرق اوچ کون اوچ کیچہ عظیم دوکون
شملکری ایدلمش وایکی حکمدار اسکدارده ملاقات ایدرک تأید
مخادنت ایتشلردی .

دولت قنوجات ابله پیدرپی دول معظمہ میانہ قاتلدیغی
کبی تنظیمات داخلہ سبله دخی امارات سارہ بیه تفوق ایلشدی .
سلطان اورخانک ابتدای جلوس سنہ علاء الدین پاشانک تحت
ریاست سنہ اولہرق شہزادہ سلیمان پاشا و جندره لی قرہ خلیل
افندی کبی ذواتدن مرکب بر مجلس تشکیل ایدبله رک دولتجه
نظامات لازمہ نك یاہلسنہ مأمور ایدلمشدی بوجلس دولتمزہ
مخصوص سکہ ضرب ایتدردیکی کبی اصل عثمانلیلری اوتہ دن
بریدن طویلانمہ سرسریرلردن و صنوف اہالی بی بررندن تفریق
ایچون قیافتلر حقنہ دہ اصول مخصوصہ وضع ایلدی و ازچله
دولتمزك اصل بادی قوت و مکنتی اولان نظامات عسکریه نك
اساسی قودی .

عثمان غازی زمانندہ دولنك عسکری نفیر عام ویا کوکالی
صورتیلہ طویلانان صاریجه زوریا سبله طول مدت کوسہ
مبغال ابله اولاد و احفادی اداره لرندہ قالان سواری آقنجی باشی
بوقلرزو نندن عبارت ایدی حالبوکہ دولنك توسیع ممالک ایلدی

دائماً سلاح التندہ عسکرہ احتیاج کوسہ تر دیکندن اور وپادہ ایلک دفعہ اولہرق دولتوز عساکر موظفہ دائمہ اصولنی قبول ایلدی وپادہ ایچون یکچیجری و سوارنی ایچون دخی سپاهی فرقدلری تشکیل اولندی .

هنوز مملکتده نفوس اسلامیه نك آزلغنی دائماً اسلامدن عسکر آلتسندہ مخذور کوسه تر دیکندن جندره لی قره خلیل افندی نك رأی اوزره هر سنه خرستیانلردن ویرکو مقامنده بر مقدار کنج آلهرق دین اسلام اوزره تربیه و بونلردن یکچیجری نامیله پادشاهک شخصنه مربوط بریاده اردوسی تشکیل ایلدی قرارلش دیرلدی و بوسایه ده هم غایت معلم و جسور و منتظم عسکر حاصل اولدی همدہ نفوس اهالیده کی اطردمزلق تعدیل ایدیلهرک پیدرپی نفوس اسلامیه نك مقداری تدابیر عاقلانه ایله تزید ایدلش اولدی . سوارنی سپاهی ایسه اسلامدن اولوب بونلرک قسم اعظمه تیمارلر ویرلدی یعنی برقریه نك وارداتی معاش اولقی اوزره تخصیص وکوی اغالغنه برطاقم حقوق ووظائف اعطا ایدیلهرک غایت مکمل سوارنی فرقدلری احداثک قولایی بولندی . بو ترتیبات عسکریه کندیجکه کسب انتظام انلش اولدیغندن اصل زمان مکیمیتی اولان سلیمان قانونی بختزده دهها زیاده تفصیل ایدیله جکدر و بوراده بو قدرله اکتفا ایداشدر .
علاء الدین باشانک ۷۳۱ سنه سنده و ناتنده یرینه بولک

شهبزاده سلیمان پاشا مأمور ابدیلہ رک اصلاحات اجرا سنده دوام اولمش ولوالره بککر بکی و پاشاار تعیینی ابله امور اداره بولنه قونیه رق عثمان غازینک تشکیلات عدلیه سی کبی بو دفعه ده اداره دولت تحت انتظامه ایتشدی . بو صورتله اورخان غازی زمانی ترقیات مدنیه یه ده سنده لجه مدت تخصیص ایلدکن صکره یه توسیع ملک عثمانی یه باشلاندى . او زمانه قدر آبدین وصاروخان ومنتشا بککری دوتتالری پیدا ایدرک روم ایلنه دفعاتله یکم شلر وحتی آبدین بکی اومور بک روم ایلیده مدت مدیده قالارق شرق ایمراتورلغی خاندانی آره سنده کی منافسه یه مداخله ایتشدی فقط عثمانلیلرک هنوز دوتتالری اولدیقندن روم ایلی بهادرلر مزه قبالی قالمشدی .

استانبولده کی غلطه بلده سی جنوه جمهوریتی النده اولوب ایمراتور جنوه لیلرله محارب اولان وندیکیلرله اتفاق ایتشدی . وندیک ایسه عثمانلی سواحلنه خسار ایتدیکندن بو اتفاق اورخان غازینک کوچنه کیدرک شرق ایمراتورلغندن اخذنار چاره لری دوشوندلدی . بو صروده سلیمان پاشا قره سی متصرفی حاجی ایلیکی وبروسه محافظی اولوب شرف اسلام ابله مشرف اولان مشهور اورده نوس بک و امرادن اجه بک ابله بالمداکره ایدنبق جوارندن بر قراکق کیچده ده صالرله کلیولی طرفنه یکدرک (۷۵۸) حالا اجه اووه سی نایبله معروف جهتلی

طوتدیلر و یوواش یوواش روم ایلیده عثمانلی قوتی آرتوب سلیمان پاشا بلغارستانه طوغری اطراف مالکی مظفراً طولاشدی و بلغارلره و سائر دشمنلره غلبه ایدرک و ایمپراطور خاندانی آره سنده کی منازعاته مداخله ایلدیرک چوق شان و شرف قزاندی.

عثمانیلرک روم ایلیده یرلشملی سنه سنی بولمشکن حالا اللرنده بر قلعه یوقدی فقط ۷۵۹ سنه سنده بر یوک زلزله اولوب چوق قلاعک بدنزلی یقلعه عثمانیلر بوندن استفاده ایدرک کلیبولی بولار خیره بولی و تکفور طاغی فتح ایدلدی و ارتق روم ایلیده لایقیده یرلشلمدی. بو فتوحات آره سنده سلیمان پاشا بولارده آدن دوشهرک وفات ایلدیکندن (۷۶۰) آز وقت صکره اورخان غازیده کدرندن ارتحال داربقا ایدرک کوچک شهزاده مراد چلی جالس تخت سلطنت اولدی.

عثمان غازی تک امارتی اولان ۶۸۰ تاریخندن اورخان غازی تک ارتحالنه قدر تمام سکسان سنه وقت یکمشدی. بومدنده دولتمز کوچک بر حدود بکاککندن مالکی مرمره دکرینک ایکی طرفنی قاپلایان بر دولت مهمه حالنه کرمش؛ اداره عثمانیه تک شهرتی هر طرفدن فوج فوج اهالی کتیر مکه باشلامش و بوترقی فوق العاده هم شرقی ایمپراطور لغنک و همده اناطولی امارات اسلامیه سنک و بالخاصه دولت سلجوقیه یرینی طوتقی ایستیان

قره مان بكارينك نظر حرص و حسد لرینی جلب ایلشدی. اصل عثمانلیلرک مقداری جزئی ایسه ده ممالک اسلامیه دن جهاد اربابی لوای عثمانی اتنه طویلانمقده، هر طرفدن علما و مشایخ کلمکده ویری خرسیتیانلردن نور هدایتله شرفلنان ارباب درایتدن کوسه میخاللر اورنوسلرکی مشاهیر امرا یتشمکده ایدی. بوجهته دولتیز او وقتلر حال انقراضده بولنان شرقی او یاندرمق ایچون بالجه ذکالک ال اله ویره رک وجوده کتیر دکگری بر بنای عظیم ایدی و ترقی قیولری ملیت تخصیص ایدیلرک بالجه ارباب استحقاقه آچیق طوتلدیغندن آز وقت مرورنده شرقک بجه قوت ودهاسی ممالک عثمانیه ده طویلاندیغی کورلدی و بو خارقه سیاسته قارشو قومی ایستیانلرک خسرا ندن بشقه بر شینه دسترس اوله میده جقیری لایقیله ا کلاشلدی.

۳

انقره و قعه سنه قدر

خداوندگار فتح انقره وادرنه. روم ایلی و اناطولی فتوحاتی. سلانیک قعی. قوصوه محاربه سی. یلدیرم بایزید خان. یعقوب چلی. قیصرلک. اناطولی امارت لرینک الحاقی امور داخلیه. نیکبولی محاربه سی. محاصره قسطنطنیه. سلطان بایزید و تورلنک. انقره محاربه سی و نتیجه سی.

اورخان غازینک و فائنده او توبزبش یاشنده بولنان کوچک

شهباده می مراد چلبی جالس تخت حکومت اولدی . عدالت و مرحمت و حسن اداره می و دائماً بیچارگان اهلینک امدادینه یتشمی جهتله بحق خداوندکار عنوان جلیلنی قزاقان بو یوک حکمدار اشبو خداوند کار و اندن بالتحریرف خنکار عنواننی اخلاف عظامنه یادکار براقشدر .

دولت عثمانیه نك پیدرینی ترقیسی اناطولی امراسنك و با خصوص قره مان بککرینك زیاده کوزلرینه باتمقده اولوب جلوسده قره مانلیلرک تشویقیله انقره طرفلرینی اله پکیروب برارشن انخی نام ترک طائفه سی عثمانلیلر اوزرینه تجاوزده حاضر لانتقده ایکن مراد غازی سرعت حرکتله دشمنلرینی شاشرده رق اناطولی تجارتنک پکیدی و فسادک مرکزی اولان انقره شهرینی فتح ایلدی (۷۶۱) حضرت پادشاهک مقصدی روم ایلی فتوحاتنی اکیال اولوب لالاشاهین پاشا بککریک و بروسه قاضیسی چاندار لوقره خلیل افندی قاضی عسکر نصب اولنده رق اوروپا جهتنه اردو سوق اولندی و کیشان دیمتوقه ولوله بورغازی حو ایسیسی ۷۶۴ تاریخنده لالاشاهین پاشا و حاجی ایلیکینک همتریله ادرنه و ایکی اوچ سنه ظرفنده بالقانلرک جنوبنده بولنان ممالک و قواله و درامه و سیر و ز طرفلری کاملاً استیلا اولندی ادرنه شهری ۴۴۴ ر موقعده و جنوبی روم ایلینک پایتخت طبیعیسی اولغله توسیع و زین و دروننده کوزل سرایلر و جوامع شریفه بنا ایتدیله رک

۷۶۷- سنه سنده مقر حکومت اتخاذ ایدلدی بو صورته بر عصر طرفنده دولتک مرکزی یکیشردن بروسه به و بروسه دن ادرنه به چشمش یعنی داغما فتوحات میلی پانختی بحار به محلمه یا قلاشدر - مشدی . ادرنه ده طقسان سنه قدر بو شرفی محافظه ایدوب قسطنطنیه فتحیه دولتک مرکزی در سعادتده تقرر ایشدر .

ادرنه فتحی اوزمانه قدر تأثیری ساده رومره مخصوص اولان عثمانلی استیلا سندن بالقان شبه جزیره سی قسم علیاسنک ده مسون قالمیه جغتی کوسه تر دیکندن پاپاخرستیانلری عثمانلی به قارشو اهل صلیب تشکیله دعوت ایش و بحار و بوسنه و صرب قرالری و افلاق یکی اوتوز بیک قدر آدمله مریج کنارینه قدر ایلرولمشردی لالاشاهین پاشا طرفدن بر قاج بیک کشی ابله دسه نیک قوتنی کشفه کوندریلان حاجی ایلبکی معیت جزویه سیله تجاوزلری شیخون ایدرک پریشان ایش و بو مظفریتی متعاقب جنوبی روم ایلینک فتوحاتی اکیال ایدیه رک دولتمزک صیت و شهرتی دنیایی طوتمشدر . حتی و ندیکه رفیب اولان کوچک راغوزه جمهوریتی دولت سنوی ویرک و ویرمک اوزره عقد مقاله ایشدر . مرادخانک اوغوز خان اولادی عادتی اوزره النی قرمزی بوییه بآروب امضایرینه مقاوله نامه به باصمسی دولتمزده طفرانک سبب ایجادی اولمشدر . (۷۶۹)

بو فتوحات اشناسنده کلی اسیر آلتور و بونلر غزاته عائد اموال

غنائم صره سنده صایلووردی روم ایلی به ابتدای مرورده علمادن
 قره رستم نامنده برینک اخطار بیه اسرا بد لندن بشده برینک خوس
 شرعی اوله رقی خزینه بیت الماله آنتمی اصول اتخاذا قلندی و بوندن
 چوق و اردات حاصل اولوب ۷۷۰ تاریخنده درایت و لیاقتی ابیه
 او وقت دولتک اک بیوک آدمی اولان چاندار لو قره خلیل افندی
 خیر الدین پاشا نامیه صدر اعظم و قره رستم افندیده انک برینه
 قاضی عسکر ایلدی . او زمانه قدر وزارت عظمی مقاهی
 شهزادگانه مخصوص اولوب ایلك دفعه دولتمزه خارجدن
 صدر اعظم اولان خیر الدین پاشادر و فاتح زمانه قدر صدارت
 مشارالیه خاندانده قلمشدر .

۷۷۶ تاریخنده قدر روم ایلی ده محاربه به دوام اولنه رقی
 کوسندیل و نیش قلعه لر ی فتح اولندی و بلغار قرالی سیسمان سلسله ده
 صقشندیر بیه رقی قزینی خداوند کار غازی به و بر ملک و دولت جایه سنه
 کیرمک صورتیه استقلالنی محافظه ایده یلدی بوندن صکره التي سنه
 مدت صلح اوله رقی امور دولت تنظیم ایلدی و ایلر و ده کور بیه چکی
 اوزره عادت و تیمار اصول لر ی اصلاح واحداث ایده رکی دولتک
 اسباب قونی اکیال اولندی . ابتدای جلوسده لاشاهین پاشا ابیه
 اورنوس بکه بر قاج بیک عسکر بسلیه جک در جه ده مالکانه لر و بر لیدی
 بعض ذواته ذعاتلر و بر بیه رکی فتح اولنسان ممالکده همان بر اسلام

قوتی تأسیسی اسپانی دوشونلندی . تیمارلر اصولنی اصلاح ایدن
بکر یکی تیمور طاش پاشا مظهر لطف پادشاهی اولدی .

۷۸۲ سنه سنده کر میان اوغلنک قزی شهزاده بایزیده آله نرق
کوتاهیه ایله برابر کر میان ممالکنک ال مهم برلری جهاز صورتیله
دولتمزه یکمیش و ذات شاهانه ننگ یکی ممالکی کورمک اوزره
کوتاهیه بی تشریفنده حید اوغلی دخی قورقوسندن بکشهری
آق شهر واسه پارطه حوالیسینی دولته و برمش وینه اوصرده
بلغار قرالی محاربه یه باشلاقله صوفیه بلده سی فتح اولمشدی .

تیمور طاش پاشا ۷۸۵ سنه سنده مناسترو پرلیه واشتیپ طرفلرینی
دخی آلاق ما کونیا قطعه سی کاملاً بد اسلامه چکدی . بوصرده
(۷۸۷) بیوک شهزاده صاوجی بک شره ، ایمراطورینک اوغلی
آندر و نیقوس ایله برلشوب ایکی جاهل پدرلرینه قارشو عصیان
ایلدکلرندن بونرله محاربه و ایکی سیده دیمتوقده در دست ایدیه
رک حرکتلرینک جزامی و برلدی و ایمراطورک دیکر اوغلی مانوئل
سلا نیکدن سرزه هجوم ایتمکله خیرالدین پاشا ائیده تأدیپ
ایدرک سلا نیکی ضبط ایلدی .

ارطغرلک و فاتنده دوندار بکک طلب سلطنت ایلمی ایلک
اختلاف اولوب بودفعه صاوجی بکک حرکت جاهلانیه سی
ایروسی ایچون فناتائیراتی موجب اولمشدر .

۷۸۹ سنه سنده خیرالدین پاشا وفات ایدوب اوغلی علی

پاشا وزیر اولش و بوندن استفادیه قاقش-ان دشمنلر هر طرفدن
باش کوستر مشدی . قره مان بکی پادشاهک لطفنی کورمش و دامادی
اولش ایکن غوغایه قاقشهرق قونیه ده مغلوب اولدی و فقط
زوجه سنک شفاعتیه عفو ایدیه رک مملکتی عهده سنده
ابقا ایدلی . روم ایلیده دخی دول عیسویه اتفاق ایدرک
اجرای مخصوصیه باشلادقلرندن وزیر علی پاشا بلغارستانک بر طاقم
برلرینی ده استیلا ایدلی . (۷۹۰)

صرب بوسنه و هر سگ و مجار ارناودلی و افلاق
حکمدارانی اتفاق ایدرک بیوک براردوایله قوصوه صحرا سنه
ایتمشردی . حضرت خداوندکار طوغری بونرک قارشوسنه
کیدوب هر نقدر اردوی همابون پک آزلی ایسه ده متوکلا
علی الله محاربه یه باشلاندی و حرکات سریعیه سیله یلدریم عنوانی
قزنان شهزاده بایزیدک و کوچک شهزاده یعقوب چلبینک
شجاعتریه بیوک برغلبه قزانلدی و صرب قرالی لازارده مقتول
اولدی ایسه ده بعدالمحاربه میدان حربی طولاشوب احوال بشره
تأسف ایدن پادشاه غازی مجروح بر صربلی طرفندن شهید ایدلمکله
مسرت غالبیه بیوک برکدر قارشدی (۷۹۱)

سلطان بایزید جلوسنده قرق یاشنده اولوب ذاتاً بهادر لغیه
مشهور اولهرق اون درت سنه سوزن مدت حکومتنده غالبیتدن

غالبیته و فتحیدن فتحه بوریمش و انقره فلاکتیله و قنسز و قانی
ارباب حیاتی داغدار ایشدر.

اول امرده صرب حکمدار جدیدی استغان ایله سنوی
ویرکویرک شریطیله مصالحه و بعضی رر ضبط ایدیله رک
استانبول اوزرینه کلمشدی بوسرده شرق ایمبراطور لغتک
بقای سیاسی حکومت عثمانیه نک سایه مرچنده دیمک اولوب
ایمبراطورلق سلطان یلدیرمک النده بر بازیمچه اولمشدی مثلا
ایمبراطور یوانی پائولووگک اوغلی آندر و نیقوس پائولوو
محبسندن ویرکوا عطا سنی نعمدایلیکله ایمبراطور لغه چیقارلدی
صکره یوانی کندیسیده ویرکویره جکنی و عدايله خداوندکار
غازی ایله مناسب قدیمه سنی اخطار ایتدیکندن ینه حکومتی
اعاده اولنوب آندرونیکوسه سلوری و ارکلی و سلانیک
شهرلی توجیه قلندی و آیدین جوارنده بالکز فیلادلفیایعنی
آلاشهر بلده سی روملرک النده اولوب سلطان بایزید ۷۹۴
سنه سنده اورایده سفر ایدرک و ایمبراطور ینده معینه آلاق کندی
شهرینی ینه کندیسینه فتح ایتدیردی براز صکره قسطنطنیه
قلعه سنه یکی بر جلر علاوه ایدایکی طوبولقله سلطان بایزید
بونلری ینه ایمبراطوره یقیدر مشدی بوجهتهله شرق قیصرلکی
دوات عثمانیه نک ید اقتدارنده اووب فقط یوانی نک اوغلی مانوئل

پائوگك جلوسنده براز استقلا لچويانه حركت كوسترمسى وهله
تيمورك ظهورى بودولته براز نفس الديردى .

الاشهر فتحندن صكره آيدن اوغلى ملكنك قسم اعظمى كندى
رضامسيله دولته براقش وسلطان بايزيد بيوك اردو ايله
اوحواليدنه اولوب هجومندن قورقلديغندن صاروخان ومنتشا
وايدن بكلى اظهار تابعيت ايلدكدن صكره اسفنديار اوغلى
نزدينه فرار ايتشلردى بوندن صكره حيد اراضيسنه تجاوز ايدن
قره مان بكى علاء الدين اوزرينه واريلوب اراضيسنك بر قسمى
الندن آلندى وقلاتنى رجا واسترحامى اوزرينه براقلىدى .

بو صرهده استانبول نحت محاصره يه آلتمش وسلطان بايزيد
بالذات افلاق اوزرينه سفر ايدرك اولاح ويوردهسى مارچه آ
(مرچه بك) دولت رعيتنى وويركو اعطاسنى قبول ايتمش
وجارستانه قدر آقجى فرقه لرى سوق اولتمشدى . اناطوليدنه ايسه
قره مان اوغلى دولتك مشغوليتندن استفاده ايدرك بروسه يه قدر
كلوب بكلى بكي تيمورطاش پاشابى اسير ايتديكندن سلطنت
بايزيد همان قره مان اوزرينه بورويهرك قره مان اوغلى مغلوب
ومقتول وممالكى ملك عثمانى يه ملحق اولدى وبوندن صكره تركنلر
حكمدارى برهان الدين دن قيصريه وسيواس طرفلى و آماسيه
وجانيك حواليسى واسفنديار اوغلارينك اراضيسى تكميل فتح اولندى

(۷۹۵) حکومت لندن محروم ایدیلان بکار طاقچه اوصردده شهرت
 فنوحاتی ممالک ره مه قدر کلان تیمور ز دینه قاچدیله .
 بلدیرم بازید شرقک اک قدرتلی حکمداری عد اولندیغی
 بوزمانده دولتمز عظمت سیاسیله برابر ترقیات مدینه ایلده
 کسب اهمیت ایلشدی عاشق بشه ، بلدیرمک دامادی امیر سلطان
 (و شیخ شمس الدین بخاری) و ملا شیخی و قرداود و تاج الدین
 کردی و خواجه اسودکی فضلائش مشهور کنیده اثرل یازلشدی .
 هر طرف ابنیه عالیه و انشاءت نافع ایله طولوب مراد
 غازیته ازینده یاپدردیغی ابنیه و بازیدک بروسه ده کی اولوجامعی
 کبی آثار ایله صنعت معمارینک ترقیبی کورنمکده ابدی . اداره
 ملکیه و عسکریه ایچون برصدر اعظم و بر بکار بکلی ، امور
 شرعیه ایچون قاضی عسکر و یکچیری ضابطی اوله رق بر اوجاق
 اظامی و (میخال اوغلارندن) بر اقبجی سرکرده سی و سنجاقلرده
 بر سنجاق بکی قضاده برر اعیان و قاضی و شهرلرده امور ضابطه
 ایچون صوباشیلر نصب ایدیلهرک هیئت اداره یولنه قونمشدی .
 فقط بومعموریت و عظمت ایله برابر بعض سفیهانه معاملات دخی
 باش کوسه تروپ مثلا سمندر قلعده سنک صرب قرالی استفانه
 و مراد اول زمانده قیصرزاده میخائلدن ضبط ایدیلان سلانیته
 قلعده سنک اندرونیقوسه احسانی کی لزوم سز سماحتلرده
 کورلدی .

دفعاتہ نقض عہد ایدن بلغار قرالی سیمان نیکبولی دہ مقتول
 اولمش و بوقلمہ و سائر قلاک وزیر اعظم علی پاشا طرفندن
 ضبطی ایله بلغارستان کلیاً ممالک عثمانیہ بہ قائلشدی . مجار قرالی
 سیکیزموند (کہ صکرہ امپراطورده اولمشدر) بونی بہانہ ایدرک
 دولت علیہ ایله محاربه بہ و بلغارستانہ تجاوزہ باشلا یوب
 آلمانیادن ، فرانسه دن ، ردوس شوالیہ لردن و سائر اوروپانک
 ہر طرفندن کلان اعظم زادکان و شوالیہ لردن مرکب التمش
 بیٹک کشیک مکمل بر اردو نیکبولی بہ قدر ایتمکلمہ یلدیرم
 یازید حضرتلری جسیم بر اردو ایله دشمن اوزرینہ حرکت
 و نیکبولی دہ بواہل صلیب فرقه سی فنا حالده مغلوب و پریشان
 ایلدی . بومحاربه دہ طرفیندن پکچوق تلفات اولوب عثمانلی
 سلاح سطوتی و حضرت پادشاہک قہر مانلعی اوروپانک اک
 بعید ممالکدہ قدر ہر یردہ مشہور اولمش و سیکیزموند کوچ حال
 ایله جانی قورتارمشدر .

بوملحمہ کبراد نصکرہ ہر طرفہ فتحنامہ لری یازیلوب تبریکارکلمش
 و مصر دہ کی خلیفہ عباسی متوکل علی اللہ طرفندن یلدیرم سلطان
 روم عنوانی و برلمشدر و بادشاہ مظفر بر طرفندن مورہ تر حالہ و آتہ
 و یکیشہر طرف زینی باشندن باشہ فتح و اورالہ بر خیللی مہاجر بن
 اسلامیہ اسکان ایلدیکی کی بر طرفندن استانبولک شدتہ محاصرہ

و تصدیقنه باشلانمش ایکن تیمورک مالک عثمانیه به نجاوزیله غانله نك
ك بیوکی باش کوسترمشدر .

تیمورک او کندن قاچان - سلطان احمد جلایر و قره یوسفک
سلطان بایزید زردینه صغملری و اناطولی بککریک تیمور زردینه
مظهر حایه اولمیری ایکی حکمدار آره سنده موجب رودت اولمشدی
ذاتاً تیمورک مقصدی فتوحات عظیمه سنه اناطولی قطعه سنیده قائمق
ایدی . تیمور اناطولی بککریک حکومتری اعاده اولتمسنی متعظمانه
بر اعتدال ایله باز دیغنی مکتوبلرنده تکلیف و عادتاً امر ایدوب
سلطان بایزیده متهورانه و محقرانه جوابلر و بر دیکندن بحاربه
اساساً محقق بولتمشدی . ۸۰۲ سنه سنده سلطان بایزید استانبول
محاصره سنده بولندیغی صره ده تیمورک بغفته سیواس اوزرینه هجوم
ایله شهری ضبط و تخریب و سکنه سنی اعدام ایتدردیکی و بیوک
شهرزاده ارطغرل بکک دخی شهید اولدیغی طویلدیغندن فوق
العاده متأثر اولان سلطان بایزید اناطولی به کچوب تیمورک دخی
سوریه دن عودتنده و (۸۰۴) تاریخنده انقره صحرا سنده عثمانلیلر
و تاتارلر آره سنده بیوک بر بحاربه اولدی و اردوی عثمانیه بولنان
تاتارلرک و اناطولیده یکی الحاق ایدیلان یرلر عسکر بکک تیمور طرفنه
کچملری ذاتاً بدی بوزیکه مقابل بوز التمش بیک راده سنده اولان
قوت تفاوتنی آرترمقله سلطان غازی مغلوب اولدی و اوغلی
موسی چلبی ایله بر ائکده تیمور انه اسیر دوشدی .

انقره مغلوبیتی فتح ایدمک اوزره اولان قسطنطنیه به بارم

عصر ده-اوقت قزاند يروب دولتمزك ايلك دورفتو حانسه
 نهايت ويرمش و اتخمي پك بيوك اثر همت اولان غوازل عظيمه به
 قيو آچشدر كه بونلك صورت ظهور و از اله سي بجهت آييده
 مشهود اوله جقدر .

۴

استانبول فتحه قدر

سلطان بايزيدك وفاتي . تيورك صورت حركتي . فاسله* سلطنت و محاربات
 داخلية . چلي سلطان محمد . اجراءت و موفقياتي . مراد ثاني . دوزمهجه
 مصطفي و قعه سي . اناطولي امارتليريك الحاق . ممالك مفتوحه نك استراداي .
 زان هونيد و اوزون سفر . تبدلات . وارنه محاربه سي . فوصوه محاربه سي
 سلطان محمد ثاني . نياني . قره مان سفرى و عسكر ك حالي . فتح قسطنطنيه .

تيور سلطان بايزيده زياده سيله حسن معامله ايتش ايسده
 ذل اسارته طبيعى تحمل ايده ميان بو قهرمان سنه سنى بولدن
 (۸۰۵) وفات ايدرك ايلر و ده دولتك او غرادىغى انحلال و مشكلاتى
 كور ما مشدى . تيورك انقره و قعه سندن صكره بر از وقت ده
 اناطوليه قالارق از مير شهرينى فرنك شواليه لردن آلدىغى و احوال
 عوميه يى انتظامه قودىغى ذاتاً محل مخصوصنده كورل مشدى .
 تيورك تنظيم احوال لفظمه و بردىكى معنا دوات عثمانيه نك بردها
 كسب اهميت ايتماسنى تا مبن ايدىغى اجراءت ديمك اولوب بونك

ایچون اناطولی بکارینک چله سی برلی برینه اعاده اولندرق
مالک عثمانیه یلدرم بایزیددن اولکی حدودینه ارجاع ایلدی
واسارنده بولنان موسی چلبی نك سبیلی تخلیه ایدیلرک محاربه
داخیه ظهوری تأمین اولندیکه بعقوب چلبی وقعه سی خاطرلرده
اولدجه محاربه داخیه ظهوری امور بدیهه دن ایدی .

سلطان بایزیدک التي اوغلی اولوب ارطغرل چلبی سیواسده
شهید اولمش و بیوک شهزاده سلیمان چلبی ایسه وزیر علی پاشا
ویکیچری اغامی و سائر اعیان ایله میدان حربدن بروسه یه فرار
ایدرک و اورادن خزینده بی آلوب علی الهجله قارشوبقایه کچرک
ادرنده سلطان سلیمان نامیله جلوس ایشدی (۸۰۴) یلدرمک
باقی اولادندن عیسی چلبی ایله موسی چلبی بعدالوقعه کیرنیشلر
و مصطفی چلبی میدان محاربه ده غائب اوله رق نه اولدیغی بللی
اولماش و کوچک شهزاده محمد چلبی ایسه آماسیه و البلیکنده
قالمشدی .

سلیمانک ادرنه یه کلدکن صکره راحت و حضوره و زوق
و صفایه طالارق از میره نصب ایلدیکی جنید صو باشی اوراده
اعلان استقلال ایش و تیمور طاش پاشانک باردیله عیسی چلبی
دخی بروسه ده رسماً جلوس ایشدی . آماسیه ده بولنان شهزاده لک
اک درایتلیسی اولان محمد چلبی ده تیمور اناطولیده ایکن درایت
و تدبیرله کندیس-نی تهلکه دن قورتاره رق صکره ده بعض تانار
فرقلرینه غلبه ایله کسب شهرت ایش برکنج اولوب آماسیه دن

بروسه به حرکتله تیور طاش پاشا و عیسی بك بحار به ده مقتول
اولمری اوزرینه بتون اناطولی قطعه سنه حکومت ایتکه باشلادی
۰ (۸۰۷)

سلیمان بك اناطولی به کچوب از میرده کی جنیدی زبیده و صکرده
عفو ایتش و بروسه به غالباً کیر مشهده روم ایلی به عودتده بینه
زوق و صفایه طالذبغدن نامدار امر اکندیسندن بوز چوردی
و محمد چلبی اناطولی بی اله کچوروب قرداشی موسی چلبی بی دخی
روم ایلی به برادری سلیمان بك اوزرینه کوندردی (۸۰۹)

موسی چلبی غایت جسور و درایتلی فقط حدت و شدتی زیاده
بر ذات اولوب ایلك دفعه هجومده استانبول جوارنده مغلوب
اولدی ایسهده اورادن اولاحه فرار ایدرک و وپوودنک قزینی
آلدی و ۸۱۳ سنه سنده تکرار ادرنه اوزرینه یوروب شهری ضبط
ایلدی و استانبولدن طوغری فرار ایدن سلیمان بك بولده و قات
ایتدی.

موسی چلبی او وقته قدر محمد چلبینک نامنه حرکت ایلكده
ایسهده بو موقعتی اوزرینه ادرنده اعلان حکومت ایلدی
و در عقب پدری زماننده ضایع اولان ممالکک اعاده سنه تشبثله
استانبولی تضییق و سلائیق قلعه سنی هجومله ضبط ایتدی فقط
محمد چلبی طبیعی بو حرکتدن دلکیر اوله رق استانبولی محافظه
بهانه سیله روم ایلی به کچدی و ایلك دفعهده مغلوب اولدبسهده -
۸۱۶ سنه سنده بینه تعرضه باشلیوب موسی بکک خرچنغلی

و عظمت کارانه معاملات علی پاشا زاده صدر اعظم ابراهیم پاشایی
 و سایر نیجه امرایی دلگیر ایلیش اولدیغندن بوسفر غالب کلدی
 و موسی چلبی وفات ایلکله ادرنه ده اجداد عظامی تختنه بالاستحقاق
 جالس اولمغله اون برسندو ام ایدن فاصله سلطنت نهایت بولدی .
 پدر بک و فاتده اون درت یاشنده اولدیغی حالده محض
 اقتدار ذاتیسیه یکر می بش یاشنده جالس تخت عثمانی اولان
 چلبی سلطان محمد بوقدر مصائب و آلامه دوچار اولان دولتک
 قوت و شوکتی حال سابقنه اعاده کبی بروظیفه مشکله ترتب
 ایدیوردی . پادشاه نوجاه ایسه بالکزر سکز سنه دن عبارت اولان
 دور حکومتنده کمال موفقیتله بوایشک عهده سندن کلدی .

اول امرده بالجمله دول عیسویه ایله صلح و سلمک محافظه سی
 اینجاب حالدن اولوب سلانیک و موسی چلبینک آلدیغی سائر
 برلر شرق دولتنه اعاده اولندی روم ایلینک بعض برلری و موره
 طرفلری ذاتاً الدن چیقمشدی . راغوزه ووندیک جمهورلریله
 دخی معاهده لر تجدید ایدیله رک یو جهتلر تأمین ایدلدی . فقط
 آرزوکره وندیک ایله غوغا آچیلوب ۸۱۹ ده ینه مصالحه تقرر
 ایدلدی .

موسی و محمد چلبیلر آره سنده کی محاربه اثناسنده عاصی اولان
 جنید بک او چنجی دفعه اوله رق عصیان ایدوب ۸۱۷ ده از میرده
 اله پکیر لدیسه ده ینه عفو اولندی و بروسه بی محاصره و احراق
 ایدن قره مان اوغلی مغلوب و اسیر اولدیغی حالده اطاعت

و صداقت و عدلیه سبیلی تخلیه ایدلدی ایسه ده اوخائن قونیده
 وارر وارمز نقض عهد ایدلدیکندن تکرار اردوی همایون
 ایله اوزرینه کیدیلهرک مغلوب واسه ترحامی اوزرینه ینه عفو
 و مرحمتله معامله ایدلدی . سلطان محمد بواناطولی موقیباتندن
 صکره دولت دشتیزی اولان افلاق اوزرینه یورودی و برکوک
 و ایساقچی قلعه لرینی بنا ایدرک اورا ریده اطاعت آلتنه آلدقدن
 صکره اناطولی به کچوب اسفندیار اوغلی بمالککندن سینوب ایله
 قسطنطنیونین غیر یسنی آملغه و صاروخان و کر میاندن دخی خیلی
 بری فاصله سلطنت اثناسنده اله کچیرمش اولغله دولتک تمامیت
 ملکیه سی اکیال ایدلمکه باشلادی .

چلبی سلطان محمدک دور سلطنتی غوائلدن خالی اولیوب
 از جمله بورکاوچه . مصطفی و دوزمه . مصطفی غائله لری چوق اهمیت
 کسب ایشلدر . موسی چلبی زماننده قاضیه سکر اولان بدر الدین
 نامنده علمادن بری سلطان محمدک جلو سنده از نیقه نفی ایدلدیکی
 حالده اورادن افلاقه فرار ایش و برنوع درو بشلک و تصوف
 یولی طوتارق و بر کتاب یازارق فساده باشلامشدی . بو یولده
 اسلام ایله غیر مسلمک فرقی اولدیغی سویلنوب بعض خرسیتیان
 ماداتی قبول ایدلدیکندن واشترک اموال کبی فکر لر اورتیه
 قوندیغندن برچوق حشرات بوکا اوبدیلر و بورکاوچه مصطفی
 اسمنده بر سر سری ایله طور لاق کمال نامنده بریهودینک باشنه
 بیکارجه درویش طویلانوب قره برون و مغنیسا طرفلرنده بر مدت

اجرای خباثت ایلدکندن صکره بوسر کرده لر عونله لریله برابر
شهبزاده مراد بک و بکاربکی بازید پاشایه مغلوب و مقتول اولدی لر
ورئیس فساد بدرالدین دخی سیروزده اله پکیر بلرک صلب
اولندی (۸۲۲) .

بوغائله دن صکره روم ایلیده بریسی انقره صحرا سنده غائب
اولان شهبزاده مصطفی چلبی اولدیغی دعواسیله خروج ایلوب
معهود جنید بکده انکله برلشدیکندن عاصیلر سلانیک قرینه
مغلوب و روملر نزدینه فراره مجبور اولدی لر و چلبی سلطانک
ارزوسی اوزرینه لمنی جزیره سنده حبس ایلدی لر . بوندن آز
وقت صکره سلطان محمد اوتوز اوج باشنده ادرنده منزولاً
وفات ایدرک (۸۲۴) وفاتی ولی عهدی مراد بکک و رودینه قدر
کتم ایلدی .

اون سکر یاشنده جلوس و اوتوز ایکی سنه سلطنت ایدن
سلطان مراد ثانیک ساطنتی چلبی محمد خان عهدیک دوامی
اولوب پارلاق موقعیتلریله دور جلیل فاتحه کوزل بر مقدمه
اولشدر . مراد ثانی به بروده قلیج قوشاددیغی صرهده شرق
قیصری لمنی ده موقوف دوزمه مصطفی و جنید بکی ایلروده ممالک
عثمانیهدن بعض برلرک کندیسنه ترکی مقاوله سیله بر اقس و بونلر
سیروزده عصیان ایلوب روم ایلی بی طوتارق و بکاربکی بازید
پاشا محاربه ده مقتول اوله رق ایش بیومشدی اورنوسلرکی کبار
رجال دوزمه مصطفی بی شهبزاده مصطفی اولمق اوزره طانیوب

پومدعینک حسن اطوار و فصاحتی دخی کندبسنه چوق طرفدار
 قزاندردیغندن نهلکه بوسفریک جدی ایدی فقط آقجیلر سرکرده سی
 اختیار میخال اوغلتک سلطان مرادثانی یانه کلمی و جنیدبکتال
 التندن از میراداره سی و عفو و عدیله قزانلمی اوزرینه مدعی بیچاره
 مغلوب و اسیر اوله رق ادر نه ده صلب ایلدشدر . جنیدبک بودفده ده
 مظهر عفو اولدقن صکره برایکی دفعه دها عصیان ایدوب نهایت
 انک وجود خباثت آلودی دخی ازاله قلمشدر .

مراد ثانی حضرتلری قیصرک جزاسنی و برمک اوزره
 استانبول اوزرینه توجه ایلدیکندن بو دفعه ده امپراطورک
 قره مان بکنک تشویق بقریله چلبی سلطان محمدک کوچک شهزاده سی
 مصطفی چلبی عصیان ایدرک ازینی ضبط ایلدیکندن اونک
 اوزرینه کیدیلوب او بیچاره ده جزای سزاسنی کورمشدر
 . (۸۲۷)

بوندن صکره اناطولیده غوائل ظهوریله قسطنطنیه ینه
 محاصره دن قورتلدی اولا اسفندیار اوغلتک تجاوزاتی دفع
 ایدیلوب بو خاندان ننده سینوب لیانسدن بشقه بر اراقدی
 وفات ایدن منتشا و تکه امیرلرینک مملکتلری ضمیمه ممالک
 قلندی و سلطان مراددن زیاده اکرام و انفات کورن اختیار
 اسفندیار اوغلی دخی وفاتنده ممالکینی متشکراً دوات عثمانیه یه
 بر اقدی . قره مان اوغلاری مساک قدیملری اوزره دائماً دولتک
 اوروپاده کی دشمنلری ایله مخابره واک غائله لی وقتلرده هجوم

ایدرك مراد ثاني به ده دفعاتله بيوك غائله لراچديلر و داغما مغلوب اولدقلری حالده انواع تبصص ايله كنديليرینی عفو ایتدیرمکه موفق اولدیلر .

مراد ثاني حضرتلری انقره و قعه سندن بری روم ایلیده نائب اولان يرلری ده استیلا ایدوب اناطولیده عثمانلی نفوذی اعاده ایدلدیکی کبی صربستانده نیجه قلاع استیلا و بلغراد محاصره ایدلمش ، آرناو و داق ژان قاستربوت نام سرکرده الندن آلنه رق مرقومك دزت نفر اوغلی معیت همایونه آلمش . یانیه و حوالیسی اهالینک آرزو سیله دولته تسلیم اولمشدی .

عثمانلیرك تجاوزات موقیتکارانه سنه قارشو سـلانیکی محافظه ایده میه جکاربینی اکلایان روملر شهر مذکورى و ندبک جمهوریتنه تسلیم ایشلردی . مراد ثاني سلانیکى دخی محاصره ایدرك ضبط ایلدی و بوضورتله سلطان بازید زماننده کی حدود اعاده و بعض جهتدن تجاوز بیله ایدلدیکی کبی آقچیلمز مجارستان ایچرولرینه قدر ایلرو کتمکه باشلادیلر .

بوندن صکره طالع حرب براز دولت عثمانیه علیهنده کتمکه باشلادی . اردل بکرنندن و مجار قوماندانلرندن مشهور یانقو هونیادی ایکی سنه مدت اردله سوق اولنان عثمانلی اردولرینی نحو و پریشان و امرادن مزید بک و فیروز پاشا ودها نقدرلرینی اسیر و شهید ایلدکن صکره مملکت عثمانیه به تجاوز ایشمش و اوزون سفر نامی و یریلان مجارباته باشلامشدی ژان هونیادی عثمانلی

اردولرینی موراوه صوبی کنارنده مقلوب ایدرک صوفیه
و نیشه قدر ایتمش و حتی بالقانلری بیله یکدیرک ادرنه بی تهیدیه
باشلامشدی و کندیسنه غلبه احتمالی بولتمیوردی.

هونیدی غایله سی کافی دکل ایتمش کی ژان قاسم تریوتک
اوغلی اولوب معیت شاهانه ده ترییه اولنان اسکندر بک
بو صروده فرار و حیلله ایله آقحصار و بعض قلاعی در دست
ایدوب عموم آرنایودلقده محکم صورتده حکومت قوردی
واوزرینه کلان اردولرک جله سنی مقلوب ایدرک و بچار
و صربلیله برلشدرک و الله یکن اسلامی اولدیره رک دولرک
باشنه ایشلر آچدی.

بوفلا کتله بیوک بروبا ایله وزیر درایتکار ابراهیم پاشانک
و ملافناری و امیر بخاری کی ذوات مبارکه نیک و بعض شهزادگانک
ارتحالری، بیوک شهزاده سلطان علاء لدینک امامیه ده و فاتی
خلقک قیل و قالی و حادثات طبیعیه نیک سؤتفسیریه انواع فسادات
نشری کی احوال ده منضم اولوب مراد ثانی حضرت تریبی تاج و تختندن
نقرت ایدیره رک صربستانک عثمانلیلر طرفندن تخلیه سی شرطی
و شرائط ساثره ایله بچار حکومتیه عقد صلح ایلدکدن صکره
حضرت پادشاه حکومتی هنوز اون درت یاشنده بولنان
کوچک شهزاده سلطان محمد بر اقارق مغنیه سده گوشه ازوابه
چکلدی. (۸۴۷).

ژان هونیدک موقعیانی اوروپا بیلری انواع امیدله

دوشورمش اولدیغندن هرکس بحار قرالی ولاد یسلاسی نقص
 عهدده تشویق ایلش، بایانک و کیلی قاردینال سزارینی کفارده
 ویریلان سوزک حکمی اولدیغی قاعده سنخیفه سنی میدانده قومش
 عساکر عثمانیه نك صربستان قلاعی تخلیفه ایلسی بتریتمز
 قانچققلقه یته محاربه یه باشلانمشدی . اون سنه مدته عقد اولنان
 مصالحه نك بحار لر طرفندن برآی پکمدن اخلالی و مظفر دشمن
 اردولر نك بلغارستانی باشدن باشه چکنیدرک وارنه یه قدر
 کلری دولتمزه اک بیوک مظفر بتردن اولان وارنه ملحه کبراسنی
 قزاندرمشدر .

دشمنک غالبیتی هرکسه تلاش ویرمش و سلطان محمدک
 شهابدن منبعث نجره سزاکلی وخرچنلغی دخی اکبر امرایی
 ویاخصوص ابراهیم پاشا زاده چاندارلو وزیر خلیل پاشایی
 منفعل ایتمکده بالاتفاق دشمنده مقاومت ایچون مغنیسادن سلطان
 مراد ثانی جلب ایدلش و سلطان محمد پادشاه ایسه کز کلوب
 ملکه کزی مدافعه ایدیکز پادشاه بن ایسه م امریمه اطاعت ایدرک
 کلیکزه یولو ردی ناقابل بر تکلیف ایله ارکان دولته اشتراک
 ایتمشده ی بوضورتله دشمن سلطان مرادی مغنیساده پیلوب
 راحت او بورکن بوشهر یار ظفر پیرو وارنده عثمانلی دلاورلری
 باشنده ظهور اید یورمش و (۷۴۸) محاربه ده ولاد یسلاس
 و قاردینال سزارینی مقتول و هونیاد فراره مجبور اوله رق غلبه کامله
 قزانلشدر . ایشته نقص عهدک جزاسی بوضورتله ویریلوب

ارکان دولتک استرحامیله ایرتسی سنه مراد ثانی ینه مغنیسادن
جلمب ایدیلهرک تکرار جلوس ایتدیرلمش و بودفعه اسکندر بک
اوزرینه اردولر سوقیله آرناوودلق تضیق و ۸۵۲ ده دخی
تکرار عقد اتفاق ایدن صرپ بوشناق آرناوود و مجار و ساره
کروهندن بیوک براردو قوصوه صحرا سنده پریشان ایدیلهرک
ارتق بالقان شبه جزیره سی هر درلو مهلکه خارجه دن
قور تارلمشدر .

بوندن صکره مراد غازی آرناوودلقده طاغیر ایچنده
طوپر دو کدیرهرک آقحصاری ضبط واسکندر بکک حکومتی
کو کندن قازیمغه غیرت ایلدیکی صرده (۸۵۵) تاریخنده وفات
ایلدیکندن سلطان محمد خان ثانی دفعه ثانیه اولهرق تخت
معالیخت عثمانی به جلوس ایشدر .

سلطان محمد ثانی حضرتلری کندیسنی دولتکزک و دنیاک
اک بیوک آدلرندن عد ایتدیرن اجراآت و فتوحات عظیمه سی
چو جقلغی زمانندن قوره روق بیوک بر آده لایق اولان تحصیل
و تربیه بی آلمش و اوپله بر زمانده لسان اجنبی تحصیل امور
فوق العاده دن ایکن عربی و فارسیدن بشقه روجه و لاتیجه کبی
السنة اجنبیه یده تحصیل ایتشدی . تاریخله توغلی قره مان
امارتک دولتزه ایتدیکی فناقلری کندیلرینه دائمًا اخطار
ایلدیکندن بو فساد او جاغنی قالدیرمق و استانبولی دخی ضبط
ایدرک و عد بیغمبری بی یرینه کتیرمک اخص آماندن ایدی .

هله استانبول فتحنه طرفدار اولدیغی ایچون وزیر اعظم خلیل
باشایه خصومتی پک زیاده ایدی .

پادشاه نوجاه ابتدای جلوسده فساد چیقاران قره مان
اوغلنک اوزرینه کیدرک حدینی یلدیردی ایسه ده استانبولده
ایمراطور قسطنطین پالئولوغک صلح شکنانه مطالبده بولمسی
خبر آیر آلمز قره مانک ایشنی بترمکی وقت مرهونه تعلیق ایدرک
همان روم ایلی به طوغری دوندی . بروسه به مواصلتده
یکچیری طائفه سی پادشاهمزیک ایلك سفیردر عسکر قولنه عطیه
لازمدر دهرک فساد چیقاردق لرندن ضابطان بو یواسزلغه
مساعده دنطولایی شدتله تأدیپ اولندی ایسه ده عسکرده عطیه
ورلدی بوندن صکره هر جلوسده عسکره بخشش ویرلسی
اصولدن اولوب یکچیریلر بو کیفیت کنیدی حقوق قدیمه لرندن
عد ایلدیلمز . فاصله سلطنت ائتمسده عسکرک اهمیتی آرمش
واوندن صکره ده محاربات طویله ده وهله مراد ثانیک مغنیسادن
عودتی و تکرار جلوسی کبی خصوصاتده سوزینی ایدن افراد
عساکر زیاده شمار مش ایدی بو شمار قلنی کئندبکه آرتارق یکچیری
صغنی ایلروده دولتک باشنه بر بلای مبرم عد ایتدیرمچک
درجه به ککشدرد .

شرق قیصری قسطنطین حالنه باقیدرق و صانکه سلطان
محمدک سناً کوچک کئندن استفاده ایتمک ایستیه رک نزدنده بولنان
شهزاده لر ایچون بر چوق مبلغ طلبنه و پادشاهی بونرله تهدیده

قالتشمش واوزریشه حدت و غصبی دعوت ایتشدی . سلطان محمد ثانی حضرتلری بودفعه استانبولی ضبطه قطعياً قرار ووروب روم ابلی حصارینی بوغاز کسان نامیله بنا و ۷۵۶ سنه سی نهایتده یوز بیکی منجاوز اردو ایله شهر قسطنطنیه بی محاصره ایلدی ولیمانک اغزند زنجیر کریمی اولدیغندن طولمه باغچه وقاسم پاشا اوزرندن نختهلر دوشه یه رك ویاغله دو كرك خلیج درسعادته دونما ادخال ایدوب مساعی خارق العاده سی اردونك اقدامات متوالیه سی و دو كدر دیکي محاصره طوپلری و برنجاری مهندسك دو كدیكي جسیم واون ایکی قنطارلق طاش كه آثار طوپلر و سایر ابداعات و ترتیباتی سایه سنده الهی اوج کون محاصره دن صكره شجاعان عثمانیه طوپ قپو واکری قپودن فوج فوج شهره داخل اوله رق بو فتح مبین دخی اول حضرته میسر و کندیسی فتح عنوان جلیلی ایله مجمل اولدی (ه ق ۸۴۷ ه ش ۸۳۱).

قرون جدیده نك نقطه ابتداسی اولان بو مظفریت اوروپا تاریخنده يك چوقوقایع مهمیه همزمان اولدیغی كی دولتیزجه دخی بر نقطه تقرر و تأسسدر . فی الحقیقه استانبول یداجنیده اولدیجه عثمانیلر روم ایلنده بیانجی قالیورلردی بودفعه ایسه دولت عثمانیه قطعياً اوروپا حكومات عظیمه سی آرهنده موقع طوتمش و کتاب آئیده کوریله جکی وجهله حضرت فاتح مالکنده احوال جدیدیه موافق تأسیسات احداننده موقیات جلیله سنده کی بیوكلک قدر بیوكلک کوستر مشدر .

طقوزنجی کتاب

تبدلات عمومیہ

فصل اول

تحولات دوله

—

۱

اوروپا احوال عمومیه سی

قرون جدیدہی قرون وسطی دن تفریق ایدن احوال. قرون جدیدہ ابتدا سندہ اوروپا احوالی. شرق حوالہ سی. اسکاندیناویا. انکارہ. آلمانی اوچخی فرہدریق و ماقسمیلین. ہابسبورخ خاندانک ابتدای اقبالی. ایتالیا احوالی: نابولی و رومانیا. بوجیالر. مدیجیلر و ساوانارولا. جنوہ و سادوا میلان ادارہ سی. ونڈیک احوالی. اسپانیا حکومانی. فریباند و ایزابل. صورت ادارہ لری. بورتکیز.

قسطنطنیہ بلده سنک دولت ابد مدت عثمانیہ یہ پایتخت اولسی و شرقی امپراطور لغنک انقراضی قرون جدیدہ یہ مبدأ اعتبار ایدلسی و قعہ مذکورہ نک اوروپا جہ احوال عمومیه بی کلیاً تبدیل ایدن بر طاقم انقلابات ایلہ توأم اولسندن نشأت ایلشدر. ذاتاً روما امپراطور لغنک بر بقیہ سی اولان بیرانس حکومتک خریطہ عالمدن طی و عثمانیلرک اوروپا دہ قطعاً تأسسری و قوعات عظیمہ دن اولدیغی کبی بوز سنہ محاربه سی دخی فتح قسطنطنیہ سنہ سنہ نہایت بولمش و فرانسدہ حکومت مطلقہ تأسسنی اتاج ایدن انقلاب سیامی او وقت باشلامشدر. آلمانیادہ ہابسبورخ سلالہ سنک قطعاً برلشمی و مع مافیہ اسکی

اقتدار حکومتکده ضیاعی، اسپانیانک اتحادی، روسیہ دولتنک
 مبادی، ظہوری، اسوج دولتنک استقلالی وانکلترده ایکی کول
 محاربه سیلیہ حکومت مطلقہ یہ قریب بر اصولک یرلشمسی کبی
 وقوعات مهمه وحکومتلرک قدرت جدیدہ سندن متوالد محاربات
 دولیہ ومناسبات جدیدہ سیاسیہ ہیپ فتح قسطنطنیہ بی متعاقب
 اولان سنہلر ایچنده وجود بولمشدر. کوتبرغک متحرک حرورک
 احداثی دوشونمسی بوتاریخدن بر ایکی سنہ اقدام اولوب صنعت
 طباعت ایسہ فکراً بیوک انقلاباتی موجب اولمش وقسطنطنیہ دن
 کیدن روم علماسنک ایتالیاده کی تدریسلریده سقولاسنیک بقایاسنی
 حکمدن اسقاط ایدوب قرون جدیدہ ایتالیاده علوم وصنایعک
 انتباهی کبی پارلاق بردورله باشلامشدر. یوصله نک احداث
 ولایقیلیہ استعمالی قرون وسطی نہایاننده اولوب اوروپاده افکاره
 فوق العاده وسعت وبرن ومنافع صنایعیہ وتجاریہ بی تحولات
 عظیمیہ اوغرادان کشفیات مهمه اکثریتله زمان فتحدن یارم
 عصر قدر صکره وقوع بولمش وقاتولیک کلیساسنی نفوذینی
 دوچار تزلزل ایدن انقلابات مذہبیہ دخی بنه اوزمانزده وجوده
 کلشدر. شو حالده فتح قسطنطنیہ بر طاقم وقایع مهمه نک مرکزی
 اولوب زمانک اهمینی جهتیلہ مبدأ دور اولغہ استحقاقی
 رومانک انقراضی وقعه سندن دها زیاده در.

فی الحقیقه رومانک هرولر طرفندن فتحی وقعه سنک قرون
 وسطی یہ مبدأ عدی پک اساسلی اولمیوب بو وقعه دن صکره

روما دولتنک بر قسم مهمی بنه بقا بولوب شرق احوالنده انقلاب کورلماش و اوروپاده ایسه تا ایمپراطور مارق اوردل زمانده باشلامش دیمک اولان جرمان مهاجاتی ختام بولیه رق ملل جدیدنک تأسس و تقرری دها خبلی کجکشم اولدیغندن رومانک انقراضی اوروپاجه او قدر بیوک بر انقلاب عد اولنه میه جنی اقدمجه ده کورلشدی . بوکا مقابل شرق احوالی بالکلیه تبدیل ایدن ، و غریبده ملل جدیدنک تشکیلری و بیوک بر جهانکیر دولتک وضع اساسنه باشلانسی تاریخنه تصادف ایدن ظهور اسلام و قعه سنک قرون وسطی به مبداء عد اولنسی دها موافق اوله جفیده کتب سابقه مندرجاتدن بالسهوله منقهم اولور . فتح قسطنطنیه ایسه ازهر جهت دور جدیدک ابتدای عد ایلمکه شایندر .

قرون جدیده ابتداسنده اوروپانک شرقنده دولت عثمانی دن بشقه بر هیئت عظیمه سیاسییه اولیوب بوسنه و آرنائوودلق حوالیسنک دولت علییه الحاقی یاقلاشمش ، اولاح و بغدادن استقلالی ضایع ایتش ، بحارستان بر آرهلق هونیاد و اوغلی ماتپاس قورون زمانده قزاندیغی شوکتی چوق محافظه ایده مامش و ولادیسلاسک و فاندن صکره لهستانده اوزون دور انقراضنه کیرمشدی روسیه دولتی ایسه هنوز موسقوا کنزالغی نامیله بر نیم مستقل امارت حالنده ایسه ده قپچاق دولتی حال انقراضده اولدیغندن روسلرک استقلاللری و بیوک بر دولت

تشکیل انگلری فتح قسطنطنیہ دن آز زمان صکرہ وقوع بولمش
 ومع مافیہ روسیہ نیک اوروپا دول معظمہ سندن معدود اولسی
 ایچون دہا عصر لر مروری ایجاب اولمشدر . اسقاندیناویا قطعہ سندنہ
 قلمار اتحادی بوزلمش سہ سہ نہ اکثر اوقات اسوج مملکتی
 دانیارقمہ مظالمی التندہ ایکلمکدہ ایدی . اسوچلیلرک استحصال
 استقلال ایچون وقوع بولان تشبثلرک نصورتہ ثمرہ بخش اولدیغی
 ایلرودہ کوریلہ جکدر . قرون جدیدہ دورینک کشادندہ انکاترہ
 بوزسنہ محاربه سندنہ کی معلوییتندن وقرال اتجعی ہائرینک اختلال
 شعورندن منبعث برحال اغتشاشدہ اولوب بو حال مبحث آئیڈہ
 کوریلہ جیک ایکی کول محاربه خونریزانہ سنک تخذثنی بادی
 اولمشدر .

قرون جدیدہ نیک ایلتک زمانلرنده آلمانیادہ اولجہ باشلاش
 اولان انقلاب قطعياً وجودہ کلش یعنی ایمراطورلق مقامی
 ہابسبورغ سلالہ سندنہ قلمتہ برابر درہ بککرجہ سی مستقل
 حکمدارز پایہ سندنہ چیقارق ایمراطورلرک حقوق سلطنتلری
 بر نظارت عمومیہ وریاست وظائفندن عبارت قلمشدر . ایمراطور
 اوچنجی فرہ دربیق الی اوج سندنہ مدت سلطنتندنہ فوق العادہ
 بر عظالت ایچندہ عمر سوروب فتح قسطنطنیہ اثناسندنہ ذرہ تلاش
 کوسترمدیکی کبی عثمانلیلرہ قارشو مجارستانی مدافعہ ایدن ژان
 ہونیاد واوغلی مانیاس قورونبہ معاونت شویلہ طورسون
 خفیاً بونلرک علیہلرنده انتریقہ لر بیلہ چورمش حتی پانچتی

اولان ویا نه بی بش سنه مدت ماتیاس قور وینه قاپدیر مشدر .
 او چنجی فره در بقی بو قید سزلخی آلمایا امورنده ده کوسه تروب
 زمانده آلمانیک آسایش داخلیمی بالکییه مختل اولمش و یوک
 داخلی محاربه لر وقوع بولدیغی حالده ایمر اطورک عدم مداخله سی
 هر کسی حیرتده بر اقس در . مثلاً شوایه دره بکری اتفاق ایدرک
 حیدود لقله کچمکی صنعت ایدینان یوز فرق دره بکک شاتولرینی
 تخریب ایلدکری کبی رن شهرلری ایله زادکان آراسنده کی
 محاربه ده ده ایک یوز فرق شاتو کاملاً تخریب ایلد مشدر . او چنجی
 فره در بقی اوسه تریا آر شید و قد لغنک توسیجی خصوصه صنده
 براز غیرتلی کورنم شسه ده بونده ده موقیت سزلکله تمیز ایدوب
 لهستان و بجارستان قرالترینی بشقه لرینه قاپدیر مشدر .

فره در بقی خلقی و اوغلی ماقسیمیلیان پدردن ده ها غبور
 اولوب جلوسیه برابر آلمانیک اصلاح اموری ایچون وورمس
 دیننی عقد ایدرک آلمانیک اون دأره یه تقسیمیه له هر برنده وقایه
 آسایش و امنیته کافی قوه عسکریه بولند برلسنه و هر دأره ده بر
 مدبر امور تعیین ایلدسنه و ارباب جرأتمک تأدییه له حیثیت
 حکومتک محافظه سی ایچون بر محکمه علنیه هیئتک تشکیله دار
 مقررات مهمه اتخاذ ایلد مشدر . ماقسیمیلیانک صورت حرکتی بعض
 آلمایا بکرنجه تلاشی یله موجب اولمشسه ده کندیسنک مشهور
 اولان ذوکورتلیکی و پاخنموس فوق العاده ثبات سزلخی و برده
 اواخر سلطنتده انقلابات مذهبه غالبه سنک ظهوری بو تلاشه

روما

محل بر اقامه شد. مع مافیه مافسیمیلیانک بورغوندیہ دوقه سی
جسور شارلک قزی ماری ایله ازدواجی و بوسایده فلنکه
مالکییتی و مافسیمیلیانک اوغلی کوزل فلیپک دخی اسپانیا وارثه
سلطنتی دیوانه ژان ایله ازدواجی هابسبورغ سلاله سنه بر عظمت
مستقبله حاضر مشدر.

قرون جدیده ابتداسنده علوم و صنایع نفیسه نیک تربیاتی
جهتیه اوروپانک اک برنجی مملکتی اولان ایتالیا قطعده سی
سیاسة اک فنا حال تفرقه ده بولمقده ایدی حتی فتح قسطنطنیه
اوزرینه عموم ایتالیانله طاری اولان تلاشک تأثیریه ایتالیا
حکوماتی بینلرنده عقد ایدیلان لودی اتقاقی بیله انجق مدت
جزیه دوام ایده نیش و ناپولی قرالغی تاج و تختی ایچون وقوع
بولان محاربات عمومی مشغول ایدرک بوقارغشه لقرده عساکر
عثمانیه اوترانت شهرینی ضبطه بیله موفق اولمادی. وقتیه
آنزو خاندانی یندنه اولان ناپولی قرالغی سچلیسا ایله برابر
آراغون خاندان حکمداریسنه منسوب پرنسلی یندنه اولوب
قطر سلطنت منازعه لری و سیات اداره بودولنده شارل دانزو
وقتنده کی قدرتک اثرینی بر اقامه شدی. ناپولی حکومتک شمالنده کی
رومانیا قطعده سی ایسه شورش و فترتک درجه قصوانسنده
بولونیوردی. روما شهری قرون وسطی نهاینده برطاقم آمال
حریتکارانه یه فریفته اوله رق چریندقدن صکره کایسا فترتک
ختمبله یته پاپالره مرکز روحانی اولمش و فقط روما جوارنده

حیدودلغی ایش کوچ ایدنمش یوزلرجه کوچک دره بکلکله
 حاصل اولمشدی . بونلرک ازاله سیله رومانیا دن برامارت مستقله
 تشکیلی فکری اولاپا دردیجی سکسته وارد اولوب مؤخرأ
 اسپانیول پاپا علیکساندر بورجیا بوکا زیاده سیله چالشمش
 و (باقیصر یا هیج) aut cæsar aut nihil کلام حربصانه سنی
 مسلک اتخاذایدن اوغلی چزار بورجیاده بو باده پدرینه کوزل
 بر معاون اولمشدر . بویکی شخصک درایت و ذکالی و اداره
 اموره اقتدار فوق العاده لری و خصوصیه چزار بورجیانک
 طلاق و فصاحتی بو املک استحصالی ایچون کوزل واسطهلر
 اولدیغی حالده بونلر یلانجیلیق حیله کارلق و جنابیتی اک بیوک
 آلت ووقیت اتخاذایدنک تاریخده پک فنا برنام بر اقلشدر . چزار
 بورجیا حصول مقصدی ایچون ممکن و متصور اولان بالجه و سائطه
 مراجعت ایلشسه ده پدرینک ترک حیات ایلدی ایله تشبثی یوز
 اوستی قالوب کئندیسیده دشمنلری طرفندن اسپانیا قرالی فردیناند
 قاتولیکه تسلیم ایداش و بر مدت محبوسیتدنصکره ناوار قرالغنده
 مجهول بر قره غول محاربه سنده ترک حیات ایلشدر .

آرنو وادیسنده بولنان فلورانس شهری ایتالیا ناک اک بیوک
 مراکز مدنیتندن بری اولوب و قبیله اداره جمهوریه مالک
 اولدیغی حالده قرون وسطی نهایتنده سیلوستر مدیچی نام برانکر
 تفرد ایدنک غیر رسمی صورتده اداره بی اله آلمش و اوغلی قوزما
 مدیچی قرون جدیده بدایتنده شهر مذکورده حاکم بولنمشدی .

قوزما مدیچی غایت ذکی و فطین و حسن اداره به موفق بر ذات
 اولوب فرانسوا - فورزا و پاپا ایکنجی پی ایله برابر لودی
 اتفاقنک مسیبلرندن ایدی و معیشت خصوصیه - منده طنطنه
 و دبده دن اثر اولیوب ساده سرایی مجمع علما و ارباب صنایع
 اولمش و کرک صنایع نفیسه بی جایه سی و کرک فیچین نام بر عالم
 واسطه - سیله حکیم یونانی افلاطونک آثارینی ترجمه ایدر می
 ترقیات مدینه جه تأثیرات عدیده بی موجب اولمشدی . قوزمانک
 خلنی لوران دومدیچی نک اوزون دور اداره منده ارباب معارفی
 ترضیب و انشآت نفیسه - ایچون مبالغ کلبه صرفی امراف
 ذیله جک بر راده به و اروب خزینه دولت دوچار ضرورت
 اولدیغی کبی اسکی جمهوریت و حریت عمومیته نک اسمی بیله
 قلمدیغندن حقیقه فلورانس به انحطاط طاری اولمش و لورانک خلنی
 پیه رفتنده برچوق غوائل داخلیه ظهور ایلشدی . ازچله
 ایتالیا نلر تزینات و سفاهندن صرف نظر ایدرک تصحیح اخلاق
 ایلزرسه مجازات الهی دن قورتله میه جقیرینی ادعا ایله ساده کی
 اطواری التزام ایدن فرانسسکن مناسه تری رئیس عالم مشهور
 ساوانارولا بر آره لاق حکومتی ضبط ایدرک غایت صبیق
 بر صورتده اداره اموره باشلاش و فقط اداره نک شدتدن
 بیزار اولانلر بونی بر مدت مرورنده طرد و جزاء احراق ایدرک
 ینه مدیچیلر اداره سی اعاده اولمشدی .
 شرفده کی مستملکاتی و درسه عادت قیچندن صکره غلطه

بلده سنی ضایع ایدن و تجارت و ثروتہ کلی خخل طاری اولان جنوہ بلده سنک اہمیتی زائل اولدیغی کبی فرانسه بیه هم محدود بولنان ساووا دوقه لغی دخی هنوز اہمیت اخیرہ سنہ مالک اولہ ماش و فقط میلان شہری شمالی ایتالیا نلک بیوک حکومتہ پایتخت اولمشدی . قوندوتیہر رؤسا سندن ایکن میلان حکومتی ضبط ایدن فرانسوا سفورزانک وفاتسندن صکرہ اوغلی ماری خالہ مملکتی بک ظالمانہ ادارہ ایدوب انک کوچک اوغلی زمانندہ فرانسوا نلک دیگر اوغلی لودوویق لومور ضبط حکومت ایتمشدہ اشبو لودوویق ترقیات مدنیہ حامیلرندن اولدیغی کبی فرانسه قرالی سکرنجی شارلی ایتالیا بیه دعوت ایدنلر دندہ بریدر .

مستملکات عظیمہ سندن بشقہ صوک و قنلرہ ایتالیا دہ دخی برطاقم ولایات ضبط ایتمش اولان ونڈیک جہوریتی اوج بیسک کیملک دوننامی و دائمًا ہر جہتہ سونہ مقتدر اولدیغی اردولری و ثروت عظیمہ سی سایہ سندنہ اک مقتدر دولتلر دن معدود ایدی . ونڈیک ادارہ سی وقتیلہ بر مجلس اشرافہ و صکرہ دہ اشرافدن اون شخصہ مودوع ایدی . اول امر دہ لودی اتفاقنہ داخل اولان ونڈیک منافع تجاریہ سی اجباریلہ آز وقت صکرہ دولت عثمانیہ ایلہ مناسبات تجارتہ کیرشمش و او وقت اعتراض ایدنلرہ قارشو ونڈیک ایلر «بز اولا ونڈیکلی و صکرہ خرسنبا زہ جواب مشہوریلہ مقابلہ ایتمش لردی . مع مافیہ ونڈیک اکثر

مستملکاتی شرفده اولسی حسینیه سلطنت سزیه ایله دوام حسن امتزاج قابل اوله میوب محاربه ظهوریله ونیدیک عثمانلیله سنوی ویرکو ویرمک شرطیله عقد صلحه مجبور اولمش و بوسرده قبریس اطه سنک ونیدیک انه یکم سیده بو جهنجه اولان ضرری تعمیره مدار اولمشدر . عثمانلیلرک حوالی شرقیه قحنی اکیال ایللری ونیدیکی مستملکات عظیمه سندن محروم براقدیغی کبی سائر اوروپا دولتری و بالخاصه فرانسه نیک دولت علیه ایله معاهدات تجاریه عقد ایتلریده ونیدیک تجارت شرقیه جه حائر اولدیغی انحصاره خلل ویرمش و خصوصیه امید برونی طریقته کشتی و مصرک عثمانلیلر طرفندن ضبطی ونیدیکک اک بیوک مدار ثروتی اولان هند تجارتی بشقه یولر والره نقل ایتش اولدیغندن ونیدیکک اهمیت قدیمه سی قالمیرق پیدرپی زواله یوز طوتمشدر . ایشته بو کوربلان وجهله حال تفرقه ده بولنان ایتالیا قطعه سی وقایه استقلالی ایچون لازم کلان باشلی شیلردن یعنی اتحاد و غیرت ایله مزبات عسکرینه دن عاری بولندیغندن ایتالیا ده اخیلی مدت دول مجاوره نیک آمال حربصانه لرینه هدف اولمش و عصرلرجه مدت اجنبی نفوذی و تحکمی التنده وقت یکیرمشدر .

قرون جدیده ابتدا سنده اسپانیا قطعه سنده آراغون و قاستلیه و ناوار و پورتیکیز قرالقلریله غرناطه ده کی بنی اجر امارت اسلامیه سی موجود اولوب اشبو حکومانک جهله سی بیوک

قاریش قلمقر ایچنده بولنیورلردی . ناوار قرالغی قدیمدن برو کوچک بردولت مستقله اولوب قرون جدیده ایتداسنده ناوار وارثه سنی تزوج ایدن آراغون پرنسی ژان اوغلی دون قارلوسک حقوق اریشه سنی ضبط ایله ناواردده حکومت الیش و صکره ناوار قرالغی ژانک قزی التونوره پکوب التونورک برحقیده سی واسطه سیله ناوار قرالغی آبره نام فرانسز خاندانه یکم شدرد . آراغون حکومتی ایشه قرون وسطی نهایتندن صکره وفات ایدن بشنجی آلفونسدن صکره اشبو ژانه وانک وفاتیهله دخی ۱۴۷۹ ده ایکنجی اوغلی فردینانده انتقال الیشدر . کرک آراغون و کرک قاستلیه حکومتلرینک احوال داخله لری ذاتاً قرون وسطی دوری نهایتنده کورلمش اولغله تکرار بحثه حاجت اولیوب خصوصیه قاستلیه احوالی پک قاریشقی ایدی ۱۴۵۴ ده جلوس ایدن قرال دردنجی هانرینک بکر می بش سنه قدر سورن دور سلطنتنده اولدق رذالت قالمیوب نهایت اصلزادکنک اجبار و اختلالیه هانری قزی برترانه یایی حکومتدن اسقاط ایدرک همشیره سی ایزابی ولی عهد طایمش و فقط ایزابک آراغون پرنسی فردینانده ایله خفیا ازدواجی بته محاربه داخلیه ظهورینی موجب اولوب نهایت فردینانده آراغون تختنه جلوسی سنه سنده برترانه یا دخی حقوق سلطنت ادعاسندن فارغه اوله رق ایزابک قاستلیه قرالیچه سی اولوب ایکی حکومت فعلاً برلشدر . ایشته اسپانیانک اتحاد و عظمت زمانی بوزوج

و زوجه زمانده باشلامش و فردیناندک قاتولیک مذهبنی تعزیز
 خصوصنده کی غیرتی کندیسنه قاتولیک عنوانی قزاندرمشدر .
 کرک فردیناند و کرک ازابیل عقل و درایت اصحابندن
 اولقله برابر استحصال مقصد اوغورنده هیتیج برشیئی ارتکابندن
 چکنمزلر ایدی . بونلرک خرسیتیان دولتله اولان معامله لرنده
 دخی دفعاتله مشهود اولان عهد شکنلکاری اولجه کورلدیکی
 وجهله ۱۶۹۲ تاریخنده وقوع بولان غرناطه فتحنده لایقوله
 کورلمشدر اهل اسلام ایله حریت مذهبییه و امور جماعتی اداره ده
 سربستی و محاکم شرعیه نك ادامه سی و اولجه کنندی امیرلرینه
 ویردکاری ویرکودن فضله ویرکو التماسی کی شرئطله عقد
 معاهده اولمشکن اسلام علناً اجرای عبادتن منع ایدلک و انواع
 معاملات طاق فرسا ایله ترک مملکتته اجبار قلمق اوزره تدابیر
 ظالمانه یه باشلامش و غرناطه اسلامنده عاقبت حالی اکلاتیق اوزره
 مرسیه ده کی اسلامک جمله سی قاتولیک مذهبنی جبراً قبوله سوق
 اولمشدیر . اشبو تدابیر و حشیانه بی شدتله اجرا ایچون
 انکیریسون محکمه مشهوره سی پاپاالتنجی علیکساندر بورجیادن
 استحصال رخصتله تشکیل اولندرق ریاستنه مشهور تورقاده
 تعیین ایدلمش و محکمه نك اشکنجه ایله اتلاف و او توداقه
 تعبیر اولنان آتشدکرده حیا و میتاً احراقدن و مصادره اموال
 و املاکدن بشقه برجزا تعیین ابتدکی اولیوب نیجه ییکلرجه
 یکنهاک مال و جانی بو صورتله هدر ایدلمشدر . انکیریسون

برطرفدن قرالک خوشنه کتیمیانلری و برطرفدن دخی اعتقادلرنده
 گویا بوزو قلق اولانلری و یا مسلمان و یهودیلری محوه چالشوب
 اول امرده قرالک تعدیاته واسطه اولقی اوزره آچلمشکن صکره
 قرالده تحکم ایتکه باشلامش و نفوذینی سکر یوز بیک نفوسه
 بالغ اولان اسپانیا اهالی موسویه سنی اموال غیر منقوله
 و منقوله لرینک مصادره سیله کاملاً مملکتدن طرد ایتدیره چک
 درجه یه قدر کتوروب بو موسویلرک قسم اعظمی زیر جناح
 طاقت سنییه النجا ایله ممالک عثمانیه ده برشمشلردر .

آمریقا قطعہ سنک کشفی ایله اسپانیانک بر قاندها کسب
 عظمت ایلسی ایلروده کوربله جکی وجهله ینه بو حکمدارلر
 زماننده وقوع بولمشدر . فردیناند ایله ایزابلک سزاده بر قزلری
 دنیا یه کلوب دیوانه ژان *Jeanne le folle* دینلان بو قزده ماقسیمیلیانک
 اوغلی کوزل فلیبه زویج ایدلشدی . ایزابلک وفاتده اسپانیانک
 اتحادی تهلمکده قالارقی قاستیلیه لیر ژانک زویجی کوزل فلیبه
 قرال طایفه قالعشمشلسده مادربد ایتسپوسی مشهور قاردینال
 قسیمینک همتی و فردیناند قاتولیکک غیرتی ایله اتحاد محافظه
 ایدیلرک بتون ممالک فردیناندک اداره سنده قلمش و فردیناندک
 وفاتده کرک آراغون و کرک قاستیلیه قطعہ لری کوزل فلیبه
 اوغلی دون قارلوسه انتقال ایلشدر . اشبو دون قارلوس برنجی
 شارل نامیله اسپانیا قرالی اولوب بوک پدر و والده سی زمانلرنده
 اسپانیانک اسکی مجالس ملیه و سائرہ سی حال متروکتده قالمقده

پورتیکر

مستقلاً اداره امور ایلش وایک دور ساطننده بعض
خطالرده بولمشمده مؤخر آندابین صائبه سی وایلروده کوریله جک
اقبال فوق العاده سیله اوروپانک الک بیوک حکمدارلری میاننده
برموقع معتنا صاحبی اولمشدر.

اسپانیاده کی مالکی هر طرفدن قاسمیلیه ولایاتی ایله محدود
اولسندنطولای آفریقاده توسیع مالکجه چالشمده اولان پورتیکر
دولتی قرون جدیده ابتداسنده قرال بشنجی آفونس اداره سنده
اولوب بو حکمدارک قرق اوج سنهک مدت سلطنتی آفریقاده
مخاربهلر واسپانیا امور داخلیه سنه مداخله لر ایله یکمشمده
اشبو آفونسک اوغلی و خلی اولوب فردیناندن ایکی سنه
صکره تخت نشین اولان ایکنجی ژان ایسه پورتیکرک اون
برنجی لویسی مقامنده اولوب زمان سلطنتنده دره بکک
نفسودینی کلیاً قیرمش و پورتیکرده حکومت مطلقه تأسیس
ایلمشدر. ژان درایت وقهرمانلیغی ایله هر کسک مفتونیتنی جلب
ایدوب وفاتنده ایزابل «آدم اولدی» دهرک بیان تأسف
ایتمشدر. ژانک خلی بختیار امانوئل زماننده واسقودو غامانک
امید برونی طریقنی کشف ایلمسبله پورتیکر مستملکات عظیمیه
مالک اولمش و اهالیسی پک زیاده رفاه و سعادت کسب ایتمشدرکه
بو کشفیاتک صورت وقوعی و نتایجی بحت مخصوصنده
کوریله جکدر.

بدنجی شارلک اواخر سلطنتی. اون برنجی لوئی. مسلکی. برنسلرک
اتفاق. برون ملاقاتی. لیهز وقعسی. بورغوندیهدوقهسی چسور شارل. آمانی
ووفاتی. بیونک زادکانک انقراضی. اون برنجی لوئی تک وفاتی. مادام ادارهسی.
سکزنجی شارلک اوائل سلطنتی.

فرانسه تک استقلالنی بیله تهلکه ده بر اقان یوز سنه محاربه سنی
حسن صورتله بئیرمکه وانکلیرلری قاله موقعندن بشقه هر بردن
محروم ایدرک بختیار شارل عنواننی طاقغه موفقی اولان
بدنجی شارل ملک موروثنی دشمن استیلا سندن تخلیص ایلدکن
سکره داخلی دشمنلرکده تسلطانی دفعه قیام الیش وانکلیرلره
محبت وقراله خصومت کوستره تک منافع شخصیه لرینی
هر ملاحظه بیله تقدیم ایدن زادکان گروهنی تربیه بیله باشلامشدی
قرالک محاربه ده قوللانیدیغی عساکر منتظمه سی, وخصوصیه
مصارف و مهماته توقف الیشی جهتیله اکا بر زادکانک بیله
حد کفایه ده بر مقدره صاحب اوله مدققری طویجی قوتی
سایه سنده اسکیدن ناقابل ضبط عد اولنان شاتولر برر بر تخریب
ایلدیکه وسرکش صاحببری دخی مجازات کونا کون ایله جزای
سز لرینی کورمکه باشلامشردی. بدنجی شارلک مقتدر معاونلری

بولندیغندن دره بکلکک بستون ازاله سنه بیله موقیتی منتظر اولدیغی حالده اوغلی وولی عهدی لونیك پدری علیبنده چور دیک انتریقه لر مساعیسنه برحائل عظم اولمش وحتی علیروایقه بوانتریقه لر سببیه کدرندن ترك حیات ایتشدور . مع مافیله اون برنجی لونی نامیله جلوس ایدن اوغلی (۸۳۹ - ۸۶۱) جلوسندن صکره دره بکاری التزام ایلک شویله طور - ون بالعکس زادکانی محو ایلکه غیرته پدرینی دخی فرسخ فرسخ پکمشدر .

لونی غایت دساس ، حیه کار ، کتم افکاره مقتدر و اجرای مقصد ایچون هر واسطه بی مشروع کورر بر آدم اولوب لذت حیاتی انتریقه جیلقده بولندیغندن راحت طور مقی شانندن دکدی بوسبیله پدرینک حیاتده عمرینی زادکان ایله اتفاقه حصر ایدرک اکثر اوقاتی منفیاً و مطروداً شارلک باش دشمنی بولنان بورغونديه دوقه سی قور قوسر ژانگ یاننده ومومی الیهک اوغلی شارل قونت دوشاروله رفاقتنده پکیرمشدی . حالبوکه جلوسیه برابر زادکانی قیردیره جق انواع تدابیره قالشدیغی کبی اعالیدن فضله وبرکو تحصیلنه و کلیسانک وارداتندن استفاده یه قیام ایلدیکنندن عمومی علیبنه قیام ایتدیرمش وازجمله باشده بورغونديه دوقه سی وقرالک رفیق قدیمی جسور شارل ایله قرالک برادری دوق دو برری اولدیغی حالده بشیوز قدر پرنس سلامت عمومیله نامنه براتفاق عقیده پارسی محاصره یه قیام

ایشلردی . بو اتفاق عمومی به قارشو اون برنجی لوئی هرکسه
 آری ابری آووشمغی اسلم طریق کوره رك منفعلك کیمنی اراضی
 کیمنی نقد اعطاسه یله و کیمنی مأموریتلر و شرفلی عنوانلر و عهد
 و توجیه یله کندیسنه جلب ایدرك آز وقت طرفنده اتفاق
 طاعتفه موفق اولمش و بوسره ده دشمنلرینك برخیلیسینده قوه
 جبریله ایله تأدیپ ایده بیلشدر .

بو اتفاق کی حکم قلمسی اوزرینه لوئی باشلی رقیبی اولان
 بورغونديه دوقه سنی دخی قاندره رق فرانسه ده میدانی خیالی
 بولق نیتیه دوقه ایله کورشمك اوزره پرون شهرینه عزیمت
 ایتشسه ده اوصره ده بوربون خاندانندن بر قاردینال اداره سنده
 و بورغونديه جایه سنده بولنان لیه ژ شهری اهالیسنك لوئی نك
 تحریکاتی نتیجه سی اوله رق قیام ایله حکمدار مشر و علربنی
 اتلاف ایلری دوقه نك بحق حدتنی جلب ایدرك قرال پرون
 شاتوسنده بر مدت محبوس قالدی و نهایت برادری دوق دو برری به
 شامپانیا قطعه سنك اعطاسی ودها بوکبی نیجه شرائط مضره
 ایله بر معاهده عقد ایدرك اسارتدن تخلص کریبان ایده بیلدی
 . (۱۸۴۶)

پرون وقعه سی کرک لوئی نك و کرک رقیبنك مسلک لرنده بر
 نقطه تحول اولمشدر اوزمانه قدر خیلی تدبیر سنزلکرده بولنان
 لوئی بعد ما احتیاط ایله حرکت و هرکس کندیسنی آلداتمش
 اولغسه کسه به اعتماد ایتا که باشلادی نوماندیه و بورغونديه

جسور شارلک وفاتی

آراسنده اولان شامپانیانک دوق دو برری یه اعطاسی فرانسه نك
 شرق طرفنی خصمایه قاپدرمی دیمک اوله جغندن لوئی برادرینه
 کیدن قطعه سنی ویره رک تهلکه بی دفعه و بر مدت صکره مومی الیهک
 اولدجه شهلی بر صورتله و قایلله اوراسنیده استرداده موفق
 اولدیغی کبی بر چوق عصات زادکانی دخی تدایر حسنه ایله
 ازاله ایلدی. حالبوکه جسور شارل پرون معاهده سنندن
 صکره فرانسه یه اهمیت ویرمیوب لوترک قدیم حکومتی احیایه
 تشبث ایدرک غرب فراندوقه سی عنوانی طاقمش و حتی
 امپراطور مائیلیانندن قرال لقبی بيله استحصاله چالشدیغی حالده
 حالده لوئی نك انتریفه لرندن طولایی موفق اوله مامشدی. ذاتاً
 بورغوندیله ولورن و بلجیقا و فلنک قطعدری جسور شارلک
 اداره سنده اولوب لوترک دولت قدیمه سنی احیا ایچون آلساس
 واسویچره نك ضابطی ایجاب ایلدیکنندن شارل فرانسه ده اون
 برنجی لوئی نك اجرا آتسه صورت جدیده حائل اوله میوب
 آلساس فتحیله بر خلی مدت اوغراشمش، لوئی نك ال التندن
 تحریک ایلدیکی دشمنلر و باخصوص اسویچره لیلرله مدت مدیده
 محاربه ایش و نهایت بو محاربات عدیده نك بریسنده قوت جزیه
 ایله کلی دشمن قارشوسنده بولندیغی حالده رجعتی شانته لایق
 کوریه رک قهرمانانه ترک حیات ایشدر (۸۵۵) .

جسور شارلک تشبثات بهوده ایله وقت ضایع ایلدیکی
 سرده لوئی فرانسه ده نفوذ حکمدارینک تقویه سی ایچون

صرف مساعی ایتش، جسور شارلک دامادی اولقی جهنیله
 دفعاتله فرانسه بیه هجومه قالمیشان انکلتره قرالی درنجی
 ادوارد ایله اوغراشارق اکا قارشو قرال التیجی هازینک
 سلطنتنی مدافعه الیش و آراغون قرالی ژاندن رهن صورتله
 روسیلیون حوالیسنک آلمسی فرانسه بی جنوباً دخی توسیع
 ایلشدی. فرانسه نك منافع حقیقه سندن بشقه هیچ برشیده
 اهمیت و برمیان مدبر لوئی کندیسنه تسایم ملک ایتک ایستیان
 جنوه لیلرک استعداسنی رد ایله «جنوه لیلر بکا تسلیم نفس
 ایدیلر بنده انلری شیطانه تسلیم ایدم» دیه جک درجده
 فتوحات خارجیه دن استغنا کوستروردی مع مافیله برون
 وقعه سندن صکره فرانسه ده اسکی پوک زادکان سلاله لرندن
 قسم اعظمی منقرض اوله رق هر طرفده قرالک نفوذی حس
 اولنیوردی لوئی شارلک وفاتندن استفاده ایدرک و ارشسی
 ماری بی سکز یاشنده اولان اوغلی شارله تزویج بهانه سبیله
 بورغونديه ممالکینی ضبطه قیام ایدی ایسه ده بکر می یاشنده
 بولنان ماری بونستسز ازدواجی رد ایدرک آلمانیا ایمپراطوری
 ماتسیلیانک حایت و فراش زوجینه التجا ایتش و فلنک و بلجیقاد
 بو صورتله اوستریا خاندانه یکدیکنندن لوئی یالکز بورغونديه
 دو قلغی و اراضی ملکه سنی ضبط ایتشدر.

لوئی ختام عمرینه طوغری پاریسی ترک ایله بله سی شاتوسنه
 چکلهش و اوراده وقت یکیرمشدی. لوئی نك بربری اولوبه

لودهم کبی درایتلی وقورناز مشاورلری سایه سنده هراملنده
 موقیبت تامه سی مشهور اوله رق وفاتنده نفوذ حکمداری
 فلیپ اوکوست وسن لوئی زمانلندن دهاساسلی صورتده
 تاسس ایش ' و طرق و معاریک آچلمسی و منتظم پوستلر کشادی
 وارباب جرائمک شدتله تأدیبی سایه لرنده صنایع و تجارتده
 مدت مدیده مکث و سکوتدن صکره یته جانلامغه باشلامشدر
 لوئی ننگ اوغلی سکرنجی شارل جلوسنده سن صباوتده
 اولدیغندن اداره امور ایچون برهیئت نیابت تشکیل ایداش
 ایسه دهه حقیقت حالده اداره کوچک قرالک بوک همشیره سی
 آن دوپوزو النده قالمشدر . اوغلنه صوک وصیتی «کتیم اوکاره
 مقتدر اولیانلر ابو حکمدار اوله مزله سوزی اولان اون
 برنجی لوئی قزی آن ایچون «قادینلرک الک آزاجتی» دیر ایدی .
 پدرینک مساوی اخلاقنه مالکه اولیبوب فقط غیرت و اقدابجه
 اندن اشاعی قالمیان آنک زمان اداره سنده اسکی دره بک بقابابی
 اسکی استقلالک اعاده سی ایچون اتفاق ایدرک بحاربه داخلیه
 چیقارمشلر سده مغلوبیتلریله شودالیتدنک صوک زنجیر مقاومتده
 قیرلمش و اوزمانه قدر فرانسه به نسبتله عادتا اجنبی برهماکت
 مقاننده قان و بیکارجه سنده در دایما حال انفرادده بشایان
 برتانیایا دو قه لغیده دو قه ایکنجی فرانسوانک قیزی آن اداره سده
 یکمکه آن دوپوزونک سو قیله قرال بالذات اردو ایله او جهته
 کیدرک برتانیایی فتح و کنج دوشی تزوج ایشدر . برتانیانک

الحاقیله فرانسه صوڪ رابطه اتحادی دخی قرائش و «مادام
حکومتی» نامیله مشهور اولان آن دو بوژونک اداره سی اون رنجی
لوئی نك اثرینی اکیاله موفق اولدیغندن سکرنجی شارل سن بلوغه
وصولنده نظرینی فتوحات خارجیه به اماله ایده جک بر موقع
اقتداره صاحب ولتمشدر.

۳

ایکی کل محاربه سی

بورق و لانفاستر خاندانلری . النجی هازی . ریشارد دو بورق
و مارکریت دانزو . ایکی کل محاربه سی . دردیجی ادوارد . محاربه نك احوالی
ونتیجه سی . اوچنجی ریشارد . تودورلر ویدیجی هازی . هاترینک صورت
اداره سی .

اوچنجی ادواردك طورونی ایکنجی ریشارد زماننده
انکتره نك دوچار اولدیغی مغلوبیتلر و داخلی قاریش قلقلر بین
الاهالی شکایات و کفت و کویب موجب اولدیغندن لانفاستر
دوقه سی هازی بولنغبرو قك بوندن استفاده ایدرک اعلان
حکومت ایلدیکنی بوقاریده کورمشدک . هازی اوچنجی
ادواردك طورونی ايسه ده حکومته کندیسندن زیاده نسبتاً
استحقاقی اولانلر واردی انکتره ده حکومت دائماً اکبر اولاده

هازری بولغبروق ضبط حکومت ایدرک آن مور تیرک حق
 سلطنتنی غصب ایلش ولانقاس-ترلیلرک حکومتی بورق خاندانی
 میدانده ایکن غیر مشروع صائیلقی لازم-مدن بولمش ایدی فقط
 دردیجی هازرینک حسن اداره سی و امتیازات اهالی بی توسیع
 ایتمی و اوغلی بشنجی هازرینک مظفریات متعاقبه-بیله فرانسه بی
 همان کاملاً اله پکیرمی اهالیینک مسرتنی ولانقاس-ترلیلره
 محبتلرینی موجب اولدیفندن بو موقعیات آره-سندده اولکی غصب
 حکومت ماده سی کسه-نک نظر دفتنی جلب ایتماشدی . فقط
 بشنجی هازرینک و فانیله اوغلی مختل الشعور التجبی هازرینک
 جلوسی امور اداره نک بوزلمسینی موجب اولدی . التجبی هازرینک
 زوجہ سی مارکریت دائرولک فرانسه پرنسسلرندن بولتمی
 خلقک بوقادین حق-نده نفرت و غضبنی دعوت ایلدی و قرال
 بشنجی هازرینک اوغلی و فرانسه ایله محاربه طرفنداری دوق
 دوغلو-سسترک مارکریتک بوزندن حبس و اعدام اولتمی و فرانسه نک
 ژان دارق و دونواکبی نام-دار قوماندانلر سایه-سندده متعاقباً
 قزاندیغی محاربه لر و فتوحات قدیمه نک برر برر الدن چقمی
 دخی عموک انفعالی صولک درجه به ایصال ایدی . توجه عامه نک
 لانقاس-تر خاندان-دن یوز چویردیکنی کورن بورق خاندان-نک
 رئیس و آنا مور تیرک زوجی بولنان ریشارد دوق دو بورق دها
 قرون وسطی نهایت-نده مدعیاتی ایلرو-س-وروب ایکی خاندان
 بیننده کی رقابت انکلترونک ال بیوک محاربه داخلیه سی اولان

ایکی کل محاربه لرینی احداث ایلدی . ایکی خاندانک آرماری
بر اولوب ساده بورق آرماسنده بیاض کول و لانقاستر آرماسنده
قرمزی کل واردیکه محاربه ننگ وجه تسمیه سیده بودر .

او وقت انکاتره زمانمزد اولدیغی کبی صنایع و تجارتده
مترقی بر قوم اولیوب زراعت و چوبانلقه پکینان و اک بیوک
اکلنجده سی صیدوشکار اولان اهلینک اخلاقنده کبی شدت و عادتا
وحشت صوک درجده ایدی . فضلله اوله رک بوز سنه محاربه سی
خلقی تمیجات حربیه و سفک دمایه لایقیله آلدیرمش و محاربه ننگ
بتسیله نجه ارباب حرب و ضرب میدانده ایشمز قالدیغی کبی
عادتا حیات عامده بر بوشلق پیدا اولمشدی بوسببله ایکی کول
محاربه سنده بو استعدادات شدتکارانه ننگ جمله سی محاربه
داخلیه یه چورلمش و اوتوز سنه سورن بو فنا دورده منازع
فرقه رک بر لرینه قارشو اختیار ایلدکری وحشت و سو معامله
قالامشدر .

دوق دو بورق اولو عوام قاره سنی و کلادن دوق دو سو فولقی
اتهامه سوق ایدوب بو بیچاره بی اولان فی ایتدیرمکه و صکره
اعدامنه موفق اولدی وینه اونک تشویق و حایه سیله جون
کید استنده بر ایرلانده لی خاندان قرالی افراندن بولمق ادعا سیله
خروج ایدوب و باشنه التمش یتش بیک حشرات طوپلا یوب
مدت مدیده اورته لغی قاصوب قاووردقن و لوندره بی سیله
بر مدت استیلادن صکره کوچ حال ایله وجودی اذاله اولته ییلدی

(۸۲۸) . بووقعدلر و باخصوص جون کیدک مووقیتی التجبی
 هانزینک ضعف و اقتدار سزاغنی لایقیله میدانله قوبدیفندن
 دوق دو بورقده طوغریدن طوغری به قیامه متجاسر اولدی .
 ریشارد ایلك حرکتنده معیت جزوییه ایله لوندیره اوزرینه
 یوروپوب سوفولکک یرینه قائم اولان دوق دوسومرستی لوندیره
 قله سنه حبس ایتدیرمک و ارانه قوت ایلكله اکتفا ایلمدی
 فقط بوآرده التجبی هانزینک بر اوغلی دنیابه کلدیکندن ۸۳۲
 سنه سنده ریشارد تکرار لوندیره به هجوم و قرالک خسته لغندن
 استفاده ایدرک کندیسنی حامی حکومت اعلان ایتدردی
 و قرالک اعاده صحت ایدرک بو حامیلک عنوانی کری آلمی
 اوزرینه بسبتون فک نقاب ایدرک رسماً محاربه به باتلادی .
 پک بیوک زادکان طاقی ریشارد ایله برابر اولوب ازچله
 مشهور نویل خاندانندن لورد سالسبورینک اوغلی اولوب
 نفوذ عظیمه صاحبی اولان و اراضیسنده اوتوز بیك مسلح
 آدم بسلیان قونت و اروبق بو مدعینک طرفنی طوتمشدی
 دیگر طرفدن هانزینک زوجه سی مارکریت دانزو فرانسه
 قرالی اون برنجی اوئی دن واسه و چایلردن امداد آلارق
 اوغلنک حقوق ارشیه سنی مدافعه ایدپوردی ایشته اصل
 صاحب علاقه اولان هانزی ایشدن بجنبر اولدیغی حالده
 محاربه ریشارد ایله قرالیچه مارکریت دانزو بیننده برمدت دوام
 ایلمدی .

ریشارد هر تفوررت قونتلخی داخلنده سنت آلبانس مواعنده خصم زینه غلبه ایلکله ینه حامی دولت عنوانی آوب قرالک اعاده صحت ایلسی اوزرینه تکرار عصیان وایلك محاربه دن بش سنه صکره قزانديخی نورث هامپتون محاربه سی اوزرینه ده پارلامنتویه کندیسنی ولی عهد اعلان ایتدردی فقط مارکریٹ اوغلنک حقوقی نامنه اوله رق پروتستو ایدوب فرانسه واسقوچیان دن یکریمی بشیک قدر عسکرله ریشارد اوزرینه یوریدیکندن یورق قونتلخی داخلنده واقعیله موقعنده ریشارد وکوچک اوغلی مقتول و طرفدارانی کاملاً مغلوب اولدی (۱۸۳۸). مارکریٹک بو دفعه کی غالبیتی خیلی جنایات ایله لکه لنوب یورق خاندان دن پک چوق بیچاره لر بوغیور قادینک انتقامنه قربان ایدلدی.

مارکریٹ میدان حربده غالب کلمشسه ده تمایلات اهالی یورقلیلر طرفنده اولضله ریشاردک بیوک اوغلی لوندرده دردنجی ادوارد نامیله جلوس ایلشدی. بو جهته محاربه ینه نهایت بولیه رق اولایکنجی سنت آلبانس محاربه سینده مغلوب اولان ادوارد تووتون موقعنده لانقاس ترلیلری یکریمی سکز پک نفر راده سینده تلفات ایله منهزم ایلدیکندن مارکریٹ فرانسه یه فراره مجبور اولدی واون برنجی لوی دن امداد آلاق تکرار انکلتزیه پکدیسسه ده هکسها م موقعنده بردها بوزیلوب کوچ حال ایله ایله اوغلیله برابر فرانسه یه قاچا ییلدی ودردنجی ادوارد لایقیله تأسس ایدرک بدبخت التنجی هازی لوندره قله سنه قالدیرلدی (۱۸۴۳).

بوزمانہ قدر ادوار دک ولی عہدی برادری دوق دوقلارانس
 اولوب فقط کند بسنک از دو اجیلہ بر برنسک تولدی قلارانسک
 امیدلرینی اخلال ایلدیکندن وارویق وقلارانس وادی
 عصیانہ صایدیلر ومارکریت ایله بالاتفاق ادوارہ غالب کاهرک
 لوندریہ کیروب ینہ التجی هازی بی تختہ چبقار دیلر ایسه ده
 ادوارد متفی بورغوندیہ دوقه سی جسور شارل دن آلدیغی
 امداد ایله ینہ محاربه به باشلاوب وارویق لوندریہ قریب بارت
 موقعنده قتل اولدی ومارکریت غلوس سستر قونلغنده نیوقسبوری
 موقعنده بوزلدیغندن ادوارد ینہ لوندریہ کیده رک قطعاً
 مقام حکومتده برلشدی (۱۸۴۹) .

ذاتاً سفاقت و حضوره میلی اولان دردیجی ادوارد
 اورتلغی رقییدن خالی بولدقن صکره عیش و نوش طلمنه
 طامغله آز وقتده وفات ایلدیکندن یرینه کوچک یاشده بولنان
 اوغلی بشجی ادوارد جلوس ایلدی (۱۸۶۱) .

فقط متوفی قرالک کوچک قرداشی غلوس سستر دوقه سی
 ریشارد وصایت بهانه سیله حکومتی ضبط ایدوب سوء احوالده
 بولمغله و بشجی ادوارد بوآرده قربان اولمغله ینہ آسایش عامه به
 خلل کلدی .

اوچنجی ریشاردک ک شدتلی طرفدارلری بیله علیهنه دونمشلر
 ایدی بونلردن بوکنفهام ریشاردی اذالیه قرار و پروب میدانده
 لانقاستر خاندانندن کسه بولمدیغندن قادین طرفندن بوخاندانه

مناسبتی اولان غال امراسندن ریچموند قونتی هازی تودوری
 انکلتزیه دعوت ایلدی وهازی کلنجیه قدر بوکغنهام ریشارد
 النده مقتول اولدیهده بوظالمده ایسترجوارنده بوسوورث
 محاربه سنده هازییه مقلوب وپک چوق شجاعت ابرازندن
 صکره مقتول اولقله قونت دوریچموند بدنجی هازی نامیه
 جلوس وانکلتزیه برعصردن زیاده اداره امور ایدن تودور
 سلاله سنی احداث ایلدی. اوچنجی ریشاردک حکومتی انجق
 ایکی سنه سورمشدی.

هازینک جلوسنده بورق خاندانی طرفدارلی ینه فساد
 واختلال چیقارمغه قاقشدقلندن براز محاربات داخلیه اولدی
 ایهده هازی غالب کلهرک ارباب قیام تدبیر ایلدی دردنجی
 ادواردک قزینی هازی آلاق بورق خاندانک حقوق سلطنتی
 کندی حق ضالیته براشدردیکی کبی مقتول دوق دولارانسک
 اوغلی وپلاتاجنه خاندانک اک صوک پرئسی بولنان وارویق
 دخی قلده اعدام ایدیه رک حکومتیه طالب اوله یله جک کسه
 قلدی. پلاتاجنه سلاله سی انکلتزینی اوچبوز اوتوز سنه مدت
 اداره ایلمشدی.

هازی تودورک جلوسیه نهایت بولان ایکی کول محاربه سنک
 انکلتزیه جه تأثیراتی پک چوق ایدی بو محاربه ده دوکیلان قانه
 نهایت اولیوب یالکز قرال خاندانندن سکسان کشی قتل اولمش
 وزادکان واهالیدن بیحد و بیحساب آدم اولدیرلمشدی. بوتلفات

عظیمه خلقك از غناغنی طور د پروب هر کسی خوف و حشیت
ایچنده بر اقدیغندن هازینك جلو سنده و او انکلیز لجه الك معزز
اولان حقوق و امتیازاتك محافظه سی ایچون بیه قیام اقتداری
کسه ده قلاماشدی .

پارلمنتونك نفوذ و اقتداری الك زیاده و پروکو وضع ایلک
حقندن منبعث اولوب پارلمنتونك رأبی اولق سزین واردات
دولتی اخذ و قبضه قادر اوله میان حکومت نهایت بو مجلسك
بالجمله مطالباتی قبوله مجبور اولوردی . هازی ثروت عظیمه سی
حسیله بو مجبوریتدن وارسته ایدی .

هازی تو دور غیرتلی بر ذات ایه ده حیله کار اخی وریا کار اخی
ایله اون برنجی لوتی و فردیناند قانونیک کبی معاصر له لایق
ایدی و فقط اقتدار سیاسیجه اونلر درجه سنده دکلدی . بو قوال
زمانده انکلتزه اسکی مؤسساتی فائز ایدرک و حقوق عمومیه دن
چوغنی اخلاص ایدیلرک بر بچی عصر قدر دوام ایدن بر دور
باشلادی و خصه صیله قرالک خستی بیوک فناقلری موجب اوله رقی
جزای نقدی بی منبج بر چوق جرملر ایجاد ایدیلرک کبار و زادگان
صویلدی . هازینک محرم مشاوری بوانان مورتون «چوق مصارف
ایدر سه کزنکیسک دیمکدر پاره ویرمیلیسک آز» صرف ایدر سه ک اداره
و تصرف ایدیکلک اکلایشیلورینه پاره ویرمیلیسک» کبی بر قیاس
مقسم ایله ایشکندارلق ایدر اولمشدی واقعا بو احوال تحمل کداز
ایدی فقط ایکی کل محاربه سنک اها لجه موجب اولدیغنی بور .

غونلق او قدر زیاده ایدی که آسایش عامه تا مین ایدمک شرطیله هر در او اداره خلعتک چانه منت ایدی و انجق بر بچق عصر صکره محسنات سابقه نك لزوم اعاده سی اکلایشیله پیلدی.

۴

ایتالیا محاربه لری

ایتالیا محاربه لرینک صورت ظهوری. سکزنجی شارلک تصوراتی. فرانسرلرک موفقیات سربعه سی. اورویا موازنه سی مسئله سی. سکزنجی شارلک رجعی. اون ایلکچی لوتی. میلان و نابولی قشلی. انفقار. ایلکچی زول. احوال و نتیجه محاربه. برجی فرانسوا. مارینیان محاربه سی و میلانک تکرار قشعی.

محاریات دولیه نك ظهوری دولترده مرکزیت اداره اصولنک تأسیسه کسب سهولت ایدی. قرون وسطی ده اورویا دولترینک بجه سی فتودالیه اصولی اوزره مختلف اداره لره بولنش و مرکز حکومت هینج بر رده لایقیسه کسب اهمیت ایده مامش اولدیغندن محاریات دولیه همان یوق کبی ایدی. غیرت دینیسه ایله ایدیلان اهل صلیب سفرلی و حقوق حکمدارینک تأیدی ایچون آلمان ایمپراطورلرینک ایتالیا یه سفرلی و سوزرن ایله و اسال منازعه سنک بیوک بر مقیاسده اجرا سنندن عبارت اولان یوز سنه محاربه سی استنا اولنورسه قرون متوسطه ده ملل مختلفه آره سننده مهم محاربه لره تصادف اولنز

ویا لکن مختلف دره بکار ارسنده کی منازعات و مناقشات داخله به
راست کلنیر .

قرون وسطی نك بو حالنه مقابل قرون جدیده ده محاربات
دولیه نك ظهوری ایسه امور طبیعیه دن ایدی . داخلده کی
رقیبری اذاله ایدرک اداره ممالکی طوغریدن طوغری به اله
آلان حکومت مرکزیه نك غیرت فتوحات ایله اقوام متجاوره
اوزرینه هجوملری عادتاً ضروری عداولنه بیلیردی . اوروپاده
اك اول دره بلك اصولنه دوچار اولان حکومت فرانسه
اولدیغی کی فتودالیمه اصولی محو ایله اصول اداره شخصیه بی
احیایه اك اول موفق اولان دولنده فرانسه اولمشدی بو جهنله
محاربات دولیه به باشلامقده فرانسه بجهیه تقدم ایلمشدر .

اون برنجی لوئی نك وفاتندن صکره اتحاد ملکیستی اكمال
وهر کمی دائرة اطاعته ادخال وعساکر دائمه تنسیق ایله هر درلو
اسباب مکنتی استحضار ایلمش اولان فرانسه قوه مالبه سنك
دخی مکهلمیتی سایه سنده ازهر جهت حربه مهیا ایدی . دول
اجنبیه ایله غایله دن اجتنابه ارتق محل قلامشدی وقتیه اون
برنجی لوئی کندیسنه تابع اولق ایستیان جنوه جمهوریتنك
تکلیفی رد ایدرک جنوه لیلر بکا تسلیم اولدیله بنده انلری شیطانه
تسلیم ایدرم دیه جك قدر فتوحات خارجیه دن استغنا
کوسترمشدی . داخلده دشمنی قلامش اولان سکرزنجی شارل
ایسه هنوز یکی بر موجودیت سیاسییه کیرمش اولان فرانسه

ملنتك قوتنى دنه مك و كندى كنجلك غيرتنى تسكين ايتك ايچون فرانسه خارجنده بر بحاربه چيقارمغه عادتا محتاج ايدى فقط طبيعى اولان بو احتياج كنج قرالك اختيار ايلديكى نامناسب سمندن طولابى فرانسه جه بيوك فلاكتله سبب اولدى.

پدرينك زماننده امور اداره دن بعيد قالارق قديم قهرمانلر وشواليدلر حكايه لرى او قوق و ديكلمك ايله وقت پكيرمش و افكارينى انواع خيالات استيلا ايتش اولان سكرنجى شارل ابتدائى جلوسنده طالع حربى تجربه ايدرك بر يتاليا كى بر ولايت مهمه بى و رقيقه حياتنى قوه زور بازو ايله قزاشدى. مع مافيه فرانسه نك تماميت ملكيه سنى استكمال كيفيتى شارلك نظرنده جالب اهميت بر موقعبت اوليوب بو كنج قرال ايتاليابى ضبط ايتك و اورادن موره يه پكدرك و يونانيلرى اياقلانديره رق شرقى و قسطنطينيه بى دولت عثمانيه لندن آلمق و صكره ده قدس شريفه كيدوب هم لاتين امپراطور لغنى و همده قدس قرال لغنى احيا ايتك كى ممتنع الحصول بر طاقم آمالى كنديسنه مقصد ايلنمشدى ايتاليابه نجاوز ايچون بهانه مشروعده اكسك اوليوب آنزو خانداننده بولنان نابولى حكومتك ۸۲۰ تاريخنده آراغون قرالى بشنجى آقونس طرفندن ضبطى و حالاده بر آراغونلى پرنس اداره سنده بولنمى دعواى وراثت ايچون سبب كافى اولديغندن شارل ۸۷۲ تاريخ هجرى شمسنده بيوك براردو ايله ايتاليابه نجاوز ايدرك اجراى مقصده عزم ايلدى.

شارلک اوصرده ایتالیا به تجاوزی پک نابوسم اولوب
 ایستدیکنی حالده فرانسه جه دها نافع محاربه لر ایچون میدان
 اکسک دکدی . بریتانیانک فرانسه به الحاقنی بهانه ایدرک انکتره
 قرالی بدنجی هازی تودور فرانسه به تجاوزه باشلامشدی آلمانیا
 امپراطوری ماقسملیان فلاندره و بورغونديه طرفلرینه واسپانیا .
 لیلرده جنوبی فرانسه به تعرض نیتنده بولنیورلردی ایتالیا به
 صرف ایدیله چک قوتی بونلره قارشو صرف ایدرک ممالک
 مفتوحه بی تأمین ایتک دها عاقلانه بر بول اوله جنجی درکار
 ایکن دنیا به حکومتی و فوق العاده شان و شهرتی قورمش اولان
 شارل فرانسه حدودینک تأمیننی کبی جزئیاته اهمیت ویرمدی
 وقومشورلرینک بیطرفلغنی تأمین ایچون انکتره به قرق ملیون
 تضمینات و عد ایدرک آلمانیا به شاروله و فرانش قوتنه و آرتوا
 قوتلقلرینی یعنی بورغونديه نك اون برنجی لوتی زماننده کمال
 زحمتله آلمان برلرینی ویردی واسپانیا به دخی کذا پدیرینک
 ملیونلره مصرف و حسابسز تدابیر حیله کارانه ایله ضبط ایلدیکنی
 روسیلیون و پرینسیان قوتلقلرینی ویردی و خلاصه فرانسه نك حدود
 طبعیه سنی دشمنلره تسلیم و بوفدا کارلقلر سایه سنده قومشورلک
 بیطرفلغنی کویا تأمین ایلدکن صکره ایتالیا به متوجهاً بوله
 چیقدی .

ایتالیا به سکزنجی شارلک ورودینه منتظر اولانلر چوق
 ایدی . بوجهتنه شارلک ناپولی به قدر حرکتی همان محاربه سز
 بر موقتت دایم ایچنده پکدی . یکنی غاله آسک حقوق سلطنتنی

غضب ایلش اولان میلان دوقہسی متعاب اودوویق اومور فرانسه قرانی حسن قبول ایدوب میلان حدودی نہایتہ قدر تشیع ایتدی و فلورانسہ دوقہسی پیتر و مدیچی دخی کندیسنی تضییق ایدن ساوانارولا فرقهسی لندن قورنلیق ایدیلہ برطاقم ہم قلعہ لری شارلہ تسلیم ایلدی . پیتر و مدیچینک بو حرکتی فلورانسہ ده بر قیام وقوعی و ساوانارولانک رأس اداره یہ یکمسنی انتاج ایلدیسہ ده بومشهور راهبده فرانسزلرک ورودینہ جناب حقل ایتالیانزی تأدیب ایچون سوق ایلدیکی بر آفت نظریہ باقدیغندن فلورانسہ نک قبولیدہ صورت دوستانہ ده آچلدی . پاپا علیکساندر بورجیانک مظالمندن و جنایاتندن بیرار اولان برطاقم قاردینالارک یاردیلہ فرانسزلر بلا محاربه رومایہ دخول ایدوب سنت آنژ قلعہ سنده محصور قالان پاپا ایله شارل آرسنہ بر معاہده عقد اولنہرق پاپانک حسن نیتنی تأمین ایچون اوغلی سزار بورجیا ایله شہزادہ عثمانی سلطان جم شارلک بدینہ رهن اولہرق یکدی . شارل سلطان جی شرق حقندہ کی مقاصدینہ آلت ایتمک و سلطان بایزید علیہنہ بر بیک قیام چیقارتمق آرزوسنہ ایدی فقط کندیسنہ مسوماً تسلیم ایلش اولان مشارالیه شہزادہ بز قاج کون صکرہ ارتحال داربقا ایدوب سزار بورجیا ده ایلک فرصتہ فرار ایلدیکنندن رهنردن بر فائده حاصل اولہمدی .

سکزنجی شارل قوه عسکریه سی پک کلی اولدیغی و مضایقه

مالیه سی درجه نهابه ده بولندیغی حالده ایتالیا نلرک کوشکلرکی
 وعادتا آچقلقلری سابه سنده ناپولی به قدر کاش واهالیسندن
 روی اخانت کورن ناپولی قرالنک مجلیایه فراریله مقصد
 عزیمتی اولان ناپولی فتحنده موفق اولمشدی فقط فرانسه نلک
 بوموقیبات سربرعه سی اوروپا دولترنججه حصول محاسبه بی
 موجب اولغله ایلك دفعه اولهرق اوروپا موازنه سی مسئله سی
 میدانه چیقارلدی و فرانسه بوموازنه بی اخلال ایلشدر دنیله رلک
 آلمانیا انکلتره واسپانیا ووندیک و میلان و فلورانسه و پاپالق
 حکوماتی میانده بر اتفاق تعرضی عقد ایدیلرک ششارلک خط
 رجعتی کسلک اوزره حرکتیه تشبث اولندیغندن وندیگده کی
 فرانسز سفیری مورخ مشهور فلیپ دو قومین واسسطه سیله
 کیفیندن خبردار اولان سکرنجی شارل اردوسنک قسم اعظمیله
 فرانسه یه عودته فرار ویردی و آبه نین طاغرلنده تحشدایدن متفقین
 قوتنی فررنو محابه سنده نارومار ایله سالمأ فرانسز طوبراغنه
 ایرشدی ایسه ده ایتالیا ده براقدیغی قوتلر وقایه فتوحاته کافی
 اولدیغندن بوشعشعلی وفائده سز سفرك ثمراتی بر قاج ای ایچنده
 محو اولدی کیتدی .

سکرنجی شارل فرانسه یه عودندن آز وقت صکره ۸۷۶
 تاریخنده بلاولد وفات ایلکله والوا خاندانک سلسله عودیه سی
 منقطع اولوب حکومت بوسلاله نلک اورلشان طانزه و التنجی شارلک
 برادرلریدن برینک حقیقی بولنان اورلشان دو قه سی لونی به

پکدی واون ایکنجی لویده خلفنک زوجہ سی قرالیچہ آتی
 زوج ایدرک بریتانیا دوقہلفنک حکومتنی فرانسہ دہ ابقایہ
 چالشدی اون ایکنجی لوی درابتلی و خوشحال بر قرال اولوب
 جلوسندہ ویرکولری تخفیف و ادارہ بی اصلاحہ و با خصوص
 جلوس ہدیہ سی نامیلہ معتبران امتدن تحصیلی تعامل قدیم حکمنہ
 پکن جرمنہ بی عفوہ صرف ہمت ایلدی و حضور و آسایشہ میل
 کوستردی ایدہ دہ عاقبت ایتالیا فتحی ہوسی بو حکمدارہ دہ کلہرک
 نازہ حرب یکیدن مشعل اولدی .

اون ایکنجی لویکنک و الہ سی لٹونین و بستونتی دن طولابی
 میلان دوقہاغی اوزرینہ حقوق ارثیہ سی اولوب بودوقہ لاق
 ایدہ چوقدن سفورزا حامدانہ کچمش و اورادہ الیوم لودوویق
 سفورزا حکومت ایتکدہ بولنشدی بو حقوق ارثیہ ہر نقدر قدیم
 واصولاً حکمدن عاری ایدہ دہ محاربه ایچون ہرہانہ مقبول
 اولدیغندن لوی میلان اوزرینہ ہجوم و سفورزانی نووارو
 محاربہ سندہ مغلوب و اسیر ایدرک سہواتلہ میلان حکومتنہ دسترس
 اولدی و فرانسہ دہ لوش شاتوسنہ حبس ایدیلان بدبخت لودوویق
 اون ایکی سنہ حال اسارندہ قالوب عفرینی خبر آلدیغی وقت
 سرنجندن وفات ایلدی .

لوی ساووا دوقہاغی ارضیہ لہ فرانسہ دن آیری قالان
 وکندیسنہ بر قائدہ سی اولیان میلان قطعہ سی الہ ایتدکدن
 صکرہ ناپولینک فتحہ کوز دکشسدہ شارلاک موقیتزلکنہ

اوغراماتی، بیچون اولدن اسپانیا قرالی فردیناند قاتولیک ایله
 اتفاق ایدرک ناپولینک ایکی دولت آره سنده تقسیمی قرارلشدن
 صکره ناپولی اوزرینه حرکت ایلشدی فرانسزاردوسنک و رودنه
 ناپولی قرالی ایکنجی فردیناند شجیعانه مدافعه به حاضرلاندی
 ایسه ده معاوتلرندن امیدوار اولدیغی اسپانیا عسکرینک بعض قلاع
 مهمه به دوست معاون صفتیله کیردکدن صکره دشمنانه حرکت
 باشلادیغی کورنجه خاٹن متفقه عالیجناب دشمنی ترجیح ایدرک
 ناپولی قبولرینی فرانسز اردوسنه آچدی. بو صورتله ناپولی
 قرالیغی شمالاً فرانسه ده و جنوباً اسپانیاده قالب فردیناندک
 هرایشده مشهور اولان سوویتی و ناپولی قرالیغینک الهم
 وارداتی اغنام رسومی او اوب یایلاق بر طرفه و قشلاق بر طرفه
 قالمندن طولابی رسوم مذکورنک نه جهته ماند
 اوله جفته قرار و بریله ماسی جهتیله بونقسیم بالاخره ایکی
 دولت آره سنده بحار به بی انتاج ایلدی. اسکی اتفاق معاهده سنک
 مرکبی قوریمدن ایکی متفق آره سنده آچیلان بحار به آزوقنده
 فرانسز لرک مغلوبیتنی و ناپولینک اسپانیولر انه کچمسنی
 موجب اولدی. حتی اون ایکنجی اوئی میلان قطعه سنی
 محافظه ایده بیلک بیچون فردیناند ایله بلوا معاهده سنی عند
 ایدوب میلان کندیسنده قالمی شرطیله ناپولی اوزرینه اولان
 حقوقدن فراغت ایش و قرالیچه آدن متولد کریمه سی مادام
 قلودی بریتانیا جهاز اولقی اوزره فردیناندک حقیقی او سرتیا

آرشدوقی شارله تزویجه بیله راضی اولمشدی . برکت و پرسونکه
 بویله ازدواج سببیه فرانسز ملکک یداجنی به یکمسی خلقک
 عروق جبتنه طوقدیغندن و او صروده فردیناند ایله دامادی
 اوستربا آرشدوقی کوزل فلیک دخی آرهسی بوزلدیغندن مادام
 فلود لوینک وارثی بولنان آنقولم دو قهسی فرانسوایه تزویج
 ایله رک فردیناند دخی لوینک همشیره سنی ناپولی قرالغی
 جهازندن معدود اولمق شرطیله آلدی و فعلاً نفس ووخ قالان
 بلوا معاهدهسی دخی برآراق رسماً فسخ اولندی .

بوصروده پاپاعلمکساندر بورجیا عالم جزایه کیدرک روما
 جوارنده بنه قاریش قلققر باشلامش و فقط جداً وطنپرور بر
 ایتالیاالی اولان ایکنجی ژولک رئیس روحانیک مقامنه یکمسیله
 روش احواله برطرز جدید کلشدی . ایکنجی ژول پاپالغک
 اوروپاده لایق اولدیغی حکم و نفوذده مالکیتی ایچون اولان
 ایتالیا یاده و کندی ممالککنده صاحب حیثیت اولمسنی الزم عد
 ایدردی حالبوکه پاپالق اداره سبنده بولمقی ایجاب ایدن رومانیا
 سواحلنده برطاقم مواقع مهمه وندیکیلرک لهرینه یکمشدی .
 پاپا اول امرده آلمانیا و فرانسه و اسپانیا دولتری و ایتالیا حکوماتیه
 اتفاق ایدرک وندیک اوزرینه عظیم بر قوت سسوق ایتدردی
 و وندیکیلر یکی ضبط ایتدکاری برلک اهاالمسنی ایتدکاری
 تابعیتی ترجیحده مختار بر اقوب غیر قابل ضبط اولان اطهرینه
 چکد کلرندن پاپانک املی حاصل و فردیناند قاتولیکده بوسایه ده
 جنوبی ایتالیا یاده بعض مهم لیمانره نائل اولدی .

حکمته مبنی ابدی زیرا داخله پروتستانزله اختلاف آرتهرق
 صورت اختلال کورندیکی کبی عثمانلی اردولریده مهاجده بچار
 قواسنی پریشان ایلدکدن صکرهویانه دیوارلرینه قدر ککشلردی .
 فرانسه هر تقدیر دولت عثمانیه ایله اتفاقی هنوز کیرلی طوتمقده
 ایسدهده سلطان سلیمان قانونی تعهدات شفاهیه سنی تماماً ایفا و کرک
 برأ و کرک بحراً اوستریا آلمانیا و اسپانیا قوای متحدیه سنی تضییق
 ایدرک فرانسه په میدان تجاوز بر اقیوردی فقط فرانسوا عثمانلیلرک
 حربه باشلادقلمی زمانزده صلح ایتمک کبی خطارله و ترکلر ایله
 اتفاقدن محجوب ایمش کبی کوسترتلر و کتیره مره اعتبارله نیجه
 فرصتله قاچیروردی . فرانسه نیک مصالحه په رضا کوسترتسی
 سایه سنده شارل کنت ویانه بی مدافعه په موفق اولدیغی کبی
 اسپانیول دو تناسیده تونسده غولت قلعه سنی ضبط ایله اوراده
 بولنان یکریمی یک نفر قدر اسرایی تخلص ایده یلدی . فقط بو
 قسماً موفقیت بارباروس خیرالدین پاشانک حاکمیت بحریه سینه
 خلل و برمیوب جنوهلی قیودان مشهور آندره دوریانک قدرت
 و مهارته رغماً تنوع بحری عثمانلیلرده قالدی و غولت سفرندن
 الی سنه صکره شارلک جزایر اوزرینه سوق ایلدیکی دو تناسی
 پریشان اولغله بو غیرت بوشه چقدیغی کبی طرابلس غرب قطعه
 جسمیه سیده امرای عثمانیه دن طورغود پاشانک بدضبطنه یکدی
 شارل بو صروده ماطه جزیره سنی ردوس شوالیه لرینه و بره رک
 کارآ کاهلق کوسترتشدی که مذکور شوالیه لر مدت مدیده بحر
 سفیدک الک قورقولی هیئت و اسلامک انصاف سز دشمنی اولدیله

یونانکده و میلان دوقده لغنی بر اقعده مجبور اوله رق ۸۹۲ سنه سنده
 عقد صلحه مجبور اولدی و انکلتره بی‌ده تضمینات حریده اعطاسی
 شرطیله صلحه ارضا و سکزنجی هارینک همشیره سنی بالتزوج
 بو مصالحه بی تقویه ایلدوب یکریمی سنه لک محاربات تمادیه دن
 بو قدر قان دو کلاکدن بشقه برئمه حاصل اولدی.

اون ایکنجی لوئی ایشو مصالحه دن بر سنه صکره و ۷۹۱
 تاریخنده وفات ایلدوب ارکاک زربتی اولدیغندن برینه دامادی
 بولنان و والوا خاندانک آنغولم شعبه سندن اولان برنجی فرانسوا
 جلوس ایلدی. بو صروده پاپا ایکنجی ژولده وفات ایلش
 و فقط املی تماماً حاصل اوله میوب اوستربالیر و اسویچره لیلر
 ایتالیا نیک شمالنده و اسپانیولر جنوبنده برلشمش قالمشردی فضله
 اوله رق معارف و صنایعی جابه یه رغبتی درجه سنده ده محاربه
 و فتوحاته هوسی اولان برنجی فرانسوا میلان فتحی هوسندن
 فارغ اولدیغندن ونیک ایله اتفاق و بوسایه ده شمالی ایتالیا ده کی
 اوستریا و اسپانیا قواسنی اهمیتدن اسقاط ایلدکدن صکره اوتوز
 بش بیگ نقری و شوالیه یایارکی نامدار امرایی حاوی براردو
 ایله ینه ایتالیا یه کچدی. و میلان دوقده سی ماقسیملیان سفورزایی
 مدافعده ایدن اسویچره لیلری طرفینک کوستردکاری شجاعتده مینی
 دیولر محاربه سی نامنی آلان ماریفیان هرکه سنده تارومار ایلدکدن
 صکره جلوسنک ایلک سنه سنده میلان دوقده لغنی یکیدن فتحه
 موفقیتله اکتساب شرف و شان ایلدی.

مارینیان محاربه سنک نتایج عظیمه سی اولوب اسویچره لیلر
فرانسه انقلاب کبیرینه قدر دوام ایدن بر معاهده موجبجه
فرانسه نك متفق خاصی مقامنه کچمشلر ومع مافیه کندیلرینه غلبه
ناقابل اولدیغنه دائر بین العوام جاری اولان افکارک بوشلغیده
میدانه چتمشدی . پاپالق مقامی ایسه فرانسوا ایله برقونقورداتو
عقد ایدرک مناصب روحانیه نك توجیهی خصوصنده بو قراله
حقوق عظیمه و برمشدی بو صورتله ۸۹۳ سنه سی فرانسه یه پک
مساعده بوجهله باشلامش و فرانسه نك موفقیت فوق العاده سی
هر طرفده انظار دقتی جلب ایلشدی فقط اوصره ده امور سیاسییه
زیروزر ایدن بعض احوال ظاهراً بیتش کی کورینان محاربه یی
قرق سنه ده اتمدید و فرانسه نك ساده فتوحات خارجه سی نکل
استقلال و تمامیت ملکیه سی بانه پک تملیکه لی بر صورتده تهدید ایلندی .

فرانسوا وېشنجي شارل

فرانسوا وشارل پيننده کي مناسبات. آلمانيا امپراطورلغي. بېشنجي شارل
برنجي محاربه . پاوي اسارتی. ايکنجي محاربه. رومانک بئما ابدلسی.
قامبره معاهدہسی. فرانسہنک دولت عثمانیہ ابله اتفاق. شارل کنتک تونس
و جزایره هجومي. اوچجي محاربه . درنجي محاربه. فرانسواڻک وفاتی .
ايکنجي هاتری. بېشنجي محاربه و شارلک استعفاسی. سوک محاربه. قاتوقامبره زی
معاهدہسی.

ایتالیان اجدیدلرک طردینی مقصد حیات ایدنمش اولان پایا
ايکنجي ژولک وجوده کتیردیکی اتفاقر سایه سنده فرانسز
اردولری شمالی ایتالیان طرد ایدیلرک قرال اون ايکنجي
لوتی مکدرأ ترک حیات المشسده فرانسہ تختنه شجاع و بهادر
و حریص فتوحات فرانسواڻک جلوسيله امور سیاسیه ینه بیوک
تبدله اوغراشدی. اقدیمجه کورلیدیکی اوزره فرانسوا خاندانک
میلان اوزرینه اولان حقوق سلطنتنی بهانه ایدرک ۱۸۹۳ (۵ ش)
سنده سنده ایتالیایه مرور ایدوب اووقته قدر هیچ بر محاربه ده
دوچار هزیمت اولدققری ایچون نامغلوب عدایدیلان اسویچره.
لیلری مارینیان محاربه سنده مغلوب ایلش و بونک نتیجه سی
اوله رق هم اسویچره لیلری فرانسہنک متفقلری میانه ادخال

ومیلان دوقه لغنیده ر سماء فرانسه یه الحاق و همده پایا ایله قونقور داتو
عقد ایدرک امور ره بایه جه امتیازات همه اکتساب ایتش
ایدی .

فرانسواک بوموقیاتی سنه سنده اسپانیاده ده مهم برتبدل
وقوع بوله رق قرال فریدیناند قاتولیکک و قایله حکومت حقیدی
شارله انتقال ایلشدی . شارل فریدیناند قاتولیکک و ایزابلک منفرد
کریمه لری اولان دیوانه ژانه ایله ایمپراطور ماقسیمیلیانک اوغلی
کوزل فلیپک محصول یکنانه از دو اجلری ایدی و بو نسبت عالیسی
حسبیه دنیانک الک کوزل حکومتی توارث ایلشدی . بیوک
پدر و والده سندن آراغون و قاستیلیه قرالقری ایله ناپولی قرالغی
و سبجلیا جزیره سی و پارم و مودن دوقه لقری و آمریقا و آفریقا
و آوسترالیا قطعه سنده کی مستملکات جسمیه به صاحب اولمش
و بیوک والده سی و بورغوندییه دوقه سی جسور شارلک کریمه سی
ماریدن منتقلاً دخی بورغوندییه نک فرانسه یه یکمیان پارچه لر ایله
بلچیقا و فلنک ایالتنی آلدیغی کبی فرانسه نک آلدیغی بورغوندییه
ایالاننده ادعای حکومت ایده بیلک حق و صلاحیتنه مالک
بولنمشدی . ایمپراطور ماقسیمیلیانک وفاتنده اوستریا مالکی دخی
کندیسنه انتقال ایده جکی محقق و ایمپراطور لغده ده انتخابی محتمل
ایدی . هنوز اون سکر یکریمی یاشنده بولنان شارل ابتدای
جلوسنده بعض خطا لر ایله اسپانیوللری دلکیر ایلش و بعض
عصیانر ظهورینی موجب اولمش ایسه ده آزمدت ظرفنده اداره

ایده جکی قومک عادات و اخلاقی او کرده نرک نشو شات داخلیه بی
 تسکینه موفقی اولمش و طبعاً غایت صفوق قانلی قورناز، دساس
 و ضعف وجودی نسبتنده مانت اخلاقی ده حازا اولغله من جهة
 الوراثه نائل اولدیغی قدرت عظیمه بی توسیع نفوذ و حکومتی
 یولنده صرف ایده جکی شهیدن وارسته بولتمشدی . بورغوندیبه
 ایله فرانسه آره نده کی مناسبات قدیمه به نظراً شارلک فرانسه به
 دشمن اولمش طبیعی و بودشمن متسدری هنوز مهد ظهورنده
 ایکن آنته لامغه چالشقی لزومی بدیهی ایکن فرانسوا اولا شارل
 ایله حسن آیریش جهتی ترجیح ایدرک حتی فردیناند قاتولیکک بد
 اغتصابنه یکن ناوار فرلانگک حقوق تصرفیه می مسلم اولان
 اولان آلبره نام فرانسز خاندانه تسلیمی شرطیله نوایون معا
 هده سنی بیله عقد ایلدی مع ما فیله شارلک اشبو تعهدینی اجرا
 ایلیه رک سوء نیت کوسترسی اوزرینه فرانسوا بعض نجماوز
 کارانه حرکاتده بولتمغه باشلابوب بوصره ده آلمانیا ایمپراطور لقی
 مقامنک منحل قالمی ایکی پرنس پلننده کی خصومتک ترایدینه
 سبب اولدی .

ماقسیدیلانک منحل قالان آلمانیا تاجده طالب بولانلر میانده
 الک ایلری کلنلری فرانسه قرالی ایله اسپانیا حکمداری ایدیله .
 منتخبلر ایسه هرایکی سنبده استمیورلردی زیرا فرانسونک کبر
 و عظمتی میل سفاهتی و دبدبه و ساطنتی آلمان زادگاننی کندیسندن
 تبرید ایلدیکی کی ربع مسکونک لا اقل ربعه مالک اولان و قور .

نازلگی و دسلسلغه علاوةً فلنکده تریه کوروش اولسی حسینله
 آلمان اخلاق و عاداته ده مراعات کوسر ماس سندن قورقیلان
 شارلده قلوب منخبینی جلب ایده بئیک مزیندن بعید ایدی . بو
 سببله منخبیلر هیئتی ساقسونیا قورفورستی عاقل فرددریکی ایپرا .
 طوراق مقامنه چیقارمق ایستمشلردی فقط فره دریق بو حیثیت
 جدیدی درعهده ایتک ایستیمه رک اراضی موروثه سی حسینله
 آلمانیایی عثمانیلره قارشو مدافعه ده جله دن زیاده وظیفه و علا .
 قه دار بولنان شارلک انخبانی توصیه ایلدیکندن اوروپاده چوق
 آدمک قورقدیغی بو انتخاب ماده سی وجود بولدی و شارلسان
 دورندبری امه لی کورلماش ردولت معظمه نک اساسی قورلدی .
 بشنجی شارل (شارل کنت) نامیله ایپراطور اولان شارل

بالاده بیان و تعداد اولنان مالک موروثه سندن بشقه بیوک پدیری
 ماقسیملیاندن ارثاً اوستریا و همیا مورایا و سبریا و قارینه و تیرویل
 قطعهرینی و انتخاب ملاسه سیله ده آلمانیا ایپراطور اغنی آلمش و بو
 صورتده روسیه و شرق مستئنا اوله رق اوروپانک تقریباً اویج
 ربعی بد حکومتنده اجتماع الکلکه فرانسوا پک مشکل موقعه ده
 قالمشدی . مع مافیله ایکی دولت رقیبه نک قوتلر بجه اولان تفاوت
 براسطیحی ایدی . اول امرده فرانسه نک نفوسی سطح اراضیسنه
 نسبتله اوروپا مالک ساره سندن زیاده اولدیغی کبی شارل کنتک
 شرق حدودنده عثمانیلر آلمانیا دروننده پروتستانلر اسپانیاده
 اسپانیول کبر و عظمت و سرکشایی و بحر سفیده عثمانلی قوای

بحریه سی کبی قوتلی دشمنی موجود واجناس مختلفه بی حاوی اولان ممالک و سیه سنده روابط اتحادیه مفقود ایدی . بوکا مقابل فرانسه یک جنس و یک مذهب قوی و نخبه قومی مختوی ایدی . بوسبیله شارل کنتک جلوسیه هابسه بورغ خاندانی ایله فرانسه آره سنده آچیلان و بشنجی شارلک و قاتندن صکره ده مدت مدیده نمتد اولان اولان بحاریه مختلف فاصله لره ۱۶۵۸ تاریخ میلادیسنه قدر دوام ایدرک یته فرانسه نك غلبه سیله نهایت بولشدر .

بونکله برابر اولاطالع حرب فرانسوایه مساعد کتیدرک بو جسور و فقط تدبیرسز حکمدار پاوی شهرنده محاصره ایله مشغول ایکن ایمراتورک قوا سنده مغلوب وه ناموسدن بشقه هر شیئی ضائب اولدی دیه ییله جک قدر مائثر قهرمانی ابرازندن صکره تسلیم سلاحه مجبور اولدیغندن میلان فاتحی اسیراً مایریده اعزام ایدلدی و اوراده شارل طرفندن برخیلی ذلت و حقارتیه دوچار اولدقدن صکره نهایت مضرب معاهده صلحیه امضاسیله اسارتدن قورتلوب مملکتته عودت و بیر نه لری پکر یکمز یته بحاریه ده دوامه اظهار نیت ایلدی . (۹۰۴)

فرانسوانک حین اسارتنده والده سی اوئیر دوساوا و اساطان سلیمان قانونی به بالمراجعه اوغلنه معاونت استرحامنده بولمش و اساساً شارل کنت دوات علیه نك دخی دشمن طبیه یسی اولوب اوستریا ممالککنده اداره ایدن برادری فردیناند بحارستانی دخی

ضبط الملك تصورنده اولديغندن و بچارستان ايسه دولت عثمانیه نك
داخل دائره نفوذی اولمق لازم كلان مالكدن بولديغندن بو
استرحامه نظر مساعده ايله باقمشدى .

بوصورتله فرانسه وسلطنت سديه بيننده تحدث ايدن حسن
مناسبات آزيرمدت صكره اتفاقم بديل اوله رق محاربه موجوده ده
قواى عثمانیه نك تاثيرى دخی حس اولتمغه باشلادی .

فرانسوا بورغونديه نك شارل كنده تركى كبی تعهداتنى ایفا
ایتيوب شارل كتنك بوتعهداتی اخطار ایلدینه مقابل بوغاز
طولوسى بالان مسوبلديكنی جواباً بیان و بوضعیف البنيه
واحتیاطلى رقیبى مبارزه منفردیه دعوت ایلدی اوزرینه ینه
محاربه تحدث ایلشدى . فقط بودفعه پاپا و ونديك و فلورانس
حكومتلى و سائر جله ایتالیا حكومات صغیره سی آلمانیا استیلامی
قورقوسندن فرانسه طرفنى طوندقلى كبی وفتيله فرانسوايه
كوجندهرك امپراطور شارل ايله اتفاق ایلش اولان انكلكتر قرالی
سكزنجی هازرى دخی فرانسوا نك اسارتی ائناسنده فرانسه مالكندن
شارل كنده اراضى ترك اولتماسى ایچون لوئیز و ساووا ايله
بومعاوده عقد ایلش و مؤخرأ اتفاق حامیسی صفتنى طقمشدى .
مع مافیه بومحاربه ده فرانسواينه بطئت كوستروب متفقله متحدأ
حر كنده قصور ایلدكلردن ینه غلبه امپراطور طرفنده قالدی .
فرانسسه اعظم زادكانى بقایا سندن اولوب وطننه اخانت ايله
شارلك معارن و متفقلى میاننه داخل اولان قونه تابل دو پوربون

رومانک جنبطی

فرانسه دن بعض برلرک ترکی حقنده کی تعهداتی اهلینک غیرت
و جیتندن طولانی ایضایه موفق اوله مامشسه دهه طولادیغی
عساکر معاونه ابله شارله چوق خدمتلا ایتشدی .

خصوصیله ژان فروندسبرغ نامنده برشوالدهنک اداره سنده
اوله رقی آلمانیان کلان اون بش بیک قدر پروتستان لانسکنه
عساکریله روما اوزرینه ایلدیکی شدتلی هجومده بوربون مقتول
اولدیسه ده شهرده بر ساعت ظرفنده قبح ایلدیکندن اوراده
هرول و واندالرک اجرا ایلدکاری تخریبات پروتستانلر طرفندن
وجوده کتیرلدی و صنایع نفیسه مقری اولان بوبلده عظیمه نک
تخریب و یغماسی طقوز آی دوام ایلدی .

بو وحشت عموم قاتولیکرک نظر نفرتنی جلب ایدوب شارنده
سکوت و عدم مداخله سیله ایتالیا به ویردیکی بودرس ابله قناعت
ایلدیکندن قابره معاهده سیله حربه ختام ویریلوب و ندیک
فتوحاتی ترک و شمالی و وسطی ایتالیا ده آلمان تابعیتی قبول ایلدی
و پاپا طرفندن شارله امپراطورلق تاجی ایلله ایتالیا دیر تاجی
کیدیرلدیکی کبی فرانسواده فلاندر و آرتوا قطع لرینک حقوق
حاکیتندن فراغت ایتدی و هر نقدر بورغونده قطعده می یته
فرانسه ده قالدی ایسه ده سائر خصوصاتده آلمانک غلبه کمله می
اوروپا ده وازنه دولیه بی التزام ایدنلری بیوک تلاش ایچنده
براقدی (۹۰۷) .

شارلک عجله عقد معاهده ایدرک موقعیاتی تزییده چاشماسی

پاپاژول ایتالیا ده اجنبی استیلا سندن اثر قلامسنى التزام ایلدیکندن و ندىك اختلافنى بولنه قودوقدن صکره فرانسزلرک ایتالیا دن دفعی چاره سنى دوشونمکه باشلادی و و ندىك حقنده اعلان ایلدیكى آفوروزى رفع ایدرک آلمانیا و اسپانیا و و ندىك و فلورانسه و سائره بی یعنی فرانسه نك برینه و ندىك قائم اولمق اوزره اسكى اتفاقدہ داخل اولان دولترک جله سنى وانکلتره قرالى سکرنجى هازرى بی دائره اتفاقدہ ادخال ايله فرانسه عليهنه سوق ایلدی .

پاپا ایکنجی ژولک تشو بقیله بودفعه فرانسه اوزرینه حاضرلنان هجوم بك شدتلى اولمقله برابر لوئی هم فرانسه بی و همده میلان قطعه سنى موقیتله مدافعه ایلش و پاپا ایله ده محاربه ایدرک پاپا علیهنه اولان محاربه نك رئیس روحانی به دکل رومانرنسى ایکنجی بولیوسه قارشى ایلدیكى و بناء علیه جائز اولدیغنه دائر فرانسه رهبانك قراریده کندیسنه مدار قوت اولمشدى فقط لوئی موقیتندن جرأت آلاق پاپانك اسقاطيله برینه دیگرينك نصبی ایچون طرفدارانندن مرکب اوله رق پیرا شهرنده بر مجلس روحانی طوبلامق خطا سنده بولندیغندن اختلافك امور مذهبيه به تعمیمی فرانسه حقنده فنا اولدی و پاپا در عقب پیرا مجلسی هیئتنى و فرانسه قرالنى آفوروز ایدرک و عموم قاتولیک دولترى و اسویچره طاغیلیرینى فرانسه علیهنه قالدیره رق شدتله احمای دشمنه چالشدیغندن نهایت الامر لوئی طالع حربه

بر مدت شارل کنت و فرانسوا آره سنده صلح و سلامت
 جاری اولدیغی حالده میره بل نامنده بر فرانسوا مأمور سیایسینک
 شارلک تشویق بیله میلان دو قه سی طرفندن حبس و قتلی بند آتش
 حربی اشغال ایدرک فرانسوا ایتالیا نیک آناختار لر ی مقامنده
 اولان ساووا دو قه لغنی وید مونه قطعہ سی فتح ایله میلان
 اوزرینه هجومه تصدی ایلدی . فقط نااهلار و خائیر النده بر اقدیغی
 نقاط مهمه دشمنه تسلیم اولمغله شارل کنت بالذات قوماندا
 ایلدیکی التمش بیک نفر لک بر اردو ایله فرانسه نیک جنوبه یعنی
 پروانس و لاینه کیردی و ایلاک دفعه اوله رق تمکین و احتیاطی
 اونودوب نیجه خیالات مهمه به دو شمش اولدیغی حالده کیردیکی
 مملکتک اهلایسی و فرانسه قوماندن لر ی طرفندن تخریب و چول
 حالنه قونلمدی اوزرینه رشیده موفق اوله میهرق عودته مجبور
 اولدی . فرانسوا ایله سلطان سلیمان قانونی بیننده منعقد ایلاک
 معاهده نیک مواد خفیه سی و جینجه ناپولی سواحلنده تعرض ایدن
 عثمانلی دولتاسنک موفقیاتیده ایتالیا ده فرق العاده نلاشی موجب
 اولمغله پایانک توسط بیله اون سنه مدتله نیک شهرنده عقد متارکه
 اولندی و هر طرف فتوحاتی محافظه ایلدیکندن ساووا قطعہ سی
 فرانسه ده قالدی . (۹۱۶) . بو اوجینی بحار به ایکی سنه
 سور مشدی .

بوندنصکره شارل و فرانسوا آره سنده بر مدت حسن مناسبات
 جاری اوله رق فرانسوا میلانک شارلک حسن رضاسیله ضبطی

تصور بینه دو شملکه پک بیوک خطیبات سیاسیه ده بولندی از جمله
فلنکده واقع غاند شهری اهلایی سی شارله قارشو عصیان ایدرک
فرانسیه به التحاقی استدا ایلدک لری حالده فرانسوادو لتجه اهمیتتی
درکار اولان بوموقع مهمی اصلا لزومی اومیان میلان فتحی
خلیاسنه فدا ایدرک غاند لیلرک تکلیفی شارله اخبار و بو عاصیلرک
تأدیبی ایچون عسکرینی فرانسه دن پکیر مسنه بیله مساعدده ایلدی
حالبوکه بو صروده هر شیئی و عدایدن شارل غاند عصیاننی تأدیبه
موفق اولدقدن صکره عودتده برو عدهده بولندیغنی در خاطر ایلدیکنی
و تحریری بر تعهدی و ارسه کوسرلمسی لزومی سویله رک فرانسوایی
ینه آلداتمش اولدیغندن در دنجی دفعه اوله رق محاربه ینه تحدرت
و ایکی سنه مدت (۹۲۰ - ۹۲۲) دوام ایلدی.

در دنجی محاربه ده انکلتزه قرالی سکرنجی هانزیده شارل ایله
اتفاق ایلدیکندن فرانسه اوروپانک قوای متحده سیله محاربه یه
مجبور اولمش و عثمانلی لردن بشقه بر متفق قلاما شدی . مع مافیه
فرانسولر پک بیوک بر غیرتله محاربه ایلدکلرندن و دولت علیه بر
طرفدن اوستریا ممالکینی تضییق ایلدیکی کبی آلمانیا ده پروتستانلر ده
ینه باش قالدیرمغه باشلادقلرندن شارل هر ایکی طرفکده فتوحاتنی
ترک ایلدی و فرانسه نك ساوواینی محافظه ایتمی شرطیله قره سبی
معاهده سنی عقد و امضایه رضا کوسرمدی و هانزیده ایکی میلیون
فرائق تضمینات اخذیله فرانسوایه بر اغندن چکیده رک بو مصالحه دن

برسنه صکره ده فرانسوا وفات ایلدیکندن اوغلی ایکنجی هازی
جالس تخت حکومت اولدی .

باشنجی شارل قره سبی . عاهده سیله فرانسوانک وفاتندن
وسلطان سلیمان قانونی ایله عقد ایلدیکی بش سنه لک متارکهدن
استفاده ایدرک آلمانیا پروتستانلرینه غلبه وعمومی دأره اطاعته
ادخال ائیش ویراره لقی اوروپانک حکم مقدراتی اولمشدی .
هابسبورغ خاندانک بو عظمت فوق العاده سندن فرانسه نفوذینک
تقدر متضرر اوله جغنی تقدیر ایدن ایکنجی هازی ایسه خفیاً
آلمان پروتستانلری رؤسائندن موريس دوساقس ایله اتفاق
واسویچره لیلر و دولت عثمانیه ایله اولان معاهداتی تجدید و پاپا
ییده بو ائتلافه الحاق ایدرک شارلک نشئه غالبیته پرمسرت
بولندیغی برزمانده بغنه میچ وتول ووردون قلاعی کبی رن
نهرینک آناختاری مٹابه سنده اولان اوچ مهم موقعی ضبط
ایلدی و پروتستانلرده تکرار قیام ایدوب شارلک اینسبورق
شهرنده اسیردوشمسنه رمق قالدیغندن اوتوزبش سنه لک مساعی
فوق العاده سنک ثمراتی برقاچ کون ایچنده محو وهبا اولدی .
شارل بوموقیت سزلکک آجیسنی چیقارمق اوزره قوه کلیده ایله
بالذات فرانسه اوزریند بورویوب میچ شهرینی محاصره ایلدیسه ده
موسمک عدم مساعده سندن طولانی عودته مجبور ورنفی محاربه .
سندده مغلوب اولدیغندن موقیتدن یأس کتیره رک فرانسرلر ایله
بش سنه مدته ووسل متارکھسی امضالیدی و آرتق امور اداره

و مشاغل دنیویہ دن فتور کثیرش اولمغله پروتستانلرله ده آوغسبورغ
صلحنامه سنی عقد ایلدکن صکره (۹۳۴) تاریخنده پروکسل
شهرنده رسماً ترک حکومت ایتدی و ممالک جسیه سندن اسپانیا
و مستملکایله ایتالیا و فلنک قطع لرینی اوغنی ایکنجی فلیپه و اوستریا
قطعایله آلمانیا امپراطور لغنی برادری فردینانده ترک و تبرع ایدرک
اسپانیاده سن پوست مناسترته اختیار ازوا و اوج سنه دها
اوراده امرار حیات ایلدی .

و وصل متارک می بش سنه ایچون عقد اولمنش سه ده انجق
بش آی دوام ایده بیلمدی . ایکنجی فلیپ اسپانیا و بلجیقا
و فلنک قطع لرینه مالک اولدیغی حالده انکاتره قرالچیه سی ماری
تودور ایله ازدواجی ایلروده فلنک و بلجیقانک انکاتره ایله برلشمی
حقنده ترتیباتی اتاج ایلش و بوندیک وجود بولمسیده فرانسه بی
مهالک عظیمیه ایله القا ایده چکی محقق بولنش اولمغله ایکنجی
هانری فلیپه لایقیله حکومنده برلشمکه میدان برافقمنزین محاربه بی
تجدیده قرار ویرمشدی . بو محاربه اسپانیا علیهنه اولمغله آلمانیا
بولدن خارج قالدی و پایا دردنجی بولده اسپانیولارک ایتالیا
برلشم لرینی عدم خشنودی ایله کورر غیرتلی بر اختیار اولمغله اوده
داخل اتفاق اولوب مچی شارله قارشو مدافعه ده اقتدار فوق
العاده سی کوریلان ولورن خاندانده منسوب اولان دوق دو کیزده
آنزو خاندانده اتسای حسیدیه ناپولی قرالغنی توجیهیله ایتالیا
اوزرینه سوق اولندی . محاربه اوج سنه قدر دوام ایدرک

دوق دو کیز مظفر آ نابولی حدودینه قدر واصل اولدیسده
 شمالی فرانسه ده اسپانیولر طرفندن محاصره و مشهور آمیرال
 قولینی طرفندن مدافعه ایدیلان سن کنتن موقعنک امدادینه کیدن بولک
 بر فرانسه زاردوسنک مغلوبیتی اوزرینه دوق دو کیز فرانسه به جلبنه
 احتیاج حاصل اوله رق ایتالیا ینه اسپانیولر استیلاسنه بکیدی .
 دوق دو کیز فرانسه به وصولنده یوزسنه محاربه سنک ختامندن
 بری ینه انکلتره النده قالان قاله شهر و لیماننی بفتح ضبط ایدرک
 اکتساب شهرت و سن کنتن مغلوبیتنک بدرجه به قدر آجیبستی
 چیقارمغه کسب موفقیت ایلدی ایسه ده فرانسه زار خراول
 موقعنده بردها مغلوب اولدقرندن ارتق مصالحه لزومی حس
 ایدیلرک (۹۳۷) تاریخنده قانوننامه برهزی معاهده سی عقد اولندی .
 بومصالحه موجبیجه هر طرف تصرفات قدیمه سنه رجوع ایدرک
 ایتالیا اسپانیاده قالدی و ساووا اراضیسی دوقه سنه اعاده اولندی .
 اسپانیا آلبره خاندانده اعاده سی ایجاب ایدن ناوار اراضیسنی حفظ
 ایدرک بور غوننده نك اقسامندن اولوب هر طرفی فرانسه زارا
 ضمیمه محاط بولنان شاروله قونتلغیده فیلیپه ترک ایلدی بوسورتله
 هابسبورغ خاندانی ینه اراضی قدیمه سنه و حتی فضله سنه مالک
 اولوب فضاها قوت و مکنتنه خلل بکیدی ایسه ده حقیقت
 حالده فرانسه تول و میخ ووردون و قاله کبی تمامیت ملکیه سنه
 و امر محافظه سنه ازم اولان برلری آلمش و اسپانیا ایسه انجیق
 تصرف و محافظه سی مشکل اراضی صاحبی بولنشیدی .

آلمانیا ایمپراطور لغنه کلنجه برآرهلوق بشجی شارلک اسکی ایمپرا-
 طورلق نفوذینی اعاده ایلمسندن جداً قورقلدیغنی حالده ایکنجی
 هازینک مداخلة عاقلانه سی و آوغسبورغ صلحنامه سنک عقدیله
 آلمانیا حکوماتک ایمپراطور لغه قارشو استقلالی محافظه ایلمش
 و فرانسه نك هابسبورغ لره غلبه سنک نشانه قطعیه سی بولنان
 و ستفالیه معاهده سنک اساسی بووقندن قورلمشدی . اسباب
 مشروحه یه مبنی ظاهراً هابسبورغ لره فائده لی کورینان انجام محاربه
 حقیقتاً فرانسه یه دها زیاده نافع ایلی . فرانسه ده محاربات مذ-
 هبیه ایله منافع ملیه نك اغراض تعصبکارانه یه فدا ایلمسی بو
 حالی برمدت ستر ایلدیسه ده مساعدات زمانه دن استفاده یه مقتدر
 آدملک رأس اداره یه و رودیله فرانسه نك متانت موقعیه سی
 و اتحادجنس و ملتله حائز اولدیغنی اقتدار تماماً میدان چقمشدر .
 اشبو محاربات طویله ترقیات مدنیه جه تأییردنده خالی قالمشدر .
 اقوام عدیده نك بربرلیله اختلاط و مناسبتده بولمسی سایه سنده
 هر برینک مکتسبات علمی و صناعیه سی دیکر لرینه ده نعم ایدرک
 از جمله ایٹالیانک ترقیات صناعیه و ادبیه سی آلمانیا و فرانسه یه
 داخل اولمش و مباحث آتیده ده بیان ایدیلان تبدلات مالیه
 و علمی و تحولات صناعیه و ادبیه ساده اقوام کاشفه و موجودیه
 انحصار ایلیوب عموم اوروپا عالمک مکتسباتی میانته قاتلمشدر .

{ فصل ثانی }

تبدلات معنویہ و کشفیات

۱

انتباه ادبیات و صنایع

انتباه علوم و ادبیاتک اسبابی. معارف یونانیہ آناری. سقولانیک ادبیاتک انقراضی. روپخلین. هومانستلر و اویسقورانتلر. هونتن و ارازم. آلمانیاده ادبیات ملیہ. اصول طبع و کونفرغ. اصول طبعک نائبرائی. فرانسد و ایتالیا. اخلاق عمومیہ. علوم. قورنیق. صنایع نفیسہ دکی ترقیات. ایتالیا دھات صنعتکارانی. معماری و رسم و ہیگلنر اشلق. موسیقی.

اشبو کتابک فصل اولندہ کوریلان اسباب و قوعات اورو۔ پایی قرون وسطیہ مخصوص احوال سیاسیہ دن بالکلیہ تبعد ایلدیکی کبی قرون جدیدہ ابتداسندہ ساحہ ظهورہ کلان بعض وقواتندہ افکار عامده یوک انقلاباتی موجب اولهرق غایتله مهم ترقیات معنویہ بی انتباج ایشدر۔ حکمای یونانیہ آنارینک اوروپایہ دخولی و قدیم مدینتئر حقندہ تدقیقات و تبعات اجراسی اشبو انقلابی ایجاب ایدن اسبابک اک برنجیلرندندر۔

قرون وسطیہ ده اوروپا مکاتبندہ اساس تدريس اولان کتابلر ارستطاليس آنارینک عربجه ترجمه لرندن اقتباس ایلدش

لاتیججه آثار اولوب امرتدریسک همان رهبان صنفده انحصاری
 و هر درلو تجربه نك شبهه لی نظرله کورلمسی و لسان علم اولوق
 اوزره قوللانیلان قبا و باربار برلاتیججه نك استهمالی خواصه
 مختص برمزیت فوق العاده عد ایدلمسی سبلرله افکار برداره
 آهین ایچنده محبوس ایدی. شرق ایمپراطورلغ نك دولت
 عثمانیه طرفدن تصنیقی صره سنده شرق و غرب کلیسارینی
 برلشدیرمک ایچون چالشلیدیغی ائنده ایتالیا یه کلان بیرانس
 علمای ارستطالیس آثار نك یونانجه اولان اصلرینی کتیره نك
 مکرر ترجمه لرده طبیعی الوقوع اولان خطاری تصحیح ایتدکری
 کبی سائر حکمای یونانیه آثار بده تبیع اولغغه باشلا دیغندن
 مدنیت قدیمه محصولات فکریه نك تبیعی ایچون بر میل عمومی
 حاصل اولدی. خصوصیه فلورانسده لوران مدیچی افلا.
 طونک آثارینی فیچین نامنده بر عالم واسطه سیله ایتالیا نجه ترجمه
 ایتدروب هم ارستطالیسک خواجه سی و همده سربستی افکاری
 جهتیه تلیذینه فائق اولان بو حکیمک مطالعه تألیفاتی ارستطالیسک
 شهرت قدیمه سنه و لایخطیلکی حقنده کی افکار جاریه یه زیاده
 خلل ایرات ایدرک بوسابه ده اسکندرک خواجه سی نامنه نشر
 ایدلمکده اولان نجه افکار باطله ده زوال بولدی و بر مدت
 جزیه ظرفنده افکار عامه یه و تدریساته استقلال کدرک قدیم
 سقولاستیک ادبیات نك انحطاطیه ادبیات و مسالک علمیه جدیده نك
 مقدماتی وضع ایدلدی.

قرون جدیدہ ابتدا سندنہ بر طرفدن قدیم لاتین مؤلفی آثاری
تدقیق و تتبع واسکی اثر لربنک نسخہ لری تحریر و تکثیر ایدلیدی
کبی یونان قدیم لسانی دخی بین العما مستعمل و تخصیلی مکاتب
عالیہ دہ مشروط اولش والسنتہ قدیمہ ایله مشتغل نیچہ علما
یتشوب از جملہ آلمانیالی ژان رومیخلمین ادبیات یونانیہ دہ و حتی
لسان عبرانیہ اولان مہارت و معلوماننی مرتبہ قسوا یہ ایصال ایلدی
مع مافیہ بعض اصحاب تعصب و خصوصیلہ رهبان طاقی و آلمانی
دار الفنون لرندن بمضیلربنک معلمی قدیم سقولاستیک علومنی
ترک ایلدکرندن علما آرسندنہ ایکی فرقه معارضہ پیدا اولدی .
مسلك قدیمی محافظہ ایدنلرہ خصلمری طرفندن او بسقورانت
(ارباب ظلمت) نامی ویرلیدی کبی ادبیات جدیدہ مروجرری
دخی هومانیسٹ (انسانیت طرفداری) نامیلہ تجیل ایدادی .
ایکی فرقه بیندہ طول مدت دوام ایدن مباحثات شدیدہ و حتی
معارضات فعلیہ اکثریتلہ افکار جدیدہ اصحابنک غلبہ لریلہ
نهایت بولمقدہ ایدی .

هومانیسٹلر ایچندنہ بالخاصہ ژان هوتن ایله اراسم پک
زیادہ شهرت قزانمشلردر . هوتن آلمانی شوالد لرندن اولوب
شبابندبری خانہ پدری ترک ایله سرسری طولاشمش و سرستی
افکار و مشاورندن طولابی اکثر سقالت ایچندنہ عمر کچیرشدی
کندیسی شاعر اولدیغندن آلمانجہ یازدیغی شعرلر دہ کلیسا اہلی
وسقولاستیک طرفدار لرینی فنا حالده تزیف ایلدی کبی کویا بر

اوبسقورانت طرفندان سقولاستیکی ترویج اچچون یازلمش اولوق
اوزره نشر ایلدیکی امضاسیز مکتوبلر بالخاصه جالب نظر دقت
اولمشدر. قبا و بوزوق بر لانیجه ایله یازلمش و ظاهر اوبسقورانت
افکارینی مروج کورنمش اولان بومکتوبلر اساساً پک قورنازجه
براستهزا ایکن اوبسقورانتلر وهله حیلله بی اکلامیهرق اشبو
مکتوبلرله تفاخره باشلامشدر و ایش اکلاشیلو بده خلقک
نظر استهزاسنه هدف اولدقدنصکره عقلاری باشلرینه کلشسه ده
قنا حالده ردیل اولمشردی. هوتن علناً پروتستان مذهبنیده
الترزم ایلمشدر.

فلنکده روتردام شهرنده تولد ایدرک عملیه اوروپانک هر
طرفنده شهرت باب اولان و ایلاک دفعه اولهرق انجیمیل شریفک
یونانجه نسخه سنی بعدالتصحیح طبع ایتدیرن ارازم طبعاً هر در او
تهلکهدن محترز و مجتنب اولدیغندن لوترک قاتولیک کلیسای
علیهنده سرد ایلدیکی افکاردن روی اعراض کوس-تره رک
پروتستانلری تعبیح ایلمشسه ده یازدیغی آتارک بجهلنده قاتولیک
کلیساسنک و اوبسقورانتلرک علیهنده بولتمشدر. ارازم مستهزی
طبیعتلی اولوب الوژ دولاقولی یعنی مدح جنت نامیله مشهور
اثرنده انسانلرک کولنج اولان حالرینی پک مکمل صورتده تعداد
و تصویر ایلمشدر.

قرون جدیده ابتدا سنده آلمانیا ده معارف یونانیه تدریساتی
خیلی ایرولدیکی کبی ادبیات ملیده بر جهتهجه چوق محصول

يتشدير مكدە ايدى حتى لاينز يقلى هانس ساقس كې عوام ناسدن
 يتشمش واون بيكرجه بيت-ويلش شاعرلده كورلمشدى . فقط
 مؤلفاتى قهوه شاعرلى آثارندن پكدە دكرلى اولميان بو شاعرلك
 آثارى اهميتدن عارى اولوب مع مافيه آثار جديده نك افكار
 عامديه بك يسوك تأثيرى اولمش و خصوصيه اصول طباعتك
 اختراع و انتشارى يكي واسكى مؤلفات نافع نك ايدى ناسده
 تداولنى زياده سيله تمهيل ايلديكندن آلمانيا و فرانسه و ايتاليا
 و انكلترده آچيلان مطبعه لرا انقلابات ذهنيه نك قوتلى واسطه لرى
 اولمشلدر . انسانلرجه اصول خطك و پاپيروس باراغى ، جيلان
 دريسى كې وسائلط تحريره نك و خصوصيه اپك و پاموق
 وكتساندن كاغذك استعمال و اعمالى معلوم اولسى بك چوق
 و قبايه بادي اولمش ايسده هله صنعت طباعتك تعمى نشر آثار
 ايچون انشلى نامشهور واسطه سريعه اولمشدر .

اشبو صنعتك موجدى بولنان ژان كوتبرغ ماينس شهرى
 زادكاندن ايكن مصائب حريديه اوغرا بارق دوچار قور
 اولديغندن استرازابورغ بلده سنه كيدرك اعزه كايسا رسملى
 باصتهلته تعيشه باشلامشدى اشبو رسملك آتته يازيلان اسملى
 و بعضاً برايكى سطرارق ترجمه حاللر نخته قابلر اوزرينه اوبولهرق
 رسمله برابر باصلملديغندن كوتبرغ صنعتنده ده ازياده پاره
 قازانه بيملك و بناء عليه اوزون شيلر طبع انلك ايچون حروفات
 منخرکه يامغنى قوروب خيلى اوغرا شدقندن صكره نخته دن حرفلر

یا بعد موفقی اولمشده مکمل مطبعه ترتیبه اقتصادار مالیسی
 کفایت ایلدیکندن مایانسیلی ساعتچی فائوست نامنده بر زنگین
 ایله اورناق اوله رقی مطبعه سنی کشاد انیش و ایلاک دفعه اوله رقی
 انجیل شریفک لاتیجه نسخه سی طبع اولمشدر . فقط فائوست
 موجود حقنده ناروا معامله ده بولنوب اسرار صنعتی او کزندکن
 صکره کوتبرغی قوغازق مرتیلدن شفر نامنده برسبیله عقد
 شرکت انیش و شفر حروفات متحرکه بی چلیکن اعماله باشلایارق
 صنعتی بزدرجه دها ایلویه کتورمشدر . مایانس اغنیاسندن
 برینک امانه سبیله کوتبرغ بر مستقل مطبعه آچمشده شهر
 اهالیسریستپوس آدولغه عصیان ایلدکارندن مومی الیه بستپوسک
 عسکری طرفندن شهرک محاصره و ضبط اولنسی اثاسنده
 کوتبرغک مطبعه سبیده یاغش و کندبسی اکثر موجودلر کی
 ایجادندن استفاده ایده مبرک و انسانلردن لایق اولدیغی مکلفاتی
 کوره مبرک سفیلانه ترک حیات اتمشدر .

طباعتک اختراعی تمام قرون جدیده ابتداسنده اولرب
 مایانسیک نخریندن صکره مرتیلر اوروپانک هر طرفنه طابعله رقی
 صنعتی نشر ایلدکارندن ربع عصر مدت ظرفنده آلمانیا و فرانسه
 وانگلتره و ایالیاده بیوک بیوک مطبعه لر آچلمش و مطبعه جیلرک
 استفاده سی مطبوعانک سورومنده اولدیغندن خواصه منحصر
 لاتیجه کتابلرک طبعندن ایسه هر کسک او قویوب اکلادیغی
 آثار ملیه نک طبعنه هوس ایلدیکندن آز وقتنده افکاره بیوک

بر انقلاب و هر کسه بر هوس تجدد کلهرک اوروپانک حالی
دکشمشدر .

فرانسه و ایتالیا ده بیلا دك اون اوج و اون دردنجی عصر رانده
باشلایان ادبیات ملیه قرون جدیدده دخی دوام ایدوب موجود
بوزلرجه مؤلفین و حکایه نویسندن فرانسه لی و غارغاتو آ و پانتا
غروئل نامنده کی حکایه مک محرری مشهور مودون راهبی رابله
ایله آثار حکیمانه سیله شهرت یاب موندنی فرانسیز نثرینی پک
ایلرو کتوردکلری کبی فرانسیز دو توده ایلاک دفعه اوله رق
لاتینجه بر تاریخ عمومی قله آلمش و ایتالیا ادب سندن آر پوست ایسه
رو لاندو فور بوزو نام اثری و آثار سار سنده ایتالیا فصاحتنی
بوقاسر دانتمل و پتارق لردن پکده اشاعنی قلمیان بر درجه به
وارد مشدر .

ادبیاتک بوز قیسی اثناسنده ساده بر جهت بیوک نقصان ارانه
ابدیوردیکه بوده اخلاق عمومی ابدی افکار دنییه زیاده سیله
زوال طاری اولوب بونک برینه قائم اوله جق قواعد اخلاقیه بی
اذهانه یرلشدره جک ندر بسانده مقود اولدیغندن ادبیات و صنایع
نفسیه به توغلاه اینجه لشان معاصرین غایت سفیهانه و حتی
بی ادبانه بر عمر سور مکد باشلامشدر و منفعت شخصییه حسی هر شیئه
تفرق ایدرک اخلاق نامی بیله اونودلشدر . تفرقه سیاسییدن
طولابی بو اخلاقسزاقی کز زیاده ایتالیا قطع سنده حکم فرما اولدیغندن
احوالی تومسیف ایدن صدای مقتدرده اورادن چیمش و فلورانسلی

ما کیاول پرنس نام شهزاد پرنس اونی بوشچی عصر میلادینک سوکنده یعنی دنیا بورجیا فالملیاسنک شناخت ورذالتترین کورد کدنصکره یازمشدر پرنسده سزار بورجیایی زمانک مکمل حکمداری کبی توصیف ایدرک هر کسی نو عمازیف ایدن ما کیاول ایتالیا ناک المشهور وطنپرورانندن اولوب مسقط رأسی اولان فلورانسه ناک مکمل تاریخچیده قلمه المشدر.

اشبو انتباه ادبیات و صنایع دورنده پک چوق دارالفنونلر آچماش و هیئت رهبانیده داخل اولدیغی حالده هرکس ترقیات مدنییه غیرتده اشتراک ایلشده طبیعی دهاچوق تدقیقات و معلوماته محتاج اولان علوم ادبیات درجه سنده ایلرو کیده مامش و انبجی علم تشریح و نباتات و گیانک بعض اساسی وضع ایدبله بیلشدر . علم هیئت ایسه حقیقته طوغری بریوک آدیم آتارق قریبتوف قولومبک آمریقایی کشتی کرویت ارضی ناقابل انکار صورنده میدانه قودبغی کبی اهلستانلی راهب قورنیقک شمسه ک بالکیز حرکت محوریه سی اولدیغی وسائر سیارات ایله برابر ارضک شمس اطرافنده محرک بولدیغی بیان و اثبات ایلشیده مقصد خلقت شو کوچوچک ارض اولدیغی کوستره ک افکاره بپوک انقلاب و برمشدر . اشبو حقیقته اقدیجه علمای انداس طرفندن کشف ایدلیدی قویاً محتمل اولوب ذاتاً آیات جلیله قرآنیده عالم شمس حقیقته صراحت حقیقیدی محتوی اولقله قورنیقک کشتی ذاتی اولماسی و عربلردن مقبوس بولشمسده ممکندر فقط کندیسنک

معلومات وسیعہ و تدقیقات کلیدی و نقصان و سائطہ نسبتاً
بک فوق العادہ نتایج و قواعدی کشفہ و موثقی و عدم تفاخری
ہر حالہ الہ مشہور علما میانندہ بر موقع مہم طوتمسنہ سبب
اولمشر.

میلادک اون بشجی عصری الہ زیادہ صنایع نفیسہ جہ
ترقیاتی موجب اولوب یونان قدیم و روما آثار صنایعہ سندن
اقتباس ہنر ایدلسی و بونلرہ اوستہ لئی صورتہ تقلید اولتمسی
انتباہ صنایع دورینی آچشمدر. قرون وسطی دہ ہمان مفقود
حکمنندہ اولان رسم و حکاکلک چوق ایلر و کیدوب اویمہ جیلق
و ہیکتر اشلق مرتبہ فصویاہ و ارمش و قرون وسطی بہ مخصوص
اولان غوتیک طرز معماریسی ترک اولنہرق قدیم یونان
ابنہسنہ قیاساً انتباہ صنایع دورینہ مخصوص رونہ سانس طرز
معماریسی احداث ایداشمدر. ایشتمہ بو دور ایتالیادہ
بوزلر جہ ارباب صنایعی و ہلہ ہنوز مثلاری کورنیمان الی حد
دہاتی یتشمدرمش و بونلرک آثار نادرہ لری انسانیتہ برسرمایہ
افتخار اولہرق قالمشدر.

ایتالیا صنعتکارانک شیخی دیمک اولان بیشل آنر (یکل آنجلو)
ہم معمار 'ہیکتر اش' 'حکاک' 'رسام' اویمہ جی و ہمدہ شاعر و موسیقی
شناس ایدی. رومادہ کی مشہور سن پیر کلیسا سنک رسمنی او
یاپمش و نیچہ تابلو و ہیکل و اویمہ و سائرہ نک صنایعی اولوب آنارندہ
علویت رشدت الہ تمیز ایشمدر. بیشل آنر لرقیبی رافائل ایسہ بندہ بولہ

ذوفنون بر آدم اولوب هر جهته دیکرینک صدی ایدی . میشل آنز
 حرو مستقل و عادتاً متعظم ، پرهیزکار و فضیلتند بر آدم اولوب
 طقسان یاشنده ترک حیات ایلشدی . رافائل ایسه کباره منتسب
 و عادتاً مداهن ، عیش و عشرت و صفا و سفاخته میال اولوب
 معیشت غیر منتظمه سی قرقنی بولدن ترک عالم فانی ایلسته سبب
 اولمشدی . میشل آنزک آئارنده کی شدت و عظمت و رافائلک
 آئارنده کی صفوت و لطافت شمدی به قدر هیچ کسه نیک اثرنده
 کورلمش دکلدرد . بو ایکی ذاتدن بشقه برنجی فرانسوا طرفندن
 فرانسه بده کتورلمش اولان مشهور لئوناردو وینچی و تیتیه دن
 و جورجیونه نام ذواتده معمارلق و رساملق و حکاکلک
 و هیکلتر اشلقده تفرد ایلدکلی کی رافائلک بر تابلوسنی سیر
 ایلدیکی صروده بنده رسام دیهرک رسم یاغنه باشلایان
 قوره چیوده تابلولرینک تاثیر دلقربی ایله اعظم صنعتکاران
 میانه کیرمشدر .

فرانسه قرلری ایتالیا صنعتکارانی جلب ایدرک فرانسه ده
 نیجه شاتورویکی طرز معماریده بنار یاپدردقزی کی فیلیپر
 دولورم و سائر کی فرانسه مارلری فونتنبلو و تویرلی سربلرینی
 بنا ایتشلر و فرانسه ده قلود لورن کی مشهور رساملر یقشمشدر
 ترقیات صنایعده نیک مرکزی ایتالیا اولوب اورادن هر طرفه نقا-
 نسپر سنک یاغنه باشلامش و چلیک قالب ایله رسم طبعنک ایجادی
 مطبوعه جیلنک برجهت مهمنی احیا ایلدیکی کی لاپالستر بنا نام

ذاتک ترتیب ایلدیکی آهنگلی کلیمسا دیماری و آلات موسیقییه دن
کاتک ایجادی ده موسیقییه بدور جدید ترقی آچمشدر.

{تبدلات مالیه و کشفیات جدیده}

سیرسفاتک ترقیبی. ایلک کشفیات. واسقودوغاما. بورتکیر مستملکاتی.
آبوکرک. قریستون فولومب. آمریکا کشنی. قولومبک عاقبتی. ماجلان
و کشفیات سائره. فورنز و مکسیقا قعی. فورنزک عاقبتی. بیرارو و آلماغرو.
پرووشیلی قعی. شمالی آمریکا کشفیاتی. اسپانیا مستملکاتی. صورت اداره
اسارت ذنجیه. کشفیات جدیدنک تأثیراتی. بین الملل تجارتک نوسعی.
ثروت منقوله.

قرون وسطی دورینک احوال میره سندن بریده اقوام آره سنده
روابط و مناسبات تجاریه نك قدانی ایدی و ندیک جمهورینک
شرق ایله و بالواسطه هندستان جهاتیله تجارتی استئنا ایلدیکی
حالده اوروپا لیرک قطعات سائره ایله مناسبات تجاریه سی اولدیغی
کبی اوروپا داخلنده بیله بین الملل بر تجارت تأسس ایده مامش
ودره نك طاقنک فضولی صورتده وضع ایلدکری انواع تکالیف
و مالک اولدقری حقوق اعتسافکارانه تجارتک ترقیسنه پک
یوک مانعدر تشکیل ایدر اولمشدی. تجارت بحریه ایسه

پوصلہ نیک معلوم اولماسنه و بحارده قورصان طائفه سنک کثرت فوق العاده سنه مبنی هنوز پک حال بدایتده اولوب اوروپا سیر سفائی بحر سفید ایله سائر شمال وغربک داخلی و ساحلی دکز۔ لرینه منحصر قالمقده و بحر محیطه آچلق شویله طورسون احوال عثمانک دهشتی حقنقه ارباب جهالت و تعصبک نشر ایلدیکی افکار ایله مسافات بعیده نیک یالکز تصوری بیله هر کسک توپلرینی اورپرتمکده ایدی .

قرون وسطی ده کمچیلک بعض اقوام شمالیه ایله وندیکیلره وایتالیانک بعض لیمانلری سکنه سنه مخصوص برصنعت متمازه اولمشدی شرقک تجارقی دردنجی اهل صلیبدن صکره وندیکه انتقال ایدوب نورمانلرک تأسیسلرندن صکره اقوام شمالیه نیک سیرسفائینده بیوجک صندالرله آچیغه چیقهرق بالقجیلق ایتمکدن عبارت قالمشدی . مع مافیله بو جسور بالقجیلر مفقودیت و سائطه نسبتله محیرالعقول عد ایدیله جک کشفیاته نائل اوله رق ایزلانده اطه سنی بیله کشف ایلشله و حتی ایچلرنده صولرک آفندیسنه وروزکارک سوقنه قاپیله رق شمالی آمریقانک لابرادور ساحلنی وغروئیلاند قطعہ جسمیه سی سواحلنی اوزاقدن کورنلرده بولتمشدی . قرون وسطی نهایتده آراغون و قاستیلیه دولتلرنک توسعیله اندلس طرفندن طریق فتوحاتلرینه سد چکیلان پور۔ تکیزلیرده فاس طرفنده اراضی اکتسابنه هوس ایدهرک قوه بحریه ترتیبنه لزوم کوره شله و بو اساس کسب مکملیت ایدرک

بالادہ کورلدیکی وجہلہ پورٹکیز قرالی برنجی ژانک اوغلی
 ملاح ہازینک ۷۹۷ سنہ سنندہ بدأ ایلدیک قرق
 سنہ لک سیاحتلبلہ مادر آتور قناریہ ویشیل برون اطہلری
 وسنغامیبیایہ قدر سواحل کشف ایدیلہ رک وارضی مذکورہ زرع
 واسکان اولنہ رقی پورٹکیز مستملکات عظیمہ سنک بدایتی
 کورلمشدی . بوسرہ زردہ سیر سفانک روحی دیمک اولان
 بوصلہ دہ عربلر واسطہ سیلہ اوروبادہ مرئی و مستعمل اولہ رقی
 وینہ معارف اسلامیہ نیک یادکاری بولنان کتب وخرائط جغرافیہ دہ
 افکارہ اتساع ویرہ رک اسپانیول وپورٹکیزلیار اسفار بعیدہ یہ
 ہوس ایلدکلرندن نیچہ کشفیات مہمہ میسر اولدی وقرون
 جدیدہ ابتدا سنندہ پورٹکیز قومدانلرندن بارتلی دیاز امید برونتہ
 قدر آفریقا سواحل غریبہ سنی طولاشہ بیلدی .

بارتلی دیاز بو برونتہ فورطنہ لر برونی نامنی ویرمشکن
 اوراسنک ہندستان طریق اولدیغنی تخمین ایدن قرال ژان
 بواسمی امید برونی نامنہ تحویل ایلشدی . حقیقت بو تخمین
 طوغری اولوب ژانک خلقی بختیار امانوئلک زمان سلطنتندہ
 دوت کمی ایلہ یولہ چیقان (۸۷۵) مشہور واسقودوغاما امید
 برونتہ وصولدن صکرہ اوراسنیدہ پکدرک موزامبیق قطعہ سنہ
 قدر واردی واورادہ کی مسلمان عربلر دن آلدیغی رہبر لرباہ سنندہ
 یکرچی ایکی کوندہ دہ بحر عمانی قطع ایدرک سیاحتنک سنہ سی
 نہایتندہ ہند غریبہ قالیکوت لیاننہ مواصلت ایلدی . بو مہم

کشف سایه سنده پور تکیر لیلر هنده طوغریدن طوغری به کیدوب
اجرای تجارت انک طریقنی بولشله وارنق و ندیکایله عرب
تاجرلرک امتیاز قدیمی کلیاً رخنه دار اولمشدی .

واسقودوناما ایلك سفرنده طبیعی فتح ممالکک تشبث
ایده مامشسه ده مؤخرأ مأذونیت مطلقه ایله ممالک جدیده نك
والیسی تعیین اولندیغندن دفعه اتله و بیوک دونتارله هندستان
سواحلینی و سائر محالی طولاشه رق و دیگر پور تکیرنی قیودانلرده
هربری برجهته سفر ایدرک آزوقنده پور تکیر دولتنگ مستملکاتی
افریقای غربی اطلرله سنغامبیا و کینه و قونغو سواحلینی و امید
برونی و موزامبیق و سومال ساحلیله جزیره العربیه بحرین
جهتنی و هندستانک مالابار و قورماندل ساحلرله هندچینیده
سنغاپور حوالیسنی و مازیا جزائرندن اکثر بسنی و مولوق اطلرندن
برقسنی شتمل بولندی و خلاصه عموم حوالی شرقیه پور تکیرک
داخل دائرة نفوذی عداولندی .

پور تکیر دولتنگ اشبوستملکات جسمیه سی طوغریدن طوغری
اداره اولنور ممالکی تجارت شعبه لرینی و خراجگذار برلی حکومانی
محتوی اولوب جمله سی بروالی عمومی نك اداره سنه مودوع
ایدی . بووالیلر میانده بعضاً پک غیور آدملر بولنوب از جمله
«بیوک» و «پور تکیر ماریسی» لقبرله عظمت افکاری تقدیر اولنان
آبو کرک بریم و سقو طره اطلرله عدن طرفلرینی ضبط ایدرک
حجاز و مصری تهید انیش و سلطان سلیمان قانونی نك سیدی

پورتکیز مستملکاتی

رئیس قومانداننده اوله رقی منافع اسلامیه بی لاجل المدافعه هند
 صولرینه کوندر دیک عثمانلی دونماسیده آلبوکرکه قارشو جدی
 بر موقیته نائل اوله مامشدی . آلبوکرکه سودان ونوبیه سفر
 ایدوب نیلک صوبینی بر قنال حفریله بحر احمره آفتق واسلامک
 الک معمور مملکتی اولان مصری چول حالته قومق کبی پیسوک
 تصورلده بولندیغی صرهدده عظمت و قدرتی چکمه میان ارباب
 حسدک افترا رینه اوغرا یوب منکوباً لیر بونه جلب ایدلدی
 وواسه تودوغاما کبی بو مقتدر والیده خدمات مهمه سنه رغماً
 سفالت ایچنده ترک حیات ایدلدی .

پورتکیز دولتی بخت مساعده مقتضای اوله رقی قزاندیغی
 مستملکاتی حسن اناره یه موفق اوله مدی معمریت عامه بی
 موجب اولان سرستی تجارت یرینه انحصار اصولیله تزید
 واردات دولت اصول پر مضرتی قبول ایدلهرک الک کارلی مواد
 تجاریه نیک بیع و شرایی دولته و مستملکاته کیدوب کلک امتیازی
 دولت سفالنه حصر ایدلهرک والیرک دخی تفرد انظاملری ایچون
 صبق صبق تبدیل ومدت محدودده ایله تعیین ایدلملری قاعده
 ایدلدی بو حالده خدمتنده عدم بقاسندن امین اولان مأمورین
 آزو قنده کیسه ترو تریبی طولدیر مق ایچون هر در او سوء استعمالات
 وار تکاب وار تشایه انهماک ایلدکارندن سوء اداره صولک درجه یه
 واروب بو مستملکاتندن قسم اعظمک مؤخرأ فلنک لیرله انکلیرلر
 اندکچمسنی موجب اولان انقلاباته کوزل بر زمین حاضرلندی .

پورتکیر قبودانلریک همترله آفریقا و هند و اوسترالیا
 قطعاته قدر واریلهرق یکی تجارت قبولی آچیلدیغی صرده
 جنوهلی قریستوف قولومبده عالم معلومه بر عالم دیگر علاوه
 ایشدی. اون درت یاشنده کمچیلکه سالک اولان قریستوف
 قولومب پورتکیرلی مشهور بر قبودان اولان قان پدربنک مترو-
 کاتدن بولنان خریطه لر و کتب جغرافیهدنک مطالعه سیله ارضک
 کرویتنه قائل اولمش و قطعات ثلثیه نصف کره غریبه توازن
 حصولی ایچون هندستانک حد حاضرندن زیاده شرقه طوغری
 اوزادییغی ظن اولندیغندن دائما غربه کیدرک هندستانه وارمق
 تصویرینه دویشدی قولومب بونص-ورینی اولا وطنی اولان
 جنوه حکومتنه اشعار ایلدیسهده جنوه سناتوسی طرفندن تکلیفی
 استهزا ایله رد اولندیغندن پورتکیر قرالی التیمی ژانه و برادری
 واسطه سیله انکلتره قرالی بدیجی هانری به مراجعت ایدوب
 انلر دنده معاونت و افکارینه مشارکت کورمکه موفق اوله مدیغندن
 اسپانیا حکمداری فردیناند قاتولیک و ایزابلایه مراجعته مجبور
 اولدی. قولومبک نصف کره دیگره کتمک نصوری عقلای
 زمانیه یک تحف کورینوب مادامکه ارض کرویدر اوراده باش
 اشانغی نصل طوره جقسک؟ یاخود دکز یوقوشنی نصل چیقما-
 جقسک؟ کبی اجتنانه و جاهلانه اعتراضلره استدناسی سنه لجه
 سورنجهده قالدقدنصره یوان پرز نامنده بردراتلی پاپاسک
 مداخله سیله قولومبک اصابت افکاری ایزابلایه ایضاح

قولومبک سیاحتلری

ایدلدیکندن غرناطه نك ضبطنی متعاقب کندیسنه اوج سفینه
ویرلدی و حکمداران مشارالیه حاکم بحر محیط نامنی حازا اولمربله
قولومبده بیوک آمیرالقی و کشف ایده جنکی بالجمله ممالکک خدیولکی
منصب و عنوانی توجیه ایدیلرک اشبو کوچک مفرزه بحریه
۸۷۰ سنه هجریه سنده ممالکک مجهوله کشفنه حازم اولدی .

قولومب اولا جنوبه طوغری حرکتله قناریه اطهرینه
مواصلتدن صکره غربه صاپمشدی . اوج هفته متصل غربه
کیدلدیکی حالده دکزدن بشقه برشی کورلیوب دهانه قدر
کیدیلرک چکیده معلوم اولدیغندن طائفه نك قوماندانلرینی عودته
اجبار ایچون وقوع بولان عصیانلری انجق قولومبک متانت
و عظمتی سایه سنده دفع ایدیلرک بیلکده و قریه یقین بولندیغنی
حقنده حاصل اولان امیدلرده بک چاپوق بوشه حقیقه ایدی
بوصورتله یوله دوام اولتمقده ایکن افرنجی کانون اولک اون
برنجی کیچه سنده پنتا سفینه سی طائفه سنندن بری یقینده قره
کوردیکنی تبشیر ایدوب حقیقتاً ایرتسی صباح لوقایاویا باهاما
جزائر مجتمعه سنندن غواناهانی اطه سنه مواصلت ایدلدیکه ایوم
جزیره مذکوریه سان سالوادور نامی ویرلمکده در .

قولومب حالا هندستانک ساحل شرقیسنده اولدیغنی ظننده
ایدی و وفاتنه قدر کشف ایدیلکی محارک برقطعه جسمه اولدیغنی
اکلامه رقی طریق دیگرله هندستانه وارمش اولق ظننده بولندی
و آره صره اسپانیاه عودت ایدرک درت دفعه آمر بقایه کلوب

بوسیا حترندہ آنتیل دکزندہ کی اطہلرک جہلہ سنی کشف ایدرک
قولو مبیادہ اورہ نوق نہرینک منصلبرینہ قدر واردی . ققطارباب
غرض وحسدک ارقہ سندن چوردکری انتریقہ لر بویوک کاشفک
عالم مدینتہ دہا نیچہ خدمتہ بولتسنہ مانع اولہرق اسپانیادہ
قولومبک علیہندہ نیچہ مفتریاتدہ بولنلدیغندن کندیبسی متہاؤزنجیر
بند اولہرق لاجل المحاکمہ مادریدہ جلب ایدیلوب عدم تہمتی
تحقق ایلککہ برابرینہ مأموریتسنہ اعادہ ایدلدی واسپانیایہ بر
یوک دنیا قزاندومش وانسانیتہ وطنک نصف دیکرینی کوسترمش
اولان بوغیرتکارده انسانلرک نازکور لغنہ نکران اولہرق سفالت
وقر ایچندہ ترک حیات ایدلی . بوآدمک خدمتی اووقت او قدر
آز مظهر شکران اولدیکہ جہلہ دن اول قدمزن اولدیغنی قطعہ
جسیہ نامی بیلہ ویرابوب الک اول اورالک احوالہ و آیری
برقطعہ اولدیغنہ دائر معلومات و سیاحتنامہ نشر ایدن آمریغو
وسپوچی نام فلورانسہ لی عالمک نامی بوکا ترجیح ایدیلہرک قطعہ
جدیدہ بہ آمریکا نامی ویرلدی .

آنتیل اطہلری کاملاً اسپانیایہ الخاق اولندقدن صکرہ ۸۹۱
سنہ سندہ اسپانیول بالبوآپانا ما قانانی کچہرک ببحر محیط معتدل ساحلنہ
واصل اولوب سندہ قلیج دکزہ کیرہرک ببحر مذکور ری رجماً
اسپانیا قرالک ملکلی اعلان ایدلیکی کبی اویج سنہ صکرہ دہ
خریالوا مکسیقا سواحلنی کشف ایدوب ایرتسی سنہ دہ قورنز
قطعہ مذکورہ نک ضبطنہ تشبث ایدلی .

آنتیل اطهری بریلرینک روایتلرندن ده مکسیقا قطعه سنک
 ثروت و معموریتی و برمدنیت عظیمه به مقر اولدیغی اکلاشلدیغندن
 قویا والیسی و لاسکهز معیتی ضابطانندن فرزندو قورتزی معیت
 جزویه ایله او طرفلرک تحقیق احوالنه مأمور ایش و قورتزی ایسه
 مکسیقاده و راقروز لیماننه چیقدیغی صره ده کیلرنی باقوب عسکرینه
 فتح و ماندن بشته طریق نجات اولدیغنی کوستر دکن و او را
 اهالی سنک اصلاکور مدکاری آلات ناریه سی و بار کیرلی و سواری
 قوتی سایه سنده اوراده کی تالاسقا جمهوریتنی تحت اطاعته لدقن
 صکره طوغری مکسیکو شهری اوزرینه بورومشدی . مکسیکو
 شهری او وقت اوچبوز بیکی متجاوز نفوسی محسوی و برکول
 اورته سنده وغایت مستحکم اولوب حرباً ضبطی مشکل ایسه ده
 قورتزی شهره دوست صفتله داخل اولدقن صکره بغته سرای
 حکمداری بی باصارق حکمدار مونته زومایی امپراطور بشنجی
 شارلک رعیتنی قبوله ارضا ایلدی . و لاسکهز ایسه قورتزک بو
 موقتندن اورک رک مومی الیهی عاصی عد ایله اوزرینه عسکر
 سوق ایلدیکندن قورتز مکسیکو شهرنده براز عسکر باقارق
 و لاسکهزک کوندردیکی قوت اوزرینه بوروبوب آنی تارومار
 ایلدکن صکره عودت ایتدیسه ده عودتنده احوالی زیاده سیله
 دکشمش بولدی .

شویله که مکسیقوده اهالی طرفندن برقیام وقوع بولوب
 مونته زوماده انفصال ایدرک رینه آفریاسندن غواته موزین چیقما

رلمشدی . فقط قورترک او تومبا موقوعنده قزاندیغی غلبه کامله شهرک تکرار فتحنی تسهیل ایلدیکندن بودفعه حکمدار وو کلاسی و یوزلجه معتبران و اشراف مملکت قزغین آتشدن کباب ایدلک صورتیله اتلاف و بیکلرجه نفوس محو و قتل ایدیلرک قالیفورنیایه قدر بتون مکسیقا قطعدهسی تماماً اسپانیایه الحاق ایدلدی و هنوز اصل و اساسی لایقیله معلوم اولمیان آرتنهک قومی مدنیت مهمهسی آتاریده آز وقتده متکبر و مرتعسز اسپانیولرک ظلم و غدرلرینه قربان اولدی . قورتر اول امرده فتح ایلدیگی ممالکک والیسی اولدیسهده صکره ارباب حسدک مفتریانی اونیده قولومب کپی دوچار مصائب ایدرک منہماً اسپانیایه جلب اولندی و اوراده مدت مدیده اثبات برائت ایچون حکمدارک یوزینی کورمکه ییله موفق اوله میدرق نهایت شارل کنتک آلابه کچدیگی صروده عربده سنه طوغری آتلمسه و شارلک « بو حریف کیم ؟ » سؤالنه جواباً پدربیکرک براقدیغی شهرلردن زیاده سنه حکومتلر بخش ایلش بر آدم « یولنده آچی سوزلر سونلکه متجمامر اولغله بسبتون نظر اعتباردن ساقط اولوب مایوساً ترک حیات ایلدی .

بو اثناده ایلک دور عالم سیاحتیده اجرا ایلدیکده ایدی عن اصل پورتکیرلی اولوب اسپانیا دولتی خدمتنده بولنان ماجملان نام قیودان ۷۹۸ سنه هجریه شمسیه سنده اسپانیان حرکتله جنوبی آمریقادا ارض النار ایله قطعه بیننده کی بوغازی کشف ایدرک بچر محیط معتدله داخل و بر سنه بی متجاوز مدت مرورنده فلیپین

اطه لرینسه داخل اوله رق اوراده برلیسلره بر معرکده وفات
 ایلدیسده معاونی دل قانو سیاحتده دوام ایدرک براز صکره
 مولوق اطه لرندن بکدور جزیره سنده اسپانیولر ایله پورتکیزلیله
 کمال تعجب ایله قارشولشدیلر. برطاقی دائما شرقه وبرطاقی
 دائما غربه کیدن بویکی طاقه نك عینی نقطه ده برلشملی ارضك
 کروی اولدیغنی فعلاً اثبات ایللمکده ایدی. دل قانو ایدرون
 طریقله اسپانییه عودت ایدوب بودور عالم سیاحتی اوج سندن
 براز زیاده برمدته اجرا ایدلمش اولدی. دور کشفیاتک ابتدا سنده
 پاپا التنجی ملکساندر آسوراطه لرینک ایکوز یتیم میل غربنده
 برخط فرض ایدرک بونک شرقده کشف ایدیله چک برلری پور.
 تکیزه و غربده کی برلری اسپانییه تخصیص ایلش وبو خطه مارقا.
 سیون نامی ویرلمدی. شمسی کروی ارضك تحقیقه ابحار
 محیطده ایکی دولت منافعک چارشمسی بدیی بولندیغندن
 مولوق اطه لرینک شرقده ده مارقا سیون نامیله برخط ده فرض
 ایدیلرک انک غربی پورتکیزلیله و شرقی اسپانیولره تملیک
 قلمغله ایکی ملت کشفه ییننده حدود موقت و وضعنه موقیت
 حاصل اولدی.

اسپانیولر بر طرفدن بحر محیطی کشت و کنار ایلدکلی
 سرده بر طرفدن ده اتون حرصیله آمریقایه طولش بولنان اسپانیا
 سرریلری جنوبی آمریقا نك فتحی اکیل ایللمکده ایدیلر.
 آمریقا ده مبدولیتی اوروپا لیرجه سبب حرص و طمع اولان

ذی قیمت معادنک پروده پک چوق اولدیغی برلیبرک افاده سندن
اکلاشلهغله پیرارو و الماغرو نامیله ایکی سرسری باشلرینه
طوبلادقلمی عونله لبله اورانک فخنه عزم ایلشردی . پروده انقا
نامنده و کونش اولادی اولق ادعا سنده بولسان برسلاله
سلطنت حکومت ایلکده ایدی بونلرک ملکی ذی قیمت معادنک
چوقلمی و خلقت سعادت و رفاهی جهتیه مکسیقا قطع سنده
فائق ایدی فضلله اوله رق پرو اهلایسنک مکسیقالیلر
قدرده مزیات عسکریه لری اولدیغندن اورالرک فقی
قورتزک فخر حاتنه نسبتله آسان ایدی . حقیقتاً پیرارو
همده بلا محاربه مظفر آرونک پایتخنه قدر دخول ابله حکمداری
اولا حبس و اعدام ودها بیچارگان اتلاف ایلدکن
بشقه جهات مذکورہ بی اسپانیا نامنه ضبط ابله لیمیا شہرینی
تأسیس و اجرای حکومتہ مباشرت ایلدی و رفیق الماغرو ایسه
شیلی حوالیشنی ید ضبطنه پکیردی . فقط بو سرسریرلر یکننده
محاربه ظهوریده بککمیبوب پیرارونک انداسیردوشن الماغرو
مقتول و پیرارونک اسپانیادن کلان برادرلرینک دخی التحاقبله
انواع مصائب مشہود اولوب فاتحلرک جہلہ سی برر برر اذالہ
اولندقدن صکرہ حوالی مذکورہ اسپانیا حکومتی طرفندن بالتسکین
ادارہ منتظمہ التہ آلدی و بو تہ نوز آبرہس شہرینک تأسیسی ابله لاپلاتا
نہری منصبلرینہ قدر ادارہ جدیدہ حکومتہ سرفروایتلرک برقلمدی .
بو صورتلہ اسپانیولر جنوبی آمریکا قسم غربی سبیلہ مکسیقا

ووسطى آمرىقايى استيلا ايلدكلى كى پورتكىر ليلر ده براز بيليا
 قطعده جسيمه سنى الده ايتش لردى . مؤخرأ آمرىقانىك وساړ مستملكات
 عظيمه نك تصرفى ايچون غايت بيوك منازعاده بوانه جق اولان
 ايكي ملتده بوسره لرده شمالي آمرىقاده باش كوستر مشلر ديكه
 بونلرده فرانسه وانكلير ملتلى ايدى . ونديك قبودانلردن
 اولوب انكلتره قالى سكرنجى هازينك خدمتده بولسان ژان
 قابوت ارض جديد جزيره سنى كشف ايدوب اوغلى سباستين
 قابوت دجى هودسون كور فزى جهتلىنى كشف ايلدى . فلورانسلى
 ورازونى جزيره مذكوره يى فرانسه حكومتده رسماً الحاق
 ايلدىكى كى فرانسه قبودانلردن ژان قارتيه دسخ قنادا قطعده سنى
 كشف ايدوب شمالي آمرىقاده فرانسه مستملكاتك اساسى قورلدى .
 فرانسه وانكلتره مستملكاتك كسب اهميت ائلمى اون
 برنجى عصر هجرى نهايتلر نده ايلك كشفياتى اجرا بوندى استفاده
 ايدنر اسپانيولر و پورتكىر ليلر اولمشدى . پورتكىر ليلر ك مستملكات
 عظيمه سى بالاده كورلدىكى كى اسپانيوللرده آنتيل اطه لريله
 مكسيقا پرووشيلي و قطعات ساړده جسيم ولايتلر تشكيل ايلديلر
 وآز وقتده زنگين اولق اميديله نيجه سر سريلر ولايات جديده يه
 هجرت ايتكله اورالى رلى قبائل ايله وديانك السمرت طبيعتلى
 و سر كشيكله مبال آدملىر عدا اولنان صنوف مختلطه ايله مسكون
 بولدى .

سربستى* تجارت قاعده سنك محسمانى هنوز معلوم اوليوب

وطن مرکزی منافعه اوله رق مستملکاتی صومیق حکمت حکومت
 ایجادتندن عد اولندیفندن آمریکا مستملکاتک اسپانیاده چیقان
 محصولاتدن هیچ برینی بئشدره مامسی و اسپانیادن بشقه بر مملکتله
 تجارت ایدمه مامسی و نقلیاتک مطلقا دولت سفائی واسطه سیله اجراسی
 کبی اصول مضره ایله مهموریت ممالک و رفاه اهالی نیجه موانع
 البته آلدی . بوتقییدات اداره ایشلرینده تطبیق اولنوب بالجه
 مأموریتلر اسپانیادن کلان آدملره تخصیص ایدلمکله خالص قانلی
 اسپانیوللر بر صنف ممتاز کبی قالب بوندن صکره مملکتده طوغش
 اسپانیوللر (قره اوللر) ویرلی اجناس ایله اختلاط ایدن ملزلر
 وخرستیان اولمش یرلیرله هنوز مذهب قدیمینی محافظه ایدن
 یرلیر طبقه طبقه و برلرندن اهمیت سز لکلری نسبتنده اساسلی
 واذالسه سی ناقابل خصومت و رقابتلرله آیرلش صنوف اهالی تشکیل
 ایلدی .

اسپانیامالک جدیده سنده جله اقسام صنایعدن اول معدنچیلکله
 اهمیت و یریلوب یرلی اهالی عادتاً اسرا کبی معدنلرده استخدام
 ایدلمکله و بونلر حقنده انواع اذا و جفا لایق کورلمکله باشلانغله
 اهالی مذکورہ پک آز و قنده محو اولغله یوز طوندی و حتی قویا
 اطه سنک اثنای کشفده موجود اولان بر ملیون قدر نفوسندن
 یکرهی سنه مرورنده انجیق اون درت بیک کشی قدر قالدیغی
 کال تعجب و حشیتله مشهود اولدی . آمریکا یرلیرینک بوسفالت
 و فلاکتلری بعض انسانیت طرفدارلرینک مرحمتلرینی جلب ایدوب

کشفیاتک نتایجی

بونلردن مکسیقادہ اسپقوسلقده بونسان لاس قازاسک تکلیف
 ایلدیکی چاره بشنجی شارلک دخی تقدیرینه مظهر اولدیکه بو چاره ده
 یرلی آمریقالیلر بعدماعملیات شاقه ده استخدا م ایدلیوب بونلر یرینه
 آفریقادن کتیرله جک اسرای ذنجیه نك قولاللمسندن عبارت
 ایدی . بو صورتله اسرای ذنجیه تجارتی traite des noirs
 حادت مستکره می وجوده کله رک بو تجارت وحشیه نك کار
 وتمعی پک زیاده اولدیغندن اوروپا ملتلی بیئنده بو باده حصول
 بولان مسابقه ورقابت سایه سنده آفریقا قطعه سنده کی اهالی
 ظلمیده یوز بیکارله آمریقایه نقل ایلدیکه واوراده اوروپا لیلرک
 مظالمه قربان اولغده باشلادی . اسرای ذنجیه تجارتک موجب
 اوله جفی فنا لقلر قسماً اوکنی آلدیغی مضراته نسبتله فوق العاده
 ایسه ده ینه بوتدیر سایه سنده لاس قازاس پک بیوک بر شهرت
 انسانیتکارانه قرائغه موفق اولمشدر .

قطعات جدیده کشفیاتک اوروپاده موجب اولدیغی نتایج
 پک زیاده در . تجارتک بحرسفید سواحلندن بحرمحیط غربی و بحر
 شمال سواحلنه نقلی یدیرنی توازن قوایی تحویل ابله اولاسپانیا
 و پورتیکیز و صکرده انکلتزه و فرانسه و فلنک حکوماتک تجارت
 بحریه ده تفردلرینی و بین الدول اولدن مجهول اولان مستملکات
 و تجارت خارجیه مسائلک تحدرنی موجب اولدی . آمریقایه عدلتلی
 سایه سنده واسطه مبادلله اولان تقودک تکثری و بین الدول موجب
 تجارت اوله جفی انواع مواد ابتدایه نك اوروپایه و رودیله صنایع

داخلیدنک دخی کسب رواج ایلمی مذکور اداره لک اقتدار یله
 تجار تچه قدیماً موجود اولان برطاقم موانعک اذاله سی و پوسته لک
 تعمم استعمال یله مکاتباتک سهولتی و هر برده طریقتر و بندلی قنالر
 انشاسنک مظهر همت اولسی و سیر سفاسنک ترقیسیله هر درلو
 نقلیات اسکینسه نسبتله فوق العاده صورتده قولایلشمسی پک
 بیوک ترقیاتی موجب اولوب ملنر آره سنده کی مناسبات تجاریه
 و صناعیه اوروپاده اولدن مجهول بولنان بررقاه عمومی و کشایش
 افکار حاصل ایلمدی.

ثروت و تجارت مللجه وقوع بولان بوتحولک نتیجه طبیعیه سی
 قرون وسطی ده موجود جمعیتک بالکلیه اخلال اساسنی موجب
 اولدی شویله که قرون وسطی ده اساس جمعیت ثروت ارضیه
 اولوب حکم و نفوذده صاحب ارض اولان رهبان و زاندا کانه
 ایدی و بورژوازی صنفنک اصحاب اراضی بی چوق کریده بر اقسنی
 موجب ثروت منقوله حاصل اولغله پیدر پی هر برده نفوذ بو صنف
 متوسطه پکوب بورژوازی صنفنک حکومت سیاسیه لر بی اعلان
 ایدن تبدلاته زمین حاضر لاندیکه بوتبدلک صورت وقوعی قرون
 جدیده تاریخنک بر نقطه مهمه سی اولدیغنی کی بورژوازی
 صنفی ایله آحادناس بیلنده کی رقابتده عصر حاضرک و اعصار
 مستقبله نک ک حللی مشکل مسئله معنابهای اولدیغنی وارسته
 ایضا حدر.

پروتستاننگ ظہوری

قانونیک کلیسائی احوالی، تبدل افکار، لزوم اصلاحات، اندولز انیس، مسئلہ سی۔ نیچل، لوئزک صورت ظہوری و پروتستاننگ ترقیبی، دہساو و تورغاو اتذقلری و کویایلر عصبیاتی، آناپاستنلر، بشنجی شارلک پروتستانلرہ قارشو مسلکی، پروتستان امراسنک مغلویتلری، موریس دوساقس، آوغسبورغ فرمانی، اسقاندیناویا احوالی، کوسناووازا واسوج حکومتی، اسقاندیناویادہ لوئر مذہبنک تعیم وانتشاری.

قانونیک کلیسائیک احوال عمومیہ سی نقدر سوء استعمالہ محل ویردیکی و قرون وسطی نک خواص میرہ سندن بولنان جہالت عمومیہ سایہ سندنہ ہیئت رهبانک نہ درجہ دہ نصایح حضرت عیسی علیہ السلامہ مغایر برمسلتک اختیار ایلدکاری اقدمکی مباحثہ کورلمشدی، دہا قرون متوسطہ اواسطندہ سن برنارد و سن اوکوستن کی کلیسا اعاظمنک شکایتلرینہ ہیلمدہ براندکی ارباب فیرتک اصلاحات آرزولرینی تزییدہ سبب اولہ جق قدر کلی بولنان فناقلر کتدیجہ آرمش و آرتق صبر و تحملی مشکل درجہ بہ کیشدی.

جمعیت عیسویہ نک منافع دینیہ سنہ باقغہ و بوبادہ ہر درلو حظوظات نفسانیہ و ذوقیات دنیویہ بی فایہ مأمور اولان

كليسايه هيتنك قرون جديده ابتداسنده ارانه ايلديكي دارات
 واحتمام امثالمن صورتده ابدى اوروپانك هر طرفنده كلي
 اراضى به ومثلاً آلمانباده اراضينك نلئى انكترده خسي راده سنه
 مالك اولان رهبان ويركودن معافيت كبي امتيازله ثروت
 عظيمه صاحبي اولوب سفاقت واذواقه انهمك خصوصنده
 ومعيشت كبارانده سفهائى عصره پيشوا اولورلدى .
 كرك قادين وكرك ارلك مناسرتلى برطاقم رذائل ايله سوء
 شهرت قزاقوب تاهل ممنوعيتى ورياضت مجبوريتى كبي احكام
 فعلاً هر درلو حكم واهميتدن عارى قالوردى . مركز دين عد
 اولنان روما امور دنيويده انهمك ايله كايسا شعباتنه سوء مثال
 اولوب واقعا بر طرفدن ادبا وارباب صنابع حايه ايديلهرك
 نيجه آثار قيمتدار وجوده كتيرلدبسهده بوبابده كي همت ايله
 متناسباً رؤساي روحانيه اخلاقندهده انواع مساوى بسبتون
 ميدانه چقدى . قاتوليك كليسايى ايسه بوفناقلر ايله برابر سوء
 استعملالاتك قبانسى ايچون افكارك برداره تضيق ايچنده
 طوتلسنه وكيسانك نشر ايلديكي اعتقاداته قارشو كوچك بر
 تشبث مخالفتهكارانه بيله حصول بولماسنه غيرت ايدرك بوبابده كي
 همتنى ظلم واعتساف درجه سنه كتورمكه باشلادى .

حالبوكه افكارده بيوك تبدل واقع اولمشدى . بر طرفدن
 يونان قديم وروما ادبياتك تعميقى ايله تدقيقات علميه وادبيه
 وسعت كلوب مى ادبياتك وبرطاقم خفيف و شطارتلى آثار

واشعارك انشاريله ده لاتين لسان علميسنك افكار معلينه تحمیل ایلدیکی کابوس ظلمت بوزلدی . یکی آثار صنعت طبع سانه سنده الدن اله تداول ایدرک مطبوعاتک نفعی تعمیم ایلدی . کشفیات جدیده رهبانک اساس دین ایمش کبی ادعا ایلدگری برطاقم افکارک بطلاننی میدانه چیقاره رق اوجه تندنه افکاره وسعت کلدی . ارتق قاتولیک کلیساسنک مدعیات خودپسندانه سی جهلای ناس نزدنه دکسه ده عقلای قوم آره سنده مجروح عد ایلدی . تعمیم معارف ایلده امور دینیه به عقلی ابرنرک مقداری چوغالمش و بوسبيله هر طرفده کلیسانک تبدیل مسلاک ایلدی آرزو ایلدکه باشلامشدی . قرون وسطی نهایترینه طوغری وقوغ بولان بیوک کلیسا تفرقه سی افکاره برقاندھا تشتت و برمشدی .

قاتولیک کلیساسی ایسه زمانک الجا آتی ایله متناسب اصلا حاتده بولندرق رهبانک صفت روحانیه رینه دهاموافق برحال و صفتده بولنرینه و بوسورتله کلیسانک تزید شرف و اعتبارینه چالشه جنجی برده بالعکس کوندن کونه شکایتک آرنسنی موجب اجرا آنده بولنیوردی . پاپاز صنعتکارانی حمایه ده و ابنیه عالیه و آثار نفیسه انشاسنده هرکسدن ایلری کتدگرندن دوچار اولدگری مصارف کلیدی ایفا ایده بیلک ایچون یکیدن مبالغ و واردات تحریسنه قالدیلر و بومیانده بولنان اندولزاتسلر یعنی عفوکنسایه ایچون کلیسایه بر مبلغ معین تودیع ایلدیکی مبین ویریلان مقبوض ورقه لرینک سوء استعمالیله چوقدنبری افکارک

حاضر لاندیغی انقلابه برهانه ویرلمش اولدی که بوده پروتستان
مذهبنک ظهورینی موجب اولمشدر.

پاپا اونجی لئون مدیچی نك روماده انشا ایتدیرمکده
اولدیغی سن پترو کلیساسنک انشاسنه مقتضی اولان ملیونلرک
تدارکی ایچون علی العموم اوروپالیره خواهوناخواه عفوکنه
ورقه لری ویره رک اساساً اختیاری اولان بو اعانه بی مجبوریت
حاله کترمک صورتی دوشونلدیکندن برطاقم جرار رهبان
هر طرفه اعزام اولدیغی کبی آلماننک شمال جهته نینه ده دو می نیکن
رهبانندن تچل نامنده بریسی کوندرلشدی. تچل ممکن مرتبه
چوق باره طویلایه بینک ایچون هر درلو وسائط اقناعیه و تهدیدیه
مراجعت ایدرک نیجه یولسزلنده بولندیغندن حرکاتی انفعال
عمومی جالب اولمشدی. آلمانیه رهبان هر بردن زیاده ثروت
واراضی صاحبی اوله رق سوواستعمالاری چرق حس ابدلدیکندن
اکثر اوقانده کلیسا علیه شکایت صدالری اورادن ظهور
ایلدیکی کبی بودفعده تچلک تعدیاتی پروتستانلک مؤسسی
بولسان مارتن لوتر طرفندن تالیچی بک ایلری واران برقیام
وشکایتی دعوت ایلدی.

مارتن لوتر ساقسونیاده آیزله بن قصبه سنده « ۱۵۱۷ » سنه
هجریه شمسیه سنده تولد ایدرک برقیام معدنچینک اوغلی اولدیغی
حاله صنف رهبانه کیروب تحصیل علم ایلش و آلهیات ده
زمانک فریدی عد اولندیغندن ساقسونیا قورنورستی عاقل

فره‌دریق طرفندن وینبرغ دارالفنوننده علوم دینیہ معلمی نصب
ایدلشدی. وقار و متانتی فصاحتی علمی و وظیفه شناسا-لمغی
سایه سنده آزوقنده بیوک شهرت قزانشدی. فوق العاده متعصب
اولدبغندن زمانی روحایلرینک اطوار سفیهانه سنی نظر اسفله
کورر و کلیسانک مداخله سایه عفو معاصی احتمالی اولیوب بونک
لطف خدایه محتاج اولدبغنی تقدیر ایلدیکندن ریاضت و عبادته
کجه و کوندوزینی حصر ایدرک وجودی حقنده انواع عذاب
و جفایی اجرا ایلدی. بویه غیرت دینیہ صاحبی واسکی کلیسانک
صفوت و بساطتنی اعاده بیه ساعی بر آدمک اندواژانس سوہ استمالاتی
یقیدانه کورمسی قابل اولیه جغندن « ۱۸۹۵ » سنه سی اموات
بورطیسی کونی نشر ایتدردیکی طقسان بش ماده بی حاوی لایحه ده
تچلک حرکتنه اعتراض ایله برابر اساساً اندواژانس لمرده لسان
تعریضی اوزاندی مارتن لوتر او کوستن صنف ره بانندن اولوب
بو صنف ذاتاً اندواژانس لمرک فروختنه مأمور ایکن صکره بو
کارلی خدمت دومینیکن لره کچمکله منفعتلرینه خلل کلشیدی.
تچل و دومینیکن لوترک لایحه سنه یوز اون ماده لی بر لایحه ایله
جواب و یروب او کوستن لمرده رفیق لربنی التزام ایلدکلرندن ایکی
صنف پیننده بر طاقم مباحثات شدیدہ آچلدی و پاپا اوننجی اثونده
بونو ره بان آره سنده وقوعی پک معتاد اولان مباحثاتدن عدا ایدرک
زیاده اهمیت ویرمیدی.

فقط ایش اهمیت مز دکلدی. لوتر ده ایلک لایحه سنده عفو

معاصی آثار خیره ایله دکل صفوت اعتقاد ایله اوله جغنی ادعا ایدرک قاتولیک مذهبک اساسندن چیقیش و افکارینک شیوعی اوزرینه پاپا طرفندن ویتبرغه کوندربیلان قاردینال غائه تانولیک سوزلرینی ده دیکلمه ریک طوغریدن طوغریه پایایه مراجعت ایلشدی لوتر طریق اعتراضه کیردیکه قاتولیک مؤسساتی علیهنده کی افکاری ایلو کیدوب پیدرپی پاپارک ریاست روحانیه سنی «قومونیون وثن» آیدلرنده وجود حضرت مسیحی مراتب روحانیه بی مجالس روحانیه نک قرارلی مشروعت مطلقه سنی، ره بانک ناهلدن ممنوعیتی لزومنی وره بانک ثروت و املاکه تصرفرینه و سائر نیجه اساس موجوده بی قطعاً انکار و جرحه قالشدی و کندی ادعایرینک کفر اولدیغنه و سوزلرینی کری آلمزسه آفوروز ایدله جکنسه دائر پاپا طرفندن کوندربیلان فرمانی دخی ویتبرغده علی ملاء الناس و جم غفیر مواجهه سنده یاقدره رق ظهورینک اوچنجی سنه سنده پاپالیق مقامندن قطعاً فک رابطه ایلدی .

لوتر غیرت دینیله الجاسیله قاتولیک مذهبک سوء احوالی رد ایدرک اصلاحاته قاشمش و بالخاصه انجیل شریفک تفسیری کلیسایه عائد اولوق ادعاسنی جرح ایله بونک آلمانجه به ترجمه سنی وجوده کتیروب هرکسک کتاب الهی او قوبوب فصل اکلارسه احکامیده اوله اجرا ایلسنی التزام ایدرک کلیسایک و حدت اعتقادی بی بوزمشدی . ره بانک سفاهت و اعتسافندن بیرار اولان

عوام ناس پک چابوق، افکار جدیدہ بی قبول ایلشدی زادگان ایسه رهبانک صاحب ثروت اولمہ سنہ لوترک ایلدیکی اعتراضده کندیلری ایچون اراضی* رهبانیہ بی اله کچیرمک منفعتمنی کور۔ دکارندن مذهب جدیدهر طرفده رغبت بولوب آلمانیا ایمپراطوری ماقسیملیانک کوشک اداره سی وانک وفاتندن صکره عاقل فره۔ دریقک ایمپراطور وکالتده بولندرق لوتره مساعبدو لثمسی سیبیلریله تعرضدن آزاده قالدیسه ده بشنجی شارلک جلو سندن صکره قاتولیک و پروتستانلر آره سنده مذهب منازعاتی باش کوستر مکہ باشلادی۔

بشنجی شارل من القدیم وحدت اداره* ملکیمیه وصول آلمانانک وحدت مذهبیہ سنہ خلل کلامسنی وکایسا نفوذ و اقتدارینک حکومتلرله نده صرفنی التزام ایلدیکنندن جلوسنی متعاقب وورمس شهرنده بردهت عقد ایدرک لوتریده اورایه دعوت ایلش و فقط لوتر افکارندن ذره قدر نکول ایلدیکی حالده ژان هوسدن دها بختی یاور چیقاروق ایمپراطور دن اقدیمجه آلدیغی تأمینات سایه سنده سالمأ وورمس شهرندن چقمشدی۔ مع مافیہ افکار عمومیه ده کی هیجانه نظراً لوترک حیاتی تهلکه ده عداولندیغندن حامیسی بولنان عاقل فردریق مشارالیهی شو ایلدی و واسطه سیله بولدن چور دو ب وارتبورغ شائوسنده اخفا و محافظه ایلدی و لوتر مذکور شاتوده انجیل شریفک آلمانجه یه ترجمه سنی اکیال ایدرک اعتقاد جدیده دائر برطاقم آثار منفرقه

یازوب کرک بو اثرلر و کرکینه لوتر افکارینی التزام ایدن عالم مشهور و معارف یونانیده ماهر ملانختونک محرراتی مطبعه لر سایه سنده اوروپانک هر طرفه یانلغه باشلادی.

لوترک چبقاردیغی اعتقاد آلمانیده برچوق قاریشقلقزیده موجب اولمشدی. برچوق کویلیلر ده ااعتقاد جدیدک مزایاسنی واستعداد و تمایلاتنی اکلامق سزین بیرار اولدق قری احوالک بجه سنه رفعه و زادکان و کلیسا ایله هر درلو مناسبک ردوانکار یله مناستر و شاتولری تخریب و سکاننی قتله قیام ایلدکلرندن برمدت مملکت نیجه اغقشاشات ایله صارصلدی. حالبوکه لوترک اعتقاداتی زادکان علیهنده اولوق شوبله طورسون ره بانک املاکه متصرف اولماسنی و کلیسا اموالنک حکومتلره رجوع یله کلیسانک حکومت جسمانیه اداره و جایه سنه دخولنی التزام ایملکه زادکان پک مساعد ایدی. بوسبیله لوتر کویلیلرک مظالم و مدعیاتی علیهنده بولنوب یاکلش افکاره قربان اولان بو وحشیلرک محوی خصوصنده قاتولیک و پروتستان امراسی متفق بولندق قزندن بیکلرجه ارباب قیامک قانیه نأره اختلال سوندرلندی.

مع مافیله قاتولیک پرنسسلر کویلیلرک عصیاننی بهانه ایدرک پروتستانلر علیهنده ده ساوده راتفاق عقد ایلدکلری کبی پروتستان پرنسسلرده تورغاوده عقد اتفاق ایلدکلرندن آلمانیه ایکی دشمن فرقه سنه بولندی قاتولیکلر بریوک مجلس روحانی عقیده اختلانک فصلی چاره سنه باقمسنی ایستکلری حالده پروتستانلر بو مجلسک

کندیلرینی حقمز چیقاره جفنی محقق یلدکرندن بو چاره به راضی اولماقده ایلدیلر . قونستانس وبال اجتماع روحانیلری پاپازک قدرت مطلقه لری علیهنده بولندقرندن پاپازده ینه کندی نفوذلرینه رقیب اوله جق برکلیسا هیئتینی طویلایمورلردی .

بوصرده سلطان سلیمان قانونی نك بحارستان اوزرینه سفری وقوع بوله رق ایمپراطور آلمانیاده آسایش مذهبی تی تأسیسه ژوم کوره نك سپر شهرنده نشر ایلدیکی بر فرمان پروتستانلره مریستی مذهبی اعطا ایلوب فقط «سن» آیینی حتمنده کی اعتقاد جدیدك نشرینی منع ایلدیکندن مذهب جدید اربابی یوقراره قارشو پروتستوانتلرله اووقندن پروتستان نامنی قازاندیلر (۹۰۷) وارنسی سنه آوغسبورغ دیه ننه حالا لوتر مذهبی سالکلرینك اجمال اعتقادلری اولان اعتقادنامه بی تقدیم ایله شمالقالد شهرنده ده یکیدن تا کید اتضاق ایلدکرندن ایمپراطور بونلری تسکین ایچسون (۹۱۰) نورمبرغ شهرنده یکی بر فرمان اصدارینه مجبور اولدی .

لوتر کتیب دینه نك هر کس طرفندن مریستجه تفسیری لزومی ادما ائلکه یکی یکی بر طاقم مذهب و مسلک چیمغه باشلامشدی . یونلردن سالکلرینی بر تولدلی زماننده برده سن بلوغه وصوللرنده یعنی ایکی دفعه واقیز ایدن آنا بایستلر کویلیلر قیامنده بر چوق تعدیات و جنایاتده بولندرق همان کاملاً محو ایلدیلر ایدی فقط نورمبرغ فرمانتک نشرندن صکره بونلردن بر طاقه فلنک حدو-

دنده و ستقالیه و لایقنده مونستر شهرینه مستولی اولوب اورانك
 ايسقپوسنى طرد ايدرك هارلملى ژان ماتيسن نامنده برانكچى بی
 بیغمبر اولوق اوزره طانیهرق براداره تشکیل ایلدیله . آنا باپتستلرك
 خیالات بچونانه سی و دینلرنك نشر و محافظه سی بهانه سیله
 ایتدکری جنایتلر کندیلرینه زیاده سیله تعصب قوتی ویره رک
 تعدد زوجانك دخی قبولیه عالمه بی صورت دیکرده ترتیب
 ایلدیله و بتون شمالی آلمانانك قوای متحده سیله شهرلر تحت
 محاصره یه آلدیغی حالده قطعاً فتور کتیر میوب ژان ماتيسنك
 مقتولیتی اوزرینه ده ژان بو قولد نامنده لیدلی برترزی بی ذممه نیجه
 بیغمبر عدایله قراللق مقامنه چیقاردیلر .

بو ایکنجی قرالک خلاقمز لعی سلفنیده پکوب شهرده فقط
 ظهور یله هر کس آجلقدن اولمکه باشلادیغندن نهایت اون بش آی
 محاصره دنصکره مونستر شهری محاصرلرک ضبطنه پکوب اله
 پکن آنا باپتستلرك جله سی قتل ایلدی و بو طائفه بردها جمعیتله
 طغیان ایده مدیسه ده بقایاسی جایجا اخلال آسایش جرأتدن خالی
 قالدیلر .

بشنجی شارل پروتستانلغی کلیاً قالدیره رق و حدت مذهبی بی
 اعاده ایلک تصویرینی بر وقت ترك انلامشده بر طرفدن سلطان
 سلیمان قانونی و دیگر طرفدن برنجی فرانسوا ایله محاربه دائمه
 حالده اولغله بو ایکی قوتلی دشمنه برده پروتستان پرنسلی
 علاوه ایتک ایستیمه رک مذهب جدیدار یابینی نوازش ایله طومشدی

قطع قرسی معاهده سیله فرانسه نك ترك سلاح ایتمی و سلطنت
 سنیه ایله ده بش سنه لك برمنار كه عقدی شارله وقت قازاندر.
 دیغندن پروتستانلرله داخلی محاربه باشلادی و بر طرفدن تیرونده
 ترانت و یاتریده نت شهرنده بر یوك مجلس روحانی عقیده پروتستان
 اعتقاداتی رد و جرح ایدلدیگی کبی شارلده ایگی سنه مدته
 آلمانك شمال و جنوبی مظفراً طولاشه رق پروتستان امر اسنك
 نامدار لری اولان ساقسونیا قور فورستی ایله هس غران دو قه سنی
 اسیر ایتمكه و پروتستانلری بر مدت پنجه قهرنده طومغه موفق
 اولدی برکت و برسون که اوتر بو محاربه نك ظهورندن اول اوله رك
 طرفدار انك شوانه زامنی کوره مدی .

شارل غلبه کامله سی ، پایایله استشاره ایتمه رك هم قاتولیک
 و هم پروتستانلری ناخشنود بر افان بر فرمان ایله مسئله دینه بی
 فصله مباشرتی ، اسپانیا ، ایتالیه و بلجیقا قطع لرینی و برمک استدیگی
 اوغلی فلیپه آلمانیا امپراطور لغنی دخی و بره رك اقدیجه روما قرالی
 انتخاب ایستردیگی برادری فردیناندی بوندن محروم ایتمكه
 تشبثی و کبر و عظمت ایله ساقسونیا و هس پرنس لرینی دائمایه تبند
 کزدیرمی هر کسك تلاشنی موجب اولدی از جمله ذاتا پروتستان
 اولدیگی حالده محضاً ساقسونیا منتخبلکنی اله کچیرمک ایچون
 شارله مامشات ایدرك پروتستان شهرلرینك الك قوتلیسی
 بولنان ماغدبورغی دخی اون آی محاصره دن صکره ضبط ایدن

موريس دوساقس ارتق نائل امل اولوب شمى شارلك قدرت وعظمتندن قورقغه باشلادی .

موريس دوساقس غایت قورناز اولوب بر طرفدن فرانسه قرالی ايكنجى هائرى ايله فریدوالد معاهده* اتفاقيه سنى امضا وبر طرفنده پروتستانلى اغوا ایلدك دن صكره شارلك اينسبروق شهرنده نشئه غالبته امن وامنیت ایچنده بولنديغى بر زمانده وقیش اورته سنده بغته شمالي آلمانیاى استیلايله تيرول اوزرينه يورديكندن شارل مدت حياتك محصولنى برآنده غائب ايدرك پروتستانلره سربستى* مذهبی اعطا ایدن پاساو فرماننى امضالامغه واسير پرنسلى براقغه مجبور اولدى . وكنديسيده بيك مشكلات ايله بولنديغى رذن اوستريا جهتلىنه قاچايلدى .

بشجى شارل استعفا سندن اول (۹۳۳) تاريخنده آوغسبورغ فرماننى نشر ايدرك پروتستانلره سربستى* وجدان وحریت دينيهى وردى وپاساو فرمانك امضاسى تاريخنه قدر قاتوليك كليسامى يندن نزع ايدلمش اولان اراضينك اصحابى عهده سنده قالمشده تا مین ایلدى . بو آوغسبورغ فرمانى بر مدت مذهب ايشلرنده صلحى تاسيس ایلدى ايسه ده بعض احكامى ايلروده ينه مذهب محاربه سى توليد ايدمك صورتده ایدی شويله كه «ره زروات اقله زياستيق» تعبير اولنان ماده بهدما پروتستان مذهبنه كيرن قاتوليك رؤسای روحانيه سنك اللرنده كى كليسا

اسویج احوال

اراضیسنی ضبط و حفظ ایده میوب اعاده به مجبور اولمیری قانونیک پرنسیرک مملکتنده پروتستانلغک سربست اولماسی 'سریستی' مذهبینک بحث آتیده بیان ایذیله جک قالوین مذهبی سالکریته عدم شمولی کبی بعض احکام واردیکه بوسلحک اضطراری بر شی' اولدیغنی کوسروردی وایلروده اوتوز سنه محاربه سنک وقوعیله سیل کبی قان دوکلدیکه آلمانیا ده آسایش مذهبی صورت جدیدده اولهرق تأسس ایده مدی.

لوتر مذهبی آلمانیا دن بشقه اسقاندویا قطع سندده انتشار ایلدیسه ده اورالده بوتبدله برطاقم اسباب ماده سبب اولدی. قرون وسطی مباحثنده کورلدیکی اوزره دائیارقده قراچیه سی اولوب عقل ودرایتی حسیبیله شمال سمیرامیسی نامنی فرانان مارکریت دووالده مار قالمار اتفقیله اسویج ونورویج ودائیمارقه قطع لرینی براداره آلتنه آلمشده آنک وفاتندن صکره اسویج برمدت بته اعاده استقلال ایلشدی. فقط ۱۸۹۱ تاریخده دائیمارقه نختنه جالس اولان ومظالمیله شمال زونی عنوانی بحق قزنان ایکیجی قریستیان ۱۸۹۸ سنه سنده اسوچایلیری بوکوزوند محاربه سنده پریشان ایدرک بته قالمار انجادیبی اعاده ایلدی و ذعمنجه کندی حکومتنی تأمین ایچون ستوقهولم شهرنده معتبران و اشرفدن طقسان درت کشی ایله سائر التی یوز آدمی برکونده اعدام ایدردیکی کبی اسوچک بالجمله شهر لرنده ده قتلر صورت منتظمده ایشلیکه باشلادی.

بیکرجه محبوبین میانده اسوچک اسکی قرالری خاندانندن
 کوستاو وازا دخی بولنوب مشارالیه ایسه محبسندن فراره
 موفق اوله رق برچوق مهالك و سرگذشتدن صکره داله قارلیه
 ولایتی معدنچیلری میانده کیرلنوب صکره انلری آیاقلاندیرمش
 واسوچلیلر هر طرفده کندیسینه حرمتله اطاعت ایلدکلرندن
 استوقهولم شهرینی محاصره ایلشدی . بو محاصره ایکی سنه مدت
 دوام ایلدی . نهایت زادکانک حقوقنی آزالتمسندن طولابی
 صنوف ممتازه ییده دلکیر ایدن قریستبانک حکومتمسندن محروم
 قالارق برینه بعدما دایمیارقه ده قرالغک انتخابی اولسی وزادکانک
 بالجله حقوق قدیمه لرینک اعاده سی شرائطیله هولشتاین دوقه سی
 فرهدریقک جلوسیه استوقهولم قبولیده کوستاو وازایه آچیلوب
 اوده اتفاق عموم ایله اسوچ قرالغنه چیقارلدی (۹۰۱) .

اسوچده اراضینک ثلثانی و بلیکه زیاده سی ره بان وزادکان
 الارنده اولوب عوام ناس ایله هر درلو معارف و مزیتدن محروم
 حال سفالنده ایدی . صنوف ممتازه سیبیه قرالک نفوذ و اقتداریده
 هیچ حکمنده قالبوردی . کوستاو وازا حکومت مطلقه تأسیسنه
 ودایمیارقه ایله اتفاق حسیبیه خلقجه ده منفور اولان قاتولیک
 کلیساسنی قالدیررق لوزر مذهبنی قبوله و کلیسا اراضیسنک
 مضادرسیه خزینه نک مضایقه سنی دفعه قرار و بردیسه ده بردیره
 بومقرراتک جمله سنی اجرا ایلک قابل اولدیغسندن بو باده یواش
 یواش موفق اوله بیلیمک ایچون هر درلو وسائلدن چکنمدی .

قاتولیک مذهبندن رسماً رجوع ایلکمزین لوتر مذهبک نشرینه
 مساعده و بومذهب رهباتنی حایه ایتدی زادکانی رهبان اللرینه
 یکمیش عالی لری اراضیسنی ضبطه تشویق ایدوب انلره پیشوا
 اولدی ورهبانه عاقد عشرک نئشاننی مضایقه خزینه بهانه سیله
 ضبط ایدوب بونکله قوه عسکریه ترتیب ایلدی و وسترده طویلا
 دیغنی مجلس اهالی به پیدرینی بالجمله تکلیفاتنی قبول ایتدروب
 نهایت برمدت مروریله رسماً لوتر مذهبنی ده قبول ایدرک قاتولیک
 رهباتنی ملکندن دفعه (۹۰۶) موفق اولوب یالکز تشریفات
 رهبانیه جه اصول قدیمه نک محافظه سیله حسابات اهالی به رعایت
 کوسرتدی .

کوستاو وازا سایه سنده اسوج قطعده سی لوتر مذهبنی قبول
 ایدوب مشارالیهده حکومت مطلقه به نائل اوله رق اقتدار
 جدیدینی ملکتنک ازهر جهت ترقیاته حصر ایله و فائنده اسوچی
 دول معظمه دن معدود اوله رق بر اقدی و بودولتنک او توز سنه
 محاربه سنده غایت بیوک بر موقع طوتمسنه یاردم ایدن اسباب
 قدرتی تمیه و احضار ایلدی .

لوترک افکاری دها ایکنجی قریستیان زماننده دایم ارفهده
 انتشاره باشلایوب بونک خلنی برنجی فره دربق ده پروتستانتلره
 زیاده مساعده بولنشدی . فره دربقک خلنی او چنجی قریستیان
 وقتنده دایم ارفه و نوروج قطعدرنده لوتر مذهبی مذهب رسمی
 اولوب قاتولیک کلیسامی اموالینک مصادر دسیله خزینه دولتمه وسعت

قانون و آنقلابان مذهبلی

کلدی . فقط کلیسا نك صهفيله دانیمار قه ده نفوذ و اقتدار صرف زادگان
النده قالدی و زادگانك انتخابيله مقام حكومه چیقان قرالار كسب
اهمیت ایله مدكرندن ۱۰۴۸ سنه سنه قدر بو بد بخت دانیمار قه نك
زادگان یوزندن كور مدیكى سفالت قالدی .

دانیمار قه یه لو تر مذهبنی قبول ایتدیرن او چنجی قریستیانك
زمانده قونت بحاربه سی نامیله مشهور اولان بحاربه عظیمده
وقوع بوله رق هانزه شهرلی نك قدرت و قوتسه او وقت خلل
ككشد . بو صورتله شمالده هانزه اتفاتی و دانیمار قه دولت
مقتدره سی حكمدن ساقط اولغله روسیه نك ظهورینه قدر شمالی
اوروپانك الك بولك دولتی اسوچ حكومتی اولمشدر .

۴

قانون و آنقلابان مذهبلی

ترویغلی . جنوه و قانون . نئودور دوهز . جون نوقس . قانون
مذهبنك فرانسه فلنك واسقوجیاده اتشاری . انكلتره و سكرنجی هانری .
هانریك اخلاقی و مظالمی . آنقلابان کلیسا نك تاسیسی . ماری نودور . البرایت .
انكلتره ده پروستانانك تقرری . پروستان مذهب پیئنده کی فرقلر .

مذاهب جدیدنك ظهوری قانونیك کلیسا نك اراهه ایلمدیكى
سوه احوالات نتیجه طبیعه سی اولغله اوردن بشقه و همان عینی

زمانده اصلاحات مذهبيه تصورنده بولنانلرده واردی. مثلا
 اوسوچیرهده تزوریخ ناحیه سنده اورانک راهی بولنان اولریخ
 تزویغلی ۸۹۵ سنه سندن اعتباراً انجیل شریفدن بشقه اساس
 مذهب طایفیدینی بیان ایله پاپانگک و مجالس روحانیه نك ردنفوذینه
 و مراتب روحانیه نك القاسیله کایسا املاک نك غیر مشروع
 بولندیغنه قائل اولمشدی. تزویغلی نك مذهبی « اوانزه لبق »
 « انجیلی » نامیله معروف اولوب اوسوچیره نك آلمانلره مسکون
 حوالیسنده انتشار ایلدیسه ده مؤسس قاتولیک ناحیه لرله بر
 محاربه ده مقتول اوله رق هر ناحیه نك امور مذهبیه سنی تنظیمده
 سربست اولسی قرارلشدی.

اوسوچیره نك دیگر برجهتنده ایسه ده قوتلی بر پروتستان
 مذهبی تأسس اولمشدی. ساووا دو قه لری حایه سنده بر ایستقوس
 طرفندن اداره اولنان جنوه شهری پروتستانلغه میل ایدوب
 حاکم روحانی سنی طرد ایلدیکی صرعه فرانسده نو اوبن شهرندن
 کلان قانون نام عالم اوراسنی بر بولک پروتستانلق مرکزی حالنه
 افراغ ایلدی قانون نامه منسوب قلوبست مذهب نك مؤسس
 اولوب فرانسده دین عیسوی به دائر نثر ایلدیکی Institution
 chretienne نام ارنده افکارینی بیان ایلکله وطننده دوچار
 تعدی اوله جفنی اکلایقه جنویه کلوب اوراده افکاری قبول
 ایلدیله یکی جنوه جمهوریت نك رئیس کی بر پایه قزاندی.

قانون قاتولیک کایساسی اعتقادات نك رنده بک چوق ایلری
 کیدوب آیین و اعتقادی کاملاً دکشدیرمش و افکارینه اشتراک
 ایتیانلره فارشو کوستردیکی شدتله قاتولیک کایساسنه رحمت
 او قوتلشدی. قضا و قدر حقنده کی افکاری غایت شدید اولوب

اراده جزئیہ بی بیلہ قبول ایلدیکی حالده اخلاق قواعدینک مرعیتنده افراط ایدرک هر درلو ذوق و صفا واکنجہ بی منع ایش و جنوه شهرینی ذوق و شطارتدن بالکلیه محروم بر عبادتگاه حالده قومشدی . اقایم ثلثه اسراری حقننده کی مطالعه سی قالونک افکارینه توافق ایلان میشل سروت نام عالم قالونک امریله جنوه شهری میداندده احراق اولمشدی . مع مافیہ بوشدتی اداره روحانیه جنوه بی اعتقاد جدیدده تقویه ایدرک شهر مذکور طول مدت اوروپاده پروتستانلغک حامیسی کسیلدی و جسمانیله غیر متناسب بر اهمیت عظیمه قراندی .

قالونک مذهبی تلامیذندن تئودوردوبه زماننده بر فرانسز واسطه سیله فرانسهده نشر ایدیلوب فرانسزلردن بر چوغی بوکا سالک اولدقرندن فصل آتیده بیان ایدیله جک مذهب منازعاتی و تعدیات بوندن تحدت ایلدی فرانسز پروتستانلری هوغنو huguenots نامیله معروف اولدیلر .

قالونک مذهبی فلنکدهده منشر اولدی . فلنک قطعہ سی آلمانیایه قریبتی حسیبیله اول امرده لوتر مذهبنه میل و رغبت کوستر مشسهده بشنجی شارلک تدابیر شدیده سی بو مذهبک انتشارینه مانع اولمشدی بوکامقابل اساس طریقہ اسویچره دن کلان قالونست و یاره فورمه مذهبی ده از یاده موقیبت قرانارق پیدرینی بتون فلنکلیر بوکاسالک اولدیلر و یکی غیرت مذهبیه نک تأثیریه آتیده بیان ایدیله جک ایکنجی قلیب زماننده استقلالرینی بیله قراندیلر .

قالونست مذهبک استیلا ایلدیکی ممالکدن بریده اسقوجیا قطعہ سی ایدی . اسقوجیا قرالی بشنجی ژاقت و قانتندن صکره قزی کوچک ماری ستوارتک و صیه سی اولتی اوزره زوجه سی

ماری دو کبر نائبه حکومت اولمش و اداره بی درایتی و فقط سوء اخلاق صاحبی اولان قازدینال پیتونه بر اقمشدی . بوضروده قالوینک تلامیذندن بولنان اسقوچیلی جون نوقس مملکتنه کلوب معلمک افکارینی نشر ایله مظهر رغبت اولدی اسقوچیا کلیسایسی پور بتانیرم نامیله معروف اوله رق قاتولیکاره خصومتده و تعصبده پروتستان کلیسالیکنک جله سنی کچوب ایلروده پک بیوک قانلر دو کله سنه سبب اولان مذهب منازعه لرینک مبادیسی دهسا او وقتدن باشلادی .

انکاترده پروتستانلئک قبولی ایسه خلئک احتیاجات معنویه سندن و یا خود زادکانک انهماکنندن نشأت اتیلوب صرف قرال سکزنجی هارینک آرزو و قراری نتیجه سی ایدی . پدینک قورنازلغنه فوق العاده خرچنلق و حرص استبداد علاوه ایدن سکزنجی هاری یکریمی درت سنه دنبری آراغون پرنس لرندن قاترین ایله زوج و زوجه اولوب ادواقه اولان انهماکی حسبیله زوجہ سنی تطبیق ایدرک یکیدن تأهلی قورمش و طلاقه بیانه اولتی اوزره زوجہ سبیله یینئرندہ مانع نکاح اولان برقرابت موجودیتی کشف ایلدیکنی ادما ایتشدی . حکمدارانک بوکچی طلاق آرزو لرینه دائما پایار طرفندن روی مساعده کوسترلمکده ایسده . بشنجی شارل قاترینک عوجه سی اولوب او وقت پایا بولنان یدنجی قله مانده عادتاً شارلک اسپری بولندیغندن هارینک بو آرزو سنی اسعاف ائتک قابل اوله مدی . هاری ایسه پاپانک ترددینه تحمل ایده مدیکندن (۹۰۹) سنه سنده پارلمنتویه کندی سنی انکلیز کلیسایسنک حامی سی و رئیس یکنه سی اعلان ایتدیره رک پاپانک حکومت روحانیه سنی ردو قاترینی بالتطبیق آن دو بوله بن

نامنده بر فادین ابله تزوج ایلدی . مع مافیه هانری حدتته متابعت ابله یایدیغی بو حرکتنده اساساً هیچ بر شیشه قرار ویرماس ایدی . کندیبسی من القدیم پروتستانلر علیهنده بولنوب حتی لوترک مدعیاننی تکذیب ایچون برار یازدیغندن پایا طرفندن اعتقاد حایمسی عنواننی قزانش و حالابو عنوانی حامل بولمشدی که ایوم انکلتره حکمدار لری القاب رسمیه میانده بونیده محافظه ایشلر در .

بوسبیله هانری پروتستان اوله مزدی پایانک حکومت و روحانیه سنی انکار ایتمکله قاتولیکده دکلدی بر طرفدن قاتولیک اولدیغنی اثبات ایچون پروتستانلری یاقدر دیغی کبی ریاست روحانیه سنی تصدیق ایمان قاتولیکلری و بومیانده شانسلیه توماس موروس کبی بر عالمی دخی اعدام ایتدیردی و بش التی دفعه تا اهل ایدوب آن دو بوله بن وقارین هوارد نام زوجدرینی اعدام ایتدیره رک ایتدیکی مظالم قلمدی . یکی قبول ایتدیرمک ایتدیکی اعتقادی حاوی التی ماده بی پارلمنتو قرار ابله نشر ایتدیره رک بونی نه قاتولیکلر ونه ده اوترو قالوین مذهبلینه سالک پروتستانلر قبول ابله مدیکندن مشهور انکی ریسبون محاکمندن ده اشدتلی محکمه لر تشکیلی ابله الکیوک رجالدن عوام ناسه قدر نیجه آدملری میدان سیاسته کوندردی که بو صورته هانریک تعدیاته قربان اولان بیچار کاک مقدراری یتش ایکی بیک نفره بالغ اوله رقی روما امپراطور لغنک الفنا وقتلری رجته یادایدیلیر اولدی و اعدامه محکوم اولانلرک بالجمله اموال و املاکیده مصادره ایلدی .

سکزنجی هانریک وفاتنده اوغلی ادواردک و صدیقی بولنان دوق دو سومرستک اصل پروتستانلغه مائل بولمسی اوزرینه هنوز نه اوله جغی بیلیمیان بو انقلابان مذهبی قاتولیکلرکدن دها


زیاده تیساعد ایدرک هزاری زماننده انجیل شریفک ودعاریک
 انکلیزجه به ترجمه ایدلسنک تأییراتی کورلندی . فقط بو حکمدارک
 هنوز اون یددی یاشنده وفاتیه بویک همشیره سی وقارین داراغونک
 کریمه سی ماری تودورک جلوسیه به قانولیک مذهبی مذهب رسمی
 اتخاذ ایدیلوب ایکی دفعه در تبدیل مذهب ایدن کبار وزادگان
 تکرار قانولیک مذهبنه عودت ایدیلر پروتستانلرک حقمنده جزالر
 ترتیبنه باشلانرق یوزلرجه آدملرینه اعتقاد سنبه محکوم اعدام
 اولدی . ماری متعصبه قانولیک اولدیغی کبی بک زیاده سودیکی
 زوجی اسپانیا قرالی ایکنجی فیلیک دخی تأییراتنه تابع اولغله
 پروتستانلر طرفندن قانلی توصیفنه شایان کوربله جک درجه تعدیانه
 بولندی . ماری تودوریا لکزیبش سنه حکومت ایدرک (۹۳۱ ۹۳۶)
 زوجنک تشویقیله فرانسه علینه محاربه به کیرمش وقاله قلعه
 ولیمانی فرانسرل فتح ایلکله عادتا کدرندن ترک حیات ایلشدی .
 بشته وارثی اولماغله حکومت کوچک همشیره سی آن دو بوله نک قزی
 بولنان و پروتستان افکارینه مساعد اولسی حسدیه دائماً مجبوسینده
 وقت پکیرن الیرابته قالدی . الیرابت ابتدای جلوسنده مذهب
 خصوصنده متردد اولوب حتی قانولیک رهبانی طرفندن تقدیس
 ایدلدی ایسده رأس حکومتده تقرر ندرنصرکه همشیره سنک بالجمله
 اوامر مذهبی سنی ابطال ایله پیدرپی آغلیقان کایسانی تشکیل
 ویکی کایسانک ریاست روحانیه سنی در عهده ایلدی .


الیوم موجود بولنان انکلیز مذهب رسمی اصول و اعتقادی
 بالجمله الیرابتک قانونلرینه استند اولوب مشارالها زماننده هم
 اعتقاد نامدلر تنظیمیه مذهب جدیده بر شکل ویرمش و همده
 دولت امورنده بولنده جق آدملر بو اعتقادنامه موجبجه تخلیف

ایلملری اصول انخاذا ایدیلهرک خدمات دولت کرک قاتولیکاره و کرک سائر پروستان مذهبی اربانه قیامتدر بوسبیلله انکاترده انغلیقان مذهبک وقایه سی وطنپرورلک لوازمندن معدود طویلهرق معارضلیده خان عد ایدلدیکندن و حقیقتاً بونلرک صورت حرکتلیده بوطنه قوت و یردیکندن آسایش مذهبی تأسس ایده میوب آتیده کوریله جکی و جهله قاتولیکارک خصوصتی برچوق کشمکشی موجب اولدیغی کبی انغلیقانلغه معارض بولنان پروستانلرک قیامیده مؤخرأ سنوارت خاندانک حکومتنن محرومیتنی انتاج ایلشدی .

صورت مشروحه ده تأسس ایدن انغلیقان مذهبی قاتولیکارکله یک یقین ایدی ریاست روحانیه به پایابینه حکمدارک اقامه سندن مناسترلرک ورهبانه تاهل ممنونیتک قانمسندن، انجیل شریفک و ادعیه نک ترجمه سندن و بعض اعتقاد فرقه لرندن بشقه بر شیء دکشمیوب هله مراتب روحانیه حال اصلایسنده قالدی . لوتر مذهبی ایسه بو بولده دهایلری کیدرک طرز عبادتی بالکاید تبدیل ورهبانک درجات و مراتبنی ده دها بسیط برشکاه افراغ ایلشدی . فقط اصل قاتولیک کایساسی اصول اعتقادی قاتولین مذهبی زیروز بر ایدوب بو بولده جهله دن ایلی کیدن و هر حال و حرکتلرینی تورات و انجیل شریفه تطبیقه چالشه رق هر در لو افکار و اصول معتاده بی رد ایدن قالیونسترلر هر رده فوق العاده تعصب ابراز ایلدکارندن الکیوک راحتسزلکار بونلر بوزندن ظهور ایلدیکی تفصیلاتی صرهمی کدیجه ذکر اولنه جقدر .

انتهای جلد ثالث





Library of



Princeton University.

PURCHASED FROM FUNDS

GIVEN BY

THE GRANT FOUNDATION

Princeton University Library



32101 075614881